





**LIBRARY**  
**Brigham Young University**



**DANIEL C. JACKLING LIBRARY**  
**IN THE**  
**FIELD OF RELIGION**











h













# BREVIARIUM

ROMANUM

---

PARS VERNA

[Nº 87]

# BREVIARIUM

— ROMANUM —

PARS ALTERA







L. J. HALLER invt

EM. BERTHAULT. IMP. TOURS.

F. LUDY sculpt

ALFRED MAME ET FILS. EDITEURS.



82.02  
2866 no  
898  
v.2

# BREVIARIUM ROMANUM

EX DECRETO SACROSANCTI CONCILII TRIDENTINI RESTITUTUM

S. PII V. PONTIFICIS MAXIMI

IUSSU EDITUM

CLEMENTIS VIII. URBANI VIII. ET LEONIS XIII.

AUCTORITATE RECOGNITUM

CUM OFFICIIS SANCTORUM

NOVISSIME PER SUMMOS PONTIFICES USQUE AD HANC DIEM CONCESSIS

---

PARS VERNA



TURONIBUS

TYPIS A. MAME ET FILIORUM

S. SEDIS APOSTOLICÆ ET S. RITUUM CONGREGATIONIS  
TYPOGRAPHORUM

---

M. D. CCC. XCVIII

## APPROBATIO

---

HÆC editio typicæ conformis reperta est. In fidem etc.

Ex Secretaria Sacrorum Rituum Congregationis, hac die  
28 Octobris 1893.

(L. † S.)

Pro R. P. D. Vincentio Nussi

Secretario.

Joannes PONZI Substitutus.



# TABULA

ROMÆ EDITA, ET AD HOROLOGIIUM GALLICUM ACCOMMODATA

## DE HORA

qua potest inchoari pro die sequenti Officium Nocturnum  
a privatim recitantibus.

---

20 Januarii,	Hora secunda cum quadrante.
13 Februarii,	Hora sesqui-secunda.
1 Martii,	Hora secunda cum tribus quadrantibus.
18 Martii,	Hora tertia.
4 Aprilis,	Hora tertia cum quadrante.
20 Aprilis,	Hora sesqui-tertia.
10 Maii,	Hora tertia cum tribus quadrantibus.
8 Junii,	Hora quarta.
30 Julii,	Hora tertia cum tribus quadrantibus.
28 Augusti,	Hora sesqui-tertia.
7 Septembris,	Hora tertia cum quadrante.
24 Septembris,	Hora tertia.
13 Octobris,	Hora secunda cum tribus quadrantibus.
20 Octobris,	Hora sesqui-secunda.
18 Novembris,	Hora secunda cum quadrante.
15 Decembris,	Hora secunda.

---

## ORDO LIBRORUM

PER ANNI CIRCULUM IN ECCLESIA DEI LEGENDORUM  
PATET PER HOS VERSUS

---

Disce per hoc scriptum quid sit, vel quando legendum.  
Adventus proprie vult sermones Isaïæ.  
Post Natale sacrum recitat sacra lectio Paulum.  
Quinque libros Moysi tibi Septua Quadraque misit.  
Vult sibi scripta legi Jeremiæ Passio Christi.  
Actus Apostolicus sequitur post Pascha legendus.  
Hinc Apocalypsim lege, Canonicasque vicissim.  
Post Pentecosten Regum liber exit in hostem.  
Inde per Augustum retinet Sapiencia scutum.  
Per totum mensem Sapiens Salomon tenet ensem.  
Cantat September Job, Tobiam, Judith, Esther.  
Octobri mense Machabæa trophæa recense.  
Isti Ezechiel, Daniel, durabunt mense Novembri.  
Postea tu repetes bis sex in fine Prophetas.

---



# EX DECRETORUM REGISTRO

## SACRÆ RITUUM CONGREGATIONIS

HÆC AD BREVIARIUM ROMANUM ATTINENT

**S**ACRA Rituum Congregatio declaravit et decrevit, non potuisse post Bullam S. Pii V. de Breviario Romano, neque posse locorum Ordinarios, tam Sæculares quam Regulares, addere Calendariis, etiam propriis, Sanctorum Officia, nisi ea dumtaxat quæ Breviarii Romani Rubricis, vel Sacræ Rituum Congregationis, seu Sedis Apostolicæ licentia conceduntur : neque propria auctoritate, quovis prætextu, mutare ritum qui habetur in Calendario Romano seu Rubricis Breviarii, in altiore ritum, neque extendere concessa Officia de loco ad locum.

Item vetuit et prohibuit celebrari per totam Civitatem vel Diœcesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis in qua passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Calendario Romano seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consulari Sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum SS. D. N. Urbano Papa VIII., ea laudavit et approbavit, atque ab omnibus ubique sub prædictis pœnis servari præcepit; necnon in novis Breviariis de mandato Sanctitatis Suae imprimendis apponi jussit. Die 13 Januarii 1631.

Loco † sigilli.

T. TEGRIMIUS Episcopus Assisien., Secret.

### EJUSDEM PRO SANCTIS AD LIBITUM

**E**ADEM Sacra Rituum Congregatio, habita die 2 Decembris 1673, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquem diem Festorum mobilium, sed tunc illo anno eorum Officia esse omittenda. Quod ipsum postea Innocentius Papa XI. in Congregatione habita 24 Januarii 1682 generali decreto confirmavit, et extendit insuper etiam ad Octavas et Natalitia Sanctorum, de præcepto in aliqua Religione vel Diœcesi, ex indulto Apostolico recitanda. Ita ut ne quidem dictis Festis vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impeditum transferatur : item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

### EJUSDEM PRO SANCTIS IN MARTYROLOGIO NON DESCRIPTIS

**O**FFICIA Sanctorum ratione Corporis, seu insignis Reliquiæ, recitanda, ex Decreto S. R. Congregationis 11 Augusti 1691 intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus : de cæteris autem Sanctis in prædicto Martyrologio non descriptis, aut quibus a Sancta Sede non fuerit specialiter concessum, Officia recitari et Missas celebrari vetuerunt, non obstante quod ipsorum Corpora, vel

insignes reliquiæ in Ecclesiis asservuntur : quibus tamen ab Ordinariis locorum approbatis debitam fidelium venerationem (prout hactenus servatum est) exhibendam esse censuerunt, sed absque Officio et Missa, sub pœnis de non satisfaciendo præcepto recitandi Officium, aliisque in Constitutione S. Pii V. contentis. Die 11 Augusti 1691, et Sanctissimus approbavit die 19 Octobris ejusdem anni 1691.

Loco ✠ sigilli.

J. VALLEMANUS S. R. C. Secret.

#### DECRETA GENERALIA CIRCA RUBRICAS

**C**UM Sacrorum Rituum Congregationi demisse supplicatum fuerit sequentia dubia declarare :

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, v. g., de Sanctissimo Sacramento. vel de Sanctis, in diebus non impeditis aliquo Festo duplici vel semiduplici, liceat ejusmodi Officia facere etiam in diebus sanctæ Quadragesimæ, Adventus, Vigiliarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus?

Secundum. An dies impeditus Festo duplici vel semiduplici pro dictis Officiis recitandis, intelligantur etiam dies in quibus ponendum est Officium de Festo duplici vel semiduplici translato, quemadmodum dicitur responsum fuisse olim a Sacra Congregatione : Quod scilicet Festum duplex vel semiduplex etiam translatum, necnon dies Octavæ sit dies impeditus respectu talium Officiorum?

Tertium. An Regulares absque speciali privilegio, sed sola communicatione privilegiorum aliarum Religionum, possint addere nomen Sancti Fundatoris in Litanis, et Confiteor? itemque recitare Officia et Missas concessas aliis Religionibus?

Sacrorum Rituum eadem Congregatio, ad relationem Eminentissimi et Reverendissimi Domini Card. Colloredo, respondit :

Ad primum, Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, nec in Feria secunda Rogationum, nec in illa Feria in qua secundum Rubricas sit reponendum Officium Dominicæ.

Ad secundum, affirmative.

Ad tertium, negative in omnibus.

Et ita declaravit, ac servari voluit. Ac insuper ut Declarationes, seu Decreta prædicta omnibus innotescant, typis ea imprimi mandavit. Die 20 Martii 1706.

Loco ✠ sigilli.

G. Card. CARPINEUS.

B. INGHIRAMI Sac. Rit. Cong. Secret.



## LICENTIA ET APPROBATIO ORDINARIJ

GUILLELMUS RENATUS MEIGNAN

Miseratione Divina et Sanctæ Sedis Apostolicæ gratia, S. R. E. Cardinalis  
Presbyter, tituli SS. Trinitatis in monte Pincio, Archiepisc. Turon.

Omnibus has visuris Salutem in Domino.

CUM a Papa URBANO VIII. decretum sit ne quis typographus Breviarium Romanum PII V. Pont. Max. jussu editum, CLEMENTIS VIII. primum, deinde ipsius URBANI VIII. auctoritate recognitum, imprimat vel in lucem edat sine licentia, eaque in scriptis, obtenta ab Ordinario loci, ac nisi prius ab eodem cum exemplari typis Vaticanis anno 1632 excuso concordare fuerit repertum; hinc est quod dederimus licentiam dilectis Nobis A. MAME et Filiis, typographis et bibliopolis Turonensibus, illud imprimendi, dummodo tamen in impressione absolvenda nuperrima vel alia correctissima uterentur editione Romana, et illius exemplo absolutissime et strictissime se conformarent. Insuper eidem novæ editioni Breviarii inserta volumus Officia, ab ultima editione Romana a Sancta Sede ad universalem Ecclesiam extensa, eaque juxta exempla typographiæ Rev. Cameræ Apostolicæ.

Postquam autem Breviarium prædictorum A. MAME et Filiorum opera ac typis absolutum cognovimus, et per revisores ad id deputatos fuimus legitime informati illud cum suo originali, diligenti collatione facta, convenire, dictum Breviarium in 4 vol. ut vocant in-12, excusum approbavimus, prout per præsentantes approbamus.

In quorum fidem hasce subsignavimus, sigilloque nostro, ac Secretarii nostri generalis chirographo muniri fecimus.

Turonibus, die 20 Octobris 1893.

† GUILLELMUS RENATUS CARD. MEIGNAN

ARCHIEPISCOPUS TURONENSIS.

Loco † sigilli.

De Mandato EE. ac RR. DD. Cardinalis Archiepisc. Turon.

J. SELLIER Can. Secret. gen.

## DE ANNO ET EJUS PARTIBUS

**A**NNUS menses habet duodecim, hebdomadas duas et quinquaginta, et diem unum : dies vero trecentos sexaginta quinque, et fere sex horas : tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt : hinc annus ille intercalaris, Bissexthus, vel Bissextilis dicitur.

*De anni correctione, ejusque necessitate, ac Calendario Gregoriano.*

**Q**UOD dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem : qui causam dederunt ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582, præcedendo recesserat, quod a Concilio ad xij. Kalendas Aprilis fuerat constitutum, et xiv. Lunam Paschalem suo in loco reposuit; sed viam quoque tradidit, et rationem, qua caveretur ut in posterum et Æquinoctium vernum, et xiv. Luna Paschalis a propriis sedibus numquam removerentur.

Ut enim Æquinoctium vernum ad xij. Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto

Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correptus.

Ut autem in posterum idem error vitaretur, ne ad xij. Kalendas Aprilis Æquinoctium vernum recederet, statuit idem Gregorius, Bissexthum quarto quoque anno (uti mos est) continuari debere, præterquam in centesimis annis : qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi, non omnes Bissextilis essent, sed in quadringentis quibusque annis primi quinque tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900, Bissextilis non sint, anno vero 2000 more consueto dies Bissexthi intercalaretur, Februario dies 29 continente; idemque ordo intermittendi intercalandique Bissexthum diem in quadringentis quibusque annis perpetuo conservaretur.

### Quatuor Tempora.

**Q**UATUOR Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

*Nuptiæ quando celebrari non possint juxta Decretum Tridentini Concilii.*

**A**DOMINICA prima Adventus usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.





# TABULA PASCHALIS

## ANTIQUA REFORMATA

AUR. NUM.	CYCLUS EPIACTARUM	LITT. DON.	SEPTUAGESIMA	DIES CINERUM	PASCHA	ASCENSIO	PENTECOSTES	CORPUS CHRISTI	DOMINICA POST PENTEC.	DOMINICA I. ADVENTUS
16	xxij	d	Jan. 18	Feb. 4	Mar. 22	Ap. 30	Mai. 10	Mai. 21	28	29 N.
5	xxij	e	19	5	23	1 Mai.	11	22	28	30
13	xx	f	20	6	24	2	12	23	28	1 D.
2	xix	g	21	7	25	3	13	24	28	2
10	xvij	A	22	8	26	4	14	25	28	3
	xvij	b	23	9	27	5	15	26	27	27 N.
18	xvj	c	24	10	28	6	16	27	27	28
7	xv	d	25	11	29	7	17	28	27	29
	xiv	e	26	12	30	8	18	29	27	30
15	xij	f	27	13	31	9	19	30	27	1 D.
4	xij	g	28	14	1 Ap.	10	10	31	27	2
	xj	A	29	15	2	11	21	1 Jun.	27	3
12	x	b	30	16	3	12	22	2	26	27 N.
	ix	c	31	17	4	13	23	3	26	28
1	vij	d	1 Feb.	18	5	14	24	4	26	29
9	vij	e	2	19	6	15	25	5	26	30
	vj	f	3	20	7	16	26	6	26	1 D.
17	v	g	4	21	8	17	27	7	26	2
	iv	A	5	22	9	18	28	8	26	3
6	ij	b	6	23	10	19	29	9	25	27 N.
14	ij	c	7	24	11	20	30	10	25	28
3	j	d	8	25	12	21	31	11	25	29
	*	e	9	26	13	22	1 Jun.	12	25	30
	xxix	f	10	27	14	23	2	13	25	1 D.
11	xxvij	g	11	28	15	24	3	14	25	2
19	xxvij	A	12	1 Mar.	16	25	4	15	25	3
8	xxvj	b	13	2	17	26	5	16	24	27 N.
	xxiv	c	14	3	18	27	6	17	24	28
		d	15	4	19	28	7	18	24	29
		e	16	5	20	29	8	19	24	30
		f	17	6	21	30	9	20	24	1 D.
		g	18	7	22	31	10	21	24	2
		A	19	8	23	1 Jun.	11	22	24	3
		b	20	9	24	2	12	23	23	27 N.
		c	21	10	25	3	13	24	23	28

# TABULA PASCHALIS

LITTERÆ DOMINICAL.	CYCLUS EPACTARUM	SEPTUAG.	DIES CINERUM
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	18 Jan. 25 Jan. 1 Febr. 8 Febr. 15 Febr.	4 Febr. 11 Febr. 18 Febr. 25 Febr. 4 Mart.
E	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	19 Jan. 26 Jan. 2 Febr. 9 Febr. 16 Febr.	5 Febr. 12 Febr. 19 Febr. 26 Febr. 5 Mart.
F	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	20 Jan. 27 Jan. 3 Febr. 10 Febr. 17 Febr.	6 Febr. 13 Febr. 20 Febr. 27 Febr. 6 Mart.
G	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	21 Jan. 28 Jan. 4 Febr. 11 Febr. 18 Febr.	7 Febr. 14 Febr. 21 Febr. 28 Febr. 7 Mart.
A	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	22 Jan. 29 Jan. 5 Febr. 12 Febr. 19 Febr.	8 Febr. 15 Febr. 22 Febr. 1 Mart. 8 Mart.
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	23 Jan. 30 Jan. 6 Febr. 13 Febr. 20 Febr.	9 Febr. 16 Febr. 23 Febr. 2 Mart. 9 Mart.
C	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	24 Jan. 31 Jan. 7 Febr. 14 Febr. 21 Febr.	10 Febr. 17 Febr. 24 Febr. 3 Mart. 10 Mart.

# NOVA REFORMATA

PASCHA	ASCENSIO	PENTECOST.	CORPUS CHRISTI	DOM. & PENT.	DOM. I. ADVENT.
22 Mart.	30 Apr.	10 Maii.	21 Maii.	28	29 Nov.
29 Mart.	7 Maii.	17 Maii.	28 Maii.	27	29
5 Apr.	14 Maii.	24 Maii.	4 Junii.	26	29
12 Apr.	21 Maii.	31 Maii.	11 Junii.	25	29
19 Apr.	28 Maii.	7 Junii.	18 Junii.	24	29
23 Mart.	1 Maii.	11 Maii.	22 Maii.	28	30 Nov.
30 Mart.	8 Maii.	18 Maii.	29 Maii.	27	30
6 Apr.	15 Maii.	25 Maii.	5 Junii.	26	30
13 Apr.	22 Maii.	1 Junii.	12 Junii.	25	30
20 Apr.	29 Maii.	8 Junii.	19 Junii.	24	30
24 Mart.	2 Maii.	12 Maii.	23 Maii.	28	1 Dec.
31 Mart.	9 Maii.	19 Maii.	30 Maii.	27	1
7 Apr.	16 Maii.	26 Maii.	6 Junii.	26	1
14 Apr.	23 Maii.	2 Junii.	13 Junii.	25	1
21 Apr.	30 Maii.	9 Junii.	20 Junii.	24	1
25 Mart.	3 Maii.	13 Maii.	24 Maii.	28	2 Dec.
1 Apr.	10 Maii.	20 Maii.	31 Maii.	27	2
8 Apr.	17 Maii.	27 Maii.	7 Junii.	26	2
15 Apr.	24 Maii.	3 Junii.	14 Junii.	25	2
22 Apr.	31 Maii.	10 Junii.	21 Junii.	24	2
26 Mart.	4 Maii.	14 Maii.	25 Maii.	28	3 Dec.
2 Apr.	11 Maii.	21 Maii.	1 Junii.	27	3
9 Apr.	18 Maii.	28 Maii.	8 Junii.	26	3
16 Apr.	25 Maii.	4 Junii.	15 Junii.	25	3
23 Apr.	1 Junii.	11 Junii.	22 Junii.	24	3
27 Mart.	5 Maii.	15 Maii.	26 Maii.	27	27 Nov.
3 Apr.	12 Maii.	22 Maii.	2 Junii.	26	27
10 Apr.	19 Maii.	29 Maii.	9 Junii.	25	27
17 Apr.	26 Maii.	5 Junii.	16 Junii.	24	27
24 Apr.	2 Junii.	12 Junii.	23 Junii.	23	27
28 Mart.	6 Maii.	16 Maii.	27 Maii.	27	28 Nov.
4 Apr.	13 Maii.	23 Maii.	3 Junii.	26	28
11 Apr.	20 Maii.	30 Maii.	10 Junii.	25	28
18 Apr.	27 Maii.	6 Junii.	17 Junii.	24	28
25 Apr.	3 Junii.	13 Junii.	24 Junii.	23	28



# TABELLA TEMPORARIA

ANNO DOM.	LITTERE DOM.	AUR. NUM.	EPACTE	SEPTUAG.	DIES CINERUM	PASCHA
1894	g	14	xxij	21 Jan.	7 Febr.	25 Mart.
1895	f	15	iv	10 Febr.	27 Febr.	14 Apr.
1896	e d	16	xv	2 Febr.	19 Febr.	5 Apr.
1897	c	17	xxvj	14 Febr.	3 Mart.	18 Apr.
1898	b	18	vij	6 Febr.	23 Febr.	10 Apr.
1899	A	19	xvij	29 Jan.	15 Febr.	2 Apr.
1900	g	1	xxix	11 Febr.	28 Febr.	15 Apr.
1901	f	2	x	3 Febr.	20 Febr.	7 Apr.
1902	e	3	xxj	26 Jan.	12 Febr.	30 Mart.
1903	d	4	ij	8 Febr.	25 Febr.	12 Apr.
1904	c b	5	xij	31 Jan.	17 Febr.	3 Apr.
1905	A	6	xxiv	19 Febr.	8 Mart.	23 Apr.
1906	g	7	v	11 Febr.	28 Febr.	15 Apr.
1907	f	8	xvj	27 Jan.	13 Febr.	31 Mart.
1908	e d	9	xxvij	16 Febr.	4 Mart.	19 Apr.
1909	c	10	vij	7 Febr.	24 Febr.	11 Apr.
1910	b	11	xix	23 Jan.	9 Febr.	27 Mart.
1911	A	12	*	12 Febr.	1 Mart.	16 Apr.
1912	g f	13	xj	4 Febr.	21 Febr.	7 Apr.
1913	e	14	xxij	19 Jan.	5 Febr.	23 Mart.
1914	d	15	ij	8 Febr.	25 Febr.	12 Apr.
1915	c	16	xiv	31 Jan.	17 Febr.	4 Apr.
1916	b A	17	xxv	20 Febr.	8 Mart.	23 Apr.
1917	g	18	vj	4 Febr.	21 Febr.	8 Apr.
1918	f	19	xvij	27 Jan.	13 Febr.	31 Mart.
1919	e	1	xxix	16 Febr.	5 Mart.	20 Apr.
1920	d c	2	x	1 Febr.	18 Febr.	4 Apr.
1921	b	3	xxj	23 Jan.	9 Febr.	27 Mart.
1922	A	4	ij	12 Febr.	1 Mart.	16 Apr.
1923	g	5	xij	28 Jan.	14 Febr.	1 Apr.
1924	f e	6	xxiv	17 Febr.	5 Mart.	20 Apr.
1925	d	7	v	8 Febr.	25 Febr.	12 Apr.
1926	c	8	xvj	31 Jan.	17 Febr.	4 Apr.
1927	b	9	xxvij	13 Febr.	2 Mart.	17 Apr.
1928	A g	10	vij	5 Febr.	22 Febr.	8 Apr.
1929	f	11	xix	27 Jan.	13 Febr.	31 Mart.
1930	e	12	*	16 Febr.	5 Mart.	20 Apr.
1931	d	13	xj	1 Febr.	18 Febr.	5 Apr.
1932	c b	14	xxij	24 Jan.	10 Febr.	27 Mart.
1933	A	15	ij	12 Febr.	1 Mart.	16 Apr.

# FESTORUM MOBILIIUM

ANNO DOM.	ASCENSIO	PENTE- COSTES	CORPUS CHRISTI	INDICTIO	DOM. POST PENTEC.	I. DOMINICA ADVENT.
1894	3 Maii.	13 Maii.	24 Maii.	7	28	2 Dec.
1895	23 Maii.	2 Junii.	13 Junii.	8	25	1 Dec.
1896	14 Maii.	24 Maii.	4 Junii.	9	26	29 Nov.
1897	27 Maii.	6 Junii.	17 Junii.	10	24	28 Nov.
1898	19 Maii.	29 Maii.	9 Junii.	11	25	27 Nov.
1899	11 Maii.	21 Maii.	1 Junii.	12	27	3 Dec.
1900	24 Maii.	3 Junii.	14 Junii.	13	25	2 Dec.
1901	16 Maii.	26 Maii.	6 Junii.	14	26	1 Dec.
1902	8 Maii.	18 Maii.	29 Maii.	15	27	30 Nov.
1903	21 Maii.	31 Maii.	11 Junii.	1	25	29 Nov.
1904	12 Maii.	22 Maii.	2 Junii.	2	26	27 Nov.
1905	1 Junii.	11 Junii.	22 Junii.	3	24	3 Dec.
1906	24 Maii.	3 Junii.	14 Junii.	4	25	2 Dec.
1907	9 Maii.	19 Maii.	30 Maii.	5	27	1 Dec.
1908	28 Maii.	7 Junii.	18 Junii.	6	24	29 Nov.
1909	20 Maii.	30 Maii.	10 Junii.	7	25	28 Nov.
1910	5 Maii.	15 Maii.	26 Maii.	8	27	27 Nov.
1911	25 Maii.	4 Junii.	15 Junii.	9	25	3 Dec.
1912	16 Maii.	26 Maii.	6 Junii.	10	26	1 Dec.
1913	1 Maii.	11 Maii.	22 Maii.	11	28	30 Nov.
1914	21 Maii.	31 Maii.	11 Junii.	12	25	29 Nov.
1915	13 Maii.	23 Maii.	3 Junii.	13	26	28 Nov.
1916	1 Junii.	11 Junii.	22 Junii.	14	24	3 Dec.
1917	17 Maii.	27 Maii.	7 Junii.	15	26	2 Dec.
1918	9 Maii.	19 Maii.	30 Maii.	1	27	1 Dec.
1919	29 Maii.	8 Junii.	19 Junii.	2	24	30 Nov.
1920	13 Maii.	23 Maii.	3 Junii.	3	26	28 Nov.
1921	5 Maii.	15 Maii.	26 Maii.	4	27	27 Nov.
1922	25 Maii.	4 Junii.	15 Junii.	5	25	3 Dec.
1923	10 Maii.	20 Maii.	31 Maii.	6	27	2 Dec.
1924	29 Maii.	8 Junii.	19 Junii.	7	24	30 Nov.
1925	21 Maii.	31 Maii.	11 Junii.	8	25	29 Nov.
1926	13 Maii.	23 Maii.	3 Junii.	9	26	28 Nov.
1927	26 Maii.	5 Junii.	16 Junii.	10	24	27 Nov.
1928	17 Maii.	27 Maii.	7 Junii.	11	26	2 Dec.
1929	9 Maii.	19 Maii.	30 Maii.	12	27	1 Dec.
1930	29 Maii.	8 Junii.	19 Junii.	13	24	30 Nov.
1931	14 Maii.	24 Maii.	4 Junii.	14	26	29 Nov.
1932	5 Maii.	15 Maii.	26 Maii.	15	27	27 Nov.
1933	25 Maii.	4 Junii.	15 Junii.	1	25	3 Dec.

## JANUARIUS

Cyclus Epact.	Littera Dom.	Dies mensis.	
*	A	Kal.	1 CIRCUMCISIO DOMINI, <i>dupl. 2. cl.</i>
xxix	b	iv	2 Octava S. Stephani, <i>dupl. Commem. Oct.</i>
xxviiij	c	iiij	3 Octava S. Joannis Apost. et Evang. <i>dupl. Commem. Oct. SS. Innocentium.</i>
xxviij	d	Prid.	4 Octava SS. Innocentium Mm. <i>dupl.</i>
xxvj	e	Non.	5 Vigilia Epiphaniæ, <i>semid. Commem. S. Telesphori Papæ et Mart.</i>
25. xxv	f	viiij	6 EPIPHANIA DOMINI, <i>duplex 1. classis.</i>
xxiv	g	vij	7 De Octava Epiphaniæ.
xxiiij	A	vj	8 De Octava.
xxij	b	v	9 De Octava.
xxj	c	iv	10 De Octava.
xx	d	iiij	11 De Octava. <i>Commem. S. Hygini Papæ et Mart.</i>
xix	e	Prid.	12 De Octava.
xviiij	f	Idib.	13 Octava Epiphaniæ, <i>dupl. Dom. II. post Epiphaniam. SS. NOMINIS JESU, dupl. 2. cl. Commem. Dom.</i>
xvij	g	xix	14 S. Hilarii Episc. Conf. et Eccles. Doct. <i>dupl. Commem. S. Felicis Presb. et Mart.</i>
xvj	A	xviiij	15 S. Pauli primi Eremitæ Conf. <i>dupl. Commem. S. Mauri Abbatis.</i>
xv	b	xviij	16 S. Marcelli I. Papæ et Mart. <i>semid.</i>
xiv	c	xvj	17 S. Antonii Abbat. <i>dupl.</i>
xiiij	d	xv	18 Cathedra S. Petri Romæ, <i>dupl. maj. Commem. sanctæ Priscæ Virg. et Mart.</i>
xij	e	xiv	19 S. Canuti Regis et Mart. <i>semid. ad libit. Commem. SS. Marii et Soc. Mm.</i>
xj	f	xiiij	20 SS. Fabiani Papæ et Sebastiani Mm. <i>dupl.</i>
x	g	xij	21 S. Agnetis Virg. et Mart. <i>dupl.</i>
ix	A	xj	22 SS. Vincentii et Anastasii Mm. <i>semid.</i>
viiij	b	x	23 S. Raymundi de Pennafort Conf. <i>semid. Commem. sanctæ Emerentianæ Virg. et Mart.</i>
vij	c	ix	24 S. Timothei Episc. et Mart. <i>dupl.</i>
vj	d	viiij	25 Conversio S. Pauli Apost. <i>dupl. maj.</i>
v	e	vij	26 S. Polycarpi Episc. et Mart. <i>dupl.</i>
iv	f	vj	27 S. Joannis Chrysostomi Episc. Conf. et Eccl. Doct. <i>dupl.</i>
iiij	g	v	28 S. Agnetis Virg. et Mart. <i>secundo.</i>
ij	A	iv	29 S. Francisci Salesii Episc. Conf. et Eccles. Doct. <i>dupl.</i>
j	b	iiij	30 S. Martinæ Virg. et Mart. <i>semid.</i>
*	c	Prid.	31 S. Petri Nolasci Conf. <i>dupl.</i>



## FEBRUARIUS

Cyclus Epact.	Littera Dom.	Dies mensis.	
xxix	d	Kal.	1 S. Ignatii Episc. et Mart. <i>dupl.</i>
xxviiij	e	iv	2 PURIFICATIO B. M. V. <i>dupl. 2. cl.</i>
xxviij	f	iiij	3 S. Blasii Episc. et Mart.
25.xxvj	g	Prid.	4 S. Andreæ Corsini Episc. et Conf. <i>dupl.</i>
xxv.xxiv	A	Non.	5 S. Agathæ Virg. et Mart. <i>dupl.</i>
xxiiij	b	viiij	6 S. Titi Episc. et Conf. <i>dupl. Commem.</i> sanctæ Dorotheæ Virg. et Mart.
xxij	c	vij	7 S. Romualdi Abbatis, <i>dupl.</i>
xxj	d	vj	8 S. Joannis de Matha Conf. <i>dupl.</i>
xx	e	v	9 S. Cyrilli Episc. Alexandrini, Conf. et Eccl. Doct. <i>dupl. Commem.</i> sanctæ Apolloniæ Virg. et Mart.
xix	f	iv	10 S. Scholasticæ Virg. <i>dupl.</i>
xviiij	g	iiij	11 SS. Septem Fundatorum Ordinis Servorum B. M. V. Conf. <i>dupl.</i>
xvij	A	Prid.	12
xvj	b	Idib.	13
xv	c	xvj	14 S. Valentini Presbyt. et Mart
xiv	d	xv	15 SS. Faustini et Jovitæ Mm.
xiiij	e	xiv	16
xij	f	xiiij	17
xj	g	xij	18 S. Simeonis Episc. et Mart.
x	A	xj	19
ix	b	x	20
viiij	c	ix	21
vij	d	viiij	22 Cathedra S. Petri Antiochiæ, <i>dupl. maj.</i>
vj	e	vij	23 S. Petri Damiani Episc. Conf. et Eccl. Doct. <i>dupl. Commem.</i> Vigiliæ S. Mathiæ.
v	f	vj	24 S. MATHIÆ APOSTOLI, <i>dupl. 2. cl.</i>
iv	g	v	25
iiij	A	iv	26
ij	b	iiij	27
j	c	Prid.	28

In anno bissextili mensis Februarius est dierum 29, et Festum S. Mathiæ celebratur die 25 Februarii, et bis dicitur Sexto Kalendas, id est die 24, et die 25; et littera Dominicalis, quæ assumpta fuit in mense Januario, mutatur in præcedentem; ut si in Januario littera Dominicalis fuerit A, mutatur in præcedentem, quæ est g, etc.; et littera f bis servit 24 et 25.

## MARTIUS

Cyclus Epact.	Littera Dom.	Dies mensis.	
*	d	Kal.	1
xxix	e	vj	2
xxviij	f	v	3
xxviij	g	iv	4 S. Casimiri Conf. <i>semid. Commem.</i> S. Lucii I. Papæ et Mart.
xxvj.	A	iiij	5
25. xxv	b	Prid.	6
xxiv	c	Non.	7 S. Thomæ de Aquino Conf. et Eccl. Doct. <i>dupl. Commem.</i> SS. Perpetuæ et Felicitatis Mm.
xxiiij	d	viiij	8 S. Joannis de Deo Conf. <i>dupl.</i>
xxij	e	vij	9 S. Franciscæ Romanæ Viduæ, <i>dupl.</i>
xxj	f	vj	10 SS. Quadraginta Martyrum, <i>semid.</i>
xx	g	v	11
xix	A	iv	12 S. Gregorii I. Papæ Conf. et Eccles. Doct. <i>dupl.</i>
xviij	b	iiij	13
xvij	c	Prid.	14
xvj	d	Idib.	15
xv	e	xviij	16
xiv	f	xvj	17 S. Patritii Episc. et Conf. <i>dupl.</i>
xiiij	g	xv	18 S. Cyrilli Hierosolymitani Episc. Conf. et Eccl. Doct. <i>dupl.</i>
xij	A	xiv	19 S. JOSEPH CONF. SPONSI B. M. V. <i>dupl. 1. cl.</i>
xj	b	xiiij	20
x	c	xij	21 S. Benedicti Abbatis, <i>dupl. maj.</i>
ix	d	xj	22
viiij	e	x	23
vij	f	ix	24
vj	g	viiij	25 ANNUNTIATIO B. M. V. <i>dupl. 1. cl.</i>
v	A	vij	26
iv	b	vj	27 S. Joannis Damasceni Conf. et Eccl. Doct. <i>dupl.</i>
iiij	c	v	28 S. Joannis a Capistrano Conf. <i>semid.</i>
ij	d	iv	29
j	e	iiij	30
*	f	Prid.	31

Feria VI. post Dom. Passionis. Septem Dolorum B. M. V. *dupl. maj. Commem.* Feriæ.

## APRILIS

Cyclus Epact.	Littera Dom.	Dies mensis.	
xxix	g	Kal.	1
xxviij	A	iv	2 S. Francisci de Paula Conf. <i>dupl.</i>
xxviij	b	iiij	3
25. xxvj	c	Prid.	4 S. Isidori Episc. Conf. et Eccl. Doct. <i>dupl.</i>
xxv. xxiv	d	Non.	5 S. Vincentii Ferrerii Conf. <i>dupl.</i>
xxiiij	e	viiij	6
xxij	f	vij	7
xxj	g	vj	8
xx	A	v	9
xix	b	iv	10
xviij	c	iiij	11 S. Leonis I. Papæ Conf. et Eccles. Doct. <i>dupl.</i>
xvij	d	Prid.	12
xvj	e	Idib.	13 S. Hermenegildi Regis Mart. <i>semid.</i>
xv	f	xviij	14 S. Justini Mart. <i>dupl. Commem.</i> SS. Tiburtii, Valeriani et Maximi Mm.
xiv	g	xvij	15
xiiij	A	xvj	16
xij	b	xv	17 S. Aniceti I. Papæ et Mart.
xj	c	xiv	18
x	d	xiiij	19
ix	e	xij	20
viiij	f	xj	21 S. Anselmi Episc. Conf. et Eccl. Doct. <i>dupl.</i>
vij	g	x	22 SS. Soteris et Caii Pont. et Mm. <i>semid.</i>
vj	A	ix	23 S. Georgii Mart. <i>semid.</i>
v	b	viiij	24 S. Fidelis a Sigmaringa Mart. <i>dupl.</i>
iv	c	vij	25 S. MARCI EVANGELISTÆ, <i>dupl. 2. cl.</i>
iiij	d	vj	26 SS. Cleti et Marcellini Pont. et Mm. <i>semid.</i>
ij	e	v	27
j	f	iv	28 S. Pauli a Cruce Conf. <i>dupl. Commem.</i> S. Vitalis Mart.
*	g	iiij	29 S. Petri Mart. <i>dupl.</i>
xxix	A	Prid.	30 S. Catharinæ Senensis Virg. <i>dupl.</i>

Dominica III. post Pascha. PATROCINII  
S. JOSEPH Conf. Sponsi B. M. V. *dupl.*  
2. cl. *Commem.* Dominicæ.



## MAIUS

Cyclus Epact.	Littera Dom.	Dies mensis.	
xxviiij	b	Kal.	1 SS. PHILIPPI ET JACOBI APOST. <b>dupl. 2. cl.</b>
xxvij	c	vj	2 S. Athanasii Episc. Conf. et Eccles. Doct. <b>dupl.</b>
xxvj	d	v	3 INVENTIO S. CRUCIS, <b>dupl. 2. cl. Commem.</b> SS. Alexandri I. Papæ et Soc. Mm., ac Juvenalis Episc. et Conf.
25. xxv	e	iv	4 S. Monicae Viduæ, <b>dupl.</b>
xxiv	f	iiij	5 S. Pii V. Papæ et Conf. <b>dupl.</b>
xxiiij	g	Prid.	6 S. Joannis ante portam Latinam, <b>dupl. maj.</b>
xxij	A	Non.	7 S. Stanislai Episc. et Mart. <b>dupl.</b>
xxj	b	viiij	8 Apparitio S. Michaëlis Archangeli, <b>dupl. maj.</b>
xx	c	vij	9 S. Gregorii Nazianzeni Episc. Conf. et Eccl. Doct. <b>dupl.</b>
xix	d	vj	10 S. Antonini Episc. et Conf. <b>dupl. Commem.</b> SS. Gordiani et Epimachi Mm.
xviiij	e	v	11
xvij	f	iv	12 SS. Nerei, Achillei et Domitillæ Virg., atque Pancratii Mm. <b>semid.</b>
xvj	g	iiij	13
xv	A	Prid.	14 S. Bonifacii Mart.
xiv	b	Idib.	15
xiiij	c	xvij	16 S. Ubaldi Episc. et Conf. <b>semid.</b>
xij	d	xvj	17 S. Paschalis Baylon Conf. <b>dupl.</b>
xj	e	xv	18 S. Venantii Mart. <b>dupl.</b>
x	f	xiv	19 S. Petri Cælestini Papæ et Conf. <b>dupl. Commem.</b> sanctæ Pudentianæ Virg.
ix	g	xiiij	20 S. Bernardini Senensis Conf. <b>semid.</b>
viiij	A	xij	21
vij	b	xj	22
vj	c	x	23
v	d	ix	24
iv	e	viiij	25 S. Gregorii VII. Papæ et Conf. <b>dupl. Commem.</b> S. Urbani I. Papæ et Mart.
iiij	f	vij	26 S. Philippi Nerii Conf. <b>dupl. Commem.</b> S. Eleutherii Papæ et Mart.
ij	g	vj	27 S. Mariæ Magdalænæ de Pazzis Virg. <b>semid. Commem.</b> S. Joannis Papæ et Mart.
j	A	v	28 S. Augustini Cantuariensis Episc. et Conf. <b>dupl.</b>
*	b	iv	29
xxix	c	iiij	30 S. Felicis I. Papæ et Mart.
xxviiij	d	Prid.	31 S. Angelæ Mericiæ Virg. <b>dupl. Commem.</b> sanctæ Petronillæ Virg.

Fer. VI. post Oct. SS. Corporis Christi,  
SACRATISSIMI CORDIS JESU, duplex  
1. classis.

## JUNIUS

Cyclus Epact.	Littera Dom.	Dies mensis.	
25. xxvij	e	Kal.	1
xxvj	f	iv	2
xxv. xxiv	g	iiij	3
xxiiij	A	Prid.	4
xxij	b	Nan.	5
xxj	c	vij	6
xx	d	vij	7
xix	e	vj	8
xviii	f	v	9
xvii	g	iv	10
xvi	A	iiij	11
xv	b	Prid.	12
xiv	c	Idih.	13
xiiij	d	xviij	14
xij	e	xvij	15
xj	f	xvj	16
x	g	xv	17
ix	A	xiv	18
viii	b	xiiij	19
vij	c	xij	20
vj	d	xj	21
v	e	x	22
iv	f	ix	23
iiij	g	viiij	24
ij	A	vij	25
j	b	vj	26
*	c	v	27
xxix	d	iv	28
xxviii	e	iiij	29
xxvij	f	Prid.	30

SS. Marcellini, Petri atque Erasmi Mm.

S. Francisci Caracciolo Conf. *dupl.*S. Bonifacii Episc. et Mart. *dupl.*S. Norberti Episc. et Conf. *dupl.*

SS. Primi et Feliciani Mm.

S. Margaritæ Reginæ Scotiæ Viduæ, *semid.*S. Barnabæ Apostoli, *dupl. maj.*S. Joannis a S. Facundo Conf. *dupl. Commem.* SS. Basilidis et Soc. Mm.S. Antonii de Padua Conf. *dupl.*S. Basilii Magni Episc. Conf. et Eccl. Doct. *dupl.*

SS. Viti, Modesti atque Crescentiæ Mm.

SS. Marci et Marcelliani Mm.

S. Julianæ de Falconeriis Virg. *dupl. Commem.* SS. Gervasii et Protasii Mm.

S. Silverii Papæ et Mart.

S. Aloysii Gonzagæ Conf. *dupl.*

S. Paulini Episc. et Conf.

Vigilia.

NATIVITAS S. JOANNIS BAPTISTÆ, *dupl. 1. cl.*S. Gulielmi Abbatis, *dupl. Commem. Oct.*SS. Joannis et Pauli Mm. *dupl. Commem. Octavæ.*De Oct. Nativit. S. Joannis, *semid.*S. Leonis II. Papæ et Conf. *semid. Commem. Octavæ et Vigiliæ.*SS. PETRI ET PAULI APOST. *dupl. 1. cl.*Commem. S. Pauli Apostoli, *dupl. maj. Commem. Oct. Nativit. S. Joannis.*

## JULIUS

Cyclus Epact.	Littera Dom.	Dies mensis.	
xxvj	g	Kal.	1 Dom. I. Julii. PRETIOSISSIMI SANGUINIS D. N. J. C. <i>dupl. 2. cl. Commem.</i> Dom. Octava S. Joannis Baptistæ, <i>dupl. Com-</i> <i>mem.</i> Oct. SS. Apost.
25. xxv	A	vj	2 VISITATIO B. M. V. <i>dupl. 2. cl. Commem.</i> SS. Processi et Martiniani Mm.
xxiv	b	v	3 De Octava SS. Apost. <i>semid.</i>
xxij	c	iv	4 De Octava.
xxij	d	iiij	5 S. Antonii Mariæ Zaccaria Conf. <i>dupl.</i> <i>Commem.</i> Oct.
xxj	e	Prid.	6 Octava SS. Apost. Petri et Pauli, <i>dupl.</i>
xx	f	Non.	7 SS. Cyrilli et Methodii Pont. et Conf. <i>dupl.</i>
xix	g	viiij	8 S. Elisabeth Reg. Portug. Vid. <i>semid.</i>
xviiij	A	vij	9
xvij	b	vj	10 SS. Septem Fratrum Mm. et SS. Rufinæ ac Secundæ Virg. et Mm. <i>semid.</i>
xvj	c	v	11 S. Pii I. Papæ et Mart.
xv	d	iv	12 S. Joannis Gualberti Abbat. <i>dupl. Com-</i> <i>mem.</i> SS. Naboris et Felicis Mm.
xiv	e	iiij	13 S. Anacleti Papæ et Mart. <i>semid.</i>
xiiij	f	Prid.	14 S. Bonaventuræ Episc. Conf. et Doct. <i>dupl.</i>
xij	g	Idib.	15 S. Henrici Imperat. Conf. <i>semid.</i>
xj	A	xvij	16 B. M. V. de Monte Carmelo, <i>dupl. maj.</i>
x	b	xvj	17 S. Alexii Conf. <i>semid.</i>
ix	c	xv	18 S. Camilli de Lellis Conf. <i>dupl. Commem.</i> SS. Symphorosæ et septem filiorum ejus Mm.
viiij	d	xiv	19 S. Vincentii a Paulo Conf. <i>dupl.</i>
vij	e	xiiij	20 S. Hieronymi Æmiliani Conf. <i>dupl. Com-</i> <i>mem.</i> sanctæ Margaritæ Virg. et Mart.
vj	f	xij	21 S. Praxedis Virg.
v	g	xj	22 S. Mariæ Magdalenæ Pœnitentis, <i>dupl.</i>
iv	A	x	23 S. Apollinaris Episc. et Mart. <i>dupl. Com-</i> <i>mem.</i> S. Liborii Episc. et Conf.
iiij	b	ix	24 Vigilia. <i>Commem.</i> sanctæ Christinæ Virg. et Mart.
ij	c	viiij	25 S. JACOBI APOSTOLI, <i>dupl. 2. cl. Commem.</i> S. Christophori Mart.
j	d	vij	26 S. ANNÆ MATRIS B. M. V. <i>dupl. 2. cl.</i>
*	e	vj	27 S. Pantaleonis Mart.
xxix	f	v	28 SS. Nazarii, Celsi, Victoris I. Papæ Mm., ac Innocentii I. Papæ et Conf. <i>semid.</i>
xxviiij	g	iv	29 S. Marthæ Virg. <i>semid. Commem.</i> SS. Fe- licis II. Papæ, Simplicii, Faustini et Beatricis Mm.
xxvij	A	iiij	30 SS. Abdon et Sennen Mm.
25. xxvj	b	Prid.	31 S. Ignatii de Loyola Conf. <i>dupl.</i>



## AUGUSTUS

Cyclus Epact.	Littera Dom.	Dies mensis.	
xxv. xxiv	c	Kal.	1 S. Petri ad Vincula, <b>dupl. maj. Commem.</b> SS. Machabæorum Mm.
xxiiij	d	iv	2 S. Alphonsi Mariæ de Ligorio Episc. Conf. et Eccl. Doct. <b>dupl. Commem.</b> S. Ste- phani I. Papæ et Mart.
xxij	e	iiij	3 Inventio S. Stephani Protomart. <b>semid.</b>
xxj	f	Prid.	4 S. Dominici Conf. <b>dupl. maj.</b>
xx	g	Non.	5 Dedic. sanctæ Mariæ ad Nives, <b>dupl. maj.</b>
xix	A	viiij	6 Transfiguratio Domini, <b>dupl. maj. Com- mem.</b> SS. Xysti II. Papæ, Felicissimi et Agapiti Mm.
xviiij	b	vij	7 S. Cajetani Conf. <b>dupl. Commem.</b> S. Donati Episc. et Mart.
xvij	c	vj	8 SS. Cyriaci, Largi et Smaragdi Mm. <b>semid.</b>
xvj	d	v	9 Vigilia. <b>Commem.</b> S. Romani Mart.
xv	e	iv	10 S. LAURENTII MART. <b>dupl. 2. cl.</b>
xiv	f	iiij	11 De Oct. <b>semid. Commem.</b> SS. Tiburtii et Susannæ Mm.
xiiij	g	Prid.	12 S. Claræ Virg. <b>dupl. Commem.</b> Oct.
xij	A	Idib.	13 De Oct. <b>semid. Commem.</b> SS. Hippolyti et Cassiani Mm.
xj	b	xix	14 De Oct. <b>semid. Commem.</b> Vigil. et S. Eu- sebii Conf.
x	c	xviiij	15 ASSUMPTIO B. M. V. <b>dupl. 1. cl.</b> Dom. infra Oct. Assumpt. S. JOACHIM CONF. PATRIS B. M. V. <b>dupl. 2. cl. Com- mem.</b> Dom.
ix	d	xvij	16 S. Hyacinthi Conf. <b>dupl. Commem.</b> Oct. Assumpt. et S. Laurentii.
viiij	e	xvj	17 Octava S. Laurentii Mart. <b>dupl. Commem.</b> Oct. Assumpt.
vij	f	xv	18 De Oct. <b>semid. Commem.</b> S. Agapiti Mart.
vj	g	xiv	19 De Octava.
v	A	xiiij	20 S. Bernardi Abbatis, Conf. et Eccles. Doct. <b>dupl. Commem.</b> Oct.
iv	b	xij	21 S. Joannæ Franciscæ Fremiot de Chantal Viduæ, <b>dupl. Commem.</b> Oct.
iiij	c	xj	22 Octava Assumpt. B. M. V. <b>dupl. Commem.</b> SS. Timothei et Soc. Mm.
ij	d	x	23 S. Philippi Benitii Conf. <b>dupl. Comm.</b> Vigil.
j	e	ix	24 S. BARTHOLOMÆI AP. <b>dupl. 2. cl.</b> (Rom. 25.)
	f	viiij	25 S. Ludovici Regis Conf. <b>semid.</b> (Rom. 26.)
xxix	g	vij	26 S. Zephyrini Papæ et Mart.
xxviiij	A	vj	27 S. Josephi Calasancii Conf. <b>dupl.</b>
xxvij	b	v	28 S. Augustini Episc. Conf. et Eccles. Doct. <b>dupl. Commem.</b> S. Hermetis Mart.
xxvj	c	iv	29 Decollatio S. Joannis Baptistæ, <b>dupl. maj.</b> <b>Commem.</b> sanctæ Sabinæ Mart.
25. xxv	d	iiij	30 S. Rosæ Limanæ Virg. <b>dupl. Commem.</b> SS. Felicis et Adaucti Mm.
xxiv	e	Prid.	31 S. Raymundi Nonnati Conf. <b>dupl.</b>

## SEPTEMBER

Cyclus Epact.	Littera Dom.	Dies mensis.	
xxiij	f	Kal.	1 S. Ægidii Abbatis. Commem. SS. Duodecim Fratrum Mm.
xxij	g	iv	2 S. Stephani Hungariæ Regis Conf. semid.
xxj	A	iiij	3
xx	b	Prid.	4
xix	c	Non.	5 S. Laurentii Justiniani Episcopi et Conf. semid.
xviiij	d	viiij	6
xvij	e	vij	7
xvj	f	vj	8 NATIVITAS B. M. V. dupl. 2. cl. Commem. S. Hadriani Mart. Dom. infra Oct. Nativit. B. M. V. SS. Nominis ejusdem B. M. V. dupl. maj. Commem. Dominicæ.
xv	g	v	9 De Oct. semid. Comm. S. Gorgonii Mart.
xiv	A	iv	10 S. Nicolai de Tolentino Conf. dupl. Commem. Octavæ.
xiiij	b	iiij	11 De Octava, semid. Commem. SS. Proti et Hyacinthi Mm.
xij	c	Prid.	12 De Octava, semid.
xj	d	Idib.	13 De Octava, semid.
x	e	xviiij	14 Exaltatio sanctæ Crucis, dupl. maj. Commem. Octavæ.
ix	f	xvij	15 Octava Nativitatis B. M. V. dupl. Commem. S. Nicomedis Mart. Dom. III. Septembris. Septem Dolorum B. M. V. dupl. maj. Commem. Dom.
viiij	g	xvj	16 SS. Cornelii et Cypriani Pont. et Mm. semid. Commem. SS. Euphemie et Soc. Mm.
vij	A	xv	17 Impressio Sacrorum Stigmatum S. Francisci Conf. dupl.
vj	b	xiv	18 S. Josephi a Cupertino Conf. dupl.
v	c	xiiij	19 SS. Januarii Episc. et Soc. Mm. dupl.
iv	d	xij	20 SS. Eustachii et Sociorum Mm. dupl. Commem. Vigiliæ.
iii	e	xj	21 S. MATTHÆI APOST. ET EVANG. dupl. 2. cl.
ij	f	x	22 S. Thomæ de Villanova Episc. et Conf. dupl. Commem. SS. Mauritii et Soc. Mm.
j	g	ix	23 S. Lini Papæ et Mart. semid. Commem. sanctæ Theclæ Virg. et Mart.
*	A	viiij	24 B. M. V. de Mercede, dupl. maj.
xxix	b	vij	25
xxviiij	c	vj	26 SS. Cypriani et Justinæ Mm.
xxvij	d	v	27 SS. Cosmæ et Damiani Mm. semid.
25. xxvj	e	iv	28 S. Wenceslai Ducis Mart. semid.
xxv. xxiv	f	iiij	29 DEDICATIO S. MICHAELIS ARCHANG. dupl. 2. cl.
xxiij	g	Prid.	30 S. Hieronymi Presb. Conf. et Eccles. Doct. dupl.

## OCTOBER

Cyclus Epact.	Littera Dom.	Dies mensis.	
			Dom. I. Octobris. SOLEMNITAS SS. ROSARII B. M. V. <i>dupl.</i> 2. cl. Commem. Dom.
xxij	A	Kal.	1 S. Remigii Episc. et Conf. <i>semid.</i> ad lib. <i>vel simplex de præcepto.</i>
xxj	b	vj	2 SS. Angelorum Custodum, <i>dupl.</i> maj.
xx	c	v	3
xix	d	iv	4 S. Francisci Conf. <i>dupl.</i> maj.
xviiij	e	iiij	5 SS. Placidi et Sociorum Mm.
xvij	f	Prid.	6 S. Brunonis Conf. <i>dupl.</i>
xvj	g	Non.	7 S. Marci Papæ et Conf. Commem. SS. Ser- gii et Soc. Mm.
xv	A	viiij	8 S. Birgittæ Viduæ, <i>dupl.</i>
xiv	b	vij	9 SS. Dionysii Episc., Rustici et Eleutherii Mm. <i>semid.</i>
xiiij	c	vj	10 S. Francisci Borgiæ Conf. <i>semid.</i>
xij	d	v	11
xj	e	iv	12
x	f	iiij	13 S. Eduardi Regis Conf. <i>semid.</i>
ix	g	Prid.	14 S. Calixti I. Papæ et Mart. <i>dupl.</i>
viiij	A	Idib.	15 S. Teresiæ Virginis, <i>dupl.</i>
vij	b	xvij	16
vj	c	xvj	17 S. Hedwigis Viduæ, <i>semid.</i>
v	d	xv	18 S. LUCÆ EVANGELISTÆ, <i>dupl.</i> 2. cl.
iv	e	xiv	19 S. Petri de Alcantara Conf. <i>dupl.</i>
iiij	f	xiiij	20 S. Joannis Cantii Conf. <i>dupl.</i>
ij	g	xij	21 S. Hilarionis Abbat. Commem. SS. Ursulæ et Sociarum Virg. et Mm.
j	A	xj	22
	b	x	23
xxix	c	ix	24
xxviiij	d	viiij	25 SS. Chrysanthi et Dariæ Mm.
xxvij	e	vij	26 S. Evaristi Papæ et Mart.
xxvj	f	vj	27 Vigilia.
25. xxv	g	v	28 SS. SIMONIS ET JUDÆ APOST. <i>dupl.</i> 2. cl.
xxiv	A	iv	29
xxiiij	b	iiij	30
xxij	c	Prid.	31 Vigilia.



## NOVEMBER

Cyclus Epact.	Littera Dom.	Dies mensis.	
xxj	d	Kal.	1 OMNIUM SANCTORUM, dupl. 1. cl.
xx	e	iv	2 De Octava, semid. Commem. omnium Fidelium Defunctorum, sub ritu du- plici.
xix	f	iiij	3 De Octava.
xviiij	g	Prid.	4 S. Caroli Episc. et Conf. dupl. Commem. Oct. et SS. Vitalis et Agricolaë Mm.
xvij	A	Non.	5 De Octava.
xvj	b	viiij	6 De Octava.
xv	c	vij	7 De Octava.
xiv	d	vj	8 Octava Omnium Sanctorum, dupl. Com- mem. SS. Quatuor Coronatorum Mm.
xiiij	e	v	9 Dedicatio Archibasilicæ SS. Salvatoris, dupl. maj. Commem. S. Theodori Mart.
xij	f	iv	10 S. Andreaë Avellini Conf. dupl. Commem. SS. Tryphonis et Soc. Mm.
xj	g	iiij	11 S. Martini Episc. et Conf. dupl. Commem. S. Mennæ Mart.
x	A	Prid.	12 S. Martini I. Papæ et Mart. semid.
ix	b	Idib.	13 S. Didaci Conf. semid.
viiij	c	xviiij	14 S. Josaphat Episc. et Mart. dupl.
vij	d	xvij	15 S. Gertrudis Virg. dupl.
vj	e	xvj	16
v	f	xv	17 S. Gregorii Thaumaturgi Episc. et Conf. semid.
iv	g	xiv	18 Dedicatio Basilicarum SS. Petri et Pauli, dupl. maj.
iiij	A	xiiij	19 S. Elisabeth Vid. dupl. Commem. S. Pon- tiani Papæ et Mart.
ij	b	xij	20 S. Felicis de Valois Conf. dupl.
j	c	xj	21 Præsentatio B. M. V. dupl. maj.
*	d	x	22 S. Cæciliæ Virg. et Mart. dupl.
xxix	e	ix	23 S. Clementis I. Papæ et Mart. dupl. Com- mem. sanctæ Felicitatis Mart.
xxviiij	f	viiij	24 S. Joannis a Cruce Conf. dupl. Commem. S. Chrysogoni Mart.
xxvij	g	vij	25 S. Catharinæ Virg. et Mart. dupl.
25. xxvj	A	vj	26 S. Silvestri Abbat. dupl. Commem. S. Petri Alexandrini Episc. et Mart.
xxv. xxiv	b	v	27
xxiiij	c	iv	28
xxij	d	iiij	29 Vigilia. Commem. S. Saturnini Mart.
xxj	e	Prid.	30 S. ANDRÆ APOSTOLI, dupl. 2. cl.

## DECEMBER

Cyclus Epact.	Littera Dom.	Dies mensis.	
xx	f	Kal.	1
xix	g	iv	2 S. Bibianæ Virg. et Mart. <i>semid.</i>
xviiij	A	iiij	3 S. Francisci Xaverii Conf. <i>dupl.</i>
xvij	b	Prid.	4 S. Petri Chrysologi Episc. Conf. et Eccles. Doct. <i>dupl. Commem.</i> sanctæ Barbaræ Virg. et Mart.
xvj	c	Non.	5 S. Sabbæ Abbatis. <i>Commem.</i>
xv	d	viiij	6 S. Nicolai Episc. et Conf. <i>dupl.</i>
xiv	e	vij	7 S. Ambrosii Episc. Conf. et Eccl. Doct. <i>dupl.</i> Vigilia.
xiiij	f	vj	8 IMMACULATA CONCEPTIO B. M. V. <i>dupl. 1. cl.</i>
xij	g	v	9 De Octava, <i>semid.</i>
xj	A	iv	10 De Octava. <i>semid. Commem.</i> S. Melchiadis Papæ et Mart.
x	b	iiij	11 Damasi I. Papæ et Conf. <i>semid. Commem.</i> Octavæ.
ix	c	Prid.	12 De Octava.
viiij	d	Idib.	13 Lucie Virg. et Mart. <i>dupl. Commem.</i> Oc- tavæ.
vij	e	xix	14 De Octava.
vj	f	xviiij	15 Octava Immaculatæ Conceptionis B. M. V. <i>dupl.</i>
v	g	xvij	16 S. Eusebii Episc. et Mart. <i>semid.</i>
iv	A	xvj	17
iiij	b	xv	18
ij	c	xiv	19
j	d	xiiij	20 Vigilia.
	e	xij	21 S. THOMÆ APOSTOLI, <i>dupl. 2. cl.</i>
xxix	f	xj	22
xxviiij	g	x	23
xxvij	A	ix	24 Vigilia.
xxvj	b	viiij	25 NATIVITAS D. N. JESU CHRISTI, <i>dupl.</i> <i>1. classis.</i>
25. xxv	c	vij	26 S. STEPHANI PROTOMARTYRIS, <i>dupl. 2. cl.</i> <i>Commem.</i> Octavæ.
xxiv	d	vj	27 S. JOANNIS APOST. ET EVANG. <i>dupl. 2. cl.</i> <i>Commem.</i> Octavarum.
xxiiij	e	v	28 SS. INNOCENTII MM. <i>dupl. 2. cl. Commem.</i> Octavarum.
xxij	f	iv	29 S. Thomæ Cantuariensis Episc. et Mart. <i>dupl. Commem.</i> Octavarum.
xxj	g	iiij	30 De Dom. infra Oct. Nativitatis <i>vel</i> de Oct. <i>Commem.</i> aliarum Octavarum.
19. xx	A	Prid.	31 S. Silvestri I. Papæ et Conf. <i>dupl. Com-</i> <i>mem.</i> Octavarum.

Hæc Epacta 19. nigra numquam est in  
usu, nisi quando eodem anno concurrat  
cum Aureo Numero xix.

# DUÆ TABELLÆ

## EX RUBRICIS GENERALIBUS EXCERPTÆ

In quarum prima statim videri poterit de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurret in Vesperis cum Officio sequentis diei.

Ex utraque Tabella hoc ordine repetietur quod quæritur.

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt: deinde legatur regula juxta dictum numerum descripta, et ex ea clare videbitur quid sit agendum.

Exempli gratia: Quadrangulus, in quo sibi invicem occurrunt Duplex primæ classis et Dominica primæ classis, erit qui est in angulo superiori primæ Tabellæ, in quo signatus est numerus 1, quia si ad eum tam Duplex quam Dominica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet:

1. Translatio de primo, Officium de secundo. Id est, Duplex primæ classis prædictum transferatur, et Officium fiat de Dominica primæ classis: quia cum in his regulis dicitur de primo seu præcedenti, intelligitur de Festo in superiori parte Tabellæ apposito, ut Duplex prædictum; cum de secundo vel sequenti, de Festo in inferiori parte sub numeris apposito, ut Dominica prædicta.

In aliquibus autem quadrangulis nullus appositus est numerus, vel quia nullus occursus, neque concursus esse potest, vel quia in propriis locis adnotatur in Breviario quid sit agendum.

Scire tamen oportet quæ sint Duplicia primæ et secundæ classis, et majora per annum, et quæ Dominicæ, et Feriæ majores dicantur.

### DUPLICIA PRIMÆ CLASSIS

In quibus nulla fit Commemoratio quorumcumque Festorum occurrentium, nisi prout supra in Rubricis.

Nativitas Domini.

Epiphania Domini.

Pascha Resurrectionis, cum tribus antecedentibus et duobus sequentibus diebus.

Ascensio Domini.

Pentecostes, cum duobus sequentibus diebus.

Festum Corporis Christi.

Festum Sacratissimi Cordis Jesu.

Immaculata Conceptio, Annuntiatio, et Assumptio B. M. V.

Nativitas S. Joannis Baptistæ.

Festum S. Joseph Sponsi B. Mariæ V.

Festum SS. Apost. Petri et Pauli.

Festum Omnium Sanctorum.

Dedicatio propriæ Ecclesiæ.

Patronus, vel Titulus Ecclesiæ.

### DUPLICIA II. CLASSIS

In quibus de Simplicibus fit Commemoratio in Laudibus tantum; de aliis ut in Rubricis.

Circumcisio Domini.

Festum SS. Nominis Jesu.

Festum SS. Trinitatis.

Festum Pretiosissimi Sanguinis D. N. J. C.

Inventio S. Crucis.

Purificatio

Visitatio

Nativitas

Solemn. SS. Rosarii

Dedicatio S. Michaëlis Archangeli.

Festum Patrocinii S. Joseph Sponsi B. M. V.

Natalitia undecim Apostolorum.

Festa Evangelistarum.

Festum S. Stephani Protomartyris.

Festum SS. Innocentium Martyrum.

Festum S. Laurentii Martyris.

Festum S. Annæ Matris B. M. V.

Festum S. Joachim Patris B. M. V.

### DOMINICÆ MAJORES

DIVIDUNTUR IN DUAS CLASSES

### DOMINICÆ I. CLASSIS

quæ numquam omittuntur.

Prima Adventus.

Prima Quadragesimæ.

Passionis.

Palmarum.

Paschæ.

In Albis.

Pentecostes.

Trinitatis.



## DOMINICÆ II. CLASSIS

quæ non omittuntur, nisi occurrente  
Duplici primæ classis, et tunc de iis  
fit Commemoratio in utrisque Vesperis  
et Laudibus.

Secunda	}	Adventus.
Tertia		
Quarta		
Dominica	}	Septuagesimæ.
Dominica		Sexagesimæ.
Dominica		Quinquagesimæ.
Secunda	}	Quadragesimæ.
Tertia		
Quarta		

## DUPLICIA MAJORA

## PER ANNUM

quæ aliis Duplicibus minoribus  
preferuntur.

Transfiguratio Domini.  
Exaltatio sanctæ Crucis.  
Dedicatio Archibasilicæ SS. Salvatoris.  
Duo Festa Septem Dolorum B. M. V.  
Commemoratio B. M. V. de Monte Carmelo.  
Dedicatio S. Mariæ ad Nives.

Festum SS. Nominis Mariæ.  
Festum de Mercede B. M. V.  
Præsentatio B. M. V.  
Apparitio S. Michaëlis Archangeli.  
Festum SS. Angelorum Custodum.  
Decollatio S. Joannis Baptistæ.  
Cathedra sancti Petri Apostoli utraque.  
Festum ejusdem ad Vincula.  
Conversio S. Pauli Apostoli.  
Commemoratio S. Pauli Apostoli.  
Dedicatio Basilicarum SS. Apostolorum Petri et Pauli.  
Festum S. Joannis ante portam Latinam.  
Festum S. Barnabæ Apostoli.  
Festum S. Benedicti Abbatis.  
Festum S. Dominici Confessoris.  
Festum S. Francisci Assisien. Confessoris.  
Festum Patronorum minus Principium.

*Feriæ majores, de quibus semper fit  
Commemoratio.*

Adventus.  
Quadragesimæ.  
Quatuor Temporum.  
Secunda Rogationum.

## CATALOGUS FESTORUM

quæ uti Primaria, vel Secundaria retinenda sunt, ex Decretis generalibus  
S. R. C., diei 27 Aug. 1894 et 5 Febr. 1895.

## FESTA PRIMARIA

## IN KALENDARIO UNIVERSALI

## § I. Duplicia primæ classis.

Natiuitas Domini.  
Epiphania Domini.  
Pascha Resurrectionis.  
Ascensio Domini.  
Pentecostes.  
Festum Corporis Christi.  
Immaculata Conceptio, Annuntiatio,  
et Assumptio B. M. V.  
Natiuitas S. Joannis Baptistæ.  
Festum S. Joseph Sponsi B. M. V.  
Festum SS. Apostolorum Petri et Pauli.  
Festum Omnium Sanctorum.  
Dedicatio propriæ Ecclesiæ.  
Titulus Ecclesiæ.  
Patronus Principalis Regionis, vel Diocesis, aut loci.

## § II. Duplicia secundæ classis.

Circumcisio Domini.  
Festum SS. Trinitatis.  
Purificatio B. Mariæ V.  
Visitatio B. Mariæ V.  
Natiuitas B. Mariæ V.  
Dedicatio S. Michaëlis Archangeli.

Natalitia Undecim Apostolorum.  
Festa Evangelistarum.  
Festum S. Stephani Protomartyris.  
Festum SS. Innocentium Martyrum.  
Festum S. Laurentii Martyris.  
Festum S. Annæ Matris B. M. V.  
Festum S. Joachim Patris B. Mariæ V.

## § III. Duplicia majora per Annum.

Transfiguratio Domini.  
Dedicatio Archibasilicæ SS. Salvatoris.  
Dedicatio S. Mariæ ad Nives.  
Festum SS. Angelorum Custodum.  
Dedicatio Basilicarum SS. Petri et Pauli Apostolorum.  
Festum S. Barnabæ.  
Festum S. Benedicti Abbatis.  
Festum S. Dominici Conf.  
Festum S. Francisci Conf.  
Festum Patronorum minus Principium.

## § IV. Alia Duplicia per Annum.

Dies Natalitia, vel quasi Natalitia uniuscujusque Sancti.

*Pro aliquibus locis.*

S. Gabrielis Archangeli.  
S. Raphaëlis Archangeli.

Dies Natalitia, vel quasi Natalitia unius-  
cujusque Sancti.  
Commemoratio Sanctorum, quorum  
Corpora, vel Reliquiæ in Ecclesiis  
Diœceseos asservantur.

FESTA SECUNDARIA  
IN KALENDARIO UNIVERSALI

§ I. *Duplicia primæ classis.*

Sacratissimi Cordis Jesu.

§ II. *Duplicia secundæ classis.*

Festum SS. Nominis Jesu.  
Festum Inventionis sanctæ Crucis.  
Festum Pretiosissimi Sanguinis D. N.  
J. C.  
Solemnitas SS. Rosarii B. M. V.  
Festum Patrocinii S. Joseph Sponsi  
B. M. V.

§ III. *Duplicia majora.*

Exaltatio sanctæ Crucis.  
Duo Festa Septem Dolorum B. M. V.  
Commemoratio B. M. V. de Monte Car-  
melo.  
Festum SS. Nominis B. M. V.  
Festum de Mercede B. M. V.  
Præsentatio B. M. V.  
Apparitio S. Michaëlis Archangeli.

Decollatio S. Joannis Baptistæ.  
Cathedra S. Petri Apostoli utraque.  
Festum ejusdem ad Vincula.  
Conversio, et Commemoratio S. Pauli  
Apostoli.  
Festum S. Joannis ante portam Lati-  
nam.

*Pro aliquibus locis.*

Officia Mysteriorum et Instrumento-  
rum Passionis D. N. J. C.  
SS. Redemptoris.  
Sanctæ Familiæ Jesu, Mariæ, Joseph.  
Purissimi Cordis Mariæ.  
Desponsationis, Maternitatis, Puritatis,  
Patrocinii B. M. V.  
Translationis Almæ Domus B. M. V.  
Expectationis Partus B. M. V.  
B. M. V. Auxilium Christianorum.  
Prodigiorum B. M. V.  
Apparitionis B. M. V. Immaculatæ.  
Manifestationis B. M. V. Immaculatæ,  
a sacro numismate.  
Commemoratio Omnium SS. Summo-  
rum Pontificum.  
Item alia quæcumque Festa sive Do-  
mini, sive B. M. V. sub aliquo peculiari  
titulo, sive Sanctorum, præter eorum-  
dem natalem diem, uti Inventionis  
Corporum, Translationis, Receptionis,  
Patrocinii, et hisce similia.



## SI OCCURRAT EODEM DIE

Duplex I. classis,	6	4	0	6	6	4	6	6	2	2	2	8	4	4	1
Duplex II. classis,	4	4	0	4	4	4	6	4	2	2	8	1	4	1	1
Duplex per annum majus,	4	4	0	4	4	1	4	4	2	8	1	1	4	1	1
Duplex Doct. Ecclesiæ,	4	4	0	4	4	1	4	0	0	1	1	1	4	1	1
Duplex per annum minus,	4	4	0	4	4	3	4	7	0	3	3	5	4	3	3
Dies infra Octavam,	4	4	0	4	3	3	7	3	3	3	5	5	3	3	3
Dies Octava,	4	4	0	4	4	7	4	4	2	2	3	3	4	3	3
Semiduplex,	4	4	0	4	7	3	4	3	3	3	3	5	3	3	3
Simplex,	3	3	3	0	3	3	3	3	3	3	3	5	3	3	3
Sancta Maria in Sabbato,	5	5	0	4	0	0	0	0	0	0	0	0	0	0	0
Feria major,	6	0	6	4	3	3	3	3	3	3	3	3	0	0	0
Vigilia,	0	5	6	4	3	3	3	3	3	3	3	5	0	0	0
1 Translat. de 1°, Officium de 2°.	et Dominica I. classis. « Dominica II. classis. « Dominica per annum. « Duplex I. classis. « Duplex II. classis. « Duplex per annum majus. « Duplex Doctoris Ecclesiæ. « Duplex per annum minus. « Duplex infra Octavam. « Dies Octava. « Semiduplex. « Simplex. « Sancta Maria in Sabbato. « Feria major. « Vigilia.														
2 Officium de 1°, Translat. de 2°.															
3 Commem. de 1°, Officium de 2°.															
4 Officium de 1°, Commem. de 2°.															
5 Nihil de 1°, Officium de 2°.															
6 Officium de 1°, nihil de 2°.															
7 Officium de digniori, Commem. de minus digno.															
8 Officium de digniori, Translat. de minus digno.															

1. Notandum, quod Duplex quodcumque, etiam Patroni et Tituli Ecclesiæ, vel Dedicationis ejusdem, occurrens in Vigilia Nativitatis Domini et Pentecostes, in die Circumcisionis, in die Octava Epiphaniæ, in Feria quarta Cinerum, ac in tota majori Hebdomada, et infra Octavam Paschæ et Pentecostes, in Ascensione Domini, in Festo Corporis Christi, in Festis Immaculatæ Conceptionis, Annuntiationis et Assumptionis B. M. V., in Nativitate sancti Joannis Baptistæ, in Festo S. Joseph, SS. Apostolorum Petri et Pauli, et Omnium Sanctorum, transfertur, si transferri valeat: aliter de eo fit Commemoratio ipso die quo cadit, vel penitus omittitur, ut ponitur in propriis Rubricis.

2. Infra Octavam Epiphaniæ fit tantum de Duplicibus primæ classis occurrentibus, cum Commemoratione Octavæ. Alia Festa novem Lectionum in prima die libera post Octavam perpetuo celebrantur: de Simplicibus vero fit tantum Commemoratio, ut supra.

3. Infra Octavam Corporis Christi, de Semiduplici occurrente fit tantum Commemoratio, neque fit de Duplici trans-

lato, nisi sit j. vel ij. classis, et de ea, quocumque adveniente Duplici, fit Commemoratio.

4. Infra illas Octavas, in quibus fit de Festis occurrentibus, de Semiduplici occurrente in Dominica, fit Commemoratio, uti alias juxta Rubricas.

5. De Octava Nativitatis Domini, Epiphaniæ, et Corporis Christi, semper fit Commemoratio, quocumque Festo in illis occurrente.

6. De aliis Octavis, quæ non sunt in Calendario, nihil fit a Feria quarta Cinerum usque ad Dominicam in Albis, et a Vigilia Pentecostes usque ad Festum SS. Trinitatis inclusive, et a die 17 Decembris usque ad Epiphaniam.

7. Dies Octavæ numquam transfertur: ideo quamquam Nativitas S. Joannis Baptistæ occurrens in die Corporis Christi, transferatur in diem sequentem: non tamen transfertur Octava, sed de ea fit tantum Commemoratio in Officio de Octava Corporis Christi.

8. Si accadat, ut Patronus loci, vel Titulus Ecclesiæ descriptus sit eodem die in Calendario cum aliis Sanctis, qui separari queunt, in ea Ecclesia,



vel in loco, fit tantum de Titulari, vel Patrono. Alii si in dicto Calendario descripti sint sub ritu Duplici majori, vel minori, aut Semiduplici, transferuntur perpetuo in diem primam liberam, et de eis fiat Officium Semiduplex. Si vero sint ex Duplicibus 1. vel 2. classis, similiter in diem primam liberam perpetuo transferantur, et de eis fiat Officium sub eodem ritu, ac si propria die celebrarentur. Si autem in Calendario omnes sint tamquam Festum Simplex, de eis nihil fit.

9. De Feriis Adventus et Quadragesimæ, quando de eis non fit Officium, fit Commemoratio in utrisque Vesperis, et Laudibus cujuscumque Festi : de Quatuor Temporibus, et Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.

## QUANDO CONCURRIT

Dominica I. et II. classis,	0	4	3	4	4	3	3	3	3	3	0
Dominica per annum,	0	4	3	4	4	3	3	1	1	1	0
Duplex I. classis,	2	2	4	2	4	4	4	6	4	6	4
Duplex II. classis,	4	4	4	4	4	4	4	3	6	3	4
Patronus, seu Titulus Ecclesiæ,	2	2	4	2	4	4	4	0	4	0	4
Duplex per annum majus,	4	4	4	4	4	4	6	1	3	1	4
Duplex per annum minus,	4	4	5	4	4	5	3	1	3	1	4
Semiduplex,	4	4	3	4	5	3	3	1	1	1	5
Dies Octava,	4	4	5	4	4	5	3	1	3	1	4
Dies infra Octavam,	0	0	3	4	3	3	3	1	1	1	5
1 Totum de sequenti, nihil de præcedenti.	<div>« Dominica quæcumque.</div> <div>« Duplici I. classis.</div> <div>« Duplici II. classis.</div> <div>« Patrono, seu Titulo Ecclesiæ.</div> <div>« Duplici per annum majore.</div> <div>« Duplici per annum minore.</div> <div>« Semiduplici.</div> <div>« Simplici.</div> <div>« Die Octava.</div> <div>« Die infra Octavam.</div> <div>« Sancta Maria in Sabbato.</div>										
2 Totum de præcedenti, nihil de sequenti.											
3 Totum de sequenti, Commemoratio de præcedenti.											
4 Totum de præcedenti, Commemoratio de sequenti.											
5 Capitulum de sequenti, Commemoratio de præcedenti.											
6 Totum de digniori, Commemoratio de minus digno : in paritate dignitatis, a Capitulo de sequenti.											
Simplex, et sancta Maria in Sabbato, Feria et Vigilia non concurrunt.											

1. Notandum, quod in I. Vesperis diei Octavæ Ascensionis et Corporis Christi, aliorumque Festorum primariorum Domini, totum Officium fit de Octava, cum Commemoratione præcedentis Festi Duplicis, nisi fuerit Festum solemne principale, aut primæ vel secundæ classis; quia tunc de Festo fieret Officium, et Commemoratio de Octava.

2. In II. Vesperis diei Octavæ Festorum Domini, si primaria fuerint et solemniora, uti Epiphaniæ, Paschæ, Ascensionis, aliorumque, de sequenti Duplici, si concurrat, fit tantum Commemoratio, nisi hoc fuerit primæ vel secundæ classis; quia tunc de eo fieret

Officium, et de Octava Commemoratio. Die Octava Corporis Christi in II. Vesperis nulla fit Commemoratio sequentis Duplicis (Sacratissimi Cordis Jesu), nisi concurrat cum die Octava S. Joannis Baptistæ, et tunc Vesperæ erunt de Octava Corporis Christi, cum Commemoratione Octavæ S. Joannis.

3. Diebus Octavis Festorum primariorum B. Mariæ V., etiam particulare alicujus Religionis, Angelorum, S. Joannis Baptistæ, S. Joseph et SS. Apostolorum de præcedenti, vel sequenti Duplici minori fit tantum Commemoratio.

4. In II. Vesperis Duplicis primæ clas-

sis fit Commemoratio de Festis Duplicibus et Semiduplicibus reductis ad modum Simplicis tantummodo, si huiusmodi Commemoratio facienda sit die sequenti. In Duplicibus tamen secundæ classis de dictis Festis fit Commemoratio in utrisque Vesperis ad instar Octavæ et Dominicæ, ut in Rubricis generalibus de Commemorationibus dictum est; non fit vero Commemoratio de die infra Octavam, nisi quando de ea fieri debeat Officium die sequenti.

5. Cum plures fiunt Commemorationes, servetur hic ordo: Post Orationem Officii currentis,

1. De Dominica privilegiata, 2. de die Octava, 3. de Duplici majori, 4. de Duplici minori ad instar simplicium redactis, 5. de Dominica communi, 6. de die infra Octavam Corporis Christi, 7. de Semiduplici, 8. de die infra Octavam communem, ad simplicem ritum pariter redactis; 9. de Feria majori, vel Vigilia; 10. de Simplici.

## ORATIO

A PAPA URBANO VIII. EDITA

**A**NTE oculos tuos Dómine culpas nostras férimus, et plagas quas accépimus, conférimus.

Si pensámus malum quod fécimus, minus est quod pátimur, majus est quod merémur.

Grávius est quod commísimus, lévius est quod tolerámus.

Peccáti pœnam sentimus, et peccándi pertináciam non vitámus.

In flagéllis tuis infirmitas nostra téritur, et iníquitas non mutátur.

Mens ægra torquétur, et cervix non fléctitur.

Vita in dolóre suspírat, et in ópere non se eméndat.

Si expéctas, non corrígimur: si víndicas, non durámus.

Confitémur in correctióne quod égimus: obliviscimur post visitatióne quod flévimus.

Si exténderis manum, faciéndam promíttimus: si suspénderis gládium, promissa non sólvimus.

Si férias, clamámus ut parcas: si pepérceris, íterum provocámus ut férias.

Habes Dómine confiténtes reos: nóvimus quod nisi dimíttas, recte nos périmas.

Præsta Pater omnipotens, sine mérito quod rogámus, qui fecísti ex nihilo qui te rogárent. Per Christum Dóminum nostrum. Amen.

Ÿ. Gregem tuum Pastor ætérne non déseras.

Ŕ. Sed per beátos Apóstolos tuos perpétua defensióne custódias.

Ÿ. Prótege Dómine pópulum tuum ad te clamántem, et Apostolórum tuórum patrocinio confidéntem.

Ŕ. Perpétua defensióne custódias.

Ÿ. Oráte pro nobis sancti Apóstoli Dei.

Ŕ. Ut digni efficiámur promissionibus Christi.

**Oratio.**

**P**RÆSTA, quæsumus omnipotens Deus: ut nullis nos permíttas perturbatióibus concuti, quos in Apostólicæ confessionis petra solidásti. Per Dóminum. Ŕ. Amen.

**I**MPLÓRET, clementíssime Dómine, nostris opportunam necessitatibus opem devóte a nobis proláta meditatio, qua sanctus olim Joánnes Chrysóstomus, in basilica Principis Apostolórum cónditus, tecum



beatissimis Apóstolis Petro et Páulo repræsentávit sic colloquéntem : Circúmdate hanc novam Sion, et circumvalláte eam : hoc est, custodíte, muníte, précibus firmáte; ut quando iráscor in témpore, et orbem terræ concútio, adspiciens sepúlcrum vestrum numquam desitúrum, et quæ libénter propter me géritis stígmata, iram

misericórdia vincam, et ob hanc percípíam vestram intercessió-nem. Etenim quando Sacerdótium et Regnum vídeo lacrymári, statim quasi compátiens ad commiseratió-nem flector, et illius meæ vocis reminíscor : Prótegá-m urbem hanc propter David servum meum, et Aaron sanctum meum. Dómine, fiat, fiat. Amen, amen.

## ORATIO

### DICENDA ANTE DIVINUM OFFICIUM

**A**PERI Dómine os meum ad benedicéndum nomen sanctum tuum : munda quoque cor meum ab ómnibus vanis, perversis et aliénis cogitatió-nibus : intelléctum illúmina, afféctum inflámma, ut digne, attén-te ac devóte hoc Officium recitáre

váleam, et exaudíri mérear ante conspéctum divínæ Majestátis tuæ. Per Christum Dóminum nostrum. **R.** Amen.

Dómine in unió-ne illius divínæ intentiós-nis, qua ipse in terris láudes Deo persolvísti, has tibi Horas persólvo.

## ORATIO

### DICENDA POST DIVINUM OFFICIUM

Orationem sequentem devote post Officium recitantibus Leo Papa X. defectus et culpas in eo persolvendo ex humana fragilitate contractas indulsit : dicitur flexis genibus.

**S**ACROSÁNCTÆ et individuæ Trinitáti, crucifixi Dómini nostri Jesu Christi humanitáti, beatissimæ et gloriosissimæ sempérque Vírginis Mariæ fecúndæ integritáti, et ómnium Sanctórum universitáti, sit sempitérna laus, honor, virtus et glória ab omni creatúra, nobis-

que remissio ómnium peccatórum, per infinita sácula sæculórum. **R.** Amen.

**Ÿ.** Beáta víscera Mariæ Vírginis, quæ portavérunt ætérni Patris Fílium.

**R.** Et beáta úbera, quæ lactavérunt Christum Dóminum.

Pater noster. Ave María.





# ABSOLUTIONES ET BENEDICTIONES

## DICENDÆ ANTE LECTIONES IN OFFICIO NOVEM ET TRIUM LECTIONUM

### IN I. NOCTURNO

Et pro II. et V. Feria.

#### ABSOLUTIO

**E**XÁUDI Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sácula sæculórum.

R. Amen.

#### BENEDICTIONES

1. Benedictióne perpétua benedicat nos Pater atérnus.

R. Amen.

2. Unigénitus Dei Fílius nos benedicere et adjuvare dignetur. R. Amen.

3. Spíritus sancti grátia illúmet sensus et corda nostra.

R. Amen.

### IN II. NOCTURNO

Et pro III. et VI. Feria.

#### ABSOLUTIO

**I**PSÍUS pietas et misericórdia nos ádjuvet, qui cum Patre et Spíritu sancto vivit et regnat in sácula sæculórum.

R. Amen.

#### BENEDICTIONES

4. Deus Pater omnípotens sit nobis propítius et clemens.

R. Amen.

5. Christus perpétuæ det nobis gáudia vitæ.

R. Amen.

6. Ignem sui amóris accéndat Deus in córdibus nostris.

R. Amen.

### IN III. NOCTURNO

Et pro Feria IV. et Sabbato.

#### ABSOLUTIO

**A**VÍNCULIS peccatórum nostrórum absólvat nos omnípotens et miséricors Dóminus.

R. Amen.

#### BENEDICTIONES

7. Evangélica léctio sit nobis salus et protéctio.

R. Amen.

8. Divínium auxílium máneat semper nobíscum.

R. Amen.

9. Ad societátem civium supernórum perdúcat nos Rex Angelórum. R. Amen.

Si Officium fit de Sancto vel de Sancta novem Lectionum, octava Benedictio erit :

Cujus festum cólimus, ipse (vel ipsa) intercédant pro nobis ad Dóminum.

Quando sunt plures, dicitur :

Quorum (vel Quarum) festum cólimus, ipsi (vel ipsæ) intercédant pro nobis ad Dóminum.

Si Officium fit de sancta Maria, octava Benedictio erit :

Cujus festum cólimus, ipsa Virgo víginum intercédant pro nobis ad Dóminum.

Si in ultima Lect. legendum sit aliud Evangelium cum Homilia, nona Benedictio erit :

Per Evangélica dicta deleántur nostra delicta.

In Officio trium Lectionum dicuntur Absolutiones et Benedictiones prædictæ, ordine superius in Rubricis generalibus descripto : et in eo, quando non legitur Homilia cum Evang., et Benedictiones sumendæ sunt ex III. Noct., prima Benedictio dicitur :

1. Ille nos benedicat, qui sine fine vivit et regnat.

R. Amen.

2. Divínium auxílium.

3. Ad societátem.

In Officio trium Lectionum,  
quando legitur Homilia cum  
Evang., prima Benedictio erit :

1. Evangélica lécio.
2. Divinum auxílium.
3. Ad societátem.

Si Officium fit de Sancto vel  
de Sancta trium Lectionum,  
prima Benèdictio erit :

1. Ille nos benedicat, qui sine  
fine vivit et regnat.

R. Amen.

2. Cujus (vel Quorum, vel Qua-  
rum).

3. Ad societátem.

In Officio de sancta Maria in  
Sabbato :

#### ABSOLUTIO

**P**RÉCIBUS et méritis beátæ  
Maríæ semper Vírginis, et  
ómnium Sanctórum, perdúcat  
nos Dóminus ad regna cæló-  
rum.

R. Amen.

1. Nos cum prole pia benedicat  
Virgo María.

R. Amen.

2. Ipsa Virgo vírginum intercéd-  
dat pro nobis ad Dóminum.

R. Amen.

3. Per Vírginem matrem con-  
cédat nobis Dóminus salú-  
tem et pacem.

R. Amen.





# PSALTERIUM

DISPOSITUM

PER HEBDOMADAM

CUM ORDINARIO OFFICII DE TEMPORE

PARS VERA

## DOMINICA AD MATUTINUM

ANTE MATUTINUM, ET OMNES HORAS

PRÆTERQUAM AD COMPLETORIUM, DICITUR SECRETO

**P**ATER noster, qui es in cælis, sanctificetur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidiánum da nobis hódie. Et dímittle nobis débíta nostra, sicut et nos dimíttimus debitóribus nostris. Et ne nos indúcas in tentatióem : sed libera nos a malo. Amen.

**A**VE María, grátia plena : Dóminustecum : benedicta tu in muliéribus : et benedíctus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

In principio Matutini et

Primæ, ac in fine Completorii, dicitur etiam Symbolum Apostolorum.

**C**REDO in Deum, Patrem omnipoténtem, Creatórem cæli et terræ. Et in Jesum Christum, Fílium ejus únicum, Dóminum nostrum : qui concéptus est de Spíritu sancto, natus ex María Virgine, passus sub Póntio Piláto, crucifíxus, mórtuus, et sepúltus : descéndit ad inferos : tértia die resurréxit a mórtuis : ascéndit ad cælos, sedet ad dexteram Dei Patris omnipoténtis : inde ventúrus est judicáre vivos et mórtuos. Credo in Spíritum sanctum, sanctam Ecclésiám cathólicam, sanctórum communionem, remissionem peccatórum, carnis



resurrectiōnem, vitam ætérnam. Amen.

**Deinde clara voce dicitur** *ŷ.*

**D**ÓMINE lábia mea apéries. *ŷ.* Et os meum annuntiábit láudem tuam.

*ŷ.* Deus in adjutórium meum inténde. *ŷ.* Dómine ad adjuvándum me festina. Glória Patri, et Filio, et Spirítui sancto. Sicut erat in principio, et nunc, et semper, et in sǎcula sǎculórum. Amen. Laus tibi Dómine, Rex ætérnæ glóriæ.

**Sic dicitur** Laus tibi Dómine. etc., ad omnes Horas per totam Quadrag., usque ad Feriam V. in Cœna Domini; et a Sabbato sancto dicitur Allelúia.

**Invitatorium sequens dicitur in Dominicis tantum, a Dom. I. Quadrag., usque ad Dominicam Passionis exclusive.**

**Invitatorium.** Non sit vobis vanum mane súrgere ante lucem : \* Quia promísit Dóminus corónam vigilántibus.

**Repetitur** Non sit vobis vanum mane súrgere ante lucem : quia promísit Dóminus corónam vigilántibus.

**Psalmus 94.**

**V**ENÍTE, exsultémus Dómino, jubilémus Deo salutári nostro : præoccupémus fáciem ejus in confessiōe, et in psalmis jubilémus ei.

Non sit vobis vanum mane súrgere ante lucem : quia promísit Dóminus corónam vigilántibus.

Quóniam Deus magnus Dóminus, et Rex magnus super omnes deos : quóniam non repéllet Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Quia promísit Dóminus corónam vigilántibus.

Quóniam ipsíus est mare, et ipse fecit illud, et áridam fundavérunt manus ejus : veníte, adorémus, et procidámus ante Deum : plorémus coram Dómino, qui fecit nos, quia ipse est Dóminus Deus noster : nos áutem pópulus ejus, et oves pásuæ ejus.

Non sit vobis vanum mane súrgere ante lucem : quia promísit Dóminus corónam vigilántibus.

Hódie si vocem ejus audieritis, nolíte obduráre corda vestra, sicut in exacerbatiōe secúndum diem tentatiōnis in desérto : ubi tentavérunt me patres vestri, probavérunt et vidérunt ópera mea.

Quia promísit Dóminus corónam vigilántibus.

Quadraginta annis próximus fui generatiōni huic, et dixi : Semper hi errant corde : ipsi vero non cognovérunt vias meas, quibus jurávi in ira mea, si introibunt in réquiem meam.

Non sit vobis vanum mane súrgere ante lucem : quia promísit Dóminus corónam vigilántibus.

Glória Patri, et Filio, et Spiritui sancto. Sicut erat in principio, et nunc, et semper, et in sæcula sæculórum. Amen.

Quia promisit Dóminus corónam vigilántibus.

Non sit vobis vanum mane súrgere ante lucem : quia promisit Dóminus corónam vigilántibus.

**Hymnus sequens dicitur in Dominicis et Feriis usque ad Dom. Passionis exclusive.**

**Hymnus.**

**E**x more docti mýstico  
Servémus hoc jejúnium,  
Deno diérum circulo  
Ducto quater notissimo.

Lex et prophétæ primitus  
Hoc prætulérunt, póstmodum  
Christus sacrávit, ómnium  
Rex atque factor témporum.

Utámur ergo párcius  
Verbis, cibus et pótibus,  
Somno, jocis, et ártius  
Perstémus in custódia.

Vitémus áutem nóxia,  
Quæ súbruunt mentes vagas :

Nullúmque demus cállidi  
Hostis locum tyránnidi.

Flectámus iram víndicem,  
Plorémus ante júdicem,  
Clamémus ore súpplíci,  
Dicámus omnes cernui :

Nostris malis offéndimus  
Tuam Deus cleméntiam :  
Effúnde nobis désuper,  
Remissor, indulgéntiam.

Meménto quod sumus tui,  
Licet cadúci, plásmatis :  
Ne des honórem nóminis  
Tui, precámur, álteri.

Laxa malum quod féci-  
mus,  
Auge bonum quod pósci-  
mus :

Placére quo tandem tibi  
Possimus hic, et pérpetim.

Præsta beáta Trínitas,  
Concéde simplex Unitas,  
Ut fructuósa sint tuis  
Jejuniórum múnera.

Amen.

**Tempore Paschali.**

**Ad Matutinum, Invitat.**  
Surréxit Dóminus vere, \* Al-  
leluía.

**Ps.** Veníte, exsultémus. 2.

**Hymnus.**

**R**EX sempitérne cælitum,  
Rerum Creátor ómnium,  
Æquális ante sæcula  
Semper Parénti Filius :

Nascénte qui mundo faber  
Imáginem vultus tui  
Tradens Adámo, nóbilem  
Limo jugásti spíritum.

Cum livor et fraus dáemo-  
nis

Fœdásset humánum genus :  
Tu carne amíctus pérditam  
Formam refórmas ártifex.

Qui natus olim e Vírgine,  
Nunc e sepúlcro násceris,  
Tecúmque nos a mórtuis  
Jubes sepúltos súrgere.

Qui pastor ætérnus gre-  
gem

Aqua lavas baptismatis :  
Hæc est lavácrum méntium :  
Hæc est sepúlcrum crimi-  
num.



Nobis diu qui débite  
Redemptor affixus cruci,  
Nostræ dedisti prodigus  
Prætiū salutis sanguinem.

Ut sis perenne mentibus  
Paschale Jesu gaudium,  
A morte dira criminum  
Vitæ renatos libera.

Deo Patri sit gloria,  
Et Filio, qui a mortuis  
Surrexit, ac Paráclito,  
In sempiterna sæcula.

Amen.

IN I. NOCTURNO

**Per Annum, Ant.** Servite  
Dómino.

**Temp. Pasch. Ant.** Alle-  
lúia.

**Asteriscus** \* notat pausam  
cantus in Choro.

**Psalmus 1.**

**B**EATUS vir, qui non abiit  
in consilio impiórum, et  
in via peccatórum non ste-  
tit, \* et in cáthedra pestilén-  
tiæ non sedit :

Sed in lege Dómini vo-  
lúntas ejus, \* et in lege  
ejus meditábitur die ac no-  
cte.

Et erit tamquam lignum,  
quod plantátum est secus  
decúrsus aquárum, \* quod  
fructum suum dabit in témpo-  
re suo :

Et fólium ejus non dé-  
fluet : \* et ómnia quæcúm-  
que faciet, prosperabún-  
tur.

Non sic ímpii, non sic : \*  
sed tamquam pulvis, quem  
projicit ventus a fácie tér-  
ræ.

Ideo non resúrgent ímpii

in iudicio : \* neque pecca-  
tóres in concilio justórum.

Quóniam novit Dóminus  
viam justórum : \* et iter im-  
piórum peribit.

Glória Patri, et Filio, \* et  
Spirítui sancto.

Sicut erat in principio, et  
nunc, et semper, \* et in sæ-  
cula sæculórum. Amen.

**Hic versus** Glória. **semper**  
**dicatur in fine omnium Psal-**  
**morum, nisi aliter notetur.**

**Psalmus 2.**

**Q**UARE fremuerunt gentes, \*  
et pópuli meditáti sunt  
inánia?

Adstitérunt reges terræ,  
et principes convenérunt in  
unum \* advérsus Dóminum,  
et advérsus Christum ejus.

Dirumpámus víncula eó-  
rum : \* et projiciámus a no-  
bis jugum ipsórum.

Qui hábitat in cælis, irri-  
débit eos : \* et Dóminus  
subsannábit eos.

Tunc loquétur ad eos in  
ira sua, \* et in furóre suo  
conturbábit eos.

Ego áutem constitútus sum  
rex ab eo super Sion mon-  
tem sanctum ejus, \* prædi-  
cans præcéptum ejus.

Dóminus dixit ad me : \*  
Filius meus es tu, ego hódie  
génui te.

Póstula a me, et dabo tibi  
gentes hereditátem tuam, \*  
et possessiónem tuam tér-  
minos terræ.

Reges eos in virga férrea, \*  
et tamquam vas figuli con-  
fringes eos.



Et nunc reges intelligite : \* erudimini qui iudicátis terram.

Servíte Dómino in timóre : \* et exsultáte ei cum tremóre.

Apprehéndite disciplinam, nequándo irascátur Dóminus, \* et pereátis de via justa.

Cum exárserit in brevi iraejus, \* beáti omnes qui confidunt in eo.

### Psalmus 3.

**D**ÓMINE quid multiplicáti sunt qui tribulant me? \* Multi insúrgunt advérsus me.

Multi dicunt ánimæ meæ : \* Non est salus ipsi in Deo ejus.

Tu áutem Dómine suscēptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormivi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussísti omnes adversántes mihi sine cáusa : \* dentes peccatórum contrivísti.

Dómini est salus : \* et super pópulum tuum benedictio tua.

### Psalmus 6.

**D**ÓMINE, ne in furóre tuo árguas me, \* neque in ira tua corripas me.

Miserére mei Dómine, quóniam infirmus sum : \* sana me Dómine, quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?

Convértere Dómine, et éripe ánimam meam : \* salvum me fac propter misericórdiam tuam.

Quóniam non est in morte qui memor sit tui : \* in inférno áutem quis confitébitor tibi?

Laborávi in gémitu meo, lavábo per singulas noctes lectum meum : \* lácrymis meis stratum meum rigábo.

Turbátus est a furóre óculus meus : \* inveterávi inter omnes inimicos meos.

Discédite a me omnes qui operámini iniquitátem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimici mei : \* convertántur et erubéscant valde velóciter.

**Per Annum, Ant.** Servíte Dómino in timóre : et exsultáte ei cum tremóre.

**Ant.** Deus iudex justus.

### Psalmus 7.

**D**ÓMINE Deus meus in te sperávi : \* salvum me fac ex ómnibus persequéntibus me, et libera me.

Nequándo rápiat ut leo ánimam meam, \* dum non

est qui rédimat, neque qui salvum fáciat.

Dómine Deus meus, si feci istud, \* si est iníquitas in mánibus meis :

Si réddidi retribuéntibus mihi mala, \* decídám mérito ab inimícis meis inánis.

Persequátur inimicus ánimam meam, et comprehéndat, et concúlcet in terra vitam meam, \* et glóriam meam in púlverem dedúcat.

Exsúrge Dómine in ira tua : \* et exaltáre in fínibus inimicórum meórum.

Et exsúrge Dómine Deus meus in præcépto quod mandásti : \* et synagóga populórum circúmdabit te.

Et propter hanc in altum regrédere : \* Dóminus júdica pópulos.

Júdica me Dómine secúndum justítiam meam, \* et secúndum innocéntiam meam super me.

Consumétur nequítia peccatórum, et díriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus júdex justus, fortis, et pátiens : \* numquid iráscitur per singulos dies?

Nisi convérsi fuéritis, gládium suum vibrábit : \* arcum suum teténdit, et parávit illum.

Et in eo parávit vasa mortis : \* sagíttas suas ardéntibus effécit.

Ecce partúriit injusti-

tiam : \* concépit dolórem, et péperit iniquitátem.

Lacum apérui, et effódit eum : \* et incidit in fóveam quam fecit.

Convertétur dolor ejus in caput ejus : \* et in vérticem ipsíus iníquitas ejus descéndet.

Confitébor Dómino secúndum justítiam ejus : \* et psallam nómini Dómini altíssimi.

### Psalmus 8.

**D**ÓMINE Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti láudem propter inimicos tuos, \* ut déstruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memores ejus? \* aut fílius hóminis, quóniam visitas eum?

Minuisti eum paulo minus ab Angelis, glória et honóre coronásti eum : \* et constituisti eum super ópera mánuum tuárum.

Omnia subjecisti sub pédibus ejus, \* oves et boves univérsas : insuper et pécora campi.

Vólucres cæli, et pisces maris, \* qui perámbulant sémitas maris.



Dómine Dóminus noster, \*  
quam admirábile est nomen  
tuum in univérſa terra!

**Psalmus 9.**

**C**ONFITÉBOR tibi Dómine in  
toto corde meo : \* nar-  
rábo ómnia mirabilia tua.

Lætábor et exsultábo in  
te : \* psallam nómini tuo  
Altissime,

In converténdo inimicum  
meum retrórsum : \* infirma-  
búntur, et peribunt a fácie  
tua.

Quóniam fecísti iudícium  
meum et cáusam meam : \*  
sedísti super thronum, qui  
júdicas justitiam.

Increpásti gentes, et périit  
ímpius : \* nomen eórum de-  
lésti in ætérnum, et in sæ-  
culum sæculi.

Inimíci defecérunt frámeæ  
in finem : \* et civitátes eórum  
destruxísti.

Périit memória eórum cum  
sónitu : \* et Dóminus in ætér-  
num pérmanet.

Parávit in iudicio thronum  
suum : \* et ipse iudicábit  
orbem terræ in æquitáte,  
iudicábit pópulos in justítia.

Et factus est Dóminus re-  
fúgium páuperi : \* adjútor  
in opportunitátibus, in tri-  
bulatióne.

Et sperent in te qui no-  
vérunt nomen tuum : \* quó-  
niam non dereliquísti quæ-  
réntes te Dómine.

Psállite Dómino, qui há-  
bitat in Sion : \* annuntiáte  
inter gentes stúdia ejus :

Quóniam requírens sán-

guinem eórum recordátus  
est : \* non est oblítus clamó-  
rem páuperum.

Miserére mei Dómine : \*  
vide humilitátem meam de  
inimicis meis.

Qui exáltas me de por-  
tis mortis, \* ut annúntiem  
omnes laudatiónes tuas in  
portis filiæ Sion.

Exsultábo in salutári tuo : \*  
infixæ sunt gentes in inté-  
ritu, quem fecérunt.

In láqueo isto, quem abs-  
condérunt, \* comprehénsus  
est pes eórum.

Cognoscétur Dóminus ju-  
dícia fáciens : \* in opéribus  
mánuum suárum compre-  
hénsus est peccátor.

Convertántur peccatóres  
in inférnum, \* omnes gentes  
quæ obliviscúntur Deum.

Quóniam non in finem  
oblivio erit páuperis : \* pa-  
tiéntia páuperum non peribit  
in finem.

Exsúrge Dómine, non con-  
fortétur homo : \* iudicéntur  
gentes in conspéctu tuo.

Constitu Dómine legisla-  
tórem super eos : \* ut sciant  
gentes quóniam hómines  
sunt.

Ut quid Dómine recessísti  
longe, \* déspicis in opportu-  
nitátibus, in tribulatióne?

Dum supérbit ímpius, in-  
cénditur páuper : \* compre-  
hendúntur in consiliis qui-  
bus cógitant.

Quóniam laudátur peccá-  
tor in desidériis animæ suæ : \*  
et iníquus benedícitur.



Exacerbávit Dóminum peccátor : \* secúndum multitudinem iræ suæ non quæret.

Non est Deus in conspéctu ejus : \* inquinátæ sunt viæ illius in omni témpore.

Auferúntur judicia tua a fácie ejus : \* ómnium inimicórum suórum dominábitur.

Dixit enim in corde suo : \* Non movébor a generatióne in generatióne sine malo.

Cujus maledictiόne os plenum est, et amaritúdine, et dolo : \* sub lingua ejus labor et dolor.

Sedet in insidiis cum divitibus in occúltis, \* ut interficiat innocéntem.

Oculi ejus in páuperem respiciunt : \* insidiátur in abscondito, quasi leo in spelunca sua.

Insidiátur ut rápiat páuperem : \* rápere páuperem, dum átrahit eum.

In láqueo suo humiliábit eum : \* inclinábit se, et cadet, cum dominátus fúerit páuperum.

Dixit enim in corde suo : Oblitus est Deus, \* avértit fáciem suam ne videat in finem.

Exsúrge Dómine Deus, exaltétur manus tua : \* ne obliviscáris páuperem.

Propter quid irritávit impius Deum? \* dixit enim in corde suo : Non requíret.

Vides quóniam tu labórem et dolórem conside-

ras : \* ut tradas eos in manus tuas.

Tibi derelictus est páuper : \* órphano tu eris adjútor.

Cóntere bráchium peccatóris et maligni : \* quæretur peccátum illius, et non inveniétur.

Dóminus regnábit in ætérnum, et in sáeculum sáeculi : \* peribitis gentes de terra illius.

Desidérium páuperum exaudivit Dóminus : \* præparatióne cordis eórum audivit áuris tua.

Judicáre pupillo et húmili, \* ut non appónat ultra magnificáre se homo super terram.

### Psalmus 10.

**I**N Dómino confido : quómo-  
do dicitis ánimæ meæ : \*  
Trásmigra in montem sicut  
passer?

Quóniam ecce peccatóres  
intendérunt arcum, paravérunt  
sagittas suas in pháretra, \* ut sagittent in obscúro  
rectos corde.

Quóniam quæ perfecísti,  
destruxérunt : \* justus áutem  
quid fecit?

Dóminus in templo sancto  
suo : \* Dóminus in cælo sedes  
ejus :

Oculi ejus in páuperem  
respiciunt : \* pálpebræ ejus  
intérogant filios hóminum.

Dóminus intérogat justum  
et impium : \* qui áutem diligit  
iniquitátem, odit ánimam  
suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus, et justitias diléxit : \* æquitátem vidit vultus ejus.

**Per Annum, Ant.** Deus judex justus, fortis et longánimis : numquid irascétur per singulos dies?

**Ant.** Tu Dómine.

**Psalmus 11.**

**S**ALVUM me fac Dómine, quóniam defécit sanctus : \* quóniam diminútæ sunt veritátes a filiis hóminum.

Vana locúti sunt unusquisque ad próximum suum : \* lábia dolósa, in corde et corde locúti sunt.

Dispérdat Dóminus univér-  
sa lábia dolósa, \* et linguam magniloquam.

Qui dixerunt : Linguam nostram magnificábimus, lábia nostra a nobis sunt, \* quis noster Dóminus est?

Propter misériam inopum, et gémitum páuperum, \* nunc exsúrgam, dicit Dóminus.

Ponam in salutári : \* fiduciáliter agam in eo.

Elóquia Dómini, elóquia casta : \* argéntum igne examinátum, probátum terræ purgátum séptuplum.

Tu Dómine servábis nos : et custódies nos \* a generatióne hac in ætérnum.

In circúitu impií ámbulant : \* secúndum altitúdi-

nem tuam multiplicásti filios hóminum.

**Psalmus 12.**

**U**SQUEQUO Dómine oblivi-  
scéris me in finem? \* Us-  
quequo avértis fáciem tuam  
a me?

Quámdu ponam consília  
in ánima mea, \* dolórem in  
corde meo per diem?

Usquequo exaltábitur ini-  
mícus meus super me? \* ré-  
spice, et exáudi me Dómine  
Deus meus.

Illúmina óculos meos ne  
umquam obdórmiam in mor-  
te : \* nequándo dicat inimi-  
cus meus : Præválui ad-  
vérsus eum.

Qui tribulant me, exsul-  
tábunt si motus fúero : \* ego  
áutem in misericórdia tua  
sperávi.

Exsultábit cor meum in  
salutári tuo : cantábo Dó-  
mino, qui bona tribuit  
mihi : \* et psallam nómini  
Dómini altíssimi.

**Psalmus 13.**

**D**IXIT insípiens in corde  
suo : \* Non est Deus.

Corrúpti sunt, et abomi-  
nábiles facti sunt in stúdiis  
suis : \* non est qui fáciat  
bonum, non est usque ad  
unum.

Dóminus de cælo prospé-  
xit super filios hóminum, \*  
ut videat si est intélligens,  
aut requírens Deum.

Omnes declinavérunt, si-  
mul inútiles facti sunt : \* non  
est qui fáciat bonum, non  
est usque ad unum.



Sepúlcrum patens est guttur eórum : linguis suis dolose agébant, \* venenum áspidum sub lábiis eórum.

Quorum os maledictióne et amaritúdine plenum est : \* velóces pedes eórum ad effundéndum ságuinem.

Contritio et infelicitas in viis eórum, et viam pacis non cognovérunt : \* non est timor Dei ante óculos eórum.

Nonne cognóscent omnes qui operántur iniquitátem, \* qui dévorant plebem meam sicut escam panis?

Dóminum non invocavérunt, \* illic trepidavérunt timóre, ubi non erat timor.

Quóniam Dóminus in generatione justa est, consilium inopis confudístis : \* quóniam Dóminus spes ejus est.

Quis dabit ex Sion salutáre Israël? \* cum avérterit Dóminus captivitátem plebis suæ, exsultábit Jacob, et lætábitur Israël.

**Psalmus 14.**

**D**ÓMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justitiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad nihilum dedúctus est in conspéctu ejus malignus : \* timéntes áutem Dóminum glóricat :

Qui jurat próximo suo, et non decipit, \* qui pecúniám suam non dedit ad usúram, et múnera super innocentem non accépit.

Qui facit hæc, \* non movébitur in ætérnum.

**Per Annum. Ant.** Tu Dómine servábis nos, et custódies nos.

**In Quadrag. V.** Ipse liberávit me de láqueo venántium. **R.** Et a verbo áspero.

**Temp. Passionis, V.** Erue a frámea Deus ánimam meam. **R.** Et de manu canis únicam meam.

**Tempore Paschali. Ant.** Allelúia, lapis revolútus est, allelúia : ab óstio monuménti, allelúia, allelúia.

**V.** Surrexit Dóminus de sepúlcro, allelúia. **R.** Qui pro nobis pepéndit in ligno, allelúia.

**Post V. cujuslibet Nocturni dicitur**

Pater noster. **secreto.**

**V.** Et ne nos indúcas in tentationem. **R.** Sed libera nos a malo.

**Absolutio.**

**E**XÁUDI Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sæcula sæculórum. **R.** Amen.

**V.** Jube domne benedicere.



**Benedictio.** Benedictiōne perpétua benedicat nos Pater æternus. *R.* Amen.

**Deinde leguntur Lect. cum *R.***, ut in Proprio de Tempore assignantur.

**Pro II. Lectione.**

**Bened.** Unigénitus Dei Filius nos benedicere et adjuvare dignetur. *R.* Amen.

**Pro III. Lectione.**

**Bened.** Spiritus sancti grátia illúminet sensus et corda nostra. *R.* Amen.

IN II. NOCTURNO

**Per Annum, Ant.** Bonórum meórum.

**Temp. Pasch. Ant.** Allelúia.

**Psalmus 15.**

**C**ONSÉRVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, \* mirificávit omnes voluntates meas in eis.

Multiplicátæ sunt infirmitates eórum : \* póstea acceleravérunt.

Non congregábo conventicula eórum de sanguinibus, \* nec memor ero nóminum eórum per lábia mea.

Dóminus pars hereditátis meæ, et cálicis mei : \* tu es, qui restitues hereditátem meam mihi.

Funes cecidérunt mihi in præcláris : \* étenim hereditas mea præclára est mihi.

Benedicam Dóminum, qui tribuit mihi intelléctum : \*

insuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc lætátum est cor meum, et exsultávit lingua mea : \* insuper et caro mea requiescet in spe.

Quóniam non derelinques ánimam meam in inférno : \* nec dabis sanctum tuum vidére corruptiōnem.

Notas mihi fecisti vias vitæ, adimplébis me lætítia cum vultu tuo : \* delectatiōnes in dextera tua usque in finem.

**Per Annum, Ant.** Bonórum meórum non indiges, in te sperávi, consérva me Dómine.

**Ant.** Propter verba.

**Psalmus 16.**

**E**XÁUDI Dómine justitiam meam : \* inténde deprecatiōnem meam.

Auribus pèrcipe oratiōnem meam, \* non in lábiis dolósis.

De vultu tuo júdicium meum pródeat : \* óculi tui videant æquitates.

Probásti cor meum, et visitásti nocte : \* igne me examinásti, et non est invénta in me iniquitas.

Ut non loquátur os meum ópera hóminum : \* propter verba labiórum tuórum ego custodivi vias duras.

Pèrfice gressus meos in sémitis tuis : \* ut non moveántur vestigia mea.

Ego clamávi, quóniam exaudisti me Deus : \* inclina áurem tuam mihi, et exáudi verba mea.

Mirifica misericórdias tuas, \* qui salvos facis sperantes in te.

A resisténtibus dexteræ tuæ custódi me, \* ut pupillam óculi.

Sub umbra alárum tuárum prótege me : \* a fácie impiórum qui me afflixérunt.

Inimíci mei ánimam meam circumdedérunt, ádipem suum conclusérunt : \* os eórum locútum est superbiam.

Projiciéntes me nunc circumdedérunt me : \* óculos suos statuérunt declináre in terram.

Susceperunt me sicut leo parátus ad prædam : \* et sicut cátulus leónis hábitans in ábditis.

Exsúrge Dómine, præveni eum, et supplánta eum : \* éripe ánimam meam ab impio, frámeam tuam ab inimicis manus tuæ.

Dómine a páucis de terra divide eos in vita eórum : \* de absconditis tuis adimplétus est venter eórum.

Saturáti sunt filiis : \* et dimisérunt reliquias suas párvulis suis.

Ego áutem in justitia apparebo conspéctui tuo : \* satiabor cum apparúerit glória tua.

Per Annum, Ant. Propter

verba labiórum tuórum ego custodívi vias duras.

Ant. Diligam te.

Et non repetitur in Psalmo : quod semper fit, quando Ant. incipit a primo Versu Psalmi ; et Ps. tunc incipitur ab eo verbo in quo desinit Ant., sive integra dicatur, sive tantum inchoata ; si tamen eadem sint verba, et continuetur Ant. cum Psalmo.

Psalmus 17.

**D**ÍLIGAM te Dómine fortitúdo mea : \* Dóminus firmaméntum meum, et refúgium meum, et liberátor meus.

Deus meus adjútor meus, \* et sperábo in eum.

Protéctor meus, et cornu salútis meæ, \* et suscéptor meus.

Láudans invocábo Dóminum : \* et ab inimicis meis salvus ero.

Circumdedérunt me dolóres mortis : \* et torréntes iniquitátis conturbavérunt me.

Dolóres inférni circumdedérunt me : \* præoccupavérunt me láquei mortis.

In tribulatióne mea invocávi Dóminum, \* et ad Deum meum clamávi :

Et exaudivit de templo sancto suo vocem meam : \* et clamor meus in conspéctu ejus, introívit in áures ejus.

Commóta est, et contrémuit terra : \* fundaménta móntium conturbáta sunt, et



commóta sunt, quóniam irátus est eis.

Ascéndit fumus in ira ejus : et ignis a fácie ejus exársit : \* carbónes succénsi sunt ab eo.

Inclinávit cælos, et descéndit : \* et caligo sub pédibus ejus.

Et ascéndit super Chérubim, et volávit : \* volávit super pennas ventórum.

Et pósuit ténébras latibulum suum, in circúitu ejus tabernáculum ejus : \* tenebrósa aqua in núbibus áëris.

Præ fulgóre in conspéctu ejus nubes transiérunt, \* grando et carbónes ignis.

Et intónuit de cælo Dóminus, et Altissimus dedit vocem suam : \* grando et carbónes ignis.

Et misit sagíttas suas, et dissipávit eos : \* fúlgura multiplicávit, et conturbávit eos.

Et apparuérunt fontes aquárum, \* et reveláta sunt fundaménta orbis terrárum :

Ab increpatione tua Dómine, \* ab inspiratióne spiritus iræ tuæ.

Misit de summo, et accépit me : \* et assúmpsit me de aquis multis.

Eripuit me de inimicis meis fortissimis, et ab his qui odérunt me : \* quóniam confortáti sunt super me.

Prævenérunt me in die afflictiónis meæ : \* et factus est Dóminus protéctor meus.

Et edúxit me in latitúdi-

nem : \* salvum me fecit, quóniam vóluit me.

Et retribuet mihi Dóminus secúndum justitiam meam, \* et secúndum puritatem mánuum meárum retribuet mihi :

Quia custodívi vias Dómini, \* nec ímpie gessi a Deo meo.

Quóniam ómnia judícia ejus in conspéctu meo : \* et justítias ejus non répuí a me.

Et ero immaculátus cum eo : \* et observábo me ab iniquitaté mea.

Et retribuet mihi Dóminus secúndum justitiam meam : \* et secúndum puritatem mánuum meárum in conspéctu oculórum ejus.

Cum sancto sanctus eris, \* et cum viro innocénte innocens eris :

Et cum elécto eléctus eris : \* et cum perverso pervertéris.

Quóniam tu pópulum húmitem salvum fácies : \* et óculos superbórum humiliábis.

Quóniam tu illúminas lucérnam meam Dómine : \* Deus meus illúmina ténébras meas.

Quóniam in te erípiar a tentatióne, \* et in Deo meo transgrédiar murum.

Deus meus impollúta via ejus : elóquia Dómini igne examináta : \* protéctor est ómnium sperántium in se.

Quóniam quis Deus præter



Dóminum? \* aut quis Deus præter Deum nostrum?

Deus qui præcinxit me virtute : \* et pósuit immaculatam viam meam.

Qui perfécit pedes meos tamquam cervórum, \* et super excélsa státuens me.

Qui docet manus meas ad prælium : \* et posuisti, ut arcum æreum, bráchia mea.

Et dedisti mihi protectiōnem salutis tuæ : \* et dextera tua suscepit me :

Et disciplina tua corréxit me in finem : \* et disciplina tua ipsa me docébit.

Dilatásti gressus meos sub tus me : \* et non sunt infirmáta vestigia mea :

Pérsequar inimicos meos, et comprehéndam illos : \* et non convérta, donec deficiant.

Confringam illos, nec poterunt stare : \* cadent sub tus pedes meos.

Et præcinxisti me virtute ad bellum : \* et supplantásti insurgéntes in me sub tus me.

Et inimicos meos dedisti mihi dorsum, \* et odiéntes me disperdidisti.

Clamavérunt, nec erat qui salvos fáceret, ad Dóminum : \* nec exaudivit eos.

Et commínuam eos ut púlverem ante fáciem venti : \* ut lutum plateárum delébo eos.

Eripies me de contradi ctiōnibus pópuli : \* constitues me in caput géntium.

Pópulus, quem non co-

gnóvi, servívit mihi : \* in auditu áuris obedívit mihi.

Filii aliéni mentíti sunt mihi, \* filii aliéni inveteráti sunt, et claudicavérunt a sémitis suis.

Vivít Dóminus, et benedíctus Deus meus, \* et exaltétur Deus salutis meæ.

Deus, qui das vindíctas mihi, et subdis pópulos sub me, \* liberátor meus de inimícis meis iracúndis.

Et ab insurgéntibus in me exaltábis me : \* a viro iníquo erípies me.

Proptérea confitébor tibi in natiōnibus Dómine : \* et nómini tuo psalmum dicam,

Magnificans salútes regis ejus, et fáciens misericórdiam christo suo David, \* et sémini ejus usque in sæculum.

**Per Annum. Ant.** Diligam te Dómine virtus mea.

**In Quadrag. V.** Scápulis suis obumbrábit tibi. **R.** Et sub pennis ejus sperábis.

**Tempore Passionis, V.** De ore leónis libera me Dómine. **R.** Et a cónibus unicór nium humilitátem meam.

**Tempore Paschali. Ant.** Allelúia, quem quæris, mulier? allelúia : vivéntem cum mórtuis, allelúia, allelúia.

**V.** Surréxit Dóminus ve re, allelúia. **R.** Et apparuit Simóni, allelúia.

Pater noster. **secreto.**

**V.** Et ne nos indúcas in tentatiōnem. **R.** Sed libera nos a malo.

**Absolutio.**

**I**psus pietas et misericórdia nos ádjuvet, qui cum Patre et Spíritu sancto vivit et regnat in sæcula sæculórum. **R.** Amen.

**V.** Jube domne benedicere.

**Bened.** Deus Pater omnipotens sit nobis propítius et clemens. **R.** Amen.

**Pro v. Lectione.**

**Bened.** Christus perpétuæ det nobis gáudia vitæ. **R.** Amen.

**Pro vi. Lectione.**

**Bened.** Ignem sui amoris accéndat Deus in córdibus nostris. **R.** Amen.

**IN III. NOCTURNO**

**Per Annum, Ant.** Non sunt loquélæ.

**Temp. Pasch. Ant.** Allelúia.

**Psalmus 18.**

**C**ÆLI enarrant glóriam Dei,\* et ópera mánuum ejus annúntiat firmaméntum.

Dies diéi erúctat verbum,\* et nox nocti índicat sciéntiam.

Non sunt loquélæ, neque sermónes,\* quorum non audiántur voces eórum.

In omnem terram exívit sonus eórum :\* et in fines orbis terræ verba eórum.

In sole pósuit tabernáculum suum :\* et ipse tamquam sponsus procédens de thálamo suo :

Exsultávit ut gigas ad curréndam viam,\* a summo cælo egréssio ejus :

Et occúrsus ejus usque ad

summum ejus :\* nec est qui se abscondat a calóre ejus.

Lex Dómini immaculáta, convértens ánimas :\* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda :\* præcéptum Dómini lúcidum; illúminans óculos.

Timor Dómini sanctus, pérmanens in sæculum sæculi :\* judícia Dómini vera, justificáta in semetipsa.

Desiderabilia super áurum et lápidem pretiósum multum :\* et dulcióra super mel et favum.

Etenim servus tuus custódit ea,\* in custodiéndis illis retribútio multa.

Delicta quis intéllegit? ab occúltis meis munda me :\* et ab aliénis parce servo tuo.

Si mei non fúerint domináti, tunc immaculátus ero :\* et emundábor a delicto máximo.

Et erunt ut compláceant elóquia oris mei :\* et meditátio cordis mei in conspéctu tuo semper.

Dómine adjútor meus,\* et redémptor meus.

**Per Annum, Ant.** Non sunt loquélæ, neque sermónes, quorum non audiántur voces eórum.

**Ant.** Exáudiat.

**Psalmus 19.**

**E**XÁUDIAT te Dóminus in die tribulatiónis :\* prótegat te nomen Dei Jacob.



Mittat tibi auxilium de sancto : \* et de Sion tueatur te.

Memor sit omnis sacrificii tui : \* et holocáustum tuum pingue fiat.

Tribuat tibi secúndum cor tuum : \* et omne consilium tuum confirmet.

Lætábimur in salutári tuo : \* et in nómine Dei nostri magnificábimur.

Impleat Dóminus omnes petitiones tuas : \* nunc cognóvi quóniam salvum fecit Dóminus Christum suum.

Exáudiet illum de cælo sancto suo : \* in potentátibus salus dexteræ ejus.

Hi in cúrribus, et hi in equis : \* nos áutem in nómine Dómini Dei nostri invocábimus.

Ipsi obligáti sunt, et cecidérunt : \* nos áutem surréximus et erécti sumus.

Dómine salvum fac regem : \* et exáudi nos in die, qua invocavérimus te.

**Per Annum, Ant.** Exáudiat te Dóminus in die tribulatiónis.

**Ant.** Dómine.

**Psalmus 20.**

**D**ÓMINE in virtúte tua lætábitur rex : \* et super salutáre tuum exsultábit vehementer.

Desidérium cordis ejus tribuisti ei : \* et voluntáte labiórum ejus non fraudásti eum.

Quóniam prævenisti eum in benedictiónibus dulcédi-

nis : \* posuisti in cápite ejus corónam de lápide pretiósó.

Vitam pétiit a te : \* et tribuisti ei longitudínem dierum in sæculum, et in sæculum sæculi.

Magna est glória ejus in salutári tuo : \* glóriam et magnum decórem impónes super eum.

Quóniam dabis eum in benedictiónem in sæculum sæculi : \* lætificábis eum in gáudio cum vultu tuo.

Quóniam rex sperat in Dómino : \* et in misericórdia Altissimi non commovébitur.

Inveniátur manus tua ómnibus inimicis tuis : \* dextera tua invéniat omnes, qui te odérunt.

Pones eos ut clibanum ignis in témpore vultus tui : \* Dóminus in ira sua conturbábit eos, et devorábit eos ignis.

Fructum eórum de terra perdes : \* et semen eórum a filiis hóminum.

Quóniam declinavérunt in te mala : \* cogitavérunt consília, quæ non potuérunt stabilire.

Quóniam pones eos dorsum : \* in reliquiis tuis præparábis vultum eórum.

Exaltáre Dómine in virtúte tua : \* cantábimus et psallémus virtútes tuas.

**Per Annum, Ant.** Dómine in virtúte tua lætábitur rex.



In Quadrag. V. Scuto circúmdabit te véritas ejus. R. Non timébis a timóre noctúrno.

Tempore Passionis, V. Ne perdas cum impiis Deus ánimam meam. R. Et cum viris sánguinem vitam meam.

Tempore Paschali. Ant. Allelúia : noli flere María, allelúia : resurréxit Dóminus, allelúia, allelúia.

V. Gavísi sunt discípuli, allelúia. R. Viso Dómino, allelúia.

Pater noster. secreto.

V. Et ne nos indúcas in tentatiónem. R. Sed libera nos a malo.

### Absolutio.

A VINCULIS peccatórum nostrórum absólvat nos omnípotens et miséricors Dóminus. R. Amen.

V. Jube domne benedicere.

Bened. Evangélica léctio sit nobis salus et protéctio. R. Amen.

### Pro VIII. Lectione.

Bened. Divínium auxílium máneat semper nobíscum. R. Amen.

### Pro IX. Lectione.

Bened. Ad societátem civium supernórum perdúcat nos Rex Angelórum. R. Amen.

Sequens Hymn. a Septuag. usque ad Pascha non dicitur nisi in Festis : a Paschate vero usque ad Pentec. dicitur etiam in fer. Offic., excepta Feria II. Rogationum.

Quando vero non dicitur, ejus loco ponitur iij. R.

### HYMNUS

SS. AMBROSII ET AUGUSTINI

TE Deum laudámus : \* te Dóminum confitémur.

Te ætérnum Patrem \* omnis terra venerátur.

Tibi omnes Angeli, \* tibi cæli, et univérsæ potestátes :

Tibi Chérubim et Séraphim \* incessábili voce proclámant :

Sanctus, \* Sanctus, \* Sanctus \* Dóminus Deus Sábaoth.

Pleni sunt cæli et terra \* majestátis glóriæ tuæ.

Te gloriósus \* Apostolórum chorus,

Te Prophetárum \* laudábilis númerus,

Te Mátyrum candidátus \* láudat exércitus.

Te per orbem terrárum \* sancta confitétur Ecclésia,

Patrem \* imménsæ majestátis,

Venerándum tuum verum \* et únicum Fílium,

Sanctum quoque \* Paráclitum Spíritum.

Tu Rex glóriæ \* Christe.

Tu Patris \* sempitérnus es Fílius.

Tu ad liberándum susceptúrus hóminem : \* non horuísti Vírginis úterum.

Tu devícto mortis acúleo : \* aperuísti credéntibus regna cælórum.

Tu ad délixeram Dei sedes, \* in glória Patris.

Judex créderis \* esse ventúrus.

Te ergo quæsumus, tuis fámulis súbveni: \* quos pretiósó sáanguine redemísti.

Ætérna fac cum sanctis tuis: \* in glória numerári.

Salvum fac pópulum tuum Dómine, \* et bédedic hereditáti tuæ.

Et rege eos, \* et extólle illos usque in ætérnum.

Per singulos dies \* benedicimus te.

Et laudámus nomen tuum in sáeculum, \* et in sáeculum sáeculi.

Dignáre Dómine die isto \* sine peccáto nos custodire.

Miserére nostri Dómine: \* miserére nostri.

Fiat misericórdia tua Dómine super nos, \* quemádmódu sperávimus in te.

In te Dómine sperávi: \* non confúndar in ætérnum.

#### AD LAUDES

**D**EUS in adjutórium meum inténde. **R.** Dómine ad adjuvándum me festína. Glória Patri, et Filio, et Spirítui sancto. Sicut erat in principio, et nunc, et semper, et in sáecula sæculórum. Amen. Laus tibi Dómine, Rex ætérnæ glóriæ, **vel Allelúia, pro temporis diversitate.**

Temp. Pasch. Ant. Allelúia.

#### Psalmus 92.

**D**ÓMINUS regnávít, decórem indútus est: \* indú-

tus est Dóminus fortitúdinem, et præcínxit se.

Etenim firmávit orbem terræ, \* qui non commóvetur.

Paráta sedes tua ex tunc: \* a sáeculo tu es.

Elevavérunt flúmina Dómine: \* elevavérunt flúmina vocem suam.

Elevavérunt flúmina fluctus suos, \* a vóci bus aquárum multárum.

Mirábiles elatiónes maris: \* mirábilis in altis Dóminus.

Testimónia tua credibilia facta sunt nimis: \* domum tuam decet sanctitúdo Dómine in longitudinem diérum.

#### Psalmus 99.

**J**UBILÁTE Deo omnis terra: \* servíte Dómino in lætítia.

Introíte in conspéctu ejus, \* in exsultatióne.

Scitóte quóniam Dóminus ipse est Deus: \* ipse fecit nos, et non ipsi nos.

Pópulus ejus, et oves pásceæ ejus: \* introíte portas ejus in confessiόne, átria ejus in hymnis: confitémini illi.

Laudáte nomen ejus: quóniam suávis est Dóminus, in ætérnum misericórdia ejus, \* et usque in generatióne et generatióne véritas ejus.

#### Psalmus 62.

**D**EUS Deus meus, \* ad te de luce vigilo.

Sitívit in te ánima mea, \* quam multipliciter tibi caro mea.



In terra desérta, et invia,  
et inaquósa : \* sic in sancto  
appáruí tibi, ut vidérem vir-  
tútem tuam et glóriam tuam.

Quóniam mélior est mi-  
sericórdia tua super vitas : \*  
lábía mea laudábunt te.

Sic benedícam te in vita  
mea : \* et in nómine tuo  
levábo manus meas.

Sicut ádipe et pinguédine  
repleátur ánima mea : \* et  
lábiis exsultatiónis laudábit  
os meum.

Si memor fui tui super  
stratum meum, in matutinis  
meditábor in te : \* quia fuísti  
adjútor meus.

Et in velaménto alárum  
tuárum exsultábo, adhæsit  
ánima mea post te : \* me  
suscépit dextera tua.

Ipsi vero in vanum quæ-  
siérunt ánimam meam, in-  
troíbunt in inferióra terræ : \*  
tradéntur in manus gládii,  
partes vûlpium erunt.

Rex vero lætábitur in Deo,  
laudabúntur omnes qui ju-  
rant in eo : \* quia obstrúctum  
est os loquéntium iniqua.

**Hic non dicitur** Glória  
Patri.

### Psalmus 66.

**D**EUS misereátur nostri, et  
benedicat nobis : \* illú-  
minet vultum suum super  
nos, et misereátur nostri.

Ut cognoscámus in terra  
viam tuam : \* in ómnibus  
géntibus salutáre tuum.

Confiteántur tibi pópuli  
Deus : \* confiteántur tibi pó-  
puli omnes.

Læténtur et exsúltent gen-  
tes : \* quóniam júdicas pó-  
pulos in æquitáte, et gentes  
in terra dirigis.

Confiteántur tibi pópuli  
Deus, confiteántur tibi pó-  
puli omnes : \* terra dedit fru-  
ctum suum.

Benedícat nos Deus, Deus  
noster, benedícat nos Deus : \*  
et métuant eum omnes fines  
terræ.

Glória Patri.

**Temp. Pasch. Ant.** Alle-  
lúia, allelúia, allelúia, alle-  
lúia, allelúia, allelúia, alle-  
lúia, allelúia, allelúia.

**Ant.** Surréxit Christus.

**Canticum trium puerorum.**

### Danielis 3. e

**B**ENEDÍCITE ómnia ópera  
Dómini Dómino : \* lau-  
dáte et superexaltáte eum  
in sǽcula.

Benedicite Angeli Dómini  
Dómino : \* benedicite cæli  
Dómino.

Benedicite aquæ omnes,  
quæ super cælos sunt, Dó-  
mino : \* benedicite omnes  
virtútes Dómini Dómino.

Benedicite sol et luna Dó-  
mino : \* benedicite stellæ  
cæli Dómino.

Benedicite omnis imber  
et ros Dómino : \* benedicite  
omnes spíritus Dei Dómi-  
no.

Benedicite ignis et æstus  
Dómino : \* benedicite frigus  
et æstus Dómino.

Benedicite rores et pruina  
Dómino : \* benedicite gelu  
et frigus Dómino.



Benedicite glácies et nives  
Dómino : \* benedicite noctes  
et dies Dómino.

Benedicite lux et ténebræ  
Dómino : \* benedicite fúl-  
gura et nubes Dómino.

Benedicat terra Dómi-  
num : \* láudet, et superexál-  
tet eum in sǽcula.

Benedicite montes et col-  
les Dómino : \* benedicite  
univérſa germinántia in ter-  
ra Dómino.

Benedicite fontes Dómi-  
no : \* benedicite mária et  
flúmina Dómino.

Benedicite cete, et ómnia,  
quæ movéntur in aquis, Dó-  
mino : \* benedicite omnes  
vólucres cæli Dómino.

Benedicite omnes béstia  
et pécora Dómino : \* bene-  
dicite filii hóminum Dó-  
mino.

Benedicat Israël Dómi-  
num : \* láudet et superexál-  
tet eum in sǽcula.

Benedicite sacerdótes Dó-  
mini Dómino : \* benedicite  
servi Dómini Dómino.

Benedicite spiritus, et áni-  
mæ justórum Dómino : \* be-  
nedicite sancti, et húmiles  
corde Dómino.

Benedicite Ananía, Aza-  
ría, Misaél Dómino : \* lau-  
dáte et superexaltáte eum in  
sǽcula.

Benedicámus Patrem et  
Filium cum sancto Spíritu : \*  
laudémus et superexaltémus  
eum in sǽcula.

Benedictus es Dómine in  
firmaménto cæli : \* et laudá-

bilis, et glorióſus, et super-  
exaltátus in sǽcula.

**Hic non dicitur** Glória  
Patri. **neque** Amen.

**In aliis Canticis dicun-  
tur.**

**Temp. Pasch. Ant.** Surre-  
xit Christus de sepúlcro, qui  
liberávit tres púeros de ca-  
mino ignis ardéntis, allelúia.

**Ant.** Allelúia.

**Psalms 148.**

**L**AUDÁTE Dóminum de  
cælis : \* laudáte eum in  
excélsis.

Laudáte eum omnes An-  
geli ejus : \* laudáte eum  
omnes virtútes ejus.

Laudáte eum sol et luna : \*  
laudáte eum omnes stellæ,  
et lumen.

Laudáte eum cæli cæló-  
rum : \* et aquæ omnes, quæ  
super cælos sunt, láudent  
nomen Dómini.

Quia ipse dixit, et facta  
sunt : \* ipse mandávit, et  
creáta sunt.

Státuit ea in ætérnum, et  
in sǽculum sǽculi : \* præ-  
céptum pósuit, et non præ-  
teribit.

Laudáte Dóminum de ter-  
ra, \* dracones, et omnes  
abýssi.

Ignis, grando, nix, glácies,  
spíritus procellárum : \* quæ  
fáciunt verbum ejus :

Montes, et omnes colles : \*  
ligna fructífera, et omnes  
cedri.

Béstia, et univérſa péco-  
ra : \* serpéntes, et vólucres  
pennátæ :

Reges terræ, et omnes pópuli : \* principes, et omnes júdices terræ.

Júvenes, et vírgines : senes cum junióribus láudent nomen Dómini : \* quia exaltátum est nomen ejus solius.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israël, pópulo appropinquánti sibi.

**Hic non dicitur** Glória Patri.

**Psalmus 149.**

**C**ANTÁTE Dómino cánticum novum : \* laus ejus in ecclésia sanctórum.

Lætétur Israël in eo, qui fecit eum : \* et filii Sion exsúltent in rege suo.

Láudent nomen ejus in choro : \* in týmpano, et psalterio psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* lætabúntur in cubilibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciéndam vindictam in natióibus : \* increpatiónes in pópulis.

Ad alligándos reges eórum in compédibus : \* et nóbiles eórum in mánicis férreis.

Ut fáciant in eis júdicium

conscriptum : \* glória hæc est ómnibus sanctis ejus.

**Hic non dicitur** Glória Patri.

**Psalmus 150.**

**L**AUDÁTE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secúndum multitudínem magnitúdinis ejus.

Laudáte eum in sono tubæ : \* laudáte eum in psalterio, et cithara.

Laudáte eum in týmpano, et choro : \* laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : \* omnis spíritus láudet Dóminum.

Glória Patri.

**Temp. Pasch. Ant.** Allelúia, allelúia, allelúia.

**Capitulum proprium in Quadragesima.**

**Hymnus.**

**O**SOL salútis, intimis Jesu refúlge méntibus, Dum nocte pulsa grátior Orbi dies renáscitur.

Dans tempus acceptábile, Da lacrymárum rívlis Laváre cordis victimam, Quam læta adúrat caritas.

Quo fonte manávit nefas, Fluent perénnes lácrymæ, Si virga pœniténtiæ Cordis rigórem cónterat.

Dies venit, dies tua, In qua reflórent ómnia :



Lætémur et nos in viam  
Tua redúcti délixera.

Te prona mundi máchina  
Clemens adóret, Trínitas,  
Et nos novi per grátiam  
Novum canámus cánticum.  
Amen.

℣. Angelis suis Deus mandávit de te. ℞. Ut custódiant te in ómnibus viis tuis.

**Ant. ad Bened. et Oratio propria.**

**Temp. Passionis, Hymnus**  
Lustra sex. de Laud. Dom. Passionis.

℣. Eripe me de inimícis meis Deus meus. ℞. Et ab insurgéntibus in me libera me.

**Temp. Pasch., seq. Capit. dicitur in fer. Offic. tantum : Hymnus vero etiam in Dominicis usque ad Ascensionem.**

**Capitulum. Rom. 6. b**

**C**HRISTUS resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod áutem vivit, vivit Deo.

**Hymnus.**

**A**URÓRA cælum púrpurat,  
Æther resúltat láudibus,  
Mundus triúmphans júbilat,  
Horrens avérnus infremit :

Rex ille dum fortissimus  
De mortis inférno specu  
Patrum senátum liberum  
Educit ad vitæ jubar.

Cujus sepúlerum plúrimo  
Custóde signábat lapis,  
Victor triúmphant, et suo  
Mortem sepúlcro fúnerat.

Sat fúneri, sat lácrymis,  
Sat est datum dolóribus :  
Surréxit exstinctor necis,  
Clamat corúscans Angelus.

Ut sis perénne méntibus  
Paschále Jesu gáudium,  
A morte dira criminum  
Vitæ renátos libera.

Deo Patri sit glória,  
Et Filio, qui a mórtuis  
Surréxit, ac Paráclito,  
In sempitérna sácula.  
Amen.

℣. In resurrectione tua  
Christe, allelúia. ℞. Cæli et  
terra læténtur, allelúia.

**Ad Bened. Ant. propria.**  
**Canticum Zachariæ.**

**Lucæ 1. g**

**B**ENEDICTUS Dóminus Deus  
Israël, \* quia visitávit, et  
fecit redemptionem plebis  
sue :

Et eréxit cornu salutis  
nobis : \* in domo David púeri  
sui.

Sicut locútus est per os  
sanctorum, \* qui a sáculo  
sunt, prophetarum ejus :

Salútem ex inimícis  
nostris, \* et de manu ómnium,  
qui odérunt nos :

Ad faciéndam misericórdiam  
cum pátribus nostris : \*  
et memorári testaménti sui  
sancti.

Jusjurándum, quod jurávit  
ad Abraham patrem nostrum,  
\* datúrum se nobis :

Ut sine timóre, de manu  
inimicorum nostrorum liberáti,  
\* serviámus illi,

In sanctitáte, et justitia



coram ipso, \* ómnibus diébus nostris.

Et tu puer, Prophéta Altissimi vocáberis : \* præibis enim ante fáciem Dómini paráre vias ejus :

Ad dandam sciéntiam salútis plebi ejus : \* in remissionem peccatórum eórum :

Per viscera misericórdiæ Dei nostri : \* in quibus visitávit nos, óriens ex alto :

Illumináre his, qui in ténebris, et in umbra mortis sedent : \* ad dirigéndo pedes nostros in viam pacis.

Glória Patri.

**Deinde dicitur Ant. et Oratio propria, et post eam, si occurrat eo die aliquod Festum Simplex, vel ad modum Simplicis recolendum, fit de eo Commem. Postremo (si id tempus requirat) fiunt Commem. de S. Maria, de S. Joseph, de Apostolis, et de Patrono Ecclesiæ in ordine aliarum Commem. secundum illius dignitatem, et ultimo loco de Pace, ut infra in Vesp. Sabbati.**

**In fine, si discedendum sit a Choro, dicitur una ex Ant. B. Mariæ, ut habetur infra post Completorium.\***

## DOMINICA

### AD PRIMAM

Pater. Ave. Credo.

Ÿ. Deus in adiutorium. 18.

### Hymnus.

**J**AM lucis orto sidere  
Deum precémur súpli-  
ces,

Ut in diúrnis áctibus  
Nos servet a nocéntibus.

Linguam refrénans témperet,

Ne litis horror insonet :  
Visum fovéndo cótegat,  
Ne vanitátes háuriat.

Sint pura cordis íntima,  
Absístat et vecórdia :

Carnis terat supérbiam  
Potus cibique párcitas.

Ut cum dies abscésserit,  
Noctémque sors redúxerit,  
Mundi per abstinéntiam  
Ipsi canámus glóriam.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sáeculum.  
Amen.

**In Dominicis Quadrag. Ant. propria.**

**Temp. Pasch. Ant. Allelúia.**

### Psalmus 53.

**D**EUS in nómine tuo sal-  
vum me fac : \* et in vir-  
tute tua júdica me.

Deus exáudi oratiómem  
meam : \* áuribus pécipe  
verba oris mei.

Quóniam aliéni insurrexé-  
runt advérsus me, et fortes  
quæsiérunt ánimam meam : \*  
et non proposuérunt Deum  
ante conspéctum suum.

Ecce enim Deus áduvat  
me : \* et Dóminus suscéptor  
est ánimæ meæ.

Avérte mala inimicis me-  
is : \* et in veritáte tua dis-  
pérde illos.

Voluntárie sacrificábo ti-  
bi, \* et confitébor nómini

tuo Dómine : quóniam bonum est :

Quóniam ex omni tribulatione eripuisti me : \* et super inimicos meos despexit óculus meus.

**Sequens Ps. Confitémini Dómino. dicitur tantum in Dom., quando fit Officium de Dominica ut in Psalterio, præterquam in Dominicis a Pascha usque ad Pentecosten.**

A Septuag. vero usque ad Pascha ejus loco dicitur Ps. Dóminus regnávít. ut supra in Laud. 18.

**Psalmus 117.**

**C**ONFITÉMINI Dómino quóniam bonus : \* quóniam in sæculum misericórdia ejus.

Dicat nunc Israël quóniam bonus : \* quóniam in sæculum misericórdia ejus.

Dicat nunc domus Aaron : \* quóniam in sæculum misericórdia ejus.

Dicant nunc qui timent Dóminum : \* quóniam in sæculum misericórdia ejus.

De tribulatione invocávi Dóminum : \* et exaudivit me in latitúdine Dóminus.

Dóminus mihi adjutor : \* non timébo quid fáciat mihi homo.

Dóminus mihi adjutor : \* et ego despiciam inimicos meos.

Bonum est confidere in Dómino, \* quam confidere in hómine :

Bonum est speráre in Dó-

mino, \* quam speráre in princípibus.

Omnes gentes circuiérunt me : \* et in nómine Dómini quia ultus sum in eos.

Circumdántes circumdederunt me : \* et in nómine Dómini quia ultus sum in eos.

Circumdederunt me sicut apes, et exarsérunt sicut ignis in spinis : \* et in nómine Dómini quia ultus sum in eos.

Impulsus evérsus sum ut caderem : \* et Dóminus suscepit me.

Fortitúdo mea, et laus mea Dóminus : \* et factus est mihi in salutem.

Vox exultationis, et salutis \* in tabernáculis justórum.

Déxtera Dómini fecit virtutem : déxtera Dómini exaltávit me, \* déxtera Dómini fecit virtutem.

Non móriar, sed vivam : \* et narrábo ópera Dómini.

Castigans castigávit me Dóminus : \* et morti non tradidit me.

Aperite mihi portas justitiæ, ingressus in eas confitébor Dómino : \* hæc porta Dómini, justi intrábunt in eam.

Confitébor tibi quóniam exaudivisti me : \* et factus es mihi in salutem.

Lápidem, quem reproba-verunt ædificántes : \* hic factus est in caput ánguli.

A Dómino factum est is-



tud : \* et est mirábile in óculis nostris.

Hæc est dies, quam fecit Dóminus : \* exultémus, et lætémur in ea.

O Dómine salvum me fac, o Dómine bene prosperáre : \* benedictus qui venit in nómine Dómini.

Benediximus vobis de domo Dómini : \* Deus Dóminus, et illúxit nobis.

Constitúite diem solémnem in condénsis, \* usque ad cornu altáris.

Deus meus es tu, et confitébor tibi : \* Deus meus es tu, et exaltábo te.

Confitébor tibi quóniam exaudisti me : \* et factus es mihi in salútem.

Confitémini Dómino quóniam bonus : \* quóniam in sæculum misericórdia ejus.

### Psalmus 118.

**B**EÁTI immaculáti in via : \* qui ámbulant in lege Dómini.

Beáti, qui scrutántur testimónia ejus : \* in toto corde exquirunt eum.

Non enim qui operántur iniquitatem, \* in viis ejus ambulavérunt.

Tu mandásti \* mandáta tua custodiri nimis.

Utinam dirigántur viæ meæ, \* ad custodiéndas justificatiónes tuas!

Tunc non confúndar, \* cum perspéxero in ómnibus mandátis tuis.

Confitébor tibi in dire-

ctiône cordis : \* in eo quod didici judícia justitiæ tuæ.

Justificatiónes tuas custódiam : \* non me derelinquas usquequáque.

In quo córrigit adolescéntior viam suam? \* in custodiéndis sermónes tuos.

In toto corde meo exquisi te : \* ne repéllas me a mandátis tuis.

In corde meo abscondi elóquia tua : \* ut non peccem tibi.

Benedictus es Dómine : \* doce me justificatiónes tuas.

In lábiis meis, \* pronuntiávi ómnia judícia oris tui.

In via testimoniórum tuórum delectátus sum, \* sicut in ómnibus divítiis.

In mandátis tuis exercébor : \* et considerábo vias tuas.

In justificatió nibus tuis meditábor : \* non obliviscar sermónes tuos.

**R**ETRÍBUE servo tuo, vívifica me : \* et custódiam sermónes tuos.

Revéla óculos meos : \* et considerábo mirabilia de lege tua.

Incola ego sum in terra : \* non abscondas a me mandáta tua.

Concupívit ánima mea consideráre justificatiónes tuas, \* in omni témpore.

Increpásti supérbos : \* maledicti qui declinant a mandátis tuis.

Aufer a me oppróbrium et



contemptum : \* quia testimonia tua exquisivi.

Etenim sederunt principes, et adversum me loquebantur : \* servus autem tuus exercebatur in justificationibus tuis.

Nam et testimonia tua meditatio mea est : \* et consilium meum justificationes tuas.

Adhaesit pavimento anima mea : \* vivifica me secundum verbum tuum.

Vias meas enuntiavi, et exaudisti me : \* doce me justificationes tuas.

Viam justificationum tuarum instrue me : \* et exercebor in mirabilibus tuis.

Dormitavit anima mea praetudio : \* confirma me in verbis tuis.

Viam iniquitatis amove a me : \* et de lege tua miserere mei.

Viam veritatis elegi : \* iudicia tua non sum oblitus.

Adhaesi testimoniis tuis Domine : \* noli me confundere.

Viam mandatorum tuorum cucurri, \* cum dilatasti cor meum.

**Sequens Symbolum dicitur in Dominicis tantum, quando fit Offic. de Dom. ut in Psalt.**

**Symbolum S. Athanasii.**

**Q**UICUMQUE vult salvus esse, \* ante omnia opus est ut teneat catholicam fidem :

Quam nisi quisque inte-

gram inviolatamque servaverit, \* absque dubio in aeternum peribit.

Fides autem catholica haec est : \* ut unum Deum in Trinitate, et Trinitatem in Unitate veneremur.

Neque confundentes personas, \* neque substantiam separantes.

Alia est enim persona Patris, alia Filii, \* alia Spiritus sancti :

Sed Patris, et Filii, et Spiritus sancti una est divinitas, \* aequalis gloria, coaeterna majestas.

Qualis Pater, talis Filius, \* talis Spiritus sanctus.

Increatus Pater, increatus Filius, \* increatus Spiritus sanctus.

Immensus Pater, immensus Filius, \* immensus Spiritus sanctus.

Aeternus Pater, aeternus Filius, \* aeternus Spiritus sanctus.

Et tamen non tres aeterni, \* sed unus aeternus.

Sicut non tres increati, nec tres immensi, \* sed unus increatus, et unus immensus.

Similiter omnipotens Pater, omnipotens Filius, \* omnipotens Spiritus sanctus.

Et tamen non tres omnipotentes, \* sed unus omnipotens.

Ita Deus Pater, Deus Filius, \* Deus Spiritus sanctus.

Et tamen non tres Dii : \* sed unus est Deus.

Ita Dóminus Pater, Dóminus Filius, \* Dóminus Spíritus sanctus.

Et tamen non tres Dómini : \* sed unus est Dóminus.

Quia, sicut singillátim unamquámque persónam Deum ac Dóminum confitéri christiána veritáte compélimur : \* ita tres Deos aut Dóminos dicere cathólica religióne prohibémur.

Pater a nullo est factus : \* nec créatus, nec génitus.

Filius a Patre solo est : \* non factus, nec créatus, sed génitus.

Spiritus sanctus a Patre et Filio : \* non factus, nec créatus, nec génitus, sed procédens.

Unus ergo Pater, non tres Patres : unus Filius, non tres Filii : \* unus Spíritus sanctus, non tres Spíritus sancti.

Et in hac Trinitáte nihil prius aut postérius, nihil majus aut minus : \* sed totæ tres persónæ coæternæ sibi sunt et coæquales.

Ita ut per ómnia, sicut jam supra dictum est, \* et únitás in Trinitáte, et Trinitás in unitáte veneránda sit.

Qui vult ergo salvus esse, \* ita de Trinitáte sentiat.

Sed necessárium est ad æternam salútem, \* ut Incarnatióne quoque Dómini nostri Jesu Christi fidéliter credat.

Est ergo fides recta, ut

credámus et confiteámur, \* quia Dóminus noster Jesus Christus Dei Filius, Deus et homo est.

Deus est ex substántia Patris ante sácula génitus : \* et homo est ex substántia matris in sáculo natus.

Perfétus Deus, perfétus homo : \* ex ánima rationáli, et humana carne subsistens.

Æqualis Patri secúndum divinitátem : \* minor Patre secúndum humanitátem.

Qui, licet Deus sit et homo, \* non duo tamen, sed unus est Christus.

Unus áutem non conversiÓne divinitátis in carnem, \* sed assumptiÓne humanitátis in Deum.

Unus omnino, non confusiÓne substántiæ, \* sed unitáte persónæ.

Nam sicut ánima rationalis et caro unus est homo : \* ita Deus et homo unus est Christus.

Qui passus est pro salúte nostra : descendit ad inferos : \* tértia die resurrexit a mórtuis.

Ascéndit ad cælos, sedet ad dexteram Dei Patris omnipoténtis : \* inde ventúrus est judicáre vivos et mórtuos.

Ad cujus advéntum omnes hómines resúrgere habent cum corpóribus suis : \* et redditúri sunt de factis própriis ratióne.

Et qui bona egérunt, ibunt in vitam æternam : \* qui vero mala, in ignem ætérnum.



Hæc est fides cathólica, \* quam nisi quisque fidèlitér firmitérque crediderit, saluus esse non póterit.

Glória Patri.

In Dominicis Quadrag.

Ant. propria.

Temp. Pasch. Ant. Allelúia, allelúia, allelúia, allelúia.

Capitulum. I. Tim. 1. d

**R**EGI sæculórum immortáli et invisibili, soli Deo honor et glória in sæcula sæculórum. Amen.

℟. Deo grátias.

℟. br. Christe Fili Dei vivi, \* Miserére nobis. Et repetitur: Christe Fili Dei vivi, miserére nobis. V. Qui sedes ad dexteram Patris. ℟. Miserére nobis. V. Glória Patri, et Filio, et Spiritui sancto. ℟. Christe Fili Dei vivi, miserére nobis.

V. Exsúrge Christe, ádjuva nos. ℟. Et libera nos propter nomen tuum.

Tempore Paschali.

℟. br. Christe Fili Dei vivi, miserére nobis, \* Allelúia, allelúia. Repetit. Christe Fili Dei vivi, miserére nobis, \* Allelúia, allelúia. V. Qui surrexísti a mórtuis. ℟. Allelúia, allelúia. V. Glória Patri, et Filio, et Spiritui sancto. ℟. Christe Fili Dei vivi, miserére nobis, allelúia, allelúia.

V. Exsúrge Christe, ádjuva nos, allelúia. ℟. Et libera nos propter nomen tuum, allelúia.

Sequentes Preces non dicuntur in Duplici nec infra Oct.; sed tunc dicto ℟. br. dicitur Dóminus vobiscum. et Orat. Dómine Deus omnipotens. ut infra. 29.

**K**YRIE eléison. Christe eléison. Kyrie eléison.

Pater noster. secreto usque ad V. Et ne nos indúcas in tentatiónem. ℟. Sed libera nos a malo.

Credo in Deum. secreto usque ad V. Carnis resurrectionem. ℟. Vitam ætérnam. Amen.

V. Et ego ad te Dómine clamávi. ℟. Et mane oratio mea præveniet te.

V. Repleátur os meum láude. ℟. Ut cantem glóriam tuam, tota die magnitúdinem tuam.

V. Dómine avérte fáciem tuam a peccátis meis. ℟. Et omnes iniquitátes meas dele.

V. Cormundum crea in me Deus. ℟. Et spíritum rectum innova in viscéribus meis.

V. Ne projicias me a fácie tua. ℟. Et Spíritum sanctum tuum ne áuferas a me.

V. Redde mihi lætítiam salutáris tui. ℟. Et spíritu principáli confirma me.

V. Adjutórium nostrum in nómine Dómini. ℟. Qui fecit cælum et terram.

Deinde Hebdomadarius facit Confessionem.

**C**ONFÍTEOR Deo omnipoténti, beátæ Mariæ semper Virgini, beáto Michaéli Archángelo, beáto Joánni



Baptistæ, sanctis Apóstolis Petro et Páulo, ómnibus Sanctis, et vobis fratres : quia peccávi nimis cogitatione, verbo et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joán-nem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

**Chorus respondet :**

**M**ISEREÁTUR tui omnipotens Deus, et dimíssis peccátis tuis, perdúcat te ad vitam ætérnam. **R.** Amen.

**Deinde repetit Confessionem : et ubi dicitur vobis fratres, et vos fratres, dicitur tibi pater et te pater.**

**Facta Confessione a Choro, Hebdomadarius dicit :**

**M**ISEREÁTUR vestri omnipotens Deus, et, dimíssis peccátis vestris, perdúcat vos ad vitam ætérnam. **R.** Amen.

**I**NDULGÉNTIAM, absolutiÓNem et remissiÓNem peccatórum nostrórum tribuat nobis omnipotens et miséricors Dóminus. **R.** Amen.

**Et prosequitur V.** Dignáre Dómine die isto. **R.** Sine peccáto nos custodire.

**V.** Miserére nostri Dómine. **R.** Miserére nostri.

**V.** Fiat misericórdia tua Dómine super nos. **R.** Quemádmodum sperávimus in te.

**V.** Dómine exáudi oratiÓNem meam. **R.** Et clamor meus ad te véniat.

**V.** Dóminus vobíscum. **R.** Et cum spíritu tuo.

Orémus. **Oratio.**

**D**ÓMINE Deus omnipotens, qui ad principium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitationes et ópera. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sácula sæculórum.

**R.** Amen.

**V.** Dóminus vobíscum. **R.** Et cum spíritu tuo.

**V.** Benedicámus Dómino. **R.** Deo grátias.

**Deinde in Choro legitur Martyrologium. Et quando dicenda est Prima de beata Maria, præponitur lectioni Martyrologii.**

**Postea Hebdomadarius dicit V.** Pretiósá in conspéctu Dómini. **R.** Mors sanctorum ejus.

**Et absolute sine Orémus.**

**Oratio.**

**S**ANCTA María, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sácula sæculórum. **R.** Amen.

Ÿ. Deus in adiutorium meum intende. R. Domine ad adiuvandum me festina.

Et dicitur ter; ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. secreto.

Ÿ. Et ne nos inducas in tentationem. R. Sed libera nos a malo.

Ÿ. Réspice in servos tuos Domine, et in ópera tua, et dirige filios eórum. R. Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

Ÿ. Glória Patri. R. Sicut erat.

Orémus. Oratio.

**D**IRÍGERE et sanctificáre, régere et gubernáre dignáre, Dómine Deus Rex cæli et terræ, hódie corda et corpóra nostra, sensus, sermones et actus nostros in lege tua, et in opéribus mandatorum tuórum : ut hic, et in ætérnum, te auxiliánte salvi et liberi esse mereámur, Salvátor mundi : Qui vivis et regnas in sæcula sæculórum.

R. Amen.

Ÿ. Jube domne benedicere.

Bened. Dies et actus nostros in sua pace dispónat Dóminus omnipotens. R. Amen.

Ad Absolutionem Capituli in Dom. et Feriis a Dom. I. Quadrag. usque ad Dom. Passionis exclusive.

Lectio brevis. Is. 55. b

**Q**UÆRITE Dóminum, dum inveniri potest : invocáte eum, dum prope est. Tu áutem Dómine miserére nobis.

R. Deo grátias.

A Dom. Passionis usque ad Fer. V. in Cœna Domini exclusive.

Lectio brevis. Is. 50. c

**F**ÁCIEM meam non avérti ab increpántibus et conspuéntibus in me. Dóminus Deus auxiliátor meus, ideo non sum confúsus. Tu áutem Dómine.

A Dominica Resurrectio- nis usque ad Ascensionem exclusive.

Lectio brevis. Coloss. 3.

**S**I consurrexistis cum Christo, quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram. Tu áutem Dómine.

Post Lect. brevem dicitur

Ÿ. Adiutorium nostrum in nómine Dómini. R. Qui fecit cælum et terram.

Ÿ. Benedicite. R. Deus.

Bened. Dóminus nos benedicat, et ab omni malo deféndat, et ad vitam perducát ætérnam : et fidélium animæ per misericórdiam Dei requiészant in pace. R. Amen.



IN FERIALI OFFICIO

EXTRA TEMPUS PASCHALE

AD PRIMAM

Pater noster. Ave María.  
Credo.

Ÿ. Deus in adiutorium. 18.

Hymnus.

**J**AM lucis orto sidere  
Deum precemur supplices,

Ut in diurnis actibus  
Nos servet a nocentibus.

Linguam refrænans temperet,

Ne litis horror insonet :  
Visum fovendo cõtegat,  
Ne vanitates hauriat.

Sint pura cordis intima,  
Absistat et vecordia :  
Carnis terat superbiam  
Potus cibique parcitas :

Ut cum dies abscesserit,  
Noctemque sors reduxerit,  
Mundi per abstinẽtiam  
Ipsi canamus gloriam.

Deo Patri sit gloria,  
Ejusque soli Filio,  
Cum Spiritu Paráclito,  
Nunc, et per omne sæculum.  
Amen.

Temp. Quadrag. Ant. Vivo ego.

Temp. Passionis, Ant. Libera me Domine.

Psalmus 53.

**D**EUS in nomine tuo sal-  
vum me fac : \* et in vir-  
tute tua júdica me.

Deus exáudi orationem  
meam : \* áuribus pèrcipe  
verba oris mei.

Quóniam aliéni insurrexé-

runt adversum me, et fortes  
quæsiérunt ánimam meam : \*  
et non proposuérunt Deum  
ante conspèctum suum.

Ecce enim Deus áduvat  
me : \* et Dóminus suscep-  
tor est ánimæ meæ.

Avérte mala inimicis me-  
is : \* et in veritate tua dis-  
pèrde illos.

Voluntárie sacrificábo ti-  
bi, \* et confitébor nómini  
tuo Dómine : quóniam bo-  
num est :

Quóniam ex omni tribu-  
latione eripuisti me : \* et su-  
per inimicos meos despexit  
óculus meus.

Post Ps. Deus in nómine  
tuo. loco Ps. Confitémini.  
dicitur unus ex infrascriptis  
Psalmis, secundum Ferias  
distinctis. Sabbato autem di-  
cuntur tantum tres Psalmi,  
sicut in Festis.

FERIA SECUNDA

Psalmus 23.

**D**ÓMINI est terra, et pleni-  
túdo ejus : \* orbis terrá-  
rum, et univèrsi qui hábi-  
tant in eo.

Quia ipse super mária  
fundávit eum : \* et super flú-  
mina præparávit eum.

Quis ascéndet in montem  
Dómini? \* aut quis stabit in  
loco sancto ejus?

Innocens mánibus et mun-  
do corde, \* qui non accé-  
pit in vano ánimam suam,  
nec jurávit in dolo próximo  
suo.

Hic accipiet benedictiõ-



nem a Dómino : \* et misericórdiam a Deo salutári suo.

Hæc est generatio quærentium eum, \* quærentium faciẽm Dei Jacob.

Attollite portas principes vestras, et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attollite portas principes vestras, et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

### FERIA TERTIA

#### Psalmus 24.

**A**d te Dómine levávi ánimam meam : \* Deus meus in te confido, non erubescam.

Neque irrideant me inimici mei : \* etenim univérſi qui sústinent te, non confundéntur.

Confundántur omnes iniqua agentes \* supervácue.

Vias tuas Dómine demónstra mihi : \* et sémitas tuas édoce me.

Dirige me in veritate tua, et doce me : \* quia tu es Deus salvátor meus, et te sustinui tota die.

Reminiscere miseratiónum tuárum Dómine, \* et misericordiárum tuárum, quæ a sæculo sunt.

Delicta juventútis meæ, \* et ignorántias meas ne memineras.

Secúndum misericórdiam tuam meménto mei tu : \* propter bonitátem tuam Dómine.

Dulcis et rectus Dóminus : \* propter hoc legem dabit delinquentibus in via.

Diriget mansuétos in iudicio : \* docebit mites vias suas.

Univérſæ viæ Dómini, misericórdia et véritas, \* requiréntibus testaméntum ejus et testimónia ejus.

Propter nomen tuum Dómine propitiáberis peccáto meo : \* multum est enim.

Quis est homo qui timet Dóminum? \* legem státuit ei in via, quam elégit.

Anima ejus in bonis demorábitur : \* et semen ejus hereditábit terram.

Firmaméntum est Dóminus timéntibus eum : \* et testaméntum ipsius ut manifestétur illis.

Oculi mei semper ad Dóminum : \* quóniam ipse évêllet de láqueo pedes meos.

Réspice in me, et miserere mei : \* quia únicus et páuper sum ego.

Tribulatiónes cordis mei multiplicatæ sunt : \* de necessitatibus meis érue me.

Vide humilitátem meam, et labórem meum : \* et mitte univérſa delicta mea.

Réspice inimicos meos, quóniam multiplicáti sunt, \* et ódio iníquo odérunt me.

Custódi ánimam meam, et éruē me : \* non erubéscam quóniam sperávi in te.

Innocéntes et recti adhæserunt mihi : \* quia sustinui te.

Líbera Deus Israël \* ex ómnibus tribulatió nibus suis.

#### FERIA QUARTA

##### Psalmus 25.

**J**ÚDICA me Dómine, quóniam ego in innocéntia mea ingrèssus sum : \* et in Dómino sperans non infirmábor.

Proba me Dómine, et tenta me : \* ure renes meos et cor meum.

Quóniam misericórdia tua ante óculos meos est : \* et complácuī in veritatē tua.

Non sedi cum concilio vanitátis : \* et cum iniqua geréntibus non introibo.

Odivi ecclésiā malignántium : \* et cum impiis non sedébo.

Lavábo inter innocéntes manus meas : \* et circúmdabo altáre tuum Dómine :

Ut áudiam vocem láudis, \* et enárrem univérſa mirabilia tua.

Dómine diléxi decórem domus tuæ, \* et locum habitatió nis glóriæ tuæ.

Ne perdas cum impiis Deus ánimam meam, \* et cum viris sánguīnum vitam meam :

In quorum mánibus iniquitátes sunt : \* dextera eórum repléta est munéribus.

Ego áutem in innocéntia mea ingrèssus sum : \* rédime me, et miserére mei.

Pes meus stetit in dirécto : \* in ecclésiis benedicam te Dómine.

#### FERIA QUINTA

##### Psalmus 22.

**D**ÓMINUS regit me, et nihil mihi déerit : \* in loco páscuæ ibi me collocávit.

Super aquam refectiό nis educávit me : \* ánimam meam convértit.

Dedúxit me super sémitas iustitiæ, \* propter nomen suum.

Nam, et si ambulávero in médio umbræ mortis, non timébo mala : \* quóniam tu mecum es.

Virga tua, et báculo tuus : \* ipsa me consoláta sunt.

Parásti in conspéctu meo mensam, \* advérsus eos, qui tribulant me.

Impinguásti in óleo caput meum : \* et calix meus inébrians quam præclárus est!

Et misericórdia tua subsequétur me \* ómnibus diébus vitæ meæ :

Et ut inhábitem in domo Dómini, \* in longitúdinem diérum.

#### FERIA SEXTA

##### Psalmus 21.

**D**EUS Deus meus réspice in me : quare me dereliquisti? \* longe a salúte mea verba delictórum meórum.

Deus meus clamábo per



diem, et non exáudies : \*  
et nocte, et non ad insi-  
piéntiam mihi.

Tu áutem in sancto hábi-  
tas, \* laus Israël.

In te speravérunt patres  
nostri : \* speravérunt, et li-  
berásti eos.

Ad te clamavérunt, et salvi  
facti sunt : \* in te speravé-  
runt, et non sunt confúsi.

Ego áutem sum vermis, et  
non homo : \* oppróbrium  
hóminum, et abjéctio ple-  
bis.

Omnes vidéntes me, deri-  
sérunt me : \* locúti sunt lá-  
biis, et movérunt caput.

Sperávit in Dómino, eri-  
piat eum : \* saluum fáciat  
eum, quóniam vult eum.

Quóniam tu es qui extraxi-  
sti me de ventre : \* spes mea  
ab ubéribus matris meæ. In  
te projectus sum ex útero :

De ventre matris meæ  
Deus meus es tu, \* ne discés-  
seris a me :

Quóniam tribulátio próxi-  
ma est : \* quóniam non est  
qui ádjuvet.

Circumdedérunt me ví-  
tuli multi : \* táuri pingues  
obsederunt me.

Aperuérunt super me os  
suum, \* sicut leo rápiens et  
rúgiens.

Sicut aqua effúsus sum : \*  
et dispérsa sunt ómnia ossa  
mea.

Factum est cor meum  
tamquam cera liquéscens \*  
in médio ventris mei.

Aruit tamquam testa virtus

mea, et lingua mea adhæsit  
fáucibus meis : \* et in púlve-  
rem mortis deduxisti me.

Quóniam circumdedérunt  
me canes multi : \* concilium  
malignántium obsédit me.

Fodérunt manus meas et  
pedes meos : \* dinumeravé-  
runt ómnia ossa mea.

Ipsi vero consideravérunt  
et inspexérunt me : \* divisé-  
runt sibi vestiménta mea, et  
super vestem meam misé-  
runt sortem.

Tu áutem Dómine ne  
elongáveris auxilium tuum  
a me : \* ad defensiónem  
meam cónspecte.

Erue a frámea Deus áni-  
mam meam : \* et de manu  
canis únicam meam.

Salva me ex ore leónis : \*  
et a córnibus unicórnium  
humilitátem meam.

Narrábo nomen tuum frá-  
tribus meis : \* in médio ec-  
clésiæ laudábo te.

Qui timétis Dóminum,  
laudáte eum : \* univérsum  
semen Jacob glorificáte eum.

Timeat eum omne semen  
Israel : \* quóniam non spre-  
vit, neque despéxit depre-  
caciónem páuperis :

Nec avértit fáciem suam  
a me : \* et cum clamárem  
ad eum, exaudivit me.

Apud te laus mea in ec-  
clésia magna : \* vota mea  
reddam in conspéctu timén-  
tium eum.

Edent páuperes, et satu-  
rabúntur : et laudábunt Dó-  
minum qui requirunt eum : \*



vivent corda eorum in sæculum sæculi.

Remiscuntur et convertentur ad Dñm \* universi fines terræ :

Et adorabunt in conspectu ejus \* universæ familiæ gentium.

Quoniam Dñi est regnum : \* et ipse dominabitur gentium.

Manducaverunt et adoraverunt omnes pingues terræ : \* in conspectu ejus cadent omnes qui descendunt in terram.

Et anima mea illi vivet : \* et semen meum serviet ipsi.

Annuntiabitur Dño generatio ventura : \* et annuntiabunt cæli justitiam ejus populo qui nascetur, quem fecit Dñus.

**Sabbato nihil additur, ut supra in Rubrica. 31.**

**Deinde dicitur**

**Psalmus 118.**

**B**EATI immaculati in via : \* qui ambulant in lege Dñi.

Beati qui scrutantur testimonia ejus : \* in toto corde exquirunt eum.

Non enim qui operantur iniquitatem, \* in viis ejus ambulaverunt.

Tu mandasti \* mandata tua custodiri nimis.

Utinam dirigantur viæ meæ, \* ad custodiendas justificationes tuas.

Tunc non confundar, \* cum perspexero in omnibus mandatis tuis.

Confitebor tibi in directione cordis : \* in eo quod didici judicia justitiæ tuæ.

Justificationes tuas custodiam : \* non me derelinquas usquequaque.

In quo corrigit adolescentior viam suam? \* in custodiendo sermones tuos.

In toto corde meo exquisivi te : \* ne repellas me a mandatis tuis.

In corde meo abscondi eloquia tua : \* ut non peccem tibi.

Benedictus es Dñe : \* doce me justificationes tuas.

In labiis meis, \* pronuntiavi omnia judicia oris tui.

In via testimoniis tuorum delectatus sum, \* sicut in omnibus divitiis.

In mandatis tuis exercabor : \* et considerabo vias tuas.

In justificationibus tuis meditabor : \* non obliviscar sermones tuos.

**R**ETRIBUE servo tuo, vivifica me : \* et custodiam sermones tuos.

Revela oculos meos : \* et considerabo mirabilia de lege tua.

Incola ego sum in terra : \* non abscondas a me mandata tua.

Concupivit anima mea desiderare justificationes tuas, \* in omni tempore.

Increpasti superbos : \* maledicti qui declinant a mandatis tuis.

Aufer a me opprobrium et contemptum: \* quia testimonia tua exquisivi.

Etenim sederunt principes, et adversum me loquebantur: \* servus autem tuus exercebatur in justificationibus tuis.

Nam et testimonia tua meditatio mea est: \* et consilium meum justificationes tue.

Adhaesit pavimento anima mea: \* vivifica me secundum verbum tuum.

Vias meas enuntiavi, et exaudisti me: \* doce me justificationes tuas.

Viam justificationum tuarum instrue me: \* et exercebor in mirabilibus tuis.

Dormitavit anima mea praetudio: \* confirma me in verbis tuis.

Viam iniquitatis amove a me: \* et de lege tua miserere mei.

Viam veritatis elégi: \* iudicia tua non sum oblitus.

Adhaesi testimoniis tuis Domine: \* noli me confundere.

Viam mandatorum tuorum cucurri, \* cum dilatasti cor meum.

**Tempore Quadrag. Ant.**

Vivo ego, dicit Dominus: nolo mortem peccatoris, sed ut magis convertatur et vivat.

**Temp. Passionis. Ant.** Libera me Domine, et pone me iuxta te: et cuiusvis manus pugnet contra me.

**Capitulum. Zach. 8. d**

**P**ACEM et veritatem diligite, ait Dominus omnipotens. **R.** Deo gratias.

**R. br.** Christe Fili Dei vivi, \* Miserere nobis. **Et repetitur:** Christe Fili Dei vivi, miserere nobis. **V.** Qui sedes ad dexteram Patris. **R.** Miserere nobis. **V.** Gloria Patri, et Filio, et Spiritui sancto. **R.** Christe Fili Dei vivi, miserere nobis.

**V.** Exsurge Christe, adjuva nos. **R.** Et libera nos propter nomen tuum.

**K**YRIE eleison. Christe eleison. Kyrie eleison.

Pater noster. **secreto.**

**V.** Et ne nos inducas in tentationem. **R.** Sed libera nos a malo.

Credo in Deum. **secreto.**

**V.** Carnis resurrectionem. **R.** Vitam aeternam. Amen.

**V.** Et ego ad te Domine clamavi. **R.** Et mane oratio mea praeveniet te.

**V.** Repleatur os meum laude. **R.** Ut cantem gloriam tuam, tota die magnitudinem tuam.

**V.** Domine averte faciem tuam a peccatis meis. **R.** Et omnes iniquitates meas dele.

**V.** Cor mundum crea in me Deus. **R.** Et spiritum rectum innova in visceribus meis.

**V.** Ne projicias me a facie tua. **R.** Et Spiritum sanctum tuum ne auferas a me.

**V.** Redde mihi letitiam



salutáris tui. *R.* Et spiritu principáli confirma me.

Quando ad Laud. non sunt dictæ Preces feriales, statim dicitur Adjutórium nostrum. et Confiteor Deo etc. ut supra. 28.

Quando autem ad Laud. dictæ sunt Preces feriales inferius positæ post Laud. Feriæ II., tunc ad Primam prædictæ Preces et seq. dicuntur flexis genibus.

*V.* Eripe me Dómine ab hómine malo. *R.* A viro iniquo éripe me.

*V.* Eripe me de inimicis meis Deus meus. *R.* Et ab insurgéntibus in me libera me.

*V.* Eripe me de operántibus iniquitatem. *R.* Et de viris sánguinem salva me.

*V.* Sic psalmum dicam nómini tuo in sáculum sáculi. *R.* Ut reddam vota mea de die in diem.

*V.* Exáudi nos Deus salutáris noster. *R.* Spes ómnium finium terræ, et in mari longe.

*V.* Deus in adjutórium meum inténde. *R.* Dómine ad adjuvándum me festina.

*V.* Sanctus Deus, sanctus fortis, sanctus immortalis. *R.* Miserére nobis.

*V.* Bénedic ánima mea Dómino. *R.* Et ómnia quæ intra me sunt, nómini sancto ejus.

*V.* Bénedic ánima mea Dómino. *R.* Et noli oblivisci omnes retributiónes ejus.

*V.* Qui propitiátur ómnibus iniquitátibus tuis. *R.* Qui sanat omnes infirmitates tuas.

*V.* Qui rédimit de intéritu vitam tuam. *R.* Qui coronat te in misericórdia et miserationibus.

*V.* Qui replet in bonis desiderium tuum. *R.* Renovábitur ut áquilæ juvéntus tua.

*V.* Adjutórium nostrum in nómine Dómini. *R.* Qui fecit cælum et terram.

Deinde Hebdomadarius facit Confessionem dicens : Confiteor Deo. Reliq. omnia ut supra in Dominica. 28.

## IN FERIALI OFFICIO

### TEMPORE PASCHALI

#### ET IN FESTIS PER ANNUM

Pater noster. Ave María. Credo. *V.* Deus in adjutórium meum. ut supra. 18.

### Hymnus.

**J**AM lucis orto sídere Deum precémur súpplices,

Ut in diúrnis áctibus Nos servet a nocéntibus.

Linguam refrénans témperet,

Ne litis horror insonet : Visum fovéndo cóntegat, Ne vanitátes háuriant.

Sint pura cordis intima, Absístat et vecórdia ; Carnis terat supérbiam Potus cibique párcitas :

Ut, cum dies abscésserit, Noctémque sors redúxerit, Mundi per abstinentiam Ipsi canámus glóriam.



Deo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sæcu-  
lum. Amen.

Ant. competens.

Psalmus 53.

**D**EUS in nómine tuo sal-  
vum me fac : \* et in vir-  
tute tua júdica me.

Deus exáudi orationem  
meam : \* áuribus pèrcipe  
verba oris mei.

Quóniam aliéni insurrexé-  
runt advèrsus me, et fortes  
quæsiérunt ánimam meam : \*  
et non proposuérunt Deum  
ante conspèctum suum.

Ecce enim Deus ádjuvat  
me : \* et Dóminus suscèptor  
est ánimæ meæ.

Avérte mala inimícis meis : \*  
et in veritate tua dispèrde  
illos.

Voluntárie sacrificábo ti-  
bi, \* et confitébor nómini  
tuo Dómine : quóniam bo-  
num est.

Quóniam ex omni tribu-  
latione eripuísti me : \* et su-  
per inimicos meos despéxit  
óculus meus.

Psalmus 118.

**B**EÁTI immaculáti in via : \*  
qui ámbulant in lege Dó-  
mini.

Beáti, qui scrutántur testi-  
mónia ejus : \* in toto corde  
exquirunt eum.

Non enim qui operántur  
iniquitátem, \* in viis ejus  
ambulavérunt.

Tu mandásti \* mandáta  
tua custodiri nimis.

Utinam dirigántur viæ  
meæ, \* ad custodiéndas jus-  
tificatiónes tuas.

Tunc non confúndar, \*  
cum perspéxero in ómnibus  
mandátis tuis.

Confitébor tibi in dire-  
ctione cordis : \* in eo quod  
didici judícia justitiæ tuæ.

Justificatiónes tuas custó-  
diam : \* non me derelínquas  
usquequáque.

In quo córrigit adolescén-  
tior viam suam? \* in custo-  
diéndo sermónes tuos.

In toto corde meo exqui-  
sivi te : \* ne repéllas me a  
mandátis tuis.

In corde meo abscondi  
elóquia tua : \* ut non pec-  
cem tibi.

Benedictus es Dómine : \*  
doce me justificatiónes tuas.

In lábiis meis, \* pronun-  
tiávi ómnia judícia oris tui.

In via testimoniórum tuó-  
rum delectátus sum, \* sicut  
in ómnibus divítiis.

In mandátis tuis exercé-  
bor : \* et considerábo vias  
tuas.

In justificatiónebus tuis  
meditabor : \* non obliviscar  
sermónes tuos.

**R**ETRÍBUE servo tuo, vivi-  
fica me : \* et custódiam  
sermónes tuos.

Revéla óculos meos : \*  
et considerábo mirabilia de  
lege tua.

Incola ego sum in terra : \*  
non abscondas a me man-  
dáta tua.

Concupivit ánima mea

desiderare justificatiões tuas, \* in omni tēpore.

Increpāsti supērbos : \* maledicti qui declinant a mandātis tuis.

Aufer a me oppróbrium et contēptum : \* quia testimónia tua exquisivi.

Etenim sedērunt principes, et advēsum me loquebāntur : \* servus autem tuus exercebātur in justificatiōnibus tuis.

Nam et testimónia tua meditatio mea est : \* et consilium meum justificatiões tuæ.

Adhæsit pavimēto ánima mea : \* vivifica me secūndum verbum tuum.

Vias meas enuntiāvi, et exaudisti me : \* doce me justificatiões tuas.

Viam justificatiōnum tuarum instrue me : \* et exercebor in mirabilibus tuis.

Dormitāvit ánima mea præ tēdio : \* confirma me in verbis tuis.

Viam iniquitātis ámove a me : \* et de lege tua miserere mei.

Viam veritātis elégi : \* iudicia tua non sum oblitus.

Adhæsi testimoniis tuis Dómine : \* noli me confundere.

Viam mandatorum tuorum cucúrri, \* cum dilatāsti cor meum.

**Ant. competens.**

**Capitulum. I. Tim. 1. d**

**R**egi sæculórum immortalí et invisibili, soli Deo

honor, et glória in sæcula sæculórum. Amen.

**R.** Deo grátias.

**R. br.** Christe Fili Dei vivi, \* Miserere nobis. **Et repetitur** : Christe Fili Dei vivi, miserere nobis. **V.** Qui sedes ad dexteram Patris. **R.** Miserere nobis. **V.** Glória Patri, et Filio, et Spiritui sancto. **R.** Christe Fili Dei vivi, miserere nobis.

**V.** Exsúrge Christe, ádjuva nos. **R.** Et libera nos propter nomen tuum.

**Tempore Paschali.**

**R. br.** Christe Fili Dei vivi, miserere nobis, \* Allelúia, allelúia. **Repetitur** : Christe Fili Dei vivi, miserere nobis, allelúia, allelúia. **V.** Qui surrexisti a mórtuis. **R.** Allelúia, allelúia. **V.** Glória Patri, et Filio, et Spiritui sancto. **R.** Christe Fili Dei vivi, miserere nobis, allelúia, allelúia.

**V.** Exsúrge Christe, ádjuva nos, allelúia. **R.** Et libera nos propter nomen tuum, allelúia.

¶ **Sed in Festo Ascensionis et per totam Octavam, ac etiam Feria VI. et Sabb. post Octavam dicitur**

**V.** Qui scandis super sidera. **R.** Allelúia, allelúia.

¶ **Similiter in Festo Pentecostes usque ad Sabb. sequens dicitur**

**V.** Qui sedes ad dexteram Patris. **R.** Allelúia, allelúia.

**Preces. Kýrie eléison. quæ non dicuntur in Dupl. nec**



infra Oct. habentur supra in Dominica. 28.

Ÿ. Dóminus vobiscum. R. Et cum spíritu tuo.

Orémus. *Oratio.*

**D**ÓMINE Deus omnipotens, qui ad principium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justitiam faciéndam nostra procédant elóquia, dirigántur cogitationés et ópera. Per Dóminum. R. Amen.

Ÿ. Dóminus vobiscum. R. Et cum spíritu tuo.

Ÿ. Benedicámus Dómino. R. Deo grátias.

Deinde in Choro legitur Martyrologium. Et quando dicenda est Prima de beata Maria, præponitur Lectioni Martyrologii.

Postea Hebdomadarius dicit Ÿ. Pretiósá in conspéctu Dómini. R. Mors sanctorum ejus.

Et absolute sine Orémus.

*Oratio.*

**S**ANCTA Maria, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sæcula sæculórum. R. Amen.

Ÿ. Deus in adjutórium meum inténde. R. Dómine ad adjuvándum me festina.

Et dicitur ter : ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. secreto.

Ÿ. Et ne nos indúcas in tentatiónem. R. Sed libera nos a malo.

Ÿ. Réspice in servos tuos Dómine, et in ópera tua, et dirige filios eórum. R. Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

Ÿ. Glória Patri. R. Sicut erat.

Orémus. *Oratio.*

**D**IRIGERE et sanctificáre, régere et gubernáre dignáre, Dómine Deus Rex cæli et terræ, hódie corda et córpora nostra, sensus, sermónes, et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et liberí esse mereámur, Salvátor mundi : Qui vivis et regnas in sæcula sæculórum. R. Amen.

Ÿ. Jube domne benedicere.

*Benedictio.* Dies et actus nostros in sua pace dispónat Dóminus omnipotens. R. Amen.

*Ad Absolutionem Capit. in Festis dicit. Capit. Nonæ. Post Lect. brevem dicitur*

Ÿ. Adjutórium nostrum in nómine Dómini. R. Qui fecit cælum et terram.

Ÿ. Benedicite. R. Deus.

*Bened.* Dóminus nos benedicat, et ab omni malo deféndat, et ad vitam per-



dúcat ætérnam; et fidélium  
ánimæ per misericórdiam  
Dei requiészant in pace.

*R.* Amen.

### AD TERTIAM

Pater noster. Ave María.  
Deus in adjutórium. 18.

### Hymnus.

**N**UNC sancte nobis Spíri-  
tus,

Unum Patri cum Filio,  
Dignáre promptus ingeri  
Nostro refúsus pèctori.

Os, lingua, mens, sensus,  
vigor

Confessiómem pèrsonent,  
Flammészcat igne cáritas,  
Accéndat ardor próximos.

Præsta, Pater piíssime,  
Patrique compar Unice,  
Cum Spíritu Paráclito,  
Regnans per omne sâculum.  
Amen.

*In Dom. Quadrag. Ant.*  
*propria.*

*Temp. Quadr. in fer. Of-*  
*fíc. Ant. Advenérunt nobis.*

*Temp. Passionis, Ant. Ju-*  
*dicásti Dómine.*

*In Dom. Temp. Pasch. et*  
*in fer. Offíc. Ant. Allelúia.*

### Psalmus.

**L**EGEM pone mihi Dómine  
viam justificatiónum tuá-  
rum: \* et exquíram eam sem-  
per.

Da mihi intelléctum, et  
scrutábor legem tuam: \* et  
custódiam illam in toto cor-  
de meo.

Deduc me in sémitam  
mandatórum tuórum: \* quia  
ipsam vólui.

Inclina cor meum in testi-  
mónia tua: \* et non in ava-  
ritiam.

Avérte óculos meos ne  
videant vanitátem: \* in via  
tua vivifica me.

Státue servo tuo elóquium  
tuum, \* in timóre tuo.

Amputa oppróbrium me-  
um, quod suspicátus sum: \*  
quia iudícia tua jucúnda.

Ecce concupivi mandáta  
tua: \* in æquitáte tua vivi-  
fica me.

Et véniat super me mise-  
ricórdia tua Dómine: \* sa-  
lutáre tuum secúndum eló-  
quium tuum.

Et respondébo expro-  
brántibus mihi verbum: \*  
quia sperávi in sermónibus  
tuis.

Et ne áuferas de ore meo  
verbum veritátis usquequá-  
que: \* quia in iudiciis tuis  
supersperávi.

Et custódiam legem tuam  
semper: \* in sâculum et in  
sâculum sâculi.

Et ambulábam in latitú-  
dine: \* quia mandáta tua  
exquisívi.

Et loquébar in testimoniis  
tuis in conspéctu regum: \*  
et non confundébar.

Et meditábar in mandátis  
tuis, \* quæ diléxi.

Et levávi manus meas ad  
mandáta tua, quæ diléxi: \*  
et exercébar in justificatió-  
nibus tuis.

**M**EMOR esto verbi tui servo  
tuo, \* in quo mihi spem  
dedisti.

Hæc me consoláta est in humilitáte mea : \* quia elóquium tuum vivificávit me.

Supérbi iníque agébant usquequáque : \* a lege áutem tua non declinávi.

Memor fui judiciórum tuórum a sáculo Dómine : \* et consolátus sum.

Deféctio ténuít me, \* pro peccatóribus derelinquéntibus legem tuam.

Cantábiles mihi erant justificatiónes tuæ, \* in loco peregrinatiónis meæ.

Memor fui nocte nóminis tui Dómine : \* et custodívi legem tuam.

Hæc facta est mihi : \* quia justificatiónes tuas exquisívi.

Pórtio mea Dómine, \* dixi custodire legem tuam.

Deprecátus sum fáciem tuam in toto corde meo : \* miserére mei secúndum elóquium tuum.

Cogitávi vias meas : \* et convértil pedes meos in testimónia tua.

Parátus sum, et non sum turbátus : \* ut custódiam mandáta tua.

Funes peccatórum circumpléxi sunt me : \* et legem tuam non sum oblítus.

Média nocte surgébam ad confiténdum tibi, \* super iudicia justificatiónis tuæ.

Párticeps ego sum ómnium timéntium te : \* et custodiéntium mandáta tua.

Misericórdia tua Dómine plena est terra : \* justificatiónes tuas doce me.

**B**ONITÁTEM fecísti cum servo tuo Dómine, \* secúndum verbum tuum.

Bonitátem, et disciplinam, et sciéntiam doce me : \* quia mandátis tuis crédi-di.

Priúsquam humiliárer ego delíqui : \* proptérea elóquium tuum custodívi.

Bonus es tu : \* et in bonitáte tua doce me justificatiónes tuas.

Multiplicáta est super me iniquitas superbórum : \* ego áutem in toto corde meo scrutábor mandáta tua.

Coagulátum est sicut lac cor córum : \* ego vero legem tuam meditátus sum.

Bonum mihi quia humiliásti me : \* ut discam justificatiónes tuas.

Bonum mihi lex oris tui, \* super millia áuri et argénti.

Manus tuæ fecérunt me, et plasmavérunt me : \* da mihi intelléctum, et discam mandáta tua.

Qui timent te vidébunt me, et lætabúntur : \* quia in verba tua supersperávi.

Cognóvi Dómine quia æquitas iudicia tua : \* et in veritáte tua humiliásti me.

Fiat misericórdia tua ut consolétur me, \* secúndum elóquium tuum servo tuo.

Véniant mihi miseratiónes tuæ, et vivam : \* quia lex tua meditatio mea est.

Confundántur supérbi, quia injúste iniquitátem fecérunt in me : \* ego áu-



tem exercébor in mandátis tuis.

Convertántur mihi timén-tes te : \* et qui novérunt te-  
stimónia tua.

Fiat cor meum immaculá-  
tum in justificatióibus tuis,\*  
ut non confúndar.

In Dom. Quadrag. Ant.  
propria.

Tempore Quadrag. in fer.  
Officio Ant. Advenérunt no-  
bis dies pœniténtiæ, ad re-  
diménda peccáta, ad sal-  
vándas ánimas.

Capitulum. Joël. 2. c  
**C**ONVERTÍMINI ad me in toto  
corde vestro, in jejúnio,  
et in fletu, et in planctu. Et  
scíndite corda vestra, et non  
vestiménta vestra, ait Dómi-  
nus omnípotens.

℞. br. Ipse liberávit me \*  
De láqueo venántium. Ipse.  
ŷ. Et a verbo áspero. De lá-  
queo. Glória Patri. Ipse.

ŷ. Scápulis suis obumbrá-  
bit tibi. ℞. Et sub pennis  
ejus sperábis.

Quando ad Matut. dictæ  
sunt Preces, ad Tertiam,  
Sextam et Nonam flexis ge-  
nibus dicitur :

**K**YRIE eléison. Christe eléi-  
son. Kýrie eléison.

Pater noster. secreto.

ŷ. Et ne nos indúcas in  
tentatiónem. ℞. Sed libera  
nos a malo.

ŷ. Dómine Deus virtútum  
convérte nos. ℞. Et osténde  
fáciem tuam, et salvi éri-  
mus.

ŷ. Exsúrge Christe, ádjuva

nos. ℞. Et libera nos propter  
nomen tuum.

ŷ. Dómine exáudi oratió-  
nem meam. ℞. Et clamor  
meus ad te véniat.

ŷ. Dóminus vobíscum. ℞.  
Et cum spíritu tuo.

Orémus. Oratio conve-  
niens.

Tempore Passionis in fe-  
riali Officio, Ant. Judicásti  
Dómine cáusam ánimæ meæ,  
defénsor vitæ meæ, Dómine  
Deus meus.

Capitulum. Jerem. 17. b  
**D**ÓMINE, omnes qui te de-  
relinquunt, confundén-  
tur : recedéntes a te, in terra  
scribéntur : quóniam dere-  
liquérunt venam aquárum  
vivéntium Dóminum.

℞. br. Erue a frámea, \*  
Deus ánimam meam. Erue.  
ŷ. Et de manu canis únicam  
meam. Deus. Erue.

ŷ. De ore leónis libera me  
Dómine. ℞. Et a cór nibus uni-  
cór nium humilitátem meam.

Kýrie eléison. ut supra.

Orémus. Oratio conve-  
niens.

In Dominicis Tempore  
Paschali, Ant. Allelúia, alle-  
lúia, allelúia, allelúia.

Capit. proprium de Temp.

Tempore Paschali in fe-  
riali Officio, Ant. Allelúia,  
allelúia, allelúia, allelúia.

Capitulum. Rom. 6. b

**C**HRISTUS resúrgens ex  
mórtuis jam non móri-  
tur, mors illi ultra non do-  
minábitur. Quod enim mór-  
tuus est peccáto, mórtuus



est semel : quod áutem vivit, vivit Deo.

**R.** *br.* Surréxit Dóminus de sepúlcro, \* Allelúia, allelúia. Surréxit. **V.** Qui pro nobis pepéndit in ligno. Allelúia, allelúia. Glória. Surréxit.

**V.** Surréxit Dóminus vere, allelúia. **R.** Et apparuit Simóni, allelúia.

Orémus. **Oratio conveniens.**

#### AD SEXTAM

Pater noster. Ave María.  
Deus in adiutorium. 18.

#### Hymnus.

**R**ECTOR potens, verax Deus,  
Qui témperas rerum vi-  
ces,

Splendóre mane illúminas,  
Et ignibus meridiem :

Exstingue flammās litium,  
Aufer calórem nóxium,  
Confer salutem córporum,  
Verámque pacem córdium.

Præsta, Pater piíssime,  
Patrique compar Unice,  
Cum Spíritu Paráclito,  
Regnans per omne sæculum.  
Amen.

**In Dominicis Quadrag.**

**Ant. propria.**

**Temp. Quadrag. in fe-  
riali Officio Ant.** Commen-  
démus nosmetipsos.

**Tempore Passionis, Ant.**  
Pópule meus.

**In Dominicis Temp. Pa-  
schali et in feriali Officio  
Ant.** Allelúia.

#### Psalmus.

**D**EFÉCIT in salutáre tuum  
ánima mea : \* et in ver-  
bum tuum supersperávi.

Defecérunt óculi mei in  
elóquium tuum, \* dicéntes :  
Quando consoláberis me?

Quia factus sum sicut uter  
in pruina : \* justificatiónes  
tuas non sum oblitus.

Quot sunt dies servi tui? \*  
quando fácies de persecúen-  
tibus me iudícium?

Narravérunt mihi iniqui  
fabulatiónes : \* sed non ut  
lex tua.

Omnia mandáta tua véri-  
tas : \* inique persecúti sunt  
me, ádjuva me.

Páulo minus consumma-  
vérunt me in terra : \* ego  
áutem non dereliqui man-  
dáta tua.

Secúndum misericórdiam  
tuam vivifica me : \* et custó-  
diam testimónia oris tui.

In ætérnum Dómine, \*  
verbum tuum pérmanet in  
cælo.

In generatióem et gene-  
ratióem veritas tua : \* fun-  
dásti terram, et pérmanet.

Ordinatióne tua persevé-  
rat dies : \* quóniam ómnia  
sérviunt tibi.

Nisi quod lex tua me-  
ditátió mea est : \* tunc  
forte periíssem in humilitáte  
mea.

In ætérnum non obliví-  
scar justificatiónes tuas : \*  
quia in ipsis vivificásti me.

Tuus sum ego, salvum me  
fac : \* quóniam justificatió-  
nes tuas exquisivi.

Me exspectavérunt pecca-  
tóres ut pérderent me : \*  
testimónia tua intelléxi.

Omnis consummationis vidi finem : \* latum mandatum tuum nimis.

**Q**UOMODO dilexi legem tuam Dómine? \* tota die meditatio mea est.

Super inimicos meos prudentem me fecisti mandato tuo : \* quia in ætérnum mihi est.

Super omnes docéntes me intelléxi : \* quia testimónia tua meditatio mea est.

Super senes intelléxi : \* quia mandata tua quæsivi.

Ab omni via mala prohibui pedes meos : \* ut custodiam verba tua.

A judiciis tuis non declinavi : \* quia tu legem posuisti mihi.

Quam dulcia fáucibus meis elóquia tua, \* super mel ori meo!

A mandatis tuis intelléxi : \* propterea odivi omnem viam iniquitátis.

Lucérnapédibus meis verbum tuum, \* et lumen sémitis meis.

Juravi, et státui \* custodire judicia justitiæ tuæ.

Humiliátus sum usquequaque Dómine : \* vivifica me secúndum verbum tuum.

Voluntária oris mei benelácita fac Dómine : \* et judicia tua doce me.

Anima mea in mánibus meis semper : \* et legem tuam non sum oblítus.

Posuerunt peccatóres láqueum mihi : \* et de mandatis tuis non erravi.

Hereditáte acquisivi testimónia tua in ætérnum : \* quia exsultatio cordis mei sunt.

Inclinavi cor meum ad faciéndas justificatiónes tuas in ætérnum, \* propter retributiómem.

**I**NÍQUOS ódio hábui : \* et legem tuam dilexi.

Adjutor et suscepтор meus es tu : \* et in verbum tuum supersperavi.

Declinate a me maligni : \* et scrutabor mandata Dei mei.

Súscipe me secúndum elóquium tuum, et vivam : \* et non confundas me ab expectatióne mea.

Adjuva me, et salvus ero : \* et meditabor in justificatió nibus tuis semper.

Sprevisti omnes discedéntes a judiciis tuis : \* quia injústa cogitatio eórum.

Prævaricántes reputavi omnes peccatóres terræ : \* ideo dilexi testimónia tua.

Confige timóre tuo carnes meas : \* a judiciis enim tuis tímui.

Feci iudicium et justitiam : \* non tradas me calumniántibus me.

Súscipe servum tuum in bonum : \* non calumnién tur me supérbi.

Oculi mei defecérunt in salutáre tuum : \* et in elóquium justitiæ tuæ.

Fac cum servo tuo secúndum misericórdiam tuam : \* et justificatiónes tuas doce me.



Servus tuus sum ego : \* da mihi intelléctum, ut sciam testimónia tua.

Tempus faciéndi Dómine : \* dissipavérunt legem tuam.

Ideo diléxi mandáta tua \* super áurum et topázion.

Proptérea ad ómnia mandáta tua dirigébar : \* omnem viam iníquam ódio hábui.

In Dominicis Quadrag. Ant. propria.

Temp. Quadrag. in feriali Officio Ant. Commendémus nosmetípsos in multa patiéntia, in jejúniis multis, per arma justitiæ.

Capitulum. Is. 55. b

**D**ERELÍQUAT impius viam suam, et vir iniquus cogitationes suas, et revertá-tur ad Dóminum, et miseré-bitur ejus, et ad Deum nostrum, quóniam multus est ad ignoscéndum.

℞. br. Scápolis suis \* Obumbrábit tibi. Scápolis. V. Et sub pennis ejus sperábis. Obumbrábit tibi. Glória Patri. Scápolis.

V. Scuto circúmdabit te véritas ejus. ℞. Non timébis a timóre noctúrno.

Kýrie eléison. si dicendum sit, ut supra ad Tertiam. 43.

Orémus. Oratio conveniens.

Temp. Passionis in feriali Officio Ant. Pópule meus, quid feci tibi? aut quid molestus fui? Respónde mihi.

Capitulum. Jerem. 17. c

**C**ONFUNDÁNTUR qui me persequúntur, et non con-

fúndar ego : páveant illi, et non páveam ego : induc super eos diem afflictiónis, et dúplici contritióne cóntere eos Dómine Deus noster.

℞. br. De ore leónis \* Líbera me Dómine. De ore. V. Et a cór nibus unicórnum humilitátem meam. Líbera. De ore.

V. Ne perdas cum impiis Deus ánimam meam. R. Et cum viris sánguinem vitam meam.

Kýrie eléison. ut supra. 43.

Orémus. Oratio conveniens.

In Dom. Temp. Pasch. Ant. Allelúia, allelúia, allelúia, allelúia.

Capit. proprium de Temp.

Tempore Pasch. in feriali Officio Ant. Allelúia, allelúia, allelúia, allelúia.

Capitulum. I. Cor. 15. c

**C**HRIStUS resurréxit a mórtuis primitiæ dormiéntium : quóniam quidem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

℞. br. Surréxit Dóminus vere, \* Allelúia, allelúia. Surréxit. V. Et appáruit Simóni. Allelúia, allelúia. Glória Patri. Surréxit.

V. Gavisí sunt discípuli, allelúia. R. Viso Dómino, allelúia.

Orémus. Oratio conveniens.



## AD NONAM

Pater noster. Ave María.  
Deus in adiutorium. 18.

## Hymnus.

**R**ERUM Deus tenax vigor,  
Immotus in te permanens,

Lucis diurnæ tempora  
Successibus determinans :

Largire lumen vespere,  
Quo vita nusquam decidat,  
Sed præmium mortis sacræ  
Perennis instet gloria.

Præsta, Pater piissime,  
Patrique compar Unice,  
Cum Spiritu Paráclito  
Regnans per omne sæculum.  
Amen.

In Dominicis Quadrag.  
Ant. propria.

Tempore Quadrag. in feriali Officio, Ant. Per arma  
justitiæ.

Tempore Passionis Ant.  
Numquid redditur.

In Dominicis Tempore Paschali et in feriali Officio,  
Ant. Allelúia.

## Psalmus.

**M**IRABÍLIA testimónia tua : \*  
ideo scrutata est ea anima mea.

Declaratio sermonum tuorum illuminat : \* et intellectum dat parvulis.

Os meum aperui, et attraxi spiritum : \* quia mandata tua desiderabam.

Adspice in me, et misere mei, \* secundum iudicium diligentium nomen tuum.

Gressus meos dirige se-

cundum eloquium tuum : \*  
et non dominetur mei omnis iniustitia.

Rédime me a calumniis hominum : \* ut custodiam mandata tua.

Faciem tuam illumina super servum tuum : \* et doce me justificationes tuas.

Exitus aquarum deduxerunt oculi mei : \* quia non custodierunt legem tuam.

Justus es Domine : \* et rectum iudicium tuum.

Mandasti justitiam testimonia tua : \* et veritatem tuam nimis.

Tabescere me fecit zelus meus : \* quia obliti sunt verba tua inimici mei.

Ignitum eloquium tuum vehementer : \* et servus tuus dilexit illud.

Adolescéntulus sum ego, et contemptus : \* justificationes tuas non sum oblitus.

Justitia tua, justitia in ætérnum : \* et lex tua veritas.

Tribulatio, et angustia invenerunt me : \* mandata tua meditatio mea est.

Æquitas testimonia tua in ætérnum : \* intellectum da mihi, et vivam.

**C**LAMÁVI in toto corde meo, exaudi me Domine : \* justificationes tuas requiram.

Clamavi ad te, salvum me fac : \* ut custodiam mandata tua.

Præveni in maturitate, et clamavi : \* quia in verba tua supersperavi.

Prævenérunt óculi mei ad te dilúculo : \* ut meditárer elóquia tua.

Vocem meam áudi secúndum misericórdiam tuam Dómine : \* et secúndum iudícium tuum vivífica me.

Appropinquavérunt persequéntes me iniquitatí : \* a lege áutem tua longe facti sunt.

Prope es tu Dómine : \* et omnes viæ tuæ véritas.

Initio cognóvi de testimóniis tuis : \* quia in ætérnum fundásti ea.

Vide humilitátem meam, et éripe me : \* quia legem tuam non sum oblítus.

Júdica iudícium meum, et rédime me : \* propter elóquium tuum vivífica me.

Longe a peccatóribus salus : \* quia justificatiónes tuas non exquisiérunt.

Misericórdiæ tuæ multæ Dómine : \* secúndum iudícium tuum vivífica me.

Multi qui persequúntur me, et tribulant me : \* a testimoniis tuis non declinávi.

Vidi prævaricántes, et tabescébam : \* quia elóquia tua non custodiérunt.

Vide quóniam mandáta tua diléxi Dómine : \* in misericórdia tua vivífica me.

Principium verbórum tuórum, véritas : \* in ætérnum ómnia iudicia justitiæ tuæ.

**P**RÍNCIPES persecúti sunt me gratis : \* et a verbis tuis formidávit cor meum.

Lætabor ego super elóquia

tua : \* sicut qui invénit spólia multa.

Iniquitátem ódio hábui, et abominátus sum : \* legem áutem tuam diléxi.

Sépties in die láudem dixi tibi, \* super iudicia justitiæ tuæ.

Pax multa diligéntibus legem tuam : \* et non est illis scándalum.

Exspectábam salutáre tuum Dómine : \* et mandáta tua diléxi.

Custodívit ánima mea testimónia tua : \* et diléxit ea veheménter.

Servávi mandáta tua, et testimónia tua : \* quia omnes viæ meæ in conspéctu tuo.

Appropinquet deprecátio mea in conspéctu tuo Dómine : \* juxta elóquium tuum da mihi intelléctum.

Intret postulátio mea in conspéctu tuo : \* secúndum elóquium tuum éripe me.

Eructábunt lábia mea hymnum, \* cum docúeris me justificatiónes tuas.

Pronuntiábit lingua mea elóquium tuum : \* quia ómnia mandáta tua æquitas.

Fiat manus tua ut salvet me : \* quóniam mandáta tua elégi.

Concupívi salutáre tuum Dómine : \* et lex tua meditátio mea est.

Vivet ánima mea, et laudábit te : \* et iudicia tua adjuvábunt me.

Errávi, sicut ovis, quæ périit : \* quære servum tuum,



quia mandata tua non sum oblitus.

In Dominicis Quadrag. Ant. propria.

Tempore Quadrag. in feriali Officio, Ant. Per arma iustitiæ virtutis Dei commendemus nosmetipsos in multa patientia.

Capitulum. Is. 58. c

**F**RANGE esuriénti panem tuum, et egénos vagósque induc in domum tuam: cum videris nudum, óperi eum, et carnem tuam ne despéxeris.

℞. br. Scuto circúmdabit te \* Véritas ejus. Scuto. V. Non timébis a timóre noctúrno. Véritas ejus. Glória Patri. Scuto.

V. Angelis suis Deus mandávit de te. ℞. Ut custódiant te in ómnibus viis tuis.

Kýrie eléison. si dicendum sit, ut supra ad Tertiam. 43.

Orémus. Oratio conve-niens.

Tempore Passionis in feriali Officio, Ant. Numquid rédditur pro bono malum, quia fodérunt fóveam ánimæ meæ?

Capitulum. Jerem. 18. d

**R**ECORDÁRE quod stéterim in conspéctu tuo, ut lóquerer pro eis bonum, et avérterem indignatióem tuam ab eis.

℞. br. Ne perdas cum impiis \* Deus ánimam meam. Ne perdas. V. Et cum viris sanguínum vitam meam. Deus. Ne perdas.

V. Eripe me Dómine ab hómine malo. ℞. A viro iniquo éripe me.

Kýrie eléison. ut supra. 43.

Orémus. Oratio conve-niens.

In Dom. Temp. Pasch. Ant. Allelúia, allelúia, allelúia, allelúia.

Capit. proprium de Temp. Tempore Paschali in feriali Officio, Ant. Allelúia, allelúia, allelúia, allelúia.

Capitulum. I. Petr. 3. d  
**C**HRISTUS semel pro peccá-tis nostris mórtuus est, justus pro injústis, ut nos offérret Deo, mortificátus quidem carne, vivificátus áutem spiritu.

℞. br. Gavisi sunt discipuli, \* Allelúia, allelúia. Gavisi. V. Viso Dómino. Allelúia, allelúia. Glória. Gavisi.

V. Mane nobiscum Dómine, allelúia. ℞. Quóniam ad-vesperáscit, allelúia.

Orémus. Oratio conve-niens.

## FERIA SECUNDA

### AD MATUTINUM

Pater. Ave María. Credo.

V. Dómine lábia mea apé-ries. ut supra. 2.

In Quadrag. Invit. Veni-te, \* Exsultémus Dómino.

Ps. Jubilémus Deo salu-tári nostro. ut supra. 2.

Hymnus. Ex more docti. ut supra in Dom. 3.

Tempore Paschali, Invit. Allelúia, allelúia, \* Allelúia.



Ps. Venite, exsultemus. 2.

Hymn. Rex sempitérne.  
ut in Dom. 3.

Ant. Noct. per totum An-  
num dicuntur ut infra.

Ant. Dóminus defensor.

Temp. Pasch. Ant. Alle-  
lúia. Sub qua una Antiph.  
dicuntur omnes Psalmi No-  
cturnorum.

### Psalmus 26.

**D**ÓMINUS illuminatio mea,  
et salus mea, \* quem ti-  
mébo?

Dóminus protector vitæ  
meæ, \* a quo trepidábo?

Dum appropiant super me  
nocentes, \* ut edant carnes  
meas :

Qui tribulant me inimici  
mei, \* ipsi infirmáti sunt, et  
cecidérunt.

Si consistant adversum me  
castra, \* non timébit cor  
meum.

Si exsurgat adversum me  
prælium, \* in hoc ego spe-  
rábo.

Unam pétii a Dómino, hanc  
requiram, \* ut inhábitem in  
domo Dómini ómnibus dié-  
bus vitæ meæ :

Ut videam voluptátem Dó-  
mini, \* et visitem templum  
ejus.

Quóniam abscondit me in  
tabernáculo suo : \* in die  
malórum protéxit me in abs-  
condito tabernáculi sui.

In petra exaltávit me : \* et  
nunc exaltávit caput meum  
super inimicos meos.

Circuivi, et immolávi in  
tabernáculo ejus hóstiam vo-

ciferationis : \* cantábo, et  
psalmum dicam Dómino.

Exáudi Dómine vocem me-  
am, qua clamávi ad te : \*  
miserére mei, et exáudi me.

Tibi dixit cor meum, ex-  
quisivit te fácies mea : \* fá-  
ciem tuam Dómine requí-  
ram.

Ne avértas fáciem tuam a  
me : \* ne declínes in ira a  
servo tuo.

Adjutor meus esto : \* ne  
derelinquas me, neque de-  
spicias me Deus salutáris  
meus.

Quóniam pater meus, et  
mater mea dereliquerunt  
me : \* Dóminus áutem as-  
súmpsit me.

Legem pone mihi Dómine  
in via tua : \* et dirige me in  
sémitam rectam propter ini-  
micos meos.

Ne tradideris me in áni-  
mas tribulántium me : \* quó-  
niam insurrexérunt in me  
testes iníqui, et mentíta est  
iniquitas sibi.

Credo vidére bona Dómi-  
ni \* in terra vivéntium.

Exspécta Dóminum, viri-  
liter age : \* et confortétur  
cor tuum, et sústine Dómi-  
num.

### Psalmus 27.

**A**D te Dómine clamábo,  
Deus meus ne síleas a  
me : \* nequándo táceas a me,  
et assimilábor descendénti-  
bus in lacum.

Exáudi Dómine vocem de-  
precationis meæ dum oro  
ad te : \* dum extóllo manus

meas ad templum sanctum tuum.

Ne simul trahas me cum peccatōribus : \* et cum operantibus iniquitatem ne perdas me.

Qui loquuntur pacem cum próximo suo , \* mala autem in cōrdibus eōrum.

Da illis secūndum ópera eōrum , \* et secūndum nequitiam adinventiōnum ipsōrum.

Secūndum ópera mánuum eōrum tribue illis : \* redde retributiōnem eōrum ipsis.

Quóniam non intellexērunt ópera Dómini , et in ópera mánuum ejus \* déstrues illos , et non ædificabis eos.

Benedictus Dóminus : \* quóniam exaudivit vocem deprecationis meæ.

Dóminus adjutor meus , et protector meus : \* in ipso sperávit cor meum , et adjutus sum.

Et reflóruit caro mea : \* et ex voluntate mea confitebor ei.

Dóminus fortitúdo plebis suæ : \* et protector salvatiōnum Christi sui est.

Salvum fac pópulum tuum Dómine , et benedic hereditati tuæ : \* et rege eos , et extolle illos usque in ætérnum.

**Ant.** Dóminus defensor vitæ meæ.

**Ant.** Adorate.

### Psalmus 28

**A**FFÉRTE Dómino filii Dei : \* afférte Dómino filios arietum.

Afférte Dómino glóriam et honórem , afférte Dómino glóriam nómini ejus : \* adoráte Dóminum in átrio sancto ejus.

Vox Dómini super aquas , Deus majestátis intónuit : \* Dóminus super aquas multas.

Vox Dómini in virtúte : \* vox Dómini in magnificéntia.

Vox Dómini confringéntis cedros : \* et confringet Dóminus cedros Libani :

Et comminuet eas tamquam vitulum Libani : \* et diléctus quemádmōdum filius unicórnium.

Vox Dómini intercidéntis flammam ignis : \* vox Dómini concutiéntis desértum : et commovébit Dóminus desértum Cades.

Vox Dómini præparántis cervos , et revelábit condénsa : \* et in templo ejus omnes dicent glóriam.

Dóminus dilúvium inhabitáre facit : \* et sedébit Dóminus Rex in ætérnum.

Dóminus virtútem pópulo suo dabit : \* Dóminus benedicet pópulo suo in pace.

### Psalmus 29.

**E**XALTÁBO te Dómine , quóniam suscepisti me : \* nec delectásti inimicos meos super me.

Dómine Deus meus clámaui ad te , \* et sanásti me.

Dómine eduxisti ab inférno ánimam meam : \* salvásti me a descendéntibus in lacum.



Psállite Dómino sancti  
ejus : \* et confitémini me-  
móriæ sanctitátis ejus.

Quóniam ira in indigna-  
tione ejus : \* et vita in vo-  
luntáte ejus.

Ad vésperum demorábitur  
fletus : \* et ad matutinum  
lætítia.

Ego áutem dixi in abun-  
dántia mea : \* Non movébor  
in ætérnum.

Dómine in voluntáte tua, \*  
præstitisti decóri meo virtú-  
tem.

Avertisti faciém tuam a  
me, \* et factus sum contur-  
bátus.

Ad te Dómine clamábo : \* et  
ad Deum meum deprecábor.

Quæ utilitas in ságuine  
meo, \* dum descéndo in cor-  
ruptionem?

Numquid confitébitur tibi  
pulvis, \* aut annuntiábit ve-  
ritátem tuam?

Audívit Dóminus, et mi-  
sértus est mei : \* Dóminus  
factus est adjútor meus.

Convertisti planctum me-  
um in gáudium mihi : \* con-  
scidisti saccum meum, et  
circumdedisti me lætítia :

Ut cantet tibi glória mea,  
et non compúngar : \* Dó-  
mine Deus meus in ætérnum  
confitébor tibi.

**Ant.** Adoráte Dóminum in  
áula sancta ejus.

**Ant.** In tua justítia.

**Psalmus 30.**

**I**n te Dómine sperávi, non  
confúndar in ætérnum : \*  
in justítia tua libera me.

Inclína ad me áurem tu-  
am, \* accélera ut éruas me.

Esto mihi in Deum pro-  
tectórem : et in domum re-  
fúgii, \* ut saluum me fácias.

Quóniam fortitúdo mea,  
et refúgium meum es tu : \*  
et propter nomen tuum de-  
dúces me, et enútries me.

Edúces me de láqueo hoc,  
quem abscondérunt mihi : \*  
quóniam tu es protéctor  
meus.

In manus tuas comméndo  
spíritum meum : \* redemisti  
me Dómine Deus veritátis.

Odisti observátes vanitá-  
tes, \* supervácue.

Ego áutem in Dómino spe-  
rávi : \* exsultábo, et lætábor  
in misericórdia tua.

Quóniam respexisti hu-  
militátem meam, \* salvásti  
de necessitátibus ánimam  
meam.

Nec conclusísti me in má-  
nibus inimici : \* statuísti in  
loco spatióso pedes meos.

Miserére mei Dómine quó-  
niam tribulor : \* conturbátus  
est in ira óculus meus, ánima  
mea, et venter meus :

Quóniam defécit in dolóre  
vita mea : \* et anni mei in  
gemítibus.

Infirmáta est in pauper-  
táte virtus mea : \* et ossa  
mea conturbáta sunt.

Super omnes inimicos  
meos factus sum oppró-  
brium et vicinis meis valde : \*  
et timor notis meis.

Qui vidébant me, foras  
fugerunt a me : \* obliuioni



datum sum, tamquam mortuus a corde.

Factus sum tamquam vas perditum : \* quoniam audivi vituperationem multorum commorantium in circuitu.

In eo dum convenirent simul adversum me, \* accipere animam meam consiliati sunt.

Ego autem in te speravi Domine : \* dixi : Deus meus es tu : in manibus tuis sortes meae.

Eripe me de manu inimicorum meorum, \* et a persequentibus me.

Illustra faciem tuam super servum tuum, salvum me fac in misericordia tua : \* Domine non confundar, quoniam invocavi te.

Erubescant impii, et deducantur in infernum : \* muta fiant labia dolosa.

Quae loquuntur adversus justum iniquitatem, \* in superbia, et in abusione.

Quam magna multitudo dulcedinis tuae Domine, \* quam abscondisti timentibus te.

Perfecisti eis, qui sperant in te, \* in conspectu filiorum hominum.

Abscondes eos in abscondito faciei tuae \* a conturbatione hominum.

Proteges eos in tabernaculo tuo \* a contradictione linguarum.

Benedictus Dominus : \* quoniam mirificavit misericordiam suam mihi in civitate munita.

Ego autem dixi in excessu mentis meae : \* Projectus sum a facie oculorum tuorum.

Ideo exaudisti vocem orationis meae, \* dum clamarem ad te.

Diligite Dominum omnes sancti ejus : \* quoniam veritatem requirit Dominus, et retribuet abundanter facientibus superbiam.

Viriliter agite, et confortetur cor vestrum, \* omnes qui speratis in Domino.

### Psalmus 31.

**B**EATI quorum remissae sunt iniquitates : \* et quorum tecta sunt peccata.

Beatus vir, cui non imputavit Dominus peccatum, \* nec est in spiritu ejus dolus.

Quoniam tacui, inveteraverunt ossa mea, \* dum clamarem tota die.

Quoniam die ac nocte gravata est super me manus tua : \* conversus sum in aerumna mea, dum configuratur spina.

Delictum meum cognitum tibi feci : \* et injustitiam meam non abscondi.

Dixi : Confitebor adversum me injustitiam meam Domino : \* et tu remisisti impietatem peccati mei.

Pro hac orabit ad te omnis sanctus, \* in tempore opportuno.

Verumtamen in diluvio aquarum multarum, \* ad eum non approximabunt.

Tu es refugium meum

a tribulatióne, quæ circúmdedit me : \* exsultatio mea érue me a circumdántibus me.

Intelléctum tibi dabo, et instruam te in via hac, qua gradiéris : \* firmábo super te óculos meos.

Nolite fieri sicut equus et mulus, \* quibus non est intelléctus.

In camo et freno maxillas eórum constringe, \* qui non appróximant ad te.

Multa flagélla peccatóris, \* sperántem áutem in Dómino misericórdia circúmdabit.

Lætámini in Dómino et exsultáte justí, \* et gloriámini omnes recti corde.

**Ant.** In tua iustitia libera me Dómine.

**Ant.** Rectos decet.

**Psalmus 32.**

**E**XSULTÁTE justí in Dómino : \* rectos decet colaudatio.

Confitémini Dómino in cíthara : \* in psaltério decem chordárum psállite illi.

Cantáte ei cánticum novum : \* bene psállite ei in vociferatióne.

Quia rectum est verbum Dómini, \* et ómnia ópera ejus in fide.

Diligít misericórdiam et iudiciúm : \* misericórdia Dómini plena est terra.

Verbo Dómini cæli firmáti sunt : \* et spíritu oris ejus omnis virtus eórum.

Cóngregans sicut in utre

aquas maris : \* ponens in thesáuris abyssos.

Tímeat Dóminum omnis terra : \* ab eo áutem commoveántur omnes inhábítantes orbem.

Quóniam ipse dixit, et facta sunt : \* ipse mandávit, et creáta sunt.

Dóminus dissipat consília géntium : \* réprobat áutem cogitatiónes populórum, et réprobat consília príncipum.

Consílium áutem Dómini in ætérnum manet : \* cogitatiónes cordis ejus in generatióne et generatióne.

Beáta gens, cujus est Dóminus, Deus ejus : \* pópulus, quem elégit in hereditátem sibi.

De cælo respéxit Dóminus : \* vidit omnes filios hóminum.

De præparáto habitáculo suo \* respéxit super omnes, qui hábitant terram.

Qui finxit sigillátim corda eórum : \* qui intélligit ómnia ópera eórum.

Non salvátur rex per multam virtútem : \* et gigas non salvábitur in multítudine virtútis suæ.

Fallax equus ad salútem : \* in abundántia áutem virtútis suæ non salvábitur.

Ecce óculi Dómini super metuéntes eum : \* et in eis, qui sperant super misericórdia ejus :

Ut éruat a morte ánimas eórum : \* et alat eos in fame.



Anima nostra sústinet Dóminum : \* quóniam adjútor et protéctor noster est.

Quia in eo lætábitur cor nostrum : \* et in nómine sancto ejus sperávimus.

Fiat misericórdia tua Dómine super nos : \* quemádmódum sperávimus in te.

**Psalmus 33.**

**B**ENEDÍCAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et læténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meis eripuit me.

Accédite ad eum, et illuminámini : \* et fácies vestræ non confundéntur.

Iste páuper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et eripiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Divites eguérunt et esuriérunt : \* inquirentes áutem Dóminum non minuéntur omni bono.

Veníte filii, audite me : \* timórem Dómini docébo vos.

Quis est homo qui vult vitam : \* diligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquire pacem, et perséquare eam.

Oculi Dómini super justos : \* et áures ejus in preces eórum.

Vultus áutem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multæ tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum, delinquent.

Rédimet Dóminus ánimas servórum suórum : \* et non delinquent omnes qui sperant in eo.

**Ant.** Rectos decet collaudatio.

**Ant.** Expúгна.

**Psalmus 34.**

**J**ÚDICA Dómine nocéntes me, \* expúгна impugnántes me.



Apprehénde arma et scutum : \* et exsúrge in adiutorium mihi.

Effúnde frámeam , et conclúde advérsus eos , qui persequúntur me : \* dic ánimæ meæ : Salus tua ego sum.

Confundántur et reve-reántur , \* quæréntes ánimam meam.

Avertántur retrórsum , et confundántur \* cogitántes mihi mala.

Fiant tamquam pulvis ante faciém venti : \* et Angelus Dómini coárctans eos.

Fiat via illórum ténebræ et lúbricum : \* et Angelus Dómini pèrsequens eos.

Quóniam gratis abscondérunt mihi intéritum láquei sui : \* supervácue exprobráverunt ánimam meam.

Véniat illi láqueus , quem ignorat : et cáptio , quam abscondit , apprehéndat eum : \* et in láqueum cadat in ipsum.

Anima áutem mea exsultábit in Dómino : \* et delectábitur super salutári suo.

Omnia ossa mea dicent : \* Dómine , quis similis tibi ?

Eripiens inopem de manu fortiórum ejus : \* egénium et páuperem a diripiéntibus eum.

Surgéntes testes iníqui , \* quæ ignorábam interrogábant me.

Retribuébant mihi mala pro bonis : \* sterilitátem ánimæ meæ.

Ego áutem , cum mihi

moléstí essent , \* induébar cilício.

Humiliábam in jejúnio ánimam meam : \* et orátio mea in sinu meo convertétur.

Quasi próximum , et quasi fratrem nostrum , sic complacébam : \* quasi lugens et contristátus , sic humiliábar.

Et advérsus me lætáti sunt , et convenérunt : \* congregáta sunt super me flagélla , et ignorávi.

Dissipáti sunt , nec compúncti , tentavérunt me , subsannavérunt me subsannatióne : \* frenduérunt super me déntibus suis.

Dómine quando respicies ? \* restitue ánimam meam a malignitáte eórum , a leónibus únicam meam.

Confitébor tibi in ecclésia magna , \* in pópulo gravi laudábo te.

Non supergáudeant mihi qui adversántur mihi inique : \* qui odérunt me gratis et ánnuunt óculis.

Quóniam mihi quidem pacifice loquebántur : \* et in iracúndia terræ loquéntes , dolos cogitábant.

Et dilatavérunt super me os suum : \* dixerunt : Euge , euge , vidérunt óculi nostri.

Vidisti Dómine , ne síleas : \* Dómine ne discédas a me.

Exsúrge et inténde iudicio meo : \* Deus meus , et Dóminus meus in cáusam meam.

Júdica me secúndum ju-

stitiam tuam Dómine Deus meus, \* et non supergáudeant mihi.

Non dicant in córdibus suis : Euge, éuge, ánimæ nostræ : \* nec dicant : Devorávimus eum.

Erubéscant, et reveanéntur simul, \* qui gratulántur malis meis.

Induántur confusióne et reveréntia \* qui magna loquúntur super me.

Exsúltent et læténtur qui volunt justítiam meam : \* et dicant semper : Magnificétur Dóminus, qui volunt pacem servi ejus.

Et lingua mea meditábitur justítiam tuam, \* tota die láudem tuam.

### Psalmus 35.

**D**IXIT injústus ut delínquat in semetípso : \* non est timor Dei ante óculos ejus.

Quóniam dolóse egit in conspéctu ejus : \* ut inveániátur iníquitas ejus ad ódium.

Verba oris ejus iníquitas, et dolus : \* nóluit intelligere ut bene ágeret.

Iniquitátem meditátus est in cubili suo : \* ádstitit omni viæ non bonæ, malítiam áutem non odívit.

Dómine in cælo misericórdia tua : \* et véritas tua usque ad nubes.

Justitia tua sicut montes Dei : \* judicia tua abyíssus multa.

Hómines et juménta salvábis Dómine : \* quemád-

modum multiplicásti misericórdiam tuam Deus.

Filii áutem hóminum, \* in tégmine alárum tuárum sperábunt.

Inebriabúntur ab ubertáte domus tuæ : \* et torrén-te voluptátis tuæ potábis eos.

Quóniam apud te est fons vitæ : \* et in lúmine tuo vidébimus lumen.

Prætén-de misericórdiam tuam sciéntibus te, \* et justítiam tuam his, qui recto sunt corde.

Non véniat mihi pes supérbiæ : \* et manus peccatóris non móveat me.

Ibi cecidérunt qui operántur iniquitátem : \* expúlsi sunt, nec potuérunt stare.

**Ant.** Expúgna impugnántes me.

**Ant.** Revéla.

### Psalmus 36.

**N**OLI æmulári in malignántibus : \* neque zeláveris faciéntes iniquitátem.

Quóniam tamquam fœnum velóciter aréscent : \* et quemádmodum ólera herbárum cito decident.

Spera in Dómino, et fac bonitátem : \* et inhábita terram, et pascéris in divítiis ejus.

Delectáre in Dómino : \* et dabit tibi petitiónes cordis tui.

Revéla Dómino viam tuam, et spera in eo : \* et ipse fáciét.

Et edúcet quasi lumen justítiam tuam : et júdiciu tuum tamquam meridiem : \*



súbditus esto Dómino, et ora eum.

Noli æmulári in eo, qui prosperátur in via sua : \* in hómine faciënte injustítias.

Désine ab ira, et derelinque furórem : \* noli æmulári ut malignéris.

Quóniam qui malignántur, exterminabúntur : \* sustinéntes áutem Dóminum, ipsi hereditábunt terram.

Et adhuc pusillum, et non erit peccátor : \* et quæres locum ejus, et non invénies.

Mansuëti áutem hereditábunt terram : \* et delectábuntur in multítudine pacis.

Observábit peccátor justum : \* et stridébit super eum déntibus suis.

Dóminus áutem irridébit eum : \* quóniam próspicit quod véniet dies ejus.

Gládium evaginavérunt peccatóres : \* intendérunt arcum suum,

Ut dejiçiant páuperem et inopem : \* ut trucident rectos corde.

Gládus eórum intret in corda ipsórum : \* et arcus eórum confringátur.

Mélius est módicum justo, \* super divítias peccatórum multas.

Quóniam bráchia peccatórum conteréntur : \* confirmat áutem justos Dóminus.

Novit Dóminus dies immaculatórum : \* et heréditas eórum in ætérnum erit.

Non confundéntur in tēpore malo, et in diébus fa-

mis saturabúntur : \* quia peccatóres peribunt.

Inimici vero Dómini mox ut honorificáti fúerint et exaltáti : \* deficientes, quemádmodum fumus deficient.

Mutuábitur peccátor, et non solvet : \* justus áutem miserétur et tribuet.

Quia benedicéntes ei hereditábunt terram : \* maledicéntes áutem ei disperibunt.

Apud Dóminum gressus hóminis dirigéntur : \* et viam ejus volet.

Cum ceciderit, non collidétur : \* quia Dóminus supónit manum suam.

Júnior fui, étenim sénui : \* et non vidi justum derelictum, nec semen ejus quærens panem.

Tota diē miserétur et cómodat : \* et semen illíus in benedictióne erit.

Declína a malo, et fac bonum : \* et inhábita in sáeculum sáeculi.

Quia Dóminus amat judícium, et non derelinquet sanctos suos : \* in ætérnum conservabúntur.

Injústi puniéntur : \* et semen impiórum peribit.

Justi áutem hereditábunt terram : \* et inhabitábunt in sáeculum sáeculi super eam.

Os justī meditatábitur sapiéntiam, \* et lingua ejus loquétur judícium.

Lex Dei ejus in corde ipsíus : \* et non supplantabúntur gressus ejus.



Considerat peccátor iustum : \* et quærit mortificare eum.

Dóminus áutem non derelinquet eum in mánibus ejus : \* nec damnábit eum, cum iudicábitur illi.

Exspécta Dóminum, et custódi viam ejus : et exaltábit te ut hereditáte cápias terram : \* cum perierint peccatóres vidébis.

Vidi impium superexaltatum, \* et elevátum sicut cedros Libani.

Et transivi, et ecce non erat : \* et quæsivi eum, et non est invéntus locus ejus.

Custódi innocentiam, et vide æquitátem : \* quóniam sunt reliquiæ hómini pacifico.

Injústi áutem disperibunt simul : \* reliquiæ impiórum interibunt.

Salus áutem justórum a Dómino : \* et protéctor eórum in témpore tribulatiónis.

Et adjuvábít eos Dóminus, et liberábit eos : \* et éruet eos a peccátoribus, et salvábit eos : quia speravérunt in eo.

### Psalmus 37.

**D**ÓMINE ne in furóre tuo árguas me, \* neque in ira tua corripas me.

Quóniam sagittæ tuæ infixæ sunt mihi : \* et confirmásti super me manum tuam.

Non est sánitas in carne mea a fácie iræ tuæ : \* non

est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : \* et sicut onus grave gravátæ sunt super me.

Putruérunt et corrúptæ sunt cicatrices meæ, \* a fácie insipiéntiæ meæ.

Miser factus sum, et curvátus sum usque in finem : \* tota die contristátus ingrediebar.

Quóniam lumbi mei impléti sunt illusió nibus : \* et non est sánitas in carne mea.

Afflictus sum, et humiliátus sum nimis : \* rugiébam a gémitu cordis mei.

Dómine ante te omne desiderium meum : \* et gémitus meus a te non est absconditus.

Cor meum conturbátum est, dereliquit me virtus mea : \* et lumen oculórum meórum, et ipsum non est mecum.

Amici mei, et próximi mei \* advérsus me appropinquavérunt, et steterunt.

Et qui juxta me erant, de longe steterunt : \* et vim faciébant qui quærébant ánimam meam.

Et qui inquirebant mala mihi, locúli sunt vanitátes : \* et dolos tota die meditábantur.

Ego áutem tamquam surdus non audiebam, \* et sicut mutus non apériens os suum.

Et factus sum sicut homo

non áudiens : \* et non habens in ore suo redargutiónes.

Quóniam in te Dómine sperávi : \* tu exáudies me Dómine Deus meus.

Quia dixi : Nequándo supergáudeant mihi inimici mei : \* et dum commovén-tur pedes mei, super me magna locúti sunt.

Quóniam ego in flagélla parátus sum : \* et dolor meus in conspéctu meo semper.

Quóniam iniquitátem meam annuntiábo : \* et cogitábo pro peccáto meo.

Inimici áutem mei vivunt, et confirmáti sunt super me : \* et multiplicáti sunt qui odérunt me iníque.

Qui retribuunt mala pro bonis, detrahébant mihi : \* quóniam sequébar bonitátem.

Ne derelinquas me Dómine Deus meus : \* ne discesseris a me.

Inténde in adjutórium meum, \* Dómine Deus salútis meæ.

**Ant.** Revéla Dómino viam tuam.

**In Quadrag. V.** Ipse liberávit me de láqueo venántium. **R.** Et a verbo áspero.

**Temp. Passionis, V.** Erue a frámea Deus ánimam meam. **R.** Et de manu canis únicam meam.

**Temp. Pasch. Ant.** Allelúia, allelúia, allelúia.

**V.** Surréxit Dóminus de sepúlculo, allelúia. **R.** Qui pro

nobis pepéndit in ligno, allelúia.

**Pro uno vel plur. Mart. Tempore Paschali, V.** Sancti et iusti in Dómino gaudéte, allelúia. **R.** Vos elégit Deus in hereditátem sibi, allelúia.

**Pro Conf. Pont. et non Pont. Tempore Paschali, V.** Amávit eum Dóminus, et ornávit eum, allelúia. **R.** Stollam glóriæ induit eum, allelúia.

**Pro una Sancta Tempore Paschali, V.** Spécie tua et pulchritúdine tua, allelúia. **R.** Inténde, prospere procéde, et regna, allelúia.

#### AD LAUDES

**V.** Deus in adjutórium. 18.

**Tempore Paschali dicuntur Psalmi et Antiphonæ de Dominica; Capitulum vero, Hymnus, V. et Ant. ad Benedictus ut in Proprio de Tempore. Aliis temporibus per Annum, quando non assignantur propriæ Antiphonæ, dicitur**

**Ant.** Miserére.

#### Psalmus 50.

**M**ISERÉRE mei Deus, \* secundum magnam misericórdiam tuam.

Et secundum multitudinem miserationum tuarum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognósco : \* et peccátum meum contra me est semper.



Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritatem dilexisti : \* incérta et occulta sapiéntiæ tuæ manifestásti mihi.

Aspérges me hyssópo, et mundábor : \* lavábis me, et super nivem dealbábor.

Auditui meo dabis gáudium et lætítiam : \* et exultábunt ossa humiliáta.

Avérte fáciem tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a fácie tua : \* et Spíritum sanctum tuum ne áuferas a me.

Redde mihi lætítiam salutáris tui : \* et spíritu principali confirma me.

Docébo iníquos vias tuas : \* et impii ad te converténtur.

Libera me de sanguinibus Deus, Deus salutis meæ : \* et exultábit lingua mea justitiam tuam.

Dómine lábia mea apéries : \* et os meum annuntiábit láudem tuam.

Quóniam si voluisses sacrificium, dedissem útique : \* holocáustis non delectaberis.

Sacrificium Deo spiritus

contribulátus : \* cor contritum, et humiliátum Deus non despicies.

Benigne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrificium justitiæ, oblatiões, et holocáusta : \* tunc impónent super altáre tuum vitulos.

**Ant.** Miserére mei Deus.

**Ant.** Intéllige.

**Psalmus 5.**

**V**ERBA mea áuribus pércipe Dómine, \* intéllige clamórem meum.

Inténde voci oratiónis meæ, \* rex meus et Deus meus.

Quóniam ad te orábo : \* Dómine mane exáudies vocem meam.

Mane adstábo tibi et vidébo : \* quóniam non Deus volens iniquitatem tu es.

Neque habitábit juxta te malignus : \* neque permánébunt injústi ante óculos tuos.

Odísti omnes, qui operántur iniquitatem : \* perdes omnes, qui loquúntur mendácium.

Virum sanguínum et dolósum abominábitur Dóminus : \* ego áutem in multitudine misericórdiæ tuæ.

Introibo in domum tuam : \* adorábo ad templum sanctum tuum in timóre tuo.

Dómine deduc me in justitia tua : \* propter inimicos meos dirige in conspéctu tuo viam meam.



Quóniam non est in ore  
eórum véritas : \* cor eórum  
vanum est.

Sepúlcrum patens est gut-  
tur eórum, linguis suis do-  
lóse agébant, \* júdica illos  
Deus.

Décidant a cogitatióibus  
suis, secúndum multitudi-  
nem impietátum eórum ex-  
pélle eos, \* quóniam irrita-  
vérunt te Dómine.

Et læténtur omnes, qui  
sperant in te, \* in ætérnum  
exsultábunt : et habitábis in  
eis.

Et gloriabúntur in te  
omnes, qui diligunt nomen  
tuum, \* quóniam tu bene-  
dices justo.

Dómine ut scuto bonæ  
voluntátis tuæ \* coronásti  
nos.

**Ant.** Intéllige clamórem  
meum Dómine.

**Ant.** Deus Deus meus \* ad  
te de luce vigilo.

**Ps. idem, ut supra.** 18.

**Ant.** Convérsus est.

**Canticum Isaïæ Prophetæ.**

**Cap. 12.**

**C**ONFITÉBOR tibi Dómine,  
quóniam irátus es mihi : \*  
convérsus est furor tuus, et  
consolátus es me.

Ecce Deus salvátor meus,\*  
fiduciáliter agam, et non ti-  
mébo.

Quia fortitúdo mea, et laus  
mea Dóminus, \* et factus est  
mihi in salútem.

Hauriétis aquas in gáudio  
de fóntibus Salvatóris : \* et  
dicétis in die illa : Confité-

mini Dómino, et invocáte  
nomen ejus :

Notas fácite in pópulis  
adinventiões ejus : \* me-  
mentóte quóniam excélsus  
est nomen ejus.

Cantáte Dómino quóniam  
magnifice fecit : \* annuntiáte  
hoc in univérsa terra.

Exsulta, et láuda habitá-  
tio Sion : \* quia magnus in  
médio tui sanctus Israël.

**Ant.** Convérsus est furor  
tuus Dómine, et consolátus  
es me.

**Ant.** Laudáte \* Dóminum  
de cælis.

**Ps. idem, ut supra.** 20.

**In Quadragesima.**

**Capitulum. Is. 58**

**C**LAMA, ne cesses, quasi  
tuba exálta vocem tuam,  
et annúntia pópulo meo scé-  
lera eórum, et dómui Jacob  
peccáta eórum.

**Hymnus.**

**O**SOL salutis, íntimis  
Jesu refúlge méntibus,  
Dum nocte pulsa grátior  
Orbi dies renáscitur.

Dans tempus acceptábile,  
Da lacrymárum rívulis  
Laváre cordis víctimam,  
Quam læta adúrat cáritas.

Quo fónite manávit nefas,  
Fluent perénnes lácrymæ,  
Si virga pœniténtiæ  
Cordis rigórem cónterat.

Dies venit, dies tua,  
In qua reflórent ómnia :  
Lætémur et nos in viam  
Tua redúcti délixera.

Te prona mundi máchina  
Clemens adóret Trínitas,

Et nos novi per grátiam  
Novum canámus cánticum.  
Amen.

Ÿ. Angelis suis Deus mandávit de te. **R.** Ut custódiant te in ómnibus viis tuis.

Ad Benedictus, Ant. propria, ut in Feriis Quadrag., in quibus post Ant. ad Benedictus, et in Vesp. ad Magnif., dicuntur sequentes Preces flexis genibus.

**K**YRIE eléison. Christe eléison. Kyrie eléison.

Pater noster. **totum dicitur clara voce etiam in Vesperis.**

Ÿ. Et ne nos indúcas in tentatiónem. **R.** Sed libera nos a malo.

Ÿ. Ego dixi : Dómine miserére mei. **R.** Sana ánimam meam, quia peccávi tibi.

Ÿ. Convértere Dómine úsquequo. **R.** Et deprecábilis esto super servos tuos.

Ÿ. Fiat misericórdia tua Dómine super nos. **R.** Quemádmódum sperávimus in te.

Ÿ. Sacerdótes tui induántur justitiam. **R.** Et sancti tui exsúltent.

Ÿ. Dómine salvum fac regem. **R.** Et exáudi nos in die, qua invocáverimus te.

Ÿ. Salvum fac pópulum tuum Dómine, et bédic hereditáti tuæ. **R.** Et rege eos, et extólle illos usque in ætérnum.

Ÿ. Meménto congregatiónis tuæ. **R.** Quam possedisti ab initio.

Ÿ. Fiat pax in virtúte tua. **R.** Et abundántia in túrribus tuis.

Ÿ. Orémus pro fidélibus defúntis. **R.** Réquiem ætérnam dona eis Dómine, et lux perpétua lúceat eis.

Ÿ. Requiéscant in pace. **R.** Amen.

Ÿ. Pro frátribus nostris abséntibus. **R.** Salvos fac servos tuos Deus meus, sperántes in te.

Ÿ. Pro afflictis et captivis. **R.** Libera eos Deus Israël ex ómnibus tribulatióibus suis.

Ÿ. Mitte eis Dómine auxilium de sancto. **R.** Et de Sion tuére eos.

Ÿ. Dómine exáudi oratiónem meam. **R.** Et clamor meus ad te véniat.

**Deinde dicitur  
Psalmus 129.**

**D**E profúndis clamávi ad te Dómine : \* Dómine exáudi vocem meam.

Fiant áures tuæ intendéntes, \* in vocem deprecatiónis meæ.

Si iniquitátes observáveris Dómine : \* Dómine quis sustinébit ?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israël in Dómino.

Quia apud Dóminum mi-



sericórdia : \* et copiósa apud eum redemptio.

Et ipse redimet Israël, \* ex omnibus iniquitatibus ejus. Glória Patri.

**Finito Psalmo, dicitur**

Ÿ. Dómine Deus virtutum convérte nos. R. Et osténde faciém tuam, et salvi érimus.

Ÿ. Exsúrge Christe, ádjuva nos. R. Et libera nos propter nomen tuum.

Ÿ. Dómine exáudi oratió-nem meam. R. Et clamor meus ad te véniat.

Ÿ. Dóminus vobiscum. R. Et cum spíritu tuo.

**Deinde dic. Orat. propria.** Et quando in feriali Officio fiunt Commem. communes de S. Maria, de S. Joseph, de Apostolis, de Titulo, et de Pace, ante eas tam in Laud. quam in Vesp. fit sequens Commem. de Cruce.

**Ant.** Per signum Crucis de inimicis nostris libera nos Deus noster.

Ÿ. Omnis terra adóret te, et psallat tibi. R. Psalmum dicat nómini tuo Dómine.

Orémus. **Oratio.**

**P**ERPÉTUA nos, quæsumus Dómine, pace custódi : quos per lignum sanctæ Crucis redimere dignátus es.

**Quæ Commem. de Cruce** fit etiam quando non dicuntur Preces, in feriali tantum Officio.

¶ **Tempore Paschali** fit alia Commem. de Cruce, quæ habetur Feria secunda post

**Dominicam in Albis, omissis aliis Commem., ut supra.**

## FERIA TERTIA AD MATUTINUM

**In Quadrag. Invit.** Jubilémus Deo, \* Salutarí nostro.

**Ps.** Veníte, exsultémus. 2.

**Hymnus.** Ex more docti. ut in Dom. 3.

**Tempore Paschali, Invit.** Allelúia, allelúia, \* Allelúia.

**Hymnus.** Rex sempitérne. ut in Dom. 3.

**Ant.** Ut non delinquam.

**Temp. Pasch. Ant.** Allelúia.

**Psalmus 38.**

**D**IXI : Custódiam vias meas : \* ut non delinquam in lingua mea.

Pósui ori meo custódiam, \* cum consisteret peccátor adversum me.

Obmútui, et humiliátus sum, et silui a bonis : \* et dolor meus renovátus est.

Concáluit cor meum intra me : \* et in meditatióne mea exardéscet ignis.

Locútus sum in lingua mea : \* Notum fac mihi Dómine finem meum,

Et número diérum meórum quis est : \* ut sciam quid desit mihi.

Ecce mensurábiles posuisti dies meos : \* et substántia mea tamquam nihilum ante te.

Verúmtamen univérsa vánitas, \* omnis homo vivens.



Verúmtamen in imáge  
pertránsit homo : \* sed et  
frustra conturbátur.

Thesaurizat : \* et ignórat  
cui congregábit ea.

Et nunc quæ est exspectá-  
tio mea? Nonne Dóminus? \*  
Et substántia mea apud te  
est.

Ab ómnibus iniquitatibus  
meis érue me : \* oppróbrium  
insipiénti dedisti me.

Obmútui, et non apéruí os  
meum, quóniam tu fecisti : \*  
ámove a me plagas tuas.

A fortitúdine manus tuæ  
ego deféci in increpatióni-  
bus : \* propter iniquitatem  
corripuisti hóminem.

Et tabéscere fecisti sicut  
aráneam ánimam ejus : \*  
verúmtamen vane contur-  
bátur omnis homo.

Exáudi oratiómem meam  
Dómine, et deprecatiómem  
meam : \* áuribus pécipe  
lácrymas meas.

Ne sileas : quóniam ád-  
vena ego sum apud te, et  
peregrínus, \* sicut omnes  
patres mei.

Remitte mihi, ut refríge-  
rer priúsqvam ábeam, \* et  
ámplius non ero.

### Psalmus 39.

**E**XSPÉCTANS expectávi  
Dóminum, \* et inténdit  
mihi.

Et exaudivit preces meas : \*  
et edúxit me de lacu misé-  
riæ, et de luto fáecis.

Et státuit super petram  
pedes meos : \* et diréxit gres-  
sus meos.

Et immísit in os meum  
cánticum novum, \* carmen  
Deo nostro.

Vidébunt multi, et timé-  
bunt : \* et sperábunt in Dó-  
mino.

Beátus vir, cujus est no-  
men Dómini spes ejus : \* et  
non respéxit in vanitátes et  
insánias falsas.

Multa fecisti tu Dómine  
Deus meus mirabília tua : \*  
et cogitatióibus tuis non  
est qui símilis sit tibi.

Annuntiávi, et locútus  
sum : \* multiplicáti sunt su-  
per númerum.

Sacrificium et oblati-  
onem noluisti : \* áures áutem  
perfecisti mihi.

Holocáustum et pro pec-  
cáto non postulásti : \* tunc  
dixi : Ecce vénio.

In cápite libri scriptum  
est de me ut fácerem volun-  
tatem tuam : \* Deus meus  
vólui, et legem tuam in mé-  
dio cordis mei.

Annuntiávi justitiam tuam  
in ecclésia magna, \* ecce  
lábia mea non prohibébo :  
Dómine tu scísti.

Justitiam tuam non abscón-  
di in corde meo : \* veritatem  
tuam et salutáre tuum dixi.

Non abscóndi misericór-  
diam tuam, et veritatem tu-  
am \* a concílio multo.

Tu áutem Dómine ne lon-  
ge fácias miseratiónes tuas  
a me : \* misericórdia tua et  
véritas tua semper suscepé-  
runt me.

Quóniam circumdedérunt

me mala, quorum non est númerus : \* comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : \* et cor meum dereliquit me.

Compláceat tibi Dómine ut éruas me : \* Dómine ad adjuvándum me réspice.

Confundántur et revereántur simul, qui quærunt ánimam meam, \* ut áuferant eam.

Convertántur retrórsum, et revereántur, \* qui volunt mihi mala.

Ferant conféstim confusiónem suam, \* qui dicunt mihi : Euge, éuge.

Exsúltent, et læténtur super te omnes quæréntes te : \* et dicant semper : Magnificétur Dóminus : qui diligunt salutáre tuum.

Ego áutem mendícus sum, et páuper : \* Dóminus sollicitus est mei.

Adjútor meus, et protéctor meus tu es : \* Deus meus ne tardáveris.

**Ant.** Ut non delinquam in lingua mea.

**Ant.** Sana.

**Psalmus 40.**

**B**EÁTUS qui intélligit super egénium, et páuperem : \* in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : \* et non tradat eum in ánimam inimicórum ejus.

Dóminus opem ferat illi super lectum dolóris ejus : \* univérsum stratum ejus versásti in infirmitáte ejus.

Ego dixi : Dómine miserére mei : \* sana ánimam meam, quia peccávi tibi.

Inimíci mei dixerunt mala mihi : \* Quando moriétur, et peribit nomen ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras, \* et loquebátur in idípsum.

Advérsum me susurrábant omnes inimíci mei : \* advérsum me cogitábant mala mihi.

Verbum iníquum constituérunt advérsum me : \* Numquid qui dormit non adjiciet ut resúrgat?

Etenim homo pacis meæ, in quo sperávi : \* qui edébat panes meos, magnificávit super me supplantatióem.

Tu áutem Dómine miserére mei, et resúscita me : \* et retribuam eis.

In hoc cognóvi quóniam voluísti me : \* quóniam non gaudébit inimícus meus super me.

Me áutem propter innocentiam suscepísti : \* et confirmásti me in conspéctu tuo in ætérnum.

Benedictus Dóminus Deus Israél a sáculo et usque in sáculum : \* fiat, fiat.



## Psalmus 41.

**Q**UEMÁDMODUM desiderat cervus ad fontes aquarum : \* ita desiderat ánima mea ad te Deus.

Sitívit ánima mea ad Deum fortem vivum : \* quando véniam, et apparébo ante fáciem Dei?

Fuérunt mihi lácrymæ meæ panes die ac nocte : \* dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : \* quóniam transíbo in locum tabernáculi admirábilis, usque ad domum Dei.

In voce exsultatiónis et confessiónis : \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi : \* salutare vultus mei, et Deus meus.

Ad meípsum ánima mea conturbáta est : \* proptérea memor ero tui de terra Jordánis, et Hermóniim a monte módico.

Abýssus abyssum invocát, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam : \* et nocte cánticum ejus.

Apud me orátio Deo vitæ

meæ, \* dicam Deo : Suscéptor meus es.

Quare oblítus es mei? \* et quare contristátus incédo, dum affligit me inimicus?

Dum confringúntur ossa mea, \* exprobravérunt mihi, qui tribulant me inimíci mei.

Dum dicunt mihi persíngulos dies : Ubi est Deus tuus? \* quare tristis es ánima mea, et quare contúrbas me?

Spera in Deo, quóniam adhuc confitébor illi : \* salutare vultus mei, et Deus meus.

**Ant.** Sana Dómine ánimam meam, quia peccávi tibi.

**Ant.** Eructávit.

## Psalmus 43.

**D**EUS áuribus nostris audívimus : \* patres nostri annuntiavérunt nobis.

Opus, quod operátus es in diébus eórum, \* et in diébus antiquis.

Manus tua gentes dispédidit, et plantásti eos : \* afflixísti pópulos, et expulísti eos.

Nec enim in gládio suo possederunt terram, \* et bráchium eórum non salvávit eos :

Sed délixtera tua, et bráchium tuum, et illuminátio vultus tui : \* quóniam complacuísti in eis.

Tu es ipse rex meus et Deus meus : \* qui mandás salútes Jacob.

In te inimícos nostros ventilábit cornu, \* et in nó-



mine tuo spernémus insurgentes in nobis.

Non enim in arcu meo sperábo : \* et gládus meus non salvábit me.

Salvásti enim nos de affligéntibus nos : \* et odiéntes nos confudisti.

In Deo laudábimur tota die : \* et in nómine tuo confitébimur in sæculum.

Nunc áutem repulisti et confudisti nos : \* et non egrediéris Deus in virtútibus nostris.

Avertísti nos retrórsum post inimicos nostros : \* et qui odérunt nos, diripiébant sibi.

Dedisti nos tamquam oves escárum : \* et in géntibus dispersísti nos.

Vendidísti pópulum tuum sine prétio : \* et non fuit multitúdo in commutatió-nibus eórum.

Posuísti nos oppróbrium vicinis nostris, \* subsannatió-nem et derisum his, qui sunt in circúitu nostro.

Posuísti nos in similitúdi-nem géntibus : \* commotió-nem cápitis in pópulis.

Tota die verecúndia mea contra me est, \* et confú-sio faciéi meæ coopérui me.

A voce exprobrántis, et obloquéntis : \* a fácie inimici et persequéntis.

Hæc ómnia venérunt super nos, nec obliti sumus te : \* et inique non égimus in testaménto tuo.

Et non recéssit retro cor nostrum : \* et declinásti sé-mitas nostras a via tua :

Quóniam humiliásti nos in loco afflictiónis, \* et coopérui nos umbra mortis.

Si obliti sumus nomen Dei nostri, \* et si expándimus manus nostras ad deum aliénium :

Nonne Deus requíret ista? \* ipse enim novit abscondita cordis.

Quóniam propter te mortificámur tota die : \* æstimáti sumus sicut oves occisió-nis.

Exsúrge, quare obdórmis Dómine? \* exsúrge, et ne repéllas in finem.

Quare fáciem tuam avértis, \* oblivisceris inópiæ nostræ, et tribulatió-nis nostræ?

Quóniam humiliáta est in púlvere ánima nostra : \* con-glutinátus est in terra venter noster.

Exsúrge Dómine, ádjuva nos : \* et rédime nos propter nomen tuum.

#### Psalmus 44.

**E**RUCTÁVIT cor meum verbum bonum : \* dico ego ópera mea regi.

Lingua mea cálamus scribæ, \* velóciter scribéntis.

Speciósus forma præ filiis hóminum, diffúsa est grátia in lábiis tuis : \* proptérea benedixit te Deus in ætérnum.

Accíngere gládio tuo super femur tuum, \* potentis-sime.

Spécie tua et pulchritudine tua \* inténde, prospere procéde, et regna.

Propter veritatem, et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, pópuli sub te cadent : \* in corda inimicórum regis.

Sedes tua Deus in sæculum sæculi : \* virga directiónis virga regni tui.

Dilexisti justitiam, et odisti iniquitatem : \* propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectavérunt te filiæ regum in honóre tuo.

Adstitit regína a dextris tuis in vestitu deauráto : \* circumdata varietáte.

Audi filia, et vide, et inclina áurem tuam : \* et obliviscere pópulum tuum, et domum patris tui.

Et concupiscet rex decórem tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes dívites plebis.

Omnis glória ejus filiæ regis ab intus, \* in fimbriis áureis circumamicta varietátibus.

Adducéntur regi vírgines post eam : \* próximæ ejus afferéntur tibi.

Afferéntur in lælitia et exsultatióne : \* adducéntur in templum regis.

Pro pátribus tuis nati sunt tibi filii : \* constitues eos principes super omnem terram.

Mémores erunt nóminis tui \* in omni generatióne et generatióne.

Propterea pópuli confitebúntur tibi in ætérnum : \* et in sæculum sæculi.

**Ant.** Eructávit cor meum verbum bonum.

**Ant.** Adjutor.

**Psalmus 45.**

**D**EUS noster refúgium, et virtus : \* adjutor in tribulatióne, quæ invenérunt nos nimis.

Propterea non timébimus dum turbábitur terra : \* et transferéntur montes in cor maris.

Sonuérunt, et turbatæ sunt aquæ eórum : \* conturbáti sunt montes in fortitúdine ejus.

Flúminis ímpetus lætíficat civitatem Dei : \* sanctificávit tabernáculum suum Altissimus.

Deus in médio ejus, non commovébitur : \* adjuvábít eam Deus mane dilúculo.

Conturbatæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscéptor noster Deus Jacob.

Veníte, et vidéte ópera



Dómini, quæ pósuit prodígia super terram : \* áuferens bella usque ad finem terræ.

Arcum cónteret, et confringet arma : \* et scuta combúret igni.

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscēptor noster Deus Jacob.

**Psalmus 46.**

**O**MNES gentes pláudite má-nibus : \* jubiláte Deo in voce exsultatiónis.

Quóniam Dóminus excélsus, terribilis : \* rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubæ.

Psállite Deo nostro, psállite : \* psállite regi nostro, psállite.

Quóniam rex omnis terræ Deus : \* psállite sapiéter.

Regnabit Deus super gentes : \* Deus sedet super sedem sanctam suam.

Principes populórum congregáti sunt cum Deo Abraham : \* quóniam dii fortes terræ, veheménter eleváti sunt.

**Ant.** Adjútor in tribulatió-nibus.

**Ant.** Magnus Dóminus.

**Psalmus 47.**

**M**AGNUS Dóminus, et laudábilis nimis \* in civitáte Dei nostri, in monte sancto ejus.

Fundátur exsultatióne universæ terræ mons Sion, \* látera Aquilónis, civitas regis magni.

Deus in dómibus ejus cognoscétur, \* cum suscípíet eam.

Quóniam ecce reges terræ congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis : \* in spiritu veheménti cónteres naves Tharsis.

Sicut audívimus, sic vidimus in civitáte Dómini virtútum, in civitáte Dei nostri : \* Deus fundávit eam in ætérnum.

Suscépinus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justitia plena est dextera tua.

Lætétur mons Sion, et exsúltent filiæ Judæ \* propter judicia tua Dómine.

Circúmdate Sion, et compectímini eam : \* narráte in túrribus ejus.

Pónite corda vestra in virtúte ejus : \* et distribúite domos ejus, ut enarrétis in progénie áltera.



Quóniam hic est Deus,  
Deus noster in ætérnum, et  
in sæculum sæculi : \* ipse  
reget nos in sæcula.

**Psalmus 48.**

**A**UDÍTE hæc omnes gentes : \*  
áuribus percípите omnes,  
qui habitátis orbem :

Quique terrigenæ, et filii  
hóminum : \* simul in unum  
dives et páuper.

Os meum loquétur sapién-  
tiam : \* et meditátio cordis  
mei prudéntiam.

Inclinábo in parábolam  
áurem meam : \* apériam  
in psaltério propositiónem  
meam.

Cur timébo in die mala? \*  
iníquitas calcánei mei cir-  
cúmdabit me :

Qui confidunt in virtúte  
sua : \* et in multítudine  
divitiárum suárum glorián-  
tur.

Frater non rédimit, réd-  
imet homo : \* non dabit Deo  
placatióem suam.

Et prétium redemptiónis  
animæ suæ : \* et laborábit  
in ætérnum, et vivet adhuc  
in finem.

Non vidébit intéritum,  
cum viderit sapiéntes mo-  
riéntes : \* simul insipiens,  
et stultus peribunt.

Et relinquent aliénis diví-  
tias suas : \* et sepúlcrá  
eórum domus illórum in  
ætérnum.

Tabernácula eórum in  
progénie et progénie : \* vo-  
cavérunt nómina sua in ter-  
ris suis.

Et homo, cum in honóre  
esset, non intelléxit : \* com-  
parátus est juméntis insi-  
piéntibus, et similis factus  
est illis.

Hæc via illórum scánda-  
lum ipsis : \* et póstea in ore  
suo complacébunt.

Sicut oves in inférno pó-  
siti sunt : \* mors depáscet  
eos.

Et dominabúntur eórum  
justi in matutino : \* et auxi-  
lium eórum veteráscet in  
inférno a glória eórum.

Verúmtamen Deus réd-  
imet ánimam meam de ma-  
nu inferi, \* cum accéperit  
me.

Ne timúeris cum dives  
factus fúerit homo : \* et cum  
multiplicáta fúerit glória do-  
mus ejus.

Quóniam cum interierit,  
non sumet ómnia : \* neque  
descéndet cum eo glória  
ejus.

Quia ánima ejus in víta  
ipsius benedicétur : \* confi-  
tébitur tibi cum benefécéris  
ei.

Introibit usque in progé-  
nies patrum suórum : \* et  
usque in ætérnum non vidé-  
bit lumen.

Homo, cum in honóre  
esset, non intelléxit : \* com-  
parátus est juméntis insi-  
piéntibus, et similis factus  
est illis.

**Ant.** Magnus Dóminus et  
laudábilis nimis.

**Ant.** Deus deórum Dó-  
minus.

## Psalmus 49.

**D**EUS deórum Dóminus locútus est : \* et vocávit terram.

A solis ortu usque ad occásum : \* ex Sion spécies decóris ejus.

Deus maniféste véniet : \* Deus noster et non silébit.

Ignis in conspéctu ejus exardéscet : \* et in circúitu ejus tempéstas válda.

Advocábit cælum desúrsum : \* et terram discernere pópulum suum.

Congregáte illi sanctos ejus : \* qui órdinant testaméntum ejus super sacrificia.

Et annuntiábunt cæli justitiam ejus : \* quóniam Deus judex est.

Audi pópulus meus, et loquar : Israël, et testificábor tibi : \* Deus Deus tuus ego sum.

Non in sacrificiis tuis árguam te : \* holocáusta áutem tua in conspéctu meo sunt semper.

Non accípiam de domo tua vítulos : \* neque de grégibus tuis hircos.

Quóniam meæ sunt omnes feræ silvárum, \* juménta in móntibus et boves.

Cognóvi ómnia volatília cæli : \* et pulchritúdo agri mecum est.

Si esuriero, non dicam tibi : \* meus est enim orbis terræ, et plenitúdo ejus.

Numquid manducábo car-

nes taurórum? \* aut sánguinem hircórum potábo?

Immola Deo sacrificium láudis : \* et redde Altíssimo vota tua.

Et invoca me in die tribulatiónis : \* éruam te, et honorificábis me.

Peccatóri áutem dixit Deus : \* Quare tu enárras justitias meas, et assúmis testaméntum meum per os tuum?

Tu vero odisti disciplinam : \* et projecisti sermónes meos retrórsum :

Si vidébas furem, currébas cum eo : \* et cum adulteris portiónem tuam ponébas.

Os tuum abundávit malitia : \* et lingua tua concinábatur dolos.

Sedens advérsus fratrem tuum loquebáris, et advérsus filium matris tuæ ponébas scándalum : \* hæc fecisti, et táciui.

Existimásti inique quod ero tui similis : \* árguam te, et státuam contra faciém tuam.

Intelligite hæc qui obliviscimini Deum : \* nequándo rápiat, et non sit qui erípiat.

Sacrificium láudis honorificábit me : \* et illic iter, quo osténdam illi salutáre Dei.

## Psalmus 51.

**Q**UID gloriáris in malitia, \* qui potens es in iniquitáte?

Tota die injustitiam cogi-



távit lingua tua : \* sicut novácula acúta fecísti dolum.

Dilexísti malítiam super benignitátem : \* iniquitátem magis quam loqui æquitátem.

Dilexísti ómnia verba præcipitatiónis , \* lingua dolósa.

Proptérea Deus déstruet te in finem , \* evéllét te , et emigrábit te de tabernáculo tuo : et radicem tuam de terra vivéntium.

Vidébunt justí , et timébunt , et super eum ridébunt , et dicent : \* Ecce homo , qui non pósuit Deum adjutórem suum :

Sed sperávit in multítudine divitiárum suárum : \* et præváluit in vanitáte sua.

Ego áutem , sicut olíva fructífera in domo Dei , \* sperávi in misericórdia Dei in ætérnum : et in sæculum sæculi.

Confitébor tibi in sæculum , quia fecísti : \* et expectábo nomen tuum , quóniam bonum est in conspéctu sanctórum tuórum.

**Ant.** Deus deórum Dóminus locútus est.

**In Quadrag. v.** Scápolis suis obumbrábit tibi. **R.** Et sub pennis ejus sperábis.

**Tempore Passionis, v.** De ore leónis libera me Dómine. **R.** Et a córnibus unicórnum humilitátem meam.

**Tempore Paschali, Ant.** Allelúia , allelúia , allelúia.

**v.** Surréxit Dóminus ve-

re , allelúia. **R.** Et appáruit Simóni , allelúia.

**Pro uno vel plur. Mart. Tempore Paschali, v.** Lux perpétua lucébit sanctis tuis Dómine , allelúia. **R.** Et ætérnitas témporum , allelúia.

**Pro Conf. Pont. Tempore Paschali, v.** Elégit eum Dóminus sacerdotem sibi , allelúia. **R.** Ad sacrificándum ei hóstiam láudis , allelúia.

**Pro Conf. non Pont. Tempore Paschali, v.** Os justí meditábitur sapiéntiam , allelúia. **R.** Et lingua ejus loquétur judicium , allelúia.

**Pro una Sancta Tempore Paschali, v.** Adjuvábít eam Deus vultu suo , allelúia. **R.** Deus in médio ejus , non commovébitur , allelúia.

#### AD LAUDES

**Ant.** Dele Dómine \* iniquitátem meam.

**Ps.** Miserére. 60.

**Ant.** Salutáre.

#### Psalmus 42.

**J**ÚDICA me Deus , et discérne cáusam meam de gente non sancta , \* ab hómine iníquo et dolóso érue me.

Quia tu es Deus fortitúdo mea : \* quare me repulísti ? et quare tristis incédo , dum affligit me inimícus ?

Emítte lucem tuam et veritátem tuam : \* ipsa me deduxérunt , et adduxérunt in montem sanctum tuum , et in tabernácula tua.

Et introibo ad altáre Dei : \* ad Deum , qui lætíficat juventútem meam.



Confitébor tibi in cithara  
Deus Deus meus : \* quare  
tristis es ánima mea? et quare  
contúrbas me?

Spera in Deo, quóniam  
adhuc confitébor illi : \* sal-  
utáre vultus mei, et Deus  
meus.

**Ant.** Salutáre vultus mei,  
et Deus meus.

**Ant.** Ad te de luce \* vígilo  
Deus.

**Ps.** Deus Deus meus. 18.

**Ant.** Cunctis diébus.

**Canticum Ezechiae.**

**Isaiae 38. b**

**E**go dixi : In dimídio dié-  
rum meórum \* vadam  
ad portas inferi.

Quaesivi résídium annó-  
rum meórum. \* Dixi : Non  
vidébo Dóminum Deum in  
terra vivéntium.

Non adspiciam hóminem  
ultra, \* et habitatórem quié-  
tis.

Generátio mea abláta est,  
et convolúta est a me, \*  
quasi tabernáculum pastó-  
rum.

Præcisa est veluta texénte,  
vita mea : dum adhuc ordi-  
rer, succídit me : \* de mane  
usque ad vésperam finies  
me.

Sperábam usque ad ma-  
ne : \* quasi leo sic contrívit  
omnia ossa mea :

De mane usque ad véspe-  
ram finies me : \* sicut pul-  
lus hirúndinis sic clamábo,  
meditábor ut colúmba :

Attenuáti sunt óculi mei, \*  
suspiciéntes in excésum:

Dómine vim pátiór, re-  
spónde pro me. \* Quid di-  
cam, aut quid respondébit  
mihi, cum ipse fécerit?

Recogitábo tibi omnes  
annos meos \* in amaritú-  
dine ánimæ meæ.

Dómine si sic vivitur, et in  
tálibus vita spíritus mei,  
corripies me, et vivificábis  
me. \* Ecce in pace amaritúdo  
mea amaríssima :

Tu áutem eruísti ánimam  
meam, ut non períret : \*  
projecísti post tergum tuum  
omnia peccáta mea.

Quia non inférnus confi-  
tébitur tibi, neque mors lau-  
dábit te : \* non exspectábunt  
qui descéndunt in lacum,  
veritátem tuam.

Vivens vivens ipse confi-  
tébitur tibi, sicut et ego  
hódie : \* pater filiis notam  
faciet veritátem tuam.

Dómine salvum me fac, \*  
et psalmos nostros cantábi-  
mus cunctis diébus vitæ no-  
stræ in domo Dómini.

**Ant** Cunctis diébus vitæ  
nostræ salvos nos fac Dó-  
mine.

**Ant.** Omnes Angeli ejus \*  
laudáte Dóminum de cælis.

**Ps.** Laudáte Dóminum de  
cælis. 20.

In Quadragesima, Capit.,  
Hymn. et V. ut in Laudibus  
Fer. II. 62.

Ad Bened. Ant. propria,  
ut in Feriis Quadragesimæ.

**Preces, quando dicuntur,**  
**habentur supra in Feria II.**  
63.

FERIA QUARTA  
AD MATUTINUM

**In Quadrag. Invit.** In manu tua Dómine \* Omnes fines terræ.

**Ps.** Venite, exsultémus. 2.

**Hymnus.** Ex more docti. ut in Dom. 3.

**Temp. Pasch. Invit.** Allelúia, allelúia, \* Allelúia.

**Hymnus.** Rex sempitérne. ut in Dom. 3.

**Ant.** Avértit Dóminus.

**Temp. Pasch. Ant.** Allelúia.

**Psalmus 52.**

**D**IXIT insipiens in corde suo : \* Non est Deus.

Corrúpti sunt, et abominábiles facti sunt in iniquitatibus : \* non est qui fáciat bonum.

Deus de cælo prospéxit super filios hóminum : \* ut videat si est intélligens, aut requirens Deum.

Omnes declinavérunt, simul inútiles facti sunt : \* non est qui fáciat bonum, non est usque ad unum.

Nonne scient omnes qui operántur iniquitátem, \* qui dévorant plebem meam ut cibum panis?

Deum non invocavérunt : \* illic trepidavérunt timóre, ubi non erat timor.

Quóniam Deus dissipávit ossa eórum qui hominibus placent : \* confúsi sunt, quóniam Deus sprevit eos.

Quis dabit ex Sion salutáre Israël? \* cum convérte-

rit Deus captivitátem plebis suæ, exsultábit Jacob, et lætábitur Israël.

**Psalmus 54.**

**E**XÁUDI Deus oratióem meam, et ne despéxeris deprecationem meam : \* inténde mihi, et exáudi me.

Contristátus sum in exercitatióne mea : \* et conturbátus sum a voce inimici, et a tribulatióne peccatóris.

Quóniam declinavérunt in me iniquitátes : \* et in ira molésti erant mihi.

Cor meum conturbátum est in me : \* et formído mortis cécidit super me.

Timor et tremor venérunt super me : \* et contexérunt me ténebræ.

Et dixi : Quis dabit mihi pennas sicut colúmbæ, \* et volábo, et requiescam?

Ecce elongávi fúgiens : \* et mansi in solitúdine.

Exspectábam eum, qui salvum me fecit \* a pusillanimitáte spíritus et tempestáte.

Præcípita Dómine, divide linguas eórum : \* quóniam vidi iniquitátem, et contradictionem in civitáte.

Die ac nocte circúmdabit eam super muros ejus iniquitas : \* et labor in médio ejus, et injustitia.

Et non defécit de platéis ejus \* usúra, et dolus.

Quóniam si inimicus meus maledixisset mihi, \* sustinuissem útique.

Et si is, qui óderat me, super me magna locútus fuís-



set : \* abscondissem me forsitan ab eo.

Tu vero homo unánimis : \* dux meus, et notus meus.

Qui simul mecum dulces capiēbas cibos : \* in domo Dei ambulávimus cum consensu.

Véniat mors super illos : \* et descéndant in inférnum vivētes :

Quóniam nequitiæ in habitáculis eórum : \* in médio eórum.

Ego áutem ad Deum clamávi : \* et Dóminus salvábit me.

Véspere, et mane, et merídie narrábo et annuntiábo : \* et exáudiet vocem meam.

Rédimet in pace ánimam meam ab his, qui appropínquant mihi : \* quóniam inter multos erant mecum.

Exáudiet Deus, et humiliábit illos, \* qui est ante sæcula.

Non enim est illis commutatio, et non timuérunt Deum : \* exténdit manum suam in retribuendo.

Contaminavérunt testaméntum ejus, divísi sunt ab ira vultus ejus : \* et appropinquávit cor illius.

Molliti sunt sermónes ejus super óleum : \* et ipsi sunt jácula.

Jacta super Dóminum curam tuam, et ipse te enútriet : \* non dabit in ætérnum fluctuatióem justo.

Tu vero Deus dedúces eos, \* in púteum intéritus.

Viri sánguinem, et dolósi non dimidiábunt dies suos : \* ego áutem sperábo in te Dómine.

**Ant.** Avértit Dóminus captivitátem plebis suæ.

**Ant.** Quóniam.

**Psalmus 55.**

**M**ISERERE mei Deus, quóniam concalcávit me homo : \* tota die impúgnans tribulávit me.

Conculcavérunt me inimíci mei tota die : \* quóniam multi bellántes advérsum me.

Ab altitúdine diéi timébo : \* ego vero in te sperábo.

In Deo laudábo sermónes meos, in Deo sperávi : \* non timébo quid fáciat mihi caro.

Tota die verba mea exsecrabántur : \* advérsum me omnes cogitatióes eórum in malum.

Inhabitábunt et abscóndent : \* ipsi calcáneum meum observábunt.

Sicut sustinuérunt ánimam meam, pro nihilo salvos fácies illos : \* in ira pópulos confrínges.

Deus, vitam meam annuntiávi tibi : \* posuisti lácrymas meas in conspéctu tuo,

Sicut et in promissióne tua : \* tunc converténtur inimíci mei retrórsum :

In quacúmque die invocávero te : \* ecce cognóvi quóniam Deus meus es.

In Deo laudábo verbum, in Dómino laudábo sermónem : \* in Deo sperávi, non



timébo quid fáciat mihi homo.

In me sunt Deus vota tua, \* quæ reddam, laudatiónes tibi.

Quóniam eripuisti ánimam meam de morte, et pedes meos de lapsu : \* ut pláceam coram Deo in lúmine vivéntium.

**Psalmus 56.**

**M**ISERERE mei Deus, miserere mei : \* quóniam in te confidit ánima mea.

Et in umbra alárum tuárum sperábo, \* donec tránseat iniquitas.

Clamábo ad Deum altíssimum : \* Deum qui benefécit mihi.

Misit de cælo, et liberávit me : \* dedit in oppróbrium conculcántes me.

Misit Deus misericórdiam suam, et veritátem suam, \* et eripuit ánimam meam de médio catulórum leónum : dormívi conturbátus.

Filii hóminum dentes eórum arma et sagittæ : \* et lingua eórum gládius acútus.

Exaltáre super cælos Deus : \* et in omnem terram glória tua.

Láqueum paravérunt pedibus meis, \* et incurvavérunt ánimam meam.

Fodérunt ante fáciem meam foveam : \* et incidérunt in eam.

Parátum cor meum Deus, parátum cor meum : \* cantábo, et psalmum dicam.

Exsúrge glória mea, ex-

súrge psaltérium et cithara : \* exsúrgam dilúculo.

Confitébor tibi in pópulis Dómine : \* et psalmum dicam tibi in géntibus :

Quóniam magnificáta est usque ad cælos misericórdia tua, \* et usque ad nubes veritas tua.

Exaltáre super cælos Deus : \* et super omnem terram glória tua.

**Ant.** Quóniam in te confidit ánima mea.

**Ant.** Justa judicáte.

**Psalmus 57.**

**S**I vere útique justitiam loquimini : \* recta judicáte filii hóminum.

Etenim in corde iniquitates operámini : \* in terra injustitias manus vestræ concinnant.

Alienáti sunt peccatóres a vulva, erravérunt ab útero : \* locúti sunt falsa.

Furor illis secúndum similitúdinem serpéntis : \* sicut áspidis surdæ, et obturántis áures suas :

Quæ non exáudiet vocem incantántium : \* et venéfici incantántis sapiénter.

Deus cónteret dentes eórum in ore ipsórum : \* molas leónum confringet Dóminus.

Ad níhilum devénient tamquam aqua decúrrens : \* inténdit arcum suum donec infirméntur.

Sicut cera, quæ fluit, auferéntur : \* supercécidit ignis, et non vidérunt solem.

Priúsqvam intelligerent

spinæ vestræ rhamnum : \*  
sicut vivētes, sic in ira  
absorbēt eos.

Lætābitur justus cum viderit vindictam : \* manus suas lavābit in sāguine peccatōris.

Et dicet homo : Si ūtique est fructus justo : \* ūtique est Deus iūdicans eos in terra.

**Psalmus 58.**

**E**RIPE me de inimicis meis  
Deus meus : \* et ab insurgētibz in me libera me.

Eripe me de operātibz iniquitatem : \* et de viris sāguinum salva me.

Quia ecce cepērunt animam meam : \* irruērunt in me fortes.

Neque iniquitas mea, neque peccātum meum Dōmine : \* sine iniquitate cucūrri, et dirēxi.

Exsūrge in occūrsu meum, et vide : \* et tu Dōmine Deus virtūtum, Deus Israël,

Intēde ad visitādas omnes gentes : \* non misereāris omnibz, qui operāntur iniquitatem.

Convertēntur ad vespēram : et famem patiēntur ut canes, \* et circuibunt civitatem.

Ecce loquēntur in ore suo, et glādius in lābiis eōrum : \* quōniam quis audivit?

Et tu Dōmine deridēbis eos : \* ad nihilum dedūces omnes gentes.

Fortitūdinem meam ad te custōdiam, quia Deus suscep̃tor meus es : \* Deus meus,

misericōrdia ejus prævēniēt me.

Deus ostēdet mihi super inimicos meos, ne occidas eos : \* nequādo obliviscāntur pōpuli mei.

Dispērge illos in virtūte tua : \* et depōne eos protēctor meus Dōmine :

Delictum oris eōrum, sermōnem labiōrum ipsōrum : \* et comprehendāntur in supērbia sua.

Et de execratiōe et mendācio annuntiabūntur in consummatiōe : \* in ira consummatiōis, et non erunt.

Et scient quia Deus dominābitur Jacob : \* et finium terræ.

Convertēntur ad vespēram, et famem patiēntur ut canes : \* et circuibunt civitatem.

Ipsi dispergēntur ad manducāndum : \* si vero non fūerint saturāti, et murmurābunt.

Ego autem cantābo fortitudinem tuam : \* et exultābo mane misericōrdiam tuam.

Quia factus es suscep̃tor meus, \* et refūgium meum, in die tribulatiōis meæ.

Adjūtor meus tibi psallam, quia Deus suscep̃tor meus es : \* Deus meus misericōrdia mea.

**Ant.** Justa judicāte filii hōminum.

**Ant.** Da nobis.

**Psalmus 59.**

**D**EUS repulisti nos, et destruxisti nos : \* irātus es, et misērtus es nobis.



Commovisti terram, et conturbasti eam : \* sana contritiões ejus, quia commota est.

Ostendisti pópulo tuo dura : \* potasti nos vino compunctiōnis.

Dedisti metuētibz te significatiōem : \* ut fūgiant a fácie arcus :

Ut liberēntur dilēcti tui : \* saluum fac dēxtera tua, et exāudi me.

Deus locūtus est in sancto suo : \* Lætabor, et partibor Síchimam : et convállem tabernaculorum metibor.

Meus est Gálaad, et meus est Manásses : \* et Ephraïm fortitúdo cápitis mei.

Juda rex meus : \* Moab olla spei meæ.

In Idumæam extēdam calceamētum meum : \* mihi alienigenæ súbditi sunt.

Quis dedúcet me in civitatem munitam? \* quis dedúcet me usque in Idumæam?

Nonne tu Deus, qui repulisti nos : \* et non egrediēris Deus in virtútibus nostris?

Da nobis auxiliū de tribulatiōe : \* quia vana salus hómīnis.

In Deo faciēmus virtutem : \* et ipse ad nihīlum dedúcet tribulāntes nos.

**Psalmus 60.**

**E**XÁUDI Deus deprecatiōnem meam : \* inténde oratiōni meæ.

A finibus terræ ad te clamávi : \* dum anxiarétur cor meum, in petra exaltásti me.

Deduxisti me, quia factus es spes mea : \* turris fortitudinis a fácie inimici.

Inhabitábo in tabernáculo tuo in sǎcula : \* prótegar in velamēto alárum tuárum.

Quóniam tu Deus meus exaudisti oratiōnem meam : \* dedisti hereditatem timētibus nomen tuum.

Dies super dies regis adjicies : \* annos ejus usque in diem generatiōnis et generatiōnis.

Pérmanet in ætérnum in conspéctu Dei : \* misericórdiam et veritatem ejus quis requíret?

Sic psalmum dicam nómini tuo in sǎculum sǎculi : \* ut reddam vota mea de die in diem.

**Ant.** Da nobis Dómine auxiliū de tribulatiōe.

**Ant.** Nonne Deo.

**Psalmus 61.**

**N**ONNE Deo subjécta erit ánima mea? \* ab ipso enim salutáre meum.

Nam et ipse Deus meus, et salutáris meus : \* suscep̃tor meus, non movébor ámplius.

Quoúsque irrúitis in hómīnem? \* interfícitis univērsi vos : tamquam parieti inclínato et maceríæ depúlsæ?

Verúmtamen prétium meum cogitavérunt repéllere, cucúrri in siti : \* ore suo benedicébant, et corde suo maledicébant.

Verúmtamen Deo subjécta esto ánima mea : \* quóniam ab ipso patiéntia mea.



Quia ipse Deus meus, et salvátor meus : \* adjutor meus, non emigrábo.

In Deo salutáre meum, et glória mea : \* Deus auxilii mei, et spes mea in Deo est.

Speráte in eo omnis congregátio pópuli, effúndite coram illo corda vestra : \* Deus adjutor noster in ætérnum.

Verúmtamen vani filii hóminum, mendáces filii hóminum in statéris : \* ut decípiant ipsi de vanitáte in idípsum.

Nolite speráre in iniquitáte, et rapínas nolite concupiscere : \* divítiæ si áffluent, nolite cor apónere.

Semel locútus est Deus, duohæcaudivi, quia potéstas Dei est, et tibi Dómine misericórdia : \* quia tu reddes unicuique juxta ópera sua.

**Psalmus 63.**

**E**XÁUDI Deus oratióne meam cum déprecor : \* a timóre inimíci éripe ánimam meam.

Protexisti me a convéntu malignántium : \* a multitúdine operántium iniquitátem.

Quia exacuérunt ut gládium linguas suas : \* intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut abscóderent láqueos : \* dixerunt : Quis vidébit eos?

Scrutáti sunt iniquitátes : \*

defecérunt scrutántes scrutinio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmátæ sunt contra eos linguæ eórum.

Conturbáti sunt omnes qui vidébant eos : \* et tímuit omnis hómo.

Et annuntiavérunt ópera Dei, \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

**Ant.** Nonne Deo subjécta erit ánima mea?

**Ant.** Benedicite.

**Psalmus 65.**

**J**UBILÁTE Deo omnis terra, psalmum dicite nómini ejus : \* date glóriam láudi ejus.

Dícite Deo, Quam terribilia sunt ópera tua Dómine! \* in multitúdine virtútis tuæ mentiéntur tibi inimíci tui.

Omnis terra adóret te, et psallat tibi : \* psalmum dicat nómini tuo.

Veníte, et vidéte ópera Dei : \* terribilis in consiliis super filios hóminum.

Qui convértit mare in áridam, in flúmine pertransibunt pede : \* ibi lætábimur in ipso.

Qui dominátur in virtúte sua in ætérnum, óculi ejus super gentes respiciunt : \* qui exásperant non exalténtur in semetipsis.

Benedícite gentes Deum nostrum : \* et audítam fácite vocem láudis ejus.

Qui pósuit ánimam meam ad vitam : \* et non dedit in commotióne pedes meos.

Quóniam probásti nos Deus : \* igne nos examinásti, sicut examinátur argéntum.

Induxísti nos in láqueum, posuísti tribulatióes in dorso nostro : \* imposuísti hómines super cápita nostra.

Transívimus per ignem et aquam : \* et eduxísti nos in refrigerium.

Introibo in domum tuam in holocáustis : \* reddam tibi vota mea, quæ distinxerunt lábia mea.

Et locútum est os meum, \* in tribulatióne mea.

Holocáusta medulláta offeram tibi cum incénso arietum : \* offeram tibi boves cum hircis.

Venite, audite, et narrábo, omnes qui timétis Deum, \* quanta fecit ánimæ meæ.

Ad ipsum ore meo clamávi, \* et exaltávi sub lingua mea.

Iniquitátem si adspéxi in corde meo, \* non exáudiet Dóminus.

Propterea exaudivit Deus, \* et atténdit voci deprecatióis meæ.

Benedíctus Deus, \* qui non amóvit oratióne meam, et misericórdiam suam a me.

### Psalmus 67.

**E**XSÚRGAT Deus, et dissipéntur inimíci ejus, \* et fúgiant qui odérunt eum, a fácie ejus.

Sicut déficit fumus, deficiant : \* sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : \* et delecténtur in lætítia.

Cantáte Deo, psalmum dicite nómini ejus : \* iter fácite ei, qui ascéndit super occásus : Dóminus nomen illi.

Exsultáte in conspéctu ejus : \* turbabúntur a fácie ejus, patris orphanórum, et júdicis viduárum.

Deus in loco sancto suo : \* Deus qui inhabitáre facit unius moris in domo :

Qui edúcit vinctos in fortitúdine, \* similiter eos qui exásperant, qui hábitant in sepúlcris.

Deus, cum egrederéris in conspéctu pópuli tui, \* cum pertransíres in deserto :

Terra mota est, étenim cæli distillavérunt a fácie Dei Sinai, \* a fácie Dei Israël.

Plúviam voluntáriam segregábis Deus hereditáti tuæ : \* et infirmáta est, tu vero perfecisti eam.

Animália tua habitábunt in ea : \* parásti in dulcédine tua páuperi Deus.

Dóminus dabit verbum evangelizántibus, \* virtúte multa.

Rex virtútum dilécti dilé-



cti : \* et speciēi domus dividere spolia.

Si dormiātis inter medios cleros, pennae columbae deargentatae, \* et posteriora dorsi ejus in pallore auri.

Dum discernit caelestis reges super eam, nive dealbantur in Selmon : \* mons Dei, mons pinguis.

Mons coagulatus, mons pinguis : \* ut quid suspicamini montes coagulatos?

Mons, in quo beneplacitum est Deo habitare in eo : \* etenim Dominus habitabit in finem.

Currus Dei decem millibus multiplex, millia latantium : \* Dominus in eis in Sina in sancto.

Ascendisti in altum, cepisti captivitatem : \* accepisti dona in hominibus :

Etenim non credentes, \* inhabitare Dominum Deum.

Benedictus Dominus die quotidie : \* prosperum iter faciet nobis Deus salutarium nostrorum.

Deus noster, Deus salvos faciendi : \* et Domini Domini exitus mortis.

Verumtamen Deus confringet capita inimicorum suorum : \* verticem capilli perambulantium in delictis suis.

Dixit Dominus : Ex Basan convertam, \* convertam in profundum maris :

Ut intingat pes tuus in sanguine : \* lingua canum tuorum ex inimicis, ab ipso.

Viderunt ingressus tuos Deus, \* ingressus Dei mei : regis mei qui est in sancto.

Prævenérunt principes conjuncti psallentibus, \* in medio juvenularum tympanistriarum.

In ecclesiis benedicite Deo Domino, \* de fontibus Israël.

Ibi Benjamin adolescentulus, \* in mentis excessu.

Principes Juda, duces eorum : \* principes Zabulon, principes Nephthali.

Manda Deus virtuti tuae : \* confirma hoc Deus, quod operatus es in nobis.

A templo tuo in Jerusalem, \* tibi offerent reges munera.

Increpa feras arundinis, congregatio taurorum in vaccis populorum : \* ut excludant eos, qui probati sunt argento.

Dissipa gentes, quae bella volunt : venient legati ex Aegypto : \* Aethiopia praeveniet manus ejus Deo.

Regna terrae, cantate Deo : \* psallite Domino.

Psallite Deo, qui ascendit super caelum caeli, \* ad Orientem.

Ecce dabit voci suae vocem virtutis, date gloriam Deo super Israël, \* magnificentia ejus, et virtus ejus in nubibus.

Mirabilis Deus in sanctis suis, Deus Israël ipse dabit virtutem, et fortitudinem plebi suae, \* benedictus Deus.



**Ant.** Benedicite gentes  
Deum nostrum.

**In Quadr. V.** Scuto circúm-  
dabit te vëritas ejus. **R.** Non  
timébis a timóre noctúrno.

**Tempore Passionis V.** Ne  
perdas cum impiis Deus áni-  
mam meam. **R.** Et cum viris  
sánguinum vitam meam.

**Tempore Paschali Ant.**  
Allelúia, allelúia, allelúia.

**V.** Gavisi sunt discipuli,  
allelúia. **R.** Viso Dómino,  
allelúia.

**Pro uno vel plur. Mart.**  
**Tempore Paschali V.** Lætí-  
tia sempitérna super cápita  
eórum, allelúia. **R.** Gáudium  
et exsultatióem obtinébunt,  
allelúia.

**Pro Conf. Pont. Tempore**  
**Paschali V.** Tu es sacérdos  
in ætérnum, allelúia. **R.** Se-  
cúndum órđinem Melchise-  
dech, allelúia.

**Pro Conf. non Pont. Temp.**  
**Pasch. V.** Lex Dei ejus in  
corde ipsius, allelúia. **R.** Et  
non supplantabúntur gres-  
sus ejus, allelúia.

**Pro una Sancta Temp.**  
**Pasch. V.** Elégit eam Deus,  
et præelégit eam, allelúia.  
**R.** In tabernáculo suo habi-  
táre facit eam, allelúia.

#### AD LAUDES

**Ant.** Amplius lava me \*  
Dómine ab injustitia mea.

**Ps.** Miserére. 60.

**Ant.** Te decet.

**Psalmus 64.**

**T**E decet hymnus Deus in  
Sion : \* et tibi reddétur  
votum in Jerúsalem.

Exáudi oratióem meam : \*  
ad te omnis caro véniet.

Verba iniquórum præva-  
luérunt super nos : \* et im-  
pietátibus nostris tu propi-  
tiáberis.

Beátus, quem elegisti, et  
assumpsisti : \* inhabitábit in  
átriis tuis.

Replébimur in bonis do-  
mus tuæ : \* sanctum est tem-  
plum tuum, mirábile in æ-  
quitate.

Exáudi nos Deus salutáris  
noster, \* spes ómnium finium  
terræ, et in mari longe.

Præparans montes in vir-  
tute tua, accinctus potén-  
tia : \* qui contúrbas profún-  
dum maris, sonum flúctuum  
ejus.

Turbabúntur gentes, et  
timébunt qui hábitant tér-  
minos a signis tuis : \* éxitus  
matutini, et vespere dele-  
ctábis.

Visitásti terram, et ine-  
briásti eam : \* multiplicásti  
locupletáre eam.

Flumen Dei replétum est  
aquis, parásti cibum illó-  
rum : \* quóniam ita est præ-  
paratio ejus.

Rivos ejus inébria, multi-  
plica genimina ejus : \* in  
stillicídiis ejus lætábitur gér-  
minans.

Benedices coronæ anni  
benignitátis tuæ : \* et campi  
tui replebúntur ubertáte.

Pinguéscent speciósa de-  
sérti : \* et exsultatióne colles  
accingéntur.

Indúti sunt arietes óvium,

et valles abundábunt fruménto : \* clamábunt, étenim hymnum dicent.

**Ant.** Te decet hymnus Deus in Sion.

**Ant.** Lábia mea \* laudábunt te in vita mea Deus meus.

**Ps.** Deus Deus meus. 18.

**Ant.** Dóminus judicábit.

**Canticum Annæ.**

**I. Reg. 2.**

**E**XSULTÁVIT cor meum in Dómino, \* et exaltátum est cornu meum in Deo meo.

Dilatátum est os meum super inimicos meos : \* quia lætáta sum in salutári tuo.

Non est sanctus, ut est Dóminus : neque enim est álius extra te, \* et non est fortis sicut Deus noster.

Nolite multiplicáre loqui sublimia, \* gloriántes :

Recédant vétera de ore vestro : quia Deus scientiárum, Dóminus est, \* et ipsi præparántur cogitatiónes.

Arcus fórtium superátus est, \* et infirmi accincti sunt róbre.

Repléti prius, pro pánibus se locavérunt : \* et famélici saturáti sunt,

Donec stérilis péperit plúrimos : \* et quæ multos habébat filios, infirmáta est.

Dóminus mortificat et vivificat : \* dedúcit ad inferos et redúcit.

Dóminus páuperem facit et ditat, \* humiliat et sublevat.

Súscitat de púlvere egénium, \* et de stércore élevat páuperem :

Ut sédeat cum princípibus, \* et sólium glóriæ téneat.

Dómini enim sunt cárdines terræ, \* et pósuit super eos orbem.

Pedes sanctórum suórum servábit, et ímpii in ténebris conticéscunt : \* quia non in fortitúdine sua roborábitur vir.

Dóminum formidábunt adversárii ejus : \* et super ipsos in cælis tonábit :

Dóminus judicábit fines terræ, et dabit impérium regi suo, \* et sublimábit cornu Christi sui.

**Ant.** Dóminus judicábit fines terræ.

**Ant.** Cæli cælórum \* laudáte Deum.

**Ps.** Laudáte Dóminum de cælis. 20.

**In Quadragesima Capit., Hymn. et y. ut in Laud. Fer. II. 62.**

**Ad Bened. Ant. propria, ut in Feriis Quadragesimæ.**

**Preces, quando dicuntur, habentur supra in Feria II. 63.**

## FERIA QUINTA

### AD MATUTINUM

**In Quadrag. Invit.** Dóminus qui fecit nos, \* Venite, adorémus.

**Ps.** Venite, exsultémus. 2.

**Hymn.** Ex more docti. **ut in Dom. 3.**



Temp. Pasch. Invit. Allelúia, allelúia, \* Allelúia.

Hymn. Rex sempitérne. ut in Dom. 3.

Ant. Dómine Deus.

Temp. Pasch. Ant. Allelúia.

Psalmus 68.

**S**ALVUM me fac Deus : \* quóniam intravérunt aquæ usque ad ánimam meam.

Infixus sum in limo profúndi : \* et non est substántia.

Veni in altitúdinem maris : \* et tempésta demérsit me.

Laborávi clamans, ráucæ factæ sunt fáuces meæ : \* defecérunt óculi mei, dum spero in Deum meum.

Multiplicáti sunt super capillos cápitis mei, \* qui odérunt me gratis.

Confortáti sunt qui persecúti sunt me inimíci mei injúste : \* quæ non rápui, tunc exsolvébam.

Deus tu scis insipiéntiam meam : \* et delicta mea a te non sunt abscondita.

Non erubéscant in me, qui exspéctant te Dómine, \* Dómine virtútum.

Non confundántur super me \* qui quærunte te, Deus Israël.

Quóniam propter te sustinui oppróbrium : \* opéruit confusio fáciem meam.

Extráneus factus sum fratribus meis, \* et peregrinus filiis matris meæ.

Quóniam zelus domus tuæ

comédit me : \* et oppróbria exprobrántium tibi, cecidérunt super me.

Et opéruí in jejúnio ánimam meam : \* et factum est in oppróbrium mihi.

Et pósui vestiméntum meum cilicium : \* et factus sum illis in parábolam.

Advérsus me loquebántur qui sedébant in porta : \* et in me psallébant qui bibébant vinum.

Ego vero oratióne meam ad te Dómine : \* tempus benepláciti Deus.

In multitudine misericórdiæ tuæ exáudi me, \* in veritate salútis tuæ :

Eripe me de luto, ut non infígar : \* libera me ab iis, qui odérunt me, et de profúndis aquárum.

Non me demérgat tempésta aquæ, neque absórbeat me profúndum : \* neque úrgeat super me púteus os suum.

Exáudi me Dómine, quóniam benígna est misericórdia tua : \* secúndum multitudinem miseratiónum tuárum respice in me.

Et ne avértas fáciem tuam a púero tuo : \* quóniam tribulor, velóciter exáudi me.

Inténde ánimæ meæ, et libera eam : \* propter inimícos meos éripe me.

Tu scis impropérium meum, et confusióne meam, \* et reveréntiam meam.

In conspéctu tuo sunt omnes qui tribulant me, \*



impropérium exspectávit cor meum, et misériam.

Et sustínui qui simul contristarétur, et non fuit : \* et qui consolarétur, et non invéni.

Et dedérunt in escam meam fel : \* et in siti mea potavérunt me acéto.

Fiat mensa eórum coram ipsis in láqueum, \* et in retributiónes, et in scándalum.

Obscuréntur óculi eórum ne vídeant : \* et dorsum eórum semper incúrva.

Effúnde super eos iram tuam : \* et furor iræ tuæ comprehéndat eos.

Fiat habitátio eórum déserta : \* et in tabernáculis eórum non sit qui inhábitet.

Quóniam quem tu percussisti, persecúti sunt : \* et super dolórem vúlnerum meórum addidérunt.

Appóne iniquitátem super iniquitátem eórum : \* et non intrent in justitiam tuam.

Deleántur de libro vivéntium : \* et cum justis non scribántur.

Ego sum páuper et dolens : \* salus tua Deus suscepit me.

Laudábo nomen Dei cum cántico : \* et magnificábo eum in láude :

Et placébit Deo super vitulum novéllum : \* córnua producéntem et úngulas.

Videant páuperes et læténtur : \* quáerite Deum, et vivet ánima vestra.

Quóniam exaudivit páuperes Dóminus : \* et vinctos suos non despéxit.

Láudent illum cæli et terra, \* mare, et ómnia reptilia in eis.

Quóniam Deus salvam faciet Sion : \* et ædificabúntur civitátes Juda.

Et inhabitábunt ibi, \* et hereditáte acquirant eam.

Et semen servórum ejus possidébit eam, \* et qui diligunt nomen ejus, habitábunt in ea.

### Psalmus 69.

**D**EUS in adiutorium meum intende : \* Dómine ad adiuvándum me festína.

Confundántur, et reveleántur, \* qui quærunť animam meam.

Avertántur retrórsus, et erubéscant, \* qui volunt mihi mala.

Avertántur statim erubescéntes, \* qui dicunt mihi : Euge, éuge.

Exsúltent et læténtur in te omnes qui quærunť te, \* et dicant semper : Magnificétur Dóminus : qui diligunt salutare tuum.

Ego vero egénus, et páuper sum : \* Deus ádjuva me.

Adiutor meus, et liberátor meus es tu : \* Dómine ne moréris.

**Ant.** Dómine Deus in adiutorium meum intende.

**Ant.** Esto mihi.

### Psalmus 70.

**I**N te Dómine sperávi, non confundar in ætérnum : \*

in iustitia tua libera me, et eripe me.

Inclina ad me aurem tuam, \* et salva me.

Esto mihi in Deum protectorem, et in locum munitum : \* ut saluum me facias,

Quoniam firmamentum meum, \* et refugium meum es tu.

Deus meus eripe me de manu peccatoris, \* et de manu contra legem agentis et iniqui :

Quoniam tu es patientia mea Domine : \* Domine spes mea a iuventute mea.

In te confirmatus sum ex utero : \* de ventre matris meae tu es protector meus.

In te cantatio mea semper : \* tamquam prodigium factus sum multis : et tu adiutor fortis.

Repleatur os meum laude, ut cantem gloriam tuam : \* tota die magnitudinem tuam.

Ne projicias me in tempore senectutis : \* cum defecerit virtus mea, ne derelinquas me.

Quia dixerunt inimici mei mihi : \* et qui custodiebant animam meam, consilium fecerunt in unum,

Dicentes : Deus dereliquit eum, persequimini, et comprehendite eum : \* quia non est qui eripiat.

Deus ne elongeris a me : \* Deus meus in auxilium meum respice.

Confundantur, et deficiant

detrahentes animae meae : \* operiantur confusione, et pudore qui quaerunt mala mihi.

Ego autem semper sperabo : \* et adjiciam super omnem laudem tuam.

Os meum annuntiabit iustitiam tuam : \* tota die salutare tuum.

Quoniam non cognovi literaturam, introibo in potentias Domini : \* Domine memorabor iustitiae tuae solius.

Deus docuisti me a iuventute mea : \* et usque nunc pronuntiabo mirabilia tua.

Et usque in senectam et senium : \* Deus ne derelinquas me,

Donec annuntiem brachium tuum \* generationi omni, quae ventura est :

Potentiam tuam, et iustitiam tuam Deus usque in altissima, quae fecisti magnalia : \* Deus quis similis tibi?

Quantas ostendisti mihi tribulationes multas et malas : et conversus vivificasti me : \* et de abyssiis terrae iterum reduxisti me.

Multiplicasti magnificentiam tuam : \* et conversus consolatus es me.

Nam et ego confitebor tibi in vasis psalmi veritatem tuam : \* Deus psallam tibi in cithara, sanctus Israel.

Exsultabunt labia mea, cum cantavero tibi : \* et anima mea, quam redemisti.

Sed et lingua mea tota die



meditabitur justitiam tuam : \*  
cum confúsi et revériti fúe-  
rint, qui quærent mala mihi.

**Psalmus 71.**

**D**EUS judicium tuum regi  
da : \* et justitiam tuam  
filio regis :

Judicáre pópulum tuum  
in justitia, \* et páuperes tuos  
in judicio.

Suscipiant montes pacem  
pópulo : \* et colles justitiam.

Judicábit páuperes pópuli,  
et salvos fáciét filios páupe-  
rum : \* et humiliábit calu-  
mniatórem.

Et permanébit cum sole,  
et ante lunam, \* in genera-  
tione et generatióem.

Descéndet sicut plúvia in  
vellus : \* et sicut stillicidia  
stillántia super terram.

Oriétur in diébus ejus ju-  
stitia, et abundántia pacis : \*  
donec auferátur luna.

Et dominábitur a mari us-  
que ad mare : \* et a flúmine  
usque ad términos orbis  
terrárum.

Coram illo prócident Æ-  
thiopes : \* et inimici ejus  
terram lingent.

Reges Tharsis, et insulæ  
múnera ófferent : \* reges Ara-  
bum et Saba dona addúcent.

Et adorábunt eum omnes  
reges terræ : \* omnes gentes  
sérvient ei :

Quia liberábit páuperem  
a poténite : \* et páuperem cui  
non erat adjútor.

Parcet páuperi et inopi : \*  
et ánimas páuperum salvas  
fáciét.

Ex usúris et iniquitate  
rédimet ánimas eórum : \* et  
honorábile nomen eórum  
coram illo.

Et vivet, et dábitur ei de  
áuro Arábiæ, et adorábunt  
de ipso semper : \* tota die  
benedicent ei.

Et erit firmaméntum in  
terra in summis móntium,  
superextollétur super Liba-  
num fructus ejus : \* et floré-  
bunt de civitate sicut fœnum  
terræ.

Sit nomen ejus benedi-  
ctum in sœcula : \* ante so-  
lem pérmanet nomen ejus.

Et benedicéntur in ipso  
omnes tribus terræ : \* omnes  
gentes magnificábunt eum.

Benedictus Dóminus Deus  
Israël, \* qui facit mirabilia  
solus :

Et benedictum nomen ma-  
jestátis ejus in ætérnum : \*  
et replébitur majestáte ejus  
omnis terra : fiat, fiat.

**Ant.** Esto mihi Dómine in  
Deum protectórem.

**Ant.** Liberásti virgam.

**Psalmus 72.**

**Q**UAM bonus Israël Deus \*  
his, qui recto sunt corde !

Mei áutem pene moti sunt  
pedes : \* pene effúsi sunt  
gressus mei.

Quia zelávi super iníquos, \*  
pacem peccatórum videns.

Quia non est respéctus  
morti eórum : \* et firmamén-  
tum in plaga eórum.

In labóre hóminum non  
sunt, \* et cum hominibus non  
flagellabúntur :



Ideo tenuit eos superbia,\*  
operti sunt iniquitate et impietate sua.

Prodiit quasi ex adipi iniquitas eorum : \* transierunt in affectum cordis.

Cogitaverunt, et locuti sunt nequitiam : \* iniquitatem in excelsu locuti sunt.

Posuerunt in celum os suum : \* et lingua eorum transiit in terra.

Ideo convertetur populus meus hic : \* et dies pleni inveniuntur in eis.

Et dixerunt : Quomodo scit Deus, \* et si est scientia in excelsu?

Ecce ipsi peccatores, et abundantes in saeculo, \* obtinuerunt divitias.

Et dixi : Ergo sine causa justificavi cor meum, \* et lavi inter innocentes manus meas :

Et fui flagellatus tota die,\*  
et castigatio mea in matutinis.

Si dicebam : Narrabo sic : \* ecce nationem filiorum tuorum reprobavi.

Existimabam ut cognoscerem hoc, \* labor est ante me :

Donec intrem in sanctuarium Dei : \* et intelligam in novissimis eorum.

Verumtamen propter dolos posuisti eis : \* deiecisti eos dum allevarentur.

Quomodo facti sunt in desolationem, subito defecerunt : \* perierunt propter iniquitatem suam.

Velut somnium surgentium Domine, \* in civitate tua imaginem ipsorum ad nihilum rediges.

Quia inflammatum est cor meum, et renes mei commutati sunt : \* et ego ad nihilum redactus sum, et nescivi.

Ut iumentum factus sum apud te : \* et ego semper tecum.

Tenuisti manum dexteram meam : et in voluntate tua deduxisti me, \* et cum gloria suscepisti me.

Quid enim mihi est in caelo? \* et a te quid volui super terram?

Defecit caro mea, et cor meum : \* Deus cordis mei, et pars mea Deus in aeternum.

Quia ecce, qui elongant se a te, peribunt : \* perdidisti omnes, qui fornicantur abs te.

Mihi autem adherere Deo bonum est : \* ponere in Domino Deo spem meam :

Ut annuntiem omnes praedicationes tuas, \* in portis filiae Sion.

### Psalmus 73.

**U**T quid Deus repulisti in finem : \* iratus est furor tuus super oves pascuae tuae?

Memor esto congregationis tuae, \* quam possedisti ab initio.

Redemisti virgam hereditatis tuae : \* mons Sion, in quo habitasti in eo.

Leva manus tuas in superbias eorum in finem : \*

quanta malignátus est inimicus in sancto!

Et gloriáti sunt qui odérunt te : \* in médio solemnitátis tuæ.

Posuérunt signa sua, signa : \* et non cognovérunt sicut in éxitu super summum.

Quasi in silva lignórum securibus excidérunt jánuas ejus in idípsum : \* in securi et áscia dejecerunt eam.

Incendérunt igni sanctuárium tuum : \* in terra polluerunt tabernáculum nóminis tui.

Dixerunt in corde suo cognátio eórum simul : \* Qui éscere faciámus omnes dies festos Dei a terra.

Signa nostra non vídimus, jam non est prophéta : \* et nos non cognóscet ámplius.

Usquequo Deus improperábit inimicus : \* irritat adversárius nomen tuum in finem?

Ut quid avértis manum tuam, et dexteram tuam, \* de médio sinu tuo in finem?

Deus áutem rex noster ante sácula : \* operátus est salútem in médio terræ.

Tu confirmásti in virtúte tua mare : \* contribulásti cápita draconum in aquis.

Tu confregisti cápita draconis : \* dedisti eum escam pópulis Æthiopum.

Tu dirupísti fontes, et torréntes : \* tu siccásti flúvios Ethan.

Tuus est dies, et tua est

nox : \* tu fabricátus es auróram et solem.

Tu fecísti omnes términos terræ : \* æstátem et ver tu plasmásti ea.

Memor esto hujus, inimicus improperávit Dómino : \* et pópulus insipiens incitávit nomen tuum.

Ne tradas béstiis ánimas confiténtes tibi, \* et ánimas páuperum tuórum ne obliviscáris in finem.

Réspice in testaméntum tuum : \* quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : \* páuper et inops laudábunt nomen tuum.

Exsúrge Deus, júdica causam tuam : \* memor esto improperiórum tuórum, eórum quæ ab insipiente sunt tota die.

Ne obliviscáris voces inimicórum tuórum : \* superbia eórum, qui te odérunt, ascendit semper.

**Ant.** Liberásti virgam hereditátis tuæ.

**Ant.** Et invocábimus.

**Psalms 74.**

**C**ONFITÉBIMUR tibi Deus : \* confitébimur, et invocábimus nomen tuum.

Narrábimus mirabilia tua : \* cum accépero tempus, ego justítias judicábo.

Liquefacta est terra, et omnes qui hábitant in ea : \* ego confirmávi colúmnas ejus.



Dixi iniquis : Nolite inique  
ágere : \* et delinquentibus :  
Nolite exaltáre cornu :

Nolite extóllere in altum  
cornu vestrum : \* nolite lo-  
qui advérsus Deum iniqui-  
tátem.

Quia neque ab Oriénte,  
neque ab Occidénte, neque  
a désertis móntibus : \* quó-  
niam Deus iudex est.

Hunc humiliat, et hunc  
exáltat : \* quia calix in manu  
Dómini vini meri plenus  
misto.

Et inclinávit ex hoc in  
hoc : verúm tamen fæx ejus  
non est exinaníta : \* bibent  
omnes peccatóres terræ.

Ego áutem annuntiábo in  
sæculum : \* cantábo Deo  
Jacob.

Et ómnia córnua peccató-  
rum confringam : \* et exal-  
tabúntur córnua iusti.

*Psalmus 75.*

**N**OTUS in Judæa Deus : \* in  
Israël magnum nomen  
ejus.

Et factus est in pace locus  
ejus : \* et habitátio ejus in  
Sion.

Ibi confrégit poténtias ár-  
cuum, \* scutum, gládium,  
et bellum.

Illúminans tu mirabiliter  
a móntibus ætérnis : \* tur-  
báti sunt omnes insipientes  
corde.

Dormiérunt somnum su-  
um : \* et nihil invenérunt  
omnes viri divitiárum in  
mánibus suis.

Ab increpatióne tua Deus

Jacob \* dormitavérunt qui  
ascendérunt equos.

Tu terribilis es, et quis  
resistet tibi? \* ex tunc ira  
tua.

De cælo auditum fecisti  
judicium : \* terra trémuit et  
quievit,

Cum exsúrgeret in judi-  
cium Deus, \* ut salvos fáce-  
ret omnes mansuétos terræ.

Quóniam cogitátio hómi-  
nis confitébitur tibi : \* et  
reliquiæ cogitatiónis diem  
festum agent tibi.

Vovéte, et réddite Dómino  
Deo vestro : \* omnes qui in  
circúitu ejus affértis mú-  
nera.

Terribili et ei qui áufert  
spíritum princípum, \* terri-  
bili apud reges terræ.

*Ant.* Et invocábimus no-  
men tuum Dómine.

*Ant.* Tu es Deus.

*Psalmus 76.*

**V**OCE mea ad Dóminum  
clamávi : \* voce mea ad  
Deum, et inténdit mihi.

In die tribulatiónis meæ  
Deum exquisivi, mánibus  
meis nocte contra eum : \*  
et non sum decéptus.

Rénuit consolári ánima  
mea, \* memor fui Dei, et de-  
lectátus sum, et exercitátus  
sum : et defécit spíritus  
meus.

Anticipavérunt vigílias  
óculi mei : \* turbátus sum,  
et non sum locútus.

Cogitávi dies antiquos : \*  
et annos ætérnos in mente  
háui.

Et meditátus sum nocte cum corde meo, \* et exercitábar, et scopébam spíritum meum.

Numquid in ætérnum projiciet Deus : \* aut non appónet ut complacítior sit adhuc?

Aut in finem misericórdiam suam abscindet, \* a generatióne in generatióne?

Aut obliviscétur miseréri Deus? \* aut continébit in ira sua misericórdias suas?

Et dixi : Nunc cœpi : \* hæc mutátio dexteræ Excelsi.

Memor fui óperum Dómini : \* quia memor ero ab initio mirabilium tuórum,

Et meditábor in ómnibus opéribus tuis : \* et in adinventiόνibus tuis exercébor.

Deus in sancto via tua : quis Deus magnus sicut Deus noster? \* tu es Deus qui facis mirabilia.

Notam fecísti in pópulis virtútem tuam : \* redemísti in bráchio tuo pópulum tuum, filios Jacob, et Joseph.

Vidérunt te aquæ Deus, vidérunt te aquæ : \* et timuérunt, et turbátæ sunt abyssi.

Multitúdo sónitus aquarum : \* vocem dedérunt nubes.

Etenim sagittæ tuæ tráseunt : \* vox tonitrui tui in rota.

Illuxérunt coruscationes

tuæ orbi terræ : \* commóta est, et contrémuit terra.

In mari via tua, et sémitæ tuæ in aquis multis : \* et vestigia tua non cognoscéntur.

Deduxísti sicut oves pópulum tuum, \* in manu Móysi et Aaron.

### Psalmus 77.

**A**TTÉNDITE pópule meus legem meam : \* inclináte áurem vestram in verba oris mei.

Apériam in parábolis os meum : \* loquar propositiões ab initio.

Quanta audivimus et cognóvimus ea : \* et patres nostri narravérunt nobis.

Non sunt occultáta a filiis eórum, \* in generatióne áltera.

Narrántes láudes Dómini, et virtútes ejus, \* et mirabilia ejus, quæ fecit.

Et suscitávit testimónium in Jacob : \* et legem pósuit in Israél.

Quanta mandávit pátribus nostris nota fácere ea filiis suis : \* ut cognóscat generatio áltera.

Filii qui nascéntur, et exsúrgent, \* et narrábunt filiis suis,

Ut ponant in Deo spem suam, et non obliviscántur óperum Dei : \* et mandáta ejus exquirant :

Ne fiant sicut patres eórum : \* generatio prava et exásperans.

Generatio, quæ non diréxit



cor suum : \* et non est cre-  
ditus cum Deo spiritus ejus.

Filii Ephrem intendentes  
et mittentes arcum : \* con-  
versi sunt in die belli.

Non custodiérunt testa-  
mentum Dei : \* et in lege  
ejus noluerunt ambulare.

Et obliti sunt benefactorum  
ejus, \* et mirabilium  
ejus quæ ostendit eis.

Coram patribus eorum fe-  
cit mirabilia in terra Ægypti, \*  
in campo Taneos.

Interrupit mare, et perdú-  
xit eos : \* et statuit aquas  
quasi in utre.

Et deduxit eos in nube  
diei : \* et tota nocte in illu-  
minatione ignis.

Interrupit petram in eré-  
mo : \* et adaquavit eos velut  
in abyssu multa.

Et eduxit aquam de petra : \*  
et deduxit tamquam flumina  
aquas.

Et apposuerunt adhuc pec-  
care ei : \* in iram excitave-  
runt Excelsum in inaquoso.

Et tentaverunt Deum in  
cordibus suis : \* ut peterent  
escas animabus suis.

Et male locuti sunt de  
Deo : \* dixerunt : Numquid  
poterit Deus parare mensam  
in deserto?

Quoniam percussit pe-  
tram, et fluxerunt aquæ, \*  
et torrentes inundaverunt.

Numquid et panem poterit  
dare, \* aut parare mensam  
populo suo?

Ideo audivit Dominus, et  
distulit : \* et ignis accensus

est in Jacob, et ira ascendit  
in Israël :

Quia non crediderunt in  
Deo, \* nec speraverunt in  
salutari ejus :

Et mandavit nubibus de-  
super, \* et januas cæli apé-  
ruit.

Et pluit illis manna ad  
manducandum, \* et panem  
cæli dedit eis.

Panem Angelorum man-  
ducavit homo : \* cibaria  
misit eis in abundantia.

Transtulit Austrum de cæ-  
lo : \* et induxit in virtute  
sua Africum.

Et pluit super eos sicut  
pulverem carnes : \* et sicut  
arenam maris volatilia pen-  
nata.

Et ceciderunt in medio  
castrorum eorum : \* circa  
tabernacula eorum.

Et manducaverunt et satu-  
rati sunt nimis, et desidé-  
rium eorum attulit eis : \*  
non sunt fraudati a desidé-  
rio suo.

Adhuc escæ eorum erant  
in ore ipsorum : \* et ira Dei  
ascendit super eos.

Et occidit pingues eorum, \*  
et electos Israël impedivit.

In omnibus his peccave-  
runt adhuc : \* et non credi-  
derunt in mirabilibus ejus.

Et defecerunt in vanitate  
dies eorum : \* et anni eo-  
rum cum festinatione.

Cum occideret eos, quæ-  
rebant eum : \* et reverte-  
bantur, et diluculo venie-  
bant ad eum.

Et rememoráti sunt quia Deus adjútor est eórum : \* et Deus excélsus redemptor eórum est.

Et dilexérunt eum in ore suo, \* et lingua sua mentiti sunt ei :

Cor áutem eórum non erat rectum cum eo : \* nec fidéles hábiti sunt in testaméto ejus.

Ipse áutem est miséricors, et propítius fiet peccátis eórum : \* et non dispédet eos.

Et abundávit ut avérteret iram suam : \* et non accéndit omnem iram suam :

Et recordátus est quia caro sunt : \* spíritus vadens, et non rédiens.

Quóties exacerbavérunt eum in desérto, \* in iram concitavérunt eum in inaquóso?

Et convérsi sunt, et tén-tavérunt Deum : \* et sanctum Israél exacerbavérunt.

Non sunt recordáti manus ejus, \* die qua redémít eos de manu tribulántis,

Sicut pósuit in Ægýpto signa sua, \* et prodigia sua in campo Táneos.

Et convértit in sánguinem flúmina eórum : \* et imbres eórum, ne biberent.

Misit in eos cœnomyíam, et comédit eos : \* et ranam, et dispédidit eos.

Et dedit ærúgini fructus eórum : \* et labóres eórum locústæ.

Et occidit in grándine vi-

neas eórum : \* et moros eórum in pruina.

Et trádidit grándini juménta eórum : \* et possessiónem eórum igni.

Misit in eos iram indignatiónis suæ : \* indignatiónem, et iram, et tribulatiónem : immissiónes per ángelos malos.

Viam fecit sémitæ iræ suæ, non pepércit a morte animábus eórum : \* et juménta eórum in morte conclúsit.

Et percússit omne primogénitum in terra Ægýpti : \* primitias omnis labóris eórum in tabernáculis Cham.

Et ábstulit sicut oves pópulum suum : \* et perdúxit eos tamquam gregem in desérto.

Et dedúxit eos in spe, et non timuérunt : \* et inimicos eórum opérui mare.

Et indúxit eos in montem sanctificatiónis suæ : \* montem, quem acquisívit déxtera ejus.

Et ejécit a fácie eórum gentes : \* et sorte divisit eis terram in funículo distributiónis.

Et habitáre fecit in tabernáculis eórum \* tribus Israél.

Et tentavérunt, et exacerbavérunt Deum excélsu : \* et testimónia ejus non custodiérunt.

Et avertérunt se, et non servavérunt pactum : \* quemádmodum patres eórum,



convérsi sunt in arcum prævum.

In iram concitavérunt eum in cóllibus suis : \* et in sculptilibus suis ad æmulationem eum provocavérunt.

Audívit Deus, et sprexit : \* et ad nihilum redégit valde Israël.

Et répulit tabernáculum Silo, \* tabernáculum suum, ubi habitávit in hominibus.

Et trádedit in captivitátem virtútem eórum : \* et pulchritúdinem eórum in manus inimici.

Et conclúsit in gládio populum suum, \* et hereditatem suam sprexit.

Júvenes eórum comédit ignis : \* et vírgines eórum non sunt lamentátæ.

Sacerdótes eórum in gládio cecidérunt : \* et viduæ eórum non plorabántur.

Et excitátus est tamquam dórmienti Dóminus, \* tamquam potens crapulátus a vino.

Et percússit inimicos suos in posterióra : \* oppróbrium sempitérnum dedit illis.

Et répulit tabernáculum Joseph : \* et tribum Ephraïm non elégit :

Sed elégit tribum Juda, \* montem Sion quem diléxit.

Et ædificávit sicut unicórni sanctificium suum in terra, \* quam fundávit in sæcula.

Et elégit David servum suum, et sústulit eum de

grégibus óvium : \* de post foetántes accépit eum,

Páscere Jacob servum suum, \* et Israël hereditátem suam :

Et pavit eos in innocentia cordis sui : \* et in intelléctibus mánuum suárum dedúxit eos.

**Ant.** Tu es Deus, qui facis mirabilia.

**Ant.** Propítius esto.

**Psalmus 78.**

**D**EUS, venérunt gentes in hereditátem tuam, poluérunt templum sanctum tuum : \* posuérunt Jerúsalem in pomórum custódiam.

Posuérunt morticina servórum tuórum, escas volatilibus cæli : \* carnes sanctórum tuórum béstiis terræ.

Effudérunt ságuinem eórum tamquam aquam in circúitu Jerúsalem : \* et non erat qui sepeliret.

Facti sumus oppróbrium vicinis nostris : \* subsannatio et illúsis his, qui in circúitu nostro sunt.

Usquequo Dómine irascéris in finem : \* accendétur velut ignis zelus tuus?

Effúnde iram tuam in gentes, quæ te non novérunt : \* et in regna, quæ nomen tuum non invocavérunt :

Quia comedérunt Jacob : \* et locum ejus desolavérunt.

Ne memíneris iniquitátum nostrárum antiquárum, cito anticipent nos misericórdiæ tuæ : \* quia páuperes facti sumus nimis.

Adjuva nos Deus salutáris noster : et propter glóriam nóminis tui Dómine libera nos : \* et propítius esto peccátiis nostris, propter nomen tuum :

Ne forte dicant in géntibus : Ubi est Deus eórum ? \* et innotéscat in natióibus coram óculis nostris.

Ultio sánguiniis servórum tuórum, qui effúsus est : \* intróeat in conspéctu tuo gémitus compeditórum.

Secúndum magnitúdinem bráchií tui, \* pösside filios mortificatórum.

Et redde vicinis nostris séptuplum in sinu eórum : \* impropérium ipsórum, quod exprobravérunt tibi Dómine.

Nos áutem pópulus tuus, et oves páscuæ tuæ, \* confitébimur tibi in sáeculum.

In generatióem et generatióem \* annuntiábimus láudem tuam.

### Psalmus 79.

**Q**UI regis Israël, inténde : \* qui dedúcis velut ovem Joseph.

Qui sedes super Chérubim, \* manifestáre coram Ephraím, Bénjamin, et Manásse.

Excita poténtiam tuam, et veni, \* ut salvos fácias nos.

Deus convérte nos : \* et osténde fáciem tuam, et salvi érimus.

Dómine Deus virtútum, \* quóusque irascéris super ratióem servi tui ?

Cibábis nos pane lacry-

márum : \* et potum dabis nobis in lácrymis in mensúra ?

Posuísti nos in contraditióem vicinis nostris : \* et inimíci nostri subsannavérunt nos.

Deus virtútum convérte nos : \* et osténde fáciem tuam, et salvi érimus.

Vineam de Ægýpto transtulisti : \* eiecisti gentes, et plantásti eam.

Dux itineris fuísti in conspéctu ejus : \* plantásti radices ejus, et implévit terram.

Opéruit montes umbra ejus : \* et arbústa ejus cedros Dei.

Exténdit pálmites suos usque ad mare : \* et usque ad flumen propágines ejus.

Ut quid destruxísti macériam ejus : \* et vindémiant eam omnes, qui prætergre-diúntur viam ?

Exterminávit eam aper de silva : \* et singuláris ferus depástus est eam.

Deus virtútum convérte-re : \* réspice de cælo, et vide, et visita vineam istam.

Et pérfice eam, quam plantávit dextera tua : \* et super filium hóminis, quem confirmásti tibi.

Incénsa igni, et suffóssa \* ab increpatione vultus tui peribunt.

Fiat manus tua super virum dexterae tuæ : \* et super filium hóminis, quem confirmásti tibi.

Et non discédimus a te,



vivificábis nos : \* et nomen tuum invocábinus.

Dómine Deus virtútum convérte nos : \* et osténde faciém tuam, et salvi érimus.

**Ant.** Propítius esto peccáti nostris Dómine.

**In Quadrag.** *ŷ.* Ipse liberávit me de láqueo venántium. *Ŕ.* Et a verbo áspéro.

**Tempore Passionis,** *ŷ.* Erue a frámea Deus ánimam meam. *Ŕ.* Et de manu canis únicam meam.

**Tempore Paschali, Ant.** Allelúia, allelúia, allelúia.

*ŷ.* Surréxit Dóminus de sepúlcro, allelúia. *Ŕ.* Qui pro nobis pepéndit in ligno, allelúia.

**Pro uno vel plur. Mart.** **Tempore Paschali,** *ŷ.* Sancti et iusti in Dómino gaudéte, allelúia. *Ŕ.* Vos elégit Deus in hereditátem sibi, allelúia.

**Pro Conf. Pont. et non Pont. Temp. Pasch.** *ŷ.* Amávit eum Dóminus, et ornávit eum, allelúia. *Ŕ.* Stolum glóriæ induit eum, allelúia.

**Pro una Sancta Temp. Pasch.** *ŷ.* Spécie tua et pulchritúdine tua, allelúia. *Ŕ.* Inténde, prospere procéde, et regna, allelúia.

#### AD LAUDES

**Ant.** Tibi soli peccávi : \* Dómine miserére mei.

**Ps.** Miserére mei. 60.

**Ant.** Dómine.

#### Psalmus 89.

**D**ÓMINE refúgium factus es nobis : \* a generatióne in generatióem.

Priúsqvam montes fierent, aut formarétur terra, et orbis, \* a sáculo et usque in sáculum tu es Deus.

Ne avértas hóminem in humilitátem : \* et dixisti : Convertimini filii hóminum.

Quóniam mille anni ante óculos tuos, \* tamquam dies hestérna, quæ prætériit,

Et custódia in nocte, \* quæ pro nihilo habéntur, eórum anni erunt.

Mane sicut herba tránseat, mane flóreat, et tránseat : \* véspere decídat, indúret, et aréscat.

Quia defécimus in ira tua, \* et in furóre tuo turbáti sumus.

Posuisti iniquitátes nostras in conspéctu tuo : \* sáculum nostrum in illuminatióne vultus tui.

Quóniam omnes dies nostri defecérunt : \* et in ira tua defécimus.

Anni nostri sicut arána meditabúntur : \* dies annórum nostrórum in ipsis, septuaginta anni.

Si áutem in potentátibus, octoginta anni : \* et ámplius eórum, labor et dolor.

Quóniam supervénit mansuetúdo : \* et corripiémur.

Quis novit potestátem iræ tuæ : \* et præ timóre tuo iram tuam dinumeráre?

Déxteram tuam sic notam fac : \* et eruditos corde in sapiéntia.

Convértere Dómine úsque-

quo? \* et deprecábilis esto super servos tuos.

Repléti sumus mane misericórdia tua : \* et exsultávimus, et delectáti sumus omnibus diébus nostris.

Lætáti sumus pro diébus, quibus nos humiliásti : \* annis, quibus vidimus mala.

Réspice in servos tuos, et in ópera tua : \* et dirige filios eórum.

Et sit splendor Dómini Dei nostri super nos, et ópera mánuum nostrárum dirige super nos : \* et opus mánuum nostrárum dirige.

**Ant.** Dómine refúgium factus es nobis.

**Ant.** In matutinis \* meditabor in te.

**Ps.** Deus Deus meus. 18.

**Ant.** Cantémus.

**Canticum Moysi. Exod. 15.**

**C**ANTÉMUS Dómino : glorióse enim magnificátus est, \* equum et ascensórem dejécit in mare.

Fortitúdo mea, et laus mea Dóminus, \* et factus est mihi in salútem :

Iste Deus meus, et gloriificábo eum : \* Deus patris mei, et exaltábo eum.

Dóminus quasi vir pugnátor, Omnipotens nomen ejus. \* Currus Pharaónis et exercitum ejus projécit in mare.

Elécti principes ejus submersi sunt in mari Rubro : \* abyssi operuérunt eos, descendérunt in profúndum quasi lapis.

Déxtera tua Dómine magnificáta est in fortitúdine : déxtera tua Dómine percúsit inimicum. \* Et in multitúdine glóriæ tuæ deposuisti adversários tuos :

Misisti iram tuam, quæ devorávit eos sicut stipulam. \* Et in spiritu furóris tui congregátæ sunt aquæ :

Stetit unda fluens, \* congregátæ sunt abyssi in médio mari.

Dixit inimicus : Pérsequar et comprehéndam, \* dividam spólia, implébitur ánima mea :

Evaginábo gládium meum, \* interficiet eos manus mea.

Flavit spíritus tuus, et opéruit eos mare : \* submersi sunt quasi plumbum in aquis veheméntibus.

Quis similis tui in fórtibus Dómine? \* quis similis tui, magnificus in sanctitáte, terribilis atque laudábilis, fáciens mirabilia?

Extendisti manum tuam, et devorávit eos terra. \* Dux fuisti in misericórdia tua pópulo quem redemisti :

Et portásti eum in fortitúdine tua, \* ad habitáculum sanctum tuum.

Ascendérunt pópuli, et iráti sunt : \* dolóres obtinuérunt habitátóres Philístiim.

Tunc conturbáti sunt principes Edom, robústos Moab obtinuit tremor : \* obriguérunt omnes habitátóres Chánaan.



Irruat super eos formído et pavor, \* in magnítudine bráchií tui :

Fiant immóbiles quasi lapís, donec pertránseat pópulus tuus Dómine, \* donec pertránseat pópulus tuus iste, quem possedisti.

Introdúces eos, et plantábis in monte hereditátis tuæ, \* firmissimo habitáculo tuo quod operátus es Dómine :

Sanctuárium tuum Dómine, quod firmavérunt manus tuæ. \* Dóminus regnábit in ætérnum et ultra.

Ingréssus est enim eques Phárao cum cúrribus et equítibus ejus in mare : \* et redúxit super eos Dóminus aquas maris :

Filii áutem Israél ambulavérunt per siccum \* in médio ejus.

**Ant.** Cantémus Dómino glorióse.

**Ant.** In sanctis ejus \* laudáte Deum.

**Ps.** Laudáte Dóminum de cælis. 20.

*In Quadrag. Capit., Hymn. et v. ut in Laud. Fer. II. 62.*

*Ad Bened. Ant. propria, ut in Feriis Quadragesimæ.*

*Preces, quando dicuntur, habentur supra in Feria II. 63.*

## FERIA SEXTA

### AD MATUTINUM

*In Quadrag. Invit.* Adorémus Dóminum : \* Quóniam ipse fecit nos.

**Ps.** Veníte, exsultémus. 2.  
**Hymn.** Ex more docti. **ut in Dom.** 3.

**Tempore Paschali, Invit.** Allelúia, allelúia, \* Allelúia.  
**Hymn.** Rex sempitérne. **ut in Dom.** 3.

**Ant.** Exsultáte.  
**Tempore Paschali, Ant.** Allelúia.

### Psalmus 80.

**E**XSULTÁTE Deo adjutóri nostro : \* jubiláte Deo Jacob.

Súmíte psalmum, et date týmpanum : \* psaltérium jucúndum cum cithara.

Buccináte in Neoménia tuba, \* in insigni die solemnitátis vestræ.

Quia præcéptum in Israél est : \* et iudícium Deo Jacob.

Testimónium in Joseph pósuit illud, cum exíret de terra Ægýpti : \* linguam, quam non nóverat, audivit.

Divértit ab onéribus dorsum ejus : \* manus ejus in cóphino serviérunt.

In tribulatióne invocásti me, et liberávi te : \* exaudivi te in abscóndito tempestátis : probávi te apud aquam contradiciónis.

Audi pópulus meus, et contestábor te : \* Israél si audieris me, non érit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægýpti : \* diláta os tuum, et implébo illud.

Et non audivit pópulus

meus vocem meam : \* et Israël non inténdit mihi.

Et dimisi eos secundum desideria cordis eorum, \* ibunt in adinventiónibus suis.

Si pópulus meus audisset me : \* Israël si in viis meis ambulasset :

Pro nihilo fórsitan inimicos eorum humiliassem : \* et super tribulantes eos misissem manum meam.

Inimici Dómini mentiti sunt ei : \* et erit tempus eorum in sæcula.

Et cibávit eos ex ádipe fruménti : \* et de petra, melle saturávit eos.

**Psalmus 81.**

**D**EUS stetit in synagoga deórum : \* in médio áutem deos dijúdicat.

Usquequo judicátis iniquitatem : \* et fácies peccatórum súmitis?

Judicáte egéno, et pupillo : \* húmitem, et páuperem justificáte.

Eripite páuperem : \* et egénium de manu peccatóris liberáte.

Nesciérunt, neque intellexerunt, in ténebris ámbulant : \* movebúntur ómnia fundaménta terræ.

Ego dixi : Dii estis, \* et filii Excélsi omnes.

Vos áutem sicut hómines moriémmini : \* et sicut unus de principibus cadétis.

Surge Deus, júdica terram : \* quóniam tu hereditábis in ómnibus géntibus.

**Ant.** Exsultáte Deo adjutori nostro.

**Ant.** Tu solus.

**Psalmus 82.**

**D**EUS, quis similis erit tibi? \* Ne táceas, neque compescáris Deus :

Quóniam ecce inimici tui sonuérunt : \* et qui odérunt te, extulérunt caput.

Super pópulum tuum malignavérunt consilium : \* et cogitavérunt advérsus sanctos tuos.

Dixerunt : Veníte, et disperdámus eos de gente : \* et non memorétur nomen Israël ultra.

Quóniam cogitavérunt unánimiter : \* simul advérsus te testaméntum disposuérunt, tabernácula Idumæórum et Ismaélitæ :

Moab, et Agaréni, Gebal, et Ammon, et Amalec : \* alienígenæ cum habitántibus Tyrum.

Etenim Assur venit cum illis : \* facti sunt in adjutoriū filiis Lot.

Fac illis sicut Mádian, et Sísaræ : \* sicut Jabin in torrente Cisson.

Disperiérunt in Endor : \* facti sunt ut stercus terræ.

Pone principes eorum sicut Oreb, et Zeb, \* et Zébee, et Sálmana :

Omnes principes eorum : \* qui dixerunt : Hereditáte possideámus sanctuárium Dei.

Deus meus pone illos ut rotam : \* et sicut stipulam ante faciē venti.



Sicut ignis, qui combúrit silvam : \* et sicut flamma combúrens montes :

Ita persequéris illos in tempestáte tua : \* et in ira tua turbábis eos.

Imple fácies eórum ignominia : \* et quærent nomen tuum Dómine.

Erubéscant et conturbéntur in sáculum sáculi : \* et confundántur, et péreant.

Et cognóscant quia nomen tibi Dóminus : \* tu solus Altíssimus in omni terra.

**Psalmus 83.**

**Q**UAM dilécta tabernácula tua Dómine virtútum : \* concupiscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in sácula sæculórum laudábunt te.

Beátus vir, cujus est auxiliium abs te : \* ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtúte in virtútem : \* vidébitur Deus deórum in Sion.

Dómine Deus virtútum exáudi oratióem meam : \* áuribus pércipe Deus Jacob.

Protéctor noster ádspice Deus : \* et réspice in fáciem Christi tui :

Quia mélior est dies una in átriis tuis, \* super millia.

Elégi abjéctus esse in domo Dei mei : \* magis quam habitáre in tabernáculis peccatórum.

Quia misericórdiam, et veritátem diligit Deus : \* grátiam et glóriam dabit Dóminus.

Non privábit bonis eos, qui ámbulant in innocentia : \* Dómine virtútum, beátus homo, qui sperat in te.

**Ant.** Tu solus Altíssimus super omnem terram.

**Ant.** Benedixísti.

**Psalmus 84.**

**B**ENEDIXISTI Dómine terram tuam : \* avertísti captivitátem Jacob.

Remisísti iniquitátem plebis tuæ : \* operuísti ómnia peccáta eórum.

Mitigásti omnem iram tuam : \* avertísti ab ira indignatiónis tuæ.

Convérte nos Deus salutáris noster : \* et avérte iram tuam a nobis.

Numquid in ætérnum irascéris nobis? \* aut exténderis iram tuam a generatióne in generatiónem?

Deus tu convérsus vivificábis nos : \* et plebs tua lætábitur in te.

Osténde nobis Dómine misericórdiam tuam : \* et salutáre tuum da nobis.

Audiam quid loquátur in

me Dóminus Deus : \* quóniam loquétur pacem in plebem suam.

Et super sanctos suos : \* et in eos, qui convertúntur ad cor.

Verúntamen prope timéntes eum salutáre ipsíus : \* ut inhábitet glória in terra nostra.

Misericórdia, et véritas obviavérunt sibi : \* justitia, et pax osculátæ sunt.

Véritas de terra orta est : \* et justitia de cælo prospéxit.

Etenim Dóminus dabit benignitátem : \* et terra nostra dabit fructum suum.

Justitia ante eum ambulábit : \* et ponet in via gressus suos.

### Psalmus 85.

**I**NCLÍNA Dómine áurem tuam, et exáudi me : \* quóniam inops, et páuper sum ego.

Custódi ánimam meam, quóniam sanctus sum : \* saluum fac servum tuum, Deus meus, sperántem in te.

Miserére mei Dómine, quóniam ad te clamávi tota die : \* lætifica ánimam servi tui, quóniam ad te Dómine ánimam meam levávi.

Quóniam tu Dómine suávis, et mitis : \* et multæ misericórdiæ ómnibus invocántibus te.

Auribus pércipe Dómine oratióem meam : \* et inténde voci deprecationis meæ.

In die tribulatiónis meæ

clamávi ad te : \* quia exaudisti me.

Non est similis tui in diis Dómine : \* et non est secúndum ópera tua.

Omnes gentes quascúmque fecisti, vénient, et adorábunt coram te Dómine : \* et glorificábunt nomen tuum.

Quóniam magnus es tu, et fáciens mirabilia : \* tu es Deus solus.

Deduc me Dómine in via tua, et ingrédiar in veritaté tua : \* lætétur cor meum, ut timeat nomen tuum.

Confitébor tibi Dómine Deus meus in toto corde meo, \* et glorificábo nomen tuum in ætérnum :

Quia misericórdia tua magna est super me : \* et eruisti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam : \* et non proposuérunt te in conspéctu suo.

Et tu Dómine Deus miserátor et miséricors, \* pátiens, et multæ misericórdiæ, et verax.

Réspice in me, et miserére mei, \* da impérium tuum púero tuo : et saluum fac filium ancillæ tuæ.

Fac mecum signum in bonum, ut vídeant qui odérunt me, et confundántur : \* quóniam tu Dómine adjuvisti me, et consolátus es me.

**Ant.** Benedixisti Dómine terram tuam.



**Ant.** Fundaménta ejus.

**Psalmus 86.**

**F**UNDAMÉNTA ejus in món-  
tibus sanctis : \* diligit  
Dóminus portas Sion super  
ómnia tabernácula Jacob.

Gloriósa dicta sunt de te, \*  
civitas Dei.

Memor ero Rahab, et Ba-  
bylónis \* sciéntium me.

Ecce alienígenæ, et Ty-  
rus, et pópulus Æthiopum, \*  
hi fuérunt illic.

Numquid Sion dicet : Ho-  
mo, et homo natus est in  
ea : \* et ipse fundávit eam  
Altissimus?

Dóminus narrábit in scri-  
ptúris populórum, et prin-  
cipum : \* horum, qui fué-  
runt in ea.

Sicut lætántium ómnium \*  
habitátio est in te.

**Psalmus 87.**

**D**ÓMINE Deus salútis meæ : \*  
in die clamávi, et nocte  
coram te.

Intret in conspéctu tuo  
orátio mea : \* inclina áurem  
tuam ad precem meam :

Quia repléta est malis áni-  
ma mea : \* et vita mea in-  
férno appropinquávit.

Æstimátus sum cum de-  
scendéntibus in lacum : \*  
factus sum sicut homo sine  
adjutório, inter mórtuos li-  
ber.

Sicut vulneráti dormién-  
tes in sepúlcris, quorum  
non es memor ámplius : \*  
et ipsi de manu tua repúlsi  
sunt.

Posuérunt me in lacu in-

ferióri : \* in tenebrósis, et  
in umbra mortis.

Super me confirmátus est  
furor tuus : \* et omnes flu-  
ctus tuos induxísti super  
me.

Longe fecísti notos meos  
a me : \* posuérunt me abo-  
minationem sibi.

Tráditus sum, et non egre-  
diébar : \* óculi mei langué-  
runt præ inópia.

Clamávi ad te Dómine tota  
die : \* expándi ad te manus  
meas.

Numquid mórtuis fácies  
mirabilia : \* aut médici sus-  
citábunt, et confitebúntur  
tibi?

Numquid narrábit áliquis  
in sepúlcro misericórdiam  
tuam, \* et veritátem tuam  
in perditíone?

Numquid cognoscéntur  
in ténebris mirabilia tua : \*  
et justitia tua in terra obli-  
viónis?

Et ego ad te Dómine cla-  
mávi : \* et mane orátio mea  
præveniet te.

Ut quid Dómine repéllis  
oratiómem meam : \* avértis  
fáciem tuam a me?

Páuper sum ego, et in la-  
bóribus a juventúte mea : \*  
exaltátus áutem, humiliátus  
sum et conturbátus.

In me transiérunt iræ  
tuæ : \* et terróres tui con-  
turbavérunt me.

Circumdedérunt me sicut  
aqua tota die : \* circumde-  
dérunt me simul.

Elongásti a me amicum

et próximum : \* et notos meos a miséria.

**Ant.** Fundaménta ejus in móntibus sanctis.

**Ant.** Benedictus.

**Psalmus 88.**

**M**ISERICÓRDIAS Dómini \* in ætérnum cantábo.

In generatióem et generatióem \* annuntiábo veritátem tuam in ore meo.

Quóniam dixisti : In ætérnum misericórdia ædificábitur in cælis : \* præparábitur véritas tua in eis.

Dispósui testaméntum eléctis meis, jurávi David servo meo : \* usque in ætérnum præparábo semen tuum.

Et ædificábo in generatióem, et generatióem \* sedem tuam.

Confitebúntur cæli mirabilia tua Dómine : \* étenim veritátem tuam in ecclésia sanctórum.

Quóniam quis in núbibus æquábitur Dómino : \* similis erit Deo in filiis Dei?

Deus, qui glorificátur in consílio sanctórum : \* magnus et terríbilis super omnes qui in circúitu ejus sunt.

Dómine Deus virtútum quis similis tibi? \* potens es Dómine, et véritas tua in circúitu tuo.

Tu domináris potestáti maris : \* motum áutem flúctuum ejus tu mítigas.

Tu humiliásti sicut vulnerátum, supérbum : \* in bráchio virtútis tuæ dispersisti inimicos tuos.

Tui sunt cæli, et tua est terra, orbem terræ et plenitudinem ejus tu fundásti : \* Aquilónem, et mare tu creásti.

Thabor et Hermon in nómine tuo exsultábunt : \* tuum bráchium cum poténtia.

Firmétur manus tua, et exaltétur délixtera tua : \* justitia et judícium præparátio sedis tuæ.

Misericórdia et véritas præcédent fáciem tuam : \* beátus pópulus, qui scit jubilatióem.

Dómine, in lúmine vultus tui ambulábunt, et in nómine tuo exsultábunt tota die : \* et in justitia tua exaltabúntur.

Quóniam glória virtútis eórum tu es : \* et in beneplácito tuo exaltábitur cornu nostrum.

Quia Dómini est assumptio nostra : \* et sancti Israël regis nostri.

Tunc locútus es in visióne sanctis tuis, et dixisti : \* Pó sui adjutórium in poténte : et exaltávi eléctum de plebe mea.

Inveni David servum meum : \* óleo sancto meo unxi eum.

Manus enim mea auxiliábitur ei : \* et bráchium meum confortábit eum.

Nihil proficiet inimicus in eo, \* et filius iniquitátis non appónet nocére ei.

Et concídam a fácie ipsius



inimicos ejus : \* et odiéntes eum in fugam convértam.

Et véritas mea, et misericórdia mea cum ipso : \* et in nómine meo exaltábitur cornu ejus.

Et ponam in mari manum ejus : \* et in flumínibus dexteram ejus.

Ipse invocábit me : Pater meus es tu : \* Deus meus, et suscēptor salútis meæ.

Et ego primogénitum ponam illum \* excēsum præ régibus terræ.

In ætérnum servábo illi misericórdiam meam : \* et testaméntum meum fidéle ipsi.

Et ponam in sæculum sæculi semen ejus : \* et thronum ejus sicut dies cæli.

Si áutem dereliquerint filii ejus legem meam : \* et in judiciis meis non ambuláverint :

Si justitias meas profanáverint : \* et mandáta mea non custodierint :

Visitábo in virga iniquitátes eórum : \* et in verbéribus peccáta eórum.

Misericórdiam áutem meam non dispérgam ab eo : \* neque nocébo in veritáte mea :

Neque profanábo testaméntum meum : \* et quæ procédunt de lábiis meis, non fáciam irrita.

Semeljurávi in sancto meo, si David méntiar : \* semen ejus in ætérnum manébit.

Et thronus ejus sicut sol in conspéctu meo, \* et sicut

luna perfécta in ætérnum : et testis in cælo fidélis.

Tu vero repulisti et desexisti : \* distulisti christum tuum.

Evertisti testaméntum servi tui : \* profanásti in terra sanctuárium ejus.

Destruxisti omnes sepes ejus : \* posuisti firmaméntum ejus formidinem.

Diripuérunt eum omnes transeúntes viam : \* factus est oppróbrium vicínis suis.

Exaltásti dexteram depri méntium eum : \* lætificásti omnes inimicos ejus.

Avertisti adjutórium gládi ejus : \* et non es auxiliátus ei in bello.

Destruxisti eum ab emundatióne : \* et sedem ejus in terram collisisti.

Minorásti dies témporis ejus : \* perfudisti eum confusióne.

Usquequo Dómine avértis in finem : \* exardéscet sicut ignis ira tua?

Memoráre quæ mea substantia : \* numquid enim vane constituísti omnes filios hóminum?

Quis est homo, qui vivet, et non vidébit mortem : \* érueť animam suam de manu inferi?

Ubi sunt misericórdiæ tuæ antiquæ Dómine, \* sicut jurásti David in veritáte tua?

Memor esto Dómine oppróbrii servórum tuórum \* (quod continui in sinu meo) multárum géntium.

Quod exprobravérunt inimici tui Dómine, \* quod exprobravérunt commutatióem Christi tui.

Benedictus Dóminus in ætérnum : \* fiat, fiat.

**Psalmus 93.**

**D**EUS ultiónum Dóminus : \* Deus ultiónum libere egit.

Exaltáre, qui júdicas terram : \* redde retributióem superbis.

Usquequo peccatóres Dómine : \* úsquequo peccátóres gloriabúntur :

Effabúntur, et loquéntur iniquitátem : \* loquéntur omnes, qui operántur injustitiam?

Pópulum tuum Dómine humiliavérunt : \* et hereditátem tuam vexavérunt.

Viduum, et ádvenam interfecérunt : \* et pupílos occiderunt.

Et dixerunt : Non vidébit Dóminus, \* nec intélliget Deus Jacob.

Intelligite insipientes in pópulo : \* et stulti aliquándo sápite.

Qui plantávit áurem, non áudiet? \* aut qui finxit óculum, non considerat?

Qui córripit gentes, non árguet : \* qui docet hóminem sciéntiam?

Dóminus scit cogitatióes hóminum, \* quóniam vanæ sunt.

Beátus homo, quem tu erudieris Dómine : \* et de lege tua docúeris eum,

Ut mitiges ei a diébus

malis : \* donec fodiátur peccatóri fóvea.

Quia non repéllet Dóminus plebem suam : \* et hereditátem suam non derelinquet.

Quoadúsque justitia convertátur in iudicium : \* et qui juxta illam omnes qui recto sunt corde.

Quis consúrget mihi advérsus malignántes? \* aut quis stabit mecum advérsus operántes iniquitátem?

Nisi quia Dóminus adjúvit me, \* páulo minus habitásset in inférno ánima mea.

Si dicébam : Motus est pes meus : \* misericórdia tua Dómine adjuvábam me.

Secúndum multitudinem dolórum meórum in corde meo : \* consolatióes tuæ lætificavérunt ánimam meam.

Numquid adhæret tibi sedes iniquitátis : \* qui fingis labórem in præcépto?

Captábunt in ánimam iusti : \* et sánguinem innocentem condemnábunt.

Et factus est mihi Dóminus in refúgium : \* et Deus meus in adjutórium spei meæ.

Et reddet illis iniquitátem ipsórum : et in malitia eórum dispédet eos : \* dispédet illos Dóminus Deus noster.

**Ant.** Benedictus Dóminus in ætérnum.

**Ant.** Cantáte.

**Psalmus 95.**

**C**ANTÁTE Dómino cánticum novum : \* cantáte Dómino omnis terra.



Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terríbilis est super omnes deos.

Quóniam omnes dii géntium dæmónia : \* Dóminus áutem cælos fecit.

Conféssio, et pulchritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávit.

Etenim corréxit orbem terræ qui non commovébitur : \* judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : \* gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

### Psalmus 96.

**D**ÓMINUS regnávit, exsúltet terra : \* læténtur insulæ multæ.

Nubes, et caligo in circúitu ejus : \* justitia, et judícium corréctio sedis ejus.

Ignis ante ipsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

\* Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et lætáta est Sion.

Et exsultavérunt filiæ Judæ, \* propter judícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómi-

no : \* et confitémini memóriæ sanctificatiónis ejus.

**Ant.** Cantáte Dómino, et benedicite nómini ejus.

**In Quadrag.** V. Scápolis suis obumbrábit tibi. R. Et sub pennis ejus sperábis.

**Tempore Passionis,** V. De ore leónis libera me Dómine. R. Et a cór nibus unicór nium humilitátem meam.

**Tempore Paschali,** **Ant.** Allelúia, allelúia, allelúia.

V. Surréxit Dóminus vere, allelúia. R. Et appáruit Simóni, allelúia.

**Pro uno vel plur. Mart.** **Tempore Paschali,** V. Lux perpétua lucébit sanctis tuis Dómine, allelúia. R. Et ætér nitas témporum, allelúia.

**Pro Conf. Pont. Tempore Paschali,** V. Elégit eum Dóminus sacerdotem sibi, allelúia. R. Ad sacrificándum ei hóstiam láudis, allelúia.

**Pro Conf. non Pont. Temp. Pasch.** V. Os justi meditábitur sapiéntiam, allelúia. R. Et lingua ejus loquétur judícium, allelúia.

**Pro una Sancta Temp. Pasch.** V. Adjuvábít eam Deus vultu suo, allelúia. R. Deus in médio ejus, non commovébitur, allelúia.

#### AD LAUDES

**Ant.** Spiritu principáli \* confirma cor meum Deus.

**Ps.** Miserére. 60.

**Ant.** In veritáte.

**Psalmus 142.**

**D**ÓMINE exáudi oratió nem meam : áuribus pércipe

obsecratió nem meam in ve ritáte tua : \* exáudi me in tua justitia.

Et non intres in judícium cum servo tuo : \* quia non justificábitur in conspéctu tuo omnis vivens.

Quia persecútus est ini micus ánimam meam : \* humiliávit in terra vitam meam.

Collocávit me in obscúris sicut mórtuos sæculi : \* et anxiátus est super me spíri tus meus, in me turbátum est cor meum.

Memor fui diérum anti quórum, meditátus sum in ómnibus opéribus tuis : \* in factis mánuum tuárum me ditábar.

Expándi manus meas ad te : \* ánima mea sicut terra sine aqua tibi.

Velóciter exáudi me Dómine : \* defécit spiritus meus.

Non avértas fáciem tuam a me : \* et símilis ero de scendéntibus in lacum.

Auditam fac mihi mane misericórdiam tuam : \* quia in te sperávi.

Notam fac mihi viam, in qua ámbulem : \* quia ad te levávi ánimam meam.

Eripe me de inimicis meis Dómine, ad te confúgi : \* doce me fácere voluntátem tuam, quia Deus meus es tu.

Spíritus tuus bonus dedú cet me in terram rectam : \* propter nomen tuum Dómine vivificábis me, in æquitáte tua.



Edúces de tribulatióne ánimam meam : \* et in misericórdia tua dispérdes inimicos meos.

Et perdes omnes, qui tribulant ánimam meam : \* quóniam ego servus tuus sum.

**Ant.** In veritáte tua exáudi me Dómine.

**Ant.** Illúmina Dómine \* vultum tuum super nos.

**Ps.** Deus Deus meus. 18.

**Ant.** Dómine.

**Canticum Habacuc. Cap. 3.**

**D**ÓMINE audiui auditiónem tuam, \* et tímui.

Dómine opus tuum, \* in médio annórum vivífica illud :

In médio annórum notum fácies : \* cum irátus fúeris, misericórdiæ recordáberis.

Deus ab Austro véniet, \* et sanctus de monte Pharan :

Opéruiť cælos glória ejus : \* et láudis ejus plena est terra.

Splendor ejus ut lux erit : \* córnua in mánibus ejus :

Ibi abscondita est fortitúdo ejus : \* ante faciẽm ejus ibit mors.

Et egrediétur diábolus ante pedes ejus. \* Stetit, et mensus est terram.

Adspéxit, et dissólvit gentes : \* et contriti sunt montes sæculi.

Incurváti sunt colles mundi, \* ab itinéribus æternitátis ejus.

Pro iniquitáte vidi tentória Æthiopiæ, \* turbabúntur pelles terræ Mádian.

Numquid in fluminibus irátus es Dómine? \* aut in

fluminibus furor tuus? vel in mari indignatio tua?

Qui ascénderes super equos tuos : \* et quadrigæ tuæ salvatio.

Súscitans suscitábis arcum tuum : \* juraménta tribubus quæ locútus es.

Flúvios scindes terræ : vidérunt te, et doluerunt montes : \* gurges aquárum tránsiit.

Dedit abyssus vocem suam : \* altitúdo manus suas levávit.

Sol, et luna stetérunt in habitáculo suo, \* in luce sagittárum tuárum, ibunt in splendóre fulgurántis hastæ tuæ.

In frémitu conculeábis terram : \* et in furóre obstupescías gentes.

Egréssus es in salutẽm pópuli tui : \* in salutẽm cum Christo tuo.

Percussisti caput de domo impii : \* denudásti fundaméntum ejus usque ad collum.

Maledixisti sceptris ejus, cápiti bellatórum ejus, \* veniéntibus ut turbo ad dispergéndum me.

Exsultatio eórum \* sicut ejus, qui dévorat páuperem in abscondito.

Viam fecisti in mari equis tuis, \* in luto aquárum multárum.

Audiui, et conturbátus est venter meus : \* a voce contremuérunt lábia mea.

Ingrediátur putrédo in óssibus meis, \* et subter me scáteat.

Ut requiescam in die tribulationis : \* ut ascendam ad pópulum accinctum nostrum.

Ficus enim non florébit : \* et non erit germen in vineis.

Mentiétur opus olivæ : \* et arva non áfferent cibum.

Abscindétur de ovili pecus : \* et non erit armén-tum in præsépibus.

Ego áutem in Dómino gaudébo : \* et exultábo in Deo Jesu meo.

Deus Dóminus fortitúdo mea : \* et ponet pedes meos quasi cervórum,

Et super excélsa mea dedúcet me victor \* in psalmis canéntem.

**Ant.** Dómine audívi auditum tuum, et tímui.

**Ant.** In týmpano \* et choro, in chordis et órgano laudáte Deum.

**Ps.** Laudáte Dóminum de cælis. 20.

**In Quadragesima, Capit., Hymn. et V. ut in Laud. Feriæ II. 62.**

**Ad Bened. Ant. propria, ut in Feriis Quadrag.**

**Preces, quando dicendæ sunt, habentur supra in Feria II. 63.**

## SABBATO

### AD MATUTINUM

**In Quadrag. Invit.** Dóminus Deum nostrum \* Veníte, adorémus.

**Ps.** Veníte, exsultémus. 2.

**Hymn.** Ex more docti. **ut in Dom. 3.**

**Tempore Paschali, Invit.** Allelúia, allelúia, \* Allelúia.

**Hymn.** Rex sempitérne. **ut in Dom. 3.**

**Ant.** Quia mirabilia.

**Tempore Paschali, Ant.** Allelúia.

## Psalmus 97.

**C**ANTÁTE Dómino cánticum novum : \* quia mirabilia fecit.

Salvávitsibi délixtera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávit justitiam suam.

Recordátus est misericórdiæ suæ, \* et veritátis suæ dómui Israël.

Vidérunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psálite.

Psállite Dómino in cithara, in cithara et voce psalmi : \* in tubis ductilibus, et voce tubæ córneæ.

Jubiláte in conspéctu regis Dómini : \* moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justitia, \* et pópulos in æquitáte.



## Psalmus 98.

**D**ÓMINUS regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confiteántur nómini tuo magno : quóniam terribile, et sanctum est : \* et honor regis iudicium diligit.

Tu parásti directiónes : \* iudicium et justítiam in Jacob tu fecisti.

Exaltáte Dóminum Deum nostrum, et adoráte scabélum pedum ejus : \* quóniam sanctum est.

Móyses et Aaron in sacerdotíbus ejus : \* et Sámuel inter eos, qui invocant nomen ejus :

Invocábant Dóminum, et ipse exaudiébat eos : \* in columba nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos : \* Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : \* quóniam sanctus Dóminus Deus noster.

*Ant.* Quia mirabilia fecit Dóminus.

*Sequens Ant. et Ps.* Jubiláte. *hic prætermittitur, quando dicitur in Laud., ut*

*in Sabbatis in quibus fit Officium de S. Maria, et ejus loco dicitur*

*Ant. et Ps.* Bonum est confitéri Dómino. *ut infra.*

*Ant.* Jubiláte.

## Psalmus 99.

**J**UBILÁTE Deo omnis terra : \* servite Dómino in lætítia. Introíte in conspéctue ejus, \* in exsultatióne.

Scitóte quóniam Dóminus ipse est Deus : \* ipse fecit nos, et non ipsi nos :

Pópulus ejus, et oves páscuæ ejus : \* introíte portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, \* et usque in generatióne et generatióne véritas ejus.

## Vel Psalmus 91.

**B**ONUM est confitéri Dómino : \* et psállere nómini tuo Altíssime.

Ad annuntiándum mane misericórdiam tuam : \* et veritátem tuam per noctem.

In decachórdo, psaltério : \* cum cántico, in cithara.

Quia delectásti me Dómine in factúra tua : \* et in opéribus mánuum tuárum exsultábo.

Quam magnificáta sunt ópera tua Dómine ! \* nimis profúndæ factæ sunt cogitatióes tuæ :

Vir insipiens non cognóscet : \* et stultus non intéliget hæc.

Cum exórti fuerint peccatóres sicut fœnum : \* et apparuerint omnes, qui operantur iniquitatem :

Ut intéreant in sæculum sæculi : \* tu autem Altissimus in ætèrnum Dómine.

Quóniam ecce inimici tui Dómine, quóniam ecce inimici tui peribunt : \* et dispergéntur omnes, qui operantur iniquitatem.

Et exaltábitur sicut unicórnis cornu meum : \* et senectus mea in misericórdia úberi.

Et despexit óculus meus inimicos meos : \* et in insurgéntibus in me malignántibus áudiet áuris mea.

Justus, ut palma florébit : \* sicut cedrus Libani multiplicábitur.

Plantáti in domo Dómini, \* in átriis domus Dei nostri florébunt.

Adhuc multiplicabúntur in senecta úberi : \* et bene patiéntes erunt, ut annúntient :

Quóniam rectus Dóminus Deus noster : \* et non est iniquitas in eo.

### Psalmus 100.

**M**ISERICÓRDIAM, et júdicium \* cantábo tibi Dómine :

Psallam, et intéllegam in via immaculáta, \* quando vénies ad me.

Perambulábam in innocentia cordis mei, \* in médio domus meæ.

Non proponébam ante

óculos meos rem injústam : \* faciéntes prævaricatiónes odívi.

Non adhæsit mihi cor prævum : \* declinántem a me malignum non cognoscébam.

Detrahéntem secréto próximo suo, \* hunc persequébar.

Supérbo óculo, et insatiábili corde, \* cum hoc non edébam.

Oculi mei ad fidéles terræ ut sédeant mecum : \* ámbulans in via immaculáta, hic mihi ministrábat.

Non habitábit in médio domus meæ qui facit supérbiam : \* qui lóquitur iniqua, non diréxit in conspectu oculórum meórum.

In matutino interficiébam omnes peccatóres terræ : \* ut dispérderem de civitaté Dómini omnes operántes iniquitatem.

**Ant.** Jubiláte Deo omnis terra.

**Vel Ant.** Bonum est confitéri Dómino.

**Ant.** Clamor meus.

### Psalmus 101.

**D**ÓMINE exáudi oratióne meam : \* et clamor meus ad te véniat.

Non avértas faciém tuam a me : \* in quacúmque die tribulor, inclína ad me áurem tuam.

In quacúmque die invocávero te, \* velóciter exáudi me.

Quia defecérunt sicut fu-



mus dies mei : \* et ossa mea sicut crémium aruérunt.

Percússus sum ut fœnum, et áruit cor meum : \* quia oblitus sum comédere panem meum.

A voce gémitus mei \* adhæsít os meum carni meæ.

Similis factus sum pelli-cáno solitúdinis : \* factus sum sicut nycticorax in domicilio.

Vigilávi, \* et factus sum sicut passer solitárius in tecto.

Tota die exprobrábant mihi inimici mei : \* et qui laudábant me, advérsus me jurábant.

Quia cínerem tamquam panem manducábam, \* et potum meum cum fletu miscébam.

A fácie iræ et indignatiónis tuæ : \* quia élevans állisti me.

Dies mei sicut umbra declinavérunt : \* et ego sicut fœnum áruí.

Tu áutem Dómine in ætérnum pérmanes : \* et memoriale tuum in generatióem et generatióem.

Tu exsúrgens miseréberis Sion : \* quia tempus miseréndi ejus, quia venit tempus.

Quóniam placuérunt servis tuis lápides ejus : \* et terræ ejus miserebúntur.

Et timébunt gentes nomen tuum Dómine, \* et omnes reges terræ glóriam tuam.

Quia ædificávit Dóminus Sion : \* et vidébitur in glória sua.

Respéxit in oratióem humílium : \* et non sprevit precem eórum.

Scribántur hæc in generatióne áltera : \* et pópulus, qui creábitur, laudábit Dóminum :

Quia prospéxit de excélso sancto suo : \* Dóminus de cælo in terram adspéxit :

Ut audiret gémitus compeditórum : \* ut sólveret filios interemptórum :

Ut annúntient in Sion nomen Dómini : \* et láudem ejus in Jerúsalem.

In conveniéndó pópulos in unum, \* et reges ut sérviant Dómino.

Respóndit ei in via virtútis suæ : \* Paucitátem diérum meórum núntia mihi.

Ne révoques me in dimídio diérum meórum : \* in generatióem et generatióem anni tui.

Inítio tu Dómine terram fundásti : \* et ópera mánuum tuárum sunt cæli.

Ipsi peribunt, tu áutem pérmanes : \* et omnes sicut vestiméntum veteráscent.

Et sicut opertórium mutábis eos, et mutabúntur : \* tu áutem ídem ipse es, et anni tui non deficient.

Filii servórum tuórum habitábunt : \* et semen eórum in sæculum dirigétur.

### Psalmus 102.

**B**ÉNEDIC ánima mea Dómino : \* et ómnia, quæ intra me sunt, nómini sancto ejus.

Bénedic ánima mea Dómino : \* et noli oblivisci omnes retributiónes ejus :

Qui propitiátur ómnibus iniquitatibus tuis : \* qui sanat omnes infirmitates tuas.

Qui rédimit de intéritu vitam tuam : \* qui coronat te in misericórdia et misericórdiis.

Qui replet in bonis desiderium tuum : \* renovábitur ut áquilæ juvénus tua :

Fáciens misericórdias Dóminus : \* et iudicium ómnibus injúriam patiéntibus.

Notas fecit vias suas Móysi, \* filiis Israël voluntates suas.

Miserátor, et misericors Dóminus : \* longánimis, et multum miséricors.

Non in perpétuum irascétur : \* neque in ætérnum comminábitur.

Non secúndum peccata nostra fecit nobis : \* neque secúndum iniquitates nostras retribuit nobis.

Quóniam secúndum altitudinem cæli a terra, \* corroborávit misericórdiam suam super timéntes se.

Quantum distat ortus ab occidente : \* longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : \* quóniam ipse cognóvit figméntum nostrum.

Recordátus est quóniam pulvis sumus : \* homo, sicut fœnum dies ejus, tamquam flos agri sic efflorébit.

Quóniam spíritus pertransibit in illo, et non subsistet : \* et non cognóscet ámplius locum suum.

Misericórdia áutem Dómini ab ætérno, \* et usque in ætérnum super timéntes eum.

Et justitia illius in filios filiórum, \* his qui servant testaméntum ejus :

Et mémores sunt mandatorum ipsius, \* ad faciéndum ea.

Dóminus in cælo parávit sedem suam : \* et regnum ipsius ómnibus dominábitur.

Benedicite Dómino omnes Angeli ejus : \* poténtes virtute, faciéntes verbum illius, ad audiéndam vocem sermonum ejus.

Benedicite Dómino omnes virtutes ejus : \* ministri ejus, qui fácitis voluntatem ejus.

Benedicite Dómino ómnia ópera ejus : \* in omni loco dominationis ejus, bénedic ánima mea Dómino.

**Ant.** Clamor meus ad te véniat Deus.

**Ant.** Bénedic.

**Psalmus 103.**

**B**ÉNEDEC ánima mea Dómino : \* Dómine Deus meus magnificátus es veheménter.

Confessióem, et decórem induísti : \* amictus lúmine sicut vestiménto :

Exténdens cælum sicut pellem : \* qui tegis aquis superiora ejus.

Qui ponis nubem ascensum tuum : \* qui ámbulas super pennas ventórum.

Qui facis Angelos tuos,



spíritus : \* et ministros tuos, ignem uréntem.

Qui fundásti terram super stabilitátem suam : \* non inclinabitur in sáculum sáculi.

Abýssus, sicut vestiméntum amictus ejus : \* super montes stabunt aquæ.

Ab increpatióne tua fugient : \* a voce tonítrui tui formidábunt.

Ascéndunt montes : et descendunt campi \* in locum, quem fundásti eis.

Términum posuísti, quem non transgrediéntur : \* neque converténtur operíre terram.

Qui emíttis fontes in convállibus : \* inter médium móntium pertransíbunt aquæ.

Potábunt omnes béstiæ agri : \* exspectábunt ónagri in siti sua.

Super ea vólucres cæli habitábunt : \* de médio petrárum dabunt voces.

Rigans montes de superióribus suis : \* de fructu óperum tuórum satiábitur terra :

Prodúcens fœnum juméntis, \* et herbam servitúti hóminum :

Ut edúcas panem de terra : \* et vinum lætificet cor hóminis :

Ut exhilaret fáciem in óleo : \* et panis cor hóminis confirmet.

Saturabúntur ligna campi, et cedri Libani, quas plantávit : \* illic pásseres nidificábunt.

Heródii domus dux est eórum : \* montes excélsi cervis : petra refúgium herináciis.

Fecit lunam in témpora : \* sol cognóvit occásu suum.

Posuísti ténebras, et facta est nox : \* in ipsa pertransíbunt omnes béstiæ silvæ.

Cátuli leónum rugiéntes, ut rápíant, \* et quærant a Deo escam sibi.

Ortus est sol, et congregáti sunt : \* et in cubilibus suis collocabúntur.

Exíbit homo ad opus suum : \* et ad operatióne suam usque ad vésperum.

Quam magnificáta sunt ópera tua Dómine ! \* ómnia in sapiéntia fecísti : impléta est terra possessióne tua.

Hoc mare magnum, et spatiósum manibus : \* illic reptilia, quorum non est número.

Animália pusilla cum magnis : \* illic naves pertransíbunt.

Draco iste, quem formásti ad illudéndum ei : \* ómnia a te exspectant ut des illis escam in témpore.

Dante te illis, cólligent : \* aperiénte te manum tuam, ómnia implebúntur bonitáte.

Averténte áutem te fáciem, turbabúntur : \* áuferes spíritum eórum, et deficiént, et in púlverem suum reverténtur.

Emíttis spíritum tuum, et creabúntur : \* et renovábis fáciem terræ.

Sit glória Dómini in sæculum : \* lætábitur Dóminus in opéribus suis :

Qui réspicit terram, et facit eam trémere : \* qui tangit montes, et fúmigant.

Cantábo Dómino in vita mea : \* psallam Deo meo, quámdiu sum.

Jucúndum sit ei elóquium meum : \* ego vero delectabor in Dómino.

Deficiant peccatóres a terra, et iníqui ita ut non sint : \* bénedic ánima mea Dómino.

### Psalmus 101.

**C**ONFITÉMINI Dómino, et invocáte nomen ejus : \* annuntiáte inter gentes ópera ejus.

Cantáte ei, et psállite ei : \* narráte ómniamirabilia ejus.

Laudámini in nómine sancto ejus : \* lætétur cor quæréntium Dóminum.

Quærite Dóminum, et confirmámini : \* quærite faciém ejus semper.

Mementóte mirabiliũ ejus, quæ fecit : \* prodigia ejus, et judicia oris ejus.

Semen Abraham, servi ejus : \* filii Jacob, elécti ejus.

Ipsé Dóminus Deus noster : \* in univérſa terra judicia ejus.

Memor fuit in sæculum testaménti sui : \* verbi, quod mandávit in mille generatiónes :

Quod dispósuit ad Abraham : \* et juraménti sui ad Isaac :

Et státuit illud Jacob in præcéptum : \* et Israël in testaméntum ætérnum :

Dicens : Tibi dabo terram Chánaan, \* funiculum hereditátis vestræ.

Cum essent número brevi, \* paucíſſimi et incolæ ejus :

Et pertransiérunt de gente in gentem, \* et de regno ad pópulum álterum.

Non reliquit hóminem nocére eis : \* et corripuit pro eis reges.

Nolite tângere christos meos : \* et in prophétis meis nolite malignári.

Et vocávit famem super terram : \* et omne firmaméntum panis contrívit.

Misit ante eos virum : \* in servum venúmdatus est Joseph.

Humiliavérunt in compédibus pedes ejus, ferrum pertransiit ánimam ejus, \* donec veníret verbum ejus.

Elóquium Dómini inflamávit eum : \* misit rex, et solvit eum; princeps populórum, et dimisit eum.

Constituit eum dóminum domus suæ : \* et principem omnis possessiόνis suæ :

Ut erudíret príncipes ejus sicut semetípsum : \* et senes ejus prudéntiam docéret.

Et intrávit Israël in Ægyptum : \* et Jacob áccola fuit in terra Cham.

Et áuxit pópulum suum veheménter : \* et firmávit eum super inimícos ejus.



Convértit cor eórum ut odirent pópulum ejus : \* et dolum fácerent in servos ejus.

Misit Móysen servum suum : \* Aaron, quem elégit ipsum.

Pósuit in eis verba signórum suórum, \* et prodigiórum in terra Cham.

Misit ténebras, et obscurávit : \* et non exacerbávit sermónes suos.

Convértit aquas eórum in ságuinem : \* et occídit pisces eórum.

Edidit terra eórum ranas \* in penetrálibus regum ipsórum.

Dixit, et venit cœnomyia : \* et cinifes in ómnibus finibus eórum.

Pósuit plúvias eórum grándinem : \* ignem comburéntem in terra ipsórum.

Et percússit vineas eórum, et ficúlneas eórum : \* et contrívit lignum finium eórum.

Dixit, et venit locústa, et bruchus, \* cujus non erat númerus :

Et comédit omne fœnum in terra eórum : \* et comédit omnem fructum terræ eórum.

Et percússit omne primogénitum in terra eórum : \* primitias omnis labóris eórum.

Et edúxit eos cum argéto et áuro : \* et non erat in tribubus eórum infirmus.

Lætata est Ægyptus in profectione eórum : \* quia in-

cúbuit timor eórum super eos.

Expándit nubem in protectionem eórum, \* et ignem ut lucéret eis per noctem.

Petiérunt, et venit cotúrnix : \* et pane cæli saturávit eos.

Dirúpit petram, et fluxérunt aquæ : \* abiérunt in sicco flúmina ;

Quóniam memor fuit verbi sancti sui, \* quod hábuit ad Abraham púerum suum.

Et edúxit pópulum suum in exsultatióne, \* et eléctos suos in lætitia.

Et dedit illis regiónes génitum : \* et labóres populórum possederunt :

Ut custódiant justificatiónes ejus, \* et legem ejus requirant.

**Ant.** Bénedic ánima mea Dómino.

**Anl.** Vísita nos.

**Psalmus 105.**

**C**ONFITÉMINI Dómino quóniam bonus : \* quóniam in sæculum misericórdia ejus.

Quis loquétur poténtias Dómini, \* audítas fáciat omnes láudes ejus?

Beáti, qui custódiunt júdicium, \* et faciunt justítiam in omni témpore.

Meménto nostri Dómine in beneplácito pópuli tui : \* vísita nos in salutári tuo :

Ad vidéndum in bonitáte electórum tuórum, ad lætándum in lætitia gentis tuæ : \* ut laudéris cum hereditáte tua.

Peccávimus cum pátribus nostris : \* injúste égimus, iniquitátem fécimus.

Patres nostri in Ægýpto non intellexérunt mirabilia tua : \* non fuérunt mémores multitudinis misericórdiæ tuæ.

Et irritavérunt ascendéntes in mare, \* mare Rubrum.

Et salvávit eos propter nomen suum : \* ut notam fáceret poténtiam suam.

Et incrépuit mare Rubrum, et exsiccátum est : \* et dedúxite eos in abyssis sicut in desérto.

Et salvávit eos de manu odiéntium : \* et redémit eos de manu inimici.

Et opéruit aqua tribulántes eos : \* unus ex eis non remánsit.

Et credidérunt verbis ejus : \* et laudavérunt láudem ejus.

Cito fecérunt, obliti sunt óperum ejus : \* et non sustinuérent consílium ejus.

Et concupiérunt concupiscéntiam in desérto : \* et tentavérunt Deum in inaquóso.

Et dedit eis petitiónem ipsórum : \* et misit saturitátem in ánimas eórum.

Et irritavérunt Móysen in castris, \* Aaron sanctum Dómini.

Apérta est terra, et deglutivit Dathan : \* et opéruit super congregatiónem Abíon.

Et exársit ignis in synagóga

eórum : \* flamma combússit peccatóres.

Et fecérunt vitulum in Horeb : \* et adoravérunt scúltile.

Et mutavérunt glóriam suam \* in similitúdinem vituli comedéntis fœnum.

Obliti sunt Deum, qui salvávit eos, \* qui fecit magnália in Ægýpto, mirabilia in terra Cham : terribília in mari Rubro.

Et dixit ut dispérderete eos : \* si non Móyses eléctus ejus stetisset in confractiône in conspéctu ejus :

Ut avérteret iram ejus ne dispérderet eos : \* et pro nihilo habuérunt terram desiderábilem :

Non credidérunt verbo ejus, et murmuravérunt in tabernáculis suis : \* non exaudidérunt vocem Dómini.

Et elevávit manum suam super eos : \* ut prostérneret eos in desérto :

Et ut dejiceret semen eórum in natióibus : \* et dispérgeret eos in regióibus.

Et initiáti sunt Beélphegor : \* et comedérunt sacrificia mortuórum.

Et irritavérunt eum in adinventiόνibus suis : \* et multiplicáta est in eis ruína.

Et stetit Phínees, et placávit : \* et cessávit quassátio.

Et reputátum est ei in justitiam, \* in generatióem et generatióem usque in sempitérnum.



Et irritavérunt eum ad Aquas contradictionis : \* et vexátus est Móyses propter eos : quia exacerbavérunt spíritum ejus.

Et distinxit in lábiis suis : \* non disperdidérunt gentes, quas dixit Dóminus illis.

Et commixti sunt inter gentes, et didicérunt ópera eórum : et serviérunt sculptilibus eórum : \* et factum est illis in scándalum.

Et immolavérunt filios suos, \* et filias suas dæmóniis.

Et effudérunt ságuinem innocentem : \* ságuinem filiórum suórum et filiárum suárum, quassacrificavérunt sculptilibus Chánaan.

Et infécta est terra in sanguinibus, et contamináta est in opéribus eórum : \* et fornicáti sunt in adinventiónibus suis.

Et irátus est furóre Dóminus in pópulum suum : \* et abominátus est hereditátem suam.

Et trádedit eos in manus géntium : \* et domináti sunt eórum qui odérunt eos.

Et tribulavérunt eos inimici eórum, et humiliáti sunt sub mánibus eórum : \* sæpe liberávit eos.

Ipsi áutem exacerbavérunt eum in consilio suo : \* et humiliáti sunt in iniquitátibus suis.

Et vidit cum tribularéntur : \* et audívit oratióem eórum.

Et memor fuit testaménti

sui : \* et pœnituit eum secúndum multitudinem misericórdiæ suæ.

Et dedit eos in misericórdias \* in conspéctu ómnium qui céperant eos.

Salvos nos fac Dómine Deus noster : \* et cóngrega nos de natió nibus :

Ut confiteámur nómini sancto tuo : \* et gloriémur in láude tua.

Benedictus Dóminus Deus Israël a sæculo et usque in sæculum : \* et dicet omnis pópulus : Fiat, fiat.

### Psalmus 106.

**C**ONFITEMINI Dómino quóniam bonus : \* quóniam in sæculum misericórdia ejus.

Dicant qui redémpti sunt a Dómino, quos redemit de manu inimici : \* et de regiónibus congregávit eos :

A solis ortu, et occásu : \* ab aquilóne, et mari.

Erravérunt in solitúdine in inaquóso : \* viam civitátis habitáculi non invenérunt.

Esuriéntes, et sitiéntes : \* ánima eórum in ipsis defécit.

Et clamavérunt ad Dóminum cum tribularéntur : \* et de necessitátibus eórum eripuit eos.

Et dedúxit eos in viam rectam : \* ut irent in civitátem habitatiónis.

Confiteántur Dómino misericórdiæ ejus : \* et mirabilia ejus filiis hóminum.

Quia satiávit ánimam iná-

nem : \* et ánimam esuriéntem satiávit bonis.

Sedéntes in ténebris, et umbra mortis : \* vinctos in mendicitáte et ferro.

Quia exacerbavérunt elóquia Dei : \* et consilium Altíssimi irritavérunt.

Et humiliátum est in labóribus cor eórum : \* infirmáti sunt, nec fuit qui adjuváret.

Et clamavérunt ad Dóminum cum tribularéntur : \* et de necessitatibus eórum liberávit eos.

Et edúxit eos de ténebris, et umbra mortis : \* et vinctula eórum dirúpit.

Confiteántur Dómino misericórdiæ ejus : \* et mirabilia ejus filiis hóminum.

Quia contrivit portas æreas : \* et vectes férreos confrégit.

Suscépit eos de via iniquitátis eórum : \* propter injustítias enim suas humiliáti sunt.

Omnem escam abomináta est ánima eórum : \* et appropinquavérunt usque ad portas mortis.

Et clamavérunt ad Dóminum cum tribularéntur : \* et de necessitatibus eórum liberávit eos.

Misit verbum suum, et salvávit eos : \* et erípuit eos de interitió nibus eórum.

Confiteántur Dómino misericórdiæ ejus : \* et mirabilia ejus filiis hóminum.

Et sacrificent sacrificium

láudis : \* et annúntient ópera ejus in exsultatíone.

Qui descéndunt mare in návibus, \* faciéntes operatió nem in aquis multis.

Ipsi vidérunt ópera Dómini, \* et mirabilia ejus in profúndo.

Dixit, et stetit spíritus procéllæ : \* et exaltáti sunt fluctus ejus.

Ascéndunt usque ad cælos, et descéndunt usque ad abyíssos : \* ánima eórum in malis tabescébat.

Turbáti sunt, et moti sunt sicut ébrius : \* et omnis sapiéntia eórum devoráta est.

Et clamavérunt ad Dóminum cum tribularéntur, \* et de necessitatibus eórum edúxit eos.

Et státuit procéllam ejus in áuram : \* et siluérunt fluctus ejus.

Et lætáti sunt quia siluérunt : \* et dedúxit eos in portum voluntátis eórum.

Confiteántur Dómino misericórdiæ ejus : \* et mirabilia ejus filiis hóminum.

Et exáltent eum in ecclésia plebis : \* et in cáthedra seniórum láudent eum.

Pósuit flúmina in désertum, \* et éxitus aquárum in sitim.

Terram fructiferam in sal-súginem, \* a malítia inhabitantium in ea.

Pósuit désertum in stagna aquárum : \* et terram sine aqua in éxitus aquárum.

Et collocávit illic esurién-



tes : \* et constituérunt civitatem habitaciónis.

Et seminavérunt agros, et plantavérunt vineas : \* et fecérunt fructum nativitátis.

Et benedixit eis, et multiplicáti sunt nimis : \* et iumenta eórum non minorávit.

Et páuci facti sunt : \* et vexáti sunt a tribulatióne malórum, et dolore.

Effúsa est contéptio super principes : \* et erráre fecit eos in invio, et non in via.

Et adjúvit páuperem de inópia : \* et pósuit sicut oves familias.

Vidébunt recti, et lætabúntur : \* et omnis iniquitas oppilábit os suum.

Quis sapiens et custódiét hæc? \* et intélliget misericórdias Dómini?

**Ant.** Visita nos Dómine in salutári tuo.

**Ant.** Confitébor Dómino.

**Psalmus 107.**

**P**ARÁTUM cor meum Deus, parátum cor meum : \* cantábo, et psallam in glória mea.

Exsúrge glória mea, exsúrge psaltérium, et citharra : \* exsúrgam dilúculo.

Confitébor tibi in pópulis Dómine : \* et psallam tibi in natióibus.

Quia magna est super cælos misericórdia tua : \* et usque ad nubes véritas tua :

Exaltáre super cælos Deus, et super omnem terram glória tua : \* ut liberéntur dilecti tui.

Salvum fac dextera tua, et exáudi me : \* Deus locútus est in sancto suo :

Exsultábo, et dívidam Sichimam, \* et convállem tabernaculórum dimétiar.

Meus est Gálaad, et meus est Manásses : \* et Ephraïm suscéptio cápitis mei.

Juda rex meus : \* Moab lebes spei meæ.

In Idumæam exténdam calceamentum meum : \* mihi alienígenæ amíci facti sunt.

Quis dedúcet me in civitatem munitam? \* quis dedúcet me usque in Idumæam?

Nonne tu Deus, qui reputisti nos, \* et non exíbis Deus in virtútibus nostris?

Da nobis auxiliú de tribulatióne : \* quia vana salus hóminis.

In Deo faciémus virtútem : \* et ipse ad nihilum dedúcet inimicos nostros.

**Psalmus 108.**

**D**EUS láudem meam ne tacúeris : \* quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me : \* et expugnavérunt me gratis.

Pro eo ut me diligerent, detrahébant mihi : \* ego autem orábam.

Et posuérunt advérsus me mala pro bonis : \* et ódium pro dilectiόe mea.

Constitúe super eum peccatórem : \* et diábolus stet a dextris ejus.

Cum iudicátur, éxeat condemnátus : \* et orátio ejus fiat in peccátum.

Fiant dies ejus páuci : \* et episcopátum ejus accípiat alter.

Fiant filii ejus órphani : \* et uxor ejus vídua.

Nutántes transferántur filii ejus, et mendicent : \* et ejiciántur de habitatióibus suis.

Scrutétur fœnerátor omnem substántiam ejus : \* et dirípiant aliéni labóres ejus.

Non sit illi adjútor : \* nec sit qui misereátur pupillis ejus.

Fiant nati ejus in intéritum : \* in generatióne una deleátur nomen ejus.

In memóriam rédeat iniquitas patrum ejus in conspéctu Dómini : \* et peccátum matris ejus non deleátur.

Fiant contra Dóminum semper, et dispéreat de terra memória eórum : \* pro eo quod non est recordátus fácere misericórdiam.

Et persecútusest hómínem inopem, et mendicum, \* et compúnctum corde mortificáre.

Et diléxit maledictiόνem, et véniet ei : \* et nóluit benedictiόνem, et elongábitur ab eo.

Et induit maledictiόνem sicut vestiméntum, \* et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum quo operítur : \* et sicut zona, qua semper præcín-gitur.

Hoc opus eórum, qui détrahunt mihi apud Dóminum : \* et qui loquúntur mala advérsus ánimam meam.

Et tu Dómine, Dómine, fac mecum propter nomen tuum : \* quia suávis est misericórdia tua.

Libera me quia egénus, et páuper ego sum : \* et cor meum conturbátum est intra me.

Sicut umbra cum declínat, ablátus sum : \* et excúsus sum sicut locústæ.

Génua mea infirmáta sunt a jejúnio : \* et caro mea immutáta est propter óleum.

Et ego factus sum opprobrium illis : \* vidérunt me, et movérunt cápita sua.

Adjuva me Dómine Deus meus : \* salvum me fac secúndum misericórdiam tuam.

Et sciant quia manus tua hæc : \* et tu Dómine fecisti eam.

Maledicent illi, et tu benedices : \* qui insúrgunt in me, confundántur : servus autem tuus lætábitur.

Induántur qui détrahunt mihi, pudóre : \* et operiántur sicut diplóide confusióne sua.

Confitébor Dómino nimis in ore meo : \* et in médio multórum laudábo eum :



Quia ádstitit a dextris páuperis, \* ut salvam fáceret a persequéntibus ánimam meam.

*Ant.* Confitébor Dómino nimis in ore meo.

*In Quadrag. V.* Scuto circúmdabit te véritas ejus.

*R.* Non timébis a timóre noctúrno.

*Tempore Passionis, V.* Ne perdas cum impiis Deus ánimam meam. *R.* Et cum viris sánguinem vitam meam.

*Tempore Paschali, Ant.* Allelúia, allelúia, allelúia.

*Pro B. Maria, V.* Diffúsa est grátia in lábiis tuis, allelúia. *R.* Proptérea benedíxit te Deus in ætérnum, allelúia.

#### AD LAUDES

*Ant.* Benígne fac \* in bona voluntáte tua Dómine.

*Ps.* Miserére. 60.

*Ant.* Bonum est.

#### Psalmus 91.

**B**ONUM est confitéri Dómino : \* et psállere nómini tuo Altissime :

Ad annuntiándum mane misericórdiam tuam : \* et veritátem tuam per noctem.

In decachórdo, psaltério : \* cum cántico, in cíthara.

Quia delectástime Dómine in factúra tua : \* et in opéribus mánuum tuárum exsultábo.

Quam magnificáta sunt ópera tua Dómine! \* nimis

profúndæ factæ sunt cogitatiónes tuæ.

Vir insípiens non cognóscet : \* et stultus non intélliget hæc.

Cum exórti fúerint peccatóres sicut fœnum : \* et apparúerint omnes, qui operántur iniquitátem :

Ut intéreant in sæculum sæculi : \* tu áutem Altíssimus in ætérnum Dómine.

Quóniam ecce inimíci tui Dómine, quóniam ecce inimíci tui peribunt : \* et dispérgentur omnes, qui operántur iniquitátem.

Et exaltábitur sicut unicórnis cornu meum : \* et senéctus mea in misericórdia úberi.

Et despéxit óculus meus inimícos meos : \* et in insurgéntibus in me malignántibus áudiet áuris mea.

Justus, ut palma florébit : \* sicut cedrus Libani multiplicábitur.

Plantáti in domo Dómini, \* in átriis domus Dei nostri florébunt.

Adhuc multiplicabúntur in senécta úberi : \* et bene patiéntes erunt, ut annúntient :

Quóniam rectus Dóminus Deus noster : \* et non est iniquitas in eo.

*Ant.* Bonum est confitéri Dómino.

*Ant.* Métuant Dóminum \* omnes fines terræ.

*Ps.* Deus Deus meus. 18.

*Ant.* Date magnitúdinem.

## Canticum Moysi. Deut. 32.

**A**UDÍTE cæli quæ loquor : \*  
 AUDIAT terra verba oris  
 mei.

Concréscat ut plúvia do-  
 ctrína mea, \* fluat ut ros  
 elóquium meum,

Quasi imber super her-  
 bam, et quasi stillæ super  
 grámina. \* Quia nomen  
 Dómini invocábo :

Date magnificéntiam Deo  
 nostro. \* Dei perfécta sunt  
 ópera, et omnes viæ ejus  
 iudicia :

Deus fidélis, et absque  
 ulla iniquitaté, justus et re-  
 ctus. \* Peccavérunt ei, et  
 non filii ejus in sórdibus :

Generátio prava atque  
 perversa. \* Hæccine reddis  
 Dómino pópule stulte et in-  
 sípiens?

Numquid non ipse est  
 pater tuus, \* qui possédit  
 te, et fecit, et creávit te?

Meménto diérum antiquó-  
 rum, \* cógita generatiónes  
 singulas :

Intérroga patrem tuum,  
 et annuntiábit tibi : \* majó-  
 res tuos, et dicent tibi.

Quando dividébat Altissi-  
 mus gentes : \* quando sepa-  
 rábat filios Adam,

Constituit términos popu-  
 lórum \* juxta númerum fi-  
 liórum Israël.

Pars áutem Dómini, pópu-  
 lus ejus : \* Jacob funículus  
 hereditátis ejus.

Invenit eum in terra desér-  
 ta, \* in loco horróris, et  
 vastæ solitúdinis :

Circumdúxit eum, et dó-  
 cuit : \* et custodivit quasi  
 pupillam óculi sui.

Sicut áquila próvocans ad  
 volándum pullos suos, \* et  
 super eos vólitans,

Expándit alas suas, et as-  
 súmpsit eum, \* atque portá-  
 vit in húmeris suis.

Dóminus solus dux ejus  
 fuit : \* et non erat cum eo  
 deus aliénus.

Constituit eum super ex-  
 célsam terram : \* ut com-  
 éderet fructus agrórum,

Ut súgeret mel de petra, \*  
 oleúmque de saxo duríssi-  
 mo.

Butýrum de arménto, et  
 lac de óvibus \* cum ádipe  
 agnórum, et arietum filió-  
 rum Basan :

Et hircos cum medúlla  
 tritici, \* et sánguinem uvæ  
 biberet meracíssimum.

Incrassátus est diléctus,  
 et recalcitrávit : \* incrassá-  
 tus, impinguátus, dilatátus,

Dereliquit Deum factórem  
 suum, \* et recéssit a Deo  
 salutári suo.

Provocavérunt eum in diis  
 aliénis, \* et in abominatió-  
 nibus ad iracúndiam concitá-  
 vérunt.

Immolavérunt dæmóniis,  
 et non Deo, \* diis, quos  
 ignorábant :

Novi recentésque vené-  
 runt, \* quos non coluérunt  
 patres eórum.

Deum qui te génuit dere-  
 liquisti, \* et oblitus es Dó-  
 mini creatóris tui.



Vidit Dóminus, et ad iracúndiam concitátus est : \* quia provocavérunt eum filii sui et filiae.

Et ait : Abscóndam fáciem meam ab eis, \* et considerábo novíssima eórum :

Generátio enim perversa est, \* et infidéles filii.

Ipsi me provocavérunt in eo, qui non erat Deus, \* et irritavérunt in vanitátibus suis :

Et ego provocábo eos in eo, qui non est pópulus, \* et in gente stulta irritábo illos.

Ignis succénsus est in furóre meo, \* et ardébit usque ad inférni novíssima :

Devorabitque terram cum gérmine suo, \* et móntium fundaménta combúret.

Congregábo super eos mala : \* et sagittas meas complébo in eis.

Consuméntur fame, \* et devorábunt eos aves morsu amaríssimo :

Dentes bestiárum immitam in eos, \* cum furóre trahéntium super terram, atque serpéntium.

Foris vastábit eos gládius, et intus pavor, \* júvenem simul ac vírginem, lacténtem cum hómine sene.

Dixi : Ubinam sunt? \* cesáre fáciem ex hominibus memóriam eórum.

Sed propter iram inimicórum distuli : \* ne forte superbirent hostes eórum,

Et dicerent : Manus no-

stra excélsa, et non Dóminus, \* fecit hæc ómnia.

Gens absque consilio est, et sine prudéntia. \* Utinam sáperent, et intelligerent, ac novíssima providérent.

Quómodo persequátur unus mille, \* et duo fugent decem millia?

Nonne ideo, quia Deus suus véndidit eos, \* et Dóminus conclúsit illos?

Non enim est Deus noster ut dii eórum : \* et inimici nostri sunt júdices.

De vinea Sodomórum, vinea eórum, \* et de suburbanis Gomórrhæ :

Uva eórum uva fellis, \* et botri amarissimi.

Fel draconum vinum eórum, \* et venenum áspidum insanábile.

Nonne hæc cóndita sunt apud me, \* et signáta in thesáuris meis?

Mea est últio, et ego retribuam in témpore, \* ut labátur pes eórum :

Juxta est dies perditionis, \* et adesse festinant témpora.

Judicábit Dóminus pópulum suum, \* et in servis suis miserébitur :

Vidébit quod infirmáta sit manus, \* et cláusi quoque defecérunt, residuíque consúpti sunt.

Et dicet : Ubi sunt dii eórum, \* in quibus habébant fidúciam?

De quorum víctimis comedébant ádipes, \* et bibébant vinum libáminum :

Surgant, et opituléntur vobis, \* et in necessitaté vos protégant.

Vidéte quod ego sim solus, \* et non sit álius Deus præter me :

Ego occidam, et ego vivere fáciam : percútiam, et ego sanábo, \* et non est qui de manu mea possit erúere.

Levábo ad cælum manum meam, et dicam : \* Vivo ego in ætérnum.

Si acúero ut fulgur gládium meum, \* et arripúerit iudiciúm manus mea :

Reddam ultiónem hóstibus meis, \* et his qui odérunt me retribuam.

Inebriábo sagittas meas ságuine, \* et gládus meus devorábit carnes,

De cruóre occisorum, \* et de captivitáté, nudáti inimicórum cápitis.

Laudáte gentes pópulum ejus, \* quia ságuinem servórum suórum ulciscétur :

Et vindictam retribuet in hostes eórum, \* et propítius erit terræ pópuli sui.

*Ant.* Date magnitúdinem Deo nostro.

*Ant.* In cýmbalis benesonántibus \* laudáte Deum.

*Ps.* Laudáte Dóminum de cælis. 20.

*In Quadrag. Capit., Hymn. et y. ut in Laud. Fer. II. 62.*

*Ad Bened. Ant. propria, ut in Feriis Quadragesimæ.*

*Preces, quando dicendæ sunt, habentur supra in Feria II. 63.*

## DOMINICA

### AD VESPERAS

Pater noster. Ave María.

*y.* Deus in adiutórium. 18.

*Ant.* Dixit Dóminus.

*Tempore Paschali, Ant.* Allelúia.

*Sub qua sola Ant. dicuntur omnes Psalmi Vesperarum, tam in Dom. quam in Feriis.*

### Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabéllum pedum tuórum.

Virgam virtútis tuæ emittet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante lucíferum genui te.

Jurávit Dóminus, et non poenitébit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natió nibus, implébit ruínas : \* conquasábit cápita in terra multórum.

De torrén te in via bibet : \* proptérea exaltábit caput.

*Ant.* Dixit Dóminus Dómino meo : Sede a dextris meis.



Ant. Fidélia.

Psalmus 110.

**C**ONFITEBOR tibi Dómine in toto corde meo : \* in consilio justórum, et congregatióne.

Magna ópera Dómini : \* exquisíta in omnes voluntátes ejus.

Conféssio et magnificéntia opus ejus : \* et justítia ejus manet in sáeculum sáeculi.

Memóriam fecit mirabiliū suórum, miséricors et miserátor Dóminus : \* escam dedit timéntibus se.

Memor erit in sáeculum testaménti sui : \* virtútem óperum suórum annuntiábit pópulo suo :

Ut det illis hereditátem géntium : \* ópera mánuum ejus véritas, et júdicium.

Fidélia ómnia mandáta ejus : confirmáta in sáeculum sáeculi, \* facta in veritáte et æquitáte.

Redemptiónem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus faciéntibus eum : \* laudatio ejus manet in sáeculum sáeculi.

Ant. Fidélia ómnia mandáta ejus : confirmáta in sáeculum sáeculi.

Ant. In mandátis.

Psalmus 111.

**B**EÁTUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divítiae in domo ejus : \* et justítia ejus manet in sáeculum sáeculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómmodat, dispónet sermónes suos in iudicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : justítia ejus manet in sáeculum sáeculi, \* cornu ejus exaltábitur in glória.

Peccátor vidébit, et irascétur, déntibus suis fremet et tabéscet : \* desidérium peccatórum peribit.

Ant. In mandátis ejus cupit nimis.

Ant. Sit nomen Dómini.

Psalmus 112.

**L**AUDÁTE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sáeculum.

A solis ortu usque ad oc-

cásus, \* laudábile nomen  
Dómini.

Excélsus super omnes gen-  
tes Dóminus, \* et super cæ-  
los glória ejus.

Quis sicut Dóminus Deus  
noster, qui in altis hábitat, \*  
et humília réspicit in cælo  
et in terra?

Súscitans a terra inopem, \*  
et de stércore érigens páu-  
perem :

Ut cóllocet eum cum prin-  
cipibus, \* cum princípibus  
pópuli sui.

Qui habitáre facit stérilem  
in domo, \* matrem filiórum  
lætántem.

**Ant.** Sit nomen Dómini  
benedíctum in sǎcula.

**Ant.** Nos qui vivimus.

**Psalmus 113.**

**I**N éxitu Israë́l de Ægýpto, \*  
domus Jacob de pópulo  
bárbaro :

Facta est Judæa sanctificá-  
tio ejus, \* Israë́l potestas ejus.

Mare vidit, et fugit : \* Jor-  
dánis convérsus est retrór-  
sum.

Montes exsultavérunt ut  
arietes : \* et colles sicut  
agni óvium.

Quid est tibi mare quod  
fugisti : \* et tu Jordánis, quia  
convérsus es retrórsum?

Montes exsultástis sicut  
arietes, \* et colles sicut agni  
óvium?

A fácie Dómini mota est  
terra, \* a fácie Dei Jacob :

Qui convértit petram in  
stagna aquárum, \* et rupem  
in fontes aquárum.

Non nobis Dómine, non  
nobis : \* sed nómini tuo da  
glóriam.

Super misericórdia tua,  
et veritáte tua : \* nequándo  
dicant gentes : Ubi est Deus  
eórum?

Deus áutem noster in cæ-  
lo : \* ómnia quaecúmque vó-  
luit, fecit.

Simulácula géntium argén-  
tum, et áurum, \* ópera má-  
nuum hóminum.

Os habent, et non loquén-  
tur : \* óculos habent, et non  
vidébunt.

Aures habent, et non áu-  
dient : \* nares habent, et non  
odorábunt.

Manus habent, et non pal-  
pábunt : pedes habent, et  
non ambulábunt : \* non cla-  
mábunt in gútture suo.

Similes illis fiant qui fá-  
ciunt ea : \* et omnes qui con-  
fidunt in eis.

Domus Israë́l sperávit in  
Dómino : \* adjútor eórum  
et protéctor eórum est.

Domus Aaron sperávit in  
Dómino : \* adjútor eórum et  
protéctor eórum est.

Qui timent Dóminum, spe-  
ravérunt in Dómino : \* ad-  
jútor eórum et protéctor eó-  
rum est.

Dóminus memor fuit no-  
stri : \* et benedixit nobis :

Benedixit dómui Israë́l : \*  
benedixit dómui Aaron.

Benedixit ómnibus, qui  
timent Dóminum, \* pusillis  
cum majóribus.

Adjiciat Dóminus super



vos: \* super vos, et super filios vestros.

Benedicti vos a Dómino,\* qui fecit cælum, et terram.

Cælum cæli Dómino: \* terram autem dedit filiis hóminum.

Non mórtui laudábunt te Dómine: \* neque omnes, qui descéndunt in inférnum.

Sed nos qui vivimus, benedicimus Dómino,\* ex hoc nunc et usque in sæculum.

**Ant.** Nos qui vivimus, benedicimus Dómino.

**Tempore Paschali, Ant.** Allelúia, allelúia, allelúia.

**Capitulum ut in Propr. de Temp.**

**In Quadragesima.**

**Hymnus.**

**A**UDI, benigne Cónditor,  
Nostras preces cum flé-  
tibus,

In hoc sacro jejúnio  
Fusas quadragenário.

Scrutátor alme córdium,  
Infirma tu scis virium:  
Ad te revérsis éxhibe  
Remissiónis grátiam.

Multum quidem peccávi-  
mus,

Sed parce confiténtibus:  
Ad nóminis láudem tui  
Confer medélam lánguidis.

Concéde nostrum cónteri  
Corpus per abstinentiam:  
Culpæ ut relinquant pábu-  
lum

Jejúna corda criminum.

Præsta beáta Trínitas,  
Concéde simplex Unitas:  
Ut fructuósa sint tuis  
Jejuniorum múnera. Amen.

**Y.** Angelis suis Deus man-  
dávít de te. **R.** Ut custódiant  
te in ómnibus viis tuis.

**Ad Magnif. Ant. propria.**

**Tempore Paschali.**

**Hymnus.**

**A**d régias Agni dapes,  
Stolis amicti cándidis,  
Post tránsitum maris Rubri,  
Christo canámus Principi:

Divina cújus cáritas  
Sacrum propinat sánguini-  
nem,

Almíque membra córporis  
Amor sacérdos ímmolat.

Sparsum cruórem póstibus  
Vastátor horret Angelus:  
Fugítque divisum mare:  
Mergúntur hostes flúctibus.

Jam Pascha nostrum Chri-  
stus est,  
Paschális ídem victima,  
Et pura puris méntibus  
Sinceritátis ázyna.

O vera cæli victima,  
Subjécta cui sunt tártara,  
Solúta mortis víncula,  
Recépta vitæ præmia.

Victor subáctis inferis  
Trophæa Christus éxplicat,  
Cælóque apérto, súbditum  
Regem tenebrárum trahit.

Ut sis perénne méntibus  
Paschále Jesu gáudium,  
A morte dira criminum  
Vitæ renátos libera.

Deo Patri sit glória,  
Et Filio, qui a mórtuis  
Surréxit, ac Paráclito,  
In sempitérnasæcula. Amen.

**Y.** Mane nobiscum Dómi-  
ne, allelúia. **R.** Quóniam ad-  
vesperáscit, allelúia.

**Ad Magnif. Ant. propria.**

## Canticum B. Mariæ Virg.

Lucæ 1. c

**M**AGNÍFICAT \* ánima mea  
Dóminum :

Et exsultávit spíritus meus \*  
in Deo salutári meo.

Quia respéxit humilitátem  
ancillæ suæ : \* ecce enim ex  
hoc beátam me dicent omnes  
generatiónes.

Quia fecit mihi magna qui  
potens est : \* et sanctum no-  
men ejus.

Et misericórdia ejus a pro-  
génie in progenies \* timénti-  
bus eum.

Fecit poténtiam in brá-  
chio suo : \* dispérsit supér-  
bos mente cordis sui.

Depósuit poténtes de se-  
de, \* et exaltávit húmiles.

Esuriéntes implévit bo-  
nis : \* et dívites dimisit iná-  
nes.

Suscépit Israël púerum  
suum, \* recordátus miseri-  
córdiæ suæ.

Sicut locútus est ad pa-  
tres nostros, \* Abraham, et  
sémini ejus in sæcula.

Glória Patri.

Deinde dicitur Antiphona  
et Oratio propria.

## FERIA SECUNDA

## AD VESPERAS

Ant. Inclínávit.

Tempore Paschali, Ant.  
Allelúia.

## Psalmus 114.

**D**ILÉXI, quóniam exáudiet  
Dóminus \* vocem ora-  
tiónis meæ.

Quia inclinávit áurem su-

am mihi : \* et in diébus meis  
invocabó.

Circumdedérunt me do-  
lóres mortis : \* et perícula  
inférni invenérunt me.

Tribulatióem et dolórem  
invéni : \* et nomen Dómini  
invocabí.

O Dómine libera ánimam  
meam : \* miséricors Dómi-  
nus, et justus, et Deus no-  
ster miserétur.

Custódiens párvulos Dó-  
minus : \* humiliátus sum,  
et liberávit me.

Convértere ánima mea in  
réquiem tuam : \* quia Dó-  
minus benefécit tibi.

Quia erípuit ánimam me-  
am de morte : \* óculos meos  
a lácrymis, pedes meos a  
lapsu.

Placébo Dómino \* in re-  
gióne vivórum.

Ant. Inclínávit Dóminus  
áurem suam mihi.

Ant. Crédidi.

## Psalmus 115.

**C**RÉDIDI, propter quod lo-  
cútus sum : \* ego áutem  
humiliátus sum nimis.

Ego dixi in excéssu meo : \*  
Omnis homo mendax.

Quid retribuam Dómino, \*  
pro ómnibus, quæ retribuit  
mihi?

Cálicem salutáris acci-  
píam : \* et nomen Dómini  
invocabó.

Vota mea Dómino red-  
dam coram omni pópulo  
ejus : \* pretiósá in conspé-  
ctu Dómini mors sanctó-  
rum ejus :



O Dómine quia ego servus tuus : \* ego servus tuus, et filius ancillæ tuæ.

Dirupisti vincula mea : \* tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

**Ant.** Crédidi, propter quod locútus sum.

**Ant.** Laudáte.

**Psalmus 116.**

**L**AUDÁTE Dóminum omnes gentes : \* laudáte eum omnes pópuli :

Quóniam confirmáta est supernos misericórdia ejus : \* et véritas Dómini manet in ætérnum.

**Ant.** Laudáte Dóminum omnes gentes.

**Ant.** Clamávi.

**Psalmus 119.**

**A**D Dóminum cum tribulárer clamávi : \* et exaudivit me.

Dómine libera ánimam meam a lábiis iniquis, \* et a lingua dolósa.

Quid detur tibi, aut quid apponátur tibi, \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : \* multum incola fuit ánima mea.

Cum his, qui odérunt pacem, eram pacíficus : \* cum loquébar illis, impugnábant me gratis.

**Ant.** Clamávi, et exaudivit me.

**Ant.** Unde véniet.

**Psalmus 120.**

**L**EVÁVI óculos meos in montes, \* unde véniet auxilium mihi.

Auxilium meum a Dómino, \* qui fecit cælum et terram.

Non det in commotióem pedem tuum : \* neque dormitet qui custódit te.

Ecce non dormitábit neque dórmiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te : \* neque luna per noctem.

Dóminus custódit te ab omni malo : \* custódiat ánimam tuam Dóminus.

Dóminus custódiat intróitum tuum, et éxitum tuum : \* ex hoc nunc, et usque in sæculum.

**Ant.** Unde véniet auxilium mihi.

**Temp. Pasch. Ant.** Allelúia, allelúia, allelúia.

**In Quadragesima.**

**Capitulum.** Joël. 2. d

**I**NTER vestibulum et altáre plorábunt sacerdótes ministri Dómini, et dicent : Parce Dómine, parce pópulo tuo : et ne des hereditátem

tuam in opprobrium ut dominentur eis nationes.

*Hymn.* Audi benigne. 129.

*V.* Angelis suis Deus mandavit de te. *R.* Ut custodiant te in omnibus viis tuis.

*Ant. ad Magnif. et Oratio propria.*

*Tempore Paschali.*

*Capitulum.* Rom. 6. b

**C**HRISTUS resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo.

*Hymn.* Ad regias. 129.

*V.* Mane nobiscum Domine, alleluia. *R.* Quoniam advesperascit, alleluia.

*Ad Magnif. Ant. propria.*

*Oratio dicitur de Dominica praecedenti.*

In Feriis tantum Quadragesimae, post *Ant. ad Magnificat*, dicuntur sequentes *Preces flexis genibus.*

**K**YRIE eleison. Christe eleison. Kyrie eleison.

*Pater noster.* *totum dicitur clara voce.*

*V.* Et ne nos inducas in tentationem. *R.* Sed libera nos a malo.

*V.* Ego dixi: Domine miserere mei. *R.* Sana animam meam, quia peccavi tibi.

*V.* Convertere Domine usquequo. *R.* Et deprecabilis esto super servos tuos.

*V.* Fiat misericordia tua Domine super nos. *R.* Quemadmodum speravimus in te.

*V.* Sacerdotes tui induantur justitiam. *R.* Et sancti tui exsultent.

*V.* Domine salvum fac regem. *R.* Et exaudi nos in die, qua invocaverimus te.

*V.* Salvum fac populum tuum Domine, et benedic hereditati tuae. *R.* Et rege eos, et extolle illos usque in aeternum.

*V.* Memento congregationis tuae. *R.* Quam possedisti ab initio.

*V.* Fiat pax in virtute tua. *R.* Et abundantia in turribus tuis.

*V.* Oremus pro fidelibus defunctis. *R.* Requiem aeternam dona eis Domine, et lux perpetua luceat eis.

*V.* Requiescant in pace. *R.* Amen.

*V.* Pro fratribus nostris absentibus. *R.* Salvos fac servos tuos, Deus meus, sperantes in te.

*V.* Pro afflictis et captivis. *R.* Libera eos Deus Israel ex omnibus tribulationibus suis.

*V.* Mitte eis Domine auxilium de sancto. *R.* Et de Sion tuere eos.

*V.* Domine exaudi orationem meam. *R.* Et clamor meus ad te veniat.

*Deinde dicitur*

*Ps. 50. Miserere mei Deus. ut in Fer. II. ad Laud. 60.*

*Finito Psalmo, dicitur*

*V.* Domine Deus virtutum, converte nos. *R.* Et ostende faciem tuam, et salvi erimus.

*V.* Exsurge Christe, adjuva



nos. **R.** Et libera nos propter nomen tuum.

**V.** Dómine exáudi oratió-nem meam. **R.** Et clamor meus ad te véniat.

**V.** Dóminus vobiscum. **R.** Et cum spiritu tuo.

**Oratio, quando propria non assignatur, dicitur de Dom. præced., ut habetur in Proprio de Tempore.**

## FERIA TERTIA

### AD VESPERAS

**Ant.** In domum Dómini.

**Tempore Paschali, Ant.** Allelúia.

### Psalmus 121.

**L**ÆTÁTUS sum in his, quæ dicta sunt mihi : \* In domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificá-tur ut civitas : \* cujus parti-cipátio ejus in idipsum.

Illuc enim ascenderunt tribus, tribus Dómini : \* testimónium Israël ad con-fiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem : \* et abundántia diligéntibus te.

Fiat pax in virtúte tua : \* et abundántia in túrribus tuis.

Propter fratres meos, et próximos meos, \* loquébar pacem de te :

Propter domum Dómini Dei nostri, \* quæsi vi bona tibi.

**Ant.** In domum Dómini lætántes ibimus.

**Ant.** Qui hábitas.

### Psalmus 122.

**A**D te levávi óculos meos, \* qui hábitas in cælis.

Ecce sicut óculi servó-rum, \* in mánibus dominó-rum suórum,

Sicut óculi ancillæ in má-nibus dómínæ suæ : \* ita óculi nostri ad Dóminum Deum nostrum donec mise-reátur nostri.

Miserére nostri Dómine, miserére nostri : \* quia mul-tum repléti sumus despe-ctiône :

Quia multum repléta est ánima nostra : \* oppróbrium abundántibus, et despéctio supérbis.

**Ant.** Qui hábitas in cælis, miserére nobis.

**Ant.** Adjutórium.

### Psalmus 123.

**N**isi quia Dóminus erat in nobis, dicat nunc Is-raël : \* nisi quia Dóminus erat in nobis,

Cum exsúrgerent hómines in nos, \* forte vivos deglu-tissent nos :

Cum irascerétur furor eórum in nos, \* fórsitan aqua absorbuisset nos.

Torréntem pertransívit ánima nostra : \* fórsitan pertransísset ánima nostra aquam intolerábilem.

Benedictus Dóminus \* qui

non dedit nos in captiōnem  
déntibus eórum.

Anima nostra sicut passer  
erépta est \* de láqueo venán-  
tium :

Láqueus contritus est, \* et  
nos liberáti sumus.

Adjutórium nostrum in  
nómine Dómini, \* qui fecit  
cælum et terram.

*Ant.* Adjutórium nostrum  
in nómine Dómini.

*Ant.* Bénefac.

*Psalmus 124.*

**Q**UI confidunt in Dómino,  
sicut mons Sion : \* non  
commovébitur in ætérnum,  
qui hábitat in Jerúsalem.

Montes in circúitu ejus : \*  
et Dóminus in circúitu pó-  
puli sui, ex hoc nunc et  
usque in sáculum.

Quia non relínquet Dómi-  
nus virgam peccatórum su-  
per sortem justórum : \* ut  
non exténdant justí ad ini-  
quitátem manus suas.

Bénefac Dómine bonis, \*  
et rectis corde.

Declinántes áutem in obli-  
gatiónes addúcet Dóminus  
cum operántibus iniquitá-  
tem : \* pax super Israël.

*Ant.* Bénefac Dómine bo-  
nis, et rectis corde.

*Ant.* Facti sumus.

*Psalmus 125.*

**I**N converténdo Dóminus  
captivitátem Sion : \* facti  
sumus sicut consoláti.

Tunc replétum est gáudio  
os nostrum, \* et lingua no-  
stra exsultatióne.

Tunc dicent inter gentes : \*

Magnificávit Dóminus fácere  
cum eis.

Magnificávit Dóminus fá-  
cere nobiscum : \* facti sumus  
lætántes.

Convérte Dómine captivi-  
tátem nostram, \* sicut tor-  
rens in Austro.

Qui sémant in lácrymis, \*  
in exsultatióne metent.

Eúntes ibant et flebant, \*  
mitténtes sémina sua.

Veniéntes áutem vénient  
cum exsultatióne, \* portán-  
tes manipulos suos.

*Ant.* Facti sumus sicut  
consoláti.

*Temp. Pasch. Ant.* Alle-  
lúia, allelúia, allelúia.

*Capit. Hymn., v. l. Ant. ad*  
*Magnif., et Orat. pro Tem-*  
*pore, ut in Vesp. Fer. II.*  
*131.*

*Preces, quando dicendæ*  
*sunt, habentur supra in*  
*Vesp. Fer. II. 132.*

## FERIA QUARTA

### AD VESPERAS

*Ant.* Non confundétur.

*Tempore Paschali, Ant.*  
*Allelúia.*

*Psalmus 126.*

**N**ISI Dóminus ædificáverit  
domum, \* in vanum la-  
boravérunt qui ædificant  
eam.

Nisi Dóminus custodierit  
civitátem, \* frustra vigilat  
qui custódit eam.

Vanum est vobis ante lu-  
cem súrgere : \* súrgite post-  
quam sedéritis, qui mandu-  
cátis panem dolóris.



Cum déderit diléctis suis somnum : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excussórum.

Beátus vir qui implévit desidérium suum ex ipsis : \* non confundétur cum loquétur inimicis suis in porta.

**Ant.** Non confundétur cum loquétur inimicis suis in porta.

**Ant.** Beáti.

**Psalmus 127.**

**B**EÁTI omnes, qui timent Dóminum, \* qui ámbulant in viis ejus.

Labóres mánuum tuárum quia manducábis : \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Filii tui sicut novellæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedicat tibi Dóminus ex Sion : \* et vídeas bona Jerúsalem ómnibus diébus vitæ tuæ.

Et videas filios filiórum tuórum, \* pacem super Israël.

**Ant.** Beáti omnes, qui timent Dóminum.

**Ant.** Sæpe.

**Psalmus 128.**

**S**ÆPE expugnavérunt me a juventúte mea, \* dicat nunc Israël :

Sæpe expugnavérunt me

a juventúte mea : \* étenim non potuérunt mihi.

Supra dorsum meum fabricavérunt peccatóres : \* prolongavérunt iniquitatem suam.

Dóminus justus concidit cervíces peccatórum : \* confundántur et convertántur retrórsus omnes, qui odérunt Sion.

Fiant sicut fœnum tectórum : \* quod priúsquam evellátur, exáruit :

De quo non implévit manum suam qui metit, \* et sinum suum qui manipulos cólligit.

Et non dixerunt qui præteribant : Benedictio Dómini super vos : \* benedíximus vobis in nómine Dómini.

**Ant.** Sæpe expugnavérunt me a juventúte mea.

**Ant.** De profúndis.

**Psalmus 129.**

**D**E profúndis clamávi ad te Dómine : \* Dómine exáudi vocem meam :

Fiant áures tuæ intendéntes, \* in vocem deprecationis meæ.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israël in Dómino.

Quia apud Dóminum misericórdia : \* et copiósa apud eum redemptio.

Et ipse rédimet Israël, \* ex ómnibus iniquitatibus ejus.

**Ant.** De profúndis clamávi ad te Dómine.

**Ant.** Speret.

**Psalmus 130.**

**D**ÓMINE non est exaltátum cor meum : \* neque eláti sunt óculi mei.

Neque ambulávi in magnis : \* neque in mirábilibus super me.

Si non humíliter sentiébam : \* sed exaltávi ánimam meam.

Sicut ablactátus est super matre sua, \* ita retribútio in ánima mea.

Speret Israël in Dómino, \* ex hoc nunc, et usque in sáeculum.

**Ant.** Speret Israël in Dómino.

**Temp. Pasch. Ant.** Allelúia, allelúia, allelúia.

**Capit., Hymn., v., Ant. ad Magnif., et Orat. pro Tempore, ut in Vesp. Fer. II. 131.**

**Preces, quando dicendæ sunt, habentur supra in Vesp. Fer. II. 132.**

**FERIA QUINTA**

**AD VESPERAS**

**Ant.** Et omnis.

**Tempore Paschali, Ant.** Allelúia.

**Psalmus 131.**

**M**EMENTO Dómine David, \* et omnis mansuetúdinis ejus :

Sicut jurávit Dómino, \* votum vovit Deo Jacob :

Si introiero in tabernáculum domus meæ, \* si ascéndero in lectum strati mei :

Si dédero somnum óculis meis, \* et pálpebris meis dormitátionem :

Et réquiem tempóribus meis : donec invéniam locum Dómino, \* tabernáculum Deo Jacob.

Ecce audivimus eam in Ephrata : \* invénimus eam in campis silvæ.

Introibimus in tabernáculum ejus : \* adorábitus in loco, ubi steterunt pedes ejus.

Surge Dómine in réquiem tuam, \* tu et arca sanctificatiónis tuæ.

Sacerdótes tui induántur justítiam : \* et sancti tui exsúltent.

Propter David servum tuum, \* non avértas fáciem Christi tui.

Jurávit Dóminus David veritátem, et non frustrábitur eam : \* de fructu ventris tui ponam super sedem tuam.

Si custodierint filii tui testaméntum meum, \* et testimónia mea hæc, quæ docébo eos :

Et filii eórum usque in sáeculum, \* sedébunt super sedem tuam.

Quóniam elégit Dóminus Sion : \* elégit eam in habitátionem sibi.

Hæc réquies mea in sáeculum sáeculi : \* hic habitábo quóniam elégi eam.



Viduam ejus benedicens benedicam : \* páuperes ejus saturábo pánibus.

Sacerdótes ejus induam salutári : \* et sancti ejus exsultatióne exsultábunt.

Illuc prodúcam cornu David, \* parávi lucérnam Christo meo.

Inimícos ejus induam confusióne : \* super ipsum áutem efflorébit sanctificátio mea.

**Ant.** Et omnis mansuetúdinis ejus.

**Ant.** Ecce.

**Psalmus 132.**

**E**CCE quam bonum, et quam jucúndum \* habitáre fratres in unum :

Sicut unguéntum in cápite, \* quod descéndit in barbam, barbam Aaron,

Quod descéndit in oram vestiménti ejus : \* sicut ros Hermon, qui descéndit in montem Sion.

Quóniam illic mandávit Dóminus benedictiόnem, \* et vitam usque in sáeculum.

**Ant.** Ecce quam bonum, et quam jucúndum habitáre fratres in unum.

**Ant.** Omnia.

**Psalmus 134.**

**L**AUDÁTE nomen Dómini, \* laudáte servi Dóminum.

Qui statis in domo Dómini, \* in átriis domus Dei nostri.

Laudáte Dóminum, quia bonus Dóminus : \* psállite nómini ejus, quóniam suáve.

Quóniam Jacob elégit sibi

Dóminus, \* Israël in possessionem sibi.

Quia ego cognóvi quod magnus est Dóminus, \* et Deus noster præ ómnibus diis.

Omnia quaecúmque vóluit, Dóminus fecit in cælo, et in terra, \* in mari, et in ómnibus abyssis.

Edúcens nubes ab extrémó terræ : \* fúlgura in plúviam fecit.

Qui prodúcit ventos de thesáuris suis : \* qui percússit primogénita Ægýpti ab hómine usque ad pecus.

Et misit signa, et prodigia in médio tui Ægýpte : \* in Pharaónem, et in omnes servos ejus.

Qui percússit gentes multas : \* et occidit reges fortes :

Sehon regem Amorrhéorum, et Og regem Basan, \* et ómnia regna Chánaan.

Et dedit terram eórum hereditátem, \* hereditátem Israël pópulo suo.

Dómine nomen tuum in ætérnum : \* Dómine memoriále tuum in generatióem et generatióem.

Quia judicábit Dóminus pópulum suum : \* et in servis suis deprecábitur.

Simulácra géntium argéntum, et áurum, \* ópera mánuum hóminum.

Os habent, et non loquéntur : \* óculos habent, et non vidébunt.

Aures habent, et non áu-

dient : \* neque enim est spiritus in ore ipsorum.

Similes illis fiant qui faciunt ea : \* et omnes, qui confidunt in eis.

Domus Israël benedicite Dómino : \* domus Aaron benedicite Dómino.

Domus Levi benedicite Dómino : \* qui timétis Dóminum, benedicite Dómino.

Benedictus Dóminus ex Sion, \* qui hábitat in Jerúsalem.

**Ant.** Omnia quaecúmque vóluit, Dóminus fecit.

**Ant.** Quóniam in ætérnum.

**Psalmus 135.**

**C**ONFITÉMINI Dómino quóniam bonus : \* quóniam in ætérnum misericórdia ejus.

Confitémini Deo deórum : \* quóniam in ætérnum misericórdia ejus.

Confitémini Dómino dominórum : \* quóniam in ætérnum misericórdia ejus.

Qui facit mirabilia magna solus : \* quóniam in ætérnum misericórdia ejus.

Qui fecit cælos in intellectu : \* quóniam in ætérnum misericórdia ejus.

Qui firmávit terram super aquas : \* quóniam in ætérnum misericórdia ejus.

Qui fecit luminária magna : \* quóniam in ætérnum misericórdia ejus.

Solem in potestatem diéi : \* quóniam in ætérnum misericórdia ejus.

Lunam, et stellas in pote-

statem noctis : \* quóniam in ætérnum misericórdia ejus.

Qui percússit Ægýptum cum primogénitis eórum : \* quóniam in ætérnum misericórdia ejus.

Qui edúxit Israël de médio eórum : \* quóniam in ætérnum misericórdia ejus.

In manu poténti, et bráchio excélso : \* quóniam in ætérnum misericórdia ejus.

Qui divisit mare Rubrum in divisiónes : \* quóniam in ætérnum misericórdia ejus.

Et edúxit Israël per médium ejus : \* quóniam in ætérnum misericórdia ejus.

Et excússit Pharaónem, et virtutem ejus in mari Rubro : \* quóniam in ætérnum misericórdia ejus.

Qui tradúxit pópulum suum per desértum : \* quóniam in ætérnum misericórdia ejus.

Qui percússit reges magnos : \* quóniam in ætérnum misericórdia ejus.

Et occídit reges fortes : \* quóniam in ætérnum misericórdia ejus.

Sehon regem Amorrhæórum : \* quóniam in ætérnum misericórdia ejus.

Et Og regem Basan : \* quóniam in ætérnum misericórdia ejus.

Et dedit terram eórum hereditatem : \* quóniam in ætérnum misericórdia ejus.

Hereditatem Israël servo suo : \* quóniam in ætérnum misericórdia ejus.



Quia in humilitate nostra memor fuit nostri : \* quoniam in æternum misericordia ejus.

Et redemit nos ab inimicis nostris : \* quoniam in æternum misericordia ejus.

Qui dat escam omni carni : \* quoniam in æternum misericordia ejus.

Confitemini Deo cæli : \* quoniam in æternum misericordia ejus.

Confitemini Dómino dominorum : \* quoniam in æternum misericordia ejus.

*Ant.* Quoniam in æternum misericordia ejus.

*Ant.* Hymnum cantate.

**Psalmus 136.**

**S**UPER flúmina Babylónis, illic sedimus et flevimus : \* cum recordarémur Sion :

In salicibus in medio ejus, \* suspendimus órgana nostra.

Quia illic interrogaverunt nos, qui captivos duxerunt nos, \* verba cantionum :

Et qui abduxerunt nos : \* Hymnum cantate nobis de canticis Sion.

Quomodo cantabimus canticum Dómini \* in terra aliéna?

Si oblitus fúero tui Jerúsalem, \* oblivióni detur dextera mea.

Adhæreat lingua mea faucibus meis, \* si non meminero tui :

Si non proposúero Jerúsalem, \* in principio lætitiæ meæ.

Memor esto Dómine filiô-

rum Edom, \* in die Jerúsalem :

Qui dicunt : Exinanite, exinanite \* usque ad fundamentum in ea.

Filia Babylónis misera : \* beátus, qui retribuet tibi retributióem tuam, quam retribuisti nobis.

Beátus, qui tenébit, \* et allidet párvulos tuos ad petram.

*Ant.* Hymnum cantate nobis de canticis Sion.

*Temp. Pasch. Ant.* Allelúia, allelúia, allelúia.

*Capit., Hymn., V., Ant. ad Magnif., et Orat. pro Tempore, ut in Vesp. Fer. II. 131.*

*Preces, quando dicendæ sunt, habentur supra in Vesp. Fer. II. 132.*

**FERIA SEXTA**

**AD VESPERAS**

*Ant.* In conspectu.

*Tempore Paschali, Ant.* Allelúia.

**Psalmus 137.**

**C**ONFITÉBOR tibi Dómine in toto corde meo : \* quoniam audisti verba oris mei.

In conspectu Angelórum psallam tibi : \* adorábo ad templum sanctum tuum, et confitébor nómini tuo.

Super misericordia tua, et veritate tua : \* quoniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánima mea virtutem.

Confiteántur tibi Dómine omnes reges terræ : \* quia audiérunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humilia réspicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendísti manum tuam, et salvum me fecit délixtera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.

*Ant.* In conspéctu Angelórum psallam tibi Deus meus.

*Ant.* Dómine.

**Psalmus 138.**

**D**ÓMINE probásti me, et cognovísti me : \* tu cognovísti sessiódinem meam, et resurrectiódinem meam.

Intellexísti cogitatiónes meas de longe : \* sémitam meam, et funiculum meum investigásti.

Et omnes vias meas prævidísti : \* quia non est sermo in lingua mea.

Ecce Dómine tu cognovísti ómnia novíssima, et antiqua : \* tu formásti me, et posuísti super me manum tuam.

Mirábilis facta est sciéntia tua ex me : \* confortáta est, et non pótero ad eam.

Quo ibo a spíritu tuo? \* et quo a fácie tua fugiam?

Si ascéndero in cælum, tu illic es : \* si descéndero in inférnum, ades.

Si sumpsero pennas meas dilúculo, \* et habitávero in extrémis maris :

Etenim illuc manus tua dedúcet me : \* et tenébit me délixtera tua.

Et dixi : Fórsitan ténebræ conculcábunt me : \* et nox illuminátio mea in deliciis meis.

Quia ténebræ non obscurabúntur a te, et nox sicut dies illuminábitur : \* sicut ténebræ ejus, ita et lumen ejus.

Quia tu possedísti renes meos : \* suscepísti me de útero matris meæ.

Confitébor tibi quia terribiliter magnificátus es : \* mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto : \* et substántia mea in inferiórius terræ.

Imperféctum meum vidé-runt óculi tui, et in libro tuo omnes scribéntur : \* dies formabúntur, et nemo in eis.

Mihi áutem nimis honorificáti sunt amíci tui Deus : \* nimis confortátus est princípátus eórum.

Dinumerábo eos, et super arénam multiplicabúntur : \* exsurrexi, et adhuc sum tecum.

Si occíderis Deus pecca-



tóres : \* viri sánguinem declínate a me :

Quia dicitis in cogitatíone : \* accipient in vanitaté civitatés tuas.

Nonne qui odérunt te Dómine, óderam? \* et super inimicos tuos tabescébam?

Perfécito ódio óderam illos : \* et inimici facti sunt mihi.

Proba me Deus, et scito cor meum : \* intérroga me, et cognósce sémitas meas.

Et vide, si via iniquitátis in me est : \* et deduc me in via ætérna.

*Ant.* Dómine probásti me, et cognovisti me.

*Ant.* A viro iníquo.

*Psalmus 139.*

**E**RIPE me Dómine ab hómine malo : \* a viro iníquo éripe me.

Qui cogitavérunt iniquitátes in corde : \* tota die constituébant prælia.

Acuérunt linguas suas sicut serpéntis : \* venénúm áspidum sub lábiis eórum.

Custódi me Dómine de manu peccatóris : \* et ab homínibus iníquis éripe me.

Qui cogitavérunt supplantáre gressus meos : \* absconderunt superbi láqueum mihi :

Et funes extendérunt in láqueum : \* juxta iter scándalum posuérunt mihi.

Dixi Dómino : Deus meus es tu : \* exáudi Dómine vocem deprecationis meæ.

Dómine, Dómine virtus

salútis meæ : \* obumbrásti super caput meum in die belli :

Ne tradas me Dómine a desidério meo peccatóri : \* cogitavérunt contra me, ne derelínquas me, ne forte exalténtur.

Caput circúitus eórum : \* labor labiórum ipsórum opériet eos.

Cadent super eos carbónes, in ignem dejícies eos : \* in misériis non subsistent.

Vir linguósus non dirigétur in terra : \* virum injústum mala cápient in intéritu.

Cognóvi quia fáciet Dóminus judícium inopis : \* et vindíctam páuperum.

Verúmtamen justí confitebúntur nómini tuo : \* et habitábunt recti cum vultu tuo.

*Ant.* A viro iníquo libera me Dómine.

*Ant.* Dómine.

*Psalmus 140.*

**D**ÓMINE clamávi ad te, exáudi me : \* inténde voci meæ, cum clamávero ad te.

Dirigátur orátio mea sicut incénsus in conspéctu tuo : \* elevátio mánuum meárum sacrificium vespertinum.

Pone Dómine custódiam ori meo : \* et óstium circumstántiæ lábiis meis.

Non declínes cor meum in verba malitiæ, \* ad excusándas excusatiónes in peccátis.

Cum homínibus operántibus iniquitátem : \* et non

communicábo cum eléctis eórum.

Corripiet me justus in misericórdia, et increpábit me : \* óleum áutem peccatóris non impinguet caput meum.

Quóniam adhuc et orátio mea in beneplácitis eórum : \* absórpti sunt juncti petræ júdices eórum.

Audient verba mea quóniam potuérunt : \* sicut cras-sitúdo terræ erúpta est super terram.

Dissipáta sunt ossa nostra secus inférnum : \* quia ad te Dómine, Dómine óculi mei : in te sperávi, non áuferas ánimam meam.

Custódi me a láqueo, quem statuérunt mihi : \* et a scándalis operántium iniquitátem.

Cadent in retiáculo ejus peccatóres : \* singuláriter sum ego donec tránseam.

**Ant.** Dómine clamávi ad te, exáudi me.

**Ant.** Pórtio mea.

**Psalmus 141.**

**V**OCE mea ad Dóminum clamávi : \* voce mea ad Dóminum deprecátus sum :

Effúndo in conspéctu ejus oratióem meam, \* et tribulatióem meam ante ipsum pronúntio.

In deficiéndo ex me spíritum meum, \* et tu cognovisti sémitas meas.

In via hac, qua ambulábam, \* abscondérunt láqueum mihi.

Considerábam ad dexte-

ram et vidébam : \* et non erat qui cognósceret me.

Périit fuga a me, \* et non est qui requirat ánimam meam.

Clamávi ad te Dómine, \* dixi : Tu es spes mea, pórtio mea in terra vivéntium.

Inténde ad deprecationem meam : \* quia humiliátus sum nimis.

Libera me a persecúntibus me : \* quia confortáti sunt super me.

Educ de custódia ánimam meam ad confiténdum nómini tuo : \* me exspéctant justí, donec retribuas mihi.

**Ant.** Pórtio mea Dómine sit in terra vivéntium.

**Temp. Pasch. Ant.** Allelúia, allelúia, allelúia.

**Capit., Hymn., V., Ant. ad Magnif., et Orat. pro Tempore, ut in Vesp. Fer. II. 131.**

**Preces, quando dicendæ sunt, habentur supra in Vesp. Fer. II. 132.**

## SABBATO

### AD VESPERAS

**Ant.** Benedictus.

**Tempore Paschali, Ant.** Allelúia.

**Psalmus 143.**

**B**ENEDICTUS Dóminus Deus meus, qui docet manus meas ad prælium, \* et dígitos meos ad bellum.

Misericórdia mea, et refúgium meum : \* suscéptor meus, et liberátor meus :



Protéctor meus, et in ipso sperávi : \* qui subdit pópulum meum sub me.

Dómine quid est homo, quia innotuísti ei? \* aut filius hóminis, quia réputas eum?

Homo vanitáti similis factus est : \* dies ejus sicut umbra prætereunt.

Dómine inclina cælos tuos, et descénde : \* tange montes, et fumigábunt.

Fúlgura coruscationem, et dissipabis eos : \* emitte sagittas tuas, et conturbábis eos :

Emitte manum tuam de alto, éripe me, et libera me de aquis multis : \* de manu filiórum alienórum.

Quorum os locútum est vanitatem : \* et dextera eórum, dextera iniquitátis.

Deus cánticum novum cantábo tibi : \* in psaltério, decachórdo psallam tibi.

Qui das salútem régibus : \* qui redemisti David servum tuum de gládio maligno, éripe me.

Et érue me de manu filiórum alienórum, quorum os locútum est vanitatem : \* et dextera eórum, dextera iniquitátis :

Quorum filii, sicut novélæ plantatiónes \* in juventúte sua.

Filiæ eórum compósitæ : \* circumornátæ ut similitúdo templi.

Promptuária eórum plena, \* eructántia ex hoc in illud.

Oves eórum foetósæ, abundantes in egressibus suis : \* boves eórum crassæ.

Non est ruína maceriæ, neque tránsitus : \* neque clamor in platéis eórum.

Beátum dixerunt pópulum, cui hæc sunt : \* beátus pópulus, cujus Dóminus Deus ejus.

**Ant.** Benedictus Dóminus Deus meus.

**Ant.** Per singulos dies.

**Psalmus 144.**

**E**XALTÁBO te Deus meus rex : \* et benedicam nómini tuo in sæculum, et in sæculum sæculi.

Per singulos dies benedicam tibi : \* et laudábo nomen tuum in sæculum, et in sæculum sæculi.

Magnus Dóminus et laudábilis nimis : \* et magnitudinis ejus non est finis.

Generátio et generátio laudábit ópera tua : \* et poténtiam tuam pronuntiábunt.

Magnificéntiam glóriæ sanctitátis tuæ loquéntur : \* et mirabilia tua narrábunt.

Et virtútem terribilium tuórum dicent : \* et magnitudinem tuam narrábunt.

Memóriam abundantiae suavitátis tuæ eructábunt : \* et justitia tua exsultábunt.

Miserátor et miséricors Dóminus : \* pátiens, et multum miséricors.

Suávis Dóminus univér-  
sis : \* et miseratiónes ejus  
super ómnia ópera ejus.

Confiteántur tibi Dómine  
omnia ópera tua : \* et sancti  
tui benedicant tibi.

Glóriam regni tui dicent : \*  
et poténtiam tuam loquén-  
tur :

Ut notam fáciant filiis hó-  
minum poténtiam tuam : \*  
et glóriam magnificéntiæ re-  
gni tui.

Regnum tuum regnum  
ómnium sæculórum : \* et  
dominátio tua in omni gene-  
ratióne et generatióne.

Fidélis Dóminus in ómni-  
bus verbis suis : \* et sanctus  
in ómnibus opéribus suis.

Allevat Dóminus omnes  
qui córruunt : \* et érigit  
omnes elisos.

Oculi ómnium in te spe-  
rant Dómine : \* et tu das  
escam illórum in témpore  
opportúno.

Aperis tu manum tuam : \*  
et imples omne ánimam be-  
nedictióne.

Justus Dóminus in ómni-  
bus viis suis : \* et sanctus in  
ómnibus opéribus suis.

Prope est Dóminus ómni-  
bus invocántibus eum : \*  
ómnibus invocántibus eum  
in veritate.

Voluntátem timéntium se  
fáciat : \* et deprecationem  
eórum exáudiet : et salvos  
fáciat eos.

Custódit Dóminus omnes  
diligéntes se : \* et omnes  
peccatóres dispédet.

Laudatióne Dómini lo-  
quétur os meum : \* et bene-  
dicat omnis caro nómini

sancto ejus in sæculum, et  
in sæculum sæculi.

**Ant.** Per singulos dies be-  
nedicam te Dómine.

**Ant.** Laudábo.

**Psalmus 145.**

**L**ÁUDA ánima mea Dómi-  
num, laudábo Dóminum  
in vita mea : \* psallam Deo  
meo quámdiu fúero.

Nolite confidere in prin-  
cipibus : \* in filiis hóminum,  
in quibus non est salus.

Exibit spíritus ejus, et  
revertétur in terram suam : \*  
in illa die peribunt omnes  
cogitatiónes eórum.

Beátus, cujus Deus Jacob  
adjútor ejus, spes ejus in  
Dómino Deo ipsíus : \* qui  
fecit cælum et terram, mare,  
et ómnia, quæ in eis sunt.

Qui custódit veritátem in  
sæculum, facit judícium in-  
júriam patiéntibus : \* dat  
escam esuriéntibus.

Dóminus solvit compedi-  
tos : \* Dóminus illúminat  
cæcos.

Dóminus érigit elisos, \*  
Dóminus diligit justos.

Dóminus custódit ádve-  
nas, pupillum et víduam sus-  
cipiet : \* et vias peccatórum  
dispédet.

Regnábit Dóminus in sæ-  
cula Deus tuus Sion, \* in ge-  
neratióne et generatióne.

**Ant.** Laudábo Deum meum  
in vita mea.

**Ant.** Deo nostro.

**Psalmus 146.**

**L**AUDÁTE Dóminum quó-  
niam bonus est psalmus : \*



Deo nostro sit jucúnda, decóraque laudátio.

Ædificans Jerúsalem Dóminus : \* dispersiões Israélis congregábit.

Qui sanat contritos corde : \* et álligat contritiões eórum.

Qui númerat multitudinem stellárum : \* et ómnibus eis nómina vocat.

Magnus Dóminus noster, et magna virtus ejus : \* et sapiéntiæ ejus non est númerus.

Suscípiens mansuétos Dóminus : \* humilians áutem peccatóres usque ad terram.

Præcinite Dómino in confessiõe : \* psállite Deo nostro in cithara.

Qui óperit cælum núbibus, \* et parat terræ plúviam.

Qui producit in móntibus fœnum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi voluntátem habébit : \* nec in tibiis viri beneplácitum erit ei.

Beneplácitum est Dómino super timéntes eum : \* et in eis, qui sperant super misericórdia ejus.

*Ant.* Deo nostro jucúnda sit laudátio.

*Ant.* Láuda.

*Psalmus 147*

**L**ÁUDA Jerúsalem Dóminum : \* láuda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terræ : \* velóriter currit sermo ejus.

Qui dat nivem sicut lanam : \* nébulam sicut cinerem spargit.

Mittit crystállum suam sicut buccéllas : \* ante faciẽm frigoris ejus quis sustinébit?

Emittet verbum suum, et liquefaciet ea : \* flabit spíritus ejus, et fluent aquæ.

Qui annúntiat verbum suum Jacob : \* justitias, et judícia sua Israël.

Non fecit táliter omni nationi : \* et judícia sua non manifestávit eis.

*Ant.* Láuda Jerúsalem Dóminum.

*Temp. Pasch. Ant.* Allelúia, allelúia, allelúia.

*Capit., Hymnus. V., Ant. ad Magnificat, et Orat. pro Tempore*

Deinde fiunt sequentes Commem. communes, seu Suffragia Sanctorum, quæ dicuntur etiam ad Laudes.

COMMEMORATIO DE CRUCE

IN FERALI TANTUM OFFICIO

*Ad Vesp. et Laud. Ant.* Per signum Crucis de inimicis nostris libera nos Deus noster.

*V.* Omnis terra adóret te, et psallat tibi. *R.* Psalmum dicat nómini tuo Dómine.

Orémus. *Oratio*

**P**ERPÉTUA nos, quæsumus Dómine, pace custódi :

quos per lignum sanctæ Crucis redimere dignatus es.

**Tempore autem Paschali, a Feria II. post Dom. in Albis usque ad Ascensionem, tam in Officio de Tempore quam de Sanctis, nisi sit Dupl. aut infra Octavas, fit sequens.**

**Ad Vesp. Ant.** Crucem sanctam subiit qui infernum confrégit, accinctus est potentia, surréxit die tertia, allelúia.

**Ad Laud. Ant.** Crucifixus surréxit a mortuis, et redemit nos, allelúia, allelúia.

**V.** Dicite in nationibus, allelúia. **R.** Quia Dóminus regnavit a ligno, allelúia.

**Orémus. Oratio.**

**D**EUS, qui pro nobis Fílium tuum Crucis patibulum subire voluisti, ut inimici a nobis expelleres potestatem: concéde nobis fámulis tuis; ut resurrectionis grátiam consequámur. Per eúmdem Dóminum.

**Aliæ Commem. de Sanctis non fiunt Temp. Pasch.**

#### COMMEMORATIONES COMMUNES SIVE SUFFRAGIA SANCTORUM

##### DE SANCTA MARIA

**Quando non dicitur ejus Officium parvum.**

**Ad Vesp. et Laud. Ant.** Sancta María succurre miseris, juva pusillánimes, réfove flébiles, ora pro populo, intérvieni pro clero, intercède pro devóto femineo sexu: sentiant omnes tuum juvámén, quicúmque

célebrant tuam sanctam commemoratióem.

**V.** Ora pro nobis sancta Dei Génitrix. **R.** Ut digni efficiámur promissionibus Christi.

**Orémus. Oratio.**

**C**ONCÉDE nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper Virginis intercessióne, a præsentí liberári tristitia, et æterna pérfrui lætítia.

##### DE SANCTO JOSEPH

**Ad Vesp. Ant.** Ecce fidéls servus et prudens, quem constituit Dóminus super familiam suam.

**V.** Glória et divítiae in domo ejus. **R.** Et justítia ejus manet in sæculum sæculi.

**Ad Laud. Ant.** Ipse Jesus erat incipiens quasi annórum triginta ut putabátur fílius Joseph.

**V.** Os justí meditábitur sapiéntiam. **R.** Et lingua ejus loquétur judícium.

**Orémus. Oratio.**

**D**EUS, qui ineffábili providéntia beátum Joseph sanctíssimæ Genitrícis tuæ sponsum eligere dignatus es: præsta quæsumus; ut quem protectórem venerámur in terris, intercessórem habére mereámur in cælis.

##### DE APOSTOLIS

**Ad Vesp. Ant.** Petrus Apóstolus, et Páulus Doctor Géntium, ipsi nos docuérunt legem tuam Dómine.



✠. Constitues eos principes super omnem terram.

℟. Mémores erunt nóminis tui Dómine.

Ad Laud. Ant. Gloriósi principes terræ, quómodo in vita sua dilexérunt se, ita et in morte non sunt separáti.

✠. In omnem terram exívit sonus eórum. ℟. Et in fines orbis terræ verba eórum.

Orémus. **Oratio.**

**D**EUS, cujus dextera beatum Petrum ambulátem in flúctibus, ne mergerétur, eréxit, et coapóstolum ejus Páulum tertio naufragátem de profúndo pélagi liberávit : exáudi nos propítius, et concéde; ut ambórum méritis, æternitátis glóriam consequámur.

#### DE PATRONO

Vel Titulari eccl. fiat Commem. consueta ante vel post Commem. prædictas, pro dignitate illius; et ultimo loco :

#### DE PACE

Ad Vesp. et Laud. Ant. Da pacem Dómine in diébus nostris, quia non est álius, qui pugnet pro nobis, nisi tu Deus noster.

✠. Fiat pax in virtúte tua. ℟. Et abundántia in túrribus tuis.

Orémus. **Oratio.**

**D**EUS, a quo sancta desideria, recta consília, et justa sunt ópera : da servis tuis illam, quam mundus dare non potest, pacem; ut et corda nostra mandá-

tis tuis dédita, et hóstium subláta formidine, témpora sint tua protectióne tranquilla. Per Dóminum nostrum Jesum Christum Fílium tuum : qui tecum vivit et regnat in unitáte Spíritus sancti Deus, per ómnia sæcula sæculórum.

℟. Amen.

✠. Dóminus vobíscum. ℟. Et cum spíritu tuo.

✠. Benedicámus Dómino.

℟. Deo grátias.

✠. Fidélium animæ per misericórdiam Dei requiescant in pace. ℟. Amen.

Deinde dicitur secreto Pater noster.

Sic terminatur Offic., ubi alia non sequatur Hora, ut dicitur in Rubrica de Oratione Dominica.

Dictæ Commem. seu Suffragia dicuntur ab Octava Epiph. usque ad Dom. Passionis, exceptis Duplicibus, et infra Octavas.

Quando dicitur Officium B. Mariæ, non fit alia Commemoratio de ea.

#### AD COMPLETORIUM

Lector incipit :

✠. Jube domne benedicere.

Bened. Noctem quiétam, et finem perféctum concédatur nobis Dóminus omnípotens. ℟. Amen.

Lectio brevis. I. Petr. 5. c

**F**RATRES : Sóbrii estóte, et vigiláte : quia adversarius vester diábolus tam-

quam leo rúgiens circuit, quærens quem devoret: cui resistite fortes in fide. Tu autem Dómine miserere nobis. *R.* Deo grátias.

*V.* Adjutórium nostrum in nómine Dómini. *R.* Qui fecit cælum et terram.

Paternoster. *dicitur totum secreto.*

*Deinde Hebdomadarius facit Confessionem*

**C**ONFÍTEOR Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Páulo, ómnibus Sanctis, et vobis fratres: quia peccávi nimis cogitatione, verbo et ópere: mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

*Chorus respondet.*

**M**ISEREÁTUR tui omnipotens Deus, et dimíssis peccátis tuis, perdúcat te ad vitam ætérnam. *R.* Amen.

*Deinde repetit Confessionem; et ubi dicitur vobis fratres, et vos fratres, dicitur tibi Pater, et te Pater.*

*Facta Confessione a Choro Hebdomadarius dicit*

**M**ISEREÁTUR vestri omnipotens Deus, et dimís-

sis peccátis vestris, perdúcat vos ad vitam ætérnam. *R.* Amen.

**I**NDULGÉNTIAM, absolutiōnem et remissionem peccatorum nostrórum tribuat nobis omnipotens et misericors Dóminus. *R.* Amen.

*Et facta Absolutione, dicitur V.*

**C**ONVÉRTE NOS Deus salutáris noster. *R.* Et avérte iram tuam a nobis.

*V.* Deus in adjutórium meum inténde. *R.* Dómine ad adjuvándum me festína. Glória Patri. Sicut erat.

*Ant. Miserére.*

*Temp. Pasch. Ant. Allelúia.*

*Psalmus 4*

**C**UM invocárem exaudivit me Deus justitiæ meæ: \* in tribulatione dilatásti mihi.

Miserére mei, \* et exáudi orationem meam.

Filii hóminum úsquequo gravi corde? \* ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum: \* Dóminus exáudiet me cum clamávero ad eum.

Irascimini, et nolite peccáre: \* quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino. \* Multi dicunt: Quis osténdit nobis bona?

Signátum est super nos lumen vultus tui Dómine: \*



dedisti lætítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dór-miam, et requiéscam;

Quóniam tu Dómine sin-guláriter in spe \* constituísti me.

### Psalmus 30.

**I**N te Dómine sperávi, non confúndar in ætérnum : \* in justítia tua libera me.

Inclína ad me áurem tu-am, \* accélera ut éruas me.

Esto mihi in Deum prote-ctórem : et in domum re-fúgii, \* ut saluum me fácias.

Quóniam fortitúdo mea, et refúgium meum es tu : \* et propter nomen tuum de-dúces me, et enútries me.

Educes me de láqueo hoc, quem abscondérunt mihi : \* quóniam tu es protéctor meus.

In manus tuas comméndo spíritum meum : \* redemísti me Dómine Deus veritátis.

### Psalmus 90.

**Q**UI hábitat in adjutório Altíssimi, \* in protectióne Dei cæli commorábitur.

Dicet Dómino : Suscéptor meus es tu, et refúgium meum : \* Deus meus sperábo in eum.

Quóniam ipse liberávit me de láqueo venántium, \* et a verbo áspéro.

Scápulis suis obumbrábit tibi : \* et sub pennis ejus sperábis.

Scuto circúmdabit te vé-

ritas ejus : \* non timébis a timóre noctúrno,

A sagitta volánte in die, a negótio perambulánte in té-nebris : \* ab incúrsu, et dæmónio meridiáno.

Cadent a látere tuo mille, et decem millia a dextris tuis : \* ad te áutem non appropinquábit.

Verúmtamen óculis tuis considerábis : \* et retribu-tiónem peccatórum vidébis.

Quóniam tu es Dómine spes mea : \* Altíssimum po-suísti refúgium tuum.

Non accédet ad te malum : \* et flagéllum non appropin-quábit tabernáculo tuo.

Quóniam Angelis suis man-dávit de te : \* ut custódiant te in ómnibus viis tuis.

In mánibus portábunt te : \* ne forte offéndas ad lápidem pedem tuum.

Super áspidem, et basili-scum ambulábis : \* et con-culcábis leónem et dracónem.

Quóniam in me sperávit, liberábo eum : \* prótegam eum, quóniam cognóvit no-men meum.

Clamábit ad me, et ego exáudiam eum : \* cum ipso sum in tribulatióne : eripiam eum et glorificábo eum.

Longitúdine diérum re-plébo eum : \* et osténdam illi salutáre meum.

### Psalmus 133.

**E**CCE nunc benedicite Dó-minum, \* omnes servi Dómini :

Quistatis in domo Dómini,\*  
in átriis domus Dei nostri,

In nóctibus extóllite manus vestras in sancta,\* et benedicite Dóminum.

Benedicat te Dóminus ex Sion,\* qui fecit cælum et terram.

**Ant.** Miserére mihi Dómine, et exáudi oratióne meam.

**Temp. Pasch. Ant.** Allelúia, allelúia, allelúia.

**Hymnus.**

**T**E lucis ante términum,  
Rerum Creátor póscimus,

Ut pro tua cleméntia  
Sis præsul et custódia.

Procul recédant sómnia,  
Et nóctium phantásmata;  
Hostémque nostrum cómpri-

me, Ne polluántur córpora.

Præsta, Pater piissime,  
Patrique compar Unice,  
Cum Spíritu Paráclito  
Regnans per omne sæculum.

Amen.

Sic terminandus est Hymnus prædictus Tempore Quadrag. et per Annum, nisi aliter notetur.

¶ Tempore Paschali, id est a Complet. ante Dom. in Albis, usque ad Ascensionem exclusive, tam in Dom. quam in Feriis (ac etiam in Festis eodem tempore occurrentibus, nisi aliter notetur), in fine Hymni prædicti dicitur seq. versus:

Deo Patri sit glória,  
Et Filio, qui a mórtuis

Surréxit, ac Paráclito,  
In sempitérna sæcula.

Amen.

¶ **Ab Ascensione autem usque ad Festum Pentec. exclusive, terminandus est sic:**

Jesu tibi sit glória,  
Qui victor in cælum redis,  
Cum Patre et almo Spíritu,  
In sempitérna sæcula. Amen.

**Capitulum. Jerem. 14. b**

**T**U áutem in nobis es Dómine, et nomen sanctum tuum invocátum est super nos, ne derelinquas nos Dómine Deus noster. **R.** Deo grátias.

**R. br.** In manus tuas Dómine \* Comméndo spiritum meum. In. **V.** Redemisti nos Dómine Deus veritátis. Comméndo. Glória Patri. In manus.

**V.** Custódi nos Dómine ut pupillam óculi. **R.** Sub umbra alárum tuárum protége nos.

¶ **A Complet. Sabbati ante Dom. in Albis inclusive, usque ad Sabb. post Festum Pentec. exclusive, dicitur sequens**

**R. br.** In manus tuas Dómine comméndo spiritum meum, \* Allelúia, allelúia. In manus. **V.** Redemisti nos Dómine Deus veritátis. Allelúia, allelúia. Glória Patri. In manus.

**V.** Custódi nos Dómine ut pupillam óculi, allelúia. **R.** Sub umbra alárum tuárum protége nos, allelúia.

**Ant.** Salva nos.



## Canticum Simeonis.

Luc. 2. e

**N**UNC dimittis servum tuum  
Dómine, \* secúndum  
verbum tuum in pace :

Quia vidérunt óculi mei \*  
salutare tuum,

Quod parásti \* ante fáciem  
ómniū populórum :

Lumen ad revelatióem  
géntium, \* et glóriam plebis  
tuæ Israël.

Glória Patri.

**Ant.** Salva nos Dómine  
vigilántes, custódi nos dor-  
miéntes : ut vigilémus cum  
Christo, et requiescámus in  
pace.

**Tempore Paschali additur**  
Allelúia.

**Sequentes Preces semper**  
dicuntur, præterquam in Of-  
ficio duplici, et infra Octa-  
vas : quæ in feriali Officio,  
Tempore Quadragesimali,  
et in Quatuor Temporibus,  
quando dictæ sunt Preces in  
Vesp., dicuntur flexis geni-  
bus.

**K**YRIE eléison. Christe eléi-  
son. Kýrie eléison.

Pater noster. **secreto.**

✠. Et ne nos indúcas in  
tentatióem. **R.** Sed libera  
nos a malo.

Credo in Deum. **secreto.**

✠. Carnis resurrectionem.

**R.** Vitam ætérnam. Amen.

✠. Benedictus es Dómine  
Deus patrum nostrórum. **R.**  
Et laudábilis et gloriósus in  
sæcula.

✠. Benedicámus Patrem  
et Filium cum sancto Spi-

ritu. **R.** Laudémus, et super-  
exaltémus eum in sæcula.

✠. Benedictus es Dómine  
in firmaménto cæli. **R.** Et  
laudábilis, et gloriósus, et  
superexaltátus in sæcula.

✠. Benedicat et custódiat  
nos omnipotens et miséri-  
cors Dóminus. **R.** Amen.

✠. Dignáre Dómine nocte  
ista. **R.** Sine peccáto nos  
custodire.

✠. Miserére nostri Dómi-  
ne. **R.** Miserére nostri.

✠. Fiat misericórdia tua  
Dómine super nos. **R.** Quem-  
ádmódum sperávimus in te.

✠. Dómine exáudi oratió-  
nem meam. **R.** Et clamor  
meus ad te véniat.

✠. Dóminus vobiscum. **R.**  
Et cum spiritu tuo.

Orémus. **Oratio.**

**V**ÍSITA, quæsumus Dómi-  
ne, habitatióem istam,  
et omnes insídias inimíci ab  
ea longe repélle : Angeli tui  
sancti hábitent in ea, qui  
nos in pace custódiant; et  
benedictio tua sit super nos  
semper. Per Dóminum.

✠. Dóminus vobiscum. **R.**  
Et cum spiritu tuo.

✠. Benedicámus Dómino.  
**R.** Deo grátias.

**Bened.** Benedicat et cu-  
stódiat nos omnipotens et  
miséricors Dóminus, Pater,  
et Filius, et Spíritus sanctus.  
**R.** Amen.

**Et non dicitur** Fidélium  
animæ, **sed immediate dici-**  
**tur una ex infrascriptis An-**  
**tiphonis pro Tempore.**

Post Purificationem, id est, a fine Completorii illius diei secundæ Februarii inclusive, usque ad Feriam V. in Cœna Domini exclusive.

## ANTIPHONA

**A**VE Regina cælórum,  
Ave Dómina Angeló-  
rum :

Salve radix, salve porta,  
Ex qua mundo lux est orta :

Gáude Virgo gloriósa,  
Super omnes speciósa,  
Vale o valde decóra,  
Et pro nobis Christum ex-  
óra.

**V.** Dignáre me laudáre te  
Virgo sacráta. **R.** Da mihi  
virtútém contra hostes tuos.

Orémus. **Oratio.**

**C**ONCÉDE, miséricors Deus,  
fragilitáti nostræ præsi-  
dium : ut qui sanctæ Dei Ge-  
nitricis memóriam ágimus,  
intercessiónis ejus auxilió a  
nostris iniquitatibus resur-  
gámus. Per eúmdem Chri-  
stum Dóminum nostrum.

**R.** Amen.

A Complet. Sabbati sancti  
usque ad Nonam Sabbati  
post Pentec. inclusive :

## ANTIPHONA

**R**EGÍNA cæli lætáre, alle-  
lúia,  
Quia quem meruisti portáre,  
allelúia,  
Resurréxit, sicut dixit, alle-  
lúia,  
Ora pro nobis Deum, alle-  
lúia.

**V.** Gáude et lætáre Virgo  
Maria, allelúia. **R.** Quia sur-

réxit Dóminus vere, alle-  
lúia.

Orémus. **Oratio.**

**D**EUS, qui per resurrecti-  
onem Filii tui Dómini  
nostri Jesu Christi mundum  
lætificáre dignátus es : præ-  
sta quæsumus; ut per ejus  
Genitricem Virginem Ma-  
riam perpétuæ capiámus  
gáudia vitæ. Per eúmdem  
Christum Dñm nostrum.

**R.** Amen.

**V.** Divinum auxiliúm má-  
neat semper nobíscum.

**R.** Amen.

Deinde dicitur secreto Pa-  
ter noster. Ave María. et  
Credo.

Sic dicitur Completorium  
per totum Annun, præter-  
quam in triduo Majoris He-  
bdomadæ, et per Octavam  
Paschæ, ut suo loco dicetur.

Si post Complet. imme-  
diate sequatur Matut., tunc  
bis dicatur Pater noster. Ave  
Maria. et Credo : quia Com-  
plet., quod est finis Officii,  
sic terminari debet; et ante  
Matut. iterum repetitur pro  
principio Officii seq. diei.

Antiphona prædicta di-  
citur etiam in fine Lau-  
dum, quando discedendum  
est a Choro : sed si imme-  
diate post Matut. subsequa-  
tur Prima, vel alia Hora,  
dicitur in fine ultimæ Ho-  
ræ, ita ut dicatur semper,  
quando, terminata aliqua  
Hora, discedendum est a  
Choro : et tunc post **V.** Fid-  
elium animæ. et Pater noster.



secreto, dicitur  $\text{Ÿ}$ . Dóminus  
det nobis suam pacem.  $\text{R}$ . Et  
vitam ætérnam. Amen.

Deinde una ex prædictis  
Antiphonis, et in fine Divi-  
num auxílium máneat sem-  
per nobiscum.  $\text{R}$ . Amen.

Extra Chorum autem di-

citur in fine Laudum, si  
tunc terminandum sit Offi-  
cium; alioquin in fine ulti-  
mæ Horæ.

Post alias vero Horas,  
quando terminatur Offic.,  
dicitur tantum Pater noster.  
secreto.





## PROPRIUM DE TEMPORE

### SABBATO I.

#### IN QUADRAGESIMA

Hodie, et deinceps usque ad Pascha, dicuntur Vesp. ante comestionem tam in Festis quam in Feriis, exceptis Dom., in quibus dicuntur hora consueta.

#### IN I. VESPERIS

#### Capitulum. II. Cor. 6.

**R**ATRES : Hortamur vos, ne in vacuum grátiam Dei recipiátis. Ait enim : Tém-pore accépto exaudivi te, et in die salútis adjúvi te.

#### Hymnus.

**A**UDI, benigne Cónditor,  
Nostras preces cum flé-  
tibus,

In hoc sacro jejúnio  
Fusas quadragenário.

Scrutátor alme córdium,  
Infirma tu scis virium :  
Ad te revérsis éxhibe  
Remissiónis grátiam.

Multum quidem peccávi-  
mus,  
Sed parce confiténtibus :  
Ad nóminis láudem tui  
Confer medélam lánguidis.

Concéde nostrum cónteri  
Corpus per abstinéntiam ;  
Culpæ ut relínquant pábu-  
lum

Jejúna corda criminum.

Præsta beáta Trínitas,  
Concéde simplex Unitas ;  
Ut fructuósa sint tuis  
Jeguniórum múnera.

Amen.

**V.** Angelis suis Deus man-  
dávít de te. **R.** Ut custódi-  
ant te in ómnibus viis tuis.

**Ad Magnif. Ant.** Tunc in-  
vocábis, \* et Dóminus exáu-  
diet : clamábis, et dicet :  
Ecce adsum.

#### Oratio.

**D**EUS, qui Ecclesiám tuam  
án-nua Quadragesimáli  
observatióne purificas : præ-  
sta familiæ tuæ ; ut quod a  
te obtinére abstinéndo niti-  
tur, hoc bonis opéribus ex-  
sequátur. Per Dóminum.

#### DOM. I. QUADRAGESIMÆ

Si hac die, et in aliis Do-  
minicis Quadrages. occurrat  
Festum Duplex ex majoribus  
vel alicujus Doct. Ecclesiæ,  
transfert. in sequentem diem



Dupl. vel Semid. non imeditam. De aliis Dupl. et de Semid. fit tantum Commem. in utrisque Vesp. et Laud. ut dicit. in Rubrica de Commem. et de Translat. Festorum. Aliis diebus Quadrag. usque ad majorem Hebdomadam, si occurrat Festum Dupl. vel Semid., fit de eo cum Commem. et ix. Lect. de Homilia Feriæ.

De Simplicibus quoque fit tantum Commemoratio, ut in Rubricis generalibus.

Per totam Quadrag. in feriali Officio, Feria II. dicitur Offic. Defunctorum, Fer. IV. dicuntur Pss. Graduales, Feria VI. Septem Pss. Pœnitentiales cum Litanis, præterquam in Feriis majoris Hebdomadæ : quæ omnia habentur in fine Breviarii.

#### AD MATUTINUM

Invit. Non sit vobis vanum mane surgere ante lucem :  
\* Quia promisit Dóminus coronam vigilántibus.

Ps. Veníte, exsultémus. 2.

Hymn. Ex more docti. ut in Psalt. 3.

#### IN I. NOCTURNO

Ant., Pss. et vv. ut in Psalterio. 4.

De Epístola secúnda beáti Páuli Apóstoli ad Corínthios.

Lectio j. Cap. 6.

**A**DJUVANTES áutem exhortámur ne in vácuum grátiam Dei recipiátis. Ait enim : Têmpore accépto exaudi vi te, et in die salútis

adjúvi te. Ecce nunc tempus acceptábile, ecce nunc dies salútis. Némini dantes ullam offensióem, ut non vituperétur ministérium nostrum : sed in ómnibus exhibeámus nosmetipsos sicut Dei ministros in multa patiéntia, in tribulatióibus, in necessitatibus, in angústis, in plagis, in carcéribus, in seditióibus, in labóribus, in vigiliis, in jejúniis, in castitate, in sciéntia, in longanimitate, in suavitate, in Spíritu sancto, in caritate non ficta, in verbo veritátis, in virtúte Dei, per arma justitiæ a dextris, et a sinistris, per glóriam, et ignobilitátem, per infámiam, et bonam famam : ut seductóres, et veráces, sicut qui ignóti, et cógnoti : quasi moriéntes, et ecce vivimus : ut castigáti, et non mortificáti : quasi tristes, semper áutem gaudentes : sicut egéntes, multos áutem locupletántes : tamquam nihil habéntes, et ómnia possidéntes.

**¶** Ecce nunc tempus acceptábile, ecce nunc dies salútis : commendémus nosmetipsos in multa patiéntia, in jejúniis multis, \* Per arma justitiæ virtútis Dei. **v.** In ómnibus exhibeámus nosmetipsos sicut Dei ministros, in multa patiéntia, in jejúniis multis. Per arma.

Lectio ij.

**O**s nostrum patet ad vos o Corinthei, cor nostrum

dilatátum est. Non angustíamini in nobis : angustíamini áutem in viscéribus vestris : eámdem áutem habéntes remuneratióne, tamquam filiis dico : dilatámini et vos. Nolite jugum dúcere cum infidélibus. Quæ enim participatio justitiæ cum iniquitate? Aut quæ societas luci ad ténebras? Quæ áutem convéntio Christi ad Bélial? Aut quæ pars fidéli cum infidéli? Qui áutem consénsus templo Dei cum idólis? Vos enim estis templum Dei vivi, sicut dicit Deus : Quóniam inhabitábo in illis, et inambulábo inter eos, et ero illórum Deus, et ipsi erunt mihi pópulus.

**R.** In ómnibus exhibéamus nosmetipsos sicut Dei ministros in multa patiéntia :  
 \* Ut non vituperétur ministerium nostrum. **V.** Ecce nunc tempus acceptábile, ecce nunc dies salutis : commendémus nosmetipsos in multa patiéntia. Ut non.

**Lectio iij. Cap. 7.**

**R**EPLÉTUS sum consolatióne, superabúndo gáudio in omni tribulatióne nostra. Nam et cum venissémus in Macedóniam, nullam réquiem hábuit caro nostra, sed omnem tribulatióne passi sumus : foris pugnæ, intus timóres. Sed qui consolátur húmiles, consolátus est nos Deus in advéntu Titi. Non solum áutem in advéntu ejus, sed étiam in consola-

tióne, qua consolátus est in vobis, réferens nobis vestrum desidérium, vestrum fletum, vestram æmulatióne pro me, ita ut magis gaudérem. Quóniam etsi contristávi vos in epístola, non me pœnitet : etsi pœnitétet, videns quod epístola illa (etsi ad horam) vos contristávit; nunc gáudeo : non quia contristáti estis, sed quia contristáti estis ad pœniténtiam.

**R.** In jejúnio et fletu orábunt sacerdótes, dicéntes :  
 \* Parce Dómine, parce pópulo tuo, et ne des hereditátem tuam in perditionem.  
**V.** Inter vestibulum et altáre plorábunt sacerdótes, dicéntes. Parce. Glória Patri. Parce.

IN II. NOCTURNO

**Ant. Ps. et yv. de Psalt. 11.**

Sermo sancti Leónis Papæ.

**Serm. 4. de Quadrag.**

**Lectio iv.**

**P**RÆDICATÚRUS vobis, dilectissimi, sacratissimum maximúmque jejúnium, quo áptius utar exórdio, quam ut verbis Apóstoli, in quo Christus loquebátur, incipiam, dicámque quod lectum est : Ecce nunc tempus acceptábile : ecce nunc dies salutis? Quamvis enim nulla sint témpora, quæ divinis non sint plena munéribus, et semper nobis ad misericórdiam Dei per ipsius grátiam præstétur accéssus :



nunc tamen ómnium mentes majóri stúdio ad spirítales proféctus movéri, et amplióri fidúcia opórtet animári, quando ad univérſa pietátis officia, illius nos diéi, in quo redépti sumus, recúrsus invitat : ut excéllens super ómnia passiónis Dominicæ sacraméntum, purificátis et corpóribus et ánimis celebrémus.

**R.** Emendémus in mélius, quæ ignoránte peccávimus: ne súbito præoccupáti die mortis, quæramus spátium poeniténtiæ, et invenire non possimus : \* Atténde Dómine, et miserére quia peccávimus tibi. **V.** Adjuva nos Deus salutáris noster, et propter honórem nóminis tui Dómine libera nos. Atténde.

#### Lectio v

**D**EBEBÁTUR quidem tantis mystériis ita incessábilis devótió, et continuáta reveréntia, ut tales permanerémus in conspéctu Dei, quales nos in ipso Pascháli festo dignum est inveniri. Sed quia hæc fortitúdo paucórum est; et dum carnis fragilitate austérior observántia relaxátur, dumque per varias actiões vitæ hujus sollicitúdo disténditur, necesse est de mundáno púlvere étiam religiósá corda sordescere : magna divinæ institutiónis salubritate provisum est, ut ad reparándam méntium puritatem quadraginta nobis diérum exerci-

tatio mederétur, in quibus aliórum témporum culpas, et pia ópera redimerent, et jejúnia casta decóquerent.

**R.** Derelinquat impius viam suam, et vir iníquus cogitatiónes suas, et revertátur ad Dóminum, et miserébitur ejus : \* Quia benígnus et miséricors est, et præstábilis super malítia Dóminus Deus noster. **V.** Non vult Dóminus mortem peccatóris, sed ut convertátur et vivat. Quia.

#### Lectio vj

**I**NGRESSÚRI igitur, dilectissimi, dies mysticos, et purificándis ánimis atque corpóribus sacrátius institutos, præcéptis apostólicis obedire curémus, emundántes nos ab omni inquinaménto carnis ac spiritus : ut castigátis colluctatióibus, quæ sunt inter utrámque substántiam, ánimus, quem sub Dei gubernáculis constitútum, córporis sui decet esse rectórem, dominatiónis suæ obtineat dignitatem : ut némini dantes ullam offensióem, vituperatióibus obloquéntium non simus obnoxii. Digna enim ab infidelibus reprehensióne carpémur, et nostro vítio linguæ impiæ in injúriam se religiónis armábunt, si jejúnantium mores a puritáte perfectæ continéntiæ discrepárint. Non enim in sola abstinentia cibi stat nostri summa jejúnii : aut fructuóse córpori esca subtráhitur, nisi

mens ab iniquitate revocetur.

**R.** Paradisi portas aperuit nobis jejunii tempus : suscipiamus illud orantes, et deprecantes : \* Ut in die resurrectionis cum Domino gloriemur. **V.** In omnibus exhibeamus nosmetipsos sicut Dei ministros in multa patientia. Ut. Glória Patri. Ut.

IN III. NOCTURNO

**Ant., Pss. et VV. de Psalterio. 15.**

Lectio sancti Evangelii secundum Matthæum.

**Lectio vij. Cap. 4.**

**I**n illo tempore : Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus et quadraginta noctibus, postea esuriit. Et reliqua.

Homilia sancti Gregorii Papæ.

**Homil. 16. in Evang.**

**D**UBITARI a quibusdam solet, a quo spiritu sit Jesus ductus in desertum, propter hoc quod subditur : Assumpsit eum diabolus in sanctam civitatem : et rursum : Assumpsit eum in montem excelsum valde. Sed vere et absque ulla quaestione convenienter accipitur, ut a sancto Spiritu in desertum ductus credatur : ut illuc eum suus Spiritus duceret, ubi hunc ad tentandum malignus spiritus inveniret. Sed ecce, cum dicitur Deus homo vel in excelsum montem,

vel in sanctam civitatem a diabolo assumptus, mens refugit credere, humanæ hoc audire aures expavescunt. Qui tamen non esse incredibilia ista cognoscimus, si in illo et alia facta pensamus.

**R.** Scindite corda vestra, et non vestimenta vestra : et convertimini ad Dominum Deum vestrum : \* Quia benignus et misericors est. **V.** Derelinquat impius viam suam, et vir iniquus cogitationes suas, et revertatur ad Dominum, et miseretur ejus. Quia.

**Lectio viij.**

**C**ERTE iniquorum omnium caput diabolus est : et hujus capitis membra sunt omnes iniqui. An non diaboli membrum fuit Pilatus? an non diaboli membra Judæi persequentes, et milites crucifigentes Christum fuerunt? Quid ergo mirum, si se ab illo permisit in montem duci, qui se pertulit etiam a membris illius crucifigi? Non est ergo indignum Redemptori nostro quod tentari voluit, qui venerat occidi. Justum quippe erat, ut sic tentationes nostras suis tentationibus vinceret, sicut mortem nostram venerat sua morte superare.

**R.** Frange esurienti panem tuum, et egenos vagosque induc in domum tuam : \* Tunc erumpet quasi mane lumen tuum, et anteibit fá-



ciem tuam iustitia tua. *Ÿ.* Cum videris nudum, óperi eum, et carnem tuam ne despéxeris. Tunc.

## Lectio ix.

**S**ED sciéndum nobis est, quia tribus modis tentatio ágitur : suggestiône, delectatiône, et consénsu. Et nos cum tentámur, plerúmque in delectatióem, aut étiam in consensum lábi-mur : quia de carnis peccáto propagáti, in nobis ipsis étiam gérimus, unde certámina tolerámus. Deus vero, qui in útero Vírginis incarnátus, in mundum sine peccáto vénerat, nihil contradictionis in semetípso tolerábat. Tentári ergo per suggestiõem pótuit : sed ejus mentem peccáti delectatio non momórdit. Atque ideo omnis diabólica illa tentatio foris, non intus fuit.

*R.* Angelis suis Deus mandávit de te, ut custódiant te in ómnibus viis tuis : \* In mánibus portábunt te, ne umquam offéndas ad lápidem pedem tuum. *Ÿ.* Super áspidem et basiliscum ambulábis, et conculcábis leónem et draconem. In mánibus. Glória. In mánibus.

Per Hebdom. ejus loco dicitur :

*R.* Abscóndite eleemósynam in sinu páuperum, et ipsa orábit pro vobis ad Dóminum : \* Quia sicut aqua exstínguit ignem, ita eleemósyna exstínguit peccátum.

*Ÿ.* Date eleemósynam, et ecce ómnia munda sunt vobis. Quia. Glória Patri. Quia.

AD LAUDES

Ant. Cor mundum.

Psalmus 50.

**M**ISERÉRE mei Deus, \* secúndum magnam misericórdiam tuam.

Et secúndum multitudinem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognósko : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritátem dilexisti : \* incérta et occúltá sapiéntiæ tuæ manifestásti mihi.

Aspérges me hyssópo, et mundábor : \* lavábis me, et super nivem dealbábor.

Auditui meo dabis gáudium et lætitiám : \* et exultábunt ossa humiliáta.

Avérte faciém tuam a peccátis meis : \* et omnes iniquitátes meas dele.

Cor mundum crea in me Deus : \* et spíritum rectum innova in viscéribus meis.

Ne proíicias me a faciē

tua : \* et Spíritum sanctum tuum ne áuferas a me.

Redde mihi lætítiam salutaris tui : \* et spíritu principali confirma me.

Docébo iníquos vias tuas : \* et impíi ad te converténtur.

Libera me de sanguínibus Deus, Deus salutis meæ : \* et exsultábit lingua mea justítiam tuam.

Dómine, lábia mea apéries : \* et os meum annuntiábit láudem tuam.

Quóniam si voluisses sacrificium, dedissem útique : \* holocáustis non delectáberis.

Sacrificium Deo spíritus contribulátus : \* cor contritum, et humiliátum Deus non despícies.

Benigne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrificium justitiæ, oblatiónes, et holocáusta : \* tunc impónent super altáre tuum vítulos.

*Ant.* Cor mundum crea in me Deus, et spíritum rectum innova in viscéribus meis.

*Ant.* O Dómine.

*Psalms 117*

**C**ONFITÉMINI Dómino quóniam bonus : \* quóniam in sæculum misericórdia ejus.

Dicat nunc Israël quóniam bonus : \* quóniam in sæculum misericórdia ejus.

Dicat nunc domus Aaron : \*

quóniam in sæculum misericórdia ejus.

Dicant nunc qui timent Dóminum : \* quóniam in sæculum misericórdia ejus.

De tribulatióne invocávi Dóminum : \* et exaudivit me in latitúdine Dóminus.

Dóminus mihi adjutor : \* non timébo quid fáciat mihi homo.

Dóminus mihi adjutor : \* et ego despiciam inimicos meos.

Bonum est confidere in Dómino, \* quam confidere in hómine.

Bonum est speráre in Dómino, \* quam speráre in principibus.

Omnes gentes circuiérunt me : \* et in nómine Dómini quia ultus sum in eos.

Circumdántes circumdederunt me : \* et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis : \* et in nómine Dómini quia ultus sum in eos.

Impulsus evérsus sum ut cáderem : \* et Dóminus suscepit me.

Fortitúdo mea, et laus mea Dóminus : \* et factus est mihi in salutem.

Vox exsultatiónis, et salutis \* in tabernáculis justórum.

Déxtera Dómini fecit virtutem : déxtera Dómini exaltávit me, \* déxtera Dómini fecit virtutem.



Non móriar, sed vivam : \*  
et narrábo ópera Dómini.

Castigans castigávit me  
Dóminus : \* et morti non  
trádedit me.

Aperite mihi portas justí-  
tiæ, ingréssus in eas confité-  
bor Dómino : \* hæc porta  
Dómini, justí intrábunt in  
eam.

Confitébor tibi quóniam  
exaudisti me : \* et factus es  
mihi in salútem.

Lápidem, quem reprobá-  
vérunt ædificántes : \* hic fa-  
ctus est in caput ánguli.

A Dómino factum est  
istud : \* et est mirábile in  
óculis nostris.

Hæc est dies, quam fecit  
Dóminus : \* exultémus, et  
lætémur in ea.

O Dómine salvum me fac,  
o Dómine bene prosperáre : \*  
benedíctus qui venit in nó-  
mine Dómini.

Benedíximus vobis de do-  
mo Dómini : \* Deus Dómi-  
nus, et illúxit nobis.

Constitúite diem solé-  
mnem in condénsis, \* usque  
ad cornu altáris.

Deus meus es tu, et con-  
fitébor tibi : \* Deus meus es  
tu, et exaltábo te.

Confitébor tibi quóniam  
exaudisti me : \* et factus es  
mihi in salútem.

Confitémini Dómino quón-  
iam bonus : \* quóniam in  
sæculum misericórdia ejus.

**Ant.** O Dómine salvum me  
fac : o Dómine bene pro-  
speráre.

**Ant.** Sic benedicam.

**Psalmus 62**

**D**EUS Deus meus \* ad te de  
luce vigilo.

Sitívit in te ánima mea; \*  
quam multipliciter tibi caro  
mea.

In terra desérta, et invia,  
et inaquósa : \* sic in sancto  
appáruí tibi, ut vidérem vir-  
tútem tuam, et glóriam tuam.

Quóniam mélior est mise-  
ricórdia tua super vitas : \*  
lábía mea laudábunt te.

Sic benedicam te in vita  
mea : \* et in nómine tuo le-  
vábó manus meas.

Sicut ádipe et pinguédine  
repleátur ánima mea : \* et  
lábíis exsultatiónis laudábit  
os meum.

Si memor fui tui super  
stratum meum, in matutínis  
meditábor in te : \* quia fui-  
sti adjútor meus.

Et in velaménto alárum  
tuárum exsultábo, adhæsit  
ánima mea post te : \* me  
suscépit délixtera tua.

Ipsi vero in vanum quæ-  
siérunt ánimam meam, in-  
troibunt in inferióra terræ : \*  
tradéntur in manus gládií,  
partes vúlpium erunt.

Rex vero lætábitur in Deo,  
laudabúntur omnes qui ju-  
rant in eo : \* quia obstrúctum  
est os loquéntium iníqua.

**Hic non dicitur Glória.**

**Psalmus 66.**

**D**EUS misereátur nostri, et  
benedicat nobis : \* illú-  
minet vultum suum super  
nos, et misereátur nostri.

Ut cognoscámus in terra  
viam tuam : \* in ómnibus  
géntibus salutáre tuum.

Confiteántur tibi pópuli  
Deus : \* confiteántur tibi pó-  
puli omnes.

Læténtur et exsúltent gen-  
tes : \* quóniam júdicas pó-  
pulos in æquitáte, et gentes  
in terra dirigis.

Confiteántur tibi pópuli  
Deus, confiteántur tibi pó-  
puli omnes : \* terra dedit  
fructum suum.

Benedícat nos Deus, Deus  
noster, benedícat nos Deus : \*  
et métuant eum omnes fines  
terræ.

**Ant.** Sic benedicam te in  
vita mea Dómine : et in nó-  
mine tuo levábo manus meas.

**Ant.** In spiritu.

**Canticum trium puerorum.**

**Danielis 3. c**

**B**ENEDÍCITE ómnia ópera  
Dómini Dómino : \* lau-  
dáte et superexaltáte eum  
in sæcula.

Benedícite Angeli Dómini  
Dómino : \* benedicite cæli  
Dómino.

Benedicite aquæ omnes,  
quæ super cælos sunt, Dó-  
mino : \* benedicite omnes  
virtútes Dómini Dómino.

Benedícite sol et luna Dó-  
mino : \* benedicite stellæ  
cæli Dómino.

Benedícite omnis imber  
et ros Dómino : \* benedicite  
omnes spíritus Dei Dómino.

Benedícite ignis et æstus  
Dómino : \* benedicite frigus  
et æstus Dómino.

Benedícite rores et pruína  
Dómino : \* benedicite gelu  
et frigus Dómino.

Benedícite glácies et nives  
Dómino : \* benedicite no-  
ctes et dies Dómino.

Benedícite lux et ténebræ  
Dómino : \* benedicite fúl-  
gura et nubes Dómino.

Benedícat terra Dómi-  
num : \* láudet, et super-  
exáltet eum in sæcula.

Benedícite montes et col-  
les Dómino : \* benedicite  
univérsa germinántia in ter-  
ra Dómino.

Benedícite fontes Dómi-  
no : \* benedicite mária et  
flúmina Dómino.

Benedícite cete, et ómnia,  
quæ movéntur in aquis, Dó-  
mino : \* benedicite omnes  
vólucres cæli Dómino.

Benedícite omnes béstia  
et pécora Dómino : \* benedi-  
cite filii hóminum Dómino.

Benedícat Israël Dómi-  
num : \* láudet et superexál-  
tet eum in sæcula.

Benedícite sacerdótes Dó-  
mini Dómino : \* benedicite  
servi Dómini Dómino.

Benedícite spíritus, et áni-  
mæ justórum Dómino : \* be-  
nedicite sancti, et húmiles  
corde Dómino.

Benedícite Ananía, Aza-  
ría, Misaël Dómino : \* lau-  
dáte et superexaltáte eum  
in sæcula.

Benedicámus Patrem et  
Fílium cum sancto Spíritu : \*  
laudémus et superexaltémus  
eum in sæcula.



Benedictus es Dómine in firmaménto cæli : \* et laudábilis, et gloriósus, et superexaltátus in sæcula.

**Hic non dicitur** Glória Patri. **neque** Amen.

**Ant.** In spíritu humilitátis, et in ánimo contrito suscipiámur Dómine a te : et sic fiat sacrificium nostrum, ut a te suscipiátur hódie, et pláceat tibi Dómine Deus.

**Ant.** Laudáte Deum.

**Psalmus 148.**

**L**AUDÁTE Dóminum de cælis : \* laudáte eum in excélsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælos sunt, láudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in ætérnum, et in sæculum sæculi : \* præcéptum pósuit, et non præteribit.

Laudáte Dóminum de terra, \* dracones, et omnes abyssi.

Ignis, grando, nix, glacies, spíritus procellárum : \* quæ faciunt verbum ejus :

Montes, et omnes colles : \* ligna fructifera, et omnes cedri.

Béstiae, et univérsa péco-

ra : \* serpéntes, et vólucres pennátæ :

Reges terræ, et omnes pópuli : \* príncipes, et omnes júdices terræ.

Júvenes et vírgines : senes cum junióribus láudent nomen Dómini : \* quia exaltátum est nomen ejus solius.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israël, pópulo appropinquánti sibi.

**Hic non dicitur** Glória.

**Psalmus 149.**

**C**ANTÁTE Dómino cánticum novum : \* laus ejus in ecclésia sanctórum.

Lætétur Israël in eo, qui fecit eum : \* et filii Sion exsúltent in rege suo.

Láudent nomen ejus in choro : \* in týmpano, et psaltério psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* lætabúntur in cubilibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciéndam vindíctam in natió nibus : \* increpatiónes in pópulis.

Ad alligándos reges eórum in compédibus : \* et nóbiles eórum in mánicis férreis.

Ut fácient in eis judícium

conscriptum : \* glória hæc  
est ómnibus sanctis ejus.

*Hic non dicitur Glória.*

*Psalmus 150.*

**L**AUDÁTE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secundum multitudínem magnitúdinis ejus.

Laudáte eum in sono tubæ : \* laudáte eum in psalterio et cithara.

Laudáte eum in týmpano, et choro : \* laudáte eum in cordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : \* omnis spíritus láudet Dóminum.

Glória Patri.

*Ant.* Laudáte Deum cæli cælórum, et aquæ omnes.

*Capitulum II. Cor. 6.*

**F**RATRES : Hortámur vos, ne in vácuum grátiam Dei recipiátis. Ait enim : Témpore accépto exaudívi te, et in die salútis adjúvi te.

*Hymnus.*

**O**SOL salútis, íntimis  
Jesu refúlge méntibus,  
Dum nocte pulsa grátior  
Orbi dies renáscitur.

Dans tempus acceptáble,  
Da, lacrymárum rívulis  
Laváre cordis victimam,  
Quam læta adúrat caritas.

Quo fonte manávit nefas,  
Fluent perénnes lácrymæ,  
Si virga pœniténtiæ  
Cordis rigórem cónterat.

Dies venit, dies tua,  
In qua reflórent ómnia :  
Lætémur et nos in viam  
Tua redúcti dextera.

Te prona mundi máchina  
Clemens adóret Trinitas,  
Et nos novi per grátiam  
Novum canámus cánticum.  
Amen.

*v.* Angelis suis Deus mandávit de te. *℟.* Ut custódiant te in ómnibus viis tuis.

*Ad Bened. Ant.* Ductus est Jesus \* in desértum a Spíritu, ut tentarétur a diábolo : et cum jejúnasset quadraginta diébus et quadraginta nóctibus, póstea esúriit.

*Oratio.*

**D**EUS, qui Ecclesiám tuam ánnua Quadragesimáli observatióne purificas : præsta familiæ tuæ ; ut quod a te obtinére abstinéndo nítitur, hoc bonis opéribus exsequátur. Per Dóminum.

AD PRIMAM

*Ant.* Jesus áutem \* cum jejúnasset quadraginta diébus et quadraginta nóctibus, póstea esúriit.

*Ad Absolut. Capit., Lectio brevis* Quærite Dóminum. ut in Psalt. 30.

*Et dicitur in Dom. et Feriis usque ad Dom. Passiōnis exclusive.*

AD TERTIAM

*Ant.* Tunc assúmpsit \* eum diábolus in sanctam civitátem, et státuit eum supra pinnáculum templi, et dixit ei : Si Fílius Dei es, mitte te deórsum.



**Capit.** Fratres : Hortámur vos. *ut supra.* 164.

**R.** br. Ipse liberávit me \* De láqueo venántium. Ipse. **V.** Et a verbo áspero. De láqueo. Glória Patri. Ipse.

**V.** Scápolis suis obumbrábit tibi. **R.** Et sub pennis ejus sperábis.

## AD SEXTAM

**Ant.** Non in solo pane \* vivit homo, sed in omni verbo, quod procedit de ore Dei.

**Capitulum.** II. Cor. 6.

**E**CCE nunc tempus acceptábile, ecce nunc dies salutis : némini dantes ullam offensionem, ut non vituperétur ministérium nostrum.

**R.** br. Scápolis suis \* Obumbrábit tibi. Scápolis. **V.** Et sub pennis ejus sperábis. Obumbrábit. Glória Patri. Scápolis.

**V.** Scuto circúmdabit te véritas ejus. **R.** Non timébis a timóre noctúrno.

## AD NONAM

**Ant.** Dóminum Deum tuum \* adorábis, et illi soli sérvies.

**Capitulum.** II. Cor. 6. b

**U**T castigáti, et non mortificáti : quasi tristes, semper áutem gaudéntes : sicut egéntes, multos áutem locupletántes : tamquam nihil habéntes, et ómnia possidéntes.

**R.** br. Scuto circúmdabit te \* Véritas ejus. Scuto. **V.** Non timébis a timóre no-

ctúrno. Véritas. Glória Patri. Scuto.

**V.** Angelis suis Deus mandávit de te. **R.** Ut custódiant te in ómnibus viis tuis.

## IN II. VESPERIS

**Ant. et Pss. de Dom.** 126.

**Capit., Hymnus et V. ut supra in Vesp. Sabbati.** 154.

**Ad Magnif. Ant.** Ecce nunc tempus \* acceptábile, ecce nunc dies salutis : in his ergo diébus exhibeámus nosmetipsos sicut Dei ministros, in multa patiéntia, in jejúniis, in vigiliis, et in caritáte non ficta.

**Hymni, VV. et RR. br. supradicta dicuntur in Dom. et Feriis, usque ad Dom. Passionis exclusive.**

**Post Vesp. diei dicuntur Vesp. Defunctorum.**

## FERIA SECUNDA

## AD MATUTINUM

**Invit. de Psalt.** 48.

**Hymn. Ex more.** 2.

**Ant., Pss. et VV. de Psalt.** 50.

**Et sic dicitur etiam in aliis sequentibus Feriis**

**Léctio sancti Evangélii secúndum Matthæum.**

**Lectio j. Cap. 25. c**

**I**N illo témpore : Dixit Jesus discipulis suis : Cum vénerit Filius hóminis in majestáte sua, et omnes Angeli cum eo, tunc sedébit super sedem majestátis suæ, et congregabúntur ante eum omnes gentes. Et réliqua.

Homilia sancti Augustini  
Episcopi.

**Lib. de Fide et oper. cap. 15.**  
**tom. 4. circa med.**

**S**I mandátis non servátis,  
ad vitam veniri potest  
per solam fidem, quæ sine  
opéribus mórtua est : illud  
deinde quómodo verum erit,  
quod eis, quos ad sinistram  
positúrus est, dicet : Ite in  
ignem ætérnum, qui parátus  
est diábolo, et ángelis ejus :  
nec increpat, quia in eum  
non credidérunt : sed quia  
bona ópera non fecérunt?  
Nam profécto, ne sibi quis-  
quam de fide, quæ sine opé-  
ribus mórtua est, promittat  
ætérnam vitam; proptérea  
omnes gentes segregatúrum  
se dixit, quæ permixtæ eis-  
dem páscuis utebántur : ut  
appareat, eos illi dictúros :  
Dómine, quando te vidimus  
illa et illa patiéntem, et non  
ministrávimus tibi? qui in  
eum crediderant, sed bo-  
na operári non curáverant,  
tamquam de ipsa fide mór-  
tua ad vitam pervenirétur  
ætérnam.

**R.** Ecce nunc tempus. 155.

**Lectio ij.**

**A**N forte ibunt in ignem  
ætérnum, qui ópera mi-  
sericórdiæ non fecérunt : et  
non ibunt, qui aliéna rapué-  
runt? vel corrupéndo in se  
templum Dei, in seipsos im-  
misericórdes fuérunt : quasi  
ópera misericórdiæ prosint  
áliquid sine dilectióne, di-  
cénste Apóstolo : Si distri-

buam ómnia mea paupéri-  
bus, caritátem áutem non  
hábeam, nihil mihi prod-  
est? Aut diligit quisquam  
próximum sicut seipsum,  
qui non diligit seipsum?  
Qui enim diligit iniquitátem,  
odit ánimam suam.

**R.** In ómnibus. 156.

**Lectio iij.**

**N**EQUE illud dici hic póte-  
rit, in quo nonnúllo se-  
ipsos sedúcunt, ignem ætér-  
num dictum, non ipsam  
combustiónem ætérnam. Per  
ignem quippe, qui ætérnus  
erit, transitúros arbitrántur  
eos, quibus propter fidem  
mórtuam per ignem promit-  
tunt salútem : ut vidélicet  
ipse ignis ætérnus sit, com-  
bústio vero eórum, hoc est,  
operátio ignis, non sit in eos  
ætérna : cum et hoc prævi-  
dens Dóminus, senténtiam  
suam conclúsit ita dicens :  
Sic ibunt illi in combusti-  
onem ætérnam, justi áutem  
in vitam ætérnam. Erit er-  
go ætérna combústio, sicut  
ignis : et eos in illam itúros  
Véritas dicit, quorum non  
fidem, sed bona ópera de-  
fuisse declarávit.

**R.** In jejúnio. 156.

AD LAUDES

**Ant. et Pss. de Psalt. 60.**

**Capit.** Clama, ne cesses.

**Hymn.** O sol. et **V.** Angelis  
suis. **ut in Psalt. 62.**

**Ad Bened. Ant.** Veníte  
benedicti\* Patris mei, perci-  
píte regnum, quod vobis pa-  
rátum est ab origine mundi.



In fer. Officio per Quadrag.  
dicunt. Preces ut in Psalt. 63.

Oratio.

**C**ONVERTE nos Deus salu-  
târis noster : et ut no-  
bis jejûnium Quadragesimæ  
proficiat, mentes nostras  
cælestibus instrue discipli-  
nis. Per Dóminum.

Post Laudes dicitur Offi-  
cium Defunctorum.

AD HORAS

Omnia dicuntur ut in fe-  
riali Officio Tempore Qua-  
dragesimæ in Psalterio.

Et dicuntur Preces.

AD VESPERAS

Ant. et Pss. de Psalt. 130.

Capitulum Inter vestibulum. 131.

Hymnus Audi benigne. et  
V. Angelis suis. 129.

Capit. supradicta dicuntur  
in Laud. et Vesp. in feriali  
Officio usque ad Dom. Pas-  
sionis.

Ad Magnif. Ant. Quod uni\*  
ex minimis meis fecistis, mi-  
hi fecistis, dicit Dóminus.

Deinde Preces. 132.

Oratio.

**A**BSOLVE, quæsumus Dó-  
mine, nostrórum vincu-  
la peccatórum : et quidquid  
pro eis merémur, propitiá-  
tus avérte. Per Dóminum.

FERIA TERTIA

Léctio sancti Evangélii se-  
cúndum Matthæum.

Lectio j. Cap. 21. b

**I**N illo témpore : Cum in-  
tráset Jesus Jerosóly-  
mam, commóta est univérsa

civitas, dicens : Quis est  
hic? Et réliqua.

Homilia venerábilis Bedæ  
Presbýteri.

Hom. 7. in Quadrag. tom. 7.

**Q**UOD maledicéndo ficum  
infructuósam per figú-  
ram fecit Dóminus, hoc  
idem mox apértius osténdit,  
ejiciéndo improbos e tem-  
plo. Neque enim áliquid  
peccávit arbor, quod esu-  
riénte Dómino poma non  
hábit, quorum necdum  
tempus advénerat : sed pec-  
cavére sacerdótes qui in  
domo Dómini negótia sæcu-  
lária gerébant, et fructum  
pietátis, quem debúerant,  
quemque in eis Dóminus  
esuriébat, ferre superséde-  
rant. Arefécit Dóminus árbo-  
rem maledicto, ut hómines  
hæc vidéntes, sive audién-  
tes, multo magis intelligerent  
sese divíno condemnádos  
esse judicio, si absque ópe-  
rum fructu, de pláusu tan-  
tum sibi religiósi sermónis,  
velut de sónitu et tegumén-  
to blandiréntur viridántium  
foliórum.

R. Emendémus. 157.

Lectio ij.

**V**ERUM quia non intellexé-  
runt, in ipsos conse-  
quénter districtiónem mé-  
ritæ ultiónis exércuit : et  
ejécit commércia rerum hu-  
manárum de domo illa, in  
qua divinas tantum res agi,  
hóstias et oratiónes Deo  
offérri, verbum Dei legi,  
audiri, et decantári præcé-

ptum erat. Et quidem credendum est, quia ea tantum vendi vel emi repérerit in templo, quæ ad ministérium necessária essent ejúsdem templi, juxta hoc quod álias factum légimus, cum idem templum ingrédians, invénit in eo vendéntes et eméntes oves, et boves, et colúmbas : quia nimirum hæc ómnia non nisi ut offerréntur in domo Dómini, eos qui de longe vénerant, ab indigenis comparáre credendum est.

℞. Derelinquat. 157.

Lectio iij.

**S**i ergo Dóminus nec ea volébat venúmdari in templo, quæ in templo volébat offérri, vidélicet propter stúdiúm avaritiæ, sive fráudis, quod próprium solet esse negociántium fácinus : quanta putas animadversióne puníret, si invenísset ibi áliquos risui vel vanilóquio vacántes, aut álii cuilibet vitio mancipátos? Si enim ea quæ álibi libere geri póterant, Dóminus in domo sua temporália negótia geri non pátitur : quanto magis ea quæ nusquam fieri licet, plus cæléstis iræ meréntur, si in ædibus Deo sacrátis agúntur? Verum quia Spíritus sanctus in colúmba super Dóminum apparuit, recte per colúmbas sancti Spíritus charísmata signántur. Qui áutem sunt in templo Dei hódie, qui colúmbas

vendunt, nisi qui in Ecclesia prétium de impositione manus accipiunt, per quam vidélicet impositionem Spíritus sanctus cælitus datur?

℞. Paradisi. 158.

**Ad Bened. Ant.** Intrávit Jesus \* in templum Dei, et ejiciébat omnes vendéntes et eméntes : et mensas nummulariórum, et cáthedras vendéntium colúmbas evértit.

Oratio.

**R**ÉSPICE Dómine familiam tuam, et præsta : ut apud te mens nostra tuo desidério fúlgeat, quæ se carnis maceratióne castigat. Per Dóminum.

**Ad Magnif. Ant.** Scriptum est enim, \* quia domus mea, domus oratiónis est cunctis géntibus : vos áutem fecístis illam spelúncam latrónum : et erat quotidie docens in templo.

Oratio.

**A**SCÉNDANT ad te Dómine preces nostræ : et ab Ecclesia tua cunctam repélle nequitiam. Per Dóminum.

## FERIA QUARTA

QUATUOR TEMPORUM

Hodie dicuntur Pss. Grad.

Lectio sancti Evangélíi secúndum Matthæum.

Lectio j. Cap. 12. c

**I**N illo témpore : Respondérunt Jesu quidam de scribis et pharisæis, dicéntes : Magister, vólumus a te signum vidére. Et réliqua.



Homilia sancti Ambrósii  
Episcopi.

Lib. 7. in Lucæ cap. 11

**J**UDÆORUM plebe damnata,  
Ecclésiæ mystérium evidenter exprimitur, quæ in Ninivitis per pœnitentiam, et in regina Austri per stûdium percipiendæ sapiëntiæ, de totius orbis finibus congregatur, ut pacifici Salomónis verba cognoscat. Regina plane, cujus regnum est indivisum, de diversis et distantibus pópulis in unum corpus assurgens.

℞. Scindite corda. 158.

Lectio ij

**I**TAQUE Sacramentum illud magnum est de Christo, et Ecclésiæ. Sed tamen hoc majus est, quia illud in figura ante præcessit, nunc autem plenum in veritate mystérium est. Illic enim Sálomon typus, hic autem Christus in suo corpore est. Ex duobus igitur constat Ecclésiæ : ut aut peccare nesciat, aut peccare desinat. Pœnitentia enim delictum abolet, sapiëntia cavet.

℞. Frange esuriénti. 158.

Lectio iij

**V**ETERUM Jonæ signum, ut typus Dominicæ passionis, ita étiam gráviûm, quæ Judæi commiserint, testificatio peccatorum est. Simul advèrttere licet et majestátis oráculum, et pietátis indicium. Namque Ninivitarum exémplo et denuntiatur supplicium, et remédium de-

monstratur. Unde étiam Judæi debent non desperare indulgéntiam, si velint ágere pœnitentiam.

℞. Abscondite. 159.

**Ad Bened. Ant.** Generatio \* hæc prava et perversa signum quærit : et signum non dábitur ei, nisi signum Jonæ prophætæ.

Oratio.

**P**RECES nostras, quæsumus Dómine, cleménter exaudi : et contra cuncta nobis adversántia, dexteram tuæ majestátis exténde. Per Dóminum.

**Ad Magnif. Ant.** Sicut fuit Jonas \* in ventre ceti tribus diébus et tribus nóctibus, ita erit Filius hóminis in corde terræ.

Oratio.

**M**ENTES nostras, quæsumus Dómine, lúmine tuæ claritátis illústra : ut vidére possimus quæ agénda sunt ; et quæ recta sunt, ágere valeámus. Per Dóminum.

## FERIA QUINTA

Léctio sancti Evangélîi secúndum Matthæum.

Lectio j. Cap. 15. c

**I**N illo témpore : Egressus Jesus, secéssit in partes Tyri et Sidónis. Et reliqua.  
Homilia sancti Hierónymi Presbýteri.

Lib. 2. Comment. in cap. 15  
Matthæi

**S**CRIBIS et pharisæis calumniatoribus derelictis, transgreditur in partes Tyri

et Sidónis, ut Týrios Sidoniósque curáret. Múlier áutem Chananæa egréditur de finibus prístinis, ut clamans filiæ impetret sanitátem. Obsérva quod in quintodécimo loco filia Chananææ sanétur. Miserére mei Dómine, fili David. Inde novit vocáre filium David, quia egréssa jam fúerat de finibus suis, et errórem Tyriórum ac Sidoniórum loci ac fidei commutatióne dimiserat.

**R.** Tribulárer, si nescírem misericórdias tuas Dómine: tu dixisti, Nolo mortem peccatóris, sed ut magis convertátur, et vivat : Qui Chananæam et publicánum vocásti ad pœniténtiam. **V.** Secúndum multitudínem dolorum meórum in corde meo, consolatiónes tuæ lætificavérunt ánimam meam. Qui.

### Lectio ij.

**F**ÍLIA mea male a dæmónio vexátur. Ego filiam Chananææ puto ánimas esse credéntium, quæ male a dæmónio vexabántur, ignorántes Creatórem, et adorántes lápidem. Qui non respóndit ei verbum : non de supérbia pharisáica, nec describárum supercílio : sed ne ipse senténtiæ suæ viderétur esse contrárius, per quam jússerat : In viam géntium ne abiéritis, et in civitátes Samaritanórum ne intravéritis. Nolébat enim occasiódinem calumniatóribus dare : per-

fectámque salútem géntium passiónis et resurrectiódinis témpori reservábat.

**R.** In ómnibus. 156.

### Lectio iij.

**E**T accedéntes discipuli ejus rogábant eum, dicéntes : Dímittle eam, quia clamat post nos. Discipuli illo adhuc témpore mystéria Dómini nesciéntes, vel misericórdia commóti, rogábant pro Chananæa muliere, quam alter Evangelísta Syrophœnissam appellat : vel importunitáte ejus carére cupiéntes, quia non ut cleméntem, sed ut durum médicum crébrius inclamáret. Ipse áutem respóndens ait : Non sum missus, nisi ad oves quæ periérunt domus Israël. Non quo et ad gentes non missus sit, sed quo primum missus sit ad Israël : ut illis non recipiéntibus Evangélium, justa fieret ad gentes transmigrátio.

**R.** In jejúnio. 156.

**Ad Bened. Ant.** Egréssus Jesus\* secéssit in partes Tyri et Sidónis : et ecce múlier Chananæa a finibus illis egréssa, clamábat dicens : Miserére mei, fili David.

### Oratio.

**D**EVOTIÓNEM pópuli tui, quæsumus Dómine, benignus inténde : ut qui per abstinentiam macerántur in corpore, per fructum boni óperis reficiántur in mente. Per Dóminum.

**Ad Magnif. Ant.** O múlier,\*



magna est fides tua : fiat tibi sicut petisti.

**Oratio.**

**D**A, quæsumus Dómine, pópulis cristiánis, et quæ profiténtur agnóscere : et cæléste munus diligere, quod fréquentant. Per Dñm.

**FERIA SEXTA**

**QUATUOR TEMPORUM**

Léctio sancti Evangélii secúndum Joánnem.

**Lectio j. Cap. 5.**

**I**N illo témpore : Erat dies festus Judæórum, et ascéndit Jesus Jerosólymam. Et réliqua.

Homília sancti Augustíni  
Episcopi.

**Tract. 17. in Joann., post initium.**

**V**IDEÁMUS quid volúerit significáre in illo uno, quemétiam ipse servans unitátis mystérium, de tot languéntibus unum sanáre dignátus est. Invénit in annis ejus númerum quemdam languóris. Triginta et octo annos habébat in infirmitáte. Hic númerus quómodo magis ad languórem pertíneat, quam ad sanitátem, páulo diligentius exponéndum est. Inténtos vos volo : áderit Dóminus, ut cóngrue loquar, et sufficiénter audiátis. Quadragenárius númerus sacrátus nobis in quadam perfectióne commendátur : notum esse árbitror caritati vestræ : testántur sæpissime divínæ Scriptúra : jejúnium hoc

número consecrátum esse, bene nostis. Nam et Móyses quadraginta diébus jejunávit, et Eliás tótidem : et ipse Dóminus noster et Salvátor Jesus Christus hunc jejúnii númerum implévit. Per Móysen significátur Lex, per Eliám significántur Prophétæ, per Dóminum significátur Evangélium. Ideo in illo monte tres apparuérunt, ubi se discipulis osténdit in claritáte vultus et vestis suæ : apparuit enim médius inter Móysen et Eliám, tamquam Evangélium testimónium habéret a Lege et Prophétis.

**ñ.** Emendémus. 157.

**Lectio ij.**

**S**IVE ergo in Lege, sive in Prophétis, sive in Evangélio, quadragenárius númerus nobis in jejúnio commendátur. Jejúnium áutem magnum et generále est, abstinére ab iniquitatibus et ilícitis voluptatibus sæculi, quod est perfectum jejúnium : ut abnegántes impietátem et sæculáres cupiditátes, temperánter et juste et pie vivámus in hoc sæculo. Huic jejúnio quam mercédem áddidit Apóstolus? Séquitur, et dicit : Exspectántes illam beátam spem, et manifestatióne glóriæ beáti Dei et Salvátoris nostri Jesu Christi. In hoc ergo sæculo quasi quadragésimam abstinentiæ celebrámus, cum bene vivimus, cum ab iniquitatibus et ab ilícitis voluptá-

tibus abstinémus : sed quia hæc abstinéntia sine mercéde non erit, exspectámus beátam illam spem, et revelatióem glóriæ magni Dei, et Salvatóris nostri Jesu Christi. In illa spe, cum fúerit de spe facta res, acceptúri sumus mercédem denárium. Ipsa enim merces rédditur operáriis in vinea laborántibus, secúndum Evangélium, quod vos credo reminisci : neque enim ómnia commemoránda sunt tamquam rúribus et imperitis. Denárius ergo, qui accépit nomen a número decem, rédditur, et conjúctus quadragenário fit quinquagenárius : unde cum labóre celebrámus Quadragésimam ante Pascha ; cum lætítia vero, tamquam accépta mercéde, Quinquagésimam post Pascha.

℞. Derelinquat. 157.

Lectio iij. —

**M**EMENTÓTE quod proposúerim número triginta octo annórum in illo lánguido. Volo expónere, quare número ille trigésimus et octávus, languóris sit pótius quam sanitátis. Ergo, ut dicébam, caritas implet legem : ad plenitúdinem legis in ómnibus opéribus pértinet quadragenárius número. In caritáte áutem duo præcépta nobis commendántur : Diliges Dóminum Deum tuum ex toto corde tuo, et ex tota ánima tua, et ex tota mente tua : et diliges próxi-

mum tuum sicut teípsum. In his duóbus præcéptis tota Lex pendet, et Prophétæ. Mérito et illa vidua omnes facultátes suas, duo minúta misit in dona Dei : mérito et pro illo lánguido a latrónibus sauciáto stabulárius duos nummos accépit, unde sanarétur : mérito apud Samaritános bídum fecit Jesus, ut eos caritáte firmáret. Binário ergo isto número cum áliquíd boni significáitur, máxime bipertíta caritas commendáitur. Si ergo quadragenárius número habet perfectiόem Legis, et Lex non implétur nisi in gémino præcépto caritátis : quid miráris, quia languébat, qui ad quadraginta, duo minus habébat?

℞. Paradisi. 158.

Ad Bened. Ant. Angelus Dómini \* descendébat de cælo, et movebátur aqua, et sanabátur unus.

Oratio.

**E**STO Dómine propítius plebi tuæ : et quam tibi facis esse devótam, benigno réfove miserátus auxilió. Per.

Hodie dicuntur Psalmi Poenitentiales.

Ad Magnif. Ant. Qui me sanum fecit, \* ille mihi præcépit : Tolle grabátum tuum, et ámbula in pace.

Oratio.

**E**XÁUDI nos miséricors Deus : et méntibus nostris grátiae tuæ lumen osténde. Per Dóminum.



## SABBATO

## QUATUOR TEMPORUM

Lectio sancti Evangelii secundum Matthæum.

Lectio j. Cap. 17.

**I**N illo tempore : Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum : et transfiguratus est ante eos. Et reliqua.

Homilia sancti Leonis  
Papæ.

Homil. de Transfig. Domini.

**E**VANGÉLICA lectio, dilectissimi, quæ per aures corporis interiorem mentium nostrarum pulsavit auditum, ad magni sacramenti nos intelligentiam vocat : quam adspirante gratia Dei, facilius assequemur, si considerationem nostram ad ea, quæ paulo superius sunt narrata, referamus. Salvator enim humani generis Jesus Christus, condens eam fidem, quæ et impios ad justitiam, et mortuos revocat ad vitam, ad hoc discipulos suos doctrinæ monitis, et operum miraculis imbuébat, ut idem Christus et Unigenitus Dei, et hominis Filius crederetur. Nam unum horum sine altero non prouiderat ad salutem : et æqualis erat periculi, Dominum Jesum Christum aut Deum tantummodo sine homine, aut sine Deo solum hominem

credidisse ; cum utrumque esset pariter confitendum : quia sicut Deo vera humanitas, ita homini inerat vera divinitas.

℞. Scindite corda. 158.

Lectio ij.

**A**d confirmandam ergo hujus fidei saluberrimam cognitionem interrogaverat discipulos suos Dominus, inter diversas aliorum opiniones quid ipsi de eo crederent, quidve sentirent. Ubi Petrus Apostolus, per revelationem summi Patris corporea superans, et humana transcendens, vidit mentis oculis Filium Dei vivi, et confessus est gloriam Deitatis ; quia non ad solam respexit substantiam carnis et sanguinis : tantumque in hac fidei sublimitate complacuit, ut beatitudinis felicitate donatus, sacram inviolabilis petra acciperet firmitatem : super quam fundata Ecclesia, portis inferi et mortis legibus prævaleret : nec in solvendis aut ligandis quorumcumque causis, aliud ratum esset in cælis, quam quod Petri sedisset arbitrio.

℞. Frange esurienti. 158.

Lectio iij.

**H**ÆC autem, dilectissimi, laudatæ intelligentiæ celsitudo instruenda erat de inferioris substantiæ sacramento : ne apostolica fides ad gloriam confitendæ in Christo Deitatis evecta, infirmitatis nostræ receptionem

indignam impassibili Deo atque incóngruam judicáret : et ita jam in Christo humanam créderet glorificátam esse natúram, ut nec supplicio posset áffici, nec morte dissólvi. Et ideo dicénte Dómino, quod oportéret eum ire Jerosólymam, et multa pati a senióribus et scribis, ac principibus sacerdotum, et occídi, et tértia die resurgere : cum beátus Petrus, qui supérno illustrátus lumine, de ardentíssima Filii Dei confessióne fervébat, contumélias illusiónum et crudelissimæ mortis opprobrium religióso, ut putábat, et libero fastidio respuisset; benigna a Jesu increpatióne corréptus, et ad cupiditatem participándæ cum eo passiónis animátus est.

**R.** Abscóndite. 159.

**Ad Bened. Ant.** Assumpsit Jesus \* discipulos suos, et ascéndit in montem, et transfigurátus est ante eos.

**Oratio.**

**P**ÓPULUM tuum, quæsumus Dómine, propítius réspece : atque ab eo flagélla tuæ iracúndiæ cleménter avérte. Per Dóminum.

**AD VESPERAS**

**Capitulum. I. Thess. 4.**

**F**RATRES : Rogámus vos, et obsecrámus in Dómino Jesu : ut quemádmódum accepístis a nobis, quómodo vos opórteat ambuláre, et placére Deo, sic et ambulétis, ut abundétis magis.

**Hymnus Audi benigne. et v.** Angelis suis. 154.

**Ad Magnif. Ant.** Visiónem quam vidístis, \* némini dixerítis, donec a mórtuis resúrgat Filius hóminis.

**Oratio.**

**D**EUS, qui cónspicis omni nos virtúte destitui, intérius exteriúsque custódi : ut ab ómnibus adversitátibus muniámur in corpore, et a pravis cogitatiónibus mundémur in mente. Per Dóminum.

**DOM. II. IN QUADRAG.**

**AD MATUTINUM**

**Invit.** Non sit vobis vanum. 2.

**Ps.** Veníte, exsultémus. 2.

**Hymnus et reliqua usque ad Lectiones, ut in Psalt. 3.**

**IN I. NOCTURNO**

**De libro Génesis.**

**Lectio j. Cap. 27.**

**S**ÉNUIT áutem Isaac, et caligavérunt óculi ejus, et vidére non póterat : vocávitque Esau filium suum majórem, et dixit ei : Fili mi? Qui respóndit : Adsum. Cui pater : Vides, inquit, quod senúerim, et ignórem diem mortis meæ. Sume arma tua, pháreltram, et arcum, et egrédere foras : cumque venátu áliquíd apprehénderis, fac mihi inde pulméntum sicut velle me nosti, et affer ut cómedam : et benedicat tibi ánima mea ántequam móriar. Quod cum audísset Rebécca, et ille abiisset in



agrum ut jussiónem patris impléret, dixit filio suo Jacob : Audivi patrem tuum loquéntem cum Esau fratre tuo, et dicéntem ei : Affer mihi de venatióne tua, et fac cibos ut cómedam, et benedicam tibi coram Dómino ántequam móriar. Nunc ergo fili mi, acquiesce consiliis meis : et pergens ad gregem, affer mihi duos hœdos óptimos, ut fáciam ex eis escas patri tuo, quibus libénter véscitur : quas cum intúleris, et coméderit, benedicat tibi priúsqvam moriátur.

**R.** Tolle arma tua, pháretam et arcum, et affer de venatióne tua, ut cómedam :  
 \* Et benedicat tibi ánima mea. **V.** Cumque venátu áli-  
 quid attúleris, fac mihi inde pulméntum, ut cómedam. Et.

**Lectio ij.**

**C**UI ille respóndit : Nosti quod Esau frater meus homo pilósus sit, et ego lenis : si attrectáverit me pater meus, et sénserit, timeo ne putet me sibi voluisse illúdere, et indúcam super me maledictiónem pro benedictióne. Ad quem mater : In me sit, ait, ista maledictio, fili mi : tantum áudi vocem meam, et pergens affer quæ dixi. Abiit, et áttulit, deditque matri. Parávit illa cibos, sicut velle nóverat patrem illius. Et véstibus Esau valde bonis, quas apud se habébat domi, induit eum : pelliculáque hœdórum circúmde-

dit mánibus, et colli nuda protéxit. Deditque pulméntum, et panes, quos cóxerat, trádidit. Quibus illátis, dixit : Pater mi? At ille respóndit : Audio. Quis es tu, fili mi? Dixitque Jacob : Ego sum primogénitus tuus Esau : feci sicut præcepísti mihi : surge, sede, et cómede de venatióne mea, ut benedicat mihi ánima tua. Rursúmque Isaac ad filium suum : Quómodo, inquit, tam cito invenire potuisti, fili mi? Qui respóndit : Volúntas Dei fuit ut cito occúrreret mihi quod volébam.

**R.** Ecce odor filii mei sicut odor agri pleni, cui benedixit Dóminus : crêscere te fáciat Deus meus sicut arénam maris : \* Et donet tibi de rore cæli benedictiónem.

**V.** Deus áutem omnipotens benedicat tibi, atque multiplicet. Et.

**Lectio iij.**

**D**IXITQUE Isaac : Accède huc, ut tangam te, fili mi, et probem utrum tu sis filius meus Esau, an non. Accéssit ille ad patrem, et palpáto eo, dixit Isaac : Vox quidem, vox Jacob est : sed manus, manus sunt Esau. Et non cognóvit eum, quia pilósæ manus similitúdinem majóris exprésserant. Benedicens ergo illi, ait : Tu es filius meus Esau? Respóndit : Ego sum. At ille : Affer mihi, inquit, cibos de venatióne tua, fili mi, ut bene-

dicat tibi ánima mea. Quos cum oblátos comedisset, obtulit ei étiam vinum. Quo háusto, dixit ad eum : Accéde ad me, et da mihi ósculum, fili mi. Accéssit, et osculátus est eum. Statimque ut sensit vestimentórum illius fragrántiam, benedicens illi, ait : Ecce odor filii mei sicut odor agri pleni, cui benedixit Dóminus. Det tibi Deus de rore cæli, et de pinguédine terræ abundántiam fruménti et vini. Et sérviant tibi pópuli, et adorént te tribus : esto dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledictus : et qui benedíxerit tibi, benedictiónibus repléatur.

℞. Det tibi Deus de rore cæli et de pinguédine terræ abundántiam : sérviant tibi tribus et pópuli : \* Esto dóminus fratrum tuórum. V. Et incurvéntur ante te filii matris tuæ. Esto dóminus. Glória Patri. Esto dóminus.

## IN II. NOCTURNO

Ex libro sancti Augustíni  
Episcopi contra mendá-  
cium.

Cap. 10. tom. 4. post init.

## Lectio iv

**J**ACOB quod matre fecit auctóre, ut patrem fállere viderétur, si diligénter et fidéliter attendátur, non est mendácium, sed mystérium. Quæ si mendácia dixerimus, omnes étiam parabolæ ac fi-

gúræ significandarum quarumcúmque rerum, quæ non ad proprietátem accipiéndæ sunt, sed in eis áliud ex álio est intelligéndum, dicéntur esse mendácia : quod absit omnino. Nam qui hoc putat, trópiciis étiam tam multis locutió nibus ómnibus potest hanc importáre calúmniám : ita ut hæc ipsa, quæ appellátur metáphora, hoc est, de re própria ad rem non própriam verbi alicújus usurpáta translátio, possit ista ratióne mendácium nuncupári.

℞. Dum exíret Jacob de terra sua, vidit glóriam Dei, et ait : Quam terribilis est locus iste ! \* Non est hic áliud, nisi domus Dei, et porta cæli. V. Vere Deus est in loco isto, et ego nesciébam. Non.

## Lectio v

**Q**UÆ significántur enim, útique ipsa dicúntur : putántur áutem mendácia, quóniam non ea, quæ vere significántur, dicta intelligúntur ; sed ea, quæ falsa sunt, dicta esse credúntur. Hoc ut exémpis fiat plánius, idípsum quod Jacob fecit, atténde. Hædínis certe péllibus membra contéxit. Si cáusam próxíam requirámus, mentitum putábimus : hoc enim fecit, ut putarétur esse qui non erat. Si áutem hoc factum ad illud, propter quod significándum revéra factum est, referátur :



per hædinas pelles, peccáta; per eum vero, qui eis se opéruit, ille significátus est, qui non sua, sed aliéna peccáta portávit.

℞. Si Dóminus Deus meus fúerit mecum in via ista, per quam ego ámbulo, et custodierit me, et déderit mihi panem ad edéndum, et vestiméntum quo opériar, et revocáverit me cum salúte : \* Erit mihi Dóminus in refúgium, et lapis iste in signum. √. Surgens ergo mane Jacob, tulit lápidem quem supposúerat cápiti suo, et eréxit in titulum, fundénsque óleum désuper, dixit. Erit.

#### Lectio vj.

**V**ERAX ergo significatio nullo modo mendácium recte dici potest : ut áutem in facto, ita et in verbo. Nam cum ei pater dixisset : Quis es tu, fili? ille respóndit : Ego sum Esau primogénitus tuus. Hoc si referátur ad duos illos géminos, mendácium vidébitur : si áutem ad illud, propter quod significándum ista gesta dictaque conscripta sunt : ille est hic intelligéndus in corpore suo, quod est ejus Ecclésia, qui de hac re loquens, ait : Cum vidéritis Abraham et Isaac et Jacob et omnes Prophétas in regno Dei, vos áutem expélli foras. Et, Vénient ab Oriénte et Occidente, et Aquilóne et Austro, et accúmbent in regno Dei.

Et, Ecce sunt novíssimi, qui erant primi : et sunt primi, qui erant novíssimi. Sic enim quodámmodo minor majóris primátum frater ábstulit, utque in se tránstulit fratris.

℞. Erit mihi Dóminus in Deum, et lapis iste quem eréxi in titulum, vocábitur domus Dei : et de univérsis quæ déderis mihi, \* Décimas et hóstias pacíficas ófferam tibi. √. Si revérsus fúero prospere ad domum patris mei. Décimas. Glória Patri. Décimas.

#### IN III. NOCTURNO

Léctio sancti Evangélíi secúndum Matthæum.

#### Lectio vij. Cap. 17.

**I**N illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum : et transfigurátus est ante eos. Et réliqua.

De Homilía sancti Leónis Papæ.

#### Ex Homil. de Transfig. Domini.

**A**SSÚMPsit Jesus Petrum, et Jacóbum, et fratrem ejus Joánnem, et conscénso cum eis seórsum monte præcélso, claritátem suæ glóriæ demonstrávit : quia licet intellexissent in eo majestátem Dei, ipsíus tamen corporis, quo divinitas tegebátur, poténtiam nesciébant. Et ideo próprie signantérque promiserat, quosdam de adstántibus discipulis non

prius gustare mortem, quam viderent Filium hominis venientem in regno suo, id est, in regia claritate, quam spiritaliter ad naturam suscepti hominis pertinentem, his tribus viris voluit esse conspicuam. Nam illam ipsius Deitatis ineffabilem et inaccessibilem visionem, quæ in æternam vitam mundis corde servatur, nullo modo mortali adhuc carne circumdati intueri poterant et videre.

**R.** Dixit Angelus ad Jacob : \* Dimitte me, aurora est. Respondit ei : Non dimittam te, nisi benedixeris mihi. Et benedixit ei in eodem loco. **V.** Cumque surrexisset Jacob, ecce vir luctabatur cum eo usque mane : et cum videret quod eum superare non posset, dixit ad eum. Dimitte me.

#### Lectio viij.

**D**ICENTE Patre : Hic est Filius meus dilectus, in quo mihi bene complacui, ipsum audite : nonne evidenter auditum est : Hic est Filius meus, cui ex me et mecum esse sine tempore est? quia nec genitor genito prior, nec genitus est genitore posterior. Hic est Filius meus, quem a me non separat Deitas, non dividit potestas, non discernit æternitas. Hic est Filius meus, non adoptivus, sed proprius : non aliunde creatus, sed ex me genitus : nec de alia na-

tura mihi factus comparabilis, sed de mea essentia mihi natus æqualis.

**R.** Vidi Dominum facie ad faciem : \* Et salva facta est anima mea. **V.** Et dixit mihi : Nequâquam vocaberis Jacob, sed Israël erit nomen tuum. Et salva facta est.

#### Lectio ix.

**H**IC est Filius meus, per quem omnia facta sunt, et sine quo factum est nihil : qui omnia quæ facio, similiter facit; et quidquid operor, inseparabiliter mecum atque indifferenter operatur. Hic est Filius meus, qui eam, quam mecum habet æqualitatem, non rapina appetiit, nec usurpatione præsumpsit : sed manens in forma gloriæ meæ, ut ad reparandum genus humanum exsequeretur commune consilium, usque ad formam servilem inclinavit incommutabilem Deitatem. Hunc ergo, in quo mihi per omnia bene compláceo, et cujus prædicatione manifestor, cujus humilitate clarificor, incunctanter audite : quia ipse est veritas et vita, ipse virtus mea atque sapientia.

**R.** Cum audisset Jacob quod Esau veniret contra eum, divisit filios suos et uxores, dicens : Si percusserit Esau unam turmam, salvabitur altera. \* Libera me Domine, qui dixisti mihi : \* Multiplicabo semen tuum sicut stellas cæli, et sicut



arénam maris, quæ præ multitudine numerári non potest. *Ÿ.* Dómine, qui dixisti mihi, Revértere in terram nativitátis tuæ : Dómine, qui pascis me a juventúte mea. Libera. Glória Patri. Multiplicábo.

## AD LAUDES

*Ant.* 1. Dómine \* lábia mea apéries, et os meum annuntiábit láudem tuam.

*Ps.* Miserére mei Deus. *cum reliq.* 159.

2. Dextera Dómini \* fecit virtútem : dextera Dómini exaltávit me.

3. Factus est \* adjutor meus Deus meus.

4. Trium puerorum \* cantémus hymnum, quem cantábant in camíno ignis, benedicéntes Dóminum.

5. Státuit ea \* in ætérnum, et in sáculum sáculi : præcéptum pósuit, et non præteríbit.

*Capitulum.* I. *Thess.* 4.

**F** RATRES : Rogámus vos, et obsecrámus in Dómino Jesu : ut quemádmódum accepístis a nobis, quómodo vos opórteat ambuláre, et placére Deo : sic et ambulétis, ut abundétis magis.

*Hymn.* O sol. et *Ÿ.* Angelis suis. 164.

*Ad Bened. Ant.* Assúmpsit Jesus \* discípulos suos, et ascéndit in montem, et transfigurátus est ante eos.

## Oratio.

**D**EUS, qui cónspicis omni nos virtúte destítui, in-

térius exteriúsque custódi : ut ab ómnibus adversitátibus muniámur in córpore, et a pravis cogitátionibus mundémur in mente. Per Dóminum.

## AD PRIMAM

*Ant.* Dómine, \* bonum est nos hic esse : si vis, faciámus hic tria tabernácula : tibi unum, Móysi unum, et Eliæ unum.

## AD TERTIAM

*Ant.* Dómine, \* bonum est. *ut supra ad Primam.*

*Capit.* Fratres : Rogámus. *ut supra.*

*Ÿ. br.* Ipse liberávit me \* De láqueo venántium. Ipse. *Ÿ.* Et a verbo áspero. De láqueo. Glória Patri. Ipse.

*Ÿ.* Scápolis suis obumbrábit tibi. *Ÿ.* Et sub pennis ejus sperábis.

## AD SEXTAM

*Ant.* Faciámus hic \* tria tabernácula : tibi unum, Móysi unum, et Eliæ unum.

*Capitulum.* I. *Thess.* 4. *b*

**H**ÆC est enim volúntas Dei, sanctificátio vestra : ut abstineátis vos a fornicatióne, ut sciat unusquisque vestrum vas suum possidére in sanctificatióne et honóre.

*Ÿ. br.* Scápolis suis \* Obumbrábit tibi. Scápolis. *Ÿ.* Et sub pennis ejus sperábis. Obumbrábit. Glória Patri. Scápolis.

*Ÿ.* Scuto circúmdabit te véritas ejus. *Ÿ.* Non timébis a timóre noctúrno.

## AD NONAM

**Ant.** Visionem quam vidistis, \* nēmini dixeritis, donec a mōrtuis resūrgat Filius hōminis.

**Capitulum.** I. Thess. 4. b

**N**on enim vocāvit nos Deus in immunditiam, sed in sanctificatiōnem in Christo Jesu Dōmino nostro.

**R. br.** Scuto circūmdabit te \* Vēritas ejus. Scuto. **V.** Non timēbis a timōre noctūrno. Vēritas. Glōria Patri. Scuto.

**V.** Angelis suis Deus mandāvit de te. **R.** Ut custōdiant te in omnibus viis tuis.

## AD VESPERAS

**Ant. et Pss. de Dom**

**Capit.** Fratres : Rogāmus.

**Hymnus** Audi benigne. et

**V.** Angelis suis. 154.

**Ad Magnif. Ant.** Visionem quam vidistis, \* nēmini dixeritis, donec a mōrtuis resūrgat Filius hōminis.

**Deinde dicuntur Vesperæ Defunctorum**

## FERIA SECUNDA

Lectio sancti Evangēlii secūndum Joānnem.

**Lectio j.** Cap. 8. c

**I**n illo tēpore : Dixit Jesus turbis Judæōrum : Ego vado, et quærētis me, et in peccāto vestro moriēmini. Et reliqua.

Homilia sancti Augustini  
Episcopi.

**Tract.** 38. in Joan., post init.

**L**ocūtus est Dōminus Judæis, dicens : Ego vado.

Christo enim Dōmino mors profectio fuit illo, unde venerat, et unde non discēsserat. Ego, inquit, vado, et quærētis me, non desidērio, sed odio. Nam illum posteaquam abscēssit ab oculis hōminum, inquisiērunt et qui oderant, et qui amābant : illi persequēdo, isti habēre cupiēdo. In Psalmis ait ipse Dōminus per Prophētā : Pēriit fuga a me, et non est qui requirat animam meam. Et iterum ait alio loco in Psalmo : Confundāntur et revereāntur requirētes animam meam.

**R.** Dum iret Jacob de Bersabée, et pērgeret Haran, locūtus est ei Dōminus, dicens : \* Terram, in qua dormis, tibi dabo, et sēmini tuo. **V.** Ædificāvit ex lapidibus altāre in honōrem Dōmini, fundens oleum désuper : et benedixit eum Deus, dicens. Terram.

## Lectio ij

**C**ulpāvit, qui non requirerent : damnāvit requirētes. Bonum est enim quærere animam Christi, sed quo modo eam quæsiērunt discipuli : et malum est quærere animam Christi, sed quo modo eam Judæi quæsiērunt : illi enim ut habērent, isti ut pērderent. Dénique istis, quia sic quærēbant more malo, corde perverso, quid secūtus adjūnxit? Quærētis me ; et, ne putētis, quia bene me quærētis, in pec-



cáto vestro moriémmini. Hoc est Christum male quærere, in peccáto suo mori : hoc est illum ódisse, per quem possit solum salvus esse.

**R.** Appáruit Deus Jacob, et benedíxit eum, et dixit : Ego sum Deus Bethel, ubi unxisti lápidem, et votum vovisti mihi : \* Créscere te fáciam, et multiplicábo te. **V.** Vere Dóminus est in loco isto, et ego nesciébam. Créscere.

**Lectio iij.**

**C**UM enim hómines, quorum spes in Deo est, non débeant mala réddere nec pro malis; reddébant isti mala pro bonis. Prænuntiávit ergo illis Dóminus, dixitque senténtiam præsciús, quod in suo peccáto moreréntur. Deínde adjúnxit: Quo ego vado, vos non potéstis veníre. Hoc et discipulis suis álio loco dixit : nec tamen eis dixit, In peccáto vestro moriémmini. Quid áutem dixit? quod et istis : Quo ego vado, vos non potéstis veníre. Non ábstulit spem, sed prædixit dilatiónem. Quando enim hoc discipulis Dóminus loquebátur, tunc non póterant veníre, quo ille ibat, sed póstea ventúri erant : isti áutem numquam, quibus præsciús dixit, In peccáto vestro moriémmini.

**R.** Det tibi Deus de rore cæli et de pinguédine terræ abundantiam : sérviant tibi tribus et pópuli : \* Esto dó-

minus fratrum tuórum. **V.** Et incurvéntur ante te filii matris tuæ. Esto dóminus. Glória Patri. Esto dóminus.

**Ad Bened. Ant.** Ego principium, \* qui et loquor vobis.

**Oratio.**

**P**RÆSTA, quæsumus omnipotens Deus : ut familia tua, quæ se, affligéndo carnem, ab aliméntis ábstinet, sectándo justitiam, a culpa jejúnet. Per Dóminum.

**Hodie dicitur Officium Defunctorum.**

**Ad Magnif. Ant.** Qui me misit, mecum est, \* et non reliquit me solum : quia quæ plácita sunt ei, fácio semper.

**Oratio.**

**A**D ESTO supplicatióibus nostris omnipotens Deus : et quibus fidúciam sperándæ pietátis indúlges, consuétæ misericórdiæ tribue benignus effectum. Per Dóminum.

**FERIA TERTIA**

Léctio sancti Evangélíi secundum Matthæum.

**Lectio j. Cap. 23. b**

**I**N illo témpore : Locútus est Jesus ad turbas, et ad discipulos suos, dicens : Super cáthedram Móysi sederunt scribæ et pharisæi. Omnia ergo quæcúmque dixerint vobis, serváte, et fácite : secundum ópera vero eórum nolite fácere. Et reliqua.

Homilia sancti Hierónymi  
Presbyteri.

Lib. 4. Comment. in cap. 23.  
Matthæi.

**Q**UID mansuetius, quid benignius Dómino? Tentatur a pharisæis, confringuntur insidiæ eorum, et secundum Psalmistam : Sagittæ parvulorum factæ sunt plagæ eorum : et nihilominus propter sacerdotii et nominis dignitatem hortatur populos, ut subiciantur eis, non ópera, sed doctrinam considerantes. Quod autem ait, Super cáthedram Móysi sederunt scribæ et pharisæi : per cáthedram, doctrinam legis ostendit. Ergo et illud quod dicitur in Psalmo : In cáthedra pestilentiae non sedit ; et, Cáthedras vendentium columbas evértit, doctrinam debemus accipere.

℞. Dum exiret. 176.

Lectio ij.

**A**LLIGANT enim ónera grávia et importabilia, et impónunt in húmeros hominum, digito autem suo nolunt ea movére. Hoc generaliter advérsus omnes magistros, qui grávia jubent, et minóra non faciunt. Notándum autem, quod et húmeri, et digitus, et ónera, et vincula quibus alligántur ónera, spirituáliter intelligénda sunt. Omnia vero ópera sua faciunt, ut videántur ab hominibus. Quicumque igitur ita facit quodlibet,

ut videátur ab hominibus, scriba et pharisæus est.

℞. Si Dóminus Deus. 177.

Lectio iij.

**D**ILÁTANT enim phylactéria sua, et magnificant fimbrias. Amant quoque primos recúbitus in cœnis, et primas cáthedras in synagógis, et salutatiónes in foro, et vocári ab hominibus rabbi. Væ nobis miseris, ad quos pharisæorum vitia transierunt ! Dóminus cum dedisset mandata legis per Móysen, ad extrémum intulit : Ligábis ea in manu tua, et erunt immóta ante óculos tuos. Et est sensus : Præcépta mea sint in manu tua, ut ópere compleántur : sint ante óculos tuos, ut die ac nocte meditéris in eis. Hoc pharisæi male interpretántes, scribébant in membránis Decalogum Móysi, id est, decem verba legis, complicántes ea et ligántes in fronte, et quasi coronam cápiti faciéntes : ut semper ante óculos moveréntur.

℞. Erit mihi. 177.

Ad Bened. Ant. Unus est \* enim magister vester, qui in cælis est, Christus Dóminus.

Oratio.

**P**ÉRFICE, quæsumus Dómine, benignus in nobis observantiæ sanctæ subsidium : ut quæ te auctóre faciéndam cognóvimus, te operante impleámus. Per Dóminum.



Ad Magnif. Ant. Omnes autem \* vos fratres estis : et patrem nolite vocare vobis super terram : unus est enim Pater vester, qui in cælis est : nec vocemini magistri, quia magister vester unus est Christus.

Oratio.

**P**ROPITIARE Dómine supplicationibus nostris, et animarum nostrarum medere languoribus : ut remissione percépta, in tua semper benedictione lætémur. Per Dóminum.

FERIA QUARTA

Hodie dicuntur Pss. Grad.

Lectio sancti Evangélíi secúndum Matthæum.

Lectio j. Cap. 20. b

**I**N illo témpore : Ascéndens Iesus Jerosólymam, assúmpsit duódecim discipulos secréto, et ait illis : Ecce ascéndimus Jerosólymam, et Filius hóminis tradétur principibus sacerdotum, et scribis, et condemnábunt eum morte. Et reliqua.

Homilia sancti Ambrósii  
Episcopi.

Lib. 5. de Fide ad Gratianum, cap. 2. post init.

**C**ONSIDERÁTE, quæ mater filiórum Zebedæi cum filiis et pro filiis petat : mater est útique, cui pro filiórum honóre sollicitæ, immoderátior quidem, sed tamen ignoscénda mensúra

votórum est. Atque mater ætáte longæva, stúdio religiósâ, solátio destitúta, quæ tunc témporis, quando vel juvánda, vel alénda foret válidæ prolis auxilio, abesse sibi liberos patiebátur, et voluptáti suæ mercédem sequéntium Christum prætúlerat filiórum. Qui prima voce vocáti a Dómino (ut légimus) relictis rétibus et patre secúti sunt eum.

℟. Dixit Angelus. 178.

Lectio ij.

**H**ÆC igitur stúdio matérnæ sedulitátis indulgéntior obsecrábat Salvatórem, dicens : Ut sédeant hi duo filii mei, unus ad dexteram tuam, et alter ad sinistram in regno tuo. Etsi error, pietátis tamen errorest. Nesciunt enim matérna viscera patiéntiam : etsi voti avára, tamen veniábilis cupiditas, quæ non pecúniæ est ávida, sed grátiæ. Nec inverecúnda petítio, quæ non sibi, sed liberis consulébat. Matrem consideráte, matrem cogitáte.

℟. Vidi Dóminum. 178.

Lectio iij.

**C**ONSIDERÁBAT Christus matris dilectionem, quæ filiórum mercéde grandævam solabátur senéctam : et desideríis licet fessa matérnis, carissimórum pignorum tolerábat abséntiam. Consideráte étiam féminam, hoc est, sexum fragiliórem, quem Dóminus própria nondum confirmáverat passióne. Con-

sideráte, inquam, Hevæ illius primæ mulieris herédem, transfúsa in omnes immoderátæ cupiditátis successióne labéntem: quam Dóminus adhuc próprio sángine non redémerat, nondum inolitam afféctibus ómnium immódicti contra fas honóris appeténtiam suo Christus cruóre dilúerat. Hereditário igitur múlter delinquébat erróre.

**R.** Cum audisset. 178.

**Ad Bened. Ant.** Ecce ascéndimus \* Jerosólymam: et Filius hóminis tradétur ad crucifigéndum.

**Oratio.**

**P**ÓPULUM tuum, quæsumus Dómine, propitius réspecte: et quos ab escis carnálibus præcipis abstinére, a nóxiis quoque vitiis cessáre concéde. Per Dóminum.

**Ad Magnif. Ant.** Tradétur enim géntibus \* ad illudéndum, et flagellándum, et crucifigéndum.

**Oratio.**

**D**EUS innocentíæ restitútor et amátor, dirige ad te tuórum corda servórum: ut spiritus tui fervóre concépto, et in fide inveniántur stábiles, et in ópere effíaces. Per Dóminum.

#### FERIA QUINTA

Léctio sancti Evangélíi secúndum Lucam.

**Lectio j. Cap. 16. e**

**I**N illo témpore: Dixit Jesus pharisæis: Homo quidam

erat dives, qui induebátur púrpura et bysso: et epulabátur quotidie spléndide. Et réliqua.

Homilia sancti Gregórii Papæ.

**Homil. 40. in Evang.**

**Q**UEM, fratres carissimi, quem dives iste, qui induebátur púrpura et bysso, et epulabátur quotidie spléndide, nisi Judáicum pópulum signat: qui cultum vitæ extérius hábuit, qui accéptæ legis delíciis ad nitórem usus est, non ad utilitátem? Quem vero Lázarus ulcéribus plenus, nisi gentilem pópulum figuráliter éxprimit? Qui dum convérsus ad Deum peccáta confitéri sua non erúbuit, huic vulnus incute fuit. In cutis quippe vulnere virus a viscéribus tráhitur, et foras erúmpit.

**R.** Tolle arma tua. 175.

**Lectio ij.**

**Q**UID est ergo peccatórum conféssio, nisi quædam vulnere rúptio? Quia peccáti virus salúbriter aperitur in confesióné, quod pestifere latébat in mente. Vúlnera etenim cutis in superficiem trahunt humórem putrédinis. Et confiténdo peccáta, quid áliud ágimus, nisi malum, quod in nobis latébat, aperimus? Sed Lázarus vulnerátus cupiébat saturári de micis, quæ cadébant de mensa dívitis, et nemo illi dabat: quia gentiliū quemque ad cognitióem legis



admittere superbus ille populus despiciēbat.

℞. Ecce odor. 175.

**Lectio iij.**

**Q**UI dum doctrinam legis non ad caritatem habuit, sed ad elationem, quasi de acceptis opibus tumuit : et quia ei verba defluēbant de scientia, quasi micæ cadēbant de mensa. At contra, jacētis pauperis vulnera lingēbant canes. Nonnumquam solent in sacro eloquio, per canes prædicatores intelliigi. Canum etenim lingua, vulnus dum lingit, curat : quia et doctores sancti, dum in confessione peccati nostri nos instruunt, quasi vulnus mentis per linguam tangunt.

℞. Det tibi Deus. 176.

**Ad Bened. Ant.** Fili, recordare \* quia recepisti bona in vita tua, et Lázarus similiter mala.

**Oratio.**

**P**RÆSTA nobis, quæsumus Dómine, auxiliū gratiæ tuæ : ut jejuniis et orationibus conveniēter intēti, liberémur ab hostibus mentis et corporis. Per Dóminum.

**Ad Magnif. Ant.** Dives ille \* guttam aquæ petiit, qui micæ panis Lázaro negavit.

**Oratio.**

**A**DËSTO Dómine famulis tuis, et perpétuam benignitatem largire poscentibus : ut iis, qui te auctore et gubernatore gloriāntur, et congregata restāures, et restaurata conserves. Per.

**FERIA SEXTA**

Lectio sancti Evangelii secundum Matthæum.

**Lectio j. Cap. 21. d**

**I**N illo tempore : Dixit Jesus turbis Judæorum, et principibus sacerdotum parabolam hanc : Homo erat paterfamilias, qui plantavit vineam, et sepem circumdedit ei. Et reliqua.

Homilia sancti Ambrósii  
Episcopi.

**Lib. 9. in cap. 20. Lucæ.**

**P**LERIQUE varias significationes de vineæ appellatione derivant : sed evidēter Isaías vineam Dómini Sábaoth, domum Israël esse memoravit. Hanc vineam quis alius, nisi Deus, condidit? Hic est ergo qui eam locavit colonis, et ipse peregre fuit : non quia ex loco ad locum profectus est Dóminus, qui ubique semper præsens est : sed quia est præsentior diligentibus, negligentibus abest. Multis temporibus abfuit, ne præpropere videretur exactio. Nam quo indulgentior liberalitas, eo inexcusabilior perversitas.

℞. Dum exiret. 176.

**Lectio ij.**

**U**NDE bene secundum Matthæum habes, quia et sepem circumdedit : hoc est, divinæ custodiæ munitione vallavit, ne facile spiritulium pateret incursibus bestiarum. Et fodit in ea tór-

cular. Quómodo intelligimus quid sit torcular, nisi forte quia Psalmi pro torcularibus inscribuntur; eo quod in his mysteria Domini passionis, modo musti sancto ferventis Spiritu, redundantius aestuaverint? Unde ebrii putabantur, quibus Spiritus sanctus inundabat. Ergo et hic fodit torcular, in quod uvae rationabilis fructus interior spiritali infusione deflueret.

*R.* Si Dominus. 177.

*Lectio iij.*

**E**DIFICAVIT turrin, verticem scilicet legis attolens: atque ita hanc vineam munitam, instructam, ornata, locavit Judaeis. Et tempore fructuum servulos misit. Bene tempus fructuum posuit, non proventum. Nullus enim fructus exstitit Judaeorum, nullus vineae hujus proventus, de qua Dominus ait: Exspectavi ut faceret uvas, fecit autem spinas. Itaque non laetitiae vino, non spiritali musto, sed cruento prophetarum sanguine torcularia redundarunt.

*R.* Erit mihi. 177.

*Ad Bened. Ant.* Malos male perdet, \* et vineam suam locabit aliis agricolis, qui reddant ei fructum temporibus suis.

*Oratio.*

**D**A, quaesumus omnipotens Deus: ut sacro nos purificante jejunio, sinceris

mentibus ad sancta ventura facias pervenire. Per Dominum.

*Hodie dicuntur Psalmi Poenitentiales.*

*Ad Magnif. Ant.* Quaerentes eum tenere, \* timuerunt turbam, quia sicut prophetam eum habebant.

*Oratio.*

**D**A, quaesumus Domine, populo tuo salutem mentis et corporis: ut bonis operibus inherendo, tuae semper virtutis mereatur protectione defendi. Per Dominum.

#### SABBATO

Lectio sancti Evangelii secundum Lucam.

*Lectio j. Cap. 15. c*

**I**N illo tempore: Dixit Jesus pharisaeis et scribis parabola istam: Homo quidam habuit duos filios: et dixit adolescentior ex illis patri: Pater, da mihi portionem substantiae, quae me contingit. Et reliqua.

Homilia sancti Ambrósii  
Episcopi.

*Lib. 8. Comm. in cap. 15.*

*Luc., post init.*

**V**IDES, quod divinum patrimonium petentibus datur. Nec putes culpam patris, quod adolescentiori dedit. Nulla Dei regno infirma aetas: nec fides gravatur annis. Ipse certe se judicavit idoneum, qui poposcit. Atque utinam non recessisset a patre, impedimentum



nescisset ætatis. Sed posteaquam domum patriam derelinquens, peregre profectus est, cepit egere. Merito ergo prodégit patrimonium, qui recessit ab Ecclesia.

**R.** Pater, peccavi in cælum, et coram te, jam non sum dignus vocari filius tuus : \* Fac me sicut unum ex mercenariis tuis. **V.** Quanti mercenarii in domo patris mei abundant panibus, ego autem hic fame pereor ! Surgam, et ibo ad patrem meum, et dicam ei. Fac.

**Lectio ij.**

**P**EREGRÉ profectus est in regionem longinquam. Quid longinquius, quam a se recedere ; nec regionibus, sed moribus separari : studiis discretum esse, non terribis ; et quasi interfuso luxuriæ sæcularis æstu, divortia habere sanctorum ? Etenim qui se a Christo separat, exsul est patriæ, civis est mundi. Sed nos non sumus advenæ atque peregrini, sed cives sumus sanctorum, et domestici Dei. Qui enim eramus longe, facti sumus prope in sanguine Christi. Non invidemus de longinqua regione remeantibus : quia et nos fuimus in regione longinqua, sicut Isaías docet. Sic enim habes : Qui sedebant in regione umbræ mortis, lux orta est illis. Regio ergo longinqua, umbra est mortis.

**R.** Vidi Dominum. 178.

**Lectio iij.**

**N**os autem, quibus spiritus ante faciem Christus est Dominus, in umbra vivimus Christi. Et ideo dicit Ecclesia : In umbra ejus concupivi, et sedi. Ille igitur vivendo luxuriose, consumpsit omnia ornamenta naturæ. Unde tu, qui accepisti imaginem Dei, qui habes similitudinem ejus, noli eam irrationabili fœditate consumere. Opus Dei es : noli ligno dicere, Pater meus es tu : ne accipias similitudinem ligni, quia scriptum est : Similes illis fiant qui faciunt ea.

**R.** Cum audisset. 178.

**Ad Bened. Ant.** Vadam ad patrem meum, \* et dicam ei : Pater, fac me sicut unum ex mercenariis tuis.

**Oratio.**

**D**A, quæsumus Domine, nostris effectum jejuniis salutarem : ut castigatio carnis assumpta, ad nostrarum vegetationem transeat animarum. Per Dominum.

**AD VESPERAS**

**Capitulum. Ephes. 5.**

**F**RATRES : Estote imitatores Dei, sicut filii carissimi : et ambulæte in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

**Hymn.** Audi benigne. et **V.** Angelis suis. 154.

**Ad Magnif. Ant.** Dixit autem pater \* ad servos suos : Cito proferte stolam primam,

et induite illum, et date anulum in manu ejus, et calceamenta in pedibus ejus.

*Oratio.*

**Q**UÆSUMUS omnipotens Deus, vota humilium respice : atque ad defensionem nostram, dexteram tuæ majestatis extende. Per.

DOM. III. IN QUADRAG.

AD MATUTINUM

*Invit.* Non sit vobis. 2.

*Ps.* Venite, exultemus. 2.

*Hymnus et reliqua usque ad Lectiones, ut in Psalt. 3.*

IN I. NOCTURNO

De libro Génesis.

*Lectio j. Cap. 37.*

**J**OSEPH cum séxdecim esset annorum, pascébat gregem cum fratribus suis adhuc puer : et erat cum filiis Balæ et Zelhæ uxorum patris sui, accusavitque fratres suos apud patrem crimine péssimo. Israël autem diligébat Joseph super omnes filios suos, eo quod in senectute genuisset eum : fecitque ei tunicam polymitam. Vidéntes autem fratres ejus quod a patre plus cunctis filiis amarétur, óderant eum, nec póterant ei quidquam pacífice loqui. Accidit quoque, ut visum sómnum reférret fratribus suis : quæ causa majóris ódii seminárium fuit. Dixitque ad eos : Auditesómnium meum quod vidi : Putábam nos ligáre manipulos in agro : et quasi consúrgere manipulum

meum, et stare, vestrosque manipulos circumstántes adoráre manipulum meum. Respondérunt fratres ejus : Numquid rex noster eris? aut subjiciémur ditióni tuæ? Hæc ergo cáusa somniórum atque sermónum, invidiæ et ódii fómitem ministrávit. Aliud quoque viditsómnium, quod narrans fratribus, ait : Vidi per sómnum, quasi solem, et lunam, et stellas undecim adoráre me. Quod cum patri suo, et fratribus retulisset, increpávit eum pater suus, et dixit : Quid sibi vult hoc sómnum quod vidisti? num ego, et mater tua, et fratres tui adorábimus te super terram?

*R.* Vidéntes Joseph a longe, loquebántur mútuo fratres, dicéntes : Ecce somniátor venit : \* Venite, occidámus eum, et videámus si prosint illi sómnia sua. *V.* Cumque vidissent Joseph fratres sui, quod a patre cunctis fratribus plus amarétur, óderant eum, nec póterant ei quidquam pacífice loqui, unde et dicébant. Venite.

*Lectio ij.*

**I**NVIDÉBANT ei igitur fratres sui : pater vero rem táctus considerábat. Cumque fratres illius in pascédis grégibus patris moraréntur in Sichem, dixit ad eum Israël : Fratres tui pascunt oves in Síchimis : veni, mitam te ad eos. Quo respondente : Præsto sum ; ait ei :



Vade, et vide si cuncta prospera sint erga fratres tuos, et pecora : et renuntia mihi quid agatur. Missus de Valle Hebron, venit in Sichem : invenitque eum vir errantem in agro, et interrogavit quid quæreretur. At ille respondit : Fratres meos quero, indica mihi ubi pascant greges. Dixitque ei vir : Recesserunt de loco isto : audiavi autem eos dicentes : Eamus in Dóthain. Perréxit ergo Joseph post fratres suos, et invenit eos in Dóthain. Qui cum vidissent eum procul, antequam accederet ad eos, cogitaverunt illum occidere : et mutuo loquebantur : Ecce somniator venit : venite, occidamus eum, et mittamus in cisternam veterem : dicimusque : Ferapessima devoravit eum : et tunc apparébit quid illi prosint somnia sua.

**R.** Dixit Judas fratribus suis : Ecce Ismahelitæ trans-eunt : venite, venumdétur, et manus nostræ non polluantur : \* Caro enim et frater noster est. **V.** Quid enim prodest, si occiderimus fratrem nostrum, et celaverimus sanguinem ipsius? Mélius est ut venumdétur. Caro.

### Lectio iij.

**A**UDIENS autem hoc Ruben, nitebatur liberare eum de manibus eorum, et dicebat : Non interficiatis animam ejus, nec effundatis sanguinem : sed projicite eum in cisternam hanc, quæ

est in solitudine, manusque vestras servate innocuas : hoc autem dicebat, volens eripere eum de manibus eorum, et reddere patri suo. Confestim igitur ut pervenit ad fratres suos, nudaverunt eum túnica talari et polymita : miseruntque eum in cisternam veterem, quæ non habebat aquam. Et sedentes ut comederent panem, viderunt Ismahelitas viatores venire de Galaad, et camelos eorum portantes aromata, et resinam, et stacten in Ægyptum. Dixit ergo Judas fratribus suis : Quid nobis prodest, si occiderimus fratrem nostrum, et celaverimus sanguinem ipsius? Mélius est ut venumdétur Ismahelitis, et manus nostræ non polluantur : frater enim et caro nostra est. Acquieverunt fratres sermonibus illius. Et prætereuntibus Madianitis negotiatoribus, extrahentes eum de cisterna, vendiderunt eum Ismahelitis viginti argenteis : qui duxerunt eum in Ægyptum.

**R.** Extrahentes Joseph de lacu, vendiderunt Ismahelitis viginti argenteis : \* Reversusque Ruben ad puteum, cum non invenisset eum, scidit vestimenta sua cum fletu, et dixit : \* Puer non comparet, et ego quo ibo? **V.** At illi intincta túnica Joseph in sanguine hoedi, miserunt qui ferret eam ad

patrem, et diceret : Vide, si túnica filii tui sit, an non. Reversúsque. Glória Patri. Puer.

## IN II. NOCTURNO

Ex libro sancti Ambrósii  
Episcopi de sancto Joseph.

## Lectio iv. Cap. I.

**S**ANCTORUM vita cæteris  
norma vivendi est. Ideoque digestam plénius accé-  
pimus sériem Scripturarum;  
ut dum Abraham, Isaac, et  
Jacob, cæterosque justos  
legendo cognóscimus, velut  
quemdam nobis innocentiae  
trámitem virtute eorum re-  
serátum imitántibus vesti-  
giis persequámur. De qui-  
bus mihi cum frequens tra-  
ctátus fúerit, hódie sancti  
Joseph história occúrrit : in  
quo cum plúrima fúerint gé-  
nera virtutum, præcipue ta-  
men insigne effúlsit castimóniæ.  
Justum est igitur, ut  
cum in Abraham didicéritis  
impigram fidei devotiónem,  
in Isaac sincéræ mentis pu-  
ritatem, in Jacob singulárem  
ánimi laborúmque patien-  
tiam : ex illa generalitáte  
virtutum in ipsas spécies di-  
sciplinárum intendátis áni-  
mum.

**R.** Videns Jacob vesti-  
ménta Joseph, scidit ve-  
stiménta sua cum fletu, et  
dixit : \* Fera péssima devo-  
rávit filium meum Joseph.  
**V.** Tulérunt áutem fratres  
ejus túnica illius, mittén-  
tes ad patrem : quam cum  
cognovísset pater, ait. Fera.

## Lectio v.

**S**IT igitur nobis propósitus  
sanctus Joseph tamquam  
spéculum castitátis. In ejus  
enim móribus, in ejus ácti-  
bus lucet pudicitia, et qui-  
dam splendet castimóniæ  
comes, nitor grátiae. Unde  
étiam a paréntibus plus  
quam cæteri filii diligebá-  
tur. Sed ea res invidiæ fuit :  
quod siléntio prætereúnd-  
um non fuit : hinc enim  
arguméntum totius históriæ  
procéssit : simul ut cogno-  
scámus, perféctum virum  
non movéri ulciscéndi do-  
lóris invidia, nec malórum  
repéndere vicem. Unde et  
David ait : Si réddidi retri-  
buéntibus mihi mala.

**R.** Joseph dum intráret  
in terram Ægypti, linguam  
quam non nóverat, audívit :  
manus ejus in labóribus  
serviérunt : \* Et lingua ejus  
inter príncipes loquebátur  
sapiéntiam. **V.** Humiliavé-  
runt in compédibus pedes  
ejus : ferrum pertránsiit áni-  
mam ejus, donec veníret  
verbum ejus. Et.

## Lectio vj.

**Q**UID áutem esset, quod  
præferri Joseph mere-  
rétur cæteris, si aut læsísset,  
aut diligéntes dilexísset? Hoc enim plerí-  
que faciunt. Sed illud mirá-  
bile, si diligas inimicum  
tuum : quod Salvátor docet.  
Jure ergo mirándus, qui hoc  
fecit ante Evangélium, ut  
læsus párceret, appetitus



ignósceret, vénditus non reférret injúriam, sed grátiam pro contumélia sólveret : quod post Evangélium omnes didicimus, et serváre non póssumus. Discámus ergo et sanctórum invidiam, ut imitémur patiéntiam : et cognoscámus, illos non naturæ præstantiórius fuisse, sed observantiórius : nec vitia nescisse, sed emendásse. Quod si invidia étiam sanctos adússit, quanto magis cavéndum est, ne inflámmet peccatóres?

**R.** Meménto mei, dum bene tibi fúerit : \* Ut súg-geras Pharaóni, ut edúcat me de isto cárcere : \* Quia furtim sublátus sum, et hic innocens in lacum missus sum. **V.** Tres enim adhuc dies sunt, post quos recordábitur Phárao ministérii tui, et restituet te in gradum pristinum : tunc meménto mei. Ut. Glória Patri. Quia.

#### IN III. NOCTURNO

Léctio sancti Evangélii secúndum Lucam.

#### Lectio vij. Cap. 11. b

**I**n illo témpore : Erat Jesus ejiciens dæmónium, et illud erat mutum. Et cum eiecisset dæmónium, locútus est mutus, et admirátæ sunt turbæ. Et réliqua.

Homilia venerábilis Bedæ Presbýteri.

Lib. 4. cap. 48. in cap. 11.

Lucæ.

**D**EMONÍACUS iste apud Matthæum non solum

mutus, sed et cæcus fuisse narrátur : curátusque dicitur a Dómino, ita ut loqueretur, et vidéret. Tria ergo signa simul in uno hómine perpetrátæ sunt : cæcus videt, mutus lóquitur, posséssus a dæmone liberátur. Quod et tunc quidem carnáliter factum est, sed et quotidie complétur in conversióne credéntium : ut expúlso primum dæmone, fidei lumen adspiciant ; deinde ad láudes Dei tacéntia prius ora laxéntur. Quidam áutem ex eis dixerunt : In Beélzebub príncipe dæmoniórum éjicit dæmónia. Non hæc áliqui de turba, sed pharisæi calumniabántur et scribæ, sicut álii Evangeli-stæ testántur.

**R.** Mérito hæc pátimur, quia peccávimus in fratrem nostrum, vidéntes angústias animæ ejus, dum deprecáretur nos, et non audívimus : \* Idcirco venit super nos tribulátio. **V.** Dixit Ruben frátribus suis : Numquid non dixi vobis : Nolite peccáre in púerum ; et non audístis me ? Idcirco.

#### Lectio viij.

**T**URBIS quippe, quæ minus eruditæ videbántur, Dómini semper facta mirántibus ; illi contra, vel negáre hæc, vel quæ negáre nequiverant, sinistra interpretatióne pervértere laborábant : quasi non hæc divinitátis, sed immúndi spiritus

ópera fuissent. Et álíi tentántes, signum de cælo quærébant ab eo. Vel in morem Eliæ ignem de sublimi venire cupiébant; vel in similitúdinem Samuélis témpore æstívo mugire tonítrua, coruscáre fúlgora, imbres rúere : quasi non possent et illa calumniári, et dicere, ex occúltis et váriis áeris passiónibus accidisse. At tu, qui calumniáris ea, quæ óculis vides, manu tenes, utilitáte sentis; quid féceris de iis, quæ de cælo vénerint? Utique respondébis, et magos in Ægýpto multa signa fecisse de cælo.

℞. Dixit Ruben frátribus suis : Numquid non dixi vobis, Nolite peccáre in púerum, et non audistis me? \* En sanguis ejus exquiritur. V. Mérito hæc pátimur, quia peccávimus in fratrem nostrum, vidéntes angústias animæ ejus, dum deprecáretur nos, et non audívimus. En sanguis.

### Lectio ix.

**I**PSE áutem ut vidit cogitationes eórum, dixit eis : Omne regnum in seípsum divisum desolábitur, et domus supra domum cadet. Non ad dicta, sed ad cogitata respóndit : ut vel sic compelleréntur crédere poténtiæ ejus, qui cordis vidébat occúltá. Si áutem omne regnum in seípsum divisum desolátur : ergo Patris et Filii et Spiritus sancti regnum

non est divisum; quod sine ulla contradiccióne, non álíquo impúlso desolándum, sed æténa est stabilitáte mansúrum. Si áutem sátanás in seípsum divisus est : quómodo stabit regnum ipsius, quia dicitis, in Beélzebub ejícere me dæmónia? Hoc dicens, ex ipsórum confesióné volébat intélligi, quod in eum non credéndo, in regno diáboli esse elegissent, quod útique advérsus se divisum stare non posset.

℞. Lamentabátur Jacob de duóbus filiis suis : Heu me, dolens sum de Joseph pèrdito, et tristis nimis de Bénjamin ducto pro alimóniis : \* Precor cæléstem Regem, ut me doléntem nimium fáciat eos cérnere. V. Prostérnens se Jacob veheménter cum lácrymis pronus in terram, et adórans ait. Precor. Glória Patri. Precor.

### AD LAUDES

Ant. 1. Fac benigne \* in bona voluntáte tua, ut ædificéntur Dómine muri Jerúsalem.

Ps. Miserére mei Deus. cum reliq. 159.

2. Dóminus \* mihi adjutor est, non timébo quid fáciat mihi homo.

3. Deus misereátur nostri, \* et benedicat nos.

4. Vim virtútis suæ \* oblitus est ignis : ut púeri tui liberaréntur illæsi.

5. Sol et luna \* laudáte



Deum : quia exaltatum est nomen ejus solius.

*Capitulum. Ephes. 5.*

**F**RATRES : Estóte imitátóres Dei , sicut filii caríssimi : et ambuláte in dilectióne , sicut et Christus diléxit nos , et trádedit semetipsum pro nobis oblatiónem et hóstiám Deo in odórem suavitátis.

*Hymn. O sol. et v. Angelis suis. 164.*

*Ad Bened. Ant.* Cum fortis armátus \* custódit átrium suum , in pace sunt ómnia quæ póssidet.

*Oratio.*

**Q**UÆSUMUS omnipotens Deus , vota humílium respice : atque ad defensionem nostram , dexteram tuæ majestátis exténde. Per Dóminum.

AD PRIMAM

*Ant.* Et cum eiecisset Jesus \* dæmónium , locútus est mutus , et admirátæ sunt turbæ.

AD TERTIAM

*Ant.* Si in dígitto Dei \* ejicio dæmónia , profécto pervénit in vos regnum Dei.

*Capit.* Fratres : Estóte imitátóres Dei. *supra.*

*R. br.* Ipse liberávit me \* De láqueo venántium. Ipse. *v.* Et a verbo áspero. De. Glória Patri. Ipse.

*v.* Scápolis suis obumbrábit tibi. *R.* Et sub pennis ejus sperábis.

AD SEXTAM

*Ant.* Qui non cólligit me-

cum , \* dispérgit : et qui non est mecum , contra me est.

*Capitulum. Ephes. 5. b*

**H**oc enim scitóte intelligéntes , quod omnis fornicátor , aut immúndus , aut avárus , quod est idolórum sérvitus , non habet hereditátem in regno Christi , et Dei.

*R. br.* Scápolis suis \* Obumbrábit tibi. Scápolis. *v.* Et sub pennis ejus sperábis. Obumbrábit. Glória Patri. Scápolis.

*v.* Scuto circúmdabit te véritas ejus. *R.* Non timébis a timóre noctúrno.

AD NONAM

*Ant.* Cum immúndus spíritus \* exierit ab hómine , ámbulat per loca inaquósa , quærens réquiem , et non invenit.

*Capitulum. Ephes. 5. c*

**E**RÁTIS enim aliquándo ténebræ : nunc áutem lux in Dómino : ut filii lucis ambuláte : fructus enim lucis est in omni bonitáte , et justitia , et veritate.

*R. br.* Scuto circúmdabit te \* Véritas ejus. Scuto. *v.* Non timébis a timóre noctúrno. Véritas. Glória Patri. Scuto.

*v.* Angelis suis Deus mandávit de te. *R.* Ut custódiant te in ómnibus viis tuis.

AD VESPERAS

*Ant. et Pss. de Dom. 126.*

*Capit.* Fratres : Estóte. *supra.*

*Hymn.* Audi benígne. et *v.* Angelis suis. 154.

*Ad Magnif. Ant.* Extóllens vocem \* quædam mûlier de turba, dixit : Beátus venter qui te portávit, et úbera, quæ suxisti. At Jesus ait illi : Quinimo beáti qui audiunt verbum Dei, et custodiunt illud.

*Post Vesperas diei dicuntur Vesperæ Defunctorum.*

## FERIA SECUNDA

Léctio sancti Evangélíi secundum Lucam.

*Lectio j. Cap. 4. d*

**I**n illo témpore : Dixit Jesus pharisæis : Utique dicétis mihi hanc similitúdinem : Médice cura teípsum : quanta audivimus facta in Caphárnaum, fac et hic in pátria tua. Et réliqua.

Homilia sancti Ambrósii  
Episcopi.

*Lib. 4. in cap. 4. Lucæ.  
post medium.*

**N**on mediocris invidia próditur, quæ civicæ caritátis oblita, in acérba ódia cáusas amóris infléctit. Simul hoc exémplo páriter et oráculo declarátur, quod frustra opem misericórdiæ cæléstis exspécetes, si aliénæ frúctibus virtútis invideas. Aspernátor enim Dóminus invidórum est : et ab iis qui divína beneficia in áliis persequúntur, mirácula suæ potestátis avértit. Dominicæ quippe carnis actus, divinitátis exémplum est : et invisibilia nobis ejus, per ea

quæ sunt visibilia demonstrántur.

**R.** Tóllite hinc vobíscum múnera, et ite ad dómimum terræ : et cum invenéritis, adoráte eum super terram :  
\* Deus áutem meus fáciat eum vobis placábilem : et remíttat et hunc fratrem vestrum vobíscum, et eum quem tenet in vinculis. *v.* Súmite de óptimis terræ frúgibus in vasis vestris, et deférte viro múnera. Deus.

*Lectio ij.*

**N**on otiose itaque Salvátor excúsat, quod nulla in pátria sua mirácula virtútis operátus sit : ne fortássis áliquis viliórem pátriæ nobis esse debére putáret afféctum. Neque enim cives póterat non amáre, qui amáret omnes : sed ipsi se caritáte pátriæ, dum invident, abdicárunt. In veritáte dico vobis : multæ viduæ fuérunt in diébus Eliæ. Non quia Eliæ dies fuérunt, sed in quibus Eliás operátus est : aut quia Elias dies faciébat illis, qui in ejus opéribus lucem vidébant grátiae spiritalis, et convertebántur ad Dóminum. Et ideo aperiebátur cælum vidéntibus ætérna et divína mystéria : claudebátur, et fames erat, quando nulla erat cognoscéndæ divinitátis ubértas. Sed de hoc plénius diximus, cum de viduis scriberémus.

**R.** Iste est frater vestre minimus, de quo dixerátis



mihi? Deus misereatur tibi, fili mi. \* Festinavitque in domum, et ploravit: quia erumpébant lácrymæ, et non póterat se continére. *V.* Attóllens autem Joseph óculos, vidit Bénjamin stantem: et commóta sunt ómnia viscera ejus super fratre suo. Festinavitque.

*Lectio iij.*

**E**T multi leprósi erant in Judæa temporibus Eliséi Prophétæ: et nemo eórum mundátus est, nisi Náaman Syrus. Evidénter hic sermo nos Dómini salutáris infórmat, et ad stúdiu venérandæ divinitátis hortátur: quod nemo sanátus osténditur, et maculósi morbo córporis absolúti, nisi qui religióso officio stúduit sanitáti. Non enim dormiéntibus divína beneficia, sed observántibus deferúntur. Diximus in libro álío, in vídua illa, ad quam Elías dírectus est, typum Ecclésiæ præmíssum. Pópulus Ecclésiám congregávit, ut sequátur pópulus ille ex alienígenis congregátus. Pópulus ille ante leprósus, pópulus ille ante maculósus, priúsq(uam) mýstico baptizarétur in flúmine: idem post sacraménta baptismatis máculis córporis et mentis ablúti, jam non lepra, sed immaculáta virgo cœpit esse sine ruga.

*R.* Dixit Joseph undecim frátribus suis: Ego sum Jo-

seph, quem vendidistis in Ægýptum: adhuc vivit pater noster sénior, de quo dixerátis mihi? \* Ite, addúcite eum ad me, ut possit vivere. *V.* Biénniu enim est quod cœpit esse fames in terra: et adhuc restant anni quinque, quibus nec arári póterit, nec meti. Ite. Glória Patri. Ite.

*Ad Bened. Ant.* Amen dico vobis, \* quia nemo prophéta accéptus est in pátria sua.

*Oratio.*

**C**ÓRDIBUS nostris, quæsumus Dómine, grátiam tuam benignus infúnde: ut sicut ab escis carnálibus abstinémus; ita sensus quoque nostros a nóxiis retrahámus excéssibus. Per Dñm.

*Hodie dicitur Officium Defunctorum.*

*Ad Magnif. Ant.* Jesus autem tránsiens \* per médium illórum ibat.

*Oratio.*

**S**UBVÉNIAT nobis Dómine misericórdia tua: ut ab imminéntibus peccatórum nostrórum periculis te mereámur protegénte éripi, te liberánte salvári. Per Dóminu:

FERIA TERTIA

Lectio sancti Evangélii secúndu Matthæu.

*Lectio j. Cap. 18. b.*

**I**N illo témpore: Dixit Jesus discipulis suis: Si peccáverit in te frater tuus,

vade, et córripe eum inter te et ipsum solum. Et reliqua.

Homilia sancti Augustini  
Episcopi.

Serm. 16. de Verbis Domini,  
tom. 10. post initium.

**Q**UARE illum córripis? Quia tu doles, quod peccáverit in te? Absit. Si amóre tui id facis, nihil facis. Si amóre illius facis, óptime facis. Dénique in ipsis verbis atténde, cujus amóre id fácere débeas, utrum tui, an illius. Si te audierit, inquit, lucrátus es fratrem tuum. Ergo propter illum fac, ut lucréris illum. Sic faciéndò lucráris : nisi fecisses, perierat. Quid est ergo, quod plerique hómines ista peccáta contémnunt, et dicunt : Quid magnum feci? in hóminem peccávi. Noli contémnere : in hóminem peccásti.

**R.** Nuntiavérunt Jacob dicéntes : Joseph filius tuus vivit, et ipse dominátur in tota terra Ægýpti : quo audito revíxit spíritus ejus, et dixit : \* Súfficit mihi, vadam et vidébo eum ántequam móriar. **V.** Cumque audisset Jacob quod filius ejus viveret, quasi de gravi somno evigilans, ait. Súfficit.

Lectio ij.

**V**IS nosse, quia in hóminem peccádo, perii-sti? Si te ille, in quem peccásti, corripúerit inter te et

ipsum solum, et audieris illum, lucrátus est te. Quid est, Lucrátus est te; nisi quia perieras, si non lucrárétur te? Nam si non perieras, quómodo te lucrátus est? Nemo ergo contémnat, quando peccat in fratrem. Ait enim quodam loco Apóstolus : Sic áutem peccántes in fratres, et percutiéntes consciéntiam eórum infirmam, in Christum peccátis : ideo quia membra Christi omnes facti sumus. Quómodo non peccas in Christum, qui peccas in membrum Christi?

**R.** Joseph. 190.

Lectio iij.

**N**EMO ergo dicat, Quia non peccávi in Deum, sed peccávi in fratrem : in hóminem peccávi, leve, vel nullum peccátum est. Forte inde dicis : Leve est, quia cito curátur. Peccásti in fratrem : fac satis, et sanátus es. Cito fecisti mortiferam rem, sed remédium cito invenisti. Quis nostrum speret regnum cælórum, fratres mei, quando dicit Evangélium : Qui díxerit fratri suo, fátue ; reus erit gehénnæ ignis? Magnus terror : sed vide ibi remédium. Si obtúleris munus tuum ad altáre, et ibi recordátus fúeris, quia frater tuus habet áliquíd advérsus te, relinque ibi munus tuum ante altáre. Non iráscitur Deus, quia differs impónere munus tuum : te



quærit Deus magis, quam munus tuum.

*R.* Meménto. 191.

*Ad Bened. Ant.* Si duo ex vobis \* consenserint super terram : de omni re quamcúmque petierint, fiet illis a Patre meo, dicit Dóminus.

*Oratio.*

**E**XÁUDI nos, omnipotens et miséricors Deus : et continentíæ salutáris propítius nobis dona concéde. Per.

*Ad Magnif. Ant.* Ubi duo vel tres \* congregáti fúerint in nómine meo, in médio eórum sum, dicit Dóminus.

*Oratio.*

**T**UA nos Dómine protectióne defénde : et ab omni semper iniquitáte custódi. Per Dóminum.

#### FERIA QUARTA

*Hodie dicuntur Pss. Grad.*

Léctio sancti Evangélíi secúndum Matthæum.

*Lectio j. Cap. 15.*

**I**N illo témpore : Accessérunt ad Jesum ab Jerosólymis scribæ et pharisæi, dicétes : Quare discípuli tui transgrediúntur traditió- nem seniórú? Et réliqua.

Homília sancti Hierónymi Presbýteri.

*Lib. 2. Comm. in c. 15. Matth.*

**M**IRA pharisæórum scribarúmque stultitia. Dei Fílium árguunt, quare hóminum traditiónes et præcepta non servet : Non enim lavant manus suas, cum panem mandúcant. Manus, id

est ópera, non córporis úti- que, sed ánimæ lavándæ sunt, ut fiat in illis verbum Dei. Ipse áutem respón- dens ait illis : Quare et vos transgredimini mandátum Dei propter traditióem ve- stram? Falsam calúmniam vera responsiône confútat. Cum, inquit, vos propter tra- ditióem hóminum præcepta Dómini negligátis ; quare discipulos meos arguéndos pu- tátis, quod seniórú jussa parvipéndant, ut Dei scita custódiant?

*R.* Mérito hæc. 191.

*Lectio ij.*

**N**AM Deus dixit : Honóra patrem et matrem : et, Qui maledixerit patri, vel matri, morte moriátur. Vos áutem dicitis : Quicúmque dixerit patri, vel matri : Mu- nus quodcúmque est ex me, tibi próderit : et non hono- rificábit patrem suum, aut matrem suam. Honor in Scriptúris non tantum in salutationibus et officiis defe- réndis, quantum in eleemó- synis, ac múnery oblatiône sentitur. Honóra, inquit Apó- stolus, víduas, quæ vere ví- duæ sunt. Hic honor donum intelligitur. Et in álio loco : Presbýteri dúplici honóre honorándi sunt, máxime qui labórant in verbo et doctrína Dei. Et per hoc mandátum jubémur bovi trituránti os non cláudere : et dignus sit operárius mercéde sua.

*R.* Dixit Ruben. 192.

## Lectio iij.

**P**RÆCÉPERAT Dóminus, vel imbecillitátes, vel ætátes, vel penúrias paréntum considerans, ut filii honorárent, étiam in vitæ necessáriis ministrándis, paréntes suos. Hanc providentissimam Dei legem voléntes scribæ et pharisæi subvértere, ut impietátem sub nómine pietátis inducerent, docuérunt pèsimos filios, ut si quis ea, quæ paréntibus offerénda sunt, Deo vovére volúerit, qui verus est pater, oblátio Dómini præponátur paréntum munéribus : vel certe ipsi paréntes, quæ Deo consecráta cernébant, ne sacrilégii crimen incúrrerent, declinántes, egestáte conficiebántur. Atque ita fiébat, ut oblátio liberórum sub occasióne templi et Dei, in sacerdotum lucra céderet.

℞. Lamentabátur. 192.

**Ad Bened. Ant.** Audite et intelligite \* traditiónes, quas Dóminus dedit nobis.

## Oratio.

**P**RÆSTA nobis, quæsumus Dómine : ut salutáribus jejúniis eruditi, a nóxiis quoque vítiis abstinéntes, propitiatióem tuam facilius impetrémus. Per Dóminum.

**Ad Magnif. Ant.** Non lotis mánibus \* manducáre, non coínquinat hómínem.

## Oratio.

**C**ONCÉDE, quæsumus omnipotens Deus : ut qui protectionis tuæ grátiam

quærimus, liberáti a malis ómnibus, secúra tibi mente serviámus. Per Dóminum nostrum.

## FERIA QUINTA

Léctio sancti Evangélíi secúndum Lucam.

## Lectio j. Cap. 4. f

**I**N illo témpore : Surgens Iesus de synagóga, introivit in domum Simónis. Socrus áutem Simónis tenebátur magnis fébribus. Et réliqua.

Homília sancti Ambrósii  
Episcopi.

**Lib. 4. in Luc. c. 4. circa finem.**

**V**IDE cleméntiam Dómini Salvatóris : nec indignatióne commótus, nec scélere offénsus, nec injúria violátus Judæam déserit : quin étiam immemor injúriæ, memor cleméntiæ, nunc docéndo, nunc liberándo, nunc sanándo, infidæ plebis corda demúlcet. Et bene sanctus Lucas virum ab spiritu nequitiæ liberátum ante præmisit, et subdit féminæ sanitátem. Utrúmque enim sexum Dóminus curatúrus advénerat : sed prior sanári débuit, qui prior créatus est ; nec prætermitti illa, quæ mobilitáte magis ánimí, quam pravitáte peccáverat.

℞. Vidéntes Joseph. 188.

## Lectio ij.

**S**ÁBBATO medicínæ Domínicæ ópera cœpta signi-



ficat, ut inde nova creatúra cœperit, ubi vetus creatúra ante desivit : nec sub lege esse Dei Filium, sed supra legem in ipso principio designáret : nec solvi legem, sed impléri. Neque enim per legem, sed verbo factus est mundus, sicut légimus : Verbo Dómini cæli firmáti sunt. Non sólvitur ergo lex, sed implétur : ut fiat renovátio hóminis jam labéntis. Unde et Apóstolus ait : Exspoliántes vos vétorem hóminem, indúite novum, qui secúndum Deum creátus est.

℟. Dixit Judas. 189.

Lectio iij.

**E**T bene sabbato cœpit, ut ipsum se osténderet Creatórem, qui ópera opéribus intéxeret, et prosequerétur opus, quod ipse jam cœperat : ut si domum faber renováre dispónat, non a fundaméntis, sed a culmínibus incipit sólvare vetustátem. Itaque ibi prius manum ádmovet, ubi ante desierat : deinde a minóribus incipit, ut ad majóra pervéniat. Liberáre a dæmone et hómines, sed in verbo Dei possunt : resurrectionem mórtuis imperáre, divinæ solius est potestátis. Fortáassis étiam in typo mulieris illius socrus Simónis et Andréæ váriis criminum fébribus caro nostra languébat, et diversárum cupiditátum immódicis æstuábat illécebris. Nec minórem febrem amoris esse

dixerim, quam calóris. Itaque illa ánimum, hæc corpus inflámmat. Febris enim nostra, avarítia est : febris nostra, libido est : febris nostra, luxúria est : febris nostra, ambitio est : febris nostra, iracúndia est.

℟. Extrahéntes. 189.

**Ad Bened. Ant.** Exhibant autem dæmónia \* a multis clamántia, et dicéntia, Quia tu es Christus Filius Dei : et increpans non sinébat ea loqui, quia sciébant ipsum esse Christum.

Oratio.

**M**AGNÍFICET te Dómine sanctorum tuorum Cosmæ et Damiáni beáta solémnitas : qua et illis glóriam sempitérnam, et opem nobis ineffábili providéntia contulisti. Per Dóminum.

**Ad Magnif. Ant.** Omnes qui habébant infirmos, \* ducébant illos ad Jesum, et sanabántur.

Oratio.

**S**UBJÉCTUM tibi pópulum, quæsumus Dómine, propitiátio cæléstis amplíficet : et tuis semper fáciat servíre mandátis. Per Dóminum.

#### FERIA SEXTA

Léctio sancti Evangélíi secúndum Joánnem.

Lectio j. Cap. 4.

**I**N illo témpore : Venit Jesus in civitátem Samariæ, quæ dicitur Sichar : juxta prædium, quod dedit Jacob Joseph filio suo. Et reliqua.

Homilia sancti Augustini  
Episcopi.

Tract. 15. in Joan., post init.

**J**AM incipiunt mystéria. Non enim frustra fatigátur Jesus : non enim frustra fatigátur virtus Dei : non enim frustra fatigátur, per quem fatigáti recreántur : non enim frustra fatigátur, quo desérénte fatigámur, quo præsénte firmámur. Fatigátur tamen Jesus, et fatigátur ab itinere, et sedet, et juxta púteum sedet, et hora sexta fatigátus sedet. Omnia ista innuunt áliquíd, indicáre volunt áliquíd : inténtos nos faciunt : ut pulsémus, hortántur. Ipse ergo apériat et nobis et vobis, qui dignátus est ita hortári, ut diceret : Pulsáte, et aperiétur vobis.

℞. Videns Jacob. 190.

Lectio ij.

**T**IBI fatigátus est ab itinere Jesus. Invenimus virtútem Jesum ; et invenimus infirmum Jesum : fortem, et infirmum. Fortem, quia in principio erat Verbum, et Verbum erat apud Deum, et Deus erat Verbum : hoc erat in principio apud Deum. Vis vidére quam iste Filius Dei fortis sit? Omnia per ipsum facta sunt, et sine ipso factum est nihil : et sine labóre facta sunt. Quid ergo illo fórtius, per quem sine labóre facta sunt ómnia? Infir-mum vis nosse? Verbum caro factum est, et habitávit in nobis. Fortitúdo Christi te

creávit : infirmitas Christi te recreávit. Fortitúdo Christi fecit, ut quod non erat, esset : infirmitas Christi fecit, ut quod erat, non periret. Cóndidit nos fortitúdine sua, quæsivit nos infirmitáte sua.

℞. Joseph. 190.

Lectio iij.

**N**UTRIT ergo ipse infirmus infirmos, tamquam gallína pullos suos : huic enim se similem fecit. Quóties vólui, inquit ad Jerúsalem, congregáre filios tuos sub alas tamquam gallína pullos suos, et noluisti? Vidétis áutem, fratres, quemádmódum gallína infirmétur cum pullis suis. Nulla enim ália avis, quod sit mater, agnóscitur. Vidémus nidificáre pásseres quóslibet ante óculos nostros : hirúndines, cicónias, colúmbas quotidie vidémus nidificáre : quos, nisi quando in nidis vidémus, paréntes esse non agnóscimus. Gallína vero sic infirmátur in pullis suis, ut étiam si ipsi pulli non sequántur, filios non vídeas, matrem tamen intélligas.

℞. Meménto mei. 191.

Ad Bened. Ant. Aquam, quam ego dédero, \* si quis biberit ex ea, non sitiet in ætérnum.

Oratio.

**J**EJÚNIA nostra, quæsumus Dómine, bénigno favóre proséquere : ut sicut ab aliméntis abstinémus in cór-



pore; ita a vitiis jejunemus in mente. Per Dóminum.

**Hodie dicuntur Psalmi Pœnitentiales.**

**Ad Magnif. Ant.** Dómine, \* ut vídeo, prophéta es tu : patres nostri in monte hoc adoravérunt.

**Oratio.**

**P**RÆSTA, quæsumus omnipotens Deus : ut qui in tua protectione confidimus, cuncta nobis adversántia te adjuvánte vincámus. Per.

### SABBATO

Léctio sancti Evangélíi secúndum Joánnem.

**Lectio j. Cap. 8.**

**I**N illo témpore : Perréxit Jesus in montem Olivéti, et dilúculo iterum venit in templum. Et réliqua.

Homilia sancti Augustíni Episcopi.

**Tract. 33. in Joan., post init.**

**J**ESUS perréxit in montem Olivéti, in montem fructuósum, in montem unguénti, in montem chrismatis. Ubi enim decébat docére Christum, nisi in monte Olivéti? Christi enim nomen a chrismate dictum est : chrisma áutem græce, latine úntio nominátur. Ideo áutem nos unxit, quia luctatóres contra diábolum fecit. Et dilúculo iterum venit in templum, et omnis pópulus venit ad eum : et sedens docébat eos, et non tenebátur, quia nondum pati dignabátur. Nunc jam atténdite, ubi

ab inimicis tentáta sit Dómini mansuetúdo.

**R.** Mérito hæc. 191.

**Lectio ij.**

**A**DDUCUNT áutem illi scribæ et pharisæi mulierem in adultério deprehénsam, et statuérunt eam in médio, et dixerunt ei : Magíster, hæc múlíer modo deprehénsa est in adultério : in lege áutem Móyses mandávit nobis hujusmodi lapidáre : tu ergo quid dicis? Hæc áutem dicebant tentántes eum : ut possent accusáre eum. Unde accusáre? Numquid ipsum in áliquo facínore deprehenderant, aut illa múlíer ad eum áliquo modo pertinuisse dicebátur?

**R.** Dixit Ruben. 192.

**Lectio iij.**

**I**NTELLIGÁMUS, fratres, admiráblem mansuetúdinem in Dómino fuisse. Animadvertérunt eum nimium esse mitem, nimium esse mansuetum. De illo quippe fúerat ante prædictum : Accingere gládio tuo circa femur tuum potentissime. Spécie tua et pulchritúdine tua inténde, prospere procéde, et regna : propter veritátem, et mansuetúdinem, et justitiam. Ergo áttulit veritátem ut doctor, mansuetúdinem ut liberátor, justitiam ut cónignor. Propter hæc eum esse regnatúrum in Spíritu sancto prophéta prædixerat. Cum loquerétur, véritas agnoscebátur : cum advér-

sus inimicos non moveretur, mansuetudo laudabatur. Cum ergo de duobus istis, id est, de veritate et mansuetudine ejus, inimici livore et invidia torquerentur; in tertio, id est, justitia, scandalum posuerunt.

**R.** Lamentabatur. 192.

**Ad Bened. Ant.** Inclinauit se Jesus, \* et scribebat in terra: Si quis sine peccato est, mittat in eam lapidem.

**Oratio.**

**P**RÆSTA, quæsumus omnipotens Deus: ut qui se, affligendo carnem, ab alimentis abstinent; sectando justitiam a culpa jejument. Per Dominum.

AD VESPERAS

**Capitulum. Galat. 4. c**

**F**RATRES: Scriptum est, quoniam Abraham duos filios habuit: unum de ancilla, et unum de libera: sed qui de ancilla, secundum carnem natus est: qui autem de libera, per repromissionem: quæ sunt per allegoriam dicta.

**Hymnus** Audi benigne. et **ŷ.** Angelis suis. 154.

**Ad Magnif. Ant.** Nemo te condemnauit mulier? \* Nemo Domine: nec ego te condemnabo: jam amplius noli peccare.

**Oratio.**

**C**ONCEDE, quæsumus omnipotens Deus: ut qui ex merito nostræ actionis affligimur, tuæ gratiæ consolatione respiciamus. Per Dñm.

DOM. IV. IN QUADRAG.

AD MATUTINUM

**Invit.** Non sit vobis. **Ps.** Venite, exultemus. 2.

**Hymnus et reliqua usque ad Lectiones, ut in Psalt. 3.**

IN I. NOCTURNO

De libro Exodi.

**Lectio j. Cap. 3.**

**M**OÏSES autem pascēbat oves Jethro sóceri sui sacerdotis Márian: cumque minasset gregem ad interiora deserti, venit ad montem Dei Horeb. Apparuitque ei Dominus in flamma ignis de medio rubi: et videbat quod rubus arderet, et non combureretur. Dixit ergo Moyses: Vadam, et videbo visionem hanc magnam, quare non comburatur rubus. Cernens autem Dominus quod pergeret ad videndum, vocauit eum de medio rubi, et ait: Moyses, Moyses. Qui respondit: Adsum. At ille: Ne appropies, inquit, huc: solve calceamentum de pedibus tuis: locus enim, in quo stas, terra sancta est. Et ait: Ego sum Deus patris tui, Deus Abraham, Deus Isaac, et Deus Jacob. Abscondit Moyses faciem suam: non enim audēbat adspicere contra Deum.

**R.** Locutus est Dominus ad Moysen, dicens: Descende in Ægyptum, et dic Pharaóni, \* Ut dimittat populum meum: induratum est cor Pharaónis: non vult dimit-



tere pópulum meum, nisi in manu forti. *℣.* Clamor filiór-  
rum Israë̃l venit ad me, vi-  
dique afflictiónem eórum :  
sed veni, mittam te ad Pha-  
raónem. Ut.

*Lectio ij.*

**C**UI ait Dóminus : Vidi af-  
flictiónem pópuli mei in  
Ægýpto, et clamórem ejus  
audivi propter durítiam eó-  
rum qui præsunt opéribus :  
et sciens dolórem ejus, de-  
scénderi ut liberem eum de  
mánibus Ægyptiór-  
um, et edúcam de terra illa in ter-  
ram bonam, et spatiósam,  
in terram quæ fluit lacte et  
melle, ad loca Chananæi,  
et Hethæi, et Amorrhæi, et  
Pherezæi, et Hevæi, et Je-  
busæi. Clamor ergo filiór-  
um Israë̃l venit ad me : vidique  
afflictiónem eórum, qua ab  
Ægýptiis opprimúntur. Sed  
veni, et mittam te ad Pha-  
raónem, ut edúcas pópulum  
meum, filios Israë̃l de Ægý-  
pto.

*℞.* Stetit Móyses coram  
Pharaóne, et dixit : Hæc di-  
cit Dóminus : \* Dimítte pó-  
pulum meum, ut sacrificet  
mihi in desérto. *℣.* Dóminus  
Deus Hebræórum misit me  
ad te, dicens. Dimítte.

*Lectio iij.*

**D**IXITQUE Móyses ad Deum :  
Quis sum ego, ut vadam  
ad Pharaónem, et edúcam  
filios Israë̃l de Ægýpto? Qui  
dixit ei : Ego ero tecum : et  
hoc habébis signum, quod  
miserim te : Cum edúxeris

pópulum meum de Ægýpto,  
immolábis Deo super mon-  
tem istum. Ait Móyses ad  
Deum : Ecce ego vadam ad  
filios Israë̃l, et dicam eis :  
Deus patrum vestrórum mi-  
sit me ad vos. Si dixerint  
mihi : Quod est nomen ejus?  
quid dicam eis? Dixit Deus  
ad Móysen : Ego sum qui  
sum. Ait : Sic dices filiis  
Israë̃l : Qui est, misit me ad  
vos. Dixitque iterum Deus  
ad Móysen : Hæc dices filiis  
Israë̃l : Dóminus Deus pa-  
trum vestrórum, Deus Abra-  
ham, Deus Isaac, et Deus  
Jacob, misit me ad vos : hoc  
nomen mihi est in ætérnum,  
et hoc memoriále meum in  
generatióem et generatió-  
nem.

*℞.* Cantémus Dómino : glo-  
riose enim honorificátus est,  
equum et ascensórem pro-  
jécit in mare : \* Adjútor et  
protéctor factus est mihi  
Dóminus in salutem. *℣.* Dó-  
minus quasi vir pugnátor,  
omnípotens nomen ejus. Ad-  
jútor. Glória Patri. Adjútor.

IN II. NOCTURNO

Sermo sancti Basilii Magni.

*Homilia 1. de jejunio,  
ante med.*

*Lectio iv.*

**M**ÓYSEN per jejúnium nó-  
vimus in montem ascen-  
disse : neque enim áliter  
áusus esset, vérticem fumán-  
tem adire, atque in caligi-  
nem ingredi, nisi jejúnio  
munitus. Per jejúnium man-  
dáta dígito Dei in tábulis

conscripta suscepit. Item supra montem jejúnium legis latæ conciliator fuit : infé-rius vero, gula ad idolola-triam pópulum dedúxit, ac contaminávit. Sedit, inquit, pópulus manducáre et bibe-re, et surrexérunt lúdere. Quadraginta diérum labó-rem ac perseverántiam, Dei servo continuo jejunánte ac oránte, una tantum pópuli ebrietas cassam irritámque reddidit. Quas enim tábulas Dei digito conscriptas jejú-nium accépit, has ebrietas contrivit : Prophéta sanctís-simo indignum existimánte, vinoléntum pópulum a Deo legem accipere.

℞. In mari viæ tuæ, et sé-mitæ tuæ in aquis multis :  
\* Deduxisti sicut oves pópulum tuum in manu Móysi et Aaron. ♠. Transtulisti illos per mare Rubrum, et trans-vexisti eos per aquam nimiam. Deduxisti.

#### Lectio v.

**U**no témporis moménto ob gulam pópulus ille per máxima prodigia Dei cultum edóctus, in Ægyptiacam idololatriam turpissime devo-lútus est. Ex quo si utrúmque simul cónferas, vidére licet, jejúnium ad Deum dúcere, delicias vero salútem pér-dere. Quid Esau inquinávit, servúmque fratris reddidit? nonne esca una, propter quam primogénita véndidit? Samuélem vero nonne per jejúnium orátio largíta est

matri? Quid fortíssimum Samsónem inexpugnábilem reddidit? nonne jejúnium, cum quo in matris ventre concéptus est? Jejúnium concépit, jejúnium nutrit, jejúnium virum effécit. Quod sane Angelus matri præcé-pit, monens, quæcúmque ex vite procéderent, ne at-tingeret, non vinum, non siceram biberet. Jejúnium Prophétas genuit, poténtes confirmat atque róborat.

℞. Qui persequébantur pópulum tuum Dómine, demersisti eos in profúndum :  
\* Et in colúmna nubis ductor eórum fuisti. ♠. Deduxisti sicut oves pópulum tuum in manu Móysi et Aaron. Et.

#### Lectio vj.

**J**ejúnium legislatóres sapiéntes facit : animæ óptima custódia, córporis sócius secúrus, fórtibus viris muniméntum et arma, athlétis et certántibus exercitatio. Hoc prætèrea tentatiónes propúlsat, ad pietátem ar-mat, cum sobrietáte hábitat, temperántiæ ópifex est : in bellis fortitúdinem affert, in pace quiétem docet : Na-zaræum sanctificat, sacer-dótem pèrficit : neque enim fas est sine jejúnio sacrificium attingere, non solum in mýstica nunc et vera Dei adoratióne, sed nec in illa, in qua sacrificium secúndum legem in figúra offerebátur. Jejúnium Eliam magnæ visi-ónis spectatórem fecit :



quadraginta namque dierum jejúnio cum ánimam purgasset, in spelúnca mérui, quantum fas est hómini, Deum vidére. Móyses iterum legem accipiens, iterum jejúnia secútus est. Ninivítæ nisi cum illis et bruta jejúnassent, ruínæ minas nequáquam evasissent. In deserto áutem quorúmnam membra ceciderunt? nonne illórum, qui carnes appetivére?

**R.** Móyses fámulus Dei jejúnávit quadraginta diébus et quadraginta nóctibus :

\* Ut legem Dómini mererétur accipere. **V.** Ascéndens Móyses in montem Sinai ad Dóminum, fuit ibi quadraginta diébus et quadraginta nóctibus. Ut. Glória Patri. Ut.

#### IN III. NOCTURNO

Léctio sancti Evangélii secundum Joánnem.

#### Lectio vij. Cap. 6.

**I**N illo témpore : Abiit Jesus trans mare Galilææ, quod est Tiberiadis : et sequebátur eum multitúdo magna, quia vidébant signa, quæ faciébat super his qui infirmabántur. Et réliqua.

Homília sancti Augustíni  
Episcopi.

#### Tract. 24. in Joannem.

**M**IRÁCULA, quæ fecit Dóminus noster Jesus Christus, sunt quidem divína ópera, et ad intelligéndum Deum de visibílibus ádmonent humánam mentem. Quia enim ille non est talis substantia, quæ vidéri óculis

possit ; et mirácula ejus, quibus totum mundum regit, universámque creatúram administrat, assiduitáte viluerunt, ita ut pene nemo dignétur atténdere ópera Dei mira et stupénda in quolibet séminis grano : secundum ipsam suam misericórdiam servávit sibi quædam, quæ fáceret opportúno témpore præter usitátum cursum ordinémque natúræ ; ut non majóra, sed insólita vidéndo stupérent, quibus quotidiana viluerant.

**R.** Spléndida facta est fácies Móysi, dum respiceret in eum Dóminus : \* Vidéntes senióres claritátem vultus ejus, admirántes timuérunt valde. **V.** Cumque descendisset de monte Sinai, portábat duas tábulas testimónii, ignórans quod cornúta esset fácies ejus ex consórtio sermónis Dei. Vidéntes.

#### Lectio viij.

**M**AJUS enim miráculum est gubernátio totius mundi, quam saturátio quinque millium hóminum de quinque pánibus. Et tamen hoc nemo mirátur : illud mirántur hómines, non quia majus est, sed quia rarum est. Quis enim et nunc pascit universum mundum, nisi ille, qui de páucis granis ségetes creat? Fecit ergo quo modo Deus. Unde enim multiplicat de páucis granis ségetes, inde in mánibus suis multiplicávit quinque panes : po-

téstas enim erat in mánibus Christi. Panes áutem illi quinque, quasi sémína erant, non quidem terræ mandáta, sed ab eo, qui terram fecit, multiplicáta.

**R.** Ecce mitto Angelum meum, qui præcedat te, et custódiat semper : \* Obsérva et áudi vocem meam, et inimicus ero inimicis tuis, et affligéntes te affligam : et præcedet te Angelus meus.

**V.** Israël si me audieris, non erit in te deus recens, neque adorábis deum aliénum : ego enim Dóminus. Obsérva.

**Lectio ix.**

**H**oc ergo admótum est sénsibus, quo erigerétur mens : et exhibitum óculis, ubi exercerétur intelléctus : ut invisibilem Deum per visibília ópera mirarémur, et erécti ad fidem, et purgáti per fidem, étiam ipsum invisibilem vidére cuperémus, quem de rebus visibilibus invisibilem noscerémus. Nec tamen súfficit intuéri in miráculis Christi. Interrogémus ipsa mirácula, quid nobis loquántur de Christo : habent enim, si intelligántur, linguam suam. Nam quia ipse Christus Verbum Dei est : étiam factum Verbi, verbum nobis est.

**R.** Atténdite pópule meus legem meam : \* Inclínate áurem vestram in verba oris mei. **V.** Apériam in parábolis os meum : loquar propositiónes ab initio sæculi. In-

clináte. Glória Patri. Inclínate.

**AD LAUDES**

**Ant. 1.** Tunc acceptábis \* sacrificium justitiæ, si avérteris faciém tuam a peccátis meis.

**Ps.** Miserére. **cum reliq.** 159.

**2.** Bonum est \* speráre in Dómino, quam speráre in princípibus.

**3.** Benedicat nos Deus, \* Deus noster, benedicat nos Deus.

**4.** Potens es Dómine \* eripere nos de manu forti : libera nos Deus noster.

**5.** Reges terræ \* et omnes pópuli laudáte Deum.

**Capitulum. Galat. 4. c**

**F**RATRES : Scriptum est, quóniam Abraham duos filios hábuit : unum de ancilla, et unum de libera : sed qui de ancilla, secúndum carnem natus est : qui áutem de libera, per repromissió- nem : quæ sunt per allegoriam dicta.

**Hymnus** O sol. et **V.** Angelis suis. 164.

**Ad Bened. Ant.** Cum sublevásset óculos \* Jesus, et vidísset máximam multitudinem veniéntem ad se, dixit ad Philíppum : Unde emémus panes, ut mandúcent hi? Hoc áutem dicébat tentans eum : ipse enim sciébat quid esset factúrus.

**Oratio.**

**C**ONCÉDE, quæsumus omnipotens Deus : ut qui ex



mérito nostræ actiōnis affligimur, tuæ grátiae consolatiōne respirémus. Per Dñm.

AD PRIMAM

*Ant.* Accépit ergo \* Jesus panes, et cum grátias egisset, distribuit discumbéntibus.

AD TERTIAM

*Ant.* De quinque pánibus \* et duóbus piscibus satiávit Dóminus quinque millia hóminum.

*Capit.* Fratres : Scriptum est. *ut supra.*

*R. br.* Ipse liberávit me \* De láqueo venántium. Ipse. *V.* Et a verbo áspero. De. Glória Patri. Ipse.

*V.* Scápolis suis obumbrábit tibi. *R.* Et sub pennis ejus sperábis.

AD SEXTAM

*Ant.* Satiávit Dóminus \* quinque millia hóminum de quinque pánibus et duóbus piscibus.

*Capitulum.* Galat. 4. d

**L**ÆTÁRE stérilis quæ non paris : erúmpe et clama quæ non párturis : quia multi filii desértæ, magis quam ejus quæ habet virum.

*R. br.* Scápolis suis \* Obumbrábit tibi. Scápolis. *V.* Et sub pennis ejus sperábis. Obumbrábit. Glória Patri. Scápolis.

*V.* Scuto circúmdabit te véritas ejus. *R.* Non timébis a timóre noctúrno.

AD NONAM

*Ant.* Illi ergo \* hómines cum vidissent quod fécerat Jesus signum, intra se dicé-

bant : Quia hic est vere Prophéta, qui ventúrus est in mundum.

*Capitulum.* Galat. 4. d

**I**TAQUE, fratres, non sumus ancillæ filii, sed liberæ : qua libertáte Christus nos liberávit.

*R. br.* Scuto circúmdabit te \* Véritas ejus. Scuto. *V.* Non timébis a timóre noctúrno. Véritas ejus. Glória Patri. Scuto.

*V.* Angelis suis Deus mandávit de te. *R.* Ut custódiant te in ómnibus viis tuis.

AD VESPERAS

*Ant.* et Pss. de Dom. 126.

*Capit.* Fratres. *ut supra.*

*Hymnus* Audi benigne. et

*V.* Angelis suis. 154.

*Ad Magnif. Ant.* Súbiit ergo \* in montem Jesus, et ibi sedébat cum discíplis suis.

*Post Vesp. diei dicuntur Vesp. Defunctorum.*

## FERIA SECUNDA

Léctio sancti Evangélíi secúndum Joánnem.

*Lectio j. Cap. 2. c*

**I**N illo témpore : Prope erat pascha Judæórum, et ascéndit Jesus Jerosólymam : et invénit in templo vendéntes boves, et oves, et colúmbas. Et réliqua.

Homilia sancti Augustíni  
Epíscopi.

*Tract. 10. in Joannem, post initium.*

**Q**UID audívimus fratres? Ecce templum illud figúra adhuc erat, et ejécit

inde Dóminus omnes qui sua quærébant, qui ad núnquinas vénerant. Et quæ ibi vendébant illi? Quæ opus habébant hómīnes in sacrificiis illius témporis. Novit enim caritas vestra, quod sacrificia illi pópulo pro ejus carnalitáte, et corde adhuc lapideo, tália data sunt, quibus tenerétur, ne in idóla deflúeret: et immolábant ibi sacrificia, boves, oves, et colúmbas. Nostis, quia legistis.

**R.** Vos qui transitúri estis Jordánem, ædificáte altáre Dómino \* De lapidibus, quos ferrum non tétigit: et offérte super illud holocáusta, et hóstias pacíficas Deo vestro.

**V.** Cumque intravéritis terram, quam Dóminus datúrus est vobis, ædificáte ibi altáre Dómino. De lapidibus.

### Lectio ij.

**N**ON ergo magnum peccátum, si hoc vendébant in templo, quod emebátur ut offerrétur in templo: et tamen ejécit inde illos. Quid si ibi ebriósos inveníret, quid fáceret Dóminus, si vendétes ea quæ licita sunt, et contra justitiam non sunt (quæ enim honéste emúntur, non illicite vendúntur), expulit tamen, et non est passus domum oratiónis fieri domum negotiatiónis?

**R.** Audi Israél præcépta Dómini, et ea in corde tuo quasi in libro scribe: \* Et dabo tibi terram fluéntem

lac et mel. **V.** Obsérva igitur, et áudi vocem meam: et inimicus ero inimicis tuis. Et.

### Lectio iij.

**S**I negotiatiónis domus non debet fieri domus Dei, potatiónis debet fieri? Nos áutem quando ista dicimus, strident déntibus suis advérsus nos: et consolátur nos Psalmus, quem audistis: Stridérunt in me déntibus suis. Nóvimus et nos audire unde curémur: etsi ingemínantur flagélla Christo, quia flagellátur sermo ipsius. Congregáta sunt, inquit, in me flagélla, et nesciébant. Flagellátus est flagéllis Judæórum: flagellátur blasphémiis falsórum Christianórum: multiplicant flagélla Dómino Deo suo, et nesciunt. Faciámus nos, quantum ipse áduvat. Ego áutem, cum mihi molésti essent, induébam me cilicio, et humiliábam in jejúnio ánimam meam.

**R.** Sicut fui cum Móyse, ita ero tecum, dicit Dóminus: \* Confortáre, et esto robústus: introduces pópulum meum ad terram lacte et melle manántem. **V.** Noli timére, quóniam tecum sum: ad quaecúmque perréxeris, non dimittam te, neque derelinquam. Confortáre. Glória Patri. Confortáre.

**Ad Bened. Ant.** Auférte ista hinc, \* dicit Dóminus: et nolite fácere domum Patris mei domum negotiatiónis.



## Oratio.

**P**RÆSTA, quæsumus omnipotens Deus : ut observationes sacras annua devotione recolentes, et corpore tibi placeamus, et mente. Per Dóminum.

*Hodie dicitur Officium Defunctorum.*

*Ad Magnif. Ant.* Sólвите templum hoc, \* dicit Dóminus; et post trídium reédificábo illud : hoc áutem dicebat de templo corpóris sui.

## Oratio.

**D**EPRECATIONEM nostram, quæsumus Dómine, benignus exáudi : et quibus supplicánda præstas afféctum, tribue defensionis auxilium. Per Dóminum.

## FERIA TERTIA

Léctio sancti Evangélíi secundum Joánnem.

*Lectio j. Cap. 7. b*

**I**N illo témpore : Jam die festo mediánte, ascéndit Jesus in templum, et docébat. Et mirabántur Judæi. Et réliqua.

Homília sancti Augustíni  
Epíscopi.

*Tract. 29. in Joan., sub init.*

**I**LLE qui latébat, docébat, et palam loquebátur, et non tenebátur. Illud enim ut latéret, erat cáusa exémplici, hoc potestátis. Sed cum docéret, mirabántur Judæi. Omnes quidem, quantum árbítror, mirabántur, sed non omnes convertébantur. Et unde admirátio? Quia

multi nóverant ubi natus, quemádmódum fúerit educátus. Numquam eum vídebant litteras discéntem : audiébant áutem de lege disputántem, legis testimónia proferéntem, quæ nemo posset proférre, nisi legisset; nemo légeret, nisi litteras didicisset : et ideo mirabántur. Eórum áutem admirátio magistro facta est insinuándæ áltius veritátis occásio.

**R.** Quid me quæritis interficere, hóminem qui vera locútus sum vobis? \* Si male locútus sum, testimónium pérhibe de malo : si áutem bene, cur me cædis? **V.** Multa bona ópera operátus sum vobis : propter quod opus vultis me occidere? Si male.

*Lectio ij.*

**E**X eórum quippe admiratione et verbis, dixit Dóminus profúndum áliquíd, et diligéntius inspici et discuti dignum. Quid ergo Dóminus respóndit eis, admirántibus quómodo sciret litteras, quas non didicerat? Mea, inquit, doctrína non est mea, sed ejus qui misit me. Hæc est profúnditas prima : vidétur enim páucis verbis quasi contrária locútus. Non enim ait : Ista doctrína non est mea : sed, Mea doctrína non est mea. Si non tua, quómodo tua? si tua, quómodo non tua? Tu enim dicis utrúmque : Et mea doctrína, et non mea.

**R.** Addúxi vos per desértum quadraginta annis ego Dóminus, et non sunt attríta vestiménta vestra : \* Manna de cælo plui vobis, et obliti estis me, dicit Dóminus. **V.** Ego edúxi vos de terra Ægypti, et de domo servitútis liberávi vos. Manna.

**Lectio iij.**

**S**I ergo intueámur diligén-ter quod ipse in exórdio dicit sanctus Evangelista : In princípío erat Verbum, et Verbum erat apud Deum, et Deus erat Verbum : inde pendet hujus solútió quæstiónis. Quæ est doctrina Patris, nisi Verbum Patris? Ipse ergo Christus doctrina Patris, si Verbum Patris. Sed quia Verbum non potest esse nullius, sed alicújus : et suam doctrinam dixit se-ípsam, et non suam, quia Patris est Verbum. Quid enim tam tuum quam tu? et quid tam non tuum quam tu, si alicújus est, quod es?

**R.** Móyses fámulus Dei jejunávit quadraginta diébus et quadraginta nóctibus : \* Ut legem Dómini mererétur accipere. **V.** Ascéndens Móyses in montem Sinai ad Dóminum, fuit ibi quadraginta diébus et quadraginta nóctibus. Ut legem. Glória Patri. Ut legem.

**Ad Bened. Ant.** Quid me quæritis \* interficere, hóminem qui vera locútus sum vobis?

**Oratio.**

**S**ACRÆ nobis, quæsumus Dómine, observatiónis jejúnia, et piæ conversatiónis augméntum, et tuæ propitiatiónis continuum præstent auxilium. Per Dóminum.

**Ad Magnif. Ant.** Nemo in eum misit manum : \* quia nondum vénerat hora ejus.

**Oratio.**

**M**ISERÉRE Dómine pópulo tuo, et continuis tribulatióibus laborántem propítius respiráre concéde. Per Dóminum.

**FERIA QUARTA**

**Hodie dicuntur Pss. Grad.**

Léctio sancti Evangélii secúndum Joánnem.

**Lectio j. Cap. 9.**

**I**N illo témpore : Prætériens Jesus, vidit hóminem cæcum a nativité : et interrogavérunt eum discipuli ejus : Rabbi, quis peccávit, hic, aut paréntes ejus, ut cæcus nascerétur? Et réliqua.

Homilia sancti Augustini  
Episcopi.

**Tract. 44. in Joannem.**  
**circa initium.**

**E**A quæ fecit Dóminus noster Jesus Christus stupénda atque miránda, et ópera, et verba sunt : ópera, quia facta sunt : verba, quia signa sunt. Si ergo quid significet hoc quod factum est, cogitémus : genus húmánum est iste cæcus. Hæc enim



cæcitas cõtingit in primo hómine per peccátum, de quo omnes originem dúximus, non solum mortis, sed étiam iniquitátis. Si enim cæcitas est infidélitas, et illuminátio fides : quem fidélem, quando venit Christus, invénit? Quandóquidem Apóstolus natus in gente prophetárum dicit : Fúimus et nos aliquándo natúra filii iræ, sicut et cæteri. Si filii iræ, filii vindictæ, filii pœnæ, filii gehénnæ : quómodo natúra, nisi quia peccánte primo hómine vitium pro natúra inolévit? Si vitium pro natúra inolévit, secúndum mentem omnis homo cæcus natus est.

℞. Spléndida. 205.

Lectio ij.

**V**ENIT Dóminus : quid fecit? Magnum mystérium commendávit. Exspuit in terram, de saliva sua lutum fecit; quia Verbum caro factum est, et inúnxit óculos cæci. Inúctus erat, et nondum vidébat. Misit illum ad piscinam, quæ vocátur Siloë. Pertínuit áutem ad Evangelistam commendáre nobis nomen hujus piscinæ, et ait : Quod interpretátur, Missus. Jam quis sit missus agnóscitis. Nisi enim ille fuisset missus, nemo nostrum esset ab iniquitáte dimissus. Lavit ergo óculos in ea piscina, quæ interpretátur, Missus : baptizátus est in Christo. Si ergo quando eum

in seipso quodámmodo baptizávit, tunc illuminávit : quando inúnxit, fortásse catechúmenum fecit.

℞. Ecce mitto. 206.

Lectio iij.

**A**UDÍSTIS grande mystérium. Interroga hómí- nem : Christiánus es? Respóndet tibi : Non sum. Si pagánus es, aut Judæus? Si áutem dixerit, Non sum : adhuc quæris ab eo, Catechúmenus, an fidélis? Si respónderit tibi, Catechúmenus : inúctus est, nondum lotus. Sed unde inúctus? Quære, et respóndet. Quære ab illo, in quem credat? Eo ipso quo catechúmenus est, dicit, In Christum. Ecce modo loquor et fidélibus et catechúmenis. Quid dixi de sputo et luto? Quia Verbum caro factum est; hoc Catechúmeni áudiunt : sed non eis súfficit ad quod inúcti sunt : festinent ad lavácrum, si lumen inquirunt.

℞. Atténdite. 206.

**Ad Bened. Ant.** Rabbi, quid peccávit \* homo iste, quod cæcus natus est? Respóndit Jesus, et dixit : Neque hic peccávit, neque paréntes ejus : sed ut manifesténtur ópera Dei in illo.

Oratio.

**D**EUS, qui et justis præmia meritórum, et peccatóribus per jejúnium véniam præbes : miserére supplicibus tuis; ut reátus nostri conféssio indulgéntiam vá-

leat percipere delictórum.  
Per Dóminum.

**Ad Magnif. Ant.** Ille homo \* qui dicitur Jesus, lutum fecit ex sputo, et linívit óculos meos, et modo vídeo.

**Oratio.**

**P**ÁTEANT áures misericórdiæ tuæ Dómine precibus supplicántium : et ut peténtibus desideráta concedas, fac eos quæ tibi sunt plácita, postuláre. Per Dóminum.

### FERIA QUINTA

Léctio sancti Evangélíi secúndum Lucam.

**Lectio j. Cap. 7. b**

**I**N illo témpore : Ibat Jesus in civitátem, quæ vocátur Naïm : et ibant cum eo discipuli ejus, et turba copiósá. Et réliqua.

Homília sancti Ambrósii  
Episcopi.

**Lib. 5. Comment. in Lucæ  
cap. 7., post init.**

**E**T hic locus ad utrámque redúndat grátiam ; et ut cito flecti divínam misericórdiam matris viduæ lamentatióne credámus, ejus præcipue, quæ únici filii vel labóre, vel morte frangátur ; cui tamen viduæ gravitátis méritum exsequiárum turba conciliet : et ut hanc viduam populórum turba septam, plus vidéri esse quam féminam, quæ resurrectionem únici et adolescentis filii suis lácrymis merúerit impetrá-

re : eo quod sancta Ecclesiá pópulum juniórem a pompa fúneris atque a suprémis sepúlcri, suárum révocet ad vitam contemplatióne lacrymárum : quæ flere prohibétur eum, cui resurrectio debebátur.

**R̃. Locútus. 202.**

**Lectio ij.**

**Q**UI quidem mórtuus in lóculo materiálibus quatuor ad sepúlcrum ferebátur eleméntis : sed spem resurgéndi habébat, quia ferebátur in ligno. Quod etsi nobis ante non próderat, tamen posteáquam Jesus id tétigit, proficere cœpit ad vitam : ut esset indicio salútem pópulo per crucis patibulum refundéndam. Audito igitur Dei verbo, steterunt acérbi illi fúneris portitóres, qui corpus húmánum letháli fluxu natúræ materiális urgébant. Quid enim áliud, nisi quasi in quodam féroto, hoc est, suprémi fúneris instruménto, jacémus exánimes, cum vel ignis immódicæ cupiditátis exæstuat, vel frigidus humor exúndat, vel pigra quadam terréni córporis habitúidine vigor hebelátur animórum ; vel concréta noster spíritus labe, puræ lucis vácuus mentem alit ? Hi sunt nostri fúneris portitóres.

**R̃. Stetit Móyses. 203.**

**Lectio iij.**

**S**ED quamvis supréma mortis spem vitæ omnis aboléverint, et tímulo próxima



côrpora jáceant defunctórum : verbo tamen Dei jam mórtua resúrgunt cadávera : vox redit, rédditur filius matri, revocátur a túmulo, eripitur a sepúlcro. Quis iste est túmulus tuus, nisi mali mores? Túmulus tuus perfidia est : sepúlcrum tuum guttur est. Sepúlcrum enim patens, est guttur eórum, unde verba mórtua proferrúntur. Ab hoc sepúlcro te liberat Christus : ab hoc túmulo surges, si áudias verbum Dei. Et si grave peccátum est, quod pœniténtiæ lácrymis ipse laváre non possis; fletat pro te mater Ecclesiá, quæ pro singulis tamquam pro únicis filiis vídua mater intérvénit. Compátitur enim quodam spiritali dolóre natúræ, cum suos liberos lethálibus vitiis ad mortem cernit urgéri.

℟. Cantémus Dómino. 203.

**Ad Bened. Ant.** Ibat Jesus\* in civitátem, quæ vocátur Naïm : et ecce defúctus efferebátur filius únicus matris suæ.

**Oratio.**

**P**RÆSTA, quæsumus omnipotens Deus : ut quos júnia votíva castigant, ipsa quoque devótio sancta lætificet; ut terrénis afféctibus mitigátis, facilius cæléstia capiámus. Per Dóminum.

**Ad Magnif. Ant.** Prophéta magnus\* surréxit in nobis, et quia Deus visitávit plebem suam.

**Oratio.**

**P**ÓPULI tui Deus institutor et rector, peccáta, quibus impugnátur, expélle : ut semper tibi plácitus, et tuo munimine sit secúrus. Per Dóminum.

**FERIA SEXTA**

Léctio sancti Evangélii secúndum Joánnem.

**Lectio j. Cap. 11.**

**I**N illo témpore : Erat quidam languens Lázarus a Bethánia, de castélló Mariæ et Marthæ soróris ejus. Et réliqua.

Homilia sancti Augustíni  
Epíscopi.

**Tract. 49. in Joann.,  
post initium.**

**I**N superióri lectione meministis, quod Dóminus éxiit de manibus eórum, qui lapidáre illum volúerant, et discessit trans Jordánem, ubi Joánnes baptizábat. Ibi ergo Dómino constitúto, infirmabátur in Bethánia Lázarus : quod castéllum erat próximum Jerosólymis. Maria autem erat, quæ unxit Dóminum unguénto, et extérsit pedes ejus capillis suis, cujus frater Lázarus infirmabátur. Misérunt ergo soróres ejus ad eum. Jam intelligimus quo misérunt, ubi erat Jesus : quóniam absens erat, trans Jordánem scilicet. Misérunt ad Dóminum, nuntiántes quod ægrotáret frater eárum, ut si dignarétur, veniret, et eum ab ægrítudine liberáret.

Ille distulit sanare, ut posset resuscitare.

℞. In mari. 204.

Lectio ij.

**Q**UID ergo nuntiaverunt sorores ejus? Domine, ecce quem amas infirmatur. Non dixerunt, Veni: amanti enim tantummodo nuntiandum fuit. Non ausæ sunt dicere, Veni, et sana: non ausæ sunt dicere, Ibi jube, et hic fiet. Cur enim non et istæ, si fides illius centurionis inde laudatur? Ait enim: Non sum dignus ut intres sub tectum meum: sed tantum dic verbo, et sanabitur puer meus. Nihil horum istæ, sed tantummodo: Domine, ecce quem amas infirmatur. Sufficit ut noveris: non enim amas, et deseris.

℞. Qui persequébantur populum. 204.

Lectio iij.

**D**ICIT aliquis: Quomodo per Lázarus peccator significabatur, et a Domino sic amabatur? Audiat eum dicentem: Non veni vocare justos, sed peccatores. Si enim peccatores Deus non amaret, de cælo ad terram non descenderet. Audiens autem Jesus, dixit eis: Infirmitas hæc non est ad mortem, sed pro glória Dei, ut glorificetur Filius Dei. Talis glorificatio ipsius non ipsum auxit, sed nobis profuit. Hoc est ergo quod ait, Non est ad mortem: quia et ipsa mors non erat ad mortem,

sed potius ad miraculum: quo facto crederent homines in Christum, et vitarent veram mortem. Sane videte quemadmodum tamquam ex obliquo Dominus Deum se dixit: propter quosdam qui negant Filium Dei Deum esse.

℞. Móyses. 205.

Ad Bened. Ant. Lázarus amicus noster \* dormit: eamus, et a somno excitemus eum.

Oratio.

**D**EUS, qui ineffabilibus mundum renovas sacramentis: præsta quæsumus; ut Ecclesia tua et æternis proficiat institutis, et temporalibus non destituatur auxiliis. Per Dominum.

Hodie dicuntur Psalmi Pœnitentiales.

Ad Magnif. Ant. Domine, \* si fuisses hic, Lázarus non esset mortuus: ecce jam foetet quatríduanus in monumento.

Oratio.

**D**A nobis, quæsumus omnipotens Deus: ut qui infirmitatis nostræ conscii, de tua virtute confidimus, sub tua semper pietate gaudeamus. Per Dominum.

SABBATO

Lectio sancti Evangelii secundum Joannem.

Lectio j. Cap. 8. b

**I**N illo tempore: Locutus est Jesus turbis Judæorum, dicens: Ego sum lux mundi:



qui séquitur me, non ámbulat in ténebris, sed habébit lumen vitæ. Et réliqua.

Homilia sancti Augustini  
Episcopi.

Tract. 34. in Joan.,  
post initium.

**Q**UOD ait Dóminus, Ego sum lux mundi; clarum puto esse eis, qui habent óculos, unde hujus lucis participes fiant: qui áutem non habent óculos, nisi in sola carne, mirántur quod dictum est a Dómino Jesu Christo: Ego sum lux mundi. Et forte non desit qui dicat apud semetípsum: Numquid forte Dóminus Christus est sol iste, qui ortu et occásu péragit diem? Non enim defuérunt hærétici, qui ista sensérunt. Manichæi solem istum óculis cárneis visibilem, expósitum et públicum non tantum homínibus, sed étiam pecóribus ad vidéndum Christum Dóminum esse putavérunt.

℞. Spléndida facta. 205.

Lectio ij.

**S**ED cathólicæ Ecclésiæ recta fides improbat tale comméntum, et diabólicam doctrinam esse cognóscit: nec solum agnóscit credéndum, sed in quibus potest convincit étiam disputándum. Improbémus itaque hujúsmodi errórem, quem sancta ab initio anathematizávit Ecclésia. Non arbitrémur Dóminum Jesum Christum hunc esse solem, quem vidémus

oriri ab Oriénte, occidere in Occidénte: cujus cúrsui nox succédit, cujus rádii nube obumbrántur: qui certa de loco in locum motiône cómmigrat. Non est hoc Dóminus Christus. Non est Dóminus Christus sol factus, sed per quem sol factus est. Omnia enim per ipsum facta sunt, et sine ipso factum est nihil.

℞. Ecce mitto. 206.

Lectio iij.

**E**ST ergo lux, quæ fecit hanc lucem. Hanc amémus, hanc intelligere cupiámus, ipsam siliámus, ut ad ipsam duce ipsa aliquándo veniámus: et in illa ita vivámus, ut numquam omníno moriámur. Ista enim lux est, de qua prophetia olim præmissa ita in Psalmo cécinuit: Quóniam apud te est fons vitæ, et in lúmine tuo vidébinus lumen. Advértite quid de tali luce antiquus sanctórum hóminum Dei sermo præmiserit. Hómines, inquit, et juménta salvos fácies Dómine: sicut multiplicáta est misericórdia tua Deus.

℞. Atténdite pópule. 206.

Ad Bened. Ant. Qui séquitur me, \* non ámbulat in ténebris: sed habébit lumen vitæ, dicit Dóminus.

Oratio.

**F**IAT, Dómine quæsumus, per grátiam tuam fructuosus nostræ devotiónis afféctus: quia tunc nobis pröderunt suscep'ta jejúnia, si

tuæ sint plácita pietáti. Per  
Dóminum.

## SABBATO

ANTE DOMINICAM PASSIONIS  
AD VESPERAS

*Capitulum. Hebr. 9. c*

**F**RATRES : Christus assi-  
stens Póntifex futurórum  
bonórum, per ámplius et  
perféctius tabernáculum non  
manu factum, id est, non  
hujus creatiónis : neque per  
sánguinem hircórum aut vi-  
tulórum, sed per próprium  
sánguinem introívit semel in  
Sancta, ætéRNA redemptióne  
inventa.

*Hymnus.*

**V**EXÍLLA regis pródeunt :  
Fulget Crucis mystérium,  
Qua vita mortem pértulit,  
Et morte vitam prótulit.

Quæ vulneráta lanceæ  
Mucrónē diro, criminum  
Ut nos laváret sórdibus,  
Manávit unda, et ságuine.

Impléta sunt quæ cóncinit  
David fidéli cármine,  
Dicéndo natió nibus :  
Regnávit a ligno Deus.

Arbor decóra et fúlgida,  
Ornáta regis púrpora,  
Elécta digno stípíte  
Tam sancta membra tán-  
gere.

Beáta, cujus bráchiis  
Prétium pepéndit sáculi,  
Statéra facta córporis,  
Tulitque prædam tártari.

O Crux ave spes única,  
Hoc passiónis témpore  
Piis adáuge grátiam,  
Reisque dele crimina.

Te, fons salútis Trínitas,  
Colláudet omnis spiritus :  
Quibus Crucis victóriam  
Largiris, adde præmium.

Amen.

*V.* Eripe me Dómine ab  
hómīne malo. *R.* A viro ini-  
quo eripe me.

*Ad Magnif. Ant.* Ego sum\*  
qui testimónium perhibeo  
de meípso : et testimónium  
perhibet de me, qui misit  
me Pater.

*Oratio.*

**Q**UÆSUMUS omnipotens  
Deus, familiam tuam  
propítius réspice : ut te lar-  
giénte, regátur in córpore ;  
et te servánte, custodiátur  
in mente. Per Dóminum.

*Ab hoc Sabbato usque ad  
Fer. secundam post Octa-  
vam Pentecostes, non fiunt  
Commemorationes consue-  
tæ de Cruce, de S. Maria,*  
et aliæ in Psalterio positæ.

*Ad Completorium in R. br.  
non dicitur Glória Patri. in  
Officio feriali usque ad Fe-  
riam quintam in Cœna Do-  
mini.*

## DOMINICA DE PASSIONE AD MATUTINUM

*Invit.* Hódie si vocem Dó-  
mini audiéritis, \* Nolite ob-  
duráre corda vestra.

*Ps.* Venite, exsultémus. 2.

*Hoc Invitatorium dicitur  
usque ad Feriam quintam in  
Cœna Domini, etiam in fe-  
riali Officio.*

*In Psalmo Hódie si vo-  
cem. omittitur, et repetitur*



a Choro Invitatorium : deinde sequitur Sicut in exacerbatione.

In fine hujus Psalmi non dicit. Glória Patri. hoc tempore Passionis, nisi in festis : sed repetitur Invitatorium, ut alias, in fine. Quod etiam servatur in Responsoriis ad Matutinum, et in Responsoriis brevibus Horarum, ubi similiter repetitur Responsorium.

### Hymnus.

**P**ANGE lingua gloriósi  
Láuream certámi-  
nis,  
Et super Crucis tro-  
phæo

Dic triúmphum nóbilem :  
Quáliter Redémptor orbis  
Immolátus vicerit.

De paréntis protoplásti  
Fráude Factor cóndolens,  
Quando pomi noxiális  
In necem morsu ruit :  
Ipse lignum tunc notávit,  
Damna ligni ut sólveret.

Hoc opus nostræ salutis  
Ordo depopóscerat;  
Multifórmis proditoris  
Ars ut artem fálleret,  
Et medélam ferret inde,  
Hostis unde láserat.

Quando venit ergo sacri  
Plenitúdo témporis,  
Missus est ab arce Patris  
Natus, orbis Cónditor;  
Atque ventre virgináli  
Carne amictus pródiit.

Vagit infans inter arcta  
Cónditus præsépiá :  
Membra pannis involúta  
Virgo Mater álligat :

Et Dei manus pedésque  
Stricta cingit fáschia.

Sempitérna sit beátæ  
Trinitáti glória,  
Æqua Patri, Filióque;  
Par decus Paráclito :  
Unius Triníque nomen  
Láudet univérstas. Amen.

Ad Nocturnos, omnia ut  
in Psalterio. *ŷ*. Erue a frá-  
mea. et alii *ŷŷ*. ibidem tem-  
pore Passionis.

### IN I. NOCTURNO

Incipit liber Jeremiæ Pro-  
phétæ.

### Lectio j. Cap. 1.

**V**ERBA Jeremiæ filii Helciæ,  
de sacerdotibus, qui fué-  
runt in Anathoth, in terra  
Bénjamin. Quod factum est  
verbum Dómini ad eum in  
diébus Josiæ filii Amon re-  
gis Juda, in tertiodécimo  
anno regni ejus. Et factum  
est in diébus Jóakim filii  
Josiæ regis Juda, usque ad  
consummationem undécimi  
anni Sedeciæ filii Josiæ regis  
Juda, usque ad transmigra-  
tionem Jerúsalem, in mense  
quinto. Et factum est verbum  
Dómini ad me, dicens :  
Priúsqvam te formárem in  
útero, novi te : et ántequam  
exires de vulva, sanctificávi  
te, et prophétam in géntibus  
dedi te. Et dixi, A a a, Dó-  
mine Deus : ecce nescio lo-  
qui, quia puer ego sum.

*R*. Isti sunt dies, quos ob-  
serváre debétis tempóribus  
suis : \* Quartadécima die ad  
vésperum Pascha Dómini  
est : et in quintadécima so-

lemnitatem celebrábitis altissimo Dómino. **¶** Locútus est Dóminus ad Móysen, dicens : Lóquere filiis Israël, et dices ad eos. Quartadécima.

**Hoc R. non dicitur infra Hebdomadam.**

**Lectio ij.**

**E**T dixit Dóminus ad me : Noli dicere : Puer sum : quóniam ad ómnia, quæ mittam te, ibis : et unívérſa, quæcúmque mandávero tibi, loqueris. Ne timeas a fácie eórum : quia tecum ego sum, ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et dissipés, et ædífices, et plantes. Et factum est verbum Dómini ad me, dicens : Quid tu vides Jeremía? Et dixi : Virgam vigilántem ego video. Et dixit Dóminus ad me : Bene vidisti, quia vigilábo ego super verbo meo, ut fáciam illud. Et factum est verbum Dómini secúndo ad me dicens : Quid tu vides? Et dixi : Ollam succénsam ego video, et fáciem ejus a fácie Aquilónis.

**R.** Multiplicáti sunt qui tribulant me, et dicunt : Non est salus illi in Deo ejus : **¶** Exsúrge Dómine, salvum me fac, Deus meus. **¶** Nequán-

do dicat inimicus meus, Præválui advérsus eum. Exsúrge.

**Lectio iij.**

**E**T dixit Dóminus ad me : Ab Aquilóne pandétur malum super omnes habitátóres terræ. Quia ecce ego convocábo omnes cognatiónes regnórum Aquilónis, ait Dóminus : et vénient, et ponent unusquisque sólium suum in intróitu portárum Jerúsalem, et super omnes muros ejus in circúitu, et super unívérſas urbes Juda. Et loquar judicia mea cum eis super omnem malítiam eórum, qui dereliquerunt me, et libavérunt diis aliénis, et adoravérunt opus mánuum suárum. Tu ergo accínge lumbos tuos, et surge, et lóquere ad eos ómnia quæ ego præcípíio tibi. Ne formídes a fácie eórum : nec enim timére te fáciam vultum eórum. Ego quippe dedi te hódie in civitátem munitam, et in colúnnam férream, et in murum áereum, super omnem terram, régibus Juda, princípibus ejus, et sacerdotibus, et pópulo terræ. Et bellábunt advérsus te, et non prævalébunt : quia ego tecum sum, ait Dóminus, ut liberem te.

**R.** Usquequo exaltábitur inimicus meus super me? **¶** Réspice, et exáudi me Dómine Deus meus. **¶** Qui tribulant me, exsultábunt si motus fúero : ego áutem in



miserericórdia tua sperábo.  
Rêspice. Usquequo.

IN II. NOCTURNO

Sermo sancti Leónis Papæ.

Serm. 9. de Quadragesima.

Lectio iv.

**I**N ómnibus, dilectissimi, solemnitátibus christiánis, non ignorámus paschále sacraméntum esse præcipuum : cui condigne et cóngruesusciéndó, totius quidem nos témporis institúta refórmant : sed devotióne nostram præséntes vel máxime dies éxigunt, quos illi sublimíssimo divínæ misericórdiæ sacraménto scimus esse contiguos. In quibus mérito a sanctis Apóstolis per doctrinam Spíritus sancti majóra sunt ordináta jejúnia : ut per commúne consórtium crucis Christi, étiam nos áliquíd in eo quod propter nos gessit, agerémus, sicut Apóstolus ait : Si compátimur, et conglorificábimur. Certa atque secúra est exspectátio promíssæ beatitúdinis, ubi est participátio Dominicæ passiónis.

**R.** Deus meus es tu, ne discédas a me : \* Quóniam tribulátio próxima est, et non est qui ádjuvet. **V.** Tu áutem Dómine ne elongáveris auxílium tuum a me : ad defensióne meam ádspice. Quóniam.

Lectio v.

**N**EMO est, dilectissimi, cui per conditióne témporis societas hujus glóriæ

denegétur, tamquam tranquillitas pacis vácuá sit occasiÓne virtútis. Apóstolus enim prædicat, dicens : Omnes qui pie volunt vivere in Christo, persecutiÓnem patiéntur : et ideo numquam deest tribulátio persecutiÓnis, si numquam desit observántia pietátis. Dóminus enim in exhortatiÓnibus suis dicit : Qui non áccipit crucem suam, et séquitur me, non est me dignus. Nec dubitáre debémus, hanc vocem non solum ad discipulos Christi, sed ad cunctos fideles, totámque Ecclesiám pertinére, quæ salutáre suum in his qui áderant, universaliter audiébat.

**R.** In te jactátus sum ex útero, de ventre matris meæ Deus meus es tu, ne discédas a me : \* Quóniam tribulátio próxima est, et non est qui ádjuvet. **V.** Salva me ex ore leónis, et a córni-bus unicórniúm humilitátem meam. Quóniam.

Lectio vj.

**S**ICUT ergo totius est corpóris pie vivere, ita totius est témporis crucem ferre : quæ mérito ferri unicuique suadétur, quia própriis modis atque mensúris ab unoquóque tolerátur. Unum nomen est persecutiÓnis, sed non una est cáusa certáminis : et plus plerúmque periculi est in insidiatóre occúlto, quam in hoste manifestó. Beátus Job alter-

nántibus bonis ac malis mundi hujus eruditus, pie veracitérque dicébat : Nonne tentatio est vita hóminis super terram? Quóniam non solis dolóribus córporis atque suppliciis ánima fidélis impétitur, verum étiam, salva incolumitate membrórum, gravi morbo urgétur, si carnis voluptáte mollitur. Sed cum caro concupiscit advérsus spiritum, spiritus áutem advérsus carnem; præsidio crucis Christi mens rationalis instrúitur, nec cupiditatibus nóxiis illécta conséntit, quóniam continéntiæ clavis, et Dei timóre transfigitur.

℟. In próximo est tribulatio mea Dómine, et non est qui ádjuvet; ut fódiant manus meas et pedes meos : libera me de ore leónis, \* Ut enárrem nomen tuum fratribus meis. V. Erue a frámea Deus ánimam meam, et de manu canis únicam meam. Ut enárrem. In próximo.

IN III. NOCTURNO  
Léctio sancti Evangélíi secúndum Joánnem.

Lectio vij. Cap. 8. f

**I**N illo témpore : Dicébat Iesus turbis Judæórum : Quis ex vobis árguet me de peccáto? Si veritátem dico vobis, quare non créditis mihi? Et réliqua.

Homilia sancti Gregórii Papæ.

Homil. 18. in Evang.

**P**ENSÁTE, fratres caríssimi, mansuetúdinem Dei. Re-

laxáre peccáta vénerat, et dicébat : Quis ex vobis árguet me de peccáto? Non dedignáture ex ratióne osténderese peccatórem non esse, qui ex virtúte divinitátis póterat peccatóres justificáre. Sed terribile est valde, quod súbditur : Qui ex Deo est, verba Dei áudit : proptérea vos non auditis, quia ex Deo non estis. Si enim ipse verba Dei áudit qui ex Deo est, et audire verba ejus non potest quisquis ex illo non est : intérriget se unusquisque, si verba Dei in áure cordis percipit; et intélliget unde sit. Cæléstem pátriam desideráre Véritas jubet, carnis desidéria cónteri, mundi glóriam declináre, aliéna non appétere, própria largiri.

℟. Tota die contristátus ingrediebar Dómine : quóniam ánima mea compléta est illusió nibus : \* Et vim faciebant, qui quærébant ánimam meam. V. Amici mei et próximos mei advérsus me appropinquavérunt et steterunt : et qui juxta me erant, de longe steterunt. Et vim.

Lectio viij.

**P**ENSET ergo apud se unusquisque vestrum, si hæc vox Dei in cordis ejus áure conváluit, et quia jam ex Deo sit, agnóscit. Nam sunt nonnúl li, qui præcépta Dei nec áure córporis percípere dignántur. Et sunt nonnúl li,



qui hæc quidem cõrporis áure percipiunt, sed nullo ea mentis desidério complectúntur. Et sunt nonnúllo, qui libénter verba Dei suscipiunt, ita ut étiam in flélibus compungántur, sed post lacrymárum tempus ad iniquitátem rédeunt. Hi profecto verba Dei non áudiunt, qui hæc exercére in ópere contémnunt. Vitam ergo vestram, fratres caríssimi, ante mentis óculos revocaté, et alta consideratióne pertiméscite hoc quod ex ore Veritátis sonat : Proptérea vos non auditis, quia ex Deo non estis.

**R.** Ne avértas faciém tuam a púero tuo Dómine : \* Quóniam tribulor, velóciter exáudi me. **V.** Inténde ánimæ meæ, et libera eam : propter inimicos meos éripe me. Quóniam.

### Lectio ix.

**S**ED hoc quod de réprobis Véritas lóquitur, ipsi hoc de semetipsis réprobi iniquis suis opéribus osténdunt : nam séquitur : Responderunt ígitur Judæi et dixerunt ei : Nonne bene dicimus nos, quia Samaritánus es tu, et dæmónium habes? Accépta áutem tanta contumélia, quid Dóminus respóndeat, audiámus : Ego dæmónium non hábeo, sed honorífico Patrem meum, et vos inhonorástis me. Quia enim Samaritánus interpretátur custos : et ipse veráciter custos

est, de quo Psalmista ait : Nisi Dóminus custodierit civitátem, in vanum vigilant qui custódiunt eam : et cui per Isaíam dicitur : Custos quid de nocte? custos quid de nocte? respondére nóluit Dóminus : Samaritánus non sum; sed, Ego dæmónium non hábeo. Duo quippe ei illáta fuérunt : unum negávit, áliud tacéndo consénsit.

**R.** Quis dabit cápiti meo aquam, et óculis meis fontem lacrymárum, et plorábo die ac nocte? quia frater propínquus supplantávit me, \* Et omnis amicus fraudulénter incéssit in me. **V.** Fiant viæ eórum ténebræ et lúbricum : et Angelus Dómini pérsequens eos. Et omnis. Quis dabit.

### AD LAUDES

**Ant. 1.** Vide Dómine \* afflictiónem meam, quóniam erectus est inimicus meus.

**Ps.** Miserére mei Deus. cum reliq. 159.

**2.** In tribulatióne \* invocávi Dóminum, et exaudivit me in latitúdine.

**3.** Judicásti Dómine \* cáusam ánimæ meæ, defénsor vitæ meæ, Dómine Deus meus.

**4.** Pópule meus \* quid feci tibi, aut quid moléstus fui? respónde mihi.

**5.** Numquid rédditur \* pro bono malum, quia fodérunt foveam ánimæ meæ?

### Capitulum. Hebr. 9. c

**F**RATRES : Christus assis- tens Póntifex futurórum

bonórum, per ámplius et  
perfectiustabernáculum non  
manu factum, id est, non  
hujus creatiónis : neque per  
sánguinem hircórum aut vi-  
tulórum, sed per próprium  
sánguinem introívit semel in  
Sancta, ætérna redemptióne  
invénta.

### Hymnus.

**L**USTRA sex qui jam per-  
légit,  
Tempus implens córporis,  
Sponte libera Redémptor  
Passióni déditus,  
Agnus in Crucis levátur  
Immolándus stipite.

Felle potus ecce languet :  
Spina, clavi, lancea  
Mite corpus perforárunť :  
Unda manat, et cruor :  
Terra, pontus, astra, mun-  
dus,  
Quo lavántur flúmine!

Crux fidélis, inter omnes  
Arbor una nóbilis :  
Silva talem nulla profert  
Fronde, flore, gérmine :  
Dulce ferrum, dulce lignum,  
Dulce pondus sústinent.

Flecte ramos arbor alta,  
Tensa laxa viscera,  
Et rigor lentéscat ille,  
Quem dedit nativitas;  
Et supérni membra Regis  
Tende miti stipite.

Sola digna tu fuísti  
Ferre mundi víctimam,  
Atque portum præparáre  
Arca mundo náufrago,  
Quam sacer cruor perúnxit,  
Fusus Agni córpore.

Sempitérna sit beátæ  
Trinitáti glória,

Æqua Patri, Filióque;  
Par decus Paráclito :  
Unius Triníque nomen  
Láudet univérsitas.

Amen.

✠. Eripe me de inimícis  
meis Deus meus. ✠. Et ab  
insurgéntibus in me libera  
me.

**Ad Bened. Ant.** Dicébat  
Jesus\* turbis Judæórum, et  
principibus sacerdotum :  
Qui ex Deo est, verba Dei  
áudit : proptérea vos non  
auditis, quia ex Deo non  
estis.

### Oratio.

**Q**UÆSUMUS omnipotens  
Deus, familiam tuam  
propítius réspice : ut te lar-  
giénte, regátur in córpore;  
et te servánte, custodiátur  
in mente. Per Dóminum no-  
strum.

### AD PRIMAM

**Ant.** Ego dæmónium non  
hábeo, \* sed honorífico Pa-  
trem meum, dicit Dómi-  
nus.

**Capit.** Regi sæculórum.  
28.

✠. br. Christe Fili Dei vivi,  
\* Miserére nobis. Christe. ✠.  
Qui sedes ad dexteram Pa-  
tris. Miserére nobis. **Repeti-  
tur** Christe Fili Dei vivi, mi-  
serére nobis.

✠. Exsúrge Christe, ád-  
juva nos. ✠. Et libera nos  
propter nomen tuum.

**Ad Absolutionem Capituli,**  
**Lectio brevis** Fáciem meam.  
**ut in Psalt. 30. Et dicitur in**  
**Dominica et Feriis usque ad**



Feriam V. in Cœna Domini  
exclusive.

## AD TERTIAM

**Ant.** Ego glóriam meam \*  
non quæro : est qui quærat,  
et júdicet.

**Capit.** Fratres : Christus  
assistens. 221.

**℟. br.** Erue a frámea \*  
Deus ánimam meam. Erue.  
**℣.** Et de manu canis únicam  
meam. Deus ánimam. Erue  
a frámea.

**℣.** De ore leónis libera  
me Dómine. **℟.** Et a córnibus  
unicórnium humilitátem  
meam.

## AD SEXTAM

**Ant.** Amen, amen dico vo-  
bis : \* si quis sermónem  
meum serváverit, mortem  
non gustábit in ætérnum.

**Capitulum.** Hebr. 9. d

**S**i enim sanguis hircórum,  
et taurórum, et cinis ví-  
tulæ aspérsus inquinátos san-  
ctificat ad emundatiónem  
carnis : quanto magis san-  
guis Christi, qui per Spí-  
ritum sanctum semetípsum  
óbtulit immaculátum Deo,  
emundábit consciéntiam no-  
stram ab opéribus mórtuis,  
ad serviéndum Deo vivén-  
ti?

**℟. br.** De ore leónis \* Li-  
bera me Dómine. De ore. **℣.**  
Et a córnibus unicórnium  
humilitátem meam. Libera.  
De ore.

**℣.** Ne perdas cum ímpiis  
Deus ánimam meam. **℟.** Et  
cum viris sánguinem vitam  
meam.

## AD NONAM

**Ant.** Tulérunt lápidés \*  
Judæi ut jácerent in eum :  
Jesus áutem abscondit se, et  
exivit de templo.

**Capitulum.** Hebr. 9. d

**E**t ideo novi Testaméti  
mediátor est : ut morte  
intercedénte, in redempti-  
onem eárum prævaricati-  
onum, quæ erant sub prióri  
Testaméto, repromissi-  
onem accipiant, qui vocáti  
sunt ætérnæ hereditátis in  
Christo Jesu Dómino nostró.

**℟. br.** Ne perdas cum ím-  
piis \* Deus ánimam meam.  
Ne perdas. **℣.** Et cum viris  
sánguinem vitam meam. De-  
us. Ne perdas.

**℣.** Eripe me Dómine ab  
hómine malo. **℟.** A viro iní-  
quo éripe me.

## AD VESPERAS

**Ant. et Pss. de Dom.** 126.

**Capit.** Fratres : Christus  
assistens. 216.

**Hymn.** Vexilla regis prod-  
eunt. *ibid.*

**℣.** Eripe me Dómine ab  
hómine malo. **℟.** A viro iní-  
quo éripe me.

**Ad Magnif. Ant.** Abraham  
pater vester \* exultávit ut  
vidéret diem meum : vidit,  
et gavisus est.

**Hymni, ℣℣. et ℟℟.** brevia  
supradicta dicuntur etiam in  
Dominica Palmarum, et in  
feriali Officio, usque ad Fe-  
riam IV. majoris Hebdo-  
madæ.

Post Vesperas diei dicun-  
tur Vesperæ Defunctorum.

## FERIA SECUNDA

*Invit. et Hymn. ut in Dom.  
Pass. 216. Ant. et Pss. Fer. II.  
50, cum V. de temp. Passion.*

Lectio sancti Evangelii secundum Joannem.

*Lectio j. Cap. 7. c*

**I**N illo tempore : Misérunt principes et pharisæi ministros, ut apprehenderent Jesum. Et reliqua.

Homilia sancti Augustini  
Episcopi.

*Tractatus 31. in Joannem,  
circa medium.*

**Q**UOMODO apprehenderent adhuc nolentem? Quia ergo non poterant apprehendere nolentem, missi sunt ut audirent docentem. Quid docentem? Dicit ergo Jesus : Adhuc modicum tempus vobiscum sum. Quod modo vultis facere, facturi estis; sed non modo, quia modo nolo. Quare adhuc modo nolo? Quia adhuc modicum tempus vobiscum sum, et tunc vado ad eum qui me misit. Implere debeo dispensationem meam, et sic pervenire ad passionem meam.

**R.** Deus meus eripe me de manu peccatoris: et de manu contra legem agentis, et iniqui: \* Quoniam tu es patientia mea. **V.** Deus meus ne elongeris a me : Deus meus in auxilium meum respice. Quoniam tu es.

*Lectio ij.*

**Q**UÆRÉTIS me, et non inveniétis, et ubi sum ego,

vos non potéstis venire. Hic jam resurrectionem suam prædixit : noluerunt enim agnoscere præsentem, et postea quæsierunt, cum viderent in eum multitudinem jam credentem. Magna enim signa facta sunt etiam cum Dominus resurrexit, et ascendit in cælum. Tunc per discipulos facta sunt magna : sed ille per illos, qui et per seipsum : ipse quippe illis dixerat : Sine me nihil potéstis facere. Quando claudus ille, qui sedebat ad portam, ad vocem Petri surrexit, et suis pedibus ambulavit, ita ut homines mirarentur, sic eos allocutus est Petrus, quia non in sua potestate ista fecit, sed in virtute illius, quem ipsi occiderunt. Multi compuncti dixerunt, Quid faciemus?

**R.** Qui custodiébant animam meam, consilium fecerunt in unum, dicentes : Deus dereliquit eum, \* Persequimini et comprehendite eum : quia non est qui liberet eum : Deus meus ne elongeris a me : Deus meus in adiutorium meum intende. **V.** Omnes inimici mei adversum me cogitabant mala mihi : verbum iniquum mandaverunt adversum me, dicentes. Persequimini.

*Lectio iij.*

**V**IDERUNT enim se ingenti crimine impietatis adstrictos, quando illum occiderunt, quem venerari et



adorare debuérunt : et hoc putábant esse inexpiabile. Magnum enim fácinus erat, cujus consideratio illos fáceret desperare : sed non debébant desperare, pro quibus in cruce pendens Dóminus est dignátus orare. Dixerat enim : Pater ignósce illis, quia nesciunt quid faciunt. Vidébat quosdam suos inter multos alienos : illis jam petébat véniam, a quibus adhuc accipiébat injúriam. Non enim attendébat quod ab ipsis moriebátur, sed quia pro ipsis moriebátur.

**R.** Pacífice loquebántur mihi inimíci mei, et in ira molésti erant mihi : \* Vidisti Dómine, ne síleas, ne discédas a me. **V.** Ego áutem cum mihi molésti essent, induébam me cilicio, et humiliábam in jejúnio ánimam meam. Vidísti. Pacífice.

AD LAUDES

**Ant. et Pss. de Psalt. 60.**

**Capitulum. Jerem. 11. d**

**V**ENÍTE, mittámus lignum in panem ejus, et eradámus eum de terra vivéntium, et nomen ejus non memorétur ámplius.

**Hymn. Lustra sex. 222.**

**V.** Eripe me de inimicis meis Deus meus. **R.** Et ab insurgéntibus in me libera me.

**Ad Bened. Ant.** In die magno \* festivitátis stabat Jesus, et clamábat dicens : Si quis sitit, véniat ad me, et bibat.

**Deinde dicuntur Preces. 63.**

**Oratio.**

**S**ANCTÍFICA, quæsumus Dómine, nostra jejúnia : et cunctárum nobis indulgéntiam propítius largire culpárum. Per Dóminum.

**Hodie dic. Officium Defunctorum.**

AD HORAS

**Ant., Capit., R. br., Preces ut in Psalt.**

AD VESPERAS

**Ant. et Pss. ut in Psalt. 130.**

**Capitulum. Jerem. 11. d**

**T**U áutem, Dómine Sábaoth, qui júdicas juste, et probas renes et corda, videam ultiónem tuam ex eis : tibi enim revelávi cáusam meam, Dómine Deus meus.

**Hymn. Vexilla regis. 216.**

**V.** Eripe me Dómine ab hómine malo. **R.** A viro iniquo éripe me.

**Ad Magnif. Ant.** Si quis sitit, \* véniat ad me, et bibat : et de ventre ejus fluent aquæ vivæ, dicit Dóminus.

**Deinde dic. Preces. 132.**

**Oratio.**

**D**A, quæsumus Dómine, pópulo tuo salútem mentis et córporis : ut bonis opéribus inhæréndo, tua semper mereátur protectióne deféndi. Per Dóminum.

**Capit. prædicta dicuntur in fer. Offic. usque ad Feriam IV. maj. Hebd. : Ant. vero per Horas usque ad Dom. in Palmis.**

## FERIA TERTIA

Lectio sancti Evangelii secundum Joannem.

Lectio j. Cap. 7.

**I**N illo tempore : Ambulabat Jesus in Galilæam : non enim volebat in Judæam ambulare, quia quærebant eum Judæi interficere. Et reliqua.

Homilia sancti Augustini  
Episcopi.

Tractatus 28. in Joannem.

**I**N isto Evangelii capitulo, Jesus Christus secundum hominem se plurimum commendavit fidei nostræ. Et enim semper hoc egit dictis et factis suis, ut Deus credatur et homo : Deus qui nos fecit, homo qui nos quæsit : Deus cum Patre semper, homo nobiscum ex tempore. Non enim quæreret quem fecerat, nisi fieret ipse quod fecerat. Verum hoc mementote, et de cordibus vestris nolite dimittere : sic esse Christum hominem factum, ut non destiterit Deus esse. Manens Deus accepit hominem, qui fecit hominem.

**R.** Adjutor et susceptor meus es tu Domine : et in verbum tuum speravi : \* Declinate a me maligni : et scrutabor mandata Dei mei. **V.** Iniquos odio habui : et legem tuam dilexi. Declinate.

Lectio ij.

**Q**UANDO ergo latuit ut homo, non potentiam per-

didisse putandus est, sed exemplum infirmitati præbuisse. Ille enim quando voluit, detentus est : quando voluit, occisus est. Sed quoniam futura erant membra ejus, id est, fideles ejus, qui non haberent illam potestatem, quam habebat ipse Deus noster : quod latebat, quod se tamquam ne occideretur, occultabat, hoc indicabat factura esse membra sua, in quibus utique membris suis ipse erat.

**R.** Docébo iniquos vias tuas : et impii ad te convertentur : \* Libera me de sanguinibus, Deus Deus salutis meæ. **V.** Domine labia mea aperies : et os meum annuntiabit laudem tuam. Libera.

Lectio iij.

**N**ON enim Christus in capite, et non in corpore : sed Christus totus in capite, et in corpore. Quod ergo membra ejus, ipse : quod autem ipse, non continuo membra ejus. Nam si non ipsi essent membra ejus, non diceret Saulo : Quid me persequeris? Non enim Saulus ipsum, sed membra ejus, id est, fideles ejus, in terra persequerentur. Nolumus tamen dicere sanctos meos, servos meos, postremo honorabilius, fratres meos : sed me, hoc est membra mea, quibus ego sum caput.

**R.** Ne perdas cum impiis Deus animam meam, et cum viris sanguinum vitam me-



am : \* Rédimé me Dómine.  
 V. Eripe me Dómine ab hómine malo, a viro iniquo libera me. Rédimé. Ne perdas.

V. Eripe me de inimicis meis Deus meus. R. Et ab insurgéntibus in me libera me.

Ad Bened. Ant. Tempus meum \* nondum advénit, tempus áutem vestrum semper est parátum.

Oratio.

NOSTRA tibi, Dómine quæsumus, sint accépta jejúnia : quæ nos et expiándo, grátia tua dignos efficiant, et ad remédia perdúcant ætérna. Per Dóminum.

V. Eripe me Dómine ab hómine malo. R. A viro iniquo eripe me.

Ad Magnif. Antiph. Vos ascéndite \* ad diem festum hunc : ego áutem non ascéndam, quia tempus meum nondum advénit.

Oratio.

DA nobis, quæsumus Dómine, perseverántem in tua voluntáte famulátum : ut in diébus nostris et mérito et número pópulus tibi sérvians augeátur. Per Dñum.

#### FERIA QUARTA

Hodie dicuntur Psalmi Graduales.

Lectio sancti Evangélíi secúndum Joánnem.

Lectio j. Cap. 10. d

IN illo témpore : Facta sunt Encænía in Jerosólymis : et hiems erat. Et ambulábat

Jesus in templo, in pórticu Salomónis. Et réliqua.

Homilia sancti Augustini Episcopi.

Tractatus 48. in Joánnem, circa initium.

ENCÆNIA festivitas erat dedicationis templi. Græce enim cænon dicitur novum. Quandocúmque novum áliquid fúerit dedicátum, encænía vocántur. Jam et usus habet hoc verbum. Si quis nova túnica induátur, encæniáre dicitur. Illum enim diem, quo templum dedicátum est, Judæi solémniter celebrábant : ipse dies festus agebátur, cum ea quæ lecta sunt, locútus est Dóminus.

R. Tota die. 220.

Lectio ij.

HIEMS erat, et ambulábat Jesus in templo, in pórticu Salomónis. Circumderunt ergo eum Judæi, et dicébant ei : Quóusque ánimam nostram tollis ? Si tu es Christus, dic nobis palam. Non veritátem desiderábant, sed calúmniam præparábant. Hiems erat, et frígidi erant : ad illum enim divinum ignem accédere pigri erant. Si accédere est crédere : qui credit, accédit : qui negat, recédit. Non movétur ánima pédibus, sed affectibus.

R. Ne avértas. 221.

Lectio iij.

FRIGUERANT diligénder caritáte, et ardébant nocénder cupiditáte. Longe áberant,

et ibi erant : non accedébant credéndo, et premébant persequéndo. Quærébant audire a Dómino, Ego sum Christus : et fortásse de Christo secúndum hóminem sapiébant. Prædicavérunt enim prophétæ Christum : sed divinitátem Christi et in prophétis et in ipso Evangélio nec hæréfici intélligunt : quanto minus Judæi, quámdiu velámen est super cor eórum?

**R.** Quis dabit. 221.

**V.** Eripe me de inimicis meis Deus meus. **R.** Et ab insurgéntibus in me libera me.

**Ad Bened. Ant.** Oves meæ\* vocem meam áudiunt : et ego Dóminus agnósko eas.

**Oratio.**

**S**ANCTIFICÁTO hoc jejúnio, Deus, tuórum corda fidélium miserátor illústra : et quibus devotiónis præstas afféctum, præbe supplicántibus pium benígnus audítum. Per Dóminum.

**V.** Eripe me Dómine ab hómine malo. **R.** A viro iniquo éripe me.

**Ad Magnif. Ant.** Multa bona ópera\* operátus sum vobis : propter quod opus vultis me occídere?

**Oratio.**

**A**DÉSTO supplicatió nibus nostris omnipotens Deus : et quibus fidúciám sperándæ pietátis indúlges, consuétæ misericórdiæ tribue benígnus efféctum. Per Dñm.

## FERIA QUINTA

Léctio sancti Evangélii secúndum Lucam.

**Lectio j. Cap. 7. f**

**I**N illo témpore : Rogábat Jesum quidam de pharisæis ut manducáret cum illo. Et ingressus domum pharisæi discúbuit. Et reliqua.

Homilia sancti Gregórii Papæ.

**Homilia 33. in Evangelia.**

**C**OGITÁNTI mihi de Mariæ Magdalénæ pœniténtia, flere magis libet, quam áliquid dicere. Cujus enim vel saxeum pectus illæ hujus peccatricis lácrymæ ad exemplum pœniténdi non emóliant? Considerávit namque quid fecit, et nóluit moderári quid fáceret. Super convivántes ingressa est, non iussa venit, inter épulas lácrymas óbtulit. Discite quo dolóre ardet, quæ flere et inter épulas non erubéscit.

**R.** Deus meus éripe me de manu peccatóris, et de manu contra legem ágéntis, et iniqui : \* Quóniam tu es patién tia mea. **V.** Deus meus ne elongéris a me : Deus meus in auxílium meum réspice. Quóniam.

**Lectio ij.**

**H**ANC vero, quam Lucas peccatricem mulierem, Joánnes Mariám nóminat, illam esse Mariám crédimus, de qua Marcus septem dæmónia ejécta fuisse testátur. Et quid per septem dæmó-



nia, nisi univérſa vitia designántur? Quia enim septem diébus omne tempus comprehenditur, recte septenário número univérſitas figurátur. Septem ergo dæmónia María hábuit, quæ univérſis vitiis plena fuit.

**R.** Multiplicáti sunt qui tribulant me, et dicunt: Non est salus illi in Deo ejus: \* Exsúrge Dómine, saluum me fac Deus meus.

**V.** Nequándo dicat inimicus meus, Præválui advérsus eum. Exsúrge.

**Lectio iij.**

**S**ED ecce quia turpitudinis suæ máculas adspéxit, lavánda ad fontem misericórdiæ cucúrrit, convivántes non erúbuit. Nam quia semetipsam gráviter erubescébat intus, nihil esse credidit, quod verecundarétur foris. Quid ergo mirámur fratres? Mariám veniéntem, an Dóminum suscipiéntem? Suscipiéntem dicam, an trahéntem? Sed mélius trahéntem dicam, et suscipiéntem: quia nimirum ipse eam per misericórdiam traxit intus, qui per mansuetúdinem suscepit foris.

**R.** Usquequo exaltábitur inimicus meus super me? \* Réspice, et exáudi me Dómine Deus meus. **V.** Qui tribulant me, exsultábunt si motus fúero: ego áutem in misericórdia tua sperábo. Réspice. Usquequo.

**V.** Eripe me de inimicis

meis Deus meus. **R.** Et ab insurgéntibus in me libera me.

**Ad Bened. Ant.** Magister dicit: \* Tempus meum prope est, apud te fácio Pascha cum discipulis meis.

**Oratio.**

**P**RÆSTA, quæsumus omnipotens Deus: ut dignitas conditionis humanæ per immoderántiam sauciáta, medicínalis parcimóniæ stúdio reformétur. Per Dóminum.

**V.** Eripe me Dómine ab hómine malo. **R.** A viro iniquo eripe me.

**Ad Magnif. Ant.** Desiderio desiderávi \* hoc Pascha manducáre vobiscum, ántequam pátiar.

**Oratio.**

**E**STO, quæsumus Dómine, propítius plebi tuæ: ut, quæ tibi non placent, respuéntes, tuórum pótius repleántur delectatióibus mandatórum. Per Dñm.

**FERIA SEXTA**

Léctio sancti Evangélíi secúndum Joánnem.

**Lectio j. Cap. 11. f**

**I**N illo témpore: Collegérunt pontífices et pharisæi concílium advérsus Jesum, et dicébant: Quid fácimus, quia hic homo multa signa facit? Et reliqua.

Homília sancti Augustíni  
Episcopi.

**Tractatus 49. in Joannem, sub finem.**

**P**ONTÍFICES et pharisæi sibi consulébant: nec tamen

dicébant, Credámus. Plus enim pérditi hómines cogitábant quómo-  
modo nocérent, ut pérderent, quam quómo-  
modo sibi consúlerent, ne perirent : et tamen timébant,  
et quasi consulébant. Dicébant enim : Quid fácimus,  
quia hic homo multa signa facit? Si dimittimus eum sic,  
omnes credent in eum : et vénient Románi et tollent  
nostrum locum et gentem. Temporália pérdere timué-  
runt, et vitam ætérnam non cogitavérunt, ac sic utrúm-  
que amisérunt.

℞. Deus meus. 219.

**Lectio ij.**

**N**AM et Románi post Dómini passió-  
nem et glori-  
ficationem tulérunt eis et lo-  
cum et gentem, expugnándo  
et transferéndo : et illud eos  
séquitur, quod álibi dictum  
est : Filii áutem regni hujus  
ibunt in ténebras exterióres.  
Hoc áutem timué-  
runt, ne,  
si omnes in Christum créde-  
rent, nemo remanéret, qui  
advérsus Romános civitátem  
Dei templúmque defénderet :  
quóniam contra ipsum tem-  
plum, et contra suas patér-  
nas leges doctrinam Christi  
esse sentiébant.

℞. In te jactátus. 219.

**Lectio iij.**

**U**NUS áutem ex ipsis Cái-  
phas, cum esset Pónti-  
fex anni illius, dixit eis :  
Vós nescitis quidquam, nec  
cogitátis, quia expedit vobis  
ut unus moriátur homo pro

pópulo, et non tota gens  
péreat. Hoc áutem a semet-  
ipso non dixit : sed cum  
esset Póntifex anni illius,  
prophetávit. Hic docémur,  
étiam hómines malos pro-  
phetiæ spirítu futúra prædi-  
cere : quod tamen Evangeli-  
sta divíno tribuit sacramén-  
to, quia Póntifex fuit, id est,  
summus sacérdos.

℞. In próxímo. 220.

℥. Eripe me de inimicis  
meis Deus meus. ℞. Et ab in-  
surgéntibus in me libera me.

**Ad Bened. Ant.** Appropin-  
quábat áutem \* dies festus  
Judæórum : et quærébant  
principes sacerdótum quó-  
modo Jesum interficerent,  
sed timébant plebem.

**Oratio.**

**C**ÓRDIBUS nostris, quæsu-  
mus Dómine, grátiam  
tuam benígnus infúnde : ut  
peccáta nostra castigatióne  
voluntária cohibéntes, tem-  
poráliter pótius macerémur,  
quam suppliciis deputémur  
æternis. Per Dóminum.

**Hodie dicuntur Psalmi Pœ-  
nitentiales.**

℥. Eripe me Dómine ab  
hómīne malo. ℞. A viro ini-  
quo éripe me.

**Ad Magnif. Ant.** Principes  
sacerdótum \* consilium fecé-  
runt ut Jesum occiderent :  
dicébant áutem : Non in die  
festo, ne forte tumultus fieret  
in pópulo.

**Oratio.**

**C**ONCÉDE, quæsumus omni-  
potens Deus : ut qui pro-



tectionis tuæ grátiam quærimus, liberáti a malis ómnibus, secúra tibi mente serviámus. Per Dóminum.

SABBATO

Léctio sancti Evangélíi secúndum Joánnem.

Lectio j. Cap. 12. b

**I**N illo témpore : Cogitavérunt príncipes sacerdotum ut et Lázarus interficerent : quia multi propter illum abibant ex Judæis, et credébant in Jesum. Et reliqua.

Homília sancti Augustíni  
Epíscopi.

Tractatus 50. in Joannem.  
in fine.

**V**ISO Lázaro resuscitáto, quia tantum miráculum Dómini tanta erat evidéntia diffamátum, tanta manifestatióne declarátum, ut non possent vel occultáre quod factum est, vel negáre : quid invenérunt, vidéte. Cogitavérunt áutem príncipes sacerdotum ut et Lázarus interficerent. O stulta cogitatio et cæca sævitia! Dóminus Christus, qui suscitáre pótuit mórtuum, non posset occísus! Quando Lázaro inferebátis necem, numquid auferebátis Dómino potestatem? Si áliud vobis vidétur mórtuus, áliud occísus : ecce Dóminus utrúmque fecit, et Lázarus mórtuum, et seípsum suscitávit occísus.

℞. Tota die. 220.

Lectio ij. Tract. 51.

**I**N crástinum áutem turba multa, quæ vénerat ad diem festum, cum audissent quia venit Jesus Jerosólymam : accepérunt ramos palmárum, et processérunt óbviám ei, et clamábant : Hosánna, benedictus qui venit in nómine Dómini, Rex Israël. Rami palmárum láudes sunt, significántes victóriam : quia erat Dóminus mortem moriéndó superatúrus, et trophæo crucis de diábolo mortis príncipe triumphatúrus. Vox áutem obsecrántis est, Hosánna, sicut nonnúlli dicunt, qui Hebræam linguam novérunt, magis afféctum indicans, quam rem áliquam significans, sicut sunt in lingua latína, quas interjectiões vocant : velut cum doléntes dicimus, heu; vel cum delectámur, vah dicimus.

℞. Ne avértas. 221.

Lectio iij.

**H**AS ei láudes turba dicebat : Hosánna, benedictus, qui venit in nómine Dómini, Rex Israël. Quam crucem mentis invidéntia principum Judæórum perpéti potúerat, quando Regem suum Christum tanta multitúdo clamábat? Sed quid fuit Dómino Regem esse Israël? Quid magnum fuit Regi sæculórum, Regem fieri hóminum? Non enim Rex Israël Christus ad exigéndum tributum, vel exércitum ferro

armándum, hostésque visibíliter debellándos : sed Rex Israël, quod mentes regat, quod in ætérnum cónsulat, quod in regnum cælórum credéntes, sperántes, amantésque perdúcat.

**R.** Quis dabit. 121.

**V.** Eripe me de inimicis meis Deus meus. **R.** Et ab insurgéntibus in me libera me.

**Ad Bened. Ant.** Clarifica me Pater \* apud temetipsum claritáte, quam hábui priúsquam mundus fieret.

**Oratio.**

**P**ROFÍCIAT, quásumus Dómine, plebs tibi dicáta piæ devotiónis afféctu : ut sacris actiόνibus erudita, quanto majestáti tuæ fit grátior, tanto donis potióribus augeátur. Per Dóminum.

AD VESPERAS

**Capitulum. Philip. 2.**

**F**RATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetipsum exinanívit, formam servi accipiens, in similitúdinem hóminum factus, et hábitu invéntus ut homo.

**Hymnus** Vexilla regis. 216.

**V.** Eripe me Dómine ab hómine malo. **R.** A viro iniquo éripe me.

**Ad Magnif. Ant.** Pater iuste, \* mundus te non cognóvit : ego áutem novi te, quia tu me misisti.

**Oratio.**

**O**MNÍPOTENS sempitérne Deus, qui humano géneri, ad imitándum humilitátis exémpulum, Salvatórem nostrum carnem súmere, et crucem subire fecisti : concéde propítius ; ut et patiéntiæ ipsíus habére documénta, et resurrectiόνis consórtia mereámur. Per eúmdem Dóminum.

DOMINICA IN PALMIS

AD MATUTINUM

**Invitat.** Hódie si vocem Dómini audiéritis, \* Nolite obduráre corda vestra.

**Ps.** Veníte, exsultémus. 2.

**Hymnus** Pange lingua gloriósi. 217.

**Ad Noct. omnia ut in Psalterio cum vv. de tempore Passionis.**

IN I. NOCTURNO

De Jeremía Prophéta.

**Lectio j. Cap. 2. c**

**O**BSTUPÉSCITE cæli super hoc, et portæ ejus desolámini vehementer, dicit Dóminus. Duo enim mala fecit pópulus meus : Me dereliquerunt fontem aquæ vivæ, et foderunt sibi cistérnas, cistérnas dissipátas, quæ continére non valent aquas. Numquid servus est Israël, aut vernáculus ? quare ergo factus est in prædam ? Super eum rugiérunt leónes, et dedérunt vocem suam, posuérunt terram ejus in solitúdinem : civitátes ejus



exústæ sunt, et non est qui hábitet in eis. Filii quoque Mémpheos et Taphnes constupravérunt te usque ad vérticem. Numquid non istud factum est tibi, quia dereliquísti Dóminum Deum tuum eo témpore, quo ducebát te per viam?

**R.** In die qua invocávi te Dómine, dixísti : Noli timére : \* Judicásti cáusam meam, et liberásti me, Dómine Deus meus. **V.** In die tribulatiónis meæ clamávi ad te, quia exaudísti me. Judicásti.

**Lectio ij.**

**E**T nunc quid tibi vis in via Ægýpti, ut bibas aquam túrbidam? et quid tibi cum via Assyriórum, ut bibas aquam flúminis? Arguet te malítia tua, et avérsio tua increpábit te. Scito, et vide quia malum et amárum est reliquísse te Dóminum Deum tuum, et non esse timórem mei apud te, dicit Dóminus Deus exercítuum. A sáculo confregisti jugum meum, rupísti víncula mea, et dixisti : Non sérviam. In omni enim colle sublímí, et sub omni ligno frondóso tu prosternebáris méretrix. Ego áutem plantávi te vineam eléctam, omne semen verum : quómodo ergo convérsa es mihi in pravum vinea aliéna? Si láveris te nitro, et multiplicáveris tibi herbam borith, maculáta es in iniquitáte tua coram me, dicit Dóminus Deus.

**R.** Fratres mei elongavérunt se a me : et noti mei, \* Quasi aliéni recessérunt a me. **V.** Dereliquérunt me próximi mei, et qui me novérunt. Quasi.

**Lectio iij.**

**Q**UID vultis mecum iudicio conténdere? omnes dereliquístis me, dicit Dóminus. Frustra percússi filios vestros, disciplinam non recepérunt : devorávit gládius vester prophétas vestros, quasi leo vastátor generatio vestra. Vidéte verbum Dómini : Numquid solitúdo factus sum Israëlí, aut terra serótina? quare ergo dixit pópulus meus : Recéssimus, non veniémus ultra ad te? Numquid obliviscétur virgo ornaménti sui, aut sponsa fásciae pectorális suæ? pópulus vero meus oblitus est mei diébus innúmeris.

**R.** Atténde Dómine ad me, et áudi voces adversariórum meórum : \* Numquid rédditur pro bono malum, quia fodérunt fóveam ánimæ meæ? **V.** Recordáre quod stéterim in conspéctu tuo, ut lóquerer pro eis bonum, et avérterem indignatiónem tuam ab eis. Numquid. Atténde.

IN II. NOCTURNO

Sermo sancti Leónis

Papæ.

**Sermo 11. de Pass. Domini.**

**Lectio iv.**

**D**ESIDERÁTA nobis, dilectíssimi, et univérso optábi-

lis mundo adest festivitàs Dominicæ passiōis, quæ nos inter exsultatiōes spiritalium gaudiōrum silere non pátitur. Quia etsi difficile est, de eadem solemnitáte sæpius digne aptéque dissérere : non est tamen liberum sacerdoti in tanto divínæ misericórdiæ sacraménto fidélibus pópulis subtrahere sermónis officium : cum ipsa matéria ex eo quod est ineffábilis, fandi tribuat facultátem : nec possit defícere quod dicátur, dum numquam potest satis esse quod dicitur. Succumbat ergo humana infirmitas glóriæ Dei, et in explicándis opéribus misericórdiæ ejus, imparem se semper invéniat. Laborémus sensu, hæreámus ingénio, deficiámus elóquio : bonum est ut nobis parum sit, quod étiam recte de Dómini majestáte sentimus.

**R.** Conclúsit vias meas inimicus, insidiátor factus est mihi sicut leo in abscondito, replévit et inebriávit me amaritúdine : deduxérunt in lacum mortis vitam meam, et posuérunt lápidem contra me. \*Vide Dómine iniquitates illórum : et júdica causam animæ meæ, defénsor vitæ meæ. **V.** Factus sum in derisum omni pópulo meo, cánticum eórum tota die. Vide.

**Lectio v.**

**D**ICENTE enim prophéta : Quærite Dóminum, et

confirmámini, quærite fáciem ejus semper : némini præsuméndum est, quod totum quod quærit, invénierit, ne désinat propinquare, qui cessárit accédere. Quid autem inter ómnia ópera Dei, in quibus humanæ admiratiōis fatigátur inténtio, ita contemplatiōem mentis nostræ et obléctat et súperat, sicut passio Salvatóris? Qui ut humanum genus vinculis mortíferæ prævaricatiōis absolveret, et sæviénti diabolo poténtiam suæ majestátis occúluit, et infirmitátem nostræ humilitátis objécit. Si enim crudélis et supérbus inimicus consilium misericórdiæ Dei nosse potuisset, Judæórum ánnos mansuetúdine pótius temperáre, quam injústis ódiis studuisset accéndere : ne ómnium captivórum amitteret servitútem, dum nihil sibi debéntis perséquitur libertátem.

**R.** Salvum me fac Deus, quóniam intravérunt aquæ usque ad ánimam meam : ne avértas fáciem tuam a me : \* Quóniam tribulor, exáudi me Dómine Deus meus. **V.** Inténde animæ meæ, et libera eam : propter inimicos meos éripe me. Quóniam.

**Lectio vj.**

**F**EFÉLLIT ergo illum malignitas sua, intulit supplicium Filio Dei, quod cunctis filiis hóminum in remédium verterétur. Fudit ságuinem



justum, qui reconciliando mundo et prætium esset, et póculum. Suscépit Dóminus, quod secúndum propósitum suæ voluntátis elégit. Admisit in se impias manus furéntium : quæ dum próprio incumbunt scéleri, famulátæ sunt Redemptóri. Cujus étiam circa interfectóres suos tanta erat pietátis affectio, ut de cruce supplicans Patri, non se vindicári, sed illis postuláret ignósci.

**R.** Noli esse mihi Dómine aliénus : parce mihi in die mala : confundántur omnes qui me persecúntur, \* Et non confundar ego. **V.** Confundántur omnes inimici mei, qui quærunt ánimam meam. Et non. Noli.

IN III. NOCTURNO

Léctio sancti Evangélíi secúndum Matthæum.

**Lectio vij. Cap. 21.**

**I**N illo témpore : Cum appropinquáset Jesus Jerosólymis, et venisset Béthphage ad montem Olivéti : tunc misit duos discipulos, dicens eis. Et reliqua.

Homilia sancti Ambrósii  
Episcopi.

**Libro 9. in Lucam.**

**P**ULCHRE relictis Judæis, habitatúrus in affectibus géntium, templum Dóminus ascéndit. Hoc enim templum est verum, in quo non in littera, sed in spíritu Dóminus adorátur. Hoc Dei templum est, quod fidei séries, non lápidum structúra fun-

dávit. Deserúntur ergo qui óderant : eligúntur qui amáturi erant. Et ideo ad montem venit Olivéti, ut novéllas óleas in sublimi virtúte plantáret, quarum mater est illa, quæ sursum est, Jerúsalem. In hoc monte est ille cæléstis agricola : ut plantáti omnes in domo Dei, possint viritim dicere : Ego áutem sicut oliva fructífera in domo Dómini.

**R.** Dóminus mecum est tamquam bellátor fortis : proptérea persecúti sunt me, et intelligere non potuérunt : Dómine probas renes et corda : \* Tibi revelávi cáusam meam. **V.** Vidisti Dómine iniquitátes eórum advérsus me : júdica iudicium meum. Tibi.

**Lectio viij.**

**E**T fortásse ipse mons Christus est. Quis enim álius tales fructus ferret oleárum, non curvescéntium ubertáte baccárum, sed spíritus plenitúdine géntium fœcundárum? Ipse est per quem ascéndimus, et ad quem ascéndimus. Ipse est jánuas, ipse est via, qui aperitur, et qui áperit : qui pulsáture ab ingrediéntibus, et ab eméritis adorátur. Ergo in castéllis erat, et ligátus erat pullus cum ásina : non póterat solvi nisi jussu Dómini. Solvit eum manus apostólica. Talis actus, talis víta, talis grátia. Esto talis et tu, ut possis ligátos sólvare.

**R.** Dixérunt impii apud se, non recte cogitantes : Circumveniámus justum, quóniam contrárius est opéribus nostris : promíttit se sciéntiam Dei habére, Filium Dei se nóminat, et gloriátur patrem se habére Deum : \* Videámus si sermónes illius verisunt : et si est vere Filius Dei, liberet eum de mánibus nostris : morte turpíssima condemnémus eum. **V.** Tamquam nugáces aestimáti sumus ab illo, et ábstinet se a viis nostris tamquam ab imunditiis : et præfert novíssima justórum. Videámus si sermónes.

**Lectio ix.**

**N**UNC considerémus qui fúerint illi, qui erróre detécto, de paradiso ejécti, in castéllum sint relegáti. Et vides, quemádmódum quos mors expúlerat, vita revocáverit. Et ideo secúndum Matthæum, et ásinam et pulum légimus : ut quia in duóbus homínibus utérque fúerat sexus expúlsus, in duóbus animálibus sexus utérque revocétur. Ergo illic in ásina matre quasi Hevam figurávit erróris : hic áutem in pullo generalitátem pópuli gentílis expréssit : et ideo pullo sedétur ásinæ. Et bene, in quo nemo sedit : quia nullus, ántequam Christus, natiónum pópulos vocávit ad Ecclésiám. Dénique secúndum Marcum sic habes : Quem nemo adhuc sedit hóminum.

**R.** Circumdedérunt me viri mendáces : sine cáusa flagéllis cecidérunt me : \* Sed tu Dómine defénsor vindica me. **V.** Quóniam tribulatio próxima est, et non est qui ádjuvet. Sed tu. Circumdedérunt.

**AD LAUDES**

**Ant. 1.** Dóminus Deus \* auxiliátor meus : et ideo non sum confúsus.

**Ps.** Miserére mei Deus. **cum reliq.** 159.

**2.** Circumdántes \* circumdedérunt me : et in nómine Dómini vindicábor in eis.

**3.** Júdica cáusam meam : \* defénde, quia potens es Dómine.

**4.** Cum Angelis \* et púeris fidéles inveniámur, triumphatóri mortis clamántes : Hosánna in excélsis.

**5.** Confundántur \* qui me persequúntur, et non confúndar ego, Dómine Deus meus.

**Capitulum. Philip. 2.**

**F**RATRES : Hoc enim sentite in vobis, quod et in Christo Jesu : qui cum in forma Dei esset, non rapínam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo.

**Hymn.** Lustra sex. 222.

**V.** Eripe me de inimícis meis Deus meus. **R.** Et ab insurgéntibus in me libera me.



**Ad Bened. Ant.** Turba multa, \* quæ convenerat ad diem festum, clamabat Dómino : Benedictus qui venit in nómine Dómini, Hosánna in excélsis.

**Oratio.**

**O**MNÍPOTENS sempitérne Deus, qui humano géneri, ad imitandum humilitátis exémplum, Salvátorem nostrum carnem sumere, et crucem subire fecisti : concede propítius; ut et patiéntiæ ipsius habére documénta, et resurrectionis consórtia mereámur. Per eúndem Dóminum.

**AD PRIMAM**

**Ant.** Púeri Hebræórum \* tolléntes ramos olivárum, obviavérunt Dómino clamántes et dicéntes : Hosánna in excélsis.

**AD TERTIAM**

**Ant.** Púeri Hebræórum \* vestiménta prosternébant in via, et clamábant, dicéntes : Hosánna Fílio David : benedictus qui venit in nómine Dómini.

**Capit.** Fratres : Hoc enim. *ut supra.*

**℟. br.** Erue a frámea \* Deus ánimam meam. Erue. **℣.** Et de manu canis únicam meam. Deus. Erue.

**℣.** De ore leónis libera me Dómine. **℟.** Et a córnibus unicórnium humilitátem meam.

**AD SEXTAM**

**Ant.** Tibi revelávi \* cáu-

sam meam, defénsor vitæ meæ, Dómine Deus meus.

**Capitulum. Philip. 2.**

**H**UMILIÁVIT semetipsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen.

**℟. br.** De ore leónis \* Libera me Dómine. De ore. **℣.** Et a córnibus unicórnium humilitátem meam. Libera. De ore.

**℣.** Ne perdas cum impiis Deus ánimam meam. **℟.** Et cum viris sánguinem vitam meam.

**AD NONAM**

**Ant.** Invocabo \* nomen tuum Dómine : ne avértas faciém tuam a clamóre meo.

**Capitulum. Philipp. 2. b**

**I**N nómine Jesu omne genua flectátur cæléstium, terrestrium, et infernórum : et omnis lingua confiteátur, quia Dóminus Jesus Christus in glória est Dei Patris.

**℟. br.** Ne perdas cum impiis \* Deus ánimam meam. Ne perdas. **℣.** Et cum viris sánguinem vitam meam. Deus. Ne perdas.

**℣.** Eripe me Dómine ab hómine malo. **℟.** A viro iniquo eripe me.

**AD VESPERAS**

**Ant. et Pss. de Dom. Capit.** Fratres : Hoc enim. 236. **Hymn.** Vexilla regis. **℣.** Eripe me. 216.

**Ad Magnif. Ant.** Scriptum

est enim : \* Percútiā pastórem, et dispergéntur oves gregis : postquam áutem resurréxero , præcédam vos in Galilæam : ibi me vidébitis, dicit Dóminus.

Ab hac die usque ad Octavam Paschæ, si occurrat aliquod Festum novem Lectionum, quod transferri valeat, transfertur post Octavam; secus de eo fit Commemoratio, præterquam tribus diebus Pascha præcedentibus et duobus consequentibus, juxta Rubricam de Commemorationibus. Festi trium Lectionum, item a Feria V. in Cœna Domini usque ad Feriam III. Paschæ, nulla fit Commem.

## FERIA SECUNDA

Invitat. et Hymn. 216.

Ant. et Pss. Feriæ II. 50.  
cum ȳ. de temp. Passionis.

Absol. Exáudi Dómine.

Bened. Evangélica lécio.  
Lécio sancti Evangélĳi secúndum Joánnem.

Lectio j. Cap. 12.

**A**NTE sex dies Paschæ venit Jesus Bethániam, ubi Lázarus fúerat mórtuus, quem suscitávit Jesus. Et réliqua.

Homília sancti Augustíni  
Episcopi.

Tract. 50. in Joann.,  
post initium.

**N**E putárent hómines phantásma esse factum, quia mórtuus resurréxit, Lázarus unus erat ex recumbénti-

bus : vivébat, loquebátur, epulabátur, véritas ostendebátur, infidéлитas Judæórum confundeбátur. Discumbébat ergo Jesus cum Lázaro, et cæteris : ministrábat Martha una ex soróribus Lázari. María vero, áltera soror Lázari, accépit libram unguénti nardi pistici pretiósi, et unxit pedes Jesu, et extérsit capillis suis pedes ejus, et domus impléta est ex odóre unguénti. Factum audívimus : mystérium requirámus.

**¶** Viri ímpii dixérunt : Opprimámus virum justum injúste, et deglutiámus eum tamquam inférnus vivum : auferámus memóriam illius de terra : et de spóliis ejus sortem mittámus inter nos : ipsi enim homicidæ thesaurizavérunt sibi mala. \* Insipiéntes et maligni odérunt sapiéntiam : et rei facti sunt in cogitatió nibus suis. **¶** Hæc cogitavérunt, et erravérunt : et excæcávit illos malítia eórum. Insipiéntes et maligni.

Bened. Divínium auxiliū.

Lectio ij.

**Q**UÆCÚMQUE ánima fidelis vis esse, cum María unge pedes Dómini pretióso unguénto. Unguéntum illud justítia fuit, ideo libra fuit : erat áutem unguéntum nardi pistici pretiósi. Quod ait, pistici, locum áliquem credere debémus, unde hoc erat unguéntum pretiósum :



nec tamen hoc vacat, et sacraménto óptime cónsonat. Pistis græce, fides latine dicitur. Quærébas operári justitiam. Justus ex fide vivit. Unge pedes Jesu bene vivéndo : Dóminica sectáre vestigia. Capillis terge : si habes supérflua, da paupéribus, et Dómini pedes terdisti : capilli enim supérflua córporis vidéntur. Habes quod agas de supérfluis tuis : tibi supérflua sunt, sed Dómini pédibus necessariá sunt. Forte in terra Dómini pedes indigent.

**R.** Oppróbrium factus sum nimis inimicis meis : vidérunt me, et movérunt cápita sua : \* Adjuva me Dómine Deus meus. **V.** Locúti sunt advérsus me lingua dolósa, et sermónibus ódii circumdederunt me. Adjuva.

**Bened.** Ad societátem.

**Lectio iij.**

**D**E quibus enim, nisi de membris suis in fine dictúrus est : Cum uni ex minimis meis fecistis, mihi fecistis? Supérflua vestra impendistis : sed pédibus meis obsecúti estis. Domus áutem impléta est odóre : mundus implétus est fama bona : nam odor bonus, fama bona est. Qui male vivunt, et Christiáni vocántur, injúriam Christo faciunt : de quálibus dictum est, quod per eos nomen Dómini blasphemátur. Si per tales nomen Dei blasphemátur, per

bonos nomen Dómini laudátur. Audi Apóstolum : Christi bonus odor sumus, inquit, in omni loco.

**R.** Insurrexérunt in me viri iníqui absque misericórdia, quæsiérunt me interficere : et non pepercérent in fáciem meam spúere, et lánceis suis vulneravérunt me : et concússa sunt ómnia ossa mea : \* Ego áutem existimábam me tamquam mórtuum super terram. **V.** Efudérunt furórem suum in me : fremuérunt contrá me déntibus suis. Ego. Insurrexérunt.

AD LAUDES

ET PER HORAS

**Ant. 1.** Fáciem meam \* non avérti ab increpántibus, et conspuéntibus in me.

**Pss. de Laud. Fer. II. 60.**

**2.** Frámea suscitáre \* advérsus eos, qui dispérgunt gregem meum.

**3.** Appendérunt \* mercédem meam triginta argénteis : quibus appretiátus sum ab eis.

**4.** Inundavérunt aquæ \* super caput meum : dixi, Périi : invocábo nomen tuum Dómine Deus.

**5.** Lábía insurgéntium, \* et cogitatiónes eórum vide Dómine.

**Capitulum. Jerem. 11. d**

**V**ENÍTE, mittámus lignum in panem ejus, et eradámus eum de terra vivéntium, et nomen ejus non memorétur ámplius.

**Hymnus** Lustra sex. *ŷ.*  
Eripe me. 222.

**Ad Bened. Ant.** Clarifica me Pater \* apud temetipsum claritate, quam habui priusquam mundus fieret.

**Oratio.**

**D**A, quæsumus omnipotens Deus : ut qui in tot adversis ex nostra infirmitate deficimus ; intercedente Unigeniti Filii tui passione respiramus : Qui tecum vivit et regnat.

AD VESPERAS

**Ant. et Pss. Feriæ II. de Psalterio.** 130.

**Capitulum. Jerem. 11. d**

**T**u autem Domine Sábaoth, qui júdicas juste, et probas renes et corda, videam ultionem tuam ex eis : tibi enim revelávi cáusam meam, Domine Deus meus.

**Hymnus** Vexilla regis. *ŷ.*  
Eripe me. 216.

**Ad Magnif. Ant.** Non haberes \* in me potestatem, nisi désuper tibi datum fuisset.

**Oratio.**

**A**DJUVa nos Deus salutáris noster, et ad beneficia reколénda, quibus nos instauráre dignátus es, tribue venire gaudéntes. Per Dñm.

FERIA TERTIA

**Absol.** Ipsíus píetas.

**Bened.** Deus Pater.

De Jeremía Prophéta.

**Lectio j. Cap. 11. c**

**Q**UID est, quod diléctus meus in domo mea fecit scélera multa? numquid

carnes sanctæ áuferent a te malitias tuas, in quibus gloriáta es? Olívam úberem, pulchram, fructíferam, speciósam vocávit Dóminus nomen tuum : ad vocem loquélæ, grandis exársit ignis in ea, et combústa sunt fructéta ejus. Et Dóminus exercituum qui plantávit te, locútus est super te malum : pro malis domus Israël et domus Juda, quæ fecérunt sibi ad irritándum me, libántes Báalim. Tu áutem Dómine demonstrásti mihi, et cognóvi : tunc ostendísti mihi stúdia eórum. Et ego quasi agnus mansuétus, qui portátur ad víctimam : et non cognóvi quia cogitavérunt super me consília, dicéntes : Mittámus lignum in panem ejus, et eradámus eum de terra vivéntium, et nomen ejus non memorétur ámplius. Tu áutem Dómine Sábaoth, qui júdicas juste, et probas renes et corda, videam ultionem tuam ex eis : tibi enim revelávi cáusam meam.

**R.** Contumélias et terróres passus sum ab eis, qui erant pacífici mei, et custodiéntes latus meum, dicéntes : Decipiámus eum, et prævaleámus illi : sed tu Dómine mecum es tamquam bellátor fortis. \* Cadant in opprobrium sempitérnum, ut videam vindictam in eis, quia tibi revelávi cáusam meam.  
*ŷ.* Júdica Dómine cáusam



animæ meæ, defensor vitæ meæ. Cadant.

**Bened.** Christus perpétuæ.

**Lectio ij. Cap. 12.**

**J**USTUS quidem tu es Dómine, si disputem tecum : verúntamen juxta loquar ad te : Quare via impiórum prosperátur : bene est ómnibus, qui prævaricántur, et inique agunt? Plantásti eos, et radicem misérunt : proficiunt, et faciunt fructum : prope es tu ori eórum, et longe a rénibus eórum. Et tu Dómine nosti me, vidisti me, et probásti cor meum tecum : cóngrega eos quasi gregem ad victimam, et sanctifica eos in die occisiónis. Usquequo lugébit terra, et herba omnis regiónis siccábitur propter malítiam habitántium in ea? consúptum est ánimál, et vólucres, quóniam dixerunt : Non vidébit novissima nostra.

**R.** Deus Israël, propter te sustinui impropérium, opéruit reveréntia faciém meam, extráneus factus sum frátribus meis, et hospes filiis matris meæ : \* Quóniam zelus domus tuæ comédit me. **V.** Inténde animæ meæ, et libera eam, propter inimicos meos éripe me. Quóniam zelus.

**Bened.** Ignem sui amoris.

**Lectio iij.**

**R**ELÍQUI domum meam, dimisi hereditátem meam : dedi diléctam ánimam meam in manu inimicórum ejus.

Facta est mihi heréditas mea quasi leo in silva : dedit contra me vocem, ideo odívi eam. Numquid avis díscolor heréditas mea mihi? numquid avis tincta per totum? venite, congregámini omnes béstia terræ, properáte ad devorándum. Pastóres multi demolíti sunt vineam meam, conculcavérunt partem meam : dedérunt portiónem meam desideráblem in désertum solitúdinis. Posuérunt eam in dissipatiónem, luxitque super me : desolatióne desolata est omnis terra, quia nullus est qui recógitet corde.

**R.** Synagóga populórum circumdedérunt me : et non reddidi retribuéntibus mihi mala.\* Consumétur Dómine nequítia peccatórum, et díriges justum. **V.** Júdica me Dómine secúndum justítiam meam, et secúndum innocéntiam meam super me. Consumétur Dómine. Synagóga.

AD LAUDES

ET PER HORAS

**Ant. 1.** Vide Dómine,\* et considera, quóniam tribulor : velóciter exáudi me.

**Pss. de Laud. Fer. III. 73.**

**2.** Discérne cáusam meam\* Dómine : ab hómine iniquo et dolóso éripe me.

**3.** Dum tribulárer,\* clamávi ad Dóminum de ventre inferi, et exaudivit me.

**4.** Dómine vim pátiór,\* respónde pro me : quia nescio quid dicam inimícis meis.

5. Dixérunt impii : \* Opprimámus virum justum, quóniam contrárius est opéribus nostris.

**Capitulum. Jerem. 11. d**

**V**ENÍTE, mittámus lignum in panem ejus, et eradámus eum de terra vivéntium, et nomen ejus non memorétur ámplius.

**Hymn. et v. 222.**

**Ad Bened. Ant.** Ante diem festum \* Paschæ, sciens Jesus quia venit hora ejus, cum dilexisset suos, in finem diléxit eos.

**Oratio.**

**O**MNÍPOTENS sempitérne Deus, da nobis ita Domínicæ passiónis sacraménta perágere : ut indulgéntiam percípere mereámur. Per eúndem Dóminum.

**AD VESPERAS**

**Ant. et Pss. de Psalt. 133.**

**Capit. 225. Hymn. et v. 216.**

**Ad Magnif. Ant.** Potestátem hábeo \* ponéndi ánimam meam, et iterum suméndi eam.

**Oratio.**

**T**UA nos misericórdia Deus, et ab omni subreptióne vetustátis expúrget : et capáces sanctæ novitátis efficiat. Per Dóminum.

## FERIA QUARTA

**Absol.** A vínculis.

**Bened.** Ille nos benedicat. De Jeremia Prophéta.

**Lectio j. Cap. 17. b**

**E**XSPECTATIO Israël Dómine : omnes, qui te de-

relinquunt, confundéntur : recedéntes a te, in terra scribéntur : quóniam dereliquerunt venam aquárum vivéntium Dóminum. Sana me Dómine, et sanabor : salvum me fac, et salvus ero : quóniam laus mea tu es. Ecce ipsi dicunt ad me : Ubi est verbum Dómini? véniat. Et ego non sum turbátus, te pastórem sequens : et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formidini, spes mea tu in die afflictiónis. Confundántur qui me persequúntur, et non confundar ego : páveant illi, et non páveam ego : induc super eos diem afflictiónis, et dúplici contritióne cóntere eos.

**R.** Locúti sunt advérsus me lingua dolósa, et sermónibus ódii circumdedérunt me : pro eo ut me diligerent, detrahébant mihi : \* Ego áutem orábam, et exaudisti me Dómine Deus meus. **v.** Et posuérunt advérsus me mala pro bonis, et ódium pro dilectióne mea. Ego áutem.

**Bened.** Divínium auxilium.

**Lectio ij. Cap. 18. b**

**Q**uis audivit tália horribília, quæ fecit nimis virgo Israë! Numquid deficiet de petra agri nix Libani? aut evélli possunt aquæ erumpéntes frigidæ, et defluéntes? Quia oblitus est mei pópulus meus, frustra libántes,



et impingentes in viis suis, in sémitis sæculi, ut ambularent per eas in itinere non trito : ut fieret terra eorum in desolationem, et in sibi- lum sempiternum : omnis qui præterierit per eam obstupescet, et movébit caput suum. Sicut ventus urens dispérgam eos coram inimico : dorsum, et non faciém ostendam eis in die perditionis eorum. Et dixerunt : Venite, et cogitémus contra Jeremíam cogitationes : non enim peribit lex a sacerdote, neque consilium a sapiente, nec sermo a prophéta : venite, et percutiamus eum lingua, et non attendamus ad universos sermones ejus.

*R.* Dixerunt impii. 236.

*Bened.* Ad societatem.

*Lectio iij.*

**A**TTÉNDE Dómine ad me, et áudi vocem adversariórum meórum. Numquid rédditur pro bono malum, quia fodérunt foveam animæ meæ? Recordáre quod steterim in conspéctu tuo, ut loquerer pro eis bonum, et avérterem indignationem tuam ab eis. Propterea da filios eorum in famem, et deduc eos in manus gládii : fiant uxóres eorum absque liberis, et viduæ : et viri eárum interficiántur morte : júvenes eorum confodiántur gládio in prælio. Audiátur clamor de dómibus eorum : adduces enim super eos latrónem repente : quia fodé-

runt foveam ut cáperent me, et láqueos abscondérunt pédibus meis. Tu áutem Dómine scis omne consilium eorum advérsus me in mortem : ne propitiéris iniquitati eorum, et peccátum eorum a facie tua non deleátur : fiant corruentes in conspéctu tuo, in témpore furóris tui abútere eis.

*R.* Circumdedérunt. 236.

AD LAUDES

ET PER HORAS

*Ant. 1.* Libera me\* de sanguinibus Deus Deus meus : et exultábit lingua mea justitiam tuam.

*Pss. de Laud. Fer. IV. 83.*

*2.* Contumélias\* et terrores passus sum ab eis : et Dóminus mecum est tamquam bellátor fortis.

*3.* Ipsi vero\* in vanum quæsiérunt ánimam meam, introibunt in inferióra terræ.

*4.* Omnes inimici mei\* audiérunt malum meum : Dómine lætáti sunt, quóniam tu fecisti.

*5.* Alliga Dómine\* in vinculis nationes géntium, et reges eárum in compédibus.

*Capitulum. Jerem. 11. d*

**V**ENITE, mittamus lignum in panem ejus, et eradá- mus eum de terra vivéntium, et nomen ejus non memórétur ámplius.

*Hymn. et v. 222.*

*Ad Bened. Ant.* Simon dormis? \* non potuisti una hora vigilare mecum?

## Oratio.

**P**RÆSTA, quæsumus omnipotens Deus : ut qui nostris excéssibus incessanter affligimur, per unigéniti Filii tui passionem liberémur : Qui tecum vivit.

AD VESPERAS

Ant. et Pss. de Psalt. 134.  
Capit. 225. Hymn. et V. 216.

Ad Magnif. Ant. Ancilla dixit \* Petro : Vere tu ex illis es : nam et loquéla tua manifestum te facit.

## Oratio.

**R**ÉSPICE, quæsumus Dómine, super hanc familiam tuam, pro qua Dóminus noster Jesus Christus non dubitavit manibus tradi nocéntium, et crucis subire tor-

méntum : Qui tecum vivit et regnat.

Tribus sequentibus diebus dicto secreto Pater noster. Ave María. et ad Matutinum, et in principio Primæ, Credo. omnibus aliis prætermismissis, absolute incipitur Officium ad Matutinum et Vesperas, ab Antiphona primi Psalmi : et Antiphonæ duplicantur sicut in festo duplici.

In fine Psalmorum non dicitur Glória Patri. per omnes Horas, nec in Rñ. : et in fine cujuslibet Psalmi ad Matut. exstinguitur uno ex quindécim candelis positus in candelabro triangulari ante altare.







FERIA QUINTA  
IN COENA DOMINI

AD MATUTINUM  
IN I. NOCTURNO

**Ant.** Zelus domustuæ com-  
édit me, et oppróbria ex-  
probrántium tibi cecidérunt  
super me.

**Ps. 68.** Salvum me fac. 85.

**Ant.** Avertántur retrór-  
sum, et erubéscant, qui có-  
gítant mihi mala.

**Ps. 69.** Deus in adjutórium  
meum. 86.

**Ant.** Deus meus éripe me  
de manu peccatóris.

**Ps. 70.** In te Dómine. 86.

**V.** Avertántur retrórsus,  
et erubéscant. **R.** Qui cógi-  
tant mihi mala.

**Hoc triduo post VV. Noct.**  
**dicatur secreto** Pater noster.  
**nec pronuntiatur** Et ne nos.  
**nec dicitur Absolutio, neque**  
**dantur Bened. ante Lect.**

**In fine Lect. non dicit.** Tu  
áutem. **sed primæ tres Lect.**  
**Jeremiæ terminant. ut infra.**  
Incipit Lamentátio Jeremiæ  
Prophétæ.

**Lectio j. Cap. 1.**

**Aleph.**

**Q**UÓMODO sedet sola  
civitas plena pópu-  
lo : facta est quasi  
vídua dómína gén-  
tium : princeps provinciá-  
rum facta est sub tribúto.

Beth. Plorans plorávit in  
nocte, et lácrymæ ejus in  
maxillis ejus : non est qui  
consolétur eam ex ómnibus  
caris ejus : omnes amíci ejus  
sprevérunť eam, et facti sunt  
ei inimíci.

Ghimel. Migrávit Judas  
propter afflictiónem, et mul-  
títúdinem servitútis : habitá-  
vit inter gentes, nec invénit  
réquiem : omnes persecutó-  
res ejus apprehendérunt eam  
inter angústias.

Daleth. Viæ Sion lugent  
eo quod non sint qui véniant  
ad solemnitátem : omnes  
portæ ejus destrúctæ : sacer-  
dótes ejus geméntes : vírgi-  
nes ejus squálidæ, et ipsa  
oppressa amaritúidine.

He. Facti sunt hostes ejus  
in cápíte, inimíci ejus locu-  
pletáti sunt : quia Dóminus  
locútus est super eam pro-  
pter multitúdinem iniquitá-  
tum ejus : párvuli ejus ducti  
sunt in captivitátem, ante  
fáciem tribulántis.

Jerúsalem, Jerúsalem, con-  
vértere ad Dóminum Deum  
tuum.

**Sic terminantur Lectiones**  
**de Lamentationibus in hoc**  
**triduo.**

**R.** In monte Olivéti orávit

ad Patrem : Pater, si fieri potest, tránseat a me calix iste : \* Spíritus quidem promptus est, caro áutem infirma.

Ÿ. Vigilate, et oráte, ut non intrétis in tentatiónem. Spíritus.

**Lectio ij.** Vau.

**E**T egréssus est a filia Sion omnis decor ejus : facti sunt príncipes ejus velut arietes non inveniéntes páscua : et abiérunt absque fortitúdine ante fáciem subsequéntis.

Zaïn. Recordáta est Jerúsalem diérum afflictiónis suæ, et prævaricatiónis ómnium desiderabilium suórum, quæ habúerat a diébus antiquis, cum cáderet pópulus ejus in manu hostili, et non esset auxiliátor : vidérunt eam hostes, et derisérunt sábbata ejus.

Heth. Peccátum peccávit Jerúsalem, proptérea instábilis facta est : omnes, qui glorificábant eam, spreverunt illam, quia vidérunt ignominiam ejus : ipsa áutem gemens convérta est retrórsum.

Teth. Sordes ejus in pédibus ejus, nec recordáta est finis sui : depósita est vehementer, non habens consolatórem : vide Dómine afflictiónem meam, quóniam erectus est inimicus.

Jerúsalem, Jerúsalem, convertere ad Dóminum Deum tuum.

Ÿ. Tristis est ánima mea

usque ad mortem : sustinéte hic, et vigiláte mecum : nunc vidébitis turbam, quæ circúmdabit me : \* Vos fugam capiétis, et ego vadam immolári pro vobis. Ÿ. Ecce appropínquat hora, et Filius hóminis tradétur in manus peccatórum. Vos.

**Lectio iij.** Jod.

**M**ANUM suam misit hostis ad ómnia desiderabilia ejus : quia vidit gentes ingræssas sanctuárium suum, de quibus præcéperas ne intrárent in ecclésiám tuam.

Caph. Omnis pópulus ejus gemens, et quærens panem : dedérunt pretiósá quæque pro cibo ad refocillándam ánimam. Vide Dómine et considera, quóniam facta sum vilis.

Lamed. O vos omnes, qui transitis per viam, atténdite, et vidéte si est dolor sicut dolor meus : quóniam vindemiávit me ut locútus est Dóminus in die iræ furóris sui.

Mem. De excélso misit ignem in óssibus meis, et erudívit me : expándit rete pédibus meis, convértit me retrórsum : pósuit me desolátam, tota die mœróre conféctam.

Nun. Vigilávit jugum iniquitátum meárum : in manu ejus convolutæ sunt, et impósitæ collo meo : infirmáta est virtus mea : dedit me Dóminus in manu, de qua non pótero súrgere.

Jerúsalem, Jerúsalem, con-



vertere ad Dóminum Deum tuum.

**R.** Ecce vídimus eum non habentem spēciem, neque decórem : adspéctus ejus in eo non est : hic peccáta nostra portávit, et pro nobis dolet : ipse áutem vulnerátus est propter iniquitátes nostras : \* Cujus livóre sanáti sumus. **V.** Vere languóres nostros ipse tulit, et dolóres nostros ipse portávit. Cujus livóre. Ecce.

#### IN II. NOCTURNO

**Ant.** Liberávit Dóminus páuperem a poténte, et inopem, cui non erat adjútor.

**Ps. 71.** Deus judicium. 88.

**Ant.** Cogitavérunt ímpii, et locúti sunt nequítiam : iniquitátem in excélsis locúti sunt.

**Ps. 72.** Quam bonus. 88.

**Ant.** Exsúrge Dómine, et júdica cáusam meam.

**Ps. 73.** Ut quid Deus. 89.

**V.** Deus meus éripe me de manu peccatóris. **R.** Et de manu contra legem agéntis, et iniqui.

Pater noster. **secreto.**

Ex Tractátu sancti Augustíni Episcopi super Psalmos.

In Psalmum 54. ad 1. vers.

#### Lectio iv.

**E**XÁUDI Deus oratióem meam, et ne despéxeris deprecationem meam : inténde mihi, et exáudi me. Satagéntis, solliciti, in tribulatióne pósito, verba sunt ista. Orat multa pátiens, de malo liberári desíderans. Sú-

perest ut videámus in quo malo sit : et cum dicere cœperit : agnoscámus ibi nos esse : ut comunicáta tribulatióne, conjungámus oratióem. Contristátus sum, inquit, in exercitatióne mea, et conturbátus sum. Ubi contristátus? ubi conturbátus? In exercitatióne mea, inquit. Hómines malos, quos pátitur, commemorátus est : eamdémque passióem malórum hóminum, exercitatióem suam dixit. Ne putétis gratis esse malos in hoc mundo, et nihil boni de illis ágere Deum. Omnis malus aut ideo vivit, ut corrigátur : aut ideo vivit, ut per illum bonus exerceátur.

**R.** Amicus meus ósculi me trádidit signo : quem osculátus fúero, ipse est, tenéte eum : hoc malum fecit signum, qui per ósculum adimplévit homicídium. \* Infélix prætermisit prétium sanguinis, et in fine láqueo se suspéndit. **V.** Bonum erat ei, si natus non fuisset homo ille. Infélix.

#### Lectio v.

**U**TINAM ergo qui nos modo exércent, convertántur, et nobiscum exerceántur : tamen quámdui ita sunt ut exerceant, non eos odérimus : quia in eo quod malus est quis eórum, utrum usque in finem perseveráturus sit, ignorámus. Et plerúmque cum tibi vidéris odísse inimicum fratrem odísti, et ne-

scis. Diábolus, et ángeli ejus in Scriptúris sanctis manifestáti sunt nobis, quod ad ignem ætérnum sint destináti. Ipsórum tantum desperánda est corrèctio, contra quos habémus occúltam luctam : ad quam luctam nos armat Apóstolus, dicens : Non est nobis colluctátio advérsus carnem et sánguinem : id est, non advérsus hómines, quos vidétis, sed advérsus príncipes, et potestátes, et rectóres mundi, tenebrárum harum. Ne forte cum dixisset, mundi, intelligeres dámones esse rectóres cæli et terræ. Mundi dixit, tenebrárum harum : mundi dixit, amatórum mundi : mundi dixit, impiórum et iniquórum : mundi dixit, de quo dicit Evangélum : Et mundus eum non cognóvit.

**R.** Judas mercátor péssimus ósculo pétiit Dóminum : ille ut agnus innocens non negávit Judæ ósculum : \* Denariórum número Christum Judæis tradidit. **V.** Mélius illi erat, si natus non fuisset. Denariórum.

**Lectio vj.**

**Q**UÓNIAM vidi iniquitátem, et contradicţiómem in civitáte. Atténde glóriam crucis ipsius. Jam in fronte regum crux illa fixa est, cui inimici insultavérunt. Efféctus probávit virtútem : dómuit orbem non ferro, sed ligno. Lignum crucis contuméliis dignum visum est ini-

mícis, et ante ipsum lignum stantes caput agitábant, et dicébant : Si Filius Dei est, descéndat de cruce. Extendébat ille manus suas ad pópulum non credéntem et contradicéntem. Si enim justus est, qui ex fide vivit, iniquus est qui non habet fidem. Quod ergo hic ait, iniquitátem ; perfidiam intéllege. Vidébat ergo Dóminus in civitáte iniquitátem et contradicţiómem, et extendébat manus suas ad pópulum non credéntem, et contradicéntem : et tamen et ipsos exspéctans dicébat : Pater ignósce illis, quia nesciunt quid faciunt.

**R.** Unus ex discipulis meis tradet me hódie : Væ illi per quem tradar ego : \* Mélius illi erat, si natus non fuisset. **V.** Qui intingit mecum manum in parópside, hic me traditúrus est in manus peccatórum. Mélius illi. Unus.

**IN III. NOCTURNO**

**Ant.** Dixi iníquis : Nolite loqui advérsus Deum iniquitátem.

**Ps. 74.** Confitébimur. 90.

**Ant.** Terra trémuit et quíevit, dum exsúrgeret in iudicio Deus.

**Ps. 75.** Notus in Judæa. 91.

**Ant.** In die tribulatiónis meæ Deum exquisivi máribus meis.

**Ps. 76.** Voce mea. 91.

**V.** Exsúrge Dómine. **R.** Et júdica cáusam meam.

Pater noster. **secreto.**



De Epístola prima beáti Páuli  
Apóstoli ad Corínthios.

**Lectio vij. Cap. 11. d**

**H**oc áutem præcipio : non  
láudans quod non in  
mélius, sed in detérius con-  
venitis. Primum quidem con-  
veniéntibus vobis in Ecclé-  
siam, áudio scissúras esse  
inter vos, et ex parte credo.  
Nam opórtet et hæreses esse,  
ut et qui probáti sunt, ma-  
nifésti fiant in vobis. Con-  
veniéntibus ergo vobis in  
unum, jam non est Domí-  
nicam cœnam manducáre.  
Unusquisque enim suam cœ-  
nam præsumit ad manducán-  
dum. Et álius quidem ésurit,  
álius áutem ébrius est. Num-  
quid domos nos habétis ad  
manducándum et bibéndum?  
aut Ecclésiám Dei contémni-  
tis, et confúnditis eos, qui  
non habent? Quid dicam vo-  
bis? Láudo vos? in hoc non  
láudo.

**R.** Eram quasi agnus in-  
nocens; ductus sum ad im-  
molándum, et nesciébam :  
consilium fecérunt inimíci  
mei advérsus me, dicéntes :  
\* Veníte, mittámus lignum  
in panem ejus, et eradámus  
eum de terra vivéntium. **V.**  
Omnes inimíci mei advér-  
sum me cogitábant mala mi-  
hi : verbum iníquum man-  
davérunt advérsus me, di-  
céntes. Veníte, mittámus.

**Lectio viij.**

**E**go enim accépi a Dómino  
quod et tráddidi vobis,  
quóniam Dóminus Jesus in

qua nocte tradebátur, accé-  
pit panem, et grátias agens  
fregit, et dixit : Accípite, et  
manducáte : hoc est corpus  
meum, quod pro vobis tra-  
détur : hoc fácite in meam  
commemoriatióem. Simili-  
ter et cálicem, postquam  
cœnávít, dicens : Hic calix  
novum testaméntum est in  
meo sánguine : hoc fácite  
quotiescúmque bibétis, in  
meam commemoratióem.  
Quotiescúmque enim man-  
ducábitis panem hunc, et  
cálicem bibétis : mortem Dó-  
mini annuntiábitis donec  
véniat.

**R.** Una hora non potuístis  
vigiláre mecum, qui exhor-  
tabámini mori pro me? \* Vel  
Judam non vidétis, quó-  
modo non dormit, sed festí-  
nat trádere me Judæis? **V.**  
Quid dormitis? súrgite, et  
oráte, ne intrétis in tenta-  
tióem. Vel Judam.

**Lectio ix.**

**I**TAQUE quicúmque mandu-  
cáverit panem hunc, vel  
bíberit cálicem Dómini in-  
digne : reus erit córporis et  
sánguinis Dómini. Probet  
áutem seípsum homo : et  
sic de pane illo edat, et de  
cálice bibat. Qui enim man-  
ducat et bibit indigne, judi-  
cium sibi manducat et bibit :  
non dijúdicans corpus Dó-  
mini. Ideo inter vos multi  
infirmi et imbecilles, et dór-  
miunt multi. Quod si nos-  
metipsos dijudicáremus, non  
útique judicáremur. Dum ju-

dicámur áutem, a Dómino corripimur, ut non cum hoc mundo damnémur. Itaque, fratres mei, cum convenitis ad manducándum, invicem exspectáte. Si quis ésurit, domi mandúcet : ut non in iudiciu[m] conveniátis. Cætera áutem, cum vénero, dispónam.

**R.** Seniores pópuli consilium fecérunt, \* Ut Jesum dolo tenérent, et occiderent : cum gládiis et fústibus exiérunt tamquam ad latrónem. **V.** Collegérunt pontifices et pharisæi concílium. Ut Jesum. Seniores.

#### AD LAUDES

**Ant.** Justificéris Dómine in sermónibus tuis, et vincas cum iudicáris.

#### Psalmus 50.

**M**ISERÉRE mei Deus, \* secundum magnam misericórdiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea : \* et a peccato meo munda me.

Quóniam iniquitatem meam ego cognosco : \* et peccatum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum iudicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritatem dilexisti : \* incerta et occulta sapiéntiæ tuæ manifestásti mihi.

Aspérge me hyssópo, et mundabor : \* lavábis me, et super nivem dealbabor.

Auditui meo dabis gáudium et lætítiam : \* et exultábunt ossa humiliata.

Avérte faciém tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a facie tua : \* et Spíritum sanctum tuum ne áuferas a me.

Redde mihi lætítiam salutáris tui : \* et spíritu principalí confirma me.

Docébo iníquos vias tuas : \* et impii ad te convertentur.

Libera me de sanguinibus Deus, Deus salutis meæ : \* et exultábit lingua mea justitiam tuam.

Dómine lábia mea apéries : \* et os meum annuntiábit láudem tuam.

Quóniam si voluisses sacrificium, dedissem útique : \* holocáustis non delectaberis.

Sacrificium Deo spíritus contribulátus : \* cor contritum, et humiliátum Deus non despicies.

Benigne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrifici-



cium iustitiæ, oblationes, et holocausta : \* tunc imponent super altare tuum vitulos.

**Ant.** Justificeris Domine in sermonibus tuis, et vincas cum iudicaris.

**Ant.** Dominus tamquam ovis ad victimam ductus est, et non aperuit os suum.

**Psalmus 89.**

**D**OMINE, refugium factus es nobis : \* a generatione in generationem.

Priusquam montes fierent, aut formaretur terra et orbis : \* a sæculo et usque in sæculum tu es Deus.

Ne avertas hominem in humilitatem : \* et dixisti : Convertimini filii hominum.

Quoniam mille anni ante oculos tuos, \* tamquam dies hesternæ, quæ præteriiit,

Et custodia in nocte, \* quæ pro nihilo habentur, eorum anni erunt.

Mane sicut herba trans-eat, mane floreat, et trans-eat : \* vespere decadat, induret et areseat.

Quia defecimus in ira tua, \* et in furore tuo turbati sumus.

Posuisti iniquitates nostras in conspectu tuo : \* sæculum nostrum in illuminatione vultus tui.

Quoniam omnes dies nostri defecerunt : \* et in ira tua defecimus.

Anni nostri sicut aranea meditabuntur : \* dies annorum nostrorum in ipsis, septuaginta anni.

Si autem in potentatibus,

octoginta anni : \* et amplius eorum, labor et dolor.

Quoniam supervenit mansuetudo : \* et corripiemur.

Quis novit potestatem iræ tuæ : \* et præ timore tuo iram tuam dinumerare?

Dexteram tuam sic notam fac : \* et eruditos corde in sapientia.

Convertere Domine usquequo ? \* et deprecabilis esto super servos tuos.

Repleti sumus mane misericordia tua : \* et exultavimus, et delectati sumus omnibus diebus nostris.

Lætati sumus pro diebus, quibus nos humiliasti : \* annis, quibus vidimus mala.

Réspice in servos tuos, et in opera tua : \* et dirige filios eorum.

Et sit splendor Domini Dei nostri super nos, et opera manuum nostrarum dirige super nos : \* et opus manuum nostrarum dirige.

**Ant.** Dominus tamquam ovis ad victimam ductus est, et non aperuit os suum.

**Ant.** Contritum est cor meum in medio mei, contremuerunt omnia ossa mea.

**Psalmus 62.**

**D**EUS Deus meus, \* ad te de luce vigilo.

Sitivit in te anima mea, \* quam multipliciter tibi caro mea.

In terra deserta, et invia, et inaquosa : \* sic in sancto apparui tibi, ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, in matutinis meditábor in te : \* quia fuísti adjútor meus.

Et in velaménto alárum tuárum exsultábo, adhæsit ánima mea post te : \* me suscepit dextera tua.

Ipsi vero in vanum quæsiérunt ánimam meam, introibunt in inferióra terræ : \* tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : \* quia obstrúctum est os loquéntium iniqua.

**Psalmus 66.**

**D**EUS misereátur nostri, et benedicat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exsúltent gentes : \* quóniam júdicas pópulos in æquitáte, et gentes in terra dirigis.

Confiteántur tibi pópuli Deus, confiteántur tibi pópuli

puli omnes : \* terra dedit fructum suum.

Benedicat nos Deus, Deus noster, benedicat nos Deus : \* et métuant eum omnes fines terræ.

**Ant.** Contritum est cor meum in médio mei, contremuérunt ómnia ossa mea.

**Ant.** Exhortátus es in virtúte tua, et in refectione sancta tua Dómine.

**Canticum Moysi.**

**Exod. 15.**

**C**ANTÉMUS Dómino : glorióse enim magnificátus est, \* equum et ascensórem dejécit in mare.

Fortitúdo mea, et laus mea Dóminus, \* et factus est mihi in salutem :

Iste Deus meus, et glorificábo eum : \* Deus patris mei, et exaltábo eum.

Dóminus quasi vir pugnátor, Omnípotens nomen ejus. \* Currus Pharaónis et exercitum ejus projécit in mare.

Elécti principes ejus submersi sunt in mari Rubro : \* abyssi operuérunt eos, descendérunt in profúndum quasi lapis.

Dextera tua Dómine magnificáta est in fortitúdine : dextera tua Dómine percússit inimicum. \* Et in multitudine glóriæ tuæ deposuísti adversários tuos :

Misísti iram tuam, quæ devorávit eos sicut stipulam. \* Et in spíritu furóris tui congregatæ sunt aquæ :



Stetit unda fluens, \* congregatæ sunt abyssi in medio mari.

Dixit inimicus : Persequar et comprehendam, \* dividam spolia, implebitur anima mea :

Evaginabo gladium meum, \* interficiet eos manus mea.

Flavit spiritus tuus, et operuit eos mare : \* submersi sunt quasi plumbum in aquis vehementibus.

Quis similis tui in fortibus Domine? \* quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. \* Dux fuisti in misericordia tua populo quem redemisti :

Et portasti eum in fortitudine tua, \* ad habitaculum sanctum tuum.

Ascenderunt populi, et irati sunt : \* dolores obtinuerunt habitatores Philisthiim.

Tunc conturbati sunt principes Edom, robustos Moab obtinuit tremor : \* obliguerunt omnes habitatores Chanaan.

Irruat super eos formido et pavor, \* in magnitudine brachii tui :

Fiant immobiles quasi lapides, donec pertranseat populus tuus Domine, \* donec pertranseat populus tuus iste, quem possedisti.

Introduces eos, et plan-

tabis in monte hereditatis tuæ, \* firmissimo habitaculo tuo quod operatus es Domine :

Sanctuarium tuum Domine, quod firmaverunt manus tuæ. \* Dominus regnabit in æternum et ultra.

Ingressus est enim eques Pharaon cum curribus et equitibus ejus in mare : \* et reduxit super eos Dominus aquas maris :

Filii autem Israel ambula-verunt per siccum \* in medio ejus.

**Ant.** Exhortatus es in virtute tua, et in refectiōne sancta tua Domine.

**Ant.** Oblatus est quia ipse voluit, et peccata nostra ipse portavit.

**Psalmus 148.**

**L**AUDATE Dominum de cælis : \* laudate eum in excelsis.

Laudate eum omnes Angeli ejus : \* laudate eum omnes virtutes ejus.

Laudate eum sol et luna : \* laudate eum omnes stellæ, et lumen.

Laudate eum cæli cælorum : \* et aquæ omnes, quæ super cælos sunt, laudent nomen Domini.

Quia ipse dixit, et facta sunt : \* ipse mandavit, et creata sunt.

Statuit ea in æternum, et in sæculum sæculi : \* præceptum posuit, et non præteribit.

Laudate Dominum de ter-

ra, \* dracones, et omnes abyssi.

Ignis, grando, nix, glacies, spiritus procellarum : \* quæ faciunt verbum ejus :

Montes, et omnes colles : \* ligna fructifera, et omnes cedri :

Bestiae, et universa pecora : \* serpentes, et volucres pennatae :

Reges terræ, et omnes populi : \* principes, et omnes iudices terræ.

Juvenes et virgines : senes cum junioribus laudent nomen Domini : \* quia exaltatum est nomen ejus solius.

Confessio ejus super cælum, et terram : \* et exaltavit cornu populi sui.

Hymnus omnibus sanctis ejus : \* filiis Israël, populo appropinquanti sibi.

**Psalmus 149.**

**C**ANTATE Dómino canticum novum : \* laus ejus in ecclesia sanctorum.

Lætetur Israël in eo, qui fecit eum : \* et filii Sion exsultent in rege suo.

Laudent nomen ejus in choro : \* in tympano, et psalterio psallant ei :

Quia beneplacitum est Dómino in populo suo : \* et exaltabit mansuetos in salutem.

Exsultabunt sancti in gloria : \* lætabuntur in cubilibus suis.

Exaltationes Dei in gutture eorum : \* et gladii ancipites in manibus eorum :

Ad faciendam vindictam in nationibus : \* increpationes in populis.

Ad alligandos reges eorum in compedibus : \* et nobiles eorum in manicis ferreis.

Ut faciant in eis iudicium conscriptum : \* gloria hæc est omnibus sanctis ejus.

**Psalmus 150.**

**L**AUDATE Dóminum in sanctis ejus : \* laudate eum in firmamento virtutis ejus.

Laudate eum in virtutibus ejus : \* laudate eum secundum multitudinem magnitudinis ejus.

Laudate eum in sono tubæ : \* laudate eum in psalterio, et cithara.

Laudate eum in tympano, et choro : \* laudate eum in chordis, et organo.

Laudate eum in cymbalis benesonantibus : laudate eum in cymbalis jubilationis : \* omnis spiritus laudet Dóminum.

**Ant.** Oblatus est quia ipse voluit, et peccata nostra ipse portavit.

**Capitulum et Hymnus non dicuntur.**

**V.** Homo pacis meæ, in quo speravi. **R.** Qui edebat panes meos, ampliavit adversum me supplantationem.

**Ad Bened. Ant.** Traditor autem dedit eis signum, dicens : Quem osculatus fuero, ipse est, tenete eum.

**Interim dum dicitur Canticum Benedictus.** extinctis prius omnibus candelis in



candelabro triangulari, præter unam, quæ posita est in summitate candelabri, extinguuntur paulatim sex candelæ positæ a principio supra altare, ita ut in ultimo versu exstinguatur ultima candela : similiter exstinguuntur lampades et luminaria per ecclesiam. Cum repetitur Ant. Tráditor. accipitur suprema candela ex candelabro, et absconditur sub altari in cornu Epistolæ. Repetita Ant. post Benedictus. dicitur :

Ÿ. Christus factus est pro nobis obédiens usque ad mortem. Secunda nocte additur Mortem autem crucis. Tertia nocte additur Propter quod et Deus exaltávit illum, et dedit illi nomen, quod est super omne nomen.

Et sic dicitur etiam per omnes Horas diei.

Cum incipitur Ÿ. Christus factus est. omnes genuflectunt : et eo finito, dicitur Pater noster. totum sub silentio. Postea Ps. Miserére mei Deus. 250. aliquantulum altius : quo finito sine Orémus. dicitur simili voce

Oratio.

**R**ÉSPICE, quæsumus Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subire tormentum : sed Qui tecum. dicitur sub silentio.

Finita Oratione, fit fragor

et strepitus aliquantulum : mox profertur candela accensa de sub altari, et omnes surgunt, et cum silentio discedunt.

#### AD HORAS

Prima, Tertia, Sexta, et Nona, dictis secreto Pater noster. Ave Maria. et ad Primam Credo. absolute inchoantur a Psalmis consuetis, qui ad Primam sunt, ut in Festis : quibus finitis dicitur Ÿ. Christus factus est pro nobis, etc. flexis genibus : et dicitur secreto : Pater noster. Ps. Miserére. 250. Orat. Réspice, quæsumus Dómine. sicut in Laud.

In hoc triduo non annuntiatur aliquid de Martyrologio, nec dicitur Pretiósá.

#### AD VESPERAS

Vesperæ, dicto secreto Pater noster. Ave Maria. inchoantur absolute a prima Antiphona sine cantu.

Ant. Cálicem salutáris accipiam, et nomen Dómini invocábo.

#### Psalmus 115.

**C**RÉDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni pópulo ejus : \*

pretiosa in conspectu Domini mors sanctorum ejus :

O Domine quia ego servus tuus : \* ego servus tuus, et filius ancillæ tuæ.

Dirupisti vincula mea : \* tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus : \* in atriis domus Domini, in medio tui Jerusalem.

**Ant.** Calicem salutaris accipiam, et nomen Domini invocabo.

**Ant.** Cum his, qui oderunt pacem, eram pacificus : dum loquebar illis, impugnabant me gratis.

**Psalmus 119.**

**A**d Dominum cum tribulaverer clamavi : \* et exaudivit me.

Domine libera animam meam a labiis iniquis, \* et a lingua dolosa.

Quid detur tibi, aut quid apponatur tibi \* ad linguam dolosam?

Sagittæ potentis acutæ, \* cum carbonibus desolatoriis.

Heu mihi, quia incolatus meus prolongatus est : habitavi cum habitantibus Cedar : \* multum incola fuit anima mea.

Cum his, qui oderunt pacem, eram pacificus : \* cum loquebar illis, impugnabant me gratis.

**Ant.** Cum his, qui odé-

runt pacem, eram pacificus : cum loquebar illis, impugnabant me gratis.

**Ant.** Ab hominibus iniquis libera me Domine.

**Psalmus 139.**

**E**ripe me Domine ab homine malo : \* a viro iniquo eripe me.

Qui cogitaverunt iniquitates in corde : \* tota die constituébant prælia.

Acuerunt linguas suas sicut serpentis : \* venenum aspidum sub labiis eorum.

Custodi me Domine de manu peccatoris : \* et ab hominibus iniquis eripe me.

Qui cogitaverunt supplantare gressus meos : \* absconderunt superbi laqueum mihi :

Et funes extenderunt in laqueum : \* juxta iter scandalum posuerunt mihi.

Dixi Domino : Deus meus es tu : \* exaudi Domine vocem deprecationis meæ.

Domine, Domine virtus salutis meæ : \* obumbrasti super caput meum in die belli.

Ne tradas me Domine a desiderio meo peccatori : \* cogitaverunt contra me, ne derelinquas me, ne forte exaltentur.

Caput circuitus eorum : \* labor labiorum ipsorum operiet eos.

Cadent super eos carbones, in ignem deicies eos : \* in miseriis non subsistent.

Vir linguosus non dirigé-



tur in terra : \* virum injustum mala capient in interitu.

Cognovi quia faciet Dominus iudicium inopis : \* et vindictam pauperum.

Verumtamen justi confitebuntur nomini tuo : \* et habitabunt recti cum vultu tuo.

**Ant.** Ab hominibus iniquis libera me Domine.

**Ant.** Custodi me a laqueo, quem statuerunt mihi, et a scandalis operantium iniquitatem.

**Psalmus 140.**

**D**OMINE clamavi ad te, exaudi me : \* intende voci meae, cum clamavero ad te.

Dirigatur oratio mea sicut incensum in conspectu tuo : \* elevatio manuum mearum sacrificium vespertinum.

Pone Domine custodiam ori meo : \* et ostium circumstantiae labiis meis.

Non declines cor meum in verba malitiae, \* ad excusandas excusationes in peccatis.

Cum hominibus operantibus iniquitatem : \* et non communicabo cum electis eorum.

Corripiet me justus in misericordia, et increpabit me : \* oleum autem peccatoris non impinguet caput meum.

Quoniam adhuc et oratio mea in beneplacitis eorum : \*

absorpti sunt juncti petrae iudices eorum.

Audient verba mea quoniam potuerunt : \* sicut crassitudo terrae erupta est super terram.

Dissipata sunt ossa nostra secus infernum : \* quia ad te Domine, Domine oculi mei : in te speravi, non auferas animam meam.

Custodi me a laqueo, quem statuerunt mihi : \* et a scandalis operantium iniquitatem.

Cadent in reticulo ejus peccatores : \* singulariter sum ego donec transeam.

**Ant.** Custodi me a laqueo, quem statuerunt mihi, et a scandalis operantium iniquitatem.

**Ant.** Considerabam ad dexteram, et videbam, et non erat qui cognosceret me.

**Psalmus 141.**

**V**OCE mea ad Dominum clamavi : \* voce mea ad Dominum deprecatus sum :

Effundo in conspectu ejus orationem meam, \* et tribulationem meam ante ipsum pronuntio.

In deficiendo ex me spiritum meum, \* et tu cognovisti semitas meas.

In via hac, qua ambulabam, \* absconderunt laqueum mihi.

Considerabam ad dexteram, et videbam : \* et non erat qui cognosceret me.

Periit fuga a me, \* et non

est qui requírat ánimam meam.

Clamávi ad te Dómine, \* dixi : Tu es spes mea, pórtio mea in terra vivéntium.

Inténde ad deprecatióem meam : \* quia humiliátus sum nimis.

Libera me a persecuéntibus me : \* quia confortáti sunt super me.

Educ de custódia ánimam meam ad confiténdum nómini tuo : \* me expéctant iusti, donec retribuas mihi.

*Ant.* Considerábam ad dexteram, et vidébam, et non erat qui cognósceret me.

*Capitulum, Hymnus et v. non dicuntur in hoc triduo.*

*Ad Magnif. Ant.* Coenántibus áutem illis, accépit Jesus panem, et benedixit, ac fregit, deditque discipulis suis.

*v.* Christus factus est pro nobis. *cum reliquis ut supra in Laudibus.* 255.

#### AD COMPLETORIUM

*Non dicitur* Jube domne. *nec Lectio brevis, nec Adjutórium. neque Oratio Dominica : sed facta Confessione et Absolut., incipitur a Ps. Cum invocárem.* 148. *Dictis Pss., dicitur* Nunc dimittis. 151.

*Deinde v.* Christus factus est. *cum reliq. ut supra ad Laud.* 255.

*Sic terminantur omnes Horæ in hoc triduo usque ad Vesperas Sabbati sancti.*

## FERIA VI. IN PARASCEVE

### AD MATUTINUM

#### IN I. NOCTURNO

*Ant.* Adstitérunt reges terræ, et principes convenérunt in unum advérsus Dóminum, et advérsus Christum ejus.

#### Psalmus 2.

**Q**UARE fremuérunt gentes, \* et pópuli meditáti sunt inánia?

Adstitérunt reges terræ, et principes convenérunt in unum \* advérsus Dóminum, et advérsus Christum ejus.

Dirumpámus vincula eórum : \* et projiciámus a nobis jugum ipsórum.

Qui hábitat in cælis, irridébit eos : \* et Dóminus subsannábit eos.

Tunc loquétur ad eos in ira sua : \* et in furóre suo conturbábit eos.

Ego áutem constitútus sum rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Filius meus es tu, ego hódie génui te.

Póstula a me, et dabo tibi gentes hereditátem tuam, \* et possessionem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini, qui judicátis terram.



Servíte Dómino in timóre : \* et exsultáte ei cum tremóre.

Apprehéndite disciplinam, nequándó irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

**Ant.** Adstitérunt reges terræ, et principes convenérunt in unum, advérsus Dóminum, et advérsus Christum ejus.

**Ant.** Divisérunt sibi vestiménta mea, et super vestem meam misérunt sortem.

**Psalmus 21.**

**D**EUS Deus meus réspice in me : quare me dereliquisti? \* longe a salúte mea verba delictórum meórum.

Deus meus clamábo per diem, et non exáudies : \* et nocte, et non ad insipiéntiam mihi.

Tu áutem in sancto hábitas, \* laus Israël.

In te speravérunt patres nostri : \* speravérunt, et liberásti eos.

Ad te clamavérunt, et salvi facti sunt : \* in te speravérunt, et non sunt confúsi.

Ego áutem sum vermis, et non homo : \* oppróbrium hóminum, et abjéctio plebis.

Omnes vidéntes me, derisérunt me : \* locúti sunt lábiis, et movérunt caput.

Sperávit in Dómino, eripiat eum : \* salvum fáciat eum, quóniam vult eum.

Quóniam tu es, qui exististi me de ventre : \* spes mea ab ubéribus matris meæ. In te projectus sum ex útero :

De ventre matris meæ Deus meus es tu, \* ne discésseris a me :

Quóniam tribulatio próxima est : \* quóniam non est qui ádjuvet.

Circumdedérunt me vituli multi : \* táuri pingues obsederunt me.

Aperuérunt super me os suum, \* sicut leo rápiens et rúgiens.

Sicut aqua effúsus sum : \* et dispérsa sunt ómnia ossa mea.

Factum est cor meum tamquam cera liquéscens \* in médio ventris mei.

Aruit tamquam testa virtus mea, et lingua mea adhæsit fáucibus meis : \* et in pulverem mortis deduxisti me.

Quóniam circumdedérunt me canes multi : \* concílium malignántium obsédit me.

Foderunt manus meas et pedes meos : \* dinumeravérunt ómnia ossa mea.

Ipsi vero consideravérunt et inspexérunt me : \* divisérunt sibi vestiménta mea, et super vestem meam misérunt sortem.

Tu áutem Dómine ne elongáveris auxílium tuum a me : \* ad defénsiónem meam cónspice.

Erue a frámea Deus áni-

mam meam : \* et de manu canis únicam meam.

Salva me ex ore leónis : \* et a cónibus unicórnium humilitátem meam.

Narrábo nomen tuum fratribus meis : \* in médio ecclésiæ laudábo te.

Qui timétis Dóminum, laudáte eum : \* univérsum semen Jacob glorificáte eum.

Timeat eum omne semen Israël : \* quóniam non sprevit, neque despéxit deprecationem páuperis :

Nec avértit faciém suam a me : \* et cum clamárem ad eum, exaudivit me.

Apud te laus mea in ecclésiá magna : \* vota mea reddam in conspéctu timéntium eum.

Edent páuperes, et saturabúntur : et laudábunt Dóminum qui requirunt eum : \* vivent corda eórum in sæculum sæculi.

Reminiscéntur et converténtur ad Dóminum \* univérsi fines terræ :

Et adorábunt in conspéctu ejus \* univérsæ familiæ géntium.

Quóniam Dómini est regnum : \* et ipse dominábitur géntium.

Manducavérunt et adoravérunt omnes pingues terræ : \* in conspéctu ejus cadent omnes, qui descéndunt in terram.

Et ánima mea illi vivet : \* et semen meum sérviet ipsi.

Annuntiábitur Dómino ge-

nerátio ventúra : \* et annuntiábunt cæli justitiam ejus pópulo qui nascétur, quem fecit Dóminus.

*Ant.* Divisérunt sibi vestiménta mea, et super vestem meam misérunt sortem.

*Ant.* Insurrexérunt in me testes iníqui, et mentita est iniquitas sibi.

*Psalmus 26.*

**D**ÓMINUS illuminátio mea, et salus mea, \* quem timébo?

Dóminus protéctor vitæ meæ : \* a quo trepidábo?

Dum apprópíant super me nocéntes, \* ut edant carnes meas.

Qui tribulant me inimíci mei, \* ipsi infirmáti sunt, et cecidérunt.

Si consistant advérsus me castra, \* non timébit cor meum.

Si exsúrgat advérsus me prælium, \* in hoc ego sperábo.

Unam pétii a Dómino, hanc requíram, \* ut inhábitem in domo Dómini ómnibus diébus vitæ meæ :

Ut vídeam voluptátem Dómini, \* et visitem templum ejus.

Quóniam abscondit me in tabernáculo suo : \* in die malórum protéxit me in abscondito tabernáculi sui.

In petra exaltávit me : \* et nunc exaltávit caput meum super inimicos meos.

Circuivi, et immolávi in tabernáculo ejus hóstiam vo-



ciferatiónis : \* cantábo, et psalmum dicam Dómino.

Exáudi Dómine vocem meam, qua clamávi ad te : \* miserére mei, et exáudi me.

Tibi dixit cor meum, exquisivit te fácies mea : \* fáciem tuam Dómine requiram.

Ne avértas fáciem tuam a me : \* ne declínes in ira a servo tuo.

Adjútor meus esto : \* ne derelinquas me, neque despicias me Deus salutáris meus.

Quóniam pater meus, et mater mea dereliquerunt me : \* Dóminus áutem assumpsit me.

Legem pone mihi Dómine in via tua : \* et dirige me in sémitam rectam propter inimicos meos.

Ne tradideris me in ánimas tribulántium me : \* quóniam insurrexérunt in me testes iníqui, et mentíta est iniquitas sibi.

Credo vidére bona Dómini \* in terra vivéntium.

Exspécta Dóminum, viriliter age : \* et confortétur cor tuum, et sústine Dóminum.

**Ant.** Insurrexérunt in me testes iníqui, et mentíta est iniquitas sibi.

**V.** Divisérunt sibi vestiménta mea. **R.** Et super vestem meam misérunt sortem.

Pater noster. **secreto.**

De Lamentatióne Jeremiæ Prophétæ.

**Lectio j. Cap. 2. c**

Heth.

**C**OGITÁVIT Dóminus dissipáre murum filię Sion : teténdit funiculum suum, et non avértit manum suam a perditiónē : luxitque antemurále, et murus páriter dissipátus est.

Teth. Defixæ sunt in terra portæ ejus : pérdidit, et contrívit vectes ejus : regem ejus et príncipes ejus in génitibus : non est lex, et prophétæ ejus non invenérunt visiónem a Dómino.

Jod. Sedérunt in terra, conticuérunt senes filię Sion : conspersérunt cinere cápita sua, accincti sunt ciliciis, abjecérunt in terram cápita sua virgines Jerúsalem.

Caph. Defecérunt præ lácrymis óculi mei, conturbáta sunt viscera mea : effúsum est in terra jecur meum super contritióne filię pópuli mei, cum defíceret párvulus, et lactens in platéis oppidi.

Jerúsalem, Jerúsalem, convertere ad Dóminum Deum tuum.

**R.** Omnes amíci mei dereliquerunt me, et prævaluerunt insidiántes mihi : trádedit me quem diligébam : \* Et terribilibus óculis plaga crudéli percutiéntes, acéto potábant me. **V.** Inter iníquos projecérunt me, et non

pepercérunt ánimæ meæ. Et  
terribilibus.

*Lectio ij. Lamed.*

**M**ÁTRIBUS suis dixérunt :  
Ubi est triticum et vi-  
num? cum deficerent quasi  
vulneráti in platéis civitátis:  
cum exhalárent ánimas suas  
in sinu matrum suárum.

Mem. Cui comparábo te?  
vel cui assimilábo te filia  
Jerúsalem? cui exæquábo te,  
et consolábor te virgo filia  
Sion? magna est enim velut  
mare contritio tua: quis me-  
débitur tui?

Nun. Prophétæ tui vidé-  
runt tibi falsa, et stulta,  
nec aperiébant iniquitátem  
tuam, ut te ad pœniténtiam  
provocárent: vidérunt áu-  
tem tibi assumptiões falsas,  
et ejectiões.

Samech. Plausérunt super  
te mánibus omnes transeún-  
tes per viam: sibilavérunt,  
et movérunt caput suum su-  
per filiam Jerúsalem: Hæcci-  
ne est urbs, dicéntes, perfécti  
decóris, gáudium univérsæ  
terræ?

Jerúsalem, Jerúsalem, con-  
vértere ad Dóminum Deum  
tuum.

**R.** Velum templi scissum  
est, \* Et omnis terra tré-  
muit: latro de cruce clamá-  
bat, dicens: Meménto mei  
Dómine, dum véneris in re-  
gnum tuum. **V.** Petræ scissæ  
sunt, et monuménta apérta  
sunt, et multa córpora san-  
ctórum, qui dormierant,  
surrexérunt. Et omnis.

*Lectio iij. Cap. 3.*

*Aleph.*

**E**GO vir videns paupertá-  
tem meam in virga indi-  
gnatiónis ejus.

Aleph. Me minávit, et ad-  
dúxit in ténebras, et non in  
lucem.

Aleph. Tantum in me ver-  
tit, et convértit manum suam  
tota die.

Beth. Vetústam fecit pel-  
lem meam, et carnem meam,  
contrivit ossa mea.

Beth. Ædificávit in gyro  
meo, et circúmdedit me fel-  
le, et labóre.

Beth. In tenebrósis collo-  
cávit me, quasi mórtuos sem-  
pitérnos.

Ghimel. Circumædificávit  
advérsus me, ut non egré-  
diar: aggravávit cómpedem  
meum.

Ghimel. Sed et cum cla-  
mávero, et rogávero, exclú-  
sit oratióem meam.

Ghimel. Conclúsit vias  
meas lapidibus quadris, sé-  
mitas meas subvértit.

Jerúsalem, Jerúsalem, con-  
vértere ad Dóminum Deum  
tuum.

**R.** Vineam elécta, ego  
te plantávi: \* Quómodo con-  
vérsa es in amaritúdinem,  
ut me crucifigeres et Baráb-  
bam dimitteres? **V.** Sepivi  
te, et lápidem elégi ex te,  
et ædificávi turrim. Quó-  
modo Vineam meam.

IN II. NOCTURNO

**Ant.** Vim faciébant, qui  
quærébant ánimam meam.



## Psalms 37.

**D**ÓMINE ne in furóre tuo árguas me, \* neque in ira tua corripas me.

Quóniam sagittæ tuæ infixæ sunt mihi: \* et confirmásti super me manum tuam.

Non est sánitas in carne mea a fácie iræ tuæ: \* non est pax óssibus meis a fácie peccatórum meórum.

Quóniam iniquitátes meæ supergræssæ sunt caput meum: \* et sicut onus grave gravátæ sunt super me.

Putruérunt et corrúptæ sunt cicatrices meæ, \* a fácie insipientiæ meæ.

Miser factus sum, et curvátus sum usque in finem: \* tota die contristátus ingrediebar.

Quóniam lumbi mei impléti sunt illusionibus: \* et non est sánilas in carne mea.

Afflictus sum, et humiliátus sum nimis: \* rugiebam a gémitu cordis mei.

Dómine, ante te omne desiderium meum: \* et gémitus meus a te non est absconditus.

Cor meum conturbátum est, dereliquit me virtus mea: \* et lumen oculórum meórum, et ipsum non est mecum.

Amici mei, et próximi mei \* advérsus me appropinquavérunt, et steterunt.

Et qui juxta me erant, de longe steterunt: \* et vim faciébant, qui quærébant animam meam.

Et qui inquirébant mala mihi, locúti sunt vanitátes: \* et dolos tota die meditabántur.

Ego áutem tamquam surdus non audiébam, \* et sicut mutus non apériens os suum.

Et factus sum sicut homo non áudiens: \* et non habens in ore suo redargutiónes.

Quóniam in te Dómine sperávi: \* tu exáudies me Dómine Deus meus.

Quia dixi: Nequándo supergáudeant mihi inimici mei: \* et dum commóventur pedes mei, super me magna locúti sunt.

Quóniam ego in flagélla parátus sum: \* et dolor meus in conspéctu meo semper.

Quóniam iniquitátem meam annuntiábo: \* et cogitábo pro peccáto meo.

Inimici áutem mei vivunt, et confirmátisunt super me: \* et multiplicáti sunt qui odérunt me inique.

Qui retribuunt mala pro bonis, detrahébant mihi: \* quóniam sequébar bonitátem.

Ne derelinquas me Dómine Deus meus: \* ne discésseris a me.

Inténde in adjutórium meum, \* Dómine Deus salútis meæ.

**Ant.** Vim faciébant, qui quærébant ánimam meam.

**Ant.** Confundántur et revereántur, qui quærunt ánimam meam, ut áuferant eam.

## Psalmus 39.

**E**XSPÉCTANS expectávi Dóminum, \* et inténdit mihi.

Et exaudivit preces meas : \* et edúxit me de lacu misériæ, et de luto fæcis.

Et státuit super petram pedes meos : \* et diréxit gressus meos.

Et immisit in os meum cánticum novum, \* carmen Deo nostro.

Vidébunt multi, et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitátes et insánias falsas.

Multa fecisti tu Dómine Deus meus mirabilia tua : \* et cogitátionibus tuis non est qui similis sit tibi.

Annuntiávi et locútus sum : \* multiplicáti sunt super númerum.

Sacrificium et oblatiónem noluisti : \* áures áutem perfecisti mihi.

Holocáustum et pro peccáto non postulásti : \* tunc dixi : Ecce vénio.

In cápite libri scriptum est de me ut fácerem voluntátem tuam : \* Deus meus volui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo : Dómine tu scisti.

Justítiam tuam non abscondi in corde meo : \* veri-

tátem tuam et salutáre tuum dixi.

Non abscondi misericórdiam tuam, et veritátem tuam \* a concilio multo.

Tu áutem Dómine ne longe fácias miseratiónes tuas a me : \* misericórdia tua et véritas tua semper suscepérunt me.

Quóniam circumdedérunt me mala, quorum non est númerus : \* comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : \* et cor meum dereliquit me.

Compláceat tibi Dómine ut éruas me : \* Dómine ad adjuvándum me respice.

Confundántur et revereántur simul, qui quærunť ánimam meam, \* ut áuferant eam.

Convertántur retrórsum, et revereántur \* qui volunt mihi mala.

Ferant conféstim confusiónem suam, \* qui dicunt mihi : Euge, euge.

Exsúltent et læténtur super te omnes quæréntes te : \* et dicant semper : Magnificétur Dóminus : qui diligunt salutáre tuum.

Ego áutem mendicus sum et páuper : \* Dóminus sollicitus est mei.

Adjútor meus, et protéctor meus tu es : \* Deus meus ne tardáveris.

**Ant.** Confundántur et revereántur, qui quærunť áni-



mam meam, ut áuferant eam.

*Ant.* Aliéni insurrexérunt in me, et fortes quæsiérunt ánimam meam.

*Psalmus 53.*

**D**EUS in nómine tuo saluum me fac : \* et in virtúte tua júdica me.

Deus exáudi oratiónem meam : \* áuribus pèrcipe verba oris mei.

Quóniam aliéni insurrexérunt advèrsus me, et fortes quæsiérunt ánimam meam : \* et non proposuérunt Deum ante conspèctum suum.

Ecce enim Deus ádjuvat me : \* et Dóminus suscèptor est ánimæ meæ.

Avérte mala inimicis meis : \* et in veritatè tua dispèrde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuisti me : \* et super inimicos meos despèxit óculus meus.

*Ant.* Aliéni insurrexérunt in me, et fortes quæsiérunt ánimam meam.

*v.* Insurrexérunt in me testes iníqui. *R.* Et mentita est iniquitas sibi.

Pater noster. *secreto.*

Ex Tractátu sancti Augustini Episcopi super Psalmos.

*In Psalm. 63. ad vers. 2.*

*Lectio iv.*

**P**ROTEXISTI me Deus a convèntu malignántium, a

multitúdine operántium iniquitátem. Jam ipsum caput nostrum intueámur. Multi Mártyres tália passi sunt, sed nihil sic elúcet, quómodo caput Mártyrum : ibi mélius intuémur, quod illi expérti sunt. Protéctus est a multitúdine malignántium, protegènte se Deo, protegènte carnem suam ipso Filio, et hómine, quem gerébat : quia filius hóminis est, et Filius Dei est. Filius Dei, propter formam Dei : filius hóminis, propter formam servi, habens in potestáte pónere ánimam suam, et recipere eam. Quid ei potuérunt fácere inimici? Occidérunt corpus, ánimam non occidérunt. Inténdite. Parum ergo erat, Dóminum hortári Mártyres verbo, nisi firmáret exémplo.

*R.* Tamquam ad latrónem existis cum gládiis et fústibus comprehéndere me : Quotidie apud vos eram in templo docens, et non me tenuistis : et ecce flagellátum dúcitis ad crucifigéndum. *v.* Cumque iniecissent manus in Jesum, et tenuissent eum, dixit ad eos. Quotidie.

*Lectio v.*

**N**OSTIS qui convéntus erat malignántium Judæórum, et quæ multitúdo erat operántium iniquitátem. Quam iniquitátem? Quia voluérunt occidere Dóminum Jesum Christum. Tanta ópera bona, inquit, osténdi

vobis : propter quod horum me vultis occidere? Pértulit omnes infirmos eórum, curávit omnes lánguidos eórum, prædicávit regnum cælórum, non tácuit vitia eórum, ut ipsa pótius eis displicérent, non médicus, a quo sanabántur. His ómnibus curatióibus ejus ingrátí, tamquam multa febre phrenétici, insaniéntes in médicum, qui vénerat curáre eos, excogitavérunt consílium perdéndi eum : tamquam ibi voléntes probáre, utrum vere homo sit, qui mori possit, an áliquíd super hómínes sit, et mori se non permíttat. Verbum ipsórum agnóscimus in Sapientia Salomónis : Morte turpíssima, inquirunt, condemnémus eum. Interrogémus eum : erit enim respéctus in sermónibus illius. Si enim vere Filius Dei est, liberet eum.

**R.** Ténebræ factæ sunt, dum crucifixíssent Jesum Judæi : et circa horam nonam exclamávit Jesus voce magna : Deus meus, ut quid me dereliquisti? \* Et inclináto cápíte emísit spíritum.

**V.** Exclámans Jesus voce magna, ait : Pater, in manus tuas comméndo spíritum meum. Et inclináto.

**Lectio vj.**

**E**XACUÉRUNT tamquam gládium linguas suas. Non dicant Judæi : Non occidimus Christum. Etenim pro-

ptérea eum dedérunt júdici Piláto, ut quasi ipsi a morte ejus videréntur immúnes. Nam cum dixisset eis Pilátus : Vos eum occidite : responderunt, Nobis non licet occidere quemquam. Iniquitátem facinoris sui in júdicem hómínem refúndere volébant : sed numquid Deum júdicem fallébant? Quod fecit Pilátus, in eo ipso quod fecit, aliquántum párticeps fuit : sed in comparatióne illórum multo ipse innocéntior. Institit enim quantum pótuit, ut illum ex eórum mánibus liberáret : nam proptérea flagellátum produxit ad eos. Non persequéndo Dóminum flagellávit, sed eórum furóri satisfácere volens : ut vel sic jam mitéscerent, et desínerent velle occidere, cum flagellátum vidérent. Fecit et hoc. At ubi perseveravérunt, nostis illum lavisse manus, et dixisse, quod ipse non fecísset, mundum se esse a morte illius. Fecit tamen. Sed si reus, quia fecit vel invítus : illi innocétes, qui coegérunt, ut fáceret? Nullo modo. Sed ille dixit in eum senténtiam, et jussit eum crucifigi, et quasi ipse occidit : et vos o Judæi occidistis. Unde occidistis? Gládio linguæ : acuístis enim linguas vestras. Et quando percussistis, nisi quando clamástis : Crucifige, crucifige?



**R.** Animam meam dilectam tradidi in manus iniquorum, et facta est mihi hereditas mea sicut leo in silva : dedit contra me voces adversarius, dicens : Congregámini, et properáte ad devorándum illum : posuerunt me in deserto solitúdinis, et luxit super me omnis terra : \* Quia non est inventus qui me agnósceret, et fáceret bene. **V.** Insurrexerunt in me viri absque misericórdia, et non pepercerunt ánimæ meæ. Quia. Animam.

## IN III. NOCTURNO

**Ant.** Ab insurgéntibus in me libera me Dómine, quia occupaverunt ánimam meam.

**Psalmus 58.**

**E**RIPE me de inimicis meis Deus meus : \* et ab insurgéntibus in me libera me.

Eripe me de operántibus iniquitatem : \* et de viris sanguinum salva me.

Quia ecce cepérunt ánimam meam : \* irruérunt in me fortes.

Neque iníquitas mea, neque peccátum meum Dómine : \* sine iniquitáte cucúrri, et diréxi.

Exsúrge in occúrsum meum, et vide : \* et tu Dómine Deus virtútum, Deus Israël,

Inténde ad visitándas omnes gentes : \* non misereáris ómnibus, qui operántur iniquitatem.

Converténtur ad vésperam : et famem patiéntur ut canes, \* et circuíbunt civitatem.

Ecce loquéntur in ore suo, et gládus in lábiis eórum, \* quóniam quis audivit?

Et tu Dómine deridébis eos : \* ad nihilum dedúces omnes gentes.

Fortitúdinem meam ad te custódiam, quia Deus suscēptor meus es : \* Deus meus, misericórdia ejus præveniet me.

Deus osténdet mihi super inimicos meos, ne occidas eos : \* nequándo obliviscántur pópuli mei.

Dispérge illos in virtúte tua : \* et depóne eos, protēctor meus Dómine :

Delictum oris eórum, sermónem labiórum ipsórum : \* et comprehendántur in supérbia sua.

Et de exsecratióne et mendácio annuntiabúntur in consummatiόne : \* in ira consummatiόnis, et non erunt.

Et scient quia Deus dominábitur Jacob : \* et finium terræ.

Converténtur ad vésperam : et famem patiéntur ut canes, \* et circuíbunt civitatem.

Ipsi dispergéntur ad manducándum : \* si vero non fúerint saturáti, et murmurábunt.

Ego áutem cantábo fortitúdinem tuam : \* et exsultábo mane misericórdiam tuam.

Quia factus es suscēptor meus, \* et refūgium meum, in die tribulatiōnis meæ.

Adjūtor meus tibi psallam, quia Deus suscēptor meus es : \* Deus meus misericordia mea.

**Ant.** Abinsurgētibusin me libera me Dómine, quia occupavērunt ánimam meam.

**Ant.** Longe fecisti notos meos a me : tráditus sum, et non egrediébar.

**Psalmus 87.**

**D**ÓMINE Deus salutis meæ : \* in die clamávi, et nocte coram te.

Intret in conspēctu tuo oratio mea : \* inclína áurem tuam ad precem meam :

Quia repléta est malis ánimæ mea : \* et vita mea in fērno appropinquávit.

Æstimátus sum cum descendētibusin lacum : \* factus sum sicut homo sine adjutório, inter mórtuos liber.

Sicut vulneráti dormiētes in sepúlcris, quorum non es memor ámplius : \* et ipsi de manu tua repúlsi sunt.

Posuērunt me in lacu inferióri : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuērunt me abominatiōnem sibi.

Tráditus sum, et non egrediébar : \* óculi mei languērunt præ inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabilia : \* aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, \* et veritátem tuam in perditione?

Numquid cognoscéntur in ténébris mirabilia tua : \* et justitia tua in terra obliuionis?

Et ego ad te Dómine clamávi : \* et mane oratio mea præveniet te.

Ut quid Dómine repélis orationem meam : \* avértis faciē tuam a me?

Páuper sum ego, et in labóribus a juventúte mea : \* exaltátus áutem, humiliátus sum et conturbátus.

In me transiērunt iræ tuæ : \* et terróres tui conturbavērunt me.

Circumdederunt me sicut aqua tota die : \* circumdederunt me simul.

Elongásti a me amicum et próximum : \* et notos meos a miséria.

**Ant.** Longe fecisti notos meos a me : tráditus sum, et non egrediébar.

**Ant.** Captábunt in ánimam justí, et ságuinem innocentem condemnábunt.

**Psalmus 93.**

**D**EUS ultiónum Dóminus : \* Deus ultiónum libere egit.



Exaltare qui júdicas terram : \* redde retributiónem superbis.

Usquequo peccatóres Dómine, \* úsquequo peccatóres gloriabúntur :

Effabúntur, et loquéntur iniquitatem : \* loquéntur omnes, qui operántur in iustitiam?

Pópulum tuum Dómine humiliavérunt : \* et hereditatem tuam vexavérunt.

Víduam, et ádvenam interfecérunt : \* et pupillos occidérunt.

Et dixerunt : Non vidébit Dóminus, \* nec intélliget Deus Jacob.

Intelligite insipientes in populo : \* et stulti aliquándo sápite.

Qui plantávit áurem, non áudiet? \* aut qui finxit óculum, non considerat?

Qui córripit gentes, non árguet : \* qui docet hóminem sciéntiam?

Dóminus scit cogitatiónes hóminum, \* quóniam vanæ sunt.

Beátus homo, quem tu erudieris Dómine : \* et de lege tua docúeris eum,

Ut mitiges ei a diébus malis : \* donec fodiátur peccatóri fóvea.

Quia non repéllet Dóminus plebem suam : \* et hereditatem suam non derelinquet.

Quoadúsque iustitia convertátur in iudicium : \* et qui juxta illam omnes qui recto sunt corde.

Quis consúrget mihi advérsus malignántes? \* aut quis stabit mecum advérsus operántes iniquitatem?

Nisi quia Dóminus adjúvit me : \* páulo minus habitáset in inférno ánima mea.

Si dicébam : Motus est pes meus : \* misericórdia tua Dómine adjuvábat me.

Secúndum multitudinem dolórum meórum in corde meo : \* consolatiónes tuæ lætificavérunt ánimam meam.

Numquid adhæret tibi sedes iniquitátis : \* qui fingis labórem in præcépto?

Captábunt in ánimam iusti : \* et ságuinem innocentem condemnábunt.

Et factus est mihi Dóminus in refúgium : \* et Deus meus in adjutórium spei meæ.

Et reddet illis iniquitatem ipsórum : et in malítia eórum dispédet eos : \* dispédet illos Dóminus Deus noster.

*Ant.* Captábunt in ánimam iusti, et ságuinem innocentem condemnábunt.

*V.* Locúti sunt advérsus me lingua dolósa. *R.* Et sermonibus ódii circumdederunt me, et expugnavérunt me gratis.

Pater noster. *secreto.*  
De Epístola beáti Páuli Apóstoli ad Hebræos.

*Lectio vij. Cap. 4. c et 5.*

**F**ESTINÉMUS ingredi in illam réquiem : ut ne in idipsum quis incidat incredu-

litátis exéplum. Vivus est enim sermo Dei, et éfficax, et penetrabilius omni gládio ancípiti : et pertingens usque ad divisióem ánimæ ac spiritus, compágum quoque ac medullárum, et discrétor cogitatiónum et intentiόnum cordis. Et non est ulla creatúra invisibilis in conspéctu ejus : ómnia áutem nuda et apérta sunt óculis ejus, ad quem nobis sermo. Habéntes ergo Pontificem magnum, qui penetrávit cælos, Jesum Filium Dei : teneámus confessiόnem. Non enim habémus Pontificem, qui non possit cómpati infirmitátibus nostris : tentátum áutem per ómnia pro similitúdine absque peccáto.

¶ Tradidérunt me in manus impiórum, et inter ini-quos projecérunt me, et non pepercérunt ánimæ meæ : congregáti sunt advérsus me fortes : \* Et sicut gigántes steterunt contra me. ¶ Aliéni insurrexérunt advérsus me, et fortes quæsiérunt ánimam meam. Et sicut.

#### Lectio viij.

**A**DEÁMUS ergo cum fiducia ad thronum grátiae : ut misericórdiam consequámur, et grátiam inveniámus in auxilio opportúno. Omnis namque Póntifex ex hominibus assúptus, pro hominibus constitúitur in iis quæ sunt ad Deum, ut ófferat dona, et sacrificia pro peccátis : qui condolére possit

iis, qui ignórant, et errant : quóniam et ipse circúmdatus est infirmitáte : et propterea debet, quemádmódum pro pópulo, ita étiam et pro semetípso offérre pro peccátis.

¶ Jesum trádidit impius summis principibus sacerdotum, et senióribus pópuli : \* Petrus áutem sequebátur eum a longe, ut vidéret finem. ¶ Adduxérunt áutem eum ad Cáipham principem sacerdotum, ubi scribæ et pharisæi convéniant. Petrus.

#### Lectio ix.

**N**EC quisquam sumit sibi honórem, sed qui vocátur a Deo, tamquam Aaron. Sic et Christus non semetipsum clarificávit ut Póntifex fieret : sed qui locútus est ad eum : Filius meus es tu, ego hódie génuite. Quemádmódum et in álio loco dicit : Tu es sacérdos in ætérnum, secúndum órđinem Melchisedech. Qui in diébus carnis suæ preces, supplicatiόnesque ad eum, qui possit illum salvum fácere a morte cum clamóre válido, et lácrymis ófferens, exauditus est pro sua reveréntia. Et quidem cum esset Filius Dei, didicit ex iis, quæ passus est, obediéntiam : et consummátus, factus est ómnibus obtemperántibus sibi cáusa salutis ætérnæ, appellátus a Deo Póntifex juxta órđinem Melchisedech.



**R.** Caligavérunt óculi mei a fletu meo : quia elongátus est a me, qui consolabátur me. Vidéte omnes pópuli, \* Si est dolor similis sicut dolor meus. **V.** O vos omnes qui transitis per viam, at-téndite et vidéte. Si est dolor. Caligavérunt.

## AD LAUDES

**Ant. 1.** Próprio Filio suo non pepércit Deus, sed pro nobis ómnibus trádidit illum.

**Ps. 50.** Miserére. 250.

**Ant. 2.** Anxiátus est super me spíritus meus, in me turbátum est cor meum.

**Psalmus 142.**

**D**ÓMINE exáudi oratióem meam : áuribus pércipe obsecratióem meam in veritate tua : \* exáudi me in tua iustitia.

Et non intres in iudicium cum servo tuo : \* quia non justificábitur in conspectu tuo omnis vivens.

Quia persecútus est inimicus ánimam meam : \* humiliávit in terra vitam meam.

Collocávit me in obscuris sicut mórtuos sáeculi : \* et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis : \* in factis mánuum tuárum meditábar.

Expándi manus meas ad te : \* áanima mea sicut terra sine aqua tibi.

Velóriter exáudi me Dómine : \* defécit spíritus meus.

Non avértas fáciem tuam a me : \* et similis ero descendéntibus in lacum.

Audítam fac mihi mane misericórdiam tuam : \* quia in te sperávi.

Notam fac mihi viam, in qua ámbulem : \* quia ad te levávi ánimam meam.

Eripe me de inimicis meis Dómine, ad te confúgi : \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : \* propter nomen tuum Dómine vivificábis me, in æquitáte tua.

Edúces de tribulatióne ánimam meam : \* et in misericórdia tua dispérdes inimicos meos.

Et perdes omnes, qui tribulant ánimam meam : \* quóniam ego servus tuus sum.

**Ant.** Anxiátus est super me spíritus meus, in me turbátum est cor meum.

**Ant. 3.** Ait latro ad latrónem : Nos quidem digna factis recipimus, hic áutem quid fecit? Meménto mei Dómine, dum véneris in regnum tuum.

**Ps. 62.** Deus Deus. 251.

**Ant. 4.** Cum conturbáta fúerit áanima mea Dómine, misericórdiæ memor eris.

**Canticum Habacuc. Cap. 3.**

**D**ÓMINE audivi auditióem tuam, \* et tímui.

Dómine opus tuum, \* in  
médio annórum vivífica il-  
lud :

In médio annórum notum  
fácies : \* cum irátus fúeris,  
misericórdiæ recordáberis.

Deus ab Austro véniet, \* et  
sanctus de monte Pharan :

Opéruit cælos glória ejus : \*  
et láudis ejus plena est terra.

Splendor ejus ut lux erit : \*  
córnuæ in mánibus ejus :

Ibi abscóndita est forti-  
túdo ejus : \* ante fáciem ejus  
ibit mors.

Et egrediétur diábolus an-  
te pedes ejus. \* Stetit, et  
mensus est terram.

Adspéxit, et dissólvit gen-  
tes : \* et contríti sunt mon-  
tes sæculi.

Incurváti sunt colles mun-  
di, \* ab itinéribus æternitá-  
tis ejus.

Pro iniquitáte vidi tentó-  
ria Æthiopiæ, \* turbabúntur  
pelles terræ Máidian.

Numquid in fluminibus  
irátus es Dómine? \* aut in  
fluminibus furor tuus? vel  
in mari indignátio tua?

Qui ascédes super equos  
tuos : \* et quadrigæ tuæ sal-  
vátio.

Súscitans suscitábis ar-  
cum tuum : \* juraménta tri-  
bubus quæ locútus es.

Flúvios scindes terræ : vi-  
dérunt te, et doluérunt mon-  
tes : \* gurges aquárum tráns-  
iit.

Dedit abyssus vocem su-  
am : \* altitúdo manus suas  
levávit.

Sol, et luna steterunt in  
habitáculo suo, \* in luce sa-  
gittárum tuárum, ibunt in  
splendóre fulgurántis hastæ  
tuæ.

In frémitu conculcábis ter-  
ram : \* et in furóre obstupe-  
fácies gentes.

Egréssus es in salútem pó-  
puli tui : \* in salútem cum  
Christo tuo :

Percussisti caput de domo  
impíi : \* denudásti funda-  
méntum ejus usque ad col-  
lum.

Maledixisti sceptris ejus,  
cápiti bellatórum ejus, \* ve-  
niéntibus ut turbo ad dis-  
pergéndum me.

Exsultátio eórum \* sicut  
ejus, qui dévorat páuperem  
in abscóndito.

Viam fecisti in mari equis  
tuis, \* in luto aquárum mul-  
tárum.

Audívi, et conturbátus est  
venter meus : \* a voce con-  
tremuérunt lábia mea.

Ingrediátur putrédo in ós-  
sibus meis, \* et subter me  
scáteat.

Ut requiéscam in die tribu-  
laciónis : \* ut ascéndam ad pó-  
pulum accíntum nostrum.

Ficus enim non florébit : \*  
et non erit germen in vineis.

Mentiétur opus olivæ : \* et  
arva non áfferent cibum.

Abscindétur de ovili pec-  
cus : \* et non erit arméntum  
in præsepibus.

Ego áutem in Dómino gau-  
débo : \* et exsultábo in Deo  
Jesu meo.



Deus Dóminus fortitúdo mea : \* et ponet pedes meos quasi cervórum.

Et super excélsa mea dedúcet me victor\* in psalmis canéntem.

*Ant.* Cum conturbáta fúerit ánima mea Dómine, misericórdiæ memor eris.

*Ant. 5.* Meménto mei Dómine, dum véneris in regnum tuum.

*Ps. 148.* Laudáte Dóminum de cælis. 253.

*V.* Collocávit me in obscúris. *R.* Sicut mórtuos sæculi.

*Ad Bened. Ant.* Posuérunt super caput ejus cáusam ipsíus scriptam : Jesus Nazaréus, Rex Judæórum.

*V.* Christus factus est pro nobis obédiens usque ad mortem, mortem áutem crucis.

Pater noster. *secreto.*

*Ps. 50.* Miserére. 250.

*Oratio.*

**R**ÉSPICE, quæsumus Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subire tormentum : Qui tecum vivit.

AD VESPERAS

*Ant. et Psalmi præteriti dici dicuntur sine cantu.*

*Ad Magnif. Ant.* Cum accepisset acétum, dixit : Consummátum est : et inclináto cápite emisit spíritum.

*V.* Christus factus est. *et alia ut supra ad Laudes.*

## SABBATO SANCTO

AD MATUTINUM

IN I. NOCTURNO

*Ant.* In pace in idipsum, dórmiam et requiëscam.

*Psalmus 4.*

**C**UM invocárem, exaudivit me Deus justitiæ meæ : \* in tribulatióne dilatásti mihi.

Miserére mei, \* et exáudi oratióem meam.

Filii hóminum úsquequo gravi corde? \* ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : \* Dóminus exáudiet me cum clamávero ad eum.

Irascimini, et nolite peccáre : \* quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino.\* Multi dicunt : Quis osténdit nobis bona?

Signátum est super nos lumen vultus tui Dómine : \* dedísti lætítiam in corde meo.

A fructu fruménti, vini, et ólei sui \* multiplicáti sunt.

In pace in idipsum \* dórmiam, et requiëscam;

Quóniam tu Dómine singuláriter in spe \* constituísti me.

*Ant.* In pace in idipsum, dórmiam et requiëscam.

*Ant.* Habitábit in taberná-

culo tuo, requiescet in monte sancto tuo.

**Psalmus 14.**

**D**ÓMINE quis habitabit in tabernáculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam :

Qui loquitur veritatem in corde suo, \* qui non egit dolum in lingua sua :

Nec fecit próximo suo malum, \* et opprobrium non accepit adversus próximos suos.

Ad nihilum deductus est in conspectu ejus malignus : \* timéntes autem Dóminum glorificat :

Qui jurat próximo suo, et non decipit, \* qui pecuniam suam non dedit ad usuram, et múnera super innocentem non accepit :

Qui facit hæc, \* non movebitur in ætérnum.

**Ant.** Habitabit in tabernáculo tuo, requiescet in monte sancto tuo.

**Ant.** Caro mea requiescet in spe.

**Psalmus 15.**

**C**ONSÉRVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, \* mirificávit omnes voluntates meas in eis.

Multiplicatæ sunt infirmitates eórum : \* póstea acceleravérunt.

Non congregábo conventicula eórum de sanguinibus, \* nec memor ero nóminum eórum per lábia mea.

Dóminus pars hereditatis meæ, et cálicis mei : \* tu es, qui restitues hereditatem meam mihi.

Funes ceciderunt mihi in præcláris : \* etenim hereditas mea præclára est mihi.

Benedícam Dóminum, qui tribuit mihi intelléctum : \* insuper et usque ad noctem increpuérunt me renes mei.

Providébam Dóminum in conspectu meo semper : \* quóniam a dextris est mihi, ne commóvear.

Propter hoc lætátum est cor meum, et exsultávit lingua mea : \* insuper et caro mea requiescet in spe.

Quóniam non derelinques ánimam meam in inférno : \* nec dabis Sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo : \* delectatiónes in dextera tua usque in finem.

**Ant.** Caro mea requiescet in spe.

**V.** In pace in idipsum. **R.** Dórmiam et requiescam.

Pater noster. **secreto.**

De Lamentatióne Jeremiæ  
Prophætæ.

**Lectio j.** Cap. 3. c  
Heth.

**M**ISERICÓRDIAE Dómini quia non sumus consúpti :



quia non defecerunt miserationes ejus.

Heth. Novi dilúculo, multa est fides tua.

Heth. Pars mea Dóminus, dixit ánima mea : propterea expectábo eum.

Teth. Bonus est Dóminus sperántibus in eum, ánimæ quærenti illum.

Teth. Bonum est præstolari cum siléntio salutáre Dei.

Teth. Bonum est viro, cum portáverit jugum ab adulescéntia sua.

Jod. Sedébit solitárius, et tacébit : quia levávit super se.

Jod. Ponet in púlvere os suum, si forte sit spes.

Jod. Dabit percutiénti se maxillam, saturábitur opprobriis.

Jerúsalem, Jerúsalem, convertere ad Dóminum Deum tuum.

¶ Sicut ovis ad occisionem ductus est, et dum male tractarétur, non apéruit os suum : tráditus est ad mortem, \* Ut vivificáret pópulum suum. ¶ Trádidit in mortem ánimam suam, et inter scelerátos reputátus est. Ut vivificáret.

Lectio ij. Cap. 4.

Aleph.

**Q**UÓMODO obscurátum est áurum, mutátus est color óptimus, dispérsi sunt lápidés sanctuárii in cápité ómnium plateárum?

Beth. Filii Sion inclyti, et

amícti áuro primo : quómodo reputáti sunt in vasa téstea, opus mánuum figuli?

Ghimel. Sed et lámiae nudavérunt mammam, lactavérunt cáculos suos : filia pópuli mei crudélis, quasi strúthio in desérto.

Daleth. Adhæsit lingua lacténtis ad palátum ejus in siti : párvuli petiérunt panem, et non erat qui frángere eis.

He. Qui vescebántur voluptuóse, interiérunt in viis : qui nutriebántur in cróceis, amplexáti sunt stércora.

Vau. Et major effécta est iniquitas filiæ pópuli mei peccáto Sodomórum, quæ subvérta est in moménto, et non cepérunt in ea manus.

Jerúsalem, Jerúsalem, convertere ad Dóminum Deum tuum.

¶ Jerúsalem surge, et éxue te véstibus jucunditátis : indúere cinere et cilicio, \* Quia in te occisus est Salvátor Israél. ¶ Deduc quasi torréntem lácrymas per diem et noctem, et non táceat pupilla óculi tui. Quia in te.

Incipit Orátio Jeremiæ Prophætæ.

Lectio iij. Cap. 5.

**R**ECORDÁRE Dómine quid acciderit nobis : intuere, et respice opprobrium nostrum. Heréditas nostra versa est ad aliénos : domus nostræ ad extráneos. Pupilli facti sumus absque patre,

matres nostræ quasi viduæ. Aquam nostram pecúnia bibimus : ligna nostra pretio comparávimus. Cervicibus nostris minabámur, lassissimis non dabátur réquies. Ægypto dédimus manum, et Assýriis ut saturarémur pane. Patres nostri peccavérunt, et non sunt : et nos iniquitates eórum portávimus. Servi domináti sunt nostri : non fuit qui redimeret de manu eórum. In animábus nostris afferebámus panem nobis, a fácie gládii in deserto. Pellis nostra, quasi clibanus exústa est a fácie tempestátum famis. Mulieres in Sion humiliavérunt, et vírgines in civitatibus Juda.

Jerúsalem, Jerúsalem, convertere ad Dóminum Deum tuum.

**R.** Plange quasi virgo plebs mea : ululáte pastóres in cinere et cilicio, \* Quia venit dies Dómini magna, et amara valde. **V.** Accingite vos sacerdótes, et plángite ministri altáris, aspérgite vos cinere. Quia venit. Plange.

IN II. NOCTURNO

**Ant.** Elevámini portæ æternáles, et introíbit Rex glóriæ.

**Psalmus 23.**

**D**ÓMINI est terra, et plentúdo ejus : \* orbis terrárum, et univérsti, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens manibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, \* et misericórdiam a Deo salutári suo.

Hæc est generátio quæréntium eum, \* quæréntium faciém Dei Jacob.

Attóllite portas principes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

**Ant.** Elevámini portæ æternáles, et introíbit Rex glóriæ.

**Ant.** Credo vidére bona Dómini in terra vivéntium.

**Psalmus 26.**

**D**ÓMINUS illuminátio mea, et salus mea, \* quem timebo?

Dóminus protéctor vitæ meæ, \* a quo trepidábo?

Dum apprópíant super me nocéntes, \* ut edant carnes meas.

Qui tríbulant me inimici mei, \* ipsi infirmáti sunt, et cecidérunt.

Si consistant advérsus me



castra, \* non timébit cor meum.

Si exsúrgat advérsus me prælium, \* in hoc ego sperábo.

Unam pétii a Dómino, hanc requíram, \* ut inhábitem in domo Dómini ómnibus diébus vitæ meæ :

Ut vídeam voluptátem Dómini, \* et visitem templum ejus.

Quóniam abscondit me in tabernáculo suo : \* in die malórum protéxit me in abscondito tabernáculi sui.

In petra exaltávit me : \* et nunc exaltávit caput meum super inimicos meos.

Circuíví, et immolávi in tabernáculo ejus hóstiam vociferatiónis : \* cantábo, et psalmum dicam Dómino.

Exáudi Dómine vocem meam, qua clamávi ad te : \* miserére mei, et exáudi me.

Tibi dixit cor meum, exquisívit te fácies mea : \* fáciem tuam Dómine requíram.

Ne avértas fáciem tuam a me : \* ne declínes in ira a servo tuo.

Adjútor meus esto : \* ne derelinquas me, neque despiicias me Deus salutáris meus.

Quóniam pater meus, et mater mea dereliquérunt me : \* Dóminus áutem assúmpsit me.

Legem pone mihi Dómine in via tua : \* et dirige me in sémitam rectam propter inimicos meos.

Ne tradideris me in ánimas tribulántium me : \* quóniam insurrexérunt in me testes iníqui, et mentita est iníquitas sibi.

Credo vidére bona Dómini \* in terra vivéntium.

Exspécta Dóminum, viriliter age : \* et confortétur cor tuum, et sústine Dóminum.

**Ant.** Credo vidére bona Dómini in terra vivéntium.

**Ant.** Dómine abstraxísti ab inferis ánimam meam.

**Psalmus 29.**

**E**XALTÁBO te Dómine quóniam suscepísti me : \* nec delectásti inimicos meos super me.

Dómine Deus meus clamávi ad te, \* et sanásti me.

Dómine eduxísti ab inférno ánimam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatióne ejus : \* et vita in voluntáte ejus.

Ad vésperum demorábitur fletus : \* et ad matutinum lætítia.

Ego áutem dixi in abundantia mea : \* Non movébor in ætérnum.

Dómine in voluntáte tua, \* præstitísti decóri meo virtutem.

Avertísti fáciem tuam a me, \* et factus sum conturbátus.

Ad te Dómine clamábo : \*  
et ad Deum meum deprecá-  
bor.

Quæ utilitas in ságuine  
meo, \* dum descéndo in  
corruptiónem?

Numquid confitébitur tibi  
pulvis, \* aut annuntiábit ve-  
ritátem tuam?

Audívit Dóminus, et mi-  
sértus est mei : \* Dóminus  
factus est adjútor meus.

Convertisti planctum me-  
um in gáudium mihi : \* con-  
scidisti saccum meum, et  
circumdediti me lætitia :

Ut cantet tibi glória mea,  
et non compúngar : \* Dómine  
Deus meus in ætérnum con-  
fitebor tibi.

**Ant.** Dómine abstraxisti  
ab inferis ánimam meam.

**V.** Tu áutem Dómine mi-  
serére mei. **R.** Et resúscita  
me, et retribuam eis.

Pater noster. **secreto.**  
Ex Tractátu sancti Augustini  
Episcopi super Psalmos.

**In Psalmum 63. vers. 7.**

#### **Lectio iv.**

**A**CCÉDET homo ad cor al-  
tum, et exaltábitur Deus.  
Illi dixerunt : Quis nos vidé-  
bit? Defecérunt scrutántes  
scrutatiónes, consília mala.  
Accéssit homo ad ipsa con-  
sília, passus est se tenéri ut  
homo. Non enim tenerétur  
nisi homo, aut viderétur nisi  
homo, aut cæderétur nisi  
homo, aut crucifigerétur, aut  
morerétur nisi homo. Accés-  
sit ergo homo ad illas ómnes  
passiões, quæ in illo nihil

valérent, nisi esset homo.  
Sed si ille non esset homo,  
non liberarétur homo. Ac-  
céssit homo ad cor altum, id  
est, cor secrétum, objíciens  
adspéctibus humanis hómi-  
nem, servans intus Deum :  
celans formam Dei, in qua  
æquális est Patri, et ófferens  
formam servi, qua minor est  
Patre.

**R.** Recéssit pastor noster,  
fons aquæ vivæ, ad cujus  
tránsitus sol obscurátus est :  
\* Nam et ille captus est, qui  
captiveum tenébat primum  
hóminem : hódie portas mor-  
tis et seras páriter Salvátor  
noster dirúpit. **V.** Destrúxit  
quidem cláustra inférni, et  
subvértit poténtias diaboli.  
Nam.

#### **Lectio v.**

**Q**UO perduxérunt illas scru-  
tatiónes suas, quas per-  
scrutántes defecérunt, ut  
étiam mórtuo Dómino et se-  
púlto, custódes pónerent ad  
sepúlcrum? Dixerunt enim  
Piláto : Sedúctor ille : hoc  
appellabátur nómine Dómi-  
nus Jesus Christus, ad so-  
látium servórum suórum,  
quando dicúntur seductó-  
res : ergo illi Piláto : Sedú-  
ctor ille, inquiunt, dixit ad-  
huc vivens : Post tres dies  
resúrgam. Jube itaque custo-  
diri sepúlcrum usque in diem  
tértium, ne forte véniant  
discipuli ejus, et furéntur  
eum, et dicant plebi, Sur-  
réxit a mórtuis : et erit no-  
víssimus error pejor prióre.



Ait illis Pilátus : Habétis custódiam, ite, custodite sicut scitis. Illi áutem abeúntes, muniérunt sepúlcrum, signántes lápidem cum custódibus.

**R.** O vos omnes, qui transitis per viam, atténdite et vidéte, \* Si est dolor similis sicut dolor meus. **V.** Atténdite univérsti pópuli, et vidéte dolórem meum. Si est dolor.

### Lectio vj.

**P**OSUÉRUNT custódes milites ad sepúlcrum. Concússa terra Dóminus resurrexit : mirácula facta sunt tália circa sepúlcrum, ut et ipsi milites, qui custódes advénerant, testes fierent, si vellent vera nuntiáre. Sed avaritia illa, quæ captivávit discipulum cómitem Christi, captivávit et militem custódem sepúlcri. Damus, inquirunt, vobis pecúniam : et dicite, quia vobis dormiéntibus venérunt discipuliejus, et abstulérunt eum. Vere defecérunt scrutántes scrutatiónes. Quid est quod dixisti, o infélix astútia? Tantúmne déseris lucem consilii pietátis, et in profúnda versútiae demérgeris, ut hoc dicas : Dicite, quia vobis dormiéntibus venérunt discipuliejus, et abstulérunt eum? Dormiéntes testes ádhibes : vere tu ipse obdormisti, qui scrutándó tália defecisti.

**R.** Ecce quómodo móritur justus, et nemo pécipit cor-

de : et viri justí tollúntur, et nemo considerat : a fácie iniquitátis sublátus est justus : \* Et erit in pace memoria ejus. **V.** Tamquam agnus coram tondénte se obmútit, et non apéruiť os suum : de angústia, et de judicio sublátus est. Et erit. Ecce quómodo.

### IN III. NOCTURNO

**Ant.** Deus ádjuvat me, et Dóminus suscéptor est animæ meæ.

### Psalmus 53.

**D**EUS in nómine tuo saluum me fac : \* et in virtúte tua júdica me.

Deus exáudi oratióem meam : \* áuribus pécipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : \* et non proposuérunt Deum ante conspéctum suum.

Ecce enim Deus ádjuvat me : \* et Dóminus suscéptor est animæ meæ.

Avérte mala inimicis meis : \* et in veritaté tua dispérde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatione eripuisti me : \* et super inimicos meos despéxit óculus meus.

**Ant.** Deus ádjuvat me, et Dóminus suscéptor est animæ meæ.

*Ant.* In pace factus est locus ejus, et in Sion habitatio ejus.

*Psalmus 75.*

**N**OTUS in Judæa Deus : \* in Israël magnum nomen ejus.

Et factus est in pace locus ejus : \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illúminans tu mirábiliter a móntibus ætérnis : \* turbáti sunt omnes insipientes corde.

Dormiérunt somnum suum : \* et nihil invenérunt omnes viri divitiárum in mánibus suis.

Ab increpatione tua Deus Jacob \* dormitavérunt qui ascenderunt equos.

Tu terribilis es, et quis resistet tibi? \* ex tunc ira tua.

De cælo auditum fecisti judicium : \* terra trémuit et quiévit,

Cum exsúrgeret in judicium Deus, \* ut salvos fáceret omnes mansuétos terræ.

Quóniam cogitatio hóminis confitébitur tibi : \* et reliquiæ cogitationis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terribili et ei qui áufert spíritum principum, \* terribili apud reges terræ.

*Ant.* In pace factus est lo-

cus ejus, et in Sion habitatio ejus.

*Ant.* Factus sum sicut homo sine adjutório, inter mórtuos liber.

*Psalmus 87.*

**D**ÓMINE Deus salutis meæ : \* in die clamávi, et nocte coram te.

Intret in conspéctu tuo oratio mea : \* inclína áurem tuam ad precem meam :

Quia repléta est malis ánima mea : \* et vita mea inférno appropinquávit.

Æstimátus sum cum descendéntibus in lacum : \* factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : \* et ipsi de manu tua repúlsi sunt.

Posuérunt me in lacu inférióri : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuérunt me abominatiónem sibi.

Tráditus sum, et non egrediébar : \* óculi mei languérunt præ inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabilia : \* aut médici suscitábunt, et confitebúntur tibi?

Numquid narrábit áliquis



in sepúlcro misericórdiam tuam, \* et veritátem tuam in perditione?

Numquid cognoscéntur in ténebris mirabilia tua : \* et justitia tua in terra obliuionis?

Et ego ad te Dómine clamávi : \* et mane orátio mea præueniet te.

Ut quid Dómine repélles orationem meam : \* avértis faciém tuam a me?

Páuper sum ego, et in labóribus a juventúte mea : \* exaltátus áutem, humiliátus sum et conturbátus.

In me transiérunt iræ tuæ : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum et próximum, \* et notos meos a miséria.

*Ant.* Factus sum sicut homo sine adjutório, inter mórtuos liber.

*V.* In pace factus est locus ejus. *R.* Et in Sion habitatio ejus.

Pater noster. *secreto.*  
De Epístola beáti Páuli Apóstoli ad Hebræos.

*Lectio vij. Cap. 9. c*

**C**HRISTUS assistens Póntifex futurórum bonórum, per ámplius et perféctius tabernáculum non manufáctum, id est, non hujus creatiónis : neque per sánguinem hircórum, aut vitulórum, sed per próprium sánguinem intro-

ivit semel in Sancta, ætérna redemptione invénta. Si enim sanguis hircórum, et taurórum, et cinis vitulæ aspérsus inquinátos sanctificat ad emundationem carnis : quanto magis sanguis Christi, qui per Spíritum sanctum semetipsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti?

*R.* Adstitérunt reges terræ, et príncipes convenérunt in unum, \* Advérsus Dóminum, et advérsus Christum ejus. *V.* Quare fremuérunt gentes, et pópuli meditáti sunt inánia? Advérsus Dóminum.

*Lectio viij.*

**E**T ideo novi testaménti mediátor est : ut morte intercedénte, in redemptionem eárum prævaricationum, quæ erant sub prióri testaménto, repromissionem accípiant, qui vocáti sunt ætérnæ hereditátis. Ubi enim testaméntum est : mors necesse est intercédant testatóris. Testaméntum enim in mórtuis confirmátum est : alióquin nondum valet, dum vivit qui testátus est. Unde nec primum quidem sine ságuine dedicátum est.

*R.* Æstimátus sum cum descendéntibus in lacum : \* Factus sum sicut homo sine adjutório, inter mórtuos liber. *V.* Posuérunt me in lacu inferióri, in tenebrósis, et in umbra mortis. Factus.

## Lectio ix.

**L**ECTO enim omni mandato legis a Móyse univérso pópulo : accípiens sánguinem vitulórum, et hircórum cum aqua et lana coccínea, et hyssópo : ipsum quoque librum, et omnem pópulum aspérsit, dicens : Hic sanguis testaménti, quod mandávit ad vos Deus. Etiam tabernáculum, et ómnia vasa ministérii ságuine similiter aspérsit : et ómnia pene in ságuine secúndum legem mundántur : et sine ságuinis effusióne non fit remissio.

**R.** Sepúlto Dómino, signátum est monuméntum, volvéntes lápidem ad óstium monuménti : \* Ponéntes milites, qui custodirent illum.

**V.** Accedéntes principes sacerdotum ad Pilátum, petiérunt illum. Ponéntes. Sepúlto.

## AD LAUDES

**Ant. 1.** O mors, ero mors tua, morsus tuus ero inférne.

**Ps. 50.** Miserére. 250.

**Ant. 2.** Plangent eum quasi unigénitum, quia innocens Dóminus occísus est.

## Psalmus 42.

**J**ÚDICA me Deus, et discérne cáusam meam de gente non sancta, \* ab hómine iniquo, et dolóso érue me.

Quia tu es Deus fortitúdo mea : \* quare me repulisti? et quare tristis incédo, dum affligit me inimicus?

Emitte lucem tuam et veritátem tuam : \* ipsa me de-

duxérunt, et adduxérunt in montem sanctum tuum, et in tabernácula tua.

Et introibo ad altáre Dei : \* ad Deum, qui lætíficat juventútem meam.

Confitébor tibi in cithara Deus Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

**Ant.** Plangent eum quasi unigénitum, quia innocens Dóminus occísus est.

**Ant. 3.** Atténdite univérso pópuli, et vidéte dolórem meum.

**Ps. 62.** Deus Deus meus. 251.

**Ant. 4.** A porta inferi érue Dómine ánimam meam.

## Canticum Ezechiae.

## Isaiae 38. b

**E**GO dixi : In dimidio dierum meórum \* vadam ad portas inferi.

Quæsívi residuum annórum meórum. \* Dixi : Non vidébo Dóminum Deum in terra vivéntium.

Non adspiciam hóminem ultra, \* et habitatórem quietis.

Generátio mea abláta est, et convolúta est a me, \* quasi tabernáculum pastórum.

Præcisa est velut a texén-te víta mea : dum adhuc ordírer, succídít me : \* de mane usque ad vésperam finies me.



Sperábam usque ad mane, \* quasi leo sic contrivit ómnia ossa mea :

De mane usque ad vésperam finies me : \* sicut pul-  
lus hirúndinis sic clamábo,  
meditábor ut colúmba :

Attenuáti sunt óculi mei, \*  
suspiciéntes in excélsu :

Dómine vim pátor, re-  
spónde pro me. \* Quid di-  
cam, aut quid respondébit  
mihi, cum ipse fécerit?

Recogitábo tibi omnes an-  
nos meos \* in amaritúde  
ánimæ meæ.

Dómine si sic vivitur, et  
in tálibus vita spíritus mei,  
corrípies me, et vivificábis  
me. \* Ecce in pace amari-  
túdo mea amaríssima :

Tu áutem eruísti ánimam  
meam ut non períret : \* pro-  
jecísti post tergum tuum  
ómnia peccáta mea.

Quia non inférnus confi-  
tébitur tibi, neque mors  
laudábit te : \* non exspectá-  
bunt qui descéndunt in la-  
cum, veritátem tuam.

Vivens vivens ipse confi-  
tébitur tibi, sicut et ego hó-  
die : \* pater filiis notam  
faciet veritátem tuam.

Dómine salvum me fac, \*  
et psalmos nostros cantá-  
bimus cunctis diébus vitæ  
nostræ in domo Dómini.

**Ant.** A porta inferi éruet  
Dómine ánimam meam.

**Ant. 5.** O vos omnes qui  
transitis per viam, atténdite  
et vidéte, si est dolor sicut  
dolor meus.

**Ps. 148.** Laudáte Dómi-  
num de cælis. 253.

**Y.** Caro mea requiescet in  
spe. **R.** Et non dabis sanctum  
tuum vidére corruptionem.

**Ad Bened. Ant.** Mulieres  
sedéntes ad monuméntum  
lamentabántur, flentes Dó-  
minum.

**V.** Christus factus est pro  
nobis obédiens usque ad  
mortem, mortem áutem cru-  
cis : propter quod et Deus  
exaltávit illum, et dedit illi  
nomen, quod est super omne  
nomen.

Pater noster. **secreto.**

**Ps.** Miserére mei. 250.

**Oratio.**

**R**ÉSPICE, quæsumus Dómi-  
ne, super hanc familiam  
tuam, pro qua Dóminus no-  
ster Jesus Christus non du-  
bitávit mánibus tradi no-  
céntium, et crucis subire tor-  
méntum : Qui tecum vivit.

Et sic dicitur usque ad  
**Nonam.**

**Dictis Horis ut supra. 255,**  
**dicitur Missa ut in Ordina-**  
**rio : et facta Communione**  
**Sacerdotis, statim pro Ve-**  
**speris dicitur :**

**Ant.** allelúia, allelúia, al-  
lelúia.

**Psalmus 116.**

**L**AUDÁTE Dóminum omnes  
gentes : \* laudáte eum  
omnes pópuli :

Quóniam confirmáta est su-  
per nos misericórdia ejus : \*  
et véritas Dómini manet in  
ætérnum.

Glória Patri. Sicut erat.

*Repetitur Ant. Allelúia, allelúia, allelúia.*

*Capitulum, Hymnus et V. non dicuntur.*

*Ad Magnif. Ant. Vespere áutem sábbati, quæ lucéscit in prima sábbati, venit María Magdaléne, et áltera María, vidére sepúlcrum, allelúia.*

*Cant. Magnificat. cum Glória Patri. Et repetitur Ant. Vespere áutem sábbati.*

*Deinde Sacerdos dicit : Dóminus vobiscum.*

*Orémus. Oratio.*

**S**PÍRITUM nobis Dómine tuæ caritátis infúnde : ut quos sacraméntis paschálibus satiásti, tua fácias pietáte concórdes. Per Dóminum nostrum... in unitáte Spíritus sancti Deus.

*Deinde Dóminus vobiscum.*

*Postea Diaconus dicit : Ite missa est, allelúia, allelúia.*

*R. Deo grátias, allelúia, allelúia.*

*Extra Chorum, dicto Pater noster. et Ave María. Vesperæ inchoantur absolute ab Antiphona Allelúia. cum reliquis ut supra : et loco Ite missa est, allelúia, allelúia. dicitur V. Benedicámus Dómino, allelúia, allelúia. R. Deo grátias, allelúia, allelúia.*

*Deinde additur Pater noster. et nihil aliud.*

**AD COMPLETORIUM**

*Jube domne.*

*Lectio brevis Fratres : Sóbrii estóte.*

*V. Adjutórium nostrum. Pater noster.*

*Et facta Confessione et Absolutione, dicitur :*

*V. Convérte nos Deus.*

*V. Deus in adjutórium.*

*Glória Patri. et amplius non dicitur Laus tibi Dómine, Rex æternæ glóriæ. sed ejus loco deinceps dicitur Allelúia.*

*Deinde sine Ant. dicuntur Psalmi consueti. Capitulum, V. et Hymnus non dicuntur.*

*Ad Nunc dimittis. Ant. Vespere áutem sábbati.*

*Canticum Simeonis.*

*Lucæ 2. c*

**N**UNC dimittis servum tuum Dómine, \*secúndum verbum tuum in pace :

Quia vidérunt óculi mei \*salutáre tuum,

Quod parásti \*ante fáciem ómnium populórum :

Lumen ad revelatióem géntium, \*et glóriam plebis tuæ Israël.

*Glória Patri.*

*Ant. Vespere áutem sábbati, quæ lucéscit in prima sábbati, venit María Magdaléne, et áltera María vidére sepúlcrum, allelúia.*

*V. Dóminus vobiscum. R. Et cum spiritu tuo.*

*Oratio.*

**V**ÍSITA, quæsumus Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiánt : et



benedictio tua sit super nos  
semper. Per Dóminum.

V. Dóminus vobíscum. R.

Et cum spíritu tuo.

V. Benedicámus Dómino.

R. Deo grátias.

**Benedictio.** Benedicat et  
custódiat nos omnípotens et  
miséricors Dóminus, Pater,  
et Fílius, et Spíritus sanctus.

R. Amen.

**Antiphona.**

**R**EGÍNA cæli lætare, alle-  
lúia,

Quia quem meruísti portáre,  
allelúia,

Resurrexit, sicut dixit, alle-  
lúia,

Ora pro nobis Deum, alle-  
lúia.

V. Gáude et lætare Virgo  
María, allelúia. R. Quia sur-  
réxit Dóminus vere, alle-  
lúia.

Orémus. **Oratio.**

**D**EUS, qui per resurrecti-  
nem Filii tui Dómini  
nostri Jesu Christi mundum  
lætificáre dignátus es : præ-  
sta quæsumus; ut per ejus  
Genitricem Virginem Mariam  
perpétuæ capiámus gáudia  
vitæ. Per eúmdem Christum  
Dóminum nostrum. Amen.

**Et non flectuntur genua  
toto Tempore Paschali.**





## DOMINICA RESURRECTIONIS

### AD MATUTINUM

Pater noster. Ave María.  
Credo.

*V.* Dómine lábia mea apé-  
ries. Deus in adjutórium.  
Glória Patri. Allelúia.

*Invital.* Surréxit Dóminus  
vere, \* Allelúia.

*Ps.* Veníte, exsultémus. 2.

*Hymni et Capitula non di-  
cuntur in aliqua Horarum  
usque ad Vesperas Sabbati in  
Albis, nec Versiculi, nisi in  
Nocturno.*

### AD NOCTURNUM

*Ant.* Ego sum qui sum, \* et  
consilium meum non est cum  
impiis, sed in lege Dómini  
volúntas mea est, allelúia.

### *Psalmus 1.*

**B**EÁTUS vir, qui non  
ábiit in consilio im-  
piórum, et in via  
peccatórum non  
stetit, \* et in cáthedra pe-  
stiléntiæ non sedit :

Sed in lege Dómini volún-  
tas ejus, \* et in lege ejus  
meditábitur die ac nocte.

Et erit tamquam lignum,  
quod plantátum est secus  
decúrsus aquárum, \* quod  
fructum suum dabit in tẽm-  
pore suo :

Et fólium ejus non dé-  
fluet : \* et ómnia quaecúm-  
que fáciat prosperabúntur.

Non sic ímpii, non sic : \*  
sed tamquam pulvis, quem  
próicit ventus a fácie terræ.

Ideo non resúrgent ímpii  
in iudicio : \* neque pecca-  
tóres in concílio justórum.

Quóniam novit Dóminus  
viam justórum : \* et iter im-  
piórum peribit.

*Ant.* Ego sum qui sum,  
et consilium meum non est  
cum impiis, sed in lege Dó-  
mini volúntas mea est, alle-  
lúia.

*Ant.* Postulávi Patrem me-  
um, \* allelúia : dedit mihi  
gentes, allelúia, in heredi-  
tatem, allelúia.

### *Psalmus 2.*

**Q**UARE fremuérunt gentes, \*  
et pópuli meditáti sunt  
inánia?

Adstitérunt reges terræ,  
et principes convenérunt in  
unum \* advérsus Dóminum,  
et advérsus Christum ejus.

Dirumpámus víncula eó-  
rum : \* et projiciámus a no-  
bis jugum ipsórum.

Qui hábitat in cælis, irri-  
débit eos : \* et Dóminus  
subsannábit eos.

Tunc loquétur ad eos in  
ira sua : \* et in furóre suo  
conturbábit eos.

Ego áutem constitútus sum  
rex ab eo super Sion mon-



tem sanctum ejus, \* prædicans præceptum ejus.

Dóminus dixit ad me : \* Filius meus es tu, ego hódie genui te.

Póstula a me, et dabo tibi gentes hereditátem tuam, \* et possessiónem tuam terminos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini, qui judicátis terram.

Servite Dómino in timóre : \* et exsultáte ei cum tremóre.

Apprehéndite disciplinam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

**Ant.** Postulávi Patrem meum, allelúia : dedit mihi gentes, allelúia, in hereditátem, allelúia.

**Ant.** Ego dormívi, \* et somnum cepi : et exsurrexi, quóniam Dóminus suscepit me, allelúia, allelúia.

**Psalmus 3.**

**D**ÓMINE quid multiplicáti sunt qui tribulant me? \* multi insúrgunt advérsus me.

Multi dicunt ánimæ meæ : \* Non est salus ipsi in Deo ejus.

Tu áutem Dómine suscepitor meus es, \* glória mea, et exáltans caput meum.

Voce mea ad Dóminum

clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussisti omnes adversátes mihi sine cáusa : \* dentes peccatórum contrivisti.

Dómini est salus : \* et super pópulum tuum benedictio tua.

**Ant.** Ego dormívi, et somnum cepi : et exsurrexi, quóniam Dóminus suscepit me, allelúia, allelúia.

**V.** Surrexit Dóminus de sepúlcro, allelúia. **R.** Qui pro nobis pepéndit in ligno, allelúia.

Pater noster.

**Absolutio.** Exáudi Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sæcula sæculórum.

**R.** Amen.

**V.** Jubedomne benedicere.

**Bened.** Evangélica léctio sit nobis salus et protéctio.

**R.** Amen.

Léctio sancti Evangélíi secúndum Marcum.

**Lectio j. Cap. 16.**

**I**N illo témpore : María Magdaléne, et María Jacóbi, et Salóme emérunt arómata, ut veniéntes úngerent Jesum. Et réliqua.

Homilia sancti Gregorii  
Papæ.

Homil. 21. in Evang.

**A**UDÍSTIS, fratres carissimi, quod sanctæ mulieres, quæ Dóminum fúerant secútæ, cum aromátibus ad monuméntum venérunt, et ei, quem vivéntem diléxerant, étiam mórtuo, stúdio humanitátis obsequúntur. Sed res gesta áliquíd in sancta Ecclesiá signat geréndum. Sic quippe necesse est ut audiámus quæ facta sunt, quátenus cogitémus étiam quæ nobis sint ex eórum imitatione faciéndæ. Et nos ergo in eum, qui est mórtuus, credéntes, si odóre virtútum reférti, cum opiníone bonórum óperum Dóminum quærimus, ad monuméntum profécto illius cum aromátibus venimus. Illæ áutem mulieres Angelos vident, quæ cum aromátibus venérunt: quia videlicet illæ mentes supérnos cives adspiciunt, quæ cum virtútum odóribus ad Dóminum per sancta desidéria proficiscúntur.

**R.** Angelus Dómini descendit de cælo, et accédens revolvit lápidem, et super eum sedit, et dixit mulieribus:

Nolite timére: scio enim quia crucifixum quæritis: jam surréxit: veníte, et vidéte locum, ubi pósitus erat Dóminus, allelúia. **V.** Et introeúntes in monuméntum, vidérunt júvenem sedéntem

in dextris, coopértum stola cándida, et obstupuérunt: qui dixit illis. Nolite.

Glória Patri, et Filio, et Spirítui sancto; **et repetit. R.** Angelus Dómini. **usque ad V.**

**Deinde dicitur V.** Jube domne benedicere.

**Benedictio.** Divinum auxilium máneat semper nobiscum. **R.** Amen.

**Lectio ij.**

**N**OTÁNDUM vero nobis est, quidnam sit, quod in dextris sedére Angelus cernitur. Quid namque per sinistram, nisi vita præsens: quid vero per dexteram, nisi perpétua vita designatur? Unde in Cánticis canticórum scriptum est: Læva ejus sub cápite meo, et dextera illius amplexábitur me. Quia ergo Redemptor noster jam præsentis vitæ corruptionem transierat, recte Angelus, qui nuntiáre perennem ejus vitam vénerat, in dextera sedébat. Qui stola cándida coopértus apparuit: quia festivitátis nostræ gáudia nuntiávit. Candor etenim vestis, splendórem nostræ denúntiat solemnitátis. Nostræ dicámus, an suæ? Sed ut fateámur vérius, et suæ dicámus, et nostræ. Illa quippe Redemptóris nostri resurréctio et nostra festivitas fuit, quia nos ad immortalitatem redúxit: et Angelórum festivitas exstitit, quia nos revocádo ad cælestia, eórum númerum implévit.



**R.** Cum transisset sabbatum, Maria Magdalène, et Maria Jacóbi, et Salóme emérunt arómata, \* Ut veniéntes úngerent Jesum, allelúia, allelúia. **V.** Et valde mane una sabbatórum, véniunt ad monuméntum, orto jam sole. Ut. Glória Patri. Ut.

**V.** Jube domne benedicere.

**Benedictio.** Ad societátem civium supernórum perdúcat nos Rex Angelórum.

**R.** Amen.

### Lectio iij.

**I**N sua ergo ac nostra festivitáte Angelus in albis véstibus appáruit : quia dum nos per resurrectionem Dominicam ad supérna redúcimur, cæléstis pátriæ damna reparántur. Sed quid adveniéntes féminas affátur, audiámus : Nolite expavescere. Ac si apérte dicat, Páveant illi, qui non amant advéntum supernórum civium : pertiméscant, qui carnálibus desidériis pressi, ad eórum se societátem pertingere posse despérant. Vos autem, cur pertiméscitis, quæ vestros concíves vidétis? Unde et Matthæus Angelum apparuisse describens, ait : Erat adspéctus ejus sicut fulgur, et vestiménta ejus sicut nix. In fúlgure étenim terror timóris est, in nive autem blandiméntum candóris.

**Post iij. Lectionem dicitur** Te Deum laudámus. 17.

### AD LAUDES

**Ant. 1.** Angelus áutem Dómini \* descéndit de cælo, et accédens revólvit lápidem, et sedébat super eum, allelúia, allelúia.

**Ps.** Dóminus regnávít. **cum reliq. 18.**

**2.** Et ecce terrémótus \* factus est magnus : Angelus enim Dómini descéndit de cælo, allelúia.

**3.** Erat áutem \* adspéctus ejus sicut fulgur, vestiménta áutem ejus sicut nix, allelúia, allelúia.

**4.** Præ timóre áutem ejus \* extérriti sunt custódes, et facti sunt velut mórtui, allelúia.

**5.** Respóndens áutem Angelus, \* dixit muliéribus : Nolite timére : scio enim quod Jesum quæritis, allelúia.

**Capit., Hymn. et V. non dicuntur, sed eorum loco**

**Ant.** Hæc dies, quam fecit Dóminus : exsultémus, et lætémur in ea.

**Ad Bened. Ant.** Et valde mane una sabbatórum véniunt ad monuméntum, orto jam sole, allelúia.

### Oratio.

**D**EUS, qui hodiérna die per Unigénitum tuum æternitátis nobis áditum devícta morte reserásti : vota nostra, quæ præveniéndó adspíras, étiam adjuvándó prosequere. Per eúmdem Dñm.

**V.** Dóminus vobíscum. **R.** Et cum spíritu tuo.

**V.** Benedicámus Dómino,

allelúia, allelúia. *ñ.* Deo grátias, allelúia, allelúia.

Sic dicitur in Vesperis et Laud. tantum usque ad Vesperas Sabbati in Albis exclusive.

## AD HORAS

Ad Primam, Tertiam, Sextam, et Nonam, post Deus in adiutorium. et Glória Patri. dicuntur Psalmi consueti; ad Primam tamen ut in festis, scilicet Deus in nómine tuo. Beáti immaculáti. et Retribue. quibus finitis dicitur Antiph. Hæc dies. postea Oratio, quæ ad Primam dicitur. ut in Psalterio. Dómine Deus omnipotens. 29. Pretiósá. cum reliquis, et ad Absolutionem Capituli, Lectio brevis Si consurrexistis cum Christo. ut in Psalt. 30.

Ad alias autem Horas, post Ant. Hæc dies. dicitur Oratio quæ ponitur in Laud.

## AD VESPERAS

Ant. de Laud., Pss. de Dom. 126.

Et sic dicitur usque ad Vesp. Sabbati.

Ant. Hæc dies, quam fecit Dóminus : exsultémus, et lætémur in ea.

Ad Magnif. Ant. Et respicientes vidérunt revolutum lápidem : erat quippe magnus valde, allelúia.

## Oratio.

**D**EUS, qui hodiérna die per Unigénitum tuum æternitátis nobis áditum devicta morte reserásti : vota nostra, quæ præveniéndó ad-

spiras, étiam adjuvándó prosequere. Per eúmdem Dñ.

## AD COMPLETORIUM

Dicto *ŷ.* Jube domne. Fratres : Sóbrii estóte. *ŷ.* Adiutorium nostrum. Pater noster. et facta Confessione et Absolutione, post *ŷ.* Converté nos Deus. *ŷ.* Deus in adiutorium. Glória Patri. Allelúia. dicuntur Pss. consueti : quibus finitis dicitur Allelúia, allelúia, allelúia.

Deinde Canticum Simeonis Nunc dimittis. 151.

## Postea

Ant. Hæc dies, quam fecit Dóminus : exsultémus, et lætémur in ea.

Oratio Visita, quæsumus Dómine. 151.

Prædictus modus Horarum servatur usque ad Vesperas Sabbati in Albis.

## FERIA SECUNDA

## AD MATUTINUM

Invitorium, Ant. et Pss. ad Nocturnum et Laudes dicuntur ut supra in die Paschæ, per totam Octavam.

*ŷ.* Surréxit Dóminus de sepúlcro, allelúia. *ñ.* Qui pro nobis pepéndit in ligno, allelúia.

Pater noster.

Absol. Exáudi Dómine.

Bened. Evangélica léctio. Léctio sancti Evangélii secundum Lucam.

## Lectio j. Cap. 24. b

**I**N illo témpore : Duo ex discipulis Jesu ibant ipsa die in castéllum, quod erat



in spatio stadiorum sexaginta ab Jerúsalem, nómine Emmaus. Et réliqua.

Homilia sancti Gregórii Papæ.

Homil. 23. in Evang.

**A**UDÍSTIS, fratres caríssimi, quia duóbus discipulis ambulántibus in via, non quidem credéntibus, sed tamen de se loquéntibus, Dóminus appáruit : sed eis spéciem, quam recognóscerent, non osténdit. Hoc ergo egit foris Dóminus in óculis corpóris, quod apud ipsos agebátur intus in óculis cordis. Ipsi namque apud semetipsos intus et amábant, et dubitábant : eis áutem Dóminus foris et præsens áderat, et quis esset non ostendébat. De se ergo loquéntibus præséntiam exhibuit : sed de se dubitántibus cognitiónis suæ spéciem abscondit.

**R.** María Magdaléne, et áltera María ibant dilúculo ad monuméntum : \* Jesum quem quæritis, non est hic, surrexit sicut locútus est, præcedet vos in Galilæam, ibi eum vidébitis, allelúia, allelúia. **V.** Et valde mane una sabbatórum véniunt ad monuméntum, orto jam sole : et introeúntes vidérunt júvenem sedéntem in dextris, qui dixit illis. Jesum.

**Bened.** Divínium auxiliúm.

**Lectio ij.**

**V**ERBA quidem cóntulit, duritiam intelléctus increpávit, sacræ Scriptúræ my-

stéria, quæ de seipso erant, apérui : et tamen quia adhuc in eórum córdibus peregrinus erat a fide, se ire lóngius finxit. Fingere namque, compónere dicimus : unde et compositóres luti, figulos vocámus. Nihil ergo simplex véritas per duplicitétem fecit : sed talem se eis exhibuit in corpore, qualis apud illos erat in mente. Probánda áutem erant, si hi, qui eum etsi necdum ut Deum diligerent, saltem ut peregrinum amáre potuissent.

**R.** Surrexit pastor bonus, qui ánimam suam pósuit pro óvibus suis, et pro grege suo mori dignátus est : \* Allelúia, allelúia, allelúia. **V.** Etenim Pascha nostrum immolátus est Christus. Allelúia. Glória Patri. Allelúia.

**Bened.** Ad societátem.

**Lectio iij.**

**S**ED quia esse extránei a caritate non póterant hi, cum quibus Véritas gradiebátur : eum ad hospitium quasi peregrinum vocant. Cur áutem dicimus, vocant, cum illic scriptum sit : Et coegérunt eum? Ex quo nimirum exémplo colligitur, quia peregrini ad hospitium non solum invitándi sunt, sed étiam trahéndi. Mensam igitur ponunt, panes cibósque ófferunt : et Deum, quem in Scriptúræ sacræ expositiône non cognóverant, in panis fractione cognóscunt. Audiéndo ergo

præcepta Dei illumināti non sunt, faciēdo illumināti sunt : quia scriptum est : Non auditōres legis justī sunt apud Deum, sed factōres legis justificabūntur. Quisquis ergo vult audita intelligere, festinet ea, quæ jam audire pōtuit, opere implēre. Ecce Dóminus non est cōgnitus dum loqueretur, et dignātus est cognōsci dum pascitur.

Te Deum laudāmus. 17.

**Ad Bened. Ant.** Jesus junxit se discipulis suis in via, et ibat cum illis : óculi autem eórum tenebāntur, ne eum agnōscerent : et increpāvit eos, dicens : O stulti et tardi corde ad credēdum in his, quæ locútī sunt Prophætæ, allelúia.

**Oratio.**

**D**EUS, qui solemnitáte pascháli, mundo remédia contulisti : pópulum tuum, quæsumus, cælésti dono proséquere ; ut et perfectam libertátem cónsequi mereátur, et ad vitam proficiat sempitérnam. Per Dñum.

**Ad Magnif. Ant.** Qui sunt hi sermōnes, quos confértis ad invicem ambulāntes, et estis tristes? allelúia.

### FERIA TERTIA

✠. Surréxit Dóminus vere, allelúia. **R.** Et apparuit Simóni, allelúia.

Pater noster.

**Absol.** Ipsius pietas.

**Bened.** Evangélica léctio.

Léctio sancti Evangélīi secūndum Lucam.

**Lectio j. Cap. 24. e**

**I**N illo témpore : Stetit Jesus in médio discipulórum, et dicit eis : Pax vobis : ego sum, nolite timére. Et reliqua.

Homília sancti Ambrósii  
Episcopi.

**Libro 10. Comment. in Luc. cap. 24. ante finem.**

**M**IRUM, quo modo se natúra corpórea per impenetrábile corpus infúderit invisibili áditu, visibili conspéctu : tangi fácilis, difficilis æstimári. Dénique conturbáti discipuli æstimábant se spíritum vidére. Et ideo Dóminus, ut spéciem nobis resurrectionis ostēderet, Palpáte, inquit, et vidéte, quia spíritus carnem et ossa non habet, sicut me vidétis habére. Non ergo per incorpóream natúram, sed per resurrectionis qualitátem, impérvia usu cláusa penetrávit. Nam quod tángitur, corpus est : quod palpátur, corpus est.

**R.** Virtúte magna reddébant Apóstoli, \* Testimónium resurrectionis Jesu Christi Dómini nostri, allelúia, allelúia. **V.** Repléti quidem Spíritu sancto loquebāntur cum fidúcia verbum Dei. Testimónium.

**Bened.** Divínium auxilium.

**Lectio ij.**

**I**N corpore autem resurgemus. Seminátur enim cor-



pus animále, surgit corpus spiritále : sed illud subtilius, hoc crassius, útpote adhuc terrénæ labis qualitate concrétum. Nam quomodo non corpus, in quo manébant insígnia vúlnerum, vestigia cicatricum, quæ Dóminus palpánda óbtulit? In quo non solum fidem firmat, sed étiam devotiõnem ácuit, quod vúlnera suscepta pro nobis cælo inférre máluit, abolére nóluit; ut Deo Patri nostræ prætia libertátis osténderet. Talem sibi Pater ad dexteram locat, trophæum nostræ salutis ampléctens : tales illic Mártyres nobis cicatricissuæ coróna monstrávit.

**R.** De ore prudéntis procédit mel, allelúia : dulcédo mellis est sub lingua ejus, allelúia : \* Favus distillans lábia ejus, allelúia, allelúia. **V.** Sapiéntia requiescit in corde ejus, et prudéntia in sermóne oris illius. Favus. Glória Patri. Favus.

**Bened.** Ad societátem.

**Lectio iij.**

**E**T quóniam sermo huc noster evásit, considerémus qua grátia secúndum Joánnem crediderint Apóstoli, qui gavisi sunt; secúndum Lucam quasi incréduli redarguántur : ibi Spíritum sanctum accéperint, hic sedere in civitate jubeántur, quoadúsque induántur virtute ex alto. Et vidétur mihi ille quasi Apóstolus majóra

et altióra tetigisse, hic sequéntia et humánis próxima : hic histórico usus circúitu, ille compéndio : quia et de illo dubitári non potest, qui testimónium pérhibet de iis, quibus ipse intérfuit, et verum est testimónium ejus : et ab hoc quoque, qui Evangelista esse méruit, vel negligentiae, vel mendácii suspicióne æquum est propulsári. Et ídeo verum putámus utrúmque, non sententiárum varietáte, nec personárum diversitate distinctum. Nam etsi primo Lucas eos non credidisse dicat, póstea tamen credidisse demónstrat : et si prima considerémus, contrária sunt : si sequéntia, certum est convenire.

Te Deum laudámus. 17.

**Ad Bened. Ant.** Stetit Jesus in médio discipulórum suórum, et dixit eis : Pax vobis, allelúia, allelúia.

**Oratio.**

**D**EUS, qui Ecclésiám tuam novo semper fœtu multiplicas : concéde fámulis tuis; ut sacraméntum vivendo téneant, quod fide percepérunt. Per Dóminum.

**Ad Magnif. Ant.** Vidéte manus meas et pedes meos, quia ego ipse sum, allelúia, allelúia.

FERIA QUARTA

**V.** Gavisi sunt discipuli, allelúia. **R.** Viso Dómino, allelúia.

Pater noster.

**Absol.** A vinculis.

**Bened.** Evangélica léctio.  
Léctio sancti Evangélii secundum Joánnem.

**Lectio j. Cap. 21.**

**I**N illo témpore : Manifestávit se iterum Jesus discipulis ad mare Tiberiadis. Manifestávit áutem sic : Erant simul Simon Petrus, et Thomas, qui dicitur Didymus. Et réliqua.

Homilia sancti Gregórii  
Papæ.

**Homil. 24. in Evang.**

**L**ÉCTIO sancti Evangélii, quæ modo in áuribus vestris lecta est, fratres mei, quæstiône ánimu pulsata, sed pulsatiône sua vim discretiônis indicat. Quæri etenim potest, cur Petrus, qui piscator ante conversiônem fuit, post conversiônem ad piscatiônem rédiit : et cum Véritas dicat : Nemo mittens manum suam ad arátrum, et adspiciens retro, aptus est regno Dei : cur repétiit quod dereliquit? Sed si virtus discretiônis inspíctur, citius vidétur : quia nimirum négotium, quod ante conversiônem sine peccato éxstitit, hoc étiam post conversiônem repétere culpa non fuit.

**℟.** Ecce vicit leo de tribu Juda, radix David, aperire librum, et sólvare septem signácula ejus : \* Allelúia, allelúia, allelúia. **℣.** Dignus est Agnus, qui occisus est, accipere virtútem, et divini-

tátem, et sapiéntiam, et fortitúdinem, et honórem, et glóriam, et benedictiônem. Allelúia, allelúia, allelúia.

**Bened.** Divinum auxilium.

**Lectio ij.**

**N**AM piscatórem Petrum, Matthæum vero teloneáriu scimus : et post conversiônem suam ad piscatiônem Petrus rédiit, Matthæus vero ad telonei négotium non resédit : quia áliud est, victum per piscatiônem quærere, áliud áutem telonei lucris pecúnias augére. Sunt enim pléraque négotia, quæ sine peccátis exhibéri aut vix, aut nullátenu possunt. Quæ ergo ad peccátum implicant, ad hæc necesse est, ut post conversiônem ánimus non recúrret.

**℟.** Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. **℣.** Sicut diléxit me Pater, et ego diléxi vos. Qui manet. Glória Patri. Qui manet.

**Bened.** Ad societátem.

**Lectio iij.**

**Q**UÆRI étiam potest, cur discipulis in mari laborántibus, post resurrectiônem suam Dóminus in littore stetit, qui ante resurrectiônem suam coram discipulis in flúctibus maris ambulávit. Cujus rei rátió festine cognóscitur, si ipsa, quæ tunc inerat, cáusa pensétur. Quid enim mare, nisi præ-



sens sæculum signat, quod se cásuum tumultibus, et undis vitæ corruptibilis illidit? Quid per soliditatem lititoris, nisi illa perpetuitas quiétis æternæ figuratur? Quia ergo discipuli adhuc fluctibus mortális vitæ inerant, in mari laborabant. Quia autem Redemptor noster jam corruptionem carnis excésserat, post resurrectionem suam in littore stabat.

Te Deum laudamus. 17.

**Ad Bened. Ant.** Mittite in dexteram \* navigii rete, et inveniétis, allelúia.

**Oratio.**

**D**EUS, qui nos resurrectionis Dominicæ annua solemnitate lætificas: concède propitius; ut per temporália festa quæ ágimus, pervenire ad gáudia æterna mereámur. Per eúmdem Dóminum nostrum.

**Ad Magnif. Ant.** Dixit Jesus \* discipulis suis: Afférte de piscibus, quos prendidistis nunc. Ascéndit autem Simon Petrus, et traxit rete in terram plenum magnis piscibus, allelúia.

## FERIA QUINTA

✠. Surréxit Dóminus de sepúlcro, allelúia. **R.** Qui pro nobis pepéndit in ligno, allelúia.

Pater noster.

**Absol.** Exáudi Dómine.

**Bened.** Evangélica léctio.

Léctio sancti Evangélii secundum Joánnem.

**Lectio j. Cap. 20. c**

**I**N illo témpore: María stabat ad monuméntum foris, plorans. Dum ergo flet, inclinávit se, et prospéxit in monuméntum: et vidit duos Angelos in albis sedéntes. Et réliqua.

Homilia sancti Gregórii Papæ.

**Homil. 25. in Evang.**

**M**ARÍA Magdaléne, quæ fúerat in civitate peccatrix, amándo veritatem, lavit lácrymis máculas criminis: et vox Veritátis implétur, qua dicitur: Dimissa sunt ei peccáta multa, quia diléxit multum. Quæ enim prius frigida peccándo remánserat, póstmodum amándo fórtiter ardébat. Nam postquam venit ad monuméntum, ibique corpus Dóminicum non invénit, sublátum crédidit, atque discipulis nuntiávit: qui veniéntes vidérunt, atque ita esse, ut múlter dixerat, credidérunt. Et de eis prótinus scriptum est: Abiérunt ergo discipuli ad semetipsos: ac deínde subjúngitur: María autem stabat ad monuméntum foris plorans.

**R.** Tulérunt Dóminum meum, et nescio ubi posuérunt eum. Dicunt ei Angeli: Múlter, quid ploras? surréxit sicut dixit: \* Præcédet vos in Galilæam: ibi eum videbitis, allelúia, allelúia. ✠.

Cum ergo fleret, inclinavit se, et prospexit in monumentum : et vidit duos Angelos in albis, sedentes, qui dicunt ei. Præcedet.

**Benedictio.** Divinum auxilium.

**Lectio ij.**

**Q**UA in re pensandum est, hujus mulieris mentem quanta vis amoris accendebat, quæ a monumento Domini, etiam discipulis recedentibus, non recedebat. Exquirebat quem non invenerat : flebat inquirendo, et amoris sui igne succensa, ejus, quem ablatum credidit, ardebat desiderio. Unde contigit, ut eum sola tunc videret, quæ remanserat ut quæreretur : quia nimirum virtus boni operis, perseverantia est : et voce Veritatis dicitur : Qui autem perseveraverit usque in finem, hic salvus erit.

**R.** Congratulamini mihi omnes qui diligitis Dominum, quia quem querebam, apparuit mihi : \* Et dum flebam ad monumentum, vidi Dominum, allelûia, allelûia. **V.** Recedentibus discipulis, non recedebam, et amoris ejus igne succensa, ardebam desiderio. Et dum. Glória Patri. Et dum.

**Bened.** Ad societatem.

**Lectio iij.**

**M**ARÍA ergo cum fleret, inclinavit se, et prospexit in monumentum. Certe jam monumentum vacuum vide-

rat, jam sublatum Dominum nuntiaverat : quid est quod se iterum inclinat, iterum videre desiderat? Sed amanti semel adspexisse non sufficit : quia vis amoris intentionem multiplicat inquisitionis. Quæsiuit ergo prius, et minime invenit : perseveravit ut quæreretur ; unde et contigit, ut inveniret : actumque est, ut desideria dilata crescerent, et crescencia caperent quod invenissent.

Te Deum laudamus. 17.

**Ad Bened. Ant.** María stabat \* ad monumentum plorans, et vidit duos Angelos in albis, sedentes, et sudarium quod fuerat super caput Jesu, allelûia.

**Oratio.**

**D**EUS, qui diversitatem gentium in confessione tui nominis adunasti : da, ut renatis fonte baptismatis una sit fides mentium, et pietas actionum. Per Dominum.

**Ad Magnif. Ant.** Tulerunt Dominum meum, \* et nescio ubi posuerunt eum : si tu sustulisti eum, dicito mihi, allelûia : et ego eum tollam, allelûia.

**FERIA SEXTA**

**V.** Surrexit Dominus vere, allelûia. **R.** Et apparuit Simóni, allelûia.

Pater noster.

**Absol.** Ipsius pietas.

**Bened.** Evangelica lectio.



Lectio sancti Evangelii secundum Matthæum.

Lectio j. Cap. 28. d

**I**N illo tempore : Undecim discipuli abiérunt in Galilæam in montem, ubi constitúerat illis Jesus. Et reliqua.

Homilia sancti Hierónymi Presbyteri.

Lib. 4. Comment. in Matthæum, in fine.

**P**OST resurrectionem Jesus in monte Galilææ conspicitur, ibique adoratur : licet quidam dubitent, et dubitatio eorum nostram augeat fidem. Tunc manifestius osténditur Thomæ, et latus lancea vulneratum, et manus fixas demonstrat clavis. Accédens Jesus locutus est eis, dicens : Data est mihi omnis potestas in cælo et in terra. Illi potestas data est, qui paulo ante crucifixus, qui sepúltus in túmulo, qui mortuus jacuerat, qui póstea resurrexit. In cælo áutem et in terra potestas data est : ut qui ante regnabat in cælo, per fidem credéntium regnet et in terris.

**R.** Surgens Jesus Dóminus noster, stans in médio discipulórum suórum, dixit : \* Pax vobis, allelúia : gavisi sunt discipuli viso Dómino, allelúia. **V.** Una ergo sabbatorum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. Pax.

Bened. Divinum auxilium.

Lectio ij.

**E**ÚNTES áutem docéte omnes gentes, baptizántes eos in nómine Patris, et Filii, et Spíritus sancti. Primum docent omnes gentes, deinde doctas intingunt aqua. Non enim potest fieri, ut corpus baptismi recipiat sacraméntum, nisi ante ánima fidei suscepérit veritatem. Baptizántur áutem in nómine Patris, et Filii, et Spíritus sancti : ut quorum una est divinitas, una sit largitio : noménque Trinitátis, unus Deus est.

**R.** Expurgáte vetus fermentum, ut sitis nova conspersio : étenim Pascha nostrum immolátus est Christus : \* Itaque epulémur in Dómino, allelúia. **V.** Mórtuus est propter delicta nostra, et resurrexit propter justificationem nostram. Itaque. Glória Patri. Itaque.

Bened. Ad societátem.

Lectio iij.

**D**OCÉNTES eos serváre Dómnia, quæcúmque mandávi vobis. Ordo præcipuus. Jussit Apóstolis, ut primum docérent univérsas gentes, deinde fidei intingerent sacraménto : et post fidem ac baptismum, quæ essent observánda præcíperent. Ac ne putémus lévia esse, quæ iussa sunt, et páuca, addidit : Omnia quæcúmque mandávi vobis : ut quicúmque crediderint, qui in

Trinitate fuerint baptizati, omnia faciant, quae praecpta sunt. Et ecce ego vobiscum sum usque ad consummationem saeculi. Qui usque ad consummationem saeculi cum discipulis se futurum esse promittit, et illos ostendit semper esse victuros, et se numquam a credentibus recessurum.

Te Deum laudamus. 17.

**Ad Bened. Ant.** Undecim discipuli \* in Galilaea videntes Dominum adoraverunt, alleluia.

**Oratio.**

**O**MNIPOTENS sempiternus Deus, qui paschale sacramentum in reconciliationis humanae foedere contulisti: da mentibus nostris; ut quod professione celebramus, imitemur effectu. Per Dominum.

**Ad Magnif. Ant.** Data est mihi \* omnis potestas in caelo et in terra, alleluia.

## SABBATO IN ALBIS

**V.** Gavisi sunt discipuli, alleluia. **R.** Viso Domino, alleluia.

Pater noster.

**Absol.** A vinculis.

**Bened.** Evangelica lectio. Lectio sancti Evangelii secundum Joannem.

**Lectio j.** Cap. 20.

**I**n illo tempore: Una sabbati Maria Magdalene venit mane, cum adhuc tenebrae essent, ad monumentum. Et reliqua.

Homilia sancti Gregorii Papae.

**Homil. 22. in Evang.**

**L**ECTIO sancti Evangelii, quam modo fratres audistis, valde in superficie historica est aperta: sed ejus nobis sunt mysteria sub brevitate requirenda. Maria Magdalene, cum adhuc tenebrae essent, venit ad monumentum. Juxta historiam notatur hora: juxta intellectum vero mysticum, requirentis signatur intelligentia. Maria etenim auctorem omnium, quem in carne viderat mortuum, quaerebat in monumento: et quia hunc minime invenit, furatum credidit. Adhuc ergo erant tenebrae, cum venit ad monumentum. Cucurrit citius, discipulis nuntiavit: sed illi praeteris cucurrerunt, qui praeteris amaverunt, videlicet Petrus et Joannes.

**R.** Christus resurgens ex mortuis, jam non moritur, mors illi ultra non dominabitur: quod enim mortuus est peccato, mortuus est semel: \* Quod autem vivit, vivit Deo, alleluia, alleluia. **V.** Mortuus est semel propter delicta nostra, et resurrexit propter justificationem nostram. Quod.

**Bened.** Divinum auxilium.

**Lectio ij.**

**C**URREBANT autem duo simul: sed Joannes praecucurrit citius Petro. Venit prior ad monumentum, et



ingredi non præsumpsit. Venit ergo postérieur Petrus, et intrávit. Quid fratres, quid cursus significat? Numquid hæc tam subtilis Evangelistæ descriptio a mystériis vacáre credénda est? Minime. Neque enim se Joánnes et præisse, et non intrásse diceret, si in ipsa sui trepidatione mystérium defuisse credidisset. Quid ergo per Joánnem, nisi synagóga: quid per Petrum, nisi Ecclesiá designátur?

℟. Isti sunt agni novelli, qui annuntiavérunt, allelúia: modo venérunt ad fontes, \* Repléti sunt claritáte, allelúia, allelúia. V. In conspéctu Agni amícti sunt stolis albis, et palmæ in mánibus eórum. Repléti. Glória Patri. Repléti.

Bened. Ad societátem.

Lectio iij.

**N**EC mirum esse videátur, quod per juniórem synagóga, per seniórem vero Ecclesiá signári perhibétur: quia etsi ad Dei cultum prior est synagóga, quam Ecclesiá gentium, ad usum tamen sæculi prior est multitúdo gentium, quam synagóga, Páulo attestánte, qui ait: Quia non prius quod spiritalé est, sed quod animále. Per seniórem ergo Petrum significátur Ecclesiá gentium: per juniórem vero Joánnem synagóga Judæórum. Currunt ambo simul: quia ab ortus sui témpore

usque ad occásum, pari et commúni via, etsi non pari et commúni sensu, gentilitas cum synagóga cucúrrit. Venit synagóga prior ad monuméntum, sed minime intrávit: quia legis quidem mandáta percépit, prophetias de incarnatione ac passioné Dominica audívit, sed crédere in mórtuum nóluit.

Te Deum laudámus. 17.

Ad Bened. Ant. Currébant\* duo simul, et ille álius discipulus præcucúrrit citius Petro, et venit prior ad monuméntum, allelúia.

Oratio.

**C**ONCÉDE, quæsumus omnipotens Deus: ut qui festa paschália venerádo égimus, per hæc contingere ad gáudia ætérna mereámur. Per.

AD VESPERAS

Officium fit duplex.

Ant. Allelúia, allelúia, allelúia.

Ps. Benedictus Dóminus Deus meus. cum reliquis de Psalterio. 142.

Capitulum. I. Joann. 5.

**C**ARÍSSIMI: Omne, quod natum est ex Deo, vincit mundum: et hæc est victória, quæ vincit mundum, fides nostra.

Hymnus.

**A**D régias Agni dapes, Stolis amícti cándidis Post tránsitum maris Rubri Christo canámus Principi.

Divína cujus caritas Sacrum propínat sánguinem,

Almíque membra córporis  
Amor sacérdos ímmolat.

Sparsum cruórem pósti-  
bus

Vastátor horret Angelus :

Fugítque divisum mare :

Mergúntur hostes flúctibus.

Jam Pascha nostrum Chri-  
stus est,

Paschális idem victima,

Et pura puris méntibus

Sinceritátis ázyma.

O vera cæli victima,

Subjécta cui sunt tártara,

Solúta mortis víncula,

Recépta vitæ præmia.

Victor subáctis inferis

Trophæa Christus éxplicat,

Cælóque apérto, súbditum

Regem tenebrárum trahit.

Ut sis perénne méntibus

Paschále Jesu gáudium,

A morte dira críminum

Vitæ renátos libera.

Deo Patri sit glória,

Et Filio, qui a mórtuis

Surréxit, ac Paráclito,

In sempitérna sæcula. Amen.

Sic terminantur omnes

Hymni ejusdem metri usque

ad Ascensionem, præter-

quam in Officio B. Mariæ, et

in Hymno sanctæ Crucis ad

Vesp.

V. Mane nobiscum Dómi-

ne, allelúia. R. Quóniam ad-

vesperáscit, allelúia.

Ad Magnif. Ant. Cum es-

set sero die illa una sabba-

tórum, et fores essent cláu-

sæ, ubi erant discipuli con-

gregátí in unum, stetit Jesus

in médio, et dixit eis : Pax

vobis, allelúia.

### Oratio.

**P**RÆSTA, quæsumus omni-  
potens Deus : ut qui pa-  
schália festa perégimus, hæc,  
te largiēte, móribus et vita  
teneámus. Per Dóminum.

V. Benedicámus Dómino.  
deinceps dicit. sine Allelúia.

Completorium dicitur ut  
in Psalt. omissis Precibus :  
et loco Ant. Miserére. dici-  
tur Ant. Allelúia, allelúia,  
allelúia. Et in fine Ant. Salva  
nos. additur Allelúia.

Sic dicitur usque ad Domi-  
nicam Trinitatis exclusive :  
et quando non est Duplex,  
nec infra Octavam, dicuntur  
Preces ut in Psalterio. 28.

Ad R. br. et V. per  
omnes Horas, jungitur Al-  
lelúia, usque ad Sabbatum  
post Pentecosten; præter-  
quam in V. ad Preces Primæ  
et Completorii, quando di-  
cuntur. Et quodcumque  
Allelúia jungitur R. brevi,  
duplicatur : sed in Versicu-  
lis dicitur semel.

## DOMINICA IN ALBIS

IN OCTAVA PASCHÆ

Duplex.

AD MATUTINUM

Invitat. Surréxit Dóminus  
vere, \* Allelúia.

Ps. Venite, exsultémus. 2.

Hymnus Rex sempitérne  
cælitum. ut in Psalt. 3.

IN I. NOCTURNO

Ant. Allelúia, Lapis revo-  
lútus est, allelúia : ab óstio  
monuménti, allelúia, alle-  
lúia.



Pss. de Dominica, ut in Psalt. 4. qui dicuntur in quolibet Nocturno sub una Antiphona.

**V.** Surréxit Dóminus de sepúlcro, allelúia. **R.** Qui pro nobis pepéndit in ligno, allelúia.

De Epístola beáti Páuli Apóstoli ad Colossénses.

**Lectio j. Cap. 3.**

**S**i consurrexistis cum Christo : quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cum Christus apparuerit, vita vestra : tunc et vos apparébitis cum ipso in glória. Mortificáte ergo membra vestra, quæ sunt super terram : fornicatióem, imunditiam, libidinem, concupiscéntiam malam, et avaritiam, quæ est simulacrorum sérvitus : propter quæ venit ira Dei super filios incredulitátis : in quibus et vos ambulástis aliquándo, cum viverétis in illis.

**R.** Angelus Dómini descendit de cælo, et accédens revolvit lápidem, et super eum sedit, et dixit muliéribus : \* Nolite timére : scio enim quia crucifixum quæritis : jam surréxit : veníte, et vidéte locum, ubi pósitus erat Dóminus, allelúia. **V.** Et introeúntes in monuméntum,

vidérunt júvenem sedéntem in dextris, coopértum stola cándida, et obstupuérunt : qui dixit illis. Nolite timére.

**Lectio ij.**

**N**unc áutem depónite et vos ómnia : iram, indignatióem, malitiam, blasphemiam, turpem sermónem de ore vestro. Nolite mentiri invicem, exspoliántes vos véterem hóminem cum áctibus suis, et induéntes novum eum, qui renováitur in agnitióem secúndum imáginem ejus, qui creávit illum. Ubi non est gentilis, et Judæus, circumcisio, et præpútium, Bárbarus, et Scythia, servus, et liber : sed ómnia, et in ómnibus Christus. Indúite vos ergo sicut elécti Dei, sancti, et dilécti, viscera misericórdiæ, benignitátem, humilitátem, modestiam, patiéntiam : supportántes invicem, et donántes vobismetipsis, si quis advérsus áliquem habet querélam : sicut et Dóminus donávit vobis, ita et vos.

**R.** Angelus Dómini locútus est muliéribus, dicens : Quem quæritis? an Jesum quæritis? jam surréxit : \* Veníte, et vidéte, allelúia, allelúia. **V.** Jesum quæritis Nazarénium crucifixum? surréxit, non est hic. Veníte, et vidéte.

**Lectio iij.**

**S**uper ómnia áutem hæc, caritátem habéte, quod est vínculum perfectiónis : et

pax Christi exsúttet in córdibus vestris, in qua et vocáti estis in uno córpore : et grati estóte. Verbum Christi hábitet in vobis abundánte, in omni sapiéntia, docéntes, et commonéntes vosmetípsos, psalmis, hymnis, et cánticis spirituálibus, in grátia cantántes in córdibus vestris Deo. Omne, quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo et Patri per ipsum.

**R.** Cum transisset sábbatum, María Magdaléne, et María Jacóbi, et Salóme emérunt arómata, \* Ut veniéntes úngerent Jesum, allelúia, allelúia. **V.** Et valde mane una sabbatórum véniunt ad monuméntum, orto jam sole. Ut. Glória Patri. Ut.

#### IN II. NOCTURNO

**Ant.** Allelúia, Quem quæris múlter? allelúia : vivéntem cum mórtuis? allelúia, allelúia.

**Pss.** ut in Psalt. 11.

**V.** Surréxit Dóminus vere, allelúia. **R.** Et apparuit Simóni, allelúia.

Sermo sancti Augustini  
Episcopi.

**Sermo 1. in Octava Paschæ,  
qui est 157. de Tempore.**

#### Lectio iv.

**P**ASCHÁLIS solémnitas hodiérna festivitáte concluditur, et ideo hódie Neophytórum hábitus commutátur :

ita tamen, ut candor, qui de hábitu depónitur, semper in corde teneátur. In qua quidem primum nobis agéndum est, ut quia pascháles dies sunt, id est, indulgéntiæ ac remissiónis, ita a nobis sanctórum diérum festivitas agátur, ut relaxatióne córporum púritas non obfuscétur : sed pótius abstinéntes ab omni luxu, ebrietáte, lascivia, demus óperam sóbriæ remissióni, ac sanctæ sinceritáti : ut quidquid modo corporáli abstinéntia non acquirimus, méntium puritáte quæramus.

**R.** María Magdaléne, et áltera María ibant dilúculo ad monuméntum. \* Jesum quem quæritis, non est hic, surréxit sicut locútus est, præcédet vos in Galilæam, ibi eum vidébitis, allelúia, allelúia. **V.** Et valde mane una sabbatórum véniunt ad monuméntum, orto jam sole : et introeúntes vidérunt júvenem sedéntem in dextris, qui dixit illis. Jesum quem.

#### Lectio v.

**A**D omnes quidem pertinet sermo, quos cura nostra compléctitur : verúmtamen hódie termináta sacramentórum solemnitáte, vos alóquimur novélla gérmina sanctitátis, regeneráta ex aqua et Spíritu sancto : germen pium, exámen novélum, flos nostri honóris, et fructus labóris, gáudium et



coróna mea, omnes qui státis in Dómino. Apostólicis verbis vos álloquor : Ecce nox præcéssit, dies áutem appropinquávit : abjicite ópera tenebrárum, et indúite vos arma lucis. Sicut in die honéste ambulémus : non in comessatióibus et ebrietátibus, non in cubilibus et impudiciis, non in contentiône et æmulatiône : sed induímini Dóminum Jesum Christum.

**R.** Surréxit pastor bonus, qui ánimam suam pósuit pro óvibus suis, et pro grege suo mori dignátus est : \* Allelúia, allelúia, allelúia. **V.** Etenim Pascha nostrum immolátus est Christus. Allelúia.

### Lectio vj.

**H**ABÉMUS, inquit, certiónem : cui bene fácitis intendentes, tamquam lucérnæ in obscúro loco, donec dies lucéscat, et lúcifer oriátur in córdibus vestris. Sintergo lumbi vestri accíncti, et lucérnæ ardéntes in mánibus vestris : et vos similes hominibus exspectántibus dóminum suum, quando revertátur a núptiis. Ecce dies advéniunt, in quibus Dóminus dicit : Pusillum, inquit, et non vidébitis me : et iterum pusillum, et vidébitis me. Hæc est hora, de qua dixit : Vos tristes éritis, sæculum áutem gaudébit : id est, vita ista tentatióibus

plena, in qua peregrinámur ab eo. Sed iterum, inquit, vidébo vos, et gaudébit cor vestrum, et gáudium vestrum nemo tollet a vobis.

**R.** Virtúte magna reddébant Apóstoli, \* Testimónium resurrectionis Jesu Christi Dómini nostri, allelúia, allelúia. **V.** Repléti quidem Spíritu sancto loquebántur cum fidúcia verbum Dei. Testimónium. Glória Patri. Testimónium.

### IN III. NOCTURNO

**Ant.** Allelúia, Noli flere, María, allelúia : resurréxit Dóminus, allelúia, allelúia.

**Pss. ut in Psalt. 15.**

**V.** Gavisi sunt discipuli, allelúia. **R.** Viso Dómino, allelúia.

Léctio sancti Evangélíi secúndum Joánnem.

### Lectio vij. Cap. 20. e

**I**N illo témpore : Cum sero I esset die illo, una sabbatórum, et fores essent cláusæ, ubi erant discipuli congregáti propter metum Judæórum : venit Jesus, et stetit in médio, et dixit eis : Pax vobis. Et réliqua.

Homilía sancti Gregórii Papæ.

### Homil. 26. in Evang.

**P**RIMA lectionis hujus evangélicæ quæstio ánimumpulsat : quómodo post resurrectionem corpus Dóminicum verum fuit, quod cláusis jánuis ad discipulos ingredi pótuit? Sed sciéndum nobis est, quod divína

operatio, si ratione comprehenditur, non est admirabilis : nec fides habet meritum, cui humana ratio præbet experimentum. Sed hæc ipsa nostri Redemptoris opera, quæ ex semet ipsis comprehendere nequaquam possunt, ex alia ejus operatione pensanda sunt : ut rebus mirabilibus fidem præbeant facta mirabiliora. Illud enim corpus Domini intravit ad discipulos januis clausis, quod videlicet ad humanos oculos per natiuitatem suam clauso exiuit útero Virginis. Quid ergo mirum, si clausis januis post resurrectionem suam in æternum jam victurus intravit, qui moriturus veniens, non aperto útero Virginis exiuit?

**R.** De ore prudentis procedit mel, allelúia : dulcedo mellis est sub lingua ejus, allelúia : \* Favus distillans labia ejus, allelúia, allelúia.

**V.** Sapientia requiescit in corde ejus, et prudentia in sermone oris illius. Favus.

#### Lectio viij.

**S**ED quia ad illud corpus, quod vidéri póterat, fides intuéntium dubitabat : ostendit eis pròtinus manus et latus : palpandam carnem præbuit, quam clausis januis introduxit. Qua in re duo mira, et juxta humanam rationem sibi valde contraria ostendit : dum post resurrectionem suam corpus suum in-

corruptibile, et tamen palpabile demonstravit. Nam et corrumpi necesse est quod palpatur : et palpári non potest quod non corrumpitur. Sed miro modo atque inestimabili Redemptor noster et incorruptibile post resurrectionem, et palpabile corpus exhibuit : ut monstrando incorruptibile, invitaret ad præmium : et præbendo palpabile, firmaret ad fidem. Et incorruptibilem se ergo, et palpabilem demonstravit : ut profecto esse post resurrectionem ostenderet corpus suum et ejusdem naturæ, et altèrius glóriæ.

**R.** Surgens Jesus Dominus noster, stans in medio discipulorum suorum, dixit : \* Pax vobis, allelúia : gavisi sunt discipuli viso Domino, allelúia. **V.** Una ergo sabbatorum, cum fores essent clausæ, ubi erant discipuli congregati, venit Jesus, et stetit in medio eorum, et dixit eis. Pax vobis. Glória Patri. Pax vobis.

#### Lectio ix.

**D**IXIT eis : Pax vobis. Sicut misit me Pater, et ego mitto vos : id est, sicut misit me Pater Deus Deum, et ego mitto vos homo homines. Pater Filium misit, qui hunc pro redemptione generis humani incarnári constituit. Quem videlicet in mundum venire ad passionem voluit : sed tamen amavit Filium, quem ad passionem misit.



Eléctos vero Apóstolos Dóminus non ad mundi gáudia, sed sicut ipse missus est, ad passiões in mundum mittit. Quia ergo et Fílius amátur a Patre, et tamen ad passiõnem mittitur : ita et discipuli a Dómino amántur, qui tamen ad passiõnem mittuntur in mundum. Itaque recte dicitur : Sicut misit me Pater, et ego mitto vos : id est, ea vos caritáte diligo, cum inter scándala persecutórum mitto, qua me caritáte Pater diligit, quem venire ad tolerándas passiões fecit.

Te Deum laudámus. 17.

AD LAUDES

**Ant.** Allelúia, allelúia, allelúia, allelúia, allelúia, allelúia, allelúia, allelúia, allelúia.

**Pss.** Dóminus regnávít. Jubiláte Deo. Deus Deus meus. 18.

**Ant.** Surréxit Christus de sepúlcro, qui liberávit tres púeros de camíno ignis ardéntis, allelúia.

**Cant.** Benedicite. 19.

**Ant.** Allelúia, allelúia, allelúia.

**Ps.** Laudáte Dóminum de cælis. 20.

**Capitulum.** I. Joann. 5.

**CARÍSSIMI :** Omne, quod natum est ex Deo, vincit mundum : et hæc est victória, quæ vincit mundum, fides nostra.

**Hymn.** Auróra cælum. 22.

**V.** In resurrectione tua

Christe, allelúia. **R.** Cæli et terra læténtur, allelúia.

**Ad Bened. Ant.** Cum esset sero die illa una sabbatórum, et fores essent cláusæ, ubi erant discipuli congregáti in unum, stetit Jesus in médio, et dixit eis : Pax vobis, allelúia.

**Oratio.**

**P**RÆSTA, quæsumus omnipotens Deus : ut qui paschália festa perégimus, hæc, te largiēte, móribus et vita teneámus. Per Dóminum.

AD PRIMAM

**Hymnus** Jam lucis. 23.

**Ant.** Allelúia, allelúia, allelúia, allelúia.

**Pss.** Deus in nómine tuo. 23. Beáti immaculáti. **et** Retribue. 25. Quicúmque. 26.

**Prædicti Psalmi dicuntur Dominicis diebus usque ad Ascensionem.**

**Capitulum** Regi sæculórum. 28.

**R. br.** Christe Fili Dei vivi, miserére nobis, Allelúia, allelúia. Christe. **V.** Qui surrexisti a mórtuis. Allelúia, allelúia. Glória Patri. Christe.

**V.** Exsúrge Christe, ádjuva nos, allelúia. **R.** Et libera nos propter nomen tuum, allelúia.

Et sic dicitur **R. br.** usque ad Ascensionem.

Et quando non est Duplex, aut infra Octavas, dicuntur Preces de Dominica ut in Psalterio. 28.

Ad Absolutionem Capituli

**Lectio brevis** Si consurrexistis cum Christo. **ut in Psalterio.** 30.

AD TERTIAM

**Ant.** Allelúia, allelúia, allelúia, allelúia.

**Quæ Ant. dicitur ad alias Horas.**

**Capit.** Carissimi : Omne quod. **ut supra.** 305.

**℟. br.** Surréxit Dóminus de sepúlculo, \* Allelúia, allelúia. Surréxit. **℣.** Qui pro nobis pepéndit in ligno. Allelúia, allelúia. Glória Patri. Surréxit.

**℣.** Surréxit Dóminus vere, allelúia. **℟.** Et appáruit Simóni, allelúia.

AD SEXTAM

**Capitulum.** I. Joann. 5.

**Q**UIS est áutem qui vincit mundum, nisi qui credit quóniam Jesus est Filius Dei? hic est, qui venit per aquam et sánguinem, Jesus Christus : non in aqua solum, sed in aqua et ságuine.

**℟. br.** Surréxit Dóminus vere, \* Allelúia, allelúia. Surréxit. **℣.** Et appáruit Simóni. Allelúia, allelúia. Glória Patri. Surréxit.

**℣.** Gavísi sunt discipuli, allelúia. **℟.** Viso Dómino, allelúia.

AD NONAM

**Capitulum.** I. Joann. 5. b

**S**I testimónium hóminum accípinus, testimónium Dei majus est : quóniam hoc est testimónium Dei, quod majus est, quóniam testi-

cátus est de Filio suo. Qui credit in Filium Dei, habet testimónium Dei in se.

**℟. br.** Gavísi sunt discipuli, \* Allelúia, allelúia. Gavísi. **℣.** Viso Dómino. Allelúia, allelúia. Glória Patri. Gavísi.

**℣.** Mane nobiscum Dómine, allelúia. **℟.** Quóniam advesperáscit, allelúia.

AD VESPERAS

**Ant.** Allelúia, allelúia, allelúia.

**Pss. de Dom. 126,** qui sub una tantum **Ant. dicuntur.**

**Capit.** Carissimi : Omne quod. **Hymn.** Ad régias. **℣.** Mane nobiscum. **ut supra in Vesp. Sabbati.** 299.

**Ad Magnif. Ant.** Post dies octo jánuis cláusis ingræssus Dóminus dixit eis : Pax vobis, allelúia, allelúia.

**Hymni, ℣℣. et ℟℟. br. hujus Dom. dicuntur usque ad Ascensionem, etiam in feriali Officio.**

## FERIA SECUNDA

**Invit.** Allelúia, allelúia, \* Allelúia.

**Ps.** Veníte, exsultémus. 2.

**Hymn.** Rex sempitérne. 3.

**Psalmi feriales dicuntur sub una Ant. Allelúia. et ℣. de Psalt. usque ad Ascensionem.**

**Incipit liber Actuum Apostolorum.**

**Lectio j. Cap. 1.**

**P**IMUM quidem sermónem feci de ómnibus o Theóphile, quæ cœpit Jesus fá-



cere, et docere usque in diem, qua præcipiens Apóstolis per Spíritum sanctum, quos elégit, assúptus est : quibus et præbuit seípsum vivum post passióem suam in multis arguméntis, per dies quadraginta appárens eis, et loquens de regno Dei. Et convéscens, præcépit eis ab Jerosólymis ne discéderent, sed exspectárent promissionem Patris, quam audistis (inquit) per os meum : quia Joánnēs quidem baptizávit aqua, vos áutem baptizabimini Spíritu sancto non post multos hos dies. Igitur qui convénerant, interrogábant eum, dicéntes : Dómine si in témpore hoc restitues regnum Israël? Dixit áutem eis : Non est vestrum nosse témpora vel moménta, quæ Pater pósuit in sua potestáte : sed accipiétis virtútem superveniéntis Spíritus sancti in vos, et éritis mihi testes in Jerúsalem, et in omni Judæa, et Samaria, et usque ad últimum terræ.

℞. Virtúte magna. 292.

**Lectio ij.**

**E**T cum hæc dixisset, vidéntibus illis, elevátus est : et nubes suscepit eum ab óculis eórum. Cumque intueréntur in cælum eúntem illum, ecce duo viri adstitérunt juxta illos in vestibus albis, qui et dixerunt : Viri Galilæi quid statis aspiciéntes in cælum? Hic

Jesus qui assúptus est a vobis in cælum, sic véniet, quemádmodum vidístis eum eúntem in cælum. Tunc reversi sunt Jerosólymam a monte, qui vocátur Olivéti, qui est juxta Jerúsalem, sábbati habens iter. Et cum introissent in cœnáculum, ascenderunt ubi manébant Petrus et Joánnēs, Jacóbus et Andréas, Philippus et Thomas, Bartholomæus et Matthæus, Jacóbus Alphæi et Simon Zelótes, et Judas Jacóbi. Hi omnes erant perseverántes unánimiter in oratione cum muliéribus, et María matre Jesu, et fratribus ejus.

℞. De ore prudentis. 293.

**Lectio iij.**

**I**N diébus illis exsurgens Petrus in médio fratrum, dixit (erat áutem turba hóminum simul fere centum viginti) : Viri fratres, opórtet impléri Scriptúram, quam prædixit Spíritus sanctus per os David de Juda, qui fuit dux eórum, qui comprehenderunt Jesum : qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspénsus crepuit médius : et diffúsa sunt ómnia viscera ejus. Et notum factum est ómnibus habitántibus Jerúsalem, ita ut appellaretur ager ille, lingua eórum, Hacéldama, hoc est, ager ságuinis. Scriptum est

enim in libro Psalmórum : Fiat commoratio eórum deserta, et non sit qui inhabitet in ea : et episcopátum ejus accípiat alter. Opórtet ergo ex his viris, qui nobiscum sunt congregáti in omni témpore, quo intrávit et exívit inter nos Dóminus Jesus, incipiens a baptísmate Joán- nis usque in diem, qua as- súmptus est a nobis, testem resurrectionis ejus nobiscum fieri unum ex istis. Et statuérunt duos, Joseph, qui vocabátur Bársabas, qui cognominátus est Justus : et Mathíam. Et orántes dixerunt : Tu Dómine, qui corda nosti ómnium, osténde, quem elégeris ex his duóbus unum accipere locum ministérii hujus, et apostolátus, de quo prævaricátus est Judas, ut abíret in locum suum. Et dedérunt sortes eis, et cecidit sors super Mathíam, et annumerátus est cum úndecim Apóstolis.

*Hoc Temp. Pasch. non dicitur tertium R. in feriali Offic., sed Hymn. Te Deum laudámus. 17.*

#### AD LAUDES

*Ant. pro Temp. Pasch. et Pss. de Dom. 18.*

*Capit. Christus resúrgens. Hymnus Auróra cælum. V. In resurrectione. 22.*

*Ad Bened. Ant. Surgens Jesus \* mane prima sabbati, apparuit primo Mariæ Magdalénæ, de qua ejecerat septem dæmónia, allelúia.*

*Oratio Dom. præced.*

*Postea fit Commemoratio de Cruce : quæ Commemoratio quotidie fit in Laudibus et Vesperis usque ad Ascensionem, tam in Officio de Tempore, quam de Sanctis, nisi sit Duplex, aut infra Octavas. Aliæ Commemorationes de S. Maria, de S. Joseph, de Apostolis et de Pace, non dicuntur Tempore Paschali.*

#### COMMEMORATIO DE CRUCE

*In Laud. Ant. Crucifixus surréxit a mórtuis, et redémit nos, allelúia, allelúia.*

*V. Dicite in natió nibus, allelúia. R. Quia Dóminus regnáv it a ligno, allelúia.*

#### Oratio.

**D**EUS, qui pro nobis Fílium tuum crucis patibulum subire voluisti, ut inimici a nobis expélleres potestátem : concéde nobis fámulis tuis ; ut resurrectionis grátiam consequámur. Per eúmdem Dóminum.

*Ad Vesp. Ant. Crucem sanctam súbiit qui inférnum confrégit, accíntus est potentia, surréxit die tértia, allelúia.*

*V. et Oratio, ut supra.*

*In feriali Officio, Prima dicitur sicut in festis Simplicibus, toto Tempore Paschali.*

*Psalmi Horarum dicuntur cum quatuor Allelúia.*

*Ad alias Horas, Capit. et R. br. ut in Psalt., excepto*



**R.** br. ad Primam, quod dicitur ut heri.

AD VESPERAS

**Pss. Feriæ sub una Ant.**

Allelúia.

**Capit.** Christus resurgens. ut supra. 22.

**Hymnus** Ad régias Agni.

**V.** Mane nobiscum. 299.

**Ad Magnif. Ant.** Pax vobis, \* ego sum, allelúia : nolite timere, allelúia.

**Invitat., Capit. et R.** br. suprascripta, dic. in feriali Officio usque ad Ascensionem

### FERIA TERTIA

De Actibus Apostolorum.

**Lectio j. Cap. 2.**

**E**T cum complerentur dies Pentecostes, erant omnes pariter in eodem loco : et factus est repente de caelo sonus, tamquam advenientis spiritus vehementis, et replevit totam domum ubi erant sedentes. Et apparuerunt illis dispertitae linguae tamquam ignis, seditque supra singulos eorum : et repleti sunt omnes Spiritu sancto, et coeperunt loqui variis linguis, prout Spiritus sanctus dabat eloqui illis. Erant autem in Ierusalem habitantes Judaei, viri religiosi ex omni natione, quae sub caelo est. Facta autem hac voce, convenit multitudo, et mente confusa est, quoniam audiebat unusquisque lingua sua illos loquentes. Stupe-

bant autem omnes, et mirabantur, dicentes : Nonne ecce omnes isti, qui loquuntur, Galilaei sunt, et quomodo nos audivimus unusquisque linguam nostram, in qua nati sumus?

**R.** Ecce vicit leo. 294.

**Lectio ij.**

**S**TANS autem Petrus cum undecim, levavit vocem suam, et locutus est eis : Viri Judaei, et qui habitatis Ierusalem universi, hoc vobis notum sit, et auribus percipite verba mea. Non enim, sicut vos aestimatis, hi ebrii sunt, cum sit hora diei tertia : sed hoc est, quod dictum est per prophetam Joël : Et erit in novissimis diebus (dicit Dominus), effundam de Spiritu meo super omnem carnem : et prophetabunt filii vestri, et filiae vestrae, et juvenes vestri visiones videbunt, et seniores vestri somnia somniant. Et quidem super servos meos, et super ancillas meas in diebus illis effundam de Spiritu meo, et prophetabunt : et dabo prodigia in caelo sursum, et signa in terra deorsum, sanguinem, et ignem, et vaporem fumi : sol convertetur in tenebras, et luna in sanguinem, antequam veniat dies Domini magnus et manifestus. Et erit : omnis, quicumque invocaverit nomen Domini, salvus erit.

**R.** Ego sum. 294.

## Lectio iij.

**V**IRI Israëlitæ, audite verba hæc : Jesum Nazarenum, virum approbatum a Deo in vobis, virtutibus, et prodigiis, et signis, quæ fecit Deus per illum in medio vestri, sicut et vos scitis : hunc definito consilio et præscientia Dei traditum, per manus iniquorum affligentes interemistis : quem Deus suscitavit, solutis doloribus inferni, juxta quod impossibile erat teneri illum ab eo. David enim dicit in eum : Providbam Dominum in conspectu meo semper : quoniam a dextris est mihi ne commovear : Propter hoc lætatum est cor meum, et exultavit lingua mea, insuper et caro mea requiescet in spe : Quoniam non derelinques animam meam in inferno, nec dabis Sanctum tuum videre corruptionem.

Te Deum laudamus. 17.

**Ad Bened. Ant.** Præcedam vos \* in Galilæam, ibi me videbitis, sicut dixi vobis, alleluia, alleluia.

**Ad Magnif. Ant.** Mitte manum tuam, \* et cognosce loca clavorum, alleluia : et noli esse incredulus, sed fidelis, alleluia.

## FERIA QUARTA

De Actibus Apostolorum.

## Lectio j. Cap. 3.

**P**ETRUS autem, et Joannes ascendebant in templum

ad horam orationis nonam. Et quidam vir, qui erat claudus ex utero matris suæ, bajulabatur; quem ponebant quotidie ad portam templi, quæ dicitur Speciosa, ut peteret eleemosynam ab introeuntibus in templum. Is cum vidisset Petrum et Joannem incipientes introire in templum, rogabat ut eleemosynam acciperet. Intuens autem in eum Petrus cum Joanne, dixit : Respice in nos. At ille intendebat in eos, sperans se aliquid accepturum ab eis. Petrus autem dixit : Argentum et aurum non est mihi : quod autem habeo, hoc tibi do : In nomine Jesu Christi Nazaræni surge, et ambula.

**R.** Surgens Jesus Dominus. 297.

## Lectio ij.

**E**T apprehensa manu ejus dextera, allevavit eum, et protinus consolidatæ sunt bases ejus, et plantæ. Et exsiliens stetit, et ambulabat : et intravit cum illis in templum ambulans, et exsiliens, et laudans Deum. Et vidit omnis populus eum ambulantem, et laudantem Deum. Cognoscebant autem illum, quod ipse erat, qui ad eleemosynam sedebat ad Speciosam portam templi : et implenti sunt stupore et extasi in eo, quod contigerat illi. Cum teneret autem Petrum, et Joannem, cucurrit omnis populus ad eos ad



pórticum, quæ appellátur Salomónis, stupéntes.

**R.** Expurgáte. 297.

**Lectio iij.**

**V**IDENS áutem Petrus, respóndit ad pópulum : Viri Israëlitæ, quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidistis, et negástis ante faciém Piláti, judicánte illo dimitti. Vos áutem sanctum et justum negástis, et petistis virum homicidam donári vobis : auctórem vero vitæ interfecistis, quem Deus suscitávit a mórtuis, cujus nos testes sumus. Et in fide nóminis ejus, hunc, quem vos vidistis, et nostis, confirmávit nomen ejus : et fides, quæ per eum est, dedit integram sanitátem istam in conspéctu ómnium vestrum.

Te Deum laudámus. 17.

**Ad Bened. Ant.** Ego sum vitis vera, \* allelúia : et vos pálmities veri, allelúia.

**Ad Magnif. Ant.** Quia vidisti me, \* Thoma, credidisti : beáti qui non vidérunt, et credidérunt, allelúia.

FERIA QUINTA

De Actibus Apostolórum.

**Lectio j. Cap. 5.**

**V**IR áutem quidam nómine Ananías, cum Saphíra

uxóre sua véndidit agrum, et fraudávit de pretio agri, cónsencia uxóre sua : et áfferens partem quamdam, ad pedes Apostolórum pósuit. Dixit áutem Petrus : Ananía, cur tentávit sátanás cor tuum, mentiri te Spíritui sancto, et fraudáre de pretio agri? Nonne manens tibi manébat, et venúmdatum in tua erat potestáte? Quare posuisti in corde tuo hanc rem? Non es mentítus homínibus, sed Deo. Audiens áutem Ananías hæc verba, cécidit et exspirávit. Et factus est timor magnus super omnes, qui audiérunt. Surgéntes áutem júvenes amovérunt eum, et efferéntes sepeliérunt.

**R.** Christus resúrgens. 317.

**Lectio ij.**

**F**ACTUM est áutem quasi hórarum trium spátium, et uxor ipsius, nésciens quod factum fúerat, introívit. Dixit áutem ei Petrus : Dic mihi múlter, si tanti agrum vendidistis? At illa dixit : Etiam tanti. Petrus áutem ad eam : Quid útique convénit vobis tentáre Spíritum Dómini? Ecce pedes eórum, qui sepeliérunt virum tuum, ad óstium, et éfferent te. Conféstim cécidit ante pedes ejus, et exspirávit. Intrántes áutem júvenes invenérunt illam mórtuam : et extulérunt, et sepeliérunt ad virum suum. Et factus est timor magnus in univérsa

ecclésia, et in omnes, qui audiérunt hæc.

**R.** Surréxit pastor. 318.

**Lectio iij.**

**P**ER manus autem Apostolorum fiébant signa et prodigia multa in plebe. Et erant unanimiter omnes in pórticu Salomónis. Cæterorum autem nemo audébat se conjungere illis : sed magnificábat eos pópulus. Magis autem augebátur credéntium in Dómino multitúdo virorum ac mulierum, ita ut in platéas ejicerent infirmos, et pónerent in léctulis ac grabátis, ut, veniente Petro, saltem umbra illius obumbráret quemquam illórum, et liberaréntur ab infirmitatibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos a spiritibus immúndis : qui curabántur omnes.

Te Deum laudámus. 17.

**Ad Bened. Ant.** Ardens est cor meum, \* desidero vidére Dóminum meum : quæro, et non invénio, ubi posuérunt eum, allelúia, allelúia.

**Ad Magnif. Ant.** Misi dígitum meum \* in fixúras clavórum, et manum meam in latus ejus, et dixi : Dóminus meus, et Deus meus, allelúia.

**FERIA SEXTA**

De Actibus Apostolorum.

**Lectio j. Cap. 8. b**

**V**IR autem quidam nómine Simon, qui ante fúerat

in civitáte magus, sedúcens gentem Samariæ, dicens se esse áliquem magnum : cui auscultábant omnes a mínimo usque ad máximum, dicéntes : Hic est virtus Dei, quæ vocátur magna. Attendébant autem eum, propter quod multo témpore magiis suis dementásset eos. Cum vero credidissent Philippo evangelizánti de regno Dei, in nómine Jesu Christi baptizabántur viri ac mulieres. Tunc Simon et ipse crédidit : et cum baptizátus esset, adhærébat Philippo. Videns étiam signa, et virtútes máximas fieri, stupens admirabátur.

**R.** Virtúte magna reddébant. 292.

**Lectio ij.**

**C**UM autem audissent Apóstoli, qui erant Jerosólymis, quod recepisset Samaria verbum Dei, misérunt ad eos Petrum, et Joánnem. Qui cum venissent, oravérunt pro ipsis, ut acciperent Spíritum sanctum : nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum sanctum. Cum vidisset autem Simon, quia per impositionem manus Apostolorum darétur Spíritus sanctus, óbtulit eis pecúniám, dicens : Date et mihi hanc potestátem, ut cuicúmque imposúero ma-



nus, accipiat Spiritum sanctum.

**R.** De ore prudentis. 293.

**Lectio iij.**

**P**ETRUS autem dixit ad eum : Pecunia tua tecum sit in perditionem : quoniam donum Dei existimasti pecunia possideri. Non est tibi pars, neque sors in sermone isto. Cor enim tuum non est rectum coram Deo. Pœnitentiam itaque age ab hac nequitia tua : et roga Deum, si forte remittatur tibi hæc cogitatio cordis tui. In felle enim amaritudinis, et obligatione iniquitatis video te esse. Respondens autem Simon, dixit : Precamini vos pro me ad Dominum, ut nihil veniat super me horum, quæ dixistis.

Te Deum laudamus. 17.

**Ad Bened. Ant.** Venérunt ad monumentum \* Maria Magdalène, et altera Maria, videre sepulcrum, alleluia.

**Ad Vesperas, nisi occur.**  
**festum ix. Lect., a Capitulo**  
**fit de S. Maria in Sabbato.**

## SABBATO

De Actibus Apostolorum.

**Lectio j. Cap. 10.**

**V**IR autem quidam erat in Cæsareâ, nomine Cornélius, centurio cohortis, quæ dicitur Itálica, religiosus ac timens Deum cum omni domo sua, faciens eleemosynas multas plebi, et deprecans Deum semper : is vidit in visu manifeste,

quasi hora diæi nona, Angelum Dei introeuntem ad se, et dicentem sibi : Cornéli. At ille intuens eum, timore correptus, dixit : Quid est, Domine? Dixit autem illi : Orationes tuæ, et eleemosynæ tuæ ascenderunt in memoriam in conspectu Dei. Et nunc mitte viros in Joppen, et accersi Simónem quemdam, qui cognominatur Petrus : hic hospitatur apud Simónem quemdam coriarium, cujus est domus juxta mare : hic dicet tibi quid te oporteat facere. Et cum discessisset Angelus, qui loquebatur illi, vocavit duos domesticos suos, et militem metuentem Dominum ex his, qui illi parabant. Quibus cum narrasset omnia, misit illos in Joppen.

**Lectio ij.**

**P**ÓSTERA autem die iter illis facientibus, et appropinquantibus civitati, ascendit Petrus in superiora ut oraret circa horam sextam. Et cum esuriret, voluit gustare. Parantibus autem illis, cecidit super eum mentis excéssus : et vidit cælum apertum, et descendens vas quoddam, velut linteum magnum, quatuor initiis submitti de cælo in terram, in quo erant omnia quadrupedia, et serpentina terræ, et volatilia cæli. Et facta est vox ad eum : Surge Petre, occide, et manduca. Ait autem Petrus : Absit Domine,

quia numquam manducávi omne commúne et immúndum. Et vox íterum secúndo ad eum : Quod Deus purificávit, tu commúne ne dixeris. Hoc áutem factum est per ter : et statim recéptum est vas in cælum. Et dum intra se hæsitéret Petrus quidnam esset visio, quam vidisset: ecce viri, qui missi erant a Cornélio, inquiréntes domum Simónis, adstitérunt ad jánuam.

*Lectio iij.*

**A**PÉRIENS áutem Petrus os suum, dixit: In veritate cómperi quia non est personárum accéptor Deus, sed in omni gente qui timet eum, et operátur justítiam, accéptus est illi. Verbum misit Deus filiis Israël, annúntians pacem per Jesum Christum (hic est ómnium Dóminus). Vos scitis quod factum est verbum per univérsam Judæam : incipiens enim a Galilæa post baptismum, quod prædicávit Joánnes, Jesum a Názareth: quómodo unxit eum Deus Spíritu sancto, et virtúte, qui pertránsiit benefaciéndo, et sanádo omnes opprèssos a diábolo, quóniam Deus erat cum illo. Et nos testes sumus ómnium quæ fecit in regione Judæórum, et Jerúsalem, quem occidérunt suspendéntes in ligno. Hunc Deus suscitávit tértia die, et dedit eum manifestum fieri non omni pópulo, sed téstibus præordi-

nátis a Deo : nobis, qui manducávimus, et bibimus cum illo, postquam resurrexit a mórtuis.

*AD VESPERAS*

*Ant. Allelúia. Pss. ut in Psalterio.*

*Capitulum. I. Petr. 2. d*

**C**ARÍSSIMI: Christus passus est pro nobis, vobis relínquens exémplum, ut sequámini vestigia ejus. Qui peccátum non fecit, nec invéntus est dolus in ore ejus.

*Hymn. Ad régias Agni. V. Mane nobiscum. 299.*

*Ad Magnif. Ant.* Ego sum pastor óvium : \* ego sum via, véritas, et víta: ego sum pastor bonus, et cognóscō oves meas, et cognóscunt me meæ, allelúia, allelúia.

*Oratio.*

**D**EUS, qui in Filii tui humilitáte jacéntem mundum erexisti : fidélibus tuis perpétuam concéde lætítiam; ut quos perpétuæ mortis eripuísti cásibus, gáudiis fácias pérfrui sempitérnis. Per eúmdem Dóminum.

*Deinde fit Commemoratio de Cruce. 308.*

**DOM. II. POST PASCHA**

**AD MATUTINUM**

*Invit., Hymn., Ant., Pss. et VV. ut in Psalt. Tempore Pasch. 3.*

**IN I. NOCTURNO**

**De Actibus Apostolórum.**

*Lectio j. Cap. 13. b*

**C**UM a Papho navigássent Páulus, et qui cum eo



erant, venérunt Pergen Pamphýliæ. Joánnes áutem discédens ab eis, revérsus est Jerosólýmam. Illi vero pertranseúntes Pergen, venérunt Antiochiám Pisídiæ: et ingressi synagógam die sabbatórum, sedérunt. Post lectiónem áutem legis et Prophetárum, misérunt príncipes synagógæ ad eos, dicéntes: Viri fratres, si quis est in vobis sermo exhortatiónis ad plebem, dicite. Surgens áutem Páulus, et manu siléntium indícens, ait: Viri Israélitæ, et qui timétis Deum, audite: Deus plebis Israél elégit patres nostros, et plebem exaltávit, cum essent incolæ in terra Ægýpti, et in bráchio excélso edúxit eos ex ea, et per quadraginta annórum tempus mores eórum sustinuit in desérto. Et déstruens gentes septem in terra Chánaan, sorte distribuit eis terram eórum, quasi post quadringéntos et quinquaginta annos: et post hæc dedit júdices usque ad Sámuel Prophétam.

¶ Virtúte magna reddébant Apóstoli, \* Testimónium resurrectionis Jesu Christi Dómini nostri, allelúia, allelúia. ¶ Repléti quidem Spiritu sancto loquebántur cum fidúcia verbum Dei. Testimónium.

### Lectio ij.

**E**T exinde postulavérunt regem: et dedit illis Deus Saul filium Cis, virum de tri-

bu Bénjamin, annis quadraginta. Et amóto illo, suscitávit illis David regem: cui testimónium pérhibens, dixit: Inveni David filium Jesse, virum secúndum cor meum, qui fáciat omnes voluntátes meas. Hujus Deus ex sémine secúndum promissionem edúxit Israél Salvatórem Jesum, prædicánte Joáanne ante fáciem advéntus ejus baptismum pœniténtiæ omni pópulo Israél. Cum impléret áutem Joánnes cursum suum, dicébat: Quem me arbitrámini esse, non sum ego; sed ecce venit post me, cujus non sum dignus calceaménta pedum sólvare.

¶ De ore prudéntis procédit mel, allelúia: dulcédo mellis est sub lingua ejus, allelúia: \* Favus distillans lábia ejus, allelúia, allelúia.

¶ Sapiéntia requiêscit in corde ejus, et prudéntia in sermóne oris illius. Favus.

### Lectio iij.

**V**IRI fratres, filii géneris Abraham, et qui in vobis timent Deum, vobis verbum salutis hujus missum est. Qui enim habitábant Jerúsalem, et príncipes ejus hunc ignorántes, et voces prophetárum, quæ per omne sábbatum legúntur, judicántes implevérunt, et nullam causam mortis inveniéntes in eo, petiérunt a Piláto, ut interficerent eum. Cumque consummássent ómnia quæ de eo scripta erant, depo-

néntes eum de ligno, posué-  
runt eum in monuménto.  
Deus vero suscitávit eum a  
mórtuis tértia die : qui visus  
est per dies multos his, qui  
simul ascénderant cum eo  
de Galilæa in Jerúsalem :  
qui usque nunc sunt testes  
ejus ad plebem. Et nos vobis  
annuntiámus eam, quæ ad  
patres nostros repromissio  
facta est : quóniam hanc  
Deus adimplévit filiis nostris  
resúscitans Jesum, sicut et  
in Psalmo secúndo scriptum  
est : Filius meus es tu, ego  
hódie génui te.

℞. Ecce vicit leo de tribu  
Juda, radix David, aperire  
librum, et sólvare septem  
signácula ejus : \* Allelúia,  
allelúia, allelúia. V. Dignus  
est Agnus qui occisus est,  
accipere virtútem, et divi-  
nitátem, et sapiéntiam, et  
fortitúdinem, et honórem, et  
glóriam, et benedictiónem.  
Allelúia. Glória. Allelúia.

IN II. NOCTURNO

Sermo sancti Leónis Papæ.

Serm. 1. de Ascens. Do-  
mini, post initium.

Lectio iv.

**H**inter resurrectionem Dó-  
mini ascensionémque fluxé-  
runt, non otioso transiére  
decúrsu, sed magna in eis  
confirmáta sacraménta, ma-  
gna sunt reveláta mystéria.  
In iis metus diræ mortis au-  
fértur, et non solum ánimæ,  
sed étiam carnis immortáli-  
tas declarátur. In iis per in-

sufflatiónem Dómini infún-  
ditur Apóstolis ómnibus Spí-  
ritus sanctus : et beáto Apó-  
stolo Petro supra cæteros,  
post regni claves, ovilis  
Dominici cura mandátur.

℞. Ego sum vitis vera, et  
vos pálmities : \* Qui manet  
in me, et ego in eo, hic fert  
fructum multum, allelúia,  
allelúia. V. Sicut diléxit me  
Pater, et ego diléxi vos. Qui.

Lectio v.

**I**n iis diébus, duóbus disci-  
pulis tértius in via Dómi-  
nus comes júngitur, et ad  
omnem nostræ ambiguitátis  
caliginem detergéndam, pa-  
véntium, ac trepidántium  
tárditas increpátur. Flam-  
mam fidei illumináta corda  
concipiunt : et quæ erant  
tépida, reseránte Scriptúras  
Dómino efficiúntur ardéntia.  
In fractiône quoque panis,  
convescéntium aperiúntur  
obtútus : multo felicius eó-  
rum óculis patefáctis, qui-  
bus natúræ suæ manifestáta  
est glorificátio, quam illó-  
rum géneris nostri princi-  
pum, quibus prævaricatió-  
nis suæ est ingesta confúsió.

℞. Surgens Jesus Dóminus  
noster, stans in médio di-  
scipulórum suórum, dixit :  
\* Pax vobis, allelúia : gavisi  
sunt discipuli viso Dómino,  
allelúia. V. Una ergo sabba-  
tórum, cum fores essent  
cláusæ, ubi erant discipuli  
congregáti, venit Jesus, et  
stetit in médio eórum, et  
dixit eis. Pax.



## Lectio vj.

**I**NTER hæc autem, aliaque miracula, cum discipuli trépidis cogitationibus æstuarent, et apparuisset in médio eórum Dóminus, dixissétque, Pax vobis : ne hoc remanérét in eórum opinióibus, quod volvebátur in córdibus (putábant enim se spíritum vidére, non carnem) redárguit cogitatiónes a veritaté discórdes : ingerit dubitántium óculis manéntia in má nibus suis et pédi bus crucis signa; et ut diligéntius pertractétur, invitat. Quia ad sanánda infidélium córdium vúlnera, clavórum et lanceæ erant serváta vestigia : ut non dúbia fide, sed constantíssima sciéntia tene rétur, eam natúram in Dei Patris consessúram throno, quæ jacúerat in sepúlcro.

**R.** Expurgáte vetus fermentum, ut sitis nova conspersio : etenim Pascha nostrum immolátus est Christus : \* Itaque epulémur in Dómino, allelúia. **V.** Mórtuus est propter delicta nostra, et resurrexit propter justificatió nem nostram. Itaque. Glória Patri. Itaque.

IN III. NOCTURNO  
Léctio sancti Evangélii secúndum Joánnem.

## Lectio vij. Cap. 10. b

**I**n illo témpore : Dixit Jesus pharisæis : Ego sum pastor bonus. Bonus pastor ánimam suam dat pro óvibus suis. Et réliqua.

Homilia sancti Gregórii  
Papæ.

## Homil. 14. in Evang.

**A**UDÍSTIS, fratres carissimi, ex lecti óne evangélica eruditiónem vestram : audístis et periculum nostrum. Ecce enim is, qui non ex accidénti dono, sed essentialiter bonus est, dicit : Ego sum pastor bonus. Atque ejúsdem bonitátis formam, quam nos imitémur, adjú ngit, dicens : Bonus pastor ánimam suam ponit pro óvibus suis. Fecit quod mónuit : osténdit quod jussit. Bonus pastor pro óvibus suis ánimam suam pósuit, ut in sacraménto nostro corpus suum et ságuinem vértet, et oves quas redémerat, carnis suæ aliménto satiáret.

**R.** Christus resúrgens ex mórtuis, jam non móritur, mors illi ultra non dominábitur : quod enim mórtuus est peccáto, mórtuus est semel : \* Quod autem vivit, vivit Deo, allelúia, allelúia. **V.** Mórtuus est semel propter delicta nostra, et resurrexit propter justificatió nem nostram. Quod.

## Lectio viij.

**O**STÉNSA nobis est de cóntémp tu mortis via, quam sequámur : appósita est forma, cui imprimámur. Primum nobis est, exterióra nostra misericórditer óvibus ejus impéndere : postrémum vero, si necesse sit, étiam mortem nostram pro eisdem

óvibus ministráre. A primo autem hoc mínimo pervenitur ad postrémum majus. Sed cum incomparabiliter longe sit mélior ánima, qua vivimus, quam terréna substántia quam extérius possidémus : qui non dat pro óvibus substántiam suam, quando pro his datúrus est ánimam suam?

**R.** Surréxit pastor bonus, qui ánimam suam pósuit pro óvibus suis, et pro grege suo mori dignátus est : \* Allelúia, allelúia, allelúia. **V.** Etenim Pascha nostrum immolátus est Christus. Allelúia. Glória Patri. Allelúia.

**Lectio ix.**

**E**T sunt nonnúllo, qui dum plus terrénam substántiam, quam oves diligunt, mérito nomen pastóris perdunt : de quibus prótinus súbditur : Mercenárius autem, et qui non est pastor, cujus non sunt oves próprie, videt lupum veniéntem, et dimittit oves, et fugit. Non pastor, sed mercenárius vocátur, qui non pro amóre intimo oves Dominicas, sed ad temporáles mercédes pascit. Mercenárius quippe est, qui locum quidem pastóris tenet, sed lucra animárum non quærit : terrénis cõmodis inhiat, honóre prælatiónis gáudet, temporálibus lucris páscitur, impénsa sibi ab hominibus reveréntia lætátur.

Te Deum laudámus. 17.

**AD LAUDES**

**Ant. et Pss. de Psalt. 18.**

**Capitulum. I. Petr. 2. d**

**C**ARÍSSIMI : Christus passus est pro nobis, vobis relinquens exéplum ut sequámini vestigia ejus. Qui peccátum non fecit, nec inventus est dolus in ore ejus.

**Hymn. Auróra cælum. 22.**

**V.** In resurrectione tua Christe, allelúia. **R.** Cæli et terra læténtur, allelúia.

**Ad Bened. Ant.** Ego sum pastor óvium : \* ego sum via, véritas, et vita : ego sum pastor bonus, et cognóscovo es meas, et cognóscunt me meæ, allelúia, allelúia.

**Oratio.**

**D**EUS, qui in Filii tui humilitate jacéntem mundum erexisti : fidélibus tuis perpétuam concéde lætitiã ; ut quos perpétuæ mortis eripuisti cásibus, gáudiis fácias pérfrui sempitérnis. Per eúmdem Dóminum.

**Commém. de Cruce. 308.**

**AD TERTIAM**

**Capit.** Caríssimi : Christus passus est. **ut supra.**

**R. br.** Surréxit Dóminus de sepúlcro, \* Allelúia, allelúia. Surréxit. **V.** Qui pro nobis pepéndit in ligno. Allelúia, allelúia. Glória. Surréxit.

**V.** Surréxit Dóminus vere, allelúia. **R.** Et apparuit Simóni, allelúia.

**AD SEXTAM**

**Capitulum. I. Petr. 2. d**

**T**RADÉBAT autem judicánti se injúste : qui peccáta



nostra ipse pertulit in corpore suo super lignum : ut peccatis mortui, iustitiae vivamus : cujus livore sanati sumus.

**R. br.** Surrexit Dominus vere, \* Alleluia, alleluia. Surrexit. **V.** Et apparuit Simoni. Alleluia, alleluia. Gloria Patri. Surrexit.

**Y.** Gavisi sunt discipuli, alleluia. **R.** Viso Domino, alleluia.

## AD NONAM

## Capitulum. I. Petr. 2. d

**E**RANT enim sicut oves errantes, sed conversi estis nunc ad pastorem, et episcopum animarum vestrarum.

**R. br.** Gavisi sunt discipuli, \* Alleluia, alleluia. Gavisi. **V.** Viso Domino. Alleluia, alleluia. Gloria Patri. Gavisi.

**V.** Mane nobiscum Domine, alleluia. **R.** Quoniam advesperascit, alleluia.

## AD VESPERAS

**Ant. et Pss. de Dom. 126.**

**Capit. Carissimi. ut supra.**

**Hymnus** Ad regias Agni.

**V.** Mane nobiscum. 299.

**Ad Magnif. Ant.** Ego sum pastor bonus, \* qui pascō oves meas, et pro ovibus meis pono animam meam, alleluia.

**Commem. de Cruce. 308.**

## FERIA SECUNDA

De Actibus Apostolorum.

**Lectio j. Cap. 15. b**

**S**URREXERUNT autem quidam de haeresi phari-

saeorum qui crediderunt, dicentes : Quia oportet circumcidi eos, praecipere quoque servare legem Moysi. Conveniruntque Apostoli, et seniores videre de verbo hoc. Cum autem magna conquisitio fieret, surgens Petrus dixit ad eos : Viri fratres, vos scitis quoniam ab antiquis diebus Deus in nobis elegit, per os meum audire gentes verbum Evangelii, et credere. Et qui novit corda Deus, testimonium perhibuit, dans illis Spiritum sanctum, sicut et nobis, et nihil discrevit inter nos et illos, fide purificans corda eorum. Nunc ergo quid tentatis Deum, imponere jugum super cervices discipulorum, quod neque patres nostri, neque nos portare potuimus? Sed per gratiam Domini Jesu Christi credimus salvari, quemadmodum et illi. Tacuit autem omnis multitudo : et audiebant Barnabam, et Paulum, narrantes quanta Deus fecisset signa, et prodigia in gentibus per eos.

**R.** Virtute magna. 292.

## Lectio ij.

**E**T postquam tacuerunt, respondit Jacobus, dicens : Viri fratres, audite me. Simon narravit quemadmodum primum Deus visitavit sumere ex gentibus populum nomini suo. Et huic concordant verba prophetarum, sicut scriptum est : Post haec

revertar, et reedificabo tabernaculum David, quod dedidit : et diruta ejus reedificabo, et erigam illud : ut requirant cæteri hominum Dominum, et omnes gentes, super quas invocatum est nomen meum, dicit Dominus, faciens hæc. Notum a sæculo est Domino opus suum. Propter quod ego iudico non inquietari eos, qui ex gentibus convertuntur ad Deum, sed scribere ad eos ut abstineant se a contaminationibus simulacrorum, et fornicatione, et suffocatis, et sanguine. Moyses enim a temporibus antiquis habet in singulis civitatibus, qui eum prædicent in synagogis, ubi per omne sabbatum legitur.

**R.** De ore prudentis. 293.

**Lectio iij.**

**T**UNC placuit Apostolis, et senioribus cum omni Ecclesia, eligere viros ex eis, et mittere Antiochiam cum Paulo, et Barnaba, Judam, qui cognominabatur Barsabas, et Silam viros primos in fratribus, scribentes per manus eorum. Apostoli et seniores fratres, his qui sunt Antiochiæ, et Syriæ, et Ciliciæ fratribus ex gentibus, salutem. Quoniam audivimus quia quidam ex nobis exeuntes, turbaverunt vos verbis, evertentes animas vestras, quibus non mandavimus : placuit nobis collectis in unum, eligere viros, et mittere ad vos cum caris-

simis nostris Barnaba, et Paulo, hominibus, qui tradiderunt animas suas pro nomine Domini nostri Jesu Christi. Misimus ergo Judam, et Silam, qui et ipsi vobis verbis referent eadem. Visum est enim Spiritui sancto, et nobis, nihil ultra imponere vobis oneris, quam hæc necessaria : ut abstineatis vos ab immolatis simulacrorum, et sanguine, et suffocato, et fornicatione, a quibus custodientes vos, bene agetis. Valéte.

Te Deum laudamus. 17.

**Ad Bened. Ant.** Euntes \* in mundum, allelúia : docete omnes gentes, allelúia.

**Ad Magnif. Ant.** Pastor bonus \* animam suam ponit pro óvibus suis, allelúia.

## FERIA TERTIA

De Actibus Apostolorum.

**Lectio j. Cap. 17. c et 18.**

**S**TANS autem Paulus in medio Areopagi, ait : Viri Athenienses per omnia quasi superstitiosiores vos video. Præteriens enim, et videns simulacra vestra, inveni et aram, in qua scriptum erat : Ignóto Deo. Quod ergo ignorantes colitis, hoc ego annuntio vobis. Deus, qui fecit mundum, et omnia quæ in eo sunt, hic cæli et terræ cum sit Dominus, non in manufactis templis habitat, nec manibus humanis colitur indigens aliquo, cum ipse det omnibus vitam, et inspi-



rationem, et omnia : fecitque ex uno omne genus hominum inhabitare super universam faciem terræ, definiens statuta tempora, et terminos habitationis eorum, quærere Deum si forte attraherent eum, aut inveniant, quamvis non longe sit ab unoquoque nostrum.

℞. Ecce vicit. 294.

### Lectio ij.

**I**N ipso enim vivimus, et movemur, et sumus : sicut et quidam vestrorum poetarum dixerunt : Ipsius enim et genus sumus. Genus ergo cum simus Dei, non debemus æstimare auro, aut argento, aut lapidi, sculpturæ artis, et cogitationis hominis, Divinum esse simile. Et tempora quidem hujus ignorantia despiciens Deus, nunc annuntiat hominibus ut omnes ubique poenitentiam agant, eo quod statuit diem, in quo judicaturus est orbem in æquitate, in viro, in quo statuit, fidem præbens omnibus, suscitans eum a mortuis. Cum audissent autem resurrectionem mortuorum, quidam quidem irridebant, quidam vero dixerunt : Audiemus te de hoc iterum. Sic Paulus exivit de medio eorum.

℞. Ego sum vitis. 294.

### Lectio iij.

**Q**UIDAM vero viri adherentes ei, crediderunt : in quibus et Dionysius Areopagita, et mulier nomine

Damaris, et alii cum eis. Post hæc egressus ab Athenis, venit Corinthum : et inveniens quemdam Judæum nomine Aquilam, Ponticum genere, qui nuper venerat ab Italia, et Priscillam uxorem ejus (eo quod præcepisset Claudius discedere omnes Judæos a Roma), accessit ad eos. Et quia ejusdem erat artis, manebat apud eos, et operabatur (erant enim scenofactoriæ artis). Et disputabat in synagoga per omne sabbatum, interpretans nomen Domini Jesu, suadebatque Judæis et Græcis.

Te Deum laudamus. 17.

**Ad Bened. Ant.** Euntes in mundum, \* docete omnes gentes, baptizantes eos in nomine Patris, et Filii, et Spiritus sancti, alleluia.

**Ad Magnif. Ant.** Mercenarius autem, \* cujus non sunt oves propriæ, videt lupum venientem, et dimittit oves, et fugit, et lupus rapit, et dispergit oves, alleluia.

## FERIA QUARTA

De Actibus Apostolorum.

**Lectio j. Cap. 20. d**

**A**MILÉTO Paulus mittens Ephesum, vocavit majores natu Ecclesiæ. Qui cum venissent ad eum, et simul essent, dixit eis : Vos scitis a prima die, qua ingressus sum in Asiam, qualiter vobiscum per omne tempus fuerim, serviens Domino

cum omni humilitate, et lacrymis, et tentationibus, quæ mihi acciderunt ex insidiis Judæorum : quomodo nihil subtraxerim utilium, quominus annuntiarem vobis, et docerem vos publice, et per domos, testificans Judæis atque gentilibus in Deum poenitentiam, et fidem in Dominum nostrum Jesum Christum. Et nunc ecce alligatus ego spiritu, vado in Jerusalem : quæ in ea ventura sint mihi, ignorans : nisi quod Spiritus sanctus per omnes civitates mihi protestatur, dicens : quoniam vincula, et tribulationes Jerosolymis me manent. Sed nihil horum vereor : nec facio animam meam pretiosiorum quam me, dummodo consummem cursum meum, et ministerium verbi, quod accepi a Domino Jesu, testificari Evangelium gratiæ Dei.

℞. Surgens Jesus. 297.

Lectio ij.

**E**T nunc ecce ego scio, quia amplius non videbitis faciem meam vos omnes, per quos transivi prædicans regnum Dei. Quapropter contestor vos hodierna die, quia mundus sum a sanguine omnium. Non enim subterfugi, quominus annuntiarem omne consilium Dei vobis. Attendite vobis, et universo gregi, in quo vos Spiritus sanctus posuit episcopos regere Ecclesiam Dei, quam acquisivit sanguine suo. Ego

scio quoniam intrabunt post discessionem meam lupi rapaces in vos, non parcētes gregi. Et ex vobis ipsis exsurgent viri loquētes perversa, ut abducant discipulos post se. Propter quod vigilate, memoria retinētes : quoniam per triennium nocte et die non cessavi, cum lacrymis monens unumquemque vestrum.

℞. Expurgate. 297.

Lectio iij.

**E**T nunc commendo vos Deo, et verbo gratiæ ipsius, qui potens est edificare, et dare hereditatem in sanctificatis omnibus. Argentum, et aurum, aut vestem nullius concupivi, sicut ipsi scitis : quoniam ad ea, quæ mihi opus erant, et his, qui mecum sunt, ministraverunt manus istæ. Omnia ostendi vobis, quoniam sic laborantes, oportet suscipere infirmos, ac meminisse verbi Domini Jesu, quoniam ipse dixit : Beatius est magis dare, quam accipere. Et cum hæc dixisset, positis genibus suis oravit cum omnibus illis. Magnus autem fletus factus est omnium : et procumbentes super collum Pauli, osculabantur eum, dolentes maxime in verbo, quod dixerat, quoniam amplius faciem ejus non essent visuri. Et deducebant eum ad navem.

Te Deum laudamus. 17.

Ad Bened. Ant. Ite, nun-



tiáte \* fratribus meis, allelúia : ut eant in Galilæam, allelúia : ibi me vidébunt, allelúia, allelúia, allelúia.

**Ad Magnif. Ant.** Sicut novit me Pater, \* et ego cognosco Patrem, et ánimam meam pono pro óvibus meis, allelúia.

## FERIA QUINTA

De Actibus Apostolorum.

**Lectio j. Cap. 24. c**

**R**ESPÓNDIT áutem Páulus (annuente sibi præside dicere) : Ex multis annis te esse júdicem genti huic sciens, bono ánimo pro me satisfáciam. Potes enim cognoscere, quia non plus sunt mihi dies quam duódecim, ex quo ascénderi adoráre in Jerúsalem : et neque in templo invenérunt me cum áliquo disputántem, aut concúrsum faciéntem turbæ, neque in synagógis, neque in civitate : neque probáre possunt tibi, de quibus nunc me accúsant. Confíteor áutem hoc tibi, quod secúndum sectam, quam dicunt hæresim, sic deservio Patri, et Deo meo, credens ómnibus, quæ in lege et Prophétis scripta sunt : spem habens in Deum, quam et hi ipsi expéctant, resurrectionem futúram justórum, et iniquórum. In hoc et ipse stúdeo sine offendiculo conscientiam habére ad Deum, et ad hómines semper.

**R.** Christus. 317.

## Lectio ij.

**P**OST annos áutem plures eleemósynas factúrus in gentem meam, veni, et oblationes, et vota. In quibus invenérunt me purificátum in templo : non cum turba, neque cum tumultu. Quidam áutem ex Asia Judæi, quos oportébat apud te præsto esse, et accusáre si quid haberent advérsus me : aut hi ipsi dicant si quid invenérunt in me iniquitátis cum stem in concilio, nisi de una hac solúmmodo voce, qua clamávi inter eos stans : Quóniam de resurrectione mortuórum ego júdicor hódie a vobis.

**R.** Surréxit pastor. 318.

## Lectio iij.

**D**ÍSTULIT áutem illos Felix, certissime sciens de via hac, dicens : Cum tribúnus Lýsias descénderit, áudiam vos. Jussitque centurióni custodire eum, et habére requiem, nec quemquam de suis prohibére ministráre ei. Post áliquot áutem dies véniens Felix cum Drusilla uxóre sua, quæ erat Judæa, vocávit Páulum, et audívit ab eo fidem, quæ est in Christum Jesum. Disputánte áutem illo de justitia, et castitate, et de judicio futúro, tremefáctus Felix respóndit : Quod nunc áttinet, vade : témpore áutem opportúno accérsam te : simul et sperans, quod pecúnia ei darétur a Páulo, propter quod

et frequenter accersens eum, loquebatur cum eo. Biennio autem expleto, accepit successorem Felix Portium Festum. Volens autem gratiam prestare Judæis Felix, reliquit Paulum vinctum.

Te Deum laudamus. 17.

**Ad Bened. Ant.** Tu solus peregrinus es, \* et non audisti de Jesu, quomodo tradiderunt eum in damnationem mortis? allelúia.

**Ad Magnif. Ant.** Alias oves habeo, \* quæ non sunt ex hoc ovili: et illas oportet me adducere, et vocem meam audient: et fiet unum ovile, et unus pastor, allelúia.

## FERIA SEXTA

De Actibus Apostolorum.

**Lectio j. Cap. 25.**

**F**ESTUS ergo cum venisset in provinciam, post triiduum ascendit Jerosolymam a Cæsareá. Adieruntque eum principes sacerdotum, et primi Judæorum, adversus Paulum: et rogabant eum, postulantes gratiam adversus eum, ut juberet perducere eum in Jerúsalem, insidias tendentes ut interficerent eum in via. Festus autem respondit, servari Paulum in Cæsareá: se autem maturius profecturum. Qui ergo in vobis (ait) potentes sunt, descendentes simul, si quod est in viro crimen, accusent eum.

**R.** Virtute magna reddébant. 292.

## Lectio ij.

**D**EMORATUS autem inter eos dies non amplius quam octo, aut decem, descendit Cæsareá, et altera die sedit pro tribunali, et jussit Paulum adduci. Qui cum perductus esset, circumsteterunt eum, qui ab Jerosolyma descenderant Judæi, multas et graves causas obijcientes, quas non poterant probare, Paulo rationem reddente: Quoniam neque in legem Judæorum, neque in templum, neque in Cæsarem quidquam peccavi.

**R.** De ore prudentis procedit. 293.

## Lectio iij.

**F**ESTUS autem volens gratiam prestare Judæis, respondens Paulo, dixit: Vis Jerosolymam ascendere, et ibi de his judicari apud me? Dixit autem Paulus: Ad tribunal Cæsaris sto, ibi me oportet judicari: Judæis non nocui, sicut tu melius nosti. Si enim nocui, aut dignum morte aliquid feci, non recuso mori: si vero nihil est eorum, quæ hi accusant me, nemo potest me illis donare. Cæsarem appello. Tunc Festus cum concilio locutus, respondit: Cæsarem appellasti? ad Cæsarem ibis.

Te Deum laudamus. 17.

**Ad Bened. Ant.** Nonne sic oportuit \* pati Christum, et ita intrare in gloriam suam? allelúia.

**Ad Vesperas, nisi occurrat**



festum ix. Lectionum, a Capitulo fit de S. Maria.

### SABBATO

De Actibus Apostolorum.

Lectio j. Cap. 28. d

**C**UM autem venissemus Romam, permissum est Paulo manere sibi cum custodiente se milite. Post tertium autem diem convocavit primos Judæorum. Cumque convenissent, dicebat eis : Ego, viri fratres, nihil adversus plebem faciens, aut morem patrum, vinctus ab Jerosolymis traditus sum in manus Romanorum, qui cum interrogationem de me habuissent, voluerunt me dimittere, eo quod nulla esset causa mortis in me. Contradicientibus autem Judæis, coactus sum appellare Cæsarem, non quasi gentem meam habens aliquid accusare. Propter hanc igitur causam rogavi vos videre, et alloqui. Propter spem enim Israël catena hac circumdatus sum.

Lectio ij.

**A**T illi dixerunt ad eum : Nos neque litteras accepimus de te a Judæa, neque adveniens aliquis fratrum nuntiavit, aut locutus est quid de te malum. Rogamus autem a te audire quæ sentis : nam de secta hac notum est nobis quia ubique ei contradicitur. Cum constituissent autem illi diem, venerunt ad eum in hospitium plurimi, quibus ex-

ponébat testificans regnum Dei, suadensque eis de Jesu ex lege Moysi, et Prophetis a mane usque ad vespem. Et quidam credebant his, quæ dicebantur : quidam vero non credebant.

Lectio iij.

**C**UMQUE invicem non essent consentientes, discedebant, dicente Paulo unum verbum : Quia bene Spiritus sanctus locutus est per Isaiam prophetam ad patres nostros, dicens : Vade ad populum istum, et dic ad eos : Aure audietis, et non intelligetis : et videntes videbitis, et non perspicietis. Incrassatum est enim cor populi hujus, et auribus graviter audierunt, et oculos suos compresserunt : ne forte videant oculis, et auribus audiant, et corde intelligant, et convertantur, et sanem eos. Notum ergo sit vobis, quoniam gentibus missum est hoc salutare Dei, et ipsi audient. Et cum hæc dixisset, exierunt ab eo Judæi, multam habentes inter se questionem. Mansit autem biennio toto in suo conducto : et suscipiebat omnes, qui ingrediebantur ad eum, prædicans regnum Dei, et docens quæ sunt de Domino Jesu Christo cum omni fiducia, sine prohibitione.

AD VESPERAS

Capitulum. I. Petr. 2. c

**C**ARÍSSIMI : Obsecro vos tamquam advenas et pe-

regrinos abstinere vos a carnalibus desideriis, quæ militant adversus animam.

**Hymn.** Ad régias. 299.

**V.** Mane nobiscum Dómine, allelúia. **R.** Quóniam advesperáscit, allelúia.

**Ad Magnif. Ant.** Módicum\* et non vidébitis me, dicit Dóminus : iterum módicum, et vidébitis me, quia vado ad Patrem, allelúia, allelúia.

**Oratio.**

**D**EUS, qui errántibus, ut in viam possint redire justitiæ, veritátis tuæ lumen osténdis : da cunctis qui christiána professióne censéntur, et illa respúere, quæ huic inimica sunt nómini, et ea quæ sunt apta, sectári. Per Dóminum.

**Commem. de Cruce.** 308.

## DOM. III. POST PASCHA

### AD MATUTINUM

**Invit., Hymn., Ant., Pss.**  
**et xv.** ut in Psalt. Tempore Paschali. 3.

### IN I. NOCTURNO

Incipit liber Apocalýpsis  
beáti Joánnis Apóstoli.

**Lectio j. Cap. 1.**

**A**POCALYPSIS Jesu Christi, quam dedit illi Deus palam facere servis suis, quæ opórtet fieri cito : et significávit, mittens per Angelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit. Beátus, qui legit, et áudit

verba prophetiæ hujus : et servat ea, quæ in ea scripta sunt : tempus enim prope est. Joánnes septem Ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est : et a septem spiritibus, qui in conspéctu throni ejus sunt : et a Jesu Christo, qui est testis fidélis, primogénitus mortuórum, et princeps regum terræ : qui diléxit nos, et lavit nos a peccátis nostris in ságuine suo, et fecit nos regnum, et sacerdótes Deo et Patri suo : ipsi glória, et impérium in sæcula sæculórum. Amen.

**R.** Dignus es Dómine accipere librum, et aperire signácula ejus, allelúia : quóniam occisus es, et redemisti nos Deo \* In ságuine tuo, allelúia. **V.** Fecisti enim nos Deo nostro regnum, et sacerdótium. In ságuine.

**Lectio ij.**

**E**CCE venit cum núbibus, et vidébit eum omnis óculus, et qui eum pupugérunt. Et plangent se super eum omnes tribus terræ : Etiam : Amen. Ego sum alpha et oméga, princípium et finis, dicit Dóminus Deus : qui est, et qui erat, et qui ventúrus est, omnipotens. Ego Joánnes frater vester, et párticeps in tribulatióne, et regno, et patiéntia in Christo Jesu : fui in insula, quæ appellátur Patmos propter verbum Dei, et testi-



mónium Jesu : fui in spíritu in Dominica die, et audiui post me vocem magnam tamquam tubæ, dicéntis : Quod vides, scribe in libro : et mitte septem Ecclésiis, quæ sunt in Asia, Epheso, et Smyrnæ, et Pérgamo, et Thyatiræ, et Sardis, et Philadélphiæ, et Laodicæ.

℞. Ego sicut vitis fructificávi suavitatem odóris, allelúia : \* Transite ad me omnes qui concupiscitis me, et a generatióibus meis adimplémini, allelúia, allelúia.

℣. In me omnis grátia viæ et veritátis : in me omnis spes vitæ et virtútis. Transite ad me.

### Lectio iij.

**E**T convérsus sum ut vidérem vocem, quæ loquebátur mecum : et convérsus vidi septem candelábra áurea : et in médio septem candelabrórúmaureórum símilem filio hóminis, vestitum podére, et præcinctum ad mamíllas zona áurea : caput áutem ejus et capilli erant cándidi tamquam lana alba, et tamquam nix, et óculi ejus tamquam flamma ignis, et pedes ejus símiles aurichálco, sicut in camíno ardénti, et vox illius tamquam vox aquárum multárum : et habébat in dextera sua stellas septem : et de ore ejus gládus utrâque parte acútus exibat : et fácies ejus sicut sol lucet in virtúte sua. Et cum vidissem eum, cé-

cidi ad pedes ejus tamquam mórtuus. Et pósuit dexteram suam super me, dicens : Noli timére : ego sum primus, et novissimus, et vivus, et fui mórtuus, et ecce sum vivens in sæcula sæculórum, et hábeo claves mortis, et inférni. Scribe ergo quæ vidisti, et quæ sunt, et quæ opórtet fieri post hæc.

℞. Audívi vocem de cælo, tamquam vocem tonitruui magni, allelúia : regnábit Deus noster in ætérnum, allelúia : \* Quia facta est salus, et virtus, et potéstas Christi ejus, allelúia, allelúia. ℣. Et vox de throno exívit, dicens : Láudem dicite Deo nostro omnes sancti ejus, et qui timétis Deum pusilli et magni. Quia. Glória Patri. Quia.

### IN II. NOCTURNO

Sermo sancti Augustini  
Epíscopi.

Serm. 147. de Tempore.

### Lectio iv.

**D**IÉBUS his sanctis resurrectioni Dómini dedicátis, quantum donánte ipso pósumus, de carnis resurrectione tractémus. Hæc enim est fides nostra : hoc donum in Dómini nostri Jesu Christi nobis carne promissum est, et in ipso præcéssit exéplum. Vóluit enim nobis, quod promisit in fine, non solum prænuntiáre, sed étiam demonstráre. Illi quidem qui tunc fuérunt, cum

illum vidērent, et cum expavēscerent, et spīritum se vidēre crēderent, soliditatem corpōris tenuērunt. Locūtus est enim non solum verbis ad aures eōrum, sed etiā specie ad oculos eōrum : parūmque erat se præbere cernendum, nisi etiā offerret pertractandum, atque palpandum.

**R.** Locūtus est ad me unus ex septem Angelis, dicens : Veni, ostendam tibi novam nuptam, sponsam Agni : \* Et vidi Jerúsalem descendentem de cælo, ornātam monilibus suis, allelúia, allelúia, allelúia. **V.** Et sústulit me in spīritu in montem magnum et altum. Et vidi.

#### Lectio v.

**A**IT enim : Quid turbāti estis, et cogitationes ascēdunt in cor vestrum? Putavērunt enim se spīritum vidēre. Quid turbāti estis, inquit, et cogitationes ascēdunt in cor vestrum? Vidēte manus meas, et pedes meos : palpāte, et vidēte : quia spīritus ossa et carnem non habet, sicut me vidētis habere. Contra istam evidēntiam disputābant hómīnes. Quid enim aliud fācerent hómīnes, qui ea, quæ sunt hómīnum, sapiunt, quam sic disputāre de Deo contra Deum? Ille enim Deus est, isti hómīnes sunt. Sed Deus novit cogitationes hómīnum, quóniam vanæ sunt.

**R.** Audivi vocem in cælo

Angelórum multórum dicentium : \* Timēte Dóminum, et date claritatem illi, et adorāte eum qui fecit cælum et terram, mare et fontes aquarum, allelúia, allelúia.

**V.** Vidi Angelum Dei fortem, volāntem per médium cæli, voce magna clamāntem et dicentem. Timēte Dóminum.

#### Lectio vj.

**I**N hómīne carnáli tota régula intelligēdi est consuetúdo cernēdi. Quod solent vidēre, credunt : quod non solent, non credunt. Præter consuetudinem facit Deus mirácula, quia Deus est. Majóra quidem mirácula sunt, tot quotidie hómīnes nasci, qui non erant, quam páucos resurrexisse, qui erant : et tamen ista mirácula non consideratióne comprehénsa sunt, sed assiduitate viluērunt. Resurrexit Christus : absolúta est res. Corpus erat, caro erat : pepēdit in cruce, emisit ánimam, pósita est caro in sepúlcro. Exhibuit illam vivam, qui vivēbat in illa. Quare mirámur? quare non crēdimus? Deus est, qui fecit.

**R.** Véniens a Líbano quam pulchra facta est, allelúia : \* Et odor vestimentórum ejus super ómnia arómata, allelúia, allelúia. **V.** Favus distillans lábia ejus, mel et lac sub lingua ejus. Et. Glória Patri. Et.



## IN III. NOCTURNO

Léctio sancti Evangelíi secundum Joánnem.

## Lectio vij. Cap. 16. b

**I**N illo témpore : Dixit Jesus discípulis suis : Módicum, et jam non vidébitis me : et iterum módicum, et vidébitis me : quia vado ad Patrem. Et réliqua.

Homília sancti Augustini  
Episcopi.

Tract. 101. in Joann.,  
sub finem.

**M**ÓDICUM est hoc totum spátium, quo præsens pérvolat sáeculum. Unde dicit idem ipse Evangelísta in Epístola sua : Novíssima hora est. Ideo namque áddidit : Quia vado ad Patrem : quod ad priórem senténtiam referéndum est, ubi ait : Módicum, et jam non vidébitis me : non ad posteriorem, ubi ait : Et iterum módicum, et vidébitis me. Eúndo quippe ad Patrem, factúrus erat ut eum non vidérent. Ac per hoc non ideo dictum est, quia fúerat moritúrus, et donec resúrgeret, ab eórum adspéctibus recessúrus : sed quod esset itúrus ad Patrem, quod fecit posteáquam resurrexit, et, cum eis per quadraginta dies conversátus, ascéndit in cælum.

℟. Decantábat pópulus Israël, allelúia : et univérsa multitúdo Jacob canébat legitime : \* Et David cum cantóribus cítharam percutiébat in domo Dómini, et láudes

Deo canébat, allelúia, allelúia. √ Sanctificáti sunt ergo sacerdótes et levitæ : et univérsus Israël deducébat arcam fœderis Dómini in júbilo. Et David.

## Lectio viij.

**I**LLIS ergo ait : Módicum, et jam non vidébitis me ; qui eum corporáliter tunc vidébant : quia itúrus erat ad Patrem, et eum deinceps mortálem visúri non erant, qualem, cum ista loquerétur, vidébant. Quod vero áddidit : Et iterum módicum, et vidébitis me : univérsæ promísit Ecclésiæ, sicut univérsæ promísit : Ecce ego vobíscum sum usque ad consummationem sáeculi. Non tardat Dóminus promíssum. Módicum, et vidéimus eum : ubi jam nihil rogémus, nihil interrogémus, quia nihil desiderándum remanébit, nihil quæréndum latébit.

℟. Tristítia vestra, allelúia,  
\* Convertétur in gáudium, allelúia, allelúia. √ Mundus autem gaudébit, vos vero contristabimini : sed tristitia vestra. Convertétur. Glória Patri. Convertétur.

## Lectio ix.

**H**OC módicum longum nobis vidétur, quóniam adhuc ágitur : cum finitum fúerit, tunc sentiémus quam módicum fúerit. Non ergo sit gáudium nostrum quale habet mundus, de quo dictum est : Mundus autem

gaudébit. Nec tamen in huius desiderii parturitíone sine gaudio tristes simus : sed, sicut ait Apóstolus : Spe gaudéntes : In tribulatióne patiéntes : quia et ipsa partúriens, cui comparáti sumus, plus gáudet de mox futura prole, quam tristis est de præsénti dolore. Sed huius sermónis iste sit finis : habent enim quæstiónem molestíssimam, quæ sequúntur : nec brevitate coarctánda sunt, ut possint commódus, si Dñs volúerit, explicári.

Te Deum laudámus. 17.

AD LAUDES

Ant. et Pss. de Psalt. 18.

Capitulum. I. Petr. 2. c

**C**ARÍSSIMI : Obsecro vos tamquam ádvenas et peregrínos abstinére vos a carnálibus desidériis, quæ militant advérsus ánimam.

Hymn. Auróra. 22.

Ÿ. In resurrectione tua Christe, allelúia. **R.** Cæli et terra læténtur, allelúia.

Ad Bened. Ant. Módicum, \* et non vidébitis me, dicit Dóminus : iterum módicum, et vidébitis me : quia vado ad Patrem, allelúia, allelúia.

Oratio.

**D**EUS, qui errántibus, ut in viam possint redire iustitiæ, veritátis tuæ lumen osténdis : da cunctis qui christiána professiône censéntur, et illa respúere, quæ huic inimica sunt nómini ; et ea quæ sunt apta sectári. Per.

Commém. de Cruce. 308.

AD TERTIAM

Capit. Caríssimi. ut supra.

**R.** br. Surréxit. 318.

AD SEXTAM

Capitulum. I. Petr. 2. c

**S**UBJÉCTI igitur estóte omni humánæ creatúræ propter Deum : sive regi quasi præcellénti : sive dúcibus tamquam ab eo missis ad vindictam malefactorum, láudem vero bonorum.

**R.** br. Surréxit. 319.

AD NONAM

Capitulum. I. Petr. 2. c

**S**ERVI súbditi estóte in omni timóre dóminis, non tantum bonis et modéstis, sed étiam dýscolis. Hæc est enim grátia in Christo Jesu Dómino nostro.

**R.** br. Gavísi. 319.

AD VESPERAS

Ant. et Pss. de Dom. 126.

Capit. Caríssimi. ut supra. Hymn. Ad régias Agni. Ÿ. Mane nobiscum. 299.

Ad Magnif. Ant. Amen dico vobis \* quia plorábitis et flébitis vos : mundus áutem gaudébit, vos vero contristabimini : sed tristitia vestra convertétur in gáudium, allelúia.

Commém. de Cruce. 308.

FERIA SECUNDA

De libro Apocalýpsis beáti Joánnis Apóstoli.

Lectio j. Cap. 2.

**A**NGELO Ephesi Ecclésiæ scribe : Hæc dicit, qui tenet septem stellas in dext-



tera sua, qui ambulat in medio septem candelabrorum aureorum : Scio opera tua, et laborem, et patientiam tuam, et quia non potes sustinere malos : et tentasti eos, qui se dicunt Apostolos esse, et non sunt : et invenisti eos mendaces : et patientiam habes, et sustinuisti propter nomen meum, et non defecisti. Sed habeo adversum te, quod caritatem tuam primam reliquisti. Memor esto itaque unde excideris : et age poenitentiam, et prima opera fac. Sin autem, venio tibi, et movebo candelabrum tuum de loco suo, nisi poenitentiam egeris. Sed hoc habes, quia odisti facta Nicolaitarum, quae et ego odi. Qui habet aurem, audiat quid Spiritus dicat Ecclesiis : Vincenti dabo edere de ligno vitae, quod est in paradiso Dei mei.

¶ Vidi portam civitatis ad Orientem positam, et Apostolorum nomina et Agni super eam scripta : \* Et super muros ejus Angelorum custodiam, alleluia. ¶ Vidi caelum novum, et terram novam, et civitatem novam descendentem de caelo. Et super.

Lectio ij.

ET Angelo Smyrnae Ecclesiae scribe : Haec dicit primus, et novissimus, qui fuit mortuus, et vivit : Scio tribulationem tuam, et paupertatem tuam, sed dives es :

et blasphemaris ab his, qui se dicunt Judaeos esse, et non sunt, sed sunt synagoga satanae. Nihil horum timeas quae passurus es. Ecce missurus est diabolus aliquos ex vobis in carcerem ut tentemini : et habebitis tribulationem diebus decem. Esto fidelis usque ad mortem, et dabo tibi coronam vitae. Qui habet aurem, audiat quid Spiritus dicat Ecclesiis : Qui vicerit, non laedetur a morte secunda.

¶ Ostendit mihi Angelus fontem aquae vivae, et dixit ad me, alleluia : \* Hic Deum adora, alleluia, alleluia, alleluia. ¶ Postquam audissem et vidissem, cecidi ut adorarem ante pedes Angeli, qui mihi haec ostendebat, et dixit mihi. Hic. Gloria Patri. Hic.

Lectio iij.

ET Angelo Pergami Ecclesiae scribe : Haec dicit qui habet rhomphaeam utraque parte acutam : Scio ubi habitas, ubi sedes est satanae : et tenes nomen meum, et non negasti fidem meam. Et in diebus illis Antipas testis meus fidelis, qui occisus est apud vos, ubi satanas habitabat. Sed habeo adversus te pauca : quia habes illic tenentes doctrinam Balaam, qui docebat Balac mittere scandalum coram filiis Israel, edere, et fornicari : ita habes et tu tenentes doctrinam Nicolaitarum. Similiter

pœnitentiam age : si quominus, véniam tibi cito, et pugnabo cum illis in gladio oris mei. Qui habet áurem, áudiat quid Spíritus dicat Ecclésiis : Vincénti dabo manna absconditum, et dabo illi cálculum cándidum : et in cálculo nomen novum scriptum, quod nemo scit, nisi qui áccipit.

Te Deum laudamus. 17.

**Ad Bened. Ant.** Et incipiens \* a Móyse et ómnibus Prophétis, interpretabátur illis Scriptúras, quæ de ipso erant, allelúia.

**Ad Magnif. Ant.** Tristitia vestra \* vertétur in gáudium, allelúia : et gáudium vestrum nemo tollet a vobis, allelúia, allelúia.

### FERIA TERTIA

De libro Apocalýpsis beáti Joánnis Apóstoli.

**Lectio j. Cap. 4.**

**P**ost hæc vidi : et ecce póstium apértum in cælo, et vox prima, quam audivi, tamquam tubæloquéntis mecum, dicens : Ascénde huc, et osténdam tibi quæ opórtet fieri post hæc. Et statim fui in spíritu : et ecce sedes pó-sita erat in cælo, et supra sedem sedens. Et qui sedébat, similis erat adspéctui lápidis jáspidis, et sárdinis : et iris erat in circúitu sedis similis visióni smarágdinæ. Et in circúitu sedis sedília viginti-quátuor : et super thronos viginti-quátuor se-

nióres sedéntes, circumamicti vestiméntis albis, et in capitibus eórum corónæ áureæ. Et de throno procedébant fúlgora, et voces, et tonitrua : et septem lámpades ardéntes ante thronum, qui sunt septem spíritus Dei.

**R.** Vidi Jerúsalem descendéntem de cælo, ornátam áuro mundo, et lapidibus pretiósus intéxtam : \* Allelúia, allelúia. **V.** Et erat structúra muri ejus ex lápide jáspide ; ipsa vero áurum mundum, simile vitro mundo. Allelúia.

**Lectio ij.**

**E**t in conspéctu sedis tamquam mare vítreum simile crystállo : et in médio sedis, et in circúitu sedis quátuor animália plena óculis ante et retro. Et ánimál primum simile leóni, et secúndum ánimál simile vítulo, et tértium ánimál habens faciém quasi hóminis, et quartum ánimál simile áquilæ volánti. Et quátuor animália singula eórum habébant alas senas : et in circúitu, et intus plena sunt óculis : et réquiem non habébant die ac nocte, dicéntia : Sanctus, Sanctus, Sanctus Dóminus Deus omnipotens, qui erat, et qui est, et qui ventúrus est.

**R.** In diadémate cápitis Aaron magnificéntia Dómini sculpta erat : \* Dum perficerétur opus Dei, allelúia, allelúia, allelúia. **V.** In veste



enim podéris quam habébat, totus erat orbis terrarum, et paréntum magnália in quátuor ordinibus lápidum sculpta erant. Dum perficerétur. Glória Patri. Dum perficerétur.

*Lectio iij.*

**E**T cum darent illa animália glóriam, et honórem, et benedictiónem sedénti super thronum, vivénti in sæcula sæculórum, procidébant vigínti quátuor senióres ante sedéntem in throno, et adorábant vivéntem in sæcula sæculórum, et mitébant corónas suas ante thronum dicéntes : Dignus es Dómine Deus noster accipere glóriam, et honórem, et virtútem : quia tu creásti ómnia, et propter voluntátem tuam erant, et creáta sunt.

Te Deum laudámus. 17.

*Ad Bened. Ant.* Et coegerunt \* illum, dicéntes : Mane nobiscum Dómine, quóniam advesperáscit, allelúia.

*Ad Magnif. Ant.* Tristitia implévit \* cor vestrum : et gáudium vestrum nemo tollet a vobis, allelúia, allelúia.

FERIA QUARTA

De libro Apocalýpsis beáti Joánnis Apóstoli.

*Lectio j. Cap. 5.*

**E**T vidi in dextera sedéntis supra thronum, librum scriptum intus et foris, signátum sigillis septem. Et vidi Angelum fortem, præ-

dicántem voce magna : Quis est dignus aperire librum, et sólvare signácula ejus ? Et nemo póterat neque in cælo, neque in terra, neque subtus terram aperire librum, neque respicere illum. Et ego flebam multum, quóniam nemo dignus invéntus est aperire librum, nec vidére eum. Et unus de senióribus dixit mihi : Ne fléveris : ecce vicit leo de tribu Juda, radix David, aperire librum, et sólvare septem signácula ejus. Et vidi : et ecce in médio throni et quátuor animálium, et in médio seniórum, Agnum stantem tamquam occísus, habéntem córnuá septem, et óculos septem : qui sunt septem spíritus Dei, missi in omnem terram. Et venit, et accépit de dextera sedéntis in throno librum.

*R.* Platææ tuæ Jerúsalem sternéntur áuro mundo, allelúia : et cantábitur in te cánticum lætitiæ, allelúia : \* Et per omnes vicos tuos ab univérsis dicétur, allelúia, allelúia. *V.* Luce spléndida fulgébis, et omnes fines terræ adorábunt te. Et.

*Lectio ij.*

**E**T cum aperuisset librum, quátuor animália, et viginti quátuor senióres ceciderunt coram Agno, habéntes singuli cítharas, et phialas áureas plenas odorem sanctorum, quæ sunt oratiónes sanctorum : et cantábant cán-

ticum novum, dicentes : Dignus es Domine accipere librum, et aperire signacula ejus : quoniam occisus es, et redemisti nos Deo in sanguine tuo ex omni tribu, et lingua, et populo, et natione : et fecisti nos Deo nostro regnum, et sacerdotes : et regnabimus super terram.

**R.** Decantabat populus Israel, alleluia; et universa multitudo Jacob canebat legitime : \* Et David cum cantoribus citharam percutiebat in domo Domini, et laudes Deo canebat, alleluia, alleluia. **V.** Sanctificati sunt ergo sacerdotes et levitæ : et universus Israel deducebat arcam foederis Domini in iubililo. Et. Gloria Patri. Et.

**Lectio iij.**

**E**T vidi, et audivi vocem Angelorum multorum in circuitu throni, et animalium, et seniorum : et erat numerus eorum millia millium, dicentium voce magna : Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Et omnem creaturam, quæ in cælo est, et super terram, et sub terra, et quæ sunt in mari, et quæ in eo : omnes audivi dicentes : Sedenti in throno, et Agno : benedictio, et honor, et gloria, et potestas in sæcula sæculorum. Et quatuor animalia dicebant :

Amen. Et viginti quatuor seniores ceciderunt in facies suas : et adoraverunt viventem in sæcula sæculorum.

Te Deum laudamus. 17.

**Ad Bened. Ant.** Mane nobiscum, \* quoniam advesperascit, et inclinata est jam dies, alleluia.

**Ad Magnif. Ant.** Tristitia vestra, \* alleluia, vertetur in gaudium, alleluia.

**FERIA QUINTA**

De libro Apocalýpsis beati Joannis Apostoli.

**Lectio j. Cap. 15.**

**E**T vidi aliud signum in cælo magnum, et mirabile, Angelos septem, habentes plagas septem novissimas : quoniam in illis consummata est ira Dei. Et vidi tamquam mare vitreum mistum igne, et eos, qui vicerunt bestiam, et imaginem ejus, et numerum nominis ejus, stantes super mare vitreum, habentes citharas Dei : et cantantes canticum Moysi servi Dei, et canticum Agni, dicentes : Magna, et mirabilia sunt opera tua Domine Deus omnipotens : justæ et veræ sunt viæ tuæ, Rex sæculorum. Quis non timebit te Domine, et magnificabit nomen tuum ? quia solus pius es : quoniam omnes gentes venient, et adorabunt in conspectu tuo, quoniam judicia tua manifesta sunt.

**R.** Dignus es Domine. 326.



## Lectio ij.

**E**T post hæc vidi, et ecce apértum est templum tabernáculi testimónii in cælo : et exiérunt septem Angeli habéntes septem plagas de templo, vestiti lino mundo et cándido, et præcincti circa péctora zonis áureis. Et unum de quátuor animálibus dedit septem Angelis septem phíalas áureas, plenas iracúndiæ Dei vivéntis in sæcula sæculórum. Et implétum est templum fumo a majestáte Dei, et de virtúte ejus : et nemo póterat introire in templum, donec consummaréntur septem plagæ septem Angelórum.

**R.** Ego sicut vitis. **cum** Glória Patri. **Transíte. in fine.** 327.

## Lectio iij. Cap. 16.

**E**T audiui vocem magnam de templo, dicéntem septem Angelis : Ite, et effúndite septem phíalas iræ Dei in terram. Et ábiit primus, et effúdit phíalam suam in terram, et factum est vulnus sævum, et péssimum in hómines, qui habébant caractérem béstiæ : et in eos, qui adoravérunt imáginem ejus. Et secúndus Angelus effúdit phíalam suam in mare, et factus est sanguis tamquam mórtui : et omnis ánima vivens mórtua est in mari. Et tértius effúdit phíalam suam super flúmina, et super fontes aquárum, et factus est sanguis. Et audiui

Angelum aquárum dicéntem : Justus es Dómine, qui es, et qui eras sanctus, qui hæc judicásti : quia sánguinem Sanctórum et Propheetárum effudérunt, et sánguinem eis dedisti bibere : digni enim sunt.

Te Deum laudámus. 17.

**Ad Bened. Ant.** Et intrávit \* cum illis : et factum est, dum recúmberet cum illis, accépit panem et benedixit, ac fregit, et porrigébat illis, allelúia, allelúia.

**Ad Magnif. Ant.** Amen amen dico vobis, \* iterum vidébo vos, et gaudébit cor vestrum, et gáudium vestrum nemo tollet a vobis, allelúia.

## FERIA SEXTA

De libro Apocalýpsis beáti Joánnis Apóstoli.

## Lectio j. Cap. 19.

**P**OST hæc audiui quasi vocem turbárum multárum in cælo dicéntium : Allelúia : Salus, et glória, et virtus Deo nostro est : quia vera, et justa judícia sunt ejus, qui judicávit de meretrice magna, quæ corrúpit terram in prostitutióne sua, et vindicávit sánguinem servórum suórum de mánibus ejus. Et iterum dixerunt : Allelúia. Et fumus ejus ascéndit in sæcula sæculórum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes :

Amen : Allelúia. Et vox de throno exívit, dicens : Láudem dicite Deo nostro omnes servi ejus : et qui timétis eum, pusilli et magni.

℞. Locútus est. 328.

**Lectio ij.**

**E**T audiui quasi vocem turbæ magnæ, et sicut vocem aquarum multarum, et sicut vocem tonitruorum magnorum, dicentium : Allelúia : quóniam regnávít Dóminus Deus noster omnipotens. Gaudeámus, et exultémus, et demus glóriam ei : quia venérunt nuptiæ Agni, et uxor ejus præparávit se. Et datum est illi ut coopériat se býssino splendénti et cándido. Býssinum enim justificatiónes sunt Sanctorum. Et dixit mihi : Scribe : Beáti qui ad cœnam nuptiarum Agni vocáti sunt. Et dixit mihi : Hæc verba Dei vera sunt. Et cécidi ante pedes ejus, ut adorárem eum. Et dicit mihi : Vide ne féceris : consérvus tuus sum, et fratrum tuorum habéntium testimónium Jesu. Deum adorá. Testimónium enim Jesu est spíritus prophetiæ.

℞. Audiui vocem. *cum* Glória Patri. Timéte. *in fine.* 328.

**Lectio iij.**

**E**T vidi cælum apértum, et ecce equus albus, et qui sedébat super eum, vocabátur Fidélis, et Verax, et cum justitia júdicat, et pugnat. Oculi áutem ejus sicut flam-

ma ignis, et in cápite ejus diadémata multa, habens nomen scriptum, quod nemo novit nisi ipse. Et vestitus erat veste aspérsa sángine : et vocátur nomen ejus, Verbum Dei. Et exércitus qui sunt in cælo, sequebántur eum in equis albis, vestíti býssino albo, et mundo. Et de ore ejus procédit gládius ex utrâque parte acútus : ut in ipso percútiat gentes. Et ipse reget eas in virga férrea : et ipse calcat tórcular vini furóris iræ Dei omnipoténtis. Et habet in vestiménto, et in fémore suo scriptum : Rex regum, et Dóminus dominántium.

Te Deum laudámus. 17.

**Ad Bened. Ant.** Cognóverunt \* Dóminum Jesum, allelúia, in fractiône panis, allelúia.

**Ad Vesperas, nisi occurrat festum ix. Lectionum, a Capitulo fit de S. Maria, ut infra.**

**SABBATO**

De libro Apocalýpsis beáti Joánnis Apóstoli.

**Lectio j. Cap. 22.**

**E**T osténdit mihi flúvium aquæ vitæ, spléndidum tamquam crystállum, procedéntem de sede Dei et Agni. In médio platéæ ejus, et ex utrâque parte flúminis lignum vitæ, áfferens fructus duódecim, per menses singulos reddens fructum suum,



et fólia ligni ad sanitátem géntium. Et omne maledictum non erit ámplius : sed sedes Dei et Agni in illa erunt, et servi ejus sérvient illi. Et vidébunt fáciem ejus : et nomen ejus in fróntibus eórum. Et nox ultra non erit : et non egébunt lúmine lucérnæ, neque lúmine solis, quóniam Dóminus Deus illuminábit illos, et regná-bunt in sácula sæculórum. Et dixit mihi : Hæc verba fidelíssima sunt, et vera. Et Dóminus Deus spirituum prophetárum misit Angelum suum osténdere servis suis quæ opórtet fieri cito. Et ecce vénio velóriter. Beátus, qui custódit verba prophetiæ libri hujus.

*Lectio ij.*

**E**T ego Joánnes, qui audí-  
vi, et vidi hæc. Et post-  
quam audissem, et vidís-  
sem, cécidi ut adorárem  
ante pedes Angeli, qui mihi  
hæc ostendébat : et dixit  
mihi : Vide ne féceris : con-  
sérvus enim tuus sum, et  
fratrum tuórum prophetá-  
rum, et eórum, qui servant  
verba prophetiæ libri hujus :  
Deum adóra. Et dicit mihi :  
Ne signáveris verba prophe-  
tiæ libri hujus : tempus enim  
prope est. Qui nocet, nóceat  
adhuc : et qui in sórdibus  
est, sordéscat adhuc : et  
qui justus est, justificétur  
adhuc : et sanctus, sancti-  
ficétur adhuc. Ecce vénio  
cito, et merces mea mecum

est, réddere unicuique se-  
cúndum ópera sua.

*Lectio iij.*

**E**GO sum alpha et oméga,  
prímus et novísimus,  
príncípium et finis. Beáti,  
qui lavant stolas suas in sán-  
guine Agni : ut sit potéstas  
eórum in ligno vitæ, et per  
portas intrent in civitátem.  
Foris canes, et venéfici, et  
impudíci, et homicidæ, et  
idólis serviéntes, et omnis,  
qui amat, et facit mendá-  
cium. Ego Jesus misi Ange-  
lum meum, testificári vobis  
hæc in Ecclésiis. Ego sum  
radix, et genus David, stella  
spléndida et matutína. Et  
spíritus, et sponsa dicunt :  
Veni. Et qui áudit, dicat :  
Veni. Et qui sitit, véniat : et  
qui vult, accípiat aquam vi-  
tæ, gratis. Contéstor enim  
omni audiénti verba prophe-  
tiæ libri hujus : Si quis appo-  
súerit ad hæc, appónet Deus  
super illum plagas scriptas  
in libro isto. Et si quis dí-  
minúerit de verbis libri pro-  
phetiæ hujus, áuferet Deus  
partem ejus de libro vitæ, et  
de civitáte sancta, et de his,  
quæ scripta sunt in libro  
isto. Dicit qui testimónium  
pérhibet istórum. Etiam vé-  
nio cito : Amen. Veni Dó-  
mine Jesu. Grátia Dómini  
nostri Jesu Christi cum  
ómnibus vobis. Amen.

AD VESPERAS

*Capitulum. Jac. 1. c*

**C**ARÍSSIMI : Omne datum  
óptimum, et omne do-

num perfectum desursum est, descendens a Patre luminum, apud quem non est transmutatio, nec vicissitudinis obumbratio.

*Hymnus* Ad régias Agni.

*v.* Mane nobiscum. 299.

*Ad Magnif. Ant.* Vado ad eum\* qui misit me : et nemo ex vobis interrogat me : Quo vadis? allelúia, allelúia.

*Oratio.*

**D**EUS, qui fidélium mentes unius effícis voluntátis : da pópulis tuis id amare quod præcipis, id desiderare quod promittis ; ut inter mundánas varietates ibi nostra fixa sint corda, ubi vera sunt gáudia. Per Dñm.

*Commemoratio de Cruce.*  
308.

## DOM. IV. POST PASCHA

### AD MATUTINUM

*Invit. Hymn., Ant., Pss. et vv. ut in Psalt. Temp. Pasch. 3.*

### IN I. NOCTURNO

*Si Lectiones I. Nocturni lectæ sunt pridie, quando scilicet in Sabbato præcedenti occurrit festum SS. Apostolorum Philippi et Jacobi, in Dominica legantur Lectiones Feriæ secundæ sequentis.*

*Incipit Epístola cathólica beáti Jacóbi Apóstoli.*

*Lectio j. Cap. 1.*

**J**ACÓBUS Dei, et Dómini nostri Jesu Christi servus, duódecim tribubus, quæ sunt in dispersióne,

salútem. Omne gáudium existimate fratres mei, cum in tentationes várias incidéritis : sciéntes quod probatio fidei vestræ patiéntiam operátur. Patiéntia áutem opus perfectum habet : ut sitis perfecti et integri in nullo deficientes. Si quis áutem vestrum indiget sapiéntia, póstulet a Deo, qui dat ómnibus affluénter, et non impróperat : et dábitur ei. Póstulet áutem in fide nihil hæsitans.

*R.* Si oblitus fuero tui, allelúia, obliviscátur mei dextera mea : \* Adhæreat lingua mea fáucibus meis, si non meminero tui, allelúia, allelúia. *v.* Super flúmina Babilónis illic sédimus et flévimus, dum recordarémur tui Sion. Adhæreat.

*Lectio ij*

**Q**UI enim hæsitat, similis est flúctui maris, qui a vento movétur et circumfértur. Non ergo æstimet homo ille quod accipiat aliquid a Dómino. Vir duplex ánimo incónstans est in ómnibus viis suis. Gloriétur áutem frater húmilis in exaltatióne sua : dives áutem in humilitáte sua, quóniam sicut flos fœni transibit. Exórtus est enim sol cum ardóre, et arefécit fœnum, et flos ejus décidit, et decor vultus ejus depériit : ita et dives in itinéribus suis marcéscet.

*R.* Vidérunt te aquæ, Deus, vidérunt te aquæ, et ti-



muérunt : \* Multitúdo sónitus aquárum vocem dedérunt nubes, allelúia, allelúia, allelúia. *v.* Illuxérunt coruscationes tuæ orbi terræ : vidit et commóta est terra. Multitúdo.

*Lectio iij.*

**B**EÁTUS vir, qui suffert tentationem : quóniam cum probátus fúerit, accipiet coronam vitæ, quam repromisit Deus diligéntibus se. Nemo cum tentátur, dicat quóniam a Deo tentátur : Deus enim intentátor malórum est : ipse áutem néminem tentat. Unusquisque vero tentátur a concupiscéntia sua abstráctus, et illéctus. Deinde concupiscéntia cum concéperit, parit peccátum : peccátum vero cum consummátum fúerit, génerat mortem. Nolite itaque erráre fratres mei dilectissimi.

*R.* Narrábo nomen tuum frátribus meis, allelúia : \* In médio Ecclésiæ laudábo te, allelúia, allelúia. *v.* Confitébor tibi in pópulis Dómine, et psalmum dicam tibi in géntibus. In médio. Glória Patri. In médio.

IN II. NOCTURNO

Ex Tractátu sancti Cypriáni  
Episcopi et Mártiris de  
bono patiéntiæ.

*Lectio iv. Serm. 3. initio.*

**D**E patiéntia locutúrus, fratres dilectissimi, et utilitátes ejus et cómoda prædicatúrus, unde pótius incipiam, quam quod nunc quo-

que ad audiéntiam, vestram patiéntiam vídeo esse necessariam : ut nec hoc ipsum, quod auditis et discitis, sine patiéntia fácere possitis ? Tunc enim demum sermo et rátio salutáris effícaciter discitur, si patiénter, quod dicitur, audiátur. Nec invénio, fratres dilectissimi, inter cæteras cæléstis disciplinæ vias, quibus ad consequénda divinitus præmia spei ac fidei nostræ secta dirigitur, quid magis sit vel utilius ad vitam, vel majus ad glóriam, quam ut qui præcéptis Dominicis obséquio timóris ac devotiónis innítimur, patiéntiam máxime tota observatióne tueámur. Hanc se sectári philosophi quoque profiténtur : sed tam illic patiéntia falsa est, quam et falsa sapiéntia est. Unde enim vel sapiens esse, vel pátiens possit, qui nec sapiéntiam, nec patiéntiam Dei novit ?

*R.* In ecclésiis benedicite Deo, allelúia, \* Dómino de fóntibus Israël, allelúia, allelúia. *v.* Psalmum dicite nómini ejus, date glóriam láudi ejus. Dómino.

*Lectio v. Cap. 2. 3. 8.*

**N**os áutem, fratres dilectissimi, qui philosophi non verbis, sed factis sumus ; nec vestítu sapiéntiam, sed veritáte præferimus : qui virtútum consciéntiam magis quam jactántiam nóvimus : qui non lóquimur magna,

sed vivimus quasi servi et cultōres Dei : patiētiā, quam magistēriis cālestibus discimus, obsēquiis spiritalibus praebeāmus. Est enim nobis cum Deo virtus ista commūnis : inde patiētia incipit, inde clāritas ejus et dignitas caput sumit. Origo et magnitūdo patiētiāe Deo auctōre procēdit. Diligēda res hōmini, quā Deo cara est. Bonum quod amat, majestas divina commēdat. Si Dōminus nobis et Pater Deus est, sectēmur patiētiā dōmini pāriter et patris : quia et servos opōrtet esse obsequētes, et filios non decet esse degēneres.

℞. In toto corde meo, allelūia, exquisivi te, allelūia : \* Ne repēllas me a mandātis tuis, allelūia, allelūia. √. Benedictus es tu Dōmine, doce me justificatiōnes tuas. Ne repēllas.

Lectio vj.

**P**ATIēNTIA est, quā nos Deo et commēdat et servat : ipsa est, quā iram tēperat, quā linguam frēnat, quā mentem gubērat, pacem custōdit, disciplinā regit, libidinis impetum frangit, tumōris violētiā cōmprimit, incēdium simultātis exstinguit, coērcet potētiā divitum, inōpiā pāuperum rēfovet, tuētur in virginibus beātā integritātem, in viduis laboriōsam castitātem, in conjūctis et maritātis individūam caritātem : facit

hūmiles in prósperis, in adversis fortes, contra injūrias et contumēlias mites : docet delinquētibz cito ignōscere ; si ipse delinquas, diu et multum rogāre : tentatiōnes expūgnat, persecutiōnes tōlerat, passiōnes et martýria consūmmat. Ipsa est, quā fidei nostrāe fundamēta firmiter munit.

℞. Hymnum cantāte nobis, allelūia : \* Quōmodo cantābimus cānticum Dōmini in terra aliēna ? allelūia, allelūia. √. Illic interrogavērunt nos, qui captivos duxērunt nos, verba cantiónum. Quōmodo. Glória Patri. Quōmodo.

IN III. NOCTURNO

Lectio sancti Evangēlii secūndum Joānnem.

Lectio vij. Cap. 16.

**I**N illo tēpore : Dixit Jesus discipulis suis : Vado ad eum qui misit me ; et nemo ex vobis intēroga me, Quo vadis ? Et reliqua.

Homilia sancti Augustini  
Episcopi.

Tractatus 94. in Joann.,  
initio.

**C**UM Dōminus Jesus prae-dixisset discipulis suis persecutiōnes, quas passūri erant post ejus abscessum, subjūnxit atque ait : Hēc autem vobis ab initio non dixi, quia vobiscum eram : nunc autem vado ad eum, qui me misit. Ubi primum vidēdum est, utrum eis futūras non prædixerit ante



passiões. Sed alii tres Evangelistæ satis eum prædixisse ista demônstrant, ántequam ventum esset ad cœnam : quæ perácta, secúndum Joánnem ista locútus est, ubi ait : Hæc áutem vobis ab initio non dixi, quia vobiscum eram.

**R.** Deus canticum novum cantábo tibi, allelúia : \* In psaltério decem chordárum psallam tibi, allelúia, allelúia. **V.** Deus meus es tu, et confitébor tibi : Deus meus es tu, et exaltábo te. In psaltério.

#### Lectio viij.

**A**N forte hinc ista sólvitur quæstio, quia et illi eum narrant passiõni próximam fuisse cum hæc diceret? Non ergo ab initio, quando cum illis erat : quia jam discessurus, jamque ad Patrem perrecturus hæc dixit. Et ideo étiam secúndum illos Evangelistas verum est, quod hic dictum est : Hæc áutem vobis ab initio non dixi. Sed quid ágimus de fide Evangelii secúndum Matthæum, qui hæc eis a Dómino non solum cum jam Pascha esset cum discipulis cœnaturus, imminente passiõe, verum et ab initio denuntiáta esse commemorat; ubi primum nominátim duódecim exprímuntur Apóstoli, et ad ópera divína mittúntur?

**R.** Bonum est confitéri Dómino, allelúia : \* Et psállere, allelúia. **V.** In deca-

chórdo psaltério, cum cántico et cithara. Et psállere. Glória Patri. Et psállere.

#### Lectio ix.

**Q**UID sibi ergo vult, quod hic ait : Hæc áutem vobis ab initio non dixi, quia vobiscum eram : nisi quia ea, quæ hic dicit de Spíritu sancto, quod sit venturus ad eos, et testimónium perhibiturus, quando mala illa passuri sunt, hæc ab initio eis non dixit, quia cum ipsis erat? Consolátor ergo ille, vel advocátus, (utrúmque enim interpretátur, quod est græce Paráclitus) Christo abscedente fúerat necessarius : et ideo de illo non dixerat ab initio, quando cum illis erat, quia ejus præsentia consolabántur.

Te Deum laudámus. 17.

#### AD LAUDES

**Ant. et Pss. de Psalt.** 18.

**Capitulum. Jac. 1. c**

**C**ARÍSSIMI : Omne datum óptimum, et omne donum perféctum desúrsum est, descéndens a Patre lúminum, apud quem non est transmutátio, nec vicissitudinis obumbrátio.

**Hymnus Auróra cælum.**

**V.** In resurrectione. 22.

**Ad Bened. Ant.** Vado ad eum \* qui misit me : et nemo ex vobis intérrogat me : Quo vadis? allelúia, allelúia.

#### Oratio

**D**EUS, qui fidélium mentes unius éfficis voluntátis : da pópulis tuis id amáre

quod præcipis, id desiderare quod promittis; ut inter mundanas varietates ibi nostra fixa sint corda, ubi vera sunt gaudia. Per Dóminum.

*Commem. de Cruce.* 308.

AD TERTIAM

*Capit.* Carissimi : Omne datum. *ut supra.*

*R. br.* Surrexit Dóminus de sepúlcro, \* Allelúia, allelúia. Surrexit. *V.* Qui pro nobis pepéndit in ligno. Allelúia, allelúia. Glória Patri. Surrexit.

*V.* Surrexit Dóminus vere, allelúia. *R.* Et apparuit Simóni, allelúia.

AD SEXTAM

*Capitulum.* Jac. 1. c

**S**citis fratres mei dilectissimi. Sit autem omnis homo velox ad audiendum : tardus autem ad loquendum, et tardus ad iram. Ira enim viri justitiam Dei non operatur.

*R. br.* Surrexit Dóminus vere, \* Allelúia, allelúia. Surrexit. *V.* Et apparuit Simóni. Allelúia, allelúia. Glória Patri. Surrexit.

*V.* Gavisi sunt discipuli, allelúia. *R.* Viso Dómino, allelúia.

AD NONAM

*Capitulum.* Jac. 1. d

**P**ropter quod abjicientes omnem immunditiam, et abundantiam malitiæ, in mansuetudine suscipite insitum verbum, quod potest salvare ánimas vestras.

*R. br.* Gavisi sunt disci-

puli, \* Allelúia, allelúia. Gavisi. *V.* Viso Dómino. Allelúia, allelúia. Glória. Gavisi.

*V.* Mane nobiscum Dómine, allelúia. *R.* Quóniam advesperáscit, allelúia.

AD VESPERAS

*Ant. et Pss. de Dom.* 126.

*Capit.* Carissimi. *ut supra.*

*Hymnus.* Ad régias Agni.

*V.* Mane nobiscum. 299.

*Ad Magnif. Ant.* Vado ad eum \* qui misit me : sed quia hæc locútus sum vobis, tristitia implévit cor vestrum, allelúia.

*Commem. de Cruce.* 308.

FERIA SECUNDA

De Epistola beáti Jacóbi Apóstoli.

*Lectio j.* Cap. 1. c

**O**MNE datum optimum, et omne donum perfectum desúrsum est, descendens a Patre lúminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus. Scitis fratres mei dilectissimi. Sit autem omnis homo velox ad audiendum : tardus autem ad loquendum, et tardus ad iram. Ira enim viri justitiam Dei non operatur.

*R.* Dicant nunc, qui redempti sunt, allelúia, \* A Dómino, allelúia, allelúia. *V.* Quos redemit de manu inimici, et de regiónibus congregávit eos. A Dómino.



*Lectio ij.*

**P**ROPTER quod abjicién-  
tes omnem immunditiam,  
et abundantiam malitiæ, in  
mansuetudine suscipite insi-  
tum verbum, quod potest sal-  
vare ánimas vestras. Estóte  
áutem factóres verbi, et non  
auditóres tantum : falléntes  
vosmetípsos. Quia si quis  
auditor est verbi, et non  
factor : hic comparábitur  
viro consideránti vultum na-  
tivitátis suæ in spéculo : con-  
siderávit enim se, et ábiit,  
et statim oblitus est qualis  
fúerit.

*R.* Cantáte Dómino, alle-  
lúia : \* Psalmum dicite ei,  
allelúia. *V.* Afférte Dómino  
glóriam et honórem, afférte  
Dómino glóriam nómini ejus.  
Psalmum. Glória. Psalmum.

*Lectio iij.*

**Q**UI áutem perspéxerit in  
legem perfectam liber-  
tátis, et permánserit in ea,  
non auditor obliuiósus fa-  
ctus, sed factor óperis : hic  
beátus in facto suo erit. Si  
quis áutem putat se religi-  
osum esse, non refrénans  
linguam suam, sed sedúcens  
cor suum, hujus vana est  
religio. Religio munda, et  
immaculáta apud Deum et  
Patrem, hæc est : Visitare  
pupillos, et víduas in tribu-  
latióne eórum, et immacu-  
látum se custodire ab hoc  
sæculo.

Te Deum laudámus. 17.

*Ad Bened. Ant.* Nonne cor  
nostrum \* ardens erat in

nobis de Jesu, dum loque-  
rétur nobis in via? allelúia.

*Ad Magnif. Ant.* Ego veri-  
tatem dico \* vobis : expedit  
vobis ut ego vadam : si enim  
non abiero, Paráclitus non  
veniet ad vos, allelúia.

## FERIA TERTIA

De Epístola beáti Jacóbi  
Apóstoli.

*Lectio j. Cap. 2.*

**F**RATRES mei, nolite in per-  
sonarum acceptióne ha-  
bére fidem Dómini nostri  
Jesu Christi glóriæ. Etenim  
si introierit in convéntum  
vestrum vir áureum ánnu-  
lum habens in veste cándida,  
introierit áutem et páuper in  
sórdido hábitu, et intendá-  
tis in eum, qui indútus est  
veste præclára, et dixeritis  
ei : Tu sede hic bene : páu-  
peri áutem dicátis : Tu sta  
illic ; aut sede sub scabéllo  
pedum meórum : nonne ju-  
dicátis apud vosmetipsos, et  
facti estis júdices cogitatio-  
num iniquárum?

*R.* In ecclésiis. 339.

*Lectio ij.*

**A**UDITE fratres mei dilectís-  
simi, nonne Deus elégit  
páuperes in hoc mundo,  
divites in fide, et herédes  
regni, quod repromisit Deus  
diligéntibus se? Vos áu-  
tem exhonorástis páuperem.  
Nonne divites per poténtiam  
ópprimunt vos, et ipsi tra-  
hunt vos ad judicia? Nonne  
ipsi blasphemant bonum no-  
men, quod invocátum est

super vos? Si tamen legem perficitis regalem secundum Scripturas : Diliges proximum tuum sicut teipsum : bene facitis : si autem personas accipitis, peccatum operamini, redarguti a lege quasi transgressores.

**R.** In toto corde. **cum** Glória. Ne repellas. **in fine.** 340.

**Lectio iij.**

**Q**UICUMQUE autem totam legem servaverit, offendat autem in uno, factus est omnium reus. Qui enim dixit, Non moechaberis, dixit et, Non occides. Quod si non moechaberis, occides autem, factus es transgressor legis. Sic loquimini, et sic facite sicut per legem libertatis incipientes iudicari. Iudicium enim sine misericordia illi, qui non fecit misericordiam : superexaltat autem misericordia iudicium.

Te Deum laudamus. 17.

**Ad Bened. Ant.** Pax vobis, \* ego sum, allelúia : nolite timere, allelúia.

**Ad Magnif. Ant.** Cum venerit \* Paráclitus Spíritus veritatis, ille arguet mundum de peccato, et de iustitia, et de iudicio, allelúia.

**FERIA QUARTA**

De Epístola beati Jacóbi Apóstoli.

**Lectio j. Cap. 2. c**

**Q**UID proderit fratres mei si fidem quis dicat se

habere, ópera autem non habeat? Numquid poterit fides salvare eum? Si autem frater, et soror nudi sint, et indigeant victu quotidiano, dicat autem aliquis ex vobis illis : Ite in pace, calefacimini, et saturamini : non dedéritis autem eis, quæ necessaria sunt corpore, quid proderit? Sic et fides, si non habeat ópera, mórtua est in semetipsa.

**R.** Deus canticum. 341.

**Lectio iij.**

**S**ED dicet quis : Tu fidem habes, et ego ópera habeo. Ostende mihi fidem tuam sine opéribus : et ego ostendam tibi ex opéribus fidem meam. Tu credis quoniam unus est Deus : Bene facis : et dæmones credunt, et contremiscunt. Vis autem scire o homo inanis, quoniam fides sine opéribus mórtua est? Abraham pater noster nonne ex opéribus justificatus est, offerens Isaac filium suum super altare? Vides quoniam fides cooperabatur opéribus illius : et ex opéribus fides consummata est?

**R.** Bonum est. 341.

**Lectio iij.**

**E**T suppléta est Scriptúra, dicens : Crédidit Abraham Deo, et reputatum est illi ad iustitiam, et amicus Dei appellatus est. Vidétis quoniam ex opéribus justificatur homo, et non ex fide tantum? Similiter et Rahab



méretrix, nonne ex opéribus justificáta est, suscépiens núntios, et ália via ejiciens? Sicut enim corpus sine spíritu mórtuum est, ita et fides sine opéribus mórtua est.

Te Deum laudámus. 17.

**Ad Bened. Ant.** Spiritus \* carnem et ossa non habet, sicut me vidétis habére : jam créдите, allelúia.

**Ad Magnif. Ant.** Adhuc multa hábeo \* vobis dicere, sed non potéstis portáre modo : cum áutem vénerit ille Spíritus veritátis, docébit vos omnem veritátem, allelúia.

## FERIA QUINTA

De Epístola beáti Jacóbi Apóstoli.

**Lectio j. Cap. 3.**

**N**OLÍTE plures magistri fieri fratres mei, sciéntes quóniam majus júdicium súmitis. In multis enim offéndimus omnes. Si quis in verbo non offéndit : hic perféctus est vir. Potest étiam fræno circumdúcere totum corpus. Si áutem equis fræna in ora míttimus ad consentiéndum nobis, et omne corpus illórum circumférerimus.

℟. Si oblitus. 338.

**Lectio ij.**

**E**CCE et naves, cum magnæ sint, et a ventis válidis minéntur, circumferúntur a módico gubernáculo, ubi ímpetus dirigéntis volúerit. Ita et lingua módicum quidem membrum est, et magna

exáltat. Ecce quantus ignis quam magnam silvam incéndit! Et lingua ignis est, universitas iniquitátis.

℟. Vidérunt. **cum** Glória. Multitúdo. **in fine.** 338.

**Lectio iij.**

**L**INGUA constitúitur in membris nostris, quæ máculat totum corpus, et inflámmat rotam nativitátis nostræ inflammáta a gehénna. Omnis enim natúra bestiárum, et vólucrum, et serpéntium, et cæterórum domántur, et dómita sunt a natúra humána : linguam áutem nullus hóminum domáre potest : inquiétum malum, plena venéno mortífero. In ipsa benedicimus Deum et Patrem : et in ipsa maledicimus hómines, qui ad similitúdinem Dei facti sunt. Ex ipso ore procédit benedictio, et maledictio.

Te Deum laudámus. 17.

**Ad Bened. Ant.** Obtulérunt discípuli \* Dómino partem piscis assi, et favum mellis, allelúia, allelúia.

**Ad Magnif. Ant.** Non enim loquétur \* a semetipso : sed quæcúmque áudiet, loqué-  
tur : et quæ ventúra sunt, annuntiábit vobis, allelúia.

## FERIA SEXTA

De Epístola beáti Jacóbi Apóstoli.

**Lectio j. Cap. 4.**

**U**NDE bella, et lites in vobis? Nonne hinc? ex concupiscéntiis vestris, quæ

militant in membris vestris? Concupiscitis, et non habétis : occiditis, et zelátis : et non potéstis adipísci : litigátis, et belligerátis, et non habétis, propter quod non postulátis : Pétitis, et non accipitis : eo quod male petátis : ut in concupiscéntiis vestris insumátis. Adúlteri nescitis quia amicitia hujus mundi, inimica est Dei? Quicúmque ergo volúerit amicus esse sæculi hujus, inimicus Dei constituitur.

℞. In ecclésiis. 339.

Lectio ij.

**A**N putátis quia inániter Scriptúra dicat : Ad invidiam concupiscit spiritus, qui hábitat in vobis? Majórem áutem dat grátiam. Propter quod dicit : Deus supérbis résistit, humilibus áutem dat grátiam. Súbditi ergo estóte Deo, résistite áutem diabolo, et fúgiet a vobis. Appropinquáte Deo, et appropinquábit vobis. Emundáte manus, peccatóres : et purificáte corda, dúplices ánimo. Miseri estóte, et lugéte, et ploráte : risus vester in luctum convertátur, et gáudium in mœrórem. Humiliámini in conspéctu Dómini, et exaltábit vos.

℞. In toto corde. cum Glória Patri. Ne repéllas. in fine. 340.

Lectio iij.

**N**OLÍTE detrahére alterutrum fratres. Qui détrahit fratri, aut qui júdicat

fratrem suum, détrahit legi, et júdicat legem. Si áutem júdicas legem : non es factor legis, sed judex. Unus est legislátor, et judex, qui potest pérdere, et liberáre. Tu áutem quis es, qui júdicas próximum? Ecce nunc qui dicitis : Hódie, aut crástino ibimus in illam civitátem, et faciémus ibi quidem annum, et mercábimur, et lucrum faciémus : qui ignorátis quid erit in crástino. Quæ est enim vita vestra? vapor est ad módicum parens, et deinceps exterminábitur; pro eo ut dicátis : Si Dóminus volúerit. Et : Si vixérimus, faciémus hoc, aut illud.

Te Deum laudámus. 17.

Ad Bened. Ant. Isti sunt sermónes, \* quos dicébam vobis, cum essem vobiscum, allelúia, allelúia.

Ad Vesperas, nisi occurrat festum ix. Lectionum, a Capit. fit de S. Maria.

SABBATO

De Epistola beáti Jacóbi Apóstoli.

Lectio j. Cap. 5.

**A**GITE nunc divites, ploráte ululántes in misériis vestris, quæ advénient vobis. Divítiæ vestræ putrefáctæ sunt : et vestiménta vestra a tineis comésta sunt. Aurum, et argéntum vestrum æruginávit : et ærúgo eórum in testimónium vobis erit, et manducábit carnes vestras sicut ignis. Thesaurizástis



vobis iram in novissimis diebus. Ecce merces operariorum, qui messuerunt regiones vestras, quæ fraudata est a vobis, clamat : et clamor eorum in aures Domini Sabaoth introivit. Epulati estis super terram, et in luxuriis enutristis corda vestra in die occisionis. Addixistis, et occidistis justum, et non restitit vobis.

### Lectio ij.

**P**ATIÉNTES igitur estote fratres usque ad adventum Domini. Ecce agricola expectat pretiosum fructum terræ, patienter ferens donec accipiat temporaneum, et serotinum. Patientes igitur estote et vos, et confirmate corda vestra : quoniam adventus Domini appropinquavit. Nolite ingemiscere fratres in alterutrum, ut non judicemini. Ecce iudex ante januam assistit. Exemplum accipite, fratres, exitus mali, laboris, et patientiæ, Prophetas : qui locuti sunt in nomine Domini. Ecce beatificamus eos, qui sustinuerunt. Sufferentiam Job audistis, et finem Domini vidistis, quoniam misericors Dominus est, et miserator.

### Lectio iij.

**A**NTE omnia autem fratres mei nolite jurare, neque per cælum, neque per terram, neque aliud quodcumque juramentum. Sit autem sermo vester : Est, est : Non,

non : ut non sub iudicio decidatis. Tristatur aliquis vestrum? oret. Æquo animo est? psallat. Infirmatur quis in vobis? inducat presbyteros Ecclesiæ, et orent super eum, ungentes eum oleo in nomine Domini : et oratio fidei salvabit infirmum, et alleviabit eum Dominus : et si in peccatis sit, remittentur ei. Confitemini ergo alterutrum peccata vestra, et orate pro invicem ut salvemini : multum enim valet deprecatio iusti assidua.

### AD VESPERAS

#### Capitulum. Jac. 1. d

**C**ARÍSSIMI : Estote factores verbi, et non auditores tantum, fallentes vosmetipsos. Quia si quis auditor est verbi, et non factor : hic comparabitur viro consideranti vultum nativitatis suæ in speculo : consideravit enim se, et abiit, et statim oblitus est qualis fuerit.

**Hymn.** Ad régias Agni. v. Mane nobiscum. 299.

**Ad Magnif. Ant.** Usque modo \* non petistis quidquam in nomine meo : petite, et accipietis, allelúia.

### Oratio

**D**EUS, a quo bona cuncta procedunt, largire supplicibus tuis : ut cogitemus te inspirante, quæ recta sunt; et te gubernante, eadem faciamus. Per Dominum.

**Commemoratio de Cruce.** 308.

## DOM. V. POST PASCHA

## AD MATUTINUM

Invit., Hymn., Ant., Pss.  
et VV. ut in Psalt. Tempore  
Paschali. 3.

## IN I. NOCTURNO

Incipit Epistola prima beāti  
Petri Apóstoli.

## Lectio j. Cap. 1.

**P**ETRUS Apóstolus Jesu Christi, eléctis ádvenis dispersiónis Ponti, Galátiae, Cappadóciæ, Asiæ, et Bithýniæ, secúndum præsciéntiam Dei Patris, in sanctificatióem Spíritus, in obediéntiam, et aspersiónem ságuinis Jesu Christi: Grátia vobis, et pax multiplicétur. Benedictus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salútem, parátam revelári in témpore novissimo.

℟. Si oblitus. 338.

## Lectio ij.

**I**N quo exultábitis, módicum nunc si opórtet contristári in váriis tentatióibus: ut probátio vestræ fidei multo pretiósior áuro (quod per ignem probátur) inveniátur in láudem, et glóriam, et honórem, in revelatióne

Jesu Christi: quem cum non vidéritis, diligitis: in quem nunc quoque non vidéntes créditis: credéntes áutem exultábitis lætitia inenarrabili, et gloriificáta: reportántes finem fidei vestræ, salútem animárum. De qua salúte exquisiérunt, atque scrutáti sunt prophétæ, qui de futúra in vobis grátia prophetavérunt: scrutántes in quod, vel quale tempus significáret in eis Spíritus Christi: prænúntians eas quæ in Christo sunt passiónes, et posterióres glórias: quibus revelátum est, quia non sibimetipsis, vobis áutem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu sancto misso de cælo, in quem desiderant Angeli prospicere.

℟. Vidérunt te. 338.

## Lectio iij.

**P**ROPTER quod succincti lumbos mentis vestræ, sóbrii perfécte speráte in eam, quæ offértur vobis, grátiam, in revelatióem Jesu Christi: quasi filii obediéntiæ, non configuráti prióribus ignorántiæ vestræ desideríis: sed secúndum eum, qui vocávit vos, Sanctum; et ipsi in omni conversatióne sancti sitis: quóniam scriptum est: Sancti éritis, quóniam ego sanctus sum. Et si Patrem invocátis eum, qui sine acceptiône personárum júdicat secúndum



uniuscujusque opus, in timóre incolátus vestri tēmpore conversámini. Sciéntes quod non corruptibilibus áuro vel argénto redēpti estis de vana vestra conversatióne patérnæ traditiónis : sed pretiósó ságuine quasi agni immaculáti Christi, et incontamináti : præcógnti quidem ante mundi constitutióne, manifestáti áutem novíssimis tempóribus propter vos, qui per ipsum fidéles estis in Deo, qui suscitávit eum a mórtuis, et dedit ei glóriam, ut fides vestra, et spes esset in Deo.

℞. Narrábo. 339.

IN II. NOCTURNO

Ex libro sancti Ambrósii  
Episcopi de fide resurrecti-  
ónis.

Post medium.

Lectio iv.

**Q**UÓNIAM Dei mori non pót-  
erat sapiéntia, resúrge-  
re áutem non póterat quod  
mórtuum non erat; assúmi-  
tur caro, quæ mori posset :  
ut dum móritur quod solet,  
quod mórtuum fúerat, hoc  
resúrgeret. Neque enim pót-  
erat esse, nisi per hóminem  
resurréctio : quóniam sicut  
per hóminem mors, ita et  
per hóminem resurréctio  
mortuórum. Ergo resurréxit  
homo, quóniam homo mór-  
tuus est : resuscitátus homo,  
sed resúscitans Deus. Tunc  
secúndum carnem homo,  
nunc per ómnia Deus. Nunc  
enim secúndum carnem jam

non nóvimus Christum, sed  
carnis grátiam tenémus, ut  
ipsum primitias quiescén-  
tium, ipsum primogénitum  
ex mórtuis novérimus.

℞. In ecclésiis. 339.

Lectio v.

**P**RIMITIÆ útique ejúsdem  
sunt géneris atque natú-  
ræ, cujus et reliqui fructus :  
quorum pro lætióre pro-  
véntu primitiva Deo múnera  
deferúntur; sacrum munus  
pro ómnibus, et quasi repa-  
rátæ quædam liba natúræ.  
Primitiæ ergo quiescéntium  
Christus. Sed utrum suórum  
quiescéntium, qui quasi mor-  
tis exsórtes, dulci quodam  
sopóre tenéntur, an ómnium  
mortuórum? Sed sicut in  
Adam omnes moriúntur, ita  
et in Christo omnes vivifi-  
cabúntur. Itaque sicut pri-  
mitiæ mortis in Adam, ita  
étiam primitiæ resurrecti-  
ónis in Christo omnes resúr-  
gent. Sed nemo despéret, ne-  
que justus dóleat commúne  
consórtium resurgéndi, cum  
præcípuum fructum virtútis  
expéctet. Omnes quidem  
resúrgent, sed unusquisque,  
ut ait Apóstolus, in suo ór-  
dine. Commúnis est divínæ  
fructus cleméntiæ, sed dis-  
tíctus ordo meritórum.

℞. In toto. 340.

Lectio vj.

**A**DVERTIMUS, quam grave  
sit sacrilégium, resur-  
rectiÓNem non crédere. Si  
enim non resurgémus, ergo  
Christus gratis mórtuus est,

ergo Christus non resurrexit. Si enim nobis non resurrexit, utique non resurrexit, qui sibi cur resurgeret, non habebat. Resurrexit in eo mundus, resurrexit in eo cælum, resurrexit in eo terra. Erit enim cælum novum, et terra nova. Sibi autem non erat necessaria resurrectio, quem mortis vincula non tenebant. Nam etsi secundum hominem mortuus, in ipsis tamen erat liber infernis. Vis scire quam liber? Factus sum sicut homo sine adiutorio, inter mortuos liber. Et bene liber, qui se poterat suscitare, juxta quod scriptum est : Solve hoc templum, et in triduo resuscitabo illud. Et bene liber, qui alios descenderat redempturus.

R. Hymnum. 340.

IN III. NOCTURNO

Lectio sancti Evangelii secundum Joannem.

Lectio viij. Cap. 16. c

**I**N illo tempore : Dixit Jesus discipulis suis : Amen, amen dico vobis : si quid petieritis Patrem in nomine meo, dabit vobis. Et reliqua.

Homilia sancti Augustini  
Episcopi.

Tract. 102. in Joan.

**D**OMINI verba nunc ista tractanda sunt : Amen, amen dico vobis : si quid petieritis Patrem in nomine meo, dabit vobis. Jam dictum est in superioribus hujus Domini sermonis par-

tibus, propter eos, qui nonnulla petunt a Patre in Christi nomine, nec accipiunt : non peti in nomine Salvatoris, quidquid petitur contra rationem salutis. Non enim sonum litterarum ac syllabarum, sed quod sonus ipse significat, et quod eo sono recte ac veraciter intelligitur, hoc accipiendus est dicere, cum dicit : In nomine meo.

R. Deus. 341.

Lectio viij.

**U**NDE qui hoc sentit de Christo, quod non est de unico Dei Filio sentiendum, non petit in ejus nomine, etiamsi non taceat litteris ac syllabis Christum : quoniam in ejus nomine petit, quem cogitat cum petit. Qui vero quod est de illo sentiendum sentit, ipse in ejus nomine petit : et accipit quod petit, si non contra suam salutem sempiternam petit : accipit autem quando debet accipere. Quædam enim non negantur : sed ut congruo dentur tempore differuntur. Ita sane intelligendum est quod ait : Dabit vobis : ut ea beneficia significata sciantur his verbis, quæ ad eos, qui petunt, proprie pertinent. Exaudiuntur quippe omnes sancti pro seipsis, non autem pro omnibus exaudiuntur vel amicis, vel inimicis suis, vel quibuslibet aliis : quia non utcumque dictum est, dabit ; sed, dabit vobis.

R. Bonum est. 341.



## Lectio ix.

**U**SQUE modo, inquit, non petistis quidquam in nómine meo. Pétite, et accipiétis, ut gáudium vestrum sit plenum. Hoc quod dicit, gáudium plenum, profecto non carnále, sed spiritále gáudium est : et quando tantum erit, ut áliquid ei jam non sit addéndum, procul dúbio tunc erit plenum. Quidquid ergo pétitur, quod pertineat ad hoc gáudium consequéndum, hoc est in nómine Christi peténdum, si divinam intelligimus grátiam, si vere beátam póscimus vitam. Quidquid áutem áliud pétitur, nihil pétitur : non quia nulla omnino res est, sed quia in tantæ rei comparatióne quidquid áliud concupiscitur, nihil est.

Te Deum laudámus. 17.

## AD LAUDES

*Ant. et Pss. de Psalt.* 18.

*Capitulum. Jac. 1. d*

**C**ARÍSSIMI : Estóte factóres verbi, et non auditóres tantum, falléntes vosmetipsos. Quia si quis auditór est verbi, et non factor : hic comparábitur viro consideránti vultum nativitátis suæ in spéculo : considerávit enim se, et ábiit, et statim oblitus est qualis fúerit.

*Hymn. Auróra cælum. v.*  
In resurrectione. 22.

*Ad Bened. Ant.* Usque modo \* non petistis quidquam in nómine meo : pétite, et accipiétis, allelúia.

## Oratio.

**D**EUS, a quo bona cuncta procedunt, largíre supplicibus tuis : ut cogitémus te inspiránte, quæ rectasunt ; et te gubernánte, eádem faciámus. Per Dóminum.

*Commem. de Cruce.* 308.

## AD TERTIAM

*Capit.* Caríssimi : Estóte factóres. *ut supra.*

*R. br.* Surréxit. 342.

## AD SEXTAM

*Capitulum. Jac. 1. d*

**Q**UI áutem perspéxerit in legem perfectam libertátis, et permánserit in ea, non auditor obliuósus factus, sed factor óperis : hic beátus in facto suo erit.

*R. br.* Surréxit. 342.

## AD NONAM

*Capitulum. Jac. 1. d*

**R**ELÍGIO munda et immaculáta apud Deum et Patrem hæc est : Visitáre pupillos et víduas in tribulatióne eórum, et immaculátum se custodire ab hoc sæculo.

*R. br.* Gavisi. 342.

## AD VESPERAS

*Ant. et Pss. de Dom.* 126.

*Capit.* Caríssimi. *ut supra.*

*Hymn.* Ad régias Agni. v.  
Mane nobiscum. 299.

*Ad Magnif. Ant.* Pétite, et accipiétis, \* ut gáudium vestrum sit plenum : ipse enim Pater amat vos, quia vos me amástis, et credidístis, allelúia.

*Commem. de Cruce.* 308.

## FERIA II. IN ROGATIONIBUS

Si hodie occurrat festum  
ix. Lect., fit de eo, cum ix.  
Lect. de seq. Homilia, et  
Comm. de Feria ad Laud.  
tantum, ut infra. De festo  
autem trium Lect. fit tan-  
tum Commemoratio.

Lectio sancti Evangelii se-  
cúndum Lucam.

Lectio j. Cap. 11.

**I**N illo témpore : Dixit Jesus  
discípulis suis : Quis ve-  
strum habébit amicum, et  
ibit ad illum média nocte,  
et dicet illi : Amice, cóm-  
moda mihi tres panes. Et  
réliqua.

Homilia sancti Ambrósii  
Episcopi.

Liber 7. in Lucæ cap. 11.

**A**LIUS præcepti locus est,  
ut ómnibus moméntis,  
non solum diébus, sed étiam  
nóctibus, orátio deferátur.  
Vides enim, quod iste qui  
média nocte perréxit, tres  
panes ab amico suo póstu-  
lans, et in ipsa peténdi in-  
tentióne persistens, non de-  
fraudétur orátis. Qui sunt  
isti tres panes, nisi mystérii  
cæléstis aliméntum ? Quod  
si diligas Dóminum Deum  
tuum, non solum tibi, sed  
étiam áliis póteris emeréri.  
Quis áutem amicior nobis,  
quam qui pro nobis corpus  
suum trádidit?

**R.** Dicant nunc, qui red-  
émpti sunt, allelúia, \* A Dó-  
mino, allelúia, allelúia. **V.**  
Quos redémit de manu ini-

mici, et de regiónibus con-  
gregávit eos. A Dómino.

Lectio ij.

**A**B hoc média nocte panes  
David pétiit, et accépit.  
Pétiit enim, quando dicé-  
bat : Média nocte surgébam  
ad confiténdum tibi. Ideo  
mérui hos panes, quos ap-  
pósuit nobis edéndos. Pétiit  
cum dicit : Lavábo per sin-  
gulas noctes lectum meum.  
Neque enim tímuit, ne exci-  
táret dormiéntem, quem scit  
semper vigilántem. Et ideo  
scriptórum mémores, nócti-  
bus ac diébus oratióni in-  
stántes, peccátis nostris vén-  
iam postulémus.

**R.** Cantáte Dómino, alle-  
lúia : \* Psalmum dicite ei,  
allelúia. **V.** Afférte Dómino  
glóriam et honórem, affér-  
te Dómino glóriam nómini  
ejus. Psalmum. Glória Patri.  
Psalmum.

Leetio iij.

**N**AM si ille tam sanctus, et  
qui regni erat necessitá-  
tibus occupátus, sépties in  
die láudem Dómino dicébat,  
matutinis et vespertinis sa-  
crificiis semper inténtus :  
quid nos fácere opórtet, qui  
eo ámplius rogáre debémus,  
quo frequéntius carnis ac  
mentis fragilitáte delinqui-  
mus, ut de via lassis, et istius  
ævi cursu, ac vitæ hujus an-  
fráctu gráviter fatigátis, pa-  
nis refectionis deesse non  
possit, qui hómínis corda  
confirmet? Nec solum média  
nocte Dóminus, sed ómnibus



prope docet vigilandum esse moméntis. Venit enim et vespertina, et secúnda, et tértia vigília : et pulsáre consuevit. Beáti itaque servi illi, quos cum vénerit Dóminus, invénerit vigilantes.

*R.* Narrábo nomen tuum frátribus meis, allelúia : \* In médio Ecclésiæ laudábo te, allelúia, allelúia. *V.* Confítebor tibi in pópulis Dómine, et psalmum dicam tibi in géntibus. In médio. Glória Patri. In médio.

Hac nocte dicitur tertium Responsorium, quia non dicitur Te Deum laudamus.

In duabus vero sequentibus Feriis dicitur.

#### AD LAUDES

*Ant. et Pss. de Dom. 18.* Capitulum. Christus resurgens. *Hymn.* Auróra. *V.* In resurrectione. 22.

*Ad Bened. Ant.* Pétite, et accipiétis : \* quærite, et inveniétis : pulsáte, et aperiétur vobis, allelúia.

#### Oratio.

**P**RÆSTA quæsumus omnipotens Deus : ut qui in afflictiónē nostra de tua pietate confidimus; contra adversa ómnia tua semper protectione muniámur. Per.

Hæc Oratio dicitur ad Laudes et per Horas, præter Vesperas, et hodie tantum. Duabus vero sequentibus Feriis dicitur Oratio Dominicæ præcedentis Deus, a quo bona cuncta. ut supra. 351.

Hoc triduo qui non inter-

sunt Process. Rogationum, privatim post Laudes dicant Litanias cum suis Precibus et Orationibus, sine Psalmis Pœnitentialibus.

Ad Horas omnia dicuntur ut in fer. Offic. Temp. Pasch.

Vesperæ, nisi occurrat festum novem Lect., dicuntur de Psalterio, cum Oratione Dominicæ præced. Si vero sequatur festum simplex, a Capitulo fit de festo cum Commem. de Cruce tantum, ut supra. 308.

*Ad Magnif. Ant.* Ipse enim Pater amat \* vos, quia vos me amástis, et credidístis, allelúia.

Oratio Deus, a quo. 351.

#### FERIA III. IN ROGATIONIBUS

Si hodie occurrat festum simplex, fit de eo, sine Commemoratione de Feria, sed tantum de Cruce.

De Epístola prima beáti Petri Apóstoli.

Lectio j. Cap. 4.

**C**HRIStO igitur passo in carne, et vos eádem cogitatione armámini : quia qui passus est in carne, désiit a peccátis : ut jam non desidériis hóminum, sed voluntáti Dei, quod réliquum est in carne vivat téporis. Súfficit enim præteritum tempus ad voluntátem géntium consummándam his, qui ambulavérunt in luxúriis, desidériis, vinoléntiis, comessatió nibus, potatió nibus, et illicitis idolórum

cúltibus. In quo admirántur non concurréntibus vobis in eámdem luxúriæ confusió- nem, blasphemántes. Qui reddent ratió- nem ei, qui parátus est judicáre vivos et mórtuos. Propter hoc enim et mórtuis evangelizátum est : ut judicéntur quidem secúndum hómines in carne, vivant áutem secúndum Deum in Spíritu. Omnium áutem finis appropinquávit.

**R.** In ecclésiis. 339.

**Lectio ij.**

**E**STÓTE itaque prudéntes, et vigiláte in oratió- nibus. Ante ómnia áutem, mútuam in vobismetipsis caritátem continuam habéntes : quia caritas óperit multitudinem peccatórum. Hospitáles invicem sine murmuratióne : Unusquisque, sicut accépit grátiam, in altérutrum illam ministrátes, sicut boni dispensatóres multifór- mis grátiae Dei. Si quis ló- quitur, quasi sermónes Dei : si quis ministrat, tamquam ex virtúte, quam ministrat Deus : ut in ómnibus hono- rificétur Deus per Jesum Christum : cui est glória, et impérium in sæcula sæ- culórum. Amen.

**R.** In toto corde. **cum** Glória. **Ne. in fine.** 340.

**Lectio iij.**

**C**ARÍSSIMI, nolite peregriniári in fervóre, qui ad tentatió- nem vobis fit, quási novi áliquíd vobis contí- gat : sed comunicántes

Christi passió- nibus gaudéte, ut et in revelatió- ne glóriæ ejus gaudeátis exsultántes. Si exprobrámini in nó- mine Christi, beáti éritis : quóniam quod est honóris, glóriæ, et virtútis Dei, et qui est ejus Spíritus, super vos requi- escit. Nemo áutem vestrum patiátur ut homicida, aut fur, aut malédicus, aut alie- nórum appetitor. Si áutem ut Christiánus, non erubé- scat : gloríficet áutem Deum in isto nó- mine. Quóniam tempus est, ut incipiat judi- cium a domo Dei.

Te Deum laudámus. 17.

**Ad Bened. Ant.** Oporté- bat \* pati Christum, et re- súrgere a mórtuis, allelúia.

**Oratio** Deus, a quo bona. 351.

**Ad Magnif. Ant.** Exívi a Patre, \* et veni in mundum : íterum relinquo mundum, et vado ad Patrem, allelúia.

**FERIA IV. IN ROGATIONIBUS**

**VIGILIA ASCENSIONIS**

**Si hodie occurrat festum novem Lectionum, fit de eo cum nona Lectione de Homilia Vigilæ et Commemoratione ad Laudes, ut infra. De festo autem trium Lectionum fit tantum Commemoratio.**

Lectio sancti Evangélíi se- cúndum Joánnem.

**Lectio j. Cap. 17.**

**I**N illo témpore : Sublevátis Jesus óculis in cælum, dixit : Pater, venit hora, cla-



rifica Filium tuum. Et reliqua.

Homilia sancti Augustini  
Episcopi.

Tract. 104. in Joan. sub med.

**P**ÓTERAT Dóminus noster, unigénitus et coætérnus Patri, in forma servi, et ex forma servi, si hoc opus esset, oráre siléntio : sed ita se Patri exhibére vóluit precatórem, ut meminisset nostrum se esse doctórem. Proinde eam, quam fecit orationem pro nobis, notam fecit et nobis : quóniam tanti magistri non solum ad ipsos sermocinatio, sed étiam pro ipsis ad Patrem oratio, discipulórum est ædificatio : et si illórum, qui hæc dicta áderant auditóri, profecto et nostra, qui fuerámus conscripta lectóri.

℞ Deus canticum. 341.

Lectio ij.

**Q**UAPRÓPTER hoc quod ait : Pater, venit hora, clarifica Filium tuum : osténdit, omne tempus, et quid, quando fáceret, vel fieri sineret, ab illo esse dispósitum, qui témpori súbditus non est : quóniam quæ futúra erant per singula témpora, in Dei sapiéntia cáusas efficiéntes habent, in qua nulla sunt témpora. Non ergo credátur hæc hora fato urgénte venisse, sed Deo pótius ordinánte. Nec sidérea necéssitas Christi connéxit passió-nem : absit enim ut sidera

mori cógerent siderum conditórem.

℞ Bonum est. 341.

Lectio iij.

**C**LARIFICÁTUM a Patre Filium nonnulli accipiunt in hoc, quod ei non pepér-cit, sed pro nobis ómnibus trádidit eum. Sed si passióne clarificátus dicitur, quanto magis resurrectione? Nam in passióne magis ejus humilitas, quam cláritas commendátur, Apóstolo teste, qui dicit : Humiliávit semet-ípsam, factus obédiens usque ad mortem, mortem autem crucis. Deinde séquitur, et de ejus clarificatióne jam dicit : Propter quod et Deus illum exaltávit, et donávit ei nomen, quod est super omne nomen : ut in nómine Jesu omne genu flectátur, cæléstium, terréstrium, et inférnorum. Et omnis lingua confiteátur, quia Dóminus Jesus Christus in glória est Dei Patris. Hæc est clarificatio Dómini nostri Jesu Christi, quæ ab ejus resurrectione sumpsit exórdium.

Te Deum laudámus. 17.

℣. In resurrectione tua Christe, allelúia. ℞. Cæli et terra læténtur, allelúia.

Ad Bened. Ant. Pater, venit hora, \* clarifica Filium tuum claritáte quam hábui, priúsqvam mundus esset, apud te, allelúia.

Oratio Deus a quo. 351.



## IN ASCENSIONE DOMINI

IN I. VESPERIS

Ant. de Laud. 366. Pss.  
ut in I. Vesp. de Comuni  
Apost. 1\*.

Capitulum. Act. 1.

**P**RIMUM quidem ser-  
mónem feci de  
ómnibus, o Theó-  
phile, quæ cœpit  
Jesus fácere, et docére, us-  
que in diem, qua præcipiens  
Apóstolis per Spíritum san-  
ctum, quos elégit, assúm-  
ptus est.

Hymnus.

**S**ALÚTIS humanæ Sator,  
Jesu volúptas córdium,  
Orbis redépti Cónditor,  
Et casta lux amántium.

Qua victus es cleméntia,  
Ut nostra ferres crímina?  
Mortem subíres innocens,  
A morte nos ut tólleres?

Perrúmpis inférnum cha-  
os;

Vinctis caténas détrahis;  
Victor triúmpho nóbili  
Ad dexteram Patris sedes.

Te cogat indulgéntia,  
Ut damna nostra sárCIAS,  
Tuíque vultus cómpotes  
Dites beáto lúmine.

Tu dux ad astra, et sémíta,  
Sis meta nostris córdibus,  
Sis lacrymárum gáudium,  
Sis dulce vitæ præmíum.

Amen.

In aliis Hymnis ejusdem  
metri usque ad Pentecosten  
in fine dicitur :

Jesu tibi sit glória,  
Qui victor in cælum redis,  
Cum Patre, et almo Spíritu,  
In sempitérna sácula. Amen.

Ṽ. Ascéndit Deus in jubi-  
latióne, allelúia. R. Et Dó-  
minus in voce tubæ, alle-  
lúia.

Ad Magnif. Ant. Pater,  
manifestávi nomen tuum ho-  
mínibus quos dedisti mihi :  
nunc áutem pro eis rogo,  
non pro mundo, quia ad te  
venio, allelúia.

Oratio.

**C**ONCÉDE, quásumus omni-  
potens Deus : ut qui ho-  
diérna die Unigénitum tuum  
Redemptórem nostrum ad  
cælos ascendisse crédimus,  
ipsi quoque mente in cælé-  
stibus habitémus. Per eúm-  
dem Dóminum.

AD MATUTINUM

Invit. Allelúia, Christum  
Dóminum ascendéntem in  
cælum, \* Venite, adorémus,  
allelúia.

Ps. Veníte, exsultémus. 2.

Hymnus.

**E**TÉRNE Rex altíssime,  
Redemptor et fidélium,  
Cui mors perémppta détulit  
Summæ triúmphum glóriæ.



Ascéndis orbes síderum,  
Quo te vocábat cælitus  
Colláta, non humánitus,  
Rerum potéstas ómnium.

Ut trina rerum máchina,  
Cæléstium, terréstrium,  
Et inferórum cóndita,  
Flectat genu jam súbdita.

Tremunt vidéntes Angeli  
Versam vicem mortálium:  
Peccat caro, mundat caro,  
Regnat Deus Dei caro.

Sis ipse nostrum gáudium,  
Manens olýmpo præmium,  
Mundi regis qui fábricam,  
Mundána vincens gáudia.

Hinc te precántes quæsu-  
mus,

Ignósce culpis ómnibus,  
Et corda sursum súbleva  
Ad te supérna grátia.

Ut cum repén-te cœperis  
Clarére nube júdicis,  
Pœnas repéllas débitas,  
Reddas corónas pérditas.

Jesu tibi sit glória,  
Qui victor in cælum redis,  
Cum Patre, et almo Spíritu,  
In sempitérna sœcula. Amen.

IN I. NOCTURNO

*Ant.* Eleváta est \* magni-  
fícéntia tua super cælos Deus,  
allelúia.

*Psalmus 8.*

**D**ÓMINE Dóminus noster, \*  
quam admirábile est no-  
men tuum in univérsta terra!  
Quóniam eleváta est ma-  
gnificéntia tua, \* super cæ-  
los.

Ex ore infántium et lactén-  
tium perfecísti láudem pro-  
pter inimícos tuos, \* ut dé-  
struas inimicum et ultórem.

Quóniam vidébo cælos  
tuos, ópera digitórum tuó-  
rum: \* lunam et stellas, quæ  
tu fundásti.

Quid est homo, quod me-  
mor es ejus? \* aut filius hó-  
minis, quóniam vísitas eum?

Minuísti eum páulo minus  
ab Angelis, glória et honóre  
coronásti eum: \* et consti-  
tuísti eum super ópera má-  
nuum tuárum.

Omnia subjecísti sub pé-  
dibus ejus, \* oves et boves  
univérsas: insuper et pécora  
campi.

Vólucres cæli, et pisces  
maris, \* qui perámbulant  
sémitas maris.

Dómine Dóminus noster, \*  
quam admirábile est nomen  
tuum in univérsta terra!

*Ant.* Eleváta est magni-  
fícéntia tua super cælos Deus,  
allelúia.

*Ant.* Dóminus in templo \*  
sancto suo, Dóminus in cæ-  
lo, allelúia.

*Psalmus 10.*

**I**N Dómino confido: quó-  
modo dicitis ánimæ meæ: \*  
Tránsmigra in montem sicut  
passer?

Quóniam ecce peccatóres  
intendérunt arcum, paravé-  
runt sagittas suas in pháre-  
tra, \* ut sagittent in obscúro  
rectos corde.

Quóniam quæ perfecísti,  
destruxérunt: \* justus áutem  
quid fecit?

Dóminus in templo sancto  
suo: \* Dóminus in cælo se-  
des ejus:

Oculi ejus in páuperem respiciunt : \* pálpebræ ejus intérogant filios hóminum.

Dóminus intérogat justum et impium : \* qui autem diligit iniquitatem , odit animam suam.

Pluet super peccatóres láqueos : \* ignis , et sulphur , et spíritus procellárum pars cálicis eórum.

Quóniam justus Dóminus , et justitias diléxit : \* æquitatem vidit vultus ejus.

**Ant.** Dóminus in templo sancto suo , Dóminus in cælo , allelúia.

**Ant.** A summo cælo \* egressio ejus , et occúrsus ejus usque ad summum ejus , allelúia.

### Psalmus 18.

**C**ÆLI enarrant glóriam Dei , \* et ópera mánuum ejus annúntiat firmaméntum.

Dies diéi erúctat verbum , \* et nox nocti indicat sciéntiam.

Non sunt loquélæ , neque sermónes , \* quorum non audiántur voces eórum.

In omnem terram exivit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedéns de thálamis suo :

Exsultávit ut gigas ad curréndam viam , \* a summo cælo egressio ejus :

Et occúrsus ejus usque ad summum ejus : \* nec est qui se abscondat a calóre ejus.

Lex Dómini immaculáta , convértens ánimas : \* testimoniúm Dómini fidéle , sapiéntiam præstans párvulis.

Justitiæ Dómini rectæ , lætificántes corda : \* præceptum Dómini lúcidum , illúminans óculos.

Timor Dómini sanctus , pérmanens in sæculum sæculi : \* judícia Dómini vera , justificáta in semetipsa.

Desiderabilia super áurum et lápidem pretiósum multum : \* et dulcióra super mel et favum.

Etenim servus tuus custódit ea , \* in custodiéndis illis retribútio multa.

Delicta quis intélligit ? ab occúltis meis munda me : \* et ab aliénis parce servo tuo.

Si mei non fúerint domináti , tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjútor meus , \* et redémptor meus.

**Ant.** A summo cælo egressio ejus , et occúrsus ejus usque ad summum ejus , allelúia.

**V.** Ascéndit Deus in jubilatione , allelúia. **R.** Et Dóminus in voce tubæ , allelúia.

Incipit liber Actuum Apostolorum.

### Lectio j. Cap. 1.

**P**IMUM quidem sermónem feci de ómnibus , o Theó-



phile, quæ cœpit Jesus facere, et docere usque in diem, qua præcipiens Apóstolis per Spíritum sanctum, quos elégit, assumptus est : quibus et præbuit seípsum vivum post passióem suam in multis arguméntis, per dies quadraginta appárens eis, et loquens de regno Dei. Et convéscens, præcepit eis ab Jerosólymis ne discéderent, sed exspectárent promissióem Patris, quam audistis (inquit) per os meum : quia Joánnes quidem baptizávit aqua, vos áutem baptizabimini Spíritu sancto non post multos hos dies.

¶ Post passióem suam per dies quadraginta appárens eis, et loquens de regno Dei, allelúia : \* Et vidéntibus illis elevátus est, allelúia : et nubes suscepit eum ab óculis eórum, allelúia. ¶ Et convéscens præcepit eis, ab Jerosólymis ne discéderent, sed exspectárent promissióem Patris. Et vidéntibus.

### Lectio ij.

**I**GITUR qui convénierant, interrogábant eum, dicéntes : Dómine, si in témpore hoc restítues regnum Israél ? Dixit áutem eis : Non est vestrum nosse témpora vel moménta, quæ Pater pósuit in sua potestáte : sed accipiétis virtútem superveniéntis Spíritus sancti in vos, et éritis mihi testes in Jerúsa-

lem, et in omni Judæa, et Samaria, et usque ad últimum terræ. Et cum hæc dixisset, vidéntibus illis, elevátus est : et nubes suscepit eum ab óculis eórum.

¶ Omnis pulchritúdo Dómini exaltáta est super sídera : \* Spécies ejus in núbibus cæli, et nomen ejus in ætérnum pérmanet, allelúia. ¶ A summo cælo egressio ejus, et occúrsus ejus usque ad summum ejus. Spécies ejus.

### Lectio iij.

**C**UMQUE intueréntur in cælum eúntem illum, ecce duo viri adstitérunt juxta illos in véstibus albis, qui et dixerunt : Viri Galilæi, quid statis adspiciéntes in cælum ? Hic Jesus, qui assumptus est a vobis in cælum, sic véniet quemádmódum vidistis eum eúntem in cælum. Tunc revérsi sunt Jerosólymam a monte, qui vocátur Olivéti, qui est juxta Jerúsalem, sábbati habens iter. Et cum introissent in cœnáculum, ascendérunt ubi manébant Petrus et Joánnes, Jacóbus et Andréas, Philíppus et Thomas, Bartholomæus et Matthæus, Jacóbus Alphæi et Simon Zelótes, et Judas Jacóbi. Hi omnes erant perseverántes unanimiter in oratióne cum muliéribus, et María matre Jesu, et frátribus ejus.

¶ Exaltáre Dómine, allelúia, \* In virtúte tua, allelúia. ¶ Eleváta est magnifi-

céntia tua super cælos Deus.  
In virtúte. Glória Patri. In  
virtúte.

## IN II. NOCTURNO

**Ant.** Exaltáre Dómine \* in  
virtúte tua : cantábitus , et  
psallémus , allelúia.

**Psalmus 20.**

**D**ÓMINE in virtúte tua læ-  
tábitur rex : \* et super  
salutáre tuum exsultábit ve-  
heménter.

Desidérium cordis ejus tri-  
buisti ei : \* et voluntáte la-  
biórum ejus non fraudásti  
eum.

Quóniam prævenísti eum  
in benedictiónibus dulcédi-  
nis : \* posuisti in cápite ejus  
corónam de lápide pretió-  
so.

Vitam pétiiit a te : \* et tri-  
buisti ei longitúdinem dié-  
rum in sæculum , et in sæ-  
culum sæculi.

Magna est glória ejus in  
salutári tuo : \* glóriam et  
magnum decórem impónes  
super eum.

Quóniam dabis eum in  
benedictiónem in sæculum  
sæculi : \* lætificábis eum in  
gáudio cum vultu tuo.

Quóniam rex sperat in  
Dómino : \* et in misericór-  
dia Altíssimi non commové-  
bitur.

Inveniátur manus tua  
ómnibus inimícis tuis : \* dex-  
tera tua invéniat omnes , qui  
te odérunt.

Pones eos ut clibanum  
ignis in témpore vultus tui : \*  
Dóminus in ira sua contur-

bábit eos , et devorábit eos  
ignis.

Fructum eórum de terra  
perdes : \* et semen eórum a  
filiis hóminum.

Quóniam declinavérunt in  
te mala : \* cogitavérunt consí-  
lia , quæ non potuérunt  
stabilire.

Quóniam pones eos dor-  
sum : \* in reliquiis tuis præ-  
parábis vultum eórum.

Exaltáre Dómine in vir-  
túte tua : \* cantábitus et  
psallémus virtútes tuas.

**Ant.** Exaltáre Dómine in  
virtúte tua : cantábitus , et  
psallémus , allelúia.

**Ant.** Exaltábo te \* Dómi-  
ne , quóniam suscepísti me ,  
allelúia.

**Psalmus 29.**

**E**XALTÁBO te Dómine quó-  
niam suscepísti me : \*  
nec delectásti inimícos meos  
super me.

Dómine Deus meus cla-  
mávi ad te , \* et sanásti me.

Dómine eduxísti ab infér-  
no ánimam meam : \* salvásti  
me a descendéntibus in la-  
cum.

Psállite Dómino sancti  
ejus : \* et confitémini memó-  
riæ sanctitátis ejus.

Quóniam ira in indigna-  
tiónem ejus : \* et vita in vo-  
luntáte ejus.

Ad vésperum demorábitur  
fletus : \* et ad matutinum  
lætítia.

Ego áutem dixi in abun-  
dántia mea : \* Non movébor  
in ætérnum.



Dómine in voluntáte tua, \*  
præstitisti decóri meo virtú-  
tem.

Avertisti fáciem tuam a  
me, \* et factus sum contur-  
bátus.

Ad te Dómine clamábo : \*  
et ad Deum meum deprecá-  
bor.

Quæ utilitas in ságuine  
meo, \* dum descéndo in  
corruptiónem?

Numquid confitébitur tibi  
pulvis, \* aut annuntiábit ve-  
ritátem tuam?

Audívit Dóminus, et mi-  
sértus est mei : \* Dóminus  
factus est adjútor meus.

Convertísti planctum me-  
um in gáudium mihi : \* con-  
scidísti saccum meum, et  
circumdedísti me lætítia :

Ut cantet tibi glória mea,  
et non compúngar : \* Dómi-  
ne Deus meus in ætérnum  
confitébor tibi.

*Ant.* Exaltábo te Dómine,  
quóniam suscepísti me, al-  
lelúia.

*Ant.* Ascéndit Deus \* in  
jubilatione, et Dóminus in  
voce tubæ, allelúia.

*Psalmus 46.*

**O**MNES gentes pláudite má-  
nibus : \* jubiláte Deo in  
voce exsultationis.

Quóniam Dóminus excél-  
sus, terríbilis : \* Rex magnus  
super omnem terram.

Subjécit pópulos nobis : \*  
et gentes sub pédibus nostris.

Elégit nobis hereditátem  
suam : \* spéciem Jacob,  
quam diléxit.

Ascéndit Deus in júbilo : \*  
et Dóminus in voce tubæ.

Psállite Deo nostro, psál-  
lite : \* psállite Regi nostro,  
psállite.

Quóniam Rex omnis terræ  
Deus : \* psállite sapiénter.

Regnabit Deus super gen-  
tes : \* Deus sedet super se-  
dem sanctam suam.

Príncipes populórum con-  
gregáti sunt cum Deo Abra-  
ham : \* quóniam dii fortes  
terræ veheménter eleváti  
sunt.

*Ant.* Ascéndit Deus in ju-  
bilatione, et Dóminus in  
voce tubæ, allelúia.

*V.* Ascéndens Christus in  
altum, allelúia. *R.* Captivam  
duxit captivitátem, allelúia.  
Sermo sancti Leónis Papæ.

*Serm. 1. de Ascensione  
Domini.*

*Lectio iv.*

**P**ost beátam et gloriósam  
resurrectiónem Dómini  
nostri Jesu Christi, qua ve-  
rum Dei templum Judáica  
impietáte resolútum, divína  
in trídúo poténtia suscitávit,  
quadragenárius hódie, dile-  
ctíssimi, sanctórum diérum  
explétus est númerus, sa-  
cratíssima ordinatione dis-  
pósitus, et ad utilitátem  
nostræ eruditiónis impén-  
sus : ut, dum a Dómino in  
hoc spátio mora præsentíæ  
corporális exténditur, fides  
resurrectiónis documéntis  
necessáriis munirétur. Mors  
enim Christi multum disci-  
pulórum corda turbáverat :

et de supplicio crucis, de emissiónē spíritus, de exanimátī cōrporis sepultúra gravátis mœstitúdine mētibz, quidam diffidéntiæ torpor obrépserat.

**R.** Tempus est, ut revértar ad eum, qui me misit, dicit Dóminus : nolite contristári, nec turbétur cor vestrum : \* Rogo pro vobis Patrem, ut ipse vos custódiat, allelúia, allelúia. **V.** Nisi ego abiero, Paráclitus non véniet : cum assúptus fúero, mittam vobis eum. Rogo pro vobis.

**Lectio v.**

**U**NDE beatissimi Apóstoli, omnésque discipuli, qui et de éxitu crucis fúerant trépidi, et de fide resurrectionis ambigui, ita sunt veritate perspicua roborátī, ut, Dómino in cælórum eunte sublimia, non solum nulla afficeréntur tristitia, sed étiam magno gáudio repleántur. Et revéra magna et ineffábilis erat cáusa gaudéndi, cum in conspéctu sanctæ multitudinis super ómnium creaturárum cælestium dignitátem humáni generis natúra conscénderet, supergressúra Angélicos órdenes, et ultra Archangelórum altitúdines elevánda : nec ullis sublimitátibus modum suæ provectionis habitúra, nisi ætérni Patris recepta conséssu, illius glóriæ sociarétur in throno, cujus naturæ copulabátur in Filio.

**R.** Non turbétur cor vestrum : ego vado ad Patrem ; et cum assúptus fúero a vobis, mittam vobis, allelúia, \* Spíritum veritátis, et gaudébit cor vestrum, allelúia. **V.** Ego rogábo Patrem, et álium Paráclitum dabit vobis. Spíritum.

**Lectio vj.**

**Q**UIA igitur Christi ascensio, nostra provectio est ; et quo præcèssit glória cápitis, eo spes vocátur et cōrporis : dignis, dilectissimī, exsultémus gáudiis, et pia gratiárum actióne lætémur. Hódie enim non solum paradisi possessóres firmátī sumus, sed étiam cælórum in Christo supérna penetrávimus ; amplióra adépti per ineffáblem Christi grátiam, quam per diáboli amiserámus invídiam. Nam quos viruléntus inimicus primi habitáculi felicitáte dejécit, eos sibi concorporátos Dei Filius ad dexteram Patris collocávit : cum quo vivit et regnat in unitáte Spíritus sancti Deus, per ómnia sæcula sæculórum. Amen.

**R.** Ascéndens Christus in altum, captivam duxit captivitátem, \* Dedit dona hominibus, allelúia, allelúia, allelúia. **V.** Ascéndit Deus in jubilatione, et Dóminus in voce tubæ. Dedit. Glória. Dedit.

**IN III. NOCTURNO**

**Ant.** Nimis exaltátus est, \* allelúia : super omnes deos, allelúia.



## Psalmus 96.

**D**ÓMINUS regnávít, exsúltet terra : \* læténtur insulæ multæ.

Nubes, et caligo in circúitu ejus : \* justítia, et judícium corréctio sedis ejus.

Ignis ante ipsum præcédet, \* et inflammábit in circúitu inimícos ejus.

Illuxérunt fúlgora ejus orbi terræ : \* vidit, et com móta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptilia : \* et qui gloriántur in simulácrissuis.

Adoráte eum omnes Angeli ejus : \* audivit, et lætáta est Sion.

Et exsultavérunt filiæ Judæ, \* propter judícia tua Dómine :

Quóniam tu Dóminus Altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætitia.

Lætámini justí in Dómino : \* et confitémini memóriæ sanctificatiónis ejus.

*Ant.* Nimis exaltátus est,

allelúia : super omnes deos, allelúia.

*Ant.* Dóminus in Sion, \* allelúia : magnus et excélsus, allelúia.

## Psalmus 98.

**D**ÓMINUS regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confíteántur nómini tuo magno : quóniam terribile, et sanctum est : \* et honor regis judícium diligit.

Tu parásti directiões : \* judícium et justítiam in Jacob tu fecisti.

Exaltáte Dóminum Deum nostrum, et adoráte scabélum pedum ejus : \* quóniam sanctum est.

Móyses, et Aaron in sacerdotibus ejus : \* et Sámuel inter eos, qui invocant nomen ejus :

Invocábant Dóminum, et ipse exaudiébat eos : \* in colúmna nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos : \* Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : \* quóniam sanctus Dóminus Deus noster.

**Ant.** Dóminus in Sion, allelúia : magnus et excélsus, allelúia.

**Ant.** Dóminus in cælo, \* allelúia : parávit sedem suam, allelúia.

**Psalmus 102.**

**B**ÉNICED ánima mea Dómino : \* et ómnia, quæ intra me sunt, nómini sancto ejus :

Bénedic ánima mea Dómino : \* et noli oblivisci omnes retributiónes ejus.

Qui propitiátur ómnibus iniquitatibus tuis : \* qui sanat omnes infirmitates tuas.

Qui rédimít de intéritu vitam tuam : \* qui coronat te in misericórdia et miserationibus.

Qui replet in bonis desiderium tuum : \* renovábitur ut áquilæ juvéntus tua :

Fáciens misericórdias Dóminus : \* et iudicium ómnibus injúriam patiéntibus.

Notas fecit vias suas Móysi, \* filiis Israël voluntates suas.

Miserátor, et miséricors Dóminus : \* longánimis, et multum miséricors.

Non in perpétuum irascétur : \* neque in ætérnum comminábitur.

Non secúndum peccáta nostra fecit nobis : \* neque secúndum iniquitates nostras retribuit nobis.

Quóniam secúndum altitudinem cæli a terra : \* corroborávit misericórdiam suam super timéntes se.

Quantum distat ortus ab occidente : \* longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : \* quóniam ipse cognóvit figmentum nostrum.

Recordátus est quóniam pulvis sumus : \* homo, sicut fœnum dies ejus, tamquam flos agri sic efflorebit.

Quóniam spíritus pertransibit in illo, et non subsistet : \* et non cognóscet ámplius locum suum.

Misericórdia áutem Dómini ab ætérno, \* et usque in ætérnum super timéntes eum.

Et justitia illius in filios filiórum, \* his qui servant testamentum ejus :

Etmémores sunt mandatorum ipsius, \* ad faciéndum ea.

Dóminus in cælo parávit sedem suam : \* et regnum ipsius ómnibus dominábitur.

Benedicite Dómino omnes Angeli ejus : \* poténtes virtute, faciéntes verbum illius ad audiéndam vocem sermonum ejus.

Benedicite Dómino omnes virtutes ejus : \* ministri ejus, qui fácitis voluntatem ejus.

Benedicite Dómino ómnia ópera ejus : \* in omni loco dominationis ejus, bénedic ánima mea Dómino.

**Ant.** Dóminus in cælo, allelúia : parávit sedem suam, allelúia.

**V.** Ascéndo ad Patrem



meum, et Patrem vestrum, allelúia. **R.** Deum meum, et Deum vestrum, allelúia.

Lectio sancti Evangelii secundum Marcum.

**Lectio vij. Cap. 16. c**

**I**N illo tempore: Recumbentibus undecim discipulis, apparuit illis Jesus: et exprobravit incredulitatem eorum, et duritiam cordis: quia iis, qui viderant eum resurrexisse, non crediderunt. Et reliqua.

Homilia sancti Gregorii Papæ.

**Homil. 29. in Evang.**

**Q**UOD resurrectionem Dominicam discipuli tarde crediderunt, non tam illorum infirmitas, quam nostra, ut ita dicam, futura firmitas fuit. Ipsa namque resurrectio illis dubitantibus per multa argumenta monstrata est: quæ dum nos legentes agnoscimus, quid aliud quam de illorum dubitatione solidamur? Minus enim mihi Maria Magdalene prestitit, quæ citius credidit, quam Thomas, qui diu dubitavit. Ille etenim dubitando, vulnere cicatrices tetigit, et de nostro pectore dubitationis vulnus amputavit.

**R.** Ego rogabo Patrem, et alium Paracletum dabit vobis, \* Ut maneat vobiscum in æternum, Spiritum veritatis, allelúia. **V.** Si enim non abiero, Paracletus non veniet ad vos: si autem abiero, mittam eum ad vos. Ut.

**Lectio viij.**

**A**D insinuandam quoque veritatem Dominicæ resurrectionis, notandum nobis est quid Lucas referat, dicens: Convalescens præcepit eis ab Jerosolymis ne discederent. Et post pauca: Videntibus illis elevatus est, et nubes suscepit eum ab oculis eorum. Notate verba, signate mysteria. Convalescens elevatus est. Comedit, et ascendit: ut videlicet per effectum comestionis, veritas patesceret carnis. Marcus vero, priusquam cælum Dominus ascendat, eum de cordis atque infidelitatis duritia increpasse discipulos memorat. Quam in re quid considerandum est, nisi quod idcirco Dominus tunc discipulos increpavit, cum eos corporaliter reliquit, ut verba, quæ recedens diceret, in corde audientium arctius impressa remanerent?

**R.** Ponis nubem ascensum tuum Domine: \* Qui ambulas super pennas ventorum, allelúia. **V.** Confessionem et decorem induisti, amictus lumen sicut vestimentum. Qui. Glória Patri. Qui.

**Lectio ix.**

**I**NCREPATA igitur eorum duritia, quid admonendo dicat, audiamus: Euntes in mundum universum, prædicæte Evangelium omni creaturæ. Numquid, fratres mei, sanctum Evangelium vel insensatis rebus, vel brutis

animálibus fúerat prædicándum, ut de eo discíplis dicátur : Prædicáte omni creatúræ? Sed omnis creatúræ nómine signátur homo. Omnis áutem creatúræ áli- quid habet homo. Habet namque commúne esse cum lapídibus, vivere cum arbó- ribus, sentire cum animáli- bus, intelligere cum Angelis. Si ergo commúne habet áli- quid cum omni creatúra homo, juxta áliquid omnis creatúra est homo. Omni ergo creatúræ prædicátur Evangélíum, cum soli hó- mini prædicátur.

Te Deum laudámus. 17.

AD LAUDES

ET PER HORAS

**Ant. 1.** Viri Galilæi, \* quid adspícitis in cælum? Hic Jesus, qui assúptus est a vobis in cælum, sic véniet, allelúia.

**Ps.** Dóminus regnávít. 18.

**2.** Cumque intueréntur \* in cælum eúntem illum, dixérunt, allelúia.

**3.** Elevátis mánibus \* benedíxit eis, et ferebátur in cælum, allelúia.

**4.** Exaltáte Regem regum, \* et hymnum dicite Deo, allelúia.

**5.** Vidéntibus illis \* elevátus est, et nubes suscepit eum in cælo, allelúia.

**Capitulum. Act. 1.**

**P**RIMUM quidem sermónem feci de ómnibus, o Theó- phile, quæ cœpit Jesus fá- cere, et docére, usque in

diem, qua præcípíens Apó- stolis per Spíritum sanctum, quos elégit, assúptus est.

**Hymnus** Salútis humánæ Sator. 356.

**V.** Dóminus in cælo, alle- lúia. **R.** Parávit sedem suam, allelúia.

**Ad Bened. Ant.** Ascéndo ad Patrem meum, \* et Pa- trem vestrum : Deum meum, et Deum vestrum, allelúia.

**Oratio.**

**C**ONCÉDE, quæsumus omni- potens Deus : ut, qui hodiérna die Unigénitum tuum Redemptórem nostrum ad cælos ascendísse crédi- mus, ipsi quoque mente in cæléstibus habitémus. Per eúmdem Dóminum.

AD PRIMAM

**R. br.** Christe Fili Dei vivi, miserére nobis, \* Allelúia, allelúia. Christe. **V.** Quiscan- dis super sidera. Allelúia, allelúia. Glória Patri. Christe.

**V.** Exsúrge Christe, adjuva nos, allelúia. **R.** Et libera nos propter nomen tuum, allelúia.

**Sic dicitur quotidie usque ad Pentecosten.**

**Ad Absolutionem Capituli**  
**Lectio brevis :** Viri Galilæi. ut infra ad Nonam.

AD TERTIAM

**Capit.** Primum quidem.

**R. br.** Ascéndit Deus in jubilatíone, \* Allelúia, alle- lúia. Ascéndit. **V.** Et Dómi- nus in voce tubæ. Allelúia, allelúia. Glória. Ascéndit.

**V.** Ascéndens Christus in



altum, allelúia. *R.* Captivam duxit captivitatem, allelúia.

AD SEXTAM

*Capitulum. Act. 1.*

**E**T convéscens, præcepit eis ab Jerosólymis ne discederent, sed exspectarent promissionem Patris, quam audistis (inquit) per os meum: quia Joánnes quidem baptizávit aqua, vos áutem baptizabimini Spíritu sancto non post multos hos dies.

*R. br.* Ascéndens Christus in altum, \* Allelúia, allelúia. Ascéndens. *V.* Captivam duxit captivitatem. Allelúia, allelúia. Glória Patri. Ascéndens.

*V.* Ascéndo ad Patrem meum, et Patrem vestrum, allelúia. *R.* Deum meum, et Deum vestrum, allelúia.

AD NONAM

*Capitulum. Act. 1. b*

**V**IRI Galilæi, quid statis adspiciéntes in cælum? Hic Jesus, qui assúptus est a vobis in cælum, sic véniet, quemádmódum vidistis eum eúntem in cælum.

*R. br.* Ascéndo ad Patrem meum, et Patrem vestrum, \* Allelúia, allelúia. Ascéndo. *V.* Deum meum, et Deum vestrum. Allelúia, allelúia. Glória Patri. Ascéndo ad Patrem.

*V.* Dóminus in cælo, allelúia. *R.* Parávit sedem suam, allelúia.

IN II. VESPERIS

*Ant.* Viri Galilæi. *cum reliquis de Laudibus.* 366.

*Pss., Capit. et Hymnus ut supra in I. Vesp.* 356.

*V.* Dóminus in cælo, allelúia. *R.* Parávit sedem suam, allelúia.

*Ad Magnif. Ant.* O Rex glóriæ, \* Dómine virtutum, qui triumphátor hódie super omnes cælos ascendisti, ne derelinquas nos órphanos: sed mitte promissum Patris in nos, Spíritum veritátis, allelúia.

*Infra Octavam Ascensionis usque ad Pentecosten, quotidie fit Officium de Ascensione, nisi occurrat festum novem Lectionum. De festis vero trium Lectionum fit tantum Commemoratio cum nona Lectione de eis.*

FERIA SEXTA

IN I. NOCTURNO

Incipit Epistola secúnda beáti Petri Apóstoli.

*Lectio j. Cap. 1.*

**S**IMON Petrus, servus, et Apóstolus Jesu Christi, iis, qui coæquálem nobiscum sortiti sunt fidem in justitia Dei nostri, et Salvátoris Jesu Christi. Grátia vobis, et pax adimpleátur in cognitióne Dei, et Christi Jesu Dómini nostri: quómodo ómnia nobis divínæ virtútis suæ, quæ ad vitam et pietátem donáta sunt, per cognitiónem ejus, qui vocávit nos própria glória, et virtúte, per quem máxima, et pretiósá nobis promissa donávit: ut per hæc efficiá-

mini divinæ consórtes naturæ : fugiéntes ejus, quæ in mundo est, concupiscéntiæ corruptiônem.

℞. Post passiônem. 359.

Lectio ij.

**V**os autem curam omnem subinferéntes, ministráte in fide vestra virtútem, in virtúte autem sciéntiam, in sciéntia autem abstinéntiam, in abstinéntia autem patientiam, in patientia autem pietátem, in pietáte autem amórem fraternitátis, in amóre autem fraternitátis caritátem. Hæc enim si vobiscum adsint, et súperent, non vácuos, nec sine fructu vos constituent in Dómini nostri Jesu Christi cognitióne. Cui enim non præsto sunt hæc, cæcus est, et manu tentans, oblivióne accípiens purgatiónis véterum suórum delictórum.

℞. Omnis pulchritúdo. 359.

Lectio iij.

**Q**UAPRÓPTER fratres magis satágite, ut per bona ópera certam vestram vocatióne et electiόnem faciátis : hæc enim faciéntes, non peccábitis aliquándo. Sic enim abundánter ministrábitur vobis intróitus in ætérnum regnum Dómini nostri, et Salvatóris Jesu Christi. Propter quod incípiam vos semper commonére de his : et quidem sciéntes et confirmátos vos in præsénti veritate. Justum autem árbitror quámdiu sum in hoc

tabernáculo, suscitáre vos in commonitióne : certus quod velox est depositiό tabernáculi mei secúndum quod et Dóminus noster Jesus Christus significávit mihi. Dabo autem óperam et frequénter habére vos post óbitum meum, ut horum memóriam faciátis.

℞. Exaltáre Dómine. 359.

IN II. NOCTURNO

Sermo sancti Leónis Papæ.

Serm. 2. de Ascens. Domini.

Lectio iv.

**S**ACRAMÉNTUM, dilectissimi, salutis nostræ, quam pretiό sánguinis sui universitátis cónditor æstimávit, a die corporális ortus usque ad éxitum passiόnis, per dispensatiόnem humilitátis implétum est. Et licet multa, étiam in forma servi, divinitátis signa radiáverint : próprie tamen illius téporis áctio ad demonstrándam suscepiti hóminis pertinuit veritátem. Post passiόne vero ruptis mortis vinculis, quæ vim suam in eum, qui peccáti erat néscius, incedéndo perdíderat ; infirmitas in virtútem, mortálitas in immortalitátem, contumélia transívit in glóriam : quam Dóminus Jesus Christus in multis manifestisque documentis, multórum declarávit adspéctibus, donec triúmphum victóriæ, quem repor-tárat a mórtuis, inférret et cælis.

℞. Tempus est. 362.



Lectio v.

**S**ICUT ergo in solemnitáte pascháli resurréctio Dómini fuit nobis cáusa lætándi : ita ascénsio ejus in cælos præsentium nobis est matéria gaudiórum, recoléntibus illum diem, et rite venerántibus, quo natúræ nostræ humilitas in Christo super omnem cæli militiam, super omnes órdenes Angelórum, et ultra ómnium altitúdinem potestátum, ad Dei Patris est provécta consés-sum. Quo órdone óperum divinórum nos fundáti, nos ædificáti sumus : ut mirabilior fieret grátia Dei, cum remótis a conspéctu hóminum, quæ mérito reveréntiam sui sentiebántur indicare, fides non deficeret, spes non fluctuáret, caritas non tepéret.

℞. Non turbétur. 362.

Lectio vij.

**M**AGNÁRUM hic vigor est méntium, et valde fidélium lumen est animárum, incunctánte credere, quæ corpóreo non vidéntur intuitu, et ibi figere desidérium, quo néqueas inférre conspéctum. Hæc autem pietas unde in nostris córdibus nascerétur, aut quómodo quisquam justificarétur per fidem, si in iis tantum salus nostra consisteret, quæ obtútibus subjacerent? Unde et illi viro, qui de resurrectione Christi videbátur ambigere, nisi in ipsius carne

vestigia passiónis et visu explorásset et tactu : Quia vidísti me, inquit Dóminus, credidísti : beáti qui non vidérunt, et credidérunt.

℞. Ascéndens. 362.

IN III. NOCTURNO

Léctio sancti Evangélíi secúndum Marcum.

Lectio vij. Cap. 16. c

**I**N illo témpore : Recumbéntibus úndecim discipulis, appáruit illis Jesus : et exprobrávit incredulitátem eórum, et durítiam cordis : quia iis, qui viderant eum resurrexisse, non credidérunt. Et réliqua.

De Homilia sancti Gregórii Papæ.

Ex eadem Homil. 29.

**Q**UI crediderit, et baptizátus fúerit, salvus erit : qui vero non crediderit, condemnábitur. Fortásse unusquisque apud semetipsum dicat : Ego jam crédidi, salvus ero. Verum dicit, si fidem opéribus tenet. Vera etenim fides est, quæ in hoc, quod verbis dicit, móribus non contradícit. Hinc est enim quod de quibúsdam falsis fidélibus Páulus dicit : Qui confiténtur se nosse Deum, factis autem negant. Hinc Joánnes ait : Qui dicit se nosse Deum, et mandáta ejus non custódit, mendax est.

℞. Ego rogábo. 365.

Lectio viij.

**Q**UOD cum ita sit, fidei nostræ veritátem in vitæ

nostræ consideratióne debemus agnoscere. Tunc enim veraciter fideles sumus, si quod verbis promittimus, opéribus complémus. In die quippe baptismatis, ómnibus nos antiqui hostis opéribus, atque ómnibus pompis abrenuntiáre promissimus. Itaque unusquisque vestrum ad consideratióem suam mentis óculos reducat; et si servat post baptismum, quod ante baptismum spopóndit, certus jam, quia fidelis est, gáudeat.

*R.* Ponis. 365.

*Lectio ix.*

**S**ED ecce, si quod promisit, mínime servávit, si ad exercénda prava ópera, ad concupiscéndas mundi pompas dilápsus est: videámus, si jam scit plángere, quod errávit. Apud misericórdem namque júdicem nec ille fallax habétur, qui ad veritatem revértitur, étiam postquam mentitur: quia omnipotens Deus, dum libénter nostram pœniténtiam súscipit, ipse suo judicio hoc, quod errávimus, abscondit.

Te Deum laudámus. 17.

SABBATO

IN I. NOCTURNO

De Epístola secúnda beáti Petri Apóstoli.

*Lectio j. Cap. 3.*

**H**ANCECCE vobis, caríssimi, secúndam scribo epístola-

lam, in quibus vestram éx-cito in commonitióne sincéram mentem: ut mémores sitis eórum, quæ prædixi, verbórum a sanctis Prophétis, et Apostolórum vestrórum, præceptórum Dómini et Salvatóris. Hoc primum sciéntes, quod vénient in novíssimis diébus in deceptiόne illusóres, juxta proprias concupiscéntias ambulántes, dicéntes: Ubi est promíssio, aut advéntus ejus? ex quo enim patres dormiérunt, ómnia sic perseveránt ab inítio creatúræ. Latet enim eos hoc voléntes, quos cæli erant prius, et terra, de aqua, et per aquam consistens Dei verbo: per quæ ille tunc mundus aqua inundátus périit. Cæli áutem, qui nunc sunt, et terra eódem verbo repósi sunt, igni reserváti in diem judicii, et perditionis impiórum hóminum.

*R.* Post passiόnem. 359.

*Lectio ij.*

**U**NUM vero hoc non láteat vos, caríssimi, quia unus dies apud Dóminum sicut mille anni, et mille anni sicut dies unus. Non tardat Dóminus promissiόnem suam, sicut quidam existimant: sed patiénter agit propter vos, nolens áliquos perire, sed omnes ad pœniténtiam revérti. Advéniet áutem dies Dómini ut fur: in quo cæli magno impetu tránsient, elementa vero calóre solvéntur,



terra áutem et quæ in ipsa sunt ópera, exuréntur. Cum igitur hæc ómnia dissolvénda sint, quales opórtet vos esse in sanctis conversatióibus et pietátibus, exspectántes, et properántes in advéntum diéi Dómini, per quem cæli ardéntes solvéntur, et elementa ignis ardóre tabéscant? Novos vero cælos, et novam terram secúndum promissa ipsíus exspectámus, in quibus justitia hábitat.

℞. Omnis. 359.

Lectio iij.

**P**ROPTER quod caríssimi hæc exspectántes, satágitte immaculáti, et invioláti ei inveníri in pace. Et Dómini nostri longanimitátem, salútem arbitrémini : sicut et caríssimus frater noster Páulus secúndum datam sibi sapiéntiam scripsit vobis, sicut et in ómnibus epístolis, loquens in eis de his, in quibus sunt quædam diffici- lia intelléctu, quæ indócti, et instábiles deprávant, sicut et cæteras Scriptúras, ad suam ipsórum perditiónem. Vos igitur fratres præsciéntes custodíte, ne insipientium erróre tradúcti excidátis a própria firmitáte. Créscite vero in grátia, et in cognitióne Dómini nostri, et Salvatóris Jesu Christi. Ipsi glória et nunc, et in diem æternitátis. Amen.

℞. Exaltáre Dómine, alle- lúia. 359.

IN II. NOCTURNO

De Sermóne sancti Leónis Papæ.

Ex Serm. 2. de Ascens. Dom.

Lectio iv.

**Q**UOD itaque Redemptóris nostri conspicuum fuit, in sacraménta transívit : et ut fides excelléntior esset ac firmior, visióni doctrína suc- cæssit, cujus auctoritátem supérnis illumináta rádiis credéntium corda sequerén- tur. Hanc fidem ascensióne Dómini áuctam, et Spíritus sancti múnere roborátam, non víncula, non cárceres, non exsilia, non fames, non ignis, non laniátus ferárum, nec exquisita persequéntium crudelitátibus supplicia ter- ruérunt. Pro hac fide per univérsum mundum non so- lum viri, sed étiam féminæ : nec tantum impúbes púeri, sed étiam téneræ vírgines usque ad effusióem sui sán- guinis decertáruunt. Hæc fi- des dæmónia ejécit, ægri- túdines depulit, mórtuos suscitávit.

℞. Tempus est. 362.

Lectio v.

**U**NDE et ipsi beáti Apóstoli, qui tot miráculis confir- máti, tot sermónibus eru- diti, atrocitátem tamen Domínicæ passiónis expáve- rant, et veritátem resurre- ctiónis ejus non sine hæsi- latióne suscepérant, tantum de ascensióne Dómini pro- fecérunt, ut quidquid illis prius intúlerat metum, ver-

terétur in gáudium. Totam enim contemplatióem áni-  
mi in divinitátem ad Patris  
déteram considéntis eréxe-  
rant : nec jam corpóreæ  
visiónis tardabántur objé-  
ctu, quo minus in id áciem  
mentis inténdèrent, quod  
nec a Patre descendéndo ab-  
fúerat, nec a discipulis ascen-  
déndó discésserat. Tunc  
ígitur, dilectíssimi, filius hó-  
minis, Dei Filius excelléntius  
sacratíusque innótuit, cum  
in Patérnæ majestátis gló-  
riam se recépit : et ineffá-  
bili modo cœpit esse divini-  
táte præséntior, qui factus  
est humanitáte longínquior.

**R.** Non turbétur. 362.

*Lectio vj.*

**T**UNC ad æquálem Patri Fi-  
lium eruditior fides gressu  
mentis cœpit accédere, et  
contrectatióne in Christo  
corpóreæ substántiæ, qua  
Patre minor est, non egére :  
quóniam glorificáti córporis  
manénte natúra, eo fides  
credéntium vocabátur, ubi  
non carnáli manu, sed spi-  
ritáli intelléctu par genitóri  
unigénitus tangerétur. Hinc  
illud est, quod post resur-  
rectiόνem suam Dóminus  
Mariæ Magdalénæ, persó-  
nam Ecclesiæ gerénti, cum  
ad contáctum ipsius prope-  
ráret accédere, dicit : Noli  
me tángere, nondum enim  
ascéndi ad Patrem meum :  
hoc est, Nolo ut ad me cor-  
poráliter vénias, nec ut me  
sensu carnis agnóscas : ad

sublimióra te differo, ma-  
jóra tibi præparo : cum ad  
Patrem ascéndero, tunc me  
perféctius veriúsque palpá-  
bis, apprehensúra quod non  
tangis, et creditúra quod  
non cernis.

**R.** Ascéndens. 362.

IN III. NOCTURNO

Léctio sancti Evangélíi se-  
cúndum Marcum.

*Lectio vij. Cap. 16. c*

**I**N illo témpore : Recum-  
béntibus úndecim disci-  
pulis, áppáruit illis Jesus :  
et exprobrávit incredulitá-  
tem eórum, et duritiam  
cordis : quia iis, qui vide-  
rant eum resurrexisse, non  
credidérunt. Et réliqua.

De Homilia sancti Gregórii  
Papæ.

*Ex eadem Homil. 29.*

**S**IGNA áutem eos qui cre-  
ditóri sunt, hæc sequén-  
tur. In nómine meo dæmónia  
ejicient, linguis loquéntur  
novis, serpéntes tollent : et  
si mortíferum quid bíberint,  
non eis nocébit : super ægros  
manus impónent, et bene  
habébunt. Numquidnam,  
fratres mei, quia ista signa  
non fácitis, minime crédi-  
tis? Sed hæc necessariá in  
exórdio Ecclesiæ fuérunt.  
Ut enim ad fidem crésceret  
multitúdo credéntium, mi-  
ráculis fúerat nutriénda :  
quia et nos, cum arbústa  
plantámus, tám diu eis aquam  
infúndimus, quóusque ea in  
terra jam coaluisse videá-  
mus : et si semel radicem



fixerint, irrigatio cessabit. Hinc est enim quod Páulus dicit : Linguae in signum sunt non fidélibus, sed infidélibus.

℞. Ego rogábo. 365.

**Lectio iij.**

**H**ABÉMUS de his signis atque virtútibus, quæ adhuc subtilius consideráre debeámus. Sancta quippe Ecclesiá quotídie spiritaliter facit, quod tunc per Apóstolos corporaliter faciēbat. Nam sacerdotes ejus cum per exorcismi grátiam manum credéntibus impónunt, et habitáre malignos spíritus in eórum mente contradícunt, quid aliud faciunt, nisi dæmónia ejiciunt? Et fidéles quique, qui jam vitæ vétēris sæculária verba derelinquunt, sancta autem mystéria insonant, Conditóris sui láudes et poténtiam, quantum prævalent, narrant : quid aliud faciunt, nisi novis linguis loquúntur? Qui dum bonis suis exhortatió nibus malitiam de aliénis córdibus áuferunt, serpéntes tollunt.

℞. Ponis nubem. 365.

**Lectio ix.**

**E**T dum pestíferas suasio nes áudiunt, sed tamen ad operatió nem pravam minime pertrahúntur, mortíferum quidem est quod bibunt, sed non eis nocébit. Qui quoties próximos suos in bono ópere infirmári conspiciunt, dum eis tota virtúte

concúrrunt, et exémplo suæ operatió nis illórum vitam róborant, qui in própria actió ne titubant : quid aliud faciunt, nisi super ægros manus impónunt, ut bene habeant? Quæ nimirum miracula tanto majóra sunt, quanto spiritalia : tanto majóra sunt, quanto per hæc non córpora, sed ánimæ suscitántur.

Te Deum laudámus. 17.

**AD VESPERAS**

**Capitulum. I. Petr. 4. b**

**C**ARÍSSIMI : Estóte prudentes, et vigiláte in oratió nibus. Ante ómnia autem, mútuam in vobismetipsis caritátem continuam habéntes : quia caritas óperit multitudínem peccatórum.

**Hymn.** Salútis humanæ Sator. 356.

**V.** Dóminus in cælo, allelúia. **℞.** Parávit sedem suam, allelúia.

**Ad Magnif. Ant.** Cum vénerit Paráclitus, \* quem ego mittam vobis Spíritum veritátis, qui a Patre procédit, ille testimónium perhibébit de me, allelúia.

**Oratio.**

**O**MNÍPOTENS sempitérne Deus, fac nos tibi semper et devótam gérere voluntátem, et majestáti tuæ sincéro corde servire. Per Dóminum.

**Et fit Commem. Ascens.**

**Ant.** O Rex glóriæ, Dómine virtútum, qui triumphátor hódie super omnes

cælos ascendisti, ne derelinquas nos órphanos : sed mitte promissum Patris in nos, Spiritum veritátis, allelúia.

*V.* Ascéndit Deus in jubilatione, allelúia. *R.* Et Dóminus in voce tubæ, allelúia.

*Oratio.*

**C**ONCÉDE, quæsumus omnipotens Deus : ut qui hodiérna die Unigénitum tuum Redemptórem nostrum ad cælos ascendisse crédimus, ipsi quoque mente in cælestibus habitemus. Per eúmdem Dóminum.

DOM. INFRA OCT. ASCENSIONIS

*Totum Officium sit de Ascensione, exceptis his, quæ hic habentur propria.*

*Si Lectiones I. Nocturni lectæ sunt pridie, quando scilicet in Sabbato præcedenti occurrit festum S. Joannis ante portam Latinam, in Dominica leguntur Lectiones Feriæ II. sequentis.*

IN I. NOCTURNO

Incipit Epístola prima beati Joánnis Apóstoli.

*Lectio j. Cap. 1.*

**Q**UOD fuit ab initio, quod audivimus, quod vidimus óculis nostris, quod perspéximus, et manus nostræ contrectavérunt de verbo vitæ : et vita manifestáta est, et vídimus, et testámur, et annuntiámus vobis vitam ætérnam, quæ erat apud Patrem, et appáruit nobis : quod vídimus, et audivi-

mus, annuntiámus vobis, ut et vos societátem habeátis nobiscum, et societas nostra sit cum Patre, et cum Filio ejus Jesu Christo. Et hæc scribimus vobis ut gaudéátis, et gáudium vestrum sit plenum. Et hæc est annuntiatio, quam audivimus ab eo, et annuntiámus vobis : Quóniam Deus lux est, et ténebræ in eo non sunt ullæ.

*R.* Post passióem. 359.

*Lectio ij.*

**S**I dixérimus quóniam societátem habémus cum eo, et in ténebris ambulámus, mentímur, et veritátem non fácimus. Si áutem in luce ambulámus sicut et ipse est in luce, societátem habémus ad invicem, et sanguis Jesu Christi, Filii ejus, emúndat nos ab omni peccáto. Si dixérimus quóniam peccátum non habémus, ipsi nos sedúcimur, et véritas in nobis non est. Si confiteámur peccáta nostra : fidélis est, et justus, ut remittat nobis peccáta nostra, et emúndet nos ab omni iniquitáte. Si dixérimus quóniam non peccávimus : mendácem fácimus eum, et verbum ejus non est in nobis.

*R.* Omnis. 359.

*Lectio iij. Cap. 2.*

**F**ILIOLI mei, hæc scribo vobis, ut non peccétis. Sed et si quis peccáverit, advocátum habémus apud Patrem, Jesum Christum justum : et ipse est propitiatio



pro peccátiis nostris : non pro nostris áutem tantum, sed étiam pro totíus mundi. Et in hoc scimus quóniam cognóvimus eum, si mandáta ejus observémus. Qui dicit se nosse eum, et mandáta ejus non custódit, mendax est, et in hoc véritas non est. Qui áutem servat verbum ejus, vere in hoc caritas Dei perfécta est : et in hoc scimus quóniam in ipso sumus. Qui dicit se in ipso manére, debet, sicut ille ambulávit, et ipse ambuláre.

Ŕ. Exaltáre Dómine. 359.

IN II. NOCTURNO

Sermo sancti Augustíni  
Episcopi.

Serm. 2. de Ascens. Domini  
qui est 175. de Tempore.

Lectio iv.

**S**ALVÁTOR noster, dilectissimi fratres, ascéndit in cælum : non ergo turbémur in terra. Ibi sit mens, et hic erit réquies. Ascendámus cum Christo interim corde : cum dies ejus promissus advénerit, sequémur et córpore. Scire tamen debémus, fratres, quia cum Christo non ascéndit supérbia, non avaritia, non luxúria : nulum vitium nostrum ascéndit cum médico nostro. Et ideo si post médicum desiderámus ascéndere, debémus vítia et peccáta depónere. Omnes enim quasi quibúsdam compédibus nos premunt, et peccatórum nos

rétibus ligáre conténdunt : et ideo cum Dei adjutório, secúndum quod ait Psalmísta : Dirumpámus vincula eórum : ut secúri possimus dicere Dómino : Dirupisti vincula mea, tibi sacrificábo hóstiam láudis.

Ŕ. Tempus est. 362.

Lectio v.

**R**ESURRECTIO Dómini spes nostra est : ascénsio Dómini glorificátio nostra est. Ascensiónis hódie solémnia celebrámus. Si ergo recte, si fidéliter, si devóte, si sancte, si pie ascensiónem Dómini celebrámus, ascendámus cum illo, et sursum corda habeamus. Ascendéntes áutem non extollámur, nec de nostris, quasi de própriis méritis præsumámus. Sursum áutem corda habére debémus ad Dóminum. Sursum enim cor non ad Dóminum, supérbia vocátur : sursum áutem cor ad Dóminum, refúgium vocátur. Vidéte, fratres, magnum miraculum. Altus est Deus, érigis te, et fugit a te ; humílias te, et descéndit ad te. Quare hoc ? Quia excélsus est, et humilia réspicit, et alta de longe cognóscit. Humilia de próximo réspicit, ut attóllat : alta, id est, supérba, de longe cognóscit, ut déprimat.

Ŕ. Non turbétur. 362.

Lectio vj.

**R**ESURREXIT enim Christus, ut spem nobis daret, quia

surgit homo, qui móritur; ne moriéndó desperarémus, et vitam nostram in morte finítam putarémus, secúros nos fecit. Solliciti enim erá-  
mus de ipsa ánima : et ille nobis resurgéndo, de carnis resurrectione fidúciam de-  
dit. Crede ergo, ut mundé-  
ris. Prius te opórtet cré-  
dere, ut póstea per fidem  
Deum mereáris adspicere.  
Deum enim vidére vis? Audi  
ipsum : Beáti mundo corde :  
quóniam ipsi Deum vidé-  
bunt. Prius ergo cógita de  
corde mundándo : quidquid  
ibi vides, quod displicet  
Deo, tolle.

℞. Ascéndens. 362.

IN III. NOCTURNO

Léctio sancti Evangélii se-  
cúndum Joánnem.

Lectio vij. Cap. 15. d

**I**n illo témpore : Dixit Jesus  
discípulis suis : Cum vé-  
nerit Paráclitus, quem ego  
mittam vobis a Patre, Spi-  
ritum veritátis, qui a Patre  
procédit, ille testimonium  
perhibébit de me. Et réliqua.

Homilia sancti Augustini  
Episcopi.

Tractatus 92. in Joannem.

**D**ÓMINUS Jesus in sermó-  
ne, quem locútus est  
discípulis suis post cœnam,  
 próxímus passióni, tam-  
quam itúrus, et relictúrus eos  
præséntia corporáli, cum  
ómnibus áutem suis usque  
in consummationem sœculi  
futúrus præséntia spiritali,  
exhortátus est eos ad perfe-

réndas persecutiónes impió-  
rum, quos mundi nómine  
nuncupávit : ex quo tamen  
mundo étiam ipsos discipu-  
los se elegísse dixit : ut sci-  
rent se Dei grátia esse, quod  
sunt ; suis áutem vitiis fuís-  
se, quod fuérunt.

℞. Ego rogábo. 365.

Lectio viij.

**D**EÍNDE persecutóres et  
suos et ipsórum, Ju-  
dæos evidénter expressit :  
ut omnino apparéret étiam  
ipsos mundi damnábilis ap-  
pellatióne conclúsos, qui  
persequúntur sanctos. Cum-  
que de illis diceret, quod  
ignorárent eum, a quo mis-  
sus est ; et tamen odissent  
et Fílium, et Patrem, hoc  
est, et eum qui missus est,  
et eum a quo missus est :  
(de quibus ómnibus in áliis  
sermónibus jam disserúi-  
mus) ad hoc pervénit, ubi  
ait : Ut adimpleátur sermo,  
qui in lege eórum scriptus  
est : Quia ódio habuérunt  
me gratis.

℞. Si enim non abiero, Pa-  
ráclitus non véniet ad vos :  
si áutem abiero, mittam eum  
ad vos. \* Cum áutem vénerit  
ille, docébit vos omnem ve-  
ritátem, allelúia. ¶ Non enim  
loquétur a semetipso : sed  
quæcúmque áudiet, loquétur :  
et quæ ventúra sunt,  
annuntiábit vobis. Cum. Gló-  
ria Patri. Cum.

Lectio ix.

**D**EÍNDE tamquam conse-  
quenter adjúnxit, unde



modo disputâre suscepimus : Cum autem venerit Paráclitus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me : et vos testimonium perhibebitis, quia ab initio mecum estis. Quid hoc pertinet ad illud quod dixerat : Nunc autem et viderunt, et oderunt et me, et Patrem meum ; sed ut impleatur sermo, qui in lege eorum scriptus est : Quia odio habuerunt me gratis ? An quia Paráclitus quando venit Spiritus veritatis, eos, qui viderunt, et oderunt, testimonio manifestiore convicit ? Imo vero etiam aliquos ex illis qui viderunt, et adhuc oderant, ad fidem, quæ per dilectionem operatur, sui manifestatione convertit.

Te Deum laudamus. 17.

AD LAUDES

ET PER HORAS

**Ant. 1.** Viri Galilæi, \* quid adspicitis in cælum ? Hic Jesus, qui assumptus est a vobis in cælum, sic veniet, allelúia.

**Psalm.** Dóminus regnavit. 18.

**2.** Cumque intuerentur \* in cælum euntem illum, dixerunt, allelúia.

**3.** Elevatis manibus \* benedixit eis, et ferebatur in cælum, allelúia.

**4.** Exaltate \* Regem regum, et hymnum dicite Deo, allelúia.

**5.** Vidéntibus illis \* elevatus est, et nubes suscepit eum in cælo, allelúia.

**Capitulum.** I. Petr. 4. b

**C**ARÍSSIMI : Estóte prudentes, et vigiláte in orationibus. Ante ómnia autem mútuam in vobismetipsis caritatem continuam habentes : quia caritas óperit multitudinem peccatorum.

**Hymn.** Salútis humanæ Sator. 356.

**V.** Dóminus in cælo, allelúia. **R.** Parávit sedem suam, allelúia.

**Ad Bened. Ant.** Cum venerit Paráclitus, \* quem ego mittam vobis Spiritum veritatis, qui a Patre procedit, ille testimonium perhibebit de me, allelúia.

**Oratio.**

**O**MNÍPOTENS sempitérne Deus, fac nos tibi semper et devótam gérere voluntatem, et majestáti tuæ sincéro corde servíre. Per Dóminum.

**Et sit Commem. Ascensionis.**

**Ant.** Ascéndo ad Patrem meum, et Patrem vestrum : Deum meum, et Deum vestrum, allelúia.

**V.** Ascéndit Deus in jubilatione, allelúia. **R.** Et Dóminus in voce tubæ, allelúia.

**Orat.** Concéde.

**Ad Absolutionem Capituli ad Primam, Lectio brevis**  
Si quis lóquitur. ut infra ad Nonam.

## AD TERTIAM

**Capit.** Carissimi : Estóte prudentes. *ut supra.* 377.

**R. br.** Ascéndit Deus in jubilatione, \* Allelúia, allelúia. Ascéndit. **V.** Et Dóminus in voce tubæ. Allelúia, allelúia. Glória Patri. Ascéndit.

**V.** Ascéndens Christus in altum, allelúia. **R.** Captivam duxit captivitatem, allelúia.

## AD SEXTAM

**Capitulum.** I. Petr. 4. b

**H**OSPITÁLES invicem sine murmuratióne : Unusquisque, sicut accépit grátiam, in altérutrum illam administrátes, sicut boni dispensatóres multifórmis grátiae Dei.

**R. br.** Ascéndens Christus in altum, \* Allelúia, allelúia. Ascéndens. **V.** Captivam duxit captivitatem. Allelúia, allelúia. Glória Patri. Ascéndens.

**V.** Ascéndo ad Patrem meum, et Patrem vestrum, allelúia. **R.** Deum meum, et Deum vestrum, allelúia.

## AD NONAM

**Capitulum.** I. Petr. 4. c

**S**I quis loquitur, quasi sermónes Dei : si quis ministrat, tamquam ex virtute, quam administrat Deus : ut in ómnibus honorificétur Deus per Jesum Christum Dóminum nostrum.

**R. br.** Ascéndo ad Patrem meum, et Patrem vestrum, \* Allelúia, allelúia. Ascéndo. **V.** Deum meum, et Deum

vestrum. Allelúia, allelúia. Glória Patri. Ascéndo.

**V.** Dóminus in cælo, allelúia. **R.** Parávit sedem suam, allelúia.

## AD VESPERAS

**Ant. et Capit. de Laud. ;**  
**Pss. ut in I. Vesp. de Comm. Apost. 1\*.**

**Hymnus** Salútis humanæ Sator. 356.

**V.** Dóminus in cælo, allelúia. **R.** Parávit sedem suam, allelúia.

**Ad Magnif. Ant.** Hæc locútus sum \* vobis, ut cum vénerit hora eórum, remiscámini quia ego dixi vobis, allelúia.

**Et fit Commem. Ascens.**  
**Ant.** O Rex glóriæ. **V.** Ascéndit Deus. **Orat.** Concéde. 373.

## FERIA SECUNDA

POST DOM. INFRA OCT. ASCENS.

## IN I. NOCTURNO

De Epístola prima beáti  
Joánnis Apóstoli.

**Lectio j. Cap. 3.**

**V**IDÉTE qualem caritatem dedit nobis Pater, ut filii Dei nominémur et simus. Propter hoc mundus non novit nos : quia non novit eum. Carissimi, nunc filii Dei sumus : et nondum apparuit quid érimus. Scimus quóniam cum apparúerit, similes ei érimus : quóniam vidébimus eum sicuti est. Et omnis, qui habet hanc spem in eo, sanctificat se, sicut et ille sanctus est. Omnis, qui facit peccátum, et ini-



quitatem facit : et peccatum est iniquitas. Et scitis quia ille apparuit ut peccata nostra tolleret : et peccatum in eo non est. Omnis, qui in eo manet, non peccat : et omnis, qui peccat, non vidit eum, nec cognovit eum.

℞. Post passionem. 359.

*Lectio ij.*

**F**ILIOLI, nemo vos seducat. Qui facit justitiam, justus est : sicut et ille justus est. Qui facit peccatum, ex diabolo est : quoniam ab initio diabolus peccat. In hoc apparuit Filius Dei, ut dissolvat opera diaboli. Omnis, qui natus est ex Deo, peccatum non facit : quoniam semen ipsius in eo manet, et non potest peccare, quoniam ex Deo natus est. In hoc manifesti sunt filii Dei, et filii diaboli. Omnis, qui non est justus, non est ex Deo, et qui non diligit fratrem suum : quoniam haec est annuntiatio, quam audistis ab initio, ut diligatis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quoniam opera ejus maligna erant : fratris autem ejus justa.

℞. Omnis pulchritudo. 359.

*Lectio iij.*

**N**OLITE mirari fratres, si odit vos mundus. Nos scimus quoniam translatus sumus de morte ad vitam, quoniam diligimus fratres. Qui non diligit, manet in

morte : omnis, qui odit fratrem suum, homicida est. Et scitis quoniam omnis homicida non habet vitam aeternam in semetipso manentem. In hoc cognovimus caritatem Dei, quoniam ille animam suam pro nobis posuit : et nos debemus pro fratribus animas ponere. Qui habuerit substantiam hujus mundi, et viderit fratrem suum necessitatem habere, et clauserit viscera sua ab eo : quomodo caritas Dei manet in eo? Filioli mei, non diligamus verbo, neque lingua, sed opere et veritate.

℞. Exaltare Domine. 359.

IN II. NOCTURNO

Sermo sancti Joannis Chrysostomi.

*Serm. de Ascens. Dom., t. 3.*

*Lectio iv.*

**C**HRISTUS ascendens in caelum, nostrae naturae primitias obtulit Patri, et oblatum donum miratus est Pater, quod et tanta dignitas offererat; et quod offerebatur, nulla macula foedabatur. Nam et suis manibus suscepit oblatum, et suae sedis fecit esse participem, et quod plus est, ad partem suae dexterae collocavit. Cognoscamus, quis est ille qui audivit, Sede ad dexteram meam : quae natura est, cui Deus dixit, Esto meae par-ticeps sedis. Illa natura est, quae audivit : Terra es, et in terram ibis.

℞. Tempus est. 362.

## Lectio v.

**N**ON enim ad omnem glóriam cælos transisse suffecerat, non cum Angelis stare : sed cælos transivit, supra Chérubim ascendit, ultra Séraphim elevatur, nec ante stetit, nisi sedem Dominicam meruisset. Vide quo spatio cælum separatur a terra, imo terra quanto ab inferis abest, et ipsum cælum quanto ab altiore cælo separatur, et de altiore cælo ad Angelos quantum spatii est, ad superiores etiam Potestates, ad ipsam quoque Dominicam sedem. Super hæc omnia natura nostra elevata est, ut homo, qui loco tam humili tenebatur, ut descendere non posset ulterius, ad tam excelsam sedem elevaretur, ut altius non posset ascendere.

*R.* Non turbetur. 362.

## Lectio vj.

**E**T hæc ostendens Paulus dicebat : Qui descendit, ipse est qui ascendit. Et iterum : Descendit ad inferiora terræ, et ascendit super omnes cælos. Discite igitur quisnam ascendit, et quæ natura elevata est. In hoc enim cupio remorari sermone, ut humani generis commemoratione, divinam clementiam cum omni admiratione discamus, quæ summum honorem, magnamque gloriam nostræ naturæ largita est, quæ omnibus hodierna die meruit excelsior

reperiri. Hódie Angeli atque Archangeli naturam nostram in sede Dominica immortalí gloria fulgentem viderunt.

*R.* Ascendens. 362.

## IN III. NOCTURNO

Lectio sancti Evangelii secundum Marcum.

## Lectio vij. Cap. 16. c

**I**N illo tempore : Recumbentibus undecim discipulis, apparuit illis Jesus : et exprobravit incredulitatem eorum, et duritiam cordis : quia iis, qui viderant eum resurrexisse, non crediderunt. Et reliqua.

De Homilia sancti Gregorii Papæ.

## Ex eadem Homil. 29.

**E**T Dominus quidem Jesus, postquam locutus est eis, assumptus est in cælum, et sedet a dextris Dei. In veteri testamento cognovimus, quod Elías sit raptus in cælum. Sed aliud est cælum aereum, aliud æthereum. Cælum quippe aereum terræ est proximum : unde et aves cæli dicimus, quia eas volitare in aëre videmus. In cælum itaque aereum Elías sublevatus est, ut in secretam quamdam terræ regionem repente duceretur, ubi in magna jam carnis et spiritus quiete viveret, quousque ad finem mundi redeat, et mortis debitum solvat. Ille etenim mortem distulit, non evasit : Redemptor autem noster, quia non distulit, superavit, eamque re-



surgendo consumpsit, et resurrectionis suae gloriam ascendendo declaravit.

℞. Ego rogabo. 365.

*Lectio viij.*

**N**OTÁNDUM quoque est, quod Elías in curru légitur ascendisse : ut videlicet apérte demonstrarétur, quia homo purus adiutorio indigebat aliéno. Per Angelos quippe facta illa et osténsa sunt adjumenta : quia nec in cælum quidem aéreum per se ascendere póterat, quem naturæ suæ infirmitas gravábat. Redemptor autem noster non curru, non Angelis sublevátus légitur : quia is, qui fécerat ómnia, nimirum super ómnia sua virtúte ferebátur. Illo etenim revertebátur, ubi erat : et inde redibat, ubi remanébat : quia cum per humanitátem ascenderet in cælum, per divinitátem suam et terram páriter continébat et cælum.

℞. Ponis nubem. 365.

*Lectio ix.*

**S**ICUT autem Joseph a fratribus vénditus venditió-nem Redemptóris nostri figurávit : sic Henoch translátus, atque ad cælum aéreum Elías sublevátus, ascensió-nem Dominicam utérque designávit. Ascensionis ergo suæ Dóminus prænúntios et testes hábuit, unum ante legem, álium sub lege : ut quandóque veniret ipse, qui veráciter cælos penetráre potuisset. Unde et ipse ordo

in eórum quoque utrorúm-que sublevatióne per quædam incrementa distinguitur. Nam Henoch translátus, Elías vero ad cælum subvéctus esse memorátur : ut veniret póstmodum, qui nec translátus, nec subvéctus, cælum æthéreum sua virtúte penetráret.

Te Deum laudámus. 17.

FERIA TERTIA

IN I. NOCTURNO

De Epístola prima beáti Joánnis Apóstoli.

*Lectio j. Cap. 4.*

**C**ARÍSSIMI, nolite omni spirítui crédere, sed probáte spirítus si ex Deo sint : quóniam multi pseudoprophétæ exiérunt in mundum. In hoc cognóscitur spirítus Dei : omnis spirítus qui confitétur Jesum Christum in carne venisse, ex Deo est : et omnis spirítus qui solvit Jesum, ex Deo non est, et hic est antichristus, de quo audístis quóniam venit, et nunc jam in mundo est. Vos ex Deo estis filíoli, et vicístis eum, quóniam major est qui in vobis est, quam qui in mundo. Ipsi de mundo sunt : ídeo de mundo loquúntur, et mundus eos áudit. Nos ex Deo sumus. Qui novit Deum, áudit nos : qui non est ex Deo, non áudit nos : in hoc cognóscimus Spíritum veritátis, et spíritum erróris.

℞. Post passió-nem. 359.

## Lectio ij.

**C**ARÍSSIMI, diligámus nos invicem : quia cáritas ex Deo est. Et omnis, qui diligit, ex Deo natus est, et cognóscit Deum. Qui non diligit, non novit Deum : quóniam Deus cáritas est. In hoc appáruit cáritas Dei in nobis, quóniam Filium suum unigénitum misit Deus in mundum, ut vivámus per eum. In hoc est cáritas : non quasi nos dilexérimus Deum, sed quóniam ipse prior diléxit nos, et misit Filium suum propitiatióem pro peccátis nostris. Caríssimi, si sic Deus diléxit nos : et nos debémus altérutrum diligere. Deum nemo vidit umquam. Si diligámus invicem, Deus in nobis manet, et cáritas ejus in nobis perfécta est. In hoc cognóscimus quóniam in eo manémus, et ipse in nobis : quóniam de Spíritu suo dedit nobis. Et nos vidimus, et testificámur quóniam Pater misit Filium suum Salvatórem mundi.

℞. Omnis pulchritúdo Dómini. 359.

## Lectio iij.

**Q**UISQUIS conféssus fúerit quóniam Jesus est Filius Dei, Deus in eo manet, et ipse in Deo. Et nos cognóvimus, et credidimus caritáti, quam habet Deus in nobis. Deus cáritas est, et qui manet in caritáte, in Deo manet, et Deus in eo. In hoc perfécta est cáritas

Dei nobíscum, ut fidúciam habeámus in die judicii : quia sicut ille est, et nos sumus in hoc mundo. Timor non est in caritáte : sed perfécta cáritas foras mittit timórem : quóniam timor pœnam habet. Qui áutem timet, non est perféctus in caritáte. Nos ergo diligámus Deum, quóniam Deus prior diléxit nos. Si quis dixerit, quóniam diligo Deum, et fratrem suum óderit, mendax est. Qui enim non diligit fratrem suum quem videt, Deum, quem non videt, quómodo potest diligere? Et hoc mandátum habémus a Deo : ut qui diligit Deum, diligit et fratrem suum.

℞. Exaltáre Dómine. 359.

## IN II. NOCTURNO

Sermo sancti Máximi  
Episcopi.

Homilia 43. quæ est 2. de  
Pentecoste, ante med.

## Lectio iv.

**M**ÉMINIT sanctitas vestra, quod áquilæ illi de Psaltério, cujus innovátam juventútem légimus, comparáverim Salvatórem. Est enim similitúdo non parva. Sicut enim áquila humilia désertit, alta petit, cælórum vicina conscéndit : ita et Salvátor humilia inférni déservit, paradisi altióra pétiit, cælórum fastigia penetrávit. Et sicut áquila relictis terrénis sórdibus, sublime volans, puriórís áëris salubritáte perfrúitur : ita et Dómi-



nus terrenórum sæcem déserens peccatórum, in sanctis suis volitans, puriórís vitæ simplicitáte lætátur.

℞. Tempus est. 362.

**Lectio v.**

**P**ER ómnia igitur áquilæ comparátio cónvenit Salvatóri. Sed quid fácimus, quod áquila prædam frequenter diripit, tollit frequenter aliénum? Nec in hoc tamen dissimilis est Salvátor. Prædam enim quodámodo sústulit, cum hóminem, quem suscepit, inférni raptum fáucibus portávit ad cælum, et aliénæ dominationis, id est, diabólicæ potestátis servum de captivitáte érutum, duxit ad altióra captivum, sicut scriptum est in Prophéta : Ascéndens in altum, captivam duxit captivitatem, dedit dona hominibus.

℞. Non turbétur cor vestrum. 362.

**Lectio vj.**

**A**SCÉNDIT, inquit, in altum, captivam duxit captivitatem. Quam bene triúmphum Dómini Prophéta describit! Solébat, sicut dicunt, regum triumphántium currus captivórum pompa præcédere. Ecce Dóminum eúntem ad cælos non præcédit, sed comitátur gloriósa captivitas, non ante vehiculum dúcitur, sed ipsa évehit Salvátorem. Quodam enim mystério, dum Filius Dei filium hóminis sústulit

ad cælum, ipsa captivitas portátur, et portat.

℞. Ascéndens. 362.

IN III. NOCTURNO

Léctio sancti Evangélii secúndum Marcum.

**Lectio vij. Cap. 16. c**

**I**N illo témpore : Recumbéntibus duódecim discipulis, appáruit illis Jesus : et exprobrávit incredulitatem eórum, et duritiam cordis : quia iis, qui viderant eum resurrexisse, non crediderunt. Et reliqua.

De Homilia sancti Gregórii Papæ.

**Ex eadem Homilia 29.**

**C**ONSIDERÁNDUM nobis est, quid est quod Marcus ait : Sedet a dextris Dei : et Stéphanus dicit : Video cælos apértos, et Filium hóminis stantem a dextris Dei. Quid est quod hunc Marcus sedéntem, Stéphanus vero stantem se vidére testátur? Sed scitis, fratres, quia sedére judicántis est, stare vero pugnántis, vel adjuvántis.

℞. Ego rogábo. 365.

**Lectio viij.**

**Q**UIA ergo Redemptor noster assúptus in cælum, et nunc ómnia júdicat, et ad extrémum júdex ómnium véniet; hunc post assumptiónem Marcus sedére describit, quia post ascensiónis suæ glóriam júdex in fine vidébitur. Stéphanus vero hunc in labóre certáminis pósitus stantem

vidit, quem adiutorem habuit : quia ut iste in terra persecutorum infidelitatem vinceret, pro illo de caelo illius gratia pugnavit.

*R.* Ponis nubem. 365.

*Lectio ix.*

**S**ÉQUITUR : Illi autem profecti praedicaverunt ubique Domino cooperante, et sermonem confirmante sequentibus signis. Quid in his considerandum est, quid memoriae commendandum : nisi quod praecipuum obediencia, obedienciam vero signa secuta sunt? Sed quia auctore Deo breviter lectionem evangelicam exponendo transcurrimus : restat, ut aliquid de ipsa tantae consideratione sollemnitatis dicamus.

Te Deum laudamus. 17.

FERIA QUARTA

IN I. NOCTURNO

Incipit Epistola secunda beati Joannis Apostoli.

*Lectio j.*

**S**ÉNIOR Eléctae dominae, et natis ejus, quos ego diligo in veritate, et non ego solus, sed et omnes qui cognoverunt veritatem, propter veritatem, quae permanet in nobis, et nobiscum erit in aeternum. Sit vobiscum gratia, misericordia, pax a Deo Patre, et a Christo Jesu Filio Patris in veritate, et caritate. Gavisus sum valde, quoniam inveni de filiis tuis ambulantes in veritate, sicut mandatum accepimus

a Patre. Et nunc rogo te domina, non tamquam mandatum novum scribens tibi, sed quod habuimus ab initio, ut diligamus alterutrum.

*R.* Post passionem. 359.

*Lectio ij.*

**E**T haec est caritas, ut ambulamus secundum mandata ejus. Hoc est enim mandatum, ut quemadmodum audistis ab initio, in eo ambulatis : quoniam multi seductores exierunt in mundum, qui non confitentur Jesum Christum venisse in carnem : hic est seductor, et antichristus. Videte vosmetipsos, ne perdatis quae operati estis : sed ut mercedem plenam accipiatis. Omnis, qui recedit, et non permanet in doctrina Christi, Deum non habet : qui permanet in doctrina, hic et Patrem et Filium habet.

*R.* Omnis pulchritudo Domini. 359.

*Lectio iij.*

**S**I quis venit ad vos, et hanc doctrinam non affert, nolite recipere eum in domum, nec Ave ei dixeritis. Qui enim dicit illi Ave, communicat operibus ejus malignis. Plura habens vobis scribere, nolui per chartam et atramentum : spero enim me futurum apud vos, et os ad os loqui : ut gaudium vestrum plenum sit. Salutant te filii sororis tuae Eléctae.

*R.* Exaltare Domine. 359.



IN II. NOCTURNO

Sermo sancti Gregorii  
Nysseni.

Orat. de Ascens. Domini.

Lectio iv.

**H**ODIÉRNAM celebritátem satis per se magnam, prophéta David majórem éfficit, dum illi gáudium e Psalmis adjúngit. Hic enim excélsus Prophéta supra se ipsum egrédiens, tamquam córporis ónere nihil premátur, infert se cæléstibus potestátibus, et voces eárum nobis expónit, cum in cælum redeúntem Dóminum ipsæ comitántes, Angelis, qui versántur in terris, quibúsque in humanám vitam ingrèssus commissus est, imperant ad hunc modum : Tóllite portas príncipes vestras, et elevámini portæ æternáles, et introibit Rex glóriæ.

℞. Tempus est. 362.

Lectio v.

**E**T quóniam ubicúmque fúerit ille, qui in seípso ómnia cóntinet, pro suscipiéntium captu seípsum dimetitur (neque enim solum inter hómines homo fit, verum étiam dum inter Angelos versátur, ad illórum vocem sese demíttit) idcirco janitóres intérogant : Quis est iste Rex glóriæ? Respóndent ipsis, demonstrántque fortem et poténtem in prælio, qui pugnatúrus erat contra illum, qui natúram humanám in servitúte captivam detinébat, et eversúrus eum

qui mortis habébat impérium : ut gravíssimo hoste superáto, genus hóminum in libertátem et pacem vindicáret. ℞. Non turbétur. 362.

Lectio vj.

**O**CCÚRRUNT ei custódes, ei portas jubent reclúdi, ut in ipsis rursum glóriam assequátur. Verum non agnóscunt eum, qui sórdidam vitæ nostræ stolam indútus est : cujus rubra sunt vestiménta ex humanórum malórum torculári. Itaque rursus cómites ejus vóci bus illis interrogántur : Quis est iste Rex glóriæ? Respondétur áutem non ámplius, Fortis et potens in prælio; sed, Dóminus virtútum, qui mundi principátum obtinuit, qui summátim ómnia in se colégit, qui pristinum in statum cuncta restituit : ipse est Rex glóriæ.

℞. Ascéndens. 362.

IN III. NOCTURNO

Léctio sancti Evangélíi secúndum Marcum.

Lectio vij. Cap. 16. c

**I**N illo témpore : Recumbéntibus úndecim discipulis, apparuit illis Jesus : et exprobrávit incredulitátem eórum, et duritiám cordis : quia iis, qui viderant eum resurrexisse, non crediderunt. Et reliqua.

De Homília sancti Gregórii Papæ.

Ex eadem Homília 29.

**H**OC áutem nobis primum quæréndum est, quid-

nam sit, quod, nato Dómino, apparuerunt Angeli, et tamen non leguntur in albis véstibus apparuisse : ascendente áutem Dómino, missi Angeli in albis leguntur véstibus apparuisse. Sic etenim scriptum est : Vidéntibus illis elevátus est, et nubes suscepit eum ab óculis eórum. Cumque intueréntur in cælum eúntem illum, ecce duo viri steterunt juxta illos in véstibus albis. In albis áutem véstibus gáudium et solémnitas mentis osténditur. Quid est ergo, quod, nato Dómino, non in albis véstibus, ascendente áutem Dómino, in albis véstibus Angeli appárent : nisi quod tunc magna solémnitas Angelis facta est, cum cælum Deus homo penetrávit? Quia nascénte Dómino videbátur divinitas humiliáta, ascendente vero Dómino est humanitas exaltáta. Albæ etenim vestes exaltatióni magis cógruunt, quam humiliatióni.

℞. Ego rogábo. 365.

#### Lectio viij.

**I**N ascensióne ergo ejus Angeli in albis véstibus vidéri debuérunt : quia qui in nativité sua appáruit Deus húmilis, in ascensióne sua osténsus est homo sublimis. Sed hoc nobis magnópere, fratres caríssimi, in hac solémnitáte pensándum est : quia delétum est hodiérna die chirógraphum damnatió-

nis nostræ, mutáta est senténtia corruptiόνis nostræ. Illa enim natúra, cui dictum est : Terra es, et in terram ibis ; hódie in cælum ivit. Pro hac ipsa namque carnis nostræ sublevatióne, per figúram beátus Job Dóminum avem vocat. Quia enim ascensiónis ejus mystérium Judæam non intelligere conspéxit, de infidelitáte ejus per figúram beátus Job senténtiam prótulit, dicens : Sémitam ignorávit avis.

℞. Ponis. 365.

#### Lectio ix.

**A**VIS enim recte appellátus est Dóminus, quia corpus cárneum ad æthera librávit. Cujus avis sémitam ignorávit, quisquis eum ad cælum ascendisse non crédidit. De hac solémnitáte per Psalmistam dicitur : Eleváta est magnificéntia tua super cælos. De hac rursus ait : Ascéndit Deus in jubilatione, et Dóminus in voce tubæ. De hac iterum dicit : Ascéndens in altum, captivam duxit captivitátem, dedit dona homínibus. Ascéndens quippe in altum, captivam duxit captivitátem : quia corruptiόνem nostram virtúte suæ incorruptiόνis absorbuit. Dedit vero dona homínibus, quia misso desuper Spíritu, álíi sermónem sapiéntiæ, álíi sermónem sciéntiæ, álíi grátiam virtútum, álíi grátiam curatiónum, álíi génera linguárum,



alii interpretatióem tribuit sermónum.

Te Deum laudámus. 17.

Ad Vesp., Duplex; omnia  
ut in I. Vesp. Festi. 356.

## IN OCT. ASCENSIONIS

Omnia sicut in die. 356,  
præter Lectiones, quæ le-  
guntur ut infra.

### IN I. NOCTURNO

De Epistola beáti Páuli Apó-  
stoli ad Ephésios.

Lectio j. Cap. 4.

**O**BSEURO itaque vos ego  
vinctus in Dómino, ut  
digne ambulétis vocatióne,  
qua vocáti estis, cum omni  
humilitate, et mansuetúdine,  
cum paciéntia, supportántes  
in vicem in caritate, solliciti  
serváre unitátem Spíritus in  
vínculo pacis. Unum corpus,  
et unus spíritus, sicut vocáti  
estis in una spe vocatiónis  
vestræ. Unus Dóminus, una  
fides, unum baptisma. Unus  
Deus et Pater ómnium, qui  
est super omnes, et per  
omnia, et in ómnibus nobis.  
Unicuique áutem nostrum  
data est grátia secúndum  
mensúram donatiónis Chri-  
sti. Propter quod dicit :  
Ascéndens in altum capti-  
vam duxit captivitátem :  
dedit dona hominibus.

℟. Post passióem. 539.

Lectio ij.

**Q**UOD áutem ascéndit, quid  
est, nisi quia et descén-  
dit primum in inferiões par-  
tes terræ? Qui descéndit,  
ipse est et qui ascéndit su-

per omnes cælos, ut implé-  
ret ómnia. Et ipse dedit  
quosdam quidem Apóstolos,  
quosdam áutem Prophétas,  
álios vero Evangelistas, álios  
áutem pastóres, et doctóres  
ad consummatióem san-  
ctórum in opus ministérii,  
in ædificatióem córporis  
Christi : donec occurrámus  
omnes in unitátem fidei, et  
agnitiónis Filii Dei, in virum  
perféctum, in mensúram  
ætátis plenitúdinis Christi :  
ut jam non simus párvuli  
fluctuántes, et circumferá-  
mur omni vento doctrinæ in  
nequítia hóminum, in astú-  
tia ad circumventiόem er-  
róris.

℟. Omnis. 359.

Lectio iij.

**V**ERITÁTEM áutem faciéntes  
in caritate, crescámus  
in illo per ómnia, qui est  
caput Christus : ex quo  
totum corpus compáctum  
et connéxum per omnem  
junctúram subministratió-  
nis, secúndum operatióem  
in mensúram uniuscujúsque  
membri, augméntum córpo-  
ris facit in ædificatióem sui  
in caritate. Hoc igitur dico,  
et testificor in Dómino, ut  
jam non ambulétis, sicut et  
gentes ámbulant in vanitate  
sensus sui, ténebris obscu-  
rátum habéntes intelléctum,  
alienáti a vita Dei per igno-  
rántiam, quæ est in illis,  
propter cæcitaté cordis  
ipsórum, qui desperántes,  
semetipsos tradidérunt im-

pudicitiae, in operationem immunditiae omnis, in avaritiam. Vos autem non ita didicistis Christum, si tamen illum audistis, et in ipso edocti estis.

**R.** Exaltare Domine. 359.

IN II. NOCTURNO

Sermo sancti Augustini  
Episcopi.

**Sermo 3. de Ascensione Domini, qui est 176. de Tempore.**

**Lectio iv.**

**O**MNIA, carissimi, quae Dominus Jesus Christus in hoc mundo sub fragilitate nostra miracula edidit, nobis proficiunt: qui dum humanam conditionem sideribus importavit, credentibus caelum patere posse monstravit: et dum victorem mortis in caelestia elevavit, victoribus quo sequantur ostendit. Ascensio ergo Domini catholicae fidei confirmatio fuit: ut securi in posterum crederemus miraculi illius donum, cujus jam in praesenti percepissemus affectum: et fidelis quisque cum jam tanta perciperit, per ea, quae cognoscit praestita, discat sperare promissa, ac Dei sui praeteritam praesentemque bonitatem, quasi futurorum teneat cautionem.

**R.** Tempus est. 362.

**Lectio v.**

**S**UPER excelsa ergo caeli terrenum corpus imponitur: ossa intra sepulcri

angustias paulo ante conclusa, Angelorum coetibus inferuntur: in gremium immortalitatis mortalis natura transfunditur: et ideo sacra apostolicae lectionis testatur historia: Cum haec dixisset, inquit, videntibus illis, elevatus est. Dum audis elevatum, agnosce militiae caelestis obsequium: unde hodierna festivitas hominis nobis et Dei sacramenta manifestavit. Sub una eademque persona, in eo qui elevat, divinam potentiam; in eo autem, qui elevatur, humanam cognosce substantiam.

**R.** Non turbetur. 362.

**Lectio vj.**

**I**DEOQUE omnimodis detestanda sunt venena Orientalis erroris, qui impia novitate praesumit asserere Filium Dei ac filium hominis unius esse naturae. In alterutra enim parte, vel qui solum hominem fuisse dixerit, negabit Conditoris gloriam: vel qui solum Deum, negabit misericordiam Redemptoris. Quo genere non facile Arianus evangelicam poterit habere veritatem, ubi Filium Dei nunc aequalem legimus, nunc minorem. Qui enim unius naturae Salvatorem nostrum mortifera persuasione crediderit, solum hominem, aut solum Deum cogetur dicere crucifixum. Sed non ita est. Mortem enim nec solus Deus



sentire, nec solus homo superare potuisset.

℞. Ascendens. 362.

IN III. NOCTURNO

Lectio sancti Evangelii secundum Marcum.

Lectio vij. Cap. 16. c

**I**N illo tempore : Recumbentibus undecim discipulis, apparuit illis Jesus : et exprobravit incredulitatem eorum, et duritiam cordis : quia iis, qui viderant eum resurrexisse, non crediderunt. Et reliqua.

De Homilia sancti Gregorii Papæ.

Ex eadem Homilia 29.

**D**E hac ascensionis ejus gloria etiam Habacuc ait : Elevatus est sol, et luna stetit in ordine suo. Quis enim solis nomine, nisi Dominus; et quæ lunæ nomine, nisi Ecclesia designatur? Quousque enim Dominus ascendit ad cælos, sancta ejus Ecclesia adversa mundi omnimodo formidavit : at postquam ejus ascensione roborata est, aperte prædicavit, quod occulte credidit. Elevatus est ergo sol, et luna stetit in ordine suo : quia cum Dominus cælum petiit, sancta ejus Ecclesia in auctoritate prædicationis excrevit.

℞. Ego rogabo. 365.

Lectio viij.

**H**INC ejusdem Ecclesiæ voce per Salomónem dicitur : Ecce iste venit saliens in montibus, et transiliens

colles. Consideravit namque tantorum operum cúlmina, et ait : Ecce iste venit saliens in montibus. Veniendo quippe ad redemptionem nostram, quosdam, ut ita dicam, saltus dedit. Vultis, fratres carissimi, ipsos ejus saltus agnoscere? De cælo venit in úterum, de útero venit in præsepe, de præsepe venit in crucem, de cruce venit in sepúlcrum, de sepúlcro rediit in cælum. Ecce ut nos post se currere faceret, quosdam pro nobis saltus manifestata per carnem Veritas dedit : quia exsultavit ut gigas ad currendam viam suam, ut nos ei diceremus ex corde : Trahe nos : post te curremus in odorem unguentorum tuorum.

℞. Ponis nubem. 365.

Lectio ix.

**U**NDE, fratres carissimi, oportet ut illuc sequamur corde, ubi eum corpore ascendisse credimus. Desideria terræna fugiamus : nihil nos jam dellectet in infimis, qui Patrem habemus in cælis. Et hoc nobis est magnopere perpendendum : quia is qui placidus ascendit, terribilis redibit : et quid nobis cum mansuetudine præcepit, hoc a nobis cum districtione exigit. Nemo ergo indulta poenitentiae tempora parvipendat, nemo curam suam, dum valet, agere negligat : quia Redemptor noster tanto tunc in judi-

cium districtior veniet, quanto nobis ante iudicium magnam patientiam prærogavit.

Te Deum laudamus. 17.

In secundis Vesperis non fit Commemoratio Officii sequentis diei.

Duobus sequentibus diebus Officium fit sicut infra Oct. Ascensionis, exceptis Lectionibus, quæ habentur propriæ, et R. viij., Capit., Antiph. ad Bened. et Magnificat, et Orat., quæ dicuntur de Dom. infra Oct. Ascensionis, ut supra. 374. Et non dicuntur Preces ad Primam, et Completorium.

Si vero Feria sexta occur. Festum novem Lectionum, etiam translatum, fit de Festo cum Commem. Officii ejusdem diei, nisi illud Festum fuerit ex solemnioribus primæ classis; tunc enim Commem. Fer. semper omititur. Si autem fuerit Duplex secundæ classis, fit tantum Commem. in II. Vesp.

### FERIA SEXTA

POST OCTAVAM ASCENSIONIS

IN I. NOCTURNO

Incipit Epistola tertia beati Joannis Apostoli.

Lectio j.

**S**ENIOR Gaio carissimo, quem ego diligo in veritate. Carissime, de omnibus orationem facio prospere te ingredi, et valere, sicut prospere agit anima tua. Gavisus sum valde venientibus fratribus, et testimonium

perhibentibus veritati tuæ, sicut tu in veritate ambulas. Majorem horum non habeo gratiam, quam ut audiam filios meos in veritate ambulare.

R. Post passionem. 359.

Lectio ij.

**C**ARISIME, fideliter facis quidquid operaris in fratres, et hoc in peregrinos, qui testimonium reddiderunt caritati tuæ in conspectu Ecclesiæ: quos, benefaciens, deduces digne Deo. Pro nomine enim ejus profecti sunt, nihil accipientes a gentibus. Nos ergo debemus suscipere hujusmodi, ut cooperatores simus veritatis. Scripsissem forsitan Ecclesiæ: sed is, qui amat primatum gerere in eis, Diotrophes, non recipit nos. Propter hoc si venero, commonebo ejus opera, quæ facit: verbis malignis garruens in nos: et quasi non ei ista sufficiant: neque ipse suscipit fratres: et eos, qui suscipiunt, prohibet, et de Ecclesiâ ejicit.

R. Omnis. 359.

Lectio iij.

**C**ARISIME, noli imitari malum, sed quod bonum est. Qui benefacit, ex Deo est: qui malefacit, non vidit Deum. Demétrio testimonium redditur ab omnibus, et ab ipsa veritate, sed et nos testimonium perhibemus: et nosti quoniam testimonium nostrum verum est. Multa habui tibi scribere:



sed nólui per atramentum  
et cálamum scribere tibi.  
Spero áutem prótinus te vi-  
dere, et os ad os loquémur.  
Pax tibi. Salútant te amici.  
Salúta amicos nominátim.

℞. Exaltáre Dómine. 359.

IN II. NOCTURNO

De Sermóne sancti Augustini  
Episcopi.

Ex eodem Serm. 176. in fine.

Lectio iv.

**S**ALVÁTOR noster, carissi-  
mi, si non in nostra carne  
diábolum triumphávit, se  
exércuit, non nobis vicit.  
Si non in nostro córpore  
resurréxit, conditióni no-  
stræ resurgéndo nihil cóntu-  
lit. Hæc qui dicit, suscep-  
tæ et assúptæ carnis non in-  
téllegit ratióne, confúndit  
órdinem, evácuat utilitátem.  
Si non in nostra carne per-  
égit medicinam, solam ergo  
ex hómine nascéndi elégit  
injúriam. Recédatur sénsibus  
nostris tam periculósa per-  
suásio. De nostro est quod  
appéndit, de suo est quod  
donávit. Meum testor esse  
quod cécidit, ut meum sit  
quod resurréxit. Meum te-  
stor esse quod jácuit intra  
túmulum, ut meum sit quod  
ascéndit in cælum.

℞. Tempus est. 362.

Lectio v.

**I**N illo itaque nostri géneris  
córpore nos Christi mors  
vivificávit, nos resurréctio  
eréxit, nos ascénsio conse-  
crávit. In illo nostræ originis  
córpore cæléstibus regnis

arrham nostræ conditiónis  
impósuit. Elaborémus ergo,  
caríssimi, ut quemádmódum  
Dóminus in hac die nostro  
cum córpore ad supérna con-  
scéndit, ita nos post illum  
quómmodo póssumus, spe  
ascendámus, et corde sequá-  
mur. Ipso afféctu páriter et  
proféctu ascendámus post  
illum : étiam per vitia ac  
passiões nostras. Si útique  
unusquisque nostrum súb-  
dere eas sibi stúdeat, ac su-  
per eas stare consuésat, ex  
ipsis sibi gradum cónstruit,  
quo possit ad superióra con-  
scéndere. Elevábunt nos, si  
fúerint infra nos.

℞. Non turbétur. 362.

Lectio vj.

**D**E vitiis nostris scalam no-  
bis fácimus, si vitia ipsa  
calcámus. Nam cum boni-  
tátis auctóre non ascéndit  
malitia, nec cum Filio Vir-  
ginis libído atque luxúria.  
Non, inquam, ascéndunt vi-  
tia post virtútum paréntem,  
peccáta post justum, nec  
infirmítates ac morbi pos-  
sunt ire post médicum. Igi-  
tur si intráre ipsius médici  
regnum vólumus, prius vul-  
nera nostra curémus. Ordi-  
némus et custodiámus in  
nobis statum utriúsque sub-  
stántiæ; ne ánimam, nobilió-  
rem útique hómínis portió-  
nem, tártaro pars devólvat  
inférior : sed secum pótius  
cælo sanctificátum corpus  
acquirat natúra gloriósior :  
ipso adjuvánte, qui vivit et

regnat in sæcula sæculórum.  
Amen.

**R.** Ascéndens. 362.

IN III. NOCTURNO

Léctio sancti Evangélíi se-  
cúndum Joánnem.

**Lectio vij. Cap. 15. d**

**I**N illo témpore : Dixit Jesus  
discípulis suis : Cum vé-  
nerit Paráclitus, quem ego  
mittam vobis a Patre Spíri-  
tum veritátis, qui a Patre  
procédit, ille testimónium  
perhibébit de me. Et reliqua.  
De Homilia sancti Augustini  
Episcopi.

**Tractatus 92. in Joannem,  
circa medium.**

**V**ENIT die Pentecóstes Spí-  
ritus sanctus in centum  
viginti hómines congregátos,  
in quibus et Apóstoli omnes  
erant : qui illo adimpléti,  
cum linguis ómnium gén-  
tium loqueréntur, plures ex  
his, qui óderant, tanto mirá-  
culo stupefácti (quandóqui-  
dem vidérunt, loquente Pe-  
tro, tam magnum atque di-  
vinum testimónium perhi-  
béri de Christo, ut ille, qui  
occísus ab eis inter mórtuos  
deputabátur, resurrexisse,  
et vivere probarétur) com-  
púnci corde convérsi sunt,  
et tanti sánguinis, tam ímpie  
atque immániter fusi, indul-  
géntiam percepérunt, ipso  
redémpti ságuine quem fu-  
dérunt.

**R.** Ego rogábo Patrem, et  
álium Paráclitum dabit vo-  
bis, \* Ut máneat vobíscum in  
ætérrnum, Spíritum veritá-

tis, allelúia. **Ÿ.** Si enim non  
abíero, Paráclitus non véniet  
ad vos : si áutem abíero, mit-  
tam eum ad vos. Ut máneat.

**Lectio viij.**

**C**HRISTI enim sanguis sic  
in remissiónem peccató-  
rum ómnium fusus est, ut  
ipsum étiam peccátum pos-  
set delére, quo fusus est.  
Hoc ergo íntuens Dóminus  
dicebat : Odio habuérun-  
t me gratis : cum áutem vénerit  
Paráclitus, ille testimónium  
perhibébit de me. Tamquam  
diceret : Odio me habué-  
runt, et occidérunt vidéntes :  
sed tale de me Paráclitus  
testimónium perhibébit, ut  
eos fáciat in me crédere non  
vidéntes. Et vos, inquit, te-  
stimónium perhibébitis, quia  
ab initio mecum estis. Per-  
hibébit Spíritus sanctus, per-  
hibébitis et vos. Quia enim  
ab initio mecum estis, po-  
téstis prædicáre quod no-  
stis : quod ut modo non  
faciátis, illius Spíritus pleni-  
túdo nondum adest vobis.

**R.** Si enim non abíero, Pa-  
ráclitus non véniet ad vos :  
si áutem abíero, mittam eum  
ad vos. \* Cum áutem vénerit  
ille, docébit vos omnem  
veritátem, allelúia. **Ÿ.** Non  
enim loquétur a semetípso :  
sed quæcúmque áudiet, lo-  
quétur : et quæ ventúra sunt,  
annuntiábit vobis. Cum. Gló-  
ria Patri. Cum.

**Lectio ix.**

**I**LLE ergo testimónium per-  
hibébit de me, et vos



testimónium perhibébitis : dabit enim vobis fidúciám testimónium perhibéndi cáritas Dei diffúsa in córdibus vestris per Spiritum sanctum, qui dábitur vobis. Quæ útique Petro adhuc defuit, quando mulieris ancillæ interrogatióne pertérritus, non pótuit verum testimónium perhibére, sed contra suam pollicitatióem timóre magno compúlsus est ter negáre. Timor áutem iste non est in caritaté : sed perfécta cáritas foras mittit timórem. Dénique ante passióem Dómini servilis timor ejus interrogátus est a fémína servitútis; post resurrectióem vero Dómini, liberális ejus amor ab ipso príncipe libertátis : et ideo ibi turbabátur, hic tranquillabátur : ibi quem diléxerat, negábat : hic quem negáverat, diligébat. Sed adhuc étiam tunc amor ipse infirmus fúerat et angústus, donec eum roboráret et dilatáret Spiritus sanctus.

Te Deum laudámus. 17.

### SABBATO

#### IN VIGILIA PENTECOSTES

Ab hac die usque ad Festum Trinitatis inclusive, si occurrat Festum Duplex ex majoribus vel alicujus Doctoris Ecclesiæ, transfertur post prædictum Festum Trinitatis. De aliis vero Duplicibus, de Semiduplicibus ac de Simplicibus fit tantum

Commem. sine ix. Lect. (nisi sit Vigilia Pentecostes, in qua dicitur) excepto triduo Pentecostes.

#### IN I. NOCTURNO

Incipit Epístola cathólica beáti Judæ Apóstoli.

#### Lectio j.

**J**UDAS Jesu Christi servus, frater áutem Jacóbi, his, qui sunt in Deo Patre diléctis, et Christo Jesu conservátis, et vocátis. Misericórdia vobis, et pax, et cáritas adimpleátur. Carissimi, omnem sollicitúdinem faciéns scribéndi vobis de commúni vestra salúte, necesse hábui scribere vobis : déprecans supercertári semel tráditæ sanctis fidei. Subintroiérunt enim quidam hómines (qui olim præscripti sunt in hoc judicium) impii, Dei nostri grátiam transferéntes in luxúriam, et solum Dominatórem, et Dóminum nostrum Jesum Christum negántes.

**℟.** Post passióem suam per dies quadragínta appárenseis, et loquens de regno Dei, allelúia : \* Et vidéntibus illis elevátus est, allelúia : et nubes suscepit eum ab óculis eórum, allelúia. **℣.** Et convéscens præcepit eis, ab Jerosólymis ne discéderent, sed exspectárent promissióem Patris. Et vidéntibus.

#### Lectio ij.

**C**OMMONÉRE áutem vos volo, sciéntes semel ómnia,

quóniam Jesus pópulum de terra Ægýpti salvans, secúndo eos, qui non crediderunt, pérdidit : ángelos vero, qui non servavérunt suum principátum, sed dereliquérunt suum domicilium, in iudicium magni diéi, vinctis ætérnis sub caligine reservávit. Sicut Sódoma, et Gomórrha, et finitimæ civitatés simili modo exfornicátæ, et abeúntes post carnem álteram, factæ sunt exémplum, ignis ætérni pœnam sustinéntes. Simíliter et hi carnem quidem máculant, dominationem áutem spernunt, majestátem áutem blasphemant.

℞. Omnis pulchritúdo Dómini exaltáta est super sidera : \* Spécies ejus in núbibus cæli, et nomen ejus in ætérnum pérmanet, allelúia. ʒ. A summo cælo egressio ejus, et occúrsus ejus usque ad summum ejus. Spécies.

#### Lectio iij.

**C**UM Michaël Archángelus cum diábolo disputans altercarétur de Móysi corpore, non est áusus iudicium inférre blasphemíæ : sed dixit : Imperet tibi Dóminus. Hi áutem quæcúmque quidem ignórant, blasphemant : quæcúmque áutem naturaliter, tamquam muta animália, norunt, in his corrumpúntur. Væ illis, quia in via Cain abiérunt, et erróre Bálaam mercéde effúsi sunt, et in contradicióne Core pe-

riérunt : Hi sunt in épulis suis máculæ, convivántes sine timóre, semetipsos pascéntes, nubes sine aqua, quæ a ventis circumferúntur, árbores autumnáles, infructuósæ, bis mórtuæ, eradicátæ, fluctus feri maris, despumántes suas confusiónes, sidera errántia : quibus procélla tenebrárum serváta est in ætérnum.

℞. Exaltáre Dómine, allelúia, \* In virtúte tua, allelúia.

ʒ. Eleváta est magnificéntia tua super cælos Deus. In. Glória Patri. In.

#### IN II. NOCTURNO

Ex Tractátu sancti Augustíni  
Episcopi de Sýmboło ad  
Catechúmenos.

Lib. 4. cap. 1. tom. 9.

#### Lectio iv.

**D**UM per sacratissimum crucis signum vos suscepit in útero sancta mater Ecclésia, quæ sicut et fratres vestros cum summa lætitia spiritaliter páriet, nova proles futúra tantæ matris, quousque per lavácrum sanctum regenerátos veræ luci restituat, congruis aliméntis eos, quos portat, pascat in útero, et ad diem partus sui lætos læta perdúcat : quóniam non tenétur hæc senténtia Hevæ, quæ in tristitia et gémitu parit filios ; nec ipsos gaudéntes, sed pótius flentes. Hæc enim solvit, quod illa ligáverat : ut prolem, quam per inobediéntiam sui, morti donávit, hæc per obediéntiam



restituatur vitæ. Omnia sacramenta, quæ acta sunt et aguntur in vobis per ministerium servorum Dei, exorcismis, orationibus, canticis spiritalibus, insufflationibus, cilicio, inclinatione cervicium, humilitate pedum, pavor ipse omni securitate appetendus : hæc omnia, ut dixi, escæ sunt, quæ vos reficiunt in útero, ut renatos ex baptismo hilares vos mater exhibeat Christo.

**R.** Tempus est, ut revertar ad eum, qui me misit, dicit Dóminus : nolite contristari, nec turbetur cor vestrum : \* Rogo pro vobis Patrem, ut ipse vos custodiat, allelúia, allelúia. **V.** Nisi ego abiero, Paráclitus non veniet : cum assumptus fuero, mittam vobis eum. Rogo pro vobis.

#### Lectio v.

**A**CCEPÍSTIS et symbolum, protectionem parturiéntis contra venéna serpéntis. In Apocalýpsi Joánnis Apóstoli scriptum est hoc, quod staret draco in conspectu mulieris, quæ paritura erat, ut cum peperisset, natum ejus comederet. Dracónem diabolum esse, nullus vestrum ignorat : Mulierem illam, Virginem Mariam significasse, quæ caput nostrum integra integrum peperit; quæ etiam ipsa figuram in se sanctæ Ecclesiæ demonstravit : ut quomodo filium pariens, virgo permansit,

ita et hæc omni tempore membra ejus pariat, et virginitatem non amittat. Ipsas sententias sacratissimi symboli adjuvante Dómino exponendas suscepimus, ut, quid singulæ contineant, vestris sensibus intimemus. Parata sunt corda vestra, quia exclusus est inimicus de cordibus vestris.

**R.** Non turbetur cor vestrum : ego vado ad Patrem ; et cum assumptus fuero a vobis, mittam vobis, allelúia, \* Spíritum veritatis, et gaudébit cor vestrum, allelúia. **V.** Ego rogabo Patrem, et alium Paráclitum dabit vobis. Spíritum.

#### Lectio vj.

**H**UIC vos renuntiare professi estis : in qua professione, non hominibus, sed Deo et Angelis ejus conscribentibus dixistis, Renuntio. Renuntiáte non solum vocibus, sed etiam moribus : non tantum sono linguæ, sed et actu vitæ : nec tantum labiis sonantibus, sed operibus pronuntiantibus. Scitote vos cum cálido, antiquo, et veternoso inimico suscepisse certamen : non in vobis post renuntiationem invéniant ópera sua, non jure vos attrahat in servitutem suam. Deprehenderis enim, et detegeris Christiáne, quando aliud agis, et aliud profiteris : fidelis in nómine, aliud démonstrans in ópere, non tenens pro-

missiõnis tuæ fidem : modo ingrédians ecclésiã oratiõnes fũdere, post módicum in spectáculis cum histriõnibus impudice clamáre. Quid tibi cum pompis diáboli, quibus renuntiásti?

**R.** Ascéndens Christus in altum, captivã duxit captivitátem, \* Dedit dona hominibus, allelúia, allelúia, allelúia. **V.** Ascéndit Deus in jubilatione, et Dóminus in voce tubæ. Dedit. Glória Patri. Dedit.

IN III. NOCTURNO  
Lectio sancti Evangélli secũdum Joánnem.

**Lectio vij. Cap. 14. b**

**I**n illo tẽpore : Dixit Jesus discipulis suis : Si diligitis me, mandata mea serváte. Et ego rogábo Patrem, et álium Paráclitum dabit vobis. Et réliqua.

Homilia sancti Augustini  
Episcopi.

**Tractatus 74. in Joannem, sub finem et 75.**

**Q**uod ait, Rogábo Patrem, et álium Paráclitum dabit vobis : osténdit et se ipsum esse Paráclitum. Paráclitus enim latine dicitur advocátus : et dictum est de Christo : Advocátum habemus ad Patrem, Jesum Christum justum. Sic áutem mundum dixit non posse accipere Spíritum sanctum, sicut étiam dictum est : Prudentia carnis inimica est Deo : legi enim Dei non est subjécta, nec enim potest : velut si di-

cámus : Injustitia justitia esse non potest. Mundum quippe ait hoc loco, mundi significans dilectóres : quæ diléctio non est a Patre. Et ideo dilectiõni hujus mundi, de qua satágimus ut minuátur et consumátur in nobis, contrária est diléctio Dei, quæ diffúnditur in córdibus nostris per Spíritum sanctum, qui datus est nobis.

**R.** Ego rogábo Patrem, et álium Paráclitum dabit vobis, \* Ut máneat vobiscum in ætérnum, Spíritum veritátis, allelúia. **V.** Si enim non abiero, Paráclitus non véniet ad vos : si áutem abiero, mittam eum ad vos. Ut máneat.

**Lectio viij.**

**M**UNDUS ergo eum accipere non potest, quia non videt eum, neque scit eum. Non enim habet invisibiles óculos mundána diléctio, per quos vidéri Spíritus sanctus potest, qui vidéri nisi invisibiliter non potest. Vos áutem, inquit, cognoscétis eum : quia apud vos manébit, et in vobis erit. Erit in eis, ut máneat ; non manébit, ut sit : prius est enim esse alicubi, quam manére. Sed ne putárent quod dictum est, Apud vos manébit ; ita dictum, quemádmódum apud hóminem hospes visibiliter manére consuévit, expósuit quid dixerit, Apud vos manébit, cum adjúnxit et dixit, In vobis erit.



¶ Si enim non abiero, Paráclitus non véniet ad vos : si áutem abiero, mittam eum ad vos. \* Cum áutem vénerit ille, docébit vos omnem veritátem, allelúia. ✠ Non enim loquétur a semetípso : sed quaecúmque áudiet, loquétur : et quæ ventúra sunt, annuntiábit vobis. Cum áutem. Glória Patri. Cum áutem.

## Lectio ix.

**E**RGO invisibíliter vidétur. Nec, si non sit in nobis, potest esse in nobis ejus sciéntia : sic enim a nobis vidétur in nobis et nostra consciéntia. Nam fáciem vidémus altérius, nostram vidére non póssumus : consciéntiam vero nostram vidémus, altérius non vidémus. Sed consciéntia numquam est nisi in nobis : Spiritus áu-

tem sanctus potest esse étiam sine nobis. Datur quippe ut sit et in nobis : sed vidéri et sciri, quemádmódum vidéndus et sciéndus est, non potest a nobis, si non sit in nobis. Post promissiónem Spiritus sancti, ne quisquam putáret, quod ita eum Dóminus datúrus fúerit velut pro seípso, ut non et ipse cum eis esset futúrus, adjécit atque ait : Non relinquam vos órphanos, véniam ad vos. Quamvis ergo nos Filius Dei suo Patri adoptáverit filios, et eúndem Patrem nos volúerit habére per grátiam, qui ejus Pater est per natúram : tamen étiam ipse circa nos patérnum afféctum quodámmodo demónstrat, cum dicit : Non relinquam vos órphanos.

Te Deum laudámus. 17.





## IN FESTO PENTECOSTES

IN I. VESPERIS

*Ant. de Laud. 404. Pss. ut  
in I. Vesp. de Comm. Apost.  
1\*.*

*Capitulum. Act. 2.*

**C**UM compleréntur  
dies Pentecóstes,  
erant omnes disci-  
puli páriter in eó-  
dem loco : et factus est re-  
pente de cælo sonus, tam-  
quam adveniéntis spiritus  
vehementis, et replévit to-  
tam domum, ubi erant se-  
déntes.

*Hymnus.*

**V**ENI Creátor Spiritus,  
Mentes tuórum visita,  
Imple supérna grátia,  
Quæ tu creásti pectora.  
Qui díceris Paráclitus,  
Altissimi donum Dei,  
Fons vivus, ignis, caritas,  
Et spiritalis únctio.

Tu septifórmis múnere,  
Dígitus patérnæ dexteræ,  
Tu rite promíssum Patris,  
Sermóne ditans gúttura.

Accénde lumen sénsibus :  
Infúnde amórem córdibus :  
Infirma nostri córporis  
Virtúte firmans pérpeti.

Hostem repéllas lóngius,  
Pacémque dones prótinus :  
Ductóre sic te prævio  
Vitémus omne nóxium.

Per te sciámus da Patrem,  
Noscámus atque Filium,

Teque utriúsque Spiritum  
Credámus omni témpore.

Deo Patri sit glória,  
Et Filio, qui a mórtuis  
Surréxit, ac Paráclito,  
In sæculórum sæcula. Amen.

*Sic terminantur Hymni  
usque ad Vesperas Sabbati  
sequentis.*

*V.* Repléti sunt omnes Spi-  
ritu sancto, allelúia. *R.* Et  
cœpérunt loqui, allelúia.

*Ad Magnif. Ant.* Non vos  
relinquam órphanos, alle-  
lúia : vado et vénio ad vos,  
allelúia : et gaudébit cor ve-  
strum, allelúia.

*Oratio.*

**D**EUS, qui hodiérna die cor-  
da fidélium sancti Spiri-  
tus illustratióne docuísti : da  
nobis in eódem Spíritu recta  
sápere, et de ejus semper  
consolatióne gaudére. Per  
Dóminum... in unitáte ejús-  
dem Spiritus sancti Deus.

## DOMINICA PENTECOSTES

AD MATUTINUM

*Invit.* Allelúia, Spiritus  
Dómini replévit orbem ter-  
rarum : \* Veníte, adorémus,  
allelúia.

*Ps.* Veníte, exsultémus. 2.

*Hymnus.*

**J**AM Christus astra ascénde-  
rat,  
Revérsus unde vénerat,



Patris fruendum múnere  
Sanctum daturus Spíritum.

Solémnis urgébat dies,  
Quo mýstico septémplici  
Orbis volútus sépties,  
Signat beáta témpora.

Cum lucis hora tértia  
Repénite mundus intonat,  
Apóstolis orántibus  
Deum venire núntiat.

De Patris ergo lúmine  
Decórus ignis almus est,  
Qui fida Christi péctora  
Calóre Verbi cómpleat.

Impléta gáudent viscera,  
Afflata sancto Spíritu,  
Vocésque diversas sonant,  
Fantur Dei magnália.

Notique cunctis géntibus,  
Græcis, Latínis, Bárbaris,  
Simúlque demirántibus,  
Linguis loquúntur ómnium.

Judæa tunc incrédula,  
Vesána torvo spíritu,  
Madére musto sóbrios  
Christi fidéles increpat.

Sed éditis miráculis  
Occúrrit, et docet Petrus,  
Falsum profári pérfidus,  
Joéle teste cómprobans.

Deo Patri sit glória,  
Et Filio, qui a mórtuis  
Surréxit, ac Paráclito,  
In sæculórum sæcula. Amen.

#### IN I. NOCTURNO

**Ant.** Factus est \* repénite  
de cælo sonus adveniéntis  
spíritus veheméntis, allelúia,  
allelúia.

#### Psalmus 47.

**M**AGNUS Dóminus, et lau-  
dábilis nimis \* in civi-  
táte Dei nostri, in monte  
sancto ejus.

Fundátur exsultatióne uni-  
vérsæ terræ mons Sion, \* lá-  
tera Aquilónis, civitas regis  
magni.

Deus in dómibus ejus co-  
gnoscétur, \* cum suscipiet  
eam.

Quóniam ecce reges terræ  
congregáti sunt : \* convené-  
runt in unum.

Ipsi vidéntes sic admiráti  
sunt, conturbáti sunt, com-  
móti sunt : \* tremor apprehé-  
ndit eos.

Ibi dolóres ut parturién-  
tis, \* in spiritu veheménti  
cónteres naves Tharsis.

Sicut audivimus, sic vídi-  
mus in civitáte Dómini vir-  
tútum, in civitáte Dei no-  
stri : \* Deus fundávit eam in  
ætérnum.

Suscépimus Deus miseri-  
córdiam tuam, \* in médio  
templi tui.

Secúndum nomen tuum  
Deus, sic et laus tua in fines  
terræ : \* justitia plena est  
dextera tua.

Lætétur mons Sion, et ex-  
súltent filiæ Judæ, \* propter  
judicia tua Dómine.

Circúmdate Sion, et com-  
plectimini eam : \* narráte in  
túrribus ejus.

Pónite corda vestra in vir-  
túte ejus : \* et distribúite  
domos ejus, ut enarrétis in  
progénie áltera.

Quóniam hic est Deus,  
Deus noster in ætérnum, et  
in sæculum sæculi : \* ipse  
reget nos in sæcula.

**Ant.** Factus est repénite de

cælo sonus adveniéntis spíritus veheméntis, allelúia, allelúia.

**Ant.** Confirma hoc Deus, \* quod operátus es in nobis : a templo sancto tuo, quod est in Jerúsalem, allelúia, allelúia.

**Psalmus 67.**

**E**XSÚRGAT Deus, et dissipéntur inimíci ejus, \* et fúgiant qui odérunt eum, a fácie ejus.

Sicut déficit fumus, deficiant : \* sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : \* et delecténtur in lætítia.

Cantáte Deo, psalmum dicite nómini ejus : \* iter fácite ei, qui ascéndit super occásum : Dóminus nomen illi.

Exsultáte in conspéctu ejus, \* turbabúntur a fácie ejus, patris orphanórum, et júdicis viduárum.

Deus in loco sancto suo : \* Deus qui inhabitáre facit unius moris in domo :

Qui edúcit vinctos in fortitúdine, \* similiter eos, qui exásperant, qui hábitant in sepúlcris.

Deus, cum egrederéris in conspéctu pópuli tui, \* cum pertransíres in desérto :

Terra mota est, étenim cæli distillavérunt a fácie Dei Sinai, \* a fácie Dei Israël.

Plúviam voluntáriam segregábis Deus hereditáti

tuæ : \* et infirmáta est, tu vero perfecísti eam.

Animália tua habitábunt in ea : \* parásti in dulcédine tua páuperi Deus.

Dóminus dabit verbum evangelizántibus, \* virtúte multa.

Rex virtútum dilécti dilécti : \* et speciéi domus dividere spólia.

Si dormiátis inter médios cleros, pennæ columbæ deargentátæ, \* et posterióra dorsi ejus in pallóre áuri.

Dum discérnit cæléstis reges super eam, nive dealbabúntur in Selmon : \* mons Dei, mons pinguis.

Mons coagulátus, mons pinguis : \* ut quid suspicámini montes coagulátos?

Mons, in quo beneplácitum est Deo habitáre in eo : \* étenim Dóminus habitábit in finem.

Currus Dei decem millibus múltiplex, millia lætántium : \* Dóminus in eis in Sina in sancto.

Ascendisti in altum, cepísti captivitátem : \* accepísti dona in homínibus :

Etenim non credéntes, \* inhabitáre Dóminum Deum.

Benedictus Dóminus die quotidie : \* prósperum iter faciet nobis Deus salutárium nostrórum.

Deus noster, Deus salvos faciéndi : \* et Dómini Dómini éxitus mortis.

Verúmtamen Deus confringet cápita inimicórum



suorum : \* vérticem capilli perambulántium in delictis suis.

Dixit Dóminus : Ex Basan convértam, \* convértam in profúndum maris :

Ut intingátur pes tuus in sáanguine : \* lingua canum tuorum ex inimicis, ab ipso.

Viderunt ingrédus tuos Deus, \* ingrédus Dei mei : regis mei qui est in sancto.

Prævenérunt principes conjúcti psalléntibus, \* in médio juvenculárum tympanistriárum.

In ecclésiis benedicite Deo Dómino, \* de fóntibus Israëli.

Ibi Bénjamin adolescéntulus, \* in mentis excéssu.

Príncipes Juda, duces eórum : \* príncipes Zábulon, príncipes Néphtali.

Manda Deus virtúti tuæ : \* confirma hoc Deus, quod operátus es in nobis.

A templo tuo in Jerúsalem, \* tibi ófferent reges múnera.

Increpa feras arúndinis, congregátio taurórum in vacis populórum : \* ut excludant eos, qui probáti sunt argénto.

Dissipa gentes, quæ bella volunt : vénient legáti ex Ægýpto : \* Æthiopia præveniet manus ejus Deo.

Regna terræ, cantáte Deo : \* psállite Dómino :

Psállite Deo, qui ascéndit super cælum cæli, \* ad Oriéntem.

Ecce dabit voci suæ vo-

cem virtútis, date glóriam Deo super Israëli, \* magnificéntia ejus, et virtus ejus in núbibus.

Mirábilis Deus in sanctis suis, Deus Israëli ipse dabit virtútem, et fortitúdinem plebi suæ, \* benedictus Deus.

*Ant.* Confirma hoc Deus, quod operátus es in nobis : a templo sancto tuo, quod est in Jerúsalem, allelúia, allelúia.

*Ant.* Emitte Spiritum tuum, \* et creabúntur : et renovábis fáciem terræ, allelúia, allelúia.

*Psalmus 103.*

**B**ÉNIC ánima mea Dómino : \* Dómine Deus meus magnificátus es vehementer.

Confessiónem, et decórem induísti : \* amictus lúmine sicut vestiménto :

Exténdens cælum sicut pellem : \* qui tegis aquis superiora ejus.

Qui ponis nubem ascensum tuum : \* qui ámbulas super pennas ventórum.

Qui facis Angelos tuos, spíritus : \* et ministros tuos ignem uréntem.

Qui fundásti terram super stabilitátem suam : \* non inclinábitur in sáeculum sáeculi.

Abýssus, sicut vestiméntum amictus ejus : \* super montes stabunt aquæ.

Ab increpatióne tuá fugient : \* a voce tonítrui tui formidábunt.

Ascéndunt montes : et descendunt campi \* in locum, quem fundásti eis.

Términum posuísti, quem non transgrediéntur : \* neque converténtur operíre terram.

Qui emittis fontes in convállibus : \* inter médium móntium pertransibunt aquæ.

Potábunt omnes béstiae agri : \* expectábunt ónagri in siti sua.

Super ea vólucres cæli habitábunt : \* de médio petrárurum dabunt voces.

Rigans montes de superioribus suis : \* de fructu óperum tuórum satiábitur terra :

Prodúcens fœnum juméntis, \* et herbam servitúti hóminum :

Ut edúcas panem de terra : \* et vinum lætíficet cor hóminis :

Ut exhilaret faciém in óleo : \* et panis cor hóminis confirmet.

Saturabúntur ligna campi, et cedri Libani, quas plantávit : \* illic pásseres nidificábunt.

Heródii domus dux est eórum : \* montes excélsi cervis : petra refúgium herináciis.

Fecit lunam in témpora : \* sol cognóvit occásu suum.

Posuísti ténebras, et facta est nox : \* in ipsa pertransibunt omnes béstiae silvæ.

Cátuli leónum rugiéntes,

ut rápíant, \* et quærant a Deo escam sibi.

Ortus est sol, et congregáti sunt : \* et in cubilibus suis collocabúntur.

Exibit homo ad opus suum : \* et ad operatióne suam usque ad vésperum.

Quam magnificáta sunt ópera tua Dómine ! \* ómnia in sapiéntia fecísti : impléta est terra possessióne tua.

Hoc mare magnum, et spatiósum mánibus : \* illic reptília, quorum non est númerus.

Animália pusilla cum magnis : \* illic naves pertransibunt.

Draco iste, quem formásti ad illudéndum ei : \* ómnia a te expéctant ut des illis escam in témpore.

Dante te illis, cólligent : \* aperiénte te manum tuam, ómnia implebúntur bonitáte.

Averténte autem te faciém, turbabúntur : \* áuferes spíritum eórum, et deficient, et in púlverem suum reverténtur.

Emittes spíritum tuum, et creabúntur : \* et renovábis faciém terræ.

Sit glória Dómini in sæculum : \* lætábitur Dóminus in opéribus suis :

Qui réspicit terram, et facit eam trémere : \* qui tangit montes, et fúmigant.

Cantábo Dómino in vita mea : \* psallam Deo meo quámdiu sum.

Jucúndum sit ei elóquium



meum : \* ego vero delectabor in Dómino.

Deficiant peccatóres a terra, et iniqui ita ut non sint : \* benedic ánima mea Dómino.

**Ant.** Emitte Spíritum tuum, et creabúntur : et renovábis fáciem terræ, allelúia, allelúia.

**V.** Spíritus Dómini replévit orbem terrárum, allelúia.

**R.** Et hoc quod cóntinet ómnia, sciéntiam habet vocis, allelúia.

Pater noster.

**Absolutio.** Exáudi.

**Bened.** Evangélica léctio. Léctio sancti Evangélii secúndum Joánnem.

**Lectio j. Cap. 14. c**

**I**N illo témpore : Dixit Jesus discipulis suis : Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus. Et réliqua.

Homília sancti Gregórii Papæ.

**Homil. 30. in Evang.**

**L**IBET, fratres carissimi, evangélicæ verba lectiónis sub brevitate transcurrere, ut post diútius liceat in contemplatióne tantæ solemnitétis immorári. Hódie namque Spíritus sanctus repentinó sónitu super discipulos venit, mentésque carnálium in sui amórem permutávit, et foris apparentibus linguis igneis, intus facta sunt corda flammántia : quia

dum Deum in ignis visióne suscepérunt, per amórem suáriter arsérunt. Ipse namque Spíritus sanctus amor est : unde et Joánnes dicit : Deus caritas est. Qui ergo mente integra Deum desiderat, profecto jam habet, quem amat. Neque enim quisquam posset Deum diligere, si eum quem diligit, non habéret.

**R.** Cum compleréntur dies Pentecóstes, erant omnes páriter in eódem loco, allelúia : et súbito factus est sonus de cælo, allelúia, \* Tamquam spíritus veheméntis, et replévit totam domum, allelúia, allelúia. **V.** Dum ergo essent in unum discipuli congregáti propter metum Judæórum, sonus repénite de cælo venit super eos. Tamquam.

**Bened.** Divínium auxilium.

**Lectio ij.**

**S**ED ecce, si unusquisque vestrum requirátur, an diligit Deum : tota fidúcia, et secúra mente respóndet, DÍligo. In ipso áutem lectiónis exórdio audístis quid Véritas dicit : Si quis diligit me, sermónem meum servábit. Probátio ergo dilectiónis, exhibitio est óperis. Hinc in epístola sua idem Joánnes dicit : Qui dicit, DÍligo Deum, et mandáta ejus non custódit, mendax est. Vere étenim Deum diligimus et mandáta ejus custodimus, si nos a nostris voluptátibus coarctámus. Nam

qui adhuc per illicita desideria diffluit, profecto Deum non amat : quia ei in sua voluntate contradicit.

**R.** Replēti sunt omnes Spiritu sancto : et cœperunt loqui, prout Spiritus sanctus dabat eloqui illis : \* Et convenit multitudo dicentium, allelúia. **V.** Loquebántur váriis linguis Apóstoli magnalia Dei. Et. Glória Patri. Et.

**Bened.** Ad societatem.

**Lectio iij.**

**E**T Pater meus diligit eum, et ad eum veniēmus, et mansionem apud eum faciēmus. Pensáte, fratres carissimi, quanta sit ista dignitas, habere in cordis hospitio adventum Dei. Certe si domum nostram quisquam dives, aut præpotens amicus intraret, omni festinántia domus tota mundaretur, ne quid fortásse esset quod óculos amici intrántis offēderet. Tergat ergo sordes pravi óperis, qui Deo præparat domum mentis. Sed vidéte quid Véritas dicat : Veniēmus, et mansionem apud eum faciēmus. In quorúmdam etenim corda venit, et mansionem non facit : quia per compunctionem quidem Dei respéctum percipiunt, sed tentatiónis tempore hoc ipsum quo compuncti fúerant, obliviscúntur : sicque ad perpetranda peccata rédeunt, ac si hæc minime planxissent.

Te Deum laudámus. 17.

AD LAUDES

ET PER HORAS

**Ant. 1.** Cum compleréntur \* dies Pentecóstes, erant omnes páriter in eódem loco, allelúia.

**Ps.** Dóminus regnávít. 18.

**2.** Spiritus Dómini \* replévit orbem terrárum, allelúia.

**3.** Replēti sunt omnes \* Spiritu sancto, et cœperunt loqui, allelúia, allelúia.

**4.** Fontes, et ómnia \* quæ movéntur in aquis, hymnum dicite Deo, allelúia.

**5.** Loquebántur \* váriis linguis Apóstoli magnalia Dei, allelúia, allelúia, allelúia.

**Capitulum. Act. 2.**

**C**UM compleréntur dies Pentecóstes, erant omnes discipuli páriter in eódem loco : et factus est repénite de cælo sonus, tamquam adveniéntis spiritus vehementis, et replévit totam domum, ubi erant sedéntes.

**Hymnus.**

**B**EÁTA nobis gáudia  
Anni redúxit órbita,  
Cum Spiritus Paráclitus  
Illápsus est Apóstolis.

Ignis vibránte lúmine  
Linguae figúram détulit,  
Verbis ut essent próflui,  
Et caritate férvidi.

Linguis loquúntur ómni-  
um,  
Turbæ pavent gentilium :  
Musto madére députant,  
Quos Spiritus repléverat.



Patrâta sunt hæc mýstice,  
Paschæ perâcto témpore,  
Sacro diérum círculo,  
Quo lege fit remissio.

Te nunc Deus piissime  
Vultu precámur cernuo,  
Illâpsa nobis cælitus  
Largire dona Spiritus.

Dudum sacrâta pectora  
Tua replésti grátia :  
Dimitte nostra crimina,  
Et da quiéta témpora.

Deo Patri sit glória,  
Et Filio, qui a mórtuis  
Surréxit, ac Paráclito,  
In sæculórum sæcula.

Amen.

Ÿ. Repléti sunt omnes  
Spiritu sancto, allelúia.

℞. Et cœpérunt loqui, allelúia.

Ad Bened. Ant. Accipite  
Spiritus sanctum : quorum  
remiséritis peccâta, remit-  
túntur eis, allelúia.

Oratio.

**D**EUS, qui hodiérna die  
corda fidélium sancti  
Spiritus illustratióne docuí-  
sti : da nobis in eódem Spi-  
ritu recta sápere, et de ejus  
semper consolatióne gau-  
dere. Per Dóminum... in  
unitáte ejúsdem Spiritus san-  
cti Deus.

AD PRIMAM

℞. br. Christe Fili Dei vivi,  
miserére nobis, \* Allelúia,  
allelúia. Christe. Ÿ. Qui se-  
des ad dexteram Patris. Al-  
lelúia, allelúia. Glória Patri.  
Christe.

Ÿ. Exsúrge Christe, ádjuva  
nos, allelúia. ℞. Et libera

nos propter nomen tuum,  
allelúia.

AD TERTIAM

Hymn. Veni Creátor Spi-  
ritus. 398.

Qui Hymnus dicitur ad  
Tertiam per totam Octavam  
loco Hymni Nunc sancte.

Ant. Spiritus Dómini.

Capit. Cum compleréntur.  
404.

℞. br. Spiritus Dómini re-  
plévit orbem terrárum, \*  
Allelúia, allelúia. Spiritus.  
Ÿ. Et hoc quod cóninet  
omnia, sciéntiam habet vo-  
cis. Allelúia, allelúia. Glória  
Patri. Spiritus.

Ÿ. Spiritus Paráclitus, al-  
lelúia. ℞. Docébit vos omnia,  
allelúia.

AD SEXTAM

Ant. Repléti sunt omnes.

Capitulum. Act. 2.

**F**ACTA áutem hac voce,  
convénit multitúdo, et  
mente confúsa est, quóniam  
audiébat unusquisque lingua  
sua illos loquéntes.

℞. br. Spiritus Paráclitus,  
\* Allelúia, allelúia. Spiritus.

Ÿ. Docébit vos omnia. Al-  
lelúia, allelúia. Glória Patri.  
Spiritus.

Ÿ. Repléti sunt omnes Spi-  
ritu sancto, allelúia. ℞. Et  
cœpérunt loqui, allelúia.

AD NONAM

Ant. Loquebántur.

Capitulum. Act. 2. b

**J**UDÆI quoque, et Prosé-  
lyti, Cretes, et Arabes :  
audivimus eos loquéntes no-  
stris linguis magnália Dei.

**R. br.** Repléti sunt omnes Spiritu sancto, \* Allelúia, allelúia. Repléti. **V.** Et coeperunt loqui. Allelúia, allelúia. Glória Patri. Repléti sunt.

**V.** Loquebántur váriis linguis Apóstoli, allelúia. **R.** Magnália Dei, allelúia.

IN II. VESPERIS

**Ant. de Laud. 404. Pss. de Dominica, qui dicuntur quotidie per Octavam.**

**Capitulum. Act. 2.**

**C**UM compleréntur dies Pentecóstes, erant omnes discipuli páriter in eódem loco: et factus est repénte de cælo sonus, tamquam adveniéntis spiritus vehementis, et replévit totam domum, ubi erant sedéntes.

**Hymn.** Veni Creátor Spíritus. **ut supra.** 398.

**V.** Loquebántur váriis linguis Apóstoli, allelúia. **R.** Magnália Dei, allelúia.

**Ad Magnif. Ant.** Hódie compléti sunt dies Pentecóstes, allelúia: hódie Spíritus sanctus in igne discipulis appáruit, et tribuit eis charismatum dona: misit eos in univérsum mundum prædicáre, et testificári: qui crediderit, et baptizátus fuerit, salvus erit, allelúia.

**Infra Oct. Pentec. fit Officium sicut in die, exceptis Versiculis ad Nocturnum, Lectionibus, Responsoriis, Antiphonis ad Benedictus et ad Magnificat, et Orationibus.**

## FERIA SECUNDA

**V.** Spíritus Dómini replévit orbem terrárum, allelúia.

**R.** Et hoc quod cóntinet ómnia, sciéntiam habet vocis, allelúia.

Pater noster.

**Absolutio** Exáudi Dómine.

**Bened.** Evangélica léctio. Léctio sancti Evangélii secúndum Joánnem.

**Lectio j. Cap. 3. b**

**I**N illo témpore: Dixit Iesus Nicodémo: Sic Deus diléxit mundum, ut Filium suum unigénitum daret: ut omnis, qui credit in eum, non péreat, sed hábeat vitam ætérmam. Et réliqua.

Homília sancti Augustini  
Episcopi.

**Tractatus 12. in Joannem, sub finem.**

**Q**UANTUM in médico est, sanáre venit ægrótum. Ipse se intérimít, qui præcépta médici observáre non vult. Venit Salvátor in mundum. Quare Salvátor dictus est mundi, nisi, ut salvet mundum, non, ut júdicet mundum? Salvári non vis ab ipso: ex te judicáberis. Et quid dicam, judicáberis? Vide quid ait: Qui credit in eum, non judicátur. Qui áutem non credit: quid dictúrur sperábas, nisi, Judicátur? Quod addit: Jam, inquit, judicátus est: nondum appáruit iudícium, et jam factum est iudícium.



**R.** Jam non dicam vos servos, sed amicos meos; quia omnia cognovistis, quæ operatus sum in medio vestri, allelúia: \* Accipite Spiritum sanctum in vobis Paráclitum: ille est, quem Pater mittet vobis, allelúia. **V.** Vos amici mei estis, si feceritis quæ ego præcipio vobis. Accipite spiritum.

**Bened.** Divinum auxilium.

**Lectio ij.**

**N**OVIT enim Dóminus, qui sunt ejus: novit qui permáneant ad corónam, qui permáneant ad flammam. Novit in área sua triticum, novit et páleam: novit ségetem, novit et zizánia. Jam judicátus est, qui non credit. Quare judicátus? Quia non crédidit in nómine unigéniti Filii Dei. Hoc est autem iudícium: quia lux venit in mundum, et dilexérunt homines magis ténebras, quam lucem: erant enim mala ópera eórum. Fratres mei, quorum ópera bona invénit Dóminus? Nullórum. Omnia ópera mala invénit. Quómodo ergo quidam fecerunt veritatem, et venerunt ad lucem? Et hoc enim séquitur: Qui autem facit veritatem, venit ad lucem.

**R.** Spiritus sanctus procedens a throno, Apostolorum pectora invisibiliter penetravit novo sanctificatiónis signo: \* Ut in ore eórum ómnium génera nasceréntur linguárum, allelúia. **V.** Ad-

venit ignis divinus, non combúrens, sed illúminans, et tribuit eis charismatum dona. Ut in. Glória Patri. Ut in.

**Bened.** Ad societátem.

**Lectio iij.**

**S**ED dilexérunt, inquit, ténebras magis quam lucem. Ibi pósuit vim. Multi enim dilexérunt peccáta sua, multi conféssi sunt peccáta sua: quia qui confitétur peccáta sua, et accúsat peccáta sua, jam cum Deo facit. Accúsat Deus peccáta tua: si et tu accúsas, conjúngeris Deo. Quasi duæ res sunt, homo, et peccátor. Quod áudis, homo, Deus fecit: quod áudis, peccátor, ipse homo fecit. Dele, quod fecisti, ut Deus salvet, quod fecit. Opórtet ut óderis in te opus tuum, et ames in te opus Dei. Cum autem cœperit tibi displicére quod fecisti, inde incipiunt bona ópera tua, quia accúsas mala ópera tua. Initium óperum bonórum, conféssio est óperum malórum.

Te Deum laudámus. 17.

**Ad Bened. Ant.** Sic Deus diléxit mundum, ut Filium suum unigénitum daret: ut omnis, qui credit in ipsum, non péreat, sed hábeat vitam ætérnam, allelúia.

**Oratio.**

**D**EUS, qui Apóstolis tuis sanctum dedisti Spíritum: concéde plebi tuæ piæ petitiónis efféctum; ut quibus dedisti fidem, largiáris

et pacem. Per Dóminum... in unitáte ejúsdem Spíritus.

**Ad Magnif. Ant.** Si quis diligit me, sermónem meum servábit : et Pater meus diliget eum, et ad eum veniémus, et mansiónem apud eum faciémus, allelúia.

### FERIA TERTIA

**V.** Spíritus Paráclitus, allelúia. **R.** Docébit vos ómnia, allelúia.

Pater noster.

**Absolutio.** Ipsíus pietas.

**Bened.** Evangélica lécio. Lécio sancti Evangélii secúndum Joánnem.

**Lectio j. Cap. 10.**

**I**N illo témpore : Dixit Jesus pharisæis : Amen, amen dico vobis : qui non intrat per óstium in ovíle óvium, sed ascéndit aliúnde, ille fur est, et latro. Qui áutem intrat per óstium, pastor est óvium. Et réliqua.

Homília sancti Augustini  
Epíscopi.

**Tract. 45. in Joann. post init.**

**D**ÓMINUS de grege suo, et de óstio quo intrátur ad ovíle, similitúdinem propósuit in hodiérna leccióné. Dicant ergo pagáni : Bene vivimus. Si per óstium non intrans, quid prodest eis unde gloriántur ? Ad hoc enim debet unicuique prodéssé bene vivere, ut detur illi semper vivere : nam cui non datur semper vivere, quid prodest bene vivere ? Quia nec bene vivere dicéndi sunt,

qui finem bene vivéndi vel cæcitáte nesciunt, vel inflatíone contémnunt. Non est áutem cuiquam spes vera et certa semper vivéndi, nisi agnóscat vitam, quod est Christus, et per jánuam intret in ovile.

**R.** Apparuérunt Apóstolis dispertítæ linguæ tamquam ignis, allelúia : \* Seditque supra singulos eórum Spíritus sanctus, allelúia, allelúia. **V.** Et cœpérunt loqui váriis linguis, prout Spíritus sanctus dabat éloqui illis. Seditque.

**Bened.** Divínium auxiliúm.

**Lectio ij.**

**Q**UÆRUNT ergo plerúmque tales hómines étiam persuadére hominibus, ut bene vivant, et Christiáni non sint. Per áliam partem volunt ascéndere, rápere et occidere ; non ut bonus pastor, conserváre atque salváre. Fuérunt ergo quidam philósophi de virtútibus et vítiis subtilia multa tractántes, dividéntes, definiéntes, ratiocinatiónes acutíssimas concludéntes, libros impléntes, suam sapiéntiam buccis crepántibus ventilántes, qui étiam dicere audérent hominibus : Nos sequímini, sectam nostram tenéte, si vultis beáte vivere. Sed non intrábant per óstium : pérdere volébant, mactáre et occidere.

**R.** Loquebántur váriis linguis Apóstoli magnália Dei,



\* Prout Spíritus sanctus dabat éloqui illis, allelúia. *V.* Repléti sunt omnes Spiritu sancto, et cœpérunt loqui. Prout. Glória Patri. Prout.

*Bened.* Ad societátem.

*Lectio iij.*

**Q**UID de istis dicam? Ecce ipsi pharisæi legébant, et in eo, quod legébant, Christum sonábant, ventúrum sperábant, et præséntem non agnoscébant. Jactábant se étiam ipsi inter Vidéntes, hoc est, inter sapiéntes, et negábant Christum, et non intrábant per óstium. Ergo et ipsi, si quos forte sedúcèrent, mactándos et occidéndos, non liberándos sedúcèrent. Et hos dimittámus: videámus illos, si forte ipsi intrant per óstium, qui ipsíus Christi nómine gloriántur. Innumerábiles enimsunt, qui se Vidéntes non solum jactant, sed a Christo illuminátos vidéri volunt: sunt autem hærétici.

Te Deum laudámus. 17.

*Ad Bened. Ant.* Ego sum óstium, dicit Dóminus: per me si quis introierit, salvábitur, et páscua invéniet, allelúia.

*Oratio.*

**A**DSIT nobis, quæsumus Dómine, virtus Spiritus sancti: quæ et corda nostra cleménter expúrget, et ab ómnibus tueátur advérsis. Per Dóminum... in unitáte ejúsdem Spíritus sancti.

*Ad Magnif. Ant.* Pacem re-

linquo vobis, pacem meam do vobis: non quómodo mundus dat, ego do vobis, allelúia.

## FERIA QUARTA

### QUATUOR TEMPORUM

*V.* Repléti sunt omnes Spíritu sancto, allelúia. *R.* Et cœpérunt loqui, allelúia.

Pater noster.

*Absolutio.* A vînculis.

*Bened.* Evangélica léctio.

Léctio sancti Evangélii scúndum Joánnem.

*Lectio j. Cap. 6. c*

**I**N illo témpore: Dixit Jesus turbis Judæórum: Nemo potest venire ad me, nisi Pater, qui misit me, tráxerit eum. Et réliqua.

Homilia sancti Augustini  
Episcopi.

*Tractatus 26. in Joannem.  
post initium.*

**N**OLI cogitare te invitum trahi: tráhitur ánimus et amóre. Nec timére debémus, ne ab homínibus, qui verba perpéndunt, et a rebus máxime divínis intelligédis longe remóti sunt, in hoc Scripturárum sanctárum evangélico verbo fór-sitan reprehendámur, et dicátur nobis: Quómodo voluntáte credo, si trahor? Ego dico: Parum est voluntáte: étiam voluptáte tráhe-ris. Quid est, trahi voluptáte? Delectáre in Dómino: et dabit tibi petitiónes cordis tui. Est quædam volúptas

cordis, cui panis dulcis est ille cælestis. Porro si poëtæ dicere licuit : Trahit sua quemque volúptas : non necessità, sed volúptas; non obligatio, sed delectatio : quanto fórtius nos dicere debémus, trahi hóminem ad Christum, qui delectátur veritate, delectátur beatitudine, delectátur justitia, delectátur sempitérna vita, quod totum Christus est? An vero habent córporis sensus voluptates suas, et ánimus desérítura volúptatibussuis? Si ánimus non habet volúptates suas, unde dicitur : Filii áutem hóminum sub tégmine alárum tuárum sperábunt : Inebriabúntur ab ubertáte domus tuæ, et torrénte volúptátis tuæ potábis eos : Quóniam apud te est fons vitæ : et in lúmine tuo vidébimus lumen?

**R.** Disciplinam et sapiéntiam dócuit eos Dóminus, allelúia : firmávit in illis grátiam Spíritus sui, \* et intellectu implévit corda eórum, allelúia. **V.** Repentino namque sónitu Spíritus sanctus super eos venit. Et.

**Bened.** Divínium auxilium.

**Lectio ij.**

**D**A amántem, et sentit quod dico : da desiderántem, da esuriéntem, da in ista solitúdine peregrinántem, atque sitiéntem, et fontem æternæ pátriæ suspirántem : da talem, et scit quid dicam. Si áutem frígido

loquor, nescit, quid loquor. Tales erant isti, qui invicem murmurábant. Pater, inquit, quem tráxerit, venit ad me. Quid est áutem, Pater quem tráxerit, cum ipse Christus trahat? Quare voluit dicere, Pater quem tráxerit? Si trahéndi sumus, ab illo trahámur, cui dicit quædam, quæ diligit : Post odórem unguentórum tuórum currémus. Sed quid intélligi voluit, advertámus fratres, et quantum póssumus, capiamus. Trahit Pater ad Filium eos, qui proptérea credunt in Filium, quia eum cógitant Patrem habére Deum. Deus enim Pater æquálem sibi génuit Filium : et qui cógitat, atque in fide sua sentit et rúminat, æquálem esse Patri eum, in quem crédidit, ipsum trahit Pater ad Filium.

**R.** Ite in univérsum orbem, et prædicáte Evangélium, allelúia : \* Qui créderit, et baptizátus fúerit, salvus erit, allelúia, allelúia, allelúia. **V.** In nómine meo dæmónia ejicient, linguis loquéntur novis, serpéntes tollent. Qui. Glória Patri. Qui.

**Bened.** Ad societátem.

**Lectio iij.**

**A**RÍUS crédidit creatúram, non eum traxit Pater : quia non considerat Patrem, qui Filium non credit æquálem. Quid dicis, o Ari? Quid dicis hærélice? quid lóque-



ris? Quid est Christus? Non, inquit, Deus verus, sed quem fecit Deus verus. Non te traxit Pater : non enim intellexisti Patrem, cujus Filium negas. Aliud cõgitas, non est ipse Filius : nec a Patre tráheris, nec ad Filium tráheris. Aliud est enim Filius, áliud quod tu dicis. Photinus dicit : Homo solum est Christus, non est et Deus. Qui sic credit, non Pater eum traxit. Quem traxit Pater? Illum qui dicit : Tu es Christus Filius Dei vivi. Ramum víridem ostendis ovi, et trahis illam. Nunces púero demonstrántur, et tráhitur : et quod currit, tráhitur, amándo tráhitur, sine læsióne córporis tráhitur, cordis vínculo tráhitur. Si ergo ista, quæ inter delicias et voluptátes terrénas revelántur amántibus, trahunt, quóniam verum est, Trahit sua quemque voluptas : non trahit revelátus Christus a Patre? Quid enim fórtius desiderat ánima, quam veritátem?

Te Deum laudámus. 17.

**Ad Bened. Ant.** Ego sum panis vivus, \* dicit Dóminus, qui de cælo descendi, allelúia, allelúia.

**Oratio.**

**M**ENTES nostras, quæsumus Dómine, Paráclitus, qui a te procedit, illuminet : et indúcat in omnem, sicut tuus promísit Filius, veritátem : Qui tecum vivit

et regnat in unitáte ejúsdem Spiritus sancti Deus.

**Ad Magnif. Ant.** Ego sum panis vivus, \* qui de cælo descendi : si quis manducáverit ex hoc pane, vivet in ætérnum : et panis, quem ego dabo, caro mea est pro mundi vita, allelúia.

## FERIA QUINTA

**V.** Spíritus Dómini replévit orbem terrárum, allelúia. **R.** Et hoc quod contémnia, sciéntiam habet vocis, allelúia.

Pater noster.

**Absol.** Exáudi Dómine.

**Bened.** Evangélica léctio. Léctio sancti Evangélii secúndum Lucam.

**Lectio j. Cap. 9.**

**I**N illo témpore : Convocatís Jesus duódecim Apóstolis, dedit illis virtútem et potestátem super ómnia dæmónia, et ut languóres curárent. Et réliqua.

Homilia sancti Ambrósii  
Episcopi.

**Lib. 6. in cap. 9. Lucæ.**

**Q**UALIS débeat esse qui evangelizat regnum Dei, præcéptis evangélicis designátur : ut sine virga, sine pera, sine calceaménto, sine pane, sine pecúnia, hoc est, subsidii sæculáris adminicula non requiréns, fidéque tutus, putet sibi quo minus ea requírat, magis posse suppétere. Quæ possunt, qui volunt, ad eum deriváre tractátum, ut spiritálem tan-

túmmodo locus iste formáre videátur afféctum : qui velut indumentum quoddam videátur córporis exuisse, non solum potestáte rejécta contemptisque divítiis, sed étiam carnis ipsíus illécebris abdicátis. Quibus primo ómnium datur pacis atque constántiæ generále mandátum, ut pacem ferant, constántiam servant, hospitális necessitudinis jura custódiant : aliénium a prædicatóre regni cæléstis ádstruens cursitare per domos, et inviolábilis hospítii jura mutáre.

**R.** Advénit ignis divínus, non combúrens, sed illúminans; non consúmens, sed lucens : et invénit corda discipulórum receptácula munda : \* Et tribuit eis charismatum dona, allelúia, allelúia. **V.** Invénit eos concórdes caritáte, et collustrávit eos inúndans grátia Deitátis. Et.

**Bened.** Divínium auxiliúm.

**Lectio ij.**

**S**ED ut hospítii grátia deferénda censétur : ita étiam, si non recipiántur, excutiéndum púlverem, et egrediéndum de civitáte mandátur. Quo non médiocris boni remunerátio docétur hospítii : ut non solum pacem tribuámus hospítibus, verum étiam, si qua eos terrénæ obúmbrant delicta levitátis, recéptis apostólicæ prædicatiónis vesti-

giis auferántur. Nec otiose secúndum Matthæum, domus, quam ingrediántur Apóstoli, eligénda decérnitur : ut mutándi hospitii, necessitudinisque violándæ cáusa non súppetat. Non tamen éadem cáutio receptóri mandátur hospítii : ne, dum hospes eligitur, hospitálitas ipsa minuátur.

**R.** Spiritus sanctus replévit totam domum, ubi erant Apóstoli : et apparuérunt illis dispertitæ linguæ, tamquam ignis, seditque supra singulos eórum : \* Et repléti sunt omnes Spiritu sancto : et cœpérunt loqui váriis linguis, prout Spíritus sanctus dabat éloqui illis, allelúia, allelúia, allelúia. **V.** Dum ergo essent in unum discipuli congregáti propter metum Judæórum, sonus repénite de cælo venit super eos. Et. Glória Patri. Et.

**Bened.** Ad societátem.

**Lectio iij.**

**S**ED hæc, ut secúndum litteram de hospítii religióne venerábilis est forma præcépti : ita étiam de mystério senténtia cæléstis arídet. Etenim cum domus eligitur, dignus hospes inquiritur. Videámus igitur, ne forte Ecclesiá præferénda designétur, et Christus. Quæ enim dignior domus apostólicæ prædicatiónis ingrèssu, quam sancta Ecclesiá? Aut quis præferéndus magis ómnibus vidétur



esse, quam Christus, qui pedes suis lavare consuēvit hospitibus : et quoscūmque sua recēperit domo, pollūtis non patiātur habitāre vestigiis : sed maculosos licet vitæ priōris, in reliquum tamen dignētur mundāre processus? Hic est igitur solus, quem nemo debet desērere, nemo mutāre. Cui bene dicitur : Dómine, ad quem ibimus? verba vitæ æternæ habes, et nos crēdimus.

Te Deum laudāmus. 17.

**Ad Bened. Ant.** Convocatīs Jesus\* duódecim discipulis suis, dedit illis virtutem et potestatem super ómnia dæmónia, et ut languóres curārent : et misit illos prædicāre regnum Dei, et sanāre infirmos, allelúia.

**Oratio.**

**D**EUS, qui hodiérna die corda fidélium sancti Spiritus illustratióne docuisti : da nobis in eódem Spíritu recta sápere, et de ejus semper consolatióne gaudere. Per Dóminum... in unitate ejusdem Spiritus sancti.

**Ad Magnif. Ant.** Spíritus\* qui a Patre procēdit, allelúia : ille me clarificābit, allelúia, allelúia.

## FERIA SEXTA

### QUATUOR TEMPORUM

✠. Spíritus Paráclitus, allelúia. **R.** Docēbit vos ómnia, allelúia.

Pater noster.

**Absolutio.** Ipsius pietas.

**Bened.** Evangélica lécio. Lécio sancti Evangélii secūndum Lucam.

**Lectio j. Cap. 5. d**

**I**N illo témpore : Factum est in una diérum, et Jesus sedēbat docens. Et erant pharisæi sedētes, et legis doctóres, qui vénéranť ex omni castéllō Galilææ, et Judææ, et Jerúsalem : et virtus Dómini erat ad sanāndum eos. Et reliqua.

Homilia sancti Ambrósii  
Episcopi.

**Lib. 5. in cap. 5. Lucæ,  
post initium.**

**N**ON otiosa hujus paralytici, nec angusta medicina est, quando Dóminus et orasse præmittitur : non útique propter suffrágium, sed propter exéplum. Imitāndi enim spécimen dedit, non precāndi ámbitum requisivit. Et conveniéntibus ex omni Galilæa, et Judæa, et Jerúsalem legis doctóribus, inter cæterórum remédia debílium, paralytici istius medicína describitur. Primum ómnium, quod ante diximus, unusquisque æger petēndæ precatóres salutis debet adhibere, per quos nostræ vitæ compágo resoluta, actuúmque nostrórum cláuda vestigia, verbi cælestis remédio reforméntur.

**R.** Non vos me elegistis, sed ego elégi vos, et pósui vos : Ut eátis, et fructum afferátis, et fructus vester máneat, allelúia, allelúia.

*ŷ.* Sicut misit me Pater, et ego mitto vos. Ut.

*Bened.* Divinum auxilium.

*Lectio ij.*

**S**INT igitur aliqui monitores mentis, qui animum hominis, quamvis exterioris corporis debilitate torpentem, ad superiora erigant. Quorum rursus adminiculis et attollere et humiliare se facilis ante Jesum locetur, Dominico videri dignus aspectu. Humilitatem enim respicit Dominus: quia respexit humilitatem ancillae suae. Quorum fidem ut vidit, dixit: Homo, remittuntur tibi peccata tua. Magnus Dominus, qui aliorum merito ignoscit aliis: et dum alios probat, aliis relaxat errata. Cur apud te, homo, collega non valeat, cum apud Deum servus et interveniendi meritum, et jus habeat impetrandi?

*R.* Spiritus Domini replevit orbem terrarum: \* Et hoc quod continet omnia, scientiam habet vocis, allelúia, allelúia. *ŷ.* Omnium est enim artifex, omnem habens virtutem, omnia prospiciens. Et. Glória Patri. Et.

*Bened.* Ad societatem.

*Lectio iij.*

**D**ISCE qui iudicas, ignore: disce qui aeger es, impetrare. Si gravium peccatorum diffidis veniam, adhibe precatores, adhibe Ecclesiam, quae pro te precetur, cujus contemplatione,

quod tibi Dominus negare posset, ignoret. Et quamvis historiae fidem non debeamus omittere, ut vere paralytici istius corpus credamus esse sanatum: cognosce tamen interioris hominis sanitatem, cui peccata donantur. Cum Judaei asserunt peccata a solo Deo posse concedi, Deum utique eum confitentur: suoque iudicio perfidiam suam produnt, qui opus adstruunt, ut personam negent.

Te Deum laudamus. 17.

*Ad Bened. Ant.* Dixit Jesus: \* Ut sciatis autem, quia Filius hominis habet potestatem in terra dimittendi peccata, ait paralytico: Tibi dico, surge: tolle lectum tuum, et vade in domum tuam, allelúia.

*Oratio.*

**D**A, quaesumus Ecclesiae tuae misericors Deus: ut sancto Spiritu congregata hostili nullatenus incursione turbetur. Per Dominum... in unitate ejusdem Spiritus.

*Ad Magnif. Ant.* Paraclitus autem \* Spiritus sanctus, quem mittet Pater in nomine meo, ille vos docebit omnia, et suggeret vobis omnia, quaecumque dixerero vobis, allelúia.

## SABBATO

### QUATUOR TEMPORUM

*ŷ.* Repleti sunt omnes Spiritu sancto, allelúia. *R.* Et coeperunt loqui, allelúia.



Pater noster.

Absol. A vinculis.

Bened. Evangélica léctio.

Léctio sancti Evangélii secúndum Lucam.

Lectio j. Cap. 4. g

**I**N illo témpore : Surgens Jesus de synagóga, introiit in domum Simónis. Socrus áutem Simónis tenebátur magnis fébribus. Et reliqua.

Homilia sancti Ambrósii  
Episcopi.

Lib. 4. in cap. 4. Lucæ,  
sub finem.

**V**IDE cleméntiam Dómini Salvatóris : nec indignatione commótus, nec scélere offensus, nec injúria violátus Judæam déserit : quin étiam immemor injúriæ, memor cleméntiæ, nunc docéndo, nunc liberándo, nunc sanádo, infidæ plebis corda demúlcet. Et bene sanctus Lucas virum ab spíritu nequitiæ liberátum ante præmisit, et subdit féminæ sanitátem. Utrúmque enim sexum Dóminus curatúrus advénérat : sed prior sanári débuit, qui prior creatus est ; nec prætermitti illa, quæ mobilitáte magis ánimi, quam pravitate peccáverat.

¶ Repléti sunt omnes Spíritu sancto, et cœpérunt loqui, prout Spíritus sanctus dabat éloqui illis : \* Et convénit multitúdo dicéntium, allelúia. ¶ Loquebántur váriis linguis Apóstoli magnália Dei. Et.

Bened. Divinum auxílium.

Lectio ij.

**S**ÁBBATO medicinæ Domini-  
cæ ópera cœpta significat, ut inde nova creatúra cœperit, ubi vetus creatúra ante desívit : nec sub lege esse Dei Filium, sed supra legem in ipso principio designáret : nec solvi legem, sed impléri. Neque enim per legem, sed verbo factus est mundus, sicut légimus : Verbo Dómini cæli firmáti sunt. Non sólvitur ergo lex, sed implétur : ut fiat renovátio hóminis jam labéntis. Unde et Apóstolus ait : Exspoliántes vos véterem hóminem, indúite novum, qui secúndum Deum creatus est.

¶ Jam non dicam vos servos, sed amícos meos : quia ómnia cognovistis, quæ operátus sum in médio vestri, allelúia : \* Accipite Spíritum sanctum in vobis Paráclitum : ille est, quem Pater mittet vobis, allelúia. ¶ Vos amíci mei estis, si fecéritis quæ ego præcipio vobis. Accipite. Glória Patri. Accipite.

Bened. Ad societátem.

Lectio iij.

**E**T bene sábbato cœpit, ut ipsum se osténderet Creatórem, qui ópera opéribus intéxeret, et prosequerétur opus, quod ipse jam cœperat : ut si domum faber renováre dispónat, non a fundaméntis, sed a culminibus incipit sólvare vetustátem.

Itaque ibi prius manum ádmovet, ubi ante desierat : deinde a minóribus incipit, ut ad majóra pervéniat. Liberáre a dæmone et hómines, sed in verbo Dei posunt : resurrectionem mórtuis imperáre, divínæ solius est potestátis. Fortássi sétiam in typo mulieris illius socrus Simónis et Andréæ, váriis criminum fébribus caro nostra languébat, et diversárum cupiditátum immódicis æstuábat illécebris. Nec minórem febrem amóris esse díxerim, quam calóris. Itaque illa ánimus, hæc corpus inflámmat. Febris enim nostra, avarítia est : febris

nostra, libído est : febris nostra, luxúria est : febris nostra, ambítio est : febris nostra, iracúndia est.

Te Deum laudámus. 17.

**Ad Bened. Ant.** Cáritas Dei \* diffúsa est in córdibus nostris, per inhabitántem Spíritum ejus in nobis, al-lélúia.

**Oratio.**

**M**ÉNTIBUS nostris, quæsumus Dómine, Spíritum sanctum benígnus infúnde : cujus et sapiéntia cónditi sumus, et providéntia gubernámur. Per Dóminum... in unitáte ejúsdem Spíritus.

**Post Nonam celebrata Missa terminatur Temp. Pasch.**







## PROPRIUM SANCTORUM

### FESTA JANUARI

DIE XIV

SANCTI HILARII

EPISC. CONF. ET ECCL. DOCT.

Duplex.

Omnia de Communi Conf.

Pont. 67\*, præter seq. (m. t. v.)

**Ad Magnif. Ant.** O Doctor optime, Ecclesiæ sanctæ lumen, beâte Hilâri, divinæ legis amâtor, deprecâre pro nobis Fîlium Dei.

**Oratio.**

**D**EUS, qui pópulo tuo æternæ salutis beâtum Hilârium ministrum tribuisti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per Dñum.

IN I. NOCTURNO

**Lect. de Script. occur.**

**In Quadrag. Lect. Sapiéntiam. de Comm. Doct. 1º loco. 83\*.**

IN II. NOCTURNO

**Lectio iv.**

**H**ILÂRIUS in Aquitânia nobili génere natus, doctrina et eloquéntia excél-

luit. Qui primum in matrimonio quasi mónachi vitam egit: deinde propter singulâres virtútes Pictavórum episcopus creáture: quod munus episcopále sic gessit, ut a fidélibus summam láudem consequerétur. Quo tẽpore, cum terróribus, bonórum spoliatióne, exsilio, et omni crudelitáte Constantius imperátor Cathólicos vexâret, nisi ad Ariânas partes transirent: Hilârius tamquam firmissimum murum se Ariânis oppónens, illórum furórem in se concitávit. Itaque multis petitis insidiis, tandem dolo Saturnini Arelaténsis episcopi, de sýnodo Biterrénsi in Phrygiam relegátus est: ubi et mórtuum suscitávit, et liberos duódecim scripsit de Trinitáte contra Ariânos.

**R.** Invéni David servum meum, óleo sancto meo unxi eum: \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

## Lectio v.

**Q**UADRIENNIO post coacto concilio ad Seléuciam Isauriæ urbem, Hilárius ad-esse compúlsus est : ac de-índe Constantinópolis profectus, ubi extrémum fidei periculum animadvertit, tribus libellis públice datis, audiéntiam imperatóris popóscit, ut de fide cum adversáriis coram disputaret. Verum cum Ursácius et Valens Ariáni episcopi, quos Hilárius scriptis confutárat, præsentis eruditiónem pertiméscerent, Constantio persuasérunt, ut spécie honóris eum in suum episcopátum restitúeret. Tunc Hilárium e prælio hæreticórum reverténtem, ut inquit sanctus Hierónymus, Galliárum ecclésia compléxa est : quem ad episcopátum secútus est Martinus, qui póstea Turonénsi præfuit ecclésiæ : tantúmque illo doctóre profécit, quantum ejus póstea sanctitas declarávit.

**¶** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. *Y.* Invéni David servum meum, óleo sancto meo unxi eum. Manus enim.

## Lectio vj.

**M**AGNA deinceps tranquillitáte Pictavórum ecclésiá administrávit : Galliámque univérsam addúxit, ut Arianórum impietátem condemnáret. Multos libros scri-

psit mira eruditiónem : quos omnes sanctus Hierónymus ad Lætám, sine ulla erróris suspiciónem legi posse testátur illis verbis : Hilárii libros inoffénso decúrrat pede. Migrávit in cælum Idibus Januárii, Valentiniáno et Valénte imperatóribus, anno post Christum natum trecentésimo sexagésimo nono. Eum a multis Pátribus et conciliis insignem Ecclésiæ Doctórem nuncupátum, atque uti talem in áliquot diécésibus cultum, tandem instánte sýnodo Burdigalénsi Pius nonus Póntifex Máximus, ex sacrórum Rítuum Congregatiónis consúlto, universális Ecclésiæ Doctórem declarávit et confirmávit, ac ipsius festo die Missam et Officium de Doctóribus ab ómnibus recitári jussit.

**¶** Iste est. 73\*.

## IN III. NOCTURNO

**Homil. in Evang.** Vos estis. **de Comm. Doct. 2º loco.** 86\*.

**In Quadrag. Lect. ix. de Homil. Feriæ.**

## DIE XVIII

## CATHEDRÆ S. PETRI

QUA ROMÆ PRIMUM SEDIT

**Duplex majus.**

## IN I. VESPERIS

**Omnia de Comm. Conf. Pont. 67\*, præter seq.**

**Hymnus.**

**Q**UODCÚMQUE in orbe néxibus revínxeris, Erit revíctum Petre in arce síderum :



Et quod resolvit hic potestas tradita,  
Erit solutum cæli in alto veritice :

In fine mundi iudicabis sæculum.

Patri perenne sit per ævum gloria,

Tibique laudes concinamus inclytas,

Æternæ Nate, sit superne Spiritus

Honor tibi, decusque : sancta jūgiter

Laudetur omne Trinitas per sæculum. Amen.

℣. Tu es Petrus. ℞. Et super hanc petram ædificabo Ecclesiam meam.

*Ad Magnif. Ant.* Tu es pastor ovium, princeps Apostolorum, tibi traditæ sunt claves regni cælorum.

*Oratio ut in Laud.* 423.

*Deinde fit Commem. S. Pauli ut infra ad Laud.* 423, ante alias quascumque Commem. etiam Festi Dupl. aut Dom. Quod etiam servatur in Commem. S. Petri, quæ fit in Festis S. Pauli.

AD MATUTINUM

*Invit.* Tu es pastor ovium, Princeps Apostolorum : \* Tibi tradidit Deus claves regni cælorum.

*Ps.* Venite, exultemus. 2.

*Hymn.* Quodcūque. *sup.*

IN I. NOCTURNO

Incipit Epistola prima beati Petri Apostoli.

*Lectio j. Cap. 1.*

**P**ETRUS Apostolus Jesu Christi, electis advenis

dispersionis Ponti, Galatiæ, Cappadociæ, Asiæ, et Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi : Grátia vobis, et pax multiplicetur. Benedictus Deus et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo.

℞. Simon Petre antequam de navi vocarem te, novi te, et super plebem meam principem te constitui, \* Et claves regni cælorum tradidi tibi. ℣. Quodcūque ligaveris super terram, erit ligatum et in cælis : et quodcūque solveris super terram, erit solutum et in cælis. Et.

*Lectio ij.*

**I**N quo exultabitis, modicum nunc si oportet contristari in variis tentationibus : ut probatio vestræ fidei multo pretiosior auro (quod per ignem probatur) inveniatur in laudem, et gloriam, et honorem in revelatione Jesu Christi : quem

cum non vidéritis diligitis : in quem nunc quoque non vidéntes créditis : credéntes áutem exsultábitis lætítia inenarrábili, et glorificáta : reportántes finem fidei vestræ salútem animárum.

**R.** Si diligis me, Simon Petre, pasce oves meas. Dómine tu nosti quia amo te, \* Et ánimam meam pono pro te. **V.** Si oportúerit me mori tecum, non te negábo. Et.

### Lectio iij.

**D**E qua salúte exquisiérunt, atque scrutáti sunt prophætæ, qui de futúra in vobis grátia prophetavérunt : scrutántes in quod, vel quale tempus significáret in eis Spíritus Christi : prænúntians eas quæ in Christo sunt passiónes, et posterióres glóriás : quibus revelátum est quia non sibimetípsis, vobis áutem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu sancto misso de cælo, in quem desíderant Angeli prospicere.

**R.** Tu es Petrus, et super hanc petram ædificábo Ecclésiám meam, et portæ inferi non prævalébunt advérsum eam : \* Et tibi dabo claves regni cælórum. **V.** Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Et. Glória Patri. Et.

### IN II. NOCTURNO

Sermo sancti Leónis Papæ.

Sermone 1. de SS. Apost. Petro et Paulo, ante medium.

### Lectio iv.

**C**UM duódecim Apóstoli, Caccépta per Spíritum sanctum ómnium locutióne linguárum, imbuéndum Evangelío mundum distribútis sibi terrárum pártibus suscepissent, beatíssimus Petrus princeps apostólici órdis ad arcem Románi destinátur impérii, ut lux veritátis, quæ in ómnium géntium revelabátur salútem, efficiátur se ab ipso cápite per totum mundi corpus effúnderet. Cujus áutem natiónis hómines in hac tunc urbe non essent? aut quæ usquam gentes ignorárent, quod Roma didicisset?

**R.** Tu es pastor óvium, princeps Apostolórum : tibi trádidit Deus ómnia regna mundi : \* Et ideo tibi tráditæ sunt claves regni cælórum. **V.** Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Et. Glória Patri. Et.

### Lectio v.

**H**IC conculcándæ philosophiæ opiniónes, hic dissolvéndæ erant terrénæ sapiéntiæ vanitátes, hic confutándi dæmonum cultus, hic ómnium sacrilegiórum impietas destruéndæ, ubi dili-



gentissima superstitione habebatur collectum, quidquid usquam fuerat vanis erroribus institutum. Ad hanc ergo urbem tu beatissime Petre Apóstole venire non metuis; et consorte gloriæ tuæ Paulo Apóstolo, aliarum adhuc ecclesiarum ordinationibus occupato, silvam istam fermentium bestiarum, et turbulentissimæ profunditatis oceanum constantior, quam cum supra mare gradereris, ingrederis.

**R.** Ego pro te rogavi Petre, ut non deficiat fides tua: \* Et tu aliquando conversus confirma fratres tuos. **V.** Caro et sanguis non revelavit tibi, sed Pater meus, qui est in cælis. Et.

**Lectio vj.**

**J**AM populos, qui ex circumcissione crediderant, erudieras: jam Antiochenam ecclesiam, ubi primum christiani nominis dignitas est orta, fundaveras: jam Pontum, Galatiam, Cappadociam, Asiam, atque Bithyniam legibus evangelicæ prædicationis implereras: nec aut dubius de provectu operis, aut de spatio tuæ ignarus ætatis, trophæum crucis Christi Romanis arcibus inferebas, quo te divinis præordinationibus antebant, et honor potestatis, et gloria passionis.

**R.** Petre amas me? Tu scis Dómine, quia amo te. \* Pasce oves meas. **V.** Simon Joánnis

diligis me plus his? Tu scis Dómine, quia amo te. Pasce. Glória Patri. Pasce.

IN III. NOCTURNO

Lectio sancti Evangelii secundum Matthæum.

**Lectio vij. Cap. 16. b**

**I**n illo tempore: Venit Jesus in partes Cæsariæ Philippi: et interrogabat discipulos suos, dicens: Quem dicunt homines esse Filium hominis? Et reliqua.

Homilia sancti Hilarii Episcopi.

**Comment. in Matth. cap. 16. post initium.**

**D**ÓMINUS a discipulis requirit, quem se homines esse dicerent: et adjecit, hominis filium. Hæc enim confessionis tenenda ratio est, ut sicut Dei Filium, ita et filium hominis meminérinus: quia alterum sine altero nihil spei tribuit ad salutem. Editis itaque, quæ diversæ de eo erant, hominum opinionibus, quid de se ipsi sentiant, querit. Petrus respondit: Tu es Christus Filius Dei vivi. Sed Petrus conditiones propositionis expenderat. Dóminus enim dixerat: Quem me homines esse dicunt, filium hominis? Et certe filium hominis, contemplatio corporis præfererat. Sed addendo, Quem me esse dicunt; significavit præter id, quod in se videbatur, esse aliud sentiendum: erat enim hominis filius. Quod igitur de se

opinândi iudiciûm desiderâbat? Non illud arbitramur, quod de se ipse confessus est : sed occultum erat, de quo quærebatur, in quod se credentium fides debêbat extêdere.

℞. Quem dicunt homines esse Filium hominis? dixit Jesus discipulis suis. Respondens Petrus dixit : Tu es Christus Filius Dei vivi. \* Et ego dico tibi, quia tu es Petrus, et super hanc petram ædificabo Ecclesiâ meam. V. Beatus es Simon Bar-Jona, quia caro et sanguis non revelavit tibi, sed Pater meus, qui est in cælis. Et ego.

#### Lectio viij.

**E**T dignum plane confessio Petri præmium consecuta est : quia Dei Filium in homine vidisset. Beatus hic est, qui ultra humanum oculos intendisse, et vidisse laudatus est : non in quod ex carne et sanguine erat contuens, sed Dei Filium cælestis Patris revelatione conspiciens, dignusque iudicatus, qui quod in Christo Dei esset, primus agnosceret. O in nuncupatione novi nominis felix Ecclesiæ fundamentum : dignaque ædificatione illius petra, quæ infernas leges, et tartari portas, et omnia mortis claustra dissolveret! O beatus celi janitor, cujus arbitrio claves æterni aditus traduntur, cujus terræ iudiciûm præ-

iudicata auctoritas sit in cælo! ut quæ in terris aut ligata sint aut soluta, statuti ejusdem conditionem obtineant et in cælo.

℞. Elégit te Dóminus sacerdotem sibi, ad sacrificandum ei \* Hóstiam laudis.

℥. Immola Deo sacrificium laudis, et redde Altissimo vota tua. Hóstiam laudis. Glória Patri. Hóstiam laudis.

In Quadrag. Lect. ix. Homil. Fer.

Te Deum laudamus. 17.

AD LAUDES

Hymnus.

**B**EÁTE pastor Petre, clemens accipe

Voces precantum, criminumque vincula

Verbo resolve, cui potestas tradita

Aperire terris cælum, apertum claudere.

Sit Trinitati sempiterna glória,

Honor, potestas, atque jubilatio,

In unitate, quæ gubernat omnia,

Per universa æternitatis sæcula. Amen.

V. Exáltent eum in ecclesia plebis. ℞. Et in cathedra seníorum laudent eum.

Ad Bened. Ant. Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis : dicit Dóminus Simóni Petro.



## Oratio.

**D**EUS, qui beáto Petro Apóstolo tuo, collátis clávis regni cæléstis, ligándi atque solvéndi pontificium tradidisti: concéde; ut intercessiónis ejus auxílio, a peccatórum nostrórum néxibus liberémur: Qui vivis et regnas.

Deinde fit Commemoratio S. Pauli.

*Ant.* Sancte Páule Apóstole, prædicátor veritátis, et Doctor géntium, intercède pro nobis ad Deum, qui te elégit.

*V.* Tu es vas electiónis, sancte Páule Apóstole. *R.* Prædicátor veritátis in univérso mundo.

## Oratio.

**D**EUS, qui multitudinem géntium beáti Páuli Apóstoli prædicatióne docuisti: da nobis, quæsumus; ut cujus commemoratiónem cólimus, ejus apud te patrocinia sentiámus. Per Dóminum nostrum.

In Quadrag. Commem. Fer.

## IN II. VESPERIS

*Hymnus ut in primis.* 418.

*V.* Elégit te Dóminus sacerdotem sibi. *R.* Ad sacrificándum ei hóstiam láudis.

*Ad Magnif. Ant.* Dum esset summus Póntifex, terréna non métuit, sed ad cæléstia regna gloriósus migrávit.

Postea fit Commemoratio S. Pauli, ut supra in Laud., deinde Fer. in Quadrag.

## DIE XXV

## IN CONVERSIONE S. PAULI

## APOSTOLI

## Duplex majus.

## IN I. VESPERIS

*Ant. et Capit. de Laudibus.* 427. *Psalmi ut in I. Vesperis de Communi Apostolorum.* 1\*.

## Hymnus.

**E**GRÉGIE Doctor Páule mores instrue,  
Et nostra tecum pectora in  
cælum trahe:  
Veláta dum meridiem cernat fides,  
Et solis instar sola regnet  
cáritas.

Sit Trinitáti sempitérna  
glória,  
Honor, potéstas, atque jubilatío,  
In unitáte, quæ gubernat  
omnia,  
Per univérsa æternitátis sæcula. Amen.

*V.* Tu es vas electiónis sancte Páule Apóstole. *R.* Prædicátor veritátis in univérso mundo.

*Ad Magnif. Ant.* Vade Ananía, et quære Sáulum: ecce enim orat: quia vas electiónis est mihi, ut portet nomen meum coram géntibus, et régibus, et filiis Israël.

*Orat. ut infra in Laud.*

Et fit Commem. S. Petri, ut ibi; deinde Fer. in Quadrag.

## AD MATUTINUM

*Invit.* Laudémus Deum

nostrum, \* In conversiōe  
Doctōris gēntium.

*Ps.* Venite, exsultēmus. 2.

*Hymn.* Egrégie. *ut supra.*

IN I. NOCTURNO

*Ant.* Qui operátus est Pe-  
tro in apostolátum, operátus  
est et mihi inter gentes : et  
cognovérunt grátiam, quæ  
data est mihi a Christo Dó-  
mino.

*Psalmi trium Noct. ut in  
Comm. Apost. 4\*.*

*Ant.* Scio cui crédidi, et  
certus sum, quia potens est  
depósitum meum serváre in  
illum diem justus iudex.

*Ant.* Mihi vivere Christus  
est, et mori lucrum : glo-  
riári me opórtet in cruce  
Dómini nostri Jesu Christi.

*V.* In omnem terram ex-  
ivit sonus eórum. *R.* Et in fi-  
nes orbis terræ verba eórum.

De Actibus Apostolorum.

*Lectio j. Cap. 9.*

**S**ÁULUS adhuc spirans mi-  
nárum, et cædis in disci-  
pulos Dómini, accéssit ad  
principem sacerdotum, et  
pétiit ab eo epístolas in Da-  
máscum ad synagógas : ut si  
quos invenisset hujus viæ  
viros, ac mulieres, vinctos  
perdúceret in Jerúsalem. Et  
cum iter fáceret, cóntigit ut  
appropinquáret Damásco :  
et súbito circumfúlsit eum  
lux de cælo. Et cadens in  
terram audívit vocem dicén-  
tem sibi : Sáule, Sáule, quid  
me perséqueris? Qui dixit :  
Quis es Dómine? Et ille :  
Ego sum Jesus, quem tu

perséqueris. Durum est tibi  
contra stimulum calcitráre.

*R.* Qui operátus est Petro  
in apostolátum, operátus est  
et mihi inter gentes : \* Et  
cognovérunt grátiam Dei,  
quæ data est mihi. *V.* Grátia  
Dei in me vácuā non fuit,  
sed grátia ejus semper in  
me manet. Et.

*Lectio ij.*

**E**T tremens, ac stupens di-  
xit : Dómine, quid me  
vis fácere? Et Dóminus ad  
eum : Surge, et ingrédere  
civitátem, et ibi dicétur tibi  
quid te opórteat fácere. Viri  
áutem illi, qui comitabántur  
cum eo, stabant stupefácti,  
audiéntes quidem vocem,  
néminem áutem vidéntes.  
Surréxit áutem Sáulus de  
terra, apertisque óculis nihil  
vidébat. Ad manus áutem il-  
lum trahéntes, introduxé-  
runt Damáscum. Et erat ibi  
tribus diébus non videns,  
et non manducávit, neque  
bibit.

*R.* Bonum certámen cer-  
távi, cursum consummávi,  
fidem servávi : \* Ideóque  
repósita est mihi coróna ju-  
stítiæ. *V.* Scio cui crédidi,  
et certus sum quia potens  
est depósitum meum serváre  
in illum diem. Ideóque.

*Lectio iij.*

**E**RAT áutem quidam disci-  
pulus Damásci, nómine  
Ananías : et dixit ad illum in  
visu Dóminus : Anania. At  
ille ait : Ecce ego, Dómine.  
Et Dóminus ad eum : Surge,



et vade in vicum, qui vocatur Rectus : et quære in domo Judæ Sálulum nómine Tarsénsem : ecce enim orat. (Et vidit virum Ananiám nómine, introeúntem, et impónentem sibi manus ut visum recipiat.) Respóndit áutem Ananiás : Dómine, audivi a multis de viro hoc, quanta mala fécerit sanctis tuis in Jerúsalem : et hic habet potestátem a princípibus sacerdotum alligándi omnes, qui invocant nomen tuum. Dixit áutem ad eum Dóminus : Vade, quóniam vas electiónis est mihi iste, ut portet nomen meum coram géntibus, et régibus, et filiis Israël. Ego enim osténdam illi quanta opórteat eum pro nómine meo pati.

**R.** Repósita est mihi coróna justitiæ : \* Quam reddet mihi Dóminus in illum diem, justus judex. **V.** Scio cui crédidi, et certus sum quia potens est depósitum meum serváre in illum diem. Quam. Glória Patri. Quam.

## IN II. NOCTURNO

**Ant.** Tu es vas electiónis sancte Páule Apóstole, prædicátor veritátis in univérso mundo.

**Ant.** Magnus sanctus Páulus, vas electiónis, vere digne est glorificándus, qui et méruit thronum duodécimum possidére.

**Ant.** Bonum certámen certávi, cursum consummávi, fidem servávi.

**V.** Constitues eos principes super omnem terram. **R.** Mémores erunt nóminis tui Dómine.

Sermo sancti Augustini  
Epíscopi.

**Serm. 14. de Sanctis.**

**Lectio iv.**

**H**ÓDIE de Actibus Apostolorum léctio hæc pronuntiáta est : ubi Páulus Apóstolus ex persecutore Christianorum, annuntiátor factus est Christi. Prostrávit enim Christus persecutorem, ut fáceret Ecclésiæ doctórem : percútiens eum, et sanans : occídens, et vivíficans : occísus agnus a lupis, et fáciens agnos de lupis. Ita enim in præclára prophetía, cum Jacob Patriárcha benediceret filiis suis (præséntes tangens, futura prospiciens) prædictum erat, quod in Páulo cóntigit. Erat áutem Páulus, sicut ipse testátur, de tribu Bénjamin. Cum áutem Jacob benedicens filios suos, venisset ad benedicéndum Bénjamin, ait de illo : Bénjamin lupus rapax.

**R.** Tu es vas electiónis sancte Páule Apóstole, prædicátor veritátis in univérso mundo : \* Per quem omnes gentes cognovérunt grátiam Dei. **V.** Intercéde pro nobis ad Deum, qui te elégit. Per.

**Lectio v.**

**Q**UID ergo? lupus rapax semper? Absit; sed qui mane rapit prædam, ad vé-

speram dividit escas. Hoc in Apóstolo Páulo implétum est, quia et de illo dictum erat. Jam, si placet, audiámus illum mane rapiéntem, ad vésperam escas dividéntem. Mane, et véspere pó-sita sunt pro eo, ac si dicerétur, prius, et póstea. Sic ergo accipiámus : Prius rápiet, póstea dividet escas. Atténdite raptórem. Sáulus, inquit, accéptis epístolis a príncipibus sacerdótum, ibat, ut ubicúmque inveníret Christiános, ad sacerdótes attráheret et addúceret, útique puniéndos.

**R.** Grátia Dei sum id quod sum : \* Et grátia ejus in me vácuá non fuit, sed semper in me manet. **V.** Qui operátus est Petro in apostolátum, operátus est et mihi intergentes. Et grátia ejus.

**Lectio vj.**

**I**BAT spirans, et anhélans cædes; hoc est, mane rápiens. Nam et quando lapidátus est Stéphanus primus Martyr pro nómine Christi, evidéntius áderat et Sáulus, et sic áderat lapidántibus, ut non ei sufficeret, si tantum suis mánibus lapidáret. Ut enim esset in ómnium lapidántium mánibus, ipse ómnium vestiménta servábat : magis sævians omnes adjuvándo, quam suis mánibus lapidándo. Audívimus, mane rápiet : videámus ad vésperam quáliter dividat escas. Voce Christi prostrá-

tus de cælo, et accípiens désuper interdictum jam sævié-ndi, cécidit in fáciem suam, prius prosternéndus, póstea erigéndus; prius percutiéndus, póstea sanándus.

**R.** Sáulus, qui et Páulus, magnus prædicátor, \* A Deo confortátus convalescébat, et confundébat Judæos. **V.** Osténdens quia hic est Christus Fílius Dei. A Deo. Gló-ria Patri. A Deo.

IN III. NOCTURNO

**Ant.** Sáulus, qui et Páulus, magnus prædicátor, a Deo confortátus convalescébat, et confundébat Judæos.

**Ant.** Ne magnitúdo revelatiónum extóllat me, datus est mihi stímulus carnis meæ, ángelus sátanæ, qui me colaphízet : propter quod ter Dóminum rogávi, ut aufer-rétur a me, et dixit mihi Dóminus : Súfficit tibi Páule grátia mea.

**Ant.** Repósita est mihi coróná justítiæ, quam reddet mihi Dóminus in illa die justus judex.

**V.** Nimis honoráti sunt amíci tui Deus. **R.** Nimis confortátus est principátus eórum.

In III. Noct. Homil. in Evang. Ecce nos reliquimus. de Communi Apost. 2º loco. 18\*, cum **R.R.** seq.

**R.** vij. Sancte Páule Apóstole, prædicátor veritátis, et Doctor géntium, \* Inter-céde pro nobis ad Deum, qui te elégit, ut digni efficiá-



mur grátia Dei. *V.* Tu es vas electi6nis sancte Páule Apóstole, prædicátor veritátis. Intercéde.

*R.* viij. Damásci, præpósitus gentis Arétæ regis vóluit me comprehéndere : \* Et a frátribus per murum demíssus sum in sporta, \* Et sic evási manus ejus in nómine Dómini. *V.* Deus et Pater Dómini nostri Jesu Christi scit quia non mén-tior. Et a frátribus. Glória Patri. Et sic.

In Quadrag. Lect. ix. de Homil. Fer.

#### AD LAUDES

##### ET PER HORAS

*Ant.* 1. Ego plantávi, \* Apóllo rigávit, Deus áutem increméntum dedit, allelúia.

*Ps.* Dóminus regnávit. 18.

2. Libénter gloriábor \* in infirmitátibus meis, ut inhábitet in me virtus Christi.

3. Grátia Dei \* in me vá-cua non fuit, sed grátia ejus semper in me manet.

4. Damásci, præpósitus \* gentis Arétæ regis vóluit me comprehéndere : a frátribus per murum demíssus sum in sporta, et sic evási manus ejus in nómine Dómini.

5. Ter virgis cæsus sum, \* semel lapidátus sum, ter naufrágium pértuli pro Christi nómine.

*Capitulum.* Act. 9.

**S**ÁULUS adhuc spirans mi-nárum, et cædis in discipulos Dómini, accéssit ad principem sacerdotum,

et pétiiit ab eo epístolas in Damáscum ad synagógas : ut si quos invenisset hujus viæ viros, ac mulieres, vinctos perdúceret in Jerúsalem.

*Hymn.* Exsúltet. 13\*.

*V.* Tu es vas electi6nis sancte Páule Apóstole. *R.* Prædicátor veritátis in univérso mundo.

*Ad Bened. Ant.* Vos qui secúti estis me, sedébitis super sedes, judicántes duódecim tribus Israël, dicit Dóminus.

#### Oratio.

**D**EUS, qui univérsum mundum beáti Páuli Apóstoli prædicati6ne docuisti : da nobis, quæsumus ; ut qui ejus hódie Conversi6nem cólimus, per ejus ad te exémpla gradiámur. Per Dñum.

*Et fit Commem. S. Petri.*

*Ant.* Tu es pastor óvium, princeps Apostolorum, tibi tráditæ sunt claves regni cælórum.

*V.* Tu es Petrus. *R.* Et super hanc petram ædificábo Ecclesiám meam.

#### Oratio.

**D**EUS, qui beáto Petro Apóstolo tuo, collátis clávisbus regni cæléstis, ligándi atque solvéndi pontificium tradidisti : concéde ; ut intercessi6nis ejus auxílio, a peccatórum nostrórum néxibus liberémur : Qui vivis.

*In Quadrag. Commem. Fer.*

#### AD TERTIAM

*Ant.* Libénter gloriábor.

*Capit.* Sáulus adhuc.

**R. br.** In omnem terram  
\* Exiuit sonus eorum. In.

**V.** Et in fines orbis terræ  
verba eorum. Exiuit. Glória  
Patri. In.

**V.** Constitues eos princi-  
pes super omnem terram.

**R.** Mémores erunt nóminis  
tui Dómine.

#### AD SEXTAM

**Ant.** Grátia Dei.

**Capitulum.** Act. 9. b

**S**URREXIT autem Sáulus de  
terra, apertisque óculis  
nihil vidébat. Ad manus au-  
tem illum trahéntes, intro-  
duxérunt Damáscum. Et erat  
ibi tribus diébus non videns,  
et non manducávit, neque  
bibit.

**R. br.** Constitues eos prin-  
cipes \* Super omnem ter-  
ram. Constitues. **V.** Mémo-  
res erunt nóminis tui Dó-  
mine. Super. Glória Patri.  
Constitues.

**V.** Nimis honoráti sunt  
amici tui Deus. **R.** Nimis  
confortátus est principátus  
eorum.

#### AD NONAM

**Ant.** Ter virgis cæsus sum.

**Capitulum.** Act. 9. d

**S**ÁULUS autem multo magis  
conualescébat, et con-  
fundébat Judæos, qui habi-  
tábant Damásci, affirmans  
quóniam hic est Christus.

**R. br.** Nimis honoráti sunt  
\* Amici tui Deus. Nimis. **V.**  
Nimis confortátus est prin-  
cipátus eorum. Amici. Gló-  
ria Patri. Nimis.

**V.** Annuntiavérunt ópera

Dei. **R.** Et facta ejus intel-  
lexérunt.

#### IN II. VESPERIS

**Ant. et Capit. de Laud.;**  
**Pss. ut in II. Vesp. de Comm.**  
**Apost. 14\*.**

**Hymn. et V. ut in I. Ve-**  
**speris. 423.**

**Ad Magnif. Ant.** Sancte  
Páule Apóstole, prædicá-  
tor veritátis, et Doctor gén-  
tium, intercède pro nobis  
ad Deum, qui te elégit.

**Et fit Commem. S. Petri,**  
**ut in Laud.**

**Deinde Feriæ in Quadra-**  
**gesima.**

#### DIE XXVII

#### S. JOANNIS CHRYSOSTOMI

**EPISC. CONF. ET ECCL. DOCT.**

**Duplex.**

**Omnia de Comm. Conf.**  
**Pont. 67\*, præter seq. (m.**  
**t. v.)**

**In utrisque Vesp. ad Ma-**  
**gnif. Ant.** O Doctor ópti-  
me, Ecclesiæ sanctæ lumen,  
beáte Joánnes Chrysóstome,  
divinæ legis amátor, depre-  
cáre pro nobis Filium Dei.

**Oratio.**

**E**CCLESIAM tuam, quæsu-  
mus Dómine, grátia cæ-  
léstis amplificet: quam beáti  
Joánnis Chrysóstomi Con-  
fessoris tui atque Pontificis  
illustráre voluisti gloriósis  
méritis, et doctrínis. Per.

**In Quadrag. Commem.**  
**Fer.**

#### IN I. NOCTURNO

**Lect. de Script. occur.:**  
**in Quadrag. Lect. Sapién-**



tiam. de Comm. Doct. 1<sup>o</sup>  
loco. 83\*.

IN II. NOCTURNO

Lectio iv.

**J**OÁNNES Antiochénus, propter áureum eloquentiæ flumen cognomento Chrysóstomus, a forénsibus et sæcularibus stúdiis ad divinas litteras summa cum ingénii et indústriæ láude se cóntulit. Itaque sacris initiátus, ac præsbyter Antiochénae ecclésiæ factus, mórtuo Nectário, Arcádii imperatóris ópera, invítus Constantinopolitánæ ecclésiæ præficitur. Quo suscepto pastoráli múnere, depravátos mores, et nobiliórum hóminum vivéndi licéntiam vehementius objurgáre cœpit. Qua ex libertáte magnam multórum súbiit invidiam. Apud Eudóxiam étiam, quod eam propter Callitropæ viduæ pecúniã, et altérius viduæ agrum reprehendisset, gráviter offéndit.

**R.** Invéni David servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

**Q**UARE áliquot episcopórum acto Chalcédone convéntu, quo ipse vocátus ire nóluit, quod nec legítimum concílium, nec públicum esse diceret; niténte in primis ipsa contra Chrysó-

stomum Eudóxia, ejícitur in exsílium : sed páulo post propter ejus desidérium seditióne pópuli facta, admirábili civitátis pláusu ab exsílio revocátur. Verum cum pérditos mores increpáre non desisteret, et ad argenteam Eudóxiæ státuam in foro sanctæ Sophiæ ludos fieri prohibéret : conspiratióne inimicórum episcopórum íterum exsuláre cógitur, viduis et egéntibus ómnibus commúnis paréntis ejectiόνem lugéntibus. In exsílio Chrysóstomus incredibile est et quanta mala perpéssus sit, et quam multos ad Jesu Christi fidem convérterit.

**R.** Pósuí adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

**V**ERUM dum concílio Romæ hábito, decréto Innocéntii primi Pontificis restitúitur, a militibus, qui eum custodiébant, miris in itinere malis et calamitatibus afficitur. Cumque per Arméniam ducerétur, sanctus Basiliscus Martyr, in cujus templo ántea oráverat, noctu sic eum affátus est : Joánnes frater, crástinus dies nos loco conjúnget. Quare postridie sumpto Eucharistiæ sacraménto seque crucis signo múnies, áni-

mam Deo réddidit, décimo octávo Kaléndas Octóbris. Quo mórtuo, horribilis grande Constantinópoli cécidit, et quatrídúo Augústa cessit e víta. Ejus corpus insigni pompa et hóminum multitúdine celebrátum, Theodósíus Arcádii filius Constantinópolim portándum, et honorífice sepeliéndum curávit sexto Kaléndas Februárii : cujus étiam reliquias venerátus, paréntum suórum véniam pétiit : quod deinde Romam translátum, in basilíca Vaticána cónditum est. Multitúdinem, pietátem, ac splendórem conciónum, cæterorúmque ejus scriptórum, interpretándi étiam ratióne, et inhæréntem sententiæ sacrórum librórum explanatióne, omnes admirántur : dignúmque exístimant, cui Páulus Apóstolus, quem ille mirífice cóluit, scribénti et prædicánti multa dictásse videátur.

*ñ. Iste est. 73\*.*

IN III. NOCTURNO

*Homil. in Evang. Vos estis. de Comm. Doct. 3º loco. 87\*.*

*In Quadrag. Lect. ix. de Homil. Fer.*

DIE XXIX

S. FRANCISCI SALESII

EPISC. CONF. ET ECCL. DOCT.

Duplex.

*Omnia de Comm. Conf. Pont. 67\*, præter seq. (m. t. v.)*

*In utrisque Vesp. ad Ma-*

*gnif. Ant. O Doctor óptime, Ecclesiæ sanctæ lumen, beáte Francisce, divinæ legis amátor, deprecáre pro nobis Filium Dei.*

*Oratio.*

**D**EUS, qui ad animárum salútem beátum Franciscum Confessórem tuum atque Pontíficem ómnibus ómnia factum esse voluisti : concéde propítius ; ut caritátis tuæ dulcedine perfúsi, ejus dirigéntibus mónitis, ac suffragántibus méritis, ætéragáudia consequámur. *Per.*

*In Quadr. Commem. Fer.*

IN I. NOCTURNO

*Lect. Sapiéntiam. de Comuni Doct. 83\*.*

IN II. NOCTURNO

*Lectio iv.*

**F**RANCÍSCUS in oppido Salésio, unde familiæ cognómen, piis et nobilibus paréntibus natus, a téneris annis futúre sanctitátis indícia præbuit, morum innocentia et gravitáte. Adolésceus liberálibus disciplinis eruditus, mox philosophiæ ac theologiæ Parísiis óperam dedit : et ne quid sibi deéssset ad ánimi cultúram, juris utriúsque láuream summa cum láude Patávii obtinuit. In sacra æde Lauretána perpétuæ virginitátis votum, quo pridem Parísiis se obstrinxerat, innovávit : a cujus virtútis propósito nullis umquam dáemonum fráudibus, nullis sénsuum illécebris pótuít dimovéri.



**R.** Inveni David servum meum, oleo sancto meo unxi eum : \* Manus enim mea auxiliabitur ei. **Ÿ.** Nihil proficiet inimicus in eo, et filius iniquitatis non nocébit ei. Manus.

**Lectio v.**

**R**ECUSÁTA in Sabáudiae senátu amplissima dignitate, clericáli militiæ nomen dedit : tum sacerdotio initiátus, et Genevénsis ecclésiæ præposituram adeptus, ejus muneris partes ádeo perfécte explévit, ut eum Granérius episcopus vindicándis ab hæresi Calviniana Chaballicensibus, aliisque Genévæ finitimis pópulis, divini verbi præcónem destinárit. Quam expeditiõnem álacri ánimo suscipiens, aspérrima quæque perpéssus est, sæpe ab hæreticis conquistus ad necem, variisque calúmniis et insidiis vexátus. Sed inter tot discrimina et agónes, insuperábilis ejus constantia semper enítuit ; Deique ope protéctus, septuaginta duo millia hæreticórum ad catholicam fidem reduxisse dicitur, inter quos multi nobilitate et doctrina insignes numerántur.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliabitur ei. **Ÿ.** Inveni David servum meum, oleo sancto meo unxi eum. Manus.

**Lectio vj.**

**M**ÓRTUO Granério, qui eum sibi coadjutórem decérni curáverat, episcopus consecrátus, sanctitátis suæ rádios circumquaque diffúdit, zelo ecclesiásticæ disciplinæ, pacis stúdio, misericórdia in páuperes, omnique virtúte conspicuus. Ad divini cultus augméntum novum órdenem sanctimoniálium instituit, a Visitatione beátæ Virginis nuncupátum, sub régula sancti Augustíni ; cui áddidit constitutiónes sapiéntia, discretiõne et suavitate mirábiles. Suis étiam scriptis cælésti doctrina refértis Ecclésiám illustrávit, quibus iter ad christiánam perfectiõnem tutum et planum demónstrat. Annum dénique agens quinquagésimum quintum, dum e Gállia Annésium regréditur, post Sacrum in die sancti Joánnis Evangelistæ Lugdúni celebrátum, gravi morbo corréptus, sequenti die migrávit in cælum, anno Dómini millésimo sexcentésimo vigésimo secúndo. Ejus corpus Annésium delátum, in ecclésiá moniálium dicti órdis honorífice cónditum fuit, cœpitque statim miraculis claréscere. Quibus rite probátis, ab Alexándro séptimo Pontífice Máximo in Sanctórum número relátus est, assignáta ejus festivitáti die vigésima nona Januárii, et a summo Pontífice

Pio nono, ex Sacrórum Rituum Congregatiónis consúlto, universális Ecclésiæ Doctor fuit declarátus.

℟. Iste est. 73\*.

IN III. NOCTURNO

Homil. in Evang. Vos estis. de Comm. Doct. 1º loco. 85\*.

In Quadrag. Lect. ix. de Homil. Fer.

## FESTA FEBRUARII

DIE VI

S. TITI EPISC. ET CONF.

Duplex.

Omnia de Communi Conf.

Pont. 67\*, præter seq. (m. t. v.)

Oratio.

**D**EUS, qui beátum Titum Confessórem tuum atque Pontificem apostólicis virtútibus decorásti: ejus méritis et intercessióne concéde; ut juste et pie vivéntes in hoc sæculo, ad cæléstem pátriam pervenire mereámur. Per Dóminum.

Pro Commem. S. Agathæ

Virg. Mart.

**Ant.** Stans beáta Agatha in médio cárceris, expánsis mánibus orábat ad Dóminum: Dómine Jesu Christe, magister bone, grátias tibi ago, qui me fecisti vincere torménta carnificum: jube me Dómine ad tuam immarcescibilem glóriam feliciter pervenire.

℣. Diffúsa est grátia in lábiis tuis. ℟. Proptérea benedixit te Deus in ætérnum.

Oratio.

**D**EUS, qui inter cætera poténtiæ tuæ miracula étiam in sexu frágili victó-

riam martýrii contulísti: concéde propítius; ut qui beátæ Agathæ Virginis et Mátyris tuæ natalitia cólimus, per ejus ad te exéempla gradiámur.

Postea fit Commem. Fer.

Deinde S. Dorotheæ Virginis et Martyris.

**Ant.** Veni sponsa Christi, accipe corónam, quam tibi Dóminus præparávit in ætérnum.

℣. Spécie tua et pulchritúdine tua. ℟. Inténde, prospere procéde, et regna.

Oratio.

**I**NDULGÉNTIAM nobis, quæsumus Dómine, beáta Doróthea Virgo et Martyr implóret: quæ tibi grata semper exstítit et mérito castitátis, et tuæ professióne virtútis. Per Dóminum.

IN I. NOCTURNO

Lect. Fidélis sermo. de eodem Communi 1º loco. 68\*.

IN II. NOCTURNO

Lectio iv.

**T**ITUM Creténsium episcopum vix Páuli Apóstoli verbo christiánæ fidei sacraméntis, mysteriisque excúltum, ea sanctitátis luce Ec-



clésiæ tunc vagiænti effulsisse compertum est, ut inter ejusdem Doctóris gèntium discipulos meruerit cooptari. Ascitus in partem óneris prædicatiónis, ádeo evangelizándi ardóre, et fidelitáte Páulo exstitit carus, ut ipse, cum venisset Tróadem propter Evangélium Christi, testátus sit, non habuisse réquiem spirítui suo, eo quod Titum fratrem suum ibi non invenerit. Et páulo post Macedóniam petens, rursus suam in eum caritátem ita exprimit : Sed qui consolátur húmiles, consolátus est nos Deus in advéntu Titi.

℞. Invéni David servum meum, óleo sancto meo unxi eum : \* Manus enim mea auxiliábitur ei. √. Nihil proficiet inimicus in eo, et filius iniquitátis non nocébit ei. Manus.

#### Lectio v.

**Q**UAMÓBREM Corínthum ab Apóstolo missus, ea sapiéntia, et lenitáte legatiónis hujus múnere functus est, quæ præsertim de fidélium pietáte eleemósynas colligéndas ad sublevándam Ecclésiæ Hebræórum inópiam spectábat, ut Corínthios non solum in Christi fide continúerit, sed étiam desidérium, fletum, æmulatiónem inter eos pro Páulo, qui illos primus instituit, excitáverit. Ad effundéndum interim inter gentes linguis locisque

distinctas divini verbi semen, plúribus terra marique itinéribus reléctis, magnáque ánimi firmitáte pro crucis trophæo curis laboribúisque exantlátis, una cum duce Páulo Cretæ insulam áppulit. Cum porro huic ecclésiæ episcopus ab ipso Apóstolo deléctus esset, dubitándum non est, quin in eo múnere ita versátus sit, ut, juxta ipsius Páuli præceptóris mónita, seípsum præbúerit exémplum bonórum óperum in doctrina, in integritáte, in gravitáte.

℞. Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. √. Invéni David servum meum, óleo sancto meo unxi eum. Manus.

#### Lectio vj.

**I**TAQUE tamquam lucérna inter eos, qui in idololatriæ et mendaciórum ténebris, véluti in umbra mortis sedébant, religiónis jubar diffúdit. Tráditur eum inter Dálmatas, ut crucis vexillum explicáret, strénue consudásse. Tandem meritórum et diérum plenus, quarto supra nonagésimum anno, pridie Nonas Januárii, pretiósá justórum morte obdormívit in Dómino, et sepúltus est in ecclésiá, ubi ab Apóstolo mínister fúerat constitútus. Hujus nomen a sancto Joánnē Chrysóstomo, et a sancto Hierónymo præcipue com-

mendatum, Martyrológio Románo eádem die inscriptum légitur; verum pro ejus die festo cum Offício et Missa in cathólico orbe recolendo ab utróque clero, primam insequentem diem liberam Summus Póntifex Pius nonus assignávit.

℟. Iste est qui. 73\*.

IN III. NOCTURNO

Homil. in Evang. Designávit Dóminus. de Communi Evang. 21\*, cum ℟℟. III. Noct. de Comm. Conf. Pont. 76\*.

Lect. ix. de Homil. Fer. occur.

In Laud. fit Commem. Fer. et S. Dorotheæ.

Ant. Simile est regnum cælórum hómini negotiátóri quærénti bonas margaritas: invénta una pretiósa, dedit ómnia sua, et comparávit eam.

V. Diffúsa est grátia in lábiis tuis. ℟. Propterea benedixit te Deus in ætérnum.

Vesp. a Capit. de seq. cum Commem. præced. et Feriæ.

DIE VII

S. ROMUALDI ABBATIS

Duplex.

Omnia de Communi Conf. non Pont. 88\*, præter seq. (m. t. v.)

Oratio.

INTERCÉSSIO nos, quæsumus Dómine, beáti Romuáldi Abbátis comméndet: ut quod nostris méritis non valémus, ejus patrocínio assequámur. Per Dóminum.

Et fit Commem. præced.

Ant. Amávit eum Dóminus, et ornávit eum: stolam glóriæ induit eum, et ad portas paradisi coronávit eum.

V. Justum dedúxit Dóminus per vias rectas. ℟. Et osténdit illi regnum Dei.

Postea Commem. Fer.

IN I. NOCTURNO

Lect. Beátus vir. de eodem Comm. 2º loco. 100\*.

IN II. NOCTURNO

Lectio iv.

ROMUÁLDUS Ravennæ, Sérgio patre, nóbili génere natus, adoléscens in propinquum monastérium Clásense pœniténtiæ cáusa secessit: ubi religiósí hóminis sermóne ad pietátis stúdium veheméntius incensus, viso étiam semel et iterum per noctem in ecclésia beáto Apollinári, quod Dei servus illi futúrum promiserat, mónachus efficitur. Mox ad Marínium, vitæ sanctitáte ac severióre disciplina in finibus Venetórum eo témpore célebrem, se cóntulit, ut ad arctam et sublimem perfectiónis viam eo magistro ac duce uterétur.

℟. Honéstum fecit illum Dóminus, et custodivit eum ab inimicis, et a seductóribus tutávit illum: \* Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et dedit illi.



## Lectio v.

**M**ULTIS sátanæ insidiis, et hóminum invidia oppugnátus, tanto humílior se assidue jejúniis et oratióibus exercébat, et rerum cælestium meditatióne, vim lacrymarum profúndens, fruebátur : vultu tamen ádeo læto semper erat, ut intuéntes exhilaráret. Magno apud príncipes et reges in honóre fuit : multique ejus consilio, mundi illécebris abjéctis, solitúdinem petiérunt. Martýrii quoque cupiditate flagrávit, cujus cáusadum in Pannóniam proficiscitur, morbo, quo afflictabátur cum progredérétur, levabátur cum recéderet, revérti cógitur.

¶ Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. *v.* Induit eum Dóminus lorícam fidei, et ornávit eum. Et.

## Lectio vj.

**I**N vita et post mortem miráculis clarus, spíritu étiam prophetiæ non cáruit. Scalam a terra cælum pertingéntem, in similitúdinem Jacob Patriárchæ, per quam hómines in veste cándida ascendébant et descendébant, per visum conspéxit : eoque Camaldulenses mónachos, quorum institúti áuctor fuit, designári mirabiliter agnóvit. Dénique cum annos centum et viginti áge-

ret, et centum ipsos in summa vitæ asperitate Deo servisset, ad eum migrávit, anno salutis millésimo vigésimo séptimo. Ejus corpus quinquénio postquam sepúltum fúerat, integrum repértum, Fabriáni in ecclésia sui órdis honorífice cónditum est.

¶ Iste homo. 94\*.

IN III. NOCTURNO

*Homil. in Evang.* Ecce nos reliquimus. *de Communi Abbatum 1º loco.* 103\*.

*Lect. ix. de Homil. Fer. occur. et de ea fit Commem. in Laud.*

*Vesp. a Capit. de seq. cum Commem. præced. et Feriæ.*

DIE VIII

S. JOANNIS DE MATHA

CONFESSORIS

Duplex.

*Omnia de Comm. Conf. non Pont.* 88\*, præter seq. (m. t. v.)

Oratio.

**D**EUS, qui per sanctum Joánnem órdis sanctissimæ Trinitátis ad rediméndum de potestate Sarcenórum captivos cælitus institúere dignátus es : præsta quæsumus ; ut, ejus suffragántibus méritis, a captivitate córporis et animæ, te adjuvánte, liberémur. Per Dóminum.

*Et fit Commem. præced.*

*Ant.* Hic vir despiciens mundum et terréna, triúm-

phans, divítias cælo cóndidit ore, manu.

¶ Justum dedúxit Dóminus per vias rectas. ¶ Et osténdit illi regnum Dei.

Deinde Commem. Fer.

IN I. NOCTURNO

Lect. Beátus vir. de eodem Comm. 2º loco. 100\*.

IN II NOCTURNO

Lectio iv.

JOÁNNES de Matha, órdinis sanctissimæ Trinitátis Redemptiónis Captivórum institútor, Falcóne in Provincia natus est paréntibus pietáte et nobilitáte conspicuis. Studiórum cáusa Aquas Séxtias, mox Parísios profectus, confectóque theologiæ currículó, magistérii láuream adéptus, doctrinæ et virtútum splendóre enítuit. Quibus motus Parisiënsis antistes, ad sacrum presbyterátus órduinem præ humilitáte reluctántem promovit, eo consílio, ut in ea civitate cómmorans, sapiéntia et móribus studiósæ juventúti præluçeret. Cum áutem in sacéllo ejúsdem episcopi, ipso cum áliis adstánte, primum Deo Sacrum offérret, cælésti favóre méruiť recreári. Nam Angelus cándida et fulgénti veste indútus, cui in pectore crux rúbei et cæráuléi colóris assúta erat, bráchiis cancellátis, et super duos captivos ad látera pósitos, Christiánum unum, álterum Máurum, exténsis, apparúit. Qua visióne in éxtasim raptus, in-

telléxit prótinus vir Dei, se ad rediméndos ab infidélibus captivos destinári.

¶ Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritátem ætérnam. ¶ Justum dedúxit Dóminus per vias rectas, et osténdit illi regnum Dei. Et.

Lectio v.

QUO vero matúrius in re tanti moménti procéderet, in solitúdinem secéssit, ibique divino nutu factum est, ut Felicem Valésium in ipsa erémo jam multis annis degéntem repérerit : cum quo ínita societáte, se per triénnum in oratióne, et contemplatióne, omniúmque virtútum stúdio exércuit. Cántigit áutem, ut dum secum de rebus divinis prope fontem colloqueréntur, cruce ad eos accésserit, cruce inter córnua gerens, rúbei et cæráuléi colóris. Cumque Felix ob rei novitátem mirarétur, narrávit ei Joáannes visióne in prima Missa hábitam : et exínde fervéntius oratióni incumbéntes, ter in somnis admoníti, Romam proficisci decrevérunt, ut a Summo Pontifice novi órduinis pro rediméndis captivis institutióne impetrárent. Eléctus fúerat eo témpore Innocéntius tértius : qui illis benigne accéptis dum secum de re propósita deliberat, in festo



sanctæ Agnétis secúndo, Lateráni intra Missárum solémnia ad sacræ Hóstiæ elevatiónem, Angelus ei cándida veste, cruce bicolóri, spécie rediméntis captivos apparuit. Quo viso Póntifex institútum approbávit, et novum órđinem sanctíssimæ Trinitátis Redemptiόνis Captivórum vocári jussit, ejúsque professoribus albas vestes cum cruce rúbei et cærúlei colóris præbuit.

**R.** Amávit eum Dóminus, et ornávit eum : stolam glóriæ induit eum, Et ad portas paradisi coronávit eum.  
**V.** Induit eum Dóminus lorricam fidei, et ornávit eum. Et.

### Lectio vj.

**S**IC stabilito órđine, sancti fundatóres in Gálliam rediérunt, primóque cœnóbio Cervi frígidi in diocési Meldénsi constrúcto, ad ejus régimen Felix remánsit, et Joánnes Romam cum áliquot sóciis revérsus est, ubi Innocéntius domum, ecclésiám, et hospitále sancti Thomæ de Formis in monte Cœlio eis donávit cum multis redítibus et possessiόνibus. Datis quoque litteris ad Miramolinum regem Maróchii, opus redemptiόνis felici auspicio inchoátum fuit. Tum ad Hispánias, sub jugo Saracenórum magna ex parte opprèssas, Joánnes profectus est, regúmque, príncipum, atque aliórum fidé-

lium ánimos ad captivórum et páuperum commiseratió-nem commóvit. Monastéria ædificávit, hospitália eréxit, magnóque lucro animárum plures captivos redémit. Romam tandem revérsus, sanctisque opéribus incúmbens, assiduis labóribus attritus, et morbo confectus, ardentissimo Dei et próximi amóre exæstuans, ad extrémum devénit. Quare frátribus convocátis, eisque ad opus redemptiόνis cælitus præmonstrátum effícaciter cohortátis, obdormívit in Dómino sextodécimo Kaléndas Januárii, anno salútis millésimo ducentésimo décimo tértio; ejúsque corpus in ipsa ecclésiá sancti Thomæ de Formis condigno honóre tumulátum fuit.

**R.** Iste homo. 94\*.

IN III. NOCTURNO

**Homil. in Ev. Sint lumbi. de eodem Comm. 1<sup>o</sup> loco. 96\*.**

**Lect. ix. de Homil. Fer. occur., et de ea fit Commem. in Laud.**

**Vesperæ a Capit. de seq. cum Commemoratione præced., Feriæ et S. Apolloniæ Virg. et Mart.**

DIE IX

S. CYRILLI EPISC. ALEXANDRINI  
CONF. ET ECCL. DOCT.

**Duplex.**

**Omnia de Comm. Conf. Pont. 67\*, præter seq. (m. t. v.)**

In utrisque Vesp. ad Magnif. Ant. O Doctor óptime, Ecclesiæ sanctæ lumen, beáte Cyrille, divinæ legis amátor, deprecáre pro nobis Filium Dei.

**Oratio.**

**D**EUS, qui beátum Cyrillum Confessórem tuum atque Pontíficem divinæ maternitátis beatissimæ Virginis Mariæ assertórem invictum effecisti : concéde, ipso intercedente; ut qui vere eam Genitricem Dei crédimus, materna ejúsdem protectióne salvémur. Per eúmdem Dóminum.

**Deinde fit Commem. præced.**

**Ant.** Hic vir despiciens mundum et terréna, triúmphans, divítias cælo cóndidit ore, manu.

**V.** Justum dedúxit Dóminus per vias rectas. **R.** Et osténdit illi regnum Dei.

**Orat.** Deus, qui. 435.

**Postea Feriæ occurr. et S. Apolloniæ Virginis et Martyris.**

**Ant.** Veni sponsa Christi, accipe corónam, quam tibi Dóminus præparávit in ætérnum.

**V.** Spécie tua et pulchritúdine tua. **R.** Inténde, prospere procéde, et regna.

**Oratio.**

**D**EUS, qui inter cætera poténtiæ tuæ miracula étiam in sexu frágili victóriam martýrii cóntulisti : concéde propítius; ut qui

beátæ Apollóniæ Virginis et Mátyris tuæ natalítia cólimus, per ejus ad te exémpa gradiámur. Per Dóminum.

IN I. NOCTURNO

**Lect.** Sapiéntiam. de Comuni Doct. 83\*.

IN II. NOCTURNO

**Lectio iv.**

**C**YRÍLLUS Alexandrínus, cujus præcónia non unius tantum vel altérius sunt comprobátatestimonío, sed étiam œcumenicórum conciliórum Ephesíni et Chalcedonénsis actis celebráta, claris ortus paréntibus, ac Theóphili episcopi Alexandrini nepos, adhuc adoléscentis præcelléntis ingénii clara specímína dedit. Litteris ac sciéntiis egrégie imbútus, ad Joánnem episcopum Hierosolymítanum se cóntulit, ut in christiána fide perficerétur. Alexandriam deinde cum rediisset, Theóphilo vita functo, ad illius sedem evéctus est; quo in múnere ita óptimi pastóris formam ab Apóstolo definitam constánter præ se tulit, ut sanctíssimi præsulis glóriam mérito sit adeptus.

**R.** Invéni David servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

**Lectio v.**

**S**ALÚTIS animárum zelo incénsus curas omnes in-



téndit, ut sibi commissum gregem in fidei et morum integritate serváret, atque a venenátis infidélium et hæreticórum páscuis defénderet. Hinc tum Nováti ásseclas e civitáte expélli, tum Judæos qui furóre acti in cædem Christianórum conspiráverant, juxta leges puniri satégit. Singuláre vero Cyrilli pro cathólicæ fidei incolumitáte enituit stúdiu contra Nestóriu Constantinopolitánu episcopu, asseréntem Jesu Christu ex Mariá Virgine hóminem tantu et non Deu natu, eique divinitátem pro méritis esse collátam; cujusemendatióne cum frustra tentáset, eum sancto Cælestíno Pontífici Máximo denunciávit.

**R.** Pósuí adjutóriu super poténtem, et exaltávi eléctu de plebe mea: \* Manus enim mea auxiliábitur ei. **V.** Invéni David servu meum, óleo sancto meo unxi eum. Manus.

**Lectio vj.**

**C**ÆLESTÍNI delegáta auctoritáte, concilio Ephesíno præfuit, in quo hæresis Nestoriána pénitus proscripta est, damnátus Nestóriu et a sua sede dejéctus, ac dogma cathólicu de una in Christo, eáque divína persóna, et divína gloriósæ Virginis Mariæ maternitáte assértu; plaudénte pópulo univérso, qui incredíbili gáudio gé-

stiens, collucéntibus fáciibus domu dedúxit episcopos. Sed hac de cáusa Cyrillus calúmniis, injúriis et persecutió nibus plúrimis a Nestóriu ejúsque fautóribus impetítus fuit; quas ipse patientíssime tulit, ita ut de sola fide sollicitus, quidquid advérsus eum effutiébant ac moliebántur hæretici, pro nihilo habéret. Tandem pro Ecclésia Dei máximis perfúnctus labóribus, plurimisque scriptis éditis tum ad éthnicos et hæreticos confutándos, tum ad sacras scriptúras et cathólica explanánda dógmata, sancto fine quiévit anno quadringentésimo quadragésimo quarto, episcopátus trigésimo secúndo. Leo décimus tértius Póntifex Máximu Officiu et Missam præclaríssimi hujus fidei cathólicæ propugnatóris et Orientális Ecclésiæ lúminis, ad Ecclésiá univérсам exténdit.

**R.** Iste est. 73\*.

IN III. NOCTURNO

**Lect. de Homil. in Evang.** Vos estis sal terræ. **de Comuni Doct. 1º loco. 85\*.**

**Lect. ix. de Homil. Fer. occur.**

**In Laud. fit Commem. Fer. et S. Apolloniæ.**

**Ant.** Simile est regnu cælórum hómini negotiátóri quærénti bonas margaritas: invénta una pretiósá, dedit ómnia sua, et comparávit eam.

V. Diffûsa est grátia in lá-  
biis tuis. R. Proptérea bene-  
dixit te Deus in ætérnum.

Vesp. a Capit. de seq. cum  
Commém. præced. et Fer.

## DIE X

## S. SCHOLASTICÆ VIRG.

## Duplex.

Omnia de Comm. Virg.

107\*, præter seq.

## Oratio.

**D**EUS, qui ánimam beátæ  
Virginis tuæ Scholásticæ  
ad ostendéndam innocentíæ  
viam in colúmbæ spécie cæ-  
lum penetráre fecisti : da  
nobis ejus méritis et préci-  
bus ita innocentér vivere ;  
ut ad ætérna mereámur gáu-  
dia pervenire. Per Dñm.

Deinde fit Commém. præ-  
ced.

Ant. O Doctor óptime, Ec-  
clésiæ sanctæ lumen, beáte  
Cyrille, divínæ legis amátor,  
deprecáre pro nobis Fílium  
Dei.

V. Justum dedúxit Dómi-  
nus per vias rectas. R. Et  
osténdit illi regnum Dei.

Postea Feriæ occur.

## IN I. NOCTURNO

Lect. De virgínibus. de co-  
dem Comm. 1º loco. 112\*.

## IN II. NOCTURNO

Exlibro secúndo Dialogórum  
sancti Gregórii Papæ.

Lectio iv. Cap. 33.

**S**CHOLÁSTICA venerábilis  
patris Benedicti soror,  
omnipoténti Dómino ab ipso  
infántiæ témpore dedicáta,  
ad eum semel per annum

venire consuéverat, ad quam  
vir Dei non longe extra já-  
nuam in possessióne mona-  
stérii descendébat. Quadam  
vero die venit ex more, at-  
que ad eam cum discípulis  
venerábilis ejus descendit  
frater, qui totum diem in  
Dei láudibus, sacrisque col-  
lóquiis ducéntes, incumbén-  
tibus jam noctis ténebris,  
simul accepérunt cibum.  
Cumque adhuc ad mensam  
sedérant, et inter sacra col-  
lóquia tárdior se hora pro-  
tráheret, éadem sanctímo-  
niális fémína soror ejus eum  
rogávit, dicens : Quæso te,  
ut ista nocte me non dese-  
ras, ut usque mane de cælé-  
stis vitæ gaudiis loquámur.  
Cui ille respóndit : Quid est  
quod lóqueris, soror? ma-  
nere extra cellam nullátenus  
possum. Tanta vero erat  
cæli serénitas, ut nulla in  
áère nubes apparéret. Sanctí-  
moníális áutem fémína,  
cum verba fratris negántis  
audivisset, insértas digitis  
manus super mensam pósuit,  
et caput in mánibus omni-  
poténtem Dóminum rogátúra  
declinávit. Cumque leváret  
de mensa caput, tanta co-  
ruscaciónis, et tonítrui vir-  
tus, tántaque inundátio plú-  
viæ erúpit, ut neque vene-  
rábilis Benedictus, neque  
fratres, qui cum eo áderant,  
extra loci limen, quo consé-  
derant, pedem movére po-  
túerint.

R. Propter veritátem, et



mansuetudinem, et justitiam : \* Et deducet te mirabiliter dextera tua. V. Spécie tua et pulchritudine tua intènde, prospere procéde, et regna. Et.

Lectio v.

**S**ANCTIMONIALIS quippe fémina caput in manibus declinans, lacrymarum fluvium in mensam fuderat, per quas serenitatem aëris ad pluviam traxit. Nec paulo tardius post orationem inundatio illa secuta est : sed tanta fuit convenientia orationis, et inundationis, ut de mensa caput jam cum tonitruo levaret : quatenus unum, idemque esset momentum, et levare caput, et pluviam depondere. Tunc vir Dei inter coruscus, et tonitruos, atque ingentis pluviae inundationem, videns se ad monasterium non posse remeare, cepit conqueri contristatus, dicens : Parcat tibi omnipotens Deus, soror : quid est quod fecisti? Cui illa respondit : Ecce rogavi te, et audire me noluisti : rogavi Deum meum, et audivit me : modo ergo, si potes, egrédere, et me dimissa ad monasterium recède. Ipse autem exire extra tectum non valens, qui remanere sponte noluit in loco, mansit invitus. Sicque factum est, ut totam noctem pervigilem ducerent, atque per sacra spiritalis vitæ colloquia, sese vicaria relatione satiarent.

R. Dilexisti justitiam, et odisti iniquitatem : \* Propterea unxit te Deus, Deus tuus, oleo lætitiæ. V. Propter veritatem, et mansuetudinem, et justitiam. Propterea.

Lectio vj.

**C**UMQUE die altero eadem venerabilis femina ad cellam propriam recessisset, vir Dei ad monasterium rediit. Cum ecce post triduum in cella consistens, elevatis in aëra oculis, vidit ejusdem sororis suæ animam de corpore egressam in columbæ specie cæli secreta penetrare. Qui, tantæ ejus gloriæ congaudens, omnipotenti Deo in hymnis et laudibus gratias reddidit, ejusque obitum fratribus denunciavit. Quos etiam protinus misit, ut ejus corpus ad monasterium deferrent, atque in sepulcro, quod sibi ipsi paraverat, ponerent. Quo facto contigit, ut quorum mens una semper in Deo fuerat, eorum quoque corpora nec sepultura separaret.

R. Afferentur Regi. 116\*.

IN III. NOCTURNO

Homil. in Evang. Simile erit regnum cælorum. de eodem Communi 1<sup>o</sup> loco. 118\*.

Lect. ix. de Homil. Fer. et de ea fit Commem. in Laud.

Vesp. a Capit. de seq. cum Commem. præced. et Feriæ.

DIE XI

SS. SEPTEM FUNDATORUM  
ORDINIS SERVORUM B. M. V.

Duplex.

Omnia de Comm. Conf.  
non Pont. 88\*, præter seq.

IN I. VESPERIS

Capitulum. I. Petr. 4.

**C**ARÍSSIMI: Communicántes  
Christi passió nibus gau-  
dète, ut et in revelatió ne  
glóriæ ejus gaudeátis exsul-  
tántes.

Hymnus.

**B**ELLA dum late fúrerent,  
et urbes  
Cæde fratérna gémerent cru-  
éntæ,  
Adfuit Virgo, nova semper  
edens  
Múnera matris.  
En vocat Septem Fámulos,  
fidèles  
Ut sibi in luctu, récolant do-  
lóres,  
Quos tulit Jesus, tulit ipsa  
consors  
Sub cruce Nati.  
Illico parent Dóminæ vo-  
cánti :  
Spléndidis tectis opibúsque  
spretis,  
Urbe secédunt procul in Se-  
nârî  
Abdita montis.  
Córpora hic pœnis crú-  
ciant acérbis,  
Sóntium labes hóminum  
piántes :  
Hic prece avértunt lacrymis-  
que fusis  
Núminis iram.

Pérdolens Mater fovet, at-  
que amíctum  
Ipsa lugúbrem monet indu-  
éndum :

Agminis sancti pia cœpta  
surgunt,  
Mira patéscunt.

Palmes in bruma víridans  
honóres

Núntiat patrum : próprios  
Mariæ

Ore lacténti vócitant puélli  
Nómine Servos.

Sit decus Patri, genitæ-  
que Proli,

Et tibi, compar utriúsque  
Virtus

Spiritus semper, Deus unus,  
omni

Témporis ævo. Amen.

**V.** Hi viri misericórdiæ  
sunt, quorum pietátes non  
defuérunt. **R.** Semen eórum,  
et glória eórum non dere-  
linquétur.

**Ad Magnif. Ant.** Non re-  
cédet laus tua, Virgo Maria,  
de ore hóminum, qui mé-  
mores fúerint virtútis Dó-  
mini in ætérnum, pro qui-  
bus non pepercísti ánimæ  
tuæ.

**Orat. ut ad Laudes.** 445.

**Et fit Commem. præce-  
dentis.**

**Ant.** Veni sponsa Christi,  
áccipe corónam, quam tibi  
Dóminus præparávit in ætér-  
num.

**V.** Diffúsa est grátia in lá-  
biis tuis. **R.** Proptérea bene-  
dixit te Deus in ætérnum.

**Orat. ut supra.** 440.

**Deinde Commem. Feriæ.**



## AD MATUTINUM

**Hymnus.**

**S**ic patres vitam péragunt  
 in umbra,  
 Lilia ut septem nívei decó-  
 ris,  
 Virgini excélsæ bene grata,  
 Petro  
 Visa nitére.  
 Jamque divína rapiénte  
 flamma,  
 Cúrsitant urbes, loca quæ-  
 que obérrant,  
 Si queant cunctis ánimis do-  
 lóres  
 Figere Matris.  
 Hinc valent iras domuisse  
 cæcas,  
 Néscia et pacis fera corda  
 jungunt,  
 Erigunt mœstos, révocant  
 nocéntes  
 Dicta piórum.  
 At suos Virgo comitáta  
 servos  
 Evehit tandem súperas ad  
 oras :  
 Gémmeis sertis décorat per  
 ævum  
 Omne beátos.  
 Eia nunc cœtus gémitum  
 precántis  
 Audiant, duros videant la-  
 bóres :  
 Semper et nostris fáveant  
 benigno  
 Lúmine votis.  
 Sit decus Patri, genitæque  
 Proli,  
 Et tibi, compar utriúsque  
 Virtus  
 Spíritus semper, Deus unus  
 omni  
 Témporis ævo. Amen.

## IN I. NOCTURNO

**Lect.** Laudémus viros glo-  
 riósos. **de Comuni Conf.**  
**Pont. 2º loco. 79\*.**

## IN II. NOCTURNO

**Lectio iv.**

**S**ÆCULO tértio décimo, cum  
 Friderici secúndi diro  
 schismate, cruentisque fa-  
 ctiónibus cultióres Itálie  
 pópuli scinderéntur, próvi-  
 dens Dei misericórdia præ-  
 ter álios sanctitáte illústres,  
 septem e Florentína nobili-  
 táte viros suscitávit, qui in  
 caritáte conjúcti, præclá-  
 rum fratérnæ dilectiónis  
 præbérent exémplum. Hi,  
 nimirum Bonfilius Monál-  
 dius, Bonajúcta Manéttus,  
 Manéttus Antellénsis, Ami-  
 déus de Amidéis, Ugúccio  
 Ugucciónum, Sostenéus de  
 Sostenéis et Aléxius Falco-  
 nérius, cum anno trigésimo  
 tértio ejus sæculi, die sacra  
 Virgini cælo recéptæ, in  
 quodam piórum hóminum  
 convéntu, Laudántium nun-  
 cupáto, fervéntius orárent;  
 ab eádem Deípara singulis  
 apparénte sunt admóniti, ut  
 sánctius perfectiúsque vitæ  
 genus amplecteréntur. Re  
 itaque prius cum Florentíno  
 præsule colláta, hi septem  
 viri, géneris nobilitáte divi-  
 tiisque posthábitis, sub vi-  
 lissimis detritisque véstibus  
 cilicio indúti, octáva die Se-  
 ptémbris in rurálem quam-  
 dam ædiculam secessére, ut  
 ea die primórdia vitæ san-  
 ctióris auspicaréntur, qua

ipsa Dei Génitrix mortálibus orta sanctíssimam vitam incepérat.

**R.** Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

**Lectio v.**

**H**oc vitæ institútum quam sibi foret accéptum Deus miraculo osténdit. Nam cum paulo deinceps hi septem viri per Florentínam urbem ostiátim eleemósynam emendicárent, áccidit, ut repénite infántium voce, quos inter fuit sanctus Philíppus Benítius quintum ætátis mensem vix ingrèssus, beátæ Mariæ Servi acclamaréntur : quo deínde nómine semper appelláti sunt. Quare, vitándi pópuli occúrsus ac solitúdinis amóre ducti, in Senárii montis recéssu omnes convenére, ibique cæléste quoddam vitæ genus aggréssi sunt. Victitábant enim in spelúncis, sola aqua herbisque conténti : vigiliis aliisque asperitatibus corpus atterébant : Christi passiónem ac mœstissimæ ejúsdem Genitricis dolóres assidue meditántes. Quod cum olim sacra Parascéves die impénsius exsequeréntur, ipsa beáta Virgo illis iteráto apparens, lúgubrem vestem, quam indúerent, osténdit,

sibi que acceptíssimum fore significávit, ut novum in Ecclésia regulárem órđinem excitárent, qui jugem recóleret ac promovéret memóriam dolórum, quos ipsa pértulit sub cruce Dómini. Hæc sanctus Petrus, inclytus órđinis Prædicatórum martyr, ex familiári cum sanctis illis viris consuetúdine ac peculiári étiam Deiparæ visióne cum didicisset ; iis áuctor fuit, ut órđinem regulárem sub appellatióne Servórum beátæ Virginis institúerent : qui póstea ab Innocéntio quarto Pontífice Máximo approbátus fuit.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

**Lectio vj.**

**P**ORRO sancti illi viri, cum plures sibi sócios adjunxissent, Itáliæ civitátes atque óppida, præsertim Etrúriæ, excúrrere cœpérunt, prædicántes ubique Christum crucifixum, civiles discórdias compescéntes, et innúmeros fere dévios ad virtútis sémitam revocántes. Neque Itáliam modo, sed et Gálliam, Germániam ac Polóniam suis evangélicis labóribus excoluérunt. Dénique cum bonum Christi odórem longe latéque diffudissent, portentórum quoque glória illú-



stres, migrárunť ad Dóminum. Sed quos unus veræ fraternitátis ac religiónis amor in vita sociáverat, unum páriter demórtuos contéxit sepúlcrum, únaque pópuli venerátio prosecúta est. Quaprópter Clemens undécimus et Benedictus décimus tértius Pontífices Máximi delátum iisdem a plúribus sæculis indivídium cultum confirmárunť : ac Leo décimus tértius, approbátis ántea miráculis, post indúltam veneratiónem ad collectívam eorúmdem invocatiónem a Deo patrátis, eósdem anno quinquagésimo sacerdótii sui Sanctórum honóribus cumúlávit, eorúmque memóriam Officio ac Missa in univérſa Ecclésia quotánnis recoléndam instituit.

**R.** Iste homo. 94\*.

IN III. NOCTURNO

**Homil. S. Hieronými in Evang.** Ecce nos reliquimus ómnia. **de Communi Abbatum 1<sup>o</sup> loco.** 103\*.

**Lectio ix. de Homilia Feriæ.**

AD LAUDES

**Capitulum. I. Petr. 4.**

**C**ARÍSSIMI: Communicántes Christi passióibus gaudéte, ut et in revelatióne glóriæ ejus gaudeátis exultántes.

**Hymnus.**

**M**ATRI sub almæ númine  
Septéna proles náscitur:  
Ipsa vocánte, ad árduum  
Tendit Senári vérticem.

Quos terra fructus próferet

Dum sacra proles gérminat,  
Uvis repénťe túrgidis  
Onústa vitis præmonet.

Virtúte claros nóbili  
Mors sancta cælo cónsecrat:  
Tenent olýmpi límina  
Servi fidéles Virginis.

Cohors beáta, Núminis  
Regno potíta, respice  
Quos hinc recédens fráudibus

Cinctos relínquis hóstium.

Ergo, per almæ vúlnera  
Matris rogámus súpplices,  
Mentis tenébras disjice,  
Cordis procéllas cómpri-me.

Tu nos, beáta Trínitas,  
Perfúnde sancto róbre,  
Possimus ut feliciter  
Exémpla patrum súbsequi.  
Amen.

**V.** Sit memória illórum in benedictióne. **R.** Et ossa eórum póllulent de loco suo.

**Ad Bened. Ant.** Ecce quam bonum, et quam jucúndum habitáre fratres in unum.

**Oratio.**

**D**ÓMINE Jesu Christe, qui ad recoléndam memóriam dolórum sanctíssimæ Genitrícis tuæ, per septem beátos Patres nova Servórum ejus familia Ecclésiám tuam fœcundásti: concéde propítius; ita nos eórum consociári flétibus, ut perfruámur et gáudiis: Quí vivis et regnas.

**Et fit Commem. Feriæ.**

IN II. VESPERIS

**Omnia ut in I., præter**

**Ad Magnif. Ant.** Nomen eórum pórmanet in ætérnum, pórmanens ad filios eórum, sanctórum virórum glória.

**Et fit Commem. Fer.**

DIE XIV

SANCTI VALENTINI

**PRESBYTERI ET MARTYRIS**

**Ant.** Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

**V.** Glória et honóre coronásti eum Dómine. **R.** Et constituísti eum super ópera mánuum tuárum.

**Oratio.**

**P**RÆSTA, quæsumus omnipotens Deus : ut, qui beáti Valentíni Mátyris tui natalítia cólimus, a cunctis malis imminéntibus, ejus intercessióne liberémur. Per Dóminum.

**In Laud. Ant.** Qui odit ánimam suam in hoc mundo, in vitam ætérnam custódit eam.

**V.** Justus ut palma florébit. **R.** Sicut cedrus Líbani multiplicábitur.

DIE XV

SS. FAUSTINI ET JOVITÆ

**MARTYRUM**

**Ant.** Istórum est enim regnum cælórum, qui contempserunt vitam mundi, et pervenérunt ad præmia regni,

et lavérunt stolas suas in ságuine Agni.

**V.** Lætámini in Dómino, et exsultáte justi. **R.** Et gloriámini omnes recti corde.

**Oratio.**

**D**EUS, qui nos ánnua sanctórum Mátyrum tuórum Faustini et Jovitæ sollemnitate lætificas : concéde propítius; ut, quorum gaudémus méritis, accendámur exémpulis. Per Dóminum.

**In Laud. Ant.** Vestri capilli cápitis omnes numerátii sunt : nolite timére : multis passéribus melióres estis vos.

**V.** Exsultábunt sancti in glória. **R.** Lætábúntur in cubilibus suis.

DIE XVIII

SANCTI SIMEONIS

**EPISC. ET MART.**

**Ant.** Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

**V.** Glória et honóre coronásti eum Dómine. **R.** Et constituísti eum super ópera mánuum tuárum.

**Oratio.**

**I**NFIRMITÁTEM nostram respice omnipotens Deus : et quia pondus propriæ actiónis gravat, beáti Simeónis Mátyris tui atque Pontíficis intercessio gloriósa nos próteget. Per Dóminum.

**In Laud. Ant.** Qui odit ánimam suam in hoc mun-



do, in vitam ætérnam custodit eam.

Ų. Justus ut palma florébit. R. Sicut cedrus Líbani multiplicábitur.

DIE XXII

IN CATHEDRA

S. PETRI ANTIOCHIÆ

Duplex majus.

Omnia ut in Cathedra Romana. 418, præter seq.

IN II. NOCTURNO

Sermo sancti Augustini  
Episcopi.

Sermo 15. de Sanctis.

Lectio iv.

**I**NSTITÚTIO solemnitétis hodiérnæ a senióribus nostris Cáthedræ nomen accépit, ideo quod primus Apostolórum Petrus hódie episcopátus cáthedram suscepisse referátur. Recte ergo Ecclesiæ natálem sedis illius colunt, quam Apóstolus pro ecclesiárum salute suscepit, dicente Dómino : Tu es Petrus, et super hanc petram ædificábo Ecclesiám meam.

R. Tu es pastor óvium, princeps Apostolórum : tibi tradidit Deus ómnia regna mundi : \* Et ideo tibi traditæ sunt claves regni cælórum.

V. Quodcúmque ligáveris super terram, erit ligátum et in cælis; et quodcúmque sólveris super terram, erit solútum et in cælis. Et ideo.

Lectio v.

**P**ETRUM itaque fundaméntum Ecclesiæ Dóminus nominávit : et ideo digne

fundaméntum hoc Ecclesiá colit, supra quod ecclesiástici ædificií altitúdo consúrgit. Unde conveniénter Psalmus, qui lectus est, dicit : Exáltent eum in ecclesiá plebis, et in cáthedra seniórum láudent eum. Benedictus Deus, qui beátum Petrum Apóstolum in Ecclesiá exaltári præcépit : quia dignum est ut fundaméntum hoc in Ecclesiá honorétur, per quod ad cælum conscénditur.

R. Ego pro te rogávi Petre, ut non deficiat fides tua : \* Et tu aliquándo conversus confírma fratres tuos. V. Caro et sanguis non revelávit tibi, sed Pater meus, qui est in cælis. Et tu.

Lectio vj.

**Q**UOD natális ergo Cáthedræ hódie colitur, sacerdotále honorátur officium. Sibi hoc Ecclesiæ invicem præstant, quia tanto necesse plus habet Ecclesiá dignitátis, quanto sacerdotále officium plus honóris. Cum solemnitétem hanc Ecclesiis mérito religiósa observátio introdúxerit, miror, cur apud quosdam infidéles hódie tam perniciosus error incréverit, ut super túmulos defunctorum cibos et vina cónferant, quasi egræssæ de corpóribus animæ carnáles cibos requirant.

R. Petre amas me? Tu scis Dómine, quia amo te. \* Pasce oves meas. V. Simon

Joánnis diligis me plus his? Tu scis Dómine, quia amo te. Pasce oves. Glória Patri. Pasce oves.

## IN III. NOCTURNO

Léctio sancti Evangélii secúndum Matthæum.

Lectio vij. Cap. 16. b

**I**N illo témpore : Venit Jesus in partes Cæsaráe Philippi, et interrogábat discipulos suos, dicens : Quem dicunt hómines esse Filium hóminis? Et réliqua.

Homilía sancti Leónis Papæ.

Serm. 3. in annivers. assumpt. suæ, post init.

**A**PÓSTOLOS Dóminus, quid de se hómines opinéntur, intérogat : et támdiu sermo respondéntium comúnis est, quámdiu humanæ intelligéntiæ ambigúitas explicátur. At ubi quid hábeat sensus discipulórum exigitur, primus est in Dómini confessióne, qui primus est in Apostólica dignitaté. Qui cum dixisset : Tu es Christus Filius Dei vivi : respóndit ei Jesus : Beátus es Simon Bar-Jona, quia caro et sanguis non revelávit tibi, sed Pater meus, qui in cælis est. Id est, ideo beátus es, quia Pater meus te dócuit : nec terréna opinio te feféllit, sed inspirátio cæléstis instrúxit : et non caro et sanguis, sed ille me tibi, cujus sum unigénitus Filius, indicávit.

¶ Quem dicunt hómines esse Filium hóminis? dixit

Jesus discipulis suis. Respóndens Petrus dixit : Tu es Christus Filius Dei vivi.

\* Et ego dico tibi, quia tu es Petrus, et super hanc petram ædificábo Ecclésiám meam. V. Beátus es Simon Bar-Jona, quia caro et sanguis non revelávit tibi, sed Pater meus qui est in cælis. Et ego.

Lectio viij.

**E**T ego, inquit, dico tibi : hoc est, sicut Pater meus tibi manifestávit divinitátem meam, ita et ego tibi notam fácio excelléntiam tuam, quia tu es Petrus : id est, cum ego sim inviolábilis petra, ego lapis anguláris, qui fácio útraque unum, ego fundamentum præter quod nemo potest áliud pónere : tamen tu quoque petra es, quia mea virtúte solidáris, ut quæ mihi potestáte sunt própria, sint tibi mecum participatióne commúnia. Et super hanc petram ædificábo Ecclésiám meam, et portæ inferi non prævalébunt advérsus eam. Super hanc, inquit, fortitúdinem ætérnum éstruam templum : et Ecclésiæ meæ cælo inserénda sublimitas, in hujus fidei firmitáte consúrget.

¶ Elégit te Dóminus sacerdotem sibi, ad sacrificándum ei \* Hóstiam láudis. V. Immola Deo sacrificium láudis, et redde Altíssimo vota tua. Hóstiam. Glória Patri. Hóstiam.



Lect. ix. de Homil. Fer. occur.

In Laud. Commem. S. Pauli et Feriæ.

In II. Vesp. Commem. S. Pauli, seq. et Feriæ.

DIE XXIII

S. PETRI DAMIANI

EPISC. CONF. ET ECCL. DOCT.

Duplex.

Omnia de Comm. Conf. Pont. 67\*, præter seq.

In utrisque Vesp. ad Magnif. Ant. O Doctor optime, Ecclesiæ sanctæ lumen, beâte Petre, divinæ legis amátor, deprecáre pro nobis Filium Dei.

✠. Amávit eum Dóminus, et ornávit eum. **R.** Stulam glóriæ induit eum.

Oratio.

**C**ONCÉDE nos, quæsumus omnipotens Deus, beáti Petri Confessóris tui atque Pontificis mónita et exéempla sectári; ut per terréstrium rerum contéptum æténa gáudia consequámur. Per Dóminum.

Deinde fit Commem. Fer.

IN I. NOCTURNO

Lect. Fidélis sermo. de eodem Comm. 1º loco. 69\*.

IN II. NOCTURNO

Lectio iv.

**P**ETRUS, Ravennæ honéstis paréntibus natus, adhuc lactens a matre numerosæ prolis pertæsa, abjicitur; sed domésticæ mulieris ópera semivivus excéptus ac recreátus, genitríci ad huma-

nitátis sensum revocatæ rédditur. Utróque orbátus parénte, tamquam vile mancipium sub áspera fratris tutelá duram servitútem exércuit. Religiónis in Deum, ac pietátis erga patrem egrégium tunc spécimen dedit; invéntum síquidem forte nummum, non própriæ inédiæ sublevándæ, sed sacerdoti, qui divinum sacrificium ad illíus expiatiónem offérret, erogávit. A Damiáno fratre, a quo, uti fertur, cognoméntum accépit, benigne recéptus, ejus cura litteris eruditur, in quibus brevi tantum profécit, ut magistris admiratióni esset. Cum autem liberálibus sciéntiis floréret et nómine, eas cum láude dócuit. Interim ut corpus ratióni súbderet, sub móllibus véstibus cilicium adhíbuit; jejúniis, vigiliis, et oratió nibus solérter insístens. Calénte juvénta dum carnis stimulis ácritur urgerétur, insultántium libidinum faces rigéntibus flúvii mersusaquis noctu extinguébat; tum venerabilia quæque loca obíre, totúmque Psaltérium recitáre consuéverat. Ope assídua páuperes levábat, quibus frequénter pastis convivio, própriis ipse mánibus ministrábat.

**R.** Invéni David servum meum, óleo sancto meo unxi eum: \* Manus enim mea auxiliábitur ei. **V.** Nihil proficiet inimícus in eo, et filius

iniquitátis non nocébit ei. Manus.

Lectio v.

**P**ERFICIÉNDÆ magis vitæ cáusa, in Avellanénsi Eugubínæ diocécis cœnóbio, órđini monachórum sanctæ crucis Fontis Avellánæ a beáto Ludúlpho, sancti Romuáldi discípulo, fundáto, nomen dedit. Non ita multo post in monastérium Pomposiánum, mox in cœnóbium sancti Vincéntii Petræ Pertúsæ ab abbáte suo missus, utrúmque ascetérium verbo sacro, præcláris institutió nibus, et móribus excóluit. Ad suos revocatús, post præsidis óbitum, Avellanitarum familiæ præficitur, quam, novis váriis in locis exstrúctis domicíliis, et sanctíssimis institútis, ita áuxit, ut alter ejus órđinis parens, ac præcípuum ornaméntum jure sit hábitus. Salutárem Petri sollicitúdinem ália quoque diversí institúti cœnóbia, canonicórum convéntus, et pópuli sunt expérti. Urbináti diocési non uno nómine prófuit : Theuzóni epíscopo in cáusa gravíssima assédit, ipsúmque in recte administrádo episcopátu consilio et ópera juvit. Divinórum contemplatióne, córporis maceratió nibus, cæterisque spectátæ sanctimóniæ exémp lis excélluit. His motus Stéphanus nonus Póntifex Máximus eum licet inví-

tum et reluctántem sanctæ Románæ Ecclésiæ Cardínalem creávit, et Ostiensem episcopum. Quas Petrus dignitátes splendidíssimis virtútibus, et consentáneis episcopáli ministério opéribus gessit.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

**D**IFFICÍLLIMO témpore Románæ Ecclésiæ, summisque Pontificibus doctrína, legatió nibus, aliisque susceptis labóribus mirífice ádfuit. Advérsus Nicolaitárum et simoniacam háereses ad mortem usque strénue decertávit. Hujúsmodi depúlsis malis, Mediolanénsem Ecclésiæ Románæ conciliávit. Benedicto, et Cadalóo falsis pontificibus fórtiter réstitit : Henricum quartum Germániæ regem ab iníquo uxóris divórtio detérruit : Ravennátes ad débíta Románo Pontifici obséquia revocatós sacris restituit. Canónicos Velitérnos ad sanctiórís vitæ leges compósuit. In provincia præsértim Urbináte vix ulla fuit episcopális ecclésia, de qua Petrus non sit bene méritus ; Eugubínam, quam aliquándo créditam hábuit, multis levávit incómmodis : álias álibi,



quando opórtuit, perinde curávit, ac suæ essent tutelæ commissæ. Cardinalátu, et episcopáli dignitáte depóstitis, nihil de pristina juvándi próximos sedulitáte remisit. Jejúnium sextæ Fériæ in honórem sanctæ crucis Jesu Christi : horárias beátæ Dei Genitrícis preces, ejúsque die Sábbato cultum propagávit. Inferéndæ quoque sibi verberatiónis morem ad patratorum scélerum expiatió-nem provéxit. Demum sanctitátè, doctrína, miráculis, et præcláre actis illústris, dum e Ravennáte legatióne rediret, Favéntiæ octávo Kaléndas Mártii migrávit ad Christum. Ejus corpus ibidem apud Cistercienses multis miráculis clarum, frequentí populórum veneratióne cólitur. Ipsum Faventini non semel in præsénti discrimine propítium expérti patrónum apud Deum delegérunt : Leo vero duodécimus Póntifex Máximus Offícium Missámque in ejus honórem tamquam Confessoris Pontificis, quæ aliquibus in diocésibus, atque in ór-dine Camaldulénsium jam celebrabántur, ex sacrórum Rítuum Congregatiónis consúlto, áddita Doctóris qualitáte, ad univérsam exténdit Ecclésiám.

**R̃.** Iste est qui. 73\*.

IN III. NOCTURNO

**Homil. in Evang.** Vos estis.  
**de Comm. Doct. 1º loco.** 85\*.

**Lect. ix. de Homil. Fer.,  
et de ea fit Comm. in Laud.**

**Nihil fit de Vigilia, nisi in  
Missæ.**

**Vesp., si non est bissexti-  
lis, de seq. cum Commem.  
præced. et Feriæ.**

DIE XXIV

VEL XXV. ANNO BISSEXTILI  
SANCTI MATHIÆ APOST.

**Duplex 2. classis.**

**Omnia de Comm. Apost.  
1\*, præter seq.**

**Oratio.**

**D**EUS, qui beátum Ma-thiam Apostolórum tuórum collégio sociásti : tribue quæsumus ; ut ejus interven-tióne, tuæ circa nos pietátis semper víscera sentiámus. Per Dóminum.

**Deinde fit Commem. S.  
Petri Damiani, quoties non  
est bissextilis.**

**Ant.** O Doctor óptime, Ec-clésiæ sanctæ lumen, beáte Petre, divinæ legis amátor, deprecáre pro nobis Filium Dei.

**V.** Justum dedúxit Dómi-nus per vias rectas. **R̃.** Et osténdit illi regnum Dei.

**Postea Feriæ.**

IN I. NOCTURNO

**De Actibus Apostolórum.**

**Lectio j. Cap. 1. c**

**I**N diébus illis exsúrgens Petrus in médio fratrum, dixit (erat áutem turba hó-minum simul, fere centum viginti) : Viri fratres, opór-tet impléri Scriptúram, quam

prædixit Spiritus sanctus per os David de Juda, qui fuit dux eorum, qui comprehenderunt Jesum : qui connumeratus erat in nobis, et sortitus est sortem ministerii hujus. Et hic quidem possedit agrum de mercède iniquitatis, et suspensus crepuit medius : et diffusa sunt omnia viscera ejus.

**R.** Ecce ego mitto vos sicut oves in medio luporum, dicit Dominus : \* Estote ergo prudentes sicut serpentes, et simplices sicut columbæ. **V.** Dum lucem habetis, credite in lucem, ut filii lucis sitis. Estote.

**Lectio ij.**

**E**T notum factum est omnibus habitantibus Jerusalem, ita ut appellaretur ager ille, lingua eorum, Haceldama, hoc est, ager sanguinis. Scriptum est enim in libro Psalmorum : Fiat commemoratio eorum deserta, et non sit qui inhabitet in ea : et episcopatum ejus accipiat alter. Opórtet ergo ex his viris, qui nobiscum sunt congregati in omni tempore, quo intravit et exivit inter nos Dominus Jesus, incipiens a baptismo Joannis, usque in diem, qua assumptus est a nobis, testem resurrectionis ejus nobiscum fieri unum ex istis.

**R.** Tollite jugum meum super vos, dicit Dominus, et discite a me, quia mitis sum et humilis corde : \* Ju-

gum enim meum suave est, et onus meum leve. **V.** Et inveniétis requiem animabus vestris. Jugum.

**Lectio iij.**

**E**T statuerunt duos, Joseph, qui vocabatur Barsabas, qui cognominatus est Justus, et Mathiam. Et orantes dixerunt : Tu Domine, qui corda nosti omnium, ostende, quem elegeris ex his duobus unum accipere locum ministerii hujus, et apostolatus, de quo prævaricatus est Judas, ut abiret in locum suum. Et dederunt sortes eis, et cecidit sors super Mathiam, et annumeratus est cum undecim Apostolis.

**R.** Dum steteritis. 7\*.

IN II. NOCTURNO

**Lect.** Fundamenta ejus. **ut in Communi Apost.** 17\*.

IN III. NOCTURNO

**Lectio sancti Evangelii secundum Matthæum.**

**Lectio vij. Cap. 11. d**

**I**N illo tempore : Respondens Jesus dixit : Confiteor tibi Pater, Domine cæli et terræ, quia abscondisti hæc a sapientibus, et prudentibus, et revelasti ea parvulis. Et reliqua.

Homilia sancti Augustini  
Episcopi.

**Serm. 10. de verbis Domini.**

**V**ENITE ad me omnes qui laborátis. Quare enim omnes laboramus, nisi quia sumus homines mortales,



frágiles, infirmi, lútea vasa portántes, quæ faciunt invicem angústias? Sed si angustiantur vasa carnis, dilatentur spátia caritátis. Quid ergo dicit, Venite ad me omnes qui laborátis, nisi ut non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibilia et invisibilia créare, non in ipso mundo mirabilia fácere, et mórtuos suscitáre : sed, Quóniam mitis sum, et húmilis corde.

℞. Isti sunt qui vivéntes in carne, plantavérunt Ecclésiám sáanguine suo : \* Cálicem Dómini bibérunt, et amíci Dei facti sunt. V. In omnem terram exívit sonus eórum, et in fines orbis terræ verba eórum. Cálicem Dómini.

### Lectio viij.

MAGNUS esse vis? a minimo incipe. Cógitas magnam fábricam constrúere celsitúdinis? de fundaménto prius cógita humilitátis. Et quantum quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in supérna consúrgit; qui áutem fodit fundaméntum, ad ima deprimitur. Ergo et fábrica ante celsitúdinem humiliátur, et fastigium post humiliatiónem erigitur.

℞. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : \* Quorum doctrína fulget Ecclésia, ut sole luna. V. Sancti per fidem vicérunt regna, operáti sunt justitiam. Quorum. Glória Patri. Quorum.

Lect. ix. de Homil. Fer., et de ea sit Commem. in Laud. et in II. Vesp.

## FESTA MARTII

DIE IV

SANCTI CASIMIRI CONF.

Semiduplex.

Omnia de Comm. Conf. non Pont. 88\*, præter seq.

Oratio.

DEUS, qui inter regáles delicias, et mundi illécebras, sanctum Casimirum virtúte constántiæ roborá-

sti : quæsumus; ut ejus intercessióne fidéles tui terréna despiciant, et ad cæléstia semper adspírent. Per Dóminum.

Et sit Commem. Feriæ.

Postea S. Lucii I. Papæ et Mart.

Ant. Iste sanctus pro lege Dei sui certávit usque ad

mortem, et a verbis impiórum non tímuit : fundátus enim erat supra firmam petram.

✠ Glória et honóre coronásti eum Dómine. ✠ Et constituísti eum super ópera mánuum tuárum.

*Oratio.*

**D**EUS, qui nos beáti Lúcii Mártiris tui atque Pontíficis ánnua solemnitáte lætíficas : concéde propitius ; ut cujus natalitia cólimus, de ejúsdem étiam protectióne gaudeámus. Per Dóminum.

IN I. NOCTURNO

*Lect.* Justus si morte. *de eodem Comm. 1º loco. 90\*.*

IN II. NOCTURNO

*Lectio iv.*

**C**ASIMÍRUS, patre Casimíro, matre Elisabéthá Austriaca, Polóniæ régibus ortus, a puerítia sub óptimis magistris, pietáte et bonis ártibus instrúctus, juveniles artus áspero domábat cilicio, et assiduís extenuábat jejúniis. Régii spreta lecti mollitie, dura cubábat humo, et clam intempésta nocte, præ fóribus templórum pronus in terra divínam exorábat cleméntiam. In Christi contemplánda passióne assiduus, Missárum solémniis ádeo erécta in Deum mente solébat adesse, ut extra se rapi viderétur.

✠ Honéstum fecit illum Dóminus, et custodívit eum ab inimicis, et a seductóribus tutávit illum : \* Et dedit

illi claritátem ætérnam. ✠ Justum dedúxit Dóminus per vias rectas, et osténdit illi regnum Dei. Et.

*Lectio v.*

**C**ATHÓLICAM promovére fidem summópere stúduit, et Ruthenórum schisma abolére : quaprópter Casimírurum patrem indúxit, ut legem ferret, ne schismátici nova templa constrúerent, nec vétera collabéntia restaurárent. Erga páuperes et calamitátibus opprédos benéficus et miséricors, patris et defensóris egenórum nomen obtínuit. Virginitátem, quam ab incunábulis servávit illæsam, sub extrémó vitæ térmíno fórtiter assérui, dum gravi pressus infirmitáte, mori pótius quam castitátis jactúram ex medicórum consílio subíre, constánter decrevit.

✠ Amávit eum Dóminus, et ornávit eum : stolam glóriæ induit eum, \* Et ad portas paradísi coronávit eum. ✠ Induit eum Dóminus lorícam fidei, et ornávit eum. Et.

*Lectio vj.*

**C**ONSUMMÁTUS in brevi, virtútibus et méritis plenus, prænuntiáto mortis die, inter sacerdotum et religiosórum choros spíritum Deo réddidit, anno ætátis vigésimo quinto. Corpus Vilnam delátum multis claret miráculis. Etenim prætérquam quod puélla defúcta vitam,



cæci visum, cláudi gressum, et várii infirmi sanitátem ad ejus sepúlcrum recuperárunť; Lithuánis exiguo número ad potentissimi hostis insperátam irruptionem trepidántibus in áère appárens, insignem tribuit victóriam. Quibus permótus Leo décimuseúmdem Sanctórum catálogo adscripsit.

℞. Iste homo. 94\*.

IN III. NOCTURNO

Homil. in Evang. Sint lumbi vestri. de eodem Comm. 1<sup>o</sup> loco. 96\*.

Lect. ix. et Commem. Fer. in Laud.

Postea de S. Lucio.

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma florébit. ℞. Sicut cedrus Libani multiplicábitur.

DIE VII

S. THOMÆ DE AQUINO

CONF. ET ECCL. DOCT.

Duplex.

Omnia de Communi Conf. non Pont. 88\*, præter seq.

In utrisque Vesp. ad Magnif. Ant. O Doctor óptime, Ecclésiæ sanctæ lumen, beáte Thoma, divínæ legis amátor, deprecáre pro nobis Fílium Dei.

Oratio.

**D**EUS, qui Ecclésiám tuam beáti Thomæ Confessóris tui mira eruditíone claríficas, et sancta operatíone fœcúndas : da nobis, quæ-

sumus, et quæ dócuit, intellectu conspícere, et quæ egit, imitatíone complére. Per Dóminum nostrum.

Et fit Commem. Fer.

Postea SS. Mart. Perpetuæ et Felicitatis.

In Vesp. et Laud. Ant.

Istárum est enim regnum cælórum, quæ contempsérunt vitam mundi, et pervénérunt ad præmia regni, et lavérunt stolas suas in sanguíne Agni.

℣. Glória et honóre coronásti eas Dómine. ℞. Et constituísti eas super ópera mánuum tuárum.

Oratio.

**D**A nobis, quæsumus Dómine Deus noster, sanctárum Mártýrum tuárum Perpetuæ et Felicitátis palmas incessábili devotíone venerári : ut, quas dignamente non póssumus celebráre, humilibus saltem frequentémus obséquiiis. Per Dóminum.

IN I. NOCTURNO

Lect. Sapiéntiam. de Communi Doct. 83\*.

IN II. NOCTURNO

Lectio iv.

**P**RÆCLÁRUM christiáni orbis decus et Ecclésiæ lumen, beatissimus vir Thomas, Landúlpho cómite Aquináte et Theodóra Neapolitána, nobilibus paréntibus natus, futúráe in Deiparam devotíonis afféctum adhuc infántulus osténdit. Nam chártulam ab eo invéntam,

in qua salutatio Angélica scripta erat, frustra adnitente nutrice, compressa manu válide retinuit, et a matre per vim abréptam, plorátu et gestu repétiit, ac mox red-ditam deglutivit. Quintum annum agens, mónachis sancti Benedicti Cassinátibus custodiendus tráditur. Inde Neápolim studiórum cáusa missus, jam adoléscens fratrum Prædicatórum órdenem suscepit. Sed matre ac fratribus id indigne feréntibus, Lutétiam Parisiórum mittitur. Quem fratres in itinere per vim raptum, in arcem castri sancti Joánnis perdú-cunt : ubi várie exagitatus, ut sanctum propósitum mutáret, mulierem étiam, quæ ad labefactándam ejus constántiam introdúcta fúerat, titióne fugávit. Mox beátus júvenis, flexis génibus ante signum crucis orans, ibique somno corréptus, per quiétem sentire visus est sibi ab Angelis constringi lumbos : quo ex témpore omni póstea libídinis sensu cáruit. Soróribus, quæ, ut eum a pio consilio removérent, in castrum vénerant, persuásit, ut, contéptis curis sæculáribus, ad exercitátionem cæléstis vitæ se conférrent.

**R.** Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritátem ætérnam.

**V.** Justum dedúxit Dóminus

per vias rectas, et osténdit illi regnum Dei. Et.

### Lectio v.

**E**MISSUS e castro per fenestram, Neápolim redúci-tur : unde Romam, póstea Parisium a fratre Joánnē Theutónico, órdenis Prædicatórum generáli Magistro, ductus, Albérto Magno doctóre, philosophiæ ac theologiæ óperam dedit. Viginti quinque annos natus, magister est appellátus, publicéque philósophos ac theólogos summa cum láude est interpretátus. Numquam se lectióni aut scriptióni dedit, nisi post oratióem. In difficultátibus locórum sacre Scriptúræ, ad oratióem jejúnium adhibébat. Quin étiam sodáli suo fratri Reginaldo dicere solébat, quidquid sciret non tam stúdio aut labóre suo peperisse, quam divinitus tráditum accepisse. Neápoli cum ad imáginem Crucifixi vehementius oráret, hanc vocem audivit : Bene scripsisti de me Thoma : quam ergo mercedem accípies ? Cui ille : Non áliam Dómine, nisi teípsum. Collatiónes Patrum assidue pervolutábat ; et nulum fuit scriptórum genus in quo non esset diligentissime versátus. Scripta ejus et multitúdine, et varietáte, et facilitáte explicándi res difíciles ádeo excéllunt, ut ubérrima atque incorrupta illius doctrína, cum revelá-



tis veritatibus mire consensuens, aptissima sit ad omnium temporum errores pervincendos.

**R.** Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum.

**V.** Induit eum Dominus lorica fidei, et ornavit eum. Et ad portas paradisi coronavit eum.

**Lectio vj**

**A** SUMMO Pontifice Urbano quarto Romam vocatus, ejus jussu ecclesiasticum lucubravimus officium in Corporis Christi solemnitate celebrandum; oblatus vero honores et Neapolitanum archiepiscopatum, etiam deferente Clemente quarto, recusavit. A prædicatione divini verbi non desistebat; quod cum faceret per octavam Paschæ in basilica sancti Petri, mulierem, quæ ejus fimbriam tetigerat, a fluxu sanguinis liberavit. Missus a beato Gregorio decimo ad concilium Lugdunense, in monasterio Fossæ Novæ in morbum incidit, ubi ægrôtus Cántica canticorum explanavit. Ibidem obiit quinquagenarius, anno salutis millésimo ducentésimo septuagésimo quarto, Nonis Mártii. Miraculis etiam mortuus cláruit; quibus probatis, a Joanne vigésimo secundo in Sanctorum numerum relátus est, anno millésimo tercentésimo vi-

gésimo tertio; translato postea ejus corpore Tolosam, ex mandato beati Urbani quinti. Cum sanctis angelicis spiritibus non minus innocentia quam ingenio comparatus, Doctóris Angélici nomen jure est adeptus, eidem auctoritate sancti Pii quinti confirmatum. Leo autem decimus tertius, libentissime excipiens postulaciones et vota omnium pene sacrorum antistitum orbis catholici, ad tot præcipue philosophicorum systematum a veritate aberrantium luem propulsandam, ad incrementa scientiarum, et communem humani generis utilitatem, eum, ex Sacrorum Rituum Congregationis consulto, per Apostólicas litteras cælestem patrónum scholarum omnium catholicarum declaravit et instituit.

**R.** Iste homo. 94\*.

IN III. NOCTURNO

**Homil. in Evang.** Vos estis sal terræ. **de Comm. Doct. 1º loco.** 85\*.

**Lect. ix. de Homil. et Commem. Fer. occur. in Laud.**

**Postea SS. Mart. ut supra.** 455.

**Vesp. a Capit. de seq. cum Commem. præced. et Fer.**

DIE VIII

S. JOANNIS DE DEO

CONFESSORIS

Duplex.

**Omnia de Comm. Conf. non Pont. 88\*, præter seq.**

## Oratio.

**D**EUS, qui beátum Joánnem, tuo amóre succénsum, inter flammas innóxiū incédere fecisti et per eum Ecclesiā tuā novā prole fœcundāsti : præsta, ipsius suffragāntibus méritis ; ut igne caritátis tuæ vitia nostra curéntur, et remédia nobis ætérna provéniant. Per Dóminum.

**Deinde fit Commem. præced.**

**Ant.** O Doctor óptime, Ecclesiæ sanctæ lumen, beáte Thoma, divinæ legis amátor, deprecáre pro nobis Filium Dei.

**V.** Justum dedúxit Dóminus per vias rectas. **R.** Et osténdit illi regnum Dei.

**Postea Fer. occur.**

IN I. NOCTURNO

**Lect.** Beátus vir. **de eodem Comm. 2º loco. 100\*.**

IN II. NOCTURNO

**Lectio iv.**

**J**OÁNNES de Deo ex cathólicis piisque paréntibus in óppido Montis Majóris, junióris regni Lusitániæ natus, quam sublímiter in sortem Dómini fúerit eléctus, insuétus splendor super ejus domo refúlgens, sonítusque æris campáni sua sponte emissus, ab ipso ejus nativitatís témpore, non obscurè prænuntiáruunt. A laxióri vivéndi ratióne, divina operante virtúte, revocatús, magnæ sanctitátis exhibére spécimen cœpit, et ob audi-

tam prædicatiónem verbi Dei sic ad melióra se excitátum sensit, ut jam ab ipso sanctióriis vitæ rudiménto consummátum áliquíd perfectúmque visus sit attigisse. Bonis ómnibus in páuperes carcéribus inclúsos erogáti, admirábilis pœniténtiæ, suíque ipsius contéptus cuncto pópulo spectáculum factus, a plerisque, ceu demens, gráviter afflictus, in cárcerem améntibus destinátum conjicitur. At Joánnes cælésti caritatē magis incénsum, gémīno atque amplo valetudinário ex piórum elemósynis in civitatē Granaténsi extrúcto, jactóque novi órdis fundaménto, Ecclesiā novā prole fœcundávit fratrum Hospitalitátis, infirmis præcláro animárum corporúmque profectu inserviéntium, et longe latéque per orbem diffusórum.

**R.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritatē ætérnam. **V.** Justum dedúxit Dóminus per vias rectas, et osténdit illi regnum Dei. Et.

**Lectio v**

**P**AUPÉRIBUS ægrótiis, quos propriis quandóque húmeris domum deferébat, nulla re ad ánimæ corporisque salutē proficua déerat. Effúsa quoque extra nosocomíum caritatē indi-



géntibus muliéribus viduis, et præcipue virginibus periclitántibus clam aliménta subministrábat, curámque indefessam adhibébat, ut carnis concupiscéntiam a próximis hujúsmodi vitio inquinátis extermináret. Cum autem máximum in régio Granaténsi valetudinário excitátum fuisset incéndium, Joánnes impávidus prosiliit in ignem, huc illuc discúrrens, quóusque tum infirmos húmeris exportátos, tum léctulos e fenéstris projectos ab igne vindicávit, ac per dimidia horam inter flammam, jam in imménsam succrescéntes, versátus, exinde divinitus incólumis, univér-sis civibus admirántibus, exívit, in schola caritátis édocens, segniórem in eum fuisse ignem, qui foris ússerat, quam qui intus accénderat.

**R.** Amávit eum Dóminus, et ornávit eum : stolam glóriæ induit eum, \* Et ad portas paradísi coronávit eum. **V.** Induit eum Dóminus lorícam fidei, et ornávit eum. Et.

### Lectio vj.

**M**ULTÍPLICI asperitátum gènere, demississima obediéntia, extrémá paupertáte, orándi stúdio, rerum divinarum contemplatióne, ac in beátam Virginem pietáte mirífice excélluit, et lacrymarum dono enituit. Dénique gravi morbo corréptus, ómnibus Ecclésiæ sacra-

méntis rite sanctéque reféctus, viribus licet destitútus, propriis indútus véstibus, e léctulo surgens, ac provolútus in génua, manu et corde Christum Dñum e cruce pendéntem perstringens, octávo Idus Mártii anno millésimo quingentésimo quinquagésimo obiit in ósculo Dñi : quem étiam mórtuus tenuit, nec dimisit, et in eádem córporis constitutióne sex circiter horas, quóusque inde dimótus fuisset, tota civitate inspectánte, mirabiliter permánsit, odórem mire fragrántem diffúndens. Quem ante et post óbitum plúrimis miráculis clarum, Alexánder octávus Póntifex Máximus in Sanctórum númerum rétulit : et Leo décimus tértius, ex sacrórum cathólici orbis antistitum voto ac Rituum Congregatiónis consúlto, cælestem ómnium hospitálium et infirmórum ubique dégéntium Patrónum declarávit, ipsiúsque nomen in agonizántium Litaniis invocári præcépit.

**R.** Iste homo. 94\*.

### IN III. NOCTURNO

Léctio sancti Evangélíi secúndum Matthæum.

### Lectio vij. Cap. 22. d

**I**N illo témpore : Accessérunt ad Jesum pharisæi : et interrogávit eum unus ex eis legis doctor, tentans eum : Magister, quod est mandátum magnum in lege? Et réliqua.

Homilia sancti Joannis  
Chrysostomi.

**Homil. 72. in Matth.**

**S**ADDUCÆIS confúsis, pharissæi rursus aggrediuntur : cumque quiescere oportéret, decertare voluerunt : et legis peritiam profitentem præmittunt, non discere, sed tentare cupientes ; ac ita interrogant : Quodnam primum mandatum in lege sit ? Nam cum primum illud sit, Diliges Dñum Deum tuum : putantes causas sibi allatarum ad mandatum hoc corrigendum, aliquid addendo, quoniam Deum se faciebat, hoc modo interrogant. Quid igitur Christus ? Ut ostendat idcirco ad hæc eos devenisse, quia nulla in eis esset caritas, sed invidiæ livore tabescerent : Diliges, inquit, Dñum Deum tuum : hoc primum et magnum mandatum est. Secundum autem simile huic : Diliges proximum tuum sicut teipsum.

**R.** Iste est qui ante Deum magnas virtutes operatus est, et de omni corde suo laudavit Dñum : \* Ipse intercedat pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse intercedat.

**Lectio viij.**

**Q**UAMOBREM simile est huic ? quoniam hoc illud inducit, et ab illo rursus

munitur. Quicumque enim male agit, odio habet lucem, et non venit ad lucem. Et rursus : Dixit insipiens in corde suo : Non est Deus. Deinde sequitur : Corrupti sunt, et abominabiles facti sunt in studiis suis. Et iterum : Radix omnium malorum avaritia est : quam quidam appetentes, erraverunt a fide. Et, Qui diligit me, mandata mea servabit : quorum caput et radix est : Diliges Dñum Deum tuum, et proximum tuum sicut teipsum.

**R.** Sint lumbi vestri præcincti. 97\*.

**Lect. ix. de Homil. et Commem. Fer. in Laud.**

**Vesp. a Capit. de seq., cum Commem. præced. et Fer.**

**DIE IX**

**SANCTÆ FRANCISCÆ**

**VIDUÆ ROMANÆ**

**Duplex.**

**Omnia de Comm. nec Virg. nec Mart. 125\*, præter seq.**

**Oratio.**

**D**EUS, qui beatam Franciscam famulam tuam, inter cætera gratiæ tuæ dona, familiari Angeli consuetudine decorasti : concede quæsumus ; ut intercessionis ejus auxilio Angelorum consortium consequi mereamur. Per Dñum nostrum Jesum Christum.

**Et fit Commem. præced.**

**Ant. Hic vir despiciens**



mundum et terréna, triúmphans, divítias cælo cóndidit ore, manu.

*V.* Justum dedúxit Dóminus per vias rectas. *R.* Et osténdit illi regnum Dei.

*Postea Fer. occur.*

IN I. NOCTURNO

*Lect.* Mulierem fortem. *de eodem Comm.* 126\*.

IN II. NOCTURNO

*Lectio iv.*

**F**RANCÍSCA nóbilis matróna Romána, ab ineúnte ætate illústria dedit virtútum exémpa : étenim pueriles ludos et illécebras mundi réspuens, solitúdine et oratione magnópere delectabátur. Undecim annos nata, virginitátem suam Deo consecráre, et monastérium ingredi propósuit : paréntum tamen voluntáti humiliter obtémperans, Lauréntio de Pontíanis, júveni æque díviti ac nóbili nupsit. In matrimónio arctióris vitæ propósitum, quantum licuit, semper retinuit : a spectáculis, convíviis, aliisque hujusmodi oblectaméntis abhórrens, lánea ac vulgári veste utens, et quidquid a domésticis curis supérerat témporis, orationi aut proximórum utilitáti tribuens : in id vero máxima sollicitúdine incúmbens, ut matrónas Románas a pompis sæculis et ornátus vanitáte revocáret. Quaprópter domum Oblatárum, sub régula sancti Benedicti, congrega-

tiónis Montis Olivéti, adhuc viro alligáta, in Urbe instituit. Viri exsílium, bonórum jactúram, ac univérsæ domus mœrórem non modo constantíssime tolerávit : sed grátias agens cum beáto Job, illud fréquenter usurpábat : Dóminus dedit, Dóminus ábstulit : sit nomen Dómini benedictum.

*R.* Propter veritátem, et mansuetúdinem, et justitiam : \* Et dedúcet te mirabiliter délixtera tua. *V.* Spécie tua et pulchritúdine tua inténde, próspere procéde, et regna. Et.

*Lectio v.*

**V**IRO defúcto, ad prædictam Oblatárum domum cónvolans, nudis pédibus, fune ad collum alligáto, humi prostráta, multis cum lácrymis eárum número adscribi suppliciter postulávit. Voti compos facta, licet esset ómnium mater, non álio tamen quam ancillæ, vilissimæque féminæ, et immunditiæ vásculi título gloriabátur. Quam vilem sui existimatióinem et verbo declarávit et exémplo : sæpe enim e suburbána vinea revértens, et lignórum fascem próprio cápiti impósitum déferens, vel eisdem onústum agens per Urbem aséllum, paupéribus subveniébat, in quos étiam largas eleemósynas erogábat : ægrotántesque in xenodochiis vísitans, non corporáli tantum cibo, sed

salutáribus mónitis recreábat. Corpus suum vigíliis, jejúniis, cilicio, férreo cingulo, crebrisque flagéllis in servitútem redígere júgiter satagébat. Cibum illi semel in die herbæ et legúmina, aqua potum præbuit. Hos tamen córporis cruciátus aliquándo confessárii mandáto, a cujus ore nutúque pendébat, módice temperávit.

**R.** Dilexisti justitiam, et odisti iniquitátem : \* Proptérea unxit te Deus, Deus tuus, óleo lætitiæ. **V.** Propter veritátem, et mansuetúdinem, et justitiam. Proptérea.

**Lectio vj.**

**D**IVINA mystéria, præsertim vero Christi Dómini passióem, tanto mentis ardóre, tantæque lacrymárum vi contemplabátur, ut præ dolóris magnitúdine pene cóncipi viderétur. Sæpe etiam cum oráret, máxime sumpto sanctissimæ Eucharistiæ sacraménto, spíritu in Deum eleváta, ac cæléstium contemplatióne rapta, immóbilis permanébat. Quaprópter humáni géneris hostis váriis eam contuméliis ac verbéribus a propósito dimovére conabátur : quem tamen illa impertérrita semper elúsit ; Angeli præsertim præsidio, cujus familiári consuetúdine gloriósum de eo triúmphum reportávit. Grátia curatiónum et prophetiæ dono eni-

tuit, quo et futúra prædixit, et córdium secréta penetrávit. Non semel aquæ, vel per rivum decurréntes, vel e cælo labéntes, intáctam prorsus, dum Deo vacáret, reliquérunt. Mó dica panis fragménta, quæ vix tribus soróribus reficiéndis fuissent satis, sic ejus præcibus Dóminus multiplicávit, ut quindecim inde exsaturátis, tantum superfúerit, ut canistrum impléverit : et aliquándo earúmdem sorórum, extra Urbem mense Januário ligna parántium, sitim recéntis uvæ racémis ex vite in árbore pendéntibus mirabiliter obténtis, abúnde expléverit. Dénique méritis et miráculis clara, migrávit ad Dóminum, anno ætátis suæ quinquagésimo sexto. Quam Páulus quintus Póntifex Máximus in Sanctórum númerum rétulit.

**R.** Fallax grátia. 128\*.

IN III. NOCTURNO

**Homil. in Evang.** Simile est. **de eodem Comm.** 128\*.

**Lect. ix. de Homil. et Commem. Fer. in Laud.**

**In II. Vesp. Commem. seq., postea Feriæ.**

DIE X

SS. QUADRAGINTA MART.

**Semiduplex.**

**Omnia de Comm. plurim. Mart. 51\*, præter seq.**

**Ant.** Istórum est enim regnum cælórum, qui contempserunt vitam mundi, et per-



venérunt ad præmia regni, et lavérunt stolas suas in ságuine Agni.

¶ *V.* Lætámini in Dómino, et exsultáte justí. *R.* Et gloriámini omnes recti corde.

*Oratio.*

**P**RÆSTA, quæsumus omnipotens Deus : ut qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per.

*Et fit Commem. Fer. occur.*

IN I. NOCTURNO

*Lect.* Fratres : Debitóres. *de eodem Comm.* 53\*.

IN II. NOCTURNO

*Lectio iv.*

**L**ICÍNIO imperatóre, et Agricoláo præside, ad Sebásten Arméniaë urbem, quadraginta militum fides in Jesum Christum, et fortitúdo in cruciátibus perferéndis enituit. Qui sáepius in horribilem cárcerem detrúsi, vinctisque constricti, cum ora ipsórum lapidibus contúsa fuissent, hiemis témpore frigidíssimo, nudi sub apérto áère supra stagnum rigens pernoctáre jussi sunt, ut frigore congeláti necaréntur. Una áutem erat ómnium oratio : Quadraginta in stádium ingrèssi sumus, quadraginta item Dómine coróna donémur, ne una quidem huic número desit. Est in honóre hic número, quem tu quadraginta diérum jejúnio decorásti, per quem divína lex

ingrèssa est in orbem terrárum. Elias quadraginta diérum jejúnio Deum quærens, ejus visiónem consecútus est. Et hæc quidem illórum erat oratio.

¶ *R.* Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis : \* Terra appáruit árida, et in mari Rubro via sine impediménto. *V.* Quóniam percússit petram, et fluxérunt aquæ, et torréntes inundavérunt. Terra.

*Lectio v.*

**C**ÆTERIS áutem custódibus somno deditis, solus vigilábat jánitor, qui et illos orántes, et luce circumfúsos, et quosdam e cælo descendéntes Angelos tamquam a Rege missos, qui corónas triginta novem militibus distribúerent, intuens, ita secum loquebátur : Quadraginta hi sunt : quadragésimi coróna ubi est? Quæ dum cogitáret, unus ex illo número, cui ánimus ad frigus feréndum defécèrat, in próximum tepefáctum bálneum desiliens, sanctos illos summo dolore affécit. Verum Deus illórum preces irritas esse non est passus : nam rei événtum admirátus jánitor, mox custódibus e somno excitátis, detractisque sibi véstibus, ac se christiánum esse clara voce proféssus, Martíryribus se adjúnxit. Cum vero præsidis satéllites jáni-

torem quoque Christiánum esse cognovissent, bacillis comminúta ómnium eórum crura fregérunt.

℞. Vërbera carnificum non timuérunt sancti Dei, moriéntes pro Christi nómine :  
\* Ut herédes fierent in domo Dómini. V. Tradidérunt cõrpora sua propter Deum ad supplicia. Ut.

*Lectio vj.*

**I**N eo supplicio mórtui sunt omnes, præter Melithónem natu mínimum. Quem cum præsens mater ejus, fractis crúribus, adhuc vivéntem vidisset, sic cohortáta est : Fili paulisper sústine; ecce Christus ad jánuam stat ádjuvans te. Cum vero reliquórum cõrpora pláustris impóni cérneret, ut in rogam inferréntur, ac filium suum relinqui, quod speráret impia turba púerum, si vixisset, ad idolórum cultum revocári posse; ipso in húmeros subláto, sancta mater vehicula Mártyrum corpóribus onústa strénue proseguébatur : in cujus ampléxu Mélithon spíritum Deo reddidit, ejúsque corpus in eúdem illum cæterórum Mártyrum rogam pia mater injécit : ut qui fide et virtúte conjunctíssimi fúerant, fúneris étiam societáte copuláti, una in cælum pervenirent. Combústis illis, eórum reliquiæ projéctæ in profluéntem, cum mirabiliter in unum confluxissent locum,

salvæ et integræ repértæ, honorífico sepúlcro cõditæ sunt.

℞. Tamquam áurum. 57\*.

IN III. NOCTURNO

Homil. in Evang. Descéndens Jesus. *de eodem Comuni 2º loco.* 64\*.

Lectio ix. de Homil. et Commem. Fer. in Laud.

DIE XII

SANCTI GREGORII I.

PAPÆ CONF. ET ECCL. DOCT.

Duplex.

Omnia de Comm. Conf. Pont. 67\*, præter seq.

In utrisque Vesp. ad Magnif. Ant. O Doctor óptime, Ecclésiæ sanctæ lumen, beáte Gregóri, divinæ legis amátor, deprecáre pro nobis Filium Dei.

Oratio.

**D**EUS, qui ánimæ fámuli tui Gregórii ætérnæ beatitúdinis præmia contulisti : concéde propitius; ut qui peccatórum nostrórum pónere prémimur, ejus apud te précibus sublevémur. Per Dóminum.

Et fit Commem. Feriæ.

IN I. NOCTURNO

Lect. Sapiéntiam. *de Comuni Doct.* 83\*.

IN II. NOCTURNO

Lectio iv.

**G**REGÓRIUS Magnus, Rómanus, Gordiáni senatóris filius, adoléscens philosophiæ óperam dedit; et prætório officio functus, patre mórtuo, sex monastéria



in Sicília ædificávit, Romæ séptimum sancti Andréæ nómine in suis ædibus, prope basilicam sanctórum Joánnis et Páuli ad clivum Scáuri, ubi Hilarióne ac Maximiano magistris, mónachi vitam professus, póstea abbas fuit. Mox diáconus cardínalis creátus, Constantinópolis a Pelágio Pontifice ad Tibérium Constantinum imperatórem legátus mittitur : apud quem memorábile étiam illud effécit, quod Eutýchium patriárcham, qui scripserat contra veram ac tractábilem córporum resurrectionem, ita convícit, ut ejus librum imperátor in ignem injiceret. Quare Eutýchius páulo post cum in morbum incidisset, instánte morte, pelle manus suæ tenébat, multis præsentibus, dicens : Confiteor quia omnes in hac carne resurgemus.

**R.** Invéni David servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

#### Lectio v.

**R**OMAM rédiens, Pelágio pestilentia subláto, summo ómnium consénsu Póntifex eligitur : quem honórem ne acciperet, quámdiu pótuít, recusávit. Nam aliéno vestitu in spelúnca delituit : ubi deprehénsus indicio igneæ

colúmnæ, ad sanctum Petrum consecrátur. In pontificátu multa successóribus doctrínæ ac sanctitátis exempla reliquit. Peregrinos quotidie ad mensam adhibébat : in quibus et Angelum, et Dóminum Angelórum peregrini fácie accépit. Páuperes et urbános et extérnos, quorum númerum descriptum habébat, benigne sustentábat. Cathólicam fidem multis locis labefactátam restituit. Nam Donatístas in Africa, Ariános in Hispánia représsit : Agnoítas Alexandria ejécit. Pállium Syárgio Augustodunénsi episcopo dare nóluit, nisi neóphytos hæréticos expélleret ex Gállia. Gothos hæresim arianam relinquere coégit. Missis in Británniam doctis et sanctis viris Augustino et áliis mónachis, ínsulam ad Jesu Christi fidem convértit, vere a Beda presbýtero Angliæ vocátus Apóstolus. Joánnis patriárchæ Constantinopolitáni audáciam fregit, qui sibi universális Ecclésiæ episcopi nomen arrogábat. Maurítium imperatórem, eos qui milites fuissent, mónachos fieri prohibéntem, a senténtia deterruit.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

## Lectio vj.

**E**CCLESIAM ornávit sanctissimis institútis et légibus. Apud sanctum Petrum coácta sýnodo, multa constituit : in iis, Ut in Missa Kýrie eléison nóvies reiterétur : ut extra id tempus, quod continétur Septuagésima et Pascha, Allelúia dicerétur : ut adderétur in Cánone, Diésque nostros in tua pace dispónas. Litanías, Statiónes, et ecclesiásticum officium áuxit. Quátuor conciliis, Nicæno, Constantino-politano, Ephesínò, Chalcedonénsi, tamquam quátuor Evangéliis honórem habéri vóluit. Episcopis Siciliæ, qui ex antiqua ecclesiárum consuetúdine Romam singulis triénniis conveniébant, quinto quoque anno semel venire indúlxit. Multos libros confécit : quos cum dictáret, testátus est Petrus diáconus, se Spíritum sanctum colúm-bæ spécie in ejus cápite sæpe vidisse. Admirabilia sunt quæ dixit, fecit, scripsit, decrevit, præsertim infirma semper et ægra valetúdine. Qui dénique multis éditis miráculis, pontificátus anno décimo tertio, mense sexto, die décimo, quarto Idus Mártii, qui dies festus a Græcis étiam propter insígnem hujus Pontíficis sapiéntiam ac sanctitátem præcípua honóre celebrátur, ad cælestem beatitúdinem evocatús est. Cujus corpus sepúltum

est in basilica sancti Petri, prope Secretárium.

**R.** Iste est qui. 73\*.

IN III. NOCTURNO

Lectio sancti Evangélii secundum Matthæum.

**Lectio vij. Cap. 5. b**

**I**N illo tẽpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et reliqua.

Homilia sancti Gregórii  
Papæ.

**Ex Homil. 17. in Lucæ 10.  
antè med.**

**C**ONSIDERÁNDUM nobis est, ut qui una eadẽmque exhortatiónis voce non súfficit simul cunctos admonére, stúdeat singulos, in quantum valet, instrúere, priváti locutió nibus ædificáre. Debémus namque pensáre continuo, quod sanctis Apóstolis dicitur, et per Apóstolos nobis : Vos estis sal terræ. Si ergo sal sumus, condire mentes fidélium debémus. Vos igitur qui pastóres estis, pensáte quia Dei animália pásceitis : de quibus profecto animálibus Deo per Psalmistam dicitur : Animália tua habitábunt in ea. ¶ Et sæpe vidémus quod petra salis brutis animálibus antepónitur, ut ex eádẽm salis petra lámberẽ débeant, et meliorári. Quasi ergo inter bruta animália petra salis, debet esse sacérdos in pópulis. Curáre namque sacerdotem necesse est, quæ sín-



gulis dicat, unumquémque quáliter admóneat : ut quisquis sacerdóti júngitur, quasi ex salis tactu ætérnæ vitæ sapóre condiátur.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

### Lectio viij.

**S**AL etenim terræ non sumus, si corda audiéntium non condimus : quod profecto condiméntum ille veráciter próximo impéndit, qui prædicatiónis verbum non súbtrahit. Sed tunc vere áliis recta prædicámus, si dicta rebus et exémplicis osténdimus. \* Nullum puto, fratres caríssimi, ab áliis majus præjudícium, quam a sacerdotibus tólerat Deus : quando eos, quos ad aliórum correctiÓNem pósuit, dare de se exémplica pravitatís cernit : quando ipsi peccámus, qui compéscere peccáta debúimus : nulla animárum lucra quærimus, ad nostra quotidie stúdia vacámus, terréna concupiscimus, húmanam glóriam inténta mente captámus. Et quia eo ipso quo cæteris præláti sumus, ad agénda quælibet majórem licéntiam habémus, susceptæ benedictiÓNis ministérium vértimus ad ambitiónis arguméntum : Dei cáusam relinquimus, ad ter-

réna negótia vacámus : locum sanctitátis accípimus, et terrénis áctibus implicámur.

**R.** In médio Ecclésiæ apéruit os ejus, \* Et implévit eum Dóminus spíritu sapiéntiæ et intelléctus. **V.** Jucunditátem et exsultatiÓNem thesaurizávit super eum. Et. Glória Patri. Et.

**Lect. ix. de Homil., et Commem. Fer. in Laud.**

¶ Si celebretur hoc Fest. post Pascha, et Lectio ix. non sit legenda de Festo Simplicii, tunc supradictæ Lect. de Homil. dividuntur ita : Lect. vij. Considerándum usque ad habitábunt in ea. Lect. viij. Et sæpe usque ad osténdimus. Lect. ix. Nullum puto usque ad finem.

Occurrente Feria sexta post Dom. Pass. fit Officium Septem Dolorum B. M. V.

Si aliquod ex sequentibus Festis incidat in majorem Hebdomadam vel infra Octavam Paschæ, si transferri valeat, transferatur post Octavam ; aliter de eo fiat Commem. juxta Rubricas.

DIE XVII

SANCTI PATRITII

EPISCOPI ET CONFESSORIS

Duplex.

Omnia de Comm. Conf. Pont. 67\*, præter seq.

Oratio.

**D**EUS, qui ad prædicándam géntibus glóriam tuam beátum Patritium Confessórem atque Pontíficem mittere

dignátus es : ejus méritis et intercessióne concéde; ut, quæ nobis agénda præcipis, te miseránte adimplére possimus. Per Dóminum.

**Et fit Commem. Feriæ.**

IN I. NOCTURNO

**Lect.** Fidélis sermo. *de eodem Comm. 1º loco. 69\*.*

IN II. NOCTURNO

**Lectio iv.**

**P**ATRÍTIUS, Hibérniæ dictus Apóstolus, Calphúrnio patre, matre Conchessa sancti Martini Turonensis episcopi, ut pérhibent, consanguinea, majóri in Británnia natus, puer in barbarórum sæpius incidit captivitátem. Eo in statu, pascédis grégibus præpósitus, jam tum futúrae sanctitátis spécimen præbuit : fidei namque, divinique timóris et amóris spiritu replétus, antelucáno témpore per nives, gelu ac plúvias ad preces Deo fundédas, impiger consurgébat; sólitus cénties intérdiu, centiésque noctu Deum oráre. A servitúte tértio exémpus, et inter cléricos relátus, in divinis lectionibus longo se témpore exércuit. Gállis, Itália, insulisque Tyrrhéni maris labóre summo peragrátis, divino tandem mónitu ad Hibernórum salútem advocátur; et facta abeáto Cælestino Papa Evangelii nuntiáandi potestáte, consecratúsque episcopus, in Hibérniam perréxit.

**R.** Invéni David servum

meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

**Lectio v.**

**E**o in múnere mirum quot vir apostólicus mala, quot ærúmnas et labóres, quot pertúlerit adversários. Verum Dei afflánte benignitáte, terra illa, idolórum ántea cultrix, eum mox prædicánte Patritio fructum dedit, ut sanctórum insula deinde fúerit appelláta. Frequentíssimi ab eo pópuli sacro sunt regeneráti lavácro : episcopi, clericique plúrimi ordináti; vírgines ac viduæ ad continéntiæ leges institútæ. Armachánam sedem, Románi Pontificis auctoritáte, totíus insulæ principem metrópolim constituit, sanctorúmque reliquiis ab Urbe relátis decorávit. Supérnis visiónibus, prophetiæ dono, ingentibúsque signis et prodigiis a Deo exornátus ádeo refúlsit, ut longe latéque célebrior Patritii se fama diffúderit.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

**Lectio vj.**

**P**RÆTER quotidiánam ecclesiárum sollicitúdinem,



invictum ab oratione spiritum numquam relaxabat. Aiunt enim, integrum quotidie Psalterium, una cum Canticis et Hymnis, ducentisque orationibus, consuevisse recitare, tercēties per dies singulos flexis genibus Deum adorare, ac in quolibet hora diei canonica cēties se crucis signo munire. Noctem tria in spatia distribuens, primum in centum Psalmis percurrēdis, et bis cēties genuflectēdo; alterum in reliquis quinquaginta Psalmis, algidis aquis immersus, ac corde, oculis manibusque ad cælum erectus, absolvēdis insumebat; tertium vero super nudum lapidem stratus tenui dabat quieti. Humilitatis eximius cultor, apostolico more a manuum suarum labore non abstinuit. Assiduis tandem curis pro Ecclesia consumptus, verbo et opere clarus, in extrema senectute divinis mysteriis refectus, obdormivit in Domino, sepultusque est apud Dunum in Ultonia, a christiana salute sæculo quinto.

℟. Iste est qui. 73\*.

IN III. NOCTURNO

Homil. in Evang. Homo peregre. de eodem Comm. 1º loco. 75\*.

Lectio ix. de Homilia et Commem. Feriæ in Laud.

Vesperæ a Capit. de seq. Commemoratio præced. et Feriæ.

DIE XVIII

SANCTI CYRILLI

EPISC. HIEROSOLYMITANI

CONF. ET ECCL. DOCT.

Duplex.

Omnia de Comm. Conf. Pont. 67\*, præter seq.

In utrisque Vesp. ad Magnif. Ant. O Doctor optime, Ecclesiæ sanctæ lumen, beate Cyrille, divinæ legis amator, deprecare pro nobis Filium Dei.

Oratio.

**D**A nobis, quæsumus omnipotens Deus, beato Cyrillo Pontifice intercedente: te solum verum Deum, et quem misisti Jesum Christum ita cognoscere; ut interoves, quæ vocem ejus audiunt, perpétuo connumerari mereamur. Per eundem Dñm.

Et fit Commem. præced.

Ant. Amavit eum Dominus, et ornavit eum: stolam gloriæ induit eum, et ad portas paradisi coronavit eum.

℣. Justum deduxit Dominus per vias rectas. ℞. Et ostendit illi regnum Dei.

Deinde fit Commem. Fer.

IN I. NOCTURNO

Lect. Fidelis sermo. de eodem Comm. 1º loco. 69\*. Extra Quadrag. de Script. occur.

IN II. NOCTURNO

Lectio iv.

**C**YRILLUS Hierosolymitanus, a teneris annis divinarum scripturarum studio summopere deditus, adeo

in eárum sciéntia profécit, ut orthodóxæ fidei strénuus assértor eváserit. Monásticis institútis imbútus, perpétuæ continéntiæ, omníque severióri vivéndi ratióni se ad dictum vóluit. Postquam a sancto Máximo Hierosólymæ episcopo présbyter ordinátus fuit, munus verbi divini fidélibus prædicándi et catechúmenos edocéndi summa cum láude implévit, atque illas vere mirándas conscripsit catechéses, quibus totam ecclesiásticam doctrinam dilúcidè et copióse compléxus, singula religiónis dógmata contra fidei hostes sólidè propugnávit. Ita vero in his enucleáte et distincte dissérui, ut non solum jam exórtas háereses, sed futúras étiam quasi præsågiens evérterit, quemádmódum præstitit asseréndò Córporis et Sanguinis Christi reálem præsentiam in mirábili Eucharistiæ sacraménto. Vita áutem functo sancto Máximo, a provinciæ episcopis in illius locum sufféctus est.

**R.** Invéni David servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

#### Lectio v.

**I**N episcopátu injúrias multas et calamitátes, non secus ac beátus Athanásius,

cui coævus erat, ab Ariánorum factiόνibus fidei cáusa perpéssus fuit. Hi enim ægreferéntes Cyrillum vehementer háérésibus obsistere, ipsum calúmniis aggrediúntur, et in conciliábulo depósitum e sua sede detúrbant. Quorum furóri ut se subtráheret, Tarsum Ciliciæ aufúgit, et quoad vixit Constántius, exsilii rigórem pertulit. Post illius mortem, Juliáno Apóstata ad impérium évecto, Hierosólymam redire pótuit, ubi ardénti zelo gregi suo ab erróribus et a víitiis revocándo óperam navávit. Sed iterum, Valénte imperatóre, exsuláre coáctus est, donec, réddita Ecclesiæ pace per Theodósium Magnum, et Ariánorum crudelitáte audaciáque représsa, ab eódem imperatóre tamquam fortíssimus Christi athléta honóribus suscéptus suæ sedi restitútus fuit. Quam strénue et sancte sublimis officii sui múnia impléverit, luculénter appáret ex florénti tunc témporis Hierosolymitánæ ecclesiæ statu, quem sanctus Basilíus loca sancta veneratúrus, ibi aliquámdiu commoratús, describit.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.



## Lectio vj.

**V**ENERÁNDI hujus præsulis sanctitatem cælestibus signis a Deo fuisse illustratam, memoriæ traditum accepimus. Inter hæc recensetur præclara crucis, solis radiis fulgentioris, apparitio, quæ episcopatus ejus initia decoravit. Hujusmodi prodigii ethnici et christiani testes oculares fuerunt cum ipso Cyrillo, qui gratiis primum in Ecclesia Deo redditis, illud per epistolam Constantio imperatori narravit. Nec minus admiratione dignum, quod Judæis templum a Tito eversum restaurare ex impio imperatoris Juliáni jussu conantibus, evenit. Vehementi enim terræmotu oborto, et ingentibus flammarum globis e terra erumpentibus, omnia opera ignis consumpsit, ita ut Judæi et Juliānus deterriti, ab incēpto destiterint; prout scilicet indubitanter futurum Cyrillus prædixerat. Qui demum paulo ante obitum concilio œcumenico Constantinopolitano interfuit, in quo Macedonii hæresis, et iterum Ariana condemnata est. Ac Jerusalem inde reversus, fere septuagenarius, trigésimo quinto sui episcopatus anno sancto fine quievit. Ejus Officium ac Missam Leo decimus tertius Pontifex Maximus ab universa Ecclesia celebrari mandavit.

℞. Iste est qui. 73\*.

## IN III. NOCTURNO

Lectio sancti Evangelii secundum Matthæum.

## Lectio vij. Cap. 10. c

**I**N illo tempore : Dixit Jesus discipulis suis : Cum persequuntur vos in civitate ista, fugite in aliam. Et reliqua.

Homilia sancti Athanasii Episcopi.

In Apologia de fuga sua, ante med.

**I**N lege præceptum erat ut constituerentur civitates refugiorum, ut qui quomocumque ad necem quærerentur, servari possent. In consummatione porro sæculorum cum advenisset illud ipsum Verbum Patris, quod Mōysi antea locutum fuerat, rursus hoc præceptum dedit : Cum vos, inquit, persecuti fuerint in civitate ista, fugite in aliam. Pauloque post subjicit : Cum vidēritis illam abominationem desolationis, quæ dicta est per Daniēlem prophetam, consistentem in loco sancto (qui legit, intēlligat), tunc qui in Judæa sunt fugiant ad montes : et qui in tecto est, ne descendat tollere aliquid de domo sua : et qui in agro est, non revertatur tollere tunicam suam.

℞. Amavit eum Dominus, et ornavit eum : stolam gloriæ induit eum, \* Et ad portas paradisi coronavit eum.

ſ. Induit eum Dóminus lorícam fidei, et ornávit eum. Et.

Lectio viij.

**H**ÆC cum scirent sancti, ejúsmodi tenuérunt suæ conversatiónis institútum. Quæ enim nunc præcepit Dóminus, éadem quoque ante suum in carne advéntum locútus est in sanctis : et hoc institútum hómínes ad perfectiόνem ducit. Nam quod Deus jússerit, id omnino faciéndum est. Ideoque et ipsum Verbum propter nos homo factum, non indignum putávit, cum quærerétur, quemádmódum et nos, abscondere se; et cum persecutióne paterétur, fugere, et insídias declináre : cum áutem a se definitum tempus ipse adduxisset, in quo corporáliter pro ómnibus pati volébat, ultro se ipsum trádedit insidiántibus.

· In médio Ecclésiæ apéruit os ejus, \* Et implévit eum Dóminus spíritu sapiéntiæ et intelléctus. ſ. Jucunditátem et exsultatióne thesaurizávit super eum. Et implévit. Glória Patri. Et implévit.

Lectio ix. de Homil. et

Commem. Fer. in Quadrag. : alias

Lectio ix.

**A**T vero sancti hómínes cum hanc quoque formam a Salvátore didicissent, (ab ipso enim et ántea et semper omnes docebántur) advérsus persecutóres ut légitime certárent, fugiébant, et ab illis quæsíti se abscondébant. Cum enim præstitúti sibi a divína providéntia témporis finem ignorárent, nolébant insidiántibus se témere trádere : sed contra, cum scirent quod scriptum est, in mánibus Dei esse hómínis sortes, et Dóminum mortificáre et vivificáre, pótius in finem usque perseverábant, circumeúntes, ut ait Apóstolus, in melótis et péllibus caprínis, egéntes, angustiáti, in solitudínibus errántes, et in spelúncis et cavérnis terræ laténtes, quoad vel definitum mortis tempus veníret, vel qui tempus ipsum definierat, Deus cum eis loquerétur, et insidiántes cohibéret, aut certe persecutóribus eos tráderet, utcúmque illi placuisset.

Te Deum laudámus. 17.

Vesp. de seq. Commem. Feriæ tantum.







DIE XIX

## S. JOSEPH SPONSI B. M. V. CONF.

Duplex 1. classis.

¶ Si hoc Festum occurrerit in Dominica Passionis, transferendum erit in Fer. II. immediate sequentem; et quoties inciderit in majorem Hebdomadam, reponendum erit in Feria IV. post Dominicam in Albis, tamquam in sede propria.

IN I. VESPERIS

Antiphona 1.

**J**ACOB autem genuit Joseph, virum Mariæ, de qua natus est Jesus, qui vocatur Christus.

Pss. ut in I. Vesp. de Comuni Apost. 1\*.

2. Missus est Angelus Gabriel a Deo ad Virginem desponsatam viro, cui nomen erat Joseph, de domo David: et nomen Virginis Mariæ.

3. Cum esset desponsata mater Jesu Mariæ Joseph, antequam convenirent, inventa est in útero habens de Spiritu sancto.

4. Joseph vir ejus, cum esset justus, et nollet eam tradúcere, voluit occulte dimittere eam.

5. Angelus Dómini apparuit Joseph, dicens: Jo-

seph fili David, noli timere accipere Mariam conjugem tuam; quod enim in ea natum est, de Spiritu sancto est: pariet autem filium, et vocabis nomen ejus Jesum.

Capitul. Prov. 28. et 27.

**V**IR fidelis multum laudabitur. Et qui custos est Dómini sui, glorificabitur.

Hymnus.

**T**E Joseph celebrent ágmina cælitum,  
Te cuncti résonent christiandum chori,  
Qui clarus méritis, junctus es inclytæ

Casto fœdere Virgini.

Almo cum túmidam gérmine conjugem  
Admirans, dubio tangeris anxius,

Afflátu súperi Fláminis Angelus

Concéptum púerum docet.

Tu natum Dóminum stringis, ad éxteras

Ægýpti prófugum tu séqueris plagas;

Amíssum Sólymis quæris, et invenis,

Miscens gáudia flétibus.

Post mortem reliquos mors  
pia cónsecrat,  
Palmámque eméritos glória  
súscipit :

Tu vivens, Súperis par, frúe-  
ris Deo,  
Mira sorte beátiór.

Nobis, summa Trias, par-  
ce precántibus,  
Da Joseph méritis sídera  
scándere :

Ut tandem liceat nos tibi  
pérpetim  
Gratum prómere cánti-  
cum. Amen.

**V.** Constituit eum dómi-  
num domus suæ. **R.** Et prin-  
cipem omnis possessiónis  
suæ.

**Ad Magnif. Ant.** Exsúrgens  
Joseph a somno, fecit sicut  
præcépit ei Angelus Dómini,  
et accépit cónjugem suam.

**Oratio ut ad Laudes.** 479.

**In Quadrag. fit Commem.**  
**Feriae.**

#### AD MATUTINUM

**Invitat.** Christum Dei Fi-  
lium, qui putári dignátus est  
filius Joseph, \* Veníte, ad-  
orémus.

**Ps.** Veníte, exsultémus. 2.

#### Hymnus.

**C**ÆLITUM Joseph decus, at-  
que nostræ  
Certa spes vitæ, columén-  
que mundi,  
Quas tibi læti cánimus, be-  
nignus  
Súscipe láudes.

Te Sator rerum státuit pu-  
dicæ  
Virginis sponsum, voluítque  
Verbi

Te patrem dici, dedit et mi-  
nistrum  
Esse salútis.

Tu Redemptórem stábulo  
jacéntem,  
Quem chorus Vatum cécinit  
futúrum,

Adspicis gáudens, humilis-  
que natum  
Numen adóras.

Rex Deus regum, Domi-  
nátor orbis,

Cujus ad nutum tremit infe-  
rórurum

Turba, cui pronus famulá-  
tur æther,  
Se tibi subdit.

Laus sit excélsæ Triadi  
perénis,

Quæ tibi præbens súperos  
honóres,

Det tuis nobis méritis beátæ  
Gáudia vitæ.

Amen.

#### IN I. NOCTURNO

**Ant.** Ascéndit Joseph a  
Galilæa de civitaté Náza-  
reth in Judæam, in civitatem Da-  
vid, quæ vocátur Béthle-  
hem, ut profiterétur cum  
Maria.

**Pss. trium Noct. de Com-  
muni Conf. non Pont.** 89\*.

**Ant.** Venérunt pastóres  
festinántes : et invenérunt  
Mariam, et Joseph, et infán-  
tem pósito in præsépio.

**Ant.** Ecce Angelus Dómini  
appáruit in somnis Joseph,  
dicens : Surge, et áccipe  
puerum, et matrem ejus, et  
fuge in Ægyptum.

**V.** Constituit eum dómi-  
num domus suæ. **R.** Et prin-



cipem omnis possessionis suæ.

De libro Génesis.

Lectio j. Cap. 39.

**J**OSEPH igitur ductus est in Ægyptum, emitque eum Pútiphar eunúchus Pharaónis, princeps exercitus, vir Ægyptius, de manu Ismaelitárum, a quibus perductus erat. Fuitque Dóminus cum eo, et erat vir in cunctis prospere agens: habitavitque in domo dómini sui, qui óptime nóverat Dóminum esse cum eo, et ómnia quæ géreret, ab eo dirigi in manu illius. Invenitque Joseph grátiam coram dómino suo, et ministrabat ei, a quo præpósitus ómnibus gubernabat creditam sibi domum, et univérsa quæ ei trádicta fúerant: benedixitque Dóminus dómui Ægyptii propter Joseph.

**R.** Fuit Dóminus cum Joseph, et dedit ei grátiam in conspéctu principis cárceris: \* Qui trádidit in manu illius univérso vinctos. **V.** Quidquid fiébat, sub ipso erat: Dóminus enim erat cum illo, et ómnia ópera ejus dirigébat. Qui.

Lectio ij. Cap. 41. c

**P**LÁCUIT Pharaóni consilium Joseph, et cunctis ministris ejus: locútusque est ad eos: Num invenire poterimus talem virum, qui spiritu Dei plenus sit? Dixit ergo ad Joseph: Quia osténdit tibi Deus ómnia quæ locútus es, numquid sapien-

tiorem et consimilem tui invenire pótero? Tu eris super domum meam, et ad tui oris impérium cunctus pópulus obédiet: uno tantum regni sólio te præcédam.

**R.** Esuriénte terra Ægypti clamávit pópulus ad regem, aliménta petens. Quibus ille respóndit: \* Ite ad Joseph, et quidquid vobis dixerit, fácite. **V.** Crescébat quotidie fames in omni terra, aperuitque Joseph univérsa hórrea, et vendébat Ægyptiis. Ite.

Lectio iij.

**D**IXITQUE rursus Phárao ad Joseph: Ecce, constitui te super univérsum terram Ægypti. Tulitque ánnulum de manu sua, et dedit eum in manu ejus, vestivitque eum stola hýssina, et collo torquem áuream circumpósuit. Fecitque eum ascéndere super currum suum secúndum, clamánte præcone, ut omnes coram eo genuflécterent, et præpósitum esse scirent univérse terræ Ægypti. Dixit quoque rex ad Joseph: Ego sum Phárao: absque tuo império non movébit quisquam manum aut pedem in omni terra Ægypti.

**R.** Fecit me Dóminus quasi patrem regis, et dóminum univérse domus ejus: nolite pavére: \* Pro salúte enim vestramisit me Deus ante vos in Ægyptum. **V.** Veníte ad me, et ego dabo vobis ómnia bona Ægypti, et comedétis

medúllam terræ. Pro salute.  
Glória Patri. Pro salute.

IN II. NOCTURNO

**Ant.** Consurgens Joseph, accépit puerum et matrem ejus nocte, et secéssit in Ægyptum : et erat ibi usque ad óbitum Heródis.

**Ant.** Defuncto Heróde, Angelus Dómini appáruit in somnis Joseph in Ægypto, dicens : Surge, et accipe puerum et matrem ejus, et vade in terram Israël : defuncti sunt enim qui quærebant ánimam pueri.

**Ant.** Accépit Joseph puerum et matrem ejus, et venit in terram Israël.

**V.** Magna est glória ejus in salutári tuo. **R.** Glóriam et magnum decórem impónes super eum.

Sermo sancti Bernárdi  
Abbátis.

**Homilia 2. super Missus est,  
prope finem**

**Lectio iv.**

**Q**uis et qualis homo fúerit beátus Joseph, cónjice ex appellatióne, qua, licet dispensatória, méruit honorári ádeo, ut pater Dei et dictus et créditus sit : cónjice et ex próprio vocábulo, quod augmentum non dúbitas interpretári. Simul et meménto magni illius quondam Patriárchæ vénditi in Ægypto, et scito ipsius istum non solum vocábulum fuisse sortitum, sed et castimóniam adéptum, innocentiam assecútum et grátiam.

**R.** Ascéndit Joseph a Galilæa de civitaté Náza-reth in Judæam, in civitatem David, quæ vocátur Bétlehem : \* Eo quod esset de domo et familia David. **V.** Ut profiteretur cum María desponsata sibi uxóre. Eo quod.

**Lectio v.**

**S**ÍQUIDEM ille Joseph, fraterna ex invidia vénditus, et ductus in Ægyptum, Christi venditióne præfigurávit : iste Joseph, Herodiánam invidiam fúgiens, Christum in Ægyptum portávit. Ille dómينو suo fidem servans, dómínæ nóluit commiscéri : iste dómínam suam Dómini sui matrem, vírginem agnóscens, et ipse cóntinens, fidéliter custodivit. Illi data est intelligéntia in mystériis somniórum : isti datum est cónscium fieri atque participem cæléstium sacramentórum.

**R.** Surge, et accipe puerum et matrem ejus, et fuge in Ægyptum : \* Et esto ibi usque dum dicam tibi. **V.** Ut adimpleretur quod dictum est a Dómino per Prophétam dicentem : Ex Ægypto vocávi Filium meum. Et esto.

**Lectio vj.**

**I**LLE fruménta servávit non sibi, sed omni pópulo : iste panem vivum e cælo servándum accépit tam sibi quam toti mundo. Non est dúbium, quin bonus et fidélis homo fúerit iste Joseph, cui Mater desponsata est Sal-



vatóris. Fidélis, inquam, servus, et prudens, quem constituit Dóminus suæ matris solátium, suæ carnis nutritium, solum dénique in terris magni consilii coadjutórem fidelissimum.

**R.** Cum indúcerent púerum Jesum paréntes ejus, ut fácerent secúndum consuetúdinem legis pro eo, \* Accépit eum Símeon in ulnas suas, et benedixit Deum. **V.** Et erat pater ejus et mater mirántes super his quæ dicebántur de illo. Accépit eum. Glória Patri. Accépit eum.

#### IN III. NOCTURNO

**Ant.** Audiens Joseph quod Archeláus regnáret in Judæa pro Heróde patre suo, tímuit illo ire.

**Ant.** Admónitus in somnis, Joseph secéssit in partes Galiléæ : et véniens habitávit in civitatē quæ vocátur Náza-reth; ut adimplerétur quod dictum est per Prophétas : Quóniam Nazaréus vocábitur.

**Ant.** Erat pater Jesu et mater mirántes super his, quæ dicebántur de illo; et benedixit illis Símeon.

**V.** Justus germinábit sicut lilium. **R.** Et florébit in ætérnum ante Dóminum. Léc-tio sancti Evangé-lii se-cúndum Matthæum.

#### Lectio vij. Cap. 1. c

**C**UM esset desponsáta Mater Jesu María Joseph, ántequam convenirent, invénta

est in útero habens de Spíritu sancto. Et réliqua.

Homilia sancti Hierónymi Presbýteri.

#### Lib. 1. Comm. in cap. 1. Matth.

**Q**UARE non de simplici virgine, sed de desponsáta concípitur? Primum, ut per generatióem Joseph, orígo Mariæ monstrarétur : secúndo, ne lapidarétur a Judæis ut adúltera : tértio, ut in Ægýptum fúgiens habéret solátium. Martyr Ignátius étiam quartam áddidit cáusam, cur a desponsáta concéptus sit : Ut partus, in-quiens, ejus celarétur diabolo, dum eum putat non de vírgine, sed de uxóre generátum.

**R.** Dicit mater Jesu ad illum : Fili, quid fecisti nobis sic? \* Ecce pater tuus et ego doléntes quærebámus te. **V.** Et ait ad illos : Quid est quod me quærebátis? nesciebátis quia in his quæ Patris mei sunt, opórtet me esse? Ecce pater.

#### Lectio viij.

**A**NTEQUAM convenirent, invénta est in útero habens de Spíritu sancto. Non ab álío invénta est, nisi a Joseph, qui pene licéntia maritali futúre uxóris ómnia nóverat. Quod áutem dicitur, Antequam convenirent; non séquitur ut póstea convenerint : sed Scriptúra quod factum non sit, osténdit.

**R.** Descéndit Jesus cum

eis, et venit Názareth : \* Et erat súbditus illis. V. Proficiébat sapiéntia, et ætáte, et grátia apud Deum et hómines. Et. Glória Patri. Et.

In Quadrag. ix. Lectio de Homil. Fer.; alias

Lectio ix.

**J**OSEPH áutem, vir ejus, cum esset justus, et nollet eam tradúcere, vóluit occúlte dimíttre eam. Si quis fornicárie conjúngitur, unum corpus effícitur : et in lege præcéptum est, non solum reos, sed et cóncios criminum obnóxios esse peccáti : quómodo Joseph, cum crimen celáret uxóris, justus scribitur? Sed hoc testimónium Mariæ est, quod Joseph sciens illius castitátem, et admirans quod evénerat, celat siléntio, cujus mystérium nesciébat.

Te Deum laudámus. 17.

AD LAUDES

ET PER HORAS

**Ant. 1.** Ibant paréntes Jesu \* per omnes annos in Jerúsalem, in die solémni Paschæ.

**Ps.** Dóminus regnávit. 18.

**2.** Cum redírent, \* remánsit puer Jesus in Jerúsalem, et non cognovérunt paréntes ejus.

**3.** Non inveniéntes \* Jesum, regréssi sunt in Jerúsalem requiréntes eum; et post triduum invenérunt illum in templo sedéntem in médio doctórum, audiéntem et interrogántem eos.

**4.** Dixit mater ejus \* ad illum : Fili, quid fecisti nobis sic? Ecce pater tuus, et ego doléntes quærebámus te.

**5.** Descéndit Jesus \* cum eis, et venit Názareth, et erat súbditus illis.

**Capitulum.** Prov. 28. et 27.

**V**IR fidélis multum laudábitur. Et qui custos est Dómini sui, glorificábitur.

**Hymnus.**

**I**STE, quem læti cólimus fideles,

Cujus excélsos cánimus triúmphos,

Hac die Joseph méruit perénnis

Gáudia vitæ.

O nimis felix, nimis o beátus,

Cujus extrémam vígiles ad horam

Christus et Virgo simul adstitérunt

Ore seréno.

Hinc stygis victor, láqueo solútus

Carnis, ad sedes plácido sopóre

Migrat ætérnas, rutilisque cingit

Témpora sertis.

Ergo regnántem flagitémus omnes,

Adsit ut nobis, veniámque nostris

Obtinens culpis, tribuat supérnæ

Múnera pacis.

Sint tibi pláusus, tibi sint honófes,



Trine, qui regnas, Deus, et  
corónas

Aureas servo tribuis fidéli  
Omne per ævum. Amen.

Ÿ. Os justi meditábitur sapiéntiam. R. Et lingua ejus loquétur judicium.

Ad Bened. Ant. Ipse Jesus erat incipiens quasi annórum trigínta, ut putabátur filius Joseph.

Oratio.

SANCTÍSSIMÆ Genitrícis tuæ Sponsi, quæsumus Dómine, méritis adjuvémur : ut, quod possibilitas nostra non óbtinet, ejus nobis intercessióne donétur : Qui vivis et regnas.

In Quadrag. Commem. Feriæ.

AD TERTIAM

Capit. Vir fidélis multum. ut supra.

R. br. Constituit eum \* Dóminum domus suæ. Constituit. Ÿ. Et príncipem omnis possessionis suæ. Dóminum. Glória Patri. Constituit.

Ÿ. Magna est glória ejus in salutári tuo. R. Glóriam et magnum decórem impónes super eum.

Tempore Paschali.

R. br. Constituit eum dóminum domus suæ, \* Allelúia, allelúia. Constituit. Ÿ. Et príncipem omnis possessionis suæ. Allelúia, allelúia. Glória Patri. Constituit.

Ÿ. Magna est glória ejus in salutári tuo, allelúia. R. Glóriam et magnum decórem impónes super eum, allelúia.

AD SEXTAM

Capitulum. Eccli. 45.

DILÉCTUS Deo et hominibus, cujus memória in benedictióne est. In fide et lenitáte ipsius sanctum fecit illum, et elégit eum ex omni carne.

R. br. Magna est glória ejus \* In salutári tuo. Magna. Ÿ. Glóriam et magnum decórem impónes super eum. In. Glória Patri. Magna.

Ÿ. Justus germinábit sicut lílium. R. Et florébit in ætérnum ante Dóminum.

Tempore Paschali.

R. br. Magna est glória ejus in salutári tuo, Allelúia, allelúia. Magna. Ÿ. Glóriam et magnum decórem impónes super eum. Allelúia, allelúia. Glória. Magna.

Ÿ. Justus germinábit sicut lílium, allelúia. R. Et florébit in ætérnum ante Dóminum, allelúia.

AD NONAM

Capitulum. Sap. 10. b.

PRÓFUGUM justum dedúxit Sapiéntia per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illius.

R. br. Justus germinábit \* Sicut lílium. Justus. Ÿ. Et florébit in ætérnum ante Dóminum. Sicut. Glória Patri. Justus.

Ÿ. Plantátus in domo Dómini. R. In átriis domus Dei nostri.

## Tempore Paschali.

**R. br.** Justus germinábit sicut lílium, \* Allelúia, allelúia. Justus. **V.** Et florébit in ætérnum ante Dóminum. Allelúia, allelúia. Glória Patri. Justus.

**V.** Plantátus in domo Dómini, allelúia. **R.** In átriis domus Dei nostri, allelúia.

## IN II. VESPERIS

**Ant. de Laud. 478; Pss., Capit. et Hymn. ut in I. Vesp. 473.**

**V.** Glória et divitiæ in domo ejus. **R.** Et justitia ejus manet in sæculum sæculi.

**Ad Magnif. Ant.** Ecce fidélis servus et prudens, quem constituit Dóminus super familiam suam.

**In Quadrag. Commem. Feriæ.**

## DIE XXI

## S. BENEDICTI ABBAT.

## Duplex majus.

**Omnia de Comm. Conf. non Pont. 88\*, præter seq.**

## Oratio.

**I**NTERCÉSSIO nos, quæsumus Dómine, beáti Benedicti Abbátis comméndet : ut quod nostris méritis non valémus, ejus patrocínio assequámur. Per Dóminum.

**In Quadrag. Commem. Feriæ.**

## IN I. NOCTURNO

**Lect.** Laudémus viros gloriosos. **de Comuni Conf. Pont. 2º loco. 79\*.**

**R. j.** Euge serve bone et fidélis, quia in páuca fuisti

fidélis, supra multa te constituam : \* Intra in gáudium Dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

**R. ij.** Justus germinábit sicut lílium : \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et.

**R. iij.** Iste cognóvit justitiam, et vidit mirabilia magna, et exorávit Altíssimum : \* Et invéntus est in número sanctórum. **V.** Iste est qui contémpsit vitam mundi, et pervénit ad cæléstia regna. Et. Glória Patri. Et.

## IN II. NOCTURNO

## Lectio iv.

**B**ENEDÍCTUS, Núrsiæ nóbili génere ortus, Romæ liberalibus disciplinis eruditus, ut totum se Jesu Christo daret, ad eum locum, qui Sublácus dicitur, in altíssimam spelúncam penetrávit; in qua sic per triénnium delituit, ut unus id sciret Románus mónachus, quo ad vitæ necessitátem ministro utebátur. Dum igitur ei quodam die ardéntes ad libidinem faces a diábolo subiceréntur, se in vépribus tándiu volutávit, dum laceráto corpore, voluptátis sensus dolóre opprímerétur. Sed jam erumpénte ex illis látebris fama ejus sanctitátis, quidam mónachi se illi instituéndos tradidérunt : quo-



rum vivendi licentia cum ejus objurgationes ferre non posset, venenum in potione ei dare constituunt. Verum poculum ei praebentibus, crucis signo vas confrégit, ac relicto monasterio in solitudinem se recépit.

℞. Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritátem aetérnam. ✠. Justum dedúxit Dóminus per vias rectas, et osténdit illi regnum Dei. Et.

#### Lectio v.

**S**ED cum multi ad eum quotidie discipuli convenirent, duódecim monasteria aedificávit, éaque sanctissimis légibus communívit. Póstea Cassinum migrávit, ubi simulácrum Apóllinis, qui adhuc ibi colebátur, commínuit, aram evértit, et lucos succéndit : ibique sancti Martini sacéllum et sancti Joánnis aedículam extrúxit : oppidános áutem et incolás christiánis præcéptis ímbuit. Quare augebátur in dies magis divína grátia Benedictus, ut étiam prophético spíritu ventúra prædiceret. Quod ubi accépit Tótila Gothórum rex, exploratúrus an res ita esset, spathárium suum régio ornátu et comitátu præmittit, qui se regem simuláret. Quem ut ille vidit : Depóne, inquit, fili, depóne quod geris : nam tuum non est. Tótilæ vero præ-

dixit advéntum ejus in Urbem, maris transmissiónem, et post novem annos mortem.

℞. Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. ✠. Induit eum Dóminus lorícam fidei, et ornávit eum. Et ad portas.

#### Lectio vj.

**Q**UI áliquot ménsibus ántequam e vita migráret, præmónuit discipulos quo die esset moritúrus : ac sepúlcrum, in quo suum corpus condi vellet, sex diébus ántequam eo inferrétur, aperiri jussit : sextóque die deferri vóluit in ecclésiám : ubi, sumpta Eucharistia, sublátis in cælum óculis orans, inter manus discipulórum efflávit ánimam : quam duo mónachi eúntem in cælum vidérunt, pállio ornátam pretiosíssimo, circum eam fulgéntibus lampádibus, et claríssima et gravíssima spécie virum stantem supra caput ipsíus dicentem audierunt : Hæc est via, qua diléctus Dómini Benedictus in cælum ascéndit.

℞. Iste homo. 94\*.

#### IN III. NOCTURNO

Homil. in Evang. Ecce nos reliquimus. de Comm. Abbat. 1º loco. 103\*.

In Quadrag. Lectio ix. de Homilia et Commemoratio Feriæ in Laudibus et II. Vesperis.

## DIE XXV

## IN ANNUNTIATIONE B. M. V.

Duplex 1. classis.

Si hoc Festum venerit Feria VI. in Parasceve vel Sab-  
bato sancto, transferendum  
erit in Feria II. post Dom.  
in Albis tamquam in sedem  
propriam, integra cum so-  
lemnitate ac feriatione et  
sine Oct., servato tamen ritu  
Paschali. Si vero occur. in  
Dom. Passionis, transferatur  
in Fer. II. immediate sequen-  
tem : quodsi incidat in He-  
bdomadam majorem vel Pa-  
schalem, ad enuntiatam pa-  
riter Feriam II. post Dom. in  
Albis amandetur, ac nonnisi  
Festo primario ejusdem ritus  
occurrente valeat impediri,  
quo in casu in sequentem  
diem similiter non impe-  
ditam transferatur.

## IN I. VESPERIS

Ant. de Laud. 486; Pss. et  
alia hic non propria ut in  
Festis B. M. V. 158\*.

## Capitulum. Isaïæ 7. c

**E**CCE virgo concipiet  
et páriet filium, et  
vocábitur nomen  
ejus Emmánuel.  
Butýrum et mel cómedet,  
ut sciat reprobáre malum, et  
eligere bonum.

Hymn. Ave maris. 160\*.

V. Ave Maria, grátia plena.

R. Dóminus tecum.

Ad Magnif. Ant. Spiritus  
sanctus in te descéndet Ma-  
ría, et virtus Altissimi obum-  
brábit tibi.

Orat. ut infra in Laud. 486.

In Quadrag. Commem.  
Feriæ.Ad Complet. et per Horas  
in fine Hymnorum dicitur :

Jesu tibi sit glória,  
Qui natus es de Virgine.

## AD MATUTINUM

Invit. Ave María, grátia  
plena : \* Dóminus tecum.

Ps. Venite, exsultémus. 2.

## IN I. NOCTURNO

De Isaia Prophéta.

## Lectio j. Cap. 7. b

**E**T adjécit Dóminus loqui  
ad Achaz, dicens : Pete  
tibi signum a Dómino Deo  
tuo in profúndum inférni,  
sive in excélsus supra. Et  
dixit Achaz : Non petam, et  
non tentábo Dóminum. Et  
dixit : Audíte ergo domus  
David : Numquid parum vo-  
bis est, moléstos esse homi-  
nibus, quia molésti estis et  
Deo meo? Propter hoc dabit  
Dóminus ipse vobis signum.  
Ecce virgo concipiet, et pá-  
riet filium, et vocábitur no-  
men ejus Emmánuel. Butý-  
rum et mel cómedet, ut sciat  
reprobáre malum, et eligere  
bonum.

R. Missus est Gábriel An-  
gelus ad Mariam Virginem  
desponsátam Joseph, nún-  
tians ei verbum : et expavé-  
scit Virgo de lúmine. Ne tí-  
meas María : invenisti grá-  
tiam apud Dóminum : \* Ecce  
concípies et páries, et vocá-  
bitur Altissimi Filius. V. Da-  
bit ei Dóminus Deus sedem  
David patris ejus, et regná-



bit in domo Jacob in ætérnum. Ecce concípies.

*Lectio ij. Cap. 11.*

**E**T egrediétur virga de radice Jesse, et flos de radice ejus ascéndet. Et requiescet super eum spiritus Dómini : spíritus sapiéntiæ et intelléctus, spíritus consilii et fortitúdinis, spíritus sciéntiæ et pietátis, et replébit eum spíritus timóris Dómini : non secúndum visiónem oculórum judicábit, neque secúndum auditum áurium árguet : sed judicábit in justitia páuperes, et árguet in æquitáte pro mansuétis terræ : et percútiet terram virga oris sui, et spíritu labiórum suórum interficiet ímpium. Et erit justitia cingulum lumbórum ejus : et fides cinctórium reum ejus.

**R.** Ave María, grátia plena : Dóminus tecum : \* Spíritus sanctus supervéniet in te, et virtus Altíssimi obumbrábit tibi : quod enim ex te nascétur Sanctum, vocábitur Filius Dei. **V.** Quómodo fiet istud, quóniam virum non cognóscó? Et respóndens Angelus dixit ei. Spíritus.

*Lectio iij. Cap. 35.*

**L**ÆTÁBITUR desérta et in via, et exsultábit solitúdo, et florébit quasi lílium. Gérminans germinábit, et exsultábit lætabúnda et láudans : glória Libani data est ei : decor Carméli, et Saron, ipsi vidébunt glóriam

Dómini, et decórem Dei nostri. Confortáte manus dissolútas, et génua debília roboráte. Dícite pusillánimis : Confortámini, et nolite timére : ecce Deus vester ultiónem addúcet retribu-tiónis : Deus ipse véniet, et salvábit vos. Tunc aperiéntur óculi cæcórum, et áures surdórum patébunt. Tunc sáliet sicut cervus cláudus, et apérta erit lingua mutórum : quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sítians in fontes aquárum.

**R.** Súscipe verbum Virgo María, quod tibi a Dómino per Angelum transmissum est : concípies et páries Deum páriter et hóminem : \* Ut benedicta dicáris inter omnes mulieres. **V.** Páries quidem filium, et virginitátis non patiéris detriméntum : efficiéris grávida, et eris mater semper intácta. Ut benedicta. Glória Patri. Ut benedicta.

IN II. NOCTURNO

Sermo sancti Leónis Papæ.  
*Serm. II. de Nativ. Domini.*

*Lectio iv.*

**D**EUS omnipotens et clemens, cujus natúra bónitas, cujus volúntas poténtia, cujus opus misericórdia est ; statim ut nos diabólica malignitas venéno suæ mortificávit invidiæ, prædestináta renovándis mortálibus suæ pietátis remédia, inter ipsa

mundi primórdia præsignávit; denúntians serpénti, futúrum semen mulieris, quod nóxii cápitís elatióne sua virtúte contéret, Christum scilicet in carne ventúrum; Deum hominémque signans, qui natus ex Virgine, violatórem humanæ propáginis incorrupta nativité damnáret.

℞. Ecce virgo concipiet, et páriet filium, dicit Dóminus: \* Et vocábitur nomen ejus Admirábilis, Deus, Fortis. V. Super sólum David, et super regnum ejus sedébit in ætérnum. Et vocábitur.

#### Lectio v.

NAM quia gloriabátur diábolus, hóminem sua fráude decéptum divinis caruisse munéribus, et immortalitátis dote nudátum, duram mortis subiisse senténtiam, seque in malis suis quoddam de prævaricatoris consórtio invenisse solárium; Deum quoque justæ severitátis exigénte ratióne, erga hóminem, quem in tanto honóre condiderat, anti-quam mutásse senténtiam: opus fuit, dilectíssimi, secréti dispensatióne consilii, ut incommutábilis Deus (cujus volúntas non potest sua benignitáte privári) primam pietátis suæ dispositióne sacraménto occultióre compléret: et homo diabólicæ iniquitátis versútia actus in culpam, contra Dei propósitum non periret.

℞. Egrediétur virga de radice Jesse, et flos de radice ejus ascéndet: \* Et erit justitia cingulum lumbórum ejus, et fides cinctórium renum ejus. V. Et requiescet super eum spíritus Dómini, spíritus sapiéntiæ et intelléctus, spíritus consilii et fortitúdinis. Et erit justitia.

#### Lectio vj.

ADVÉNIENTIBUS ergo temporibus, dilectíssimi, quæ redemptióri hóminum fúerant præstitúta, ingreditur hæc ínfima Jesus Christus Dóminus noster, de cælésti sede descéndens, et a Patérna glória non recédens, novo órdine, nova nativité generátus: novo órdine, quia invisibilis in suis, visibilis factus est in nostris: incomprehensibilis, voluit comprehénderi: ante témpora manens, esse cœpit ex témpore: universitátis Dóminus, servílem formam obumbráta majestátis suæ dignitáte suscepit: impassibilis Deus, non dedignátus est homo esse passibilis: et immortalis, mortis légibus subjacére.

℞. Sancta et immaculáta virginitas, quibus te láudibus éfferam, nésco: \* Quia quem cæli cápere non póterant, tuo grémio contulísti. V. Benedicta tu in muliéribus et benedictus fructus ventris tui. Quia quem. Glória Patri. Quia quem.



## IN III. NOCTURNO

*Ant. 9.* Angelus Dómini.*Lectio* sancti Evangélíi secúndum Lucam.*Lectio vij. Cap. 1. c*

**I**N illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David, et nomen Virginis Maria. Et réliqua.

Homilia sancti Ambrósii  
Episcopi.

*Lib. 2. in Lucam.*

**L**ATENT quidem divína mystéria, nec fá-cile, juxta prophéticum dictum, quisquam hóminum potest scire consílium Dei. Sed tamen ex cæteris factis, atque præcéptis Dómini Salvatóris póssumus intelligere, et hoc propensióris fuisse consílii, quod ea potíssimum elécta est ut Dóminum páreret, quæ erat desponsáta viro. Cur áutem non ántequam desponsarétur, impléta est? Fortásse ne dicerétur quod concéperat ex adultério.

**R.** Congratulámini mihi omnes qui diligitis Dóminum, quia cum essem párvula, plácuí Altíssimo : \* Et de meis viscéribus génui Deum et hóminem. *V.* Beá-tam me dicent omnes gene-ratiónes, quia ancillam húmílem respéxit Deus. Et de meis.

*Bened.* Cujus festum cóli-mus, ipsa Virgo vírginum.

*Lectio viij.*

**E**T ingrèssus ad eam Angelus. Disce vírginem móribus, disce vírginem verecúndia, disce oráculo, disce mystério. Trepidáre vírginum est, et ad omnes viri ingrèssus pavére, omnes viri affátus veréri. Discant mulieres propósitum pudóris imitári. Sola in penetrálibus, quam nemo virórum viderit, solus Angelus repérerit : sola sine cómite, sola sine teste, ne quo degénere depravarétur affátu, ab Angelo salutátur.

**R.** Gáude María Virgo, cunctas hæreses sola interemisti, quæ Gabriélis Archángeli dictis credidisti : \* Dum Virgo Deum et hóminem genuisti, et post partum Virgo invioláta permansisti. *V.* Beáta es quæ credidisti : quia perfécta sunt ea, quæ dicta sunt tibi a Dómino. Dum. Glória Patri. Dum.

*In Quadrag. Lect. ix. de Homil. et Commem. Fer. in Laud.; alias*

*Lectio ix.*

**T**ANTI namque mandáti mystérium non hóminis fuit, sed Angeli ore proméndum. Hódie primum auditur : Spíritus sanctus supervéniet in te. Et auditur, et créditur. Dénique, Ecce, inquit, ancilla Dómini : contíngat mihi secúndum verbum tuum. Vide humili-tátem, vide devotió-nem. Ancillam se dicit Dómini, quæ

mater eligitur : nec repentino exaltata promisso est.

Te Deum laudamus. 17.

AD LAUDES

ET PER HORAS

**Ant. 1.** Missus est \* Gabriel Angelus ad Mariam Virginem desponsatam Joseph.

**Ps.** Dominus regnavit. 18.

**2.** Ave Maria, \* gratia plena, Dominus tecum : benedicta tu in mulieribus.

**3.** Ne timeas Maria : \* invenisti gratiam apud Dominum : ecce concipies et paries filium.

**4.** Dabit ei Dominus \* sedem David patris ejus, et regnabit in æternum.

**5.** Ecce ancilla Domini : \* fiat mihi secundum verbum tuum.

**Capitulum.** Isaia 7. c

**E**CCE virgo concipiet et pariet filium, et vocabitur nomen ejus Emmmanuel. Butyrum et mel comedet, ut sciat reprobare malum, et eligere bonum.

**Hymnus** O gloriosa. 170\*.

**Ÿ.** Ave Maria, gratia plena.

**Ŕ.** Dominus tecum.

**Ad Bened. Ant.** Quomodo fiet istud Angele Dei, quoniam virum non cognosco? Audi Maria Virgo : Spiritus sanctus superveniet in te, et virtus Altissimi obumbrabit tibi.

**Oratio.**

**D**EUS, qui de beatæ Mariæ Virginis útero Verbum tuum, Angelo nuntiante,

carnem suscipere voluisti : præsta supplicibus tuis ; ut qui vere eam Genitricem Dei credimus, ejus apud te intercessionibus adjuvemur. Per eundem Dominum.

**In Quadrag. Commem. Feriæ.**

AD PRIMAM

**In Ŕ. br. Ÿ.** Qui natus es de Maria Virgine.

AD TERTIAM

**Ant.** Ave Maria.

**Capit.** Ecce virgo.

**Ŕ. br.** Spécie tua \* Et pulchritudine tua. Spécie. **Ÿ.** Intende, prospere procede, et regna. Et. Glória Patri. Spécie.

**Ÿ.** Adjuvabit eam Deus vultu suo. **Ŕ.** Deus in medio ejus, non commovebitur.

**Tempore Paschali.**

**Ŕ. br.** Spécie tua et pulchritudine tua, \* Allelúia, allelúia. Spécie. **Ÿ.** Intende, prospere procede, et regna. Allelúia, allelúia. Glória Patri. Spécie.

**Ÿ.** Adjuvabit eam Deus vultu suo, allelúia. **Ŕ.** Deus in medio ejus, non commovebitur, allelúia.

AD SEXTAM

**Ant.** Ne timeas Maria.

**Capitulum.** Lucæ 1. d

**D**ABIT illi Dominus Deus sedem David patris ejus : et regnabit in domo Jacob in æternum, et regni ejus non erit finis.

**Ŕ. br.** Adjuvabit eam \* Deus vultu suo. Adjuvabit.



**V.** Deus in médio ejus, non commovébitur. Deus. Glória Patri. Adjuvabit.

**V.** Elégit eam Deus, et præelégit eam. **R.** In tabernáculo suo habitare facit eam.

### Tempore Paschali.

**R. br.** Adjuvabit eam Deus vultu suo, \* Allelúia, allelúia. Adjuvabit. **V.** Deus in médio ejus, non commovébitur. Allelúia, allelúia. Glória Patri. Adjuvabit.

**V.** Elégit eam Deus, et præelégit eam, allelúia. **R.** In tabernáculo suo habitare facit eam, allelúia.

### AD NONAM

**Ant.** Ecce ancilla Dómini.

**Capitulum.** Isaiaë 11.

**E**GREDIÉTUR virga de radice Jesse, et flos de radice ejus ascéndet. Et requiescet super eum Spíritus Dómini.

**R. br.** Elégit eam Deus, \* Et præelégit eam. Elégit. **V.** In tabernáculo suo habitare facit eam. Et. Glória Patri. Elégit.

**V.** Diffúsa est grátia in lábiis tuis. **R.** Propterea benedixit te Deus in ætérnum.

### Tempore Paschali.

**R. br.** Elégit eam Deus, et præelégit eam, \* Allelúia, allelúia. **V.** In tabernáculo suo habitare facit eam. Allelúia, allelúia. Glória Patri. Elégit.

**V.** Diffúsa est grátia in lábiis tuis, allelúia. **R.** Pro-

pterea benedixit te Deus in ætérnum, allelúia.

### IN II. VESPERIS

**Omnia dicuntur ut in I. Vesp.**

**Ad Magnif. Ant.** Gábriel Angelus locútus est Mariæ, dicens : Ave grátia plena, Dóminus tecum : benedicta tu in muliéribus.

**In Quadrag. Commem. Fer.**

### DIE XXVII

### S. JOANNIS DAMASCENI

CONF. ET ECCL. DOCT.

### Duplex.

**Omnia de Comm. Conf. non Pont. 88\*, præter seq. (m. t. v.)**

**In utrisque Vesp. ad Magnif. Ant.** O Doctor óptime, Ecclesiæ sanctæ lumen, beáte Joánnes, divinæ legis amátor, deprecáre pro nobis Filium Dei.

### Oratio.

**O**MNÍPOTENS sempitérne Deus, qui ad cultum sacrárum imáginum adseréndum, beátum Joánnem cælésti doctrina et admirábili spíritus fortitúdine imbuisti: concéde nobis, ejus intercessióne et exémplo; ut quorum cólimus imáginés, virtútes imitémur, et patrocínia sentiámus. Per Dóminum.

**In Quadrag. Commem. Fer.**

### IN I. NOCTURNO

**Lect. Sapiéntiam. de Comuni Doct. 83\*.**

## IN II. NOCTURNO

## Lectio iv.

**J**OÁNNES a pátrio loco Damascénus dictus, nóbili génere natus, humanis divinisque litteris a Cosma mónacho Constantinópoli fuit excúltus; cumque ea tempestáte imperátor Leo Isáuricus nefáριο bello sacrárum imáginum cultum insectarétur, Joáñnes hortátu Gregórii tértii Románi Pontificis, et sermóne et scriptis sanctitátem illius cultus sédulo propugnávit. Quo facto tantam Leónis advérsus se invidiam concitávit, ut hic confictis litteris ipsum tamquam proditórem accusárit apud Damásci calípham, qui Joáñne consiliáριο et administro utebátur. Crédulus fráudi princeps Joáñni nequidquam calúmniam ejuránti præcidi dexteram jussit. Verum innocéntiæ vindex ádfuit cliéuti suo sanctíssima Virgo, cujus opem précibus enixe imploráverat, ejúsque beneficio trunca manus restitúta ita bráchio coáluit, ac si divisa numquam fuisset. Quo máxime miraculo permótus Joáñnes, quod pridem ánimo concéperat, éxsequi stáuit. Itaque ægre a calípha impetráto secéssu, suas omnes facultátes in egénos distribuit, et servos libertáte donávit : tum sacra Palæstinæ loca peregrínus lustrávit, ac demum una cum Cosma institutóre suo

in láuram sancti Sabbæ prope Hierosólymam concéssit, ibique présbyter initiátus est.

**R.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedidit illi claritátem ætérmam.

**V.** Justum dedúxit Dóminus per vias rectas, et osténdit illi regnum Dei. Et.

## Lectio v.

**I**N religiósæ vitæ palæstra præclarióra virtútum exémpa mónachis præbuit, demissiónis potíssimum et obediéntiæ. Abjectíssima quæque cœnóbii múnia véluti sibi própria deposcébat ac sédulo obibat. Contéxtas a se spórtulas venditáre Damásci jussus, in ea nimirum civitáte ubi olim summis honóribus perfúctus fúerat, irrisiones ac ludibria vulgi ávide captábat. Obediéntiam ádeo cóluit, ut non modo ad quémlibet præsidum nutum præsto esset; sed ne cáusam quidem eórum quæ præcipiebántur, quamvis árdua essent et insólita, quærendam sibi umquam putárit. Inter has virtútum exercitatiónes, cathólicum dogma de sanctárum imáginum cultu impénse tuéri numquam déstitit. Quare ut ante Leónis Isáurici, ita póstmodum Constantíni Coprónyimi advérsus se ódia vexationésque provocávit; eo vel magis



quod libere arrogántiam imperatórum retúnderet, qui fidei negótia pertractáre, deque his senténtiam arbitrátu suo ferre audébant.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

### Lectio vj.

**M**IRUM sane est quam multum ad fidem tutándam, tum ad pietátem fovéndam, et solúta et adstricta númeris oratióne, Joánnes elucubráverit, dignus sane qui ab áltera Nicæna sýnodo amplíssimis láudibus celebrétur, et ob áureum oratiónis flumen Chrysórrhoas appellaretur. Neque solum contra Iconómachos orthodoxam fidem deféndit; sed omnes ferme hæréticos, præsertim Acéphalos, Monothelítas, Theopaschítas strénue impugnávit : Ecclesiæ jura potestátisque egrégie vindicávit : primátum Principis Apostolorum disertíssimis verbis assérui; ipsúmque ecclesiárum cólumen, infráctam petram, orbis terrárum magistrum et moderatórem sæpius nóminat. Unívrsa áutem ejus scripta non modo eruditíone et doctrína præstant, sed étiam quemdam ingénuæ pietátis sensum præferunt, præcipue cum Genitricis Dei láudes

prædicat, quam singulári cultu et amóre prosequébatur. Illud vero máxime in láudem Joánnis cedit, quod primus univérsam theologíam recto órdine comprehendéret, et sancti Thomæ viam complanáverit ad sacram doctrínam tam præclára méthodo tractándam. Tandem vir sanctíssimus méritis plenus devexáque jam ætáte, in pace Christi quíevit anno circiter septingentésimo quinquagésimo quarto. Ejus Offícium et Missam Leo décimus tertius Póntifex Máximus, áddito Doctóris título, univérsæ Ecclesiæ concéssit.

**R.** Iste homo. 94\*.

IN III. NOCTURNO  
Lectio sancti Evangelii secundum Lucam.

### Lectio vij. Cap. 6.

**I**N illo témpore : Factum est et in álío sábbato, ut intráret Jesus in synagógam, et doceret : et erat ibi homo, et manus ejus dextera erat árida. Et reliqua.

Homilia sancti Petri Chrysólogi.

### Serm. 32.

**I**N hoc hómine ómnium hóminum imágo figuráitur, in hoc géritur cura cunctórum, in hoc universórum sánitas diu exspectáta reparáitur. Arúerat enim manus hóminis magis stupóre fidei, quam siccitáte nervórum, et plus culpa consciéntiæ, quam debilitáte carnáli. Antiqua

ista nimis erat, et quæ in ipso mundi principio contigerat ægritudo: nec arte hominis aut beneficio poterat hæc curari, quæ Dei fuerat indignatione contracta: tetigerat vetita, inconcessa præsumpserat, cum se ad arborem sciendi bonum malumque porrexerat: auctore indigebat, non qui malagma imponeret; sed qui posset illatam relaxare sententiam, et ignoscendo resolvere quod religaverat indignando.

¶ Iste est qui ante Deum magnas virtutes operatus est, et de omni corde suo laudavit Dominum: \* Ipse intercedat pro peccatis omnium populorum. ¶ Ecce homo si ne querela, verus Dei cultor, abstinens se ab omni opere malo, et permanens in innocentia sua. Ipse.

#### Lectio viij.

**I**N hoc homine nostræ tantum geritur umbra sanitatis; perfecta autem salus nobis reservatur in Christo: quia tunc ariditas nostræ manus miseranda dissolvitur, cum cruore perfunditur Dominicæ passionis, cum in illo vitali ligno crucis extenditur, cum carpit fructuosam de dolore virtutem, cum totam arborem salutis amplectitur, cum clavis Domini corpus affigitur, quo numquam ad arborem concupiscentiæ et aridæ redeat voluptatis. Et ait homini habenti manum aridam: Surge

in medium, professor debilitatis propriæ, supernæ pietatis exactor, testis divinæ virtutis, Judicæ incredulitatis assertor, surge in medium, ut quos non compungit virtus tanta signorum, quos non opera tantæ salutis inclinant, vel debilitatis tantæ miseratio constringat et mitiget.

¶ In medio Ecclesiæ aperuit os ejus, \* Et implevit eum Dominus spiritu sapientiæ et intellectu. ¶ Jucunditatem et exultationem thesaurizavit super eum. Et implevit. Gloria Patri. Et implevit.

Lectio ix. de Homil., et Commem. Feriæ occur. in Laud. in Quadrag.; alias erit  
Lectio ix.

**D**IXIT homini: Extende manum tuam; et extendit, et restituta est manus illius. Extende manum tuam: jussione solvitur, quæ fuerat jussione convincta. Extende manum tuam. Agnovit pœna judicem, opus Deum, indulgentia prodidit conditorem. Orate fratres, ut sola synagoga tali debilitate fuscetur, nec sit in Ecclesia, cujus manum arefaciat cupiditas, contrahat avaritia, rapina debilitet, tenacitas ægrôtam constringat; sed si acciderit id ipsum, audiat Dominum et cito eam in opere pietatis extendat, relaxet et in misericordia, in eleemosynis porrigat. Sa-



nári nescit, qui nescit páuperi fœnerári.

Te Deum laudámus. 17.

In II. Vesp. Commem. seq. et Feriæ.

DIE XXVIII

S. JOANNIS A CAPISTRANO CONF.

Semiduplex.

Omnia de Comm. Conf. non Pont. 88\*, præter seq. (m. t. v.)

**Ant.** Similábo eum viro sapiénti, qui ædificávit domum suam supra petram.

**V.** Amávit eum Dóminus, et ornávit eum. **R.** Stolum glóriæ induit eum.

Oratio.

**D**EUS, qui per beátum Joánnem fidéles tuos in virtúte sanctíssimi nóminis Jesu de crucis inimicis triumpháre fecisti : præsta, quæsumus ; ut spirituálium hóstium ejus intercessióne superátis insidiis, coronam justitiæ a te accipere mereámur. Per eúmdem Dñm.

Et fit Commem. Fer.

IN I. NOCTURNO

**Lect.** Beátus vir. ut in eodem Comm. 2º loco. 100\*.

IN II. NOCTURNO

Lectio iv.

**J**OÁNNES Capistráni in Pelígnis ortus, et Perúsium studiórum cáusa missus, in christiánis et liberálibus disciplinis ádeo profécit, ut ob egrégiam juris sciéntiam áliquot civitatibus a Neápolis rege Ladisláo præfèctus fúerit. Dum áutem eárum

rempúblicam sanctíssime gerens perturbátis rebus tranquillitátem revocáre studet, cápitur ipse et in víncula conjicitur, quibus mirabíliter eréptus, Francisci Assisiénsis régulam inter Fratres Minóres profitétur. Ad divinárum litterárum stúdium progréssus, præceptórem nactus est sanctum Bernardinum Senénsem, cujus et virtútis exémpa, in cultu potíssimum sanctíssimi nóminis Jesu ac Deiparæ propagádo, egrégie est imitátus. Aquilánum episcopátum recusávit, et severióre disciplina atque scriptis, quæ plúrima édedit ad mores reformándos, máxime enítuit.

**R.** Honéstum fecit illum Dóminus, et custodívit eum ab inimicis, et a seductóribus tutávit illum : \* Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

**P**RÆDICATIÓNI verbi Dei sédulo incúbens, Italiám fere univérsam lustrávit, quo in múnere et virtúte sermónis, et miraculórum frequéntia innúmeras prope ánimas in viam salútis redúxit. Eum Martínus quintus ad exstinguéndam Fraticellórum sectam inquisitórem instituit. A Nicoláo quinto contra Judæos et Saracénos generális inquisitor

in Itália constitútus, plúrimos ad Christi fidem convertit. In Oriénte multa óptime constituit, et in concílio Florentino, ubi véluti sol quidam fulsit, Arménos Ecclesiæ cathólicæ restituit. Idem Póntifex, postulánte Friderico tértio imperatóre, illum apostólicæ Sedis nuntium in Germániam legávit, ut hæréticos ad cathólicam fidem et princípum ánimos ad concórdiam revocáret. In Germánia aliisque provinciis Dei glóriam sexennáliministério mirífice áuxit, Hussitis, Adamitis, Thaboritis, Hebræisque innúmeris doctrinæ veritatē ac miraculorum luce ad Ecclesiæ sinum tradúctis.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. **V.** Induit eum Dóminus lorícā fidei, et ornávit eum. Et.

### Lectio vij.

**C**UM Callistus tértius, ipso potissimum deprecánte, cruce signátos mittere decrevisset, Joánnes per Pannóniam, aliásque provincias volitávit, qua verbo, qua litteris princípum ánimos ita ad bellum accéndit, ut brevi millia Christianórum septuaginta conscripta sint. Ejus consilio et virtúte potissimum Taurunénsis victória reláta est, centum ac viginti Turcárum millibus

partim cæsis, partim fugátis. Cujus victóriæ cum Romam nuntius venisset octávo Idus Augústi, idem Callistus ejus diéi memóriæ solémnia Transfiguratiónis Christi Dómini perpétuo consecravít. Letháli morbo ægrótum et Villácum delátum viri príncipes plures visitárunť : quos ipse ad tuéndam religiónem hortátus, ánimam Deo sancte réddidit anno salutis millésimo quadringentésimo quinquagésimo sexto. Ejus glóriam post mortem Deus multis miráculis confirmávit : quibus rite probátis, Alexánder octávus anno millésimo sexcentésimo nonagésimo Joánnem in Sanctórum númerum rétulit, ejusque Offícium ac Missam Leo décimus tértius, áltero ab ejus canonizatióne sáculo, ad univérsam exténdit Ecclesiám.

**R.** Iste homo. 94\*.

### IN III. NOCTURNO

Lectio sancti Evangélii secundum Lucam.

### Lectio vij. Cap. 9.

**I**N illo témpore : Convocatís Jesus duódecim Apóstolis, dedit illis virtútem et potestátem super ómnia dæmónia, et ut languóres curárent. Et reliqua.

Homilia sancti Bonaventúre Episcopi.

### Expositio in cap. 9. Luc.

**A**PÓSTOLI ideo nomináti sunt, ut eórum commendarétur auctóritas. Apósto-



lus enim missus interpretatur; missi autem fuerant ad prædicandum, secundum illud: Non misit me Christus baptizare, sed evangelizare. Fuerunt ad prædicandum missi, non rem parvam, sed magnam, scilicet regnum Dei, per quod potest intelligi doctrina veritatis, juxta illud: Auferetur a vobis regnum Dei, et dabitur genti facienti fructus ejus. Potest etiam dici gratia Spiritus sancti, secundum illud: Non est regnum Dei esca et potus, sed justitia, et pax, et gaudium in Spiritu sancto; et infra: Ecce regnum Dei intra vos est. Potest etiam dici gloria æterna, juxta illud: Amen dico vobis, nisi quis renatus fuerit ex aqua et Spiritu sancto, non potest introire in regnum Dei.

**R.** Iste est qui ante Deum magnas virtutes operatus est, et de omni corde suo laudavit Dominum: \* Ipse intercedat pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

**Lectio viij.**

**O**MNIBUS his modis Apostoli sunt missi prædicare regnum Dei, scilicet veram doctrinam, divinam gratiam, et æternam gloriam. Et quia propter auctoritatem prædicationis concēs-

serat potestatem curationis, ideo subdit: Et sanare infirmos, scilicet misit ad confirmationem veritatis prædicare, secundum illud: Illi autem profecti, prædicaverunt ubique, Domino cooperante et sermonem confirmante, sequentibus signis. Unde signum missionis spiritualis ad prædicandum est sanatio audientium a morbis vitiis.

**R.** Sint lumbi vestri præcincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis. **V.** Vigilate ergo, quia nescitis qua hora Dominus vester venturus sit. Et. Gloria Patri. Et.

**Lect. ix. de Homil., et Commem. Feriæ occur. in Laud.**

**Extra Quadrag.**

**Lectio ix.**

**T**RIA autem sunt signa evidèntia, quibus probatur utrum prædicator a Domino sit missus ad Evangelium prædicandum. Primum est auctoritas mittentis, cujusmodi est Pontificis, et maxime Pontificis summi, qui est loco Petri, imo Jesu Christi: unde qui ab eo mittitur, a Christo mittitur. Secundum est zelus animarum in persona quæ mittitur, quando scilicet principaliter querit Dei honorem et animarum salutem. Tertium est fructificatio et con-

vérſio auditórum. Per primum ſunt núnſtí Patris, per ſecúndum Filii, per tértium Spíritus ſancti. De primo : Pro pátribus tuis nati ſunt tibi filii. De ſecúndo : Non enim noſmetípſos prædicámuſ, ſed Jeſum Chriſtum Dóminum noſtrum. De tértio : Póſui voſ ut eátis, et fructum afferátis, et fructuſ veſter máneat. Et qui ſic mittitur, poteſt dicere illud : Spíritus Dómini ſuper me, eo quod únſerit me.

Te Deum laudámuſ. 17.

FER. VI. POST DOM. PASSIONIS  
SEPTEM DOLORUM B. M. V.

**Duplex majus.**

Quando Feſtum Septem Dolorum B. M. V. hac Feria celebrari nequit ob occurſum alicujus Feſti altioris rituſ, aut æqualis ſed primarii, vel potioris dignitatuſ, transferendum eſt in Sabbat. immediate ſequens, ſimili modo non impeditum. Quod ſi neque in dicto Sabbato celebrari potuerit, eo anno omittatur.

Si omittendæ ſunt I. Veſperæ, Hymn. Stabat Mater. jungitur cum Sancta Mater. ad Matut.

IN I. VESPERIS

Ant. et Capit. de Laud. 504 ; Pſalmi ut in Cœna Dómini ad Veſp. 255.

**Hymnuſ.**

**S**TABAT Mater doloróſa  
Juxta crucem lacrymóſa,  
Dum pendébat Filiuſ.

Cujus ánimam geméntem,  
Contristátam, et doléntem,  
Pertransiuit gládiuſ.

O quam tristiſ et afflicta  
Fuit illa benedicta  
Mater Unigéniti!

Quæ mœrébat, et dolébat,  
Pia Mater dum vidébat  
Nati pœnaſ inclyti.

Quis eſt homo qui non  
fleret,  
Matrem Chriſti ſi vidéret  
In tanto ſupplicio?

Quis non poſſet contriſtári,  
Chriſti Matrem contemplári  
Doléntem cum Filio?

Pro peccátis ſuæ gentiſ  
Vidit Jeſum in torméntiſ,  
Et flagélliſ ſúbdituſ.

Vidit ſuum dulcem natuſ,  
Moriéndo deſolátuſ,  
Dum emiſit ſpírituſ.

Eia, Mater, fons amóriſ,  
Me ſentire vim dolóriſ  
Fac, ut tecum lúgeam.

Fac ut árdeat cor meum  
In amándo Chriſtum Deum,  
Ut ſibi compláceam. Amen.

Ÿ. Ora pro nobiſ Virgo  
doloroſiſſima. R. Ut digni  
efficiámur promiſſiónibuſ  
Chriſti.

**Ad Magnif. Ant.** Tuam  
ipſiuſ ánimam (ait ad Ma-  
riam Simeon) pertransibit  
gládiuſ.

**Orat. ut ad Laud. 505.**

**Et fit Commem. Feriæ.**

**Ant.** Deſidério deſiderávi  
hoc Paſcha manducáre vo-  
biſcum, ántequam pátiar.

Ÿ. Eripe me Dómine ab



hómīne malo. *R.* A viro ini-  
quo éripe me.

*Oratio.*

**E**STO, quæsumus Dómi-  
ne, propítius plebi tuæ :  
ut, quæ tibi non placent,  
respuéntes, tuórum pótius  
repleántur delectatióibus  
mandatórum. Per Dñm.

*Ad Complet. et Horas in  
fine Hymn. dicitur*

Jesu tibi sit glória,  
Qui natus es de Virgine.

*AD MATUTINUM*

*Invit.* Dolóres gloriósæ re-  
coléntes Virginis, Dóminum  
pro nobis passum, \* Veníte,  
adorémus.

*Ps.* Veníte, exsultémus. 2.

*Hymnus.*

**S**ANCTA Mater, istud agas,  
Crucifixi fige plagas  
Cordi meo válide.

Tui nati vulneráti,  
Tam dignáti pro me pati,  
Pœnas mecum divide.

Fac me tecum pie flere,  
Crucifixo condolère,  
Donec ego víxero.

Juxta crucem tecum stare,  
Et me tibi sociáre  
In planctu desidéro. Amen.

*IN I. NOCTURNO*

*Ant.* Adstitérunt reges ter-  
ræ, et príncipes convenérunt  
in unum advérsus Dómi-  
num, et advérsus Christum  
ejus.

*Psalmus 2.*

**Q**UARE fremuérunt gentes,\*  
et pópuli meditáti sunt  
inánia?

Adstitérunt reges terræ,  
et príncipes convenérunt in

unum \* advérsus Dóminum,  
et advérsus Christum ejus.

Dirumpámus víncula eó-  
rum : \* et projiciámus a no-  
bis jugum ipsórum.

Qui hábitat in cælis, ir-  
ridébit eos : \* et Dóminus  
subsannábit eos.

Tunc loquétur ad eos in  
ira sua, \* et in furóre suo  
conturbábit eos.

Ego áutem constitútus sum  
rex ab eo super Sion mon-  
tem sanctum ejus, \* prædi-  
cans præcéptum ejus.

Dóminus dixit ad me : \*  
Fílius meus es tu, ego hódie  
génui te.

Póstula a me, et dabo tibi  
gentes hereditátem tuam, \*  
et possessióem tuam térmi-  
nos terræ.

Reges eos in virga férrea,\*  
et tamquam vas figuli con-  
frínges eos.

Et nunc reges intelligite : \*  
erudímini qui judicátis ter-  
ram.

Servíte Dómino in timó-  
re : \* et exsultáte ei cum tre-  
móre.

Apprehéndite disciplinam,  
nequándo irascátur Dómi-  
nus, \* et pereátis de via ju-  
sta.

Cum exárserit in brevi ira  
ejus, \* beáti omnes qui con-  
fidunt in eo.

*Ant.* Adstitérunt reges ter-  
ræ, et príncipes convené-  
runt in unum advérsus Dó-  
minum, et advérsus Chri-  
stum ejus.

*Ant.* Voce mea ad Dómi-

num clamávi, et exaudivit me de monte sancto suo.

**Psalmus 3.**

**D**ÓMINE quid multiplicáti sunt qui tribulant me? \* multi insúrgunt advérsus me.

Multi dicunt ánimæ meæ: \* Non est salus ipsi in Deo ejus.

Tu áutem Dómine suscep-  
tor meus es, \* glória mea,  
et exáltans caput meum.

Voce mea ad Dóminum clamávi: \* et exaudivit me de monte sancto suo.

Ego dormívi, et soporátus sum: \* et exsurréxi, quia Dóminus suscepit me.

Non timébo míllia pópuli circumdántis me: \* exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa: \* dentes peccatórum contrivisti.

Dómini est salus: \* et super pópulum tuum benedictio tua.

**Ant.** Voce mea ad Dóminum clamávi, et exaudivit me de monte sancto suo.

**Ant.** Factum est cor meum tamquam cera liquéscens in médio ventris mei.

**Psalmus 12.**

**U**SQUEQUO Dómine oblivi-  
scéris me in finem? \* Us-  
quequo avértis fáciem tuam  
a me?

Quámdui ponam consília in ánima mea, \* dolórem in corde meo per diem?

Usquequo exaltábitur iní-  
micus meus super me? \* ré-  
spice, et exáudi me Dómine  
Deus meus.

Illúmina óculos meos ne  
umquam obdórmiam in mor-  
te: \* nequándo dicat iními-  
cus meus: Præválui advér-  
sus eum.

Qui tribulant me, exsultá-  
bunt si motus fúero: \* ego  
áutem in misericórdia tua  
sperávi.

Exsultábit cor meum in  
salutári tuo: cantábo Dómi-  
no qui bona tribuit mihi: \*  
et psallam nómini Dómini  
altíssimi.

**Ant.** Factum est cor meum  
tamquam cera liquéscens in  
médio ventris mei.

**V.** Pósuit me desolátam.

**R.** Tota die mœróre conféc-  
tam.

De Isaia Prophéta.

**Lectio j. Cap. 53.**

**Q**UIS crédidit auditui no-  
stro? et bráchium Dómini  
cui revelátum est? Et ascén-  
det sicut virgúltum coram  
eo, et sicut radix de terra  
sitiénti: non est spécies ei,  
neque decor: et vidimus  
eum, et non erat adspéctus,  
et desiderávimus eum: de-  
spéctum, et novíssimum vi-  
rórum, virum dolórum, et  
sciéntem infirmitátem: et  
quasi abscónditus vultus ejus  
et despéctus, unde nec re-  
putávimus eum. Vere lan-  
guóres nostros ipse tulit, et  
dolóres nostros ipse portá-  
vit: et nos putávimus eum



quasi leprósum, et percúsum a Deo et humiliátum. Ipse áutem vulnerátus est propter iniquitátes nostras, attritus est propter scélera nostra : disciplina pacis nostræ super eum, et livóre ejus sanáti sumus.

**R.** Diléctus meus cándidus, et rubicúndus, et totus desiderábilis : \* Omnis enim figúra ejus amórem spirat, et ad redamándum próvocat caput inclinátum, manus expánsæ, pectus apértum. **V.** Piis, o Virgo, spectas eum óculis, contéplans in eo non tam vúlnerum livórem, quam mundi salútem. Omnis enim.

### Lectio ij.

**O**MNES nos quasi oves errávimus, unusquisque in viam suam declinávit : et pópulus Dóminus in eo iniquitátem ómnium nostrum. Oblátus est quia ipse vóluit, et non apéruit os suum : sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia, et de iudicio sublátus est : generatióem ejus quis enarrábit? quia abscíssus est de terra vivéntium : propter scelus pópuli mei percússi eum. Et dabit ímpios pro sepultúra, et divitem pro morte sua : eo quod iniquitátem non fécerit, neque dolus fúerit in ore ejus.

**R.** Manus ejus tornátiles, clavórum cúspide terebrá-

tæ, \* Humánæ salútis pretio quasi hyacínthis refértæ. **V.** Córnuum in mánibus ejus : ibi abscondita est fortitúdo ejus : sunt enim manus ejus. Humánæ salútis.

### Lectio iij.

**E**T Dóminus vóluit contérrere eum in infirmitate : si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimam ejus, vidébit et saturábitur : in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos : et fórtium dividet spólia, pro eo quod trádidit in mortem ánimam suam, et cum scelerátis reputátus est : et ipse peccáta multórum tulit, et pro transgressóribus rogávit.

**R.** Diligébat Jesus Joánnem, quóniam speciális prærogativa castitátis amplióri dilectiône fécerat dignum : \* Quia virgo eléctus ab ipso, virgo in ævum permánsit. **V.** In cruce dénique moritúrus huic matrem Vírginem vírgini commendávit. Quia virgo. Glória Patri. Quia virgo.

### IN II. NOCTURNO

**Ant.** Inimíci mei dixerunt mala mihi : Quando moriétur, et peribit nomen ejus?

### Psalmus 40.

**B**EÁTUS qui intélligit super egénium, et páuperem : \*

in die mala liberábit eum  
Dóminus.

Dóminus conservet eum,  
et vivíficet eum, et beátum  
fáciat eum in terra : \* et non  
tradat eum in ánimam ini-  
micórum ejus.

Dóminus opem ferat illi  
super lectum dolóris ejus : \*  
univérsum stratum ejus ver-  
sásti in infirmitáte ejus.

Ego dixi : Dómine mise-  
rere mei : \* sana ánimam  
meam, quia peccávi tibi.

Inimíci mei dixerunt mala  
mihi : \* Quando moriétur, et  
peribit nomen ejus?

Et si ingrediebátur ut vi-  
deret, vana loquebátur, \*  
cor ejus congregávit iniqui-  
tátem sibi.

Egrediebátur foras, \* et  
loquebátur in idípsum.

Advérsus me susurrábant  
omnes inimíci mei : \* ad-  
vérsus me cogitábant mala  
mihi.

Verbum iníquum consti-  
tuérunt advérsus me : \*  
Numquid qui dormit non  
adjiciet ut resúrgat?

Etenim homo pacis meæ,  
in quo sperávi : \* qui edé-  
bat panes meos, magnificá-  
vit super me supplantatió-  
nem.

Tu áutem Dómine mise-  
rere mei, et resúscita me : \*  
et retribuam eis.

In hoc cognóvi quóniam  
voluisti me : \* quóniam non  
gaudébit inimícus meus su-  
per me.

Me áutem propter inno-

céntiam suscepísti : \* et con-  
firmásti me in conspéctu tuo  
in ætérnum.

Benedíctus Dóminus Deus  
Israël a sáeculo et usque in  
sáeculum : \* fiat, fiat.

**Ant.** Inimíci mei dixerunt  
mala mihi : Quando moriétur,  
et peribit nomen ejus?

**Ant.** Deus, vitam meam  
annuntiávi tibi : posuísti lá-  
crymas meas in conspéctu  
tuo.

### Psalmus 55.

**M**ISERERE mei Deus, quó-  
niam conculcávit me  
homo : \* tota die impúgnans  
tribulávit me.

Conculcavérunt me ini-  
míci mei tota die : \* quóniam  
multi bellántes advérsus  
me.

Ab altitúdine diéi timébo : \*  
ego vero in te sperábo.

In Deo laudábo sermónes  
meos, in Deo sperávi : \* non  
timébo quid fáciat mihi caro.

Tota die verba mea exse-  
crabántur : \* advérsus me  
omnes cogitatiónes eórum  
in malum.

Inhabitábunt et abscón-  
dent : \* ipsi calcáneum meum  
observábunt.

Sicut sustinuérunt ánimam  
meam, pro nihilo salvos fá-  
cies illos : \* in ira pópulos  
confringes.

Deus, vitam meam annun-  
tiávi tibi : \* posuísti lácry-  
mas meas in conspéctu tuo,

Sicut et in promissióne  
tua : \* tunc converténtur ini-  
míci mei retrórsum :



In quacúmque die invocávero te : \* ecce cognóvi quóniam Deus meus es.

In Deo laudábo verbum, in Dómino laudábo sermónem : \* in Deo sperávi, non timébo quid fáciat mihi homo.

In me sunt Deus vota tua, \* quæ reddam, laudatiónes tibi.

Quóniam eripuisti ánimam meam de morte, et pedes meos de lapsu : \* ut pláceam coram Deo in lúmine vivéntium.

**Ant.** Deus, vitam meam annuntiávi tibi : posuisti lácrymas meas in conspéctu tuo.

**Ant.** Filii hóminum, dentes eórum arma et sagittæ : et lingua eórum gládius acútus.

**Psalmus 56.**

**M**ISERERE mei Deus, miserere mei : \* quóniam in te confidit ánima mea.

Et in umbra alárum tuárum sperábo, \* donec trans-eat iniquitas.

Clamábo ad Deum altíssimum : \* Deum qui benefécit mihi.

Misit de cælo, et liberávit me : \* dedit in oppróbrium conculcántes me.

Misit Deus misericórdiam suam, et veritátem suam, \* et eripuit ánimam meam de médio catulórum leónum : dormívi conturbátus.

Filii hóminum, dentes eórum arma et sagittæ : \* et lingua eórum gládius acútus.

Exaltáre super cælos Deus : \* et in omnem terram glória tua.

Láqueum paravérunt pédibus meis : \* et incurvavérunt ánimam meam.

Fodérunt ante fáciem meam fóveam : \* et incidérunt in eam.

Parátum cor meum Deus, parátum cor meum : \* cantábo, et psalmum dicam.

Exsúrge glória mea, exsúrge psaltérium et cithara : \* exsúrgam dilúculo.

Confitébor tibi in pópulis Dómine : \* et psalmum dicam tibi in géntibus :

Quóniam magnificáta est usque ad cælos misericórdia tua, \* et usque ad nubes véritas tua.

Exaltáre super cælos Deus : \* et super omnem terram glória tua.

**Ant.** Filii hóminum, dentes eórum arma et sagittæ : et lingua eórum gládius acútus.

**V.** Fácies mea intúmuit a fletu. **R.** Et pálpebræ meæ caligavérunt.

Sermo sancti Bernárdi Abbátis.

**Ex Sermone de 12 stellis.**

**Lectio iv.**

**M**ARTYRIUM Vírginis tam in Simeónis prophetia, quam in ipsa Dominicæ passionis história commendatur. Pósitus est hic (ait sanctus senex de púero Jesu) in signum cui contradicétur; et tuam ipsius ánimam (ad

Mariam autem dicebat) pertransibit gladius. Vere tuam, o beata Mater, animam pertransiuit. Alioquin non nisi eam pertransiens, carnem Filii tui penetraret. Et quidem posteaquam emisit spiritum tuus ille Jesus, ipsius plane non attigit animam crudelis lancea, quae ipsius aperuit latus, sed tuam utique animam pertransiuit. Ipsius nimirum anima jam ibi non erat, sed tua plane inde nequibat avelli.

**R.** Tenebrae factae sunt, cum crucifixissent Jesum Judaei, et circa horam nonam exclamavit Jesus voce magna: Deus meus, ut quid dereliquisti me? \* Et inclinato capite emisit spiritum. **V.** Quis tibi nunc sensus, dum cernis talia Virgo? Et inclinato.

#### Lectio v.

**T**UAM ergo pertransiuit animam vis doloris, ut plusquam Martyrem non immerito praedicemus, in qua nimirum corporeae sensum passionis excesserit compassionis affectus. An non tibi plusquam gladius fuit sermo ille, revera pertransiens animam, et pertingens usque ad divisionem animae et spiritus: Mulier, ecce filius tuus? O commutationem! Joannes tibi pro Jesu traditur, servus pro Domino, discipulus pro Magistro, filius Zebedaei pro Filio Dei, homo purus pro Deo vero. Quo-

modo non tuam affectuosissimam animam pertransiret haec auditio, quando et nostra, licet saepe, licet ferrea pectora, sola recordatio scindit?

**R.** Passio Domini, \* Ipsam ejus matrem, carnali orbitate graviter percussam, vehementissime contristavit. **V.** Ferrum lanceae militaris, latus quidem Salvatoris, animam vero transiuit Virginis matris. Ipsam ejus.

#### Lectio vj.

**N**ON miremini, fratres, quod Maria Martyr in anima fuisse dicatur. Miretur qui non meminerit se audivisse Paulum inter maxima gentium crimina memorantem, quod sine affectione fuissent. Longe id fuit a Mariae visceribus, longe sit a servulis ejus. Sed forte quis dicat: Numquid non eum praescierat moriturum? Et indubitanter. Numquid non sperabat continuo resurrecturum? Et fideliter. Super haec doluit crucifixum? Et vehementer. Alioquin quisnam tu frater, aut unde tibi haec sapientia, ut mireris plus Mariam compatientem, quam Mariae filium patientem? Ille etiam mori corpore potuit; ista commori corde non potuit? Fecit illud caritas, qua majorem nemo habuit: fecit et hoc caritas, cui post illam similis altera non fuit.

**R.** Quis mihi det te fratrem



meum sugéntem úbera matris meæ, et inhæréndo láteri tuo, ut sanguis tuus sanguínem meum tangat, et tergat : \* Ut fons aquæ tuæ de scaturigine recti cordis, per venas boni óperis, in finem æternæ felicitátis exsiliat. *v.* Filii tui de longe vénient, et filiæ tuæ de látere surgent. Ut. Glória. Ut.

## IN III. NOCTURNO

*Ant.* Intendérunt arcum rem amáram, ut sagittent in occúltis immaculátum.

## Psalmus 63.

**E**XÁUDI Deus oratiómem meam cum déprecor : \* a timóre inimici éripe ánimam meam.

Protexisti me a convéntu malignántium : \* a multitudíne operántium iniquitátem.

Quia exacuérunt ut gládium linguas suas : \* intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut abscónderent láqueos : \* dixerunt : Quis vidébit eos?

Scrutáti sunt iniquitátes : \* defecérunt scrutántes scrutinio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmátæ sunt contra eos linguæ eórum.

Conturbáti sunt omnes qui

vidébant eos : \* et tímuit omnis homo.

Et annuntiavérunt ópera Dei, \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

*Ant.* Intendérunt arcum rem amáram, ut sagittent in occúltis immaculátum.

*Ant.* Factus sum sicut homo sine adjutório, inter mórtuos liber.

## Psalmus 87.

**D**ÓMINE Deus salutis meæ : \* in die clamávi, et nocte coram te.

Intret in conspéctu tuo oratio mea : \* inclína áurem tuam ad precem meam :

Quia repléta est malis ánima mea : \* et vita mea inférno appropinquávit.

Æstimátus sum cum descendéntibus in lacum : \* factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : \* et ipsi de manu tua repúlsi sunt.

Posuérunt me in lacu inferióri : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuérunt me abominatiómem sibi.

Tráditus sum, et non egre-

diébar : \* óculi mei languérunt præ inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabilia : \* aut médici suscitábunt, et confitebúnturtibi?

Numquid narrábit áliquis in sepúlcro misericórdiam tuam, \* et veritátem tuam in perditíone?

Numquid cognoscéntur in ténebris mirabilia tua : \* et justitia tua in terra obliuionis?

Et ego ad te Dómine clamávi : \* et mane orátio mea præueniet te.

Ut quid Dómine repéllis orationem meam : \* avértis faciém tuam a me?

Páuper sum ego, et in labóribus a juventúte mea : \* exaltátus áutem, humiliátus sum et conturbátus.

In me transiérunt irætuae : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum et próximum : \* et notos meos a miséria.

**Ant.** Factus sum sicut homo sine adjutório, inter mórtuos liber.

**Ant.** Replévit me amaritúdine, inebriávit me absynthio.

**Psalmus 108.**

**D**EUS láudem meam ne tacúeris : \* quia os pecca-

tóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me : \* et expugnavérunt me gratis.

Pro eo ut me diligerent, detrahébant mihi : \* ego áutem orábam.

Et posuérunt advérsus me mala pro bonis : \* et ódium pro dilectíone mea.

Constitue super eum peccatórem : \* et diábolus stet a dextris ejus.

Cum judicátur, éxeat condemnátus : \* et orátio ejus fiat in peccátum.

Fiant dies ejus páuci : \* et episcopátum ejus accípiat alter.

Fiant filii ejus órphani : \* et uxor ejus vídua.

Nutántes transferántur filii ejus, et mendicent : \* et ejiciántur de habitatió nibus suis.

Scrutétur fœnerátor ómnem substántiam ejus : \* et dirípiant aliéni labóres ejus.

Non sit illi adjútor : \* nec sit qui misereátur pupillis ejus.

Fiant nati ejus in intérium : \* in generatióne una deleátur nomen ejus.

In memóriam rédeat iniquitas patrum ejus in conspéctu Dómini : \* et peccátum matris ejus non deleátur.

Fiant contra Dóminum



semper, et dispéreat de terra memoria eórum : \* pro eo quod non est recordátus fácere misericórdiam.

Et persecútus est hóminem inopem, et mendícum, \* et compúctum corde mortificáre.

Et diléxit maledictiónem, et véniet ei : \* et nóluit benedictiónem, et elongábitur ab eo.

Et induit maledictiónem sicut vestiméntum, \* et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur : \* et sicut zona, quæ semper præcingitur.

Hoc opus eórum, qui détrahunt mihi apud Dóminum : \* et qui loquúntur mala advérsus ánimam meam.

Et tu Dómine, Dómine fac mecum propter nomen tuum : \* quia suávis est misericórdia tua.

Libera me quia egénus, et páuper ego sum : \* et cor meum conturbátum est intra me.

Sicut umbra cum declínat, ablátus sum : \* et excússus sum sicut locústæ.

Génua meá infirmáta sunt a jejúnio : \* et caro mea immutáta est propter óleum.

Et ego factus sum opprobrium illis : \* vidérunt me, et movérunt cápita sua.

Adjuva me Dómine Deus

meus : \* saluum me fac secúndum misericórdiam tuam.

Et sciant quia manus tua hæc : \* et tu Dómine fecisti eam.

Maledícant illi, et tu benedices : \* qui insúrgunt in me, confundántur : servus autem tuus lætábitur.

Induántur qui détrahunt mihi, pudóre : \* et operiántur sicut diplóide confusióne sua.

Confitébor Dómino nimis in ore meo : \* et in médio multórum laudábo eum.

Quia ádstitit a dextris páuperis, \* ut salvam fáceret a persequéntibus ánimam meam.

**Ant.** Replévit me amaritúdine, inebriávit me absýnthio.

**V.** Deus vitam meam annuntiávi tibi. **R.** Posuisti lácrymas meas in conspéctu tuo.

Lectio sancti Evangélíi secúndum Joánnem.

**Lectio vij. Cap. 19. e**

**I**N illo témpore : Stabant iuxta crucem Jesu mater ejus, et soror matris ejus María Cléophæ, et Maria Magdaléne. Et réliqua.

Homilia sancti Augustini  
Episcopi.

**Tract. 119. in Joannem.**

**H**ÆC nimirum est illa hora, de qua Jesus, aquam conversúrus in vinum, dixerat matri : Quid mihi et tibi est múlter? Nondum

venit hora mea. Hanc itaque horam prædixerat, quæ tunc nondum venerat, in qua deberet agnoscere mortuus, de qua fuerat mortaliter natus. Tunc ergo divina facturus, non divinitatis, sed infirmitatis matrem velut incognitam repellēbat. Nunc autem humana jam pātiens, ex qua fuerat factus homo, affectu commendābat humano: moralis igitur insinuatur locus. Facit quod faciendum admonet, et exemplo suo suos ministros instruxit præceptor bonus, ut a filiis piis impendatur cura parētibz: tamquam lignum illud, ubi fixa erant membra morientis, etiam cathedra fuerit magistri docētis.

**R.** Dóleo super te fili mi Jesu, decórus nimis, et amābilis super amórem mulierum! \* Sicut enim mater unicū diligit filium, ita ego te diligēbam. **V.** Defecit in dolore vita mea, et anni mei in gemitibus. Sicut.

**Bened.** Cujus festum cólimus, ipsa Virgo virginum.

#### Lectio viij.

**E**x hac sana doctrina didicerat Páulus Apóstolus quod docēbat quando dicebat: Si quis autem suis, et máxime domésticis non prōvidet, fidem negávit, et est infidéli detērior. Quid autem tam cuique domésticum, quam parēntes filiis, aut parēntibus filii? Hujus itaque

salubérriimi præcepti ipse magister sanctorum de se ipso constituēbat exēplum: quando non ut famulæ Deus, quam creáverat, et regēbat; sed ut matri homo, de qua creátus fuerat, et quam relinquebat, álterum pro se quodámmodo filium providebat.

**R.** Eia mater fons amoris, fac nos sentire vim doloris, ut tecum lugeámus: \* Et Dominicæ passiōis fructum sentiámus. **V.** Ut sicut filius tuus Jesus pro nobis mórtuus est, et resurrexit; ita et nos commórtui cum eódem resurgámus. Et. Glória Patri. Et.

Lect. ix. de Homil. Fer.

#### AD LAUDES

#### ET PER HORAS

**Ant. 1.** Vadam ad montem \* myrrhæ, et ad collem thuris.

**Ps.** Dóminus regnāvit. 18.

**2.** Diléctus meus \* cándidus, et rubicúndus: comæ capitis ejus sicut púrpura regis vineta canálibus.

**3.** Quo ábiit \* diléctus tuus, o pulchérissima mulierum? quo diléctus tuus declināvit?

**4.** Fasciculus myrrhæ \* diléctus meus mihi, inter úbera mea commorábitur.

**5.** Fulcite me flóribus, \* stipáte me malis, quia amóre lángueo.

Capitulum. Isaia 53.

**Q**UIS credidit auditui nostro? et bráchium Dómini cui revelátum est? Et



ascéndet sicut virgúltum coram eo, et sicut radix de terra sitiénti.

**Hymnus.**

**V**IRGO virginum præclára,  
Mihi jam non sis amára,  
Fac me tecum plángere.

Fac ut portem Christi mortem,  
Passiónis fac consórtem,  
Et plagas recólere.

Fac me plagis vulnerári,  
Fac me cruce inebriári,  
Et cruóre Filii.

Flammis ne urar succén-  
sus,  
Per te Virgo sim defénsus  
In die iudicii.

Christe, cum sihinc exíre,  
Da per Matrem me veníre,  
Ad palmam victóriæ.

Quando corpus moriétur,  
Fac ut ánimæ donétur  
Paradisi glória. Amen.

Ÿ. Ora pro nobis Virgo  
dolorosíssima. R. Ut digni  
efficiámur promissionibus  
Christi.

**Ad Bened. Ant.** Cum vi-  
disset Jesus matrem stantem  
juxta crucem, et discipulum  
quem diligébat, dicit matri  
sue: Múlier, ecce filius tuus.  
Deinde dicit discipulo: Ecce  
mater tua.

**Oratio.**

**D**EUS, in cujus passióne,  
secúndum Simeónis pro-  
phetiam, dulcissimam áni-  
mam gloriósæ Virginis et  
Matris Mariæ dolóris gládius  
pertransiuit: concéde propi-  
tius; ut qui transfixiónem  
ejuset passiónem venerádo

recólimus, gloriósis méritis  
et préciibus ómnium Sanctó-  
rum cruci fidéliter adstán-  
tium intercedéntibus, pas-  
siónis tuæ efféctum felicem  
consequámur: Qui vivis.

**Et fil Commem. Fer.**

**AD PRIMAM**

**In R. br. V.** Qui passus es  
pro hómine.

**AD TERTIAM**

**Ant.** Diléctus meus.

**Capit.** Quis crédidit. *ut  
supra.*

**R. br.** Pósuit me\* Deso-  
látam. Pósuit. Ÿ. Tota die  
mœróre conféctam. Desolá-  
tam. Glória Patri. Pósuit.

Ÿ. Fácies mea intúmuit a  
fletu. R. Et pálpebræ meæ  
caligavérunt.

**AD SEXTAM**

**Ant.** Quo ábiit.

**Capitulum.** *Isaïæ 53. b*

**I**PSE vulnerátus est propter  
iniquitátes nostras, attri-  
tus est propter scélera no-  
stra. Disciplina pacis nostræ  
super eum, et livóre ejus  
sanáti sumus.

**R. br.** Fácies mea\* Intú-  
muit a fletu. Fácies mea. Ÿ.  
Et pálpebræ meæ caligavé-  
runt. Intúmuit. Glória Patri.  
Fácies.

Ÿ. Deus vitam meam an-  
nuntiávi tibi. R. Posuisti  
lácrymas meas in conspéctu  
tuo.

**AD NONAM**

**Ant.** Fulcíte me flóribus.

**Capitulum.** *Isaïæ 53. c*

**G**ENERATIÓNEM ejus quis  
enarrábit? quia abscissus

est de terra vivéntium; propter scelus pópuli mei percússi eum.

**R. br.** Deus vitam meam  
\* Annuntiávi tibi Deus. **V.**  
Posuisti lácrymas meas in  
conspéctu tuo. Annuntiávi.  
Glória Patri. Deus.

**V.** Ora pro nobis Virgo  
dolorosissima. **R.** Ut digni  
efficiámur promissionibus  
Christi.

## IN II. VESPERIS

**Omnia dicuntur ut in primis.**

**Ad Magnif. Ant.** Cum vidisset Jesus matrem stantem juxta crucem, et discipulum quem diligébat, dicit matri suæ: Múlier, ecce filius tuus. Deinde dicit discipulo: Ecce mater tua.

**Et fit Commemoratio Ferie.**

## FESTA APRILIS

## DIE II

S. FRANCISCI DE PAULA  
**CONFESSORIS**

**Duplex.**

**Omnia de Comm. Conf.**  
**non Pont. 88\*, præter seq.**  
**Oratio.**

**D**EUS humilium celsitúdo, qui beátum Franciscum Confessórem sanctórum tuórum glória sublimásti: tribue quæsumus; ut ejus méritis et imitatione, promissa humilibus præmia feliciter consequámur. Per Dóminum nostrum.

**In Quadrag. Commem. Ferie.**

## IN I. NOCTURNO

**Lect.** Beátus vir. **de eodem**  
**Communi 2º loco. 100\*.**

**Extra Quadrag. de Script. occur.**

## IN II. NOCTURNO

**Lectio iv.**

**F**RANCISCUS Páulæ, quod est Calábriæ oppidum, loco húmili natus est; quem

paréntes, cum diu prole caruissent, voto facto, beáti Francisci précibus suscepérunt. Is adoléscent, in erémum ardóre succénsus, in erémum secéssit, ubi annis sex, victu ásperam, sed meditationibus cælestibus suáven vitam duxit. Sed cum virtutum ejus fama lóngius manáret, multique ad eum pietátis stúdio concúrrerent, fraternæ caritátis cáusa e solitúdine egréssus, ecclésiám prope Páulam ædificávit, ibique prima sui órdinis fundaménta jecit.

**R.** Honéstum fecit illum Dóminus, et custodívit eum ab inimicis, et a seductóribus tutávit illum: \* Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

**Lectio v.**

**E**RAT in eo mirífica loquendi grátia: perpétuam vir-



ginitatem servavit: humilitatem sic coluit, ut se omnium minimum diceret, suosque alumnos Minimos appellari voluerit. Rudi amictu, nudis pedibus incedens, humi cubabat. Cibi abstinencia fuit admirabili: semel in die post solis occasum reficiebatur, et ad panem, et aquae potum, vix aliquid ejusmodi obsonii adhibebat, quo vesci in Quadragésima licet: quam consuetudinem, ut fratres sui toto anni tempore tenerent, quarto eos voto adstrinxit.

¶ Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. ¶ Induit eum Dominus lorica fidei, et ornavit eum. Et.

Lectio vj.

**M**ULTIS miraculis servi sui sanctitatem Deus testari voluit, quorum illud in primis celebre, quod a nautis rejectus, Siciliae fretum strato super fluctibus pallio cum socio transmisit. Multa etiam futura prophetico spiritu praedixit. A Ludovico undécimo Francorum rege expectitus, magnoque in honore est habitus. Denique annum primum et nonagésimum agens, Turonis migravit ad Dominum, anno salutis millesimo quingentesimo septimo: cujus corpus dies undecim insepultum, ita incorruptum permansit, ut

suavem etiam odorem efflaret. Eum Leo Papa decimus in sanctorum numerum retulit.

¶ Iste homo. 94\*.

IN III. NOCTURNO

Homil. in Evang. Nolite timere. de eodem Communi 2º loco. 102\*.

In Quadrag. Lect. ix. de Homil. et Commem. Fer. in Laud.

DIE IV

SANCTI ISIDORI

EPISC. CONF. ET ECCL. DOCT.

Duplex.

Omnia de Comm. Pont. Pont. 67\*, præter seq.

In utrisque Vesp. ad Magnif. Ant. O Doctor optime, Ecclesiae sanctae lumen, beate Isidore, divinae legis amator, deprecare pro nobis Filium Dei.

Oratio.

**D**EUS, qui populo tuo aeternae salutis beatum Isidorum ministrum tribuisti: presta quæsumus; ut, quem Doctorem vitae habuimus in terris, intercessorem habere mereamur in caelis. Per Dominum nostrum.

In Quadrag. fit Commem. Fer.

IN I. NOCTURNO

Lect. Sapientiam. de Communi Doct. 83\*.

IN II. NOCTURNO

Lectio iv.

**I**SIDORUS, natione Hispanus, Doctor egregius, ex nova Carthagine Severiano

patre provinciæ duce natus, a sanctis episcopis Leandro Hispalénsi, et Fulgéntio Carthaginiénsi fratribus suis pie et liberáliter educátus, Latinis, Græcis, et Hebráicis lítteris, divinisque et humanis légibus instrúctus, omni scientiárum, atque christianárum virtútum génere præstantissimus evásit. Adhuc adoléscent hæresim Ariánam, quæ gentem Gothórum Hispániæ latissime dominántem jampridem inváserat, tanta constántia palam opugnávit, ut parum abfúerit, quin ab hæréticis necarétur. Leandro vita functo ad Hispalénsem cáthedram invitus quidem, sed urgénte in primis Reccarédo rege, magnóque étiam cleri populique consénsu assúmitur, ejúsque electiόνem sanctus Gregórius Magnus, nedum auctoritáte apostólica confirmásse, sed et eléctum transmissó de more pállio decorásse, quin étiam suum et apostolicæ Sedis in univérsa Hispánia Vicárium constituisse perhibétur.

℞. Inveni David servum meum, óleo sancto meo unxi eum : \* Manus enim mea auxiliábitur ei. ✠. Nihil proficiet inimicus in eo, et filius iniquitátis non nocébit ei. Manus.

#### Lectio v.

IN episcopátu quantum fúerit constans, húmilis, pátiens, miséricors, in christiá-

na et ecclesiástica disciplína instauránda sollicitus, eáque verbo et scriptis stabiliénda indefessus, atque omni demum virtútum ornamento insignitus, nullius lingua enarráre sufficeret. Monástici quoque institúti per Hispániam promótor et amplificátor eximius, plura constrúxit monastéria, colégia itidem ædificávit, ubi stúdiis sacris et lectiόνibus vacans, plúrimos discipulos, qui ad eum confluébant, erudit, quos inter sancti Ildefónsus Toletánus, et Bráulio Cæsaraugustánus episcopi emicuérunt. Coácto Hispali concilio, Acephalórum hæresim Hispániæ jam minitántem, acri et eloquénti disputatióne fregit atque contrivit. Tantam apud omnes sanctitátis et doctrinæ famam adéptus est, ut elápso vix ab ejus óbitu sexto décimo anno, univérsa Toletána sýnodo duórum supra quinquaginta episcopórum plaudénte, ipsóque étiam sancto Ildefónso suffragánte, Doctor egrégus, cathólicæ Ecclesiæ novíssimum decus, in sæculórum fine doctíssimus, et cum reveréntia nominándus appellári merúerit; eúmque sanctus Bráulio non modo Gregório Magno comparáverit, sed et erudiéndæ Hispániæ loco Jacóbi Apóstoli cælitus datum esse censúerit.

℞. Pósuí adjutórium super



poténtem, et exaltávi eléctum de plebe mea : \* Manus enim mea auxiliábitur ei. *Y.* Inveni David servum meum, óleo sancto meo unxi eum. Manus.

### Lectio vj.

**S**CRIPSIT Isidórus libros *etymologiárum*, et de ecclesiásticis officiis, aliósque quamplúrimos christiánæ, et ecclesiásticæ disciplinæ ádeo útiles, ut sanctus Leo Papa quartus ad episcopos Británniæ scribere non dubitáverit, sicut Hierónymi et Augustíni, ita Isidóri dicta retinéndæ esse, ubi contígerit inusitátum negótium, quod per Cánones mínime definiri possit. Plures étiam ex ejúsdem scriptis senténtiæ inter canónicas Ecclesiæ leges relátæ conspiciúntur. Præfuit concílio Toletáno quarto, ómnium Hispániæ celebérismo. Denique cum ab Hispánia Ariánam hæresim eliminásset, morte sua, et regni vastatióne a Saracenórum armis públice prænuntiáta, postquam quadragínta circiter annos suam rexisset ecclesiám, Hispali migrávit in cælum, anno sexcentésimo trigésimo sexto. Ejus corpus inter Leándrum fratrem, et Florentinam sorórem, ut ipse mandáverat, primo cónditum, Ferdinándus primus Castéllæ et Legiónis rex, ab Eneto Saracéno Hispali dominánte, magno

prétio redéemptum Legiónem tránstulit, et in ejus honórem templum ædificátum est, ubi miráculis clarus magna pópuli devotióne cólitur.

*R.* Iste est. 73\*.

### IN III. NOCTURNO

Léctio sancti Evangélii secúndum Matthæum.

### Lectio vij. Cap. 5. b

**I**N illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur ? Ad níhilum valet ultra, nisi ut mittátur foras, et conculcétur ab hominibus. Et réliqua.

Homilia sancti Isidóri  
Episcopi.

Ex libro 2. Officiorum  
ad S. Fulgentium, cap. 5.

**Q**UI in erudiéndis, atque instituéndis ad virtútem pópulis præerit, necesse est, ut in ómnibus sanctus sit, et in nullo reprehensibilis habeátur. Qui enim álium de peccátis árguit, ipse a peccáto debet esse aliénus. Nam qua fronte subjéctos argúere póterit, cum illi statim possit corréctus ingérere : Ante doce te quæ recta sunt ? Primitus quippe semetípsum corrigere debet, qui álios ad bene vivéndum admonére studet ; ita ut in ómnibus semetípsum formam vivéndi præbeat, cunctósque ad bonum opus, et doctrína et ópere próvocet. Cui étiam sciéntia Scripturárum necesária est : quia si episcopi

tantum sancta sit vita, sibi soli prodest, sic vivens. Porro si et doctrina et sermone fuerit eruditus, potest ceteros quoque instruere, et docere suos, et adversarios repercutere, qui nisi refutati fuerint atque convicti, facile possunt simplicium corda pervertere.

**R.** Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. **V.** Induit eum Dominus lorica fidei, et ornavit eum. Et.

#### Lectio viij.

**H**UJUS sermo debet esse purus, simplex, apertus, plenus gravitatis et honestatis, plenus suavitatis et gratiæ, tractans de mysterio legis, de doctrina fidei, de virtute continentiae, de disciplina justitiæ: unumquemque admonens diversa exhortatione, juxta professionem, morumque qualitatem: scilicet ut prænoscat quid, cui, quando, vel quomodo proferat. Cujus præcæteris speciale officium est, Scripturas legere, percurrere Cánones, exempla sanctorum imitari, vigiliis, jejuniis, orationibus incumbere, cum fratribus pacem habere, nec quemquam de membris suis discerpere; nullum damnare, nisi comprobatum, nullum excommunicare, nisi discussum. Quique ita humilitate pari-

ter, et auctoritate præesse debet, ut neque per nimiam humilitatem suam subditorum vitia convallescere faciat, neque per immoderantiam severitatis potestatem exerceat, sed tanto cautius erga commissos sibi, quanto durius a Christo indagari formidat.

**R.** In medio Ecclesiæ aperuit os ejus, \* Et implevit eum Dominus spiritu sapientiae et intellectu. **V.** Jucunditatem et exultationem thesaurizavit super eum. Et. Glória Patri. Et.

In Quadrag. Lectio ix. de Homil. Feriæ; alias

#### Lectio ix.

**T**ENEBIT quoque illam supereminentem donis omnibus caritatem, sine qua omnis virtus nihil est. Custos enim castitatis, caritas; locus autem hujus custodis, humilitas. Habebit etiam inter hæc omnia castitatis eminentiam: ita ut mens Christo dedita, ab omni inquinamento carnis sit munda et libera. Inter hæc oportebit cum sollicita dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas ac pupillos tueri, pervigilem in cunctis exhibere curam, providentiam habere distributione discreta. In quo etiam hospitalitas ita erit præcipua, ut omnes cum benignitate et caritate susci-



piat. Si enim omnes fidèles illud Evangélium audire desiderant : Hospes fui, et suscepistis me; quanto magis episcopus, cujus diversorium cunctorum debet esse receptaculum?

Te Deum laudamus. 17.

In Laud. fit Commem. Fer. in Quadrag.

Vesp. a Capit. de seq. cum Commem. præced. et Fer. in Quadrag.

#### DIE V

### S. VINCENTII FERRERII CONFESSORIS Duplex.

Omnia de Comm. Conf. non Pont. 88\*, præter seq. Oratio.

**D**EUS, qui Ecclesiā tuam beāti Vincēntii Confessoris tui méritis et prædicatione illustrāre dignātus es : concēde nobis fāmulis tuis; ut et ipsius instruāmur exēmplis, et ab omnibus ejus patrocínio liberēmur advērsis. Per Dóminum.

Commem. præced.

**Ant.** O Doctor óptime, Ecclesiæ sanctæ lumen, beāte Isidóre, divinæ legis amátor, deprecāre pro nobis Filium Dei.

**V.** Justum dedúxit Dóminus per vias rectas. **R.** Et ostēdit illi regnum Dei.

Postea Commem. Fer. in Quadrag.

#### IN I. NOCTURNO

Lect. Beātus vir. de eodem Comm. 2º loco. 100\*.

Extra Quadrag. de Script. occur.

#### IN II. NOCTURNO

#### Lectio iv.

**V**INCÉNTIUS, honésta stirpe Valéntiæ in Hispánia natus, ab ineúnte ætáte cor gessit senile. Qui dum caliginósi hujus sǎculi lábilem cursum pro ingénii sui módulo consideráret, religiónis hábitum in órdine Prædicatórum décimo octávo ætátis suæ anno suscepit; et emissa solémni professióne, sacris litteris sédulo incúm-bens, theologiæ láuream summa cum láude consecútus est. Mox obténta a superioribus licéntia, verbum Dei prædicáre, Judæórum perfidiam argúere, Saracenórum erróres confutáre tanta virtúte et efficácia cœpit, ut ingéntem ipsórum infidélium multitudinem ad Christi fidem perdúxerit, et multa Christianórum millia a peccátis ad pœniténtiam, a vitiis ad virtútem revocárit. Eléctus enim a Deo, ut mónita salútis in omnes gentes, tribus et linguas dif-fúnderet, et extrémī tremendíque judicii diem appropinquáre osténderet, ómnium auditórum ánimos terróre concússos, atque a terrénis afféctibus avúlsos, ad Dei amórem excitábat.

**R.** Honéstum fecit illum Dóminus, et custodivit eum ab inimicis, et a seductóribus tutávit illum : \* Et de-

dit illi claritatem æternam.  
 V. Justum deduxit Dominus  
 per vias rectas, et ostendit  
 illi regnum Dei. Et.

Lectio v.

**I**N hoc autem apostólico  
 munere hic vitæ ejus te-  
 nor perpétuus fuit. Quotidie  
 Missam summo mane cum  
 cantu celebravit, quotidie  
 ad populum concionem há-  
 buit; inviolábile semper je-  
 júnium, nisi urgens adésset  
 necessità, servávit; sancta  
 et recta consília nulli de-  
 negávit, carnes numquam  
 comédit, nec vestem lineam  
 induit: populórum júrgia  
 sedávit, dissidentia regna  
 pace compósuit: et cum  
 vestis inconsútilis Ecclésiæ  
 diro schismate scinderétur,  
 ut unirétur, et unita serva-  
 rétur, plúrimum laborávit.  
 Virtútibus ómnibus cláruit,  
 suósque detractóres et per-  
 secutóres, in simplicitate et  
 humilitate ámbulans, cum  
 mansuetúdine recépit, et  
 amplexus est.

R. Amávit eum Dominus,  
 et ornávit eum: stolam gló-  
 riæ induit eum,\* Et ad por-  
 tas paradisi coronávit eum.  
 V. Induit eum Dominus lo-  
 ricam fidei, et ornávit eum.  
 Et ad portas.

Lectio vj.

**P**ER ipsum divina virtus,  
 in confirmatióem vitæ  
 et prædicatióis ejus, multa  
 signa et mirácula fecit. Nam  
 frequentissime super ægros  
 manus impósuit, et sanitá-

tem adépti sunt: spiritus  
 immúndos e corpóribus ex-  
 pulit: surdis auditum, mu-  
 tis loquélam, cæcis visum  
 restituit, leprósos mundávit,  
 mórtuos suscitávit. Sénio  
 tandem et morbo confectus  
 infatigábilis Evangélii præ-  
 co, plúrimis Európæ provin-  
 ciis cum ingénti animárum  
 fructu peragrátis, Venétiæ in  
 Británnia minóri prædica-  
 tióis et vitæ cursum felici-  
 ter consummávit, anno sa-  
 lútis millésimo quadringen-  
 tésimo décimo nono: quem  
 Callistus tértius sanctórum  
 número adscripsit.

R. Iste homo. 94\*.

IN III. NOCTURNO

Homil. in Evang. Sint  
 lumbi. de eodem Communi  
 1º loco. 96\*.

In Quadrag. Lectio ix. de  
 Homil. et Commem. Fer. in  
 Laud.

DIE XI

SANCTI LEONIS I.

PAPÆ CONF. ET ECCL. DOCT.

Duplex.

Omnia de Comm. Conf.  
 Pont. 67\*, præter seq.

In utrisque Vesp. ad Ma-  
 gnif. Ant. O Doctor óptime,  
 Ecclésiæ sanctæ lumen,  
 beáte Leo, divinæ legis amá-  
 tor, deprecáre pro nobis Fi-  
 lium Dei.

Oratio.

**E**XÁUDI, quæsumus Dómi-  
 ne, preces nostras, quas  
 in beáti Leónis Confessóris



tui atque Pontificis solemnitate deferimus : et qui tibi digne meruit famulari, ejus intercedentibus meritis ab omnibus nos absolve peccatis. Per Dominum.

*In Quadrag. Commem. Feriæ.*

IN I. NOCTURNO

Incipit Epistola prima beati Petri Apostoli.

*Lectio j. Cap. 1.*

**P**ETRUS, Apostolus Jesu Christi, electis advenis dispersionis Ponti, Galatiæ, Cappadociæ, Asiæ et Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi : Grátia vobis et pax multiplicetur. Benedictus Deus, et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo.

*R.* Euge serve bone et fidelis, quia in pauca fuisti fidelis, supra multa te constituam : \* Intra in gaudium Domini tui. *V.* Domine quinque talenta tradidisti mihi, ecce alia quinque superlucratus sum. Intra.

*Lectio ij.*

**I**N quo exsultabitis, modicum nunc si oportet contristari in variis tentationibus : ut probatio vestræ fidei multo pretiosior auro (quod per ignem probatur) inveniat in laudem, et gloriam, et honorem in revelatione Jesu Christi : quem, cum non videritis, diligitis : in quem nunc quoque non videntes creditis : credentes autem exsultabitis lætitia inenarrabili et glorificata : reportantes finem fidei vestræ, salutem animarum. De qua salute exquisierunt, atque scrutati sunt prophætæ, qui de futura in vobis grátia prophetaverunt : scrutantes in quod vel quale tempus significaret in eis Spiritus Christi : prænuntians eas quæ in Christo sunt passionēs, et posteriōres glórias : quibus revelatum est quia non sibimetipsis, vobis autem ministrabant ea, quæ nunc nuntiata sunt vobis per eos, qui evangelizaverunt vobis, Spiritu sancto misso de cælo, in quem desiderant Angeli prospicere.

*R.* Ecce sacerdos magnus, qui in diebus suis placuit Deo : \* Ideo jurejurando fecit illum Dominus crescere in plebem suam. *V.* Benedictionem omnium gentium dedit illi, et testamentum suum confirmavit super caput ejus. Ideo jurejurando fecit.

## Lectio iij.

**P**ROPTER quod succincti lumbos mentis vestræ, sóbrii perfécte speráte in eam, quæ offértur vobis, grátiam, in revelatióem Jesu Christi : quasi filii obediéntiæ, non configuráti prióribus ignorántiæ vestræ desideríis : sed secúndum eum, qui vocávit vos, Sanctum : et ipsi in omni conversatióne sancti sitis : quóniam scriptum est : Sancti éritis, quóniam ego Sanctus sum. Et si patrem invocátis eum, qui sine acceptiône personárum júdicat secúndum uniuscujúsque opus, in timóre incolátus vestri témpore conversámini. Sciéntes quod non corruptibilibus áuro, vel argénto redémpti estis de vana vestra conversatióne patérnæ traditiónis : sed pretiósó ságuine quasi agni immaculáti Christi, et incontamináti : præcógnoti quidem ante mundi constitutióem, manifestáti áutem novíssimis tempóribus propter vos, qui per ipsum fideles estis in Deo, qui suscitávit eum a mórtuis, et dedit ei glóriam, ut fides vestra, et spes esset in Deo.

℞. Jurávit Dóminus. 71\*.

IN II. NOCTURNO

## Lectio iv.

**L**EO primus, Etrúscus, eo témpore præfuit Ecclésiæ, cum rex Hunnórum Attila, cognométo Flagéllum Dei, in Itáliam invá-

dens, Aquiléiam triénnii obsidióne captam dirípuit et incéndit : unde cum Romam ardénti furóre raperétur, jamque cópias, ubi Mincius in Padum influit, trajicere paráret, occúrrit ei Leo, malórum Itáliæ impendéntium misericórdia permótus : cujus divína eloquéntia persuásus est Attilæ, ut regrederétur. Qui interrogátus a suis, quid esset quod præter consuetúdinem tam humiliter Románi Pontificis imperáta fáceret ; respóndit, se adstántem quemdam álium, illo loquente, sacerdotáli hábitu véritum esse, sibi stricto gládio minitántem mortem, nisi Leóni obtemperáret. Quare in Pannóniam revérsus est.

℞. Invéni David servum meum, óleo sancto meo unxi eum : \* Manus enim mea auxiliábitur ei. ℣. Nihil proficiet inimicus in eo, et filius iniquitátis non nocébit ei. Manus.

## Lectio v.

**L**EO áutem Romæ singulári lómnium lætítia excéptus, páulo post invadénti Urbem Genserico, eádem eloquéntiæ vi et sanctitátis opinióne persuásit, ut ab incéndio, ignomíniis, ac cædibus abstineret. Sed cum Ecclésiám a multis hærésibus oppugnári, maximéque a Nestoriánis et Eutychiánis exagítári vidéret ; ad eam purgándam, et in fide cathólica



confirmándam, concilium Chalcedonénse indixit. Ubi sexcéntis triginta coáctis episcopis, Eutyches et Dióscorus, et iterum Nestórius condemnáti sunt : ejusdémque concilii decréta sua auctoritaté confirmávit.

**R.** Pósuí adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Inveni David servum meum, óleo sancto meó unxi eum. Manus.

### Lectio vj.

**H**is actis, sanctus Póntifex se ad reficiéndas et ædificándas ecclésiās convértit. Cujus suásu Demétria, pia fémína, sancti Stéphaní ecclésiám constrúxit in suo fundo via Latína, tértio ab Urbe milliário : ipse via Appia sub nómine sancti Cornélii álteram cóndidit. Multas prætèrea et sacras ædes, et sacra eárum vasa restituit. In tribus basilicis, Petri, Páuli et Constantiniána, cámaras exstrúxit : ædificávit monastérium vicinum basilicæ sancti Petri : sepúlcris Apostolorum custódes adhibuit, quos Cubiculários appellávit. Státuit, ut in actióne mystérii dicerétur : Sanctum sacrificium, immaculátam hóstiam. Sanxit, ne mónacha benedictum cápitís velámen recíperet, nisi quadraginta annórum virginitátem probáset. His et áliis præcláre gestis, cum

multa sancte et luculénter scripsisset, tértio Idus Aprilis obdormívit in Dómino. Sedit in pontificátu annos viginti, menses decem, dies viginti octo. **R.** Iste est. 73\*.

### IN III. NOCTURNO

Léctio sancti Evangélii secúndum Matthæum.

### Lectio vij. Cap. 16. b

**I**n illo témpore : Venit Jesus in partes Cæsaréæ Philippi, et interrogábat discipulos suos, dicens : Quem dicunt hómines esse Filium hóminis? Et réliqua.

Homilia sancti Leónis Papæ.

Serm. 2. in anniv. assumpt. suæ, ante medium.

**C**UM, sicut evangélica lectione reserátum est, interrogáset Dóminus discipulos, quem ipsum (multis diversa opinántibus) créderent; respondissétque beátus Petrus, dicens : Tu es Christus Filius Dei vivi : Dóminus ait : Beátus es Simon Bar-Jona, quia caro et sanguis non revelávit tibi, sed Pater meus, qui in cælis est : et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam, et tibi dabo claves regni cælórum : et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Manet ergo dispositio veritá-

tis, et beátus Petrus in accépta fortitúdone petræ persevérans, suscep̃ta Ecclésiæ gubernácula non relíquit.

**R.** Amávit eum Dóminus, et ornávit eum : stolam glóriæ induit eum : \* Et ad portas paradisi coronávit eum. **V.** Induit eum Dóminus lorricam fidei, et ornávit eum. Et ad portas.

### Lectio viij.

**I**N univérſa namque Ecclésia, Tu es Christus Filius Dei vivi, quotidie Petrus dicit : et omnis lingua, quæ confitétur Dóminum, magisterio hujus vocis imbúitur. Hæc fides diábolum vincit, et captivórum ejus vincula dissólvit. Hæc érutos mundo inserit cælo, et portæ inferi advérsus eam prævalére non possunt. Tanta enim divinitus soliditáte munita est, ut eam neque hærética umquam corrumpere právitas, nec pagána potúerit superáre perfidia. His itaque modis, dilectissimi, rationábili obséquio celebrétur hodiérna festívitās : ut in persóna humilitátis meæ ille intelligátur, ille honorétur, in quo et ómnium pastórum sollicitúdo cum commendatárum sibi óvium custódia perseverat, et cujus étiam dignitas in indigno heréde non déficit.

**R.** In médio Ecclésiæ aperuit os ejus, \* Et implévit eum Dóminus spíritu sapiéntiæ et intelléctus. **V.** Jucunditatem et exsultatiónem the-

saurizávit super eum. Et. Glória Patri. Et.

In Quadrag. Lect. ix. de Homil. et Commem. Feriæ in Laud. : alias

### Lectio ix.

**C**UM ergo cohortatiónes nostras áuribus vestræ sanctitátis adhibémus, ipsum vobis, cujus vice fúngimur, loqui créдите : quia et illius vos afféctu monémus, et non áliud vobis, quam quod dócuit, prædicámus : obsecrántes, ut succincti lumbos mentis vestræ, castam et sóbriam vitam in Dei timóre ducátis. Coróna mea, sicut Apóstolus ait, et gáudium vos estis, si fides vestra, quæ ab initio Evangélii in univérſo mundo prædicata est, in dilectiône et sanctitáte permánserit. Nam licet omnem Ecclésiám, quæ in toto est orbe terrárum, cunctis opórteat florére virtútibus, vos tamen præcipue inter cæteros pópulos decet méritis pietátis excéllere, quos in ipsa apostólicæ petræ arce fundátos, et Dóminus noster Jesus Christus cum ómnibus redémit, et beátus Apóstolus Petrus præ ómnibus erudívit.

Te Deum laudámus. 17.

### DIE XIII

S. HERMENEGILDI MART.

### Semiduplex.

Omnia de Comm. unius Mart. pro temp. qualit. 26\* vel 42\*, præter seq.



In utrisque Vesp. et Laudibus.

Hymnus.

**R**EGÁLI sólio fortis Ibéria,  
Hermenegilde jubar, glória  
Márturum,  
Christi quos amor almis  
Cæli cœtibus inserit.

Ut perstas pátiens, pollicitum Deo

Servans obséquium! quo  
pótius tibi

Nil propónis, et arces  
Cáutus nóxia, quæ placent.

Ut motus cóhibes, pábula  
qui parant

Surgéntis vitii, non dúbios  
agens

Per vestigia gressus,  
Quo veri via dirigit!

Sit rerum Dómino jugis  
honor Patri,

Et Natum célebrent ora pre-  
cántium,

Divinúmque suprémis  
Flamen láudibus éfferant.

Amen.

Si prædictus Hymnus non  
dicitur in I. Vesperis, tunc  
ponatur ad Matut., et Hymn.  
Matut. Nullis te génitor. di-  
catur in Laudibus.

Oratio.

**D**EUS, qui beátum Her-  
menegildum Mártirem  
tuum cælésti regno terré-  
num postpónere docuisti: da  
quæsumus nobis; ejus exém-  
plo cadúca despícere, atque  
ætéRNA sectári. Per Dómi-  
num.

In Quadrag. Commem.  
Feriæ.

AD MATUTINUM

Hymnus.

**N**ULLIS te génitor blandítiis  
trahit,  
Non vitæ cáperis divitis ótio,  
Gemmarúmve nitóre,  
Regnandíve cupidine.

Diris non ácies te gládii  
minis,

Nec terret périmens carní-  
ficis furor :

Nam mansúra cadúcis  
Præfers gáudia cælitum.

Nunc nos e Súperum pró-  
tege sédibus

Clemens, atque preces, dum  
cánimus tua

Quæsitam nece palmam,  
Pronis áuribus éxcipe.

Sit rerum Dómino jugis  
honor Patri,

Et Natum célebrent ora pre-  
cántium,

Divinúmque suprémis  
Flamen láudibus éfferant.

Amen.

IN I. NOCTURNO

In Quadrag. Lect. Fratres :  
Debitóres. de Comm. plur.  
Mart. 53\*, cum RR. de Com-  
muni unius Mart. 29\*. Extra  
Quadrag. de Script. occur.

IN II. NOCTURNO

Ex libro Dialogórum sancti  
Gregórii Papæ.

Lib. 3. Cap. 31.

Lectio iv.

**H**ERMENEGÍLDUS rex, Leo-  
vigildi regis Visigothó-  
rum filius, ab Ariána hæresi  
ad fidem cathólicam viro  
reverendíssimo Leándro Hi-  
spalénsi episcopo, dudum  
mihi in amicitiiis familiáriter

juncto, prædicante, conversus est. Quem pater Ariánuſ, ut ad eámdem hæreſim rediret, et præmiis suadere, et minis terrere conátus est. Cumque ille constantissime responderet, numquam se veram fidem posse relinqueré, quam semel agnovisset : irátus pater eum privávit regno, rebúſque exſpoliávit ómnibus. Cumque nec sic virtútem mentis illius emollire valuiſſet, in arcta illum custódia conclúdens, collum manúſque illius ferro ligávit. Cœpit itaque Hermenegildus rex júvenis terrénũ regnum deſpicere, et forti deſidério cæleſte quærens, in ciliciis vinculátus jacens, omnipoténti Deo ad confortándum ſe, preces effúndere; tantóque ſublimius glóriam tranſeúntis mundi deſpicere, quanto et religátus agnovérat nihil fuiſſe, quod potúerit auferri.

℞. Honéſtum fecit illum Dóminus, et custodivit eum ab inimicis, et a ſeductóribus tutávit illum : \* Et dedit illi claritátem ætérnam. V. Descenditque cum illo in fóveam, et in vinculis non dereliquit eum. Et.

**Tempore Paſchali.**

℞. Lux perpétua lucébit ſanctis tuiſ Dómine, \* Et ætérnitas témporum, allelúia, allelúia. V. Lætítia ſempitérna erit ſuper cápita eórum : gáudium et exultatióneſ obtinébunt. Et.

**Lectio v.**

SUPERVENIÉnte áutem Paſcháliſ feſtivitátis die, intempéſtæ noctis ſiléntio, ad eum pérſidus pater Ariánum epíſcopum miſit, ut ex ejus manu ſacrilegæ conſecratióneſ communióneſ percíperet, atque per hoc ad patris grátiam redire mere-rétur. Sed vir Deo déditus, Ariáno epíſcopo veniénti exprobrávit, ut débuit, ejúſque a ſe pérſidiam dignis increpatióneſ répulit : quia etſi extérius jacébat ligátus, apud ſe tamen in magno mentis cúlmine ſtabat ſecúrus. Ad ſe itaque revérſo epíſcopo, Ariánuſ pater in-frémuit, ſtatimque ſuos apparitóreſ miſit, qui conſtantíſſimum Conféſſóreſ Dei illic ubi jacébat, occiderent; quod et factum eſt. Nam mox ut ingréſſi ſunt, ſecúrim cérebro ejus infigéntes, vitam córporis abſtulérunt : hocque in eo valúerunt perimere, quod ipſum quoque, qui peréſumptus eſt, in ſe conſtiterat deſpexiſſe. Sed pro oſtendénda vera ejus glória, ſupérna quoque non defuérunt mirácula. Nam cœpit in noctúrno ſiléntio pſalmódia cantus ad corpus ejúſdem Regis et Mártýriſ audiri : atque ideo veráciter Regis, quia et Mártýriſ.

℞. Deſidério animæ ejus tribuiſti ei Dómine, \* Et voluntáte labiórũ ejus non fraudáſti eum. V. Quóniam



prævenisti eum in benedictionibus dulcedinis : posuisti in capite ejus coronam de lapide pretioso. Et voluntate.

*Tempore Paschali.*

*R.* In servis suis, allelúia,  
\* Consolábitur Deus, allelúia. *V.* Judicábit Dóminus pópulum suum, et in servis suis. Consolábitur.

*Lectio vj.*

**Q**UIDAM étiam ferunt, quod illic noctúrno témpore accénsæ lámpades apparébant. Unde et factum est, quátenus corpus illius, ut vidélicet Mártiris, jure a cunctis fidélibus venerári debúisset. Pater vero pérfidus et parricida, commótus pœniténtia, hoc fecisse se dóluit, nec tamen usque ad obtinéndam salútem pœnituit. Nam quia vera esset cathólica fides agnóvit, sed gentis suæ timóre pertérritus, ad hanc pervenire non méruit. Qui, obórta ægritudine, ad extrémam perductus est, et Leándro episcopo, quem prius veheménter afflíxerat, Reccarédum regem filium suum, quem in sua hæresi relinquébat, commendáre curávit, ut in ipso quoque tália fáceret, quália et in fratre suis exhortationibus fecisset. Qua commendatione expléta, defúctus est. Post cujus mortem Reccarédus rex non patrem pérfidum, sed fratrem Mártirem sequens, ab Ariánæ

hæréseos pravitate conversus est, totámque Visigothórum gentem ita ad veram perdúxit fidem, ut nullum in suo regno militáre permitteret, qui regni Dei hostis exsistere per hæreticam pravitatem non timéret. Nec mirum quod veræ fidei prædicátor factus est, qui frater est Mártiris : cujus hunc quoque mérita ádjuvant, ut ad omnipoténtis Dei grémium tam multos redúcat.

*R.* Stola jucunditátis. 33\*.

*Tempore Paschali.*

*R.* Filiæ Jerúsalem. 45\*.

IN III. NOCTURNO

*Etiam Temp. Pasch. Homilia in Evang. Si quis venit. de Comm. unius Mart. extra Temp. Pasch. 1º loco. 35\*, cum RR. pro temp. qualit.*

*In Quadrag. Lect. ix. de Homil. et Commem. Fer. in Laud.*

*Vesp. de seq. Commem. præced.. Feriæ in Quadrag. et SS. Mart. Tiburtii etc.*

¶ *Commune SS. Apost., Evang. et Mart. Temp. Pasch. habetur cum aliis Communibus infra 23\* et 42\*.*

DIE XIV

SANCTI JUSTINI MART.

*Duplex.*

*Omnia de Communi unius Mart. pro temp. qualit. 26\*, vel 42\*, præter seq.*

*Oratio.*

**D**EUS, qui per stultitiam crucis, eminentem Jesu Christi sciéntiam beátum

Justinum Mártyrem mirabiliter docuisti : ejus nobis intercessióne concéde ; ut, errórum circumventióne depúlsa, fidei firmitátem consequámur. Per eúmdem Dóminum.

**Deinde Commem. S. Hermenegildi Mart.**

**Ant.** Qui vult veníre post me, ábneget semetípsum, et tollat crucem suam, et sequátur me.

**V.** Justus ut palma florébit. **R.** Sicut cedrus Libani multiplicábitur.

**Tempore Paschali.**

**Ant.** Sancti et justi in Dómino gaudéte, allelúia : vos elégit Deus in hereditátem sibi, allelúia.

**V.** Pretiósá in conspéctu Dómini, allelúia. **R.** Mors sanctorum ejus, allelúia.

**Orat.** Deus, qui. 517.

**Postea Commem. Fer. in Quadrag. et SS. Tiburtii, Valeriani et Maximi Mart.**

**Ant.** Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

**V.** Lætámini in Dómino, et exsultáte justi. **R.** Et gloriámini omnes recti corde.

**Tempore Paschali.**

**Ant.** Filiæ Jerúsalem venite, et vidéte Mártyres cum corónis, quibus coronávit eos Dóminus in die solemnitátis et lætitiæ, allelúia, allelúia.

**V.** Lætítia sempitérna super cápita eórum, allelúia. **R.** Gáudium et exsultatió-nem obtinébunt, allelúia.

**Oratio.**

**P**RÆSTA, quæsumus omnipotens Deus : ut qui sanctorum Mártyrum tuorum Tibúrtii, Valeriáni et Máximi solémnia cólimus ; eórum étiam virtútes imitémur. Per Dóminum.

IN I. NOCTURNO

**Lect. de Script. occur.**

**In Quadrag. Lect. Fratres : Debitóres. de Comm. plur. Mart. 53\*, cum RR. de Comm. unius Mart. 29\*.**

IN II. NOCTURNO

**Lectio iv.**

**J**USTÍNUS Prisci filius ex græco génere Fláviæ Neápolis in Sýria Palestina natus, adolescéntiam in litterarum ómnium stúdiis transégit. Vir factus ádeo philosophiæ amóre corréptus est, ut ad veritátem assequéndam, quotquot áderant philosophorum sectis nomen déderit, eorúmque præcépta scrutátus sit. Cum in his fallácem tantum sapiéntiam errorémque reperisset, supérna illustratióne per senem quemdam ignótum, adspéctúque venerábilem edóctus, veræ christiánæ fidei philosophiam ampléxus est. Hinc sacrae Scriptúræ libros diu noctúque præ mánibus habens, ita ex eórum meditatióne divínus ignis in ánima ejus exársit, ut ea qua



pollébat eruditiónis vi, emínentem Jesu Christi sciéntiam adéptus, plúrima conscripserit volúmina ad christiánam fidem exponéndam, magisque propagándam.

**R.** Honéstum fecit illum Dóminus, et custodívit eum ab inimicis, et a seductóribus tutávit illum : \* Et dedit illi claritátem ætérnam. **V.** Descendítque cum illo in fóveam, et in vinctulis non dereliquit eum. Et dedit.

**Tempore Paschali.**

**R.** Lux perpétua lucébit sanctis tuis Dómine, \* Et ætérnitas téporum, allelúia, allelúia. **V.** Lætítia sempitérna erit super cápita eórum : gáudium et exultatiónem obtinébunt. Et.

**Lectio v.**

**I**NTER præclaríssima Justíni ópera binæ éminent fidei christiánæ apologiæ, quas cum coram senátu, imperatóribus Antoníno Pio, ejúsque filiis, nec non Marco Antoníno Vero, et Lúcio Aurélio Cómmodo Christi ásseclas sævíssime divexántibus porrexisset, eamdémque fidem disputádo strénue propugnásset, obtínuit ut a Christianórum cæde público príncipum edicto temperátum fúerit. Verum Justino haud párcitum est. Nam Crescéntis Cýnici, cuius vitam et mores nefários redargúerat, insidiis accusátus, a satellítibus comprehénsus est. Addúctus áu-

tem ad Romæ præsidem nómine Rústicum, cum hic ab eo quæsiuisset quænam essent Christianórum præcépta, hanc bonam confessiónem coram multis téstibus conféssus est : Rectum dogma, quod nos Christiáni hómines cum pietáte servámus, hoc est : ut Deum unum existimémus factórem atque creatórem ómnium quæ vidéntur, quæque corpóreis óculis non cernúntur; et Dóminum Jesum Christum Dei Filium confiteámur olim a prophétis prænuntiátum, qui et humáni géneris iudex ventúrus est.

**R.** Desidérium animæ ejus tribuisti ei Dómine, \* Et voluntáte labiórum ejus non fraudásti eum. **V.** Quóniam prævenísti eum in benedictiónibus dulcédinis : posuísti in cápite ejus corónam de lápide pretióso. Et.

**Tempore Paschali.**

**R.** In servis suis, allelúia, \* Consolábitur Deus, allelúia. **V.** Judicábit Dóminus pópulum suum, et in servis suis. Consolábitur.

**Lectio vj.**

**Q**UÓNIAM Justínus in prima sua apología palam exposúerat quómodo Christiáni convenirent ad sacra celebrándam, et quænam fúerint sacri hujus convéntus mystéria ad repelléndas ethnicórum calúmnias, exquisivit ab eo præses in quonam loco conveniret ipse et cæ-

teri hujus Urbis Christifidèles. Justinus autem réticens convéntuum loca, ne sancta et fratres próderet cánibus, domicílium tantum suum indicávit, ubi manére, et discipulos excólere solébat penes célebrem titulum Pastóris in ædibus Pudéntis. Demum præses optiónem ei dedit vel ut diis sacrificáret, vel per totum corpus flagéllis cædi perférret. Cum invictus fidei vindex asséreret se in votis semper habuisse cruciátus pérpeti propter Dóminum Jesum Christum, a quo magnam in cælis mercédem cónsequi exspectábat, præses in eum capitálem senténtiam pronuntiávit. Itaque mirábilis philósophus Deum colláudans, post vérbera, fuso pro Christo ságuine, glorióso martýrio coronátus est. Quidam vero fidèles clam illius sustulérunt corpus, et in loco idóneo condidérunt. Leo décimus tértius Póntifex Máximus ejúsdem Offícium et Missam ab univérſa Ecclesiá celebrári præcépit.

℞. Stola jucunditátis. 33\*.

Tempore Paschali.

℞. Filiæ Jerúsalem. 45\*.

IN III. NOCTURNO

Lectio sancti Evangélíi secúndum Lucam.

Lectio vij. Cap. 12.

**I**N illo témpore : Dixit Jesus discipulis suis : Nihil opértum est quod non revelétur : neque abscónditum,

quod non sciátur. Et réliqua.

Homília sancti Joánnis  
Chrysóstomi.

Homil. in cap. x. Matth.  
v. 26. et seq.

**N**IHIL est opértum quod non revelábitur, nec ocúltum quod non sciétur. Quod autem dicit hujúsmodi est : súfficit quidem vobis ad consolatióem si ego Magíster et Dóminus consors sim conviciórum. Si vero adhuc dolétis hæc audiéntes, illud quoque ánimo reputáte, vos non multum póstea ab hac suspicióne liberátum iri. Cur enim id ægre fertis? Quia præstigiátóres et deceptóres vos vocant? At páululum exspectáte, et servatóres benefactorésque orbis vos prædicábunt omnes. At enim tempus illa ómnia, quæ subobscúra erant, revelábit, et illórum calúmniam déteget, virtutémque vestram conspicuam reddet. Cum enim ex rebus ipsis comprobabímmini salvatóres esse et benéfici, et omni virtúte conspicui, illórum dictis hómines non atténdent, sed rei veritáti: ac illi quidem sycophántæ, mendáces, malédici, vos vero ipso sole splendidióres deprehendémmini: multum quippe témporis spátium vos notos reddet, prædicábit, et tuba clariórem emíttet vocem, vestræque virtútis testes univérſos hómines exhi-



bébit. Ne itaque ea, quæ nunc dicuntur, vos deiciant, sed spes futurorum bonorum erigat. Non possunt enim ea, quæ ad vos spectant, occultari.

℞. Coróna áurea super caput ejus, \* Expréssa signo sanctitátis, glória honóris, et opus fortitúdinis. √. Quóniam prævenisti cum in benedictiónibus dulcédinis, posuisti in cápite ejus corónam de lápide pretióso. Expréssa signo.

### Tempore Paschali.

℞. Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. √. Sicut diléxit me Pater, et ego diléxi vos. Qui.

### Lectio viij.

**D**EÍNDE postquam illos omni angóre, timóre et sollicitúdone liberávit, et probris ómnibus superiôres réddidit, demum illos oportúne de libertáte prædicándi allóquitur; nam dicit: Quod dico vobis in ténebris, dicite in lúmine; et quod in áure auditis, prædicáte super tecta. Quamquam non erant ténebræ cum hæc diceret, neque ad áurem loquebátur: sed hæc hyperbólice dicta sunt. Quia enim solos alloquebátur, et in parvo Palestinæ ángulo, ideo dicit: in ténebris et in áure, hunc loquéndi modum cómparans cum loquéndi fidúcia, qua illos póstea in-

structúrus erat. Ne in una, duábus tribúsque civitátibus, sed per totum orbem prædicáte, terram maréque peragrántes, habitátam, non habitátam, ac tyránnis, pópulis, philósophis, rhetóribus cum magna fidúcia ómnia dicite. Ideo dixit super tecta et in lúmine sine ullo subterfúgio, et cum omni libertáte.

℞. Hic est vere Martyr, qui pro Christi nómine sanguinem suum fudit : \* Qui minas júdicum non tímuit, nec terrénæ dignitátis glóriam quæsívit, sed ad cælestia regna pervénit. √. Justum dedúxit Dóminus per vias rectas, et osténdit illi regnum Dei. Qui minas. Glória Patri. Qui minas.

### Tempore Paschali.

℞. Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, allelúia, allelúia. √. Candidiôres nive, nitidiôres lacte, rubicundiôres ébore antiquo, sapphiro pulchriôres. Et sicut. Glória Patri. Et sicut.

In Quadragesima de Homilia Feriæ : extra Quadragesimam de sanctis Mart. Tiburtio, Valeriano et Maximo.

### Lectio ix.

**V**ALERIÁNUS RománuS, nóbili gènere ortus, Alexandro Sevéro imperátore, hortátu beátæ Cæciliæ Vir-

ginis, quam sibi pari nobilitate uxorem desponderat, una cum Tibúrtio fratre a sancto Urbáno Papa baptizátur. Quos ubi præfécus Urbis Almáchius Christiános esse cognóvit, et património paupéribus distribúto, Christianórum córpora sepelire; accersitos grávitè reprehéndit: atque ubi Christum Deum constánter confitèntes, deos áutem dæmoniórurum inánia simulácula prædicántes videt, virgis cædi jubet. Sed cum verbéribus cogi non possent, ut Jovis simulácrum veneraréntur, imo fortes in fidei veritate permanérent, ad quartum ab Urbe lápidem secúri feriúntur. Quorum virtútem admirátus Máximus præféti cubiculárius, qui eos ad supplícium perdúxerat, Christiánurum se esse professus est, cum multis prætérea præféti ministris: qui páulo post plumbátis contúsi, omnes ex diáboli ministris, Christi Dómini Mártyres evasérunt.

Te Deum laudámus. 17.

*Ubi alia die celebrandum sit, ix. Lectio erit sequens:*

**D**EINDE postquam illórum eréxit ánimos, rursum pericula prædicít, illórum mentem érigens, omnibúsque sublimióre reddens. Quid enim ait? Nolite timére eos qui occidunt corpus, ánimam áutem non possunt occidere. Viden, quómodo illos ómnibus superióre

reddat, non curas modo, non maledícta, perícula, invidias, sed étiam mortem ómnium terribilissimam conténnere docens? Neque simpliciter mortem, sed étiam violéntam? Neque dixit, Occidémini, sed cum magnificéntia congruente totum declarávit. Nolite timére, dicens, ab iis qui occidunt corpus, ánimam áutem non possunt occidere: sed pótius, Timéte eum qui potest et ánimam et corpus pérdere in gehénnam: in contrárium vertens sermónem, uti semper facit. Quid enim sibi vult? Timétis mortem, ideóque ad prædicándum signióre estis? Sed hac de cáusa pótius prædicáte, quia mortem timétis. Illud enim vere vos a morte erípiet. Nam etiámsi vos interemptúri sunt, meliorem tamen partem non separábunt, etiámsi id totis viribus conéntur. Ideo non dixit: Ánimam áutem non occidunt; sed, Non possunt occidere. Nam etiámsi velint, non separábunt. Itaque si supplícium times, illud longe grávius time. Viden, quómodo non promittat, se illos a morte liberatúrum esse, sed mori permíttit, majóra largitúrus quam si id non permíitteret? Longe enim majus est suadére ut mors spernátur, quam a morte erúere.

Te Deum laudámus. 17.

*Ad Laud. post Commem.*



Fer. in Quadrag. fit Com-  
mem. SS. Mart.

**Ant.** Vestri capilli cápitis  
omnes numeráti sunt : no-  
lite timére : multis passéri-  
bus meliôres estis vos.

**Ÿ.** Exsultábunt sancti in  
glória. **R̃.** Lætabúntur in cu-  
bilibus suis.

**Tempore Paschali.**

**Ant.** Lux perpétua lucébit  
sanctis tuis Dómine, et ætér-  
nitas témporum, allelúia.

**Ÿ.** Sancti et justi in Dó-  
mino gaudéte, allelúia. **R̃.**  
Vos elégit Deus in hereditá-  
tem sibi, allelúia.

DIE XVII

SANCTI ANICETI

PAPÆ ET MARTYRIS

AD VESPERAS

**Ad Magnif. Ant.** Iste san-  
ctus pro lege Dei sui certá-  
vit usque ad mortem, et a  
verbis impiórum non tí-  
muit : fundátus enim erat  
supra firmam petram.

**Ÿ.** Glória et honóre coro-  
násti eum Dómine. **R̃.** Et  
constituísti eum super ópera  
mánuum tuárum.

**Tempore Paschali.**

**Ant.** Lux perpétua lucébit  
sanctis tuis Dómine, et ætér-  
nitas témporum, allelúia.

**Ÿ.** Sancti et justi in Dó-  
mino gaudéte, allelúia. **R̃.**  
Vos elégit Deus in hereditá-  
tem sibi, allelúia.

**Oratio.**

**D**EUS, qui nos beáti Ani-  
ceti Mátyris tui atque

Pontificis ánnua solemnitáte  
lætificas : concéde propi-  
tius ; ut cujus natalítia colí-  
mus, de ejúsdem étiam pro-  
tectióne gaudeámus. Per  
Dóminum.

**Lectio iij.**

**A**NICÉTUS Syrus, impera-  
tore Marco Aurélio An-  
tonino, præfuit Ecclesiæ.  
Decrévit, ne clérici comam  
nutrèrent. Quinquies mense  
Decémbri ordinávit presbý-  
teros decem et septem, diá-  
conos quátuor, episcopos  
per diversa loca novem.  
Vixit in pontificátu annos  
octo, menses octo, dies vi-  
ginti quátuor. Propter Chri-  
sti fidem martýrio coro-  
nátus, sepúltus est via Ap-  
pia in cœmetério, quod  
póstea Callisti appellátum  
est, décimo quinto Kaléndas  
Maias.

Te Deum laudámus. 17.

AD LAUDES

**Ant.** Qui odit ánimam  
suam in hoc mundo, in vi-  
tam ætérnam custódit eam.

**Ÿ.** Justus ut palma floré-  
bit. **R̃.** Sicut cedrus Libani  
multiplicábitur.

**Tempore Paschali.**

**Ant.** Filiæ Jerúsalem ve-  
nite, et vidéte Mátyres cum  
corónis, quibus coronávit  
eos Dóminus in die solemni-  
tátis et lætítiæ, allelúia, al-  
lelúia.

**Ÿ.** Pretiósá in conspéctu  
Dómini, allelúia. **R̃.** Mors  
sanctorum ejus, allelúia.

DIE XXI

SANCTI ANSELM

EPISC. CONF. ET ECCL. DOCT.

Duplex.

Omnia de Communi Conf.

Pont. 67\*, præter seq.

In utrisque Vesp. ad Magnif. Ant. O Doctor optime, Ecclesiæ sanctæ lumen, beâte Anselme, divinæ legis amâtor, deprecâre pro nobis Filium Dei, allelûia.

Oratio.

**D**EUS, qui pópulo tuo æternæ salutis beâtum Anselmum ministrum tribuisti: præsta quæsumus; ut, quem Doctorem vitæ habuimus in terris, intercessorem habere mereâmur in cælis. Per Dóminum.

IN I. NOCTURNO

Lect. Sapientiam. de Communi Doct. 83\*.

IN II. NOCTURNO

Lectio iv.

**A**NSELMUS, Augústæ Prætoriae in finibus Italiæ, Gundúlpho et Ermembérge, nobilibus et cathólicis parentibus natus, a téneris annis assíduo litterárum stúdio, atque perfectiôris vitæ desidério, non obscurum futúrae sanctitátis et doctrinæ spécimen dedit. Et licet juvenili ardóre aliquándo ad sæculi illécebras traherétur, brevi tamen in pristinam viam revocatús, pátria et bonis ómnibus derelictis, ad monastérium Beccénse órdinis sancti Benedicti se

cóntulit: ubi emissâ regulári professiône sub Herluino abbáte observantíssimo, et Lanfráncō viro doctissimo, tanto ánimi fervóre, et jugi stúdio in litteris et virtútibus assequéndis profécit, ut mirum in modum tamquam sanctitátis et doctrinæ exémpplar ab ómnibus haberétur.

**R.** Inveni David servum meum, óleo sancto meo unxi eum: \* Manus enim mea auxiliábitur ei, allelûia. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

**A**BSTINÉNTIÆ et continéntiæ tantæ fuit, ut assiduitate jejúnii omnis pene cibórum sensus in eo viderétur extinctus. Diúrno enim témpore in exercítiis monásticis docéndo, et respondéndo váriis de religiône quæsitis, eménso, quod réliquum erat noctis, somno subtrahébat, ut divinis meditatió nibus, quas perénni lacrymárum imbre fovebat, mentem recreáret. Eléctus in Priórem monastérii invidos fratres ita caritáte, humilitáte, et prudentia lenívit, ut quos æmulos accéperat, sibi et Deo amícos, máximo cum reguláris observántiæ emolumento rédderet. Mórtuo abbáte, et in ejus locum (licet invítus) sufféctus, tanta doctrinæ et sanctitátis fama



ubique refúlsit, ut non modo régibus et episcopis veneratióni esset, sed sancto Gregório séptimo étiam accéptus, qui tunc magnis persecutió nibus agitátus, litteras amoris plenas ad eum dedit, quibus se et Ecclesiám catholicám ejus oratió nibus commendábat.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei, allelúia. **V.** Invéni David servum meum, óleo sancto meo unxi eum. Manus.

**Lectio vj.**

**D**EFÚNCTO Lanfránc archiepiscopo Cantuariénsi, ejus olim præceptóre, Anselmus, urgente Willélmo Angliæ rege, et instántibus clero ac pópulo, ipso tamen repugnante, ad ejúsdem ecclésiæ régimen vocátus, statim (ut corrúptos pópuli mores reformáret) verbo et exémplo prius, dein scriptis, et conciliis celebrátis, pristiná pietátem, et ecclesiásticá discipliná redúxit. Sed cum mox idem Willélmus rex vi et minis Ecclésiæ jura usurpáre tentásset, ipse sacerdotáli constántia réstitit; honorúmque direptiódinem, et exsílum passus, Romam ad Urbánum secúndum se cóntulit : a quo honorífice excéptus, et summis láudibus ornátus est, cum in Barénsi concílio Spíritum sanctum étiam a

Filio procedéntem contra Græcórú errorém innúmeris Scripturárum, et sanctórum Patrum testimoniis propugnásset. E vivis Willélmo sublato, ab Henrico rege ejus fratre in Angliám revocátus, obdormívit in Dómino, famam non solum miraculórum, et sanctitátis (præcipue ob insignem devotiódinem erga Dómini nostri passiódinem, et beátam Virgínem ejus Matrem) assecútus, sed étiam doctrínæ, quam ad defensiódinem cristiánæ religiódinis, animárum profécum, et ómnium theológórum, qui sacras litteras scholástica méthodo tradiderunt, normam cælitus hausisse ex ejus libris ómnibus appáret.

**R.** Iste est qui. 73\*.

IN III. NOCTURNO

**Homil. in Evang.** Vos estis sal. **de Communi Doct. 2º loco.** 86\*.

**In II. Vesp. Commem. seq.**

DIE XXII

SS. SOTERIS ET CAII

PONT. ET MART.

**Semiduplex.**

**Omnia de Communi Mari.**  
**Temp. Pasch. 42\*, præter seq.**

**Ant.** Lux perpétua lucébit sanctis tuis Dómine, et æternitas témporum, allelúia.

**V.** Sancti et justi in Dómino gaudéte, allelúia. **R.** Vos elégit Deus in hereditátem sibi, allelúia.

## Oratio.

**B**EATÓRUM Mártyrum, paritérque Pontificum Sotérís et Caii nos, quæsumus Dómine, festa tueántur : et eórum comméndet orátio veneránda. Per Dóminum.

IN I. NOCTURNO

Lect. de Script. occur.

IN II. NOCTURNO

## Lectio iv.

**S**OTER, Fundis in Campánia natus, sancívit, ne sacræ vírgines vasa sacra et pallas attingerent, neve thuris ministério in ecclésia uteréntur. Idem státuit, ut Christi corpus in Cœna Dómini sumerétur ab ómnibus, iis excéptis, qui propter grave peccátum id fácere prohiberéntur. Sedit in pontificátu annos tres, menses úndecim, dies decem et octo : martýrio coronátur sub Marco Aurélio imperátore, et in cœmetério, quod póstea Callísti dictum est, sepelítur, more majórum mense Decémbri creátis presbýteris decem et octo, diáconis novem, episcopis per diversa loca úndecim.

**R.** Lux perpétua lucébit sanctis tuis Dómine, \* Et ætéritas téporum, allelúia, allelúia. **V.** Lætítia sempitérna erit super cápita eórum : gáudium et exsultatiónem obtinébunt. Et ætéritas.

## Lectio v.

**C**AIUS Dálmata, ex genere Diocletiáni imperátoris,

constituit, ut his órdinum et honórum grádibus in Ecclésia ad episcopátum ascenderétur : Ostiárii, Lectorís, Exorcistæ, Acólythi, Subdiáconi, Diáconi, Presbýteri. Hic Diocletiáni crudelitátem in Christiános fúgiens, aliquándiu in spelúnca delituit : verum octo post annis una cum Gabíno fratre martýrii corónam consecútus est, cum sedisset annos duódecim, menses quátuor, dies quinque, creátis mense Decémbri presbýteris vigintiquínque, diáconis octo, episcopis quinque. Sepúltus est in cœmetério Callísti, décimo Kaléndas Maii. Ejus memóriam Urbánus octávus in Urbe renovávit, dirutam ecclésiám restituit; título, statióné, et ipsíus reliquiis decorávit.

**R.** In servis suis, allelúia, \* Consolábitur Deus, allelúia. **V.** Judicábit Dóminus pópulum suum, et in servis suis. Consolábitur.

Sermo sancti Ambrósii  
Episcopi.

## Lectio vj. Serm. 22.

**D**IGNUM et cóngruum est, fratres, ut post lætítiam Paschæ, quam in Ecclésia celebrávimus, gáudia nostra cum sanctis Martýribus conferámus : et iis annuntiémus Domínicæ resurrectiónis glóriam, qui consórtes sunt Domínicæ passiónis. Qui enim sócii sunt contuméliæ, debent et partícipes



esse lætitiæ. Ita enim dicit beátus Apóstolus: Sicut socii passionum estis, et resurrectionis éritis: si tolerábitis, inquit, et conregnábitis. Qui ergo toleraverunt mala propter Christum, debent et glóriam habére cum Christo.

**R.** Filie Jerúsalem. 45\*.

IN III. NOCTURNO

**Homil. in Evang.** Ego sum vitis. de eodem Comm. 2º loco Temp. Pasch. 49\*.

**Vesp. a Capit. de seq., cum Commem. præced.**

DIE XXIII

S. GEORGII MARTYRIS

**Semiduplex.**

**Omnia de Comm. Mart. Temp. Pasch. 42\*, præter seq.**

**Oratio.**

**D**EUS, qui nos beáti Geórgii Mátyris tui méritis et intercessióne lætificas: concede propítius; ut qui tua per eum beneficia póscimus, dono tuæ grátie consequámur. Per Dóminum.

**Et fit Commem. præced.**

**Ant. Sancti et justi in Dómino gaudéte, allelúia: vos elégit Deus in hereditátem sibi, allelúia.**

**V. Pretiósá in conspéctu Dómini, allelúia. R. Mors sanctorum ejus, allelúia.**

IN I. NOCTURNO

**Lect. de Script. occur.**

IN II. NOCTURNO

**Lect. Quibus ego. de eodem Comm. 2º loco. 48\*.**

IN III. NOCTURNO

**Homil. in Evang.** Ego sum. de eodem Comm. 1º loco. 45\*.

**Vesp. de seq. cum Commem. præced.**

DIE XXIV

S. FIDELIS A SIGMARINGA

**MARTYRIS**

**Duplex.**

**Omnia de Comm. Mart. Temp. Pasch. 42\*, præter seq.**

**Oratio.**

**D**EUS, qui beátum Fidélem seráphico spíritus ardóre succénsus in veræ fidei propagatióne martýrii palma et gloriósus miráculis decoráre dignátus es: ejus, quæsumus, méritis et intercessióne, ita nos per grátiam tuam in fide et caritaté confirma; ut in servitio tuo fidéles usque ad mortem inveniri mereámur. Per Dóminum.

**Et fit Commem. præced.**

**Ant. Sancti et justi. V. Pretiósá. ut supra.**

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**F**IDÉLIS in óppido Suéviæ Sigmaringa ex honésta Reyórum familia natus, ab ineunte ætáte singuláribus natúræ et grátie donis ornátus præfúlsit. Egrégiam quippe sortitus índolem, morúmque óptima imbútus disciplina, dum Fribúrgi phi-

losophiæ et juris utriusque láuream emérui, in schola étiam Christi ad perfecti-  
onis ápicem sédulo virtútum  
exercitio conténdere cœpit.  
Nobilium exinde virórum  
várias Európe provincias  
lustrántium comes adscitus,  
eos ad christiánam pietátem  
sectándam, tam verbis quam  
opéribus excitáre non desti-  
tit. Quinimo in eódem iti-  
nere crebris austeritátibus  
desidéria carnis mortificáre,  
ac ita seípsum régere stú-  
duit, ut in tanta rerum vi-  
cissitúdine nullo umquam  
visus fúerit iræ motu pertur-  
bári. Juris prætérea, et ju-  
stitiæ strénuus propugnátor,  
post réditum in Germániam  
célebre sibi nomen acquisi-  
vit in advocáti múnere, in  
quo tamen cum fori perícula  
esset expértus, tutiorem æ-  
térnæ salutis viam ingredi  
deliberávit, et supérna vo-  
catione illustrátus, páulo  
post órđini Seráphico inter  
fratres Minóres Capuccinos  
adscribi pétiit.

**¶** Lux perpétua lucébit  
sanctis tuis Dómine, \* Et  
ætérnitas témporum, alle-  
lúia, allelúia. **¶** Lætítia sem-  
pitérna erit super cápita  
eórum: gáudium et exsulta-  
tiónem obtinébunt. Et ætér-  
nitas.

#### Lectio v.

**P** IÆ petitiónis compos réd-  
ditus, mundi suíque con-  
témptor insignis, in ipso sta-  
tim tyrocínio, magisque cum

solémnis professi-  
onis vota in  
gáudio spíritus Dómino nun-  
cupásset, in regulári obser-  
vántia ómnibus admirati-  
óni fuit, et exémplo. Orati-  
óni máxime, et sacris litteris va-  
cans, in verbi quoque mini-  
stério singulári grátia excél-  
lens, nedum Cathólicos ad  
meliórem frugem, verum  
étiam heterodóxos ad veri-  
tátis cogniti-  
ónem attráxit.  
Plúribus in locis cœnóbii  
præfétus constitútus, pru-  
déntia, justítia, mansuetú-  
dine, discreti-  
óne, et humi-  
litátis láude,  
munus sibi  
demandátum  
exércuit. Ar-  
ctíssimæ paupertá-  
tis zelátor  
egrégius, quid-  
quid vel mi-  
nus necessá-  
rium viderétur,  
e cœnóbio pé-  
nitus eliminá-  
vit. Inter austé-  
ra jejúnia,  
vigilias, et  
flagélla salu-  
tári seípsum  
prósequens ó-  
dio, in álios  
amórem, quasi  
mater in filios,  
osténdit. Cum  
pestífera febris  
Austriacas mi-  
litáres cópias  
dire affligeret,  
ipse in extrémis  
infirmórum  
indigéntiis ad  
assídua caritá-  
tis officia toto  
spíritu incúbuit.  
In componéndis  
etiam animórum  
dissidiis, aliis-  
que próximi  
necessitá-  
tibus subleván-  
dis consilio et  
ópere ádeo  
præcláre se  
gessit, ut pater  
pátriæ merúerit  
appellári.

**¶** In servis suis, allelúia,  
\* Consolábitur Deus, alle-  
lúia. **¶** Judicábit Dóminus  
pópulum suum, et in servis  
suis. Consolábitur.



## Lectio vj.

**D**EIPARÆ Virginis et rosarii cultor eximius, illius præcipue, aliorumque sanctorum patrocinio a Deo postulavit, ut in catholice fidei obsequium vitam sibi et sanguinem fundere liceret. Cumque ardens hoc desiderium in quotidiana Sacri devota celebratione magis accenderetur, mira Dei providentia factum est, ut fortis Christi athleta præses eligeretur illarum missionum, quas Congregatio de Propaganda Fide pro Rhætia tunc temporis instituerat. Quod arduum munus prompto hilarique animo suscipiens, tanto fervore executus est, ut pluribus hæreticis ad orthodoxam fidem conversis, spes non modica effulserit totius illius gentis Ecclesie, et Christo reconciliandæ. Prophetiæ dono præditus, futuras Rhætiae calamitates, sui que necem ab hæreticis inferendam sapius prædixit. Postquam vero insidiarum probe conscius impendenti agoni se præparasset, die vigesima quarta Aprilis anno millesimo sexcentesimo vigesimo secundo ad ecclesiam loci, Sevisium nuncupati, se contulit, ubi ab hæreticis, qui pridie conversionem simulantes, eum dolose ad prædicandum invitaverant, concione tumultuarie interrupta, per verbera ac vulnera

eidem crudeliter inflicta gloriosam mortem magno et alacri corde perpessus, primitias Martyrum memoratæ Congregationis proprio sanguine consecravit; pluribus signis et miraculis exinde clarus, præsertim Curiæ et Veldkirchii, ubi summa populi veneratione illius reliquie asservantur.

℟. Filie Jerusalem. 45\*.

IN III. NOCTURNO

Homil. in Evang. Ego sum vitis. de eodem Communi 1<sup>o</sup> loco. 45\*.

Vesp. de seq. cum Commem. præced.

DIE XXV

S. MARCI EVANGELISTÆ

Duplex 2. classis.

Omnia de Comm. Apost. Temp. Pasch. 23\*, præter seq.

Oratio.

**D**EUS, qui beatum Marcum Evangelistam tuum, evangelicæ prædicationis gratia sublimasti: tribue quæsumus; ejus nos semper et eruditione proficere, et oratione defendi. Per Dominum.

Et sit Commem. præced.

Ant. Sancti et justii in Domino gaudete, allelûia: vos elegit Deus in hereditatem sibi, allelûia.

℣. Pretiosa in conspectu Domini, allelûia. ℟. Mors sanctorum ejus, allelûia.

## IN I. NOCTURNO

*Lect.* Et factum est. *de Comm. Evangelist.* 19\*, *cum R.R. de Temp. Pasch.* 24\*.

## IN II. NOCTURNO

Ex libro sancti Hierónymi Presbýteri de Scriptóribus ecclesiásticis.

*Lectio iv.*

**M**ARCUS discipulus et intérpres Petri, juxta quod Petrum referéntem audierat, rogátus Romæ a fratribus, breve scripsit Evangélium. Quod cum Petrus audisset, et probávit, et Ecclésiæ legéndum sua auctoritáte dedit. Assúpto itaque Evangélio quod ipse confecerat, perrexit in Ægýptum, et primus Alexandriæ Christum annúntians, constituit Ecclésiám tanta doctrína et vitæ continéntia, ut omnes sectatóres Christi ad exéplum sui cógeret.

*R.* Lux perpétua lucébit sanctis tuis Dómine, \*Et ætérnitas téporum, allelúia, allelúia. *V.* Lætítia sempitérna erit super cápita eórum : gáudium et exultatiónem obtinébunt. Et.

*Lectio v.*

**D**ÉNIQUE Philo, disertissimus Judæórum, videns Alexandriæ primam ecclésiám adhuc judaizántem, quasi in láudem gentis suæ librum super eórum conversatióne scripsit. Et quómodo Lucas narrat Jerosólymæ credéntes ómnia habuisse commúnia; sic et ille, quod

Alexandriæ sub Marco fieri doctóre cernébat, memóriæ trádidit. Mórtnus est áutem octávo Nerónis anno, et sepúltus Alexandriæ, succedénte sibi Aniáno.

*R.* Virtúte magna reddébant Apóstoli \* Testimónium resurrectionis Jesu Christi Dómini nostri, allelúia, allelúia. *V.* Repléti quidem Spíritu sancto, loquebántur cum fidúcia verbum Dei. Testimónium.

De Expositiõe sancti Gregórii Papæ super Ezechielem Prophétam.

*Homil. 3. lib. 1.*

*Lectio vj.*

**S**ANCTA quátuor animália, quæ prophetiæ spíritu futura prævidéntur, subtili narratiõe describúntur, cum dicitur : Quátuor fácies uni, et quátuor pennæ uni. Quid per fáciem, nisi notitia : et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatiónem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóscio oves meas, et cognóscunt me meæ. Qui rursus ait : Ego scio quos elégerim. Per contemplatiónem vero, qua super nosmetipsos tóllimur, quasi in áëra levámur.



℞. Isti sunt agni novelli, qui annuntiaverunt, allelúia: modo venerunt ad fontes, \* Repléti sunt claritate, allelúia, allelúia. V. In conspectu Agni amicti sunt stolis albis, et palmæ in manibus eorum. Repléti. Glória Patri. Repléti.

## IN III. NOCTURNO

Homil. in Evang. Designavit Dominus. ut ibid. 21\*, cum ℞℞. pro Temp. Pasch. 25\*.

Hodie qui non intersunt Processioni Litaniarum, dicant illas privatim post Matut. cum suis Precibus et Orat. sine Psalmis Pœnit. etiam si hoc festum transferatur in aliam diem.

Si Litiariæ majores occurrant in die Paschatis, transferantur in Feriam iij. seq.

In II. Vesp. Commem. seq.

## DIE XXVI

SS. CLETI ET MARCELLINI  
PONTIFICUM ET MARTYRUM  
Semiduplex.

Omnia de Comm. Mart. Temp. Pasch. 42\*, præter seq.

Ant. Lux perpétua lucébit sanctis tuis Dómine, et æternitas téporum, allelúia.

V. Sancti et justi in Dómino gaudéte, allelúia. ℞. Vos elegit Deus in hereditatem sibi, allelúia.

## Oratio.

BEATORUM Mártyrum, paritérque Pontíficum Cleti et Marcellini nos Dómine

fóveat pretiósá conféssio: et pia júgiter intercéssio tueátur. Per Dóminum.

## IN I. NOCTURNO

Lect. de Script. occur.

Si hoc festum celebretur FERIA ij. Rogat. Lect. Fratres: Debitóres. 53\*, et Lectio ix. legitur de Homil. Feriæ.

Similiter si aliquod ex seq. festis occurrat dicta FERIA ij., aut in Vigil. Ascensionis, in I. Nocturno leguntur Lect. de Comuni illius Sancti extra Temp. Pasch.; nisi propriæ assignentur, vel ponendum sit initium alicujus Epistolæ præcedentis Dominicæ.

## IN II. NOCTURNO

## Lectio iv.

CLETUS Románus, patre Æmiliáno, de regione quinta, e vico Patrício, imperatóribus Vespasiáno et Tito, Ecclesiám gubernávit. Is ex præcepto Principis Apostolorum in Urbe viginti quinque presbýteros ordinávit. Primus in litteris verbis illis usus est: Salútem et apostólicam benedictiónem. Qui Ecclesiá óptime constitúta, cum ei præfuisset annos duódecim, menses septem, dies duos, Domitiáno imperatóre, secúnda post Nerónem persecutióne, martýrio coronátus est, et in Vaticáno juxta corpus beáti Petri sepúltus.

℞. Lux perpétua lucébit sanctis tuis Dómine, \* Et

æternitas tēporum, allelúia, allelúia. *v.* Lætitia sempiterna erit super cápita eórum : gáudium et exsultationem obtinébunt. Et æternitas.

*Lectio v.*

**M**ARCELLÍNUS Románus, ab anno ducentésimo nonagésimo sexto ad annum trecentésimum quartum in immáni imperatóris Diocletiani persecutióne Ecclesiæ præfuit. Multas pertulit angústias ob improbam eórum severitatem, qui eum redarguebant de nimia indulgentia erga lapsos in idololatriam, quæque causa fuit, ut per calumniam infamátus fuérit, quasi thus idólis adhibuisset. Verum hic beátus Póntifex in confessiône fidei, una cum tribus áliis Christiánis, Cláudio, Cyrino et Antoníno, cápite plexus est. Quorum projécta córpora, cum triginta sex dies jussu imperatóris sepultúra caruissent, beátus Marcéllus a sancto Petro in somnis admónitus, cum presbýteris et diáconis, hymnis et luminibus adhibitis, honorifice sepe-lienda curávit in cœmetério Priscillæ via Salária. Rexit Ecclesiám annos septem, menses undecim, dies viginti tres : quo tēpore fecit ordinatiónes duas mense Decémbris, quibus creávit presbýteros quátuor, episcopos per diversa loca quinque.

*R.* In servis suis, allelúia,

\* Consolábitur Deus, allelúia. *v.* Judicábit Dóminus pópulum suum ; et in servis suis. Consolábitur.

Sermo sancti Ambrósii  
Episcopi.

*Lectio vj. Serm. 22.*

**D**IGNUM et cóngruum est, fratres, ut post lætitiám Paschæ, quam in Ecclesiá celebrávimus, gáudia nostra cum sanctis Martýribus conferámus : et iis annuntiémus Dominicæ resurrectionis glóriam, qui consórtes sunt Dominicæ passiónis. Qui enim sócii sunt contumeliæ, debent et partícipes esse lætitiæ. Ita enim dicit beátus Apóstolus : Sicut sócii passiónum estis, et resurrectionis éritis ; si tolerábitus, inquit, et conregnábitus. Qui ergo toleravérunt mala propter Christum, debent et glóriam habére cum Christo.

*R.* Filiæ Jerúsalem. 45\*.

IN III. NOCTURNO

*Homil. in Evang.* Ego sum vitis, vos pálmities. *de eodem Comm. 2º loco.* 49\*.

DIE XXVIII

SANCTI PAULI A CRUCE  
CONFESSORIS

Duplex.

*Omnia de Comm. Conf. non Pont. 88\*, præter seq. (m. t. v.)*

*Oratio.*

**D**ÓMINE Jesu Christe, qui ad mystérium crucis prædicándum, sanctum Páu-



lum singulári caritatē donasti, et per eum novam in Ecclesiā familiam florēscere voluisti : ipsius nobis intercessiōne concēde; ut passiōnem tuam jūgiter recolētes in terris, ejusdem fructum cōsequi mereāmur in cælis : Qui vivis et regnas.

**Et fit Commem. S. Vitalis Mart.**

**Ant.** Lux perpétua lucēbit sanctis tuis Dómine, et ætérnitas téporum, allelúia.

**Ÿ.** Sancti et justi in Dómino gaudēte, allelúia. **R.** Vos elégit Deus in hereditatem sibi, allelúia.

**Oratio.**

**P**RÆSTA, quæsumus omnipotens Deus : ut qui beáti Vitális Mártiris tui natalitia cōlimus, intercessiōne ejus in tui nóminis amóre roborémur. Per Dóminum.

IN I. NOCTURNO

**Lect. de Script. occur.**

In Feria ij. Rogat. vel in Vigil. Ascens. Beátus vir. de eodem Comm. 2º loco. 100\*.

IN II. NOCTURNO

**Lectio iv.**

**P**ÁULUS a Cruce Uvadáe in Ligúria natus, sed e Castellatio prope Alexandriam Statiellorum nobili genere oriundus, qua futurus esset sanctitate clarus, innótuít miro splendóre, qui noctu implévit pariéntis matris cubiculum, et insígni augústæ cæli Reginæ beneficio, quæ púerum in flumen delápsum

a certo naufrágio illæsum erípuit. A primo ratiónis usu Jesu Christi crucifixi amóre flagrans, ejus contemplatióni prolíxius vacáre cœpit, et carnem innocentissimam vigiliis, flagéllis, jejúniis, potu in sexta féria ex acéto cum felle mixto, ac dura quavis castigatióne contérere. Mártýrii desidério incensus, exercítui se adjúnxit, qui Venétiis, ad bellum Turcis inferéndum, comparabátur; cógnota vero inter orándum Dei voluntate, arma ultro réddidit, præstantióri militiæ óperam datúrus, quæ Ecclesiæ præsidio esse, æternámque hóminum salutem procuráre totis viribus niterétur. Revérsus in pátriam, honestissimis nuptiis, sibique deláta pátrui hereditate, recusátis, arctiorem iníre crucis sémitam, ac rudi túnica a suo episcopo índui vóluit. Tum ejus jussu, ob eminentem vitæ sanctimóniam et rerum divinárum sciéntiam, nondum cléricus, Dominicum agrum, máximo cum animárum fructu, divini verbi prædicatióne excoluit.

**R.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritatem ætérnam, allelúia. **Ÿ.** Justum dedúxit Dóminus per vias rectas, et osténdit illi regnum Dei. Et dedit.

## Lectio v.

**R**OMAM profectus, theologicis disciplinis rite imbuitus, a Summo Pontifice Benedicto decimotertio ex obedientia sacerdotio auctus est. Facta sibi ab eodem potestate aggregandi socios, in solitudinem recessit Argentarii montis, quo eum beata Virgo jampridem invitaverat, veste illi simul ostensa atrii coloris, passionis Filii sui insignibus decorata, ibique fundamenta jecit novae congregationis. Quae brevi, plurimis ab eo toleratis laboribus, praeclaris aucta viris cum Dei benedictione valde succrevit; a Sede Apostolica non semel confirmata, una cum regulis, quas orando ipse a Deo acceperat, et quarto addito voto, per gratam Dominicæ passionis memoriam promovendi. Sacras virgines quoque instituit, quæ excëssum caritatis divini sponsi sèdulo meditarèntur. Hæc inter, animarum inexhausta aviditate ab Evangelii prædicatione numquam deficiens, homines pene innúmeros, etiam perditissimos, aut in hæresim lapsos, in salutis trāmitem adduxit. Præsertim Christi enarranda passione mirifica ejus orationis vis erat, qua una cum adstantibus in fletum effusus, quælibet obdurata corda ad pœnitentiam scindèbat.

**¶** Amavit eum Dóminus,

et ornávit eum : stolam glóriæ induit eum,\* Et ad portas paradisi coronávit eum, allelúia. **¶** Induit eum Dóminus lorícam fidei, et ornávit eum. Et ad.

## Lectio vj.

**T**ANTA in ejus pectore alébatúr divínæ caritátis flamma, ut indúsiúm quod erat cordi própius, sæpe véluti igne adústum, et binæ cóstulæ elátæ apparúerint. Sacrum præsértim fáciens non póterat a lácrymis temperáre : frequénti quoque éxtasi cum mira intèrdum córporis elevatióne frui, vultúque supérna luce radiánte conspiciébátur. Quandóque, dum concionarétur, cæléstis vox verba ei suggeréntis audita fuit, aut sermo ejus ad plura millia pássuum intónuit. Prophetiæ et linguarum dono, córdium scrutatióne, potestáte in dæmones, in morbos, in eleménta enituit. Cumque ipsis Summis Pontificibus carus ac venerándus esset, servum inútilem, peccatórem nequisimúm, a dæmóniis quoque conculcándum se judicábat. Tandem, aspérrimi vitæ géneris ad longam usque senectútem tenacíssimus, anno millésimo septingentésimo septuagésimo quinto, cum præclára mónita, véluti sui spíritus transmissa hereditáte, álúmnis tradidisset, Ecclésiæ sacraméntis ac cælésti visióne recreátus, Romæ,



qua prædixerat die, migravit in cælum. Eum Pius nonus Póntifex Máximus in beatórum, novisque deinde fulgéntem signis, in sanctórum númerum rétulit.

*R.* Iste homo. 94\*.

IN III. NOCTURNO

*Homil. in Evang.* Designávit Dóminus. *ut in Comm. Evangelist.* 21\*, *cum R.R. de Comm. Conf. non Pont.* 97\*.

*Pro S. Vitale Martyre.*

*Lectio ix.*

**V**ÍTÁLIS miles, sanctórum Gervásii et Protásii pater, una cum Paulino júdice Ravénnam ingrèssus, cum vidisset Ursicínium médicum ob christiánæ fidei confessiónem ductum ad supplicium, páululum in torméntis titubáre, exclamávit : Ursicíne médice, qui álios curáre sólitus es, cave ne te mortis æternæ jáculo conficias. Qua voce confirmátus Ursicínus, martýrium fórtiter subívit. Quare Paulinus incénsus Vitálem comprehénderi jubet, et equúleo tortum, atque in profúndam fóveam demérsus, lapídibus óbrui. Quo facto quidam Apóllinis sacérdos, qui Paulinum in Vitálem incitárat, opprèssus a dæmone, clamáre cœpit : Tu me nímium Vitális Christi Martyr incéndis : et illo æstu jactátus, se præcipitávit in flumen.

Te Deum laudámus. 17.

*In Laud. Commem. S. Vitalis.*

*Ant.* Fíliæ Jerúsalem veníte, et vidéte Mártýres cum corónis, quibus coronávit eos Dóminus in die solemnitátis et lætitiæ, allelúia, allelúia.

*V.* Pretiósá in conspéctu Dómini, allelúia. *R.* Mors sanctórum ejus, allelúia.

*Vesp. a Capit. de seq. cum Commem. præced.*

DIE XXIX

SANCTI PETRI MART.

*Duplex.*

*Omnia de Comm. Mart. Temp. Pasch.* 42\*, *præter seq.*

*Oratio.*

**P**RÆSTA, quæsumus omnipotens Deus : ut beáti Petri Mártýris tui fidem cóngrua devotiône sectémur ; qui pro ejúsdem fidei dilatatióne, martýrii palmam méruiť obtinére. Per Dñm.

*Et fit Commem. præced.*

*Ant.* Hic vir despiciens mundum et terréna, triúmphans, divítias cælo cóndidit ore, manu, allelúia.

*V.* Justum dedúxit Dóminus per vias rectas, allelúia.

*R.* Et osténdit illi regnum Dei, allelúia.

IN I. NOCTURNO

*Lect. de Script. occur.*

IN II. NOCTURNO

*Lectio iv.*

**P**ETRUS, Verónæ paréntibus Manichæórum háresi inféctis natus, ab ipsa pene infántia contra háereses pugnávit. Puer annórum se-

ptem, cum scholas frequen-  
taret, aliquándo a pátruo  
hærético interrogátus quid  
tandem iniis didicisset; chri-  
stiánæ fidei sýmbolum se  
didicisse respóndit : neque  
ullis umquam patris, pa-  
truiue blandítiis aut minis a  
fidei constántia dimovéri pó-  
tuit. Adoléscens Bonóniam  
studiórum cáusa venit : ubi  
a Spiritu sancto ad subli-  
mióris vitæ formam vocátus,  
órdinis Prædicatórum insti-  
tútum suscepit.

℞. Lux perpétua lucébit  
sanctis tuis Dómine, \* Et  
æternitas téporum, alle-  
lúia, allelúia. V. Lætítia sem-  
pitérna erit super cápita  
eórum : gáudium et exulta-  
tiónem obtinébunt. Et.

#### Lectio v.

**M**AGNO virtútum splendóre  
in religióne elúxit : cor-  
pus et ánimus ab omni im-  
puritate ita custodivit, ut  
nullius mortíferi peccáti labe  
se inquinátum umquam sèn-  
serit. Carnem jejúniis et vi-  
giliis macerábat : mentem  
divinis contemplatióibus  
exercébat. In salúte animá-  
rum procuránda assidue ver-  
sabátur : peculiáris grátiae  
dono hæréticos ácritèr con-  
futábat. Tantam in concio-  
nándo vim hábuit, ut innu-  
merábilis hóminum multi-  
túdo ad eum audiéndum  
conflúeret, multique ad pœ-  
niténtiam converteréntur.

℞. In servis suis, allelúia,

\* Consolábitur Deus, alle-

lúia. V. Judicábit Dóminus  
pópulum suum; et in servis  
suis. Consolábitur.

#### Lectio vj.

**T**ANTO fidei ardóre incén-  
sus erat, ut pro ea mor-  
tem subire optáret, eámque  
a Deo grátiam enixe preca-  
rétur. Itaque hærétici ne-  
cem, quam is páulo ante  
concionádo prædixerat, illi  
intulérunt. Nam cum sanctæ  
Inquisitiónis munus gére-  
ret, illum Como Mediolánum  
redeúntem, impius sicárius  
semel atque iterum in cápite  
gládio vulnerávit : jamque  
pene mórtuus, sýmbolum fi-  
dei, quam infans virili for-  
titúdine confessus fúerat, in  
ipso suprémó spíritu pro-  
nuntiávit : iterúmque látera  
mucrónè transverberátus,  
ad martýrii palmam migrá-  
vit in cælum, anno salutis  
millésimo ducentésimo quin-  
quagésimo secúndo : quem  
multis illústrem miráculis  
Innocéntius quartus anno se-  
quénti sanctórum Mártyrum  
número adscripsit.

℞. Filiæ Jerúsalem. 45\*.

IN III. NOCTURNO

Homil. in Ev. Ego sum. de  
eodem Comm. 1<sup>o</sup> loco. 45\*.

Vesp. a Capit. de seq. cum  
Comm. præced.

DIE XXX

SANCTÆ CATHARINÆ SENENSIS

VIRGINIS

Duplex.

Omnia de Comm. Virg.  
107\*, præter seq.



## Oratio.

**D**A, quæsumus omnipotens Deus : ut, qui beatæ Catharinæ Virginis tuæ natalitia cõlimus; et ánnua solemnitáte lætémur, et tantæ virtútis proficiámus exémplo. Per Dóminum.

Et fit Commem. præced.

**Ant.** Sancti et justi in Dómino gaudéte, allelúia : vos elégit Deus in hereditátem sibi, allelúia.

℣. Pretiõsa in conspéctu Dómini, allelúia. ℞. Mors sanctórum ejus, allelúia.

IN I. NOCTURNO

Lect. de Script. occur.

IN II. NOCTURNO

Lectio iv.

**C**ATHARÍNA, virgo Senénsis Cpiis orta paréntibus, beáti Dominici hábitum, quem soróres de Pœniténtia gestant, impetrávit. Summa ejus fuit abstinentia, et admirábilis vitæ austéritas. Invénta est aliquándo a die Cínerum usque ad Ascensiónem Dómini jejúnium perduxisse, sola Eucharistiæ communioné conténta. Luctabátur quam frequentissime cum dæmónibus, multisque illórum moléstiiis vexabátur, æstuábat fébribus, nec aliórum morbórum cruciátu carébat. Magnum et sanctum erat Catharinæ nomen, et úndique ad eam ægróti et malignis vexáti spiritibus deducebántur. Languóribus et fébribus in Christi nómine imperábat, et dæmones co-

gébat ab obséssis abire corpóribus.

℞. Propter veritátem, et mansuetúdinem, et justitiam : \* Et dedúcet te mirabiliter dextera tua, allelúia. ℣. Spécie tua et pulchritúdine tua inténde, prospere procéde, et regna. Et.

Lectio v.

**C**UM Pisis immorarétur die Dominico, refécta cibo cælésti, et in éxtasim rapta, vidit Dóminum crucifíxum magno cum lúmine adveniéntem, et ex ejus vúlnerum cicatricibus quinque rádios ad quinque loca sui córporis descendétes; ideóque mystérium advértens, Dóminum precáta, ne cicatrices apparérent; continuo rádii colórem sanguineum mutavérunt in spléndidum, et in formam puræ lucis pervenérunt ad manus, pedes, et cor ejus : ac tantus erat dolor, quem sensibiliter patiebátur, ut nisi Deus minuisset, brevi se créderet moritúram. Hanc itaque grátiam amantissimus Dóminus nova grátia cumulávit, ut sentiret dolórem illápsa vi vúlnerum, et cruénta signa non apparérent. Quod ita contigisse cum Dei fámula confessário suo Raymúndo retulisset, ut óculis étiam repræsentarétur, rádios in imaginibus beatæ Catharinæ ad dicta quinque loca pertingétes, pia fidélium cura pictis colóribus expréssit.

**R.** Dilexisti justitiam, et odisti iniquitatem : \* Propterea unxit te Deus, Deus tuus, óleo lætitiæ, allelûia. **V.** Propter veritatem, et mansuetudinem, et justitiam. Propterea.

## Lectio vj.

**D**OCTRINA ejus infûsa, non acquisita fuit; sacrarum litterarum professoribus difficillimas de divinitate quaestiones proponentibus respondit. Nemo ad eam accessit, qui non melior abierit : multa exstinxit odia, et mortales sedavit inimicitias. Pro pace Florentinorum, qui cum Ecclesia dissidebant, et interdicto ecclesiastico suppositi erant, Avenionem ad Gregorium undecimum Pontificem Maximum profecta est; cui etiam votum ejus de petenda Urbe, soli Deo notum, sese divinitus cognovisse monstravit : deliberavitque Pontifex, ea etiam suadente, ad sedem suam Romanam personaliter accedere : quod et fecit. Eidem Gregorio et Urbano sexto ejus successorì acceptissima fuit, adeo ut legationibus eorum fungeretur. Denique post innumera virtutum insignia, dono prophetiæ, et pluribus clara miraculis, anno ætatis suæ tertio circiter et trigésimo, migravit ad Sponsum. Quam Pius secundus Pontifex Maximus sanctarum Virginum número adscripsit.

**R.** Afferentur Regi. 116\*.

## IN III. NOCTURNO

**Homil. in Evang.** Simile erit regnum cælorum. **de eodem Comm.** 118\*.

**Vesp. de SS. Apost. Philippo et Jacobo, ut infra.** 547, cum Commem. præced.

DOM. III. POST PASCHA  
PATROCINII S. JOSEPH

CONF., SPONSI B. M. V.

|Duplex 2. classis.

## IN I. VESPERIS

**Ant. de Laud.** 545; **Pss.** ut in **I. Vesp. de Comm. Apost.** 1\*.

**Capitulum. Gen. 49. d**

**B**ENEDICTIONES patris tui confortatæ sunt benedictionibus patrum ejus : donec veniret desiderium collum æternorum : fiant in capite Joseph, et in vertice Nazaræi inter fratres suos.

## Hymnus.

**T**E Joseph celebrent agmina cælitum :

Te cuncti resonent christiandum chori,

Qui clarus meritis, junctus es inclytæ

Casto fœdere Virgini.

Almo cum tumidam gérmine cónjugem

Admirans, dubio tangeris anxius,

Afflâtû superi Flâminis Angelus

Concèptum pûerum docet.

Tu natum Dóminum stringis, ad éxteras

Ægýpti prófugum tu séque-  
ris plagas ;



Amissum Sólymis quæris,  
et invenis,  
Miscens gáudia flétibus.

Post mortem réliquos  
mors pia cónsecrat,  
Palmámque eméritos glória  
súscipit :

Tu vivens, Súperis par,  
frúeris Deo,  
Mira sorte beátior.

Nobis, summa Trias, parce  
precántibus,

Da Joseph méritis sídera  
scándere :

Ut tandem liceat nos tibi  
pérpetim

Gratumprómere cánticum.  
Amen.

✠. Constituit eum dómi-  
num domus suæ, allelúia.

℟. Et principem omnis pos-  
sessiónis suæ, allelúia.

**Ad Magnif. Ant.** Cum es-  
set desponsáta Mater Jesu  
Maria Joseph, ántequam  
convenirent, invénta est in  
útero habens de Spiritu  
sancto, allelúia.

**Orat. ut infra in Laud.**  
546.

**Fil Commem. Domin. III.**  
**post Pascha.** 326.

AD MATUTINUM

**Invit.** Laudémus Deum  
nostrum \* In veneratióne  
beáti Joseph, protectóris  
nostri, allelúia.

**Ps.** Veníte, exsultémus. 2.

**Hymnus.** Te Joseph. *ut*  
*supra.*

IN I. NOCTURNO

**Ant.** Angelus Dómini ap-  
páruit in somnis Joseph,  
dicens : Surge, et áccipe

púerum et matrem ejus, et  
fuge in Ægýptum, et esto  
ibi usque dum dicam tibi,  
allelúia.

**Pss. trium Noct. de Comm.**  
**Conf. non Pont.** 89\*.

✠. Confitébor nómini tuo,  
allelúia. ℟. Quóniam adjú-  
tor et protéctor factus es  
mihi, allelúia.

De libro Génesis.

**Lectio j. Cap. 39.**

**I**GITUR Joseph ductus est in  
Ægýptum, emitque eum  
Pútiphar eunúchus Pharaó-  
nis, princeps exércitus, vir  
Ægýptius, de manu Ismaéli-  
tárum, a quibus perductus  
erat. Fuitque Dóminus cum  
eo, et erat vir in cunctis  
próspere agens : habitavit-  
que in domo dómini sui,  
qui óptime nóverat Dómi-  
num esse cum eo, et ómnia,  
quæ géreret, ab eo dirigi in  
manu illius. Invenitque Jo-  
seph grátiam coram dómino  
suo, et ministrábat ei, a  
quo præpósitus ómnibus,  
gubernábat créditam sibi  
domum, et univérsa quæ ei  
trádicta fúerant : benedixit-  
que Dóminus dómui Ægý-  
ptii propter Joseph, et mul-  
tiplicávit tam in ædibus  
quam in agris cunctam ejus  
substántiam : nec quidquam  
áliud nóverat, nisi panem  
quo vescebátur. Erat áutem  
Joseph pulchra fácie, et de-  
córus adspéctu.

℟. Clamávit pópulus ad  
regem, aliménta petens : \*  
Quibus ille respóndit : Ite

ad Joseph, allelúia. *v.* Salus nostra in manu tua est : respice nos tantum, et læti serviémus regi. Quibus ille respondit.

Lectio ij. Cap. 41. e

**P**LÁCUIT Pharaóni consilium, et cunctis ministris ejus, locútusque est ad eos : Num invenire poterimus talem virum, qui spiritu Dei plenus sit? Dixit ergo ad Joseph : Quia osténdit tibi Deus ómnia quæ locútus es, numquid sapientiorem et consimilem tui invenire poteró? Tu eris super domum meam, et ad tui oris impérium cunctus pópulus obédiet : uno tantum regni sólio te præcedam. Dixitque rursus Phárao ad Joseph : Ecce constitui te super univér-sam terram Ægýpti. Tulitque ánnulum de manu sua, et dedit eum in manu ejus : vestivitque eum stola býssina, et collo torquem áuream circumpósuit. Fecitque eum ascendere super currum suum secúndum, clamánte præcone, ut omnes coram eo genu flécerent, et præpositum esse scirent univér-sæ terræ Ægýpti.

*R.* Fecit me Deus quasi patrem regis, et dóminum univér-sæ domus ejus : \* Exaltávit me, ut salvos fáceret multos pópulos, allelúia. *v.* Venite ad me, et ego dabo vobis ómnia bona Ægýpti, ut comedátis medúllam terræ. Exaltávit.

Lectio iij. Cap. 41. f

**D**IXIT quoque rex ad Joseph : Ego sum Phárao : absque tuo império non movébit quisquam manum aut pedem in omni terra Ægýpti. Vertitque nomen ejus, et vocávit eum lingua ægyptiaca Salvatórem mundi. Deditque illi uxórem Ase-neth filiam Putipháre sacerdotis Heliopóleos. Egréssus est itaque Joseph ad terram Ægýpti (triginta áutem annórum erat quando stetit in conspéctu regis Pharaónis), et circuivit omnes regiónes Ægýpti. Venitque fertilitas septem annórum : et in manipulos redáctæ sêgetes congregatæ sunt in hórrea Ægýpti. Omnis étiam frugum abundántia in singulis úrbibus cóndita est. Tántaque fuit abundántia tritici, ut arénæ maris coæquaretúr, et cópia mensúram excéderet.

*R.* Jam lætus móriar, quia vidi fáciem tuam, et supéristem te relinquo. Non sum fraudátus adspéctu tuo : \* Insuper osténdit mihi Dóminus semen tuum, allelúia. *v.* Qui pascit me ab adolescéntia mea, benedicat púeris istis, et invocétur super eos nomen meum. Insuper. Glória Patri. Insuper.

IN II. NOCTURNO

*Ant.* Angelus Dómini apparuit in somnis Joseph, dicens : Surge, et áccipe púerum et matrem ejus, et vade



in terram Israël : defuncti sunt enim qui quærébant ánimam púeri, allelúia. et merces tua magna nimis. Protéctor.

## Lectio v.

**V.** Réspice de cælo, et vide, et visita vineam istam, allelúia. **R.** Et pérfice eam, allelúia.

Sermo sancti Bernardini Senénsis.

Serm. 1. de S. Joseph.

## Lectio iv.

**O**MNIUM singulárium gratiárum alicui rationábili creatúræ communicárum generális régula est, quod, quandocúmque divína grátia éligit áliquem ad áliquam grátiam singulárem, seu ad áliquem sublímem statum, ómnia charismata donet, quæ illi persónæ sic eléctæ, et ejus officio necessária sunt, atque illam copiósè decórant. Quod máxime verificátum est in sancto Joseph, putativo patre Dómini nostri Jesu Christi, et vero sponso Reginæ mundi et Dóminæ Angelórum, qui ab ætérno Patre eléctus est fidelis nutritius, atque custos principálium thesaurórum suórum, scilicet Fílii ejus et sponsæ suæ : quod officium fidelissime prosecútus est. Cui proptérea Dóminus ait : Serve bone et fidelis, intra in gáudium Dómini tui.

**R.** Dedisti mihi protectió-nem salútis tuæ, et dextera tua suscepit me : \* Protéctor meus, et cornu salútis meæ, et susceptor meus, allelúia. **V.** Ego protéctor tuus sum,

**S**I cómpares eum ad totam Ecclésiám Christi, nonne iste est homo eléctus et speciális, per quem et sub quo Christus est ordináte et honeste introdúctus in mundum? Si ergo Virgini Matri tota Ecclésiá sancta débitrix est, quia per eam Christum suscipere digna facta est : sic profécto post eam huic debet grátiam et reveréntiam singulárem. Ipse enim est clavis vétèris testaménti, in qua patriarchális et prophétális dignitas promissum conséquitur fructum. Porro hic est solus, qui corporáliter possédit, quod eis divína dignátio repromísit. Mérito igitur figurátur per illum patriarcham Joseph, qui pópulis fruménta servávit. Sed et hic illum præcéllit, quia non solum Ægýptiis panem corporális vitæ, sed ómnibus eléctis panem de cælo, qui cæléstem vitam tribuit, cum multa solértia enutrivit.

**R.** Státuet filios suos sub tégmine illius, et sub ramis ejus morábitur : protegétur sub tégmine illius a fervóre : \* Et in glória ejus requiescet, allelúia. **V.** Speráte in eo omnis congregátio pópuli : effúndite coram illo corda vestra. Et.

## Lectio vj.

**P**ROFÉCTO dubitándum non est, quod Christus fami-

liaritatem, reverentiam, atque sublimissimam dignitatem, quam illi exhibuit, dum ageret in humanis, tamquam filius patri suo, in caelis utique non negavit, quin potius complévit et consummávit. Unde non immérito in verbo propósito a Dómino subinfértur : Intra in gáudium Dómini tui. Unde, licet gáudium æternæ beatitúdinis in cor hóminis intret, máluit tamen Dóminus ei dicere : Intra in gáudium : ut mýstice innuátur, quod gáudium illud non solum in eo sit intra, sed úndique illum circumdans et absorbens, et ipsum velut abyssus infinita submérgens. Meménto igitur nostri, beáte Joseph, et tuæ orationis suffrágio apud tuum putatívum Filium intercède : sed et beatissimam Virginem sponsam tuam nobis propitiam redde, quæ Mater est ejus, qui cum Patre et Spíritu sancto vivit et regnat per infinita sæcula sæculórum. Amen.

**R.** Si consistent advérsus me castra, non timébit cor meum : \* Si exsúrgat advérsus me prælium, in hoc ego sperábo, allelúia. **V.** In te cantátio mea semper, quóniam tu adjútor fortis. Si exsúrgat. Glória Patri. Si exsúrgat.

IN III. NOCTURNO

**Ant.** Consúrgens Joseph accépit púerum et matrem ejus, et venit in terram Israël : et

habitávit in civitatē quæ vocátur Náza-reth, allelúia.

**V.** Invocávi Dóminum, Patrem Dómini mei, allelúia.

**R.** Ut non derelinquat me in die tribulatiónis, allelúia.

Léctio sancti Evangélii secúndum Lucam.

Lectio vij. Cap. 3. d

**I**N illo témpore : Factum est áutem, cum baptizáretur omnis pópulus, et Jesu baptizáto, et oránte, apértum est cælum. Et réliqua.

Homilia sancti Augustini Episcopi.

Lib. 2. de Consensu Evang.

**M**ANIFÉSTUM est illud quod ait : Ut putabátur filius Joseph : propter illos dixisse, qui eum ex Joseph, sicut álíi hómines nascúntur, natum arbitrántur. Quos áutem movet, quod álios progenitóres Matthæus enúmerat, descéndens a David usque ad Joseph, álios áutem Lucas ascéndens a Joseph usque ad David, fá-cile est ut advértant, duos patres habére potuisse Joseph : unum a quo génitus, álterum a quo fúerit adoptátus. Antiqua est enim consuetúdo adoptándi étiam in illo pópulo Dei, ut sibi filios fácerent, quos non ipsi genuissent. Unde intelligitur Lucas patrem Joseph, non a quo génitus, sed a quo fúerat adoptátus, suscepisse in Evangélio suo, cujus progenitóres sursum versus



commémorat, donec exiret ad David.

℞. Joseph fili David noli timere accipere Mariam conjugem tuam; quod enim in ea natum est, de Spiritu sancto est: pariet autem filium, \* Et vocabis nomen ejus Jesus, allelúia. V. Ipse enim salvum faciet populum suum a peccatis eorum. Et.

### Lectio viij.

CUM enim necesse sit, utroque Evangelista vera narrante, et Matthæo scilicet et Luca, ut unus eorum ejus patris originem teneret, qui genuerat; alter ejus qui adoptaverat Joseph: quem probabilius intelligimus adoptantis originem tenuisse quam eum, qui noluit Joseph genitum dicere ab illo cujus eum filium esse narrabat? Matthæus autem dicens: Abraham genuit Isaac, Isaac genuit Jacob, atque ita in hoc verbo, quod est, genuit, perseverans, donec in ultimo diceret, Jacob autem genuit Joseph, satis expressit ad eum patrem se perduxisse originem generantium, a quo Joseph non adoptatus, sed genitus erat.

¶ Quamquam si etiam Lucas genitum diceret Joseph ab Heli, nec sic nos hoc verbum perturbare deberet, ut aliud crederemus, quam ab uno Evangelista gignentem, ab altero adoptantem patrem fuisse commemoratum. Neque enim absurde quisque

dicitur non carne, sed caritate genuisse quem filium sibi adoptaverit. At vero etiam nos quibus dedit Deus potestatem filios ejus fieri, de natura atque substantia sua non nos genuit, sicut unicum Filium, sed utique dilectione adoptavit.

℞. Surge, et accipe puerum et matrem ejus, et fuge in Ægyptum: \* Et esto ibi usque dum dicam tibi, allelúia. V. Ut adimpleretur quod dictum est a Domino per Prophetam dicentem: Ex Ægypto vocavi filium meum. Et esto. Glória Patri. Et esto.

Lect. ix. de Homil. Dom.

AD LAUDES

ET PER HORAS

Ant. 1. Jacob autem \* genuit Joseph virum Mariæ, de qua natus est Jesus, qui vocatur Christus, allelúia.

Ps. Dominus regnavit. cum reliquis. 18.

2. Missus est \* Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, allelúia.

3. Ascendit autem \* Joseph a Galilæa de civitate Nazareth, in Judæam in civitatem David, quæ vocatur Bethlehém, allelúia.

4. Et venerunt festinantes, \* et invenérunt Mariam, et Joseph, et infantem positum in præsepio, allelúia.

5. Et ipse Jesus \* erat in-

cípiens quasi annórum triginta, ut putabátur filius Joseph, allelúia.

**Capitulum.** Gen. 49. d

**B**ENEDICTIONES patris tui confortátæ sunt benedictionibus patrum ejus : donec veniret desidérium còllium æternórum : fiant in cápite Joseph, et in vértice Nazaræi inter fratres suos.

**Hymnus.**

**C**ÆLITUM Joseph decus, atque nostræ  
Certa spes vitæ, columénque mundi,

Quas tibi læti cānimus, benignus

Súscipe láudes.

Te Sator rerum státuit pudicæ

Virginis sponsum, voluítque Verbi

Te patrem dici, dedit et mínistrum

Esse salútis.

Tu Redemptórem stábulo jacéntem,

Quem chorus Vatum cécinit futúrum,

Adspicis gáudens, humilisque natum

Numen adóras.

Rex Deus regum, Domínator orbis,

Cujus ad nutum tremit inférórum

Turba, cui pronus famulátur æther,

Se tibi subdit.

Laus sit excélsæ Triadi perénnis,

Quæ tibi præbens súperos honóres,

Det tuis nobis méritis beátæ Gáudia vitæ. Amen.

**V.** Dedisti mihi protectiōnem salútis tuæ, allelúia. **R.** Et dextera tua suscepit me, allelúia.

**Ad Bened. Ant.** Joseph fili David, noli timére accipere Mariam cónjugem tuam : quod enim in ea natum est, de Spíritu sancto est, allelúia.

**Oratio.**

**D**EUS, qui ineffábili providentia beátum Joseph sanctissimæ Genitricis tuæ sponsum eligere dignátus es : præsta, quæsumus ; ut quem protectórem venerámur in terris, intercessórem habére mereámur in cælis : Qui vivis.

**Et fit Commem. Dom. 330.**

**AD TERTIAM**

**Ant.** Missus est.

**Capit.** Benedictiones.

**R. br** Constituit eum dóminum domus suæ, \* Allelúia, allelúia. Constituit. **V.** Et principem omnis possessionis suæ. Allelúia, allelúia. Glória. Constituit.

**V.** Confitébor nómini tuo, allelúia. **R.** Quóniam adjutor et protéctor factus es mihi, allelúia.

**AD SEXTAM**

**Ant.** Ascéndit áutem.

**Capitulum.** Gen. 49. c

**D**EUS patris tui erit adjutor tuus, et Omnípotens benedicet tibi benedictionibus cæli désuper.

**R. br.** Confitébor nómini tuo, \* Allelúia, allelúia. Con-



fitēbor. *v.* Quóniam adjutor et protector factus es mihi. Allelúia, allelúia. Glória Patri. Confitébor.

*v.* Justus germinábit sicut lilium, allelúia. *r.* Et florébit in ætérnum ante Dóminum, allelúia.

AD NONAM

*Ant.* Et ipse Jesus.

*Capitulum.* Gen. 49. c

**F**ÍLIUS accrésceus Joseph, filius accrésceus, et decórus adspéctu: filiæ discurrerunt super murum.

*r.* *br.* Justus germinábit sicut lilium, \* Allelúia, alle-

lúia. Justus. *v.* Et florébit in ætérnum ante Dóminum. Allelúia, allelúia. Glória. Justus.

*v.* Plantátus in domo Dómini, allelúia. *r.* In átriis domus Dei nostri, allelúia.

IN II. VESPERIS

*Omnia ut in I. Vesp.* 540.

*v.* Sub umbra illius, quem desideráveram, sedi, allelúia. *r.* Et fructus ejus dulcis gútturi meo, allelúia.

*Ad Magnif. Ant.* Fili, quid fecisti nobis sic? Ecce pater tuus et ego doléntes quærebámus te, allelúia.

*Et fit Commem. Dom.* 330.

## FESTA MAII

DIE I

SS. PHILIPPI ET JACOBI

APOSTOLORUM

Duplex 2. classis.

IN I. VESPERIS

*Ant.* de Laud. 550; Psalmi ut in I. Vesp. de Communi Apost. 1\*.

*Capit.* Hymn., *v.* et alia hic non propria de Comm. Apost. Temp. Pasch. 23\*.

*Ad Magnif. Ant.* Non turbétur cor vestrum, neque formídet: créditis in Deum, et in me crédate: in domo Patris mei mansiónes multæ sunt, allelúia, allelúia.

*Oratio.*

**D**EUS, qui nos ánnua Apostolorum tuórum Philippi et Jacóbi solemnitatelætificas: præsta quæsumus; ut

quorum gaudémus méritis, instruámur exémpis. Per Dóminum.

*Et fit Commem. S. Catharinæ.*

*Ant.* Veni sponsa Christi, áccipe corónam, quam tibi Dóminus præparávit in ætérnum, allelúia.

*v.* Diffúsa est grátia in lábiis tuis, allelúia. *r.* Propterea benedíxit te Deus in ætérnum, allelúia.

*Oratio.*

**D**A, quæsumus omnípotens Deus: ut, qui beátæ Catharinæ Virginis tuæ natalitia cólimus; et ánnua solemnitáte lætémur, et tantæ virtútis proficiámus exémplo. Per Dóminum.

AD MATUTINUM

*Omnia de Comm. Apost.*

Temp. Pasch. 23\*, præter seq.

IN I. NOCTURNO

Si tunc temporis non legitur de Epist. B. Jacobi, ponitur initium ejus Epistolæ, ut in Dom. IV. post Pascha. 338. Si autem ea tunc legitur, ponatur de ea quod illo die contigerit.

IN II. NOCTURNO

Lectio iv.

**P**HILIPPUS Bethsáidæ natus, unus ex duódecim Apóstolis, qui primum a Christo Dómino vocáti sunt : a quo cum accepisset Nathánaël, venisse Messíam in lege promissum, ad Dóminum deductus est. Quam vero Christus eum familiáriter adhiberet, illud fácte declárat, quod gentiles Salvátorem vidére cupientes, ad Philippum accessérunt : et Dóminus, cum in solitúdine hóminum multitúdinem páscere vellet, sic Philippum affátus est : Unde emémus panes ut mandúcent hi? Is, accépto Spíritu sancto, cum ei Scýthia ad prædicándum Evangélium obtigisset, omnem fere illam gentem ad christiánam fidem convértit. Postrémo cum Hierápolim Phrýgiæ venisset, pro Christi nómine cruci affixus, lapidibúsque óbrutus est, Kaléndis Maii. Ejus corpus ibídem a Christiánis sepúltum, póstea Romam delátum, in basilica duódecim Apostolorum una cum cór-

pore beáti Jacóbi Apóstoli cónditum est.

**R.** Lux perpétua lucébit sanctis tuis Dómine, \* Et ætérnitas témporum, allelúia, allelúia. **V.** Lætítia sempitérna erit super cápita eórum : gáudium et exsultatió-nem obtinébunt. Et.

Lectio v.

**J**ACÓBUS frater Dómini, cognóméto Justus, ab ineúnte ætáte vinum et siceram non bibit, carne abstí-nuit, numquam tonsus est, nec unguénto nec bálneo usus. Huic unilicébatingredi in Sancta sanctórum. Idem líneis véstibus utebátur : cui étiam assidúitas orándi ita callum génibus obdúxerat, ut durítie caméli pellem imitarétur. Eum post Christi ascensió-nem Apóstoli Jerosolymórum episcopum creavérunt : ad quem étiam princeps Apostolorum misit, qui nuntiáret se e cárcere ab Angelo edúctum fuisse. Cum áutem in concílio Jerosólymis controversia esset orta de lege et circumcisióne : Jacobus Petri senténtiam secútus, ad fratres hábuit conciónem, in qua vocatió-nem géntium probávit : fratribúsque abséntibus scribéndum esse dixit, ne géntibus jugum Mosáicæ legis impónerent. De quo et lóquitur Apóstolus ad Gálatas : Alium áutem Apostolorum vidi néminem, nisi Jacóbum fratrem Dómini.



**R.** Virtúte magna reddébant Apóstoli \*Testimónium resurrectionis Jesu Christi Dómini nostri, allelúia, allelúia. **V.** Repléti quidem Spiritu sancto, loquebántur cum fidúcia verbum Dei. Testimónium.

**Lectio vj.**

**T**ANTA áutem erat Jacóbi vitæ sánctitas, ut fimbriam vestiménti ejus certátim hómínes cúperent attingere. Nam is nonaginta sex annos natus, cum triginta annis illi Ecclésiæ sanctissime præfúisset, Christum Dei Fílium constantissime prædicans, lapídibus primum appetitur: mox in altissimum templi locum adductus, inde præcipitátus est. Qui confráctis crúribus, jácens semivívus, manus tendébat ad cælum, Deúmque pro illórum salúte deprecabátur his verbis: Ignósce eis Dómine, quia nésciunt quid faciunt. Qua in oratióne, gráviter ejus cápíte fullónis fuste percússo, ánimam Deo reddidit, séptimo Nerónis anno, et juxta templum ubi præcipitátus fúerat, sepúltus est. Unam scripsit epistolam, quæ de septem cathólicis est.

**R.** Isti sunt agni. 24\*.

IN III. NOCTURNO

Léctio sancti Evangélíi secúndum Joánnem.

**Lectio vij.** Cap. 14.

**I**N illo témpore: Dixit Jesus discípulis suis: Non

turbétur cor vestrum. Créditis in Deum, et in me créдите. In domo Patris mei mansiónes multæ sunt. Et réliqua.

Homília sancti Augustini  
Episcopi.

**Tract. 67. in Joannem.**

**E**RIGÉNDÁ est nobis, fratres, ad Deum major inténtio, ut verba sancti Evangélíi, quæ modo in nostris áuribus sonuérunt, étiam mente cápere utcúmque posímus. Ait enim Dóminus Jesus: Non turbétur cor vestrum. Créditis in Deum, et in me créдите. Ne mortem tamquam hómínes timérent, et ídeo turbaréntur, consolátur eos, étiam se Deum esse contéstans. Créditis, inquit, in Deum, et in me créдите. Cónsequens est enim, ut si in Deum créditis, et in me crédere debeátis: quod non esset cónsequens, si Christus non esset Deus.

**R.** Ego sum vitis vera, et vos pálmítes: \* Qui manet in me, et ego in eo, hic fert fructum multum, allelúia, allelúia. **V.** Sicut diléxit me Pater, et ego diléxi vos. Qui manet.

**Lectio viij.**

**C**RÉDITIS in Deum, et in eum créдите, cui natúra est, non rapína, esse æquálem Deo: semetípsum enim exinanívit, non tamen formam Dei amíttens, sed formam servi accípiens. Mortem metúitis huic formæ

servi : non turbétur cor vestrum : suscitábit illam forma Dei. Sed quid est, quod séquitur, In domo Patris mei mansiónes multæ sunt : nisi quia et sibi metuébant? Unde audire debuérunt : Non turbétur cor vestrum. Quis enim eórum non metúeret, cum Petro dictum esset, fidentióri atque promptióri : Non cantábit gallus, donec ter me neges?

**R.** Cándidi facti sunt Nazaræi ejus, allelúia; splendórem Deo dedérunt, allelúia : \* Et sicut lac coaguláti sunt, allelúia, allelúia. **V.** Candidiôres nive, nitidiôres lacte, rubicundiôres ébore antiquo, sapphíro pulchriôres. Et. Glória Patri. Et.

#### Lectio ix.

**T**AMQUAM ergo essent ab illo peritúri, mérito turbabántur : sed cum áudiunt, In domo Patris mei mansiónes multæ sunt : si quo minus dixíssem vobis : Quia vado paráre vobis locum : a perturbatióne recreántur, certi ac fidéntes, étiam post pericula tentatiónum, se apud Deum cum Christo esse mansúros : quia etsi álius est álio fórtior, álius álio sapiéntior, álius álio jústior, álius álio sánctior : in domo Patris mei mansiónes multæ sunt. Nullus eórum alienábitur ab illa domo, ubi mansiónem pro suo quisque acceptúrus est mérito.

Te Deum laudámus. 17.

#### AD LAUDES

##### ET PER HORAS

**Ant. 1.** Dómine, \* osténde nobis Patrem, et súfficit nobis, allelúia.

**Ps.** Dóminus regnávít. 18.

**2.** Philippe, \* qui videt me, videt et Patrem meum, allelúia.

**3.** Tanto témpore \* vobiscum sum, et non cognovistis me? Philippe, qui videt me, videt et Patrem meum, allelúia.

**4.** Si cognovissétis me, \* et Patrem meum útique cognovissétis, et ámodo cognoscétis eum, et vidistis eum, allelúia, allelúia, allelúia.

**5.** Si diligitis me, \* mandáta mea serváte, allelúia, allelúia, allelúia.

**Capit., Hymn. et V. de Communi Apost. Tempore Paschali. 25\*.**

**Ad Bened. Ant.** Ego sum via, véritas, et vita : nemo venit ad Patrem, nisi per me, allelúia.

#### Oratio.

**D**EUS, qui nos ánnua Apostolorum tuórum Philippi et Jacóbi solemnitáte lætíficas : præsta, quæsumus; ut quorum gaudémus méritis, instruámur exémpis. Per Dóminum.

#### AD HORAS

**Ant. sumuntur ex Laud. ut supra; Capit. et Rñ. br. ut in Communi Apost. Temp. Pasch. 25\*.**

#### IN II. VESPERIS

**Ant. de Laud.; Pss. ut in**



II. Vesp. de Comm. Apost. et reliq. de eodem Comm. 26\*;  
V. Pretiosa. ibid.

Ad Magnif. Ant. Si manseritis in me, et verba mea in vobis manserint, quodcumque petieritis, fiet vobis, allelúia, allelúia, allelúia.

Et fit Commem. seq.

## DIE II

### SANCTI ATHANASII

EPISC. CONF. ET ECCL. DOCT.

#### Duplex.

Omnia de Comm. Conf. Pont. 67\*, præter seq.

In utrisque Vesp. ad Magnif. Ant. O Doctor óptime, Ecclesiæ sanctæ lumen, beate Athanási, divinæ legis amátor, deprecáre pro nobis Fílium Dei, allelúia.

V. Amávit eum Dóminus, et ornávit eum, allelúia. R. Stulam glóriæ induit eum, allelúia.

#### Oratio.

**E**XÁUDI, quæsumus Dómine, preces nostras, quas in beáti Athanásii Confessoris tui atque Pontificis solemnitate deferimus : et qui tibi digne méruit famulári, ejus intercedéntibus méritis ab ómnibus nos absolvet peccátis. Per Dóminum.

## IN I. NOCTURNO

Lect. de Script. occur.

In Fer. II. et IV. Rogat.

Lect. Sapiéntiam. de Comm. Doct. 83\*.

## IN II. NOCTURNO

### Lectio iv.

**A**THANÁSIUS Alexandrinus, catholicæ religiõis propugnátor acérrimus, ab Alexándro episcopo Alexandrino diáconus factus est : in cujus locum succéssit, quem étiam ántea secútus fúerat ad Nicænum concilium ; ubi cum Arii impietatem repressisset, tantum ódium Arianórum suscepit, ut ex eo témpore ei insídias moliri numquam destiterint. Nam coácto ad Tyrum concilio magna ex parte Arianórum episcopórum, subornárunť muliérculam, quæ accusáret Athanásium, quod hospítio accéptus sibi stuprum per vim intulisset. Introductus igitur est Athanásius, et una cum eo Timótheus présbyter : qui simulans se esse Athanásium, Ego ne, inquit, mulier, apud te sum diversátus? ego te violávi? Cui illa petulánte : Tu mihi vim attulisti : idque jurejurádo affirmans, júdicum fidem obtestabátur, ut tantum flagitium vindicarent. Qua cógnita fráude, rejécta est mulieris impudentia.

R. Invéni David servum meum, óleo sancto meo unxi eum : \* Manus enim mea auxiliábitur ei, allelúia. V. Nihil proficiet inimicus in eo, et filius iniquitátis non nocébit ei. Manus enim mea.

## Lectio v.

**A**RSÉNIUM quoque episcopum ab Athanásio interfectum Ariáni pervulgáruunt : quem dum occúlte détinent, manum mórtui déferunt in iudicium, ab Athanásio ad usum mágicæ artis Arsénio amputátam criminántes. At Arsénius noctu aufúgiens, cum se in conspéctu totíus concilii statuisset, Athanásii inimicórum impudentissimum scelus apérui. Quod illi nihilóminus mágicis ártibus Athanásii tribuéntes, vitæ ejus insidiári non desistébant. Quamóbrem in exsilium actus, in Gállia apud Tréviros exsulávit. Grávis deinceps ac diutúrnus sub Constántio imperatóre, Ariánórum fautóre, tempestátibus jactátus, et incredibiles calamitátes perpéssus, magnam orbis terræ partem peragrávit; ac sæpe e sua ecclésia ejéctus, sæpe étiam in eámdem et Júlii Románi Pontificis auctoritáte, et Constántis imperatóris, Constántii fratris, patrocínio, decretis quoque concilii Sardicénsis, ac Jerosolymítani, restitútus est; Ariánis intérea illi semper inféstis : quorum pertinácem iram, et summum vitæ discrímen fúgiens, in sicca cistérna quinque annis se ábdidit, ejus rei tantum cóncscio quodam Athanásii amico, qui eum clam sustentábat.

**R.** Pósuí adjutórium su-

per poténtem, et exaltávi eléctum de plebe mea : \* Manus enim mea auxiliábitur ei, alleluía. **v.** Inveni David servum meum, óleo sancto meo unxi eum. Manus.

## Lectio vj.

**C**ONSTÁNTIO mórtuo, cum Juliánus Apóstata, qui ei in império succéssit, exsules episcopos ad suas ecclésias redire permisisset, Athanásius Alexandriam réversus, summo honóre excéptus est. Sed non multo post, iisdem Ariánis impelléntibus, a Juliáno exagitátus, rursus discédere cógitur. Cumque ab ejus satellitibus ad necem conquirerétur, qua fugiébatur navícula convérta in contráriam flúminis partem, iis qui se insequébantur, ex indústria occúrrit : et quæréntibus, quantum inde abéssset Athanásius, respóndit eum non longe abesse : itaque illos contrárium tenéntes cursum effúgit, atque Alexandriam rédiens, ibidem usque ad Juliáni óbitum occúltus permánsit. Qui páulo post Alexandriæ ália exórta tempestáte, quátuor menses in patérno sepúlcro delituit. Ac dénique ex tot tantisque periculis divinitus eréptus, Alexandriæ mórtuus est in suo léctulo, sub Valénte : cujus vita et mors magnis nobilitáta est miráculis. Multa pie et ad illustrándam cathólicam fidem præcláre



scripsit, sexque et quadraginta annos in summa tēporum varietate Alexandrinam ecclēsiā sanctissime gubernavit.

ñ. Iste est qui. 73\*.

IN III. NOCTURNO

**Homil. in Evang.** Cum persequētur vos. ut supra in Festo S. Cyrilli Hierosolymitani. 471.

**Vesp. de seq. Commem. præced.**

DIE III

IN INVENTIONE S. CRUCIS

**Duplex 2. classis.**

IN I. VESPERIS

**Ant. de Laud.** 558.

**Pss. ut in I. Vesperis de Comm. Apost. 1\*.**

**Capitulum. Philipp. 2.**

**F**RATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitratus est esse se æqualem Deo : sed semetipsum exinanivit, formam servi accipiens, in similitudinem hominum factus, et habitu inventus ut homo.

**Hymnus.**

**V**EXILLA regis prædeunt :

Fulget Crucis mysterium,  
Qua vita mortem pertulit,  
Et morte vitam protulit.

Quæ vulnerata lanceæ  
Mucrone diro, criminum  
Ut nos lavaret sordibus,  
Manavit unda, et sanguine.

Implēta sunt quæ concinit  
David fideli carmine,

Dicēdo nationibus :

Regnavit a ligno Deus.

Arbor decora et fulgida,  
Ornata regis purpura,  
Electa digno stipite  
Tam sancta membratāngere.

Beata, cujus brachiis  
Præteritum pependit sæculi,  
Statēra facta corporis,  
Tulitque prædam tartari.

O Crux ave spes unica,  
Paschale quæ fers gaudium  
Piis adauge gratiam,  
Reisque dele crimina.

Te, fons salutis Trinitas,  
Collaudet omnis spiritus :  
Quibus Crucis victoriam  
Largiris, adde præmium.

Amen.

**V.** Hoc signum Crucis erit  
in cælo, allelūia. **ñ.** Cum  
Dōminus ad judicandum venerit, allelūia.

**Ad Magnif. Ant.** O Crux,  
splendidior cunctis astris,  
mundo celebris, hominibus  
multum amabilis, sanctior  
universis : quæ sola fuisti  
digna portare talentum mundi :  
dulce lignum, dulces  
clavos, dulcia ferens pondera :  
salva præsentem ceteram  
in tuis hodie laudibus  
congregatam, allelūia,  
allelūia.

**Oratio ut in Laud.** 559.

**Et fit Commem. præcedentis.**

**Ant.** O Doctor optime, Ecclēsiæ sanctæ lumen, beate Athanasi, divinæ legis amator, deprecare pro nobis Filium Dei, allelūia.

**V.** Justum deduxit Dōmi-

nus per vias rectas, allelúia.

℞. Et osténdit illi regnum Dei, allelúia.

Orat. Exáudi. 551.

AD MATUTINUM

Invit. Christum Regem crucifixum, \* Veníte, adorémus, allelúia.

Ps. Veníte, exsultémus. 2.

Hymnus.

**P**ANGE lingua gloriósi  
Láuream certáminis,  
Et super Crucis trophæo  
Dic triúmphum nóbilem :  
Quáliter Redémptor orbis  
Immolátus vicerit.

De paréntis protoplásti  
Fráude Factor cóndolens,  
Quando pomi noxiális  
In necem morsu ruit :  
Ipse lignum tunc notávit,  
Damna ligni ut sólveret.

Hoc opus nostræ salútis  
Ordo depopóscerat;  
Multifórmis proditóris  
Ars ut artem fálleret,  
Et medélam ferret inde,  
Hostis unde læserat.

Quando venit ergo sacri  
Plenitúdo témporis,  
Missus est ab arce Patris  
Natus, orbis Cónditor;  
Atque ventre virgináli  
Carne amíctus pródiit.

Vagit infans inter arcta  
Cónditus præsepia :  
Membra pannis involúta  
Virgo Mater álligat :  
Et Dei manus pedésque  
Stricta cingit fáschia.

Sempitérna sit beátæ  
Trinitáti glória,  
Æqua Patri, Filióque;  
Par decus Paráclito :

Unius Triníque nomen

Láudet univérstas.

Amen.

IN I. NOCTURNO

Ant. Invéntæ Crucis festa  
recólimus, cujus præcónium  
univérsum per orbem mi-  
cánti lúmine fulget, allelúia.

Pss. in I. et II. Noct. de  
Comm. unius Mart. 27\*.

℣. Hoc signum Crucis erit  
in cælo, allelúia. ℞. Cum  
Dóminus ad judicándum vé-  
nerit, allelúia.

De Epístola beáti Páuli  
Apóstoli ad Gálatas.

Lectio j. Cap. 3. b

**Q**UICÚMQUE ex opéribus le-  
gis sunt, sub maledicto  
sunt. Scriptum est enim :  
Maledictus omnis, qui non  
permánserit in ómnibus,  
quæ scripta sunt in Libro  
legis ut fáciat ea. Quóniam  
áutem in lege nemo justifi-  
cátur apud Deum, manifé-  
stum est : quia justus ex fide  
vivit. Lex áutem non est ex  
fide, sed Qui fécerit ea, vi-  
vet in illis. Christus nos red-  
émit de maledicto legis, fa-  
ctus pro nobis maledictum :  
quia scriptum est : Male-  
dictus omnis qui pendet in  
ligno : ut in géntibus bene-  
dictio Abrahæ fieret in Chri-  
sto Jesu, ut pollicitatióne  
Spíritus accipiámus per fi-  
dem.

℞. Gloriósum diem sacra  
venerátur Ecclésia, dum  
triumphále reserátur li-  
gnum : \* In quo Redémptor  
noster mortis víncula rum-



pens, cállidum áspidem superávit, allelúia, allelúia, allelúia. *V.* In ligno pendens nostræ salútis sémitam Verbum Patris invénit. In.

De Epístola ad Philippenses.

*Lectio ij. Cap. 2.*

**H**oc enim sentíte in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem áutem crucis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur cæléstium, terréstrium, et infernórum, et omnis lingua confiteátur quia Dóminus Jesus Christus in glória est Dei Patris.

*R.* Crux fidélis, inter omnes arbor una nóbilis : nulla silva talem profert, fronde, flore, gérmine : \* Dulce lignum, dulces clavos, dulce pondus sustinuit, allelúia. *V.* Super ómnia ligna cedrórum tu sola excélsior. Dulce. De Epístola ad Colossenses.

*Lectio iij. Cap. 2. b*

**I**n Christo inhábitat omnis plenitúdo divinitátis corporaliter : et estis in illo repléti, qui est caput omnis principátus, et potestátis :

in quo et circumcisi estis circumcisióne non manu facta in exspoliatióne córporis carnis, sed in circumcisióne Christi : consepúlti ei in baptismo, in quo et resurrexistis per fidem operatiónis Dei, qui suscitávit illum a mórtuis. Et vos cum mórtui essétis in delictis, et præputio carnis vestræ, convivificávit cum illo, donans vobis ómnia delicta : delens quod advérsus nos erat chirógraphum decreti, quod erat contrárium nobis, et ipsum tulit de médio, affigens illud cruci : et exspolians principátus, et potestates tradúxit confidenter, palam triúmphans illos in semetípso.

*R.* Hæc est arbor digníssima, in paradisi médio situáta, \* In qua salútis áuctor própria morte mortem ómnium superávit, allelúia, allelúia. *V.* Crux præcellénti decóre fúlgida, quam Hélena Constantini mater concupiscénti ánimo requisívit. In. Glória Patri. In.

IN II. NOCTURNO

*Ant.* Felix ille triúmphus fit salus ægris, vitæ lignum, mortis remédiū, allelúia.

*V.* Adorámus te Christe, et benedicimus tibi, allelúia.

*R.* Quia per Crucem tuam redemísti mundum, allelúia.

*Lectio iv.*

**P**ost insígnem victóriam, quam Constantínus imperátor, divínitus accépto

signo Dominicæ Crucis, ex Maxéntio reportávit, Hélena Constantini mater in somnis admónita, conquirendæ Crucis stúdio Jerosólymam venit : ubi marmóream Veneris státuam in Crucis loco a géntibus collocátam ad tolléndam Christi Dómini passionis memóriam, post centum circiter octogínta annos everténdam curávit. Quod item fecit ad præsepe Salvatóris, et in loco resurrectionis, inde Adónidis, hinc Jovis sublato simulacro.

✠ Nos áutem gloriári opórtet in Cruce Dómini nostri Jesu Christi, in quo est salus, vita, et resurrectio nostra : \* Per quem salváti et liberáti sumus, allelúia. V. Tuam Crucem adorámus Dómine, et recólimus tuam gloriósam passióem. Per quem.

#### Lectio v.

ITAQUE loco Crucis purgató, alte defóssæ tres cruces érutæ sunt, repertusque seórsum ab illis Crucis Dominicæ titulus : qui cum ex tribus cui affixus fuisset, non apparéret, eam dubitationem sústulit miráculum. Nam Macárius Jerosolymórum episcopus, factis Deo précibus, singulas cruces cuidam féminæ gravi morbo laboránti admóvit : cui cum reliquæ nihil profuissent, adhibita tértia Crux statim eam sanávit.

✠ Dum sacrum pignus

cælitus revelátur, Christi fides roborátur : \* Adsunt prodigia divína in virga Móysi primitus figuráta, allelúia, allelúia. V. Ad Crucis contactum resúrgunt mórtui, et Dei magnália reserántur. Adsunt prodigia.

#### Lectio vj.

HÉLENA, salutári Cruce inventa, magnificentíssimam ibi exstrúxit ecclésiám, in qua partem Crucis reliquit thecis argénteis inclúsam, partem Constantíno filio détulit : quæ Romæ repósita fuit in ecclésia sanctæ Crucis in Jerúsalem, ædificáta in ædibus Sessoríanis. Clavos étiam áttulit filio, quibus sanctíssimum Jesu Christi corpus fixum fúerat. Quo ex témpore Constantinus legem sancívit, ne crux ad supplicium cuiquam adhiberétur ; ita res quæ ántea homínibus probro ac ludíbrío fúerat, veneratióni et glóriæ esse cœpit.

✠ Hoc signum Crucis erit in cælo, cum Dóminus ad judicándum vénerit : \* Tunc manifestá erunt abscóndita cordis nostri, allelúia, allelúia. V. Cum séderit Fílius hóminis in sede majestátis suæ, et cœperit judicáre sæculum per ignem. Tunc. Glória Patri. Tunc.

#### IN III. NOCTURNO

Ant. Adorámus te Christe, et benedicimus tibi, quia per Crucem tuam redemísti mundum, allelúia.



Pss. ut in III. Noct. de Communi Virginum. 116\*.

Ų. Omnis terra adóret te, et psallat tibi, allelúia. R. Psalmum dicat nómini tuo Dómine, allelúia.

Léctio sancti Evangélíi secúndum Joánnem.

Lectio vij. Cap. 3.

**I**N illo témpore : Erat homo ex pharisæis, Nicodémus nómine, princeps Judæórum. Hic venit ad Jesum nocte, et dixit ei : Rabbi, scimus quia a Deo venisti magister. Et réliqua.

Homilia sancti Augustíni Epíscopi.

Tract. 11. in Joannem, post initium.

**N**ICODÉMUS ex his erat, qui crediderant in nómine Jesu, vidéntes signa et prodigia quæ faciébat. Supérius enim hoc dixit : Cum áutem esset Jerosólymis in Pascha in die festo, multi crediderunt in nómine ejus. Quare crediderunt in nómine ejus? Séquitur, et dicit : Vidéntes signa ejus, quæ faciébat. Et de Nicodémo quid dicit? Erat princeps Judæórum, nómine Nicodémus. Hic venit ad eum nocte, et ait illi : Rabbi, scimus quia a Deo venisti magister. Et iste ergo crediderat in nómine ejus. Et ipse unde crediderat? Séquitur : Nemo enim potest hæc signa fácere, quæ tu facis, nisi fúerit Deus cum eo.

R. Dulce lignum, dulces

clavos, dulce pondus sustinuit : \* Quæ sola digna fuit portáre prétium hujus sæculi, allelúia. Ų. Hoc signum Crucis erit in cælo cum Dóminus ad judicándum vénerit. Quæ.

Lectio viij.

**S**I ergo Nicodémus de illis multis erat, qui crediderant in nómine ejus, jam in isto Nicodémo attendámus, quare Jesus non se credébat eis. Respóndit Jesus, et dixit ei : Amen, amen dico tibi, nisi quis renátus fúerit dénuo, non potest vidére regnum Dei. Ipsi ergo se credit Jesus, qui nati fúerint dénuo. Ecce illi crediderant in eum, et Jesus non se credébat eis. Tales sunt omnes catechúmeni : ipsi jam credunt in nómine Christi, sed Jesus non se credit eis. Inténdat et intélligat caritas vestra. Si dixerimus catechúmeno : Credis in Christum? Respóndet, Credo, et signat se Cruce Christi : portat in fronte, et non erubescit de Cruce Dómini sui. Ecce credit in nómine ejus. Interrogémus eum : Mandúcas carnem Filii hóminis, et bibis sánguinem Filii hóminis? Nescit quid dicimus, quia Jesus non se crédidit ei.

R. Sicut Móyses exaltávit serpéntem in desérto, ita exaltári opórtet Filium hóminis : \* Ut omnis qui credit in ipsum, non péreat, sed hábeat vitam ætérnam, alle-

lúia. *v.* Non misit Deus Fílium suum in mundum ut júdicet mundum, sed ut salvétur mundus per ipsum. Ut omnis. Glória Patri. Ut omnis.

Pro SS. Alexandro I. Papa, Eventio, et Theodulo Martyribus, ac Juvenale Episc. et Conf.

Lectio ix.

**A**LEXÁNDER RománuS, Adriáno imperatóre regens Ecclésiám, magnam partem Románæ nobilitátis ad Christum convértit. Is constituit, ut tantúmmodo panis et vinum in mystério offerretur : vinum áutem aqua miscéri jussit, propter sánguinem et aquam, quæ ex Jesu Christi látere profluxérunt : et in Cánone Missæ áddidit : Qui pridie quam pateretur. Idem decrevit, ut aqua benedicta sale admixto, perpétuo in ecclésia asservaretur, et in cubiculis adhiberetur ad fugándos dæmones. Sedit annos decem, menses quinque, et dies viginti, vitæ sanctitáte et salutáribus institútis illústris. Martýrio coronátus est una cum Evéntio et Theodúlo presbýteris, sepultusque est via Nomentána, tértio ab Urbe lápide, eódem in loco ubi secúri percússus fúerat; creátis divérso témpore mense Decémbri presbýteris sex, diáconis duóbus, et episcopis per divérsa loca quinque. Eórum cór-

pora póstea in Urbem transláta, in ecclésia sanctæ Sabinæ cóndita sunt. In eúdem diem incidit beáta mors sancti Juvenális Narniénsis episcopi : qui cum plúrimos in ea urbe sanctitáte et doctrína Christo peperisset, clarus miráculis in pace quiévit, ibique honorífice sepúltus est.

Te Deum laudámus. 17

Si autem hoc Festum venerit FERIA II. Rogat., vel Vigilia Ascens., omittitur Lect. de SS. Mart., et legitur de Homil. Rogat. et de ea fit Comm. in Laud. ac SS. Mart.

Si vero transferatur et non legitur Lectio ix. de Festo Simplicii, Lect. viij. dividitur in duas, ut in signo ¶.

AD LAUDES

ET PER HORAS

**Ant. 1.** O magnum pietátis opus : \* mors mórtua tunc est, in ligno quando mórtua vita fuit, allelúia.

**Ps.** Dóminus regnávít. cum reliq. 18.

**2.** Salva nos \* Christe Salvátor per virtútem Crucis : qui salvásti Petrum in mari, miserére nobis, allelúia.

**3** Ecce Crucem Dómini, \* fúgite partes advérsæ, vicit leo de tribu Juda, radix David, allelúia.

**4** Nos áutem gloriári \* opórtet in Cruce Dómini nostri Jesu Christi, allelúia.

**5.** Per signum Crucis \* de inimicis nostris libera nos Deus noster, allelúia.



## Capitulum. Philipp. 2.

**F**RATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitratus est esse se æqualem Deo : sed semetipsum exinanivit, formam servi accipiens, in similitudinem hominum factus, et habitu inventus ut homo.

## Hymnus.

**L**USTRA sex qui jam peregit,  
Tempus implens corporis,  
Sponte libera Redemptor  
Passioni deditus,  
Agnus in Crucis levatur  
Immolandus stipite.

Felle potus ecce languet :  
Spina, clavi, lancea  
Mite corpus perforarunt :  
Unda manat, et cruor :  
Terra, pontus, astra, mundus,  
Quo lavantur flumine !

Crux fidelis, inter omnes  
Arbor una nobilis :  
Silva talem nulla profert  
Fronde, flore, germine :  
Dulce ferrum, dulce lignum,  
Dulce pondus sustinent.

Flecte ramos arbor alta,  
Tensa laxa viscera,  
Et rigor lentescat ille,  
Quem dedit nativitas;  
Et superni membra Regis  
Tende miti stipite.

Sola digna tu fuisti  
Ferre mundi victimam :  
Atque portum præparare  
Arca mundo naufrago,  
Quam sacer cruor perunxit,  
Fusus Agni corpore.

Sempiterna sit beata  
Trinitati gloria,  
Æqua Patri, Filioque;  
Par decus Paraclito :  
Unius Trinique nomen  
Laudet universitas.  
Amen.

**V.** Adoramus te Christe,  
et benedicimus tibi, allelúia. **R.** Quia per Crucem  
tuam redemisti mundum,  
allelúia.

**Ad Bened. Ant.** Super  
omnia ligna cedrorum tu  
sola excelsior, in qua vita  
mundi pependit, in qua  
Christus triumphavit, et  
mors mortem superavit in  
æternum, allelúia.

## Oratio.

**D**EUS, qui in præclara salutiferæ Crucis inventionem, passionis tuæ miracula suscitasti : concede ; ut vitalis ligni pretio, æternæ vitæ suffragia consequamur : Qui vivis et regnas.

**Commemoratio SS. Martyrum.**

**Ant.** Filia Jerúsalem venite, et videte Martyres cum coronis, quibus coronavit eos Dominus in die solennitatis et lætitiæ, allelúia, allelúia.

**V.** Pretiosa in conspectu Domini, allelúia. **R.** Mors sanctorum ejus, allelúia.

## Oratio.

**P**RÆSTA, quæsumus omnipotens Deus : ut qui sanctorum tuorum Alexandri, Evéntii, Theodúli, atque Juvenális natalitia colimus,

a cunctis malis imminéntibus, eórum intercessiónibus liberémur. Per Dóminum.

AD TERTIAM

*Ant.* Salva nos.

*Capit.* Fratres : Hoc enim. *ut supra.* 559.

*R. br.* Hoc signum Crucis erit in cælo, \* Allelúia, allelúia. Hoc signum. *V.* Cum Dóminus ad judicándum vénerit. Allelúia, allelúia. Glória Patri. Hoc.

*V.* Adorámus te Christe, et benedicimus tibi, allelúia.

*R.* Quia per Crucem tuam redemísti mundum, allelúia.

AD SEXTAM

*Ant.* Ecce Crucem Dómini.

*Capitulum.* Galat. 6. d

**M**ihi áutem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo.

*R. br.* Adorámus te Christe, et benedicimus tibi : \* Allelúia, allelúia. Adorámus. *V.* Quia per Crucem tuam redemísti mundum. Allelúia, allelúia. Glória Patri. Adorámus.

*V.* Omnis terra adóret te, et psallat tibi, allelúia. *R.* Psalmum dicat nómini tuo Dómine, allelúia.

AD NONAM

*Ant.* Per signum Crucis.

*Capitulum.* Philip. 2.

**H**UMILIÁVIT semetípsum factus obédiens usque ad mortem, mortem áutem Crucis. Propter quod et

Deus exaltávit illum, et donávit illi nomen, quod est super omne nomen.

*R. br.* Omnis terra adóret te, et psallat tibi, \* Allelúia, allelúia. Omnis. *V.* Psalmum dicat nómini tuo Dómine. Allelúia, allelúia. Glória Patri. Omnis.

*V.* Hoc signum Crucis erit in cælo, allelúia. *R.* Cum Dóminus ad judicándum vénerit, allelúia.

IN II. VESPERIS

*Ant. et Capit. de Laud. ; Pss., Hymn. et V. ut in I. Vesp.* 553.

*Ad Magnif. Ant.* Crucem sanctam súbiit, qui inférnum confrégit : accinctus est poténtia, surréxit die tértia, allelúia.

*Et fit Commem. seq.*

DIE IV

SANCTÆ MONICÆ VIDUÆ

Duplex.

*Omnia de Comm. nec Virg. nec Mart.* 125\*, *præter seq.*

*Ant.* Simile est regnum cælórum hómini negotiátóri quærénti bonas margaritas : invénta una pretiósá, dedit ómnia sua, et comparávit eam, allelúia.

*V.* Spécie tua et pulchritúdine tua, allelúia. *R.* Inténde, próspere procéde, et regna, allelúia.

*Oratio.*

**D**EUS mœréntium conso-látor, et in te sperántium salus, qui beátæ Mó-



nicæ pias lácrymas in conversióne filii sui Augustini misericórditer suscepisti : da nobis utriúsque intervéntu peccáta nostra deplo-ráre, et grátiae tuæ indul-géntiam invenire. Per Dó-minum.

## IN I. NOCTURNO

## Lect. de Script. occur.

## IN II. NOCTURNO

## Lectio iv.

**M**ÓNICA, sancti Augustini dupliciter mater, quia eum et mundo et cælo pé-perit, marito mórtuo, quem senectúte conféctum Jesu Christo conciliávit, castam et opéribus misericórdiæ exér-citam viduitátem agébat : in assíduis vero ad Deum oratió nibus pro filio, qui in Manichæórum sectam inci-derat, lácrymas effundébat : quem étiam Mediolánum se-cúta est : ubi ipsum fre-quénter hortabátur, ut ad episcopum Ambrósium se conférret. Quod cum ille fe-cisset, ejus et públicis con-ciónibus, et privátis colló-quiis cathólicæ fidei veri-tátem edóctus, ab eódem baptizátus est.

**R.** Propter veritátem, et mansuetúdinem, et justi-tiam : \* Et dedúcet te mira-biliter délixtera tua, allelúia.  
**V.** Spécie tua, et pulchritú-dine tua inténde, prospere procéde, et regna. Et.

## Lectio v.

**M**ox in Africam redeúntes, cum ad Ostia Tiberína

constitíssent, incidit in fe-brem. Quo in morbo cum eam quodam die ánima de-fecisset, ut se collégit, Ubi, inquit, eram? Et adstántes intuens, Pónite hic matrem vestram : tantum vos rogo, ut ad altáre Dómini memi-néritis mei. Nono áutem die beáta múlter ániam Deo réddidit. Ejus corpus ibi in ecclésia sanctæ Aureæ se-púltum est : quod póstea Martino quinto Summo Pon-tífice Romam translátum, in ecclésia sancti Augustini ho-norífice cónditum est.

**R.** Dilexisti justitiam, et odisti iniquitátem : \* Pro-ptérea unxit te Deus, Deus tuus óleo lætitiæ, allelúia.

**V.** Propter veritátem, et mansuetúdinem, et justi-tiam. Proptérea.

## Lectio vj.

## Ex libro 9. Conf. cap. 12.

**S**UBDIT vero Augustínus de matris morte disserens : Neque enim decére arbitra-bámur funus illud quéstu-bus lacrymósus, gemitibús-que celebráre, quia illa nec misere, nec omnino morie-bátur : hoc et documéntis morum ejus, et fide non ficta, rationibúsque certis tenebá-mus. Atque inde paulátim re-ducébam in prístinum sen-sum ancillam tuam, conver-sationémque ejus piam in te et sanctam, in nos blandam atque morigeram, qua sú-bito destitútus sum, et libuit flere de illa et pro illa ; et si

quis peccátum invénerit fle-  
visse me matrem meam exi-  
gua parte horæ, matrem  
óculis meis mórtuam quæ  
me multos annos fléverat,  
ut óculis suis viverem, non  
irrideat : sed pótius, si est  
grandi caritáte, pro peccá-  
tis meis fleat ipse ad te Pa-  
trem ómnium fratrum Chri-  
sti tui.

℟. Fallax grátia. 128\*.

IN III. NOCTURNO

Léctio sancti Evangélii se-  
cúndum Lucam.

Lectio vij. Cap. 7. b

**I**N illo témpore : Ibat Jesus  
in civitátem, quæ vocá-  
tur Naïm : et ibant cum eo  
discípuli ejus, et turba co-  
piósa. Et réliqua.

Homilia sancti Augustíni  
Episcopi.

Serm. 44. de verbis Domini.  
circa initium.

**D**E júvene illo resuscitáto  
gavisa est mater vídua :  
de homínibus in spíritu quo-  
tidie suscitátis gáudet mater  
Ecclésia. Ille quidem mórtu-  
us erat córpore : illi áu-  
tem mente. Illius mors visi-  
bilis visibíliter plangebátur :  
illórum mors invisibilis nec  
quærebátur, nec videbátur.  
Quæsívit ille, qui nóverat  
mórtuos. Ille solus nóverat  
mórtuos, qui póterat fácere  
vivos. Nisi enim ad mórtuos  
suscitándos venisset, Apó-  
stolus non díceret : Surge,  
qui dormis, et exsúrge a  
mórtuis, et illuminábit te  
Christus.

℟. Os suum apéruit sa-  
piéntiæ, et lex cleméntiæ in  
lingua ejus : considerávit  
sémitas domus suæ, \* Et pa-  
nem otíosa non comédit,  
allelúia. V. Gustávit, et vidit  
quia bona est negotiátio ejus :  
non exstinguétur in nocte  
lucérna ejus. Et panem.

Lectio viij.

**T**RES áutem mórtuos inve-  
nimus a Dómino resusci-  
tátos visibíliter, millia invi-  
bíliter. Quot áutem mórtuos  
visibíliter suscitáverit, quis  
novit? Non enim ómnia, quæ  
fecit, scripta sunt. Joánnes  
hoc dixit : Multa ália fecit  
Jesus : quæ si scripta essent,  
árbitror totum mundum non  
posse libros cápere. Multi  
ergo sunt álii sine dúbio  
suscitáti, sed non tres fru-  
stra commemoráti. Dóminus  
enim noster Jesus Christus  
ea quæ faciébat corporáli-  
ter, étiam spirítaliter volé-  
bat intéllegi. Neque enim  
tantum mirácula propter mi-  
rácula faciébat : sed ut illa,  
quæ faciébat, mira essent  
vidéntibus, vera essent in-  
telligéntibus.

℟. Regnum mundi, et  
omnem ornátum sáeculi con-  
témpsi, propter amórem  
Dómini mei Jesu Christi :  
Quem vidi, quem amávi, in  
quem crédidi, quem diléxi,  
allelúia. V. Eructávit cor  
meum verbum bonum : dico  
ego ópera mea Regi. Quem  
vidi. Glória Patri. Quem  
vidi.



## Lectio ix.

**Q**UEMÁDMODUM qui videt litteras in códice óptime scripto, et non novit légere, láudat quidem antiquárii manum, admirans ápicum pulchritúdinem : sed quid sibi velint, quid indicent illi ápices, nescit, et est óculis laudátor, mente non cógnitor. Alius áutem et láudat artificium, et capit intelléctum : ille útique, qui non solum vidére quod comúné est ómnibus, potest, sed étiam légere; quod qui non didicit, non potest. Ita qui vidérunt Christi mirácula, et non intellexérunt quid sibi vellent, et quid intelligentibus quodámmodo innúerent, miráti sunt tantum quia facta sunt : álii vero et facta miráti, et intellécta assecúti. Tales nos in schola Christi esse debémus.

Te Deum laudámus. 17.

Vesp. a Capit. de seq. cum Commem. præced.

## DIE V

S. PII V. PAPÆ ET CONF.

## Duplex.

Omnia de Comm. Conf.

Pont. 67\*, præter seq. (m. t. v.)

## Oratio.

**D**EUS, qui ad conteréndos Ecclésiæ tuæ hostes, et ad divinum cultum reparándum, beátum Pium Pontíficem Máximum eligere dignátus es : fac nos ipsíus deféndi præsídiis, et ita

tuis inhærére obséquiiis; ut ómnium hóstium superátis insidiis, perpétua pace lætémur. Per Dóminum.

Et fit Commem. præced.

**Ant.** Manum suam apérui inopi, et palmas suas exténdit ad páuperem, et panem otíosa non comédit, allelúia.

**V.** Diffúsa est grátia in lábiis tuis, allelúia. **R.** Propterea benedixit te Deus in ætérnum, allelúia.

IN I. NOCTURNO

Lect. de Script. occur.

IN II. NOCTURNO

## Lectio iv

**P**IUS in óppido Insúbriæ, quod Boschum vocant, natus, sed e Bonónia oriúndus ex nóbili Ghisleriórum familia, cum quatuórdecim esset annórum, órdenem Prædicatórum ingressus est. Erat in eo admirábilis patiéntia, profúnda humilitas, summa vitæ austéritas, continuum oratiónis stúdiu, et reguláris observántiæ, ac divini honóris ardentissimus zelus. Philosophiæ vero ac theologiæ incúmbens, ádeo in iis excélluit, ut illas docéndi munus magna cum láude per multos annos exercúerit. Sacras conciónes plúribus in locis cum ingénti auditórum fructu hábuit. Inquisitóris officiu inviolábili ánimi fortitúdiue diu sustínuit : multásque civitátes, non sine vitæ discrimine, ab hæresi tunc grásante immúnes servávit.

**R.** Invéni David servum meum, óleo sancto meo unxi eum : \* Manus enim mea auxiliábitur ei, allelúia. **V.** Nihil proficiet inimicus in eo, et filius iniquitátis non nocébit ei. Manus.

**Lectio v.**

**A** PÁULO quarto, cui ob eximias virtútes carissimus erat, ad Nepesinum et Sutrinum episcopátum promótus, et post biénnum inter Románæ Ecclesiæ presbýteros Cardináles adscriptus fuit. Tum ad ecclésiám Montis Regális in Subalpínis a Pio quarto translátus, cum plures in eam abúsus irrepsisse cognovisset, totam diocésim lustrávit, rebúsque compósitis Romam revérsus, gravissimis expediéndis negotiis applicátus, quod justum erat apostólica libertáte et constántia decernébat. Mórtnuo áutem Pio, præter ómnium expectatió-nem eléctus Póntifex, nihil in vitæ ratióne, excépto exterióri hábitu, immutávit. Fuit in eo religiónis propágandæ perpétuum stúdi-um, in ecclesiástica disciplína restituénda indefessus labor, in exstirpándis erróribus assidua vigilántia, in sublevándis egéntium necessitá-tibus indeficiens beneficén-tia, in Sedis Apostolicæ júribus vindicándis robur invíctum.

**R.** Pósui adjutórium super poténtem, et exaltávi ele-

ctum de plebe mea : \* Manus enim mea auxiliábitur ei, allelúia. **V.** Invéni David servum meum, óleo sancto meo unxi eum. Manus.

**Lectio vj.**

**S**ELÍMUM Turcárum tyránum multis elátum victóriis, ingénti comparáta classe, ad Echinadas insulas non tam armis, quam fuis ad Deum précibus devicit. Quam victóriam ea ipsa hora, qua obténta fuit, Deo revelánte, cognóvit, suisque familiáribus indicávit. Dum vero novam in ipsos Turcas expeditiódinem molirétur, in gravem morbum incidit, et acerbissimis dolóribus patientissime tolerátis, ad extrémam devéniens, cum sacraménta de more suscepisset, ánimam Deo placidissime réddidit, anno millésimo quingentésimo septuagésimo secúndo, ætátis suæ sexagésimo octávo, cum sedisset annos sex, menses tres, dies viginti quátuor. Corpus ejus in basilíca sanctæ Mariæ ad Præsepe summa fidélium veneratióne cólitur, multis a Deo ejus intercessiódine patrátis miráculis. Quibus rite probátis, a Cleménte undécimo Pontífice Máximo sanctórum número adscriptus est.

**R.** Iste est qui. 73\*.

IN III. NOCTURNO

**Homil. in Evang.** Homo péregre. **de eodem Comm.** 1º loco. 75\*.



Vesp. de seq., cum Commem. præced.

DIE VI

S. JOANNIS APOSTOLI

ANTE PORTAM LATINAM

Duplex majus.

Omnia de Comm. Apost. Temp. Pasch. 23\*, præter seq.

In utrisque Vesp. ad Magnif. Ant. In fervéntis ólei dólum missus beátus Joánes Apóstolus, divína se protegénte grátia illæsus exívit, allelúia.

Oratio.

**D**EUS, qui cónspicis, quia nos úndique mala nostra pertúrbant : præsta quæsumus ; ut beáti Joánnis Apóstoli tui et Evangelistæ intercèssio gloriósa nos próteget. Per Dóminum.

Et fit Commem. sancti Pii.

Ant. Dum esset summus Póntifex, terréna non méruit, sed ad cæléstia regna gloriósus migrávit, allelúia.

℣. Justum dedúxit Dóminus per vias rectas, allelúia.

℟. Et osténdit illi regnum Dei, allelúia.

Orat. Deus, qui ad contérendos. ut supra. 563.

IN I. NOCTURNO

Legitur initium Epistolæ primæ B. Joannis, ut in Dominica infra Octavam Ascensionis. 374, nisi eo tempore legatur de libro Apoc. vel de ejus Epist., tunc enim ponuntur Lect. eo die occurrentes.

IN II. NOCTURNO

Ex libro sancti Hierónymi Presbýteri contra Joviniánum.

Lectio iv. Lib. 1.

**J**OÁNNES Apóstolus, unus ex discipulis Dómini, qui mínimus natu tráditur fuisse inter Apóstolos, et quem fides Christi virginem repérrerat, virgo permánsit : et ideo plus amátur a Dómino, et recúmbit super pectus Jesu : et quod Petrus, qui uxórem habúerat, interrogáre non áudet, illum rogat ut intérriget ; et post resurrectionem, nuntiánte María Magdaléne quod Dóminus resurrexisset, utérque cucúrrit ad sepúlcrum, sed ille prævenit : cumque essent in navi, et piscaréntur in lacu Genésareth, Jesus stabat in littore, nec sciébant Apóstoli quem vidérent : solus virgo virginem agnóscit, et dicit Petro : Dóminus est.

℟. Lux perpétua lucébit sanctis tuis Dómine, \* Et ætéritas témporum, allelúia, allelúia. ℣. Lætítia sempitérna erit super cápita eórum : gáudium et exsultatiónem obtinébunt. Et.

Lectio v

**F**UIT áutem Joánes et Apóstolus, et Evangelista, et Prophéta : Apóstolus, quia scripsit ad Ecclesiás ut magíster : Evangelista, quia librum Evangélii cóndidit, quod excépto Matthæo, álíi ex duódecim Apóstoli non

fecerunt : Prophéta, vidit enim in Patmos insula, in qua fúerat a Domitiáno príncipe ob Dómini martýrium relegátus, Apocalýpsim, infinita futurórum mystéria continéntem. Refert áutem Tertulliánus quod Romæ missus in fervéntis olei dólium, púrior et vegétior exíverit, quam intráverit.

℟. Virtúte magna reddébant Apóstoli \* Testimónium resurrectionis Jesu Christi Dómini nostri, allelúia, allelúia. ℣. Repléti quidem Spíritu sancto, loquebántur cum fidúcia verbum Dei. Testimónium.

*Lectio vj.*

**S**ED et ipsum ejus Evangélium multum distat a cæteris. Matthæus quasi de hómine incipit scribere, Liber generatiónis Jesu Christi, filii David, filii Abraham : Lucas a sacerdotio Zachariæ : Marcus a prophetia Malachiæ et Isaïæ. Primus habet faciém hóminis, propter genealogiam ; secundus faciém vituli, propter sacerdotium ; tertius faciém leónis, propter vocem clamántis in deserto, Paráte viam Dómini, rectas fácite sémitas ejus. Joánnes vero noster quasi áquila ad supérna volat, et ad ipsum Patrem pérvenit, dicens : In princípío erat Verbum, et Verbum erat apud Deum, et Deus erat Verbum.

℟. Isti sunt agni. 24\*.

IN III. NOCTURNO

Léctio sancti Evangélii secundum Matthæum.

*Lectio vij. Cap. 20. c*

**I**N illo témpore : Accéssit ad Jesum mater filiórum Zebedæi cum filiis suis, adorans et petens áliquid ab eo. Et réliqua.

Homília sancti Hierónymi Presbýteri.

*Lib. 3. Comm. in Matth. c. 20.*

**U**NDE opinióem regni habet mater filiórum Zebedæi, ut cum Dóminus dixerit : Filius hóminis tradétur princípibus sacerdotum et scribis, et condemnábunt eum morte, et tradent gentibus ad illudéndum, et flagellándum, et crucifigéndum ; et ignomíniam passiónis tíméntibus discipulis nuntiáret, illa glóriam póstulet triumphántis? Hac, ut reor, ex cáusa, quia post ómnia dixerat Dóminus : Et tértia die resúrget ; putávit eum múlter post resurrectionem illico regnatúrurum, et hoc quod in secúndo adventu promittitur, in primo esse compléndum : et aviditáte femínea præsentia cupit, immemor futurórum.

℟. Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. ℣. Sicut diléxit me Pater, et ego diléxi vos. Qui manet.



## Lectio viij.

**M**ATER póstulat, et Dóminus discipulis lóquitur, intélligens preces ejus ex filiórum descénderé voluntáte. Potéstis bibere cálicem, quem ego bibitúrus sum? Cálicem in Scriptúris divínis passióem intellígimus, juxta illud : Pater, si possibile est, tránseat a me calix iste. Et in Psalmo : Quid retribuam Dómino pro ómnibus quæ retribuit mihi? Cálicem salutáris accípiam, et nomen Dómini invocábo. Statimque infert quis iste sit calix : Pretiósá in conspéctu Dómini mors sanctórum ejus.

**R.** Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, allelúia, allelúia. **V.** Candióres nive, nitidióres lacte, rubicundióres ébore antiquo, sapphíro pulchrióres. Et. Glória Patri. Et.

## Lectio ix.

**Q**UÆRITUR, quómodo cálicem martýrii filii Zebedæi, Jacóbus videlicet et Joánnes, biberint : cum Scriptúra narret, Jacóbum tantum Apóstolum ab Heróde cápite truncátum, Joánnes áutem própria morte vitam finierit. Sed si legámus ecclesiásticas histórias, in quibus fertur, quod et ipse propter martýrium sit missus in fervéntis ólei dólium, et inde ad suscipiéndam

corónam Christi athléta procésserit, statimque relegátus in Patmos insulam sit : vidébimus martýrio ánimum non defuisse, et bibisse Joánnem cálicem confessiόνis, quem et tres púeri in camíno ignis bibérunt, licet persecútor non fúderit sanguinem.

Te Deum laudámus. 17.

In II. Vesp. fit Commem. seq.

## DIE VII

## SANCTI STANISLAI

EPISCOPI ET MARTYRIS

## Duplex.

Omnia de Comm. unius Mart. Tempore Pasch. 42\*, præter seq.

**Ant.** Lux perpétua lucébit sanctis tuis Dómine, et ætérnitas témporum, allelúia.

**V.** Sancti et justí in Dómino gaudéte, allelúia. **R.** Vos elégit Deus in hereditátem sibi, allelúia.

## Oratio.

**D**EUS, pro cujus honóre gloriósus Póntifex Stanisláus gládiis impiórum occúbuit : præsta quæsumus ; ut omnes qui ejus implórant auxiliúm, petitiónis suæ salutárem consequántur efféctum. Per Dóminum.

IN I. NOCTURNO

Lect. de Script. occur.

IN II. NOCTURNO

## Lectio iv.

**S**TANISLÁUS Polónus, apud Cracóviam nóbili génere natus, et piis paréntibus,

qui ántea per annos triginta stériles, illum a Deo préci-  
bus impetrárunť, ab ineúnte  
ætáte futúráe sanctitátis spé-  
cimen dedit. Adoléscens bo-  
nis ártibus óperam navávit,  
multúmque in sacra cáno-  
num et theologiæ doctrina  
profécit : paréntibus mór-  
tuis, amplum patrimonium  
paupéribus distribuit, vitæ  
monásticæ desidério. Sed  
Dei providéntia canónicus  
Cracoviénsis, et concioná-  
tor factus a Lampérto epi-  
scopo, in ejus póstea locum,  
quamvis invitus, sufficitur.  
Quo in múnere, ómnium  
pastorálium virtútum láude,  
et præcípue misericórdia in  
páuperes eníuit.

℞. Lux perpétua lucébit  
sanctis tuis Dómine, \* Et  
ætérnitas témporum, alle-  
lúia, allelúia. √. Lætítia  
sempitérna erit super cápita  
eórum : gáudium et exsul-  
tationem obtinébunt. Et.

Lectio v.

**E**RAT tum Polóniæ rex Bo-  
lesláus, quem gráviter  
offéndit, quod illius notam  
libidinem públice arguébat.  
Quare in solémni regni con-  
vénťu Stanisláum per calú-  
mnia in iudicium coram  
se vocári curat, tamquam  
pagum occupáret, quem Ec-  
clésiæ suæ nómine coéme-  
rat. Quod cum neque tábu-  
lis probáre posset, et testes  
veritátem dicere timérent,  
spondet episcopus, se Pe-  
trum pagi venditórem, qui

triénnio ante obierat, intra  
dies tres in iudicium addu-  
ctúrum. Conditóne cum risu  
accépta, vir Dei toto triduo  
jejúniis et oratióni incúm-  
bit : ipso sponsiónis die,  
post oblátum Missæ sacri-  
ficiu, Petrum e sepúlcro  
súrgere jubet : qui statim  
redívivus, episcopum ad ré-  
gium tribúnal eúntem séqui-  
tur, ibíque rege et cáteris  
stupóre attónitis, de agro a  
se véndito, et pretio rite sibi  
ab episcopo persolúto, testi-  
monium dicit, atque íterum  
in Dómino obdormívit.

℞. In servis suis, allelúia,  
\* Consolábitur Deus, alle-  
lúia. √. Judicábit Dóminus  
pópulum suum; et in servis  
suis. Consolábitur.

Lectio vj.

**A**T Bolesláum, frustra sæpe  
admonítum, Stanisláus  
tandem a fidélium commu-  
nióne rémovet. Ille iracún-  
dia furens, milites in ecclé-  
siam immíttit, ut sanctum  
episcopum confódiant : qui  
ter conáti, occúlta vi tértio  
divínitus sunt depúlsi. Post-  
rémo ímpius rex sacerdotem  
Dei, hóstiam immacu-  
látam ad altáre offeréntem,  
sua manu obrúncat : cor-  
pus membrátim concisum, et  
per agros proyéctum, áquilæ  
aferis mirabiliter deféndunt.  
Mox canónici Cracoviénses  
sparsa membra noctúrni de  
cælo splendóris indicio cól-  
ligunt, et suis locis apte dis-  
pónunt : quæ súbito ita in-



ter se copulata sunt, ut nulla vulnere vestigia exstarent. Multis præterea miraculis servi sui sanctitatem Deus declaravit post ejus mortem; quibus permotus Innocentius quartus Summus Pontifex, illum in sanctorum numerum retulit. Clemens vero octavus, Pontifex Maximus, sancti Stanislai festo die in Romanum Breviarium relato, gloriosi Martyris memoriam duplici Officio ubique celebrari jussit.

℟ Filiae Jerúsalem. 45\*.

IN III. NOCTURNO

Homil. in Evang Ego sum.  
de eodem Comm. 1<sup>o</sup> loco 45\*.

Vesp. de seq. cum Commem. præced.

DIE VIII

IN APPARITIONE

S. MICHAELIS ARCHANG.

Duplex majus.

IN I. VESPERIS

Ant. et Capit. de Laud.  
Pss. ut in I. Vesp. de Comuni Apost. 1\*.

Hymnus.

**T**E, splendor et virtus Patris,  
Te vita, Jesu, cordinum,  
Ab ore qui pendent tuo,  
Laudamus inter Angelos.

Tibi mille densa millium  
Ducum corona militat:  
Sed explicat victor crucem  
Michaël salutis signifer.

Dracónis hic dirum caput  
In ima pellit tartara,  
Ducemque cum rebellibus  
Cælesti ab arce fulminat.

Contra ducem superbiam  
Sequamur hunc nos principem,

Ut detur ex Agni throno  
Nobis corona gloriæ.

Deo Patri sit gloria,  
Et Filio, qui a mortuis  
Surrexit, ac Paráclito,  
In sempiterna sæcula. Amen.

℣. Stetit Angelus juxta  
aram templi, allelúia. ℞. Habens  
thuribulum aureum in  
manu sua, allelúia.

Ad Magnif. Ant. Dum sacrum  
mysterium cerneret  
Joannes, Archangelus Michaël  
tuba cecinit: Ignosce  
Domine Deus noster, qui  
aperis librum, et solvis  
signacula ejus, allelúia.

Oratio.

**D**EUS, qui miro ordine  
Angelorum ministeria  
hominumque dispensas:  
concede propitius; ut a  
quibus tibi ministrantibus in  
cælo semper assistitur, ab  
his in terra vita nostra muniat.  
Per Dominum.

Et fit Commem. S. Stanislai.

Ant. Sancti et justi in Domino  
gaudete, allelúia: vos  
elegit Deus in hereditatem  
sibi, allelúia.

℣. Pretiosa in conspectu  
Domini, allelúia. ℞. Mors  
sanctorum ejus, allelúia.

Oratio Deus, pro cujus  
honore. ut supra. 567.

AD MATUTINUM

Invit. Regem Archangelorum  
Dominum, \* Venite,  
adoramus, allelúia.

Ps. Veníte, exsultémus. 2.

Hymn. Tesplendor. supra.

IN I. NOCTURNO

Ant. Concússum est mare, et contrémuit terra, ubi Archángelus Michaël descendébat de cælo, allelúia.

Psalmi trium Nocturnorum ut in Officio votivo de SS. Angelis. 234\*.

V. Stetit Angelus juxta aram templi, allelúia. R. Habens thuribulum áureum in manu sua, allelúia.

Ex Daniéle Prophéta.

Lectio j. Cap. 7. c

ADSPICIEBAM donec throni pòsiti sunt, et antiquus diérum sedit : vestiméntum ejus cándidum quasi nix, et capilli cápitis ejus quasi lana munda : thronus ejus flammæ ignis : rotæ ejus ignis accénsus. Flúvius igneus, rapidúsque egrediebátur a fácie ejus. Millia millium ministrábant ei, et décies milles centéna millia assistébant ei : judicium sedit, et libri apérti sunt. Adspiciebam propter vocem sermónum grándium, quos cornu illud loquebátur : et vidi quóniam interfécta esset béstia, et periísset corpus ejus, et tráditum esset ad comburéndum igni.

R. Factum est siléntium in cælo, dum committeret bellum draco cum Michaéle Archángelo : \* Audita est vox millia millium dicéntium : Salus, honor et virtus omnipoténti Deo, allelúia. V. Mil-

lia millium ministrábant ei, et décies centéna millia assistébant ei. Audita est.

Lectio ij. Cap. 10.

DIE áutem vigésima et quarta mensis primi, eram juxta flúvium magnum, qui est Tigris. Et levávi óculos meos, et vidi : et ecce vir unus vestítus líneis, et renes ejus accíncti áuro obrizo : et corpus ejus quasi chrysólithus, et fácies ejus velut spécies fúlgoris, et óculi ejus ut lampas ardens : et bráchia ejus, et quæ deórsum sunt usque ad pedes, quasi spécies æris candéntis : et vox sermónum ejus ut vox multitudínis. Vidi áutem ego Dániel solus visió-nem : porro viri qui erant mecum non vidérunt : sed terror nímius irruit super eos, et fugérunt in abscónditum. Ego áutem relictus solus vidi visió-nem grandem hanc : et non remánsit in me fortitúdo, sed et spécies mea immutáta est in me, et emárcui, nec hábui quidquam virium.

R. Stetit Angelus juxta aram templi, habens thuribulum áureum in manu sua, et data sunt ei incénsa multa : \* Et ascéndit fumus aró-matum de manu Angeli in conspéctu Dómini, allelúia.

V. In conspéctu Angelórum psallam tibi : adorábo ad templum sanctum tuum, et confitébor nómini tuo Dómine. Et ascéndit.



## Lectio iij.

**E**T audivi vocem sermónem ejus : et áudiens jácébam consternátus super fáciem meam, et vultus meus hærébat terræ. Et ecce manus tétigit me, et eréxit me super génua mea, et super articulos mánuum meárum. Et dixit ad me : Dániel vir desideriórum, intéllige verba, quæ ego loquor ad te, et sta in gradu tuo : nunc enim sum missus ad te. Cumque dixisset mihi sermónem istum, steti tremens. Et ait ad me : Noli metúere Dániel : quia ex die primo, quo posuisti cor tuum ad intelligéndum ut te affligeres in conspéctu Dei tui, exaudíta sunt verba tua : et ego veni propter sermónes tuos. Princeps áutem regni Persárum réstitit mihi viginti et uno diébus : et ecce Michaël unus de princípibus primis venit in adjutórium meum, et ego remánsi ibi juxta regem Persárum. Veni áutem ut docérem te quæ ventúra sunt pópulo tuo in novíssimis diébus, quóniam adhuc visio in dies.

**R.** In conspéctu Angelórum psallam tibi, et adorábo ad templum sanctum tuum :

**V.** Et confitébor nómini tuo Dómine, allelúia. **V.** Super misericórdia tua et veritate tua : quóniam magnificásti super nos nomen sanctum tuum. Et confitébor. Glória Patri. Et confitébor.

## IN IL. NOCTURNO

**Ant.** Michaël Archángele, veni in adjutórium pópulo Dei, allelúia.

**V.** Ascéndit fumus arómatum in conspéctu Dómini, allelúia. **R.** De manu Angeli, allelúia.

## Lectio iv.

**B**EÁTUM Michaélem Archángelum sápius hominibus apparuisse, et sacrórum librórum auctoritáte, et véteri sanctórum traditióne comprobátur. Quamóbrem multis in locis facti memória celebrátur. Eum ut olim synagóga Judæórum, sic nunc custódem et patrónum, Dei venerátur Ecclé-sia. Gelásio áutem primo Pontífice Máximo, in Apúlia in vértice Gargáni montis, ad cujus radices incolunt Sipontini, Archángeli Michaëlis fuit illústris apparitio.

**R.** Hic est Michaël Archángelus, princeps militiæ Angelórum, \* Cujus honor præstat beneficia populórum, et orátio perdúcit ad regna cælórum, allelúia. **V.** Archángelus Michaël, præpósitus paradísi, quem honorificant Angelórum cives. Cujus.

## Lectio v.

**F**ACTUM est enim, ut ex grégibus armentórum Gargáni cujúsdam táurus longe discéderet : quem diu conquisitum, in áditu spelúncae hæréntem invenérunt. Cum vero quidam ex illis, ut táurum confígeret, sagíttam

emisisset, retórta sagitta in ipsum récidit sagittárium. Quæ res cum præsentés, ac deinceps cæteros tanto timóre affecisset, ut ad eam spelúncam própius accédere nemo audéret, Sipontíni episcopum cónsulunt : qui, in dicto trium diérum jejúnio et oratióne, rem a Deo respóndit quæri oportére.

**R.** Venit Michaël Archángelus cum multítudine Angelórum, cui trádedit Deus ánimas sanctórum, \* Ut perducát eas in paradísimum exsultatiónis, allelúia. **V.** Emitte Dómine Spíritum sanctum tuum de cælis, spíritum sapiéntiæ et intelléctus. Ut.

**Lectio vij.**

**P**ost triduum Michaël Archángelus episcopum monet, in sua tutelá esse eum locum, eóque indicio demonstrásse, velle ibi cultum Deo in sui et Angelórum memóriam adhibéri. Quare episcopus una cum civibus ad eam spelúncam ire pergit. Quam cum in templi cuiusdam similitúdinem conformátam vidissent, locum illum divinis officiis celebráre cœpérunt : qui multis póstea miráculis illustrátus est. Nec ita multo post Bonifácus Papa Romæ in summo circo sancti Michaëlis ecclésiám dedicávit tértio Kaléndas Octóbris : quo die étiam ómnium Angelórum memóriam Ecclésiá celebrat. Hodiérnus áutem dies

Archángeli Michaëlis apparitióne consecrátus est.

**R.** In témpore illo consúrget Michaël, qui stat pro filiis vestris : \* Et véniet témpus, quale non fuit, ex quo gentes esse cœpérunt, usque ad illud, allelúia. **V.** In témpore illo salvábitur pópulus tuus omnis, qui invéntus fúerit scriptus in libro vitæ. Et. Glória Patri. Et.

IN III. NOCTURNO

**Ant.** Angelus Archángelus Michaël, Dei núntius pro animábus justis, allelúia, allelúia.

**V.** In conspéctu Angelórum psallam tibi Deus meus, allelúia. **R.** Adorábo ad templum sanctum tuum, et confitébor nómini tuo, allelúia. Lécitio sancti Evangélii secúndum Matthæum.

**Lectio vij. Cap. 18.**

**I**n illo témpore : Accessérunt discipuli ad Jesum, dicéntes : Quis, putas, major est in regno cælórum? Et réliqua.

Homilia sancti Hilárii  
Episcopi.

**Comment. in Matth. cap. 18.**

**N**ÓN NISI revérsos in natúram puerórum introíre regnum cælórum Dóminus docet : id est, per simplicitátem puerilem vitia córporum nostrórum animæque revocánda. Púeros áutem credéntes omnes per audiéntiæ fidem nuncupávit. Hi enim patrem sequúntur, matrem amant, próximo



velle malum nesciunt, curam opum negligunt : non insolescunt, non odérunt, non mentiúntur, dictis credunt, et quod áudiunt, verum habent. Reverténdum igitur est ad simplicitátem infántium, quia in ea collocáti, spéciem humilitátis dominicæ circumferémus.

**R.** In conspéctu géntium nolite timére : vos enim in córdibus vestris adoráte et timéte Dóminum : \* Angelus enim ejus vobiscum est, allelúia. **V.** Stetit Angelus juxta aram templi, habens thuribulum áureum in manu sua. Angelus.

**Bened.** Quorum festum.

#### Lectio viij.

**V**Æ huic mundo ab scándalis. Humilitas passiónis scándalum mundo est. In hoc enim máxime ignorántia detinétur humana, quod sub deformitáte crucis, æternæ glóriæ Dóminum nóluit accipere. Et quid mundo tam periculósum, quam non recepisse Christum? Ideo vero necesse esse ait veníre scándala : quia ad sacraméntum reddendæ nobis æternitátis, omnis in eo passiónis humilitas esset explénda.

**R.** Michaël Archángelus venit in adjutórium pópli Dei, \* Stetit in auxilium pro animábus justis, allelúia. **V.** Stetit Angelus juxta aram templi, habens thuribulum áureum in manu sua. Stetit. Glória Patri. Stetit.

#### Lectio ix.

**V**IDÉTE ne contemnátis unum de pusillis istis qui credunt in me. Aptissimum vinculum mútui amoris impósuit, ad eos præcipue qui vere in Dómino credidissent. Pusillórum enim Angeli quotidie Deum vident : quia Filius hóminis venit salváre quæ pérdita sunt. Ergo et Filius hóminis salvat, et Deum Angeli vident, et Angeli pusillórum præsumt fidélium oratióibus. Præesse Angelos absolute auctoritas est. Salvatórum igitur per Christum oratióes Angeli quotidie Deo offerunt. Ergo periculóse ille contémnitur, cujus desideria, ac postulatióes ad ætérnum, et invisibilem Deum ambitiósos Angelórum famulátu ac ministério pervehuntur.

**Te** Deum laudámus. 17.

AD LAUDES

ET PER HORAS

**Ant. 1.** Stetit Angelus \* juxta aram templi, habens thuribulum áureum in manu sua, allelúia.

**Ps.** Dóminus regnávit. 18.

**2.** Dum præliarétur \* Michaël Archángelus cum dracóne, audíta est vox dicéntium : Salus Deo nostro, allelúia.

**3.** Archángele Michaël, \* constitui te principem super omnes ánimas suscipiendas, allelúia.

**4.** Angeli Dómini \* Dómi-

num benedicite in ætérnum, allelúia.

5. Angeli, Archángeli, \* Throni, et Dominationés, Principátus, et Potestátes, Virtútes cælórum, laudáte Dóminum de cælis, allelúia.

Capitulum. Apoc. 1.

SIGNIFICÁVIT Deus quæ Sopórtet fieri cito, loquens per Angelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit.

Hymnus.

CHRISTE, sanctórum decus Angelórum,  
Gentis humánæ Sator et Red-émptor,  
Cælitum nobis tribuas beátas  
Scándere sedes.

Angelus pacis Michaël in ædes  
Cælitum nostras véniat, sérénæ  
Auctor ut pacis lacrymósa in orcum  
Bella reléget.

Angelus fortis Gábriel, ut hostes  
Pellat antiquos, et amica cælo,  
Quæ triumphátor státuit per orbem,  
Templa revisat.

Angelus nostræ médicus salútis,  
Adsit e cælo Ráphaël, ut omnes  
Sanet ægrótos, dubiósque vitæ  
Dirigat actus.

Virgo dux pacis, Genitrix-que lucis,  
Et sacer nobis chorus Angelórum  
Semper assistat, simul et micántis  
Régia cæli.

Præstet hoc nobis Déitas beáta  
Patris, ac Nati, paritérque sancti  
Spiritus, cujus résonat per omnem

Glória mundum. Amen.

V. Stetit Angelus juxta aram templi, allelúia. R. Habens thuribulum áureum in manu sua, allelúia.

Ad Bened. Ant. Factum est siléntium in cælo, dum draco committeret bellum : et Michaël pugnávit cum eo, et fecit victóriam, allelúia.

Oratio.

DEUS, qui miro órdine Angelórum ministéria hominúmque dispénsas : concede propítius ; ut a quibus tibi ministrántibus in cælo semper assistitur, ab his in terra vita nostra muniátur. Per Dóminum.

AD TERTIAM

Ant. Dum præliarétur.

Capit. Significávit. ut supra.

R. br. Stetit Angelus juxta aram templi, \* Allelúia, allelúia. Stetit. V. Habens thuribulum áureum in manu sua. Allelúia, allelúia. Glória Patri. Stetit.

V. Ascéndit fumus arómatum in conspéctu Dómini,



allelúia. *R.* De manu Angeli,  
allelúia.

## AD SEXTAM

*Ant.* Archángle Michaël.

*Capitulum.* Apoc. 5. c

**A**UDÍVI vocem Angelórum  
multórum in circúitu  
throni, et animálium, et se-  
niórum : et erat númerus  
eórum millia millium, voce  
magna dicéntium : Salus Deo  
nostro.

*R. br.* Ascéndit fumus aró-  
matum in conspéctu Dómi-  
ni, \* Allelúia, allelúia. Ascén-  
dit. *V.* De manu Angeli. Al-  
lelúia, allelúia. Glória Patri.  
Ascéndit.

*V.* In conspéctu Angeló-  
rum psallam tibi Deus meus,  
allelúia. *R.* Adorábo ad tem-  
plum sanctum tuum, et con-  
fitébor nómini tuo, allelúia.

## AD NONAM

*Ant.* Angeli, Archángeli.

*Capitulum.* Apoc. 12. b

**F**ACTUM est prælium ma-  
gnum in cælo : Michaël,  
et Angeli ejus præliabántur  
cum dracóne, et draco pu-  
gnábat, et ángeli ejus : et  
non prævaluérunt, neque  
locus invéntus est eórum  
ámplius in cælo.

*R. br.* In conspéctu Ange-  
lórum psallam tibi Deus  
meus, \* Allelúia, allelúia.  
In. *V.* Adorábo ad templum  
sanctum tuum, et confitébor  
nómini tuo. Allelúia, alle-  
lúia. Glória Patri. In.

*V.* Adoráte Deum, allelúia.

*R.* Omnes Angeli ejus, alle-  
lúia.

## IN II. VESPERIS

*Ant. et Capit. de Laud. ;*  
*Pss. de Dom. et loco ult. ,*  
*Ps. 137. Confitébor... quó-*  
*niam. 139.*

*Hymnus* Te splendor. ut  
in I. Vesperis. 569.

*V.* In conspéctu Angeló-  
rum psallam tibi Deus meus,  
allelúia. *R.* Adorábo ad tem-  
plum sanctum tuum, et confi-  
tébor nómini tuo, allelúia.

*Ad Magnif. Ant.* Princeps  
gloriosissime, Michaël Ar-  
chángle, esto memor no-  
stri : hic, et ubique semper  
precáre pro nobis Filium  
Dei, allelúia, allelúia.

*Et fit Commem. seq.*

## DIE IX

## S. GREGORII NAZIANZENI

EP. CONF. ET ECCL. DOCT.

## Duplex.

*Omnia de Comm. Conf.*  
*Pont. 67\*, præter seq.*

*Ad Magnif. in utrisque*  
*Vesp. Ant.* O Doctor ópti-  
me, Ecclesiæ sanctæ lumen,  
beáte Gregóri, divinæ legis  
amátor, deprecáre pro no-  
bis Filium Dei, allelúia.

*V.* Amávit eum Dóminus,  
et ornávit eum, allelúia. *R.*  
Stolam glóriæ induit eum,  
allelúia.

## Oratio.

**D**EUS, qui pópulo tuo ætér-  
næ salútis beátum Gre-  
górium mínistрум tribuísti :  
præsta quæsumus ; ut, quem  
Doctórem vitæ habúimus in  
terris, intercessórem habére  
mereámur in cælis. Per.

## IN I. NOCTURNO

*Lect. de Script. occur.**In FERIA II. et IV. Rogat.**Lect. Sapiéntiam. de Comm.**Doct. 1º loco. 83\*.*

## IN II. NOCTURNO

*Lectio iv.*

**G**REGÓRIUS, nóbilis Cáppadox, ex singulári divinarum litterarum sciéntia Theólogi cognómen consecútus, Naziánzi in Cappadócia natus, Athénis in omni disciplinarum génere una cum sancto Basilio eruditus, ad stúdia sacrarum litterarum se convértit, in quibus se in cœnóbio per áliquot annos exercuerunt, illarum senténtiam non ex próprio ingénio, sed ex majórum ratióne et auctoritáte interpretántes. Qui cum doctrina et vitæ sanctitáte florérent, vocáti ad munus prædicandæ evangélicæ veritátis, plúrimos Jesu Christo filios peperérunt.

**R.** Invéni David servum meum, óleo sancto meo unxi eum : \* Manus enim mea auxiliábitur ei, allelúia. **V.** Nihil proficiet inimicus in eo, et filius iniquitátis non nocébit ei. Manus.

*Lectio v.*

**G**REGÓRIUS igitur aliquándó domum revérsus, primum Sasimórum episcopus creátus est, deinde Nazianzénam ecclésiám administrávit. Tum Constantinópolim ad eam regéndam ecclésiám accersílus, cum civitatem

hæresum purgátam erróribus ad cathólicam fidem reduxisset, quod ei summum ómnium amórem conciliáre debébat, multórum parávit invidiam. Itaque cum inter episcopos magna proptérea esset facta seditio, sponte cedensepiscopátu, illud Prophétæ dictum usurpávit : Si propter me commóta est ista tempéstas, dejícite me in mare, ut vos jactári desinátis. Quare Naziánzum revérsus, cum illi ecclésiæ Eulálium præficiéndum curáset, totum se ad contemplatióem et scriptiόem divinarum rerum cōtulit.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei, allelúia. **V.** Invéni David servum meum, óleo sancto meo unxi eum. Manus.

*Lectio vj.*

**S**CRIPSIT autem multa et solúta oratióne, et vérsibus, mirábili pietáte et eloquéntia : quibus doctórum hóminum, sanctorúmque iudicio id assecútus est, ut nihil in illis, nisi ex veræ pietátis et cathólicæ religiόnis régula reperiátur : nemo quidquam jure vocáre possit in dúbium. Consubstantialitátis Filii fuit acérrimus propugnátor. Ut autem vitæ láude nemo ei præpósitus est; sic et oratiόnis gravitáte omnes fácte superávit. In



iis scribendi ac legendi studiis ruri vitam monachi exercens, imperatore Theodosio, ad caelestem vitam senio confectus migravit.

*R.* Iste est qui. 73\*.

IN III. NOCTURNO

*Homil. in Evang.* Vosestis. de Comm. Doct. 1<sup>o</sup> loco. 85\*.

*Vesp. a Capit. de seq. cum Commem. praeced. et SS. Mart.*

DIE X

SANCTI ANTONINI

EPISCOPI ET CONFESSORIS

Duplex.

*Omnia de Comm. Conf. Pont. 67\*, praeter seq. (m. t. v.)*

*Oratio.*

**S**ANCTI Antonini, Domine, Confessoristui atque Pontificis meritis adjuvemur: ut, sicut te in illo mirabilem praedicamus, ita in nos misericordem fuisse gloriemur. Per Dominum.

*Et fit Commem. praeced.*

*Ant.* O Doctor optime, Ecclesiae sanctae lumen, beate Gregori, divinae legis amator, deprecare pro nobis Filium Dei, alleluia.

*V.* Justum deduxit Dominus per vias rectas, alleluia.

*R.* Et ostendit illi regnum Dei, alleluia.

*Deinde SS. Gordiani et Epimachi Martyrum.*

*Ant.* Lux perpetua lucebit sanctis tuis Domine, et aeternitas temporum, alleluia.

*V.* Sancti et iusti in Do-

mino gaudete, alleluia. *R.* Vos elegit Deus in hereditatem sibi, alleluia.

*Oratio.*

**D**A, quaesumus omnipotens Deus: ut qui beatorum Martyrum tuorum Gordiani et Epimachi solennia colimus, eorum apud te intercessionibus adjuvemur. Per.

IN I. NOCTURNO

*Lect. de Script. occur.*

IN II. NOCTURNO

*Lectio iv.*

**A**NTONINUS, Florentiae honestis parentibus natus, ab ipsa jam pueritia egregium futurae sanctitatis specimen exhibuit. Annum agens sextum decimum, religionem Praedicatorum amplexus, coepit exinde maximis clare virtutibus. Otio perpetuum bellum indixit, post nocturnum brevem somnum primus matutinis precibus aderat; quibus persolutis, reliquum tempus noctis orationibus, aut certe lectioni, et scriptiioni librorum tribuebat; et si quando importunior fessis membris somnus obruperet, ad parietem paululum declinato capite, ac tantisper discusso somno, mox sacras vigilias avidius repetebat.

*R.* Inveni David servum meum, oleo sancto meo unxi eum: \* Manus enim mea auxiliabitur ei, alleluia. *V.* Nihil proficiet inimicus in eo, et filius iniquitatis non nocet ei. Manus.

## Lectio v.

**D**ISCIPLINÆ regulāris sui ipsius severissimus exactor, carnes, nisi in gravi ægritudine, numquam edit. Humi, aut in nudo tabulato cubabat: cilicio semper usus, et interdum zona ferrea ad vivam cutem incinctus, virginitatem integerrime semper coluit. In explicandis consiliis tantæ dexteritatis fuit, ut communi elógio Antoninus consiliórum diceretur. Adeo autem in eo humilitas enituit, ut etiam cœnobiis, ac provinciis præfectus abjectissima monasterii officia demississime obiret. Ab Eugénio quarto Florentinus archiepiscopus renuntiatus, ægerrime tandem, nec nisi apostolicis minis perterrefactus ut episcopatum acciperet, acquievit.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei, allelúia. **V.** Invéni David servum meum, óleo sancto meo unxi eum. Manus.

## Lectio vj.

**I**N eo múnere vix dici potest, quantum prudéntia, pietáte, caritáte, mansuetúdine, et sacerdotáli zelo excellúerit. Illud mirándum, tantum ingénio valuisse, ut omnes ferme sciéntias per se nullo adhibito præceptóre, absolutissime didicerit. Tandem post multos labóres,

multis etiam éditis insignis doctrinæ libris, sacra Eucharistia et unctiône percépta, compléxus Crucifixi imáginem, mortem lætus adspéxit sexto Nonas Maii, millésimo quadringentésimo quinquagésimo nono. Miráculis vivens et post mortem conspicuus, sanctorum número adscriptus est ab Adriáno sexto, anno Dómini millésimo quingentésimo vigésimo tertio.

**R.** Iste est qui. 73\*.

IN III. NOCTURNO

**Homil. in Evang.** Homo pègre. **de eodem Comm.** 1º loco. 75\*.

**Pro SS. Gordiano et Epimacho Martyribus.**

## Lectio ix.

**G**ORDIÁNUS judex, cum ad eum Januárius præsbyter, ut condemnaretur, sub Juliáno Apóstata ductus esset, ab eodem in christiána fide instructus, cum uxóre et quinquaginta tribus aliis ex eadem familia Romæ baptizatur. Quare præfectus, relegato Januário, Gordianum a Clementiáno vicário inclúdi jubet in cárcerem : qui póstea eúmdem Gordianum vinctum caténis ad se accersitum, cum a fidei proposito deterrere non posset, plumbátis diu cæsum, capite plecti imperat. Cujus corpus ante Apóllinis templum cánibus obiectum, noctu a Christiánis via Latína sepelitur in eadem crypta,



in quam reliquiæ beāti Epimachi Mártyristranslátæfuerant ab Alexandria : ubi is diu propter Christi confessionem constrictus in carcere, postrémo combústus, martýrio coronátus est.

Te Deum laudámus. 17.

**In Laud. pro sanctis Martyribus.**

**Ant.** Filiæ Jerúsalem, venite, et vidéte Mártyres cum corónis, quibus coronávit eos Dóminus in die solemnitátis et lætitiae, allelúia, allelúia.

**V.** Pretiósá in conspéctu Dómini, allelúia. **R.** Mors sanctórum ejus, allelúia.

#### DIE XII

SS. NEREI, ACHILLEI

ET DOMITILLÆ VIRGINIS

ATQUE PANCRAII MARTYRUM

**Semiduplex.**

**Omnia de Comm. Mart. Temp. Pasch. 42\*, præt. seq.**

**Oratio.**

**S**EMPER nos Dómine Mártyrum tuórum Nérei, Achillei, Domitillæ, atque Pancratii fóveat, quæsumus, beáta solémnitas : et tuo dignos reddat obséquio. Per Dñum.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**N**ÉREUS et Achilleus fratres, eunúchi Fláviæ Domitillæ, a beáto Petro una cum ipsa, ejúsque matre Plautilla, baptizáti, cum Domitillæ persuasissent, ut vir-

ginitátem suam Deo consecráret, ab ejus sponso Aureliáno tamquam Christiáni accusáti, ob præcláram fidei confessionem in Póntiam insulam relegántur : ubi ad quæstiónem iterum vocáti, et verbéribus cæsi, mox Tarracinam perdúcti, a Minúcio Rufo equúleo et flammis cruciáti, cum constánter negárent se a sancto Petro Apóstolo baptizátos, ullis tormentis cogi posse, ut idólis immolárent, secúri percússi sunt : quorum córpora ab Auspicio eórum discipulo, et Domitillæ educatóre Romam deláta, via Ardeatina sepúlta sunt.

**R.** Lux perpétua lucébit sanctis tuis Dómine, \* Et æternitas témporum, allelúia, allelúia. **V.** Lætitia sempitérna erit super cápita eórum : gáudium et exultatiónem obtinébunt. Et.

**Lectio v.**

**F**LÁVIA Domitilla virgo Romana, Titi et Domitiáni imperatórum neptis, cum sacrum virginitátis velámen a beáto Cleménte Papa accepisset, ab Aureliáno sponso, Titi Aurélii cónsulis filio, deláta quod Christiána esset, a Domitiáno imperatóre in insulam Póntiam est deportáta, ubi in cárcere longum martýrium duxit. Demum Tarracinam dedúcta, iterum Christum conféssa, cum semper constántior appareret, sub Trajáno imperatóre, jú-

dicis jussu incenso ejus cubiculo, una cum Theodóra et Euphrósyna virginibus et collactáneis suis, gloriósi martýrii cursum confécit, Nonis Maii : quarum córpora íntegra invénta, a Cæsá-rio diácono sepúlta sunt. Hac vero die duórum fratrum ac Domitillæ córpora ex diaconía sancti Hadriáni simul transláta, in ipsórum Mártyrum basilicam, tituli Fasciolæ, restitúta sunt.

**R.** In servis suis, allelúia, \* Consolábitur Deus, allelúia. **V.** Judicábit Dóminus pópulum suum; et in servis suis. Consolábitur.

### Lectio vj.

**P**ANCRÁTIUS, in Phrýgia nóbili génere natus, puer quatuórdecim annórum Romam venit Diocletiáno et Maximiano imperatóribus : ubi a Pontífice Románo baptizátus, et in fide christiána eruditus, ob eámdem páulo post comprehénsus, cum diis sacrificáre constánter renuisset, virili fortitú-dine datiscervicibus, illústrem martýrii corónam consecútus est : cujus corpus Octavilla matróna noctu sústulit, et unguéntis delibútum via Auréliá sepelivit.

**R.** Fíliæ Jerúsalem. 45\*.

IN III. NOCTURNO

Léctio sancti Evangélíi secúndum Joánnem.

Lectio vj. Cap. 4. f

**I**N illo témpore : Erat quidam régulus, cujus filius

infirmabátur Caphárnaum. Et réliqua.

Homilia sancti Gregórii Papæ.

Ex Homil. 28. habita in Basilica horum SS. Martyrum, in die natalis eorum.

**Q**UID est quod régulus Dóminum rogat, ut ad ejus filium véniat, et tamen ire corporáliter recúsat : ad servum vero centuriónis non invitátur, et tamen se corporáliter ire pollicétur? Réguli filio per corporálem præséntiam non dignátur adesse, centuriónis servo non dedignátur occurrere. Quid est hoc, nisi quod supérbia nostra retúnditur, qui in hominibus non natúram, qua ad imáginem Dei facti sunt, sed honóres et divitias venerámur? Redémptor vero noster ut osténderet, quia quæ alta sunt hóminum, despiciénda sunt, et quæ despécta sunt hóminum, despiciénda non sunt : ad filium réguli ire nóluit, ad servum centuriónis ire parátus fuit.

**R.** Ego sum vītis vera, et vos pālmites : \* Qui manet in me, et ego in eo, hic fert fructum multum, allelúia, allelúia. **V.** Sicut diléxit me Pater, et ego diléxi vos. Qui.

Lectio viij.

**I**NCREPÁTA est ergo supérbia nostra, quæ nescit pensáre hómines propter hómines. Sola, ut diximus, quæ circúmant hominibus, pensat, natúram non ádspicit,



honórem Dei in homínibus non agnóscit. Ecce ire non vult Filius Dei ad filium réguli : et tamen veníre parátus est ad salútem servi. Certe si nos cuiúspiam servus rogáret, ut ad eum ire deberémus, prótinus nobis nostra supérbia in cogitatíone tácita respondéret, dicens : Non eas, quia temetipsum degéneras, honortuus despícutur, locus viléscit. Ecce de cælo venit, qui servo in terra occurrere non despicit : et tamen humiliári in terra contémnimus, qui de terra sumus.

**R.** Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coagulati sunt, allelúia, allelúia. **V.** Candidiôres nive, nitidiôres lacte, rubicundiôres ébore antiquo, sapphiro pulchriôres. Et. Glória Patri. Et.

#### Lectio ix.

**N**OLÍTE ergo intra vosmetipsos pensáre quod habétis, sed quid estis. Ecce mundus qui diligitur, fugit. Sancti isti, ad quorum tumham consistimus, floréntem mundum mentis despéctu calcavérunt. Erat tunc vita longa, salus continua, opuléntia in rebus, fœcúnditas in propágine, tranquillitas in diutúrna pace : et tamen cum in seipso floréret, jam in eórum córdibus mundus arúerat. Ecce jam mundus in seipso árui, et adhuc in cór-

dibus nostris floret. Ubique mors, ubique luctus, ubique desolátio : úndique percútimur, úndique amaritudinibus replémur : et tamen cæca mente carnális concupiscéntiæ ipsas ejus amaritúdines amámus, fugiéntem séquimur, labénti inhærémus.

Te Deum laudámus. 17.

#### DIE XIV

#### S. BONIFACII MARTYRIS

**Ad Vesp. Ant.** Lux perpétua lucébit sanctis tuis Dómine, et ætérnitas téporum, allelúia.

**V.** Sancti et justi in Dómino gaudéte, allelúia. **R.** Vos elégit Deus in hereditátem sibi, allelúia.

#### Oratio.

**D**A, quæsumus omnipotens Deus : ut qui beáti Bonifácii Mártyris tui solémnia cólimus, ejus apud te intercessiónibus adjuvémur. Per.

#### Lectio ij.

**B**ONIFÁCIUS, civis Románus, quod cum Aglaë nobili matróna impudice versátus esset, tanto illius intemperántiæ dolóre captus est, ut pœniténtiæ cáusa se ad conquirénda et sepe liénda Mártyrum córpora contúlerit. Itaque relictis peregrinatiónis sóciis, cum Tarsi multos propter christiánæ fidei professiόνem váriis tormentis cruciátos vidisset, illórum víncula osculátus, eos veheménter hortabátur, ut constánter supplicia per-

férrent, quod brevem labórem sempitérna réquies consecutúra sit. Comprehensus igitur, férreis úngulis excarnificátus est : cui étiam inter mánuum ungues et carnem acúti cáлами sunt infixi, plumbúmque liquefactum in os ejus infúsum. Quibus in cruciátibus ea vox tantum Bonifácii audiebátur : Grátias tibi ago Dómine Jesu Christe, Fili Dei.

*Lectio iij.*

**M**ox in ollam fervéntis picis demisso cápite con-jéctus est : unde cum inviolátus exisset, ira incensus judex eum secúri pércuti jubet. Quo témpore magnus terræmótus factus est, ita ut multi infidéles ad Christi Dómini fidem converterén-tur. Eum sequénti die quæ-réntes sócii, cum martýrio afféctum cognovissent, quin-géntis sólidis ejus corpus redemérunt, et condítum un-guéntis, linteisque involú-tum Romam portándum cu-rárunt. Quod factum cum ab Angelo Aglaë matróna, quæ et ipsa pœnitens se piis opé-ribus addixerat, cognovís-set; pródiens óbviā sancto córpori, ecclésiā ejus nó-mine ædificávit : in qua cor-pus sepúltum est Nonis Jú-nii, cum ejus ánima pridie Idus Maii apud Tarsum Cilí-ciæ urbem migrásset in cæ-lum, Diocletiano et Maxi-miano imperatóribus.

Te Deum laudámus. 17.

*Ad Laud. Ant.* Filiæ Jerúsalem venite, et vidéte Mártyres cum corónis, quibus coronávit eos Dóminus in die solemnitátis et lætitiæ, allelúia, allelúia.

*Ÿ.* Pretiósā in conspéctu Dómini, allelúia. *R.* Mors sanctórum ejus, allelúia.

DIE XVI

SANCTI UBALDI

EPISCOPI ET CONFESSORIS  
Semiduplex.

*Omnia de Communi Conf. Pont. 67\*, præter seq.*

*Oratio.*

**A**UXÍLIUM tuum nobis, Dómine quæsumus, placátus impénde : et interces-sióne beáti Ubáldi Confessó-ris tui atque Pontíficis contra omnes diabóli nequítias dèx-teram super nos tuæ propi-tiatiónis exténde. Per Dó-minum.

IN I. NOCTURNO

*Lect. de Script. occur.*

IN II. NOCTURNO

*Lectio iv.*

**U**BÁLDUS, Eugúbii in Um-bria nóbili génere natus, a primis annis pietáte et lit-teris egrégie est institútus : jamque adoléscent, ut uxó-rem dúceret, sæpe tentátus, numquam tamen a propósito servándæ virginitátis recés-sit. Sacerdos efféctus, patri-mónium suum paupéribus et ecclésiis distribuit, et cano-nicórum regulárium órdis sancti Augustíni institútum suscipiens, illud in pátriam



tránstulit, atque in eo aliquámdiu sanctíssime vixit. Cujus sanctitátis opinióne evulgáta, ab Honório secúndo summo Pontífice ecclésiæ Eugubínæ invitus præficitur, et episcopális consecrationis múnere decorátur.

℞. Invéni David servum meum, óleo sancto meo unxi eum: \* Manus enim mea auxiliábitur ei, allelúia. V. Nihil proficiet inimicus in eo, et filius iniquitátis non nocébit ei. Manus.

#### Lectio v.

**A**d suam itaque revértens ecclésiám, cum de consuéta vivéendi ratióne nihil ádmodum immutásset, in omni tamen virtútum gènere eo magis eminére cœpit, quo efficiácius aliórum étiam salutem verbo et exémplo procuráret, factus forma gregis ex ánimo. Nam victu parco, vestitu moderáto, léctulo áspero et paupérrimo, crucis mortificationem júgiter in suo corpore circumferébat, dum inexplébili orationis stúdio spíritum quotidie recreáret. Hinc admirábilem illam mansuetúdinem est adéptus, qua gravíssimas injúrias et contumélias non modo æquanimiter tulit, verum étiam mirífico dilectiónis afféctu persecutóres suos omni benignitátis testimonio complectebátur.

℞. Pósui adjutórium super poténtem, et exaltávi elé-

ctum de plebe mea: \* Manus enim mea auxiliábitur ei, allelúia. V. Invéni David servum meum, óleo sancto meo unxi eum. Manus enim.

#### Lectio vj.

**B**IÉNNIO ántequam ex hac vita migráret, cum diútinis afflictarétur infirmitátibus, inter acerbíssimos córporis cruciátus, velut áurum in fornáce purgátum, Deo grátias indesinénter agébat. Adveniéntem áutem sacro Pentecóstes die, cum multis annis ecclésiám sibi commissam summa cum láude gubernásset, sanctis opéribus ac miráculis clarus quiévit in pace. Quem Cælestinus Papa tértius in sanctórum númerum rétulit. Ejus virtus præcípuè in effugándis spíritibus immúndis elúcet. Corpus vero per tot sácula incorruptum magna fidélium veneratióne in pátria cólitur, quam non semel a præsénti discrimine liberávit.

℞. Iste est. 73\*.

#### IN III. NOCTURNO

Homilia in Evang. Homo péregre. de eodem Comm. 1º loco. 75\*.

Vesp. de seq. cum Commem. præced.

#### DIE XVII

#### S. PASCHALIS BAYLON

#### CONFESSORIS

#### Duplex.

Omnia de Comm. Conf. non Pont. 88\*, præter sequentia.

*Oratio.*

**D**EUS, qui beátum Paschálem Confessórem tuum mirífica erga Córporis et Sáanguinis tui sacra mystéria dilectióne decorásti : concede propítius ; ut quam ille ex hoc divino convívio spíritus percépit pinguédinem, eámdem et nos percípere mereámur : Qui vivis.

*Et fit Commem. S. Ubaldi.*

*Ant.* Amávit eum Dóminus, et ornávit eum : stolam glóriæ induit eum, et ad portas paradisi coronávit eum, allelúia.

*v.* Justum dedúxit Dóminus per vias rectas, allelúia.

*R.* Et osténdit illi regnum Dei, allelúia.

IN I. NOCTURNO

*Lect. de Script. occur.*

IN II. NOCTURNO

*Lectio iv.*

**P**ASCHÁLIS Baylon, paupéribus piisque paréntibus in óppido Turris Formósæ, Seguntinæ diœcésis in Aragónia natus, a téneris annis plura dedit futúre sanctitátis indícia. Sortitus ánimam bonam, ac rerum cæléstium appríme studiósam, pueritiam, atque adolescéntiam in gregis custódia transégit ; quam ille vivéndi ratió-nem ideo præcípue diligébat, quod humilitáti fovéndæ, ac innocéntiæ conservándæ in primis útilem atque opportunam judicáret. Erat in victu módicus, in oratióne assíduus, tantáque apud coæ-

vos, et sócios florébat auctoritáte, et grátia, ut eórum lites compónens, erróres córrigens, ignorántiam erúdiens, ac desídiam éxcitans, velut ómnium parens, et magister máximo stúdio colerétur, ac amarétur : beátus étiam tum a plerisque appellátus.

*R.* Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritátem ætérnam, allelúia. *v.* Justum dedúxit Dóminus per vias rectas, et osténdit illi regnum Dei. Et.

*Lectio v.*

**Q**UI vero in sæculo, terra nempe déserta, et inaquósa, ádeo feliciter adolérerat, flos convállium, plantátus in domo Dómini, mirum ubique sparsit sanctitátis odórem. Igitur Paschális arrépto vitæ severiórís institúto, atque in órdine Minórum strictiórís observántiæ Discalceatórum cooptátus, exsultávit ut gigas ad curréndam viam suam, totúmque se Dómino excoléndum tradens, dies noctésque cogitábat, qua se ratióne magis ei magisque conformáret. Ita factum est brevi, ut eum tamquam seráphicæ perfectiόνis exémpLAR, ipsi quoque proveciósres imitándum sibi propónerent. Ipse áutem in húmili serviéntium gradu constitútus, se velut ómnium peripséma répu-



tans, árdua quæque et ab-  
jécta domus ministéria, vél-  
uti jure quodam peculiári  
sibi débita, summa cum hila-  
ritáte suscipiébat, et exer-  
cébat humilitáte, ac patien-  
tia pari. Carnem spiritui  
quandóque reluctári nitén-  
tem jugi maceratióne affli-  
ctávit, atque in servitútem  
redégit; spíritum vero assi-  
dua sui abnegatióne ferven-  
tíorem in dies ad anterióra  
extendébat.

℞. Amávit eum Dóminus,  
et ornávit eum : stolam gló-  
riæ induit eum, \* Et ad por-  
tas paradisi coronávit eum,  
allelúia. ℣. Induit eum Dó-  
minus lorícam fidei, et or-  
návit eum. Et ad portas.

**Lectio vj.**

**D**EÍPARAM Virginem, cujus  
clientélæ se ab ineúnte  
ætáte dicáverat, tamquam  
matrem quotidianis colébat  
obséquiiis, atque filiáli ex-  
orábat fidúcia. Porro erga  
sanctissimum Eucharistiæ  
sacraméntum difficile dictu  
est quam ardénti tenerétur  
devotiónis afféctu, quem de-  
fúctus étiam in cadávere  
retinére visus est, dum ja-  
cens in féretro ad sacræ  
Hóstiæ elevatióem bis ócu-  
los reserávit, et cláusit, ma-  
gna ómnium, qui áderant,  
admiratióne. Ejúsdem veri-  
tátem inter hæréticos públice  
palámque proféssus, multa  
et grávia ob eam cáusam  
perpéssus est : crebro étiam  
ad necem petítus, sed sin-

gulári Dei providéntia ab  
impiórum mánibus créptus.  
Sæpe inter orándum ómni-  
bus destituebátur sénsibus,  
dulcique languébat amóris  
deliquio : quo témpore cæ-  
léstem illam sciéntiam hau-  
sisse créditus est, qua homo  
rudis, et illitterátus, de  
mystériis fidei difficillimis  
respondére, atque áliquot  
étiam libros conscribere pó-  
tuit. Dénique méritis plenus,  
eádem, qua prædixerat ho-  
ra, feliciter migrávit ad Dó-  
minum, anno salútis millé-  
simo quingentésimo nonagé-  
simo secúndo, sexto décimo  
Kaléndas Júnii, eódem, quo  
natus fúerat, festo Pente-  
cóstes recurrénte, annum  
agens secúndum supra quin-  
quagésimum. Quibus aliis-  
que virtútibus insígnem, ac  
miráculis tam in vita, quam  
post mortem clarum, Páulus  
quintus Póntifex Máximus  
illum beátum appellávit : Ale-  
xánder áutem octávus san-  
ctórum catálogo adscripsit :  
tandem Leo decimustértius  
peculiárem cœtuum eucha-  
risticórum, item societátum  
ómnium, sive quæ háctenus  
institútæ, sive quæ in póste-  
rum futúræ sunt, Patrónum  
cæléstem declarávit et con-  
stituit.

℞. Iste homo. 94\*.

IN III. NOCTURNO

Homil. in Evang. Sint  
lumbi. de Comm. 1<sup>o</sup> loco. 96\*.

Vesp. a Capit. de seq. cum  
Commem. præced.

DIE XVIII

S. VENANTII MART.

Duplex.

Omnia de Comm. unius  
Mart. Tempore Pasch. 42\*,  
præter seq.

Si hoc Festum in utrisque  
Vesp. habeat solam Com-  
mem., tunc Hymnus ad I.  
Vesp. conjung. cum Hymno  
ad Matut., cum conclus. Sit  
laus Patri. Si vero integras  
habeat tantum II. Vesp., tunc  
Hymnus Martyr. dicitur ad  
Matut., Athléta. ad Laudes,  
Hymnus Dum nocte. dicitur  
in II. Vesp. Alias dicatur uti  
infra inscribitur.

IN I. VESPERIS

Hymnus.

**M**ARTYR Dei Venántius,  
Lux et decus Camértium,  
Tortóre victo et júdice,  
Lætus triúmphum cóncinit.

Annis puer, post víncula,  
Post cárceres, post vér-  
bera,

Longa fame freméntibus  
Cibus datur leónibus.

Sed ejus innocéntiæ  
Parcit leónum immánitas,  
Pedésque lambunt Mártyris,  
Iræ famisque immémores.

Verso deórsum vértice  
Haurire fumum cógitur :  
Costas utrimque et viscera  
Succénsa lampas ústulat.

Sit laus Patri, sit Filio,  
Tibique sancte Spíritus :  
Da per preces Venántii  
Beáta nobis gáudia. Amen.

V. Sancti et justi in Dó-  
mino gaudéte, allelúia. R.

Vos elégit Deus in hereditá-  
tem sibi, allelúia.

Ad Magnif. Ant. Lux per-  
pétua lucébit sanctis tuis  
Dómine, et ætérnitas témpo-  
rum, allelúia.

Oratio.

**D**EUS, qui hunc diem beáti  
Venántii Mártyris tui  
triúmpho consecrásti : ex-  
áudi preces pópuli tui, et  
præsta; ut qui ejus mérita  
venerámur, fidei constán-  
tiam imitémur. Per Dómi-  
num.

Et fit Commem. præced.

Ant. Hic vir. V. Justum  
dedúxit. 99\*.

AD MATUTINUM

Invit. Exsúltent in Dómino  
sancti, \* Allelúia.

Ps. Veníte, exsultémus. 2.

Hymnus.

**A**THLÉTA Christi nóbilis  
Idóla damnat géntium,  
Deique amóre saúcius  
Vitæ pericla déspicit.

Loris revíctus áspers,  
E rupe præceps vólvitur :  
Spinéta vultum láncinant :  
Per saxa corpus scínditur.

Dum membra raptant Már-  
tyris,

Languent siti satéllites :  
Signo crucis Venántius  
E rupe fontes élicit.

Bellátor o fortíssime,  
Qui pérfidis tortóribus  
E cáute præbes póculum,  
Nos rore grátiae irriga.

Sit laus Patri, sit Filio,  
Tibique sancte Spíritus :  
Da per preces Venántii  
Beáta nobis gáudia. Amen.



## IN I. NOCTURNO

*Lect. de Script. occur.*

## IN II. NOCTURNO

*Lectio iv.*

**V**ENÁNTIUS Camers quíndecim annos natus, cum christiánæ religiónis accusarétur apud Antiochum, qui sub Décio imperatóre Camerino præerat, in porta civitátis præsidí se obtulit : quem ille pollicitatióibus ac terróribus diu tentátum, flagris cædi et vîculis adstringi jussit : sed iis mirabiliter ab Angelo solútus, lampádibus póstea adúritur, atque invérso ore fumo supposito suspénditur. Ejus constántiam in torméntis demirátus Anastásius Corniculárius, et quod eum ab Angelo íterum solútum cándida veste supra fumum ambulántem vidisset, in Christum crédidit, et a beáto Porphyrio presbýtero cum familia baptizátus, páulo post martýrii palmam cum eódem promérui.

**R.** Lux perpétua lucébit sanctis tuis Dómine, \* Et æternitas téporum, allelúia, allelúia. **V.** Lætítia sempitérna erit super cápita eórum : gáudium et exultatiónem obtinébunt. Et æternitas.

*Lectio v.*

**A**T Venántius præsidí sistitur, et ab eo íterum frustra tentátus ut Christi fidem deséreret, in cárcerem con-

jicitur : quo Attalus præco mittitur, qui ei dicat, se quoque Christiánum fuisse, et ei nómini proptérea renuntiásse, quod cognovisset, ináne esse fidei coméntum, quo Christiáni præsentibus se ábdicant ob vanam futurórum spem. Verum nóbilis Christi athléta cállidi hostis insídias non ignórans, diáboli místrum a se pénitus rejécit. Quare ad præsidem íterum addúcto omnes contúsi sunt dentes, maxillæque confráctæ : atque ita cæsus in sterquilínium dejícitur. Sed inde ab Angelo quoque eréptus, rursus stetit ante júdicem : qui, Venántio adhuc loquente, e tribunáli cécidit, et in ea voce, Verus est Venántii Deus, nostros deos destrúite, exclámans exspirávit.

**R.** In servis suis, allelúia, \* Consolábitur Deus, allelúia. **V.** Judicábit Dóminus pópulum suum ; et in servis suis. Consolábitur.

*Lectio vj.*

**Q**UOD cum præsidí nuntiátum esset, extémplo Venántium leónibus óblici jussit, qui, naturáli feritáte omíssa, ad ejus se pedes abjecérunt : interim ille pópulum Christi fidem edocébat. Quare inde amótus, íterum in cárcerem tráditur. Cumque postridie præsidí reférret Porphyrius, se per visum noctu pópulos, quos Venántius aqua tingébat, cla-

rissima luce fulgentes, ipsum vero præsidem obscurissima caligine opertum vidisse; præses ira incensus, eum illico capite plecti imperat: deinde Venantium per loca vepribus et carduis consita trahi usque ad vesperam. Is cum semiânimis relictus esset, mane se iterum præsidi præsentavit, cujus jussu statim e rupe præcipitatur: sed inde etiam divinitus ereptus, denuo per loca aspera ad mille passus trahitur: ubi militibus siti æstuantibus, in proxima convâlle, ex lapide, in quo et genuum formam reliquit, sicut etiam nunc in ejus ecclesia videre licet, crucis signo a Venantio facto, aquæ manarunt. Eo miraculo plures permoti in Christum crediderunt, quos omnes præses eo loci una cum Venantio capite feriri jussit. Fulgura et terræmôtus eo tempore ita magni fuere, ut præses auferet: qui paucis tamen post diebus divinam haud valens effugere justitiam, turpissimam mortem oppetiit. Christiani interim Venantii et aliorum corpora honorifico loco sepelierunt, quæ Camerini in ecclesia Venantio dicata condita adhuc sunt.

℞. Filia Jerúsalem. 45\*.

IN III. NOCTURNO

Homil. in Evang. Ego sum vitis vera. de eodem Comm. 1º loco. 45\*.

AD LAUDES

Hymnus.

**D**um nocte pulsa lúifer  
Diem propínquam nún-  
tíat,

Nobis refert Venántius  
Lucis beátæ múnera.

Nam criminum caliginem,  
Stygisque noctem depulit,  
Veróque cives lúmine  
Divinitátis imbuit.

Aquis sacri baptismatis  
Lustrávit ille pátriam:  
Quos tinxit unda milites,  
In astra misit Mártyres.

Nunc Angelórum párti-  
ceps,

Adéstó votis súpplicum:  
Procul repélle crimina,  
Tuúmque lumen ingere.

Sit laus Patri, sit Filio,  
Tibique sancte Spíritus:  
Da per preces Venántii  
Beáta nobis gáudia.

Amen.

Ÿ. Pretiósá in conspéctu  
Dómini, allelúia. ℞. Mors  
sanctorum ejus, allelúia.

Ad Bened. Ant. Filia Je-  
rúsalem, venite, et videte  
Mártyres cum coronis qui-  
bus coronávit eos Dóminus  
in die solemnitátis et lætitiæ,  
allelúia, allelúia.

Vesp. a Capit. de seq. cum  
Comm. præced. et S. Pu-  
dientianæ Virg.

DIE XIX

S. PETRI CÆLESTINI  
PAPE ET CONFESSORIS  
Duplex.

Omnia de Comm. Conf.  
Pont. 67\*, præter seq.



## Oratio.

**D**EUS, qui beátum Petrum Cælestinum ad summi pontificátus ápicem sublimásti, quique illum humilitáti postpónere docuísti : concéde propitius; ut ejus ex-émplo cuncta mundi despícere, et ad promissa humílibus præmia pervenire feliciter mereámur. Per Dñum.

*Et fit Commem. præced.*

*Ant.* Sancti et justi in Dómino gaudéte, allelúia : vos elégit Deus in hereditátem sibi, allelúia.

*Ÿ.* Pretiósá in conspéctu Dómini, allelúia. *℟.* Mors sanctórum ejus, allelúia.

*Orat.* Deus qui hunc diem. *ut supra.* 586.

*Postea sanctæ Pudentiænæ Virg.*

*Ant.* Veni sponsa Christi, áccipe corónam, quam tibi Dóminus præparávit in ætérnum, allelúia.

*Ÿ.* Spécie tua et pulchritúdine tua, allelúia. *℟.* Inténde, prospere procéde, et regna, allelúia.

## Oratio.

**E**XÁUDI nos Deus salutáris noster : ut sicut de beátæ Pudentiænæ Virginis tuæ festivitáte gaudémus, ita piæ devotiónis erudiámur afféctu. Per Dóminum.

IN I. NOCTURNO

*Lect. de Script. occur.*

IN II. NOCTURNO

*Lectio iv.*

**P**ETRUS, a nómine quo Póntifex est appellátus, Cæ-

lestínus dictus, honéstis catholicisque paréntibus Æsérniæ in Samnítibus natus, adolescéntiam vix ingrèssus, ut ánimum a mundi illécebris custodíret, in solitúdinem secéssit. Ibi contemplatióibus mentem nútrens, corpus in servitútem rédicens, férream caténam ad nudam carnem adhibébat. Congregatiónem, quæ póstea Cælestinórum dicta est, sub régula sancti Benedicti instituit. Hinc quasi lucérna supra candelábrum pósita, cum abscondi nequíret, (Romána Ecclésia diu viduáta pastóre) in Petri cáthedram ignórans et absens adscitus, magna novitátis admiratióne non minus quam repentino gáudio cunctos affécit. Cum áutem in pontificátus sublimitáte collocátus, váriis disténtus curis, assuétis incúmbere meditatióibus vix posse cognósceret, óneri páriter et honóri voluntárie cessit. Indequè priscam vitæ ratiónem répetens, obdormívit in Dómino, ejúsque pretiósam mortem crux præfúlgens in áère ante cubiculí ostium réddidit ámplius gloriósam. Miráculis multis tam vivens, quam post óbitum cláruit; quibus rite examinátis, Clemens quintus anno postquam decéssit undécimo, sanctórum número adscripsit.

*℟.* Invéni David servum meum, óleo sancto meo unxi

eum : \* Manus enim mea auxiliabitur ei, allelúia. *v.* Nihil proficiet inimicus in eo, et filius iniquitátis non nocébit ei. Manus enim.

Ex libro Morálíum sancti Gregórii Papæ.

Lib. 10. cap. 16. in c. 12.

Job.

Lectio v.

**D**ERIDÉTUR justí simplici-  
tas. Hujus mundi sapién-  
tia est, cor machinatióibus  
tégere, sensum verbis velá-  
re; quæ falsa sunt, vera  
osténdere; quæ vera sunt,  
falsa demonstráre. Hæc ni-  
mírum prudéntia usu a juvé-  
nibus scitur, hæc a púeris  
prétio discitur : hanc qui  
sciunt, cæteros despiciéndo  
supérbiunt : hanc qui né-  
sciunt, subjécti et timidi in  
áliis mirántur : quia ab eis  
hæc éadem duplicitátis ini-  
quitas nómine palliáta dili-  
gitur, dum mentis pervér-  
sas urbánitas vocátur. Hæc  
sibi obsequéntibus præcipit  
honórum cúlmina quærere,  
adépta temporális glóriæ va-  
nitáte gaudére, irrogáta ab  
áliis mala multiplicius réd-  
dere : cum vires súppetunt,  
nullis resisténtibus cédere :  
cum virtútis possibilitas de-  
est, quidquid explére per  
malitiam non valent, hoc in  
pacífica bonitáte simuláre.

*ñ.* Pósui adjutórium super  
poténtem, et exaltávi elé-  
ctum de plebe mea : \* Manus  
enim mea auxiliabitur ei, al-  
lelúia. *v.* Invéni David ser-

vum meum, óleo sancto  
meo unxi eum. Manus enim  
mea.

Lectio vj.

**A**T contra, sapiéntia justó-  
rum est : nil per osten-  
siónem fingere, sensum ver-  
bis aperire, vera ut sunt di-  
ligere, falsa devitáre, bona  
gratis exhibére, mala libén-  
tius toleráre quam fácere ;  
nullam injúriæ ultiónem  
quærere, pro veritáte con-  
tuméliam lucrum putáre. Sed  
hæc justórum simplicitas  
deridétur : quia ab hujus  
mundi sapiéntibus puritá-  
tis virtus fatúitas créditur.  
Omne enim quod innocénter  
ágitur, ab eis procul dúbio  
stultum putátur : et quidquid  
in ópere véritas ápprobat,  
carnáli sapiéntiæ fátuum so-  
nat. Quid namque stúltius  
vidétur mundo quam men-  
tem verbis osténdere, nil  
cállida machinatióne simu-  
láre, nullas injúriis contu-  
mélias réddere, pro maledi-  
céntibus oráre, paupertátem  
quærere, posséssa relinque-  
re, rapiénti non resistere,  
percutiénti álteram maxíl-  
lam præbére ?

*ñ.* Iste est qui. 73\*.

IN III. NOCTURNO

Léctio sancti Evangélii se-  
cúndum Matthæum.

Lectio vij. Cap. 19. d

**I**N illo témpore : Dixit Pe-  
trus ad Jesum : Ecce nos  
reliquimus ómnia, et secúti  
sumus te : quid ergo erit  
nobis? Et réliqua.



Homilia venerabilis Bedæ  
Presbyteri.

Homilia in natali sancti  
Benedicti.

**P**ERFECTUS ille est, qui abiens vendit omnia quæ habet, et dat pauperibus, ac veniens sequitur Christum : habebit enim thesaurum non deficientem in cælis. Unde bene interrogante Petro, dixit talibus Jesus : Amen dico vobis, quod vos qui secuti estis me, in regeneratione, cum sederit Filius hominis in sede maiestatis suæ, sedebitis et vos super sedes duodecim, iudicantes duodecim tribus Israël. In hac quippe vita pro ejus nomine laborantes, in alia præmium sperare docuit : id est, in regeneratione ; cum videlicet in vitam immortalem fuerimus resurgendo regenerati, qui in vitam caducam mortaliter eramus geniti.

**R.** Amavit eum Dominus, et ornavit eum : stolam gloriæ induit eum, \* Et ad portas paradisi coronavit eum, alleluia. **V.** Induit eum Dominus lorica fidei, et ornavit eum. Et ad portas.

Lectio viij.

**E**T justa prorsus retributio, ut qui hic pro Christo humanæ gloriæ celsitudinis neglexerunt, illic a Christo iudices glorificati singulariter cum eo assideant, qui a sequendis ejus vestigiis nulla ratione poterant avelli. Nemo autem putet,

duodecim tantum Apostolos, quia pro Juda prævaricante Mathias electus est, tunc esse iudicatos : sicut nec duodecim solæ sunt tribus Israël iudicandæ : alioquin tribus Levi, quæ tertia decima est, injudicata recedet.

**R.** Sint lumbi vestri præcincti, et lucernæ ardentes in manibus vestris : \* Et vos similes hominibus expectantibus dominum suum, quando revertatur a nuptiis, alleluia. **V.** Vigilate ergo, quia nescitis qua hora Dominus vester venturus sit. Et. Gloria Patri. Et.

Pro S. Pudentiana.

Lectio ix.

**P**UDENTIANA virgo, Pudentis Romani filia, parentibus orbata, cum admirabili pietate christianam religionem coleret, una cum sorore Praxede pecuniam ex vendito patrimonio redactam pauperibus distribuit, seque jejuniis et orationibus dedit. Cujus etiam opera, tota ejus familia, in qua erant nonaginta sex homines, a Pio Pontifice baptizata est. Quod autem ab Antonino imperatore sancitum erat, ne Christiani publice sacrificia facerent, Pius Pontifex in ædibus Pudentiænæ cum Christianis sacra celebrabat. Quibus illa benigne acceptis, quæ ad vitam necessaria essent, supeditabat. Itaque in his christianæ pietatis officiis migravit e vita, et in sepulcro patris

ad cœmetérium Priscillæ via Salária sepulta est, décimo quarto Kaléndas Júnii.

**Si hoc Festum alicubi alia die celebretur, et in illa non occurrat Festum simplex habens Lect. propriam, ix. Lectio dicitur ut sequitur.**

**Lectio ix.**

**E**T Páulus, qui tértius decimus est Apóstolus, judicánde sorte privábitur, cum ipse dicat : Nescitis quóniam ángeľos judicábimus, quanto magis sæculária? Sciéndum namque est, omnes, qui ad exémpulum Apostolórum sua reliquerunt ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et per duódecim tribus Israél, univérsitas eórum, qui judicánde sunt, osténditur.

**Te Deum laudámus. 17.**

**In Laud. fit Commem. sanctæ Pudéntianæ.**

**Ant.** Simile est regnum cælórum hómini negotiatóri quærénti bonas margarítas : invénta una pretiósa, dedit ómnia sua, et comparávit eam, allelúia.

**V.** Diffúsa est grátia in lábiis tuis, allelúia. **R.** Propterea benedixit te Deus in ætérnum, allelúia.

**Oratio.** Exáudi. **ut supra.**

**IN II. VESPERIS**

**Ad Magnif. Ant.** Dum esset summus Póntifex, terréna non méruit, sed ad cæléstia regna gloriósus migrávit, allelúia.

**Et fit Commem. seq.**

**DIE XX**

**S. BERNARDINI SENENSIS CONF.**

**Semiduplex.**

**Omnia de Comm. Conf. non Pont. 88\*, præter seq.**

**Ant.** Similábo eum viro sapiénti, qui ædificávit domum suam supra petram, allelúia.

**V.** Amávit eum Dóminus, et ornávit eum, allelúia. **R.** Stulam glóriæ induit eum, allelúia.

**Oratio.**

**D**ÓMINE Jesu, qui beáto Bernardino Confessóri tuo eximium sancti nóminis tui amórem tribuisti : ejus, quæsumus, méritis et intercessióne, spíritum nobis tuæ dilectiónis benignus infúnde : Qui vivis et regnas.

**IN I. NOCTURNO**

**Lect. de Script. occur.**

**IN II. NOCTURNO**

**Lectio iv.**

**B**ERNARDÍNUS Albizésca, nóbili Senénsi familia ortus, ab ineúnte ætáte non obscura sanctitátis dedit indicia; nam a piis paréntibus honéste educátus, negléctis puerilibus ludis, inter primagrammáticæ stúdia pietátis opéribus ánimum inténdit, jejúniis, oratióni, et beatis-



simæ Virginis cultui præcipue addictus. Misericórdia vero in páuperes fuit insignis : quæ quidem ómnia procedente témpore quo mélius posset excólere, eórum número adscribi vóluit, qui Senis in hospitáli domo beátæ Mariæ de Scala Deo inserviunt, unde complúres sanctitáte célebres viri prodierunt. Ibi córporis afflictatióne, et ægrotántium cura, dum atrox pestilentia grassaretur, incredibili caritate sese exércuit. Inter cæteras autem virtútes, castitatem, egrégia forma repugnante, sanctissime custodivit, ádeo ut eo præsente nemo umquam, ne impudentissimus quidem, verbum minus honestum proférre auderet.

**R.** Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritatem ætérnam, allelúia. **Y.** Justum dedúxit Dóminus per vias rectas, et osténdit illi regnum Dei. Et.

#### Lectio v.

**G**RAVI morbo tentátus, eoque ad quátuor menses patientissime toleráto, demum incólumis, de religiósæ vitæ institúto capessendo deliberáre cœpit; quo ut sibi viam muníret, ædiculam in extrémâ urbe condúxit; in quam cum sese abdidisset, aspérrimam omni ex parte vitam trahébat, Deum assidue orans, ut,

quid sibi sequéndum esset, osténderet; quare divinitus factum est, ut beáti Francisci órđinem præ cæteris optáret, in quo humilitate, patientia, aliisque religiósi hóm̄inis virtútibus excélluit. Id cum cœnóbii rector animadvérteret, jamque ántea Bernardini doctrinam, et sacrárum Litterárum perítiam perspéctam habéret, prædicándi onus eidem impósuit : quo humillime suscep̄to, cum se minus idóneum agnósceret ob vocis exilitatem ac raucitatem, Dei ope imploráta, non sine miráculo ejúsmodi impediménto liberátus est.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum, allelúia. **Y.** Induit eum Dóminus lorícam fidei, et ornávit eum. Et.

#### Lectio vj.

**C**UMQUE ea témpora vitiis criminibúsque redundarent, et cruéntis factiónibus in Itália, divína humanaque ómnia permíxta essent, Bernardínus urbes atque óppida concúrsans, in nómine Jesu, quem semper in ore et in pectore gerébat, collápsam pietatem, morésque verbo et exémplo magna ex parte restituit : quo factum est, ut præcláræ civitátes eum sibi episcopum a Summo Pontífice postulárent : quod ille munus invícta humilitate

constantissime rejécit. Dénique vir Dei imménsis laboribus exháustus, multis magnisque éditis miráculis, libris étiam pie doctéque conscriptis, cum vixisset annos sex ac sexaginta, in urbe Aquila in Vestínis beáto fine quiévit. Quem novis in dies coruscántem signis, anno post óbitum sexto, Nicoláus quintus Póntifex Máximus in sanctórum númerum rétulit.

℟. Iste homo. 94\*.

IN III. NOCTURNO

Homil. in Evang. Eccen nos. de Comm. Abbat. 1º loco. 103\*.

DIE XXV

S. GREGORII VII.

PAPÆ ET CONFESSORIS

Duplex.

Omnia de Comm. Conf. Pont. 67\*, præter seq.

Oratio.

**D**EUS in te sperántium fortitúdo, qui beátum Gregórium Confessórem tuum atque Pontíficem, pro tuénda Ecclesiæ libertáte virtúte constantiæ roborásti: da nobis ejus exémplo, et intercessióne, ómnia adversántia fórtiter superáre. Per Dñm.

Et fit Commem. S. Urbani I. Papæ et Martyris.

Ant. Lux perpétua lucébit sanctis tuis Dómine, et æternitas téporum, allelúia.

℣. Sancti et justi in Dómino gaudéte, allelúia. ℟. Vos elégit Deus in hereditátem sibi, allelúia.

Oratio.

**D**A, quæsumus omnipotens Deus: ut qui beáti Urbáni Mátyris tui atque Pontíficis solémnia cólimus, ejus apud te intercessiónibus adjuvémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

**G**REGÓRIUS Papa séptimus, Gántea Hildebrándus, Suånæ in Etrúria natus, doctrina, sanctitáte, omnique virtútum génere cum primis nóbilis, mirífice univérsum Dei illustrávit Ecclesiám. Cum párvulus ad fabri ligna edolántis pedes, jam littérarum inscius, lúderet, ex rejéctis tamen segméntis illa Davidici eleménta oráculi: Dominábitur a mari usque ad mare: casu formásse narrátur, manum púeri ductánte Númine, quo significarétur, ejus fore amplíssimam in mundo auctoritátem. Romam deínde proféctus sub protectióne sancti Petri educátus est. Júvenis Ecclesiæ libertátem a láicis oppréssam, ac depravátos ecclesiasticórum mores vehementius dolens, in Cluniacénsi monastério, ubi sub régula sancti Benedicti austeriórius vitæ observántia eo témpore máxime vigébat, mónachi hábitum induens, tanto pietátis ardóre divínæ majestáti deserviébat, ut a sanctis ejúsdem cœnóbii pá-



tribus Prior sit electus. Sed divina providentia maiora de eo disponente in salutem plurimorum Cluniaci electus Hildebrandus, Abbas primum monasterii sancti Pauli extra muros Urbis electus, ac postmodum Romanæ Ecclesiæ Cardinalis creatus, sub Summis Pontificibus, Leone nono, Victore secundo, Stephano nono, Nicolao secundo, et Alexandro secundo, precipuis muneribus et legationibus perfunctus est, sanctissimi et purissimi consilii vir a beato Petro Damiano nuncupatus. A Victore Papa secundo legatus a latere in Galliam missus, Lugduni episcopum simoniaca labe infectum ad sui criminis confessionem miraculo adiecit. Berengarium in concilio Turonensi ad iteratam hæresis abjurationem compulit. Cadaloi quoque schisma sua virtute compressit.

¶. Inveni David servum meum, oleo sancto meo unxi eum : \* Manus enim mea auxiliabitur ei, alleluia. ¶. Nihil proficiet inimicus in eo, et filius iniquitatis non nocēbit ei. Manus.

#### Lectio v.

**M**ORTUO Alexandro secundo, invitus, et mœrens, unanimi omnium consensu, decimo Kalendas Maii, anno Christi millésimo septuagésimo tertio, Summus Pontifex electus, sicut sol effulsit

in domo Dei; nam potens opere et sermone, ecclesiasticæ disciplinæ reparandæ, fidei propagandæ, libertati Ecclesiæ restituendæ, extirpandis erroribus, et corruptelis tanto studio incubuit, ut ex Apostolorum ætate nullus Pontificum fuisse tradatur, qui majores pro Ecclesia Dei labores, molestiasque pertulerit, aut qui pro ejus libertate acrius pugnaverit. Aliquot provincias a simoniaca labe expurgavit. Contra Henrici imperatoris impios conatus fortis per omnia athleta impavidus permansit, seque pro muro domui Israël ponere non timuit, ac eundem Henricum in profundum malorum prolapsum fidelium communionē, regnoque privavit, atque subditos populos fide ei data liberavit.

¶. Posui adiutorium super potentem, et exaltavi electum de plebe mea : \* Manus enim mea auxiliabitur ei, alleluia. ¶. Inveni David servum meum, oleo sancto meo unxi eum. Manus.

#### Lectio vj.

**D**UM Missarum solœmnia perageret, visa est viris piis columba e cœlo delapsa, humero ejus dextro insidens, alis extensis caput ejus velare, quo significatum est, Spiritus sancti afflatu, non humanæ prudentiæ rationibus ipsum duci in Ecclesiæ regimine. Cum ab iniqui

Henrici exercitu Romæ gravi obsidiōne premeretur, excitatum ab hostibus incendum signo crucis exstinxit. De ejus manu tandem a Roberto Guiscardo duce Northmanno ereptus, Cassinum se contulit; atque inde Salernum ad dedicandam ecclesiam sancti Matthæi Apostoli contendit. Cum aliquando in ea civitate sermonem habuisset ad populum, ærumnis confectus in morbum incidit, quo se interiturum præscivit. Postréma morientis Gregorii verba fuere: Dilæxi justitiam, et odivi iniquitatem, propterea morior in exsilio. Innumerabilia sunt, quæ vel fortiter sustinuit, vel multis coactis in Urbe synodis sapienter constituit, vir vere sanctus, criminum vindex, et acerrimus Ecclesiæ defensor. Exactis itaque in pontificatu annis duodecim, migravit in cælum anno salutis millesimo octogésimo quinto, pluribus in vita, et post mortem miraculis clarus, ejusque sacrum corpus in cathedrâ basilica Salernitana est honorifice conditum.

℞. Iste est qui. 73\*.

IN III. NOCTURNO

Homil. in Evang. Vigilâte. de eodem Comm. 2º loco. 81\*.

Pro S. Urbano I. Papa et Mart.

Lectio ix.

URBANUS Romanus, Alexandro Severo impera-

tore, doctrina et vitæ sanctitate multos ad Christi fidem convertit: in illis Valerianum, beatæ Cæciliæ sponsum, et Tiburtium Valeriani fratrem; qui postea martyrium forti animo subierunt. Hic de bonis Ecclesiæ attributis scripsit his verbis: Ipsæ res fidelium, quæ Domino offeruntur, non debent in alios usus, quam ecclesiasticos et christianorum fratrum, vel indigentium, converti: quia vota sunt fidelium, et prætia peccatorum, ac patrimonia pauperum. Sedit annos sex, menses septem, dies quatuor: ac martyrio coronatus, sepultus est in cœmetério Prætextati, octavo Kalendas Junii. Ordinationibus quinque habitis mense Decembri, creavit presbyteros novem, diaconos quinque, episcopos per diversa loca octo.

Te Deum laudamus. 17.

In Laud. fit Commem. S. Urbani.

Ant. Filiæ Jerúsalem venite, et videte Martyres cum coronis, quibus coronavit eos Dominus in die solemnitatis et lætitiæ, allelúia, allelúia.

℣. Pretiosa in conspectu Domini, allelúia. ℞. Mors sanctorum ejus, allelúia.

Vesp. a Capit. de seq., cum Commem. præced. ac S. Eleutherii Papæ et Martyris.



DIE XXVI

S. PHILIPPI NERII CONF.

Duplex.

**Omnia de Comm. Conf. non Pont. 88\*, præter seq. Oratio.**

**D**EUS, qui beátum Philip-pum Confessórem tuum sanctórum tuórum glória sublimásti : concéde propitius; ut cujus solemnitate lætámur, ejus virtútum proficiámus exémplo. Per Dóminum.

**Et fit Commem. præced.**

**Ant.** Dum esset summus Póntifex, terréna non mé-tuit, sed ad cæléstia regna gloriósus migrávit, allelúia.

**Ÿ.** Justum dedúxit Dóminus per vias rectas, allelúia.

**Ŕ.** Et osténdit illi regnum Dei, allelúia.

**Orat.** Deus in te sperántium. **ut supra. 594.**

**Postea S. Eleutherii Papæ et Mart.**

**Ant.** Lux perpétua lucébit sanctis tuis Dómine, et ætérnitas témporum, allelúia.

**Ÿ.** Sancti et justi in Dómino gaudéte, allelúia. **Ŕ.** Vos elégit Deus in hereditátem sibi, allelúia.

**Oratio.**

**I**NFIRMITÁTEM nostram respice omnipotens Deus : et quia pondus própriæ acti-  
onis gravat, beáti Eleutherii Mártiris tui atque Pontíficis intercessio gloriósa nos prótegit. Per Dóminum.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**P**HILÍPPUS Nérius, piis honestisque paréntibus Florentiæ natus, ab ipsa ineunte ætáte non obscura dedit futúre sanctitátis indicia. Adoléscens, ampla pátrui hereditáte dimissa, Romam se cóntulit; ubi philosophía ac sacris litteris eruditus, totum se Christo dicávit. Ea fuit abstinéntia, ut sæpe jejúnus trídium permánerit. Vigiliis et oratióibus intén-tus, septem Urbis ecclésiás frequénter visitans, apud cœmetérium Callísti in cæléstium rerum contempla-tióne pernoctáre consuevit. Sacerdos ex obediéntia factus, in animárum salute procuránda totus fuit; et in confessi-  
onibus audiéndis ad extrémum usque diem perseverans, innúmeros pene filios Christo péperit; quos verbi Dei quotidiano pábulo, sacramentórum frequéntia, orati-  
onis assiduitáte, aliisque piis exercitati-  
onibus enutriri cúpiens, Oratórii congregati-  
onem instituit.

**Ŕ.** Honéstum fecit illum Dóminus, et custodívit eum ab inimicis, et a seductóri-bus tutávit illum : \* Et dedit illi claritátem æté-  
nam, allelúia. **Ÿ.** Justum dedúxit Dóminus per vias rectas, et osténdit illi regnum Dei. Et dedit.

## Lectio v.

**C**ARITÁTE Dei vulnerátus languébat júgiter, tantóque cor ejus aestuábat ardóre, ut cum intra fines suos continéri non posset, illius sinum, confráctis atque elá-tis duábus cóstulis, mirabí-liter Dóminus ampliáverit. Sacrum vero fáciens, aut fervéntius orans, in áëra quandóque sublátus, mira úndique luce fulgére visus fuit. Egénos et páuperes omni caritátis officio prose-quebátur : dignus, qui et Angelo in spécie páuperis eleemósynam erogáret; et dum egéntibus noctu panem deférret, in fóveam lapsus, inde páriter ab Angelo incólumis eriperétur. Humilitáti addictus, ab honóribus semper abhórruit, atque eccle-siásticas dignitátes, étiam primárias, non semel ultro delátas, constantissime re-cusávit.

¶ Amávit eum Dóminus, et ornávit eum : stolam gló-riæ induit eum, \* Et ad por-tas paradisi coronávit eum, allelúia. ¶ Induit eum Dó-minus lorícam fidei, et or-návit eum. Et ad portas.

## Lectio vj.

**P**ROPHETIÆ dono fuit illú-stris, et in animórum sénsibus penetrándis mirífice enituit. Virginitátem per-pétuo illibátam servávit : idque assecútus est, ut eos, qui puritátem cólerent, ex odóre, qui vero secus, ex

foetóre dignósceret. Absén-tibus intérdum appáruit, iis-que periclitántibus opem tulit. Ægrótos plúrimos et morti próximos sanitáti re-stituit. Mórtuum quoque ad vitam revocávit. Caeléstium spírituum, et ipsius Deiparæ Virgínis frequénte fuit ap-paritíone dignátus, ac plu-rimórum ánimas splendóre circumfúsas in cælum conscéndere vidit. Dénique anno salútis millésimo quingen-tésimo nonagésimo quinto, octávo Kaléndas Júnias, in quem diem inciderat festum Córporis Christi, Sacro má-xima spíritus exsultatióne perácto, cæterisque functi-ónibus explétis, post médiam noctem, qua prædixerat ho-ra, octogenárius obdormívit in Dómino. Quem Gregórius décimus quintus miráculis clarum in sanctórum núme-rum rétulit.

¶ Iste homo. 94\*.

IN III. NOCTURNO

Homil. in Evang. Sint lumbi. de eodem Comm. 1º loco. 96\*.

Pro S. Eleutherio Papa et Martyre.

Lectio ix.

**E**LEUTHÉRIUS, Nicópoli in Græcia natus, Anicéti Pontificis diáconus, Cóm-modo imperatóre præfuit Ecclesiæ. Huic initio ponti-ficátus súpplices litteræ ve-nérunt a Lúcio Britannórum rege, ut se ac suos in Chri-stianórum númerum reci-



peret. Quamóbre[m] Fugá-  
tium et Damiánum, doctos  
et pios viros, misit in Bri-  
tánniam, per quos rex et ré-  
liqui fidem susciperent. Hoc  
Pontifice Irenæus Polycárpi  
discipulus Romam véniens,  
ab eo benigne accéptus est.  
Quo témpore summa pace  
et quiéte fruebátur Ecclésia  
Dei : ac per totum orbem ter-  
rarum, máxime Romæ, fides  
propagabátur. Vixit Eleu-  
thérius in pontificátu annos  
quindecim, dies viginti tres.  
Fecit ordinatiónes tres men-  
se Decémbri, quibus creávit  
presbýteros duódecim, diá-  
conos octo, episcopos per  
diversa loca quindecim : se-  
pultusque est in Vaticáno  
prope corpus sancti Petri.

Te Deum laudámus. 17.

In Laud. fit Commem. S.  
Eleutherii.

Ant. Filiæ Jerúsalem veni-  
te, et vidéte Mártyres cum co-  
ronis, quibus coronávit eos  
Dóminus in die solemnitatís  
et lætitiæ, allelúia, allelúia.

V. Pretiós[a] in conspéctu  
Dómini, allelúia. R. Mors  
sanctorum ejus, allelúia.

Ora[ti]o. Infirmitat[em]. 597.

In II. Vesp. fit Commem.  
seq. ac S. Joannis Papæ et  
Mart.

DIE XXVII

STÆ MARIÆ MAGDALENÆ

DE PAZZIS VIRGINIS

Semiduplex.

Omnia de Comm. Virg.

107\*, præter seq.

Ant. Veni sponsa Christi,  
accipe coronam, quam tibi  
Dóminus præparávit in ætér-  
num, allelúia.

V. Spécie tua et pulchri-  
túdine tua, allelúia. R. In-  
ténde, prospere procéde,  
et regna, allelúia.

Oratio.

D EUS virginitátis amátor,  
qui beátam Mariám Ma-  
gdalénam Virginem tuo amó-  
re succénsam, cæléstibus do-  
nis decorásti : da ; ut quam  
festíva celebritáte venerá-  
mur, puritat[e] et caritat[e] imi-  
témur. Per Dóminum.

Deinde fit Commemora-  
tio S. Joannis Papæ et  
Mart.

Ant. Lux perpétua lucébit  
sanctis tuis Dómine, et ætér-  
nitas témporum, allelúia.

V. Sancti et just[i] in Dómi-  
no gaudéte, allelúia. R. Vos  
elégit Deus in hereditat[em]  
sibi, allelúia.

Oratio

D EUS, qui nos beáti Joán-  
nis Mártyris tui atque  
Pontificis ánnua solemnitate  
lætificas : concéde propi-  
tius ; ut cujus natalitia cólí-  
mus, de ejúsdem étiam pro-  
tecti[ó]ne gaudeámus. Per  
Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

M ARIÁ Magdaléna illustrió-  
ri Pazziórum génere Flo-  
réntiæ nata, fere ab incuná-

bulis iter perfectiōnis arripuit. Decēnis perpētuum virginitatem vovit, susceptoque hābitu in monasterio sanctæ Mariæ Angelōrum ordinis Carmelitārum, se omnium virtutum exemplar exhibuit. Adeo casta fuit, ut quidquid puritatem lādere potest, pēnitus ignoraverit. Quinquēnium, Deo iubente, solo pane et aqua transēgit, excēptis diēbus Dominicis, quibus cibis quadragesimālibus vescebatur. Corpus suum cilicio, flagellis, frigore, inēdia, vigiliis, nuditate, atque omni pōnārum genere cruciābat.

℞. Propter veritatem, et mansuetudinem, et justitiam : \* Et deducet te mirabiliter dextera tua, allelūia.   
 ✠. Spēcie tua et pulchritudine tua intēde, prospere procēde, et regna. Et deducet.

#### Lectio v.

**T**ANTO igne divini amoris aestuābat, ut ei ferēdo impar, ingēsta aqua pectus refrigerāre cogeretur. Extra sensus frequēter rapta, diuturnas et admirābiles éxtases passa est, in quibus et arcāna cēlestia penetrāvit, et eximiis a Deo grātiis illustrāta fuit. His autem munita longum certāmen a principibus tenebrārum sustinuit, ārida, desolāta, ab omnibus derelicta, variisque tentationibus vexāta; Deo sic permittente, ut invictæ patiē-

tiae, ac profundissimæ humilitatis exemplar præberet.

℞. Dilexisti justitiam, et odisti iniquitatem : \* Propterea unxit te Deus, Deus tuus, oleo lætitiæ, allelūia.   
 ✠. Propter veritatem, et mansuetudinem, et justitiam. Propterea.

#### Lectio vj.

**C**ARITATE erga prōximum singulariter enituit : nam sæpe noctes ducēbat insomnes, vel obeūdis sorōrum ministēriis, vel inserviēdo infirmis occupāta, quarum aliquādo ūlcera lambens sanāvit. Infidēlium et peccatorum perditionem amāre deflens, se ad quælibet pro illōrum salutē tormēta parātam offerēbat. Multis ante obitum annis, universis cæli deliciis, quibus copiose affluēbat, herōica virtute renūntians, illud frequēter in ore habēbat : Pati, non mori. Tandem longa et gravissima infirmitate exhāusta, transivit ad Sponsum, die vigésima quinta Maii, anno millésimo sexcentésimo séptimo, explēto anno quadragesimo primo ætātis suæ. Eam multis in vita et post mortem miraculis claram, Clemens nonus sanctārum virginum número adscripsit : cujus corpus in præsentem diem incorruptum conservatur.

℞. Afferentur Regi. 116\*.

IN III. NOCTURNO

Homil. in Evang. Simile



erit regnum cælórum. *de eodem Comm. 1º loco. 118\*.*

*Pro S. Joanne Papa Mart.*

*Lectio ix.*

**J**OANNES Etrúscus Justino senióre imperatóre rexit Ecclésiám : ad quem profectus est Constantinópolis auxilii cáusa, quod Theodoricus rex hæreticus divexabat Itáliam : cujus étiam iter Deus miráculis illustrávit. Nam cum ei nóbilis vir ad Corínthum equum, quo ejus uxor mansuétó utebátur, itineris cáusa commodásset, factum est, ut dómíno póstea remissus equus, ita ferox eváderet, ut frémitu et totius córporis agitatióne semper deinceps dómínam expúlerit : tamquam indignarétur mulierem recipere, ex quo sedisset in eo Jesu Christi Vicárius. Quamóbre illi equum Pontífici donavérunt. Sed illud majus miráculum, quod Constantinópolis, in áditu portæ áureæ, inspectánte frequentíssimo pópulo, qui una cum imperatóre Pontífici honóris cáusa occurrerat, cæco lumen restituit. Ad cujus pedes prostrátus étiam imperátor, eum venerátus est. Rebus cum imperatóre compósitis, in Itáliam rédiit, statimque epístolam scripsit ad omnes Itáliæ episcopos, jubens eos Arianórum ecclésiás ad cathólicum ritum consecráre, illud subjúgens : Quia et nos quando fúimus Constan-

tinópolis, tam pro religióne cathólica quam pro regis Theodorici cáusa, quascúmque illis in pártibus eórum ecclésiás reperire potúimus, cathólicas eas consecrávimus. Quod iniquíssimo ánimo ferens Theodoricus, dolo accersítum Pontíficem Ravénnam in cárcerem conjécit : ubi squalóre inediáque afflictus, páucis diébus cessit e vita, cum sedisset annos duos, menses novem, dies quatuórdecim, ordinátis eo témpore episcopis quíndecim. Páulo post móritur Theodoricus : quem quidam Eremita, ut scribit sanctus Gregórius, vidit inter Joánnem Pontíficem et Sýmmachum patricium, quem idem occiderat, demérgi in ignem Liparitánum : ut vidélicet illi, quibus mortem attúlerat, tamquam júdices essent ejus intéritus. Joánnis corpus Ravénna Romam portátum est, et in basilica sancti Petri sepúltum.

Te Deum laudámus. 17.

*In Laud. Commem. S. Joannis.*

*Ant.* Fíliæ Jerúsalem venite, et vidéte Mártýres cum coronis, quibus coronávit eos Dóminus in die solemnitátis et lætitiæ, allelúia, allelúia.

*V.* Pretiósá in conspéctu Dómini, allelúia. *R.* Mors sanctórum ejus, allelúia.

*Vesp. de seq., Commem. præced.*

DIE XXVIII

SANCTI AUGUSTINI

EPISCOPI ET CONFESSORIS

Duplex.

Omnia de Comm. Conf.

Pont. 67\*, præter seq. (m. t. v.)

Oratio.

**D**EUS, qui Anglórum gentes, prædicatione et miraculis beáti Augustíni Confessoris tui atque Pontificis, veræ fidei luce illustrare dignátus es : concéde; ut, ipso interveniente, errantium corda ad veritátis tuæ rédeant unitatem, et nos in tua simus voluntate concordes. Per Dóminum.

Commem. præced.

**Ant.** Veni sponsa Christi, accipe coronam, quam tibi Dóminus præparávit in ætérnum, allelúia.

**V.** Diffusa est grátia in lábiis tuis, allelúia. **R.** Propterea benedixit te Deus in ætérnum, allelúia.

IN I. NOCTURNO

Lect. de Script. occur.

IN II. NOCTURNO

Lectio iv.

**A**UGUSTINUS Romæ in Lateranénsi cœnóbio mónachus, a Gregório Magno cum sóciis mónachis fere quadraginta in Angliam missus est anno quingentésimo nonagésimo séptimo, ut gentes illas ad Christum convertéret. Erat eo témpore rex Ethelbértus in Cántio potentissimus, qui audita advén-

tus Augustíni cáusa, eum cum sóciis Cantuáriam, sui regni metrópolim, invitávit; ibique manéndi et Christum prædicándi facultatem eidem liberáliter concéssit. Quare sanctus vir prope Cantuáriam oratórium extrúxit, ubi ipse aliquándiu consédit, atque apostólicam vivéndi ratióne cum suis æmulátus est.

**R.** Inveni David servum meum, óleo sancto meo unxi eum : \* Manus enim mea auxiliábitur ei, allelúia. **V.** Nihil proficiet inimicus in eo, et filius iniquitátis non nocébit ei. Manus enim.

Lectio v.

**C**ÆLÉSTIS doctrinæ prædicatione plúrimis firmáta miraculis, ac vitæ exémplo sic insulános illos demúlsit, ut eórum plerósque ad christíanam fidem perdúxerit, ac demum regem ipsum, quem cum innúmero suórum comitátu sacro fonte lustrávit, summa cum lætítia Berthæ régiae uxóris, quæ christiána erat. Olim in Natáli Dómini, cum decem millibus et ámplius baptismum in álveo flúminis Eboráci contulisset, quotquot ex iis morbo álquo affécti erant, cum animæ salúte, córporis quoque sanitátem recepisse memóriæ próditum est. Jussu Gregórii ordinátus episcopus, sedem Cantuáriæ instituit in ecclésia Salvatóris a se erécta, in qua mó-



nachos óperis sui subsidiários collocávit; et sancti Petri monastérium, quod póstea et a suo nómine dictum est, in suburbánis constrúxit. Idem Gregórius usum pállii cum facultáte ecclesiásticæ hierarchiæ in Anglia instituendæ ei concéssit, quo novam étiam operariórum manum misit, nempe Mellitum, Justum, Paulinum, et Rufiniánum.

℞. Pósuí adjutórium super poténtem, et exaltávi eléctum de plebe mea : \* Manus enim mea auxiliábitur ei, allelúia. V. Inveni David servum meum, óleo sancto meo unxi eum. Manus.

**Lectio vj.**

**D**ISPÓSITIS ejus ecclésiæ rebus, sýnodum hábuit Augustínus cum episcopis atque doctóribus véterum Britónum, qui in Paschæ celebratióne aliisque ritibus ab Ecclésia Romána jamdúdum dissidébant. Sed cum eos neque Apostólicæ Sedis auctoritáte, neque miráculis movére posset, ut dissidio cessárent, prophético spíritu eis excídium prænuntiávit. Dénique máximis pro Christo exantlátiis labóribus, miráculis clarus, cum Melitum Londinénsi ecclésiæ præfecisset, Justum Rofénsi, suæ Lauréntium, in cælum migrávit séptimo Kaléndas Júnias, Ethelbéto regnante, ac sepúltus est in monastério sancti Petri,

quod exinde Cantuarién-sium antístitum et áliquot regum conditórium fuit. Ejus cultum fervénti stúdio prosecútæ sunt Anglórum gentes, ac Leo décimus tértius Póntifex Máximus ejus Officium et Missam ad univérsam exténdit Ecclésiám.

℞. Iste est. 73\*.

IN III. NOCTURNO

Homil. in Evang. Designávit Dóminus. de Comm. Evang. 21\*, cum ℞℞. de Comm. Conf. Pont. 76\*.

DIE XXX

S. FELICIS I.

PAPÆ ET MARTYRIS

Ad Vesp. Ant. Lux perpétua lucébit sanctis tuis Dómine, et ætérnitas témporum, allelúia.

V. Sancti et justi in Dómino gaudéte, allelúia. ℞. Vos elégit Deus in hereditátem sibi, allelúia.

Oratio.

**I**NFIRMITÁTEM nostram respice omnipotens Deus : et quia pondus propriæ actionis gravat, beáti Felicis Mátyris tui atque Pontificis intercessio gloriósa nos prótegit. Per Dóminum.

Lectio iij.

**F**ELIX Románus, patre Constantio, Aureliáno imperatóre præfuit Ecclésiæ. Constituit ut Missa supra memórias et sepúlcrá Mátyrum celebrarétur. Qui cum mense Decémbri habuisset ordinationes duas, et creáset pre-

sbýteros novem, diáconos quinque, episcopos per diversa loca quinque, martyrio coronátus, via Aurélia sepelitur in basilica quam a se ædificátam dedicarat. Vixit in pontificátu annos duos, menses quátuor, dies viginti novem.

Te Deum laudámus. 17.

**Ad Laud. Ant.** Filiæ Jerúsalem veníte, et vidéte Mártyres cum coronis, quibus coronávit eos Dóminus in die solemnitátis et lætitiae, allelúia, allelúia.

**Ÿ.** Pretiósá in conspéctu Dómini, allelúia. **R.** Mors sanctórum ejus, allelúia.

DIE XXXI

SANCTÆ ANGELÆ MERICIÆ

VIRGINIS

Duplex.

**Omnia de Communi Virg.**

107\*, præter seq.

**Oratio.**

**D**EUS, qui novum per beatam Angelam sacrarum Virginum collégium in Ecclesia tua floréscere voluisti: da nobis, ejus intercessiône angélicis móribus vivere; ut terrénis ómnibus abdicátis, gáudiis pérfrui mereámur ætérnis. Per Dñm.

**Deinde fit Commem. S. Petronillæ Virg.**

**Ant.** Simile est regnum cælórum hómini negotiatóri quærénti bonas margaritas: invénta una pretiósá, dedit ómnia sua, et comparávit eam, allelúia.

**Ÿ.** Diffúsa est grátia in lábiis tuis, allelúia. **R.** Propterea benedixit te Deus in ætérnum, allelúia.

**Oratio.**

**E**XÁUDI nos Deus salutáris noster: ut, sicut de beatæ Petronillæ Virginis tuæ festivitáte gaudémus, ita piæ devotiónis erudiámur afféctu. Per Dóminum.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**A**NGELA Mericia, Decentiani, Veronénsis diocesis oppido, ad lacum Benacum in ditióne Véneta piis orta paréntibus, a prima ætáte virginitátis lílium, quod perpétuo serváre statúerat, sédula sepsit. Ab omni muliebri ornátu abhórrens, egrégiam vultus formam, pulchrámque cæsáriem studiósè fœdávit, ut cælesti dumtaxat animárum Sponso placéret. In ipso áutem adulescéntiæ flore paréntibus orbáta, austeriórís vitæ desiderio in désertum locum affúgere tentávit; sed ab avúnculo prohibita, novit præstare domi, quod in solitudine non licuit. Cilicio ac flagéllis frequénter usa, carnem nónnisi infirma valetudine, vinum in Nativitátis et Resurrectiόνis Dominicæ tantum celebritáte, complures vero dies nihil omnino degustávit. Oratióni dedita, brevíssimum humi carpébat



somnum : dæmonem vero sub lucéntis ángeli forma sibi illúdere conántem agnóvit prótinus, et conjécit in fugam. Tandem patérnis bonis abdicátis, et hábitum ac régulam Tértii órdis sancti Francísci ampléxa, evangélicam paupertátem virginitátis láudi conjúnxit.

**R.** Propter veritátem, et mansuetúdinem, et justítiam:

\* Et dedúcet te mirabiliter dextera tua, allelúia. **V.** Spécie tua et pulchritúdine tua inténde, prospere procéde, et regna. Et.

**Lectio v.**

**N**ULLUM pietátis officium erga próximos omittens, paupéribus, quidquid sibi ex mendicáto victu superéssset, largiebátur; libénter ministrábat ægróti, plúraque cum magna sanctitátis fama peragrávit loca, ut vel solátio esset afflictis, vel reis véniam impetráret, vel infénsos invicem reconciliáret ánimos, vel e vitiórum cœno sceléstos revocáret. Angelórum pane, quem únice esuriébat, frequentissime refécta, tanta caritátis víferebátur in Deum, ut sæpius extra sensus raperétur. Sacra Palæstinæ loca summa cum religiône obívit : quo in itinere et visum, quem ad Cydónias appúlso oras amiserat, eódem regréssa recuperávit, et barbarórum captivitátem, ac naufrágium imminens divinitus evásit.

Romam dénique firmam Ecclésiæ petram veneratúra, et amplíssimæ jubilæi véniæ percúpida, sedénte Cleménte séptimo, accéssit; quam Summus Póntifex allocútus, ejúsdem sanctimóniam suspéxit, et commendávit summópere; nec ab Urbe ipsam abire ante permisit, quam alio cælitus vocátam agnóvit.

**R.** Dilexisti justítiam, et odisti iniquitátem : \* Proptérea unxit te Deus, Deus tuus, óleo lætitiæ, allelúia.

**V.** Propter veritátem, et mansuetúdinem, et justítiam. Proptérea.

**Lectio vj.**

**B**RÍXIAM itaque, ubi domum ad sanctæ Aphræ templum condúxit, revérso, novam ibi virginum societátem, sicut cælésti voce ac visiône mandátum sibi fúerat, sub certa disciplína sanctisque vivéndi régulis constituit, quam sanctæ Ursulæ invictæ virginum ducis patrocinio ac nómine insignívit : eam vero perénnem futúram morti próxima prædixit. Tandem prope septuagenária, dives méritis evolávit in cælum sexto Kaléndas Februárii anni millésimi quingentésimi et quadragésimi, cujus cadáver per ipsos triginta dies inhumátum, flexibile, ac vivo simillimum perseverávit. Demum in sanctæ Aphræ templo inter cæteras, quibus illud abúndat, sanctórum reli-

quias repósito, plúrima ad ejus sepúlcrum agi statim cœpere mirácula : quorum fama late diffúsa, non Bríxiæ modo, et Decentiáni, sed álibi étiam vulgo cœpit nuncupári beáta, ejúsque imágo aris impóni; imo sanctus ipse Cárolus Borromæus non multis post annis dignam, quæ ab Apostólica Sede in sanctárum Virginum album referrétur, Brixíæ palam asséruiť. Cultum vero illi jámdiu a pópulis exhibitum, et tum locórum ordináriis probátum, tum plúribus étiam Summórum Pontificum indúltis munitum, Clemens Papa décimus tertius solémni decréto ratum hábuit, ac confirmávit. Eam tandem, novis miráculis rite

probátis insignem, Pius Papa séptimus, solémni canonicatióne in Vaticána basilica perácta, die vigésima quarta Maii anno millésimo octingentésimo séptimo, sanctárum virginum catálogo adscripsit.

*R.* Afferéntur. 116\*.

IN III. NOCTURNO

*Homil. in Evang.* Simile erit regnum cælórum. *de eodem Comm. 1º loco.* 118\*.

*In Laud. Commem. S. Petronillæ.*

*Ant.* Veni sponsa Christi, áccipe corónam, quam tibi Dóminus præparávit in ætérnum, allelúia.

*V.* Spécie tua et pulchritúdine tua, allelúia. *R.* Inténde, prospere procéde, et regna, allelúia.

## FESTA JUNII

DIE II

SS. MARCELLINI, PETRI  
ATQUE ERASMI MART.

*Ad Vesp. Ant.* Lux perpétua lucébit sanctis tuis Dómine, et ætérnitas téporum, allelúia.

*V.* Sancti et justi in Dómino gaudéte, allelúia. *R.* Vos elégit Deus in hereditátem sibi, allelúia.

*Oratio.*

**D**EUS, qui nos ánnua sanctórum Mártyrum tuórum Marcellini, Petri, atque Erasmi solemnitáte lætificas : præsta quæsumus; ut

quorum gaudémus méritis, accendámur exémpis. Per Dóminum.

*Lectio ij.*

**P**ETRUS exorcista, Diocletiano imperátore, Romæ a Seréno júdice propter christiánæ fidei confessiónem missus in cárcerem, Paulínam Artémii, qui cárceri præerat, filiam a dæmone agitatam liberávit. Quo facto et paréntes puéllæ cum tota familia, et vicinos, qui ad rei novitátem concurrerant, Jesu Christo conciliátos ad Marcellinum pre-



sbýterum addúxit, a quo omnes baptizáti sunt. Quod ubi rescívit Serénus, Petrum et Marcellinum ad se vocátos aspérius objúrgat, et ad verbórum acerbitátem minas ac terróres adjúngit, nisi Christo renúntient. Cui cum Marcellinus christiána libertáte respondéret : pugnis contúsum, et a Petro sejúctum, nudum inclúdit in cárcerem stratum vitri fragméntis, sine cibo ac sine lúmine. Petrum item constringi imperat arcíssimis vñculis. Sed cum utríque ex torméntis fides et ánimus crésceret, constánti confesióné, et abscisso cápíte, illústre testimónium Jesu Christo dedérunt.

**Lectio iij.**

**E**RÁSMUS episcopus, imperatóribus Diocletiáno et Maximiano, in Campánia plumbátis et fústibus cæsus, resina quoque, súlphure, plumbo liquefacto, et fervénti pice, cera, oleoque perfúsus, inde tamen ínteger et inviolátus evásit. Quo miráculo multi se ad Christi fidem convertérunt. Verum is íterum detrúsus in cárcerem, constrictus férreis gravíssimisque vñculis, inde ab Angelo mirabíliter eréptus est. Deinde Fórmis a Maximiano váriis afféctus suppliciis, tunicáque área candénti indútus, illa étiam torménta divína virtúte superávit. Dénique plúrimis et

in fide confirmátis, et ad fidem convérsis, insignem martýrii palmam adéptus est.

Te Deum laudámus. 17.

**Ad Laud. Ant.** Filiæ Jerúsalem venite, et vidéte Mártýres cum coronis, quibus coronávit eos Dóminus in die solemnitátis et lætitiæ, allelúia, allelúia.

**V.** Pretiósá in conspéctu Dómini, allelúia. **R.** Mors sanctórum ejus, allelúia.

**DIE IV**

**S. FRANCISCI CARACCIOLO**

**CONFESSORIS**

**Duplex.**

**Omnia de Comm. Conf. non Pont. 88\*, præter seq. Oratio.**

**D**EUS, qui beátum Franciscum novi órdis institútorem orándi stúdio, et pœniténtiæ amóre decorásti: da fámulis tuis in ejus imitátione ita proficere; ut semper orántes, et corpus in servitútem redigéntes, ad cæléstem glóriam pervenire mereántur. Per Dóminum.

**IN I. NOCTURNO**

**Lect. de Script. occur.**

**IN II. NOCTURNO**

**Lectio iv.**

**F**RANCÍSCUS, dictus ántea Ascánus, ex nóbili famíliá Caracciolo in óppido sanctæ Mariæ de Villa in Aprútio ortus, a primis annis exímio enituit pietátis cultu. Adoléscens gráviter ægrótans stáuit sese pror-

sus Dei, proximique mancipare servitio. Neapolim profectus, sacerdotio initiatus, sacroque adscriptus sodalities, contemplationi, lucrandisque animabus se totum devovit, ac extremo supplicio damnatis hortatorem se præbuit assiduum. Contigit autem, ut epistolum alteri destinatum ei per errorem redderetur, quo a piissimis viris Joanne Augustino Adórno, et Fabricio Caracciolo ad novi religiosi instituti fundationem vocabatur. Rei novitate captus, et divinæ voluntatis demiratus consilia, alacri animo sese illis adjunxit. Conditis autem in Camaldulensium eremo, quo secesserant, novi ordinis legibus, inde Romam simul profecti, confirmationem a Sixto quinto impetrarunt, qui eosdem clericos regulares Minores appellari voluit, addito ad tria consueta altero de non ambiendis dignitatibus voto.

**R.** Honestum fecit illum Dominus, et custodivit eum ab inimicis, et a seductoribus tutavit illum : \* Et dedit illi claritatem æternam, allelúia. **V.** Justum deduxit Dominus per vias rectas, et ostendit illi regnum Dei. Et dedit.

#### Lectio v.

**S**OLÉMNI emissa professione, ob singularem ejus in divum Franciscum Assisinatem cultum, Francisci no-

men assumpsit. Adórno biennio post vita functo, ipse toti religioni, quamquam invitus præficitur, quo in munere virtutum omnium præclara præbuit exempla. Instituti amplificandi studiosissimus, id assiduis orationibus, lacrymis, et jugi corporis maceratione enixe a Deo postulabat. Quamobrem tertio in Hispaniam se contulit peregrini habitu indutus, victumque ostiatim mendicans. In itinere asperrima quæque perpessus, Omnipotentis auxilium mirum in modum expertus, navim, quam conscenderat, ab imminente naufragio orationis præsidio servavit incolumem. Ut in regnis illis voti compos fieret, plurimum laboravit; sed ejus sanctitatis fama prælucente, amplissimaque catholicorum regum Philippi secundi, et Philippi tertii munificentia, adversariorum conatibus singulâ animi fortitudine superatis, plura sui ordinis domicilia fundavit : quod pari eventu per Italiam præstitit.

**R.** Amavit eum Dominus, et ornavit eum : stolam gloriæ induit eum, \* Et ad portas paradisi coronavit eum, allelúia. **V.** Induit eum Dominus lorica fidei, et ornavit eum. Et.

#### Lectio vj.

**H**UMILITATE ádeo excelluit, ut Romam veniens in pauperum hospitio receptus



se lepróso sociáverit; et ecclesiásticas dignitates a Paulo quinto sibi oblátas constantissime recusáverit. Illobátam perpétuo servávit virginitatem, effrontésque mulieres ejus castimóniæ insidiántes Christo lucrifécit. Erga divinissimum Eucharistiæ mystérium ardénti æstuans amóre, noctes pene integras in ejus adoratione insómnes ducébat : quod pium exercítium, véluti sui órdis tesseram, in eo perpétuo servándum constituit. Deiparæ Virginis cultum impénse fovit. In próximum eximia exársit caritate. Prophetiæ dono, et córdium scrutatióne ditátus fuit. Quadragésimum quartum ætatis suæ annum agens, dum in sacra Lauretána æde in oratione persisteret, sibi vitæ finem imminére cognóvit. Aprútium statim defléxit, et in óppido Agnóni apud alúmnos sancti Philippi Nérii letháli febre corréptus, sacraméntis Ecclesiæ devotissime susceptis, pridie Nonas Júnii anni millésimi sexcentésimi octávi, in pervigílio festi Córporis Christi, placidissime obdormívit in Dómino. Sacrum ejus corpus Neápolim delátum, in ecclesiá sanctæ Mariæ Majóris, ubi prima sui órdis jécerat fundaménta, honorífice cónditum fuit. Eum póstea miráculis clarum Clemens decimusquártus Pón-

tifex Máximus solémni ritu inter beátos; Pius vero séptimus Póntifex Máximus novis fulgéntem signis, anno millésimo octingentésimo séptimo, sanctórum albo adscripsit.

¶ Iste homo. 94\*.

IN III. NOCTURNO

Homil. in Evang. Sint lumbi. de eodem Comm. 1º loco. 96\*.

Vesp. a Capit. de seq. cum Commem. præced.

DIE V

SANCTI BONIFACII

EPISCOPI ET MARTYRIS

Duplex.

Omnia de Comm. unius Mart. Temp. Pasch. 42\*, præter seq.

Oratio.

**D**EUS, qui multitudinem populórum beáti Bonifácii Mártiris tui atque Pontíficis zelo, ad agnitióem tui nóminis vocáre dignátus es : concéde propítius; ut cujus solémnia cólimus, étiam patrocínia sentiámus. Per Dóminum.

Et fit Commem. præcedentis.

**Ant.** Hic vir despiciens mundum et terréna, triúmphans, divítias cælo cóndidit ore, manu, allelúia.

Ÿ. Justum dedúxit Dóminus per vias rectas, allelúia.

¶ Et osténdit illi regnum Dei, allelúia.

IN I. NOCTURNO

Lect. de Script. occur.

## IN II. NOCTURNO

## Lectio iv.

**B**ONIFÁCIUS, ántea Winfridus appellátus, apud Anglos natus est exeunte sæculo séptimo, et ab ipsa infántia mundum aversátus, vitam monásticam in votis hábuit. Cum ejus pater ánimum sæculi illécebris permutáre frustra tentásset, monastérium ingréditur, et sub beáti Wolphárdi disciplína ómnium virtútum, ac scientiárum gènere imbúitur. Annum agens trigésimum sacerdótio insignitur, ac verbi divini prædicátor assiduus, magno animárum lucro hoc in múnere versátur. Attamen regnum Christi adaugére desiderans, continuo flebat ingéntem multitudínem barbarórum, qui ignorántiæ ténebris immérsi dáemoni famulabántur. Qui quidem animárum zelus cum in dies inexstinguibili ardóre accréscebat, divíno númine per lácrymas et oratiónes exploráto, facultátem a monastérij præposito obtínuit ad Germánicas oras proficiscéndi.

**R.** Lux perpétua lucébit sanctis tuis Dómine, \* Et ætérnitas téporum, allelúia, allelúia. **V.** Lætítia sempitérna erit super cápita eórum: gáudium et exultatióne obtinébunt. Et.

## Lectio v.

**E**x Anglia duóbus cum sóciis navem solvens, Do-

restádium in Frisiæ óppidum venit. Cum áutem bellum gravíssimum inter Frisonum regem Radbódum, et Cáro- lum Martéllum exarsisset, sine fructu Evangélium prædicávit: quaprópter in Angliam revérsus, ad suum redívit monastérium, cui invitatus præficitur: post elápsum biénnum ex consénsu episcopi Vintoniénsis munus abdicávit, et Romam profectus est, ut apostólica auctoritate ad gentili- um conversi- ónem delegarétur. Cum ad Urbem pervenisset, a Gregó- rio secúndo benigne excipitur, pro Winfrido Bonifácus a Pontífice nominátur. In Germániam diréctus, Thuringiæ Saxoniæque pópulis Christum annuntiávit. Cum intérea Radbódus Frisiæ rex ac infestissimus christiáni nóminis hostis occubuisset, Bonifácus ad Frisones rediit, ubi sancti Willibrórdi sócius per triénnum tanto cum fructu Evangélium prædicávit, ut destrúctis idolórum simulácris, innúmerae vero Deo ecclésiæ excitarentur.

**R.** In servis suis, allelúia, \* Consolábitur Deus, allelúia. **V.** Judicábit Dóminus pópulum suum, et in servis suis. Consolábitur.

## Lectio vj.

**A**SANCTO Willibrórdo ad episcopále munus expetit, illud detrectávit ut prómptius infidélium salúti



instáret. In Germániam proféctus, plura Hassórum milia a dæmonis superstitióne avocávit. A Gregório Pontífice Romam evocátus, post insígnem fidei professi-  
onem episcopus consecrátur. Exínde ad Germános redux, Hássiam, et Thuringiam ab idololatriæ reliquiis pénitus expurgávit. Tanta propter mérita Bonifácus a Gregório tertio ad dignitátem archiepiscopálem evéhitur, et tertio Romam proféctus a Summo Pontífice Sedis apostólicæ legátus constituitur, qua insignitus auctoritáte quatuor episcopátus instituit, et varias sýnodos celebrávit, inter quas concílium Leptínense memorábile est apud Belgas in Cameracénsi diocési celebrátum, quo quidem témpore ad fidem in Bélgio adaugéndam egrégie cóntulit. A Zacharía Papa creátus Moguntínus archiepiscopus, ipso Pontífice jubénte Pipinum in regem Francórum unxit. Post mortem sancti Willibrórdi Ultrajecténsem ecclésiám gubernándam suscepit, primo per Eóbanum, deínde per se ipsum, dum ab Ecclésia Moguntína absolútus Ultrajecti resédit. Frisónibus ad idololatriam relápsis, Evangélium prædicáre rursus aggreditur, cumque officio pastoráli occuparétur, a bárbaris et impiis homínibus juxta Bornam flúvium cum Eó-

bano coepiscopo, multisque áliis cruénta cæde peréemptus mártýrii palma condecorá-  
tur. Corpus sancti Bonifácii, Mogúntiam translátum, et, ut ipse vivens petierat, in Fuldénsi monastério, quod extrúxerat, recónditum fuit, ubi multis miráculis incláruit. Pius áutem nonus Póntifex Máximus, ejus Officium et Missam ad univérsam Ecclésiám exténdit.

℞. Fíliæ Jerúsalem. 45\*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 5.

**I**n illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et reliqua.

Homília sancti Augustíni  
Episcopi.

Lib. 1. de Sermone Domini  
in monte cap. 2. et 3.

**B**EÁTI mundo corde : quóniam ipsi Deum videbunt. Quam ergo stulti sunt, qui Deum istis exterióribus óculis quærunť, cum corde videátur, sicut álibi scriptum est : Et in simplicitáte cordis quærite illum. Hoc est enim mundum cor, quod est simplex cor. Et quemádmóduť lumen hoc vidéri non potest, nisi óculis mundis : ita nec Deus vidétur, nisi mundum sit illud, quo vidéri potest. Beáti pacífici : quóniam ipsi filii Dei vocabúntur. In pace perféctio

est, ubi nihil repúgnat, et ideo filii Dei pacífici, quóniam nihil in his resistit Deo, et útique filii similitúdinem patris habére debent.

**R.** Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. **V.** Sicut diléxit me Pater, et ego diléxi vos. Qui.

### Lectio viij.

**P**ACÍFICI áutem in semet-ípsis sunt, qui omnes ánimi sui motus componén-tes, et subjicién-tes ratióni, id est menti et spiritui, carnalésque concupiscéntias habén-tes edómitas, fiunt regnum Dei. In quo ita sunt ordináta ómnia, ut id quod est in hómine præcípuum et excéllens, hoc ímperet, cæ-teris non reluctántibus, quæ sunt nobis bestiisque com-múnia : atque idípsum quod excéllit in hómine, id est mens et rátio, subjiciátur potióri, quod est ipsa véritas, unigénitus Fílius Dei. Neque enim imperáre infe-rióribus potest, nisi supe-rióri se ipse subjíciat. Et hæc est pax, quæ datur in terra homínibus bonæ vo-luntátis : hæc vita consum-máti perfectique sapiéntis.

**R.** Cándidi facti sunt Na-zaráei ejus, allelúia : splen-dórem Deo dedérunt, alle-lúia : \* Et sicut lac coaguláti sunt, allelúia, allelúia. **V.** Candiðióres nive, nitidióres lacte, rubicundióres ébore

antiquo, sapphiro pulchrió-res. Et sicut. Glória Patri. Et sicut.

### Lectio ix.

**D**E hujúsmodi regno paca-tíssimo et ordinatíssimo missus est foras princeps hu-jus sáeculi, qui pervérsis in-ordinatisque dominátur. Hac pace intrínsecus constitúta atque firmáta, quascúmque persecutiónes ille, qui foras missus est, forínsecus conci-táverit, áuget glóriam, quæ secúndum Deum est ; non áliquid in illo ædificio la-befáctans, sed deficiéntibus máchinis suis innotéscere fáciens, quanta firmitas intus exstrúcta sit. Ideo séquitur : Beáti, qui persecutiónem patiúntur propter justitiam : quóniam ipsórum est regnum cælórum.

Te Deum laudámus. 17.

**Vesp. a Capit. de seq. cum Commem. præced.**

DIE VI

S. NORBERTI

EPISCOPI ET CONFESSORIS  
Duplex.

**Omnia de Comm. Conf.**  
**Pont. 67\*, præter seq.**  
**Oratio.**

**D**EUS, qui beátum Norbér-tum Confessórem tuum atque Pontíficem, verbi tui præcónem exímium effecisti, et per eum Ecclésiám tuam nova prole fœcundásti : præsta quæsumus ; ut ejús-dem suffragántibus méritis, quod ore simul et ópere dó-



cuit, te adjuvante exercere valeamus. Per Dominum.

**Et fit Commem. præced.**

**Ant.** Sancti et justi in Domino gaudete, allelúia: vos elegit Deus in hereditatem sibi, allelúia.

**V.** Pretiosa in conspectu Domini, allelúia. **R.** Mors sanctorum ejus, allelúia.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**N**ORBERTUS, nobilissimis parentibus natus, adolescens liberalibus disciplinis eruditus, in ipsa postea imperatoris aula, spretis mundi illécebris, ecclesiasticæ militiæ adscribi voluit. Sacris initiatus, reiectis mollibus ac splendidis vestibus, pellicea melote indutus, prædicationi verbi Dei se totum dedit. Abdicatis ecclesiasticis proventibus satis amplis, et patrimonio in pauperes erogato, semel in die sub vesperam solo cibo quadragesimali utens, nudisque pedibus, et lácera veste sub brumali rigore incédens, miræ austeritatis vitam est aggressus. Potens igitur opere et sermone, innumeros hæreticos ad fidem, peccatores ad poenitentiam, dissidentes ad pacem et concórdiam revocavit.

**R.** Inveni David servum meum, oleo sancto meo unxi eum: \* Manus enim mea auxiliabitur ei, allelúia. **V.** Ni-

hil proficiet inimicus in eo, et filius iniquitatis non nocébit ei. Manus.

**Lectio v.**

**C**UM Lauduni esset, ab episcopo rogatus ne a sua diocèsi discéderet, desertum in ea locum, qui Præmonstratus dicebatur, sibi delegit; ibique trédecim sociis aggregatis, Præmonstratensem ordinem instituit, divinitus accepta per visum régula a sancto Augustino. Cum vero ejus fama sanctitatis in dies magis augeretur, ac pluri ad eum quotidie discipuli convenirent, idem ordo ab Honório secundo aliisque Summis Pontificibus confirmatus, ac pluribus ab eo monasteriis ædificatis, mirifice propagatus est.

**R.** Posui adjutorium super potentem, et exaltavi electum de plebe mea: \* Manus enim mea auxiliabitur ei, allelúia. **V.** Inveni David servum meum, oleo sancto meo unxi eum. Manus.

**Lectio vj.**

**A**NTVERPIAM accersitus, in ea urbe Tanchelini nefariam hæresim profligavit. Prophético spiritu, et miraculis claruit. Archiepiscopus tandem (licet reluctans) Magdeburgensis creatus, ecclesiasticam disciplinam, præsertim cœlibatum, constanter propugnavit. Rhemis in concilio Innocentium secundum egregie adjuvit, et Romam cum aliis episco-

pis profectus, schisma Petri Leónis compréssit. Postrémo vir Dei, méritis et Spíritu sancto plenus, Magdebúrgi obdormivit in Dómino, anno salutis millésimo centésimo trigésimo quarto, die sexta Júnii.

**H.** Iste est qui. 73\*.

IN III. NOCTURNO

**Homil. in Evang.** Homo peregre. **de eodem Comm.** 1<sup>o</sup> loco. 75\*.

DIE IX

SS. PRIMI ET FELICIANI

MARTYRUM

**Ad Vesp. Ant.** Lux perpétua lucébit sanctis tuis Dómine, et ætérnitas téporum, allelúia.

**V.** Sancti et iusti in Dómino gaudéte, allelúia. **H.** Vos elégit Deus in hereditátem sibi, allelúia.

**Oratio.**

**F**AC nos, quæsumus Dómine, sanctorum Mátyrum tuorum Primi et Feliciáni semper festa sectári : quorum suffrágiis protectiónis tuæ dona sentiámus. Per Dóminum.

**Lectio ij.**

**P**RIMUS et Feliciánus fratres, in persecutióne Diocletiáni et Maximiani accusáti christiánæ religiónis, in víncula conjiciúntur : quibus solúti, inde eripiúntur ab Angelo. Mox ad prætorem addúcti, cum christiánam fidem acérrime tueréntur, alter ab áltero distrácti

sunt : ac primum várie tentáta est constántia Feliciáni. Sed cum suasóres impietátis se posse quidquam verbis proficere desperárent, affixis stipiti mánibus ejus et pédibus, ipsum sine cibo et potu inde trídium pendéntem reliquérent. Postridie ejus diéi prætor vocátum ad se Primum sic affátur : Vides, quanto sit prudéntior, quam tu, frater tuus, qui obsecútus imperatóribus, apud ipsos est honorátus? Quem si tu quoque imitári volúeris, párticeps eris ejus honóris et grátiae.

**Lectio iij.**

**C**UI Primus : Quid factum sit fratri meo, cognóvi ex Angelo. Utinam quemádmódum sum cum eo voluntáte conjunctíssimus, sic ab eódem ne mátyrio disjúngar. Quo dicto excánduit prætor, et ad cæteros cruciátus, quibus Primum affécit, præsenté jam Feliciáno, liquátum igne plumbum in os ejus jussit infúndi. Mox utrúmque per dúci ímperat in theátrum, in eosque immítti duos leónes : qui prostráti ad eórum gènuá, cápite et cáuda ipsis blandiebántur. Ad id spectáculum cum ámplius duódecim millia hóminum conveníssent, quingénti cum suis familiis christiánam religiónem suscepérunt. Quibus rebus permótus prætor eos secúri percúti jussit.

Te Deum laudámus. 17.



**Ad Laud. Ant.** Filiæ Jerúsalem, venite, et videte Mártires cum coronis, quibus coronávit eos Dóminus in die solemnitatís et lætitiæ, allelúia, allelúia.

**V.** Pretiósá in conspéctu Dómini, allelúia. **R.** Mors sanctorum ejus, allelúia.

## DIE X

## SANCTÆ MARGARITÆ

REGINÆ SCOTIÆ, VIDUÆ

Semiduplex.

**Omnia de Comm. nec Virg. nec Mart. 125\*, præter seq.**

Oratio.

**D**EUS, qui beátam Margaritam reginam eximia in páuperes caritaté mirabilem effecisti: da; ut ejus intercessióne et exémplo, tua in córdibus nostris caritas júgiter augeátur. Per Dóminum.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**M**ARGARITA, Scotórum regina, patérno Angliæ regum, matérno Cæsarum sanguine clarissima, illústrior adhuc fuit christiána virtúte. Hæc in Hungária nata, ubi pater tunc témporis exsulábat, post exáctam summa cum pietáte puerilem ætátem, una cum genitóre, qui a sancto Eduárdo patrúo, Anglórum rege, ad patérni regni fastígium vocabátur, in Angliam venit. Mox alternánte paréntum fortúna, ex Angliæ líttore solvens, vi

tempestátis expúlso, seu vérius divínæ providéntiæ consilio dedúcta est in oram marítimam Scótiæ. Ibi cum ex matris império Malchólmo tertio Scotórum regi, egrégiis ejus dótibus capto, nupsisset, sanctimóniæ ac pietátis opéribus triginta, quibus regnávit annis, toti regno mirífice prófuit.

**R.** Propter veritatém, et mansuetúdinem, et justitiam: \* Et dedúcet te mirabiliter délixtera tua, allelúia. **V.** Spécie tua et pulchritúdine tua inténde, prospere procéde, et regna. Et dedúcet.

**Lectio v.**

**I**NTER regáles delicias corpus afflictatióibus, ac vigiliis mácerans, magnam noctis partem piis precatióibus extrahébat. Præter ália jejúnia, quæ idéntidem usurpábat, integros quadraginta dies ante natalitia festa tanta cum severitaté jejunáre consuévít, ut ne in gravissimis quidem dolóribus intermiserit. Divíno cúltoi additíssima, templa plúrima et coenóbia partim ex íntegro excitávit, partim resarcívit, et sacra supelléctili, ac largo censu ditávit. Regem cónjugem ad meliorem frugem, et ad similia suis exercitatióibus ópera salubérriimo exémplo tradúxit, liberósque omnes tam sancte et feliciter educávit, ut eórum plerique quemádmódum et Agatha

mater, et Christína soror, sanctíssimum vitæ genus ampléxi sint. Univérsi demum regni felicitáti consules, a vítiis ómnibus, quæ furtim irrépserant, pópulos expurgávit, eisque mores christiána pietáte dignos restituit.

**R.** Dilexísti justítiam, et odísti iniquitátem : \* Proptérea unxit te Deus, Deus tuus, óleo lætitiæ, allelúia. **V.** Propter veritátem, et mansuetúdinem, et justítiam. Proptérea unxit te.

**Lectio vj.**

**N**IHIL tamen æque in illa mirábile fuit, ac flagrantíssima cāritas erga próximos, præsertim egénos, quorum numerosis grégibus non modo stipem áffatim suppeditáre, verum étiam trecéntis quotidie matrēna benignitáte dapes præbere, flexis génibus in morem ancillæ ministráre, régiis mánibus pedes ablúere, et pressis étiam óculis úlcera fovere, solémne hábuit. His porro aliisque piis sumptribus non régias tantum vestes, et pretiósa monilia distráxit; sed ipsum non semel exháusit ærárium. Tolerátis demum ad patiéntiæ miraculum acerbíssimis dolóribus, ánimam seméstri córporis ægrota-tióne purgátam Auctóri suo quarto Idus Júnii réddidit. Quo témporis mómento fá-cies ejus diutúrni morbi mácie ac pallóre fœdátá,

insólita quadam venustáte reflóruit. Miris étiam post mortem prodigiis clara, et Cleméntis décimi auctoritáte in Scótiæ patrónam accépta, ubique terrárum religiosissime cólitur.

**R.** Fallax grátia. 128\*.

IN III. NOCTURNO

**Homil. in Evang.** Simile est regnum cælórum. **de eo-dem Comm.** 128\*.

**Vesp. de seq. cum Commem. præced.**

DIE XI

SANCTI BARNABÆ

APOSTOLI

Duplex majus.

**Omnia de Comm. Apost. Tempore Pasch. 23\*, præter seq.**

**Oratio.**

**D**EUS, qui nos beáti Bárnabæ Apóstoli tui méritis et intercessióne lætificas : concéde propítius; ut qui tua per eum beneficia póscimus, dono tuæ grátiae consequámur. Per Dóminum.

**Et fit Commem. præced.**

**Ant.** Manum suam apéruiť inopi, et palmas suas exténdit ad páuperem, et panem otiósa non comédit, allelúia.

**V.** Diffúsa est grátia in lábiis tuis, allelúia. **R.** Proptérea benedixit te Deus in ætérnum, allelúia.

IN I. NOCTURNO

De Actibus Apostolórum.

**Lectio j. Cap. 13. f**

**C**UM dimissa esset synagóga, secúti sunt multi



Judæorum, et coléntium advenárum, Páulum, et Bárnabam : qui loquéntes suadébant eis ut permanérent in grátia Dei. Sequénti vero sábbato pene univérſa civitas convénit audire verbum Dei. Vidéntes áutem turbas Judæi, repléti sunt zelo, et contradicébant his, quæ a Páulo dicebántur, blasphemántes. Tunc constánter Páulus et Bárnabas dixerunt : Vobis oportébat primum loqui verbum Dei : sed quóniam repéllitis illud, et indignos vos judicátis æternæ vitæ, ecce convértimur ad gentes. Sic enim præcépit nobis Dóminus : Pósui te in lucem gentium, ut sis in salútum usque ad extrémum terræ.

**R.** Beátus vir, qui méruit Dóminum, allelúia : \* In mandátis ejus cupit nimis, allelúia, allelúia, allelúia. **V.** Glória et divitiæ in domo ejus, et justitia ejus manet in sæculum sæculi. In.

**Lectio ij.**

**A**UDIÉNTES áutem gentes gavisæ sunt, et glorificábant verbum Dómini : et credidérunt quotquot erant præordináti ad vitam æternam. Disseminabátur áutem verbum Dómini per univérſam regiónem. Judæi áutem concitavérunt mulieres religiosas, et honestas, et primos civitátis, et excitavérunt persecutiómem in Páulum, et Bárnabam : et eje-

cérunt eos de finibus suis. At illi excússo púlvere pedum in eos, venérunt Icónium. Discípuli quoque replebántur gáudio, et Spíritu sancto.

**R.** Tristítia vestra, allelúia, \* Convertétur in gáudium, allelúia, allelúia. **V.** Mundus áutem gaudébit, vos vero contristabimini, sed tristítia vestra. Convertétur.

**Lectio iij. Cap. 14.**

**F**ACTUM est áutem Icónii, ut simul introirent in synagógam Judæorum, et loqueréntur, ita ut créderet Judæorum, et Græcorum copiósa multitúdo. Qui vero incréduli fuérunt Judæi, suscitavérunt, et ad iracúndiam concitavérunt ánimas gentium advérsus fratres. Multo igitur témpore demoráti sunt, fiduciáliter ágéntes in Dómino, testimónium perhibénte verbo grátia suæ, dante signa et prodigia fieri per manus eórum.

**R.** Pretiósa. 24\*.

IN II. NOCTURNO

**Lectio iv.**

**B**ÁRNABAS Levites, Cýprius génere, qui et Joseph, cum Páulo gentium Apóstolus ordinátus est ad prædicándum Jesu Christi Evangélium. Is, agro vëndito, quem habébat, redáctam ex eo pecúniám áttulit Apóstolis. Missus áutem Antiochiám prædicatiónis cáusa, cum ibi multos ad Christi Dómini fidem convérsos esse comperisset, incredibíliter lætá-

tus, eos hortabátur ut in Christi fide permanerent. Qua cohortatióne multum proficiébat, quod ab ómnibus vir bonus, et Spíritu sancto plenus habebátur.

**R.** Lux perpétua lucébit sanctis tuis Dómine, \* Et ætérnitas téporum, allelúia, allelúia. **V.** Lætitia sempitérna erit super cápita eórum : gáudium et exultatiónem obtinébunt. Et.

**Lectio v.**

**P**ROFÉCTUS inde Tarsum ut quæreretur Páulum, cum eo Antiochiám venit. In ejus urbis Ecclesiá annu comoráti, cristiánæ fidei et vitæ illis hominibus præcepta dedérunt : ubi étiam Jesu Christi cultóres primum Christiáni sunt appelláti. Discípuli áutem Páuli et Barnabæ, suis facultátibus Christiános, qui in Judæa erant, sustentábant, eo mitténtes pecúniám per Páulum et Barnabam. Qui perfúnti illo caritátis officio, adhibito Joánnē, cui cognómen erat Marcus, rediérunt Antiochiám.

**R.** Virtúte magna reddébant Apóstoli \* Testimónium resurrectionis Jesu Christi Dómini nostri, allelúia, allelúia. **V.** Repléti quidem Spíritu sancto, loquebántur cum fidúcia verbum Dei. Testimónium.

**Lectio vj.**

**C**UM áutem Antiochiæ in Ecclesiá, cum cæteris

Prophétis et Doctóribus, Páulus et Barnabas in jejúnio et oratióne Dómino deservirent, dixit Spíritus sanctus : Segregáte mihi Sáulum et Barnabam in opus, ad quod assúmpsi eos. Tunc jejunántes et orántes, imponentésque eis manus, dimiserunt illos. Itaque Seleuciam venérunt, inde in Cyprum : ac multas prætereas urbes regionésque, prædicántes Evangélium summa cum audiéntium utilitatē, peragrárunt. Postrémo Barnabas digressus a Páulo, una cum Joánnē, qui cognominátus est Marcus, navigávit in Cyprum : ibique circiter séptimum Nerónis annum, tértio Idus Júnii ad apostólici múnēis láudem, martýrii corónam adjúnxit. Ejus corpus Zenóne imperatóre repértum est in insula Cypro ; ad cujus pectus erat Evangélium Matthæi, Barnabæ manu conscriptum.

**R.** Isti sunt. 24\*.

**IN III. NOCTURNO**

Lectio sancti Evangélii secundum Matthæum.

**Lectio vij. Cap. 10. b**

**I**N illo témpore : Dixit Jesus discipulis suis : Ecce ego mitto vos sicut oves in médio lupórum. Et reliqua.

Homilia sancti Joánnis Chrysóstomi.

**Homil. 34. in Matth. post init.**

**C**UM Dóminus omnem sollicitúdinem a discipuló-



rum córdibus ejécerit, et ostensióne signórum armá-verit, atque ab ómnibus negótiis sæculáribus alienátos, et ab omni temporálium rerum cura liberátos, férreos quodámmodo atque adamántinos fécerit, tum déni-que eventúra illis advérſa prædicít. Multa enim ex hac prædictióne futurárum rerum cómmoda consequébántur. Primum, ut ejus præsciéntiæ vim ediscerent. Deinde, ut nemo suspicárétur ex magístri infirmitáte tam grávia mala descendere. Prætérea, ne qui ea passúri erant, súbito ac inopinátó rerum evéntu perturbaréntur. Déniq̃ue, ne, cum ista sub ipsum passiónis suæ tempus audírent, nímium commoveréntur.

**R.** Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. **V.** Sicut diléxit me Pater, et ego diléxi vos. Qui manet.

#### Lectio viij.

**J**AM vero, ut intélligant novum hoc esse belli genus, et insólitum præliándi morem, cum illos nudos mitteret, una indútos túnica, sine calceis, absque virga, et absque zona et pera, et ab excipiéntibus ali jubéret : non fecit hic dicéndi finem, sed inexplicábilem virtútem suam próferens, Etiam sic eúntes, inquit, mansuetúdi-

nem tamen óvium osténdite, quamvis ad lupos itúri, nec simpliciter ad lupos, sed étiam in médio lupórum ( neque vero óvium tantum mansuetúdinem habére jubet, sed étiam colúmbæ simplicitátem ) : sic enim virtútem meam máxime osténdam, cum ab óvibus lupi superabúntur : et quamvis illæ sint in médio lupórum, et innúmeris mórsibus laceréntur, non modo non consúptæ fúerint, verum étiam illos in sui natúram transmutáverint.

**R.** Cándidi facti sunt Nazaráei ejus, allelúia ; splendórem Deo dedérunt, allelúia : \* Et sicut lac coaguláti sunt, allelúia, allelúia. **V.** Candi díores nive, nitidióres lacte, rubicundióres ébore antiquo, sapphíro pulchrióres. Et sicut. Glória Patri. Et sicut.

#### Lectio ix.

**M**AJUS certe atque admirabilius est, mentem adversariórum commutáre, et ánimum in divérsum transférre, quam illos occídere : præsértim cum duódecim tantum essent, et lupis plenus esset orbis univérsus. Erubescámus igitur, qui longe divérſa faciéntes, tamquam lupi in adversários rúimus. Nam quámdiu oves fuérimus, vincimus : étiam si mille circúmstent lupi, superámus, et victóres sumus : quod si lupi fuérimus,

vincimur. Tunc enim a nobis pastóris auxiliū recedit, qui non lupos, sed oves pascit.

Te Deum laudamus. 17.

Deinde fit Commem. seq. et SS. Basilidis et Soc. Mart.

## DIE XII

S. JOANNIS A S. FACUNDO

CONFESSORIS

Duplex, sed ad modum Simplicis recolendum.

In I. Vesp. Ant. Similábó eum viro sapiénti, qui ædificávit domum suam supra petram, allelúia.

V. Amávit eum Dóminus, et ornávit eum, allelúia. R. Stólam glóriæ induit eum, allelúia.

## Oratio.

**D**EUS áuctor pacis, et amátor caritátis, qui beátum Joánnem Confessórem tuum mirífica dissidentes componéndi grátia decorásti: ejus méritis, et intercessióne concéde; ut in tua caritáte firmáti, nullis a te tentatióibus separémur. (Per Dóminum.)

Et fit Commem. SS. Mart. Basilidis, Cyrini, Naboris et Nazarii.

Ant. Lux perpétua lucébit sanctis tuis Dómine, et æternitas téporum, allelúia.

V. Sancti et justi in Dómino gaudéte, allelúia. R. Vos elégit Deus in hereditátem sibi, allelúia.

## Oratio.

**S**ANCTÓRUM Mártyrum tuórum Basilidis, Cyrini,

Náboris atque Nazárii, quæsumus Dómine, natalitia nobis votíva resplédeant: et quod illis cóntulit excelléntia sempitérna, frúctibus nostræ devotiónis accréscať. Per Dóminum.

Pro S. Joanne a S. Facundo.

## Lectio ix.

**J**OÁNNEM Sahagúni in Hispania nóbili genere natum, paréntes cum diu prole caruissent, piis opéribus, et oratióibus a Deo impetrá-runt. Ab ineúnte ætáte egrégium futúráe sanctitátis spécimen dedit: nam e loco superióri ad cæteros púeros crebro verba faciébat, quibus eos ad virtútem, et Dei cultum hortabátur, eorúmque dissidia componébat. In pátria mónachis sancti Facúndi órdis sancti Benedicti primis litterárum rudiméntis imbuéndus tráditur. Dum iis óperam daret, curávit pater, ut párochus ecclésiám administráret: quod munus júvenis nullis ratióibus addúci pótuit, ut retinéret. Inter familiáres episcopi Burgénsis adscriptus, ob spectátam ipsius probitátem íntimus ei fuit, ab eóque præsbyter, et canónicus factus multis beneficiis áuctus est. Sed relícta áula episcopi, ut Deo quiétius servíret, ómnibus ecclésiæ provéntibus abdicátis se cuidam sacélló addixit, ubi Sacrum quotidie faciébat, ac de rebus divinis



magna cum auditorum ædificatione frequenter concionabatur. <sup>¶</sup> Postea studiorum causa Salmanticam profectus, in celebre collégium divi Bartholomæi cooptatus, sacerdotis munus ita exercuit, ut simul optatis studiis incumberet, et in sacris etiam concionibus assidue versaretur. Cum vero in gravissimum morbum incidisset, arctioris disciplinæ voto se obstrinxit, quod ut redderet, cum prius cuidam pauperi pene nudo ex duabus, quas tantum habebat vestes, meliorem dedisset, ad cœnobium sancti Augustini severiori disciplina tum maxime florens se contulit: in quo admissus, obediëntia, animi demissione, vigiliis ac oratione proVectiores antebat. Triclinii cura cum ipsi demandata esset, vini doliolum ipso attingente omnibus monachis per annum abunde suffecit. Exacto tirocinii anno, præfecti jussu munus concionandi suscepit. Salmanticæ id temporis adeo cruentis factionibus divina, humanaque omnia permixta erant, ut singulis propemodum horis cædes fierent, et omnium ordinum, ac præsertim nobilium sanguine non viæ solum, et fora, sed templa etiam redundarent. <sup>¶</sup> At Joannes, tum concionibus, tum privatis colloquiis civium animos demulcens, ad tranquillita-

tem urbem reduxit. Virum principem graviter offendit, quod illius in subditos sævitiam increpasset. Qua de causa equites duos immisit, qui eum in itinere confoderent: jamque ad ipsum propinquaverant, cum, stupore divinitus immisso, simul cum equis immobiles steterunt, donec ad pedes sancti viri provoluti, sceleris veniam precarentur. Ipse quoque princeps repentino terrore percussus, jam de salute desperaverat, cum revocato Joanne, facti poenitens incolumitati redditus est. Factiosi etiam homines, cum eum fustibus peterent, brachiis diriguere, nec ante redditæ vires quam delicti veniam precarentur. Christum Dominum, dum Sacrum faceret, præsentem contueri, atque ex ipso divinitatis fonte cælestia mysteria haurire solitus. Abdita cordis inspicere, ac futura raro eventu præagire frequens illi fuit, fratrisque filiam septennem mortuam excitavit. Denique mortis die prænuntiato, et Ecclesiæ sacramentis devotissime susceptis, extremum diem clausit, multis ante et post obitum miraculis gloriosus. Quibus rite probatis Alexander octavus sanctorum numero eum adscripsit.

**Si vero Festum S. Joannis celebretur alia die, dicatur Lectio sequens.**

## Pro SS. Martyribus.

## Lectio iij.

**B**ASÍLIDES, Cyrinus, Nabor et Nazárius, Románi milites, nóbiles gènere, et virtúte illústres, christiána religióne suscep̃ta, cum Christum Dei Filium, Diocletiano imperatóre, prædicarent, ab Aurélio præfècto Urbis comprehénsi, et ut diis sacra fácerent admóniti, ejus jussa contemnentes, missi sunt in cárcerem. Quibus orántibus, cum súbito clarissima lux obórta ómnium óculis, qui ibídem essent, cárcerem collustrásset: illo cælésti splendóre commótus Marcéllus custodiæ præpósitus, multi-que álíi, Christo Dómino credidérunt. Verum póstea e cárcere emissi, ab imperatóre Maximiano, cum ejus étiam neglécto império, unum Christum Deum et Dóminum in ore habérent, scorpíonibus cruciáti iterum conjiciúntur in vincula: unde séptimo die educti, et ante pedes imperatóris constitúti, perstitérunt in irrisione inánium deórum, Jesum Christum Deum constantissime confitentes. Quamóbrem damnáti, secúri feriúntur. Quorum córpora feris objécta, nec ab illis tacta, a Christiánis honorífice sepúlta sunt.

Te Deum laudámus. 17.

In Laud. pro S. Joanne.

**Ant.** Euge serve bone et fidélis, quia in páuca fuisti

fidélis, supra multa te constituam, intra in gáudium Dómini tui, allelúia.

**V.** Justum dedúxit Dóminus per vias rectas, allelúia.

**R.** Et osténdit illi regnum Dei, allelúia.

## Pro SS. Martyribus.

**Ant.** Fíliæ Jerúsalem veníte, et vidéte Mártýres cum coronis, quibus coronávit eos Dóminus in die solemnitátis et lætitiæ, allelúia, allelúia.

**V.** Pretiósá in conspéctu Dómini, allelúia. **R.** Mors sanctorum ejus, allelúia.

## In II. Vesp. pro S. Joanne.

**Ant.** Hic vir despiciens mundum, et terréna triúmphans, divítias cælo cóndidit ore, manu, allelúia.

**V.** Justum dedúxit Dóminus per vias rectas, allelúia.

**R.** Et osténdit illi regnum Dei, allelúia.

## DIE XIII

## S. ANTONII DE PADUA

## CONFESSORIS

Duplex, sed ad modum Simplicis recolendum.

In I. Vesp. **Ant.** Similábo eum viro sapiénti, qui ædificávit domum suam supra petram, allelúia.

**V.** Amávit eum Dóminus, et ornávit eum, allelúia. **R.** Stolum glóriæ induit eum, allelúia.

## Oratio.

**E**CCLÉSIAM tuam Deus beáti Antónii Confessóris tui solémnitas votíva lætíficet:



ut spirituálibus semper muniatúr auxiliis, et gáudiis pérfrui mereátur ætérnis. Per Dóminum.

*In Laud. Ant.* Euge serve. *ŷ.* Justum. *ut supra.* 622.

*In II. Vesp. Ant.* Hic vir despiciens. *ŷ.* Justum. *ut supra.* 622.

DIE XV

SS. VITI, MODESTI

ATQUE CRESCENTIÆ MART.

*Ad Vesp. Ant.* Lux perpétua lucébit sanctis tuis Dómine, et ætérnitas téporum, allelúia.

*ŷ.* Sancti et justi in Dómino gaudéte, allelúia. *R.* Vos elégit Deus in hereditátem sibi, allelúia.

*Oratio.*

**D**A Ecclesiæ tuæ, quæsumus Dómine, sanctis Martýribus tuis Vito, Modesto, atque Crescentia intercedéntibus, supérbe non sápere, sed tibi plácita humilitáte proficere : ut prava despiciens, quæcúmque recta sunt, libera exérceat caritáte. Per Dóminum.

*In Laud. Ant.* Filiæ Jerúsalem. *ŷ.* Pretiósá. *ut supra.*

DIE XVIII

SS. MARCI ET MARCELLIANI  
MARTYRUM

*Ad Vesp. Ant.* Lux perpétua. *ŷ.* Sancti. *ut supra.*

*Oratio.*

**P**RÆSTA, quæsumus omnipotens Deus : ut qui sanctórum Mártyrum tuórum

Marci et Marcelliáni natalítia cólimus ; a cunctis malis imminéntibus eórum intercessiónibus liberémur. Per Dóminum.

*Ad Laud. Ant.* Filiæ Jerúsalem. *ŷ.* Pretiósá. *ut supra.*

DIE XIX

S. JULIANÆ DE FALCONERIIS  
VIRGINIS

*Duplex, sed ad modum Simplicis recolendum.*

*In I. Vesp. Ant.* Veni sponsa Christi, áccipe coronam, quam tibi Dóminus præparávit in ætérnum, allelúia.

*ŷ.* Spécie tua et pulchritúdine tua, allelúia. *R.* Inténde, prospere procéde, et regna, allelúia.

*Oratio.*

**D**EUS, qui beatam Juliánam Virginem tuam extrémó morbo laborántem pretiósó Filii tui corpore mirabíliter recreáre dignátus es : concéde, quæsumus ; ut ejus intercedéntibus méritis, nos quoque eódem in mortis agóne refécti ac roboráti, ad cæléstem pátriam perducámur. (Per eúmdem Dóminum.)

*Deinde fit Commem. SS. Gervasii et Protasii Mart.*

*Ant.* Lux perpétua. *ŷ.* Sancti. *ut supra.*

*Oratio.*

**D**EUS, qui nos ánnua sanctórum Mártyrum tuórum Gervásii et Protásii so-

lemnitate lætificas : concède propitius ; ut quorum gaudemus méritis , accendámur exémplic. Per Dóminum nostrum.

*In Laud. pro S. Juliana.*

*Ant.* Simile est regnum cælórum hómini negotiátóri quærénti bonas margaritas : invénta una pretiósa , dedit ómnia sua , et comparávit eam , allelúia.

*V.* Diffúsa est grátia in lábiis tuis , allelúia. *R.* Pro-

ptérea benedixit te Deus in ætérnum , allelúia.

*Pro SS. Mart. Ant.* Filiæ Jerúsalem. *V.* Pretiósa. *ut supra.*

*In II. Vesp. pro S. Juliana. Ant.* Veni sponsa Christi : áccipe corónam , quam tibi Dóminus præparávit in ætérnum , allelúia.

*V.* Diffúsa est grátia in lábiis tuis , allelúia. *R.* Proptérea benedixit te Deus in ætérnum , allelúia.







## COMMUNE SANCTORUM

De Vigiliis Apostolorum Tempore Quadragesimæ nihil fit in Officio, sed Commemoratio in Missa tantum. Tempore Paschali vero sive in Officio, sive in Missa

nihil fit. Cum igitur Lectio- nes de Homilia iis assigna- tæ Vigiliis numquam præ- dictis Temporibus legendæ sint, hic propterea omit- tuntur.

### COMMUNE APOSTOLORUM ET EVANGELISTARUM

EXTRA TEMPUS PASCHALE

IN I. VESPERIS

**Ant.** Hoc est præceptum meum, \* ut diligátis invicem, sicut diléxi vos.

**Psalmus 109.**

**D**IXIT Dóminus Dó- mino meo : Sede a dextris meis : Donec ponam inimicos tuos, \* scabéllum pedum tuórum.

Virgam virtútis tuæ emit- tet Dóminus ex Sion : \* domináre in médio inimicó- rum tuórum.

Tecum principium in die virtútis tuæ in splendóribus sanctórum : \* ex útero ante lucíferum genui te.

Jurávit Dóminus, et non pœnitébit eum : \* Tu es sa-

cérdos in ætérnum secún- dum órdenem Melchisedech.

Dóminus a dextris tuis, \* confrégit in die iræ suæ reges.

Judicábit in natió nibus, implébit ruínas : \* conquis- sábit cápita in terra multó- rum.

De torrén te in via bibet : \* proptérea exaltábit caput.

**Ant.** Hoc est præceptum meum, ut diligátis invicem, sicut diléxi vos.

**Ant.** Majórem caritátem \* nemo habet, ut ánimam suam ponat quis pro amicis suis.

**Psalmus 110.**

**C**ONFITEBOR tibi Dómine in toto corde meo : \* in

consilio justórum, et congregatióne.

Magna ópera Dómini : \* exquisita in omnes voluntates ejus.

Conféssio et magnificéntia opus ejus : \* et justitia ejus manet in sæculum sæculi.

Memóriam fecit mirabiliū suórum, miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtútem óperum suórum annuntiábit populo suo :

Ut det illis hereditátem géntium : \* ópera mánuum ejus véritas, et judicium.

Fidélia ómnia mandáta ejus : confirmáta in sæculum sæculi, \* facta in veritate et æquitáte.

Redemptiónem misit populo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus faciéntibus eum : \* laudatio ejus manet in sæculum sæculi.

**Ant.** Majórem caritátem nemo habet, ut ánimam suam ponat quis pro amicis suis.

**Ant.** Vos amici mei estis, \* si fecéritis quæ præcipio vobis, dicit Dóminus.

**Psalmus 111.**

**B**EÁTUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómmodat, dispónet sermónes suos in judicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, déntibus suis fremet et tabéscet : \* desidérium peccatórum peribit.

**Ant.** Vos amici mei estis, si fecéritis quæ præcipio vobis, dicit Dóminus.

**Ant.** Beáti pacífici, \* beáti mundo corde : quóniam ipsi Deum vidébunt.

**Psalmus 112.**

**L**AUDÁTE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad oc-



cásum, \* laudábile nomen  
Dómini.

Excélsus super omnes gentes  
Dóminus, \* et super cæ-  
los glória ejus.

Quis sicut Dóminus Deus  
noster, qui in altis hábitat, \*  
et humília réspicit in cælo  
et in terra?

Súscitans a terra inopem, \*  
et de stércore érigenz páu-  
perem :

Ut cóllocet eum cum prin-  
cipibus, \* cum princípibus  
pópuli sui.

Qui habitáre facit stérilem  
in domo, \* matrem filiórur  
lætántem.

**Ant.** Beáti pacífici, beáti  
mundo corde : quóniam  
ipsi Deum vidébunt.

**Ant.** In patiéntia vestra \*  
possidébitis ánimas vestras.

**Psalmus 116.**

**L**AUDÁTE Dóminum omnes  
gentes : \* laudáte eum  
omnes pópuli :

Quóniam confirmáta est  
supernos misericórdia ejus, \*  
et véritas Dómini manet in  
aetérnum.

**Ant.** In patiéntia vestra  
possidébitis ánimas vestras.

**Capitulum. Ephes. 2. d**

**F**RATRES : Jam non estis  
hóspites, et ádvenæ :  
sed estis cives sanctórum,  
et doméstici Dei : superædi-  
ficáti super fundaméntum  
Apostolórur, et Prophetá-  
rum, ipso summo angulári  
lápide Christo Jesu.

**R.** Deo grátias.

**Hymnus.**

**E**XSÚLTET orbis gáudiis :  
Cælum resúltet láudi-  
bus :

Apostolórur glóriam  
Tellus et astra cóncinunt.

Vos sæculórum júdices,  
Et vera mundi lúmina :  
Votis precámur córdium,  
Audíte voces súpplicum.

Qui templa cæli cláuditis,  
Serásque verbo sólvitis,  
Nos a reátu nóxios  
Solvi jubéte, quæsumus.

Præcépta quorum próti-  
nus

Languor salúsque séntiunt :  
Sanáte mentes lánguidas ;  
Augéte nos virtútibus.

Ut, cum redibit árbitet  
In fine Christus sæculi,  
Nos sempitérni gáudii  
Concedat esse cómpotes.

Patri, simúlque Filio,  
Tibique sancte Spiritus,  
Sicut fuit, sit júgiter  
Sæclum per omne glória.  
Amen.

**V.** In omnem terram exivit  
sonus eórum. **R.** Et in fines  
orbis terræ verba eórum.

**Ad Magnif. Ant.** Tradent  
enim vos \* in conciliis, et in  
synagógis suis flagellábunt  
vos, et ante reges et præsides  
ducémini propter me in te-  
stimónium illis, et génti-  
bus.

**Oratio propria.**

**AD MATUTINUM**

**Invit.** Regem Apostolórur  
Dóminum, \* Venite, adoré-  
mus.

**Ps.** Venite, exsultémus. 2.

## Hymnus.

**A**ETERNA Christi múnera,  
Apostolorum glóriam,  
Palmas et hymnos débítos  
Lætis canámus méntibus.

Ecclesiárum Príncipes,  
Belli triumpháles duces,  
Caeléstis áulæ milites,  
Et vera mundi lúmina.

Devóta sanctórum fides,  
Invicta spes credéntium,  
Perféccta Christi caritas  
Mundi tyránnum cónterit.

In his Patérna glória,  
In his triúmphant Filius,  
In his volúntas Spiritus,  
Cælum replétur gáudio.

Patri, simúlque Filio,  
Tibique sancte Spiritus,  
Sicut fuit, sit júgiter  
Sæclum per omne glória.

Amen.

## IN I. NOCTURNO

**Ant.** In omnem terram \*  
exívit sonus eórum, et in  
fines orbis terræ verba eó-  
rum.

## Psalmus 18.

**C**ÆLI enarrant glóriam Dei,\*  
et ópera mánuum ejus  
annúntiat firmaméntum.

Dies diéi erúctat verbum,\*  
et nox nocti índicat scién-  
tiam.

Non sunt loquélæ, neque  
sermónes, \* quorum non  
audiántur voces eórum.

In omnem terram exívit  
sonus eórum : \* et in fines  
orbis terræ verba eórum.

In sole pósuit tabernácu-  
lum suum : \* et ipse tam-  
quam sponsus procédens de  
thálamo suo :

Exsultávit ut gigas ad cur-  
réndam viam, \* a summo  
cælo egréssio ejus :

Et occúrsus ejus usque ad  
summum ejus : \* nec est qui  
se abscondat a calóre ejus.

Lex Dómini immaculáta  
convértens ánimas : \* testi-  
mónium Dómini fidéle, sa-  
piéntiam præstans párvulis.

Justitiæ Dómini rectæ,  
lætificántes corda : \* præcép-  
tum Dómini lúcidum, illú-  
minans óculos.

Timor Dómini sanctus,  
pérmanens in sæculum sæ-  
culi : \* judícia Dómini vera,  
justificáta in semetípse.

Desiderabilia super áurum  
et lápidem pretiósus mul-  
tum : \* et dulcióra super mel  
et favum.

Etenim servus tuus custó-  
dit ea, \* in custodiéndis illis  
retribútio multa.

Delicta quis intélligit? ab  
occúltis meis munda me : \*  
et ab aliénis parce servo  
tuo.

Si mei non fúerint domi-  
náti, tunc immaculátus ero : \*  
et emundábor a delicto má-  
ximo.

Et erunt ut compláceant  
elóquia oris mei : \* et medi-  
tátio cordis mei in conspé-  
ctu tuo semper.

Dómine adjútor meus, \*  
et redémptor meus.

**Ant.** In omnem terram exí-  
vit sonus eórum, et in fines  
orbis terræ verba eórum.

**Ant.** Clamavérunt justí, \*  
et Dóminus exaudivit eos.



## Psalmus 33.

**B**ENEDÍCAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuéti, et læténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatió nibus meis eripuit me.

Accédite ad eum, et illuminámini : \* et fácies vestræ non confundéntur.

Iste páuper clamávit, et Dóminus exaudivit eum : \* et de ómnibus tribulatió nibus ejus salvávit eum.

Immíttet Angelus Dómini in circúitu timéntium eum : \* et eripiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt et esuriérunt : \* inquiréntes áutem Dóminum non minuéntur omni bono.

Venite filii, audíte me : \* timórem Dómini docébo vos.

Quis est homo qui vult vitam : \* diligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac

bonum : \* inquire pacem, et perséquare eam.

Oculi Dómini super justos : \* et áures ejus in preces eórum.

Vultus áutem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatió nibus eórum liberávit eos.

Juxta est Dóminus iis, qui tribuláto sunt corde : \* et húmiles spiritu salvábit.

Multæ tribulatió nes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui sperant in eo.

**Ant.** Clamavérunt justí, et Dóminus exaudivit eos.

**Ant.** Constitues \* eos príncipes super omnem terram : memores erunt nóminis tui Dómine.

## Psalmus 44.

**E**RUCTÁVIT cor meum verbum bonum : \* dico ego ópera mea regi.

Lingua mea cálamus scribæ, \* velóciter scribéntis.

Speciósus forma præ filiis hóminum, diffúsa est grátia in lábiis tuis : \* proptérea benedixit te Deus in ætérnum.

Accingere gládio tuo super femur tuum, \* potentissime.

Spécie tua et pulchritudine tua \* inténde, prospere procéde, et regna.

Propter veritatem, et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, pópuli sub te cadent, \* in corda inimicórum regis.

Sedes tua Deus in sæculum sæculi : \* virga directiónis virga regni tui.

Dilexisti justitiam, et odisti iniquitatem : \* propterea unxit te Deus Deus tuus óleo lætitiæ præ consórtibus tuis.

Myrrha, et gutta, et casia a vestimentis tuis, a dómibus ebúrneis : \* ex quibus delectavérunt te filiæ regum in honóre tuo.

Adstitit regina a dextris tuis in vestitu deaurato : \* circumdata varietate.

Audi filia, et vide, et inclina áurem tuam : \* et obliviscere pópulum tuum, et domum patris tui.

Et concupiscet rex decorem tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes divites plebis.

Omnis glória ejus filiæ regis ab intus, \* in fimbriis áureis circumamicta varietatibus.

Adducéntur regi vírgines post eam : \* próximæ ejus afferéntur tibi.

Afferéntur in lætitia et exsultatione : \* adducéntur in templum regis.

Pro pátribus tuis nati sunt tibi filii : \* constitues eos principes super omnem terram.

Mémoires erunt nóminis tui : \* in omni generatione et generationem.

Propterea pópuli confitebúntur tibi in ætérnum : \* et in sæculum sæculi.

**Ant.** Constitues eos principes super omnem terram : mémoires erunt nóminis tui Dómine.

**Ÿ.** In omnem terram exivit sonus eórum. **R.** Et in fines orbis terræ verba eórum.

Pater noster.

**Absolutio.** Exáudi Dómine. **Ÿ.** Jube domne.

**Bened.** Benedictione perpétua.

**Lect. de Script. positæ in Communi Sanctorum leguntur, quando annotantur in Proprio Sanctorum per annum, et quando contingit fieri Offic. de aliquo Sancto illis diebus, in quibus in Offic. Feriæ non ponuntur Lect. de Script., sed tantum de Homilia, et quando aliquod Festum solemniter celebratur in propria ecclesia.**

De Epístola prima beáti Páuli Apóstoli ad Corínthios.

**Lectio j. Cap. 4.**

**S**ic nos existimet homo ut ministros Christi : et dis-



pensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi áutem pro mínimo est ut a vobis júdicer, aut ab humáno die : sed neque meípsum júdico. Nihil enim mihi cóncius sum : sed non in hoc justificátus sum : qui áutem júdicat me, Dóminus est. Itaque nolite ante tempus júdicáre, quoad úsque véniat Dóminus : qui et illuminábit abscóndita tenebrárum, et manifestábit consília córdium; et tunc laus erit unicuique a Deo.

℞. Ecce ego mitto vos sicut oves in médio lupórum, dicit Dóminus : \* Estóte ergo prudéntes sicut serpéntes, et simplices sicut colúmbæ. ✠. Dum lucem habétis, créдите in lucem, ut filii lucis sitis. Estóte ergo.

**Bened.** Unigénitus Dei Filius.

**Lectio ij.**

**H**ÆC áutem, fratres, transfigurávi in me et Apóllo, propter vos : ut in nobis discátis, ne supra quam scriptum est, unus advérsus álterum inflétur pro álio. Quis enim te discernit? Quid áutem habes, quod non accepisti? Si áutem accepisti, quid gloriáris quasi non acceperis? Jam saturáti estis, jam divites facti estis : sine nobis regnáti : et útinam regnéti, ut et nos vobiscum regnémus. Puto enim quod Deus nos Apóstolos novis-

simos osténdit, tamquam morti destinátos : quia spectáculum facti sumus mundo, et Angelis, et hominibus.

℞. Tóllite jugum meum super vos, dicit Dóminus, et discite a me, quia mitis sum et húmilis corde : \* Jugum enim meum suáve est, et onus meum leve. ✠. Et inveniétis réquiem animábus vestris. Jugum.

**Bened.** Spíritus sancti.

**Lectio iij.**

**N**os stulti propter Christum, vos áutem prudéntes in Christo : nos infirmi, vos áutem fortes : vos nóbiles, nos áutem ignóbiles. Usque in hanc horam et esurimus, et sitimus, et nudi sumus, et coláphis cædimur, et instábiles sumus, et laborámus operántes manibus nostris : maledicimur, et benedicimus : persecutióne pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos carísimos móneo. Nam si decem millia pædagogórum habeátis in Christo : sed non multos patres. Nam in Christo Jesu per Evangélium ego vos genui.

℞. Dum stetéritis ante reges et præsides, nolite cogitare quómodo aut quid loquámini : \* Dábitur enim vobis in illa hora, quid lo-

quámini. **V.** Non enim vos estis qui loquimini: sed Spíritus Patris vestri, qui loquitur in vobis. Dábitur enim. Glória Patri. Dábitur enim.

IN II. NOCTURNO

**Ant.** Principes populórum \* congregáti sunt cum Deo Abraham.

**Psalmus 46.**

**O**MNES gentes pláudite má nibus: \* jubiláte Deo in voce exsultatiónis.

Quóniam Dóminus excélsus<sup>1</sup>, terribilis: \* rex magnus super omnem terram.

Subjécit pópulos nobis: \* et gentes sub pédibus nostris.

Elégit nobis hereditátem suam: \* spéciem Jacob, quam diléxit.

Ascéndit Deus in júbilo: \* et Dóminus in voce tubæ.

Psállite Deo nostro, psállite: \* psállite regi nostro, psállite.

Quóniam rex omnis terræ Deus: \* psállite sapiénter.

Regnábit Deus super gentes: \* Deus sedet super sedem sanctam suam.

Principes populórum congregáti sunt cum Deo Abraham: \* quóniam dii fortes terræ, veheménter eleváti sunt.

**Ant.** Principes populórum congregáti sunt cum Deo Abraham.

**Ant.** Dedisti hereditátem \* timéntibus nomen tuum Dómine.

**Psalmus 60.**

**E**XÁUDI Deus deprecatió nem meam: \* inténde oratióni meæ.

A finibus terræ ad te clamávi: \* dum anxiarétur cor meum, in petra exaltásti me.

Deduxisti me, quia factus es spes mea: \* turris fortitudinis a fácie inimici.

Inhabitábo in tabernáculo tuo in sácula: \* prótegar in velaménto alárum tuárum.

Quóniam tu Deus meus exaudisti oratió nem meam: \* dedisti hereditátem timéntibus nomen tuum.

Dies super dies regis adjicias: \* annos ejus usque in diem generatiónis et generatiónis.

Pérmanet in ætérnum in conspéctu Dei: \* misericórdiam et veritátem ejus quis requirét?

Sic psalmum dicam nómini tuo in sáculum sáculi: \* ut reddam vota mea de die in diem.

**Ant.** Dedisti hereditátem timéntibus nomen tuum Dómine.

**Ant.** Annuntiavérunt \* ópera Dei, et facta ejus intellexérunt.

**Psalmus 63.**

**E**XÁUDI Deus oratió nem meam cum deprecor: \* a timóre inimici éripe ánimam meam.

Protexísti me a convéntu malignántium: \* a multítu-



dine operántium iniquitátem.

Quia exacuérunt ut gládium linguas suas : \* intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis vidébit eos?

Scrutáti sunt iniquitates : \* defecerunt scrutantes scrutinio.

Accedet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmatæ sunt contra eos lingue eórum.

Conturbáti sunt omnes qui vidébant eos : \* et tímuit omnis homo.

Et annuntiavérunt ópera Dei : \* et facta ejus intellexerunt.

Lætábitur justus in Dómino, et sperábit in eo, \* et laudabúntur omnes recti corde.

**Ant.** Annuntiavérunt ópera Dei : et facta ejus intellexerunt.

**Y.** Constitues eos principes super omnem terram. **R.** Mémoires erunt nóminis tui Dómine.

Pater noster.

**Absolutio.** Ipsíus píetas.

**Y.** Jube domne.

**Bened.** Deus Pater omnipotens.

Sermo sancti Gregórii Papæ.

**Homil. 30. in Evang., post medium.**

**Lectio iv.**

**S**CRIPtum est : Spiritus Dómini ornávit cælos. Ornamenta enim cælórum sunt virtútes prædicántium. Quæ videlicet ornamenta Páulus enúmerat, dicens : Alii datur per Spiritum sermo sapiéntiæ, álii sermo sciéntiæ secúndum eúmdem Spiritum, álteri fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discrétio spirituum, álii génera linguarum, álii interpretátio sermonum. Hæc áutem ómnia operátur unus atque idem Spíritus, dividens singulis prout vult.

**R.** Vidi conjúctos viros, habéntes spléndidas vestes, et Angelus Dómini locútus est ad me, dicens : \* Isti sunt viri sancti facti amici Dei.

**Y.** Vidi Angelum Dei fortem, volántem per médium cælum, voce magna clamántem et dicéntem. Isti.

**Bened.** Christus perpétuæ.

**Lectio v.**

**Q**UOT ergo sunt bona prædicántium, tot sunt ornamenta cælórum. Hinc rursus scriptum est : Verbo Dómini cæli firmáti sunt. Verbum enim Dómini Fílius est Patris. Sed eósdem cælos, videlicet sanctos Apóstolos, ut tota simul sancta Trínitas

ostendátur operáta, repén-  
te de sancti Spíritus divinitá-  
te adjúngitur : Et spíritu oris  
ejus omnis virtus eórum.  
Caelórum ergo virtus de Spí-  
ritu sumpta est : quia mundi  
hujus potestátibus contraíre  
non præsúmerent, nisi eos  
sancti Spíritus fortitúdo soli-  
dásset. Quales namque do-  
ctóres sanctæ Ecclesiæ ante  
advéntum hujus Spíritus fúe-  
rint, scimus : et post advén-  
tum illius, cujus fortitúdinis  
facti sint, conspícimus.

¶ Beáti estis, cum male-  
dixerint vobis hómines, et  
persecúti vos fúerint, et di-  
xerint omne malum advér-  
sum vos, mentiéntes, pro-  
pter me : \* Gaudéte et exul-  
táte, quóniam merces vestra  
copiósa est in cælis. ¶ Cum  
vos óderint hómines, et cum  
separáverint vos, et expro-  
bráverint, et ejécerint no-  
men vestrum tamquam ma-  
lum propter Filium hóminis.  
Gaudéte et exultáte.

**Bened.** Ignem sui amóris.

**Lectio vj.**

**C**ERTE iste ipse pastor Ec-  
clesiæ, ad cujus sacra-  
tissimum corpus sedémus,  
quantæ debilitátis, quantæ-  
que formidinis ante advén-  
tum Spíritus fúerit, ancilla  
ostiária requisíta dicat. Una  
enim mulieris voce percús-  
sus, dum mori tímuit, vitam  
negávit. Et pensándum, quia  
eum comprehénsus Petrus  
negávit in terra, quem sus-  
pénsus latro conféssus est

in cruce. Sed vir iste tantæ  
formidinis, qualis post ad-  
véntum Spíritus existat,  
audiámus. Fit convéntus  
magistrátus atque seniórum,  
cæsis denuntiátur Apóstolis,  
ne in nómine Jesu loqui dé-  
beant : Petrus magna aucto-  
ritáte respóndet : Obedire  
opórtet Deo magis quam  
hominibus.

¶ Isti sunt triumphatóres  
et amici Dei, qui conte-  
mnéntes jussa princípum,  
meruérunt præmia æténa :

\* Modo coronántur, et acci-  
piunt palmam. ¶ Isti sunt  
qui venérunt ex magna tri-  
bulatióne, et lavérunt stolas  
suas in ságuine Agni. Modo.  
Glória Patri. Modo.

IN III. NOCTURNO

**Ant.** Exaltabúntur \* cór-  
nua justí.

**Psalmus 74.**

**C**ONFITÉBIMUR tibi Deus : \*  
confitébimur, et invocá-  
bimus nomen tuum.

Narrábimus mirabilia tua : \*  
cum accépero tempus, ego  
justítias judicábo.

Liquefácta est terra, et  
omnes qui hábitant in ea : \*  
ego confirmávi colúmnas  
ejus.

Dixi iníquis : Nolíte iníque  
ágere : \* et delinquéntibus :  
Nolíte exaltáre cornu :

Nolíte extóllere in altum  
cornu vestrum : \* nolite lo-  
qui advérsus Deum iniqui-  
tátem.

Quia neque ab Oriénte,  
neque ab Occidénte, neque



a desértis móntibus : \* quóniam Deus iudex est.

Hunc humiliat, et hunc exáltat : \* quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinanita : \* bibent omnes peccatóres terræ.

Ego áutem annuntiábo in sæculum : \* cantábo Deo Jacob.

Et ómnia córnua peccatórum confríngam : \* et exaltabúntur córnua iusti.

**Ant.** Exaltabúntur córnua iusti.

**Ant.** Lux orta est \* iusto, rectis corde lætítia.

**Psalmus 96.**

**D**ÓMINUS regnávit, exsúltet terra : \* læténtur insulæ multæ.

Nubes, et caligo in circúitu ejus : \* justítia, et iudícium corrèctio sedis ejus.

Ignis ante ipsum præcédet, \* et inflammábit in circúitu inimícos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus : \* audivit, et lætáta est Sion.

Et exsultavérunt filiæ Judæ, \* propter iudicia tua Dómine :

Quóniam tu Dóminus Altíssimus super omnem terram : \* nimis exaltátus es super omnes deos.

Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est iusto, \* et rectis corde lætítia.

Lætámini iusti in Dómino : \* et confitémini memóriæ sanctificatiónis ejus.

**Ant.** Lux orta est iusto, rectis corde lætítia.

**Ant.** Custodiébant \* testimónia ejus, et præcépta ejus.

**Psalmus 98.**

**D**ÓMINUS regnávit, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confiteántur nómini tuo magno : quóniam terribile, et sanctum est : \* et honor regis iudícium diligit.

Tu parásti directiões : \* iudícium et justítiam in Jacob tu fecísti.

Exaltáte Dóminum Deum nostrum, et adoráte scabellum pedum ejus : \* quóniam sanctum est.

Móyses et Aaron in sacerdotibus ejus : \* et Sámuel inter eos, qui invocant nomen ejus :

Invocabant Dóminum, et ipse exaudiébat eos : \* in columna nubis loquebátur ad eos.

Custodiébant testimónia ejus, \* et præceptum quod dedit illis.

Dómine Deus noster tu exaudiébas eos : \* Deus tu propítius fuisti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : \* quóniam sanctus Dóminus Deus noster.

*Ant.* Custodiébant testimónia ejus, et præcepta ejus.

*ŷ.* Nimis honoráti sunt amici tui Deus. *Ŕ.* Nimis confortátus est principátus eórum.

Pater noster.

*Absolutio.* A vinctulis.

*ŷ.* Jube domne.

*Bened.* Evangélica léctio. Léctio sancti Evangélii secúndum Matthæum.

*Lectio viij.* Cap. 19. d

**I**N illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Hierónymi Presbýteri.

*Lib. 3. in Matth. cap. 19.*

**G**RANDIS fidúcia! Petrus piscátor erat, dives non

fúerat, cibos manu et arte quærébat : et tamen lóquitur confidénter : Reliquimus ómnia. Et quia non súfficit tantum relinquere, jungit quod perféctum est : Et secúti sumus te. Fécimus quod jussisti : quid igitur nobis dabis præmii? Jesus áutem dixit illis : Amen dico vobis, quod vos qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Non dixit : Qui reliquistis ómnia; hoc enim et Crates fecit philósophus, et multi álíi divítias contempsérunt : sed, Qui secúti estis me : quod próprie Apostolorum est atque credéntium.

*Ŕ.* Isti sunt qui vivéntes in carne, plantavérunt Ecclesiám sánguine suo : \* Cálicem Dómini bibérunt, et amici Dei facti sunt. *ŷ.* In omnem terram exívit sonus eórum, et in fines orbis terræ verba eórum. Cálicem.

*Bened.* Cujus, *vel* Quorum festum cólimus.

*Lectio viij.*

**I**N regeneratióne, cum séderit Filius hóminis in sede majestátis suæ (quando et mórtui de corruptiõe resúrgent incorrúpti), sedébitis et vos in sóliis judicántium, condemnántes duódecim tribus Israël : quia vobis credéntibus, illi credere noluérunt. Et omnis



qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, cén-  
tuplum accipiet, et vitam ætérnam possidébit. Locus iste cum illa senténtia cón-  
gruit, in qua Salvátor ló-  
quitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimíci hóminis doméstici ejus. Qui ergo propter fidem Christi, et prædicatióem Evan-  
gélíi, omnes afféctus contémpserint, atque divítias et sæculi voluptátes : isti cén-  
tuplum recipient, et vitam ætérnam possidébunt.

**R.** Isti sunt viri sancti, quos elégit Dóminus in caritáte non ficta, et dedit illis glóriam sempitérnam : \* Quorum doctrina fulget Ecclésia, ut sole luna. **V.** Sancti per fidem vicérunt regna : operáti sunt justitiam. Quorum. Glória Patri. Quorum.

**Bened.** Ad societátem.

### Lectio ix.

**E**x occasióe hujus senténtiæ quidam introducunt mille annos post resurrectionem, dicéntes, tunc nobis cén-  
tuplum ómnium rerum quas dimisimus, et vitam ætérnam esse reddéndam : non intelligéntes quod, si in cæteris digna sit re-  
missio, in uxóribus appareat turpitúdo : ut qui unam pro

Dómino dimiserit, centum recipiat in futúro. Sensus ergo iste est : Qui carnália pro Salvátore dimiserit, spirituália recipiet : quæ comparatióne et mérito sui ita erunt, quasi si parvo número centenárius número comparétur.

**Deinde dicitur Hymnus :**

Te Deum laudámus. 17.

### AD LAUDES

#### ET PER HORAS

**Ant. 1.** Hoc est præcéptum meum, \* ut diligátis invicem, sicut diléxi vos.

**Psalm.** Dóminus regnávít. cum reliq. 18.

**2.** Majórem caritátem \* nemo habet, ut ánimam suam ponat quis pro amícis suis.

**3.** Vos amici mei estis, \* si fecéritis quæ præcipio vobis, dicit Dóminus.

**4.** Beáti pacífici, \* beáti mundo corde : quóniam ipsi Deum vidébunt.

**5.** In patiéntia vestra \* possidébitis ánimas vestras.

**Capitulum.** Ephes. 2. d

**F**RATRES : Jam non estis hóspites, et ádvenæ : sed estis cives sanctórum, et doméstici Dei : superædificáti super fundaméntum Apostolórum et Prophetárum, ipso summo angulári lapide Christo Jesu.

**R.** Deo grátias.

### Hymnus.

**E**XSÚLTET orbis gáudiis : Cælum resúltet láudibus : Apostolórum glóriam Tellus et astra cónceinunt.

Vos sæculórum júdices,  
Et vera mundi lúmina,  
Votis precámur córdium :  
Audite voces súpplicum.

Qui templa cæli cláudi-  
tis,

Serásque verbo sólvitis,  
Nos a reátu nóxios  
Solvi jubéte, quæsumus.

Præcépta quorum próti-  
nus

Languor salúsque sèntiunt;  
Sanáte mentes lánguidas :  
Augéte nos virtútibus :

Ut, cum redibit árbitèr  
In fine Christus sæculi,  
Nos sempitérni gáudii  
Concédat esse cómpotes.

Patri, simúlque Filio,  
Tibique sancte Spíritus,  
Sicut fuit, sit júgiter  
Sæclum per omne glória.

Amen.

Ÿ. Annuntiavérunt ópera  
Dei. R. Et facta ejus intel-  
lexérunt.

Ad Bened. Ant. Vos qui  
reliquístis \* ómnia, et secúti  
estis me, céntuplum acci-  
piétis, et vitam ætérnam  
possidébitis.

AD TERTIAM

Ant. Majórem caritátem.

Capit. Fratres : Jam non  
estis. ut supra.

R. br. In omnem terram  
\* Exívit sonus eórum. In  
omnem. Ÿ. Et in fines orbis  
terræ verba eórum. Exívit.  
Glória Patri. In omnem.

Ÿ. Constitúes eos princi-  
pes super omnem terram.  
R. Mémoires erunt nóminis  
tui Dómine.

AD SEXTAM

Ant. Vos amíci mei estis.

Capitulum. Act. 5. b

PER manus áutem Aposto-  
lórum fiébant signa et  
prodígia multa in plebe.

R. br. Constitúes eos prin-  
cipes \* Super omnem ter-  
ram. Constitúes. Ÿ. Mémo-  
res erunt nóminis tui Dó-  
mine. Super. Glória Patri.  
Constitúes.

Ÿ. Nimis honoráti sunt  
amíci tui Deus. R. Nimis  
confortátus est principátus  
eórum.

AD NONAM

Ant. In patiéntia vestra.

Capitulum. Act. 5. c

I BANT Apóstoli gaudéntes a  
conspéctu concílii, quó-  
niam digni hábiti sunt pro  
nómine Jesu contuméliam  
pati.

R. br. Nimis honoráti sunt  
\* Amíci tui Deus. Nimis. Ÿ.  
Nimis confortátus est prin-  
cipátus eórum. Amíci. Gló-  
ria Patri. Nimis.

Ÿ. Annuntiavérunt ópera  
Dei. R. Et facta ejus intel-  
lexérunt.

IN II. VESPERIS

Ant. Jurávit Dóminus, \*  
et non pœnitébit eum : Tu  
es sacérdos in ætérnum.

Psalmus 109.

D IXIT Dóminus Dómino  
meo : \* Sede a dextris  
meis :

Donec ponam inimícos  
tuos, \* scabéllum pedum tuó-  
rum.

Virgam virtútis tuæ emít-



tet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante luciferum génui te.

Jurávit Dóminus, et non pœnitébit eum : \* Tu es sacérdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implébit ruínas : \* conquasábit cápita in terra multórum.

De torrén-te in via bibet : \* proptérea exaltábit caput.

**Ant.** Jurávit Dóminus, et non pœnitébit eum : Tu es sacérdos in ætérnum.

**Ant.** Cóllocet eum \* Dóminus cum princípibus pópuli sui.

**Psalmus 112.**

**L**AUDÁTE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásum, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia réspicit in cælo et in terra?

Súscitans a terra inopem, \* et de stércore érigens páuperem :

Ut cóllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum lætántem.

**Ant.** Cóllocet eum Dóminus cum princípibus pópuli sui.

**Ant.** Dirupísti Dómine \* víncula mea : tibi sacrificábo hóstiam láudis.

**Psalmus 115.**

**C**RÉDIDI, propter quod locútus sum : \* ego áutem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupísti víncula mea : \* tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

**Ant.** Dirupísti Dómine víncula mea : tibi sacrificábo hóstiam láudis.

**Ant.** Eúntes ibant \* et flebant, mitténtes sémína sua.

## Psalmus 125.

**I**N converténdo Dóminus  
captivitátem Sion : \* facti  
sumus sicut consoláti :

Tunc replétum est gáudio  
os nostrum : \* et lingua no-  
stra exsultatióne.

Tunc dicent inter gen-  
tes : \* Magnificávit Dóminus  
fácere cum eis.

Magnificávit Dóminus fá-  
cere nobiscum : \* facti su-  
mus lætántes.

Convérte Dómine captivi-  
tátem nostram, \* sicut tor-  
rens in Austro.

Qui sémant in lácry-  
mis, \* in exsultatióne me-  
tent.

Eúntes ibant et flebant, \*  
mitténtes sémina sua.

Veniéntes áutem vénient  
cum exsultatióne, \* portán-  
tes manipulos suos.

**Ant.** Eúntes ibant et fle-  
bant, mitténtes sémina sua.

**Ant.** Confortátus est \* prin-  
cipátus eórum, et honoráti  
sunt amici tui Deus.

## Psalmus 138.

**D**ÓMINE probásti me, et  
cognovisti me : \* tu co-  
gnovisti sessiόνem meam,  
et resurrectiόνem meam.

Intellexisti cogitatiónes  
meas de longe : \* sémitam  
meam, et funiculum meum  
investigásti.

Et omnes vias meas præ-  
vidisti : \* quia non est sermo  
in lingua mea.

Ecce Dómine tu cogno-  
visti ómnia novíssima, et  
antiqua : \* tu formásti me,

et posuisti super me manum  
tuam.

Mirábilis facta est sciéntia  
tua ex me : \* confortáta est,  
et non pótero ad eam.

Quo ibo a spiritu tuo? \* et  
quo a fácie tua fúgiam?

Si ascéndero in cælum,  
tu illic es : \* si descéndero  
in inférnum, ades.

Si sumpsero pennas meas  
dilúculo, \* et habitávero in  
extrémis maris :

Etenim illuc manus tua  
dedúcet me : \* et tenébit me  
délixtera tua.

Et dixi : Fórsitan ténebræ  
conculcábunt me : \* et nox  
illuminátio mea in deliciis  
meis.

Quia ténebræ non obscu-  
rabúntur a te, et nox sicut  
dies illuminábitur : \* sicut  
ténebræ ejus, ita et lumen  
ejus.

Quia tu possedisti renes  
meos : \* suscepisti me de  
útero matris meæ.

Confitébor tibi quia ter-  
ribíliter magnificátus es : \*  
mirabilia ópera tua, et áni-  
ma mea cognóscit nimis.

Non est occultátum os  
meum a te, quod fecisti in  
occulto : \* et substántia mea  
in inferiórius terræ.

Imperféctum meum vidé-  
runt óculi tui, et in libro tuo  
omnes scribéntur : \* dies for-  
mabúntur, et nemo in eis.

Mihi áutem nimis honori-  
ficáti sunt amici tui Deus : \*  
nimis confortátus est prin-  
cipátus eórum.



Dinumerábo eos, et super arénam multiplicabúntur : \* exsurrexi, et adhuc sum tecum.

Si occideris Deus peccatóres : \* viri sánguinem declináte a me :

Quia dicitis in cogitatióne : \* accipient in vanitáte civitates tuas.

Nonne qui odérunt te Dómine, óderam? \* et super inimicos tuos tabescébam?

Perfécito ódio óderam illos : \* et inimici facti sunt mihi.

Proba me Deus, et scito cor meum : \* intérroga me, et cognósce sémitas meas.

Et vide, si via iniquitátis in me est : \* et deduc me in via ætérna.

**Ant.** Confortátus est principátus eórum, et honorátí sunt amici tui Deus.

**Capit.** Fratres : Jam non. **Hymnus.** Exsúltet orbis. **Y.** Annuntiavérunt. **ut in Laud.**

**Ad Magnif. Ant.** Estóte fortes \* in bello, et pugnáte cum antiquo serpénte : et accipiétis regnum ætérnum.

## II. ALIÆ LECTIONES

### PRO APOSTOLIS

#### IN II. NOCTURNO

De Expositiône sancti Augustini Episcopi super Psalmum octogésimum sextum.

#### Lectio iv.

#### Ante medium.

**F**UNDAMÉNTA ejus in món-  
tibus sanctis : diligit

Dóminus portas Sion. Quare sunt fundaménta Apóstoli, et Prophétæ? Quia eórum auctóritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis : et cum per ipsos intrámus, per Christum intrámus. Ipse est enim jánuá. Et cum dicúntur duódecim portæ Jerúsalem, et una porta Christus, et duódecim portæ Christus, quia in duódecim portis Christus : et ideo duodenárius númerus Apostolórum. Sacraméntum magnum hujus duodenárii significatio est númeri. Sedébitis, inquit, super duódecim sedes, judicántes duódecim tribus Israël.

**R.** Vidi conjúctos viros, habéntes spléndidas vestes, et Angelus Dómini locútus est ad me, dicens : \* Isti sunt viri sancti facti amici Dei. **Y.** Vidi Angelum Dei fortem, volántem per médium cælum, voce magna clamántem, et dicéntem. Isti.

#### Lectio v.

**S**I duódecim sellæ ibi sunt, non est ubi sédeat tértius décimus Páulus Apóstolus, et non erit quómodo júdicet : et ipse se judicatúrurum dixit, non hómines tantum, sed et ángelos. Quos ángelos, nisi apóstatas ángelos? Nescitis, inquit, quia ángelos judicábimus? Respondéret ergo turba : Quid

te jactas judicatúrum? Ubi sedébis? Duódecim sedes dixit Dóminus duódecim Apóstolis : unus cécidit Judas, in locum ipsíus sanctus Mathías ordinátus est : implétus est duodenárius númerus sédium. Primo locum inveni, ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cujúsdam universitátis, quia per totum orbem terrárum futúra erat Ecclésia : unde vocátur hoc ædificium ad Christi compágem.

**R.** Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : \* Gaudéte et exultáte, quóniam merces vestra copiósá est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte.

**Lectio vj.**

**E**T ideo quia úndique veniatur ad judicándum, duódecim sedes sunt : sicut quia úndique intrátur in illam civitátem, duódecim portæ sunt. Non solum ergo illi duódecim et Apóstolus Páulus, sed quotquot judicatúri sunt, propter significatióem universitátis ad sedes duódecim pértinent : quemádmódum quotquot

intrábunt, ad duódecim portas pértinent. Partes enim mundi quátuor sunt, Oriens, Occidens, Aquilo et Meridies. Istæ quátuor partes assidue nominántur in Scriptúris. Ab istis quátuor ventis, sicut dicit Dóminus in Evangélio, a quátuor ventis se collectúrum eléctos suos : ab ómnibus ergo istis quátuor ventis vocátur Ecclésia. Quómodo vocátur? Undique in Trinitáte vocátur. Non vocátur nisi per baptismum in nómine Patris, et Filii, et Spiritus sancti. Quátuor ergo ter ducta duódecim inveniúntur.

**R.** Isti sunt. 10\*.

IN III. NOCTURNO

Lectio sancti Evangélii secúndum Matthæum.

**Lectio vij. Cap. 19. d**

**I**N illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

Homilia venerábilis Bedæ Presbýteri.

**Homil. in Nat. S. Benedicti.**

**P**ERFÉCTUS ille est, qui ábiens vendit ómnia quæ habet, et dat paupéribus, ac véniens, séquitur Christum : habébit enim thesáurum non deficientem in cælis. Unde bene interrogánte Petro, dixit talibus Jesus : Amen dico vobis, quod vos qui secúti estis me, in regeneratióne, cum séderit Fílius hóminis in



sede majestátis suæ, sedébítis et vos super sedes duódecim, judicántes duódecim tribus Israël. In hac quippe vita pro ejus nómine laborántes, in ália præmium speráre dócuit : id est, in regeneratióne; cum vidélicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

**R.** Isti sunt qui vivéntes in carne, plantavérunt Ecclésiám sáanguine suo : \* Cálicem Dómini bibérunt, et amici Dei facti sunt. **V.** In omnem terram exívit sonus eórum, et in fines orbis terræ verba eórum. Cálicem.

#### Lectio viij.

**E**T justa prorsus retribútió, ut qui hic pro Christo humánæ glóriam celsitúdinis neglexérunt, illic a Christo júdices glorificáti singulariter cum eo assideant, qui a sequéndis ejus vestigiis nulla ratióne póterant avélli. Nemo áutem putet, duódecim tantum Apóstolos, quia pro Juda prævaricánte Mathías eléctus est, tunc esse judicatúros : sicut nec duódecim solæ sunt tribus Israël judicándæ : alióquin tribus Levi, quæ tertiadécima est, injudicatá recédet.

**R.** Isti sunt viri sancti, quos elégit Dóminus in caritáte non ficta, et dedit illis glóriam sempitérnam : \* Quorum doctrína fulget Ecclésiá, ut sole luna. **V.** Sancti

per fidem vicérunt regna : operáti sunt justitiam. Quorum. Glória Patri. Quorum.

#### Lectio ix.

**E**T Páulus, qui tertiusdémus est Apóstolus, judicándi sorte privábitur, cum ipse dicat : Nescitis quóniam ángelos judicábimus, quanto magis sæculária? Sciéndum namque est, omnes, qui ad exéplum Apostolórum suareliquerunt ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et per duódecim tribus Israël, univérsitas eórum, qui judicándi sunt, osténditur.

Te Deum laudámus. 17.

### PRO EVANGELISTIS

#### LECTIONES

#### IN I. NOCTURNO

Incipit liber Ezechiélis  
Prophétæ.

#### Lectio j. Cap. 1.

**E**T factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cæli, et vidi visiones Dei. In quinta mensis, ipse est annus quintus transmigratiónis regis Jóachim, factum est verbum Dómini ad Eze-

chiélem, filium Buzi sacerdotem in terra Chaldæorum, secus flumen Chobar : et facta est super eum ibi manus Dómini. Et vidi, et ecce ventus túrbini veniébatur ab Aquilóne : et nubes magna, et ignis invólvens, et splendor in circúitu ejus : et de médio ejus quasi spécies eléctri, id est, de médio ignis.

℞. Ecce ego mitto vos sicut oves in médio lupórum, dicit Dóminus : \* Estóte ergo prudéntes sicut serpéntes, et simplices sicut colúmbæ. V. Dum lucem habétis, créдите in lucem, ut filii lucis sitis. Estóte.

#### Lectio ij.

**E**T in médio ejus similitúdo quátuor animálium : et hic adspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vituli, et scintillæ quasi adspéctus æris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant, junctæque erant pennæ eórum altérius ad álterum. Non revertebántur cum incéderent : sed unumquódque ante fáciem suam gradiebátur.

℞. Tóllite jugum meum super vos, dicit Dóminus, et discite a me, quia mitis sum et húmilis corde : \* Jugum enim meum suáve est,

et onus meum leve. V. Et inveniétis réquiem animábus vestris. Jugum.

#### Lectio iij.

**S**IMILITUDO autem vultus eórum : fácies hóminis, et fácies leónis a dextris ipsórum quátuor : fácies autem bovis, a sinistris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper : duæ pennæ singulórum jungébantur, et duæ tegébant corpóra eórum : et unumquódque eórum coram fácie sua ambulábat : ubi erat ímpetus spíritus, illuc gradiebántur, nec revertebántur cum ambulárent.

℞. Dum stetéritis. 7\*.

#### IN II. NOCTURNO

De Expositióne sancti Gregórii Papæ super Ezechielém Prophétam.

#### Homil. 3. Lib. 1.

#### Lectio iv.

**S**ANCTA quátuor animália, quæ prophetiæ spíritu futura prævidéntur, subtili narratióne describúntur, cum dicitur : Quátuor fácies uni, et quátuor pennæ uni. Quid per fáciem, nisi notítia; et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium corpóra sublevántur. Fácies itaque ad fidem pértinet, penna ad contemplatiónem. Per fidem namque ab omnipoténti Deo



cognoscimur, sicut ipse de suis óvibus dicit : Ego sum pastor bonus, et cognosco oves meas, et cognoscunt me meæ. Qui rursus ait : Ego scio quos elégerim. Per contemplationem vero, qua super nosmetipsos tollimur, quasi in áëra levámur.

℟. Vidi conjunctos viros, habéntes spléndidas vestes, et Angelus Dómini locútus est ad me, dicens : \* Isti sunt viri sancti facti amíci Dei. ✠. Vidi Angelum Dei fortem, volántem per médium cælum, voce magna clamántem et dicéntem. Isti.

*Lectio v.*

**Q**UÁTUOR ergo fácies uni sunt : quia si requíras quid Matthæus de incarnatione Dómini sentiat : hoc nimirum sentit, quod Marcus, Lucas, et Joánnēs. Si quæras quid Joánnēs sentiat; hoc procul dúbio, quod Lucas, Marcus, et Matthæus. Si quæras quid Marcus; hoc quod Matthæus, Joánnēs, et Lucas. Si quæras quid Lucas; hoc quod Joánnēs, Matthæus, et Marcus sentit. Quátuor ergo fácies uni sunt : quia notítia fidei, qua cognoscúntur a Deo, ipsa est in uno, quæ est simul in quátuor. Quidquid enim in uno invénieris, hoc in ómnibus simul quátuor cognosces.

℟. Beáti estis cum maledixerint vobis hómines, et persecúti vos fúerint, et di-

xerint omne malum adversum vos, mentiéntes, propter me : \* Gaudéte et exultáte, quóniam merces vestra copiósa est in cælis. ✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte.

*Lectio vj.*

**E**T quátuor pennæ uni : quia Dei omnipoténtis Filium Dóminum nostrum Jesum Christum simul omnes concórditer prædicant : et ad divinitátem ejus mentis óculos levántes, penna contemplationis volant. Evangelistarum ergo fácies ad humanitátem Dómini pèrtinet, penna ad divinitátem : quia in eum, quem corpóreum adspiciunt, quasi fácies inténdunt : sed dum hunc esse incircumscriptum atque incorpóreum ex divinitáte annúntiant, per contemplationis pennam quasi in áëra levántur. Quia itaque una est fides incarnationis ejus in ómnibus, et par contemplatio divinitátis ejus in singulis, recte nunc dicitur : Quátuor fácies uni, et quátuor pennæ uni.

℟. Isti sunt. 10\*.

IN III. NOCTURNO

Léctio sancti Evangélíi secúndum Lucam.

*Lectio vij. Cap. 10.*

**I**N illo témpore : Designávit Dóminus et álios se-

ptuaginta duos : et misit illos binos ante faciē suam, in omnem civitatem et locum, quo erat ipse venturus. Et reliqua.

Homilia sancti Gregorii  
Papae.

Homil. 17. in Evang.

**D**ÓMINUS et Salvátor noster, fratres carissimi, aliquādo nos sermōnibus, aliquādo vero opēribus admonet. Ipsa etenim facta ejus praecepta sunt : quia dum aliquid tātus facit, quid āgere debeāmus innotēscit. Ecce enim binos in praedicationem discipulos mittit : quia duo sunt praecepta caritātis, Dei videlicet amor, et proximi : et minus quam inter duos caritas habēri non potest. Nemo enim proprie ad semetipsum habēre caritatem dicitur : sed dilectio in ālterum tendit, ut caritas esse possit.

℟. Isti sunt qui vivētes in carne, plantavērunt Ecclesiam sāguine suo : \* Cālicem Dómini bibērunt, et amici Dei facti sunt. V. In omnem terram exivit sonus eōrum, et in fines orbis terrae verba eōrum. Cālicem.

Lectio viij.

**E**CCE enim binos ad praedicandum discipulos Dóminus mittit : quātenus hoc nobis tātus innuat, quia qui caritatem erga ālterum non habet, praedicationis officium suscipere nullātenus debet. Bene autem dicitur,

quia misit eos ante faciē suam in omnem civitatem et locum, quo erat ipse venturus. Praedicatorēs enim suos Dóminus séquitur : quia praedicatio praevenit, et tunc ad mentis nostrae habitaculum Dóminus venit, quando verba exhortationis praecurrunt : atque per hoc veritas in mente suscipitur.

℟. Isti sunt viri sancti quos elēgit Dóminus in caritate non ficta, et dedit illis glóriam sempiternam : \* Quorum doctrina fulget Ecclesia, ut sole luna. V. Sancti per fidem vicērunt regna : operāti sunt justitiam. Quorum. Glória Patri. Quorum.

Lectio ix.

**H**INC namque eisdem praedicatoribus Isaías dicit : Parate viam Dómini, rectas facite sēmitas Dei nostri. Hinc filiis Psalmista ait : Iter facite ei, qui ascendit super occāsum. Super occāsum namque Dóminus ascendit : quia unde in passióne occubuit, inde majorem suam glóriam resurgēdo manifestāvit. Super occāsum videlicet ascendit ; quia mortem quam pētulit, resurgēdo calcāvit. Ei ergo qui ascendit super occāsum, iter facimus, cum nos ejus glóriam vestris mētibz praedicāmus, ut eas et ipse post vēniens, per amoris sui praesentiam illústret.

Te Deum laudāmus. 17.



## COMMUNE APOSTOLORUM ET EVANGELISTARUM

## TEMPORE PASCHALI

## IN I. VESPERIS

*Ant.* Sancti tui. cum reliq.  
de Laud.; *Ps.* Dixit Dóminus.  
cum reliq. ut in I. Vesp.  
*Apost.* 1\*.

*Capitulum.* Sap. 5.

**S**TABUNT justī in  
magna constantia  
advērsus eos qui  
se angustiaverunt,  
et qui abstulerunt labōres  
eorum.

*Hymnus.*

**T**RISTES erant Apóstoli  
De Christi acérbo fúnere,  
Quem morte crudelissima  
Servi necarant impii.

Sermóne verax Angelus  
Mulieribus prædixerat :  
Mox ore Christus gáudium  
Gregi feret fidélium.

Ad ánxios Apóstolos  
Currunt statim dum nūntiæ,  
Illæ micántis óbvia  
Christi tenent vestigia.

Galilææ ad alta móntium  
Se cónferunt Apóstoli,  
Jesúque, voti cómpotes,  
Almo beántur lúmine.

Ut sis perénne méntibus  
Paschále Jesu gáudium;  
A morte dira criminum  
Vitæ renátos libera.

Deo Patri sit glória,  
Et Fílio, qui a mórtuis  
Surréxit, ac Paráclito,  
In sempitérna sácula.

Amen.

*Sic terminantur Hymni*

eiusdem metri usque ad As-  
censionem exclusive.

† Ab Ascensione autem  
usque ad Pentecosten, loco  
supradicti Versus dicatur  
sequens :

Jesu tibi sit glória,  
Qui victor in cælum redis,  
Cum Patre et almo Spiri-  
tu,

In sempitérna sácula.

Amen.

V. Sancti et justī in Dó-  
mino gaudéte, allelúia. R.  
Vos elégit Deus in hereditá-  
tem sibi, allelúia.

*Ad Magnif. Ant.* Lux per-  
pétua \* lucébit sanctis tuis  
Dómine, et ætérnitas témpo-  
rum, allelúia.

*Oratio propria.*

## AD MATUTINUM

*Invit.* Regem Apostolórum  
Dóminum, \* Veníte, adoré-  
mus, allelúia.

*Ps.* Veníte, exsultémus. 2.

*Hymnus.* Tristes erant. ut  
supra.

## IN I. NOCTURNO

*Ant.* Stabunt justī \* in  
magna constantia advērsus  
eos qui se angustiaverunt,  
allelúia.

*Sub una tantum Ant. in  
quolibet Nocturno dicuntur  
Psalmi ut in Comm. Apost.  
4\*.*

V. Sancti et justī in Dó-  
mino gaudéte, allelúia. R.

Vos elégit Deus in hereditátem sibi, allelúia.

Pater noster.

**Absolut.** Exáudi Dómine.

℣. Jube domne.

**Bened.** Benedictione perpétua.

**Lect. in quolibet Noct. ut in Proprio annotatur.**

℣. j. Beátus vir qui méruit Dóminum, allelúia : \* In mandátis ejus cupit nimis, allelúia, allelúia, allelúia. ℣. Glória et divitiæ in domo ejus, et justitia ejus manet in sæculum sæculi. In mandátis.

**Bened.** Unigénitus Dei.

℣. ij. Tristitia vestra, allelúia, \* Convertétur in gáudium, allelúia, allelúia. ℣. Mundus áutem gaudébit, vos vero contristabimini, sed tristitia vestra. Convertétur.

**Bened.** Spíritus sancti grátia.

℣. iij. Pretiósá in conspéctu Dómini, allelúia, \* Mors sanctórum ejus, allelúia. ℣. Custódit Dóminus ómnia ossa eórum, unum ex his non conterétur. Mors. Glória Patri. Mors.

#### IN II. NOCTURNO

**Ant.** Ecce \* quómodo computáti sunt inter filios Dei, et inter sanctos sors illórum est, allelúia.

**Psalmi ut in Communi Apost. 8\*.**

℣. Lux perpétua lucébit sanctis tuis Dómine, allelúia.

℣. Et ætérnitas téporum, allelúia.

Pater noster.

**Absolutio.** Ipsíus pietas.

℣. Jube domne.

**Bened.** Deus Pater omnipotens.

℣. iv. Lux perpétua lucébit sanctis tuis Dómine, \* Et ætérnitas téporum, allelúia, allelúia. ℣. Lætítia sempitérna erit super cápita eórum : gáudium et exsultationem obtinébunt. Et ætérnitas.

**Bened.** Christus perpétuæ.

℣. v. Virtúte magna reddébant Apóstoli \* Testimónium resurrectionis Jesu Christi Dómini nostri, allelúia, allelúia. ℣. Repléti quidem Spíritu sancto, loquebántur cum fidúcia verbum Dei. Testimónium.

**Bened.** Ignem sui amoris.

℣. vj. Isti sunt agni novélli, qui annuntiavérunt, allelúia : modo venérunt ad fontes, \* Repléti sunt claritáte, allelúia, allelúia. ℣. In conspéctu Agni amicti sunt stolis albis, et palmæ in manibus eórum. Repléti sunt. Glória Patri. Repléti sunt.

#### IN III. NOCTURNO

**Ant.** Lux perpétua \* lucébit sanctis tuis Dómine, et ætérnitas téporum, allelúia.

**Psalmi ut in Communi Apost. 10\*.**

℣. Lætítia sempitérna super cápita eórum, allelúia.

℣. Gáudium et exsultationem obtinébunt, allelúia.



Pater noster.

**Absolutio.** A vñculis.

ŷ. Jube domne.

**Bened.** Evangélica léctio.

Ŕ. vij. Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. ŷ. Sicut diléxit me Pater, et ego diléxi vos. Qui manet.

**Bened.** Cujus *vel* Quorum festum cólimus.

Ŕ. viij. Cándidi facti sunt Nazaræi ejus, allelúia; splendórem Deo dedérunt, allelúia : \* Et sicut lac coaguláti sunt, allelúia, allelúia. ŷ. Candiðióres nive, nitidióres lacte, rubicundióres ébore antiquo, sapphiro pulchrióres. Et sicut. Glória Patri. Et sicut.

**Bened.** Ad societátem.

AD LAUDES

ET PER HORAS

**Ant. 1.** Sancti tui \* Dómine florébunt sicut lílium, allelúia : et sicut odor bál-sami erunt ante te, allelúia.

**Ps.** Dóminus regnávit. cum reliq. 18.

**2.** In cæléstibus regnis \* sanctórum habitátió est, allelúia : et in ætérnum réquies eórum, allelúia.

**3.** In velaménto \* clamábant sancti tui Dómine, allelúia, allelúia, allelúia.

**4.** Spíritus et ánimæ \* justórum hymnum dicite Deo nostro, allelúia, allelúia.

**5.** Fulgébunt justí \* sicut sol in conspéctu Dei, allelúia.

**Capitulum.** Sap. 3.

**S**TABUNT justí in magna constántia advérsus eos qui se angustiavérunt, et qui abstulérunt labóres eórum.

**Hymnus.**

**P**ASCHÁLE mundo gáudium Sol núntiat formósior, Cum luce fulgéntem nova Jesum vident Apóstoli.

In carne Christi vúlnera Micáre tamquam sidera Mirántur, et quidquid vident Testes fidéles prædicant.

Rex Christe clementis-sime,

Tu corda nostra pösside; Ut lingua grates débitas Tuo repéndat nómini.

Ut sis perénne méntibus Paschále Jesu gáudium; A morte dira criminum Vitæ renátos libera.

Deo Patri sit glória, Et Filio, qui a mórtuis Surréxit, ac Paráclito, In sempitérna sæcula.

Amen.

ŷ. Pretiósá in conspéctu Dómini, allelúia. Ŕ. Mors sanctórum ejus, allelúia.

**Ad Bened. Ant.** Fíliæ Jerúsalem, \* veníte, et vidéte Mártýres cum corónis, quibus coronávit eos Dóminus in die solemnitátis et lætitiæ, allelúia, allelúia.

AD TERTIAM

**Ant.** In cæléstibus regnis.

**Capit.** Stabunt. *ut supra.*

Ŕ. **br.** Sancti et justí in Dómino gaudéte, \* Allelúia, allelúia. Sancti. ŷ. Vos elégit Deus in hereditátem sibi.

Allelúia, allelúia. Glória Patri. Sancti.

*V.* Lux perpétua lucébit sanctis tuis Dómine, allelúia.

*R.* Et ætérnitas témporum, allelúia.

AD SEXTAM

*Ant.* In velaménto.

*Capitulum.* Sap. 5.

**E**CCE quómodo computáti sunt inter filios Dei, et inter sanctos sors illórum est.

*R. br.* Lux perpétua lucébit sanctis tuis Dómine, \* Allelúia, allelúia. Lux perpétua.

*V.* Et ætérnitas témporum. Allelúia, allelúia. Glória Patri. Lux.

*V.* Lætítia sempitérna super cápita eórum, allelúia.

*R.* Gáudium et exsultatiónem obtinébunt, allelúia.

AD NONAM

*Ant.* Fulgebunt iusti.

*Capitulum.* Rom. 8. e

**S**CIMUS quóniam diligéntibus Deum ómnia coope-

rántur in bonum, iis qui secúndum propósitum vocáti sunt sancti.

*R. br.* Lætítia sempitérna super cápita eórum, \* Allelúia, allelúia. Lætítia. *V.* Gáudium et exsultatiónem obtinébunt. Allelúia, allelúia. Glória Patri. Lætítia.

*V.* Pretiósá in conspéctu Dómini, allelúia. *R.* Mors sanctórum ejus, allelúia.

IN II. VESPERIS

*Ant.* Sancti tui. cum reliq. de Laud.

*Psalmi ut in II. Vesperis de Comm. Apost. 14\*.*

*Capit.* Stabunt iusti.

*Hymnus.* Tristes erant. 23\*.

*V.* Pretiósá in conspéctu Dómini, allelúia. *R.* Mors sanctórum ejus, allelúia.

*Ad Magnif. Ant.* Sancti et iusti \* in Dómino gaudéte, allelúia : vos elégit Deus in hereditátem sibi, allelúia.

## COMMUNE UNIUS MARTYRIS

EXTRA TEMPUS PASCHALE

IN I. VESPERIS

*Ant. de Laud. Pss. ut in I. Vesp. de Comm. Apostolorum. 2\*.*

*Capitulum.* Jac. 1. b

**B**EÁTUS vir, qui suffert tentatiónem : quóniam cum probátus fúerit, accipiet coronam vitæ, quam repromisit Deus diligéntibus se.

*Hymnus.*

**D**EUS tuórum militum  
Sors, et coróna, præmium,  
Láudes canéntes Mártyris  
Absólve nexu criminis.

Hic nempe mundi gáudia,  
Et blanda fráudum pábula  
Imbúta felle députans,  
Pervénit ad cæléstia.



Pœnas cucúrrit fórtiter,  
Et sústulit viriliter,  
Fundénsque pro te sánguinem,

ÆtéRNA dona póssidet.

Ob hoc precátu súplici  
Te póscimus, piíssime;  
In hoc triúmpho Mártiris  
Dimitte noxam sérvulis.

Laus et perénis glória  
Patri sit, atque Filio,  
Sancto simul Paráclito,  
In sempitéRNA sœcula. Amen.

**V.** Glória et honóre coronásti eum Dómine. **R.** Et constituísti eum super ópera mánuum tuárum.

**Ad Magnif. Ant.** Iste sanctus \* pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

**Pro Martyre et Pontifice.**

**Oratio.**

**I**NFIRMITÁTEM nostram respice omnipotens Deus : et quia pondus propriæ actionis gravat, beáti **N.** Mártiris tui atque Pontificis intercessio gloriósa nos protégat. Per Dóminum.

**Alia Oratio.**

**D**EUS, qui nos beáti **N.** Mártiris tui atque Pontificis ánnua solemnitate lætificas : concéde propítius ; ut cujus natalitia cólimus, de ejúsdem étiam protectióne gaudeámus. Per Dñm.

**Pro Martyre tantum.**

**Oratio.**

**P**RÆSTA, quæsumus omnipotens Deus : ut qui

beáti **N.** Mártiris tui natalitia cólimus, intercessióne ejus in tui nóminis amore roborémur. Per Dóminum.

**Alia Oratio.**

**P**RÆSTA, quæsumus omnipotens Deus : ut, intercedente beáto **N.** Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per.

**AD MATUTINUM**

**Invit.** Regem Mártirum, Dóminum, \* Veníte, adorémus.

**Ps.** Venite, exsultémus. 2.

**Hymn.** Deus tuórum militum. **ut supra.** 26\*.

**IN I. NOCTURNO**

**Ant.** In lege Dómini \* fuit voluntas ejus die ac nocte.

**Psalmus 1.**

**B**EÁTUS vir, qui non ábiit in consilio impiórum, et in via peccatórum non stetit, \* et in cáthedra pestilentiae non sedit :

Sed in lege Dómini voluntas ejus, \* et in lege ejus meditabitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non defluet : \* et ómnia quæcúmque fáciat, prosperabúntur.

Non sic impii, non sic : \* sed tamquam pulvis, quem prójicit ventus a fácie terræ.

Ideo non resúrgent impii

in iudicio : \* neque peccatores in concilio iustorum.

Quóniam novit Dóminus viam iustorum : \* et iter impiorum peribit.

**Ant.** In lege Dómini fuit voluntas ejus die ac nocte.

**Ant.** Prædicans \* præceptum Dómini constitutus est in monte sancto ejus.

### Psalmus 2.

**Q**UARE fremuerunt gentes, \* et pópuli meditáti sunt inánia?

Adstitérunt reges terræ, et principes convenérunt in unum \* adversus Dóminum, et adversus Christum ejus.

Dirumpámus víncula eorum : \* et projiciámus a nobis jugum ipsorum.

Qui hábitat in cælis, irridebit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego áutem constitútus sum rex ab eo super Sion montem sanctum ejus, \* prædicans præceptum ejus.

Dóminus dixit ad me : \* Filius meus es tu, ego hódie génuí te.

Póstula a me, et dabo tibi gentes hereditátem tuam, \* et possessionem tuam término terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini qui iudicátis terram.

Servite Dómino in timóre : \* et exultáte ei cum tremóre.

Apprehéndite disciplinam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes qui confidunt in eo.

**Ant.** Prædicans præceptum Dómini, constitutus est in monte sancto ejus.

**Ant.** Voce mea \* ad Dóminum clamávi : et exaudivit me de monte sancto suo.

### Psalmus 3.

**D**ÓMINE quid multiplicáti sunt qui tribulant me? \* multi insúrgunt adversum me.

Multi dicunt ánimæ meæ : \* Non est salus ipsi in Deo ejus.

Tu áutem Dómine suscéptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscépit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : \* dentes peccatorum contrivisti.

Dómini est salus : \* et super pópulum tuum benedictio tua.



**Ant.** Voce mea ad Dóminum clamávi : et exaudivit me de monte sancto suo.

**ŷ.** Glória et honóre coronásti eum Dómine. **R̃.** Et constituísti eum super ópera mánuum tuárum.

Pater noster.

**Absolutio.** Exáudi Dómine.

**ŷ.** Jube domne.

**Bened.** Benedictióne perpétua.

**Lect. seq. I. Noct. leguntur in Festo Mart. et Pont.**

**In Festo autem Mart. non Pont. leguntur quæ inferius positæ sunt in Communi plur. Mart. 53\*.**

De Actibus Apostolorum.

**Lectio j. Cap. 20. d**

**A** MILÉTO Páulus mittens Ephesum, vocávit majóres natu Ecclésiæ. Qui cum venissent ad eum, et simul essent, dixit eis : Vos scitis a prima die, qua ingrèssus sum in Asiam, quáliter vobiscum per omne tempus fúerim, sérvians Dómino cum omni humilitáte, et lácrymis, et tentatió nibus, quæ mihi accidérunt ex insídiis Judæórum : quómodo nihil subtráxerim utilium, quo minus annuntiárem vobis, et docérem vos públice, et per domos, testificans Judæis, atque Gentilibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spiritu, vado in Jerúsalem : quæ in ea ven-

túra sint mihi, ignórans : nisi quod Spíritus sanctus per omnes civitátes mihi protestátur, dicens : Quóniam víncula et tribulatiónes Jerosólymis me manent. Sed nihil horum véreor : nec fácio ánimam meam pretiosiórem quam me, dúmmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei.

**R̃.** Iste sanctus pro lege Dei sui certávit usque ad mortem, et a verbis impiórum non tímuit : \* Fundátus enim erat supra firmam petram. **ŷ.** Iste est qui contémpsit vitam mundi, et pervénit ad cæléstia regna. Fundátus.

**Bened.** Unigénitus Dei Fílius.

**Lectio ij.**

**E**T nunc ecce ego scio quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sáanguine ómnium. Non enim subterfúgi quóminus annuntiárem omne consílium Dei vobis. Atténdite vobis, et univérso gregi, in quo vos Spíritus sanctus pósuit episcopos régere Ecclésiám Dei, quam acquisívit sáanguine suo. Ego scio quóniam intrábunt post discessiόnem meam lupi rapáces in vos, non parcéntes gregi. Et ex

vobis ipsis exsurgunt viri loquētes perversa, ut abducant discipulos post se. Propter quod vigilāte memoria retinētes : quoniam per triennium nocte et die non cessavi, cum lacrymis monens unumquemque vestrum.

**R.** Justus germinabit sicut lilium : \* Et florebit in æternum ante Dōminum. **V.** Plantatus in domo Dōmini, in atriiis domus Dei nostri. Et florebit.

**Bened.** Spiritus sancti grātia.

**Lectio iij.**

**E**T nunc commēdo vos Deo, et verbo grātiæ ipsius, qui potens est edificāre, et dare hereditatem in sanctificātis omnibus. Argētum et aurum, aut vestem nullius concupivi, sicut ipsi scitis : quoniam ad ea, quæ mihi opus erant, et his qui mecum sunt, ministraverunt manus istæ. Omnia ostēdi vobis, quoniam sic laborāntes, oportet suscipere infirmos, ac meminisse verbi Dōmini Jesu, quoniam ipse dixit : Beātius est magis dare, quam accipere. Et cum hæc dixisset, pōsitis genibus suis orāvit cum omnibus illis. Magnus autem fletus factus est omnium : et procumbētes super collum Pāuli, osculabantur eum, dolētes maxime in verbo, quod dixerat, quoniam amplius faciē ejus

non essent visuri. Et deducēbant eum ad navem.

**R.** Iste cognōvit justitiam, et vidit mirabilia magna, et exorāvit Altissimum : \* Et inventus est in nūmero sanctorum. **V.** Iste est qui contēpsit vitam mundi, et pervēnit ad cælestia regna. Et. Glória Patri. Et.

IN II. NOCTURNO

**Ant.** Filii hōminum \* scitōte quia Dōminus sanctum suum mirificāvit.

**Psalmus 1.**

**C**UM invocārem exaudivit me Deus justitiæ meæ : \* in tribulatiōe dilatāsti mihi.

Miserere mei, \* et exaudi oratiōnem meam.

Filii hōminum usquequo gravi corde ? \* ut quid diligitis vanitatem, et quæritis mendācium ?

Et scitōte quoniam mirificāvit Dōminus sanctum suum : \* Dōminus exāudiet me cum clamāvero ad eum.

Irascimini, et nolite peccare : \* quæ dicitis in cordibus vestris, in cubilibus vestris compungimini.

Sacrificāte sacrificium justitiæ, et sperāte in Dōmino. \* Multi dicunt : Quis ostēdit nobis bona ?

Signātum est super nos lumen vultus tui Dōmine : \* dedisti lætitiā in corde meo.

A fructu frumēti, vini, et olei sui \* multiplicāti sunt.



In pace in idipsum \* dór-  
miam, et requiescam;

Quóniam tu Dómine sin-  
gulariter in spe \* constituísti  
me.

**Ant.** Filii hóminum scitóte  
quia Dóminus sanctum suum  
mirificávit.

**Ant.** Scuto bonæ volun-  
tátis \* tuæ coronásti eum  
Dómine.

**Psalmus 5.**

**V**ERBA mea áuribus pér-  
cipe Dómine, \* intéllege  
clamórem meum.

Inténde voci oratiónis  
meæ, \* rex meus et Deus  
meus.

Quóniam ad te orábo : \*  
Dómine mane exáudies vo-  
cem meam.

Mane adstábo tibi et vidé-  
bo : \* quóniam non Deus  
volens iniquitátem tu es.

Neque habitábit juxta te  
malígnus : \* neque perman-  
nébunt injústi ante óculos  
tuos.

Odísti omnes, qui operán-  
tur iniquitátem : \* perdes  
omnes, qui loquúntur men-  
dácium.

Virum sanguínum et doló-  
sum abominábitur Dómi-  
nus : \* ego áutem in multi-  
túdine misericórdiæ tuæ.

Introibo in domum tuam : \*  
adorábo ad templum san-  
ctum tuum in timóre tuo.

Dómine deduc me in  
justitia tua : \* propter ini-  
micos meos dirige in con-  
spéctu tuo viam meam.

Quóniam non est in ore

eórum véritas : \* cor eórum  
vanum est.

Sepúlcrum patens est gut-  
tur eórum, linguis suis do-  
lóse agébant, \* júdica illos  
Deus.

Décidant a cogitatióibus  
suis, secúndum multítúdi-  
nem impietátum eórum ex-  
pélle eos, \* quóniam irrita-  
vérunt te Dómine.

Et læténtur omnes, qui  
sperant in te, \* in ætérnum  
exsultábunt : et habitábis in  
eis.

Et gloriabúntur in te  
omnes, qui diligunt nomen  
tuum, \* quóniam tu bene-  
dices justo.

Dómine, ut scuto bonæ vo-  
luntátis tuæ \* coronásti nos.

**Ant.** Scuto bonæ voluntátis  
tuæ coronásti eum Dómine.

**Ant.** In univérsta terra \*  
glória et honóre coronásti  
eum.

**Psalmus 8.**

**D**ÓMINE Dóminus noster, \*  
quam admirábile est  
nomen tuum in univérsta  
terra!

Quóniam eleváta est ma-  
gnificéntia tua, \* super  
cælos.

Ex ore infántium et lactén-  
tium perfecísti láudem pro-  
pter inimicos tuos, \* ut dé-  
struas inimicum et ultórem.

Quóniam vidébo cælos  
tuos, ópera digitórum tuó-  
rum : \* lunam et stellas, quæ  
tu fundásti.

Quid est homo, quod  
memor es ejus? \* aut filius

hóminis, quóniam visitas eum?

Minuísti eum páulo minus ab Angelis, glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

**Ant.** In univérsa terra glória et honóre coronásti eum.

**ŷ.** Posuísti Dómine super caput ejus. **Ŕ.** Coronam de lápide pretiósó.

Pater noster.

**Absolutio.** Ipsíus pietas.

**ŷ.** Jube domne.

**Bened.** Deus Pater omnipotens.

Sermo sancti Augustíni  
Epíscopi.

**Serm. 44. de Sanctis.**

**Lectio iv.**

**T**RIUMPHÁLIS beáti Mátyris **N.** dies hódie nobis anniversária celebritáte recúrrit : cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus gloriósó agóne duo nobis præcípuè consideránda sunt : induráta videlicet tortóris sævítia, et Mátyris invicta patiéntia.

Sævítia tortóris, ut eam detestémur : patiéntia Mátyris, ut eam imitémur. Audi Psalmístam advérsus malítiam increpántem : Noli æmulári in malignántibus : quóniam tamquam fœnum velóciter aréscent. Quod áutem advérsus malignántes patiéntia exhibénda sit, áudi Apóstolum suadéntem : Patiéntia vobis necessariá est, ut reportétis promissiónes.

**Ŕ.** Honéstum fecit illum Dóminus, et custodivit eum ab inimicis, et a seductóribus tutávit illum : \* Et dedit illi claritátem ætérnam. **ŷ.** Descenditque cum illo in fóveam, et in vínculis non dereliquit eum. Et.

**Bened.** Christus perpétuæ.

**Lectio v.**

**C**ORONÁTA itaque est beáti Mátyris patiéntia : mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi athléta, non exhórruit cárcerem. Ad imitatiónem cápitis sui tolerávit probra, sustinuit irrisiões, flagélla non timuit : et quot ante mortem pro Christo pértulit supplicia, tot ei de se óbtulit sacrificia. Quod enim propinánte Apóstolo biberat, alte retinébat : Quia non sunt condígnæ passiónes hujus témporis ad futúram glóriam, quæ revelábitur in nobis. Et quia momentáneum hoc et leve



nostræ tribulatiónis, ætérnum glóriæ pondus operátur in cælis. Hujus promissiónis amóre a terrénis suspénsus, et prægustáta supérnæ suavitátis dulcédine ineffabiliter afféctus, dicébat cum Psalmista : Quid mihi est in cælo, et a te quid vólui super terram? Defécit caro mea et cor meum : Deus cordis mei, et pars mea Deus in ætérnum.

**R.** Desidérium ánimæ ejus tribuisti ei Dómine, \* Et voluntáte labiórú ejus non fraudásti eum. **V.** Quóniam prævenisti eum in benedictiúnibus dulcédinis : posuisti in cápite ejus corónam de lápide pretiósó. Et voluntáte.

**Bened.** Ignem sui amóris.

**Lectio vj.**

**C**ONTEMPLABÁTUR enim quantum in ænigmate infirmitas humána óculum mentis in æternitáte figere potest, quanta sint supérnæ civitátis gáudia : et ea enarráre non sufficiens, admirádo clamábat : Quid mihi est in cælo? Quasi diceret : Excédit vires meas, excédit facultátem eloquéntiæ meæ, transcendit capacitátem intelligéntiæ meæ illud decus, illa glória, illa celsitúdo, qua nobis, a conturbatióne hóminum remótis, in abscondito faciéi suæ Jesus Christus Dóminus noster reformábit corpus humilitátis nostræ, configurátum córpori clari-

tátis suæ. Hujus perféctæ libertátis contemplatióne nullum vitábat periculum, nullum horrébat supplicium : et si millies posset mori, non putábat se hanc digne posse áliqua ratióne promeréri.

**R.** Stola jucunditátis induit eum Dóminus : \* Et corónam pulchritúdinis posuit super caput ejus. **V.** Cibávit illum Dóminus pane vitæ et intelléctus : et aqua sapiéntiæ salutáris potávit illum. Et. Glória Patri. Et corónam.

IN III. NOCTURNO

**Ant.** Justus Dóminus, \* et justitiam diléxit : æquitátem vidit vultus ejus.

**Psalmus 10.**

**I**N Dómino confido : quómodo dicitis ánimæ meæ : \* Trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra, \* ut sagittent in obscúro rectos corde.

Quóniam quæ perfecisti, destruxérunt : \* justus áutem quid fecit?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpebræ ejus interrógant filios hóminum.

Dóminus interrógat justum et ímpium : \* qui áutem diligit iniquitátem, odit ánimam suam.

Pluet super peccatores  
lâqueos : \* ignis, et sulphur,  
et spiritus procellarum pars  
câlicis eorum.

Quoniam justus Dominus,  
et justitias dilexit : \* æquitatem  
vidit vultus ejus.

**Ant.** Justus Dominus, et  
justitiam dilexit : æquitatem  
vidit vultus ejus.

**Ant.** Habitabit \* in tabernaculo tuo : requiescet in monte sancto tuo.

**Psalmus 14.**

**D**OMINE quis habitabit in  
tabernaculo tuo? \* aut  
quis requiescet in monte  
sancto tuo?

Qui ingreditur sine macula,  
\* et operatur justitiam :

Qui loquitur veritatem in  
corde suo, \* qui non egit  
dolum in lingua sua :

Nec fecit proximo suo  
malum, \* et opprobrium non  
accepit adversus proximos  
suos.

Ad nihilum deductus est  
in conspectu ejus malignus : \*  
timentes autem Dominum  
glorificat :

Qui jurat proximo suo, et  
non decipit, \* qui pecuniam  
suam non dedit ad usuram,  
et munera super innocentem  
non accepit :

Qui facit hæc, \* non movebitur in æternum.

**Ant.** Habitabit in tabernaculo tuo : requiescet in monte sancto tuo.

**Ant.** Posuisti Domine \* super caput ejus coronam de lapide pretioso.

**Psalmus 20.**

**D**OMINE in virtute tua lætabitur rex : \* et super salutare tuum exsultabit vehementer.

Desiderium cordis ejus tribuisti ei : \* et voluntate labiorum ejus non fraudasti eum.

Quoniam prævenisti eum in benedictionibus dulcedinis : \* posuisti in capite ejus coronam de lapide pretioso.

Vitam petiit a te : \* et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo : \* gloriam et magnum decorem impones super eum.

Quoniam dabis eum in benedictionem in sæculum sæculi : \* lætificabis eum in gaudio cum vultu tuo.

Quoniam rex sperat in Domino : \* et in misericordia Altissimi non commovebitur.

Inveniatur manus tua omnibus inimicis tuis : \* dextera tua inveniat omnes, qui te oderunt.

Pones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

Fructum eorum de terra perdes : \* et semen eorum a filiis hominum.

Quoniam declinaverunt in te mala : \* cogitaverunt consilia, quæ non potuerunt stabilire.

Quoniam pones eos dor-



sum : \* in reliquiis tuis præparabis vultum eorum.

Exaltare Dómine in virtúte tua : \* cantábitus et psallémus virtútes tuas.

**Ant.** Posuisti Dómine super caput ejus coronam de lapide pretioso.

**Ÿ.** Magna est glória ejus in salutári tuo. **Œ.** Glóriam et magnum decórem impónes super eum.

Pater noster.

**Absolutio.** A vinculis.

**Ÿ.** Jube domne.

**Bened.** Evangélica léctio. Léctio sancti Evangélii secúndum Lucam.

**Lectio viij. Cap. 14. f**

**I**n illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc áutem et ánimam suam, non potest meus esse discipulus. Et réliqua.

Homilia sancti Gregórii Papæ.

**Homil. 37. in Evang.**

**S**i considerémus, fratres caríssimi, quæ et quanta sunt, quæ nobis promittúntur in cælis, viléscunt ánimó omnia quæ habéntur in terris. Terrénamque substántia supérnæ felicitáti comparáta, pondus est, non subsidium. Temporális vita æternæ vitæ comparáta, mors est pótius dicénda quam vita. Ipse enim quotidíanus deféctus corruptiónis quid est áliud, quam quædam

prolixitas mortis? Quæ áutem lingua dicere, vel quis intelléctus cápere súfficit, illa supérnæ civitátis quanta sint gáudia; Angelórum choris interésse, cum beatissimis spiritibus glóriæ conditóri assistere, præsentem Dei vultum cernere, incircumscriptum lumen vidére, nullo mortis metu áffici, incorruptiónis perpétuæ múnere lætári?

**Œ.** Coróna áurea super caput ejus, \* Expréssa signo sanctitátis, glória honóris, et opus fortitúdinis. **Ÿ.** Quóniam prævenisti eum in benedictiónibus dulcedinis, posuisti in cápite ejus coronam de lapide pretioso. Expréssa.

**Bened.** Cujus festum cólimus.

**Lectio viij.**

**S**ED ad hæc audita inardescit ánimus, jamque illic cupit assistere, ubi se sperat sine fine gaudére. Sed ad magnapræmiaperveniri non potest, nisi per magnos labóres. Unde et Páulus egrégus prædicátor dicit : Non coronábitur, nisi qui legitime certáverit. Deléctet ergo mentem magnitúdo præmiórum, sed non detéreat certámen labórum. Unde ad se veniéntibus Véritas dicit : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc áutem et ánimam suam, non potest meus esse discipulus.

¶ Hic est vere Martyr, qui pro Christi nómine sanguinem suum fudit : \* Qui minas júdicum non tímuit, nec terrénæ dignitátis glóriam quæsívit, sed ad cælestiæ regnæ pervénit. V. Justum dedúxit Dóminus per vias rectas, et osténdit illi regnum Dei. Qui. Glória. Qui.

Sequens ¶. dicitur ultimo loco in Festis sex SS. Mart. Pont. Eusebii, Marcelli, Joannis, Silverii, Martini, et Pontiani.

¶ Dómine prævenísti eum in benedictiónibus dulcédinis : \* Posuísti in cápite ejus corónam de lápide pretióso. V. Vitam pétíit a te, et tribuísti ei longitudínem díe-rum in sæculum sæculi. Posuísti. Glória Patri. Posuísti.

Bened. Ad societátem.

Lectio ix.

**S**ED percontári libet, quómodo paréntes, et carnáliter propínquos præcipimur odísse, qui jubémur et inimicos diligere? Et certe Véritas de uxóre dicit : Quod Deus conjúnxit, homo non séparet. Et Páulus ait : Viri diligite uxóres vestras, sicut et Christus Ecclésiam. Ecce, discipulus uxórem diligéndam prædicat, cum magister dicat : Qui uxórem non odit, non potest meus esse discipulus. Numquid áliud judex núntiat, áliud præco clamat? An simul et odísse póssumus, et diligere? Sed si vim præcépti perpéndimus,

utrúmque ágere per discretiónem valémus : ut uxórem, et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiéndo et fugiéndo nesciámus.

Te Deum laudámus. 17.

AD LAUDES

ET PER HORAS

Ant. 1. Qui me conféssus fúerit \* coram homínibus, confitébor et ego eum coram Patre meo.

Ps. Dóminus regnávit. 18.

2. Qui séquitur me, \* non ámbulat in ténebris, sed habébit lumen vitæ, dicit Dóminus.

3. Qui mihi ministrat, \* me sequátur : et ubi ego sum, illic sit et minister meus.

4. Si quis mihi ministrá-verit, \* honorificábit eum Pater meus, qui est in cælis, dicit Dóminus.

5. Volo Pater, \* ut ubi ego sum, illic sit et minister meus.

Capitulum. Jac. 1. b

**B**EÁTUS vir, qui suffert tentatiónem : quóniam cum probátus fúerit, accípiet corónam vitæ, quam repromísit Deus diligentibus se.

Hymnus.

**I**NVÍCTE Martyr, únicum Patris secútus Filium, Victis triúmphas hóstibus, Victor fruens cæléstibus.

Tui precátus múnere Nostrum reátum dilue,



Arcens mali contágium,  
Vitæ repéllens tædium.

Solúta sunt jam víncula  
Tui sacráti córporis :  
Nos solve vinclis sæculi,  
Dono supérni Núminis.

Deo Patri sit glória,  
Ejúsque soli Filio,  
Cum Spíritu Paráclito,  
Nunc, et per omne sæculum.

Amen.

Ÿ. Justus ut palma floré-  
bit. *R.* Sicut cedrus Líbani  
multiplicábitur.

*Ad Bened. Ant.* Qui odit \*  
ánimam suam in hoc mundo,  
in vitam ætérnam custódit  
eam.

*Pro Martyre et Pontifice.  
Oratio.*

**I**NFIRMITÁTEM nostram ré-  
spice omnipotens Deus :  
et quia pondus próprie  
actiónis gravat, beáti *N.*  
Martyris tui atque Pontificis  
intercessio gloriósa nos pró-  
teget. Per Dóminum.

*Alia Oratio.*

**D**EUS, qui nos beáti *N.*  
Martyris tui atque Pon-  
tificis ánnua solemnitáte læ-  
tificas : concéde propítius;  
ut cujus natalítia cólimus,  
de ejúsdem étiam protectió-  
ne gaudeámus. Per Dómi-  
num.

*Pro Martyre tantum.  
Oratio.*

**P**RÆSTA, quæsumus omni-  
potens Deus : ut qui  
beáti *N.* Martyris tui natali-  
tia cólimus, intercessióne  
ejus in tui nóminis amore  
roborémur. Per Dóminum.

*Alia Oratio.*

**P**RÆSTA, quæsumus omni-  
potens Deus : ut inter-  
cedente beáto *N.* Martyre  
tuo, et a cunctis adversitá-  
tibus liberémur in córpore,  
et a pravis cogitatióibus  
mundémur in mente. Per  
Dóminum.

AD TERTIAM

*Ant.* Qui séquitur me.

*Capit.* Beátus vir. *ut supra.*

*R. br.* Glória et honóre \*

Coronásti eum Dómine. Gló-  
ria et. *Ÿ.* Et constituisti eum  
super ópera mánuum tuá-  
rum. Coronásti. Glória Pa-  
tri. Glória et.

*Ÿ.* Posuisti Dómine super  
caput ejus. *R.* Coronam de  
lápide pretióso.

AD SEXTAM

*Ant.* Qui mihi ministrat.

*Capitulum.* *Eccli. 15.*

**C**IBÁVIT illum pane vitæ et  
intelléctus, et aqua sa-  
piéntiæ salutáris potávit il-  
lum Dóminus Deus noster.

*R. br.* Posuisti Dómine \*

Super caput ejus. Posuisti.  
*Ÿ.* Coronam de lápide pre-  
tioso. Super. Glória Patri.  
Posuisti.

*Ÿ.* Magna est glória ejus  
in salutári tuo. *R.* Glórian  
et magnum decórem impo-  
nes super eum.

AD NONAM

*Ant.* Volo Pater.

*Capitulum.* *Eccli. 39.*

**J**USTUS cor suum trádedit  
ad vigilándum dilúculo  
ad Dóminum, qui fecit il-

lum, et in conspéctu Altissimi deprecábitur.

**R. br.** Magna est glória ejus \* In salutári tuo. Magna.

**V.** Glóriam et magnum decórem impónes super eum. In. Glória Patri. Magna.

**V.** Justus ut palma florébit. **R.** Sicut cedrus Líbani multiplicábitur.

IN II. VESPERIS

**Ant. de Laud., Pss. ut in I. Vesp. de Comm. Apost. 1\*, et loco ultimi**

**Psalmus 115.**

**C**RÉDIDI, propter quod locútus sum : \* ego áutem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors sanctórum ejus.

O Dómine, quia ego servus tuus : \* ego servus tuus et filius ancillæ tuæ.

Dirupisti vincula mea : \* tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

**Capit. et Hymn. ut in I. Vesp.**

**V.** Justus ut palma florébit. **R.** Sicut cedrus Líbani multiplicábitur.

**Ad Magnif. Ant.** Qui vult venire post me, \* ábneget semetipsum, et tollat crucem suam, et sequátur me.

## ALIÆ LECTIONES

### PRO UNO MARTYRE

#### IN II. NOCTURNO

De Expositione sancti Ambrosii Episcopi in Psalmum centésimum decimum octávum.

**Sermone 21.**

**Lectio iv.**

**P**RÍNCIPES persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiónum tormenta sustineat : qui nihil rapúerit, nullum violéntus opprèsserit, nullius sánguinem fúderit, nullius torum putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salútis, et impugnétur : ut possit dicere, Cum loquébar illis, impugnábant me gratis. Gratis igitur persecutiónem pátitur, qui impugnátur sine crimine : impugnátur ut nóxius, cum sit in tali confessione laudábilis : impugnátur quasi venéficus, qui in nómine Dómini gloriátur, cum pietas virtútum ómnium fundaméntum sit.



**R.** Honéstum fecit illum Dóminus, et custodivit eum ab inimícis, et a seductóribus tutávit illum : \* Et dedit illi claritátem ætérnam. **V.** Descenditque cum illo in fóveam, et in vinctulis non dereliquit eum. Et.

**Lectio v.**

**V**ERE frustra impugnátur, qui apud impíos et infidos impietátis arcéssitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxit : Et a verbis tuis trepidávit cor meum? Trepidáre infirmitátis est, timóris atque formidinis. Sed est étiam infirmitas ad salútem, est étiam timor sanctórum. Timéte Dóminum, omnes sancti ejus : et, Beátus vir, qui timet Dóminum. Qua ratióne beátus? Quia in mandátis ejus cupit nimis.

**R.** Desidérium animæ ejus tribuisti ei Dómine, \* Et voluntáte labiórum ejus non fraudásti eum. **V.** Quóniam prævenisti eum in benedictiónibus dulcédinis : posuisti in cápite ejus coronam de lápide pretióso. Et voluntáte.

**Lectio vj.**

**P**ONE ergo Mártyrem inter pericula constitútum, cum inde immánitas bestiárum ad incutiéndum terrórem infremat, aliúnde stridor candéntium laminárum, et flamma fornácis ardéntis

exæstuet, ex parte ália personent tractus gráviū catenárum, hinc cárnifex cruéntus assistat : pone, inquam, circumspéctantem ómnia plena suppliciis, deinde cogitántem mandáta divína, illum ignem perpétuum, illud sine fine incéndium perfidórum, illam pœnæ recrudescéntis ærúmnam : trepidáre corde, ne, dum præsentibus cedat, perpétuis se dedat exitiis : perturbári ánimo, dum futúri judicii rhomphæam illam terribilem quadam conspéctus spécie contuétur. Nonne ad hanc trepidatióem fidúciæ viri constántis, æquális in eúmdem concúrrit effectum confidentia cupiéntis ætérna, et divína trepidántis?

**R.** Stola jucunditátis. 33\*.

IN III. NOCTURNO

Léctio sancti Evangélii secúndum Matthæum.

**Lectio vij. Cap. 16. d**

**I**N illo témpore : Dixit Jesus discipulis suis : Si quis vult post me venire, abneget semetipsum, et tol-lat crucem suam, et sequatur me. Et reliqua.

Homilia sancti Gregórii Papæ.

**Homil. 32. in Evang.**

**Q**UIA Dóminus ac Redemptor noster novus homo venit in mundum, nova præcepta dedit mundo. Vitæ etenim nostræ véteri in vitiis enutritæ contrarietatem opposuit novitátis suæ. Quid

enim vetus, quid carnális homo nóverat, nisi sua retinere, aliéna rápere, si posset; concupiscere, si non posset? Sed cæléstis médicus singulis quibúsque vítiis obviántia ádhibet medicaménta. Nam sicut arte medicínæ cálida frigidis, frígida cálidis curántur : ita Dóminus noster contrária oppósuit medicaménta peccátis, ut lúbicis continéntiam, tenácibus largitátem, iracúndis mansuetúdinem, elátis præciperet humilitátem.

¶. Coróna áurea super caput ejus, \* Expréssa signo sanctitátis, glória honóris, et opus fortitúdinis. ¶. Quóniam prævenisti eum in benedictiónibus dulcédinis, posuisti in cápite ejus corónam de lápide pretióso. Expréssa.

### Lectio viij.

CERTE cum se sequéntibus nova mandáta propóneret, dixit : Nisi quis renuntiáverit ómnibus quæ pössidet, non potest meus esse discipulus. Ac si apérte dicat : Qui per vitam véterem aliéna concupiscitis, per novæ conversatiónis stúdiu et vestra largimíni. Quid vero in hac lectione dicat, audiámus : Qui vult post me venire, ábneget semetípsum. Ibi dicitur, ut abnegémus nostra : hic dicitur, ut abnegémus nos. Et fortásse laboriósu non est hómini relínquere sua ; sed

valde laboriósu est relínquere semetípsum. Minus quippe est abnegáre quod habet : valde áutem multu est abnegáre quod est.

¶. Hic est vere Martyr, qui pro Christi nómine sanguinem suu fudit : \* Qui minas júdicu non tímuit, nec terrénæ dignitátis glóriam quæsívit, sed ad cælestia regna pervénit. ¶. Justu dedúxit Dóminus per vias rectas, et osténdit illi regnu Dei. Qui. Glória Patri. Qui.

### Lectio ix.

AD se áutem nobis veniéntibus Dóminus præcépit, ut renuntiémus nostris : quia quicúmque ad fidei agónem venimus, luctámen contra malignos spíritus súmimus. Nihil áutem maligni spíritus in hoc mundo próprium pössident : nudi ergo cum nudis luctári debémus. Nam si vestitus quisque cum nudo luctátur, citius ad terram dejicitur, quia habet unde teneátur. Quid enim sunt terréna ómnia, nisi quædam córporis induménta ? Qui ergo contra diábolum ad certámen própérat, vestiménta abjiciat, ne succúbat.

Te Deu laudámus. 17.

### III. ALIA HOMILIA

Léctio sancti Evangélii secúndu Matthæu.

### Lectio vij. Cap. 10. c

IN illo témpore : Dixit Jesus I discipulis suis : Nihil est



opértum, quod non revelábitur; et occúltum, quod non sciétur. Et réliqua.

Homília sancti Hilárii  
Episcopi.

Comment. in Matthæum,  
cap. 10. post medium.

**D**ÓMINUS diem iudicii osténdit, quæ abstrúsam voluntátis nostræ consciéntiam prodet : et ea quæ nunc occúlta existimántur, luce cognitiónis públicæ déteget. Igitur non minas, non consilia, non potestátes insectántium monet esse metuéndas : quia dies iudicii nulla hæc fuisse, atque inánia revelábit. Et quod dico vobis in ténebris, dicite in lúmine : et quod in áure auditis, prædicáte super tecta. Non légimus Dóminum sólitum fuisse nóctibus sermocinári, et doctrinam in ténebris tradidisse : sed quia omnis sermo ejus carnálibus ténebræ sunt, et verbum ejus infidélibus nox est.

**R.** Coróna áurea super caput ejus : \* Expréssa signo sanctitátis, glória honóris, et opus fortitúdinis. **V.** Quóniam prævenisti eum in benedictiόνibus dulcédinis, posuisti in cápite ejus corónam de lápide pretiόso. Expréssa.

Lectio viij.

**I**TAQUE id quod a se dictum est, cum libertáte fidei et confessiόnis vult esse loquéndum. Idcirco quæ in

ténebris dicta sunt prædicári jussit in lúmine : ut quæ secréto áurium commissa sunt, super tecta, id est, excélso loquéntium præcónio audiántur. Constánter enim Dei ingerénda cognitió est, et profúndum doctrinæ evangélicæ secrétum in lúmine prædicatiónis apostólicæ revelándum : non timéntes eos, quibus cum sit licéntia in cörpera, tamen in ánimam jus nullum est : sed timéntes pótius Deum, cui perdéndæ in gehénna et ánimæ et cörperis sit potestas.

**R.** Hic est vere Martyr, qui pro Christi nómine sanguinem suum fudit : \* Qui minas júdicum non tímuit, nec terrénæ dignitátis glóriam quæsívit, sed ad cælestia regna pervénit. **V.** Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Lectio ix.

**N**OLÍTE timére eos qui occidunt corpus. Nullus igitur cörperum nostrórum casus est pertimescéndus, neque ullus interiméndæ carnis admitténdus est dolor : quando pro natúræ suæ atque originis conditióne resoluta, in substántiam spirituális ánimæ refundátur. Et quia doctrínis talibus confirmátos opórtet liberam confiténdi Dei habére constántiam, étiam conditió-

nem, qua tenerémur, adjécit : negatúrum se eum Patri in cælis, qui se hominibus in terra negáset : eum porro qui conféssus coram hominibus se fuisset, a se in cælis

confiténdum : qualésque nos nóminis sui testes hominibus fuissémus, tali nos apud Deum Patrem testimonio ejus usúros.

Te Deum laudámus. 17.

## COMMUNE MARTYRUM

TEMPORE PASCHALI

IN I. VESPERIS

**Ant.** Sancti tui. **cum reliquis de Laud.** 46\*. **Pss.** ut in I. Vesp. de Comm. Apost. 1\*.

**Capitulum.** Sap. 5.

**S**TABUNT justi in magna constántia adversus eos, qui se angustiavérunt, et qui abstulérunt labóres eórum.

**Pro uno Martyre.**

**Hymnus.**

**D**EUS tuórum militum  
Sors, et coróna, præm-  
mium,

Láudes canéntes Mártyris  
Absólve nexu criminis.

Hic nempe mundi gáudia,  
Et blanda fráudum pábula  
Imbúta felle députans  
Pervénit ad cæléstia.

Pœnas cucúrrit fórtiter,  
Et sústulit viriliter,  
Fundénsque pro te sángu-  
inem

Ætérna dona póssidet.

Ob hoc precátu súplici  
Te póscimus piíssime :  
In hoc triúmpho Mártyris  
Dimitte noxam sérvulis.

Deo Patri sit glória,  
Et Filio, qui a mórtuis

Surréxit, ac Paráclito,  
In sempitérna sæcula.

Amen.

Sic terminantur Hymni  
ejusdem metri usque ad As-  
censionem.

† **Ab Ascensione autem usque ad Pentecosten, loco supradicti Versus dicatur :**

Jesu tibi sit glória,  
Qui victor in cælum redis,  
Cum Patre et almo Spíritu,  
In sempitérna sæcula.

Amen.

**Pro pluribus Martyribus.**

**Hymnus.**

**R**EX glorióse Mártyrum,  
Coróna confiténtium,  
Qui respuéntes térrea  
Perdúcis ad cæléstia :

Aurem benígnam prótinus  
Inténde nostris vóci-  
bus :  
Trophæa sacra pángimus :  
Ignósce quod delíquimus.

Tu vincis inter Mártyres,  
Parcisque Confessóribus :  
Tu vince nostra crimina,  
Largítor indulgéntiæ.

Deo Patri sit glória,  
Et Filio, qui a mórtuis  
Surréxit, ac Paráclito,  
In sempitérna sæcula.

Amen.



Ÿ. Sancti et justi in Dómino gaudéte, allelúia. **R.** Vos elégit Deus in hereditátem sibi, allelúia.

**Ad Magnif. Ant.** Lux perpétua \* lucébit sanctis tuis Dómine, et æternitas témporum, allelúia.

**Oratio, si non adsit propria, sumitur de Comuni unius vel plur. Mart. extra Temp. Pasch.**

#### AD MATUTINUM

**Invit.** Exsúltent in Dómino sancti, \* Allelúia.

**Ps.** Veníte, exsultémus. 2.

**Hymnus pro uno Martyre.** Deus tuórum militum. ut supra. 42\*.

**Pro pluribus Martyribus.**

#### Hymnus.

**C**HRISTO profúsum ságuinem,

Et Mártyrum victórias,  
Dignámque cælo láuream  
Lætis sequámur vóci-bus.

Terróre victo sæculi,  
Pœnisque spretis córporis,  
Mortis sacræ compéndio  
Vitam beátam pòssident.

Tradúntur igni Mártyres,  
Et bestiárum déntibus :  
Armáta sævit úngulis  
Tortóris insáni manus.

Nudáta pendent viscera :  
Sanguis sacrátus fúnditur :  
Sed pérmanent immóbiles  
Vitæ perénnis grátia.

Te nunc Redémptor quæsumus,  
Ut Mártyrum consórtio  
Jungas precántes sérvulos  
In sempitérna sæcula.  
Amen.

Sic semper terminandus est Hymnus prædictus.

#### IN I. NOCTURNO

**Ant.** Stabunt justi \* in magna constántia advérsus eos, qui se angustiavérunt, allelúia.

**Sub una tantum Ant.** dicuntur Psalmi cujuslibet Nocturni.

**Psalmi pro uno et pluribus Mart.** Beátus vir. 27\*. Quare fremuérunt. 28\*. Dómine quid multiplicáti. **ibid.**

Ÿ. Sancti et justi in Dómino gaudéte, allelúia. **R.** Vos elégit Deus in hereditátem sibi, allelúia.

Pater noster.

**Absolutio.** Exáudi Dómine. Ÿ. Jube domne. **Bened.** Benediccióne perpétua.

**In I. Noct. Lectiones de Script. quæ occurrit Temp. Paschali in Officio de Tempore : vel quando non adsunt, de Comuni unius vel plur. Mart. extra Temp. Pasch.**

**R. j.** Beátus vir qui mé-tuit Dóminum, allelúia : \* In mandátis ejus cupit nimis, allelúia, allelúia, allelúia. Ÿ. Glória et divitiæ in domo ejus, et justitia ejus manet in sæculum sæculi. In.

**Bened.** Unigénitus Dei Fílius.

**R. ij.** Tristitia vestra, allelúia, \* Convertétur in gáudium, allelúia, allelúia. Ÿ. Mundus áutem gaudébit, vos vero contristabimini, sed tristitia vestra. Convertétur.

**Bened.** Spiritus sancti grátia.

**R.** *ijj.* Pretiósá in conspéctu Dómini, allelúia : \* Mors sanctórum ejus, allelúia. **V.** Custódit Dóminus ómnia ossa eórum, unum ex his non conterétur. Mors. Glória Patri. Mors.

IN II. NOCTURNO

**Ant.** Ecce\* quómodo computáti sunt inter filios Dei, et inter sanctos sors illórum est, allelúia.

**Pro uno Martyre.**

**Ps.** Cum invocárem. 30\*. Verba mea. 31\*. Dómine Dóminus noster. **ibid.**

**Pro pluribus Martyribus.**

**Ps.** Dómine quis habitábit. 55\*. Consérva me. **ibid.** Dómini est terra. 56\*.

**V.** Lux perpétua lucébit sanctis tuis Dómine, allelúia. **R.** Et ætérnitas téporum, allelúia.

Pater noster.

**Absolutio.** Ipsíus pietas. **V.** Jube domne. **Bened.** Deus Pater omnipotens.

Sermo sancti Ambrósii Epíscopi.

**Lectio iv. Serm. 22.**

**D**IGNUM et cóngruum est, fratres, ut post lætítiam Paschæ, quam in Ecclésia celebrávimus, gáudia nostra cum sanctis Martýribus conferámus : et iis annuntiémus Dominicæ resurrectionis glóriam, qui consórtes sunt Dominicæ passiónis. Qui enim sócii sunt contuméliæ, debent et participes esse

lætitiæ. Ita enim dicit beátus Apóstolus : Sicut sócii passiónum estis, et resurrectiόνis éritis : si tolerábimus, inquit, et conregnábimus. Qui ergo toleravérunt mala propter Christum, debent et glóriam habére cum Christo.

**R.** Lux perpétua lucébit sanctis tuis Dómine, \* Et ætérnitas téporum, allelúia, allelúia. **V.** Lætítia sempitérna erit super cápita eórum : gáudium et exsultatiónem obtinébunt. Et ætérnitas.

**Bened.** Christus perpétuæ.

**Lectio v.**

**A**NNUNTIÉMUS, inquam, sanctis Martýribus Dominicæ Paschæ grátiam : ut dum sepultúræ illius prædicámus reseráta cláustra, et horum sepúlcrá reseréntur : dum corpus illius mórtuum dicimus tepéntibus venis súbito viguisse, horum quoque membra jam frigida immortalitátis calóre foveántur. Eadem enim rátió Mártýres súscitat, quæ et Dóminum suscitávit. Nam sicut viam passiónis ejus expérti sunt, ita experiéntur et vitæ. Scriptum est enim in Psalmo : Notas mihi fecisti vias vitæ. Hoc útique in resurrectione ex persóna dicitur Salvatóris : ut qui, dum post mortem ab inferis redit ad súperos, incipiat notam habére viam vitæ, quæ ante habebátur ignóta.



**R.** In servis suis, allelúia,  
\* Consolábitur Deus, alle-  
lúia. **V.** Judicábit Dóminus  
pópulum suum, et in servis  
suis. Consolábitur.

**Bened.** Ignem sui amóris.

**Lectio vij.**

**I**GNÓTA enim erat ante Chri-  
sti advéntum via vitæ,  
quæ nullius adhuc resur-  
géntis fúerat temeráta vesti-  
gio. At ubi Dóminus resur-  
réxit, nota facta, solo attrita  
est plurimórum. De quibus  
sanctus Evangelista ait: Mul-  
tórum córpora sanctórum  
surrexérunt cum eo, et in-  
troiérunt in sanctam civitá-  
tem. Unde cum Dóminus in  
resurrectióne sua dixerit,  
Notas mihi fecisti vias vitæ:  
póssumus et nos jam dicere  
Dómino: Notas fecisti nobis  
vias vitæ. Ipse enim nobis  
notas fecit vias vitæ, qui  
nobis sémitam manifestávit  
ad vitam. Notas enim mihi  
fecit vias vitæ, cum me dó-  
cuit fidem, misericórdiam,  
justitiam, castitátem. His  
enim pervenitur itinéribus  
ad salutem.

**R.** Filíæ Jerúsalem, venite  
et vidéte Mártýres cum co-  
rónis, quibus coronávit eos  
Dóminus \* In die solemni-  
tátis et lætitiæ, allelúia. **V.**  
Quóniam confortávit seras  
portárum tuárum, benedixit  
filios tuos in te. In. Glória  
Patri. In.

IN III. NOCTURNO

**Ant.** Lux perpétua \* lucé-  
bit sanctis tuis Dómine, et

æternitas témporum, alle-  
lúia.

**Pro uno Martyre.**

**Ps.** In Dómino confido.  
33\*. Dómine quis habitá-  
bit. 34\*. Dómine in virtúte  
tua. **ibid.**

**Pro pluribus Martyribus.**

**Ps.** Exsultáte justi. 57\*.  
Benedícam Dóminum. 58\*.  
Deus noster. 59\*.

**V.** Lætitia sempitérna su-  
per cápita eórum, allelúia.

**R.** Gáudium et exsultatió-  
nem obtinébunt, allelúia.

Pater noster.

**Absolutio.** A vinctulis.

**V.** Jube domne.

**Bened.** Evangélica léctio.  
Léctio sancti Evangélii se-  
cúndum Joánnem.

**Lectio vij. Cap. 15. c**

**I**N illo témpore: Dixit Jesus  
discípulis suis: Ego sum  
vitis vera: et Pater meus  
agricola est. Et réliqua.

Homilia sancti Augustini  
Episcopi.

**Tract. 80. in Joannem.**

**I**STE locus evangélicus, fra-  
très, ubi se dicit Dóminus  
vitem, et discípulos suos  
pálmites, secúndum hoc di-  
cit, quod est caput Ecclésiæ,  
nosque membra ejus, mediá-  
tor Dei, et hóminum homo  
Christus Jesus. Unius quippe  
natúræ sunt vitis et pálmi-  
tes. Propter quod cum esset  
Deus, cujus natúræ non su-  
mus, factus est homo, ut in  
illo esset vitis humana na-  
túra, cujus et nos hómines  
pálmites esse possémus.

**R.** Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia, allelúia. **V.** Sicut diléxit me Pater, et ego diléxi vos. Qui.

**Bened.** Cujus **vel** Quorum festum colimus.

**Lectio viij.**

**Q**UID ergo est, Ego sum vitis vera? Numquid ut ádderet, vera, hoc ad eam vitem rétulit, unde ista similitúdo transláta est? Sic enim dicitur vitis per similitúdinem, non per proprietátem : quemádmódum dicitur ovis, agnus, leo, petra, lapis anguláris, et cætera hujúsmodi, quæ magis ipsa sunt vera, ex quibus ducúntur istæ similitúdines, non proprietátes. Sed cum dicit, Ego sum vitis vera : ab illa se útique discérnit, cui dicitur : Quómodo convérsta es in amaritúdinem vitis aliéna? Nam quo pacto est vitis vera, quæ exspectáta est ut fáceret uvam, fecit áutem spinas?

**R.** Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, allelúia, allelúia. **V.** Cándidióres nive, nitidióres lacte, rubicundióres ébore antiquo, sapphiro pulchrióres. Et. Glória Patri. Et.

**Bened.** Ad societátem.

**Lectio ix.**

**E**GO sum, inquit, vitis vera : et Pater meus agricola est. Numquid unum

sunt agricola et vitis? Secúndum hoc ergo vitis Christus, secúndum quod ait : Pater major me est. Secúndum áutem id, quod ait : Ego, et Pater unum sumus ; et ipse agricola est : nec talis, quales sunt, qui extrinsecus operándo éxhibent ministérium ; sed talis, ut det étiam intrínsecus increméntum. Nam neque qui plantat est áliquíd, neque qui rigat : sed, qui increméntum dat, Deus. Sed útique Deus est Christus, quia Deus erat Verbum : unde ipse, et Pater unum sunt : et, si Verbum caro factum est, quod non erat, manet quod erat.

Te Deum laudámus. 17.

AD LAUDES

ET PER HORAS

**Ant. 1.** Sancti tui Dómine \* florébunt sicut lilium, allelúia : et sicut odor bálsami erunt ante te, allelúia.

**Ps.** Dóminus regnávít. **cum reliq.** 18.

**2.** In cæléstibus regnis \* sanctórum habitátio est, allelúia : et in ætérnum réquies eórum, allelúia.

**3.** In velaménto \* clamábant sancti tui Dómine, allelúia, allelúia, allelúia.

**4.** Spíritus et ánimæ \* justórum hymnum dicite Deo nostro, allelúia, allelúia.

**5.** Fulgébunt justí \* sicut sol in conspéctu Dei, allelúia.

**Capitulum. Sap. 5.**

**S**TABUNT justí in magna constántia advérsus eos,



qui se angustiavérunt, et qui abstulérunt labóres eórum.

*Pro uno Martyre.*

*Hymnus.*

**I**NVICTE Martyr, únicum Patris secútus Filium, Victis triúmphas hóstibus, Victor fruens cæléstibus.

Tui precátus múnere Nostrum reátum dilue, Arcens mali contágium, Vitæ repéllens tædium.

Solúta sunt jam vincula Tui sacráti córporis : Nos solve vinclis sáeculi, Dono supérni Núminis.

Deo Patri sit glória, Et Filio, qui a mórtuis Surréxit, ac Paráclito, In sempitérna sáecula.

Amen.

*Pro pluribus Martyribus.*

*Hymnus.*

**R**EX glorióse Mártyrum, Coróna confiténtium, Qui respuéntes térrea Perdúcis ad cæléstia :

Aurem benignam prótinus Inténde nostris vóci bus : Trophæa sacra pångimus : Ignósce quod delíquimus.

Tu vincis inter Mártyres, Parcisque Confessóribus : Tu vince nostra crimina, Largitor indulgéntiæ.

Deo Patri sit glória, Et Filio, qui a mórtuis Surréxit, ac Paráclito, In sempitérna sáecula.

Amen.

Ÿ. Pretiósá in conspéctu Dómini, allelúia. *R.* Mors sanctórum ejus, allelúia.

*Ad Bened. Ant.* Filiæ Je-

rúsalem, \* veníte et vidéte Mártyres cum corónis, quibus coronávit eos Dóminus in die solemnitátis et lætitiæ, allelúia, allelúia.

AD TERTIAM

*Ant.* In cæléstibus regnis.

*Capit.* Stabunt justi. *ut supra ad Laudes.*

*R. br.* Sancti et justi in Dómino gaudéte, \* Allelúia, allelúia. Sancti. *V.* Vos elégit Deus in hereditátem sibi. Allelúia, allelúia. Glória Patri. Sancti.

Ÿ. Lux perpétua lucébit sanctis tuis Dómine, allelúia. *R.* Et æternitas téporum, allelúia.

AD SEXTAM

*Ant.* In velaménto.

*Capitulum.* Sap. 5.

**E**CCE quómo do computáti sunt inter filios Dei, et inter sanctos sors illórum est.

*R. br.* Lux perpétua lucébit sanctis tuis Dómine, \* Allelúia, allelúia. Lux. *Ÿ.* Et æternitas téporum. Allelúia, allelúia. Glória Patri. Lux.

Ÿ. Lætitia sempitérna super cápita eórum, allelúia. *R.* Gáudium et exultatió nem obtiné bunt, allelúia.

AD NONAM

*Ant.* Fulgébunt justi.

*Capitulum.* Rom. 8. c

**S**CIMUS quóniam diligéntibus Deum ómnia coope rántur in bonum, iis, qui secúndum propósitum vocáti sunt sancti.

**R.** br. Lætítia sempitérna  
super cápita eórum, \* Alle-  
lúia, allelúia. Lætítia. **V.**  
Gáudium et exsultatíonem  
obtinébunt. Allelúia, alle-  
lúia. Glória Patri. Lætítia.

**V.** Pretiósa in conspéctu  
Dómini, allelúia. **R.** Mors  
sanctórum ejus, allelúia.

#### IN II. VESPERIS

**Ant.** Sancti tui. cum reliq.  
de Laud. 46\*. **Pss.** ut in I.  
**Vesp. Apost. 1\***, et loco ult.  
**Ps.** Crédidi. 38\*. **Capit.** Sta-  
bunt. 42\*.

#### Pro uno Martyre.

**Hymn.** Deus tuórum. 42\*.

#### Pro pluribus Martyribus.

**Hymn.** Rex glorióse. 42\*.

**V.** Pretiósa in conspéctu  
Dómini, allelúia. **R.** Mors  
sanctórum ejus, allelúia.

**Ad Magnif. Ant.** Sancti et  
justi \* in Dómino gaudéte,  
allelúia : vos elégit Deus in  
hereditátem sibi, allelúia.

#### ALLÆ LECTIONES

##### PRO MARTYRIBUS

#### Tempore Paschali.

##### IN II. NOCTURNO

De Epístola sancti Cypriáni  
Episcopi et Mátyris ad  
Mátyres et Confessóres.

**Lib. 2. Epist. 6.**

#### Lectio iv.

**Q**UIBUS ego vos láudibus  
prædicem, fortissimi  
Mátyres? robur péctoris  
vestri, et perseverántiam  
fidei, quo præcónio vocis  
exórnem? Tolerástis usque  
ad consummatíonem glóriæ  
duríssimam quæstíonem :

nec cessistis suppliciis, sed  
vobis pótius supplicia ces-  
sérunt. Finem dolóribus,  
quem torménta non dabant,  
corónæ dedérunt. Laniéna  
grávior ad hoc diu perseve-  
rávit, non ut stantem fidem  
dejiceret, sed ut hómines Dei  
ad Deum velócius mitteret.

**R.** Lux perpétua lucébit  
sanctis tuis Dómine, \* Et  
æternitas téporum, alle-  
lúia, allelúia. **V.** Lætítia  
sempitérna erit super cápita  
eórum : gáudium et exsul-  
tatíonem obtinébunt. Et.

#### Lectio v.

**V**IDIT admirans præsen-  
tium multitúdo cæléste  
certámen, certámen Dei,  
certámen spiritále, prælium  
Christi : stetisse servos ejus  
voce libera, mente incor-  
rúpta, virtúte divína, telis  
quidem sæculáribus nudos,  
sed armis fidei ardéntis ar-  
mátos. Stetérunt torti tor-  
quéntibus fortióres : et pul-  
sántes ac laniántes úngulas,  
pulsáta ac laniáta membra  
vicérunt. Inexpugnábilem  
fidem superáre non pótuit  
sæviens diu plaga repetíta,  
quamvis rupta compáge vi-  
scerum torqueréntur in ser-  
vis Dei jam non membra,  
sed vúlnera. Fluébat san-  
guis, qui incéndium perse-  
cutíonis exstíngueret, qui  
flammas et ignes gehénnae  
glorióso cruóre sopiret.

**R.** In servis suis, allelúia,  
\* Consolábitur Deus, alle-  
lúia. **V.** Judicábit Dóminus



pópulum suum, et in servis suis. Consolábitur.

*Lectio vj.*

**O** QUALE illud fuit spectáculum Dómino, quam sublime, quam magnum, quam Dei óculis sacraménto ac devotióne militis ejus accéptum : sicut scriptum est in Psalmis, Spiritu sancto loquente ad nos páriter et monente : Pretiósá est in conspéctu Dómini mors justórum ejus. Pretiósá mors hæc est, quæ emit immortalitatem prétio sui ságuinis; quæ accépit coronam de consummatione virtútis. Quam lætus illic Christus fuit, quam libens in talibus servis suis et pugnávit, et vicit protéctor fidei, dans credéntibus tantum, quantum se credit cápere qui sumit : certámini suo ádfuit, præliatóres atque assertóres sui nóminis eréxit, corroborávit, animávit. Et qui pro nobis mortem semel vicit, semper vincit in nobis.

**R.** Filiæ Jerúsalem, venite et vidéte Mártyres cum coronis, quibus coronávit eos Dóminus \* In die solemnitátis et lætitiæ, allelúia. **V.** Quóniam confortávit seras portárum tuárum, benedixit filios tuos in te. In. Glória. In.

IN III. NOCTURNO

Léctio sancti Evangélíi secúndum Joánnem.

*Lectio vij. Cap. 15.*

**I**N illo témpore : Dixit Jesus discipulis suis : Ego sum

vitis, vos pálmites : qui manet in me, et ego in eo, hic fert fructum multum : quia sine me nihil potéstis fácere. Et réliqua.

Homilia sancti Augustíni  
Episcopi.

*Tract. 81. in Joánnem,  
sub med.*

**N**E quisquam putáret saltem parvum áliquem fructum posse a semetipso pálmitem ferre : cum dixisset, Hic fert fructum multum; non ait, Quia sine me parum potéstis fácere; sed, Nihil potéstis fácere. Sive ergo parum, sive multum, sine illo fieri non potest, sine quo nihil fieri potest : quia etsi parum attúlerit palmes, eum purgat agricola, ut plus áfferat. Tamen nisi in vite mánserit, et vixerit de radíce, quantúmlibet fructum a semetipso non potest ferre. Quamvis áutem Christus vitis non esset, nisi homo esset : tamen istam grátiam palmítibus non præbéret, nisi étiam Deus esset.

**R.** Ego sum vitis vera, et vos pálmites : \* Qui manet in me, et ego in eo, hic fert fructum multum, allelúia, allelúia. **V.** Sicut diléxit me Pater, et ego diléxi vos. Qui manet.

*Lectio viij.*

**V**ERUM quia ita sine ista grátia non potest vivi, ut et mors in potestáte sit liberi arbitrii : si quis in me, inquit, non mánserit, mitté-

tur foras sicut palmes, et aréscet, et cónligent eum, et in ignem mittent, et ardet. Ligna itaque vitis tanto sunt contemptibilióra si in vite non mánserint, quanto gloriosióra si mánserint. Dénique sicut de his étiam per Ezechiélem Prophétam Dóminus dicit, præcisa nullis agricolárum úsibus prosunt, nullis fabrilibus opéribus deputántur. Unum de duóbus pálmitti cóngruit, aut vitis, aut ignis : si in vite non est, in igne erit : ut ergo in igne non sit, in vite sit.

℞. Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, allelúia, allelúia. ✠. Cándidióres nive, nitidióres lacte, rubicundióres ébore antiquo, sapphiro pulchrióres. Et sicut. Glória Patri. Et sicut.

### Lectio ix.


**S**I manséritis in me, inquit, et verba mea in vobis mánserint : quodcúmque voluéritis petétis, et fiet vobis. Manéndo quippe in Christo, quid velle possunt, nisi quod cónvenit Christo? Quid velle

possunt manéndo in Salvátore, nisi quod non est aliénum a salúte? Aliud quippe vólumus quia sumus in Christo : et áliud vólumus quia sumus adhuc in hoc sáeculo. De mansiône namque hujus sáeculi nobis aliquándó subrépit, ut hoc petámus, quod nobis non expedire nescimus. Sed absit ut fiat nobis, si manémus in Christo, qui non facit quando pétimus, nisi quod expedit nobis.

Te Deum laudámus. 17.

### IN COMMUNI

Confessorum, Virginum, et non Virginum, et Dedicatiónis Ecclesiæ, atque in Festis B. Mariæ V. Tempore Paschali, Officium fit ut inferius in aliis temporibus : sed additur unum Allelúia in fine ad Invitatorium. Ant., ✠. et ℞. Similiter et in Responsoriis post Lectiones Nocturnorum ante Versum (℞℞. brevia vero Horarum dicuntur ea, quæ in prædictis Communibus secundo loco ponuntur, ut infra) : et tres Psalmi dicuntur in quolibet Noct. sub prima Ant. illius Nocturni.





## COMMUNE PLURIMORUM MARTYRUM

EXTRA TEMPUS PASCHALE

IN I. VESPERIS

*Ant. de Laud., Psalmi ut  
in I. Vesp. de Comm. Apo-  
stolorum. 1\*.*

*Capitulum. Sap. 3.*

**U**STÓRUM ánimæ in  
manu Dei sunt, et  
non tanget illos  
torméntum mortis.  
Visi sunt óculis insipiéntium  
mori : illi áutem sunt in  
pace.

*Hymnus.*

**S**ANCTÓRUM méritis inclyta  
gáudia  
Pangámus sócii, géstaque  
fórtia :

Gliscens fert ánimus próme-  
re cántibus

Victórum genus ópti-  
mum.

Hi sunt, quos fáture mun-  
dus abhórruit;

Hunc fructu vácuum, flóri-  
bus áridum

Contempsére tui nóminis  
ásseclæ

Jesu Rex bone cælitum.

Hi pro te fúrias, atque  
minas truces

Calcárunť hómínem, sáeva-  
que vérbera :

His cessit lácerans fórtiter  
úngula,

Nec carpsit penetrália.

Cædúntur gládiis more  
bídentium :

Non murmur résonat, non  
querimónia;

Sed corde impávido mens  
bene cónschia

Consérvat patiéntiam.

Quæ vox, quæ póterit lin-  
gua retéxere,

Quæ tu Martíribus múnera  
præparas?

Rubri nam flúido sáanguine  
fúlgidis

Cingunt témpora láureis.

Te summa o Déitas, úna-  
que póscimus;

Ut culpas ábigas, nóxia súb-  
trahas,

Des pacem fámulis, ut tibi  
glóriam

Annórum in sériem ca-  
nant. Amen.

*ŷ.* Lætámini in Dómino,  
et exsultáte justí. *ŷ.* Et glo-  
riámini omnes recti corde.

*Ad Magnif. Ant.* Istórum  
est enim <sup>\*</sup>regnum cælórum,  
qui contempsérunt vitam  
mundi, et pervenérunt ad  
præmia regni, et lavérunt  
stolas suas in sáanguine Agni.

*Pro pluribus Mart. Pont.*

*Oratio.*

**B**EATÓRUM Mátyrum pari-  
térque Pontíficum **N.** et  
**N.** nos, quæsumus Dómine,  
festa tueántur : et eórum  
comméndet orátio venerán-  
da. Per Dóminum.

*Si non fuerint Pontifices.*

*Oratio.*

**D**EUS, qui nos concédís  
sanctórum Mátyrum

tuorum *N. et N.* natalitia  
cólere : da nobis in ætérna  
beatitúdine de eórum socie-  
táte gaudére. Per Dóminum.

*Alia Oratio.*

**D**EUS, qui nos ánnua san-  
ctórum Mártyrum tuó-  
rum *N. et N.* solemnitáte læ-  
tificas : concéde propítius ;  
ut quorum gaudémus mérit-  
is, accendámur exémpis.  
Per Dóminum.

AD MATUTINUM

*Invitat.* Regem Mártyrum  
Dóminum, \* Veníte, adoré-  
mus.

*Ps.* Veníte, exsultémus. 2.

*Hymnus.*

**C**HRISTO profúsum sángu-  
inem,  
Et Mártyrum victórias,  
Dignámque cælo láuream  
Lætis sequámur vóci-  
bus.

Terróre victo sæculi,  
Pœnisque spretis córporis,  
Mortis sacræ compéndio  
Vitam beátam póssident.

Tradúntur igni Mártyres,  
Et bestiárum déntibus :  
Armáta sævit úngulis  
Tortóris insáni manus.

Nudáta pendent víscera,  
Sanguis sacrátus fúnditur :  
Sed pérmanent immóbiles  
Vitæ perénnis grátia.

Te nunc Redémptor quæ-  
sumus,

Ut Mártyrum consórtio  
Jungas precántes sérvulos  
In sempitérna sæcula.

Amen.

IN I. NOCTURNO

*Ant.* Secus decúrsus aquá-  
rum \* plantávit vineam ju-

stórum, et in lege Dómini  
fuit volúntas eórum.

*Psalmus 1.*

**B**EÁTUS vir, qui non ábiit  
in consilio impiórum,  
et in via peccatórum non  
stetit, \* et in cáthedra pesti-  
léntiæ non sedit :

Sed in lege Dómini volún-  
tas ejus, \* et in lege ejus  
meditábitur die ac nocte.

Et erit tamquam lignum,  
quod plantátum est secus  
decúrsus aquárum, \* quod  
fructum suum dabit in tém-  
pore suo :

Et fólium ejus non dé-  
fluet : \* et ómnia quæcúm-  
que fáciat, prosperabúntur.

Non sic impíi, non sic : \*  
sed tamquam pulvis, quem  
próicit ventus a fácie terræ.

Ideo non resúrgent impíi  
in iudício : \* neque pecca-  
tóres in concílio justórum.

Quóniam novit Dóminus  
viam justórum : \* et iter  
impiórum peribit.

*Ant.* Secus decúrsus aquá-  
rum plantávit vineam justó-  
rum, et in lege Dómini fuit  
volúntas eórum.

*Ant.* Tamquam áurum \* in  
fornáce probávit eléctos Dó-  
minus : et quasi holocáusta  
accépit eos in ætérnum.

*Psalmus 2.*

**Q**UARE fremuérunt gentes, \*  
et pópuli meditáti sunt  
inánia?

Adstitérunt reges terræ,  
et príncipes convenérunt in  
unum \* advérsus Dóminum,  
et advérsus Christum ejus.



Dirumpámus víncula eórum : \* et projiciámus a nobis jugum ipsórum.

Qui hábitat in cælis, irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego áutem constitútus sum Rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Filius meus es tu, ego hódie génui te.

Póstula a me, et dabo tibi gentes hereditátem tuam, \* et possessiónem tuam terminos terræ.

Reges eos in virga férrea, \* et tamquam vas figuli confrínges eos.

Et nunc reges intelligite : \* erudimini qui judicátis terram.

Servite Dómino in timóre : \* et exultáte ei cum tremóre.

Apprehéndite disciplínam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

**Ant.** Tamquam áurum in fornáce probávit eléctos Dóminus : et quasi holocáusta accépit eos in ætérnum.

**Ant.** Si coram hominibus \* tormenta passi sunt, spes electórum est immortalis in ætérnum.

### Psalmus 3.

**D**ÓMINE quid multiplicátii sunt qui tribulant me? \* multi insúrgunt advérsus me.

Multi dicunt animæ meæ : \* Non est salus ipsi in Deo ejus.

Tu áutem Dómine susceptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussísti omnes adversántes mihi sine cáusa : \* dentes peccatórum contrivísti.

Dómini est salus : \* et super pópulum tuum benedictio tua.

**Ant.** Si coram homínibus tormenta passi sunt, spes electórum est immortalis in ætérnum.

**Ÿ.** Lætámini in Dómino, et exultáte justí. **Ź.** Et gloriámini omnes recti corde.

Pater noster.

**Absol.** Exáudi Dómine.

**Ÿ.** Jube domne.

**Bened.** Benedictióne perpétua.

De Epístola beáti Páuli Apóstoli ad Romános.

**Lectio j.** Cap. 8. c

**F**RATRES : Debitóres sumus non carni, ut secúndum

carnem vivamus. Si enim secundum carnem vixeritis, moriemini : si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus : Abba (Pater). Ipse enim Spiritus testimonium reddit spiritui nostro, quod sumus filii Dei. Si autem filii, et heredes : heredes quidem Dei, coheredes autem Christi : si tamen compatiuntur, ut et conglorificemur. Existimo enim quod non sunt condignae passionis huius temporis ad futuram gloriam, quae revelabitur in nobis. Nam expectatio creaturae revelationem filiorum Dei expectat.

**R.** Absterget Deus omnem lacrymam ab oculis sanctorum : et jam non erit amplius neque luctus, neque clamor, sed nec ullus dolor : \* Quoniam priora transierunt. **V.** Non esurient, neque sitient amplius, neque cadet super illos sol, neque ullus aestus. Quoniam.

**Bened.** Unigenitus Dei Filius.

### Lectio ij.

**S**CIMUS autem quoniam diligenter Deum omnia cooperantur in bonum, iis, qui secundum propositum vocati sunt sancti. Nam quos

praescivit, et praedestinavit conformes fieri imaginis Filii sui, ut sit ipse primogenitus in multis fratribus. Quos autem praedestinavit, hos et vocavit : et quos vocavit, hos et justificavit : quos autem justificavit, illos et glorificavit. Quid ergo dicemus ad haec? Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum : quomodo non etiam cum illo omnia nobis donavit? Quis accusabit adversus electos Dei? Deus qui justificat, quis est qui condemnet? Christus Jesus, qui mortuus est, immo qui et resurrexit, qui est ad dexteram Dei, qui etiam interpellat pro nobis.

**R.** Viri sancti gloriosum sanguinem fuderunt pro Domino, amaverunt Christum in vita sua, imitati sunt eum in morte sua : \* Et ideo coronas triumphales meruerunt.

**V.** Unus spiritus, et una fides erat in eis. Et.

**Bened.** Spiritus sancti gratia.

### Lectio iij.

**Q**UIS ergo nos separabit a caritate Christi? tribulatio, an angustia, an fames, an nuditas, an periculum, an persecutio, an gladius? (sicut scriptum est : Quia propter te mortificamur tota die : aestimati sumus sicut oves occisionis.) Sed in his omnibus superamus propter



eum, qui diléxit nos. Certus sum enim quia neque mors, neque vita, neque Angeli, neque Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritaté Dei, quæ est in Christo Jesu Dómino nostro.

**R.** Tradidérunt córpora sua propter Deum ad supplicia : \* Et meruérunt habére corónas perpétuas. **Y.** Isti sunt qui venérunt ex magna tribulatióne, et laverunt stolas suas in sanguine Agni. Et. Glória Patri. Et.

## IN II. NOCTURNO

**Ant.** Dabo sanctis meis \* locum nominátum in regno Patris mei, dicit Dóminus.

**Psalmus 14.**

**D**ÓMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad níhilum dedúctus est in conspéctu ejus malignus : \* tíméntes áutem Dóminum glorificat :

Qui jurat próximo suo, et non decipit, \* qui pecúniám

suam non dedit ad usúram, et múnera super innocéntem non accépit :

Qui facit hæc, \* non móvêbitur in ætérnum.

**Ant.** Dabo sanctis meis locum nominátum in regno Patris mei, dicit Dóminus.

**Ant.** Sanctis, qui in terra sunt ejus, \* mirificávit omnes voluntátes meas inter illos.

**Psalmus 15.**

**C**ONSÉRVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non egés.

Sanctis, qui sunt in terra ejus, \* mirificávit omnes voluntátes meas in eis.

Multiplicátæ sunt infirmitátes eórum : \* póstea acceleravérunt.

Non congregábo conventícula eórum de sanguinibus : \* nec memor ero nóminum eórum per lábia mea.

Dóminus pars hereditátis meæ, et cálicis mei : \* tu es, qui restitues hereditátem meam mihi.

Funes cecidérunt mihi in præcláris : \* étenim hereditas mea præclára est mihi.

Benedicam Dóminum, qui tribuit mihi intelléctum : \* insuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc lætátum est

cor meum, et exsultávit lingua mea : \* insuper et caro mea requiescet in spe.

Quóniam non derelinques ánimam meam in inférno : \* nec dabis sanctum tuum vidére corruptiónem.

Notas mihi fecisti vias vi-tæ, adimplébis me lætitia cum vultu tuo : \* delectatiónes in dextera tua usque in finem.

**Ant.** Sanctis, qui in terra sunt ejus, mirificávit omnes voluntates meas inter illos.

**Ant.** Sancti qui sperant in Dómino, \* habébunt fortitúdinem, assúment pennas ut áquilæ, volábunt, et non deficient.

### Psalmus 23.

**D**ÓMINI est terra, et plenitúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium faciém Dei Jacob.

Attóllite portas príncipes vestras, et elevámini portæ

æternáles : \* et introíbit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

**Ant.** Sancti qui sperant in Dómino, habébunt fortitúdinem, assúment pennas ut áquilæ, volábunt, et non deficient.

Ÿ. Exsúltent justí in conspéctu Dei. R. Et delecténtur in lætitia.

Pater noster.

**Absolutio.** Ipsíus píetas.

Ÿ. Jube domne. **Bened.**

Deus Pater omnipotens.

Sermo sancti Augustini  
Episcopi.

**Serm. 47. de Sanctis.**

**Lectio iv.**

**Q**UOTIESCÚMQUE, fratres caríssimi, sanctórum Mártyrum solénnia celebrá-mus, ita, ipsis intercedéntibus, exspectémus a Dómino cónsequi temporália beneficia, ut ipsos Mártyres imitádo accipere mereámur æténa. Ab ipsis enim sanctórum Mártyrum in veritáte festivitátum gáudia celebrántur, qui ipsórum Mártyrum exémpla sequúntur. Solemnitátes enim Mártyrum exhortatiónes sunt martyriórú : ut imitári non



pigeat, quod celebrare delectat.

**R.** Sancti tui Dómine mirábile consecúti sunt iter, serviétes præcéptis tuis, ut invenirentur illæsi in aquis válidis : \* Terra apparuit árida : et in mari Rubro via sine impediménto. **V.** Quóniam percússit petram, et fluxérunt aquæ, et torréntes inundavérunt. Terra.

**Bened.** Christus perpétuæ.

**Lectio v.**

**S**ED nos vólumus gaudere cum sanctis : et tribulationem mundi nólumus sustinére cum ipsis. Qui enim sanctos Mártýres, in quantum potúerit, imitári nolúerit; ad eórum beatitúdinem non póterit pervenire. Sed et Páulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte quia me priórem vobis ódio hábuit. Recúsat esse in córpore, qui ódium non vult sustinére cum cápite.

**R.** Vérbera carnificum non timuérunt sancti Dei, moriéntes pro Christi nómine : \* Ut herédes fierent in domo Dómini. **V.** Tradidérunt córpora sua propter Deum ad supplicia. Ut.

**Bened.** Ignem sui amóris.

**Lectio vj.**

**S**ED dicit áliquis : Et quis est qui possit beatórum Mártýrum vestigia sequi?

Huic ego respódeó, quia non solum Mártýres, sed étiam ipsum Dóminum cum ipsius adjutório, si vólumus, póssumus imitári. Audi non me, sed ipsum Dóminum géneri humano clamántem : Discite a me, quia mitis sum et húmilis corde. Audi et Petrum Apóstolum admonéntem : Christus passus est pro nobis, relínquens nobis exémplum, ut sequámur vestigia ejus.

**R.** Tamquam áurum in fornáce probávit eléctos Dóminus, et quasi holocáusti hóstiam accépit illos : et in témpore erit respéctus illórum : \* Quóniam donum et pax est eléctis Dei. **V.** Qui confidunt in illum, intélignent veritátem, et fidéles in dilectiône acquiescent illi. Quóniam. Glória Patri. Quóniam.

IN III. NOCTURNO

**Ant.** Justi áutem \* in perpétuum vivent, et apud Dóminum est merces eórum.

**Psalmus 32.**

**E**XSULTÁTE justí in Dómino : \* rectos decet colaudatio.

Confitémini Dómino in cithara : \* in psaltério decem chordárum psállite illi.

Cantáte ei cánticum novum : \* bene psállite ei in vociferatióne.

Quia rectum est verbum Dómini, \* et ómnia ópera ejus in fide.

Diligit misericórdiam et

judicium : \* misericórdia  
Dómini plena est terra.

Verbo Dómini cæli firmátí  
sunt : \* et spiritu oris ejus  
omnis virtus eórum.

Cóngregans sicut in utre  
aquas maris : \* ponens in  
thesáuris abyssos.

Tímeat Dóminum omnis  
terra : \* ab eo áutem com-  
moveántur omnes inhabi-  
tántes orbem.

Quóniam ipse dixit, et  
facta sunt : \* ipse mandávit,  
et creáta sunt.

Dóminus dissipat consília  
géntium : \* réprobat áutem  
cogitatiónes populórum, et  
réprobat consília principum.

Consílium áutem Dómini  
in ætérnum manet : \* cogita-  
tiónes cordis ejus in gene-  
ratióne et generatióne.

Beáta gens, cujus est Dó-  
minus, Deus ejus : \* pópulus,  
quem elégit in hereditátem  
sibi.

De cælo respéxit Dómi-  
nus : \* vidit omnes filios  
hóminum.

De præparáto habitáculo  
suo \* respéxit super omnes,  
qui hábitant terram.

Qui finxit sigillátim corda  
eórum : \* qui intélligit ómnia  
ópera eórum.

Non salvátur rex per mul-  
tam virtútem : \* et gigas non  
salvábitur in multítudine  
virtútis suæ.

Fallax equus ad salútem : \*  
in abundántia áutem virtútis  
suæ non salvábitur.

Ecce óculi Dómini super

metuéntes eum : \* et in eis,  
qui sperant super miseri-  
córdia ejus.

Ut éruat a morte ánimas  
eórum : \* et alat eos in  
fame.

Anima nostra sústinet Dó-  
minum : \* quóniam adjútor  
et protéctor noster est.

Quia in eo lætábitur cor  
nostrum : \* et in nómine  
sancto ejus sperávimus.

Fiat misericórdia tua Dó-  
mine super nos : \* quemád-  
modum sperávimus in te.

**Ant.** Justi áutem in perpé-  
tuum vivent, et apud Dómi-  
num est merces eórum.

**Ant.** Tradidérunt \* cór-  
pora sua in mortem, ne ser-  
vírent idólis : ideo coronáti  
póssident palmam.

### Psalmus 33.

**B**ENEDÍCAM Dóminum in  
omni témpore : \* semper  
laus ejus in ore meo.

In Dómino laudábitur áni-  
ma mea : \* áudiant mansuéli  
et læténtur.

Magnificáte Dóminum me-  
cum : \* et exaltémus nomen  
ejus in idípsum.

Exquisívi Dóminum, et  
exaudivit me : \* et ex ómni-  
bus tribulatióibus meis eri-  
puit me.

Accédite ad eum, et illu-  
minámini : \* et fácies vestræ  
non confundéntur.

Iste páuper clamávit, et  
Dóminus exaudivit eum : \*  
et de ómnibus tribulatióni-  
bus ejus salvávit eum.

Immíttet Angelus Dómini



in circúitu timéntium eum : \*  
et erípiet eos.

Gustáte, et vidéte quóniam suávis est Dóminus : \*  
beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Divites eguérunt et esuriérunt : \* inquirentes áutem Dóminum non minuéntur omni bono.

Venite filii, audite me : \* timórem Dómini docébo vos.

Quis est homo qui vult vitam : \* diligit dies vidére bonos?

Próhibe linguam tuam a malo : \* et lábía tua ne loquántur dolum.

Divérte a malo, et fac bonum : \* inquire pacem, et perséquare eam.

Oculi Dómini super justos : \* et áures ejus in preces eórum.

Vultus áutem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multæ tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssi-

ma : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui sperant in eo.

**Ant.** Tradidérunt córpora sua in mortem, ne servírent idólis : ídeo coronáti póssident palmam.

**Ant.** Ecce merces \* sanctórum copiósa est apud Deum : ipsi vero mórtui sunt pro Christo, et vivent in ætérnum.

### Psalmus 45.

**D**EUS noster refúgium, et virtus : \* adjútor in tribulatióibus, quæ invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eórum : \* conturbáti sunt montes in fortitúdine ejus.

Flúminis ímpetus lætíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábit eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscep̃tor noster Deus Jacob.

Venite, et vidéte ópera Dómini, quæ pósuit prodigia

super terram : \* áuferens bella usque ad finem terræ.

Arcum cónteret, et confringet arma : \* et scuta combúret igni.

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscep̃tor noster Deus Jacob.

**Ant.** Ecce merces sanctórum copiósá est apud Deum : ipsi vero mórtui sunt pro Christo, et vivent in ætérnum.

✠. Justi áutem in perpétuum vivent. **R.** Et apud Dóminum est merces eórum.

Pater noster.

**Absolutio.** A vínculis.

✠. Jube domne.

**Bened.** Evangélica léctio. Léctio sancti Evangélii secúndum Lucam.

**Lectio vij. Cap. 21. c**

**I**n illo témpore : Dixit Jesus discipulis suis : Cum audiéritis prælia, et seditiões, nolite terréri : opórtet primum hæc fieri, sed nondum statim finis. Et réliqua.

Homilia sancti Gregórii Papæ.

**Homil. 35. in Evang.**

**D**ÓMINUS ac Redemptor noster peritúri mundi præcurréntia mala denúnciat, ut eo minus pertúrbent veniéntia, quo fúerint præscita. Minus enim jácula fériunt, quæ prævidéntur :

et nos tolerabilius mundi mala suscipimus, si contra hæc per præsciéntiæ clýpeum munimur. Ecce enim dicit : Cum audiéritis prælia et seditiões, nolite terréri : opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denúnciat. Bella quippe ad hostes pértinent, seditiões ad ciues. Ut ergo nos indicet intérius exteriúsque turbári, áliud nos fatétur ab hóstibus, áliud a frátribus perpéti.

**R.** Propter testaméntum Dómini, et leges patérnas, sancti Dei perstitérunt in amóre fraternitátis : \* Quia unus fuit semper spíritus in eis, et una fides. **V.** Ecce quam bonum et quam jucúndum habitáre fratres in unum. Quia.

**Bened.** Quorum festum cólimus.

**Lectio viij.**

**S**ED his malis præveniéntibus, quia non statim finis sequátur, adjúngit : Surget gens contra gentem, et regnum advérsus regnum : et terrámótus magni erunt per loca, et pestiléntiæ, et fames, terrorésque de cælo : et signa magna erunt. Ultima tribulatio multis tribulatióibus prævenitur : et per crebra mala, quæ præveniunt, indicántur mala perpétua, quæ



subsequéntur. Et ideo post bella et seditiões non statim finis : quia multa debent mala præcurrere, ut malum váleant sine fine nuntiáre.

**R.** Sancti mei, qui in carne pòsiti, certámen habuístis : \* Mercédem labóris ego reddam vobis. **V.** Veníte benedicti Patris mei, percípite regnum. Mercédem. Glória. Mercédem.

**Sequens R. dicitur post viij. vel ij. Lect. in Festo plurimorum Martyrum fratrum.**

**R.** Hæc est vera fraternitas, quæ numquam pótuit violári certámine : qui effúso sânguine secúti sunt Dóminus : \* contemnéntes áulam régiam, pervenérunt ad regna cæléstia. **V.** Ecce quam bonum et quam jucúndum habitáre fratres in unum. Contemnéntes. Glória Patri. Contemnéntes.

**Bened.** Ad societátem.

**Lectio ix.**

**S**ED cum tot signa perturbationis dicta sint, opórtet, ut eórum consideratióem bréviter per síngula perstringámus : quia necesse est, ut ália e cælo, ália e terra, ália ab eleméntis, ália ab hominibus patiámur. Ait enim : Surget gens contra gentem, ecce perturbatio hóminum : erunt terrémótus magni per loca, ecce respéctus iræ désuper : erunt pestiléntiæ, ecce inæqualitas córporum : erit fames, ecce

sterilitas terræ : terrorésque de cælo et tempestátes, ecce inæqualitas áëris. Quia ergo ómnia consummánda sunt ; ante consummatióem ómnia perturbántur : et qui in cunctis deliquimus, in cunctis ferimur : ut impleátur quod dicitur, Et pugnabit pro eo orbis terrárum contra insensátos.

Te Deum laudámus. 17.

AD LAUDES

ET PER HORAS

**Ant. 1.** Omnes sancti, \* quanta passi sunt torménta, ut secúri pervenirent ad palmam martýrii.

**Ps.** Dóminus regnávít. **cum reliq.** 18.

**2.** Cum palma \* ad regna pervenérunt sancti, corónas decóris meruérunt de manu Dei.

**3.** Córpóra sanctórum \* in pace sepúlta sunt : et vivent nómina eórum in ætérnum.

**4.** Mártyres Dómini \* Dóminus benedicite in ætérnum.

**5.** Mártyrum chorus \* laudáte Dóminus de cælis.

**Capitulum. Sap. 3.**

**J**USTÓRUM ánimæ in manu Dei sunt, et non tanget illos torméntum mortis. Visi sunt óculis insipiéntium móri : illi áutem sunt in pace.

**Hymnus.**

**R**EX glorióse Mártyrum, Coróna confiténtium, Qui respuéntes térrea Perdúcis ad cæléstia.

Aurem benignam prótinus Inténde nostris vóçibus :

Trophæa sacra pāngimus :  
Ignósce quod deliquimus.

Tu vincis inter Márty-  
res,

Parcísque Confessóribus :  
Tu vince nostra crimina,  
Largitor indulgéntiæ.

Deo Patri sit glória,  
Ejúsque soli Filio,  
Cum Spiritu Paráclito,  
Nunc et per omne sæculum.  
Amen.

Ÿ. Exsultábunt sancti in  
glória. R̃. Lætabúntur in  
cubilibus suis.

Ad Bened. Ant. Vestri ca-  
pilli cápitis \* omnes nume-  
ráti sunt : nolite timére :  
multis passéribus meliôres  
estis vos.

Pro pluribus Mart. Pont.

Oratio.

**B**EATÓRUM Mártyrum pari-  
térque Pontificum N. et  
N. nos, quæsumus Dómine,  
festa tueántur : et eórum  
comméndet orátio venerán-  
da. Per Dóminum.

Si non fuerint Pentifices.

Oratio.

**D**EUS, qui nos concédis  
sanctórum Mártyrum  
tuórum N. et N. natalitia  
cólere : da nobis in æténa  
beatitúdine de eórum socie-  
táte gaudére. Per Dóminum.

Alia Oratio.

**D**EUS, qui nos ánnua san-  
ctórum Mártyrum tuó-  
rum N. et N. solemnitáte  
lætificas : concéde propítius ;  
ut quorum gaudémus mérit-  
tis, accendámur exémp-  
lis. Per Dóminum.

AD TERTIAM

Ant. Cum palma.

Capit. Justórum. ut su-  
pra.

R̃. br. Lætámini in Dómi-  
no, \* Et exsultáte justí. Læ-  
támini. Ÿ. Et gloriámini  
omnes recti corde. Et. Gló-  
ria Patri. Lætámini.

Ÿ. Exsúltent justí in con-  
spéctu Dei. R̃. Et delectén-  
tur in lætítia.

AD SEXTAM

Ant. Córpora sanctórum.

Capitulum. Sap. 10. d

**R**ÉDDIDIT Deus mercédem  
labórum sanctórum suó-  
rum, et dedúxit illos in via  
mirábili : et fuit illis in vela-  
ménto diéi, et in luce stellá-  
rum nocte.

R̃. br. Exsúltent justí \* In  
conspéctu Dei. Exsúltent. Ÿ.  
Et delecténstur in lætítia. In.  
Glória Patri. Exsúltent.

Ÿ. Justí áutem in perpé-  
tuum vivent. R̃. Et apud  
Dóminum est merces eórum.

AD NONAM

Ant. Mártyrum chorus.

Capitulum. Sap. 3.

**F**ULGÉBUNT justí, et tam-  
quam scintillæ in arun-  
dinéto discúrent. Judicá-  
bunt natiónes, et domina-  
búntur pópulis : et regnábít  
Dóminus illórum in perpé-  
tuum.

R̃. br. Justí áutem \* In  
perpétuum vivent. Justí. Ÿ.  
Et apud Dóminum est mer-  
ces eórum. In perpétuum.  
Glória Patri. Justí.

Ÿ. Exsultábunt sancti in



glória. **ñ.** Lætabúntur in cubilibus suis.

IN II. VESPERIS

**Ant. 1.** Isti sunt sancti, \* qui pro testaménto Dei sua cõrpora tradidérunt, et in ságuine Agni lavérunt stolas suas.

**Psalm. ut in I. Vesp. de Comm. Apost. 1\*, et loco ult., Ps. Crédidi.**

**2.** Sancti per fidem \* vicérunt regna, operáti sunt justitiam, adépti sunt repromissiones.

**3.** Sanctórum velut áquilæ \* juvéntus renovábitur : florébunt sicut lilium in civitate Dómini.

**4.** Abstérget Deus \* omnem lácrymam ab óculis sanctórum : et jam non erit ámplius neque luctus, neque clamor, sed nec ullus dolor : quóniam prióra transiérunt.

**5.** In cæléstibus regnis \* sanctórum habitatio est, et in ætérnum réquies eórum.

**Psalmus 115.**

**C**RÉDIDI, propter quod locútus sum : \* ego áutem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni pópulo ejus : \*

pretiõsa in conspéctu Dómini mors sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupísti víncula mea : \* tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

**Capit. et Hymn. ut in I. Vesp.**

**ñ.** Exsultábunt sancti in glória. **ñ.** Lætabúntur in cubilibus suis.

**Ad Magnif. Ant.** Gáudent in cælis \* animæ sanctórum, qui Christi vestigia sunt secúti : et quia pro ejus amóre ságuinem suum fuderunt, ideo cum Christo exsultant sine fine.

II. ALIÆ LECTIONES

**PRO PLURIBUS MARTYRIBUS**

IN II. NOCTURNO

Sermo sancti Joánnis Chrysóstomi.

**Serm. 1. de Martyr. Tom. 3.**

**Lectio iv.**

**N**EMO est qui nesciat, Mártyrum glórias ad hoc divino consilio a Dei pópulis frequentári, ut et illis débuit honor dicétur, et nobis virtútis exémpa, favénte Christo, monstréntur : ut dum hæc ita celebrári perspicimus, cognoscámus quanta eos glória máneat in

cælis, quorum natalitia taliter celebrantur in terris : quo possimus etiam ipsi talibus provocari exemplis, virtute pari, devotione consimili ac fide : ut Christo prestante, dimicare et vincere hostem possimus : ut parta victoria, cum iisdem sanctis in regnis cælestibus triumphemus.

℞. Sancti tui Domine mirabile consecuti sunt iter, serviētes præceptis tuis, ut invenirentur illæsi in aquis validis : \* Terra apparuit arida : et in mari Rubro via sine impedimento. V. Quoniam percussit petram, et fluxerunt aquæ, et torréntes inundaverunt. Terra.

#### Lectio v.

**Q**UIS est enim, qui eorum volens merito copulari; nisi prius constantiam eorum teneat, sectetur fidem, imitetur virtutem passionis; eorum gloriam paribus vitæ lineamentis aut inveniat, aut exquirat? Qui etsi martyrio par esse non possit : tamen muneris tanti dignitate se quisque bonis actibus dignum præbeat. Adest enim clementissimus Deus, qui desiderantibus suis aut martyrium præbeat, aut sine martyrio cum sanctis præmia divina retribuat.

℞. Verbera carnificum non timuerunt sancti Dei, morientes pro Christi nomine : \* Ut heredes fierent in domo Domini. V. Tradiderunt cor-

pore sua propter Deum ad supplicia. Ut.

#### Lectio vj.

**U**T enim infirmatur peccator adversis, ita justus tentationibus roboratur. Sic dimicarunt adversus peccatum sancti : sic et laborando fortiores et moriendo victores effecti sunt. Nullus athletæ sine certamine fortior dici, nullus sine victoria poterit coronari. Nemo miles sine prælio hostem subjecit : nemo sine bello imperatorem promeruit. Habes, christiane, competentia arma, quibus hostem expugnes : habes fortissima tela, quibus inimicum debelles.

℞. Tamquam aurum in fornace probavit electos Dominus, et quasi holocausti hostiam accepit illos : et in tempore erit respectus illorum : \* Quoniam donum et pax est electis Dei. V. Qui confidunt in illum, intelligent veritatem : et fideles in dilectione acquiescent illi. Quoniam. Glória Patri. Quoniam.

#### IN III. NOCTURNO

Lectio sancti Evangelii secundum Lucam.

#### Lectio vij. Cap. 6. c

**I**N illo tempore : Descendens Jesus de monte, stetit in loco campèstri, et turba discipulorum ejus, et multitudo copiosa plebis ab omni Judæa, et Jerúsalem, et maritima, et Tyri, et Sidónis. Et reliqua.



Homilia sancti Ambrósii  
Episcopi.

Lib. 5. in Lucam. Cap. 6.,  
post init.

**A**DVERTE omnia diligenter, quomodo et cum Apostolis ascendat et descendat ad turbas. Quomodo enim turba nisi in humili Christum videret? Non sequitur ad excelsa, non ascendit ad sublimia. Denique ubi descendit, invenit infirmos: in excelsis enim infirmi esse non possunt. Hinc etiam Matthæus docet in inferioribus debiles esse sanatos. Prius enim unusquisque sanandus est, ut paulatim virtutibus procedentibus ascendere possit ad montem. Et ideo quemque in inferioribus sanat, hoc est, a libidine revocat, injuriam cecitatis avertit. Ad vulnera nostra descendit: ut usu quodam et copia suæ naturæ, participes nos faciat esse regni cælestis.

**R.** Propter testamentum Domini, et leges paternas, sancti Dei perstiterunt in amore fraternitatis: \* Quia unus fuit semper spiritus in eis, et una fides. **V.** Ecce quam bonum et quam jucundum habitare fratres in unum. Quia.

Lectio viij.

**B**EATI pauperes, quia vestrum est regnum Dei. Quatuor tantum beatitudines sanctus Lucas dominicas posuit, octo vero sanctus Mat-

thæus: sed in illis octo istæ quatuor sunt, et in quatuor istis illæ octo. Hic enim quatuor velut virtutes amplexus est cardinales: ille in illis octo mysticum numerum reseravit. Pro octava enim multi inscribuntur Psalmi: et mandatum accipis octo illis partem dare fortasse benedictionibus. Sicut enim spei nostræ octava perfectio est, ita octava summa virtutum est.

**R.** Sancti mei, qui in carne positi, certamen habuistis: \* Mercèdem laboris ego reddam vobis. **V.** Venite benedicti Patris mei, percipite regnum. Mercèdem. Glória Patri. Mercèdem.

Lectio ix.

**S**ED prius quæ sunt ampliora videamus. Beati, inquit, pauperes, quoniam vestrum est regnum Dei. Primam benedictionem hanc uterque Evangelista posuit. Ordine enim prima est, et parens quædam generatioque virtutum: quia qui contempserit sæcularia, ipse merèbitur sempiterna: nec potest quisquam meritum regni cælestis adipisci, qui mundi cupiditate pressus, emergendi non habet facultatem.

Te Deum laudamus. 17.

III. ALIA HOMILIA

Lectio sancti Evangelii secundum Lucam.

Lectio vij. Cap. 12.

**I**n illo tempore: Dixit Jesus discipulis suis: Attendite

a fermento pharisæorum, quod est hypócrisis. Et reliqua.

Homilia venerabilis Bedæ  
Presbyteri.

**Lib. 4. in Lucam, cap. 52.**

**D**E hoc fermento Apóstolus præcipit : Itaque epulémur, non in fermento vétéri, neque in fermento malitiæ et nequitiæ, sed in ázymis sinceritátis et veritátis. Nam sicut módicum fermentum totam farinæ, cui injicitur, massam corrumpit, univérsumque mox conspersiónem suo sapóre commaculat : sic nimirum simulatio, cujus semel ánimum imbúerit, tota virtutum sinceritate et veritate fraudabit. Est ergo sensus : Atténdite ne æmulémini simulatores, quia véniet profecto tempus, in quo et vestra virtus ómnibus, et eórum revelétur hypócrisis.

**R.** Propter testaméntum Dómini, et leges patrénas, sancti Dei perstitérunt in amore fraternitátis : \* Quia unus fuit semper spíritus in eis, et una fides. **V.** Ecce quam bonum et quam jucúndum habitáre fratres in unum. Quia unus.

**Lectio viij.**

**V**ERUM quod séquitur : Quóniam quæ in ténebris dixistis, in lúmine dicéntur : non solum in futúro, quando cuncta córdium abscondita proferéntur ad lucem, sed et in præsénti

témpore potest congruenter accipi : quóniam quæ inter ténebras quondam pressurárum, carcerúmque umbras, vel locúti, vel passi sunt Apóstoli, nunc clarificáta per orbem Ecclésia, lectis eórum áctibus, públice prædicántur. Ne terreámini ab his qui occidunt corpus. Si persecutores sanctorum, occisis corpóribus, non habent ámplius quid contra illos agant ; ergo supervácula furunt insánia, qui mórtua Mártyrum membra feris avibusque discerpénda projiciunt, cum nequáquam omnipoténtiæ Dei, quin ea resuscitando vivíficet, obsistere possint.

**R.** Sancti mei, qui in carne positi, certámen habuístis : \* Mercédem labóris ego reddam vobis. **V.** Veníte benedicti Patris mei, percípite regnum. Mercédem. Glória Patri. Mercédem.

**Lectio ix.**

**D**UO áutem sunt génera persecutorum : unum palam sæviéntium, álterum fecte fraudulentérque blandiéntium. Contra utrúmque nos munire atque institúere volens Salvátor, et supra ab hypócrisi pharisæorum aténdere, et hic a carníficum cæde præcipit non timére : quia videlicet post mortem nec horum crudélitas, nec illórum váleat simulatio duráre. Nonne quinque pásse-res véneunt dipóndio ? Si



minutissima, inquit, animália, et quæ quolibet per aëra feruntur volatilia, Deus oblivisci non potest; vos qui ad imaginem facti estis Creatóris, non debétis ter-

reri ab his, qui occidunt corpus : quia qui irrationalia animália gubernat, rationalia curare non desinit.

Te Deum laudamus. 17.

## COMMUNE CONFESSORIS PONTIFICIS

IN I. VESPERIS

**Ant. de Laud., Psalmi ut in I. Vesp. de Comm. Apost. 1\*. Capitulum. Eccli. 44. c**

**E**CCE sacerdos magnus, qui in diebus suis placuit Deo, et inventus est justus : et in tempore iracundiæ factus est reconciliatio.

**Hymnus.**

**I**STE Confessor Dómini colentes  
Quem pie laudant pópuli per orbem :

Hac die lætus méruit beátas  
Scándere sedes.

**Si non est dies obitus, quod indicant in Propr. litteræ m. t. v., dicitur :**

Hac die lætus méruit supremos

Laudis honóres.

Qui pius, prudens, humilis, pudicus,  
Sóbriam duxit sine labe vitam,

Donec humanos animávit auræ

Spiritus artus.

Cujus ob præstans méritum frequenter,  
Ægra quæ passim jacuere membra,

Viribus morbi dómitis, salúti Restituuntur.

Noster hinc illi chorus obsequentem

Cóncinit láudem, celebrésque palmas;

Ut piis ejus precibus juvemur

Omne per ævum.

Sit salus illi, decus, atque virtus,

Qui super cæli sólio corúscans,

Totius mundi sériem gubernat

Trinus et unus. Amen.

**V.** Amávit eum Dóminus, et ornávit eum. **R.** Stulam glóriæ induit eum.

**Ad Magnif. Ant.** Sacerdos et Póntifex, \* et virtutum ópifex, pastor bone in pópulo, ora pro nobis Dóminum.

**Oratio.**

**D**A, quæsumus omnipotens Deus : ut beáti **N.** Confessoris tui atque Pontificis veneranda solémnitas, et devotióne nobis áugeat et salútem. Per Dóminum.

**Alia Oratio.**

**E**XÁUDI, quæsumus Dómine, preces nostras, quas in beáti **N.** Confessoris

tui atque Pontificis solemnitate deferimus : et qui tibi digne méruit famulári, ejus intercedéntibus méritis ab ómnibus nos absolue peccátis. Per Dóminum.

**Pro Doctoribus in utrisque Vesp.**

**Ad Magnif. Ant.** O Doctor óptime, \* Ecclésiæ sanctæ lumen, beáte **N.**, divinæ legis amátor, deprecáre pro nobis Filium Dei.

**Oratio.**

**D**EUS, qui pópulo tuo æternæ salutis beátum **N.** ministrum tribuisti : præsta, quæsumus; ut quem Doctorem vitæ habuimus in terris, intercessórem habére mereámur in cælis. Per Dñum.

AD MATUTINUM

**Invit.** Regem Confessorum Dóminum, \* Venite, adorémus.

**Ps.** Venite, exultémus. 2.

**Hymnus.** Iste Confessor. ut supra.

IN I. NOCTURNO

**Ant.** Beátus vir, \* qui in lege Dómini meditátur : voluntas ejus pérmanet die ac nocte, et ómnia quæcúmque faciet, semper prosperabúntur.

**Psalmus 1.**

**B**EÁTUS vir, qui non ábiit in consilio impiórum, et in via peccatórum non stetit, \* et in cáthedra pestiléntiæ non sedit :

Sed in lege Dómini voluntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in tēpore suo :

Et fólium ejus non défluet : \* et ómnia quæcúmque faciet prosperabúntur.

Non sic impii, non sic : \* sed tamquam pulvis, quem prójicit ventus a fácie terræ.

Ideo non resúrgent impii in judicio : \* neque peccatóres in concilio justórum.

Quóniam novit Dóminus viam justórum : \* et iter impiórum peribit.

**Ant.** Beátus vir qui in lege Dómini meditátur : voluntas ejus pérmanet die ac nocte, et ómnia quæcúmque faciet, semper prosperabúntur.

**Ant.** Beátus iste sanctus, \* qui confisus est in Dómino, prædicávit præcéptum Dómini, constitútus est in monte sancto ejus.

**Psalmus 2.**

**Q**UARE fremuérunt gentes, \* et pópuli meditáti sunt inánia?

Adstiterunt reges terræ, et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in cælis irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.



Ego áutem constitútus sum  
Rex ab eo super Sion mon-  
tem sanctum ejus, \* prædi-  
cans præcéptum ejus.

Dóminus dixit ad me : \*  
Filius meus es tu, ego hódie  
génui te.

Póstula a me, et dabo tibi  
gentes hereditátem tuam, \*  
et possessionem tuam tér-  
minos terræ.

Reges eos in virga férrea, \*  
et tamquam vas figuli con-  
fringes eos.

Et nunc reges intelligite : \*  
erudimini qui judicátis ter-  
ram.

Servite Dómino in timó-  
re : \* et exsultáte ei cum  
tremóre.

Apprehéndite disciplinam  
nequándo irascátur Dómi-  
nus, \* et pereátis de via  
justa.

Cum exárserit in brevi ira  
ejus, \* beáti omnes, qui con-  
fidunt in eo.

**Ant.** Beátus iste sanctus,  
qui confisus est in Dómino,  
prædicávit præcéptum Dó-  
mini, constitútus est in  
monte sancto ejus.

**Ant.** Tu es glória mea, \*  
tu es suscéptor meus Dó-  
mine : tu exáltans caput  
meum, et exaudisti me de  
monte sancto tuo.

**Psalmus 3.**

**D**ÓMINE quid multiplicáti  
sunt qui tribulant me? \*  
multi insúrgunt advérsus  
me.

Multi dicunt ánimæ meæ : \*  
Non est salus ipsi in Deo ejus.

Tu áutem Dómine suscé-  
ptor meus es, \* glória mea,  
et exáltans caput meum.

Voce mea ad Dóminum  
clamávi : \* et exaudívit me  
de monte sancto suo.

Ego dormivi, et soporá-  
tus sum : \* et exsurrexi,  
quia Dóminus suscepit me.

Non timébo millia pópuli  
circumdántis me : \* exsúrge  
Dómine, salvum me fac  
Deus meus.

Quóniam tu percussísti  
omnes adversátes mihi sine  
cáusa : \* dentes peccatórum  
contrivísti.

Dómini est salus : \* et  
super pópulum tuum bene-  
dictio tua.

**Ant.** Tu es glória mea, tu  
es suscéptor meus Dómine :  
tu exáltans caput meum, et  
exaudisti me de monte sancto  
tuo.

**V.** Amávit eum Dóminus,  
et ornávit eum. **R.** Stulam  
glóriæ induit eum.

Pater noster.

**Absolutio.** Exáudi Dómi-  
ne.

**V.** Jube domne.

**Bened.** Benedictione per-  
pétua.

De Epístola prima beáti Páuli  
Apóstoli ad Timótheum.

**Lectio j. Cap. 3.**

**F**IDÉLIS sermo : Si quis  
episcopátum desiderat,  
bonum opus desiderat. Opór-  
tet ergo episcopum irrepre-  
hensibilem esse, unius uxó-  
ris virum, sóbrium, pru-  
déntem, ornátum, pudicum,

hospitalem, doctorem, non vinolentum, non percussorem, sed modestum; non litigiosum, non cupidum, sed suae domui bene praepositum, filios habentem subditos cum omni castitate. Si quis autem domui suae praeesse nescit, quomodo Ecclesiae Dei diligentiam habebit? Non neophytum: ne in superbiam elatus, in iudicium incidat diaboli. Opórtet autem illum et testimonium habere bonum ab iis qui foris sunt, ut non in opprobrium incidat, et in laqueum diaboli.

**R.** Euge serve bone et fidelis, quia in pauca fuisti fidelis, supra multa te constituam: \* Intra in gaudium domini tui. **Y.** Domine quinque talenta tradidisti mihi, ecce alia quinque superlucratus sum. Intra.

**Bened.** Unigenitus Dei Filius.

De Epístola ad Titum.

**Lectio ij. Cap. 1. b**

**O** PÓRTEt enim episcopum sine crimine esse, sicut Dei dispensatorem: non superbum, non iracundum, non vinolentum, non percussorem, non turpis lucri cupidum: sed hospitalem, benignum, sobrium, iustum, sanctum, continentem, amplectentem eum, qui secundum doctrinam est, fidelem sermonem: ut potens sit exhortari in doctrina sana, et eos, qui contradi-

cunt, arguere. Sunt enim multi etiam inobedientes, vaniloqui, et seductores: maxime qui de circumcissione sunt: quos opórtet redargui: qui universas domos subvertunt, docentes quae non opórtet, turpis lucri gratia.

**R.** Ecce sacerdos magnus, qui in diebus suis placuit Deo: \* Ideo iurejurando fecit illum Dominus crescere in plebem suam. **V.** Benedictiorem omnium gentium dedit illi, et testamentum suum confirmavit super caput ejus. Ideo.

**Bened.** Spiritus sancti gratia.

**Lectio iij. Cap. 2.**

**T**U autem loquere quae decent sanam doctrinam: Senes ut sobrii sint, pudici, prudentes, sani in fide, in dilectione, in patientia: Anus similiter in habitu sancto, non criminatrices, non multo vino serviētes, bene docentes: ut prudentiam doceant adolescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Juvēnes similiter hortare ut sobrii sint. In omnibus te ipsum praebe exemplum bonorum operum, in doctrina, in integritate, in gravitate, verbum sanum, irreprehensibile: ut is, qui ex



adverso est, vereatur, nihil habens malum dicere de nobis.

**R.** Juravit Dominus, et non poenitebit eum : \* Tu es sacerdos in æternum secundum ordinem Melchisedech. **Y.** Dixit Dominus Domino meo : Sede a dextris meis. Tu. Glória Patri. Tu.

#### IN II. NOCTURNO

**Ant.** Invocantem \* exaudivit Dominus sanctum suum, Dominus exaudivit eum, et constituit eum in pace.

#### Psalmus 4.

**C**UM invocarem exaudivit me Deus justitiæ meæ : \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et queritis mendacium?

Et scitote quoniam mirificavit Dominus sanctum suum : \* Dominus exaudiet me cum clamavero ad eum.

Irascimini, et nolite peccare : \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. \* Multi dicunt : Quis ostendit nobis bona?

Signatum est super nos lumen vultus tui Domine : \* dedisti lætitiā in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam;

Quoniam tu Domine singulariter in spe \* constituisti me.

**Ant.** Invocantem exaudivit Dominus sanctum suum, Dominus exaudivit eum, et constituit eum in pace.

**Ant.** Lætentur omnes, \* qui sperant in te Domine : quoniam tu benedixisti iusto, scuto bonæ voluntatis tuæ coronasti eum.

#### Psalmus 5.

**V**ERBA mea auribus percipe Domine, \* intellige clamorem meum.

Intende voci orationis meæ, \* Rex meus et Deus meus.

Quoniam ad te orabo : \* Domine mane exaudies vocem meam.

Mane adstabo tibi et videbo : \* quoniam non Deus volens iniquitatem tu es.

Neque habitabit juxta te malignus : \* neque permanent injusti ante oculos tuos.

Odisti omnes, qui operantur iniquitatem : \* perdes omnes, qui loquuntur mendacium.

Virum sanguinum et dolosum abominabitur Dominus : \* ego autem in multitudine misericordiæ tuæ.

Introibo in domum tuam : \* adorabo ad templum sanctum tuum in timore tuo.

Domine deduc me in justitia tua : \* propter inimicos

meos dirige in conspéctu tuo  
viam meam.

Quóniam non est in ore  
eórum véritas : \* cor eórum  
vanum est.

Sepúlcrum patens est gut-  
tur eórum, linguis suis do-  
lósé agébant, \* júdica illos  
Deus.

Décidant a cogitatióibus  
suis, secúndum multítu-  
dinem impietátum eórum  
expélle eos, \* quóniam irri-  
tavérunt te Dómine.

Et læténtur omnes, qui  
sperant in te, \* in ætérnum  
exsultábunt : et habitábis in  
eis.

Et gloriabúntur in te  
omnes, qui diligunt nomen  
tuum, \* quóniam tu bene-  
dices justo.

Dómine, ut scuto bonæ  
voluntátis tuæ \* coronásti  
nos.

**Ant.** Læténtur omnes, qui  
sperant in te Dómine : quó-  
niam tu benedixisti justo,  
scuto bonæ voluntátis tuæ  
coronásti eum.

**Ant.** Dómine Dóminus  
noster, \* quam admirábile  
est nomen tuum in univérsa  
terra! quia glória et honóre  
coronásti sanctum tuum, et  
constituisti eum super ópera  
mánuum tuárum.

**Psalmus 8.**

**D**ÓMINE Dóminus noster, \*  
quam admirábile est  
nomen tuum in univérsa  
terra!

Quóniam eleváta est ma-  
gnificéntia tua, \* super cælos.

Ex ore infántium et lactén-  
tium perfecisti láudem pro-  
pter inimícos tuos, \* ut  
déstruas inimicum et ultó-  
rem.

Quóniam vidébo cælos  
tuos, ópera digitórum tuó-  
rum : \* lunam et stellas, quæ  
tu fundásti.

Quid est homo, quod  
memor es ejus? \* aut filius  
hóminis, quóniam visitas  
eum?

Minuísti eum páulo minus  
ab Angelis, glória et honóre  
coronásti eum : \* et consti-  
tuisti eum super ópera má-  
nuum tuárum.

Omnia subjecisti sub pedi-  
bus ejus, \* oves et boves  
univérsas : insuper et pécora  
campi.

Vólucres cæli, et pisces  
maris, \* qui perámbulant  
sémitas maris.

Dómine Dóminus noster, \*  
quam admirábile est nomen  
tuum in univérsa terra!

**Ant.** Dómine Dóminus no-  
ster, quam admirábile est  
nomen tuum in univérsa  
terra! quia glória et honóre  
coronásti sanctum tuum, et  
constituisti eum super ópera  
mánuum tuárum.

Ÿ. Elégit eum Dóminus  
sacerdótem sibi. R. Ad sa-  
crificándum ei hóstiam láu-  
dis.

Pater noster.

**Absolutio.** Ipsius pietas.

Ÿ. Jube domne.

**Bened.** Deus Pater omni-  
potens.



Sermo sancti Máximi  
Episcopi.

Homil. 59., quæ est 2.  
de S. Eusebio Vercellensi.

Lectio iv.

**A**d sancti ac beatissimi Patris nostri **N.**, cujus hódie festa celebrámus, láudes addidisse áliquíd, decerpísse est : síquidem virtútum ejus grátia non sermónibus exponénda est, sed opéribus comprobánda. Cum enim dicat Scriptúra : Glória patris est filius sapiens : quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos genuit.

**R.** Invéni David, servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

**Bened.** Christus perpétuæ.

Lectio v.

**Q**UIDQUID ígitur in hac sancta plebe potest esse virtútis et grátiae, de hoc quasi quodam fonte lucidissimo, ómnium rivulórum púritas emanávit. Etenim quia castitátis pollébat vigóre, quia abstinéntiæ gloriabátur angústiiis, quia blandiméntis erat præditus lenitátis, ómnium civium in Deum provocávit afféctum : quia Pontificis administra-

tióne fulgébat, plures e discipulis reliquit sui sacerdotii successóres.

**R.** Pósuí adjutórium super poténtem, et exaltávi electum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

**Bened.** Ignem sui amóris.

Lectio vj.

**B**ENE et cógrue in hac die, quam nobis beáti Patris nostri **N.** ad paradísium tránsitus exsultábilem reddit, præsentis Psalmi versículum decantávimus : In memória æténa erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus : Ne láudes hóminem in vita sua : tamquam si diceret : Láuda post vitam, magnífica post consummationem. Duplici enim ex cáusa utilius est hóminum magis memóriæ láudem dare, quam vitæ ; ut illo potíssimum témpore mérita sanctitátis extóllas, quando nec laudántem adulatio movet, nec laudátum tentet elátio.

**R.** Iste est qui ante Deum magnas virtútes operátus est, et omnis terra doctrina ejus repléta est : \* Ipse intercedat pro peccátis ómnium populórum. **V.** Iste est qui contémpsit vitam mundi, et pervénit ad cæléstia regna. Ipse. Glória Patri. Ipse.

## IN III. NOCTURNO

**Ant.** Dómine, \* iste sanctus habitábit in tabernáculo tuo, operátus est justítiam, requiescet in monte sancto tuo.

**Psalmus 14.**

**D**ÓMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad nihilum dedúctus est in conspéctu ejus malignus : \* tíméntes áutem Dóminum glorificat :

Qui jurat próximo suo, et non decipit, \* qui pecúniám suam non dedit ad usúram, et múnera super innocéntem non accépit :

Qui facit hæc, \* non movébitur in ætérnum.

**Ant.** Dómine, iste sanctus habitábit in tabernáculo tuo, operátus est justítiam, requiescet in monte sancto tuo.

**Ant.** Vitam pétiiit \* a te, et tribuisti ei Dómine : glóriam et magnum decórem imposuisti super eum : posuisti in cápíte ejus corónam de lapide pretiósó.

**Psalmus 20.**

**D**ÓMINE in virtúte tua lætábitur rex : \* et super

salutáre tuum exsultábit veheménter.

Desidérium cordis ejus tribuisti ei : \* et voluntáte labiórurn ejus non fraudásti eum.

Quóniam prævenísti eum in benedictiónibus dulcedínis : \* posuísti in cápíte ejus corónam de lapide pretiósó.

Vitam pétiiit a te : \* et tribuisti ei longitúdinem dierum in sæculum, et in sæculum sæculi.

Magna est glória ejus in salutári tuo : \* glóriam et magnum decórem impónes super eum.

Quóniam dabis eum in benedictiónem in sæculum sæculi : \* lætificábis eum in gáudio cum vultu tuo.

Quóniam rex sperat in Dómino : \* et in misericórdia Altissimi non commovébitur.

Inveniátur manus tua ómnibus inimícis tuis : \* dextera tua invéniat omnes, qui te odérunt.

Pones eos ut clibanum ignis in témpore vultus tui : \* Dóminus in ira sua conturbábit eos, et devorábit eos ignis.

Fructum eórum de terra perdes : \* et semen eórum a filiis hóminum.

Quóniam declinavérunt in te mala : \* cogitavérunt consília, quæ non potuérunt stabilire.

Quóniam pones eos dorsum : \* in reliquiis tuis præparábis vultum eórum.



Exaltáre Dómine in virtúte tua : \* cantábimus et psallémus virtútes tuas.

**Ant.** Vitam pétiit a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lápide pretiósó.

**Ant.** Hic accipiet \* benedictionem a Dómino, et misericórdiam a Deo salutári suo : quia hæc est generatio quæréntium Dóminum.

**Psalmus 23.**

**D**ÓMINI est terra, et plentúdo ejus : \* orbis terrárum, et univérsti qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accipiet benedictionem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium faciém Dei Jacob.

Attóllite portas principes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas principes vestras, et elevámini portæ

æternáles : \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

**Ant.** Hic accipiet benedictionem a Dómino, et misericórdiam a Deo salutári suo : quia hæc est generatio quæréntium Dóminum.

**V.** Tu es sacerdos in ætérnum. **R.** Secúndum órđinem Melchisedech.

Pater noster.

**Absolutio.** A vinculis.

**V.** Jube domne.

**Bened.** Evangélica léctio. Léctio sancti Evangélii secúndum Matthæum.

**Lectio vij. Cap. 25. b**

**I**N illo témpore : Dixit Jesus discipulis suis parábolam hanc : Homo péregre proficiscens, vocávit servos suos, et trádedit illis bona sua. Et réliqua.

Homília sancti Gregórii Papæ.

**Homil. 9. in Evang.**

**L**ÉCTIO sancti Evangélii, fratres caríssimi, solícite consideráre nos ádmonet, ne nos, qui plus cæteris in hoc mundo accepisse áliquid cérnimur, ab auctóre mundi grávius inde judicémur. Cum enim augéntur dona, ratiónes étiam crescunt donórum. Tanto ergo esse humilior, atque ad serviéndum Deo prómptior quisque debet ex múnere, quanto se obligatiórem esse cónspicit in reddénda ra-

tióne. Ecce homo qui peregrefr proficiscitur, servos suos vocat, eisque ad negotium talénta partitur. Post multum vero témporis positurus ratióne revértitur. Bene operántes pro apportáto lucro remunérat, servum vero a bono ópere torpéntem damnat.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum.

**V.** Induit eum Dóminus lorricam fidei, et ornávit eum. Et.

**Bened.** Cujus festum cólimus.

#### Lectio viij.

**Q**uis itaque iste homo est, qui peregrefr proficiscitur, nisi Redémptor noster, qui in ea carne quam assúmpserat, ábiit in cælum? Carnis enim locus próprius terra est; quæ quasi ad peregrína dúcitur, dum per Redemptórem nostrum in cælo collocátur. Sed homo iste peregrefr proficiscens, servissuis bona sua trádidit, quia fidélibus suis spirituália dona concéssit. Et uni quidem quinque talénta, álii duo, álii vero commisit unum. Quinque etenim sunt córporis sensus, vidélicet : visus, auditus, gustus, odorátus, et tactus. Quinque ergo taléntis, donum quinque sensuum, id est, exteriorum sciéntia exprimitur. Duóbus vero, intelléctus et operatio

designátur. Unius áutem talénti nómine, intelléctus tantúmmodo designátur.

**R.** Sint lumbi vestri præcincti, et lucernæ ardéntes in manibus vestris : \* Et vos similes hominibus expectántibus dóminum suum, quando revertátur a núptiis.

**V.** Vigiláte ergo, quia nescitis qua hora Dóminus vester ventúrus sit. Et. Glória. Et.

**Bened.** Ad societátem.

#### Lectio ix.

**S**ED is, qui quinque talénta accepérat, ália quinque lucrátus est : quia sunt nonnúllo, qui etsi intérna ac mýstica penetráre nesciunt, pro intentióne tamen supérnæ pátriæ docent recta quos possunt, de ipsis exterioribus, quæ accepérunt, duplum taléntum portant : dumque se a carnis petulantia, et a terrenarum rerum ámbitu, atque a visibilium voluptáte custódiunt, ab his étiam álios admonéndo compescunt. Et sunt nonnúllo, qui quasi duóbus taléntis ditáti, intelléctum atque operatióne percipiunt, subtilia de intéris intéligunt, mira in exterioribus operántur. Cumque et intelligéndo et operádo áliis prædicant, quasi duplicátum de negotio lucrum repórtant.

Te Deum laudámus. 17.

AD LAUDES

ET PER HORAS

**Ant. 1** Ecce sacérdos magnus, \* qui in diébus suis



plácuit Deo, et invéntus est justus.

**Psalm.** Dóminus regnávít. **cum reliq.** 18.

2. Non est invéntus \* similis illi, qui conserváret legem Excélsi.

3. Ideo jurejurándo \* fecit illum Dóminus créscere in plebem suam.

4. Sacerdótes Dei \* benedicite Dóminum : servi Dómini hymnum dicite Deo, allelúia.

5. Serve bone \* et fidélis, intra in gáudium Dómini tui.

**Capitulum.** **Eccli.** 44. c

**E**CCE sacérdos magnus, qui in diébus suis plácuit Deo, et invéntus est justus : et in témpore iracúndiæ factus est reconciliátio.

**Hymnus.**

**J**ESU Redémptor ómnium,  
Perpes coróna Præsum,  
In hac die cleméntius  
Indúlgeas precántibus.

Tui sacri qua nóminis  
Conféssor almus cláruit  
Hujus celebrat ánnua  
Devóta plebs solémnia.

Qui rite mundi gáudia  
Hujus cadúca réspuens,  
Æternitátis præmio  
Potitur inter Angelos.

Hujus benígnus ánnue  
Nobis sequi vestigia :  
Hujus precátu sérvulis  
Dimitte noxam críminis.

Sit Christe Rex piissi-  
me  
Tibi, Patrique glória,

Cum Spíritu Paráclito,  
Nunc et per omne sáeculum.  
Amen.

Ÿ. Justum dedúxit Dóminus per vias rectas. **R.** Et osténdit illi regnum Dei.

**Ad Bened. Ant.** Euge serve bone \* et fidélis, quia in páuca fuisti fidélis, supra multa te constituam, dicit Dóminus.

**Oratio.**

**D**A, quæsumus omnípotens Deus : ut beáti **N.** Confessoris tui atque Pontificis veneránda solémnitas, et devotiónem nobis áugeat, et salútem. Per Dóminum.

**Alia Oratio.**

**E**XÁUDI, quæsumus Dómine, preces nostras, quas in beáti **N.** Confessoris tui atque Pontificis solemnitate deférimus : et qui tibi digne mérui famulári, ejus intercedéntibus méritis ab ómnibus nos absólve peccátis. Per Dóminum.

**Pro Doctore. Oratio.**

**D**EUS, qui pópulo tuo æternæ salútis beátum **N.** ministrum tribuísti : præsta, quæsumus ; ut, quem Doctórem vitæ habúimus in terris, intercessórem habére mereámur in cælis. Per Dóminum.

AD TERTIAM

**Ant.** Non est invéntus.

**Capit.** Ecce sacérdos.

**R. br.** Amávit eum Dóminus, \* Et ornávit eum. Amávit. **Ÿ.** Stolum glóriæ induit eum. Et. Glória. Amávit.

Ÿ. Elégit eum Dóminus sacerdotem sibi. *R.* Ad sacrificándum ei hóstiam láudis.

*Tempore Paschali.*

*R. br.* Amávit eum Dóminus, et ornávit eum, \* Allelúia, allelúia. Amávit. *Ÿ.* Stolum glóriæ induit eum. Allelúia, allelúia. Glória Patri. Amávit.

Ÿ. Elégit eum Dóminus sacerdotem sibi, allelúia. *R.* Ad sacrificándum ei hóstiam láudis, allelúia.

AD SEXTAM

*Ant.* Ideo jurejurádo.

*Capitulum. Eccli. 44. c*

**N**on est invéntus similis illi, qui conserváret legem Excélsi : ideo jurejurádo fecit illum Dóminus créscere in plebem suam.

*R. br.* Elégit eum Dóminus \* Sacerdotem sibi. Elégit. *Ÿ.* Ad sacrificándum ei hóstiam láudis. Sacerdotem. Glória Patri. Elégit.

Ÿ. Tu es sacerdos in ætérnum. *R.* Secúndum órđinem Melchisedech.

*Tempore Paschali.*

*R. br.* Elégit eum Dóminus sacerdotem sibi, \* Allelúia, allelúia. Elégit. *Ÿ.* Ad sacrificándum ei hóstiam láudis. Allelúia, allelúia. Glória Patri. Elégit.

Ÿ. Tu es sacerdos in ætérnum, allelúia. *R.* Secúndum órđinem Melchisedech, allelúia.

AD NONAM

*Ant.* Serve bone.

*Capitulum. Eccli. 45. c*

**F**ungi sacerdotio, et habere láudem in nómine ipsius, et offerre illi incensum dignum in odórem suavitátis.

*R. br.* Tu es sacerdos \* In ætérnum. Tu. *Ÿ.* Secúndum órđinem Melchisedech. In. Glória Patri. Tu.

Ÿ. Justum dedúxit Dóminus per vias rectas. *R.* Et osténdit illi regnum Dei.

*Tempore Paschali.*

*R. br.* Tu es sacerdos in ætérnum, \* Allelúia, allelúia. Tu. *Ÿ.* Secúndum órđinem Melchisedech. Allelúia, allelúia. Glória Patri. Tu.

Ÿ. Justum dedúxit Dóminus per vias rectas, allelúia. *R.* Et osténdit illi regnum Dei, allelúia.

IN II. VESPERIS

*Ant. de Laud. Pss. ut in I. Vesp. de Comm. Apost. 1\*, et loco ult.*

*Psalms 131.*

**M**emento Dómine David, \* et omnis mansuetúdinis ejus :

Sicut jurávit Dómino, \* votum vovit Deo Jacob :

Si introiero in tabernáculum domus meæ, \* si ascéndero in lectum strati mei :

Si dédero somnum óculis meis, \* et pálpebris meis dormitatióem :

Et réquiem tempóribus meis : donec invéniam locum Dómino, \* tabernáculum Deo Jacob.



Ecce audivimus eam in Ephrata : \* invénimus eam in campis silvæ.

Introibimus in tabernaculum ejus : \* adorábitus in loco, ubi steterunt pedes ejus.

Surge Dómine in réquiem tuam, \* tu et arca sanctificatióis tuæ.

Sacerdótes tui induántur justítiam : \* et sancti tui exsúltent.

Propter David servum tuum, \* non avértas fáciem Christi tui.

Jurávit Dóminus David veritátem, et non frustrábitur eam : \* de fructu ventris tui ponam super sedem tuam.

Si custodierint filii tui testamentum meum, \* et testimónia mea hæc, quæ docebo eos :

Et filii eórum usque in sæculum, \* sedébunt super sedem tuam.

Quóniam elégit Dóminus Sion : \* elégit eam in habitatióem sibi.

Hæc réquies mea in sæculum sæculi : \* hic habitábo quóniam elégi eam.

Viduam ejus benedicens benedicam : \* páuperes ejus saturábo pánibus.

Sacerdótes ejus induam salutári, \* et sancti ejus exultatióne exsultábunt.

Illuc producam cornu David, \* parávi lucérnam Christo meo.

Inimicos ejus induam con-

fusióne : \* super ipsum autem efflorebit sanctificatió mea.

Capit. et Hymn. ut in I. Vesp.

Ÿ. Justum deduxit Dóminus per vias rectas. R. Et osténdit illi regnum Dei.

Ad Magnif. Ant. Amávit eum Dóminus, \* et ornávit eum : stolam glóriæ induit eum, et ad portas paradisi coronávit eum.

Sequens Ant. dicitur ad Magnif. in II. Vesp. pro solis summis Pontificibus.

Ant. Dum esset summus Póntifex, \* terréna non méruit, sed ad cæléstia regna gloriósus migrávit.

Si occurrat celebrari Festum plur. Pont. et Conf., Officium fit ut supra : sed in Oratione et Sermone, quæ ponuntur in singulari, dicantur in plurali; et in I. Nocturno leguntur sequentes Lectiones de Scriptura.

De libro Ecclesiástici.

Lectio j. Cap. 44.

**L**AUDÉMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómines magni virtúte, et prudéntia sua præditi, nuntiántes in Prophétis dignitátem Prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes

modos músicos, et narrantes cármina scripturarum.

**R.** Euge serve bone et fidelis, quia in páuca fuisti fidelis, supra multa te constituam : \* Intra in gáudium dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

### Lectio ij.

**H**ÓMINES divites in virtúte, pulchritúdinis stúdiū habéntes : pacificántes in dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérunt nomen narrandi láudes eórum : et sunt quorum non est memó ria : periérunt quasi qui non fuérunt : et nati sunt, quasi non nati, et filii ipsórum cum ipsis.

**R.** Ecce sacérdos magnus, qui in diébus suis plácuit Deo : \* Ideo jurejurando fecit illum Dóminus crescere in plebem suam. **V.** Benedictiónem ómnium gén tium dedit illi, et testaméntum suum confirmávit super caput ejus. Ideo jurejurando.

### Lectio iij.

**S**ED illi viri misericórdiæ sunt, quorum pietátes non defuérunt : cum sémine eórum pérmanent bona, heréditas sancta nepótes eórum et in testaméntis stetit semen eórum : et filii eórum pro-

pter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatió nem et generatió nem. Sapiéntiam ipsórum narrent pópuli, et láudem eórum núntiet Ecclésia.

**R.** Jurávit Dóminus. 71\*.

## II. ALIÆ LECTIONES PRO PONTIFICIBUS ET CONFESSORIBUS

### IN II. NOCTURNO

Sermo sancti Máximi  
Episcopi.

Ex Homil. 59., de S. Eusebio. 2.

### Lectio iv.

**B**EÁTI Patris **N.** mérita jam in tuto pósita secúri magnificémus : qui gubernáculum fidei viriliter tenens, áncoram spei tranquilla jam in statióne compósuit, et plenam cæléstibus divitiis et ætérnis mércibus navem optáto in líttore collocávit : quicontra omnes adversários scutum timóris Dei támdiu infatigabiliter ténu it, donec ad victóriam perveniret. Quid enim fuit totus vitæ illius cursus, nisi unus cum vigili hoste conflictus?

**R.** Invéni David servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.



## Lectio v.

**Q**UANTIS hic cæcis a via veritatis errantibus, et de summa jam in profundum rupe pendentibus amissum reddidit visum, et illum, quo Christus videretur, reparavit intuitum? Quantorum auribus surdis, et infidelitatis obturatione damnatis, ad percipiendam vocem cælestium mandatorum, pretiosum infudit auditum, ut vocanti Deo ad misericordiam responderent per obedientiam? Quantos intrinsecus vulneratos, angelici oris arte et orationum, ab infirmitate curavit?

**R.** Pósuí adjutórium super poténtem, et exaltávi eléctum de plebe mea : \* Manus enim mea auxiliábitur ei. **v.** Inveni David servum meum, óleo sancto meo unxi eum. Manus.

## Lectio vj.

**Q**UANTOS per longam incuriam peccati labe resolutos, et quadam lepræ contagione perfusos, castigatiónibus et exhortatiónibus expiando, Deo in se operante, mundavit? Quantorum ánimas vivéntes in corpore jam defunctas, et delictórum mole óbrutas ac sepultas, ad emendatiónem tamquam ad lucem vocando, Deo resuscitavit : ut Dómini sui admirándus imitátor, jam mórtuas Deo, e contrario mortificet vitáli morte peccáto?

**R.** Iste est qui ante Deum magnas virtutes operatus est, et omnis terra doctrina ejus repléta est : \* Ipse intercedat pro peccátis ómnium populórum. **v.** Iste est qui contempsit vitam mundi, et pervénit ad cælestia regna. Ipse. Glória Patri. Ipse.

## IN III. NOCTURNO

Léctio sancti Evangélíi secúndum Matthæum.

## Lectio vij. Cap. 24. d

**I**n illo témpore : Dixit Jesus discipulis suis : Vigiláte, quia nescitis qua hora Dóminus vester ventúrus sit. Et réliqua.

Homilia sancti Hilárii  
Episcopi.

Comment. in Matth. cap. 26..  
in fine.

**U**T ignorántiam illam diéi ómnibus táciti, non sine útilis siléntii ratióne esse scirémus, vigiláre nos Dóminus propter advéntum furis admónuit, et oratiónum assiduitáte deténtos, ómnibus præceptórum suórum opéribus inhærére. Furem enim esse osténdit zábulum, ad detrahénda ex nobis spólia pervigilem, et córporum nostrórum dómibus insidiántem : ut ea incuriósus nobis, et somno déditis, consiliórum suórum atque illecebrárum jáculis perfódiat. Parátos igitur esse nos cónvenit, quia diéi ignorátio inténtam sollicitúdinem suspénsæ expectatiónis exágitet.

**R̃.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. **Ṽ.** Induit eum Dóminus lorricam fidei, et ornávit eum. Et.

**Lectio viij. Cap. 27.**

**Q**UISNAM est fidélis servus et prudens, quem constituit Dóminus super familiam suam? Quamquam in commúne nos ad indeféssam vigilántiæ curam adhortétur: speciálem tamen pópuli princípibus, id est, episcopis, in exspectatióne adventúque suo sollicitúdinem mandat. Hunc enim servum fidélem atque prudéntem, præpósitum familiæ significat, cómmoda atque utilitatés commissi sibi pópuli curántem. Qui si dicto áudiens, et præcéptis obédiens erit, id est, si doctrínæ opportunitáte et veritáte infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque immoransprehendátur, glóriam a Dómino tamquam dispensátor fidélis, et villicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

**R̃.** Sint lumbi vestri præcincti, et lucérnæ ardéntes in mánibus vestris: \* Et vos símiles homínibus exspe-

ctántibus dóminum suum, quando revertátur a núptiis. **Ṽ.** Vigiláte ergo, quia nescitis qua hora Dóminus vester ventúrus sit. Et. Glória. Et.

**Lectio ix.**

**Q**UOD si cóntuens longam Dei patiéntiam, quæ in proféctum humánæ salútis exténditur, advérsus consérvos insoléscet, et sæculi malis vitiisque se tradet, præsentium tantum curam in cultu ventris exercens: desperáta die Dóminus advéniet, eúmque a bonis quæ spopónderat, dívidet, portionémque ejus cum hypócritis in pœnæ æternitáte constituet: quia advéntum desperáverit, quia mandátis non obtemperáverit, quia præsentibus studúerit, quia vita géntium vixerit, quia desperatióne judicii commissam sibi familiam fame, siti, cæde vexáverit.

Te Deum laudámus. 17.

**PRO DOCTORIBUS**

*Ad Magnif., in utrisque Vesp. Ant.* O Doctor óptime, \* Ecclésiæ sanctæ lumen, beáte **N.**, divinæ legis amátor, deprecáre pro nobis Fílium Dei.

**Oratio.**

**D**EUS, qui pópulo tuo æternæ salútis beátum **N.** ministrum tribuísti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per.



Lect. seq. leguntur in Fest. Doct. Offic. autem in illis fit de Conf. Pont. vel non Pont., pro qualitate Festi.

IN I. NOCTURNO  
De libro Ecclesiastici.

Lectio j. Cap. 39.

**S**APIÉNTIAM ómnium antiquórum exquiret sapiens, et in prophétis vacabit. Narrationem virórum nominatórum conservabit, et in versútias parabolárum simul introibit. Occulta proverbiorum exquiret, et in absconditis parabolárum conversabitur. In médio magnatórum ministrabit, et in conspéctu præsidis apparebit. In terram alienigenárum géntium pertransiet : bona enim et mala in hominibus tentabit.

**R.** Euge serve bone et fidelis, quia in páuca fuisti fidelis, supra multa te constitutam : \* Intra in gáudium Dómini tui. **V.** Dómine quinque talénta tradidisti mihi, ecce ália quinque superlucratus sum. Intra.

Lectio ij.

**C**OR suum tradet ad vigiliándum dilúculo ad Dóminum, qui fecit illum, et in conspéctu Altíssimi deprecabitur. Apériet os suum in oratione, et pro delictis suis deprecabitur. Si enim Dóminus magnus volúerit, spiritu intelligentiæ replébit illum : et ipse tamquam imbres mittet elóquia sapiéntiæ suæ, et

in oratione confitébitur Dómino : et ipse diriget consilium ejus, et disciplinam, et in absconditis suis consiliabitur.

Pro Doctore Pontifice.

**R.** Ecce sacérdos magnus, qui in diébus suis plácuit Deo : \* Ideo jurejurádo fecit illum Dóminus créscere in plebem suam. **V.** Benedictionem ómnium géntium dedit illi, et testaméntum suum confirmávit super caput ejus. Ideo.

Pro Doctore non Pontifice.

**R.** Justus germinabit sicut lílium : \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et.

Lectio iij.

**I**PSE palam faciet disciplinam doctrinæ suæ, et in lege testaménti Dómini gloriabitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et láudem ejus enuntiábit Ecclésia.

Pro Doctore Pontifice.

**R.** Jurávit Dóminus. 71\*.

Pro Doctore non Pontifice.

**R.** Iste cognóvit. 91\*.

IN II. NOCTURNO

Ex libro Morálium sancti Gregórii Papæ.

Lectio iv. Lib. 9. cap. 6.

**Q**UI post Oríonas Hýadum nómine, nisi Doctóres

sanctæ Ecclesiæ designantur? Qui subductis Martýribus, eo jam tẽpore ad mundi notítiam venérunt, quo fides clárius elúcet, et représsa infidelitátis hieme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclesiæ orti sunt, cum ei jam per credulitátis verum lucídior annus aperitur.

#### Pro Doctore Pontifice.

**R.** Invéni David, servum meum, óleo sancto meo unxi eum : \* Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

#### Pro Doctore non Pontifice.

**R.** Honéstum fecit illum Dóminus, et custodívit eum ab inimícis, et a seductóribus tutávit illum : \* Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

#### Lectio v.

**N**EC immérito Doctóres sancti Hýadum nuncupatióne signántur. Græco quippe elóquio hýetos plúvia vocátur : et Hýades nomen a plúviis acceperunt, quia ortæ procul dúbio imbres ferunt. Bene ergo Hýadum appellatióne expréssi sunt, qui ad statum universális Ecclesiæ, quasi in cæli fáciem dedúcti, su-

per aréntem terram humáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Móyses mínime dixisset : Exspectétur sicut plúvia elóquium meum : et nequáquam per Isaiam Véritas diceret : Mandábo núbibus meis, ne pluant super eam imbrem : atque hoc, quod páulo ante protúlimus : Quamóbrem prohibítæ sunt stellæ pluviárum.

#### Pro Doctore Pontifice.

**R.** Pósui adjutórium super poténtem, et exaltávi eléctum de plebe mea : \* Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

#### Pro Doctore non Pontifice.

**R.** Amávit eum Dóminus, et ornávit eum : stolam glóriæ induit eum, \* Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

#### Lectio vj.

**D**UM ergo Hýades cum plúviis véniunt, ad cæli spátia altióra sol dúcitur : quia apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius



ardémus. Dumque per eos diébus singulis magis magisque sciéntia cæléstis osténditur, quasi intérni nobis lúminis vernum tempus aperitur : ut novus sol nostris méntibus rúilet, et eórum verbis nobis cógnitus seipso quotidie clárior micet. Urgénte etenim mundi fine, supérna sciéntia próficit, et lárgeius cum témpore excre-scit.

**Pro Doctore Pontifice.**

**R.** Iste est. 73\*.

**Pro Doctore non Pontifice.**

**R.** Iste homo. 94\*.

IN III. NOCTURNO

Léctio sancti Evangélíi se-cúndum Matthæum.

**Lectio vij. Cap. 5. b**

**I**N illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Augustini  
Episcopi.

**Lib. 1. de Serm. Domini in monte. Cap. 6. Tom. 4.**

**O**STÉNDIT Dóminus, fátuos esse judicádos, qui temporálium bonórum vel cópiam sectántes, vel inópíam metuéntes, amíttunt ætérra, quæ nec dari possunt ab homínibus, nec áu-férri. Itaque si sal infatuátum fúerit, in quo saliétur? Id est, si vos, per quos condiéndi sunt quodámmodo pópuli, metu persecutiónum temporálium amisérítis re-gna cælórum; qui erunt hó-

mines, per quos a vobis error auferátur, cum vos elégerit Deus, per quos errórem áuferat cæterórum?

**Pro Doctore Pontifice.**

**R.** Amávit eum Dóminus, et ornávit eum : stolam gló-riæ induit eum, \* Et ad por-tas paradísi coronávit eum. **V.** Induit eum Dóminus lori-cam fidei, et ornávit eum. Et.

**Pro Doctore non Pontifice.**

**R.** Iste est qui ante Deum magnas virtútes operátus est, et de omni corde suo laudávit Dóminum : \* Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

**Lectio viij.**

**E**RGÓ ad nihilum valet sal infatuátum, nisi ut mit-tátur foras, et calcétur ab homínibus. Non itaque calcátur ab homínibus, qui pátitur persecutiónem : sed qui persecutiónem timéndo infatuátur. Calcári enim non potest nisi inférior : sed inférior non est, qui quamvis córpore multa in terra susti-neat, corde tamen fixus in cælo est.

**R.** In médio Ecclésiæ apé-ruit os ejus, \* Et implévit eum Dóminus spíritu sapién-tiæ et intelléctus. **V.** Jucun-ditátem et exsultatiónem the-saurizávit super eum. Et. Glória Patri. Et.

## Lectio ix.

**V**os estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndā est, quam pédibus corpóreis calcámus : sed hómines qui in terra hábitant, vel étiam peccatóres, quorum condiéndis et exstinguéndis putóribus apostólicum salem Dóminus misit. Et hic mundum non cælum et terram, sed hómines, qui sunt in mundo, vel diligunt mundum, opórtet intélligi, quibus illuminándis Apóstoli missi sunt. Non potest civitas abscondi super montem pósita : id est, fundáta super insignem magnámque justitiam, quam significat étiam ipse mons, in quo disputat Dóminus.

Te Deum laudámus. 17.

## II. ALIA HOMILIA

Léctio sancti Evangélíi secúndum Matthæum.

Lectio vij. Cap. 5. b

**I**n illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Hilárii  
Episcopi.

Comm. in Matthæum, cap. 5.

**V**os estis sal terræ : quod si sal infatuátum fúerit, ad nihilum valet id quod saliétur. Sal, ut árbítror, terræ nullum est. Quómodo

ergo Apóstolos sal terræ nuncupávit? Sed proprietas est quærénda dictórum, quam et Apostolórum officium, et ipsius salis natúra monstrábit. Sal est in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice.

Ṛ. Amávit eum. 85\*.

Pro Doctore non Pontifice.

Ṛ. Iste est qui. 85\*.

## Lectio viij.

**H**ic igitur in omnem usum húmáni géneris efféctus, incorruptiónem corpóribus, quibus fúerit aspérsus, impértit, et ad omnem sensum conditi sapóris aptíssimus est. Apóstoli áutem sunt rerum cæléstium prædicatóres, et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. † Mérito igitur sal terræ nuncupáti sunt, per doctrinæ virtútem saliéndi modo æternitáti córpora reservántes.

Ṛ. In médio Ecclésiæ. 85\*.

## Lectio ix.

**S**ED natúra salis semper éadem est, nec immutári umquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit : ideo eos sal terræ nuncupátos monet in tráditæ sibi potestátis virtúte persistere, ne infatuáti nihil sáliant, et ipsi, sensu accépti sapóris amísso,



vivificáre corrúpta non possint, et projecti de Ecclesiæ promptuáriis, cum his quos salierint, pédibus incedéntium proterántur.

Te Deum laudámus. 17.

### III. ALIA HOMILIA

Léctio sancti Evangélii secúndum Matthæum.

*Lectio vij. Cap. 5. b*

**I**N illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Joánnis Chrysóstomi.

*Homilia 15. in Matthæum, sub medium.*

**A**TTÉNDITE quid dixerit, Vos estis sal terræ : per quod osténdit quam necesário ista præcípiat. Non enim de vestra, inquit, tantúmmodo vita, sed de univérso orbe vobis rátio redédenda est. Non ad duas quippe urbes, aut decem, aut viginti, neque ad unam gentem vos mitto, sicut mittebam prophétas : sed ad omnem terram prorsus ac mare, totúmque mundum, et hunc váriis criminibus oppréssum.

*Pro Doctore Pontifice.*

*℟. Amávit eum. 85\*.*

*Pro Doctore non Pontifice.*

*℟. Iste est qui. 85\*.*

*Lectio viij.*

**D**ICÉNDÓ enim, Vos estis sal terræ, osténdit univérsam hóminum infatuátam

esse natúram, et peccatórum vi corrúptam : et idcirco illas ab eis virtútes requirit, quæ máxime ad multórum salutem procurándam necesáriæ sunt atque útiles. Nam qui mansuétus est ac modéstus, et miséricors et justus, non intra se tantúmmodo hæc recte facta conclúdit, verum in aliórum quoque utilitátem præcláros hos faciet effluere fontes. Igitur qui corde mundo est atque pacíficus, et persecutióne pro veritáte pátitur, nihilóminus in commúne cómmodum vitam instituit.

*℟. In médio Ecclesiæ. 85\*.*

*Lectio ix.*

**N**E igitur putétis, inquit, ad lévía vos ducéndos esse certámina, neque exiguárum rerum vobis ineúndam esse ratióne. Vos estis sal terræ. Quid igitur? Ipsine putrefácta medicáti sunt? Nequáquam : neque enim fieri potest, ut ea quæ jam corrúpta sunt, salis perfri-catióne reparéntur. Non ergo hoc fecérunt, sed ante renováta, sibique trádita, atque ab illa jam putredine liberáta, aspergébant sale, et in ea novitáte conservábant, quam a Dómino suscepérant. Liberáre quippe a putredine peccatórum, Christi virtútis est : ut áutem ad illa iterum non revertántur, Apostolórum curæ est ac labóris.

Te Deum laudámus. 17.

## COMMUNE CONFESSORIS NON PONTIFICIS

IN I. VESPERIS

*Ant. de Laud., Pss. ut in  
I. Vesp. de Comm. Apost. 1\*.  
Capitulum. Eccli. 31.*

**B**EATUS vir, qui invén-  
tus est sine mácula,  
et qui post áurum  
non ábiit, nec spe-  
rávit in pecúnia et thesáuris.  
Quis est hic, et laudábimus  
eum? fecit enim mirabilia in  
vita sua.

*Hymnus.*

**I**STE Confessor Dómini co-  
léntes  
Quem pie láudant pópuli per  
orbem,  
Hac die lætus méruit beátas  
Scándere sedes.

*Si non est dies obitus,  
quod indicant in Proprio  
litteræ m. t. v., dic. :*

Hac die lætus méruit su-  
prémus  
Láudis honóres.  
Qui pius, prudens, húmi-  
lis, pudicus,  
Sóbriam duxit sine labe vi-  
tam,  
Donec humános animávit  
áuræ  
Spiritus artus.  
Cujus ob præstans méri-  
tum frequénter,  
Ægra quæ passim jacuère,  
membra  
Viribus morbi dómitis, sa-  
lúti  
Restituúntur.  
Noster hinc illi chorus  
obsequéntem

Cóncinit láudem, celebrés-  
que palmas;

Ut piis ejus précibus juvé-  
mur

Omne per ævum.

Sit salus illi, decus, atque  
virtus,

Qui super cæli sólio corú-  
scans,

Totius mundi sériem gubér-  
nat

Trinus, et unus.

Amen.

*Ÿ.* Amávit eum Dóminus,  
et ornávit eum. *Ŕ.* Stolum  
glóriæ induit eum.

*Ad Magnif. Ant.* Similábo  
eum \* viro sapiénti, qui ædi-  
ficávit domum suam supra  
petram.

*Oratio.*

**D**EUS, qui nos beáti *N.*  
Confessóris tui ánnua  
solemnitáte lætíficas : con-  
céde propítius; ut cujus nata-  
lítia cólimus, étiam actiónes  
imitémur. Per Dóminum.

*Alia Oratio.*

**A**DÉSTO Dómine supplica-  
tiónibus nostris, quas in  
beáti *N.* Confessóris tui sole-  
mnitáte deférimus : ut qui  
nostræ justitiæ fidúciam non  
habémus, ejus, qui tibi plá-  
cuit, précibus adjuvémur.  
Per Dóminum.

*Si fuerit Abbas.**Oratio.*

**I**NTERCESSIO nos, quæsu-  
mus Dómine, beáti *N.*  
Abbátis comméndet : ut



quod nostris méritis non valémus, ejus patrocínio assequámur. Per Dóminum.

AD MATUTINUM

**Invit.** Regem Confessorum Dóminum, \* Venite, adorémus.

**Ps.** Venite, exultémus. 2.

**Hymnus.** Iste Confessor. *ut supra.*

IN I. NOCTURNO

**Ant.** Beátus vir, \* qui in lege Dómini meditátur : volúntas ejus pérmanet die ac nocte, et ómnia quaecúmque faciet, semper prosperabúntur.

**Psalmus 1.**

**B**EÁTUS vir, qui non ábiit in consílio impiórum, et in via peccatórum non stetit, \* et in cáthedra pestiléntiæ non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quaecúmque faciet, prosperabúntur.

Non sic impii, non sic : \* sed tamquam pulvis, quem prójicit ventus a fácie terræ.

Ideo non resúrgent impii in judicio : \* neque peccatóres in concílio justórum.

Quóniam novit Dóminus viam justórum : \* et iter impiórum peribit.

**Ant.** Beátus vir, qui in lege Dómini meditátur : volúntas ejus pérmanet die ac nocte, et ómnia quaecúmque faciet, semper prosperabúntur.

**Ant.** Beátus iste sanctus, \* qui confisus est in Dómino, prædicávit præcéptum Dómini, constitútus est in monte sancto ejus.

**Psalmus 2.**

**Q**UARE fremuérunt gentes, \* et pópuli meditáti sunt inánia?

Adstitérunt reges terræ, et principes convenérunt in unum \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in cælis, irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego áutem constitútus sum rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Filius meus es tu, ego hódie génui te.

Póstula a me, et dabo tibi gentes hereditátem tuam, \* et possessiónem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelli-

gite : \* erudimini qui iudicatis terram.

Servite Dómino in timóre : \* et exsultáte ei cum tremóre.

Apprehéndite disciplinam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

**Ant.** Beátus iste sanctus, qui confisus est in Dómino, prædicávit præcéptum Dómini, constitútus est in monte sancto ejus.

**Ant.** Tu es glória mea, \* tu es suscèptor meus Dómine : tu exáltans caput meum, et exaudísti me de monte sancto tuo.

**Psalmus 3.**

**D**ÓMINE quid multiplicáti sunt qui tribulant me? \* Multi insúrgunt advèrsus me.

Multi dicunt ánimæ meæ : \* Non est salus ipsi in Deo ejus.

Tu áutem Dómine suscèptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussísti

omnes adversántes mihi sine cáusa : \* dentes peccatórum contrivísti.

Dómini est salus : \* et super pópulum tuum benedictio tua.

**Ant.** Tu es glória mea, tu es suscèptor meus Dómine : tu exáltans caput meum, et exaudísti me de monte sancto tuo.

**V.** Amávit eum Dóminus, et ornávit eum. **R.** Stulam glóriæ induit eum.

Pater noster.

**Absolutio.** Exáudi Dómine.

**V.** Jube domne.

**Bened.** Benedictióne perpétua.

De libro Sapiéntiæ.

**Lectio j. Cap. 4. b et 5.**

**J**USTUS si morte præoccupátus fúerit, in refrigerio erit. Senéctus enim venerábilis est non diutúrna, neque annórum número computáta : cani áutem sunt sensus hómínis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum ejus, aut ne fictio decíperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa : plácita enim erat Deo ánima illius : propter hoc properávit edúcere illum de médio iniquitátum.



**R.** Euge serve bone et fidelis, quia in páuca fuísti fidelis, supra multa te constituam : \* Intra in gáudium Dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

**Bened.** Unigénitus Dei Fílius.

**Lectio ij.**

**P**ÓPULI áutem vidéntes, et non intelligéntes, nec ponéntes in præcórdiistália : quóniam grátia Dei et misericórdia est in sanctos ejus, et respéctus in eléctos illius. Condémnat áutem justus mórtuus vivos ímpios, et juvéntus celérius consummáta longam vitam injústi. Vidébunt enim finem sapiéntis, et non intélligent quid cogitáverit de illo Deus, et quare munierit illum Dóminus. Vidébunt et contémnent eum : illos áutem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum : quóniam disrúmpet illos inflátos sine voce, et commovébit illos a fundaméntis, et usque ad suprénum desolabúntur.

**R.** Justus germinábit sicut lílimum : \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit.

**Bened.** Spíritus sancti grátia.

**Lectio iij.**

**E**T erunt geméntes, et memoria illórum peribit. Vénient in cogitatióne peccatórum suórum timidi, et tradúcent illos ex advérso iniquitátes ipsórum. Tunc stabunt justí in magna constantia advérsus eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salutis, dicéntes intra se, pœniténtiam ágéntes, et præ angústia spíritus geméntes : Hi sunt quos habúimus aliquándo in derisum et in similitúdinem impropérii. Nos insensáti vitam illórum æstimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

**R.** Iste cognóvit justitiam, et vidit mirabilia magna, et exorávit Altíssimum : \* Et invéntus est in número sanctorum. **V.** Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

**Ant.** Invocántem exaudivit \* Dóminus sanctum suum, Dóminus exaudivit eum, et constituit eum in pace.

**Psalmus 4.**

**C**UM invocárem exaudivit me Deus justitiæ meæ : \* in tribulatióne dilatásti mihi.

Miserére mei, \* et exáudi oratió nem meam.

Filii hóminum úsquequo gravi corde? \* ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : \* Dóminus exáudiet me cum clamávero ad eum.

Irascimini, et nolite peccáre : \* quæ dicitis in córdibus vestris, in cubílibus vestris compungimini.

Sacrificáte sacrificium justitiæ, et speráte in Dómino : \* multi dicunt : Quis osténdit nobis bona?

Signátum est super nos lumen vultus tui Dómine : \* dedisti lætítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dormiam, et requiáscam;

Quóniam tu Dómine singularíter in spe \* constituisti me.

**Ant.** Invocántem exáudit Dóminus sanctum suum, Dóminus exáudívit eum, et constituit eum in pace.

**Ant.** Læténtur omnes, \* qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

**Psalms 5.**

**V**ERBA mea áuribus percípe Dómine, \* intéllege clamórem meum.

Inténde voci oratió nis

meæ, \* Rex meus et Deus meus.

Quóniam ad te orábo : \* Dómine mane exáudies vocem meam.

Mane adstábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permánébunt injústi ante óculos tuos.

Odisti omnes, qui operántur iniquitátem : \* perdes omnes, qui loquúntur mendácium.

Virum sánguinem et dolósum abominábitur Dóminus : \* ego áutem in multítudine misericórdiæ tuæ.

Introibo in domum tuam : \* adorábo ad templum sanctum tuum in timóre tuo.

Dómine deduc me in justitia tua : \* propter inimícos meos dirige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, linguis suis dolóse agébant, \* júdica illos Deus.

Décidant a cogitatió nibus suis, secúndum multítudinem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te



omnes, qui diligunt nomen tuum, \* quóniam tu benedices justo.

Dómine, ut scuto bonæ voluntátis tuæ \* coronásti nos.

**Ant.** Læténtur omnes, qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

**Ant.** Dómine Dóminus noster, \* quam admirábile est nomen tuum in univérſa terra! quia glória et honóre coronásti sanctum tuum, et constituísti eum super ópera mánuum tuárum.

**Psalmus 8.**

**D**ÓMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti láudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitorum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuísti eum páulo minus ab Angelis, glória et honóre coronásti eum : \* et constituísti eum super ópera mánuum tuárum.

Omnia subjecisti sub pé-

dibus ejus, \* oves et boves univérſas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

**Ant.** Dómine Dóminus noster, \* quam admirábile est nomen tuum in univérſa terra! quia glória et honóre coronásti sanctum tuum, et constituísti eum super ópera mánuum tuárum.

**Ÿ.** Os justi meditábitur sapiéntiam. **℟.** Et lingua ejus loquétur iudiciū.

Pater noster.

**Absolutio.** Ipsíus pietas.

**Ÿ.** Jube domne.

**Bened.** Deus Pater omnipotens.

Sermo sancti Joánnis

Chrysóstomi.

**In Orat. de S. Philogonio.**

**tom. 3.**

**Lectio iv.**

**B**EÁTI **N.** dies, cujus festivitátem celebrámus, ad ipsíus recte factórum enarratióem linguam nostram evocávit, síquidem hódie beátus iste ad tranquillam omnisque perturbatióis expértem vitam tránsiit: eóque navigium áppulit, ubi deinceps non póterit metúere naufrágiū, nec ullam ánimi perturbatióem, aut dolórem. Et quid mirum est, si locus ille purus est ab omni moléstia ánimi, cum Páulus

hominibus adhuc in hac vita degentibus loquens dicat : Semper gaudete, sine intermissione orate?

**R.** Honestum fecit illum Dominus, et custodivit eum ab inimicis, et a seductoribus tutavit illum : \* Et dedit illi claritatem aeternam. **V.** Justum deduxit Dominus per vias rectas, et ostendit illi regnum Dei. Et.

**Bened.** Christus perpétua.

**Lectio v.**

**Q**UOD si hic, ubi morbi, ubi insectationes, ubi praematurae mortes, ubi calumniae, ubi invidiae, ubi perturbationes, ubi irae, ubi cupiditates, ubi innumerabiles insidiae, ubi quotidianae sollicitudines, ubi perpétua sibi que succedentia mala sunt, innumeros ex omni parte dolores afferentia, Paulus dixit fieri posse, ut semper gaudeamus, si quis paululum ex rerum mundanarum fluctibus erexerit caput, vitamque suam recte composuerit : multo magis, postquam hinc demigraverimus, facile compotes erimus ejus boni, cum haec omnia sublata fuerint, adversa valetudo, morbi, peccandi materia, ubi non est meum ac tuum, frigidum illud verbum, et quidquid est malorum in vitam nostram invehens, innumeraeque gignens bella.

**R.** Amavit eum Dominus, et ornavit eum : stolam gló-

riae induit eum, \* Et ad portas paradisi coronavit eum. **V.** Induit eum Dominus loriceam fidei, et ornavit eum. Et.

**Bened.** Ignem sui amoris.

**Lectio vj.**

**Q**UAMOBREM maximopere gratulor hujus sancti felicitati, quod quamquam translatus est, atque hanc, quae apud nos est, civitatem reliquit, tamen in alteram adscriptus est civitatem, nempe Dei : et digressus ab hac Ecclesia, ad illam pervenit, quae est primogenitorum descriptorum in caelis : ac relictis hisce festis, transiit ad celebritatem Angelorum. Etenim quod et civitas sursum sit, et Ecclesia, et celebritas, audi Paulum dicentem : Accessistis ad civitatem Dei viventis, Jerusalem caelestem, et Ecclesiam primitivorum, qui conscripti sunt in caelis, et ad multorum millium Angelorum frequentiam.

**R.** Iste homo perfecit omnia quae locutus est ei Deus, et dixit ad eum : Ingerere in requiem meam : \* Quia te vidi justum coram me ex omnibus gentibus. **V.** Iste est qui contempsit vitam mundi, et pervenit ad caelestia regna. Quia. Glória Patri. Quia.

IN III. NOCTURNO

**Ant.** Domine, \* iste sanctus habitabit in tabernaculo tuo, operatus est justitiam, re-



quiescet in monte sancto tuo.

**Psalmus 14.**

**D**ÓMINE quis habitabit in tabernáculo tuo : \* aut quis requiescet in monte sancto tuo ?

Qui ingreditur sine mácula, \* et operátur justitiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad nihilum dedúctus est in conspéctu ejus malignus : \* timéntes áutem Dóminum glóricat :

Qui jurat próximo suo, et non decipit, \* qui pecúniam suam non dedit ad usúram, et múnéra super innocéntem non accépit :

Qui facit hæc, \* non móvêbitur in ætérnum.

**Ant.** Dómine, iste sanctus habitabit in tabernáculo tuo, operátus est justitiam, requiescet in monte sancto tuo.

**Ant.** Vitam pétiiit \* a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lápide pretióso.

**Psalmus 20.**

**D**ÓMINE in virtúte tua lætábitur rex : \* et super salutáre tuum exsultábit veheménter.

Desidérium cordis ejus tri-

buisti ei : \* et voluntáte labiórurn ejus non fraudásti eum.

Quóniam prævenísti eum in benedictiónibus dulcedinis : \* posuisti in cápite ejus corónam de lápide pretióso.

Vitam pétiiit a te : \* et tribuisti ei longitudinem dierum in sáculum, et in sáculum sáculi.

Magna est glória ejus in salutári tuo : \* glóriam et magnum decórem impónes super eum.

Quóniam dabis eum in benedictiónem in sáculum sáculi : \* lætificábis eum in gáudio cum vultu tuo.

Quóniam rex sperat in Dómino : \* et in misericórdia Altíssimi non commóvêbitur.

Inveniátur manus tua ómnibus inimícis tuis : \* dextera tua invéniat omnes, qui te odérunt.

Pones eos ut clibanum ignis in témpore vultus tui : \* Dóminus in ira sua conturbábit eos, et devorábit eos ignis.

Fructum eórum de terra perdes : \* et semen eórum a filiis hóminum.

Quóniam declinavérunt in te mala : \* cogitavérunt consilia, quæ non potuérunt stabilire.

Quóniam pones eos dorsum : \* in reliquiis tuis præparábis vultum eórum.

Exaltáre Dómine in virtúte

tua : \* cantábitus et psallé-  
mus virtútes tuas.

**Ant.** Vitam pétiiit a te, et  
tribuísti ei Dómine : glóriam  
et magnum decórem impo-  
suísti super eum : posuísti  
in cápite ejus corónam de  
lápide pretiósó.

**Ant.** Hic accípiet \* bene-  
dictiónem a Dómino, et mi-  
sericórdiam a Deo salutári  
suo : quia hæc est generatio  
quæréntium Dóminum.

**Psalmus 23.**

**D**ÓMINI est terra, et pleni-  
túdo ejus : \* orbis terrá-  
rum, et univérsti qui hábitant  
in eo.

Quia ipse super mária fun-  
dávít eum : \* et super flú-  
mina præparávit eum.

Quis ascéndet in montem  
Dómini? \* aut quis stabit in  
loco sancto ejus?

Innocens mánibus et mun-  
do corde, \* qui non accé-  
pit in vano ánimam suam,  
nec jurávit in dolo próximo  
suo.

Hic accípiet benedicti-  
onem a Dómino : \* et miseri-  
córdiam a Deo salutári suo.

Hæc est generatio quæren-  
tium eum, \* quæréntium  
fáciem Dei Jacob.

Attóllite portas príncipes  
vestras, et elevámini portæ  
æternáles : \* et introíbit rex  
glóriæ.

Quis est iste rex glóriæ? \*  
Dóminus fortis et potens :  
Dóminus potens in prælio.

Attóllite portas príncipes  
vestras, et elevámini portæ

æternáles : \* et introíbit rex  
glóriæ.

Quis est iste rex glóriæ? \*  
Dóminus virtútum ipse est  
rex glóriæ.

**Ant.** Hic accípiet benedi-  
ctiónem a Dómino, et mise-  
ricórdiam a Deo salutári suo :  
quia hæc est generatio quæ-  
réntium Dóminum.

**Y.** Lex Dei ejus in corde  
ipsius. **R.** Et non supplantá-  
buntur gressus ejus.

Pater noster.

**Absolutio.** A vínculis.

**Y.** Jube domne.

**Bened.** Evangélica léctio.  
Léctio sancti Evangélii se-  
cúndum Lucam.

**Lectio vij. Cap. 12. e**

**I**n illo témpore : Dixit Jesus  
discípulis suis : Sint lumbi  
vestri præcincti, et lucérnæ  
ardéntes in mánibus vestris.  
Et réliqua.

Homilia sancti Gregórii  
Papæ.

**Homil. 13. in Evang.**

**S**ANCTI Evangélii, fratres  
caríssimi, apérta vobis  
est léctio recitáta. Sed ne  
aliquibus ipsa ejus planities  
alta fortásse videátur, eam  
sub brevitate transcúrrimus,  
quátenus ejus expositio ita  
nesciéntibus fiat cógnita, ut  
tamen sciéntibus non sit  
onerósa. Dóminus dicit :  
Sint lumbi vestri præcincti.  
Lumbos enim præcingimus,  
cum carnis luxúriam per con-  
tinentiam coaretámus. Sed  
quia minus est, mala non  
ágere, nisi étiam quisque



stúdeat, et bonis opéribus insudáre, prótinus ádditur : Et lucérnæ ardéntes in máni-bus vestris. Lucérnas quippe ardéntes in máni-bus tené-mus, cum per bona ópera próximis nostris lucis exém-pla monstrámus. De quibus profécto opéribus Dóminus dicit : Lúceat lux vestra co-ram homínibus, ut vídeant ópera vestra bona, et glori-ficent Patrem vestrum qui in cælis est.

¶ Iste est qui ante Deum magnas virtútes operátus est, et de omni corde suo laudá-vit Dóminum : \* Ipse inter-cédât pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse inter-cédât.

**Bened.** Cujus festum cóli-mus.

### **LECTIO viij.**

**D**uo áutem sunt, quæ ju-béntur, et lumbos re-stringere, et lucérnastenére : ut et munditia sit castitátis in córpore, et lumen veritátis in operatióne. Redemptóri etenim nostro unum sine áltero placére nequáquam potest : si aut is qui bona agit, adhuc luxúriæ inquina-ménta non déserit : aut is qui castitáte præéminet, nec-dum se per bona ópera exér-cet. Nec cástitas ergo magna est sine bono ópere, nec opus bonum est áliquod sine ca-

stitáte. Sed et si utrúmque ágitur, restat, ut quisquis ille est, spe ad supérnam pátriam tendat, et nequá-quam se a vítiis pro mundi hujus honestáte contineat.

¶ Sint lumbi vestri præ-cincti, et lucérnæ ardéntes in máni-bus vestris : \* Et vos símiles homínibus exspe-ctántibus dóminum suum, quando revertátur a núptiis. ✠. Vigilate ergo, quia nescitis qua hora Dóminus vester ventúrus sit. Et. Glória Pa-tri. Et.

**Bened.** Ad societátem.

### **LECTIO ix.**

**E**t vos símiles homínibus expectántibus dóminum suum, quando revertátur a núptiis : ut cum vénerit et pulsáverit, conféstim apé-riant ei. Venit quippe Dómi-nus, cum ad iudicium pró-perat : pulsat vero, cum jam per ægritúdinis moléstias esse mortem vicinam desi-gnat. Cui conféstim aperi-mus, si hunc cum amóre suscipimus. Aperire enim júdici pulsánti non vult, qui exire de córpore trépídat : et vidére eum, quem con-tempsisse se méminit, júdi-cem formídat. Qui áutem de sua spe et operatióne secú-rus est, pulsánti conféstim áperit, quia lætus júdicem sústinet. Et cum tempus pro-pinquæ mortis advénerit, de glória retributiónis hilaré-scit.

Te Deum laudámus. 17.

## AD LAUDES

## ET PER HORAS

**Ant. 1.** Dómine quinque talénta\* tradidísti mihi : ecce ália quinque superlucrátus sum.

**Ps.** Dóminus regnávít. **cum reliq. 18.**

**2.** Euge serve bone,\* in módico fidélis, intra in gáudium Dómini tui.

**3.** Fidélis servus\* et prudens, quem constituit Dóminus super familiam suam.

**4.** Beátus ille servus,\* quem cum vénerit Dóminus ejus, et pulsáverit jánuam, invénerit vigilántem.

**5.** Serve bone\* et fidélis, intra in gáudium Dómini tui.

**Capitulum. Eccli. 31.**

**B**EÁTUS vir, qui invéntus est sine mácula : et qui post áurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua.

**Hymnus.**

**J**ESU coróna célsior,  
Et véritas sublimior,  
Qui confiténti sérvulo  
Reddis perénne præmíum :

Da supplicánti cœtui,  
Hujus rogátu, nóxii  
Remissionem criminis,  
Rumpéndo nexum vínculi.

Anni revérso témpore,  
Dies refúlsit lúmíne,  
Quo Sanctus hic de córpore  
Migrávit inter sídera.

Hic vana terræ gáudia,  
Et luculénta prædia,

Pollúta sorde députans,  
Ovans tenet cæléstia.

Te Christe Rex piíssime,  
Hic confiténdó júgiter,  
Calcávit artes dæmonum,  
Sævúmque avérni princípem.

Virtúte clarus, et fide,  
Confessiône sédulus,  
Jejúna membra déferens,  
Dapes supérnas óbtinet.

Proinde te piíssime  
Precámur omnes súpplices :  
Nobis ut hujus grátia  
Pœnas remittas débitas.

Patri perénis glória,  
Natóque Patris único,  
Sanctóque sit Paráclito,  
Per omne semper sæculum.

Amen.

**Ÿ.** Justum dedúxit Dóminus per vias rectas. **℟.** Et osténdit illi regnum Dei.

**Ad Bened. Ant.** Euge serve bone\* et fidélis, quia in páuca fuísti fidélis, supra multa te constituam, intra in gáudium Dómini tui.

**Oratio.**

**D**EUS, qui nos beáti **N.** Confessoris tui ánnua solemnitate lætíficas : concéde propítius; ut cujus natalítia cólimus, étiam actiónes imitémur. Per Dóminum.

**Alia Oratio.**

**A**DÉSTO Dómine supplicatióibus nostris, quas in beáti **N.** Confessoris tui solemnitate deférimus : ut qui nostræ justitiæ fidúciám non habémus, ejus, qui tibi plácuít, précibus adjuvémur. Per Dóminum.



Si fuerit Abbas. Oratio.

**I**NTERCÉSSIO nos, quæsumus Dómine, beáti **N.** Abbatís comméndet: ut quod nostris méritis non valémus, ejus patrocínio assequámur. Per Dóminum.

AD TERTIAM

**Ant.** Euge serve bone.

**Capit.** Beátus vir. *ut supra.*

**R. br.** Amávit eum Dóminus, \* Et ornávit eum. Amávit. **V.** Stolum glóriæ induit eum. Et. Glória. Amávit.

**V.** Os justi meditábitur sapiéntiam. **R.** Et lingua ejus loquétur judícium.

**Tempore Paschali.**

**R. br.** Amávit eum Dóminus, et ornávit eum, \* Allelúia, allelúia. Amávit. **V.** Stolum glóriæ induit eum. Allelúia, allelúia. Glória Patri. Amávit.

**V.** Os justi meditábitur sapiéntiam, allelúia. **R.** Et lingua ejus loquétur judícium, allelúia.

AD SEXTAM

**Ant.** Fidélis servus.

**Capitulum.** *Eccli. 39.*

**J**USTUS cor suum trádidit ad vigilándum dilúculo ad Dóminum, qui fecit illum, et in conspéctu Altissimi deprecábitur.

**R. br.** Os justi \* Meditábitur sapiéntiam. Os. **V.** Et lingua ejus loquétur judícium. Meditábitur. Glória Patri. Os justi.

**V.** Lex Dei ejus in corde ipsius. **R.** Et non supplantabúntur gressus ejus.

**Tempore Paschali.**

**R. br.** Os justi meditábitur sapiéntiam, \* Allelúia, allelúia. Os. **V.** Et lingua ejus loquétur judícium. Allelúia, allelúia. Glória Patri. Os.

**V.** Lex Dei ejus in corde ipsius, allelúia. **R.** Et non supplantabúntur gressus ejus, allelúia.

AD NONAM

**Ant.** Serve bone

**Capitulum.** *Sap. 10. b*

**J**USTUM dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illius.

**R. br.** Lex Dei ejus \* In corde ipsius. Lex. **V.** Et non supplantabúntur gressus ejus. In. Glória Patri. Lex.

**V.** Justum dedúxit Dóminus per vias rectas. **R.** Et ostendit illi regnum Dei.

**Tempore Paschali.**

**R. br.** Lex Dei ejus in corde ipsius, \* Allelúia, allelúia. Lex. **V.** Et non supplantabúntur gressus ejus. Allelúia, allelúia. Glória Patri. Lex.

**V.** Justum dedúxit Dóminus per vias rectas, allelúia. **R.** Et osténdit illi regnum Dei, allelúia.

IN II. VESPERIS

**Ant.** *de Laud., Psalmi, Capit. et Hymn. ut in I. Vesp.*

**V.** Justum dedúxit Dóminus per vias rectas. **R.** Et osténdit illi regnum Dei.

**Ad Magnif. Ant.** Hic vir

despiciens mundum et terrēna, triúmphans, divítias cælo cóndidit ore, manu.

**Si occurrat celebrari Festum plurium Confessorum non Pontificum, Officium fit ut supra : sed in Oratione et Sermone, quæ habentur in singulari, dicantur in plurali.**

## II. ALIÆ LECTIONES

### PRO CONF. NON PONT.

#### IN I. NOCTURNO

De libro Ecclesiástici.

#### Lectio j. Cap. 31.

**B**EÁTUS vir qui invēntus est sine mácula : et qui post áurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória æténa : qui pótuit transgredi, et non est transgressus : fácere mala, et non fecit : ideo stabilita sunt bona illius in Dómino, et eleemósynas illius enarrábit omnis ecclésia sanctórum.

**R.** Euge serve bone et fidélis, quia in páuca fuisti fidélis, supra multa te constituam : \* Intra in gáudium Dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

#### Lectio ij. Cap. 32. c et 33.

**Q**UI timet Dóminum, excipiet doctrínam ejus : et qui vigiláverint ad illum, invénient benedictiónem. Qui quærit legem, replébitur ab ea : et qui insidióse agit,

scandalizábitur in ea. Qui timent Dóminum, invénient iudícium justum, et justitias quasi lumen accéndent. Qui credit Deo, atténdit mandátis, et qui confidit in illo, non minorábitur. Timénti Dóminum non occurrēt mala, sed in tentatióne Deus illum conservábit, et liberábit a malis. Sápienti non odit mandáta et justitias, et non illidétur quasi in procélla navis. Homo sensátus credit legi Dei, et lex illi fidélis.

**R.** Justus germinábit sicut lilium, \* Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit in ætérnum.

#### Lectio iij. Cap. 34. b

**S**PÍRITUS timéntium Deum quæritur, et in respéctu illius benedicétur. Spes enim illórum in salvántem illos, et óculi Dei in diligéntes se. Qui timet Dóminum, nihil trepidábit, et non pavébit : quóniam ipse est spes ejus. Timéntis Dóminum beáta est ánima ejus. Ad quem respicit, et quis est fortitúdo ejus? Oculi Dómini super timéntes eum, protéctor poténtiæ, firmaméntum virtútis, tégimen ardóris, et umbráculum meridiáni, deprecátio offensiónis, et adiutórium casus, exáltans ánimam, et illúminans óculos, dans sanitátem, et vitam, et benedictiónem.

**R.** Iste cognóvit. 91\*.



## IN II. NOCTURNO

Ex libro Morálíum sancti  
Gregórii Papæ.

Lib. 10. Cap. 16. in c. 12.

Job.

## Lectio iv.

**D**ERIDÉTUR justí simplici-  
tas. Hujus mundi sapién-  
tia est, cor machinatióibus  
tégere, sensum verbis velá-  
re; quæ falsa sunt, vera  
osténdere; quæ vera sunt,  
falsa demonstráre. Hæc ni-  
mirum prudéntia usu a juvén-  
ibus scitur, hæc a púeris  
prétio discitur : hanc qui  
sciunt, cæteros despiciendo  
superbiunt : hanc qui né-  
sciunt, subjécti et tímidi in  
áliis mirántur : quia ab eis  
hæc éadem duplicitátis ini-  
quitas nómine palliáta dili-  
gitur, dum mentis pervér-  
sas urbánitas vocátur. Hæc  
sibi obsequéntibus præcipit  
honórum cúlmina quærere,  
adépta temporális glóriæ va-  
nitate gaudere, irrogáta ab  
áliis mala multiplicius réd-  
dere : cum vires súppetunt,  
nullis resisténtibus cédere :  
cum virtútis possibilitas  
deest, quidquid explére per  
malitiam non valent, hoc in  
pacífica bonitate simuláre.

**H.** Honéstum fecit illum  
Dóminus, et custodivit eum  
ab inimicis, et a seductóri-  
bus tutávit illum : \* Et dedit  
illi claritátem ætérnam. **V.**  
Justum dedúxit Dóminus  
per vias rectas, et osténdit  
illi regnum Dei. Et dedit  
illi.

## Lectio v.

**A**T contra, sapiéntia justó-  
rum est : nil per osten-  
siónem fingere, sensum ver-  
bis aperire, vera ut sunt di-  
ligere, falsa devitáre; bona  
gratis exhibére, mala libén-  
tius toleráre, quam fácere;  
nullam injúriæ ultiónem  
quærere, pro veritáte con-  
tuméliam lucrum putáre.  
Sed hæc justórum simplici-  
tas deridétur : quia ab hujus  
mundi sapiéntibus puritátis  
virtus fatúitas créditur.  
Omne enim quod innocénter  
ágitur, ab eis procul dúbio  
stultum putátur : et quid-  
quid in ópere véritas áppro-  
bat, carnáli sapiéntiæ fá-  
tuum sonat. Quid namque  
stúltius vidétur mundo,  
quam mentem verbis ostén-  
dere, nil cállida machina-  
tióne simuláre, nullas injú-  
riis contumélias réddere, pro  
maledicéntibus oráre, pau-  
pertátem quærere, posséssa  
relinquere, rapiénti non  
resistere, percutiénti álte-  
ram maxillam præbère?

**H.** Amávit eum Dóminus,  
et ornávit eum : stolam gló-  
riæ induit eum, \* Et ad por-  
tas paradisi coronávit eum.  
**V.** Induit eum Dóminus lori-  
cam fidei, et ornávit eum. Et.

## Lectio vj.

Cap. 17. post initium.

**L**AMPAS contémpta apud  
cogitatiónes divitum.  
Sæpe contingit, ut eléctus  
quisque, qui ad ætérnam  
felicitétem dúcitur, continua

hic adversitatē deprimatur : non hunc rerum abundantia fulciat, non dignitatum gloria honorabilem ostendat, nulla ei obsequentium frequentia suppetat, nulla hunc humanis oculis vestium pompa componat : a cunctis vero despicibilis cernitur, et hujus mundi gratia indignus aestimatur : sed tamen ante occulti iudicis oculos virtutibus emicat, vitæ meritis coruscat : honorari metuit, despici non refugit : corpus continētia afficit, sola in animo dilectione pinguescit : mentem semper ad patientiam præparat, et erectus pro justitia, de perceptis contumeliis exultat : afflictis ex corde compatiatur, de bonorum prosperitatibus quasi de propriis lætatur, sacri verbi pabula in mente sollicitus ruminat, et inquisitus quodlibet eloqui dupliciter ignorat.

℞. Iste homo. 94\*.

IN III. NOCTURNO

Lectio sancti Evangelii secūndum Lucam.

Lectio vij. Cap. 12. d

**I**N illo tempore : Dixit Jesus discipulis suis : Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedæ Presbyteri.

Lib. 4. Cap. 54. in Luc. 12.

**P**USILLUM gregem electorum, vel ob comparationem majoris numeri re-

proborum, vel potius ob humilitatis devotionem nominat : quia videlicet Ecclesiam suam quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire. Ideoque ejus labores blande consolatus, quam regnum Dei tantum querere præcipit, eidem regnum a Patre dandum complacita benignitate promittit.

℞. Iste est qui ante Deum magnas virtutes operatus est, et de omni corde suo laudavit Dominum : \* Ipse intercédât pro peccatis omnium populorum. ✠. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

**V**ENDITE quæ possidētis, et date eleemosynam. Nolite, inquit, timere, ne propter regnum Dei militantibus, hujus vitæ necessaria desint : quin etiam possessa propter eleemosynam vendite. Quod tunc digne fit, quando quis semel pro Domino suis omnibus spretis, nihilominus post hæc labore manuum, unde et victum transigere, et eleemosynam dare queat, operatur. Unde gloriatur Apostolus, dicens : Argentum, aut aurum, aut vestem nullius concupivi : ipsi scitis, quoniam ad ea



quæ mihi opus erant, et his qui mecum sunt, ministraverunt manus istæ. Omnia ostendi vobis, quóniam sic laborantes opórtet suscipere infirmos.

**R.** Sint lumbi vestri præcincti, et lucernæ ardentes in manibus vestris : \* Et vos similes hominibus expectantibus dñm suum, quando revertatur a nuptiis. **V.** Vigilate ergo, quia nescitis qua hora Dñs vester venturus sit. Et. Glória. Et.

**Lectio ix.**

**F**ÁCITE vobis sáculos qui non veterascunt : elemosynas videlicet operando, quarum merces in ætérnum maneat. Ubi non hoc præceptum esse putandum est, ut nil pecuniæ reservetur a sanctis, vel suis scilicet, vel pauperum úsibus suggerendæ : cum et ipse Dñs, cui ministrabant Angeli, tamen ad informandam Ecclesiám suam loculos habuisse legatur, et a fidelibus oblata conservans, et suorum necessitatibus aliisque indigentibus tribuens ; sed ne Deo propter ista serviatur, et ob inopiæ timorem justitia deseratur.

Te Deum laudamus. 17.

**PRO ABBATIBUS**

**IN III. NOCTURNO**

Lectio sancti Evangélii secundum Matthæum.

**Lectio vij. Cap. 19. d**

**I**N illo témpore : Dixit Petrus ad Jesum : Ecce nos

reliquimus ómnia, et secúti sumus te : quid ergo erit nobis? Et reliqua.

Homilia sancti Hierónymi Presbýteri.

**Lib. 3. in Matth. cap. 19.**

**G**RANDIS fidúcia : Petrus piscátor erat, dives non fuerat, cibos manu et arte quærebat : et tamen loquitur confidenter, Reliquimus ómnia. Et quia non súfficit tantum relinquere, jungit quod perfectum est : Et secúti sumus te. Fécimus quod jussisti : quid igitur nobis dabis præmii? Jesus áutem dixit illis : Amen dico vobis : quod vos qui secúti estis me, in regeneratióne, cum sederit Filius hóminis in sede majestátis suæ, sedebitis et vos super sedes duodecim, judicantes duodecim tribus Israël. Non dixit, Qui reliquistis ómnia : hoc enim et Crates fecit philósofus, et multi álíi divítias contempserunt : sed, Qui secúti estis me : quod próprie Apostolorum est atque credentium.

**R.** Iste est qui ante Deum magnas virtútes operátus est, et de omni corde suo laudávit Dñm : \* Ipse intercédât pro peccátis ómnium populórum. **V.** Ecce homo sine querela, verus Dei cultor, ábstinens se ab omni ópere malo, et pèrmans in innocentia sua. Ipse.

**Lectio viij.**

**I**N regeneratióne, cum sederit Filius hóminis in

sede majestátis suæ (quando et mórtui de corruptióne resúrgent incorrúpti), sedébitis et vos in sóliis judicántium, condemnántes duódecim tribus Israél : quia vobis credéntibus, illi crédere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum : céntuplum accipiet, et vitam ætérnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimici hóminis doméstici ejus. Qui ergo propter fidem Christi, et prædicatióne Evangelíi, omnes afféctus contémpserint, atque divítias et sæculi voluptátes : isti céntuplum recípiant, et vitam ætérnam possidébunt.

**R.** Sint lumbi vestri præcincti, et lucérnæ ardéntes in mánibus vestris : \* Et vos similes homínibus expectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et vos. Glória Patri. Et vos.

#### Lectio ix.

**E**x occasióne hujus senténtiæ quidam introducunt mille annos post resurre-

ctiõem, dicéntes, tunc nobis céntuplum ómnium rerum quas dimisimus, et vitam ætérnam esse reddéndam : non intelligéntes, quod, si in cæteris digna sit repromissio, in uxóribus appáreat turpitúdo : ut qui unam pro Dómino dimiserit, centum recípiat in futúro. Sensus ergo iste est : Qui carnália pro Salvátore dimiserit, spirituália recipiet : quæ comparatióne et mérito sui ita erunt, quasi si parvo número centenárius número comparétur.

Te Deum laudámus. 17.

#### II. ALIA HOMILIA

Léctio sancti Evangelíi secúndum Matthæum.

#### Lectio vij. Cap. 11. d

**I**N illo témpore : Respóndens Jesus, dixit : Confíteor tibi Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Et réliqua.

Homilía sancti Augustíni  
Episcopi.

#### Serm. 10. de Verbis Domini.

**V**ENÍTE ad me omnes qui laborátis. Quare enim omnes laborámus, nisi quia sumus homines mortáles, frágles, infirmi, lútea vasa portántes, quæ faciunt invicem angústias? Sed si angustíantur vasa carnis, dilaténtur spátia caritátis. Quid ergo dicit, Venite ad me omnes qui laborátis, nisi ut



non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibilia et invisibilia creáre, non in ipso mundo mirabilia fácere, et mórtuos suscitáre; sed, Quóniam mitis sum, et húmilis corde.

**R.** Iste est qui ante Deum magnas virtútes operátus est, et de omni corde suo laudávit Dóminum: \* Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

### Lectio viij.

**M**AGNUS esse vis? a mínimo incipe. Cógitas magnam fábricam constrúere celsitúdinis? de fundaménto prius cógita humilitátis. Et quantum quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in supérna consúrgit: qui áutem fodit fundaméntum, ad ima deprimitur. Ergo et fábrica ante celsitúdinem humiliátur, et fastigium post humiliatiónem erigitur.

**R.** Sint lumbi vestri præ-

cincti, et lucérnæ ardéntes in mánibus vestris: \* Et vos similes hominibus expectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

### Lectio ix.

**Q**UOD est fastigium construéndæ fábricæ, quam molimur? quo perventúrum est cacúmen ædificií? Cito dico, usque ad conspéctum Dei. Vidétis quam excélsum est, quanta res est conspícere Deum. Qui desiderat, et quod dico, et quod áudit intélligit. Promittitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fácite illos vident: sed eos vident, qui óculos habent, et non vident. Nobis áutem promittitur visio Dei vivéntis, et vidéntis.

Te Deum laudámus. 17.

### III. ALIA HOMILIA

Léctio sancti Evangélii secúndum Matthæum.

### Lectio vij. Cap. 19. d

**I**N illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

De Homilia venerábilis Bedæ Presbýteri.

### In Natali S. Benedicti.

**D**uo sunt órdines electórum in iudicio futúri:

unus judicántium cum Dómino, de quibus hoc loco mémorat, qui reliquérunt ómnia, et secúti sunt illum : álius judicandórum a Dómino, qui non quidem ómnia sua páriter reliquérunt, sed de his tamen quæ habébant, quotidíanas dare eleemósy-  
nas Christi paupéribus curábant : unde et auditóri sunt in judicio : Veníte benedícti Patris mei, possidéte præparátum vobis regnum a constitutióne mundi. Esurivi enim, et dedístis mihi manducáre : sitívi, et dedístis mihi bíbere.

**R.** Iste est qui ante Deum magnas virtútes operátus est, et de omni corde suo laudávit Dóminum : \* Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédát.

### Lectio viij.

**S**ED et reprobórum duos ibi futúros órdenes Dómino narránte comperimus : unum eórum, qui fidei cristiánæ mystériis initiáti, ópera fidei exercére contemnunt, quibus in judicio testátur : Discédite a me maledícti in ignem ætérnum, qui præparátus est diabolo, et ángelis ejus : esurivi enim, et non dedístis mihi manducáre. Alterum eórum, qui fidem et

mystéria Christi vel numquam suscepére, vel suscep-  
tam per apostásiam deseruere : de quibus dicit : Qui autem non credit, jam judicátus est : quia non credit in nómine unigéniti Filii Dei.

**R.** Sint lumbi vestri præcincti, et lucérnæ ardéntes in mánibus vestris : Et vos similes homínibus expectántibus dóminum suum, quando revertátur a núptiis. **V.** Vigiláte ergo, quia nescítis qua hora Dóminus vester ventúrus sit. Et. Glória. Et.

### Lectio ix.

**V**ERUM his cum timóre et pavóre débito paulisper commemorátis, ad lætíssima pótius Dómini et Salvatóris nostri promissa convertámus auditum. Videámus quæ tantæ grátia pietátis : non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accipiet, et vitam ætérnam possidébit. Qui enim terrénis afféctibus sive possessionibus pro Christi discipulátu renuntiáverit, quo plus in ejus amórem profecerit, eo plures invéniet, qui se inténo suscipere afféctu, et suis gáudeant sustentáre substántiis. Te Deum laudámus. 17.



## COMMUNE VIRGINUM

## IN I. VESPERIS

**Ant.** Hæc est Virgo sapiens, \* et una de número prudentum.

**Psalmus 109.**

**D**IXIT Dóminus Dómino meo : \* Sede a dextris meis :  
Donec ponam inimicos tuos, \* scabellum pedum tuorum.

Virgam virtutis tuæ emit-  
tet Dóminus ex Sion : \* domi-  
nare in médio inimicorum  
tuorum.

Tecum principium in die  
virtutis tuæ in splendóribus  
sanctorum : \* ex útero ante  
luciferum genui te.

Juravit Dóminus, et non  
pœnitēbit eum : \* Tu es sa-  
cérdos in ætérnum secun-  
dum ordinem Melchisedech.

Dóminus a dextris tuis, \*  
confrēgit in die iræ suæ  
reges.

Judicabit in natióibus,  
implēbit ruinas : \* conquis-  
sabit cápita in terra multo-  
rum.

De torrēte in via bibet : \*  
propterea exaltabit caput.

**Ant.** Hæc est Virgo sapiens, et una de número prudentum.

**Ant.** Hæc est Virgo sapiens, \* quam Dóminus vigilātem invēnit.

**Psalmus 112.**

**L**AUDÁTE púeri Dóminum : \*  
laudate nomen Dómini.

Sit nomen Dómini bene-  
dictum, \* ex hoc nunc, et  
usque in sæculum.

A solis ortu usque ad oc-  
cásum, \* laudábile nomen  
Dómini.

Excelsus super omnes gen-  
tes Dóminus, \* et super cæ-  
los glória ejus.

Quis sicut Dóminus Deus  
noster, qui in altis hábitat, \*  
et humilia respicit in cælo  
et in terra?

Súscitans a terra inopem, \*  
et de stercore érigenz páu-  
perem :

Ut cóllocet eum cum prin-  
cipibus, \* cum principibus  
pópuli sui.

Qui habitare facit stérilem  
in domo, \* matrem filiorum  
lætāntem.

**Ant.** Hæc est Virgo sapiens, quam Dóminus vigi-  
lātem invēnit.

**Ant.** Hæc est quæ nescivit  
\* torum in delicto : habēbit  
fructum in respectiōe ani-  
márum sanctárum.

**Psalmus 121.**

**L**ÆTÁTUS sum in his, quæ  
dicta sunt mihi : \* In  
domum Dómini ibimus.

Stantes erant pedes no-  
stri \* in átriis tuis Jerúsa-  
lem.

Jerúsalem, quæ ædificátur  
ut civitas : \* cujus participá-  
tio ejus in idipsum.

Illuc enim ascenderunt  
tribus, tribus Dómini : \*

testimónium Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem : \* et abundántia diligéntibus te :

Fiat pax in virtúte tua : \* et abundántia in túrribus tuis.

Propter fratres meos, et próximos meos, \* loquébar pacem de te :

Propter domum Dómini Dei nostri, \* quæsívi bona tibi.

**Ant.** Hæc est quæ nescívit torum in delicto : habébit fructum in respectióne animárum sanctárum.

**Ant.** Veni elécta mea, \* et ponam in te thronum meum, allelúia.

**Psalmus 126.**

**N**ISI Dóminus ædificáverit domum, \* in vanum laboravérunt qui ædificant eam.

Nisi Dóminus custodierit civitátem, \* frustra vigilat qui custódit eam.

Vanum est vobis ante lucem súrgere : \* súrgite postquam sedéritis, qui manducátis panem dolóris.

Cum déderit diléctis suis somnum : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excussórum.

Beátus vir qui implévit

desidérium suum ex ipsis : \* non confundétur cum loqué-tur inimícis suis in porta.

**Ant.** Veni elécta mea, et ponam in te thronum meum, allelúia.

**Ant.** Ista est speciósa \* inter filias Jerúsalem.

**Psalmus 147.**

**L**ÁUDA Jerúsalem Dóminum : \* láuda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terræ : \* velóciter currit sermo ejus.

Qui dat nivem sicut lanam : \* nébulam sicut cínem spargit.

Mittit crystállum suam sicut buccéllas : \* ante faciém frigoris ejus quis sustinébit?

Emíttet verbum suum, et liquefáciét ea : \* flabit spirítus ejus, et fluent aquæ.

Qui annúnciat verbum suum Jacob : \* justítias, et iudícia sua Israël.

Non fecit táliter omni nátióni : \* et iudícia sua non manifestávit eis.

**Ant.** Ista est speciósa inter filias Jerúsalem.

**Capitulum. II. Cor. 10. d**

**F**RATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.



## Hymnus.

**J**ESU, coróna Virginum,  
Quem mater illa concipit,  
Quæ sola Virgo párturit :  
Hæc vota clemens áccipe.

Qui pergis inter lília,  
Septus choréis Virginum,  
Sponsus decórus glória,  
Sponsisque reddens præmia.

Quocúmque tendis, Vir-  
gines  
Sequúntur, atque láudibus  
Post te canéntes cúrsitant,  
Hymnósque dulces pèrso-  
nant.

Te deprecámur súpplīces,  
Nostris ut addas sénsibus,  
Nescire prorsus ómnia  
Corruptiónis vúlnera.

Virtus, honor, laus, glória  
Deo Patri cum Filio,  
Sancto simul Paráclito,  
In sæculórum sæcula.

Amen.

**V.** Spécie tua et pulchri-  
túdine tua. **R.** Inténde, pró-  
spere procéde, et regna.

**Ad Magnif. Ant.** Veni  
sponsa Christi : \* áccipe co-  
rónam, quam tibi Dóminus  
præparávit in ætérnum.

## Oratio.

**D**EUS, qui inter cætera  
étiam in sexu frágili victó-  
riam martýrii contulisti :  
concéde propítius; ut qui  
beátæ **N.** Virginis et Márty-  
ris tuæ natalitia cólimus, per  
ejus ad te exémpa gradiámur.  
Per Dóminum.

## Alia Oratio.

**I**NDULGÉNTIAM nobis, quæ-  
sumus Dómine, beáta **N.**

Virgo et Martyr implóret :  
quæ tibi grata semper éxsti-  
tit et mérito castitátis, et  
tuæ professióne virtútis. Per  
Dóminum.

## Pro Virgine non Martyre.

## Oratio.

**E**XÁUDI nos Deus salutáris  
noster : ut sicut de  
beátæ **N.** Virginis tuæ festi-  
vitáte gaudémus; ita piæ  
devotiónis erudiámur af-  
fectu. Per Dóminum.

**Si fuerint plures, in utris-  
que Vesp. ad Magnificat et  
in Laud. ad Benedictus :**

**Ant.** Prudéntes Virgines \*  
aptáte vestras lámpades :  
ecce sponsus venit, exite  
óbviā ei.

**V.** Adducéntur Regi Vir-  
gines post eam. **R.** Próximæ  
ejus afferéntur tibi.

## Oratio.

**D**A nobis, quæsumus Dó-  
mine Deus noster, san-  
ctárum Virginum et Márty-  
rum tuárum **N.** et **N.** palmas  
incessábili devotióne vene-  
rári : ut quas digna mente  
non póssumus celebráre,  
humilibus saltem frequenté-  
mus obséquiiis. Per Dómi-  
num.

## AD MATUTINUM

**Invit.** Regem Virginum  
Dóminum, \* Veníte, adoré-  
mus.

**Ps.** Veníte, exsultémus. 2.

## Hymnus.

**V**IRGINIS Proles, Opiféxque  
Matris,  
Virgo quem gessit, peperít-  
que Virgo;

Virginis partos cānimus de-  
cōra

Morte triúmphos.

Hæc enim palmæ dúplicis  
beáta

Sorte, dum gestit frágilem  
domáre

Córporis sexum, dómuit  
cruéntum

Cæde tyránnum.

Unde nec mortem, nec  
amica mortis

Mille poenárum génera expa-  
véscens,

Sánguine effúso méruit seré-  
num

Scándere cælum.

Hujus orátu Deus alme  
nobis

Débitas pœnas scélerum re-  
mitte;

Ut tibi puro resonémus  
alium

Péctore carmen.

Sit decus Patri, genitæque  
Proli,

Et tibi compar utriúsque  
virtus

Spiritus semper, Deus unus  
omni

Témporis ævo.

Amen.

**Si Sancta fuerit Virgo tan-  
tum, et non Martyr, dicitur  
Hymnus sequens :**

**V**IRGINIS Proles, Opiféxque  
Matris,

Virgo quem gessit, peperit-  
que Virgo;

Virginis festum cānimus  
beátæ,

Accipe votum.

Hujus orátu Deus alme  
nobis

Débitas pœnas scélerum re-  
mitte;

Ut tibi puro resonémus al-  
mum

Péctore carmen.

Sit decus Patri, genitæque  
Proli,

Et tibi compar utriúsque  
virtus

Spiritus semper, Deus unus  
omni

Témporis ævo. Amen.

IN I. NOCTURNO

**Ant.** O quam pulchra \* est  
casta generátio cum clari-  
táte!

**Psalmus 8.**

**D**ÓMINE Dóminus noster, \*  
quam admirábile est  
nomen tuum in univér-  
sa terra!

Quóniam eleváta est ma-  
gnificéntia tua, \* super cælos.

Ex ore infántium et lactén-  
tium perfecisti láudem pro-  
pter inimicos tuos, \* ut dé-  
struas inimicum et ultórem.

Quóniam vidébo cælos  
tuos, ópera digitórum tuó-  
rum : \* lunam et stellas, quæ  
tu fundásti.

Quid est homo, quod me-  
mor es ejus? \* aut filius hómi-  
nis, quóniam visitas eum?

Minuisti eum páulo minus  
ab Angelis, glória et honóre  
coronásti eum : \* et consti-  
tuisti eum super ópera má-  
nuum tuárum.

Omnia subjecisti sub pé-  
dibus ejus, \* oves et boves  
univérsas : insuper et pécora  
campi.

Vólucres cæli, et pisces



maris, \* qui perámbulant  
sémitas maris.

Dómine Dóminus noster, \*  
quam admirábile est nomen  
tuum in univérſa terra!

**Ant.** O quam pulchra est  
casta generátio cum clari-  
táte!

**Ant.** Ante torum \* hujus  
Virginis frequentáte nobis  
dúlcia cántica drámatis.

**Pro non Virgine.**

**Ant.** Læva ejus \* sub  
cápite meo, et délixtera illius  
amplexábitur me.

**Psalmus 18.**

**C**ÆLI enarrant glóriam  
Dei, \* et ópera mánuum  
ejus annúntiat firmaméntum.

Dies diéi erúctat ver-  
bum, \* et nox nocti índicat  
sciéntiam.

Non sunt loquélæ, neque  
sermónes, \* quorum non  
audiántur voces eórum.

In omnem terram exívit  
sonus eórum : \* et in fines  
orbis terræ verba eórum.

In sole pósuit tabernácu-  
lum suum : \* et ipse tam-  
quam sponsus procédens de  
thálamo suo :

Exsultávit ut gigas ad cur-  
réndam viam, \* a summo  
cælo egréssio ejus :

Et occúrsus ejus usque ad  
summum ejus : \* nec est qui  
se abscondat a calóre ejus.

Lex Dómini immaculáta  
convértens ánimas : \* testi-  
mónium Dómini fidéle, sa-  
piéntiam præstans párvulis.

Justitiæ Dómini rectæ,  
lætificántes corda : \* præ-

céptum Dómini lúcidum,  
illúminans óculos.

Timor Dómini sanctus,  
pérmanens in sæculum sæ-  
culi : \* judícia Dómini vera,  
justificáta in semetipsa.

Desiderabilia super áu-  
rum et lápidem pretiósum  
multum : \* et dulcióra super  
mel et favum.

Etenim servus tuus custó-  
dit ea, \* in custodiéndis illis  
retribútio multa.

Delicta quis intélligit? ab  
occúltis meis munda me : \*  
et ab aliénis parce servo tuo.

Si mei non fúerint domi-  
náti, tunc immaculátus ero : \*  
et emundábor a delicto má-  
ximo.

Et erunt ut compláceant  
elóquia oris mei : \* et medi-  
tátio cordis mei in conspéctu  
tuo semper.

Dómine adjútor meus, \*  
et redémptor meus.

**Ant.** Ante torum hujus Vir-  
ginis frequentáte nobis dúl-  
cia cántica drámatis.

**Pro non Virgine.**

**Ant.** Læva ejus sub cápite  
meo, et délixtera illius am-  
plexábitur me.

**Ant.** Revértere, \* revér-  
tere Sunamítis : revértere,  
revértere, ut intueámur te.

**Psalmus 23.**

**D**ÓMINI est terra, et pleni-  
túdo ejus : \* orbis terrá-  
rum, et univérſi, qui hábi-  
tant in eo.

Quia ipse super mária fun-  
dávít eum : \* et super flú-  
mina præparávit eum.

Quis ascēdet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accēpit in vano ánimam suam, nec jurávit in dolo próximo suo.

Hic accipiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium faciē Dei Jacob.

Attóllite portas principes vestras, et elevámini portæ æternáles : \* et introibit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : \* et introibit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

*Ant.* Revértere, revértere Sunamitis : revértere, revértere, ut intueámur te.

*ŷ.* Spécie tua et pulchritúdine tua. *R.* Intēde, prospere procéde, et regna.

Pater noster.

*Absolutio.* Exáudi Dómine.

*ŷ.* Jube domne.

*Bened.* Benedictióne perpétua.

De Epístola prima beáti Páuli Apóstoli ad Corínthios.

*Lectio j.* Cap. 7. e

**D**E virginibus præcéptum Dómini non hábeo : consilium áutem do, tamquam

misericórdiam consecútus a Dómino ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióne. Solútus es ab uxóre? noli quærere uxórem. Si áutem accéperis uxórem, non peccásti. Et si núpserit virgo, non peccávit. Tribulatióne tamen carnis habébunt hujúsmodi. Ego áutem vobis parco. Hoc itaque dico, fratres : Tempus breve est : réliquum est, ut et qui habent uxóres, tamquam non habéntes sint : et qui flent, tamquam non flentes : et qui gáudent, tamquam non gaudéntes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi.

*Pro Martyre.*

*R.* Veni sponsa Christi, áccipe corónam, quam tibi Dóminus præparávit in ætérnum : pro cujus amóre sanguinem tuum fudisti, \* Et cum Angelis in paradisum introisti. *ŷ.* Veni elécta mea, et ponam in te thronum meum, quia concupívit Rex spéciem tuam. Et cum.

*Si non fuerit Martyr, dic. seq.*

*R.* Veni elécta mea, et ponam in te thronum meum : \* Quia concupívit Rex spéciem tuam. *ŷ.* Spécie tua et pulchritúdine tua intēde,



prósperere procéde, et regna.  
Quia.

**Bened.** Unigénitus Dei.

**Lectio ij.**

**V**OLO áutem vos sine sollicitúde esse. Qui sine uxóre est, sollicitus est quæ Dómini sunt, quómodo pláceat Deo. Qui áutem cum uxóre est, sollicitus est quæ sunt mundi, quómodo pláceat uxóri, et divisus est. Et múlter innúpta, et virgo cógitat quæ Dómini sunt, ut sit sancta córpore, et spiritu. Quæ áutem nupta est, cógitat quæ sunt mundi, quómodo pláceat viro. Porro hoc ad utilitátem vestram dico : non ut láqueum vobis injiciam, sed ad id, quod honéstum est, et quod facultátem præbeat sine impediménto Dóminum obsecrándi.

**R.** Diffúsa est grátia in lábiis tuis : \* Proptérea benedixit te Deus in ætérnum. **V.** Spécie tua et pulchritúde tua inténde, prósperere procéde, et regna. Proptérea.

**Bened.** Spíritus sancti grátia.

**Lectio iij.**

**S**I quis áutem turpem se vidéri existimat super vírgine sua, quod sit superadúlta, et ita opórtet fieri : quod vult fáciat : non peccat, si nubat. Nam qui státuit in corde suo firmus, non habens necessitátem, potestátem áutem habens suæ voluntátis, et hoc judicávit in

corde suo, serváre virginem suam, bene facit. Igitur et qui matrimónio jungit virginem suam, bene facit : et qui non jungit, mélius facit. Múlter alligáta est legi quanto tēpore vir ejus vivit. Quod si dormierit vir ejus, liberáta est : cui vult nubat, tantum in Dómino. Beátior áutem erit, si sic permanserit, secúndum meum consilium : puto áutem quod et ego Spíritum Dei hábeam.

**R.** Spécie tua et pulchritúde tua \* Inténde, prósperere procéde, et regna. **V.** Diffúsa est grátia in lábiis tuis, proptérea benedixit te Deus in ætérnum. Inténde. Glória Patri. Inténde.

IN II. NOCTURNO

**Ant.** Spécie tua \* et pulchritúde tua inténde, prósperere procéde, et regna.

**Psalmus 44.**

**E**RUCTÁVIT cor meum verbum bonum : \* dico ego ópera mea regi.

Lingua mea cálamus scribæ, \* velóciter scribéntis.

Speciósus forma præ filiis hóminum, diffúsa est grátia in lábiis tuis : \* proptérea benedixit te Deus in ætérnum.

Accingere gládio tuo super femur tuum, \* potentissime.

Spécie tua et pulchritúde tua \* inténde, prósperere procéde, et regna.

Propter veritátem et mansuetúdinem, et justitiam : \* et dedúcet te mirabiliter délixtera tua.

Sagittæ tuæ acutæ, pópuli sub te cadent : \* in corda inimicórum regis.

Sedes tua Deus in sáculum sáculi : \* virga directiόνis virga regni tui.

Dilexísti justítiam, et odísti iniquitátem : \* proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectavérunt te filiæ regum in honóre tuo.

Adstitit regina a dextris tuis in vestitu deauráto, \* circúmdata varietáte.

Audi filia, et vide, et inclína áurem tuam : \* et obliviscere pópulum tuum, et domum patris tui.

Et concupiscet rex decórem tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes dívites plebis.

Omnis glória ejus filiæ regis ab intus, \* in fimbriis áureis circumamicta varietátibus.

Adducéntur regi vírgines post eam : \* próximæ ejus afferéntur tibi.

Afferéntur in lætítia et exsultatióne : \* adducéntur in templum regis.

Pro pátribus tuis nati sunt tibi filii : \* constitues eos príncipes super omnem terram.

Mémores erunt nóminis tui : \* in omni generatióne et generatióne.

Proptérea pópuli confitebúntur tibi in ætérnum : \* et in sáculum sáculi.

**Ant.** Spécie tua et pulchritúdine tua inténde, prospere procéde, et regna.

**Ant.** Adjuvábít eam \* Deus vultu suo : Deus in médio ejus, non commovébitur.

**Psalmus 45.**

**D**EUS noster refúgium, et virtus : \* adjútor in tribulatió nibus, quæ invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eórum : \* conturbáti sunt montes in fortitúdine ejus.

Flúminis ímpetus lætificat civitátem Dei : \* sanctificávit tabernáculum suum Altissimus.

Deus in médio ejus, non commovébitur : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscéptor noster Deus Jacob.

Venite, et vidéte ópera Dómini, quæ pósuit prodigia super terram : \* áuferens bella usque ad finem terræ.



Arcum cónteret, et confrínget arma : \* et scuta combúret igni.

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscep̃tor noster Deus Jacob.

**Ant.** Adjuvábít eam Deus vultu suo : Deus in médio ejus, non commovébitur.

**Ant.** Aquæ multæ \* non potuérunt exstinguere caritátem.

**Psalmus 47.**

**M**AGNUS Dóminus et laudábilis nimis \* in civitáte Dei nostri, in monte sancto ejus.

Fundátur exsultatióne universæ terræ mons Sion, \* látera Aquilónis, civitas regis magni.

Deus in dómibus ejus cognoscétur, \* cum suscipiet eam.

Quóniam ecce reges terræ congregáti sunt : \* convénérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis \* in spíritu veheménti cónteres naves Tharsis.

Sicut audívimus, sic vidimus in civitáte Dómini virtútum, in civitáte Dei nostri : \* Deus fundávit eam in ætérnum.

Suscépimus Deus miseri-

córdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justítia plena est dextera tua.

Lætétur mons Sion, et exsúltent filiæ Judæ, \* propter judicia tua Dómine.

Circúmdate Sion, et complectimini eam : \* narráte in túrribus ejus.

Pónite corda vestra in virtúte ejus : \* et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáculum sáculi : \* ipse reget nos in sácula.

**Ant.** Aquæ multæ non potuérunt exstinguere caritátem.

**Ÿ.** Adjuvábít eam Deus vultu suo. **R.** Deus in médio ejus, non commovébitur.

Pater noster.

**Absolutio.** Ipsíus pietas.

**Ÿ.** Jube domne.

**Bened.** Deus Pater omnipotens.

Sermo sancti Ambrósii  
Episcopi.

**Lib. 1. de Virg., circa init.**  
**Lectio iv.**

**Q**UÓNIAM hódie natális est Virginis, invitát nunc integritátis amor, ut áliquíd de virginitáte dicámus : ne véluti tránsitu quodam præstricta videátur, quæ princípális est virtus. Non enim ideo laudábilis virginitas, quia in Martýribus reperi-

tur : sed quia ipsa Mártyrēs fáciat. Quis áutem humáno eam possit ingénio comprehéndere, quam nec natúra suis inclúsit légibus? Aut quis naturáli voce complécti, quod supra usum natúræ sit? E cælo accersivit, quod imitarétur in terris. Nec immérito vivéndi sibi usum quæsivit e cælo, quæ sponsum sibi invénit in cælo.

**R.** Propter veritátem, et mansuetúdinem, et justítiam : \* Et dedúcet te mirabiliter délixera tua. **V.** Spécie tua et pulchritúde tua inténde, prospere procéde, et regna. Et.

**Bened.** Christus perpétuæ.

**Lectio v.**

**H**ÆC nubes, æëra, Angelos, sidéraque transgrédiens, Verbum Dei in ipso sinu Patris invénit, et toto háusit pectore. Nam quis tantum, cum invénierit, relinquat boni? Unguentum enim exinanitum est nomen tuum : propterea adolescentulæ dilexérunt te, et attraxérunt te. Postrémo, non meum est illud, quóniam quæ non nubunt, neque nubéntur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

**R.** Dilexísti justítiam, et odísti iniquitátem : \* Propterea unxit te Deus, Deus tuus óleo lætitiæ. **V.** Propter veri-

tátem, et mansuetúdinem, et justítiam. Propterea.

**Bened.** Ignem sui amóris.

**Lectio vj.**

**Q**UIS igitur neget hanc vitam fluxisse de cælo, quam non fácite invenimus in terris, nisi postquam Deus in hæc terréni córporis membra descendit? Tunc in útero Virgo concépit, et Verbum caro factum est, ut caro fieret Deus. Dicet áliquis : Sed étiam Elías nullius corpórei cóitus fuisse permixtus cupiditátibus invenitur. Ideo ergo curru raptus ad cælum : ideo cum Dómino appáret in glória, ideo Dominici ventúrus est præcúrsor adventus.

**R.** Afferéntur Regi virgines post eam, próximæ ejus \* Afferéntur tibi in lætitia et exsultatióne. **V.** Spécie tua et pulchritúde tua inténde, prospere procéde, et regna. Afferéntur. Glória Patri. Afferéntur.

IN III. NOCTURNO

**Ant.** Nigra sum, \* sed formósa, filiæ Jerúsalem : ideo diléxit me Rex, et introduxit me in cubiculum suum.

**Psalmus 95.**

**C**ANTÁTE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes



glóriam ejus, \* in ómnibus  
pópulis mirabilia ejus.

Quóniam magnus Dóminus,  
et laudábilis nimis : \*  
terribilis est super omnes  
deos.

Quóniam omnes dii gén-  
tium dæmónia : \* Dóminus  
áutem cælos fecit.

Conféssio, et pulchritúdo  
in conspéctu ejus : \* sancti-  
mónia et magnificéntia in  
sanctificatióne ejus.

Afférte Dómino pátriæ gén-  
tium, afférte Dómino glóriam  
et honórem : \* afférte Dó-  
mino glóriam nómini ejus.

Tóllite hóstias, et introite  
in átria ejus : \* adoráte Dó-  
minum in átrio sancto ejus.

Commovéatur a fácie ejus  
univérsa terra : \* dicite in  
géntibus quia Dóminus re-  
gnávit.

Etenim corréxit orbem ter-  
ræ qui non commovébitur : \*  
judicábit pópulos in æqui-  
tate.

Læténtur cæli, et exsúltet  
terra, commovéatur mare, et  
plenitúdo ejus : \* gaudébunt  
campi, et ómnia quæ in eis  
sunt.

Tunc exsultábunt ómnia  
ligna silvárum a fácie Dó-  
mini, quia venit : \* quóniam  
venit judicáre terram.

Judicábit orbem terræ in  
æquitáte, \* et pópulos in ve-  
ritáte sua.

**Ant.** Nigra sum, sed for-  
mósa, filiæ Jerúsalem : ideo  
diléxit me Rex, et introdúxit  
me in cubículum suum.

**Ant.** Trahe me post te, \* in  
odórem currémus unguen-  
tórum tuórum : óleum effú-  
sum nomen tuum.

**Psalmus 96.**

**D**ÓMINUS regnávit, exsúltet  
terra : \* læténtur insulæ  
multæ.

Nubes, et caligo in cir-  
cúitu ejus : \* justitia, et ju-  
dicium corréctio sedis ejus.

Ignis ante ipsum præcé-  
det, \* et inflammábit in cir-  
cúitu inimicos ejus.

Illuxérunt fúlgura ejus orbi  
terræ : \* vidit, et commóta  
est terra.

Montes, sicut cera fluxé-  
runt a fácie Dómini : \* a fá-  
cie Dómini omnis terra.

Annuntiavérunt cæli ju-  
stitiam ejus : \* et vidérunt  
omnes pópuli glóriam ejus.

Confundántur omnes, qui  
adórant sculptilia : \* et qui  
gloriántur in simulácrissuis.

Adoráte eum omnes An-  
geli ejus : \* audivit, et lætáta  
est Sion.

Et exsultavérunt filiæ Ju-  
dæ, \* propter judicia tua  
Dómine :

Quóniam tu Dóminus Al-  
tissimus super omnem ter-  
ram : \* nimis exaltátus es  
super omnes deos.

Qui diligitis Dóminum,  
odite malum : \* custódit Dó-  
minus ánimas sanctórum  
suórum, de manu peccatóris,  
liberábit eos.

Lux orta est justo, \* et  
rectis corde lætítia.

Lætámini justi in Dómi-

no : \* et confitémini memóriæ sanctificatiónis ejus.

**Ant.** Trahe me post te , in odórem currémus unguentórum tuórum : óleum effúsum nomen tuum.

**Ant.** Veni sponsa Christi , \* áccipe corónam , quam tibi Dóminus præparávit in ætérnum.

**Psalmus 97.**

**C**ANTÁTE Dómino cánticum novum : \* quia mirabilia fecit.

Salvávit sibi délixtera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávit justitiam suam.

Recordátus est misericórdiæ suæ , \* et veritátis suæ dómui Israël.

Vidérunt omnes términi terræ \* salutáre Dei nostri.

Jubiláte Deo omnis terra : \* cantáte , et exsultáte , et psállite.

Psállite Dómino in cithara , in cithara et voce psalmi : \* in tubis ductilibus , et voce tubæ córneæ.

Jubiláte in conspéctu Regis Dómini : \* moveátur mare , et plenitúdo ejus : orbis terrárum , et qui hábitant in eo.

Flúmina pláudent manu , simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justitia , \* et pópulos in æquitáte.

**Ant.** Veni sponsa Christi , áccipe corónam , quam tibi Dóminus præparávit in ætérnum.

**Ÿ.** Elégit eam Deus , et præelégit eam. **Ź.** In tabernáculo suo habitáre facit eam.

Pater noster.

**Absolutio.** A vñculis.

**Ÿ.** Jube domne.

**Bened.** Evangélica léctio. Léctio sancti Evangélii secúndum Matthæum.

**Lectio vij. Cap. 23.**

**I**N illo témpore : Dixit Jesus discipulis suis parábolam hanc : Simile erit regnum cælórum decem virginibus : quæ accipiéntes lámpades suas , exiérunt óbviám sponso et sponsæ. Et réliqua.

Homilia sancti Gregórii Papæ.

**Homil. 12. in Evang.**

**S**ÆPE vos , fratres carissími , admóneo prava ópera fúgere , mundi hujus inqúinaménta devitáre : sed hodiérna sancti Evangélii léctióne compéllor dicere , ut et bona quæ ágitis , cum magna cautéla teneátis : ne per hoc quod a vobis rectum géritur , favor aut grátia húmana requirátur : ne appetitus láudis subrépat , et quod foris osténditur , intus a mercede vacuétur. Ecce enim Redemptóris voce decem vírgines , et omnes dicúntur vírgines , et tamen intra beatitúdinis jánuam non omnes sunt recéptæ : quia eárum quædam , dum de virginitáte



sua glóriam foris éxpetunt, in vasis suis óleum habére noluérunt.

**R.** Hæc est Virgo sápiens, quam Dóminus vigilántem invénit, quæ accéptis lampádibus, sumpsit secum óleum : \* Et veniénte Dómino, introivit cum eo ad núptias.

**V.** Média nocte clamor factus est : Ecce sponsus venit, exite óbviám ei. Et veniénte.

**Bened.** Cujus, **vel** Quarum festum cólimus.

**Lectio viij.**

**S**ED prius quæréndum nobis est, quid sit regnum cælórum, aut cur decem virginibus comparétur, quæ étiam vírgines prudéntes et fátuæ dicántur. Dum enim cælórum regnum constat, quia reprobórum nullus ingréditur, étiam fátuis virginibus cur simile esse perhibétur? Sed sciéndum nobis est, quod sæpe in sacro elóquio regnum cælórum præsentis témporis Ecclésia dicitur. De quo álio in loco Dóminus dicit : Mittet Filius hóminis Angelos suos, et cólligent de regno ejus ómnia scándala. Neque enim in illo regno beatitúdinis, in quo pax summa est, inveniri scándala póterunt, quæ coligántur.

**R.** Média nocte clamor factus est : \* Ecce sponsus venit, exite óbviám ei. **V.** Prudéntes Virgines, aptáte vestras lámpades. Ecce. Glória Patri. Ecce.

**Bened.** Ad societátem.

**Lectio ix.**

**I**N quinque áutem córporis sénsibus unusquisque subsistit. Geminátus áutem quinárius denárium pèrficit. Et quia ex utróque sexu fidélium multitúdo colligitur, sancta Ecclésia decem virginibus similis esse denuntiátur. In qua quia mali cum bonis, et réprobi cum eléctis admíxti sunt, recte similis virginibus prudéntibus et fátuis esse perhibétur. Sunt namque plerique continéntes, qui ab appetitu se exterióri custódiunt, et spe ad interióra rapiúntur, carnem mácerant, et toto desiderio ad supérnam pátriam anhelant, æténa præmia éxpetunt, pro labóribus suis recipere láudes humanas nolunt. Hi nimirum glóriam suam non in ore hóminum ponunt, sed intra consciéntiam cóntegunt. Et sunt plerique, qui corpus per abstinentiam affligunt, sed de ipsa sua abstinentia humanos favores éxpetunt.

Te Deum laudámus. 17.

**AD LAUDES**

**ET PER HORAS**

**Ant. 1.** Hæc est Virgo sápiens, \* et una de número prudéntum.

**Ps.** Dóminus regnávít. **cum reliq.** 18.

**2.** Hæc est Virgo sápiens, \* quam Dóminus vigilántem invénit.

**3.** Hæc est quæ nescivit

\* torum in delicto : habébit fructum in respectiōne animárum sanctárum.

4. Veni elécta mea, \* et ponam in te thronum meum, allelúia.

5. Ista est speciōsa \* inter filias Jerúsalem.

**Capitulum.** II. Cor. 10. d

**F**RATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

**Hymnus.**

**J**ESU coróna Virginum,  
Quem mater illa concipit,  
Quæ sola Virgo párturit :  
Hæc vota clemens áccipe.

Qui pergis inter lilia,  
Septus choréis Virginum,  
Sponsus decórus glória,  
Sponsisque reddens præmia.

Quocúmque tendis, Virgines

Sequúntur, atque láudibus  
Post te canéntes cúrsitant,  
Hymnósque dulces pèrsonant.

Te deprecámur súplices,  
Nostris ut addas sénsibus,  
Nescire prorsus ómnia  
Corruptiōnis vúlnera.

Virtus, honor, laus, glória  
Deo Patri cum Filio,  
Sancto simul Paráclito,  
In sæculórum sæcula.

Amen.

v. Diffúsa est grátia in lábiis tuis. R. Proptérea benedixit te Deus in ætérnum.

**Ad Bened. Ant.** Simile est regnum cælórum \* hómini

negotiátóri, quærénti bonas margaritas : invénta una pretiōsa, dedit ómnia sua, et comparávit eam.

**Oratio.**

**D**EUS, qui inter cætera poténtiæ tuæ mirácula étiam in sexu frágili victóriam martýrii contulisti : concéde propítius ; ut qui beátæ **N.** Virginis et Mátyris tuæ natalitia cólimus, per ejus ad te exémpa gradiámur. Per Dóminum.

**Alia Oratio.**

**I**NDULGÉNTIAM nobis, quæsumus Dómine, beáta **N.** Virgo et Martyr implóret : quæ tibi grata semper éxstitit et mérito castitátis, et tuæ professiōne virtútis. Per Dóminum.

**Pro Virgine non Martyre.**

**Oratio.**

**E**XÁUDI nos, Deus salutáris noster : ut, sicut de beátæ **N.** Virginis tuæ festivitáte gaudémus ; ita piæ devotiōnis erudiámur afféctu. Per Dóminum.

**Si fuerint plures, ad Benedictus dicitur**

**Ant.** Prudentes Virgines \* aptáte vestras lámpades : ecce sponsus venit, exite óbviám ei.

v. Adducéntur Regi Virgines post eam. R. Próximæ ejus afferéntur tibi.

**Oratio**

**D**A nobis, quæsumus Dómine Deus noster, sanctárum Virginum et Mátyrum tuárum **N.** et **N.** palmas



incessábili devotióne venerári : ut quas digna mente non póssumus celebráre, humilibus saltem frequentémus obséquijs. Per Dóminum.

## AD TERTIAM

**Ant.** Hæc est Virgo.

**Capit.** Fratres : Qui gloriátur. **ut supra.** 120\*.

**R. br.** Spécie tua \* Et pulchritúdine tua. Spécie. **V.** Inténde, prospere procéde, et regna. Et. Glória. Spécie.

**V.** Adjuvábít eam Deus vultu suo. **R.** Deus in médio ejus, non commovébitur.

## Tempore Paschali.

**R. br.** Spécie tua et pulchritúdine tua, \* Allelúia, allelúia. Spécie. **V.** Inténde, prospere procéde, et regna. Allelúia, allelúia. Glória Patri. Spécie.

**V.** Adjuvábít eam Deus vultu suo, allelúia. **R.** Deus in médio ejus, non commovébitur, allelúia.

## AD SEXTAM

**Ant.** Hæc est quæ nescivit.

**Capitulum.** II. Cor. 11.

**Æ**MULOR enim vos Dei æmulatione. Despóndi enim vos uni viro vírginem castam exhibére Christo.

**R. br.** Adjuvábít eam \* Deus vultu suo. Adjuvábít. **V.** Deus in médio ejus, non commovébitur. Deus. Glória Patri. Adjuvábít.

**V.** Elégít eam Deus, et præelégít eam. **R.** In tabernáculo suo habitáre facit eam.

## Tempore Paschali.

**R. br.** Adjuvábít eam Deus vultu suo, \* Allelúia, allelúia. Adjuvábít. **V.** Deus in médio ejus, non commovébitur. Allelúia, allelúia. Glória Patri. Adjuvábít.

**V.** Elégít eam Deus, et præelégít eam, allelúia. **R.** In tabernáculo suo habitáre facit eam, allelúia.

## AD NONAM

**Ant.** Ista est speciósa.

**Capitulum.** Eccli. 51. b

**D**ÓMINE Deus meus, exaltásti super terram habitatiónem meam, et pro morte defluente deprecáta sum. Invocávi Dóminum Patrem Dómini mei, ut non derelinquat me in die tribulationis meæ, et in témpore superbórum sine adjutório.

**Si fuerit Virgo et non Martyr, dic. seq.**

**Capitulum.** Sap. 4.

**O** QUAM pulchra est casta generatio cum claritate! immortalis est enim memoria illius : quóniam apud Deum nota est, et apud homines.

**R. br.** Elégít eam Deus, \* Et præelégít eam. Elégít. **V.** In tabernáculo suo habitáre facit eam. Et præelégít. Glória Patri. Elégít.

**V.** Diffúsa est grátia in lábiis tuis. **R.** Propterea benedixit te Deus in ætérnum.

## Tempore Paschali.

**R. br.** Elégít eam Deus, et præelégít eam, \* Allelúia, allelúia. Elégít. **V.** In taber-

náculo suo habitare facit eam. Allelúia, allelúia. Glória Patri. Elégit.

Ÿ. Diffúsa est grátia in lábiis tuis, allelúia. **R.** Proptérea benedixit te Deus in ætérnum, allelúia.

IN II. VESPERIS

**Ant., Pss., Capit. et Hymn. ut in I. Vesp. 107\*.**

Ÿ. Diffúsa est grátia in lábiis tuis. **R.** Proptérea benedixit te Deus in ætérnum.

**Ad Magnif. Ant.** Veni sponsa Christi, \* áccipe corónam, quam tibi Dóminus præparávit in ætérnum.

## II. ALLÆ LECTIONES

PRO VIRGINIBUS

**Pro Virgine et Martyre, ac pro Martyre tantum. Lect. I. Noct. leguntur etiam ut infra.**

De libro Ecclesiástici.

**Lectio j. Cap. 51.**

**C**ONFITÉBOR tibi Dómine Rex, et collaudábo te Deum Salvatórem meum. Confitébor nómini tuo : quóniam adjutor et protector factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu adstántium factus es mihi adjutor. Et liberásti me secúndum multitudinem misericórdiæ nóminis tui a rugiéntibus præparátis ad escam, de má nibus quæréntium ánimam meam, et de portis tribulatiónum, quæ circumdede-

runt me : a pressúra flammæ, quæ circúmdedit me, et in médio ignis non sum æstuáta : de altitúdine ventris inferi, et a lingua coinquináta, et a verbo mendá cii, a rege iniquo, et a lingua injústa.

**R.** Veni sponsa Christi, áccipe corónam, quam tibi Dóminus præparávit in ætérnum : pro cujus amóre sanguinem tuum fudisti, \* Et cum Angelis in paradísium introísti. **Ÿ.** Veni elécta mea, et ponam in te thronum meum, quia concupívit Rex spéciem tuam. Et cum.

**Lectio ij.**

**L**AUDÁBIT usque ad mortem ánima mea Dóminum, et vita mea appropinquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ Dómine, et operatiónis tuæ, quæ a sæculo sunt : quóniam éruis sustinéntes te Dómine, et liberas eos de má nibus géntium.

**R.** Diffúsa est grátia in lábiis tuis : \* Proptérea benedixit te Deus in ætérnum. **Ÿ.** Spécie tua et pulchritúdine tua inténde, prospere procéde, et regna. Proptérea.

**Lectio iij.**

**E**XALTÁSTI super terram habitatiónem meam, et pro morte defluente deprecáta sum. Invocávi Dómi-



num Patrem Dómini mei, ut non derelinquat me in die tribulatiónis meæ, et in tēpore superbórum sine adiutório. Laudábo nomen tuum assidue, et collaudábo illud in confessiōe, et exaudita est orátio mea. Et liberásti me de perditíone, et eripuisti me de tēpore iníquo. Propterea confitébor, et láudem dicam tibi, et benedicam nómini Dómini.

℞. Spécie tua. 113\*.

IN II. NOCTURNO

Ex libro sancti Cypriáni Epíscopi et Mártiris, de disciplina et hábitu Virginum.

Lectio iv. Cap. 2.

**N**UNC nobis ad virgines sermo est, quarum quo sublimior glória est, major et cura est. Flos est ille ecclesiástici gérminis, decus atque ornámētum grátiae spiritalis, læta índoles, láudis et honóris opus integrum atque incorrúptum, Dei imágo respóndens ad sanctimóniam Dómini, illústrior pórtio gregis Christi. Gáudet per illas, atque in illis lárgiter floret Ecclésiæ matris gloriósa fœcúnditas : quantóque plus copiósa virginitas número suo addit, tanto plus gáudium matris augéscit. Ad has lóquimur, has adhortámur affectiōe pótius quam potestáte : non quod extrémí, et mínimi, et humilitátis nostræ ádmodum cónsicii áliquíd ad censúram licéntiæ vindicémus ; sed

quod ad sollicitúdinem magis cáuti, plus de diáboli infestatiōe timeámus.

℞. Propter veritatem. 116\*.

Lectio v.

**N**EQUE inánis hæc cáutio est, et vana formido, quæ ad salútis viam cónsulit, quæ domínica et vitália præcépta custódit, ut quæ se Christo dicáverint, et a carnáli concupiscéntia recedéntes, tam carne, quam mente se Deo vóverint, cónsumment opus suum magno præmio destinátum : nec ornári jam, aut placére cuiquam, nisi Dómino suo, studeant, a quo et mercédem virginitátis expéctant, dicénte ipso : Non omnes cápiunt verbum, sed illi quibus datum est. Sunt enim spadónes, qui ex útero matris sic nati sunt : et sunt spadónes, qui coácti sunt ab homínibus : et sunt spadónes, qui seipsos castravérunt propter regnum cælórum.

℞. Dilexisti justitiam. 116\*.

Lectio vj.

**D**ÉNUO quoque per hanc Angeli vocem continéntiæ munus osténditur, virginitas prædicátur. Hi sunt, qui cum muliéribus se non coinquinavérunt : vírgines enim permansérunt : hi sunt qui sequúntur Agnum quocúmque ierit. Neque enim tantum másculis continéntiæ grátiam Dóminus repro-mittit, et fémimas præterit : sed quóniam fémina viri

pórtio est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémína. Quod si Christum continéntia séquitur, et regno Dei virginitas destinátur : quid est illis cum terréno cultu, et cum ornáméntis, quibus dum hominibus placére géstunt, Deum offéndunt?

℞. Afferéntur Regi. 116\*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19.

**I**N illo témpore : Accessérunt ad Jesum pharisæi tentántes eum, et dicéntes : Si licet hómini dimittere uxórem suam quacúmque ex cáusa? Et réliqua.

Homília sancti Joánnis Chrysóstomi.

Hom. 63. in Matth.. sub med.

**D**ÓMINUS noster, quia ad virginitátem hortári grave esse videbátur, a necessitáte legis de non solvéndo matrimónio, eos ad cupiditátem illius tráhere studet. Deinde ut eam esse possibilem osténdat, sic inquit : Sunt eunúchi qui ex ventre matris ita nati sunt, et sunt qui ab hominibus eunúchi facti sunt, et sunt qui seípsos castravérunt propter regnum cælórum. Quibus verbis lánter eos ad eligéndam vir-

ginitátem indúcit, dum eam virtútem esse possibilem ádstruit.

℞. Hæc est Virgo. 119\*.

Lectio viij.

**I**D áutem hoc fere modo confirmat. Cógita tecum, si aut a natúra talis esses, aut ab hominibus eam injúriam passus, quid fáceres, cum et ejúsmodi voluptáte caréres, et nullam caréndo mercédem consequeréris? Grátias igitur nunc Deo agas, quod cum mercéde atque corónis idem sústines, quod illi sine corónis ac præmio tólerant : imo vero non idem, sed multo lévius; tum quia spe erigeris, et consciéntia recte facti; tum quia non ita ingéntibus concupiscéntiæ flúctibus jactáris.

℞. Média nocte. 119\*.

Lectio ix.

**C**UM ergo de illis eunúchis dixérít, qui nisi étiam ipsi mente se contineant, frustra et inutiliter tales sunt; ac de illis, qui ut regnum cælórum consequántur, se cóntinent, subjúnxit rursus, dicens : Qui potest cápere, cápiat : ut alacrióres efficiat eo ipso, quod grave esse opus osténdit, et ineffábili benignitáte sua nóluit eam rem intra necessitátem legis conclúdere : idque dicéndo, adhuc magis possibilem esse demónstrat, ut voluntátis stúdiu plus augeátur.

Te Deum laudámus. 17.



COMMUNE SANCTÆ MARTYRIS TANTUM  
ET NEC VIRGINIS NEC MARTYRIS

IN I. VESPERIS

*Ant. de Laud. 129\*; Pss. ut  
in I. Vesp. de Comm. Virg.  
107\*.*

*Pro Martyre tantum.  
Capitulum. Eccli. 51.*

**C**ONFITEBOR tibi Dó-  
mine Rex, et col-  
laudábo te Deum  
Salvatórem meum.  
Confitebor nómini tuo: quó-  
niam adjútor et protéctor  
factus es mihi, et liberásti  
corpus meum a perditíone.

*Pro nec Virg. nec Mart.  
Capitulum. Prov. 31. b*

**M**ULIEREM fortem quis in-  
veniet? procul, et de  
últimis finibus prétium ejus.  
Confidit in ea cor viri sui,  
et spóliis non indigébit.

*Hymnus.*

**F**ORTEM virili pectore  
Laudémus omnes fémi-  
nam,

Quæ sanctitátis glória  
Ubique fulget inclyta.

Hæc sancto amóre sáucia,  
Dum mundi amórem nóxium  
Horréscit, ad cæléstia  
Iter perégit árduum.

Carnem domans jejúniis,  
Dulcíque mentem pábulo  
Oratíonis nútrens,  
Cæli potitur gáudiis.

Rex Christe virtus fór-  
tium,

Qui magna solus éfficis,  
Hujus precátu, quæsumus,  
Audi benignus súpplices.

Deo Patri sit glória,  
Ejúsque soli Filio,  
Cum Spiritu Paráclito,  
Nunc et per omne sæculum.  
Amen.

*Y.* Spécie tua et pulchri-  
túdine tua. *R.* Inténde, pró-  
spere procéde, et regna.

*Ad Magnif. Ant.* Simile est  
regnum cælórum \* hómini  
negotiatóri quærénti bonas  
margaritas: invénta una  
pretiósá, dedit ómnia sua, et  
comparávit eam.

*Pro una Martyre tantum.  
Oratio.*

**D**EUS, qui inter cætera po-  
téntiæ tuæ mirácula,  
étiam in sexu frágili victó-  
riam mártýrii contulisti:  
concéde propítius; ut qui  
beátæ *N.* Mártýris tuæ nata-  
litia cólimus, per ejus ad te  
exémpla gradiámur. Per.

*Pro plur. Martyr. tantum.  
Oratio.*

**D**A nobis, quæsumus Dó-  
mine Deus noster, san-  
ctárum Mártýrum tuárum  
*N.* et *N.* palmas incessábili  
devotíone venerári: ut quas  
digna mente non póssumus  
celebráre, humilibus sal-  
tem frequentémus obséquii.  
Per Dóminum.

*Pro nec Virg. nec Mart.  
Oratio.*

**E**XÁUDI nos Deus salutáris  
noster: ut sicut de beá-  
tæ *N.* festivitáte gaudémus;

ita piæ devotiõnis erudiámur afféctu. Per Dóminum.

AD MATUTINUM

*Invitat.* Laudémus Deum nostrum, \* In confessiõne beátæ N.

*Ps.* Venite, exsultémus. 2.

*Hymnus.*

**H**UJUS orátu Deus alme nobis

Débitas pœnas scélerum remitte :

Ut tibi puro resonémus al-  
mum

Péctore carmen.

Sit decus Patri, genitæque

Proli,

Et tibi compar utriúsque  
virtus

Spiritus semper, Deus unus  
omni

Témporis ævo. Amen.

*Ant., Pss. et ŷŷ. in tribus  
Noct. dicuntur ut in Comm.*

*Virg. 110\*, excepta secunda*

*Ant. I. Noct., cujus loco  
dicitur Ant. Læva ejus. ut  
ibidem.*

IN I. NOCTURNO

*Lect. I. Noct. pro Martyre  
tantum, leguntur ut supra.  
Confitébor. 122\*.*

*Pro nec Virg. nec Mart., ut  
sequuntur.*

De Parábolis Salomónis.

*Lectio j. Cap. 31. b*

**M**ULIEREM fortem quis inveniet? procul, et de últimis finibus prétium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsivit lænam et li-

num, et operáta est consilio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum : defructu mánuum suárum plantávit vineam. Accinxit fortitúdine lumbos suos, et roborávit bráchium suum.

*Ŕ.* Veni elécta mea, et ponam in te thronum meum :

\* Quia concupívit Rex spéciem tuam. *v.* Spécie tua et pulchritúdine tua inténde, prospere procéde, et regna. Quia.

*Bened.* Unigénitus Dei.

*Lectio ij.*

**G**USTÁVIT, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et digiti ejus apprehendérunt fusum. Manum suam apérui inopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestíti sunt duplicibus. Stragulatam vestem fecit sibi : byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádidit Chananæo.

*Ŕ.* Diffúsa est grátia in lábiis tuis : \* Proptérea benedixit te Deus in ætérnum. *ŷ.* Spécie tua et pulchritú



dine tua inténde, prospere procéde, et regna. Proptérea.

**Bened.** Spiritus sancti grátia.

**Lectio iij.**

**F**ORTITÚDO et decor indumentum ejus, et ridébit in die novissimo. Os suum apérui sapientíæ, et lex clementíæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt : vir ejus, et laudávit eam. Multæ filiæ congregavérunt divitias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur. Date ei de fructu mánuum suárum : et láudent eam in portis ópera ejus.

**R.** Spécie tua et pulchritúdine tua \* Inténde, prospere procéde, et regna. **V.** Diffúsa est grátia in lábiis tuis, proptérea benedíxit te Deus in ætérnum. Inténde. Glória Patri. Inténde.

IN II. NOCTURNO

Ex libro sancti Ambrósii  
Episcopi de Viduis.

**Prope finem.**

**Lectio iv.**

**A**GRUM hunc Ecclesiæ fértilem cerno, nunc integritátis flore vernántem, nunc viduitátis gravitate polléntem, nunc étiam conjúgii fructibus redundántem. Nam etsi divérsi, unius ta-

men agri fructus sunt : nec tanta hortórum lília, quantæ aristæ ségetum, méssium spicæ : compluriúmque spátia campórum recipiéndis aptántur seminibus, quam rédditis nováles fructibus feriantur. Bona ergo viduitas, quæ tóties apostólico judicio prædicátur. Hæc enim magistra fidei, magistra est castitátis.

**R.** Propter veritátem, et mansuetúdinem, et justitiam : \* Et dedúcet te mirabiliter dextera tua. **V.** Spécie tua et pulchritúdine tua inténde, prospere procéde, et regna. Et.

**Bened.** Christus perpétuæ.

**Lectio v.**

**U**NDE et illi qui deórum suórum adultéria et probra venerántur, cœlibátus et viduitátis statuére pœnas, ut æmuli criminum mulctarent stúdia virtútum, spécie quidem, qua fecunditátem quærerent, sed stúdio, quo propósitum castitátis abolérent. Nam conféctis et miles stipéndiis arma depónit, et relicto officio quod gerébat, ad própria veteránus rura dimittitur, ut et ipse exercitæ labóribus vitæ réquiem consequátur; et álios spes futúrx quiétis subeúndis fáciat opéribus promptiôres. Agrícola quoque matúrior torquéndam áliis stivam committit, et juvenili gravátus ópere providéntiam curæ

senilis explórat : vitem facilius tondére, quam prémere, ut juvenescéntem luxúriam réprimat, et adolescéntem lasciviam falce succídat : parcórum quamdam pártum castitátem docens étiam in vitibus expeténdam.

**R.** Dilexisti justitiam, et odisti iniquitátem : \* Proptérea unxit te Deus, Deus tuus óleo lætitiæ. **V.** Propter veritátem, et mansuetúdinem, et justitiam. Proptérea.

**Bened.** Ignem sui amóris.

**Lectio vj.**

**S**ÍMILIS huic vídua velut Seméritis veterána stipéndiis castitátis, etsi conjúgii arma depónat, domus tamen totius pacem gubérnat : etsi vehéndis onéribus otíosa, maritándis tamen junióribus próvida, ubi cultus utilior, ubi fructus ubérior sit, quarum cópulam aptiórem, senili gravitáte dispónit. Itaque si maturióribus quam junióribus committitur ager, cur putes utiliórem nuptam esse quam víduam? Quod si persecutóres fidei persecutóres fuérunt étiam viduitátis : útique fidem sequéntibus vidúitas non pro supplicio fugiéndam est, sed tenéndam pro præmio.

**R.** Fallax grátia, et vana est pulchritúdo : \* Múlier timens Deum, ipsa laudábitur. **V.** Date ei de fructu mánuum suárum, et láudent eam in portis ópera ejus. Múlier. Glória. Múlier.

IN III. NOCTURNO

Léctio sancti Evangélii secúndum Matthæum.

**Lectio vij. Cap. 13. f**

**I**N illo témpore : Dixit Jesus discipulis suis parábolam hanc : Simile est regnum cælórum thesaúro abscóndito in agro. Et réliqua.

Homilia sancti Gregórii Papæ.

**Homil. 11. in Evang.**

**C**ÆLÓRUM regnum, fratres carissimi, idcirco terrénis rebus simile dicitur, ut ex his quæ ánimus novit, surgat ad incógnita quæ non novit : quátenus exémplo visibílium se ad invisibília rápiat, et per ea, quæ usu didicit, quasi confricátus incaléscat : ut per hoc, quod scit notum diligere, discat et incógnita amáre. Ecce enim cælórum regnum thesaúro abscóndito in agro comparátur : quem qui invenit homo, abscóndit, et præ gáudio illius vadit, et vendit univérsa quæ habet, et emit agrum illum.

**R.** Os suum apérui sapiéntiæ, et lex cleméntiæ in lingua ejus : considerávit sémitas domus suæ, \* Et panem otíosa non comédit. **V.** Gustávit, et vidit quia bona est negotiátio ejus : non exstinguétur in nocte lucérna ejus. Et.

**Bened.** Cujus festum cólimus.

**Lectio viij.**

**Q**UA in re hoc quoque notándum est, quod invén-



tus thesáurus absconditur, ut servétur : quia stúdi-  
 cæléstis desidérii a malignis  
 spirítibus custodire non súf-  
 ficit, qui hoc ab humánis  
 láudibus non abscondit. In  
 præsénti étenim vita, quasi  
 in via sumus, qua ad pá-  
 triam pèrgimus. Maligni áu-  
 tem spíritus iter nostrum  
 quasi quidam latrúnculi ób-  
 sident. Deprædári ergo de-  
 siderat, qui thesáurum pú-  
 blice portat in via. Hoc áutem  
 dico, non ut próximi ópera  
 nostra bona non vídeant,  
 cum scriptum sit : Videant  
 ópera vestra bona, et glori-  
 ficient Patrem vestrum, qui  
 in cælis est : sed ut per hoc,  
 quod ágimus, láudes exté-  
 rius non quæramus. Sic áu-  
 tem sit opus in público, quá-  
 tenus inténtio máneat in  
 occúlto : ut et de bono ópere  
 próximis præbeámus exem-  
 plum, et tamen per intenti-  
 onem, qua Deo soli placere  
 quærimus, semper optémus  
 secrétum.

**R.** Regnum mundi, et  
 omnem ornátum sáeculi con-  
 témpsi, propter amórem Dó-  
 mini mei Jesu Christi : \*  
 Quem vidi, quem amávi, in  
 quem crédidi, quem diléxi.  
**Ŷ.** Eructávit cor meum ver-  
 bum bonum : dico ego ópera  
 mea Regi. Quem. Glória Pa-  
 tri. Quem.

**Bened.** Ad societátem.

**Lectio ix.**

**T**HEsÁURUS áutem cæléste  
 est desidérium : ager

vero, in quo thesáurus  
 absconditur, disciplina stú-  
 dii cæléstis. Quem profecto  
 agrum, vënditis ómnibus,  
 cómparat, qui voluptátibus  
 carnis renúntians, cuncta  
 sua terréna desidéria per  
 disciplinæ cæléstis custó-  
 diam calcat : ut nihil jam,  
 quod caro blanditur, libeat ;  
 nihil quod carnálem vitam  
 trucidat, spíritus perhor-  
 réscat.

Te Deum laudámus. 17.

AD LAUDES

ET PER HORAS

**Ant. 1.** Dum esset Rex \* in  
 accúbitu suo, nardus mea  
 dedit odórem suavitátis.

**Ps.** Dóminus regnávít. **cum**  
**reliq.** 18.

**2.** In odórem \* unguentó-  
 rum tuórum cúrrimus : ado-  
 lescéntulæ dilexérunt te ni-  
 mis.

**3.** Jam hiems tránsiit, \*  
 imber ábiit, et recéssit : surge  
 amica mea, et veni.

**1.** Veni elécta mea, \* et po-  
 nam in te thronum meum,  
 allelúia.

**5.** Ista est speciósa \* inter  
 filias Jerúsalem.

**Pro Martyre tantum.**

**Capitulum. Eccli. 51.**

**C**ONFITEBOR tibi Dómine  
 Rex, et collaudábo te  
 Deum Salvatórem meum.  
 Confitebor nómini tuo : quón-  
 iam adjútor et protéctor  
 factus es mihi, et liberásti  
 corpus meum a perditio-  
 ne.

**Pro nec Virgine nec Martyre.**

**Capitulum. Prov. 31. b**

**M**ULIEREM fortem quis invéniet? procul, et de ultimis finibus prétium ejus. Confidit in ea cor viri sui, et spóliis non indigébit.

**Hymnus.**

**F**ORTEM virili pectore  
Laudémus omnes féminam,

Quæ sanctitátis glória  
Ubique fulget inclyta.

Hæc sancto amóre sáucia,  
Dum mundi amórem nóxium

Horréscit, ad cæléstia  
Iter perégit árduum.

Carnem domans jejúniis,  
Dulcique mentem pábulo  
Oratiónis nútriens,  
Cæli potitur gáudiis.

Rex Christe virtus fórtium,  
Qui magna solus éfficis,  
Hujus precátu, quæsumus,  
Audi benígnus súpplices.

Deo Patri sit glória,  
Ejúsque soli Filio,  
Cum Spíritu Paráclito,  
Nunc et per omne sæculum.  
Amen.

Ÿ. Diffúsa est grátia in lábiis tuis. R. Proptérea benedixit te Deus in ætérnum.

**Ad Bened. Ant.** Date ei \* de fructu mánuum suárum, et láudent eam in portis ópera ejus.

**Pro una Martyre tantum.**

**Oratio.**

**D**EUS, qui inter cætera poténtiæ tuæ mirácula étiam in sexu frágili victó-

riam martýrii contulisti : concéde propítius; ut qui beátæ **N.** Mártiris tuæ natalítia cólimus, per ejus ad te exémpla gradiámur. Per.

**Pro pluribus Martyribus tantum. Oratio.**

**D**A nobis, quæsumus Dómine Deus noster, sanctárum Mártýrum tuárum **N.** et **N.** palmas incessábili devotíone venerári : ut quas digna mente non póssumus celebráre, humilibus saltem frequentémus obséquiiis. Per Dóminum.

**Pro nec Virgine nec Martyre. Oratio.**

**E**XÁUDI nos Deus salutáris noster : ut, sicut de beátæ **N.** festivitáte gaudémus; ita piæ devotiónis erudiámur afféctu. Per Dóminum.

AD TERTIAM

**Ant.** In odórem.

**Pro Martyre tantum.**

**Capit.** Confitébor. 129\*.

**Pro nec Virgine nec Martyre.**

**Capit.** Mulierem fortem.

R. br. Spécie tua \* Et pulchritúdine tua. Spécie. Ÿ. Inténde, prospere procéde, et regna. Et. Glória Patri. Spécie.

Ÿ. Adjuvábít eam Deus vultu suo. R. Deus in médio ejus, non commovébitur.

**Tempore Paschali.**

R. br. Spécie tua et pulchritúdine tua, \* Allelúia, allelúia. Spécie. Ÿ. Inténde, prospere procéde, et regna. Allelúia, allelúia. Glória Patri. Spécie.



Ÿ. Adjuvabit eam Deus vultu suo, allelúia. R̃. Deus in medio ejus, non commovébitur, allelúia.

## AD SEXTAM

Ant. Jam hiems tránsiit.

Pro Martyre tantum.

Capitulum. Eccli. 51.

**L**IBERÁSTI me secúndum multitudínem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de multis tribulationíbus quæ circumdédérunt me.

Pro nec Virgine nec Martyre.

Capitulum. Prov. 31. c

**M**ANUM suam apéruiť inopi, et palmas suas exténdit ad páuperem. Non timébit dómui suæ a frigóribus nivis.

R̃. br. Adjuvabit eam \* Deus vultu suo. Adjuvabit.

Ÿ. Deus in medio ejus, non commovébitur. Deus. Glória Patri. Adjuvabit.

Ÿ. Elégit eam Deus, et præelégit eam. R̃. In tabernáculo suo habitáre facit eam.

## Tempore Paschali.

R̃. br. Adjuvabit eam Deus vultu suo, \* Allelúia, allelúia. Adjuvabit. Ÿ. Deus in medio ejus, non commovébitur. Allelúia, allelúia. Glória Patri. Adjuvabit.

Ÿ. Elégit eam Deus, et præelégit eam, allelúia. R̃. In tabernáculo suo habitáre facit eam, allelúia.

## AD NONAM

Ant. Ista est speciósá.

Pro Martyre tantum.

Capitulum. Eccli. 51.

**L**AUDÁBIT usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine Deus noster.

Pro nec Virgine nec Martyre.

Capitulum. Prov. 31. d

**M**ULTÆ filiæ congregavérunt divítias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur.

R̃. br. Elégit eam Deus, \* Et præelégit eam. Elégit.

Ÿ. In tabernáculo suo habitáre facit eam. Et. Glória Patri. Elégit.

Ÿ. Diffúsa est grátia in lábiis tuis. R̃. Proptérea benedixit te Deus in ætérnum.

## Tempore Paschali.

R̃. br. Elégit eam Deus, et præelégit eam, \* Allelúia, allelúia. Elégit. Ÿ. In tabernáculo suo habitáre facit eam. Allelúia, allelúia. Glória Patri. Elégit.

Ÿ. Diffúsa est grátia in lábiis tuis, allelúia. R̃. Proptérea benedixit te Deus in ætérnum, allelúia.

## IN II. VESPERIS

Ant. de Laud.; Pss. ut in I. Vesperis de Comm. Virg. 107\*.

Capit. et Hymnus ut ad Laud.

Ÿ. Diffúsa est grátia in lá-

biis tuis. **R.** Propterea benedixit te Deus in ætérnum.

**Ad Magnif. Ant.** Manum suam \* apérui inopi, et palmas suas extendit ad páuperem, et panem otíosa non comédit.

**Si fuerint plures non Virg., idem fit Officium ut supra. 125\*.**

## II. LECTIONES

**PRO MARTYRE TANTUM**

**IN II. NOCTURNO**

Sermo sancti Joánnis  
Chrysóstomi.

**Serm. 67. de diversis  
novi Testamenti locis.**

**Lectio iv.**

**E**GO máxime commemorationes diligo Mártyrum, diligo, et ampléctor; atque omnes quidem, sed tum præcipue, cum mulierum certamina proponúntur. Quanto enim infirmius est vas, tanto major est grátia, tanto illustrius est trophæum, tanto insignior est victória, non ob imbecillitatem sexus athletarum, sed quod per ea, quibus vícerat inimicus, nunc étiam vincátur.

**R.** Propter veritatem, et mansuetudinem, et justitiam: \* Et dedúcet te mirabiliter dextera tua. **V.** Spécie tua et pulchritudine tua inténde, prospere procéde, et regna. Et dedúcet.

**Lectio v.**

**P**ER mulierem vicit, per mulierem superátus est.

Hoc illius ántea telum erat: hoc illius nunc cædis factum est instrumentum, hoc vas apparuit insuperábile. Peccávit illa prior, et mórtua est: ista mórtua est, ne peccáret. Illa tum fútilis promissi spe infláta, Dei leges violávit: hæc vitam præsentem contempsit, ne fidem in suum benefactórem ejuráret. Quam igitur deinceps speráre póterunt excusationem viri, si molles sint, et ignávi; quam vero véniam, cum fórtiter ac viriliter se gerant mulieres, cum ádeo se generóse ad certamina pietátis accingant?

**R.** Dilexisti justitiam, et odisti iniquitatem: \* Propterea unxit te Deus, Deus tuus óleo lætitiæ. **V.** Propter veritatem, et mansuetudinem, et justitiam. Propterea unxit.

**Lectio vj.**

**F**UIT illi corpus imbecillum, et obnoxius sexus injuriæ; verúmtamen ómnium horum imbecillitatem adveniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defixum; sed quamvis ignes, quamvis ferrum, quamvis béstias, quamvis áliud quidvis minéntur hostes, ómnia nullo negotio contémnit; quod útique Beáta ista étiam fecit.

**R.** Fallax grátia. 128\*.



## COMMUNE DEDICATIONIS ECCLESIAE

## IN I. VESPERIS

**Ant. de Laud. 143\***; **Pss. ut in I. Vesp. de Comuni Apost. 1\***, et loco ultimi,  
**Psalmus 147.**

**L**ÁUDA Jerúsalem Dóminum : \* láuda Deum tuum Sion.  
Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terræ : \* velóciter currit sermo ejus.

Qui dat nivem sicut lannam : \* nébulam sicut cinerem spargit.

Mittit crystállum suam sicut buccéllas : \* ante faciém frigoris ejus quis sustinébit?

Emíttet verbum suum, et liquefaciet ea : \* flabit spíritus ejus, et fluent aquæ.

Qui annúntiat verbum suum Jacob : \* justítias, et judícia sua Israël.

Non fecit táliter omni nationi : \* et judícia sua non manifestávit eis.

**Capitulum. Apoc. 21.**

**V**IDI civitátem sanctam Jerúsalem novam descendéntem de cælo a Deo, parátam sicut sponsam ornátam viro suo.

**Hymnus.**

**C**ÆLÉSTIS urbs Jerúsalem,  
Beáta pacis visio,  
Quæ celsa de vivéntibus  
Saxis ad astra tólleris,  
Sponsæque ritu cingeris  
Mille Angelórum millibus.

O sorte nupta próspéra,  
Dotáta Patris glória,  
Respérsa Sponsi grátia,  
Regína formosíssima,  
Christo jugáta Principi,  
Cæli corúsca civitas.

Hic margaritis émicant,  
Paténtque cunctis óstia :  
Virtúte namque prævia  
Mortális illuc dúcitur,  
Amóre Christi pércitus  
Torménta quisquis sústinet.

Scalpri salúbris ictibus,  
Et tunsióné plúrima,  
Fabri políta málleo  
Hanc saxa molem cónstruunt,

Aptisque juncta nexibus  
Locántur in fastigio.

Decus Parénti débitum  
Sit usquequáque Altíssimo,  
Natóque Patris único,  
Et inclyto Paráclito,  
Cui laus, potéstas, glória  
Ætérna sit per sæcula.

Amen.

**Ÿ.** Hæc est domus Dómini firmiter ædificáta. **Ŕ.** Bene fundáta est supra firmam petram.

**Ad Magnif. Ant.** Sanctificávit Dóminus \* tabernáculum suum : quia hæc est

domus Dei, in qua invocabitur nomen ejus, de quo scriptum est : Et erit nomen meum ibi, dicit Dóminus.

**In ipso die Dedicationis Ecclesiæ, et per Octavam, et quando varianda est Oratio ob concursum Dedicationis alterius Ecclesiæ.**

**Oratio.**

**D**EUS, qui invisibiliter Dómnia cónfines, et tamen pro salute géneris humáni signa tuæ poténtiæ visibiliter osténdis : templum hoc poténtia tuæ inhabitationis illústra, et concéde ; ut omnes, qui huc deprecáturi convéniunt, ex quacúmque tribulatione ad te clamáverint, consolationis tuæ beneficia consequántur. Per Dñum.

**In Anniversario Dedicationis Ecclesiæ et per Oct.**

**Oratio.**

**D**EUS, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta ; ut quisquis hoc templum beneficia petitúrus ingréditur, cuncta se impetrásse lætétur. Per.

**AD MATUTINUM**

**Invit.** Domum Dei decet sanctitúdo : \* Sponsum ejus Christum adorémus in ea.

**Ps.** Venite, exsultémus. 2.

**Hymnus.** Cæléstis Urbs. ut supra.

**IN I. NOCTURNO**

**Ant.** Tóllite \* portas prin-

cipes vestras, et elevámini portæ æternáles.

**Psalmus 23.**

**D**ÓMINI est terra, et plentúdo ejus : \* orbis terrárum, et univérsti, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium faciém Dei Jacob.

Attóllite portas principes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

**Ant.** Tóllite portas principes vestras, et elevámini portæ æternáles.

**Ant.** Erit mihi \* Dóminus in Deum, et lapis iste vocábitur domus Dei.



## Psalmus 45.

**D**EUS noster refugium, et virtus : \* adjutor in tribulationibus, quæ invenérunt nos nimis.

Propterea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eórum : \* conturbáti sunt montes in fortitudine ejus.

Flúminis impetus lætíficat civitátem Dei : \* sanctificávit tabernáculum suum Altissimus.

Deus in médio ejus, non commovébitur : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscepitor noster Deus Jacob.

Venite, et vidéte ópera Dómini, quæ pósuit prodigia super terram : \* áuferens bella usque ad finem terræ.

Arcum cónteret, et confringet arma : \* et scuta combúret igni.

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscepitor noster Deus Jacob.

**Ant.** Erit mihi Dóminus in Deum, et lapis iste vocábitur domus Dei.

**Ant.** Ædificávit \* Móyses altáre Dómino Deo.

## Psalmus 47.

**M**AGNUS Dóminus et laudábilis nimis \* in civitáte Dei nostri, in monte sancto ejus.

Fundátur exsultatióne universæ terræ mons Sion, \* látera Aquilónis, civitas Regis magni.

Deus in dómibus ejus cognoscétur, \* cum suscipiet eam.

Quóniam ecce reges terræ congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spiritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri : \* Deus fundávit eam in ætérnum.

Suscépimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justítia plena est dextera tua.

Lætétur mons Sion, et exsúltent filiæ Judæ, \* propter judicia tua Dómine.

Circúmdate Sion, et complectimini eam : \* narráte in túrribus ejus.

Pónite corda vestra in virtúte ejus : \* et distribúite do-

mos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

**Ant.** Ædificávit Móyses altáre Dómino Deo.

**ŷ.** Domum tuam Dómine decet sanctitúdo. **R̃.** In longitúdinem diérum.

Pater noster.

**Absol.** Exáudi Dómine.

**ŷ.** Jube domne.

**Bened.** Benediccióne perpétua.

De libro secúndo Paralipómenon.

**Lectio j. Cap. 7.**

**C**UM complésset Sálomon fundens preces, ignis descendit de cælo, et devorávit holocáusta et víctimas : et majéstas Dómini implévit domum. Nec póterant sacerdótes ingredi templum Dómini, eo quod implésset majéstas Dómini templum Dómini. Sed et omnes filii Israël vidébant descendéntem ignem, et glóriam Dómini super domum : et corruéntes proni in terram super paviméntum stratum lápide, adoravérunt, et laudavérunt Dóminum : Quóniam bonus, quóniam in sæculum misericórdia ejus. Rex áutem, et omnis pópulus immolábant víctimas coram Dómino. Mactávit igitur rex Sálomon hóstias, boum viginti duo míllia, arietum centum viginti millia : et dedi-

cávit domum Dei rex, et univérsum pópulus.

**R̃.** In dedicatióne templi decantábat pópulus láudem : \* Et in ore eórum dulcis resonábat sonus. **ŷ.** Fundáta est domus Dómini supra vérticem móntium, et vénient ad eam omnes gentes. Et.

**Bened.** Unigénitus Dei Filius.

**Lectio ij.**

**S**ACERDÓTES áutem stabant in officiis suis : et Levitæ in órganis cárminum Dómini, quæ fecit David rex ad laudándum Dóminum : Quóniam in ætérnum misericórdia ejus, hymnos David canéntes per manus suas : porro sacerdótes canébant tubis ante eos, cunctúsque Israël stabat. Sanctificávit quoque Sálomon médium átrii ante templum Dómini : obtúlerat enim ibi holocáusta, et ádipes pacificórum : quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem in témpore illo septem diébus, et omnis Israël cum eo, ecclésia magna valde, ab intróitu Emath usque ad Torrénstem Ægýpti. Fecitque die octávo colléctam, eo quod dedicásset altáre septem diébus, et solemnitátem celebrásset diébus septem.

**R̃.** Fundáta est domus Dómini supra vérticem móntium, et exaltáta est super



omnes colles : \* Et vénient ad eam omnes gentes, et dicent : Glória tibi Dómine. **V.** Veniéntes áutem vénient cum exsultatióne, portántes manipulos suos. Et.

**Bened.** Spiritus sancti grátia.

**Lectio iij.**

**C**OMPLEVÍTQUE Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit áutem ei Dóminus nocte, et ait : Audívi oratióne[m] tuam, et elégi locum istum mihi in domum sacrificii. Si cláusero cælum, et plúvia non flúxerit, et mandávero et præcépero locústæ, ut dévoret terram, et misero pestiléntiam in pópulum meum : convérsus áutem pópulus meus, super quos invocátum est nomen meum, deprecátus me fúerit, et exquisierit fáciem meam, et égerit poeniténtiam a viis suis péssimis : et ego exáudiam de cælo, et propítius ero peccátis eórum, et sanábo terram eórum. Oculi quoque mei erunt apérti, et áures meæ eréctæ ad oratióne[m] ejus qui in loco isto oráverit. Elégi enim, et sanctificávi locum istum, ut sit nomen meum ibi in sempitérnum, et permáneant óculi mei et cor meum ibi cunctis diébus.

**R.** Bénedic Dómine do-

munum istam, quam ædificávi nómini tuo : veniéntium in loco isto, \* Exáudi preces in excélso sólio glóriæ tuæ. **V.** Dómine, si convérsus fúerit pópulus tuus, et oráverit ad sanctuárium tuum. Exáudi. Glória Patri. Exáudi.

IN II. NOCTURNO

**Ant.** Non est hic áliud, \* nisi domus Dei, et porta cæli.

**Psalmus 83.**

**Q**UAM dilécta tabernácula tua Dómine virtútum : \* concupiscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in sæcula sæculórum laudábunt te.

Beátus vir, cujus est auxili-  
um abs te : \* ascensiónes in corde suo dispósuit, in valle lacrymárum in loco, quem pósuit.

Etenim benedictióne[m] dabit legislátor, ibunt de virtúte in virtútem : \* vidébitur Deus deórum in Sion.

Dómine Deus virtútum, exáudi oratióne[m] meam : \* áuribus pércipe Deus Jacob.

Protéctor noster ádspice Deus : \* et réspice in fáciem Christi tui :

Quia mēlior est dies una  
in átriis tuis, \* super millia.

Elégiabjectus esse in domo  
Dei mei : \* magis quam ha-  
bitare in tabernáculis pecca-  
tórurum.

Quia misericórdiam, et  
veritátem diligit Deus : \* grá-  
tiam et glóriam dabit Dómi-  
nus.

Non privábit bonis eos,  
qui ámbulant in innocén-  
tia : \* Dómine virtútum, beá-  
tus homo, qui sperat in te.

*Ant.* Non est hic áliud, nisi  
domus Dei, et porta cæli.

*Ant.* Vidit Jacob scalam, \*  
súmmitas ejus cælos tangé-  
bat, et descendéntes Ange-  
los, et dixit : Vere locus iste  
sanctus est.

*Psalms 86.*

**F**UNDAMÉNTA ejus in món-  
tibus sanctis : \* diligit  
Dóminus portas Sion super  
omnia tabernácula Jacob.

Gloriósá dicta sunt de te, \*  
civitas Dei.

Memor ero Rahab, et Ba-  
bylónis \* sciéntium me.

Ecce alienigenæ, et Tyrus,  
et pópulus Æthiopum, \* hi  
fuérunt illic.

Numquid Sion dicet : Ho-  
mo, et homo natus est in  
ea : \* et ipse fundávit eam  
Altíssimus?

Dóminus narrábit in scri-  
ptúris populórum, et princi-  
pum : \* horum, qui fuérunt  
in ea.

Sicut lætántium ómnium \*  
habitatío est in te.

*Ant.* Vidit Jacob scalam,

súmmitas ejus cælos tangé-  
bat, et descendéntes Ange-  
los, et dixit : Vere locus iste  
sanctus est.

*Ant.* Eréxit Jacob \* lápi-  
dem in titulum, fundens  
óleum désuper.

*Psalms 87.*

**D**ÓMINE Deus salutis meæ : \*  
In die clamávi, et nocte  
coram te.

Intret in conspéctu tuo  
orátio mea : \* inclína áurem  
tuam ad precem meam :

Quia repléta est malis áni-  
ma mea : \* et vita mea in-  
férno appropinquávit.

Æstimátus sum cum de-  
scendéntibus in lacum : \* fa-  
ctus sum sicut homo sine ad-  
jutório, inter mórtuos liber.

Sicut vulneráti dormién-  
tes in sepúlcris, quorum non  
es memor ámplius : \* et ipsi  
de manu tua repúlsi sunt.

Posuérunt me in lacu in-  
ferióri : \* in tenebrósis, et  
in umbra mortis.

Super me confirmátus est  
furor tuus : \* et omnes fluc-  
tus tuos induxisti super me.

Longe fecisti notos meos  
a me : \* posuérunt me ab-  
ominatióne sibi.

Tráditus sum, et non egre-  
diébar : \* óculi mei langué-  
runt præ inópia.

Clamávi ad te Dómine tota  
die : \* expándi ad te manus  
meas.

Numquid mórtuis fácies  
mirábilia? \* aut médici sus-  
citábunt, et confitebúntur  
tibi?



Numquid narrábit áliquis in sepúlcro misericórdiam tuam, \* et veritátem tuam in perditione?

Numquid cognoscéntur in ténebris mirabilia tua : \* et justitia tua in terra obliuionis?

Et ego ad te Dómine clamávi : \* et mane orátio mea præueniet te.

Ut quid Dómine repélles orationem meam : \* auértis faciém tuam a me?

Páuper sum ego, et in laboribus a iuventúte mea : \* exaltátus áutem, humiliátus sum et conturbátus.

In me transiérunt iræ tuæ : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum, et próximum : \* et notos meos a miséria.

**Ant.** Eréxit Jacob lápidem in titulum, fundens óleum désuper.

**V.** Domus mea. **R.** Domus orationis vocábitur.

Pater noster.

**Absolutio.** Ipsíus pietas.

**V.** Jube domne.

**Bened.** Deus Pater omnipotens.

Sermo sancti Augustini  
Episcopi.

**Serm.** 252. de Tempore.

**Lectio iv.**

**Q**UOTIESCÚMQUE, fratres carissimi, altáris vel templi festivitátem cólimus, si fidé-

liter ac diligénter atténdimus, et sancte ac juste vivimus, quidquid in templis manufactis ágitur, totum in nobis spiritali ædificatióne complétur. Non enim mentitus est ille, qui dixit : Templum enim Dei sanctum est, quod estis vos; et iterum : Nescitis, quia córpora vestra templum sunt Spíritus sancti, qui in vobis est? Et ideo, fratres carissimi, quia nullis præcedéntibus méritis per grátiam Dei merúimus fieri templum Dei, quantum possumus cum ipsius adjutório laborémus, ne Dóminus noster in templo suo, hoc est, in nobis ipsis invéniat quod óculos suæ majestátis offéndat.

**R.** Orántibus in loco isto, \* Dimítte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimítte.

**Bened.** Christus perpétuæ.

**Lectio v.**

**S**ED habitáculum cordis nostri evacuétur vitiis, et virtútibus repleátur : claudátur diabolo, et aperiátur Christo : et ita laborémus, ut nobis bonórum óperum clávis jánua regni cælestis aperíre possimus. Sicut enim malis opéribus, quasi quibúsdam seris ac véctibus, vitæ nobis jánua cláuditur :

ita absque dúbio bonis opéribus aperitur. Et ideo, fratres carissimi, unusquisque consideret consciéntiam suam, et quando se áliquo crimine vulnerátum esse cognóverit, prius oratióibus, jejúniis, vel eleemósynis stúdeat mundáre consciéntiam suam; et sic Eucharístiam præsumat accipere.

**R.** O quam metuéndus est locus iste : \* Vere non est hic áliud, nisi domus Dei et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

**Bened.** Ignem sui amóris.

### Lectio vj.

**S**i enim agnóscens reátum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur; ita e contrário, qui se humiliat, exaltábitur. Qui enim, sicut dixi, agnóscens reátum suum, ipse se humíliter ab altári Ecclesiæ pro emendatióne vitæ removére volúerit, ab ætérno illo et cælésti convívio excommunícári pénitus non timébit.

**R.** Mane surgens Jacob erigébat lápidem in titulum, fundens óleum désuper, votum vovit Dómino : \* Vere locus iste sanctus est, et ego nesciébam. **V.** Cumque evigiláset Jacob de somno, ait. Vere. Glória Patri. Vere.

### IN III. NOCTURNO

**Ant.** Qui hábitat \* in adjutório Altíssimi, in protectiône Dei cæli commorábitur.

Quando hæc Ant. dicitur integra, et illi non additur in fine Alleluia, tunc incipitur Psalmus idem a secundo Versu : Dicit Dómino.

### Psalmus 90.

**Q**ui hábitat in adjutório Altíssimi, \* in protectiône Dei cæli commorábitur.

**D**icet Dómino : Suscéptor meus es tu, et refúgium meum : \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápulis suis obumbrábit tibi : \* et sub pennis ejus sperábis.

Scuto circúmdabit te véritas ejus : \* non timébis a timóre noctúrno,

A sagitta volánte in die, a negótio perambulánte in ténebris : \* ab incúrsu, et dæmónio meridiáno.

Cadent a látere tuo mille, et decem millia a dextris tuis : \* ad te áutem non appropinquábit.

Verúmtamen óculis tuis considerábis : \* et retributió nem peccatórum vidébis.

Quóniam tu es Dómine spes mea : \* Altíssimum posuisti refúgium tuum.

Non accédet ad te ma-



lum : \* et flagellum non appropinquabit tabernáculo tuo :

Quóniam Angelis suis mandavit de te : \* ut custódiant te in ómnibus viis tuis.

In mánibus portábunt te : \* ne forte offendas ad lápidem pedem tuum.

Super áspidem, et basili-scum ambulábis : \* et conculcábis leónem et draconem.

Quóniam in me sperávit, liberábo eum : \* prótegam eum, quóniam cognóvit nomen meum.

Clamábit ad me, et ego exáudiam eum : \* cum ipso sum in tribulatióne : eripiam eum et glorificábo eum.

Longitúdine diérum replébo eum : \* et osténdam illi salutáre meum.

**Ant.** Qui hábitat in adjutório Altissimi, in protectiόne Dei cæli commorábitur.

**Ant.** Templum Dómini \* sanctum est, Dei structúra est, Dei ædificatio est.

**Psalms 95.**

**C**ANTÁTE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii gén-

tium dæmónia : \* Dóminus autem cælos fecit.

Confessio, et pulchritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriæ gén-tium, afférte Dómino glóriam et honórem : \* afférte Dómino glóriam nómini ejus.

Tóllite hóstias, et introite in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávít.

Etenim corréxit orbem terræ qui non commovébatur : \* judicábit pópulos in æquitáte.

Læténtur cæli, et exsúltet terra, commoveáture mare, et plenitúdo ejus : \* gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

**Ant.** Templum Dómini sanctum est, Dei structúra est, Dei ædificatio est.

**Ant.** Benedicta \* glória Dómini de loco sancto suo, allelúia.

**Psalms 98.**

**D**ÓMINUS regnávít, irascántur pópuli : \* qui sedet super Chérubim, moveáture terra.

Dóminus in Sion magnus : \*  
et excélsus super omnes pópulos.

Confiteántur nómini tuo  
magno : quóniam terribile,  
et sanctum est : \* et honor  
regis iudícium diligit.

Tu parásti directiões : \*  
iudícium et justítiam in Ja-  
cob tu fecísti.

Exaltáte Dóminum Deum  
nostrum, et adoráte scabél-  
lum pedum ejus : \* quóniam  
sanctum est.

Móyses et Aaron in sacer-  
dótibus ejus : \* et Sámuel  
inter eos, qui invocant no-  
men ejus :

Invocabant Dóminum, et  
ipse exaudiébat eos : \* in  
columna nubis loquebátur  
ad eos.

Custodiébant testimónia  
ejus, \* et præcéptum quod  
dedit illis.

Dómine Deus noster tu  
exaudiébas eos : \* Deus tu  
propítius fuísti eis, et ul-  
ciscens in omnes adinven-  
tiões eórum.

Exaltáte Dóminum Deum  
nostrum, et adoráte in monte  
sancto ejus : \* quóniam san-  
ctus Dóminus Deus noster.

**Ant.** Benedícta glória Dó-  
mini de loco sancto suo, al-  
lelúia.

**V.** Hæc est domus Dómini  
firmiter ædificáta. **R.** Bene  
fundáta est supra firmam  
petram.

Pater noster.

**Absolutio.** A vínculis.

**V.** Jube domne.

**Bened.** Evangélica léctio.  
Léctio sancti Evagélíi se-  
cúndum Lucam.

**Lectio vij. Cap. 19.**

**I**N illo témpore : Ingréssus  
Jesus perambulábat Jéri-  
cho. Et ecce vir nómine Za-  
cháeus : et hic princeps erat  
publicanórum, et ipse dives.  
Et reliqua.

Homília sancti Ambrósii  
Episcopi.

**Lib. 8. in Luc., prope finem.**

**Z**ACHÆUS statúra pusillus,  
hoc est, nulla nobilitátis  
ingénitæ dignitáte sublimis,  
exíguus méritis sicut póp-  
ulus natiónum, audito Dómini  
Salvatóris advéntu, quem sui  
non recéperant, vidére cu-  
piébat. Sed nemo fácte Je-  
sum videt : nemo potest  
Jesum vidére constitútus in  
terra. Et quia non prophé-  
tas, non legem habébat,  
tamquam formæ grátiam na-  
turális, ascéndit in sycó-  
morum, vanitatem scilicet  
Judæórum vestigio suo pró-  
terens, erráta quoque córri-  
gens superiórís ætátis : et  
ideo Jesum in interiórís do-  
mus recépit hospítio.

**R.** Domus mea, domus  
oratiónis vocábitur, dicit  
Dóminus : in ea omnis qui  
petit, áccipit ; et qui quærit,  
invenit : \* Et pulsánti aperié-  
tur. **V.** Péтите, et accipiétis :  
quærite, et inveniétis. Et.

**Bened.** Divinum auxilium.

**Lectio viij.**

**E**T bene ascéndit in árbo-  
rem, ut arbor bona bo-



nos fructus fáceret : ac naturalí excísus oleástro, et contra natúram insértus in bonam olívam, fructum posset legis afférre. Radix enim sancta, etsi rami inútiles : quorum infructuósam glóriam plebs géntium fide resurrectionis, quasi quadam córporis elevatióne transcendit. Zachæus ergo in sycomoro, cæcus in via : quorum álterum Dóminus miseráturus exspéctat, álterum mansiónis suæ claritate nobilitat : álterum sanatúrus intérogat, apud álterum se non invitátus invitat. Sciébat enim úberem hospitii sui esse mercédem. Sed tamen, etsi nondum vocem invitántis audierat, jam viderat af-féctum.

**R.** Lápides pretiósí omnes muri tui : \* Et turres Jerúsalem gemmis ædificabúntur. **V.** Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et. Glória Patri. Et.

**Bened.** Ad societátem.

**Lectio ix.**

**V**ERUM ne cæcum illum tamquam fastidiósí páuperum cito reliquisse videámur, et transísse ad divitem, exspectémus eum, quia exspectávit et Dóminus : interrogémus eum, quia intérogávit et Christus. Nos interrogémus, quia nescimus : ille quia nóverat. Nos interrogémus, ut sciámus

unde iste curátus sit : ille interrogávit, ut in uno plures discerémus, unde Dóminum vidére mereámur. Interrogávit enim, ut crederémus néminem nisi confiténtem posse salvári.

Te Deum laudámus. 17.

AD LAUDES

ET PER HORAS

**Ant. 1.** Domum tuam Dómine \* decet sanctitúdo in longitudínem diérum.

**Ps.** Dóminus regnávit. **cum reliq.** 18.

**2.** Domus mea \* domus oratiónis vocábitur.

**3.** Hæc est domus Dómini \* firmiter ædificáta, bene fundáta est supra firmam petram.

**4.** Bene fundáta est \* domus Dómini supra firmam petram.

**5.** Lápides pretiósí \* omnes muri tui, et turres Jerúsalem gemmis ædificabúntur.

**Capitulum.** **Apoc. 21.**

**V**IDI civitátem sanctam Jerúsalem novam descendéntem de cælo a Deo, parátam sicut sponsam ornátam viro suo.

**Hymnus.**

**A**LTO ex Olýmpi vértice Summi Paréntis Filius, Ceu monte deséctus lapis Terras in imas decídens, Domus supérnæ, et infimæ, Utrúmque junxit ángulum.

Sed illa sedes cælitum Semper resúltat láudibus, Deúmque Trinum et Unicum Jugi canóre prædicat :

Illi canentes júngimur  
Almæ Siónis æmuli.

Hæc templa, Rex cælé-  
stium,

Imple benigno lúmine :  
Huc o rogátus ádveni,  
Plebisque vota súscipe,  
Et nostra corda júgiter  
Perfúnde cæli grátia.

Hic impetrent fidélium  
Voces precésque súpplicum  
Domus beátæ múnera,  
Partisque donis gáudeant :  
Donec solúti corpore  
Sedes beátas impleant.

Decus Parénti débitum  
Sit usquequáque Altissimo,  
Natóque Patris único,  
Et ínclyto Paráclito,  
Cui laus, potéstas, glória  
Ætérna sit persácula. Amen.

✠. Hæc est domus Dómini  
firmiter ædificáta. **R.** Bene  
fundáta est supra firmam pe-  
tram.

**Ad Bened. Ant.** Zachæe \*  
festinans descénde, quia hó-  
die in domo tua opórtet me  
manére : at ille festinans  
descéndit, et suscepit illum  
gáudens in domum suam.  
Hódie huic dómui salus a  
Deo facta est, allelúia.

In ipso die Dedic. Eccl. et  
per Oct., et quando varianda  
est Orat. ob concursum De-  
dicat. alterius Ecclesiæ.

**Oratio.**

**D**EUS, qui invisibiliter  
ómnia cóntines, et ta-  
men pro salúte géneris hu-  
máni signa tuæ poténtiæ  
visibiliter osténdis : tem-  
plum hoc poténtia tuæ in-

habitatiónis illústra, et con-  
céde; ut omnes, qui huc  
deprecáturi convéniant, ex  
quacúmque tribulatióne ad  
te clamáverint, consolatió-  
nis tuæ beneficia consequán-  
tur. Per Dóminum nostrum.

**In Anniversario Dedicat-  
ionis Ecclesiæ, et per Octa-  
vam.**

**Oratio.**

**D**EUS, qui nobis per síngu-  
los annos hujus sancti  
templi tui consecratiónis ré-  
paras diem, et sacris semper  
mystériis repræséntas incó-  
lumes : exáudi preces pópuli  
tui, et præsta; ut quisquis  
hoc templum beneficia peti-  
túrus ingréditur, cuncta se  
impetrásse lætétur. Per Dó-  
minum.

**AD TERTIAM**

**Ant.** Domus mea.

**Capit.** Vidi civitátem. 143\*.

**R. br.** Domum tuam Dó-  
mine \* Decet sanctitúdo.  
Domum. ✠ In longitudínem  
diérum. Decet. Glória Patri.  
Domum.

✠. Locus iste sanctus est,  
in quo orat sacerdos. **R.** Pro  
delictis et peccátis pópuli.

**Tempore Paschali.**

**R. br.** Domum tuam Dó-  
mine decet sanctitúdo, \* Al-  
lelúia, allelúia. Domum. ✠.  
In longitudínem diérum. Al-  
lelúia, allelúia. Glória Patri.  
Domum.

✠. Locus iste sanctus est,  
in quo orat sacerdos, alle-  
lúia. **R.** Pro delictis et pec-  
cátis pópuli, allelúia.



## AD SEXTAM

*Ant.* Hæc est domus Dómini.

*Capitulum. Apoc. 21.*

**E**T audiui vocem magnam de throno dicentem : Ecce tabernáculum Dei cum hominibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

*R. br.* Locus iste sanctus est, \* In quo orat sacérdos. Locus. *V.* Pro delictis et peccátis pópuli. In. Glória Patri. Locus.

*V.* Hæc est domus Dómini firmiter ædificáta. *R.* Bene fundáta est supra firmam petram.

*Tempore Paschali.*

*R. br.* Locus iste sanctus est, in quo orat sacérdos, \* Allelúia, allelúia. Locus. *V.* Pro delictis et peccátis pópuli. Allelúia, allelúia. Glória Patri. Locus.

*V.* Hæc est domus Dómini firmiter ædificáta, allelúia. *R.* Bene fundáta est supra firmam petram, allelúia.

## AD NONAM

*Ant.* Lápides pretiósi.

*Capitulum. Apoc. 21. b*

**E**T abstérget Deus omnem lácrymam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

*R. br.* Hæc est domus

Dómini \* Firmiter ædificáta. Hæc. *V.* Bene fundáta est supra firmam petram. Firmiter. Glória Patri. Hæc.

*V.* Bene fundáta est domus Dómini. *R.* Supra firmam petram.

*Tempore Paschali.*

*R. br.* Hæc est domus Dómini firmiter ædificáta, \* Allelúia, allelúia. Hæc. *V.* Bene fundáta est supra firmam petram. Allelúia, allelúia. Glória Patri. Hæc.

*V.* Bene fundáta est domus Dómini, allelúia. *R.* Supra firmam petram, allelúia.

## IN II. VESPERIS

*Ant., Psalmi, Capitulum et Hymnus ut in I. Vesperis. 133\*.*

*V.* Domum tuam Dómine decet sanctitúdo. *R.* In longitúdinem diérum.

*Ad Magnif. Ant.* O quam metuéndus est \* locus iste : vere non est hic áliud, nisi domus Dei, et porta cæli.

## SECUNDA DIE INFRA OCT.

## IN I. NOCTURNO

*Lect. de Script. occur.*

## IN II. NOCTURNO

Ex Tractátu sancti Augustini Episcopi super Psalmos.

*In Ps. 121., paulo post init.*

*Lectio iv.*

**J**ERÚSALEM, quæ ædificátur ut civitas. Fratres, quando dicébat ista David, perfécta erat illa civitas, non ædificábatur. Nescio quam ergo civitátem dicit, quæ modo

ædificatur, ad quam currunt in fide lapides vivi; de quibus dicit Petrus: Et vos tamquam lapides vivi coedificamini in domum spiritalem, id est, templum Dei sanctum. Quid est, Lapidēs vivi coedificamini? Vivis, si credis: si autem credis, efficiēris templum Dei; quia dicit Apóstolus Páulus: Templum enim Dei sanctum est, quod estis vos.

℟. Orántibus in loco. 139\*.

Lectio v.

**I**PSA ergo modo civitas ædificatur. Præciduntur de montibus lapides per manus prædicantium veritatem, conquadrantur, ut intrent in structuram sempiternam. Adhuc multi lapides in manibus artificis sunt: non cadant de manibus artificis, ut possint perfecti coedificari in structuram templi. Est ergo ista Jerúsalem, quæ ædificatur ut civitas: fundamentum ipsius Christus est. Dicit Apóstolus Páulus: Fundamentum aliud nemo potest ponere præter id, quod positum est, quod est Christus Jesus.

℟. O quam. 140\*.

Lectio vj.

**F**UNDAMENTUM quando ponitur in terra, desuper ædificantur parietes, et pondus parietum ad ima tendit, quia in imo positum est fundamentum. Si autem fundamentum nostrum in cælo

est, ad cælum ædificemur. Corpora ædificaverunt istam structuram, quam vidētis amplam surrexisse hujus basilicæ: et quia corpora ædificaverunt, fundamentum in imo posuerunt. Quia vero spiritaliter ædificamur, fundamentum nostrum in summo positum est. Illuc ergo curramus, ibi ædificemur, quia de ipsa Jerúsalem dictum est: Stantes erant pedes nostri in atriis tuis Jerúsalem.

℟. Mane surgens. 140\*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

**I**N illo tempore: Ingressus Iesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

De Homilia sancti Ambrósii Episcopi.

Ex lib. 8. in Luc., in fine.

**E**T confestim, inquit, vidit, et sequebatur illum, magnificans Dominum. Aliter enim non videret, nisi sequeretur Christum, nisi Dominum prædicaret, nisi sæculum præteriret. Cum divitibus quoque in gratiam revertamur. Nolumus enim offendere divites, qui volumus, si fieri potest, sanare omnes: ne in cameli comparatione præstricti, et in Zachæo citius quam opór-



tuit, derelicti, justæ hábeant commotiõnis offénsam.

℞. Domus mea. 142\*.

Lectio viij.

**D**ISCANT dívites non in facultátibus crimen hærére, sed in iis, qui uti nésiant facultátibus. Nam divitiæ ut impediménta improbis, ita bonis sunt adjuménta virtútis. Dives certe Zachæus, et eléctus a Christo : sed dimídium bonórum suórum paupéribus largiéndò, redéndò étiam in quádruplum, quæ fráude sustúlerat, (áalterum enim non sat est, nec habet grátiam liberálitas, si injúria perseverát, quia non spólia, sed dona quærúntur) uberiórem mercédem quam conferébat, accépit.

℞. Lápides pretiósí. 143\*.

Lectio ix.

**E**T bene princeps indúcitur publicanórum. Quis jam de se despéret, quando et iste, cui census ex fráude, ad salútem pervénit? Et ipse, inquit, dives. Ut scias non omnes dívites, aváros. Quia statúra pusillus erat. Quid sibi vult, quod nullíus altérius statúram Scriptúra, nisi hujus expréssit? Vide ne forte malitia pusillus, aut adhuc pusillus fide. Nondum enim réddere promiserat : nondum viderat Christum : mérito adhuc pusillus. Joánnes áutem magnus, quia et Christum vidit, et Spiritum sicut colúmbam

super Christum manéntem, sicut ipse ait : Vidi Spiritum descendéntem sicut colúmbam, et manéntem super eum.

Te Deum laudámus. 17.

TERTIA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Augustini Episcopi.

Serm. 256. de Tempore.

Lectio iv.

**C**ELÉBRITAS hujus congregatiõnis, dedicatio est domus oratiõnis. Domus ergo nostrárum oratiõnum ista, domus áutem Dei nos ipsi. Si domus Dei nos ipsi, nos in hoc sáculo ædificámur, ut in fine sáculi dedicémur. Ædificium, imo ædificatio habet labórem; dedicatio exsultatiõnem. Quod hic fiébat, quando ista surgébant, hoc fit modo, cum congregántur credéntes in Christum. Credéndò enim, quasi de silvis et móntibus ligna et lápides præcidúntur : cum vero catechizántur, baptizántur, formántur, tamquam inter manus fabrórum et opificum dolántur, collineántur, complanántur. Verúm tamen domum Dómini non faciunt, nisi quando caritate compaginántur.

℞. Orántibus. 139\*.

Lectio v.

**L**IGNA ista et lápides si non sibi certo órdine cohæ-

rèrent, si non se pacifice innécterent, si non se invicem, cohærendo sibi, quodammodo amarent, nemo huc intraret. Dénique quando vides in aliqua fábrica lapides et ligna bene sibi cohærere, secûrus intras, ruinam non times. Volens ergo Dóminus Christus intrare, et in nobis habitare, tamquam ædificando dicebat : Mandátum novum do vobis : Ut vos invicem diligátis. Mandátum, inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo uterúamini vestræ ruínæ vetustáte, vos invicem amáte.

¶. O quam. 140\*.

Lectio vj.

**C**ONSIDERET ergo caritas vestra, ædificári adhuc istam domum toto, sicut prædictum est et promissum, orbe terrarum. Cum enim ædificátur domus post captivitátem, sicut habet álius Psalmus, dicitur : Cantáte Dómino cánticum novum : cantáte Dómino omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox huius cantóris, fervor est sancti amóris. Amémus, gratis amémus : Dóminum enim amámus, quo nihil mélius invenimus : ipsum amémus

propter ipsum, et nos in ipso, tamen propter ipsum.

¶. Mane surgens. 140\*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

**I**N illo tempore : Ingressus Jesus perambulábat Jericho. Et ecce vir nómine Zachæus : et hic princeps erat publicanórum, et ipse dives. Et reliqua.

De Homilia sancti Ambrósii Episcopi.

Ex lib. 8. in Luc., prope finem.

**Q**UÆ autem turba, nisi imperitæ confusio multitudinis, quæ vérticem nequit vidére sapiéntiæ? Ergo Zachæus quámdiu in turba est, non videt Christum : supra turbam ascéndit, et vidit : hoc est, plebis jam transgressus inscítiam, méruit quem desiderábat, adspícere. Pulchre autem áddidit : Quia illa parte erat transiturus Dóminus : vel ubi sycómorus, vel ubi crediturus : ut et mystérium serváret, et grátiam semináret. Sic enim vénerat, ut per Judæos transiret ad Gentes.

¶. Domus mea. 142\*.

Lectio viij.

**V**IDIT itaque Zachæum sursum. Jami enim sublimitáte fidei inter fructus novórum óperum, velut fecúndæ altitúdine árboris eminébat. Et quóniam de typo ad mo-



rália defléximus, inter tot credéntium voluptátes Dóminica die relaxáre ánimum, festivitátem admiscére deléctat. Zachæus in sycómoro, novum vidélicet novi témporis pomum, ut in hoc quoque complerétur illud : Arbor fici prodúxit grossos suos.

℞. Lápides pretiíosi. 143\*.

**Lectio ix.**

**A**D hoc enim Christus advénit, ut ex lignis non poma, sed hómines nasceréntur. Légimus álibi : Cum esses sub árbore fici, vidi te. Ergo Nathánaël sub árbore, hoc est, supradícem, quia justus. Radix enim sancta. Sub árbore tamen Nathánaël, quia sub lege : Zachæus supra árborem, quia supra legem. Ille Dómini occúltus defénsor, hic públicus prædicátor. Ille adhuc Christum ex lege quærébat : iste jam supra legem relinquébat sua, et Dóminum sequebátur.

Te Deum laudámus. 17.

QUARTA DIE INFRA OCT.

IN I. NOCTURNO

**Lect. de Script. occur.**

IN II. NOCTURNO

De Sermóne sancti Augustíni Episcopi.

**Ex Serm. 256. de Tempore, paulo post supra.**

**Lectio iv.**

**A**TTÉNDITE in psalmo de dedicationis, quem modo cantávimus, ex ruína ædifi-

ciórum. Conscidisti saccum meum : hoc pértinet ad ruínam. Quid ergo ad ædificium? Et accinxisti me lætítia. Vox dedicatiónis : Ut cantet tibi glória mea, et non compúngar. Quis est, qui lóquitur? In verbis ejus agnóscite. Si expóno, obscurum est. Ergo verba ejus dicam, continuo agnoscétis loquéntem, ut amétis alloquéntem. Quis est, qui dicere pótuit : Eruísti Dómine ab inferis ánimam meam?

℞. Orántibus. 139\*.

**Lectio v.**

**C**UJUS ánimá jam ab inferis éruta est, nisi de qua dictum est álio loco : Non derelinques ánimam meam in inférno? Propónitur dedicatio, et cantátur liberátio, canticum dedicatiónis domus, et dicitur : Exaltábo te Dómine, quóniam suscepísti me : et non jucundásti inimicos meos super me. Atténdite Judæos inimicos, qui se putábant occidisse Christum, vicisse tamquam inimicum, perdidisse quasi hóminem cæteris similem atque mortálem.

℞. O quam. 140\*.

**Lectio vj.**

**R**ESURREXIT tértia die, et ejus vox est : Exaltábo te Dómine, quóniam suscepísti me. Atténdite Apóstolum dicéntem : Propter quod eum exaltávit. Et non jucundásti inimicos meos super me. Ipsi quidem in Christi morte ju-

cundabántur, sed in ejus resurrectione, ascensione, prædicatione áliqui compungebántur. In ejus ergo prædicatione, et per Apostolorum constantiæ diffamationem áliqui compungebántur, et convertebántur : áliqui obdurabántur, et confundebántur, nulli tamen jucundabántur.

℞. Mane surgens. 140\*.

IN III. NOCTURNO

Lectio sancti Evangélíi secúndum Lucam.

Lectio vij. Cap. 19.

**I**N illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

Homilia sancti Gregórii Papæ.

Lib. 27. *Moralium*, cap. 27.,  
post medium.

**S**I veráriter sapiéntes esse, atque ipsam sapiéntiam contemplári appetimus, stultos nos humiliter cognoscámus. Relinquámus nóxiam sapiéntiam, discámus laudábilem fatuitátem. Hinc quippe scriptum est : Stulta mundi elégit Deus, ut confundat sapiéntes. Hinc rursum dicitur : Si quis vidétur inter vos sapiens esse in hoc sæculo, stultus fiat, ut sit sapiens. Hinc evangélicæ históriæ verba testántur : quia Zachæus cum vidére præ turba nihil posset, sycómori

árbo rem ascéndit, ut trans-eúntem Dóminum cérneret. Sycómorus quippe ficus fá-tua dicitur.

℞. Domus mea. 142\*.

Lectio viij.

**P**USÍLLUS itaque Zachæus sycómorum súbiit, et Dóminum vidit : quia qui mundi stultitiam humiliter éligunt, ipsi Dei sapiéntiam subtiliter contemplántur. Pusillitátem namque nostram ad vidéndum Dóminum turba præpedit : quia infirmitátem humánæ mentis, ne lucem veritátis inténdat, curárum sæculárium tumultus premit. Sed prudénter sycómorum ascéndimus, si próvide eam, quæ divinitus præcipitur, stultitiam mente tenémus. Quid enim in hoc mundo stúltius quam amíssa non quærere, posséssa rapiéntibus relaxáre, nullam pro accéptis injúriis injúriam réddere, imo adjúntis áliis patiéntiam præbére?

℞. Lápides pretiósí. 143\*.

Lectio ix.

**Q**UASI enim sycómorum nos ascéndere Dóminus præcipit, cum dicit : Qui áufert quæ tua sunt, ne répetas. Et rursum : Si quis te percússerit in dexteram maxillam, præbe illi et álteram. Per sycómorum Dóminus tránsiens cérniture : quia per hanc sapiéntem stultitiam, etsi necdum, ut est, sólíde, jam tamen per con-



templationis lumen Dei sapientia quasi in transitu videtur, quam videre nequeunt qui sibi sapientes esse videntur : quia ad conspiciendum Dominum, in elata cogitationum suarum turba deprehensi, adhuc sycomoriarborem non invenerunt.

Te Deum laudamus. 17.

QUINTA DIE INFRA OCT.

IN I. NOCTURNO

*Lect. de Script. occur.*

IN II. NOCTURNO

De Sermone sancti Augustini  
Episcopi.

*Ex Serm. 256. de Tempore.*

*Lectio iv.*

**M**ODO, quando implentur ecclesiae, putamus jucundari Judaeos? Ecclesiae aedificantur, dedicantur, implentur : quomodo illi jucundantur? Non solum non jucundantur, sed etiam confunduntur, et impletur vox exsultantis : Exaltabo te Domine, quoniam suscepisti me, et non jucundasti inimicos meos super me. Non jucundasti super me : si mihi credant, jucundabis in me. Ne multa dicamus, ad illa, quae cantavimus, aliquando veniamus. Quomodo dicit Christus : Conscidisti saccum meum, et accinxisti me laetitia? Saccus ejus erat similitudo carnis peccati.

*R. Orantibus. 139\*.*

*Lectio v.*

**N**ON tibi vilescat, quod ait, Saccum meum : ibi

erat inclusum pretium tuum. Conscidisti saccum meum. Evasimus ad saccum istum. Conscidisti saccum meum. In passione conscissus est. Quomodo ergo Deo Patri dicitur : Conscidisti saccum meum? Quomodo Patri dicatur, vis audire : Conscidisti saccum meum? Quia proprio Filio non pepercit, sed pro nobis omnibus tradidit illum. Fecit enim per Judaeos nescientes, unde redimerentur scientes, et confunderentur negantes. Nesciunt enim quid boni nobis operati sunt malo suo. Suspensus est saccus, et quasi laetatus est impius. Conscidit saccum lancea persecutor, et fudit pretium nostrum Redemptor.

*R. O quam. 140\*.*

*Lectio vj.*

**C**ANTET Christus Redemptor, gemat Judas venditor, erubescat Judaeus emptor. Ecce Judas vendidit, Judaeus emit, malum negotium egerunt, ambo damnati sunt, seipsos perdidērunt venditor et emptor. Dicat ergo caput nostrum, dicat pro corpore occiso, pro corpore dedicato. Dicat, audiamus : Conscidisti saccum meum, et accinxisti me laetitia : id est, conscidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, Non compun-

gar? Jam contra me non ferat lanceam persecutor, Ut non compungar. Christus enim surgens a mortuis, jam non moritur, et mors illi ultra non dominabitur.

℞. Mane surgens. 140\*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

**I**N illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

Lib. 5. Cap. 77. in Luc. 19.

**Q**UÆ impossibilia sunt apud homines, possibilia sunt apud Deum. Ecce enim camelus, depósita gibbi sarcina, per forámen acus transit, hoc est, dives et publicanus, relicto ónere divitiarum, contémpto censu fraudum, angústam portam, arctámque viam, quæ ad vitam ducit, ascéndit. Qui mira devotiône fidei ad vidéndum Salvátorem, quod natúra minus habúerat, ascénsu supplet árboris : atque ideo juste, quamvis ipse rogáre non áudeat, benedictiõnem Domínicæ susceptiõnis, quam desiderábat, accépit.

℞. Domus mea. 142\*.

Lectio viij.

**M**YSTICE áutem Zachæus, qui interpretátur justifi-

cátus, credéntem ex géntibus pópulum significat. Qui quanto curis sæculáribus occupátior, tanto flagitiis depriméntibus erat factus humilior. Sed ablútus est, sed sanctificátus, sed justificátus in nómine Dómini nostri Jesu Christi, et in spíritu Dei nostri. Qui intrántem Jéricho Salvátorem vidére quærébat, sed præ turba non póterat : quia grátiae fidei, quam mundo Salvátor áttulit, participáre cupiébat : sed inólita vitiórum consuetúdo, ne ad votum perveniret, obstiterat.

℞. Lápides pretiósí. 143\*.

Lectio ix.

**E**ADEM namque turba nóxiæ consuetúdinis, quæ supra cæcum clamántem, ne lumen péteret, increpábat étiam; suspiciéntem publicánum, ne Jesum videat, tardat. Sed sicut cæcus turbárum voces magis ac magis clamándo devicit: ita pusillus necesse est turbæ nocéntis obstáculum altióra peténdo transcendat, terréna relinquat, árborem crucis ascéndat. Sycómorus namque (quæ est arbor fóliis moro similis, sed altitúdine præstans, unde et a Latinis celsa nuncupátur) ficus fátua dicitur. Et eadem Domínica crux, quæ credéntes alit ut ficus, ab incrédulis irridétur ut fátua.

Te Deum laudámus. 17.



SEXTA DIE INFRA OCT.

IN I. NOCTURNO

**Lect. de Script. occur.**

IN II. NOCTURNO

De Sermóne sancti Augustini  
Episcopi.

**Ex Serm. 256. de Tempore,  
paulo post supra.**

**Lectio iv.**

**E**RGO, dum novam constructionem sanctæ hujus ecclesiæ libenter attendimus, quam divino nómini hódie dedicamus, invenimus a nobis debéri et Deo nostro máximam láudem, et sanctitati vestræ congruum de divinæ domus ædificatione sermónem. Tunc autem sermo noster congruus erit, si in se áliquid ædificationis hábeat, quod utilitati animarum vestrarum, Deo vos intérius ædificante, proficiat. Quod hic factum corporáliter videmus in parietibus, spiritaliter fiat in mentibus : et quod hic perfectum cernimus in lapidibus et lignis, hoc ædificante grátia Dei, perficiátur in corpóribus vestris.

**℟. Orántibus. 139\*.**

**Lectio v.**

**P**RINCIPÁLITER ergo grátias agamus Dómino Deo nostro, a quo est omne datum optimum, et omne donum perfectum; et ejus bonitatem tota cordis alacritate laudemus, quóniam ad construendam istam domum orationis, fidélium suorum

visitávit ánimum, excitávit afféctum, surrogávit auxilium, inspirávit necdum voléntibus ut vellent, adjúvit bonæ voluntátis conátus ut fácerent : ac per hoc Deus, qui operátur in suis et velle et perficere pro bona voluntáte, hæc ómnia ipse cœpit, ipse perfécit.

**℟. O quam. 140\*.**

**Lectio vj.**

**E**T quia ópera bona in conspéctu suo numquam esse permittit inánia, fidélibus suis, quibus operántibus præbuit virtútis suæ favórem, tribuet condignam pro tanta operatióne mercédem. Adhuc ámplius agendæ sunt grátia Deo nostro. Hanc enim ecclesiám, quam fecit nómini suo cónstrui, fecit étiam sanctórum Mártyrum reliquiis ámplius honorári.

**℟. Mane surgens. 140\*.**

IN III. NOCTURNO

Léctio sancti Evangélii secúndum Lucam.

**Lectio vij. Cap. 19.**

**I**N illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

De Homilia venerábilis Bedæ  
Presbýteri.

**Lib. 5. Cap. 77. in Luc. 19.**

**E**T cum venisset ad locum, suspiciens Jesus vidit illum. Perámbulans Jéricho Salvátor, venit ad locum, ubi

præcurrens Zachæus sycómorum conscénderat : quia missis per mundum sui verbi præcónibus, in quibus ipse nimirum et loquebátur et ibat, venit ad pópulum nationum, qui passiónis ejus fide jam sublimis exsistens, étiam divinitátis ejus ardébat ágnita fácie beári. Suspiciens vidit illum, quia per grátiam fidei a terrénis cupiditatibus elevátum, turbisque infidelibus præeminéntem elégit. Vidére enim Dei, eligere vel amáre est. Unde est illud : Oculi Dómini super justos. Nam et nos quæ amámus, vidére; ab his, quæ exsecrámur, intúitum festinámus avértere.

℞. Domus. 142\*.

*Lectio viij.*

**V**IDIT ergo Jesus vidéntem se, quia elégit eligéntem se, et amávit amántem. Hunc sane órđinem proficiéndi, hoc est, per fidem Domínice Incarnatiónis ad cognitió-nem divinitátis perveniéndi, quasi per sycómorum Jesu fáciem speculándi Doctor egrégíus osténdit, cum ait : Non enim judicávi scire me áliquid inter vos, nisi Christum Jesum, et hunc crucifixum. Itémque áliis exprobrans : Facti estis, inquit, quibus lacte opus sit, non sólido cibo. Lac infirma temporáriæ dispensatiónis, sólídum cibum árdua perpétuæ majestátis appellans.

℞. Lápides pretiósí. 143\*.

*Lectio ix.*

**E**T dixit ad eum : Zachæe, festínans descénde, quia hódie in domo tua opórtet me manére. Et festínans descéndit, et excépit illum gáudens. Manébat aliquándo Dóminus in domo principis pharisæórum, hoc est, in Judæórum synagóga docébat : sed quia non baptizátum ante prándium, sábbato curántem, publicános et peccatóres recipiéntem, contra avarítiam disputántem, et cætera digna Deo geréntem, lingua venenáta carpébant : pertæsus eórum facinora, discéssit et aufúgit, dicens : Relinquétur vobis domus vestra déserta. Hódie áutem in domo pusilli Zachæi opórtet illum manére : hoc est, novæ lucis grátia coruscánte, in húmili credéntium natió-num corde quiéscere.

Te Deum laudámus. 17.

SEPTIMA DIE INFRA OCT.

IN I. NOCTURNO

*Lect. de Script. occur.*

IN II. NOCTURNO

Sermo sancti Joánnis  
Chrysóstomi.

Ex Hom. 33. in c. 9. Matth.

*Lectio iv.*

**C**OMMÚNIS ómnium domus est Ecclesiá, in quam, vobis prius ingræssis, nos intrámus, discipulórum formam retinéntes : ideóque commúner omñibus statim atque ingrèssi fuérimus, ut illis datam legem sequámur,



pacem offérimus. Nemo igitur socórdia tórpeat : nemo sæculáribus rebus suspensum ánimum hábeat, cum jam ad prædicandum sacerdotés intráverint. Non enim parva huic rei imminet pœna. Equidem millies pótius malim in domum alicújus vestrum ingressus destitui, quam hic prædicans non audiri. Hoc mihi moléstius esset, quam illud, quod quidem magis própria hæc est, quam illa.

℞. Orántibus. 139\*.

**Lectio v.**

**N**AM hic magnæ illæ nostræ opes pósitæ sunt, hic spes nostra omnis. Quid enim hoc loco non magnum est et admirandum? Nam hæc mensa longe pretiósior est atque jucúndior : et lucérna hæc, quam illa, ut norunt qui cum fide óleo perúnti, a morbis liberáti sunt. Arca étiam hæc multo mélior, magisque necessária. Non enim vestes, sed misericórdiam inclúsam cóntinet : quamvis páuci sint, qui eam possideant. Hic et léctulus est valde illo præstántior : divinárum enim Scripturárum réquies quovis lecto suávior est.

℞. O quam metuendus. 140\*.

**Lectio vj.**

**E**T quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse

durum, testántur illa tria millia, et quinque millia hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus, et per domos disjúnti sumus, saltem quando huc convenimus, id omni stúdio faciámus. Nam etsi in áliis rebus páuperes, et inopes sumus, hoc loco saltem, cum huc ad vos intrámus, cum caritáte nos suscipite : cumque, Pax vobis, dico : Et cum spíritu tuo, non voce solum, sed ánimo quoque respondéte.

℞. Mane surgens. 140\*.

IN III. NOCTURNO

Léctio sancti Evangélii secúndum Lucam.

**Lectio vij. Cap. 19.**

**I**N illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilia venerábilis Bedæ Presbýteri.

**Paulo post prædicta.**

**E**T cum vidérent omnes, murmurábant, dicéntes, quod ad hóminem peccatórem divertisset. Maniféstum est, Judæos semper géntium odisse salútem. Scriptum est enim : Sequénti vero sábbato pene univérsa civitas convénit audire verbum Dei. Vidéntes autem turbas Ju-

dæi, repléti sunt zelo, et contradicébant iis, quæ a Paulo dicebantur. Et álibi, fidèles étiam fratres advér-sus Apostolorum principem disceptábant, dicéntes: Quare introísti ad viros præpú-tium habéntes, et manducásti cum illis?

ñ. Domus mea. 142\*.

### Lectio viij.

**S**TANS áutem Zachæus, dixit ad Dóminum: Ecce dimídium bonórum meórum Dómine do paupéribus: et si quid áliquem defraudávi, reddo quádruplum. Aliis calumniántibus hóminem peccatórem, ipse Zachæus stans, id est, in ea quam cœperat fidei veritáte persistens, non solum se ex peccatóre convérsus, sed étiam inter perfectos probat esse conversátum. Dicénte enim Dómino: Si vis perfectus esse, vade, vende ómnia quæ habes, et da paupéribus: quisquis ante conversiónem innocénter vixit, ómnia convérsus potest dare paupéribus.

ñ. Lápides pretiósí. 143\*.

### Lectio ix.

**A**T qui áliqua fráude sústulit, primo hæc juxta legem réddere, deinde quod sibi remánserit, debet dare paupéribus. Ac sic et ipse, quia sibi nil rétinet, ómnia sua dispérgit, dat paupéribus, justítia ejus manet in sæculum sæculi. Et hæc est sápiens illa stultítia quam de sycómoro publicánus qua-

si fructum vitæ légerat: rapta vidélicet réddere, própria relinquere, visibilia contémnere, pro invisibilibus étiam mori desideráre, se ipsum abnegáre, et ejus, qui necdum videátur, Dómini vestigia sequi concupiscere.

Te Deum laudámus. 17.

### IN OCTAVA

#### DEDICATIONIS ECCLESIAE

#### Duplex.

Omnia ut in die, præter Lect. II. Noct. quæ sequuntur.

Ex Epístola prima sancti Felicis Papæ quarti.

De Consecr. dist. 1. c. 2.

#### Lectio iv.

**T**ABERNÁCULUM Móysen, Dómino præcipiente, fecisse et sacrásse, cum mensa et altári ejus, et cæteris vasis et utensilibus ad divinum cultum expléndum, légimus: et non solum divinis précibus ea sacrásse, sed étiam sancti ólei unctióne, Dómino jubénte, perlinis-se nóvimus. Quáliter áutem hæc facta sint, et quómodo ipsa sacra non álii, quam sacerdótes sacra unctióne delibúti, Dominóque cum véstibus sanctis sacráti, et Levitæ tractábant, ferébant, erigébant et deponébant: in ipsis institutió nibus, quæ jubénte Dómino conscriptæ sunt per Móysen, in lege Dómini reperitur.

ñ. Orántibus in loco isto,



\* Dimitte peccata populi tui Deus, et ostende eis viam bonam, per quam ambulent, et da gloriam in loco isto. *Ÿ*. Qui regis Israël intendē, qui deducis velut ovem Joseph, qui sedes super Chérubim. Dimitte.

**Lectio v.**

**Q**UÁLITER ergo David, regum piissimus, amplificaverit cultum Dei, et templum Dómino aedificare voluerit, sed propter multum sanguinem quem effuderat, prohibitus est, et ipse collégerat expensas: Sálomon quoque filius ejus, idípsum quod ipse facere optáverat, jubente et auxiliante Deo perfecit, et templum cum altári, et reliqua ad divinum cultum peragendum consecrávit: in libro Regum légitur. Fecit ergo Sálomon in témpore illo festivitatem célebrem, et omnis Israël cum eo, multitúdo magna ab intróitu Emath usque ad rivum Ægypti, coram Dómino Deo nostro septem diébus, et septem diébus, id est, quatuórdecim diébus, et in die octáva dimisit populos.

*R.* O quam metuendus est

locus iste: \* Vere non est hic aliud, nisi domus Dei, et porta cæli. *Ÿ*. Hæc est domus Dómini firmiter aedificata, bene fundata est supra firmam petram. Vere.

**Lectio vj.**

**De Consec. dist. 1. c. 17.**

**S**OLEMNITATES dedicatiónum ecclesiárum et sacerdotum, per singulos annos solémniter sunt celebrandæ, ipso Dómino exemplum dante, qui ad festum dedicatiónis templi, ómnibus id faciendi dans formam, cum reliquis populis eámdem festivitatem celebráturus venit, sicut scriptum est: Facta sunt encænía in Jerosólymis, et hiems erat, et ambulábat Jesus in templo in pórticu Salomónis. Quod autem octo diébus encænía sint celebranda, in libro Regum, peracta dedicatiónē templi, reperietis.

*R.* Mane surgens Jacob erigebat lápidem in titulum, fundens óleum désuper, votum vovit Dómino: \* Vere locus iste sanctus est, et ego nesciébam. *Ÿ*. Cumque evigilasset Jacob de somno, ait. Vere. Glória Patri. Vere.



## IN FESTIS B. MARLÆ VIRGINIS

PER ANNUM

IN I. VESPERIS

**Ant.** Dum esset Rex \* in accúbitu suo, nardus mea dedit odórem suavitátis.

**Psalmus 109.**

**D**IXIT Dóminus Dómino meo : \* Sede a dextris meis :  
Donec ponam inimicos tuos, \* scabéllum pedum tuórum.

Virgam virtútis tuæ emit tet Dóminus ex Sion : \* domináre in médio inimicórum tuórum.

Tecum principium in die virtútis tuæ in splendóribus sanctórum : \* ex útero ante luciferum génui te.

Jurávit Dóminus, et non pœnitébit eum : \* Tu es sacerdos in ætérnum secundum ordinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implébit ruínas : \* conquassábit cápita in terra multórum.

De torrén te in via bibet : \* proptérea exaltábit caput.

**Ant.** Dum esset Rex in accúbitu suo, nardus mea dedit odórem suavitátis.

**Ant.** Læva ejus \* sub cápite meo, et dextera illius amplexábitur me.

**Psalmus 112.**

**L**AUDÁTE púeri Dómini : \* laudáte nomen Dómini.

Sit nomen Dómini benedictum, \* ex hoc nunc, et usque in sáculum.

A solis ortu usque ad occásum, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia réspicit in cælo et in terra?

Súscitans a terra inopem, \* et de stércore érigens páuperem :

Ut cóllocet eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

**Ant.** Læva ejus sub cápite meo, et dextera illius amplexábitur me.

**Ant.** Nigra sum, \* sed formósa, filiæ Jerúsalem : ideo diléxit me Rex, et introduxit me in cubiculum suum.



## Psalmus 121.

**L**ÆTATUS sum in his, quæ dicta sunt mihi : \* In domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas : \* cujus participatio ejus in idipsum.

Illuc enim ascendérunt tribus, tribus Dómini : \* testimonium Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem : \* et abundantia diligéntibus te.

Fiat pax in virtúte tua : \* et abundantia in túrribus tuis.

Propter fratres meos, \* et próximos meos, \* loquébar pacem de te :

Propter domum Dómini Dei nostri, \* quæsiúi bona tibi.

**Ant.** Nigra sum, sed formósa, filiæ Jerúsalem : ideo diléxit me Rex, et introduxit me in cubiculum suum.

**Ant.** Jam hiems tránsiit, \* imber ábiit, et recéssit : surge amica mea, et veni.

## Psalmus 126.

**N**ISI Dóminus ædificáverit domum, \* in vanum laboravérunt, qui ædificant eam.

Nisi Dóminus custodierit civitátem, \* frustra vígilat qui custódit eam.

Vanum est vobis ante lucem súrgere : \* súrgite post-

quam sedéritis, qui manducátis panem dolóris.

Cum dederit diléctis suis somnum : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excussórum.

Beátus vir qui implévit desiderium suum ex ipsis : \* non confundétur cum loquétur inimicis suis in porta.

**Ant.** Jam hiems tránsiit, imber ábiit, et recéssit : surge amica mea, et veni.

**Ant.** Speciósá \* facta es et suávis in delíciis tuis, sancta Dei Génitrix.

## Psalmus 147.

**L**ÁUDA Jerúsalem Dóminum : \* láuda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti satiát te.

Qui emíttit elóquium suum terræ : \* velóriter currit sermo ejus.

Qui dat nivem sicut lanam : \* nébulam sicut cinerem spargit.

Míttit crystállum suam sicut buccéllas : \* ante fáciem frigoris ejus quis sustinébit?

Emíttet verbum suum, et liquefaciet ea : \* flabit spíritus ejus, et fluent aquæ.

Qui annúntiat verbum suum Jacob : \* justitias et iudicia sua Israël.

Non fecit táliter omni nationi : \* et iudicia sua non manifestávit eis.

**Ant.** Speciósá facta es et suávis in deliciis tuis, sancta Dei Génitrix.

**Capitulum. Eccli. 24. b**

**A**B initio, et ante sæcula creáta sum, et usque ad futúrum sæculum non désinam, et in habitatione sancta coram ipso ministrávi.

**Hymnus.**

**A**VE maris stella,  
Dei Mater alma,  
Atque semper Virgo,  
Felix cæli porta.

Sumens illud Ave  
Gabrielis ore,  
Funda nos in pace,  
Mutans Hevæ nomen.

Solve vincla reis,  
Profer lumen cæcis,  
Mala nostra pelle,  
Bona cuncta posce.

Monstra te esse matrem,  
Sumat per te preces,  
Qui pro nobis natus,  
Tulit esse tuus.

Virgo singuláris,  
Inter omnes mitis,  
Nos culpis solútos,  
Mites fac et castos.

Vitam præsta puram,  
Iter para tutum,  
Ut vidéntes Jesum,  
Semper collætémur.

Sit laus Deo Patri,  
Summo Christo decus,  
Spirítui sancto,  
Tribus honor unus. Amen.

**Y.** Dignáre me laudáre te,  
Virgo sacráta. **R.** Da mihi  
virtútem contra hostes tuos.

**Ad Magnif. Ant.** Sancta Maria \* succurre miseris, juva pusillánimes, réfove flébiles, ora pro pópulo, intérvени pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam festivitátem.

**Oratio.**

**C**ONCÉDE nos fámulos tuos, quæsumus Dómine Deus, perpétua mentis et cóporis sanitáte gaudére : et gloriósá beátæ Mariæ semper Virginis intercessióne, a præsénti liberári tristitia, et ætéRNA pérfrui lætítia. Per Dóminum.

**Ad Completorium et Horas, in fine Hymnorum dicitur :**

Jesu tibi sit glória,  
Qui natus es de Virgine,  
Cum Patre et almo Spíritu,  
In sempitéRNA sækula. Amen.

AD MATUTINUM

**Invit.** Sancta María Dei Génitrix Virgo, \* Intercède pro nobis.

**Ps.** Veníte, exsultémus. 2.

**Hymnus.**

**Q**UEM terra, pontus, sídera Colunt, adórant, prædicant,

Trinam regéntem máchinam,

Cláustrum Mariæ hájulat.

Cui luna, sol, et ómnia Deserviunt per témpora,  
Perfúsa cæli grátia,  
Gestant puéllæ viscera.

Beáta Mater múnere,  
Cujus supérnus Artifex



Mundum pugillo cōtinens,  
Ventris sub arca clāusus est.

Beāta cæli nūntio,  
Fecūnda sancto Spīritu,  
Desiderātus gēntibus,  
Cujus per alvum fusus est.

Jesu tibi sit glória,  
Qui natus es de Virgine,  
Cum Patre et almo Spīritu,  
In sempiterna sǣcula.

Amen.

#### IN I. NOCTURNO

**Ant.** Benedicta tu \* in mulieribus, et benedictus fructus ventris tui.

#### Psalmus 8.

**D**ÓMINE Dóminus noster, \*  
quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti láudem propter inimicos tuos, \* ut déstruas inimicum et ultórem.

Quóniam vidébo cælos tuos, ópera digitorum tuórum : \* lunam et stellas, quæ tu fundásti.

Quid est homo, quod memores ejus? \* aut filius hóminis, quóniam vísitas eum?

Minuísti eum páulo minus ab Angelis, glória et honóre coronásti eum : \* et constituísti eum super ópera mánuum tuárum.

Omnia subjecísti sub pedibus ejus, \* oves et boves univérſas : insuper et pécora campi.

Vólucres cæli, et pisces

maris, \* qui perámbulant sémitas maris.

Dómine Dóminus noster, \*  
quam admirábile est nomen tuum in univérſa terra!

**Ant.** Benedicta tu in mulieribus, et benedictus fructus ventris tui.

**Ant.** Sicut myrrha \* elécta, odórem dedísti suavitátis, sancta Dei Génitrix.

#### Psalmus 18.

**C**ÆLI enarrant glóriam Dei, \*  
et ópera mánuum ejus annúntiat firmaméntum.

Dies diéi erúctat verbum, \*  
et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egréssio ejus :

Et occúrsus ejus usque ad summum ejus : \* nec est qui se abscondat a calóre ejus.

Lex Dómini immaculáta, convértens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, pérmanens in sǣculum sǎ-

culi : \* iudicia Dómini vera, justificáta in semetipsa.

Desiderabilia super aurum et lápidem pretiósus multum : \* et dulcióra super mel et favum.

Etenim servus tuus custodit ea, \* in custodiendis illis retribútio multa.

Delicta quis intélligit? ab occultis meis munda me : \* et ab aliénis parce servo tuo.

Si mei non fúerint domínati, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjutor meus, \* et redemptor meus.

*Ant.* Sicut myrrha elécta, odórem dedisti suavitátis, sancta Dei Génitrix.

*Ant.* Ante torum \* hujus Virginis frequentáte nobis dúlcia cántica drámatis.

*Psalmus 23.*

**D**ÓMINI est terra, et plentúdo ejus : \* orbis terrarum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens manibus et mundo corde, \* qui non accépit in vano ánimam suam, nec jurávit in dolo próximo suo.

Hic accipiet benedicti-

nem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium faciém Dei Jacob.

Attóllite portas príncipes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

*Ant.* Ante torum hujus Virginis frequentáte nobis dúlcia cántica drámatis.

*V.* Spécie tua et pulchritúdine tua. *R.* Inténde, prospere procéde, et regna.

Pater noster.

*Absol.* Exáudi Dómine.

*V.* Jube domne benedícere.

*Bened.* Benedictiône.

De Parábolis Salomónis.

*Lectio j.* Cap. 8. h et 9.

**E**GO sapiéntia hábito in consílio, et eruditis intérsus cogitationibus. Timor Dómini odit malum : arrogántiam, et supérbiam, et viam pravam, et os bilingue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt : per me príncipes



imperant, et potentes decernunt justitiam. Ego diligentes me diligo: et qui mane vigilat ad me, invénient me.

**R.** Sancta et immaculata virginitas, quibus te laudibus éfferam nescio: \* Quia quem cæli capere non poterant, tuo grémio contulisti.

**V.** Benedicta tu in mulieribus, et benedictus fructus ventris tui. Quia.

**Bened.** Unigenitus Dei.

**Lectio ij.**

**M**ECUM sunt divitiæ, et glória, opes superbæ et justitia. Mélior est enim fructus meus auro, et lapide pretioso, et genimina mea argento electo. In viis justitiæ ambulo, in medio semitarum judicii, ut ditem diligentes me, et thesauros eorum repleam. Dominus possedit me in initio viarum suarum, antequam quidquam faceret a principio. Ab ætérno ordinata sum, et ex antiquis antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar.

**R.** Congratulamini mihi omnes, qui diligitis Dominum, quia cum essem parvula, placui Altissimo: \* Et de meis viscéribus genui Deum et hominem. **V.** Beata me dicent omnes generationes, quia ancillam humilem respexit Deus. Et.

**Bened.** Spiritus sancti gratia.

**Lectio iij.**

**B**EATUS homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino: qui autem in me peccaverit, lædet animam suam. Omnes, qui me oderunt, diligunt mortem. Sapientia ædificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas ut vocarent ad arcem, et ad mœnia civitatis: Si quis est parvulus, veniat ad me. Et insipientibus locuta est: Venite, comedite panem meum, et bibite vinum quod miscui vobis.

**R.** Beata es Virgo Maria, quæ Dominum portasti Creatorem mundi: \* Genuisti qui te fecit, et in ætérnum permanes Virgo. **V.** Ave Maria, gratia plena, Dominus tecum. Genuisti. Glória Patri. Genuisti.

IN II. NOCTURNO

**Ant.** Spécie tua \* et pulchritudine tua intènde, prospere procéde, et regna.

**Psalmus 41.**

**E**RUCTAVIT cor meum verbum bonum: \* dico ego opera mea regi.

Lingua mea calamus scribæ, \* velociter scribentis.

Speciosus forma præ filiis

hóminum, diffúsa est grátia in lábiis tuis : \* proptérea benedíxit te Deus in ætérnum.

Accingere gládio tuo super femur tuum, \* potentissime.

Spécie tua et pulchritúdine tua \* inténde, próspere procéde, et regna.

Propter veritátem, et mansuetúdinem, et justitiam : \* et dedúcet te mirabiliter dextera tua.

Sagittæ tuæ acútæ, pópuli sub te cadent, \* in corda inimicórum regis.

Sedes tua Deus in sáculum sáculi : \* virga directiónis virga regni tui.

Dilexisti justitiam, et odisti iniquitátem : \* proptérea unxit te Deus, Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectavérunt te filiæ regum in honóre tuo.

Adstitit regína a dextris tuis in vestitu deauráto : \* circúmdata varietáte.

Audi filia, et vide, et inclína áurem tuam : \* et obliviscere pópulum tuum, et domum patris tui.

Et concupiscet rex decórem tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes dívites plebis.

Omnis glória ejus filiæ regis ab intus, \* in fimbriis

áureis circumamícta varietátibus.

Adducéntur regi vírgines post eam : \* próximæ ejus afferéntur tibi.

Afferéntur in lætítia et exsultatióne : \* adducéntur in templum regis.

Pro pátribus tuis nati sunt tibi filii : \* constitues eos principes super omnem terram.

Mémores erunt nóminis tui \* in omni generatióne et generatióne.

Proptérea pópuli confitebúntur tibi in ætérnum : \* et in sáculum sáculi.

**Ant.** Spécie tua et pulchritúdine tua inténde, próspere procéde, et regna.

**Ant.** Adjuvábít eam \* Deus vultu suo : Deus in médio ejus, non commovébitur.

#### Psalmus 45.

**D**EUS noster refúgium, et virtus : \* adjútor in tribulatió nibus, quæ invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eórum : \* conturbáti sunt montes in fortitúdine ejus.

Flúminis ímpetus lætíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.



Conturbátæ sunt gentes,  
et inclináta sunt regna : \*  
dedit vocem suam, mota est  
terra.

Dóminus virtútum nobis-  
cum : \* suscep̃tor noster  
Deus Jacob.

Venite, et vidéte ópera  
Dómini, quæ pósuit prodi-  
gia super terram : \* áuferens  
bella usque ad finem terræ.

Arcum cónteret, et con-  
fringet arma : \* et scuta  
combúret igni.

Vacáte, et vidéte quóniam  
ego sum Deus : \* exaltábor  
in géntibus, et exaltábor in  
terra.

Dóminus virtútum nobis-  
cum : \* suscep̃tor noster  
Deus Jacob.

*Ant.* Adjuvábít eam Deus  
vultu suo : Deus in médio  
ejus, non commovébitur.

*Ant.* Sicut lætántium \*  
ómnium nostrum habitátio  
est in te, sancta Dei Génit-  
rix.

### Psalmus 86.

**F**UNDAMÉNTA ejus in món-  
tibus sanctis : \* diligit  
Dóminus portas Sion super  
ómnia tabernácula Jacob.

Gloriósa dicta sunt de te, \*  
civitas Dei.

Memor ero Rahab, et Ba-  
bylónis \* sciéntium me.

Ecce alienígenæ, et Tyrus,  
et pópulus Æthiopum, \* hi  
fuérunt illic.

Numquid Sion dicet : Ho-  
mo, et homo natus est in  
ea : \* et ipse fundávit eam  
Altissimus?

Dóminus narrábit in scri-  
ptúris populórum, et prin-  
cipum : \* horum, qui fué-  
runt in ea.

Sicut lætántium ómnium \*  
habitátio est in te.

*Ant.* Sicut lætántium  
ómnium nostrum habitátio  
est in te, sancta Dei Génit-  
rix.

*Ÿ.* Adjuvábít eam Deus  
vultu suo. *Ÿ.* Deus in médio  
ejus, non commovébitur.

Pater noster.

*Absolutio.* Ipsíus pietas.

*Ÿ.* Jube domne benedi-  
cere.

*Bened.* Deus Pater omni-  
potens.

Sermo sancti Joánnis  
Chrysóstomi.

*Apud Metaphrasten.*

*Lectio iv.*

**D**EI Filius non dívitem,  
aut locuplétem áliquam  
féminam sibi matrem elégit,  
sed beátam Vírginem illam,  
cujus ánima virtútibus or-  
náta erat. Cum enim beáta  
María supra omnem humá-  
nam natúram castitátem ser-  
váret, proptérea Christum  
Dóminum in ventre concé-  
pit. Ad hanc igitur sanctís-  
simam Vírginem et Dei Ma-  
trem accurrétes, ejus pa-  
trocinii utilitátem assequá-  
mur. Itaque quæcúmque  
estis vírgines, ad Matrem  
Dómini confúgite. Illa enim  
pulchérrimam, pretiosíssi-  
mam, et incorruptibilem  
possessiónem patrocínio suo  
vobis conservábit.

**R.** Sicut cedrus exaltáta sum in Libano, et sicut cypréssus in monte Sion : quasi myrrha elécta, \* Dedi suavitátem odóris. **V.** Et sicut cinnamómun et bálsamum aromatizans. Dedi.

**Bened.** Christus perpétuæ.

**Lectio v.**

**M**AGNUM revéra miráculum, fratres dilectíssimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveniri póterit? Hæc sola cælum ac terram amplitúdine superávit. Quidnam illa sánctius? Non Prophétæ, non Apóstoli, non Mártyres, non Patriárchæ, non Angeli, non Throni, non Dominationes, non Séraphim, non Chérubim : non dénique áliud quípiam inter créatas res visibiles aut invisibiles, majus aut excellentius inveniri potest. Eadem ancilla Dei est et mater : éadem Virgo et Génitrix.

**R.** Quæ est ista, quæ processit sicut sol, et formósa tamquam Jerúsalem? \* Vidérunt eam filiæ Sion, et beátam dixerunt, et reginæ laudavérunt eam. **V.** Et sicut dies verni circúmdabant eam flores rosárum et lília convállium. Vidérunt.

**Bened.** Ignem sui amóris.

**Lectio vj.**

**H**ÆC ejus mater est, qui a Patre ante omne princi-

pium génitus fuit, quem Angeli et hómines agnóscunt Dóminum rerum ómnium. Visne cognóscere quanto Virgo hæc præstantior sit cælestibus Poténtiis? Illæ cum timóre et tremóre assistunt, faciém velántes suam : hæc húmánun genus illi offert, quem génuit. Per hanc et peccatórum véniam conséquimur. Ave igitur mater, cælum, puélla, virgo, thronus, Ecclesiæ nostræ decus, glória et firmaméntum, assidue pro nobis precáre Jesum Fílium tuum, et Dóminum nostrum : ut per te misericórdiam inveníre in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi : cum quo Patri simul et sancto Spiritui glória, et honor, et impérium, nunc et semper in sæcula sæculórum. Amen.

**R.** Ornátam monilibus filiam Jerúsalem Dóminus concupívit : \* Et vidéntes eam filiæ Sion, beatissimam prædicavérunt, dicéntes : \* Unguéntum effúsum nomen tuum. **V.** Adstitit regina a dextris tuis in vestitu deauráto, circúmdata varietáte. Et. Glória Patri. Unguéntum.

IN III. NOCTURNO

**Ant.** Gáude María Virgo, \* cunctas hæreses sola interemisti in univérso mundo.



## Psalmus 95.

**C**ANTÁTE Dómino cánticum novum : \* cantáte Dómino omnis terra.

Cantáte Dómino , et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus , \* in ómnibus pópulis mirabilia ejus.

Quóniam magnus Dóminus , et laudábilis nimis : \* terribilis est super omnes deos.

Quóniam omnes dii génitium dæmónia : \* Dóminus autem cælos fecit.

Conféssio , et pulchritúdo in conspéctu ejus : \* sanctimónia et magnificéntia in sanctificatióne ejus.

Afférte Dómino pátriæ génitium , afférte Dómino glóriam et honórem : \* afférte Dómino glóriam nóminiejus.

Tóllite hóstias , et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávít.

Etenim corréxit orbem terræ qui non commovébatur : \* judicábit pópulos in æquitáte.

Læténtur cæli , et exsúltet terra : commovéatur mare , et plenitúdo ejus : \* gaudébunt campi , et ómnia quæ in eis sunt.

Tunc exsultábunt ómnia ligna silvárum a fácie Dó-

mini , quia venit : \* quóniam venit judicáre terram.

Judicábit orbem terræ in æquitáte , \* et pópulos in veritáte sua.

**Ant.** Gáude María Virgo , cunctas hæreses sola interemisti in univérso mundo.

**Ant.** Dignáre me \* laudáre te Virgo sacráta : da mihi virtútem contra hostes tuos.

## Psalmus 96.

**D**ÓMINUS regnávít , exsúltet terra : \* læténtur insulæ multæ.

Nubes , et caligo in circúitu ejus : \* justitia , et iudícium corréctio sedis ejus.

Ignis ante ipsum præcédet , \* et inflammábit in circúitu inimicos ejus.

Illuxérunt fúlgura ejus orbi terræ : \* vidit , et commóta est terra.

Montes , sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus : \* et vidérunt omnes pópuli glóriam ejus.

Confundántur omnes , qui adorant sculptília : \* et qui gloriántur in simulácrissuis.

Adoráte eum omnes Angeli ejus : \* audívit , et lætáta est Sion.

Et exsultavérunt filiæ Judæ , \* propter iudicia tua Dómine :

Quóniam tu Dóminus Altíssimus super omnem terram : \* nimis exaltátus es super omnes deos.

Qui diligitis Dóminum ,

odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et re-ctis corde lætitia.

Lætámini justí in Dómino, \* et confitémini memóriæ sanctificatiónis ejus.

**Ant.** Dignáre me laudáre te Virgo sacráta : da mihi virtútem contra hostes tuos.

**Ant.** Post partum \* Virgo invioláta permansisti, Dei Génitrix intercède pro nobis.

¶ **In Festo Annuntiationis B. M. V. Ant.** Angelus Dómini \* nuntiávit Mariæ, et concépit de Spiritu sancto.

**Psalmus 97.**

**C**ANTÁTE Dómino cánticum novum : \* quia mirabilia fecit.

Salvávitsibi dexteraejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávit justitiam suam.

Recordátus est misericórdiæ suæ, \* et veritátis suæ dómui Israël.

Vidérunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \* in tubis ductilibus, et voce tubæ córneæ.

Jubiláte in conspéctu Regis Dómini : \* moveátur

mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justitia, \* et pópulos in æquitáte.

**Ant.** Post partum Virgo invioláta permansisti, Dei Génitrix intercède pro nobis.

¶ **In Festo Annuntiationis B. M. V. Ant.** Angelus Dómini nuntiávit Mariæ, et concépit de Spiritu sancto.

Ÿ. Elégit eam Deus, et præelégit eam. R. In tabernáculo suo habitáre facit eam.

Pater noster.

**Absolutio.** A vînculis.

Ÿ. Jube domne benedicere.

**Bened.** Evangélica léctio. Léctio sancti Evangélii secúndum Lucam.

**Lectio vij. Cap. 11. d**

**I**N illo témpore : Loquente Jesu ad turbas, extóllens vocem quædam mûlier de turba, dixit illi : Beátus venter, qui te portávit. Et reliqua.

Homilia venerábilis Bedæ Presbýteri.

**Lib. 4. cap. 49. in Luc. 11.**

**M**AGNÆ devotiónis et fidei hæc mûlier osténditur, quæ scribis et pharisæis Dóminum tentántibus simul et blasphemántibus, tanta ejus



incarnatióem præ ómnibus sinceritáte cognóscit, tanta fidúcia confitétur, ut et præsentium prócerum calúmniam, et futurórum confúndat hæreticórum perfidiam. Nam sicut tunc Judæi, sancti Spíritus ópera blasphemádo, verum consubstantialémque Patri Dei Filium negábant : sic hæretici póstea negádo Mariam semper Virginem, sancti Spíritus operánte virtúte, nascitúro cum humánis membris Unigénito Dei, carnis suæ matériam ministrásse; verum consubstantialémque matri Filium hóminis fatéri non debére dixerunt.

**R.** Felix namque es, sacra Virgo María, et omni láude digníssima : \* Quia ex te ortus est sol justitiæ, Christus Deus noster. **V.** Ora pro pópulo, intéveni pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam festivitátem. Quia.

**Bened.** Cujus festum cólimus, ipsa Virgo vírginum.

### Lectio viij.

**S**ED si caro Verbi Dei scúndum carnem nascéntis a carne Virginis Matris pronuntiátur extránea, sine cáusa venter qui eam portásset, úbera quæ lactásent, beatificántur. Dicit áutem Apóstolus : Quia misit Deus Filium suum factum ex muliere, factum sub lege. Ne-

que audiéndi sunt, qui legéndum putant : Natum ex muliere, factum sub lege, sed, Factum ex muliere : quia concéptus ex útero virgináli, carnem non de nihilo, non aliúnde, sed máterna traxit ex carne : alióquin nec vere Filius hóminis dicerétur, qui originem non habéret ex hómine. Et nos igitur his contra Eutýchen dictis, extollámus vocem cum Ecclésia cathólica, cujus hæc múlter typum gessit, extollámus et mentem de médio turbárum, dicamúsque Salvatóri : Beátus venter qui te portávit, et úbera quæ suxisti. Vere enim beáta parens, quæ, sicut quidam ait, Enixa est puérpera Regem, qui cælum terrámque tenet per sácula.

**R.** Beátam me dicent omnes generatióes : \* Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia. Glória Patri. Quia.

**Bened.** Ad societátem.

### Lectio ix.

**Q**UINÍMO beáti qui áudiunt verbum Dei, et custódiunt. Pulchre Salvátor attestatióni mulieris ánnuit, non eam tantúmmodo quæ Verbum Dei corporáliter generáre merúerat, sed et omnes qui idem Verbum spiritaliter auditu fidei concípere, et boni óperis custó-

dia vel in suo, vel in proximorum corde parere, et quasi alere studuerint, asseverans esse beatos : quia et eadem Dei Genitrix, et inde quidem beata, quia Verbi incarnandi ministra facta est temporalis ; sed inde multo beatior, quia ejusdem semper amandi custos manebat aeterna.

Te Deum laudamus. 17.

AD LAUDES

ET PER HORAS

**Ant. 1.** Dum esset Rex \* in accubitu suo, nardus mea dedit odorem suavitatis.

**Ps.** Dominus regnavit. **cum reliq.** 18.

**2.** Læva ejus \* sub capite meo, et dextera illius amplexabitur me.

**3.** Nigra sum, \* sed formosa, filiae Jerusalem : ideo dilexit me Rex, et introduxit me in cubiculum suum.

**4.** Jam hiems transiit, \* imber abiit, et recessit : surge amica mea, et veni.

**5.** Speciosa \* facta es et suavis in deliciis tuis, sancta Dei Genitrix.

**Capitulum.** Eccli. 24. b

**A**B initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

**Hymnus.**

**O** GLORIOSA virginum, Sublimis inter sidera, Qui te creavit, parvulum Lactente nutris ubere.

Quod Heva tristis abstulit, Tu reddis almo germine : Intrent ut astra flebiles, Cæli recludis cardines.

Tu Regis alti janua, Et aula lucis fulgida : Vitam datam per Virginem Gentes redemptæ plaudite.

Jesu tibi sit gloria, Qui natus es de Virgine, Cum Patre, et almo Spiritu In sempiterna sæcula.

Amen.

**Ÿ.** Diffusa est gratia in labiis tuis. **Ź.** Propterea benedixit te Deus in æternum.

**Ad Bened. Ant.** Beata es Maria, \* quæ credidisti : perficiuntur in te, quæ dicta sunt tibi a Domino, alleluia.

**Oratio.**

**C**ONCEDE nos famulos tuos, quæsumus Domine Deus, perpétua mentis et corporis sanitate gaudere : et gloriosa beatæ Mariæ semper Virginis intercessione, a præsentī liberari tristitia, et æterna perfrui lætitia. Per Dñm.

AD PRIMAM

**In Ź. br. Ÿ.** Qui natus es de Maria Virgine. **etiam in Festis infra Octav. B. M. V.**

AD TERTIAM

**Ant.** Læva ejus.

**Capit.** Ab initio. **ut supra.**

**Ź. br.** Spécie tua \* Et pulchritudine tua. **Spécie. Ÿ.** Intende, prospere procede, et regna. Et. Glória Patri. **Spécie.**

**Ÿ.** Adjuvabit eam Deus vultu suo. **Ź.** Deus in médio ejus, non commovebitur.



## Tempore Paschali.

**R. br.** Spécie tua et pulchritúdine tua, \* Allelúia, allelúia. **V.** Inténde, prospere procéde, et regna. Allelúia, allelúia. Glória Patri. Spécie.

**V.** Adjuvábít eam Deus vultu suo, allelúia. **R.** Deus in médio ejus, non commovébitur, allelúia.

AD SEXTAM

**Ant.** Nigra sum.

**Capitulum.** Eccli. 24. b

**E**t sic in Sion firmáta sum, et in civitaté sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

**R. br.** Adjuvábít eam \* Deus vultu suo. Adjuvábít. **V.** Deus in médio ejus, non commovébitur. Deus in médio. Glória Patri. Adjuvábít.

**V.** Elégít eam Deus, et praelégít eam. **R.** In tabernáculo suo habitáre facit eam.

Tempore Paschali.

**R. br.** Adjuvábít eam Deus vultu suo, \* Allelúia, allelúia. Adjuvábít. **V.** Deus in médio ejus, non commovébitur. Allelúia, allelúia. Glória Patri. Adjuvábít.

**V.** Elégít eam Deus, et

praelégít eam, allelúia. **R.** In tabernáculo suo habitáre facit eam, allelúia.

AD NONAM

**Ant.** Speciósá.

**Capitulum.** Eccli. 24. b

**I**n platéis sicut cinnamómum, et bálsamum aromatizans odórem dedi : quasi myrrha elécta dedi suavitátem odóris.

**R. br.** Elégít eam Deus, \* Et praelégít eam. Elégít. **V.** In tabernáculo suo habitáre facit eam. Et. Glória Patri. Elégít.

**V.** Diffúsa est grátia in lábiis tuis. **R.** Proptérea benedixit te Deus in ætérnum.

Tempore Paschali.

**R. br.** Elégít eam Deus, et praelégít eam, \* Allelúia, allelúia. Elégít. **V.** In tabernáculo suo habitáre facit eam. Allelúia, allelúia. Glória Patri. Elégít.

**V.** Diffúsa est grátia in lábiis tuis, allelúia. **R.** Proptérea benedixit te Deus in ætérnum, allelúia.

IN II. VESPERIS

**Omnia ut in I. Vesp.** 158\*, **præter :**

**V.** Dignáre me laudáre te Virgo sacráta. **R.** Da mihi virtútem contra hostes tuos.

**Ad Magnif. Ant.** Beátam me dicent \* omnes generatiónes, quia ancillam húmílem respéxit Deus.

## OFFICIUM B. MARIÆ IN SABBATO

Omnibus Sabbatis per annum, a Dominica in Albis, nisi Festum novem Lectionum occurrat, fit Officium de S. Maria, modo infra-scripto.

In Vesperis Feriæ VI. dicuntur Psalmi feriales in Psalterio positi, nisi fuerit Festum novem Lect. : quia tunc de S. Maria fit tantum Commem. in dictis Vesperis cum Ant., V. et Oratione, ut infra : quæ Commem. omit-titur, quando Feria VI. occurrit aliud ejusdem B. Mariæ Officium.

Capitulum et Hymnus ut in Festis B. Mariæ Virginis. 160\*.

V. Diffûsa est grátia in lábiis tuis, allelúia. R. Proptérea benedixit te Deus in ætérnum, allelúia.

Ad Magnif. Ant. Regina cæli \* lætare, allelúia : quia quem meruísti portáre, allelúia : resurrexit sicut dixit, allelúia : ora pro nobis Deum, allelúia.

V. Dóminus vobiscum. R. Et cum spiritu tuo.

Oratio.

**C**ONCÉDE nos fámulos tuos, quæsumus Dómine Deus, perpétua mentis et córporis sanitáte gaudére : et gloriósa beátæ Mariæ semper Virginis intercessióne, a præsentí liberári tristitia, et ætérna

pérfrui lætitia. Per Dóminum nostrum.

Non fiunt Commem. consuetae, sed tantum de Cruce. 145.

Si autem occurrat Festum Simplex, de eo fit Commem. ante ipsam Commem. de Cruce.

Completorium ut in Psalt. Et in fine Hymni Te lucis ante términum. dicitur :

Jesu tibi sit glória,  
Qui natus es de Virgine.  
etiamsi in Vesperis facta sit tantum Commem. de B. Maria, nisi Hymni illius Festi, quod Feria VI. celebratum est, aliter concludendi sint.

AD MATUTINUM

Invit. Ave María, grátia plena : \* Dóminus tecum, allelúia.

Ps. Veníte, exsultémus. 2.

Hymn. Quem terra. 160\*.

Nocturnum Sabbati, ut in Psalt. 110, et in fine

V. Diffûsa est grátia in lábiis tuis, allelúia. R. Proptérea benedixit te Deus in ætérnum, allelúia.

Pater noster.

Absolutio.

**P**RÉCIBUS et méritis beátæ Mariæ semper Virginis, et ómnium Sanctórum, perducát nos Dóminus ad regna cælórum. R. Amen.

V. Jube domne benedice-re.



**Pro j. Lect. Bened.** Nos cum prole pia benedicat Virgo Maria. *R.* Amen.

**Primæ duæ Lectiones de Script. libri currentis : tertia, una ex inferius positis per ordinem.**

*R.* j. Sancta et immaculâta virginitas, quibus te laudibus effera, nescio : \* Quia quem cæli capere non poterant, tuo gremio contulisti, allelûia. *V.* Benedicta tu in mulieribus, et benedictus fructus ventris tui. Quia.

**Pro ij. Lect. Bened.** Ipsa Virgo virginum intercedat pro nobis ad Dñm. *R.* Amen.

*R.* ij. Felix namque es, sacra Virgo Maria, et omni laude dignissima : \* Quia ex te ortus est sol justitiæ, \* Christus Deus noster, allelûia. *V.* Ora pro pòpulo, intèrveni pro clero, intercede pro devòto femineo sexu : sentiant omnes tuum juvamen, quicumque celebrant tuam sanctam commemorationem. Quia. Glória Patri. Christus.

**Pro iij. Lect. Bened.** Per Virginem matrem concedat nobis Dñus salutem et pacem. *R.* Amen.

**Post iij. Lect. dicitur** Te Deum laudamus. 17.

AD LAUDES

ET PER HORAS

**Omnia ut in Festis B. M. V. 170\*, præter seq.**

*V.* Benedicta tu in mulieribus, allelûia. *R.* Et bene-

dictus fructus ventris tui, allelûia.

**Ad Bened. Ant.** Regina cæli \* lætare, allelûia : quia quem meruisti portare, allelûia : resurrexit, sicut dixit, allelûia : ora pro nobis Deum, allelûia.

**Oratio.** Concède. 172\*.

**Deinde fit Commem. de Cruce.**

AD VESPERAS

**Ant. et Pss. feriales : Capit. et reliq. omnia, si non occurrat Fest. Duplex, de Dom.**

**In fine Commem. de Cruce. 145.**

**Lectiones sequentes dicuntur singulis mensibus in Officio B. M. V. in Sabbato, ordine subscripto.**

MENSE APRILI

De Expositione sancti Hieronymi Presbyteri in Ezechielem Prophetam.

**Lib. 13. in cap. 44.**

**Lectio iij.**

**P**ORTA hæc clausa erit, et non aperiatur. Pulchre quidam portam clausam, per quam solus Dñus Deus Israël ingreditur, et dux cui porta clausa est, Mariam Virginem intelligunt : quæ et ante partum, et post partum virgo permansit. Etenim tempore, quo Angelus loquebatur : Spiritus sanctus veniet super te, et virtus Altissimi obumbrabit te : quod autem nascetur ex te Sanctum, vocabitur Filius Dei : et quando natus est, virgo

permánsit ætérna : ad confundéndos eos, qui arbitrántur eam post nativitátem Salvatóris habuisse de Joseph filios, ex occasióne fratrum ejus, qui vocántur in Evangelio.

Te Deum laudámus. 17.

### MENSE MAIO

Ex Tractátu sancti Augustíni  
Episcopi de Sýmbolo ad  
Catechúmenos.

Lib. 3. cap. 4. in fine tom. 9.

### Lectio iij.

**P**ER féminam mors, per féminam vita : per Hevam

intéritus, per Mariam salus. Illa corrúpta secúta est seductórem : hæc íntegra péperit Salvatórem. Illa póculum a serpente propínatum libénter accépit, et viro trádidit, ex quo simul mereréntur occidi : hæc, grátia cælésti désuper infúsa, vitam prótulit, per quam caro mórtua possit resuscitári. Quis est, qui hæc operátus est, nisi Virginis Filius, et virginum sponsus; qui áttulit matri fecunditátem, sed non ábsulit integritátem?

Te Deum laudámus. 17.

## OFFICIUM PARVUM

### BEATÆ MARIÆ VIRGINIS

Non dicitur, quando fit Officium novem Lectionum, nec in Feriis majoris Hebdomadæ, nec infra Octavas Paschæ et Pentecostes nec in Sabbatis, quando fit Officium de S. Maria. Quibus diebus omittitur a I. Vesp. Cum dicitur in Choro, in Matutinis et in Vesperis præponitur Officio diei; in aliis Horis postponitur. Prima dicitur post Benedicámus Dómino, antequam legatur Martyrologium. Extra Chorumpotest dici pro temp. opportunitate.

#### OFFICIUM B. MARIÆ V.

EXTRA TEMPUS PASCHALE

AD VESPERAS

Ave María. secreto, quæ dicitur semper in principio

omnium Horarum B. Mariæ, quando non conjunguntur cum Officio diei.

Ÿ. Deus in adjutórium. 18.

In cujus fine dicitur Laus tibi Dómine, Rex æternæ glóriæ. per totam Quadrag.

Ant., Pss., Capit. et Hymn. ut in Festis B. Mariæ Virginis. 158\*.

Ÿ. Diffúsa est grátia in lábiis tuis. R̃. Proptérea benedixit te Deus in ætérnum.

Ad Magnif. Ant. Beáta Mater, \* et intácta Virgo, gloriósa Regina mundi, intercéde pro nobis ad Dóminum.

Kýrie eléison. Christe eléison. Kýrie eléison.

Ÿ. Dóminus vobiscum. R̃. Et cum spíritu tuo.



**Oratio.**

**C**ONCÉDE nos fámulos tuos, quæsumus Dómine Deus, perpétua mentis et córporis sanitáte gaudere : et gloriósa beátæ Mariæ semper Virgini intercessióne, a præsénti liberári tristitia, et æténa pérfrui lætitia. Per Dñum.

**Sequens Commemoratio pro Sanctis fit tantum ad Vesperas et Laudes in Officio S. Mariæ.**

**Ant.** Sancti Dei omnes intercedere dignémini pro nostra omniúmque salúte.

**Ÿ.** Lætámini in Dómino, et exsultáte justi. **℟.** Et gloriámini omnes recti corde.

**Oratio.**

**P**RÓTEGE Dómine pópulum tuum, et Apostolórum tuórum Petri et Páuli, et aliórum Apostolórum patrocínio confidéntem, perpétua defensióne consérva.

**O**MNES Sancti tui, quæsumus Dómine, nos ubique adjuvent : ut dum eórum mérita recólimus, patrocínia sentiámus : et pacem tuam nostris concéde temporibus, et ab Ecclésia tua cunctam repélle nequítiam : iter, actus, et voluntátes nostras, et ómnium famulórum tuórum, in salútis tuæ prosperitáte dispóne : benefactóribus nostris sempitérna bona retribue, et ómnibus fidélibus defúntis réquiem æténam concéde. Per Dóminum.

AD COMPLETORIUM  
Ave María. **ut supra.**

**Ÿ.** Convérte nos Deus salutáris noster. **℟.** Et avérte iram tuam a nobis.

**Ÿ.** Deus in adjutórium.

**Ps. 128.** Sæpe expugnáverunt. **Ps. 129.** De profúndis. **et Ps. 130.** Dómine non est exaltátum. **ut in Vesp. Feriæ IV. 135.**

**Hymnus.**

**M**EMÉNTO, rerum Cónditor,  
Nostri quod olim córporis,  
Sacrata ab alvo Virginis  
Nascéndo formam sumpseris.

Maria Mater grátiae,  
Dulcis Parens cleméntiae,  
Tu nos ab hoste prótege,  
Et mortis hora súscipe.

Jesu tibi sit glória,  
Qui natus es de Virgine,  
Cum Patre, et almo Spíritu,  
In sempitérna sácula.

Amen.

**Capitulum. Eccli. 24. c**

**E**GO mater pulchræ dilectiónis, et timóris, et agnitiónis, et sanctæ spei.

**℟.** Deo grátias.

**Ÿ.** Ora pro nobis sancta Dei Génitrix. **℟.** Ut digni efficiámur promissionibus Christi.

**Ad Nunc dimittis, Ant.**  
Sub tuum præsidium \* confúgimus, sancta Dei Génitrix : nostras deprecationes ne despicias in necessitatibus, sed a periculis cunctis libera nos semper, Virgo gloriósa et benedicta.

Kýrie eléison. Christe eléison. Kýrie eléison.

Ÿ. Dóminus vobíscum. **R.**  
Et cum spírítu tuo.

**Oratio.**

**B**EÁTÆ et gloriósæ semper  
Virginis Mariæ, quæsu-  
mus Dómine, intercèssio glo-  
riosa nos próteget, et ad  
vitam perdúcat ætérnam.  
Per Dóminum.

AD MATUTINUM

Ave María. **ut supra.**

Ÿ. Dómine lábia mea apé-  
ries. **R.** Et os meum annun-  
tiábit láudem tuam.

Ÿ. Deus in adjutórium.

**Invit.** Ave María, grátia  
plena : \* Dóminus tecum.

**Ps.** Veníte, exsultémus. 2.

**Hymn.** Quem terra. 160\*.

IN NOCTURNO

**Ant. et Psalmi dicuntur ut  
in Festis B. Mariæ Virginis,  
scilicet :**

**Feria II. et V. De I. Noct.**  
161\*.

**Feria III. et VI. De II. Noct.**  
163\*.

**Feria IV. et Sabbato. De  
III. Noct.** 166\*.

Ÿ. Diffúsa est grátia in lá-  
biis tuis. **R.** Proptérea bene-  
dixit te Deus in ætérnum.

Pater noster. **secreto.**

Ÿ. Et ne nos indúcas in  
tentatióem. **R.** Sed libera  
nos a malo.

**Absolutio.**

**P**RÉCIBUS et méritis beátæ  
Mariæ semper Virginis,  
et ómnium Sanctórum, per-  
dúcat nos Dóminus ad re-  
gna cælórum. **R.** Amen.

Ÿ. Jube domne benedi-  
cere.

**Bened.** Nos cum prole pia  
benedicat Virgo María. **R.**  
Amen.

**Lectio j. Eccli. 24.**

**I**N ómnibus réquiem quæ-  
sivi, et in hereditáte Dó-  
mini morábor. Tunc præcé-  
pit, et dixit mihi Creatór  
ómnium : et qui creávit me,  
requiévít in tabernáculo  
meo, et dixit mihi : In Jacob  
inhábita, et in Israël here-  
ditáre, et in eléctis meis  
mitte radices. Tu áutem Dó-  
mine miserére nobis.

**R.** Deo grátias.

**R.** Sancta et immaculáta  
virginitas, quibus te láudi-  
bus éfferam nésco : \* Quia  
quem cæli cápere non pót-  
erant, tuo grémio contulísti.  
Ÿ. Benedicta tu in muliéri-  
bus, et benedictus fructus  
ventris tui. Quia.

Ÿ. Jube domne benedi-  
cere.

**Bened.** Ipsa Virgo virgi-  
num intercédát pro nobis ad  
Dóminum. **R.** Amen.

**Lectio ij.**

**E**T sic in Sion firmáta sum,  
et in civitaté sanctificáta  
similiter requiévi, et in Je-  
rúsalem potéstas mea. Et  
radicávi in pópulo honori-  
ficáto, et in parte Dei mei  
heréditas illius, et in pleni-  
túdine sanctórum deténtio  
mea. Tu áutem.

**R.** Beáta es Virgo María,  
quæ Dóminum portásti Crea-  
tórem mundi : \* Genuísti qui  
te fecit, et in ætérnum pér-  
manes Virgo. Ÿ. Ave María,



grátia plena, Dóminus tecum. Genuisti.

✠. Jube domne benedicere.

**Benèd.** Per Virginem Matrem concédât nobis Dóminus salútem et pacem. **R.** Amen.

### Lectio iij.

**Q**UASI cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosæ in Jéricho. Quasi olíva speciósá in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatizans odórem dedi : quasi myrrha elécta, dedi suavitátem odóris. Tu áutem.

**R.** Felix namque es, sacra Virgo María, et omni láude digníssima : \* Quia ex te ortus est sol justitiæ, \* Christus Deus noster. **V.** Ora pro pópulo, intèrveni pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam commemoratiónem. Quia. Glória Patri. Christus.

### AD LAUDES

#### ET PER HORAS

✠. Deus in adjutórium.

**Ant. 1.** Assúpta est \* María in cælum : gáudent Angeli, laudántes benedicunt Dóminum.

**Ps.** Dóminus regnávít. **cum reliq.** 18.

**2.** María Virgo \* assúpta

est ad æthéreum thálamum, in quo Rex regum stelláto sedet sólio.

**3.** In odórem \* unguentórum tuórum cúrrimus ; adolescéntulæ dilexérunt te nimis.

**4.** Benedícta filia \* tu a Dómino : quia per te fructum vitæ comunicávimus.

**5.** Pulchra es, \* et decóra, filia Jerúsalem : terribilis ut castrórum ácies ordináta.

### Capitulum. Cant. 6. c

**V**IDÉRUNT eam filiæ Sion, et beatissimam prædicáverunt, et reginæ laudáverunt eam. **R.** Deo grátias.

**Hymn.** O gloriósa. 170\*.

✠. Benedícta tu in muliéribus. **R.** Et benedíctus fructus ventris tui.

**Ad Bened. Ant.** Beáta Dei Génitrix María, \* Virgo perpétua, templum Dómini, sacrárium Spíritus sancti : sola sine exémplo placuísti Dómino nostro Jesu Christo : ora pro pópulo, intèrveni pro clero, intercède pro devóto femíneo sexu.

Kýrie eléison. Christe eléison. Kýrie eléison.

✠. Dóminus vobíscum. **R.** Et cum spíritu tuo.

### Oratio.

**D**EUS, qui de beátæ Mariæ Virginis útero Verbum tuum, Angelo nuntiánte, carnem suscipere voluísti : præsta supplicibus tuis ; ut qui vere eam Genitricem Dei crédimus, ejus apud te intercessiόνibus adjuvémur.

Per eúmdem Christum Dóminum nostrum.

**R.** Amen.

**Pro Sanctis, Ant.** Sancti Dei. 175\*.

AD PRIMAM

Ave María.

**V.** Deus in adiutorium.

**Hymn.** Meménto. 175\*.

**Ant.** Assúmpta est.

**Psalmus 53.**

**D**EUS in nómine tuo saluum me fac : \* et in virtúte tua júdica me.

Deus exáudi oratióem meam : \* áuribus pèrcipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : \* et non proposuérunt Deum ante conspéctum suum.

Ecce enim Deus ádjuvat me : \* et Dóminus suscepтор est ánimæ meæ.

Avérte mala inimicis meis : \* et in veritáte tua dispérde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuisti me : \* et super inimicos meos despéxit óculus meus.

**Psalmus 84.**

**B**ENEDIXISTI Dómine terram tuam : \* avertisti civilitátem Jacob.

Remisisti iniquitátem plebis tuæ : \* operuisti ómnia peccáta eórum.

Mitigásti omnem iram tu-

am : \* avertisti ab ira indignatióis tuæ.

Convérte nos Deus salutaris noster : \* et avérte iram tuam a nobis.

Numquid in ætérnum irascéris nobis? \* aut exténderis iram tuam a generatióne in generatióem?

Deus tu convérsus vivificábis nos : \* et plebs tua lætábitur in te.

Osténde nobis Dómine misericórdiam tuam : \* et salutare tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos : \* et in eos, qui convertúntur ad cor.

Verúmtamen prope timéntes eum salutare ipsius : \* ut inhabitet glória in terra nostra.

Misericórdia, et véritas obviavérunt sibi : \* justítia, et pax osculatæ súnt.

Véritas de terra orta est : \* et justítia de cælo prospéxit.

Etenim Dóminus dabit benignitátem : \* et terra nostra dabit fructum suum.

Justítia ante eum ambulábit : \* et ponet in via gressus suos.

**Psalmus 116.**

**L**AUDÁTE Dóminum omnes gentes : \* laudáte eum omnes pópuli :

Quóniam confirmáta est supernos misericórdia ejus : \* et véritas Dómini manet in ætérnum.



**Ant.** Assumpta est Maria in cælum: gaudent Angeli: laudantes benedicunt Dóminum.

**Capitulum. Cant. 6. c**

**Q**UÆ est ista, quæ progreditur quasi auróra consurgens, pulchra ut luna, electa ut sol, terribilis ut castrorum ácies ordinata?

**R.** Deo grátias.

**V.** Dignare me laudare te Virgo sacrata. **R.** Da mihi virtutem contra hostes tuos.

**Kýrie eléison. Christe eléison. Kýrie eléison.**

**V.** Dóminus vobiscum. **R.** Et cum spiritu tuo.

**Oratio.**

**D**EUS, qui virginálem áulam beátæ Mariæ, in qua habitáres, eligere dignátus es: da, quæsumus; ut sua nos defensióne munitos, júcundos fácias suæ interésse commemoratióni: Qui vivis.

**AD TERTIAM**

Ave Maria.

**V.** Deus in adjutórium.

**Hymn. Meménto. 175\*.**

**Ant. Maria Virgo.**

**Psalmus 119.**

**A**D Dóminum cum tribulárer clamávi: \* et exaudivit me.

Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: \* multum incola fuit ánimá mea.

Cum his, qui odérunt pacem, eram pacíficus: \* cum loquébar illis, impugnábant me gratis.

**Psalmus 120.**

**L**EVÁVI óculos meos in montes, \* unde véniet auxiliúm mihi.

Auxiliúm meum a Dómino, \* qui fecit cælum et terram.

Non det in commotióne pedem tuum: \* neque dormitet qui custódit te.

Ecce non dormitábit neque dórmiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te: \* neque luna per noctem.

Dóminus custódit te ab omni malo: \* custódiat ánimam tuam Dóminus.

Dóminus custódiat intróitum tuum, et éxitum tuum, \* ex hoc nunc et usque in sæculum.

**Psalmus 121.**

**L**ÆTÁTUS sum in his, quæ dicta sunt mihi: \* In domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas: \* cujus participatio ejus in idipsum.

Illuc enim ascenderunt

tribus, tribus Dómini : \* testimoniúm Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem : \* et abundántia diligéntibus te.

Fiat pax in virtúte tua : \* et abundántia in túrribus tuis.

Propter fratres meos, et próximos meos, \* loquébar pacem de te :

Propter domum Dómini Dei nostri, \* quæsívi bona tibi.

**Ant.** Maria Virgo assúpta est ad æthéreum thálamum, in quo Rex regum stelláto sedet sólio.

**Capitulum. Eccli. 24. b**

**E**T sic in Sion firmáta sum, et in civitaté sanctificáta similiter requiévi, et in Jerúsalem potéstas mea.

**℟.** Deo grátias.

**℣.** Diffúsa est grátia in lábiis tuis. **℟.** Proptérea benedixit te Deus in ætérnum.

Kýrie eléison. Christe eléison. Kýrie eléison.

**℣.** Dóminus vobiscum. **℟.** Et cum spiritu tuo.

**Oratio.**

**D**EUS, qui salútis æternæ, beátæ Mariæ virginitáte fecúnda, humáno géneri præmia præstitisti : tribue, quæsumus; ut ipsam pro nobis intercédere sentiámus, per quam merúimus auctórem vitæ suscipere, Dóminum nostrum Jesum

Christum Fílium tuum : Qui tecum vivit.

AD SEXTAM

Ave María.

**℣.** Deus in adiutórium.

**Hymn.** Meménto. 175\*.

**Ant.** In odórem.

**Psalmus 122.**

**A**d te levávi óculos meos, \* qui hábitas in cælis.

Ecce sicut óculi servórum \* in mánibus dominórum suórum,

Sicut óculi ancillæ in mánibus dómínæ suæ : \* ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri : \* quia multum repléti sumus despectióne :

Quia multum repléta est ánima nostra : \* oppróbrium abundántibus, et despectio supérbis.

**Psalmus 123.**

**N**isi quia Dóminus erat in nobis, dicat nunc Israël : \* nisi quia Dóminus erat in nobis,

Cum exsúrgerent hómines in nos, \* forte vivos deglutissent nos :

Cum irascerétur furor eórum in nos, \* fórsitan aqua absorbuisset nos.

Torréntem pertransívit ánima nostra : \* fórsitan pertransisset ánima nostra aquam intolerábilem.

Benedictus Dóminus \* qui non dedit nos in captiónem déntibus eórum.



Anima nostra sicut passer erépta est\* de láqueo venántium :

Láqueus contritus est,\* et nos liberáti sumus.

Adjutórium nostrum in nómine Dómini,\* qui fecit cælum et terram.

**Psalmus 124.**

**Q**ui confidunt in Dómino, sicut mons Sion : \* non commovébitur in ætérnum, qui hábitat in Jerúsalem.

Montes in circúitu ejus : \* et Dóminus in circúitu pó-puli sui, ex hoc nunc et usque in sæculum.

Quia non relinquet Dóminus virgam peccatórum super sortem justórum : \* ut non exténdant justi ad iniquitátem manus suas.

Bénéfac Dómine bonis,\* et rectis corde.

Declinántes áutem in obli-gatiónes, addúcet Dóminus cum operántibus iniquitátem : \* pax super Israël.

**Ant.** In odórem unguen-tórum tuórum cúrrimus : adolescéntulæ dilexérunt te nimis.

**Capitulum. Eccli. 24. b**

**E**t radicávi in pópulo ho-norificáto, et in parte Dei mei heréditas illius, et in plenitúdine sanctórum deténtio mea.

**℟.** Deo grátias.

**℣.** Benedicta tu in mulié-ribus. **℟.** Et benedictus fructus ventris tui.

Kýrie eléison. Christe eléi-son. Kýrie eléison.

**℣.** Dóminus vobíscum. **℟.** Et cum spiritu tuo.

**Oratio.**

**C**ONCÉDE miséricors Deus fragilitáti nostræ præsi-dium : ut qui sanctæ Dei Ge-nitricis memóriam ágimus, intercessiόνis ejus auxilio, a nostris iniquitátibus resur-gámus. Per eúmdem Dómi-num.

**AD NONAM**

Ave María.

**℣.** Deus in adjutórium.

**Hymn.** Meménto. 175\*.

**Ant.** Pulchra es.

**Psalmus 125.**

**I**N converténdo Dóminus captivitátem Sion : \* facti sumus sicut consoláti.

Tunc replétum est gáudio os nostrum : \* et lingua no-stra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fá-cere nobíscum : \* facti sumus lætántes.

Convérte Dómine captivi-tátem nostram,\* sicut tor-rens in Austro.

Qui sémant in lácrymis,\* in exsultatióne metent.

Eúntes ibant et flebant,\* mitténtes sémina sua.

Veniéntes áutem vénient cum exsultatióne,\* portán-tes manipulos suos.

**Psalmus 126.**

**N**ISI Dóminus ædificáverit domum,\* in vanum labo-ravérunt qui ædificant eam.

Nisi Dóminus custodierit

civitatem, \* frustra vigilat qui custodit eam.

Vanum est vobis ante lucem surgere : \* surgite postquam sederitis, qui manducatis panem doloris.

Cum dederit dilectis suis somnum : \* ecce hereditas Domini filii : merces, fructus ventris.

Sicut sagittæ in manu potentis : \* ita filii excussorum.

Beatus vir qui implevit desiderium suum ex ipsis : \* non confundetur cum loquatur inimicis suis in porta.

**Psalmus 127.**

**B**EATI omnes, qui timent Dominum, \* qui ambulant in viis ejus.

Labores manuum tuarum quia manducabis : \* beatus es, et bene tibi erit.

Uxor tua sicut vitis abundans, \* in lateribus domus tuæ.

Filii tui sicut novellæ olivarum, \* in circuitu mensæ tuæ.

Ecce sic benedicetur homo, \* qui timet Dominum.

Benedicat tibi Dominus ex Sion : \* et videas bona Jerusalem omnibus diebus vitæ tuæ.

Et videas filios filiorum tuorum, \* pacem super Israel.

**Ant.** Pulchra es, et decora, filia Jerusalem : terribilis ut castrorum acies ordinata.

**Capitulum. Eccli. 24. b**

**I**N plateis sicut cinnamomum et balsamum aromatizans odorem dedi : quasi myrrha electa dedi suavitatem odoris. **R.** Deo gratias.

**V.** Post partum Virgo inviolata permansisti. **R.** Dei Genitrix intercede pro nobis.

Kýrie eléison. Christe eléison. Kýrie eléison.

**V.** Dominus vobiscum. **R.** Et cum spiritu tuo.

**Oratio.**

**F**AMULORUM tuorum, quaesumus Domine, delictis ignosce : ut qui tibi placere de actibus nostris non valémus, Genitricis Filii tui Domini nostri intercessione salvémur : Qui tecum vivit.

**Tempore Paschali.**

**Officium B. Mariæ dicitur ut supra, sed ad Benedictus, ad Magnificat, et ad Nunc dimittis, dicitur sequens**

**Ant.** Regina cæli \* lætare, allelúia : quia quem meruisti portare, allelúia : resurrexit, sicut dixit, allelúia : ora pro nobis Deum, allelúia.

**Antiphonis autem, ♀♀. et RR. non additur in fine Allelúia.**





## OFFICIUM DEFUNCTORUM

Dicitur extra Tempus Paschale prima cujusque mensis die, non impedita Festo novem Lect., alioquin alia sequenti die similiter non impedita. In Quadrag. autem, Feria II. cujuslibet Hebdom. similiter non impedita, præterquam in majori Hebdom. In Choro dicitur post Officium diei, id est, Vesperæ post Vesperas, et Matut. post Laudes diei, nisi alia sit consuetudo ecclesiarum : extra Chorum vero pro opportunitate temporis.

AD VESPERAS

**Absolute incipitur ab**

**Ant.** Placébo Dómino \* in regione vivórum.

**Psalmus 114.**

**D**ILÉXI, quóniam exáudiet Dóminus\* vocem oratiónis meæ.

Quia inclinávit áurem suam mihi : \* et in diébus meis invocábo.

Circumdedérunt me dolóres mortis : \* et pericula inférni invenérunt me.

Tribulatiónem et dolórem invéni : \* et nomen Dómini invocávi.

O Dómine libera ánimam meam : \* miséricors Dóminus, et justus, et Deus noster miserétur.

Custódiens párvulos Dóminus : \* humiliátus sum, et liberávit me.

Convértere ánima mea in réquiem tuam : \* quia Dóminus benefécit tibi.

Quia eripuit ánimam meam de morte : \* óculos meos a lácrymis, pedes meos a lapsu.

Placébo Dómino \* in regione vivórum.

**In fine omnium Psalmorum dicitur :**

Réquiem ætérnam \* dona eis Dómine.

Et lux perpétua\* lúceat eis.

**Ant.** Placébo Dómino in regione vivórum.

**Ant.** Hei mihi Dómine, \* quia incolátus meus prolongátus est.

**Psalmus 119.**

**A**D Dóminum cum tribulárer clamávi : \* et exaudivit me.

Dómine libera ánimam meam a lábiis iniquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est : habitávi cum habitántibus Ce-

dar : \* multum incola fuit  
ánima mea.

Cum his, qui odérunt pa-  
cem, eram pacíficus : \* cum  
loquébar illis, impugnábant  
me gratis.

Réquiem ætérnam.

**Ant.** Hei mihi Dómine,  
quia incolátus meus prolon-  
gátus est.

**Ant.** Dóminus custódit te \*  
ab omni malo : custódiat  
ánimam tuam Dóminus.

**Psalmus 120.**

**L**EVÁVI ÓCULOS MEOS IN MON-  
TES, \* unde véniet auxi-  
lium mihi.

Auxilium meum a Dómi-  
no, \* qui fecit cælum et ter-  
ram.

Non det in commotiō-  
nem pedem tuum : \* ne-  
que dormitet qui custódit  
te.

Ecce non dormitábit, ne-  
que dórmiet, \* qui custódit  
Israël.

Dóminus custódit te, Dó-  
minus protéctio tua, \* super  
manum dexteram tuam.

Per diem sol non uret te : \*  
neque luna per noctem.

Dóminus custódit te ab  
omni malo : \* custódiat áni-  
mam tuam Dóminus.

Dóminus custódiat intrói-  
tum tuum, et éxitum tuum : \*  
ex hoc nunc, et usque in sæ-  
culum.

Réquiem ætérnam.

**Ant.** Dóminus custódit te  
ab omni malo : custódiat  
ánimam tuam Dóminus.

**Ant.** Si iniquitátes \* obser-

váveris Dómine : Dómine  
quis sustinébit?

**Psalmus 129.**

**D**E PROFÚNDIS CLAMÁVI AD TE  
Dómine : \* Dómine exáu-  
di vocem meam.

Fiant áures tuæ intendén-  
tes, \* in vocem deprecatió-  
nis meæ.

Si iniquitátes observáve-  
ris Dómine : \* Dómine quis  
sustinébit?

Quia apud te propitiatio  
est : \* et propter legem tuam  
sustinui te Dómine.

Sustinuit ánima mea in  
verbo ejus : \* sperávit ánima  
mea in Dómino.

A custódia matutina usque  
ad noctem : \* speret Israël in  
Dómino.

Quia apud Dóminum mi-  
sericórdia : \* et copiósa apud  
eum redemptio.

Et ipse rédimet Israël, \* ex  
ómnibus iniquitátibus ejus.

Réquiem ætérnam.

**Ant.** Si iniquitátes obser-  
váveris Dómine : Dómine  
quis sustinébit?

**Ant.** Opera \* mánuum tuá-  
rum Dómine ne despicias.

**Psalmus 137.**

**C**ONFITÉBOR tibi Dómine  
in toto corde meo : \* quón-  
iam audísti verba oris mei.

In conspéctu Angelórum  
psallam tibi : \* adorábo ad  
templum sanctum tuum, et  
confitébor nómini tuo.

Super misericórdia tua,  
et veritate tua : \* quóniam  
magnificásti super omne, no-  
men sanctum tuum.



In quacúmque die invocávero te, exáudi me : \* multiplicábis in ánima mea virtutem.

Confiteántur tibi Dómine omnes reges terræ : \* quia audiérunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humilia réspicit : \* et alta a longe cognóscit.

Si ambulávero in médiotribulatiónis, vivificábis me : \* et super iram inimicórum meórum extendisti manum tuam, et salvum me fecit dextera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.

Réquiem ætérnam.

**Ant.** Opera mánuum tuárum Dómine ne despicias.

**Ÿ.** Audivi vocem de cælo dicentem mihi. **Ŕ.** Beáti mórtui qui in Dómino moriúntur.

**Ad Magnif. Ant.** Omne \* quod dat mihi Pater, ad me véniet : et eum qui venit ad me, non ejiciam foras.

**Preces infrascriptæ dicuntur flexis genibus; similiter et ad Laudes.**

Pater noster. **secreto.**

**Ÿ.** Et ne nos indúcas in tentatiónem. **Ŕ.** Sed libera nos a malo.

**Sequens Ps.** Láuda ánima mea. **in Vesp., similiter et**

**Ps. De profundis. in fine Laudum, non dicuntur in die Commemorationis omnium Fidelium Defunctorum, neque in die obitus seu depositionis Defuncti. Alias semper dicuntur.**

**Psalmus 145.**

**L**ÁUDA ánima mea Dóminum : laudábo Dóminum in vita mea : \* psallam Deo meo quámdiu fúero.

Nolite confidere in principibus : \* in filiis hóminum, in quibus non est salus.

Exibit spíritus ejus, et revertétur in terram suam : \* in illa die peribunt omnes cogitatiónes eórum.

Beátus, cujus Deus Jacob adjutor ejus, spes ejus in Dómino Deo ipsius : \* qui fecit cælum et terram, mare, et ómnia, quæ in eis sunt.

Qui custódit veritatem in sæculum, facit judicium injúriam patiéntibus : \* dat escam esuriéntibus.

Dóminus solvit compeditos : \* Dóminus illúminat cæcos.

Dóminus érigit elisos : \* Dóminus diligit justos.

Dóminus custódit ádvenas, pupillum et víduam suscipiet : \* et vias peccatórum dispérdet.

Regnabit Dóminus in sæcula : Deus tuus Sion, \* in generatiónem et generatiónem.

**In fine Psalmi :** Réquiem ætérnam \* dona eis Dómine.

Et lux perpétua \* lúceat eis.

**Deinde** *ŷ.* A porta inferi.

*R.* Erue Dómine ánimas eórum.

*ŷ.* Requiéscant in pace.

*R.* Amen.

*ŷ.* Dómine exáudi oratió-nem meam. *R.* Et clamor meus ad te véniat.

*ŷ.* Dóminus vobiscum. *R.* Et cum spíritu tuo.

### Oratio.

**D**EUS, qui inter apostólicos sacerdótes, fámulos tuos pontificáli seu sacerdotáli fecisti dignitáte vigére : præsta quæsumus ; ut eórum quoque perpétuo aggregéntur consórtio.

**D**EUS, véniæ largitor et humánæ salútis amátor : quæsumus cleméntiam tuam ; ut nostræ congregatiónis fratres, propínquos et benefactóres, qui ex hoc sæculo transiérunt, beáta María semper Virgine intercedente cum ómnibus Sanctis tuis, ad perpétuæ beatitúdinis consórtium pervenire concédas.

**F**IDÉLIUM Deus ómnium Cónditor et Redémptor, animábus famulórum famularúmque tuárum remissionem cunctórum tribue peccatórum : ut indulgéntiam quam semper optavérunt, piis supplicatióibus consequántur : Qui vivis et regnas in sæcula sæculórum. *R.* Amen.

**In die vero Commemora-**

**tionis omnium Fidelium Defunctorum**, quando dicitur hæc ultima tantum **Oratio**, dicitur : Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. *R.* Amen.

**In die depositionis Defuncti.**

### Oratio.

**A**BSÓLVE, quæsumus Dómine, ánimam fámuli tui **N.**, ut defúnctus sæculo tibi vivat : et quæ per fragilitátem carnis humána conversatióne commisit, tu vénia misericordissimæ pietátis abstérge. Per Dóminum.

**Si fuerit femina**, dicatur ánimam fámulæ tuæ **N.**, ut defúncta.

**In Anniversario die.**

### Oratio.

**D**EUS indulgentiárum Dómine : da animábus famulórum famularúmque tuárum, quorum anniversárium depositiόνis diem commemorámus, refrigerií sedem, quiétis beatitúdinem, et lúminis claritátem. Per Dóminum.

**Si pro uno tantum fit Anniversarium**, dicatur in singulari numero.

**Pro uno Episcopo defuncto.**

### Oratio.

**D**EUS, qui inter apostólicos sacerdótes fámulum tuum **N.** pontificáli fecisti dignitáte vigére : præsta quæsumus ; ut eórum quoque perpétuo aggregétur consórtio. Per Dóminum.



**Si fuerit Sacerdos, dicatur** sacerdotáli fecisti, etc.

**Pro fratribus vero et familiaribus, vel benefactoribus, dicitur Oratio** Deus, vénia largitor. **ut supra.**

**Pro patre et matre.**

**Oratio.**

**D**EUS, qui nos patrem et matrem honoráre præcepisti : miserére cleménter animábus patris et matris meæ, eorúmque peccáta dímítte ; meque eos in æternæ claritátis gáudio fac vidére. Per Dóminum.

**Si fit pro pluribus, dicatur** animábus paréntum nostrórum, **et ubi dicitur** meque, **dicatur** nosque.

**Si pro patre tantum, dicatur** animæ patris mei, **vel** nostri.

**Si pro matre tantum, dicatur** animæ matris meæ, **vel** nostræ.

**Pro uno Defuncto.**

**Oratio.**

**I**NCLÍNA Dómine áurem tuam ad preces nostras, quibus misericórdiam tuam súpplīces deprecámur : ut animam fámuli tui, quam de hoc sæculo migráre iussisti, in pacis ac lucis regióne constituas, et sanctorum tuórum júbeas esse consórtem. Per Dóminum.

**Pro una Defuncta.**

**Oratio.**

**Q**UÆSUMUS Dómine pro tua pietáte miserére animæ fámulæ tuæ : et a contágiis

mortalitátis exútam, in æternæ salvatiónis partem restitue. Per Dóminum.

**Ÿ.** Réquiem ætérnam dona eis Dómine. **℟.** Et lux perpétua lúceat eis.

**Ÿ.** Requiéscant in pace. **℟.** Amen.

AD MATUTINUM

**Invit.** Regem, cui ómnia vivunt, \* Veníte, adorémus.

**Repetit.** Regem, cui ómnia vivunt, veníte, adorémus.

**Ps.** Veníte, exsultémus. 2.

**Et in fine :** Réquiem ætérnam dona eis Dómine : et lux perpétua lúceat eis.

**Hoc Invitatorium dicitur tantum in die Commemorationis omnium Fidelium Defunctorum, et in die depositionis Defuncti : quibus diebus dicuntur tres infra-scripti Nocturni, et Ant. duplicantur. Aliis temporibus dicitur tantum unum Nocturnum cum Laudibus, hoc ordine : Feria II. et V., I. Nocturnum : Feria III. et VI., II. Nocturnum : Feria IV. et Sabbato, III. Nocturnum.**

IN I. NOCTURNO

**PRO FERIA II. ET V.**

**Ant.** Dirige \* Dómine Deus meus in conspéctu tuo viam meam.

**Psalmus 5.**

**V**ERBA mea áuribus pécipe Dómine, \* intéllege clamórem meum.

Inténde voci oratiónis meæ, \* Rex meus et Deus meus.

Quóniam ad te orábo : \*

Dómine mane exáudies vocem meam.

Mane adstábo tibi, et vidébo : \* quóniam non Deus volens iniquitátem tu es.

Neque habitábit iuxta te malignus : \* neque permanébunt in jústi ante óculos tuos.

Odísti omnes, qui operántur iniquitátem : \* perdes omnes, qui loquúntur mendácium.

Virum sánguinem et dolósum abominábitur Dóminus : \* ego áutem in multitúdine misericórdiæ tuæ.

Introibo in domum tuam : \* adorábo ad templum sanctum tuum in timóre tuo.

Dómine deduc me in iustitia tua : \* propter inimicos meos dirige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, linguis suis dolóse agébant, \* júdica illos Deus.

Décidant a cogitátionibus suis, secúndum multitudinem impietátum eórum expélle eos, \* quóniam irritavérunt te Dómine.

Etlæténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, \* quóniam tu benedices iusto.

Dómine, ut scuto bonæ voluntátis tuæ \* coronásti nos.

Réquiem ætérnam.

**Ant.** Dirige Dómine Deus meus in conspéctu tuo viam meam.

**Ant.** Convértere \* Dómine, et éripe ánimam meam : quóniam non est in morte, qui memor sit tui.

**Psalmus 6.**

**D**ÓMINE, ne in furóre tuo árguas me, \* neque in ira tua corripas me.

Miserére mei Dómine quóniam infirmus sum : \* sana me Dómine quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?

Convértere Dómine, et éripe ánimam meam : \* salvum me fac propter misericórdiam tuam,

Quóniam non est in morte qui memor sit tui : \* in inférno áutem quis confitébitur tibi?

Laborávi in gémitu meo, lavábo per singulas noctes lectum meum : \* lácrymis meis stratum meum rigábo.

Turbátus est a furóre óculus meus : \* inveterávi inter omnes inimicos meos.

Discédite a me omnes, qui operámini iniquitátem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimici mei : \* convertántur



et erubescant valde velociter.

Réquiem æternam.

**Ant.** Convértere Dómine, et éripe ánimam meam : quóniam non est in morte, qui memor sit tui.

**Ant.** Nequándo rápiat \* ut leo ánimam meam, dum non est qui rédimat, neque qui salvum fáciat.

**Psalmus 7.**

**D**ÓMINE Deus meus in te sperávi : \* salvum me fac ex ómnibus persequéntibus me, et libera me.

Nequándo rápiat ut leo ánimam meam, \* dum non est qui rédimat, neque qui salvum fáciat.

Dómine Deus meus, si feci istud, \* si est iníquitas in mánibus meis :

Si réddidi retribuéntibus mihi mala, \* decídám mérito ab inimícis meis inánis.

Persequátur inimicus ánimam meam, et comprehéndat, et concúlcet in terra vitam meam, \* et glóriam meam in púlverem dedúcat.

Exsúrge Dómine in ira tua : \* et exaltáre in finibus inimicórum meórum.

Et exsúrge Dómine Deus meus in præcépto quod mandásti : \* et synagóga populórum circúmdabit te.

Et propter hanc in altum regrédere : \* Dóminus júdicat pópulos.

Júdica me Dómine secúndum justítiam meam, \*

et secúndum innocéntiam meam super me.

Consumétur nequítia peccatórum, et diriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus iudex justus, fortis, et pátiens : \* numquid iráscitur per singulos dies?

Nisi convérsi fuéritis, gládium suum vibrábit : \* arcum suum teténdit, et parávit illum.

Et in eo parávit vasa mortis, \* sagíttas suas ardéntibus effécit.

Ecce partúriit in justítiam : \* concépit dolórem, et péperit iniquitátem.

Lacum apérui, et effódit eum : \* et incidit in fóveam, quam fecit.

Convertétur dolor ejus in caput ejus : \* et in vérticem ipsíus iníquitas ejus descéndet.

Confitébor Dómino secúndum justítiam ejus : \* et psallam nómini Dómini altíssimi.

Réquiem æternam.

**Ant.** Nequándo rápiat ut leo ánimam meam, dum non est qui rédimat, neque qui salvum fáciat.

**V.** A porta inferi. **R.** Erue Dómine ánimas eórum.

Pater noster. **totum secreto.**

**Lectiones leguntur sine Absolutione, Benedictionibus et Titulo.**

## Lectio j. Job 7. d

**P**ARCE mihi Dómine : nihil enim sunt dies mei. Quid est homo , quia magnificas eum? aut quid appónis erga eum cor tuum? Visitas eum dilúculo , et súbito probas illum. Usquequo non parcis mihi , nec dimíttis me , ut glútiam salívam meam? Peccávi : quid fáciam tibi o custos hóminum? quare posuisti me contrárium tibi , et factus sum mihimetípsi gravis? Cur non tollis peccátum meum , et quare non áufers iniquitátem meam? ecce nunc in púlvere dórmiam : et si mane me quæsíeris , non subsístam.

**Lect. terminantur sine Tu autem. vel alia conclusione.**

**R.** Credo quod Redemptor meus vivit , et in novissimo die de terra surrectúrus sum :  
\* Et in carne mea vidébo Deum Salvatórem meum. **V.** Quem visúrus sum ego ipse , et non álius : et óculi mei conspectúri sunt. Et.

## Lectio ij. Job 10.

**T**ÆDET ánimam meam vitæ meæ , dimittam advérsum me elóquium meum , loquar in amaritúdine ánimæ meæ. Dicam Deo : Noli me condemnáre : indica mihi cur me ita júdices. Numquid bonum tibi vidétur , si calumniéris me , et ópprimas me opus mánuum tuárum , et consilium impiórum ádjuves? Numquid óculi cárnei tibi sunt : aut sicut

videt homo , et tu vidébis? Numquid sicut dies hóminis dies tui , et anni tui sicut humana sunt témpora , ut quæras iniquitátem meam , et peccátum meum scrutéris? Et scias quia nihil ímpium fécerim , cum sit nemo qui de manu tua possit erúere.

**R.** Qui Lázarus resuscitásti a monuménto fœtidum :  
\* Tu eis Dómine dona réquiem , et locum indulgéntiæ. **V.** Qui ventúrus es judicáre vivos et mórtuos , et sæculum per ignem. Tu eis.

## Lectio iij. Job 10. b

**M**ANUS tuæ fecérunt me , et plasmavérunt me totum in circúitu : et sic repente præcipitas me? Meménto quæso quod sicut lutum féceris me , et in púlverem redúces me. Nonne sicut lac mulsisti me , et sicut cáseum me coagulásti? Pelle et cárnibus vestisti me : óssibus et nervis compegisti me. Vitam et misericórdiam tribuisti mihi , et visitatio tua custodivit spíritum meum.

**R.** Dómine , quando véneris judicáre terram , ubi me abscóndam a vultu iræ tuæ?  
\* Quia peccávi nimis in vita mea. **V.** Commissa mea pavésco , et ante te erubésco : dum véneris judicáre , noli me condemnáre. Quia. **V.** Réquiem ætérnam dona eis Dómine : et lux perpétua luceat eis. Quia.

**Postea ad Laudes , ut in-**



fra. 198\*, quando dicitur  
unum tantum Nocturnum.

IN II. NOCTURNO

PRO FERIA III. ET VI.

**Ant.** In loco páscae \* ibi  
me collocávit.

**Psalmus 22.**

**D**ÓMINUS regit me, et nihil  
mihi déerit : \* in loco  
páscae ibi me collocávit.

Super aquam refectiónis  
educávit me : \* ánimam me-  
am convértit.

Dedúxit me super sémi-  
tas justitiæ, \* propter nomen  
suum.

Nam, et si ambulávero in  
medio umbræ mortis, non  
timébo mala : \* quóniam tu  
mecum es.

Virga tua, et báculo tuus :  
\* ipsa me consoláta sunt.

Parásti in conspéctu meo  
mensam, \* advérsus eos, qui  
tribulant me.

Impinguásti in óleo caput  
meum : \* et calix meus iné-  
brians quam præclárus est!

Et misericórdia tua subse-  
quétur me \* ómnibus diébus  
vitæ meæ :

Et ut inhábilem in domo  
Dómini, \* in longitúdinem  
diérum.

Réquiem ætérnam.

**Ant.** In loco páscae ibi  
me collocávit.

**Ant.** Delicta \* juventútis  
meæ, et ignorántias meas  
ne memíneris Dómine.

**Psalmus 24.**

**A**d te Dñe levávi ánimam  
meam : \* Deus meus in  
te confido, non erubéscam.

Neque irrideant me ini-  
mici mei : \* étenim univérsi,  
qui sústinent te, non con-  
fundéntur.

Confundántur omnes ini-  
qua agéntes \* supervácue.

Vias tuas Dómine demón-  
stra mihi : \* et sémitas tuas  
édoce me.

Dirige me in veritáte tua,  
et doce me : \* quia tu es  
Deus salvátor meus, et te  
sustinui tota die.

Reminiscere miseratió-  
num tuárum Dómine, \* et  
misericordiárum tuárum,  
quæ a sæculo sunt.

Delicta juventútis meæ, \*  
et ignorántias meas ne me-  
míneris.

Secúndum misericórdiam  
tuam meménto mei tu : \*  
propter bonitátem tuam Dó-  
mine.

Dulcis et rectus Dóminus : \*  
propter hoc legem dabit de-  
linquéntibus in via.

Diriget mansuétos in judi-  
cio : \* docébit mites vias suas.

Univérsæ viæ Dómini, mi-  
sericórdia et véritas, \* requi-  
réntibus testaméntum ejus  
et testimónia ejus.

Propter nomen tuum Dó-  
mine propitiáberis peccáto  
meo : \* multum est enim.

Quis est homo qui timet  
Dóminum? \* legem státuit ei  
in via, quam elégit.

Anima ejus in bonis de-  
morábitur : \* et semen ejus  
hereditábit terram.

Firmaméntum est Dómi-  
nus timéntibus eum : \* et

testamentum ipsius ut manifestetur illis.

Oculi mei semper ad Dominum : \* quoniam ipse evellet de laqueo pedes meos.

Réspice in me, et miserere mei : \* quia unicus et pauper sum ego.

Tribulationes cordis mei multiplicatae sunt : \* de necessitatibus meis erue me.

Vide humilitatem meam, et laborem meum : \* et dimitte universa delicta mea.

Réspice inimicos meos quoniam multiplicati sunt, \* et odio iniquo oderunt me.

Custodi animam meam, et erue me : \* non erubescam, quoniam speravi in te.

Innocentes et recti adharserunt mihi : \* quia sustinui te.

Libera Deus Israël \* ex omnibus tribulationibus suis.

Réquiem aeternam.

**Ant.** Delicta juventutis meae, et ignorantias meas ne memineris Domine.

**Ant.** Credo videre \* bona Domini in terra viventium.

### Psalmus 26.

**D**OMINUS illuminatio mea et salus mea, \* quem timebo?

Dominus protector vitae meae, \* a quo trepidabo?

Dum appropiant super me nocentes, \* ut edant carnes meas :

Qui tribulant me inimici mei, \* ipsi infirmati sunt, et ceciderunt.

Si consistent adversum me castra, \* non timebit cor meum.

Si exsurgat adversum me praelium, \* in hoc ego sperabo.

Unam petii a Domino, hanc requiram, \* ut inhabitem in domo Domini omnibus diebus vitae meae :

Ut videam voluptatem Domini, \* et visitem templum ejus.

Quoniam abscondit me in tabernaculo suo : \* in die malorum protexit me in abscondito tabernaculi sui.

In petra exaltavit me : \* et nunc exaltavit caput meum super inimicos meos.

Circuivi, et immolavi in tabernaculo ejus hostiam vociferationis : \* cantabo, et psalmum dicam Domino.

Exaudi Domine vocem meam, qua clamavi ad te : \* miserere mei, et exaudi me.

Tibi dixit cor meum, exquisivit te facies mea : \* faciem tuam Domine requiram.

Ne avertas faciem tuam a me : \* ne declines in ira a servo tuo.

Adjutor meus esto : \* ne derelinquas me, neque despicias me Deus salutaris meus.

Quoniam pater meus, et mater mea dereliquerunt me : \* Dominus autem assumpsit me.

Legem pone mihi Domine in via tua : \* et dirige me in semitam rectam propter inimicos meos.



Ne tradideris me in ánimas tribulántium me : \* quóniam insurrexérunt in me testes iníqui, et mentita est iníquitas sibi.

Credo vidére bona Dómini \* in terra vivéntium.

Exspécta Dóminum, viriliter age : \* et confortétur cor tuum, et sústine Dóminum.

Réquiem ætérnam.

**Ant.** Credo vidére bona Dómini in terra vivéntium.

**Ÿ.** Cóllocet eos Dóminus cum principibus. **R.** Cum principibus pópuli sui.

Pater noster. **totum secreto.**

**Lectio iv. Job 13. d**

**R**ESPÓNDE mihi : Quantas hábeo iniquitátes et peccáta, scélera mea et delicta osténde mihi. Cur fáciem tuam abscondis, et arbitraris me inimicum tuum? Contra fólium, quod vento rápitur, osténdis poténtiam tuam, et stípulam siccam perséqueris : scribis enim contra me amaritúdines, et consúmere me vis peccátis adolescéntiæ meæ. Posuisti in nervo pedem meum, et observásti omnes sémitas meas, et vestigia pedum meórum considerásti : qui quasi putrédo consuméndus sum, et quasi vestiméntum, quod coméditur a tineá.

**R.** Meménto mei Deus, quia ventus est víta mea, Nec adspíciat me visus hóminis. **Ÿ.** De profúndis cla-

mávi ad te Dómine : Dómine exáudi vocem meam. Nec.

**Lectio v. Job 14.**

**H**OMO natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in iudícium? Quis potest fácere mundum de immúndo concéptum sémine? Nonne tu qui solus es? Breves dies hóminis sunt, númerus ménsium ejus apud te est : constituísti téminos ejus, qui præteriri non póterunt. Recéde páululum ab eo, ut quiéscat, donec optáta véniat, sicut merce-nárii, dies ejus.

**R.** Hei mihi Dómine, quia peccávi nimis in víta mea : Quid fáciam, miser? ubi fúgiam, nisi ad te Deus meus? **\* Miserére mei, dum véneris in novíssimo die. Ÿ.** Anima mea turbáta est valde, sed tu Dómine succúrre ei. Miserére.

**Lectio vj. Job 14. c**

**Q**UIS mihi hoc tribuat, ut in inférno prótegas me, et abscondas me, donec pertránseat furor tuus, et constituas mihi témpus in quo recordéris mei? Putásne mórtuus homo rursum vivat? Cunctis diébus quibus nunc milito, exspécto donec véniat immutátio mea. Vo-

cábis me, et ego respondébo tibi : óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

**R.** Ne recordéris peccáta mea Dómine, \* Dum véneris judicáre sǎculum per ignem. **V.** Dirige Dómine Deus meus in conspéctu tuo viam meam. Dum. **V.** Réquiem ætérnam. Dum.

**Postea ad Laudes ut infra. 198\*, quando dicitur unum tantum Nocturnum.**

IN III. NOCTURNO

**PRO FERIA IV. ET SABBATO**

**Ant.** Compláceat \* tibi Dómine, ut erípias me : Dómine ad adjuvándum me respice.

**Psalmus 39.**

**E**XSPÉCTANS expectávi Dóminum, \* et inténdit mihi.

Et exaudivit preces meas : \* et edúxit me de lacu miséríæ, et de luto fácis.

Et státuit super petram pedes meos : \* et diréxit gressus meos.

Et immisit in os meum cánticum novum, \* carmen Deo nostro.

Vidébunt multi, et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitátes et insánias falsas.

Multa fecisti tu Dómine Deus meus mirabilia tua : \* et cogitatióibus tuis non est qui similis sit tibi.

Annuntiávi et locútus sum : \* multiplicáti sunt super númerum.

Sacrificium et oblatiónem noluisti : \* áures áutem perfecisti mihi.

Holocáustum et pro peccáto non postulásti : \* tunc dixi : Ecce vénio.

In cápite libri scriptum est de me ut fácerem voluntátem tuam : \* Deus meus vólui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo : Dómine tu scisti.

Justítiam tuam non abscondi in corde meo : \* veritátem tuam et salutáre tuum dixi.

Non abscondi misericórdiam tuam, et veritátem tuam \* a concilio multo.

Tu áutem Dómine ne longe fácias miseratiónes tuas a me : \* misericórdia tua et véritas tua semper suscepérunt me.

Quóniam circumdedérunt me mala, quorum non est númerus : \* comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : \* et cor meum dereliquit me.

Compláceat tibi Dómine ut éruas me : \* Dómine ad adjuvándum me respice.

Confundántur et revereántur simul, qui quærunt ánimam meam, \* ut áuferant eam.

Convertántur retrórsum,



et revereántur \* qui volunt mihi mala.

Ferant conféstim confusiónem suam, \* qui dicunt mihi : Euge, éuge.

Exsúltent, et læténtur super te omnes quæréntes te : \* et dicant semper : Magnificétur Dóminus : qui diligunt salutáre tuum.

Ego áutem mendicus sum et páuper : \* Dóminus sollicitus est mei.

Adjútor meus, et protector meus tu es : \* Deus meus ne tardáveris.

Réquiem ætérnam.

**Ant.** Compláceat tibi Dómine, ut erípias me : Dómine ad adjuvándum me respice.

**Ant.** Sana Dómine \* ánimam meam, quia peccávi tibi.

**Psalmus 40.**

**B**EÁTUS qui intélligit super egénium, et páuperem : \* in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : \* et non tradat eum in ánimam inimicórum ejus.

Dóminus opem ferat illi super lectum dolóris ejus : \* univérsum stratum ejus versásti in infirmitáte ejus.

Ego dixi : Dómine miserere mei : \* sana ánimam meam, quia peccávi tibi.

Inimíci mei dixerunt mala mihi : \* quando moriétur, et peribit nomen ejus?

Et si ingrediebátur ut vi-

déret, vana loquebátur, \* cor ejus congregávit iniquitátem sibi.

Egrediebátur foras, \* et loquebátur in idipsum.

Advérsus me susurrábant omnes inimíci mei : \* advérsus me cogitábant mala mihi.

Verbum iníquum constitúerunt advérsus me : \* Numquid qui dormit non adjiciet ut resúrgat?

Etenim homo pacis meæ, in quo sperávi : \* qui edébat panes meos, magnificávit super me supplantatióem.

Tu áutem Dómine miserere mei, et resúscita me : \* et retribuam eis.

In hoc cognóvi quóniam voluísti me : \* quóniam non gaudébit inimícus meus super me.

Me áutem propter innocentiam suscepísti : \* et confirmásti me in conspéctu tuo in ætérnum.

Benedictus Dóminus Deus Israël a sæculo, et usque in sæculum : \* fiat, fiat.

Réquiem ætérnam.

**Ant.** Sana Dómine ánimam meam, quia peccávi tibi.

**Ant.** Sitívit \* ánima mea ad Deum vivum : quando véniam, et apparébo ante faciém Dómini?

**Psalmus 41.**

**Q**UEMÁDMODUM desiderat cervus ad fontes aquarum : \* ita desiderat ánima mea ad te Deus.

Sitívit ánima mea ad Deum

fortem vivum : \* quando véniam, et apparebo ante fáciem Dei?

Fuérunt mihi lácrymæ meæ panes die ac nocte : \* dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : \* quóniam transibo in locum tabernáculi admirábilis, usque ad domum Dei.

In voce exsultatiónis, et confessiónis : \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Ad meípsum ánima mea conturbáta est : \* propterea memor ero tui de terra Jordánis, et Hermóniim a monte módico.

Abýssus abyssum invocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam : \* et nocte cánticum ejus.

Apud me orátio Deo vitæ meæ, \* dicam Deo : Suscéptor meus es.

Quare oblitus es mei? \* et quare contristátus incédo, dum affligit me inimicus?

Dum confringúntur ossa mea, \* exprobravérunt mihi qui tribulant me inimici mei.

Dum dicunt mihi per singulos dies : Ubi est Deus tuus? \* quare tristis es ánima mea, et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Requiem ætérnam.

**Ant.** Sitívit ánima mea ad Deum vivum : quando véniam, et apparebo ante fáciem Dómini?

**Ÿ.** Ne tradas béstiis ánimas confiténtes tibi. **R.** Et ánimas páuperum tuórum ne obliviscáris in finem.

Pater noster. **totum secreto.**

**Lectio vij. Job 17.**

**S**PÍRITUS meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudínibus morátur óculus meus. Libera me Dómine, et pone me juxta te, et cujúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es, mater mea, et soror mea, vérnibus. Ubi est ergo nunc præstolátio mea, et patiéntiam meam quis considerat?

**R.** Peccántem me quoti-



die, et non me pœnitentem, timor mortis contúrbat me :

\* Quia in inférno nulla est redémptio, miserére mei Deus, et salva me. *Ÿ.* Deus in nómine tuo salvum me fac, et in virtúte tua libera me. Quia.

*Lectio viij. Job 19. c*

**P**ELLI meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos amici mei, quia manus Dómini tétigit me. Quare persequimini me sicut Deus, et cárnibus meis saturámini? Quis mihi tribuat ut scribántur sermónes mei? quis mihi det ut exaréntur in libro stylo férreo, et plumbi lámína, vel celte sculpántur in sílice? Scio enim quod Redémptor meus vivit, et in novíssimo die de terra surrectúrus sum : et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius : repósa est hæc spes mea in sinu meo.

*R.* Dómine secúndum actum meum noli me judicáre : nihil dignum in conspéctu tuo egi : ídeo déprecor majestátem tuam, \* Ut tu Deus déleas iniquitátem meam. *Ÿ.* Amplius lava me Dómine ab injustítia mea, et a delicto meo munda me. Ut.

*Lectio ix. Job 10. d*

**Q**UARE de vulva eduxisti me? qui útinam consúptus essem ne óculus me vidéret. Fúissem quasi non essem, de útero translátus ad túmulum. Numquid non páucitas diérum meórum finiétur brevi? dimitte ergo me, ut plangam páululum dolórem meum : ántequam vadam, et non revértar, ad terram tenebrósam et opértam mortis caligine : terram misériæ et tenebrárum, ubi umbra mortis, et nullus ordo, sed sempitérnus horror inhábitat.

*R.* Libera me Dómine de viis inférni, qui portas áreas confregisti : et visitásti inférnum, et dedisti eis lumen, ut vidérent te : \* Qui erant in pœnis tenebrárum. *Ÿ.* Clamántes et dicéntes : Advenísti Redémptor noster. Qui erant. *Ÿ.* Réquiem ætérrnam. Qui erant.

*Sequens R. dicitur solummodo in die Commemorationis omnium Defunctorum, et quodcumque pro Defunctis dicuntur ix. Lectiones.*

*R.* Libera me Dómine de morte ætérrna in die illa treménda : \* Quando cæli movéndi sunt et terra : \* Dum véneris judicáre sáculum per ignem. *Ÿ.* Tremens factus sum ego, et tímeo, dum discússio vénerit, atque ventúra ira. Quando. *Ÿ.* Dies illa, dies iræ, calamitátis et misériæ, dies magna et amá-

ra valde. Dum. *Ÿ*. Réquiem  
æternam. Libera me. *usque*  
*ad primum Ÿ*.

AD LAUDES

*Absolute incipitur ab*

*Ant.* Exsultábunt \* Dómi-  
no ossa humiliáta.

*Psalmus 50.*

**M**ISERÉRE mei Deus, \* se-  
cúndum magnam mise-  
ricórdiam tuam.

Et secúndum multitudi-  
nem miserationum tuarum, \*  
dele iniquitatem meam.

Amplius lava me ab ini-  
quitáte mea : \* et a peccáto  
meo munda me.

Quóniam iniquitatem me-  
am ego cognósco : \* et pec-  
cátum meum contra me est  
semper.

Tibi soli peccávi, et ma-  
lum coram te feci : \* ut ju-  
stificéris in sermónibus tuis,  
et vincas cum iudicáris.

Ecce enim in iniquitatibus  
concéptus sum : \* et in pec-  
cátis concépit me mater mea.

Ecce enim veritatem di-  
lexisti : \* incérta et occúlta  
sapientiæ tuæ manifestásti  
mihi.

Aspérget me hyssópo, et  
mundabor : \* lavábis me, et  
super nivem dealbabor.

Auditui meo dabis gáu-  
dium et lætítiam : \* et exsul-  
tábunt ossa humiliáta.

Avérte faciém tuam a pec-  
cátis meis : \* et omnes ini-  
quitátes meas dele.

Cor mundum crea in me  
Deus : \* et spiritum rectum  
innova in viscéribus meis.

Ne projicias me a fácie  
tua : \* et Spíritum sanctum  
tuum ne áuferas a me.

Redde mihi lætítiam salu-  
táris tui : \* et spiritu princi-  
páli confirma me.

Docébo iníquos vias tuas : \*  
et impii ad te converténtur.

Libera me de sanguinibus  
Deus, Deus salutis meæ : \*  
et exsultábit lingua mea ju-  
stitiam tuam.

Dómine, lábía mea apé-  
ries : \* et os meum annun-  
tiábit láudem tuam.

Quóniam si voluisses sa-  
crificium, dedissem útique : \*  
holocáustis non delectábe-  
ris.

Sacrificium Deo spíritus  
contribulátus : \* cor contri-  
tum, et humiliátum Deus  
non despicies.

Benigne fac Dómine in  
bona voluntáte tua Sion : \*  
ut ædificéntur muri Jerúsa-  
lem.

Tunc acceptábis sacrifi-  
cium justitiæ, oblatiónes, et  
holocáusta : \* tunc impónent  
super altáre tuum vitulos.

Réquiem æternam.

*Ant.* Exsultábunt Dómino  
ossa humiliáta.

*Ant.* Exáudi Dómine \* ora-  
tiónem meam : ad te omnis  
caro véniet.

*Psalmus 64.*

**T**E decet hymnus Deus in  
Sion : \* et tibi reddétur  
votum in Jerúsalem.

Exáudi oratióem meam : \*  
ad te omnis caro véniet.

Verba iniquórum præva-



luérunt super nos : \* et impietátibus nostris tu propitiáberis.

Beátus, quem elegisti, et assumpsisti : \* inhabitábit in atriis tuis.

Replébimur in bonis domus tuæ : \* sanctum est templum tuum, mirábile in æquitáte.

Exáudi nos Deus salutáris noster, \* spes ómnium finium terræ, et in mari longe.

Præparans montes in virtúte tua, accinctus poténtia : \* qui contúrbas profúndum maris sonum flúctuum ejus.

Turbabúntur gentes, et timébunt qui hábitant terminos a signis tuis : \* éxitus matutini, et vespere delectábis.

Visitásti terram, et inebriásti eam : \* multiplicásti locupletáre eam.

Flumen Dei replétum est aquis, parásti cibum illórum : \* quóniam ita est præparatio ejus.

Rivos ejus inébria, multiplica genimina ejus : \* in stillicídiis ejus lætábitur gérminans.

Benedices coronæ anni benignitátis tuæ : \* et campi tui replebúntur ubertáte.

Pinguéscent speciósa déserti : \* et exsultatióne colles accingéntur.

Indúti sunt arietes óvium, et valles abundábunt fruménto : \* clamábunt, étenim hymnum dicent.

Réquiem ætérrnam.

**Ant.** Exáudi Dómine oratiómem meam : ad te omnis caro véniet.

**Ant.** Me suscepit \* dextera tua Dómine.

**Psalmus 62.**

**D**EUS Deus meus \* ad te de luce vigilo.

Sitívit in te ánima mea, \* quam multipliciter tibi caro mea.

In terra déserta, et invia, et inaquósa : \* sic in sancto apparúi tibi, ut vidérem virtútem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, in matutinis meditábor in te : \* quia fuísti adjútor meus.

Et in velaménto alárum tuárum exsultábo, adhæsit ánima mea post te : \* me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ : \* tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : \* quia obstrúctum est os loquéntium iniqua.

**Hic non dicitur** Réquiem.

## Psalmus 66.

**D**EUS misereatur nostri, et benedicat nobis : \* illúminet vultum suum super nos, et misereatur nostri.

Ut cognoscamus in terra viam tuam : \* in ómnibus géntibus salutare tuum.

Confiteantur tibi pópuli Deus : \* confiteantur tibi pópuli omnes.

Læténtur et exsúltent gentes : \* quóniam júdicas pópulos in æquitáte, et gentes in terra dirigit.

Confiteantur tibi pópuli Deus, confiteantur tibi pópuli omnes : \* terra dedit fructum suum.

Benedicat nos Deus, Deus noster, benedicat nos Deus : \* et métuant eum omnes fines terræ.

Réquiem ætérnam.

**Ant.** Me suscepit dextera tua Dómine.

**Ant.** A porta inferi \* érue Dómine ánimam meam.

## Canticum Ezechiae.

## Isaïæ 38. b

**E**GO dixi : In dimidio diérum meórum \* vadam ad portas inferi.

Quæsiui résiduum annórum meórum. \* Dixi : Non vidébo Dóminum Deum in terra vivéntium.

Non adspiciam hóminem ultra, \* et habitatórem quiétis.

Generatio mea ablata est, et convoluta est a me, \* quasi tabernáculum pastórum :

Præcisá est velut a texén-te, vita mea : dum adhuc

ordírer, succídit me : \* de mane usque ad vésperam finies me.

Sperábam usque ad mane, \* quasi leo sic contrivit ómnia ossa mea :

De mane usque ad vésperam finies me : \* sicut pullus hirúndinis sic clamábo, meditábor ut columba :

Attenuáti sunt óculi mei, \* suspiciéntes in excélsu :

Dómine vim pátiar, respónde pro me. \* Quid dicam, aut quid respondébit mihi, cum ipse fécerit?

Recogitábo tibi omnes annos meos \* in amaritúdine ánimæ meæ.

Dómine si sic vívitur, et in talibus vita spíritus mei, corripies me, et vivificábis me. \* Ecce in pace amaritúdo mea amarissima :

Tu áutem eruisti ánimam meam ut non periret : \* projecisti post tergum tuum ómnia peccáta mea.

Quia non inférnus confitébitur tibi, neque mors laudábit te : \* non expectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : \* pater filiis notam faciet veritátem tuam.

Dómine salvum me fac, \* et psalmos nostros cantábitis cunctis diébus vitæ nostræ in domo Dómini.

Réquiem ætérnam.

**Ant.** A porta inferi érue Dómine ánimam meam.



**Ant.** Omnis spiritus \* laudet Dóminum.

**Psalmus 148.**

**L**AUDÁTE Dóminum de cælis : \* laudáte eum in excelsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælos sunt, láudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in ætérnum, et in sæculum sæculi : \* præcéptum pósuit, et non præteríbit.

Laudáte Dóminum de terra, \* dracones, et omnes abyssi.

Ignis, grando, nix, glácies, spiritus procellárum : \* quæ faciunt verbum ejus :

Montes, et omnes colles : \* ligna fructifera, et omnes cedri.

Béstiæ, et univérsa pécora : \* serpéntes, et vólucres pennátæ :

Reges terræ, et omnes pópuli : \* príncipes, et omnes júdices terræ.

Júvenes, et vírgines : senes cum junióribus láudent nomen Dómini : \* quia exaltátum est nomen ejus solius.

Conféssio ejus super cæ-

lum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israël, pópulo appropinquánti sibi.

**Hic non dicitur Réquiem.**

**Psalmus 149.**

**C**ANTÁTE Dómino cánticum novum : \* laus ejus in ecclésia sanctórum.

Lætétur Israël in eo, qui fecit eum : \* et filii Sion exsúltent in rege suo.

Láudent nomen ejus in choro : \* in týmpano, et psalterio psallant ei :

Quia beneplácitum est Dómino in pópulo suo : \* et exaltábit mansuétos in salutem.

Exsultábunt sancti in glória : \* lætabúntur in cubilibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciéndam vindíctam in natióibus : \* increpatiónes in pópulis.

Ad alligándos reges eórum in compédibus : \* et nóbiles eórum in mánicis férreis.

Ut fácient in eis iudicium conscriptum : \* glória hæc est ómnibus sanctis ejus.

**Hic non dicitur Réquiem.**

**Psalmus 150.**

**L**AUDÁTE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secún-

dum multitudinem magnitudinis ejus.

Laudáte eum in sono tubæ : \* laudáte eum in psalterio, et cithara.

Laudáte eum in týmpano, et choro : \* laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : \* omnis spiritus láudet Dóminum.

Réquiem ætérnam.

**Ant.** Omnis spiritus láudet Dóminum.

**V.** Audívi vocem de cælo dicéntem mihi. **R.** Beáti mórtui qui in Dómino moriúntur.

**Ad Bened. Ant.** Ego sum \* resurréctio et vita : qui credit in me, étiam si mórtuus fúerit, vivet : et omnis qui vivit et credit in me, non moriétur in ætérnum.

**Deinde dicuntur flexis genibus**

Pater noster. **secreto.**

**V.** Et ne nos indúcas in tentatiónem. **R.** Sed libera nos a malo.

**Psalmus 129.**

**D**E profúndis clamávi ad te Dómine : \* Dómine exáudi vocem meam :

Fiant áures tuæ intendéntes, \* in vocem deprecatiónis meæ.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israël in Dómino.

Quia apud Dóminum misericórdia : \* et copiósá apud eum redemptio.

Et ipse rédimet Israël, \* ex ómnibus iniquitátibus ejus.

Réquiem ætérnam.

**Deinde V.** A porta inferi. **R.** Erue Dómine ánimas eórum.

**V.** Requiéscant in pace.

**R.** Amen.

**V.** Dómine exáudi oratió-nem meam. **R.** Et clamor meus ad te véniat.

**V.** Dóminus vobíscum. **R.** Et cum spiritu tuo.

**Oratio.**

**D**EUS, qui inter apostólicos sacerdótes, fámulos tuos pontificáli seu sacerdotáli fecisti dignitáte vigére : præsta, quæsumus ; ut eórum quoque perpétuo aggregéntur consórtio.

**D**EUS, vénia largitor et humánæ salútis amátor : quæsumus cleméntiam tuam ; ut nostræ congregatiónis fratres, propinquos et benefactóres, qui ex hoc sæculo transiérunt, beáta Maria semper Virgine intercedénte cum ómnibus Sanctis tuis, ad perpétuæ beatitudinis consórtium pervenire concédas.

**F**IDÉLIUM Deus ómnium cónditor et redemptor,



animabus famulorum famularumque tuarum remissionem cunctorum tribue peccatorum : ut indulgentiam quam semper optaverunt,

piis supplicationibus consequantur : Qui vivis et regnas in secula seculorum.  
R. Amen.

Et reliqua ut supra. 186\*.

## PSALMI GRADUALES

**Dicuntur in Quadrages., Feria IV. cujuslibet Hebdomadæ, non impedita aliquo Festo ix. Lectionum : in Choro ante Matutinum diei; extra Chorum pro opportunitate temporis.**

**Primi quinque Psalmi dicuntur sine Glória Patri. Sed in fine ultimi dicitur Réquiem æternam.**

**Incipiuntur absolute sine Ant.**

**Psalmi Ad Dóminum cum tribulärer. 131. Levávi. *ibid.* Lætátus sum. 133. Ad te levávi. et Nisi quia. *ibid.***

**Réquiem æternam \* dona eis Dómine.**

**Et lux perpétua\* lúceat eis.**

**Deinde dicitur flexis genibus :**

**Pater noster. *secreto.***

**V. Et ne nos indúcas in tentationem. R. Sed libera nos a malo.**

**V. A porta inferi. R. Erue Dómine ánimas eorum.**

**V. Requiéscant in pace. R. Amen.**

**V. Dómine exáudi orationem meam. R. Et clamor meus ad te véniat.**

**V. Dóminus vobiscum. R. Et cum spiritu tuo.**

**Orémus. Oratio.**

**A**BSÓLVE, quæsumus Dómine, ánimas famulorum famularumque tuarum, et omnium fidélium defunctorum, ab omni vínculo delictorum : ut in resurrectionis glória inter sanctos et electos tuos resuscitati respicient. Per Christum Dóminum nostrum.

R. Amen.

**Post Orationem statim dicuntur alii Psalmi Graduales qui sequuntur : et in fine cujuslibet Psalmi dicitur Glória Patri.**

**Psalmi Qui confidunt. 134. In converténdo. *ibid.* Nisi Dóminus. *ibid.* Beáti omnes. et Sæpe expugnáverunt. 135.**

**Postea dicitur flexis genibus**

**Kýrie eléison. Christe eléison. Kýrie eléison.**

**Pater noster. *secreto.***

**V. Et ne nos indúcas in tentationem. R. Sed libera nos a malo.**

**V. Meménto congregatiónis tuæ. R. Quam possedisti ab initio.**

**V. Dómine exáudi orationem meam. R. Et clamor meus ad te véniat.**

Ÿ. Dóminus vobiscum. **R.**  
Et cum spíritu tuo.

Orémus. **Oratio.**

**D**EUS, cui proprium est miseréri semper et párcere : súscipe deprecaciónem nostram; ut nos, et omnes fámulos tuos, quos delictórum caténa constríngit, miserátio tuæ pietátis cleménter absólvat. Per Christum Dóminum nostrum.

**R.** Amen.

Post Orat. statim dicuntur alii Psalmi Graduales qui sequuntur; et in fine cujuslibet Psalmi dicitur Glória Patri.

**Psalmi** De profúndis. 135. Dómine non est exaltátum. 136. Meménto. **ibid.** Ecce quam bonum. 137, et Ecce nunc benedicite Dóminum. 149.

Deinde dicitur flexis genibus

Kýrie eléison. Christe eléison. Kýrie eléison.

Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Ÿ. Salvos fac servos tuos. **R.** Deus meus sperántes in te.

Ÿ. Dómine exáudi oratió-  
nem meam. **R.** Et clamor  
meus ad te véniat.

Ÿ. Dóminus vobiscum. **R.**  
Et cum spíritu tuo.

Orémus. **Oratio.**

**P**RÆTÉNDE Dómine fámulis et famulábus tuis dexteram cæléstis auxilií : ut te toto corde perquirant, et quæ digne póstulant, cónsequi mereántur. Per Christum Dóminum nostrum.

**R.** Amen.

## SEPTEM PSALMI POENITENTIALES

### CUM LITANIIS

Dicuntur flexis genibus in omnibus sextis Feriis Quadrag., quando Officium fit de Feria.

Litaniæ autem, omissis septem Psalmis, dicuntur in Litanis majoribus in Festo sancti Marci, et in tribus diebus Rogationum.

Dicuntur autem in Quadrag. in Choro post Matutinum et Laudes diei, dicto Benedicámus Dómino. Ex-

tra Chorum pro opportunitate temporis.

**Ant.** Ne reminiscáris.

**Ps. 6.** Dómine, ne in furóre. 5. **Ps. 31.** Beáti quorum. 53. **Ps. 37.** Dómine ne in furóre tuo. 59. **Ps. 50.** Miserére mei Deus. 60. **Ps. 101.** Dómine exáudi. 112. **Ps. 129.** De profúndis. 135. **Ps. 142.** Dómine exáudi oratió-  
nem meam. 108.

**Ant.** Ne reminiscáris Dó-



mine delicta nostra, vel paréntum nostrórum : neque vindictam sumas de peccátis nostris.

LITANIÆ

**K**YRIE eléison.  
Christe eléison.  
Kýrie eléison.  
Christe áudi nos.  
Christe exáudi nos.  
Pater de cælis Deus, miserére nobis.  
Fili Redemptor mundi Deus, miserére nobis.  
Spiritus sancte Deus, miserére nobis.  
Sancta Trinitas unus Deus, miserére nobis.  
Sancta María, ora pro nobis.  
Sancta Dei Génitrix, ora.  
Sancta Virgo virginum, ora.  
Sancte Michaël, ora.  
Sancte Gábríel, ora.  
Sancte Ráphaël, ora.  
Omnes sancti Angeli et Archángeli, oráte pro nobis.  
Omnes sancti beatórum spirituum órdenes, oráte.  
Sancte Joánnes Baptista, ora pro nobis.  
Sancte Joseph, ora pro nobis.  
Omnes sancti Patriárchæ et Prophætæ, oráte.  
Sancte Petre, ora.  
Sancte Páule, ora.  
Sancte Andréa, ora.  
Sancte Jacóbe, ora.  
Sancte Joánnes, ora.  
Sancte Thoma, ora.  
Sancte Jacóbe, ora.  
Sancte Philippe, ora.  
Sancte Bartholomæe, ora.

Sancte Matthæe, ora pro nobis.  
Sancte Símón, ora.  
Sancte Thaddæe, ora.  
Sancte Mathía, ora.  
Sancte Bárnaba, ora.  
Sancte Luca, ora.  
Sancte Marce, ora.  
Omnes sancti Apóstoli et Evangelistæ, oráte pro nobis.  
Omnes sancti Discipuli Dómini, oráte pro nobis.  
Omnes sancti Innocéntes, oráte pro nobis.  
Sancte Stéphané, ora.  
Sancte Laurénti, ora.  
Sancte Vincénti, ora.  
Sancti Fabiáne et Sebastíane, oráte pro nobis.  
Sancti Joánnes et Páule, oráte pro nobis.  
Sancti Cosma et Damiáne, oráte pro nobis.  
Sancti Gervási et Protási, oráte pro nobis.  
Omnes sancti Mártires, oráte pro nobis.  
Sancte Silvéster, ora.  
Sancte Gregóri, ora.  
Sancte Ambrósi, ora.  
Sancte Augustine, ora.  
Sancte Hierónyme, ora.  
Sancte Martine, ora.  
Sancte Nicolæ, ora.  
Omnes sancti Pontífices et Confessóres, oráte pro nobis.  
Omnes sancti Doctóres, oráte pro nobis.  
Sancte Antóni, ora pro nobis.  
Sancte Benedicte, ora.  
Sancte Bernárde, ora.

Sancte Domínice , ora pro nobis.	Per nativitátem tuam, libera nos Dómine.
Sancte Francísce, ora.	Per baptismum et sanctum jejúnium tuum, libera.
Omnes sancti Sacerdótes et Levitæ, oráte pro nobis.	Per crucem et passióem tuam, libera.
Omnes sancti Mónachi et Eremitæ, oráte.	Per mortem et sepultúram tuam, libera.
Sancta María Magdaléna, ora.	Per sanctam resurrectionem tuam, libera.
Sancta Agatha, ora.	Per admirábilem ascensió-nem tuam, libera.
Sancta Lúcia, ora.	Per advéntum Spiritus sancti Parácliti, libera.
Sancta Agnes, ora.	In die judicii, libera.
Sancta Cæcília, ora.	Peccatóres, te rogámus áudi nos.
Sancta Catharina, ora.	Ut nobis parcas, te rogámus áudi nos.
Sancta Anastásia, ora.	Ut nobis indúlgeas, te rogá-mus áudi nos.
Omnes sanctæ Virgines et Víduæ, oráte.	Ut ad veram pœniténtiam nos perdúcere dignéris, te rogámus áudi nos.
Omnes Sancti et Sanctæ Dei, intercédite pro nobis.	Ut Ecclesiám tuam sanctam régere et conserváre dignéris, te rogámus áudi nos.
Propítius esto, parce nobis Dómine.	Ut domnum Apostólicum et omnes ecclesiásticos órdis in sancta religióne conserváre dignéris, te rogámus áudi nos.
Propítius esto, exáudi nos Dómine.	Ut inimicos sanctæ Ecclesiæ humiliáre dignéris, te rogámus áudi nos.
Ab omni malo, libera nos Dómine.	Ut régibus et principibus christiánis pacem et veram concórdiam donáre dignéris, te rogámus.
Ab omni peccáto, libera.	Ut cuncto pópulo christiáno pacem et unitátem largiri dignéris, te rogámus áudi nos.
Ab ira tua, libera.	
A subitánea et improvisa morte, libera.	
Ab insidiis diaboli, libera.	
Ab ira, et ódio, et omni mala voluntáte, libera.	
A spíritu fornicatiónis, libera nos Dómine.	
A fúlgure et tempestáte, libera nos Dómine.	
A flagéllo terræmótus, libera nos Dómine.	
A peste, fame et bello, libera nos Dómine.	
A morte perpétua, libera.	
Per mystérium sanctæ Incarnatiónis tuæ, libera.	
Per advéntum tuum, libera nos Dómine.	



Ut nosmetipsos in tuo sancto  
servitio confortare et con-  
servare digneris, te rogá-  
mus áudi nos.

Ut mentes nostras ad cælé-  
stia desideria érigas, te  
rogámus áudi nos.

Ut ómnibus benefactoribus  
nostris sempiterna bona  
retribuas, te rogámus áu-  
di nos.

Ut ánimas nostras, fratrum,  
propinquorum et benefa-  
ctorum nostrorum ab æ-  
terna damnatione eripias,  
te rogámus áudi nos.

Ut fructus terræ dare et  
conservare digneris, te  
rogámus áudi nos.

Ut ómnibus fidelibus defún-  
ctis réquiem æternam do-  
nare digneris, te rogámus  
áudi nos.

Ut nos exaudire digneris, te  
rogámus áudi nos.

Fili Dei, te rogámus áudi  
nos.

Agnus Dei, qui tollis pec-  
cáta mundi, parce nobis  
Dómine.

Agnus Dei, qui tollis pec-  
cáta mundi, exáudi nos  
Dómine.

Agnus Dei, qui tollis pec-  
cáta mundi, miserere no-  
bis.

Christe áudi nos.

Christe exáudi nos.

Kýrie eléison. Christe eléi-  
son. Kýrie eléison.

Pater noster. *secreto.*

Ÿ. Et ne nos indúcas in  
tentationem. *R.* Sed libera  
nos a malo.

**Psalmus 69.**

**D**EUS in adiutorium meum  
intende : \* Dómine ad  
adjuvandum me festina.

Confundantur, et reve-  
reantur, \* qui quærunt áni-  
mam meam :

Avertantur retrorsum, et  
erubescant, \* qui volunt  
mihi mala :

Avertantur statim erube-  
scéntes, \* qui dicunt mihi :  
Euge, éuge.

Exsultent et lætentur in te  
omnes qui quærunt te, \* et  
dicant semper : Magnificé-  
tur Dóminus : qui diligunt  
salutare tuum.

Ego vero egénus, et páu-  
per sum : \* Deus adjuva me.

Adjutor meus, et liberátor  
meus es tu : \* Dómine ne  
moreris.

Glória Patri. Sicut erat.

Ÿ. Salvos fac servos tuos.

*R.* Deus meus sperantes in  
te.

Ÿ. Esto nobis Dómine tur-  
ris fortitudinis. *R.* A fácie  
inimici.

Ÿ. Nihil proficiat inimicus  
in nobis. *R.* Et filius iniqui-  
tátis non appónat nocere  
nobis.

Ÿ. Dómine non secúndum  
peccáta nostra fácias nobis.

*R.* Neque secúndum iniqui-  
tates nostras retribuas nobis.

Ÿ. Orémus pro Pontífice  
nostro *N. R.* Dóminus con-  
servet eum, et vivificet eum,  
et beátum fáciat eum in ter-  
ra, et non tradat eum in áni-  
mam inimicórum ejus.

**V.** Orémus pro benefactoribus nostris. **R.** Retribuere dignare Dómine ómnibus nobis bona faciéntibus propter nomen tuum vitam ætérnam. Amen.

**V.** Orémus pro fidélibus defúctis. **R.** Réquiem ætérnam dona eis Dómine : et lux perpétua lúceat eis.

**V.** Requiéscant in pace. **R.** Amen.

**V.** Pro fratribus nostris abséntibus. **R.** Salvos fac servos tuos Deus meus, sperántes in te.

**V.** Mitte eis Dómine auxilium de sancto. **R.** Et de Sion tuere eos.

**V.** Dómine exáudi orationem meam. **R.** Et clamor meus ad te véniat.

**V.** Dóminus vobiscum. **R.** Et cum spíritu tuo.

Orémus. **Oratio.**

**D**EUS, cui próprium est miseréri semper et parcere : súscipe deprecationem nostram ; ut nos, et omnes fámulos tuos, quos delictórum caténa constríngit, miserátio tuæ pietátis cleménter absólvat.

**E**XÁUDI, quæsumus Dómine, súpplicum preces, et confiténtium tibi parce peccátis : ut páriter nobis indulgéntiam tribuas benígnus et pacem.

**I**NEFFÁBILEM nobis Dómine misericórdiam tuam cleménter osténde : ut simul nos et a peccátis ómnibus

éxuas, et a pœnis, quas pro his merémur, erípias.

**D**EUS, qui culpa offéndieris, pœniténtia placáris : preces pópuli tui supplicántis propítius réspice ; et flagélla tuæ iracúndiæ, quæ pro peccátis nostris merémur, avérte.

**O**MNÍPOTENS sempitérne Deus, miserére fámulo tuo Pontifici nostro **N.**, et dirige eum secúndum tuam cleméntiam in viam salútis ætérnæ : ut, te donánte, tibi plácita cúpiat, et tota virtúte perfíciat.

**D**EUS, a quo sancta desideria, recta consília, et justa sunt ópera : da servis tuis illam, quam mundus dare non potest, pacem ; ut et corda nostra mandátis tuis dédita, et hóstium subláta formidine, témpora sint tua protectióne tranquilla.

**U**RE igne sancti Spíritus renes nostros et cor nostrum Dómine : ut tibi casto corpore serviámus, et mundo corde placeámus.

**F**IDÉLIUM Deus ómnium Cónditor et Redemptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur.

**A**CTIÓNES nostras, quæsumus Dómine, adspirándo præveni, et adjuvándo proséquere : ut cuncta no-



stra oratio et operatio a te semper incipiat, et per te cœpta finiatur.

**O**MNÍPOTENS sempitérne Deus, qui vivórum domináris simul et mortuórum, omniúmque miseréris quos tuos fide et ópere futuros esse prænúscis : te supplices exorámus ; ut pro quibus effúndere preces decrevimus, quosque vel præsens sæculum adhuc in carne rétinet, vel futurum jam exú-

tos corpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

**V.** Dóminus vobíscum. **R.** Et cum spiritu tuo.

**V.** Exáudiat nos omnipotens et miséricors Dóminus.

**R.** Amen.

**V.** Et fidélium animæ per misericórdiam Dei requiéscant in pace. **R.** Amen.

## ORDO COMMENDATIONIS ANIMÆ

**Primum dicuntur Litaníæ breves in hunc modum.**

**K**YRIE eléison.

Christe eléison.

Kýrie eléison.

Sancta María, ora pro eo.

Omnes sancti Angeli et Archángeli, oráte pro eo.

Sancte Abel, ora.

Omnis chorus Justórum, ora.

Sancte Abraham, ora.

Sancte Joánnes Baptista, ora.

Sancte Joseph, ora.

Omnes sancti Patriárchæ et

Prophétæ, oráte pro eo.

Sancte Petre, ora pro eo.

Sancte Páule, ora.

Sancte Andréa, ora.

Sancte Joánnes, ora.

Omnes sancti Apóstoli et

Evangelistæ, oráte pro eo.

Omnes sancti Discípuli Dómini,

oráte pro eo.

Omnes sancti Innocéntes,

oráte pro eo.

Sancte Stéphane, ora.

Sancte Lauréti, ora pro eo.  
Omnes sancti Mártires, oráte pro eo.

Sancte Silvéster, ora.

Sancte Gregóri, ora.

Sancte Augustine, ora.

Omnes sancti Pontífices et Confessóres, oráte pro eo.

Sancte Benedicte, ora.

Sancte Francisce, ora.

Sancte Camille, ora.

Sancte Joánnes de Deo, ora pro eo.

Omnes sancti Mónachi et

Eremitæ, oráte pro eo.

Sancta María Magdaléna, ora.

Sancta Lúcia, ora.

Omnes sanctæ Virgines et

Viduæ, oráte pro eo.

Omnes Sancti et Sanctæ Dei, intercédite pro eo.

Propítius esto, parce ei Dómine.

Propítius esto, libera eum Dómine.

Propítius esto, libera.

Ab ira tua, libera eum Dómine.

A periculo mortis, libera.

A mala morte, libera.

A pœnis inférni, libera.

Ab omni malo, libera.

A potestáte diaboli, libera.

Per nativitátem tuam, libera eum Dómine.

Per crucem et passióem tuam, libera eum Dómine.

Per mortem et sepultúram tuam, libera.

Per gloriósam resurrectiódinem tuam, libera.

Per admirábilem ascensiódinem tuam, libera.

Per grátiam Spíritus sancti Parácliti, libera.

In die iudicii, libera.

Peccatóres, te rogámus áudi nos.

Ut ei parcas, te rogámus.

Kýrie eléison.

Christe eléison.

Kýrie eléison.

**Deinde, cum in agone sui exitus anima anxietur, dicuntur sequentes Orationes.**

**Oratio.**

**P**ROFICÍSCERE ánima christiána de hoc mundo, in nómine Dei Patris omnipoténtis, qui te creávit : in nómine Jesu Christi Filii Dei vivi, qui pro te passus est : in nómine Spíritus sancti, qui in te effusus est : in nómine Angelórum et Archan-gelórum : in nómine Thronórum et Dominationum : in nómine Principátuum et Potestátum : in nómine Chérubim et Séraphim : in nómine

Patriarchárum et Prophetárum : in nómine sanctórum Apostolórum et Evangeli-stárum : in nómine sanctórum Mártyrum et Confessórum : in nómine sanctórum Monachórum et Eremitárum : in nómine sanctárum Virgínum, et ómnium Sanctórum et Sanctárum Dei : hódie sit in pace locus tuus, et habitatio tua in sancta Sion. Per eúmdem Christum Dóminum nostrum. **R.** Amen.

**Oratio.**

**D**EUS miséricors, Deus clemens, Deus, qui secúndum multitudinem miserationum tuárum peccáta pœniténtium deles, et præteritórum criminum culpas vénia remissionis evácuas : réspice propítius super hunc fámulum tuum **N.**, et remissionem ómnium peccatórum suórum tota cordis confessione poscéntem deprecátus exáudi. Rénova in eo, piissime Pater, quicquid terréna fragilitáte corrúptum, vel quicquid diabólica fraude violátum est : et unitáti corporis Ecclesiæ membrum redemptionis annécte. Miserere Dómine gemituum, miserere lacrymárum ejus : et non habéntem fidúciám, nisi in tua misericórdia, ad tuæ sacraméntum reconciliatiónis admítte. Per Christum Dóminum nostrum.

**R.** Amen.

**C**OMMÉNDO te omnipoténti Deo, carissime frater, et



ei cujus es creatúra committo : ut, cum humanitátis débitum morte interveniēte persólveris, ad auctórem tuum, qui te de limo terræ formáverat, revertáris. Egre-diēti itaque ánimæ tuæ de corpore spléndidus Angelórum cœtus occurrat : iudex Apostolórum tibi senátus advéniat : candidatórum tibi Mártyrum triumphátor exercitus óbviet : liliáta rutilántium te Confessórum turma circúmdet : jubilántium te Virginum chorus excipiat : et beátæ quiétis in sinu Patriarchárum te compléxus adstringat : mitis atque festívus Christi Jesu tibi adspéctus appáreat, qui te inter assisténtes sibi júgiter interésse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátnas cum satellitibus suis : in advéntu tuo te comitántibus Angelis contremíscat, atque in æternæ noctis chaos immáne diffúgiat. Exsúrgat Deus, et dissipéntur inimici ejus : et fúgiant, qui odérunt eum, a fácie ejus. Sicut déficit fumus, deficiant : sicut fluit cera a fácie ignis, sic péreant peccatóres a fácie Dei : et justí epuléntur, et exsúltent in conspéctu Dei. Confundántur igitur et erubéscant omnes tartáreæ legiões, et ministri sátnæ iter tuum impédire non

áudeant. Liberet te a cruciátu Christus, qui pro te crucifíxus est. Liberet te ab æterná morte Christus, qui pro te mori dignátus est. Constituat te Christus Fílius Dei vivi intra paradísi sui semper amœna viréntia, et inter oves suas te verus ille Pastor agnóscat. Ille ab ómnibus peccátis tuis te absólvat, atque ad dexteram suam in electórum suórum te sorte constituat. Redemptórem tuum fácie ad fáciem vídeas, et præsens semper assistens, manifestíssimam beátis óculis adspicias veritátem. Constitútus igitur inter ágmina Beatórum, contemplatiónis divínæ dulcédine potiáris in sæcula sæculórum.

℟. Amen.

### Oratio.

**S**ÚSCIPE Dómine servum tuum in locum sperándæ sibi salvatiónis a misericórdia tua. ℟. Amen.

Libera Dómine ánimam servi tui ex ómnibus periculis inférni, et de láqueis pœnárum, et ex ómnibus tribulatió nibus. ℟. Amen.

Libera Dómine ánimam servi tui, sicut liberásti Henoch et Eliam de commúni morte mundi. ℟. Amen.

Libera Dómine ánimam servi tui, sicut liberásti Noë de dilúvio. ℟. Amen.

Libera Dómine ánimam servi tui, sicut liberásti Abraham de Ur Chaldæórum. ℟. Amen.

Libera Dómine ánimam servi tui, sicut liberásti Job de passiónibussuis. *R.* Amen.

Libera Dómine ánimam servi tui, sicut liberásti Isaac de hóstia et de manu patris sui Abrahæ. *R.* Amen.

Libera Dómine ánimam servi tui, sicut liberásti Lot de Sódomis, et de flamma ignis. *R.* Amen.

Libera Dómine ánimam servi tui, sicut liberásti Móysen de manu Pharaónis regis Ægyptiórum. *R.* Amen.

Libera Dómine ánimam servi tui, sicut liberásti Daniélem de lacu leónum. *R.* Amen.

Libera Dómine ánimam servi tui, sicut liberásti tres púeros de camino ignis ardéntis, et de manu regis iníqui. *R.* Amen.

Libera Dómine ánimam servi tui, sicut liberásti Susánnam de falso crimine. *R.* Amen.

Libera Dómine ánimam servi tui, sicut liberásti David de manu regis Saul, et de manu Golíæ. *R.* Amen.

Libera Dómine ánimam servi tui, sicut liberásti Petrum et Páulum de carcéribus. *R.* Amen.

Et sicut beatíssimam Theclam Virginem et Mártirem tuam de tribus atrocíssimis torméntis liberásti, sic liberáre dignéris ánimam hujus servi tui, et tecum fácias in bonis congaudére cæléstibus. *R.* Amen.

### Oratio.

**C**OMMENDÁMUS tibi Dómine ánimam fámuli tui *N.*, precamúrque te Dómine Jesu Christe Salvátor mundi : ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætifica Dómine ánimam ejus in conspéctu tuo, et ne memineris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Filium, et Spiritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

### Oratio.

**D**ELÍCTA juventútis, et ignorantias ejus, quæsumus, ne memineris Dómine : sed secúndum magnam misericórdiam tuam memor esto illius in glória claritátis tuæ. Aperiantur ei cæli, collætentur illi Angeli. In regnum tuum Dómine servum tuum súscipe. Suscípiat eum sanctus Michaél Archángelus Dei, qui militiæ cæléstis méruit principátum. Véniant illi óbviám sancti Angeli Dei, et perdúcant eum in civitátem cæléstem Jerúsalem. Susci-



piat eum beátus Petrus Apóstolus, cui a Deo claves regni cæléstis tráditæ sunt. Adjuvet eum sanctus Páulus Apóstolus, qui dignus fuit esse vas electiõnis. Intercédant pro eo sanctus Joánnēs, eléctus Dei Apóstolus, cui reveláta sunt secréta cæléstia. Orent pro eo omnes sancti Apóstoli, quibus a Dómino data est potéstas ligándi atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vínculis carnis exútus, pervenire mereátur ad glóriam regni cæléstis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum. *R.* Amen.

*Si anxiatur adhuc anima, dicuntur hi Psalmi, videlicet Confitémini. 24, et totus Ps. Beáti immaculáti. per Horas distributus. 25.*

*Egressa autem anima, dicitur hoc*

*R.* Subvenite Sancti Dei, occúrrite Angeli Dómini: \* Suscipiéntes ánimam ejus: \* Offeréntes eam in conspéctu Altissimi. *V.* Suscipiat te Christus, qui vocávit te, et

in sinum Abrahæ Angeli dedúcant te. *V.* Suscipiéntes ánimam ejus, \* Offeréntes eam in conspéctu Altissimi. *V.* Réquiem ætérnam dona ei Dómine, et lux perpétua lúceat ei. \* Offeréntes.

*Deinde* Kýrie eléison. Christe eléison. Kýrie eléison.

*Postea* Pater noster. *secreto.*

*V.* Et ne nos indúcas in tentatiónem. *R.* Sed libera nos a malo.

*V.* Réquiem ætérnam dona ei Dómine. *R.* Et lux perpétua lúceat ei.

*V.* A porta inferi. *R.* Erue Dómine ánimam ejus.

*V.* Requiéscat in pace. *R.* Amen.

*V.* Dómine exáudi oratió-nem meam. *R.* Et clamor meus ad te véniat.

*V.* Dóminus vobíscum. *R.* Et cum spíritu tuo.

Orémus. *Oratio.*

**T**IBI Dómine commendá-mus ánimam fámuli tui *N.*, ut defúctus sæculo tibi vivat: et quæ per fragilitátem humánæ conversatiónis peccáta commisit, tu vénia misericordíssimæ pietátis abstérge. Per Christum Dóminum nostrum.

*R.* Amen.



# FORMULA

AD IMPERTIENDAM INDULGENTIAM PLENARIAM

## IN ARTICULO MORTIS

Juxta formam a BENEDICTO Papa XIV. traditam.

Ÿ. Adjutórium nostrum †  
in nómine Dómini. R. Qui  
fecit cælum et terram.

Ant. Ne reminiscáris Dó-  
mine delicta fámuli tui (vel  
ancillæ tuæ), neque vindic-  
tam sumas de peccátis ejus.

Kýrie eléison. Christe eléi-  
son. Kýrie eléison.

Pater noster. **secreto.**

Ÿ. Et ne nos indúcas in  
tentatiónem. R. Sed libera  
nos a malo.

Ÿ. Salvum fac servum tuum  
(vel ancillam tuam). R. Deus  
meus sperántem in te.

Ÿ. Dómine exáudi ora-  
tiónem meam. R. Et clamor  
meus ad te véniat.

Ÿ. Dóminus vobiscum. R.  
Et cum spíritu tuo.

Orémus.

**C**LEMENTÍSSIME Deus, Pater  
misericordiárum, et Deus  
totius consolatiónis, qui né-  
minem vis perire in te cre-  
déntem atque sperántem :  
secúndum multitudinem mi-  
seratiónum tuárum respice  
propítius fámulum tuum **N.**  
quem (vel fámulam tuam **N.**  
quam) tibi vera fides et spes  
christiána commédant. Vi-  
sita eum (vel eam) in salu-  
tári tuo, et per Unigéniti  
tui passióem et mortem,

ómnium ei delictórum suó-  
rum remissióem et véniam  
cleménter indúlge, ut ejus  
ánima in hora éxitus sui te  
júdicem propitiátum invé-  
niat, et in ságuine ejúsdem  
Filii tui ab omni mácula  
ablúta, transire ad vitam  
mereátur perpétuam. Per  
eúndem Christum Dómi-  
num nostrum. R. Amen.

**Tunc dicto ab uno e Cle-  
ricis adstantibus** Confiteor.  
**Sacerdos dicat** Misereátur.  
**ac deinde :**

**D**ÓMINUS noster Jesus  
Christus Filius Dei vivi,  
qui beáto Petro Apóstolo suo  
dedit potestátem ligándi at-  
que solvéndi, per suam piís-  
simam misericórdiam reci-  
piat confessióem tuam, et  
restituat tibi stolam primam,  
quam in baptísmate recepi-  
sti : et ego, facultáte mihi ab  
apostólica sede tribúta, in-  
dulgéntiam plenáriam et re-  
missióem ómnium pecca-  
tórum tibi concédo. In nó-  
mine Patris †, et Filii, et  
Spiritus sancti. R. Amen.

Per sacrosáncta humánæ  
reparatiónis mystéria, re-  
mittat tibi omnipotens Deus  
omnes præsentis et futúre  
vitæ pœnas, paradisi portas



aperiat, et ad gáudia sem-  
pitérna perdúcat.

℞. Amen.

Benedícat te omnipotens  
Deus Pater †, et Filius, et  
Spiritus sanctus. ℞. Amen.

Si vero infirmus sit adeo  
morti proximus, ut neque  
confessionis generalis fa-  
ciendæ, neque præmissarum  
precum recitandarum sup-

petat tempus, statim Sacer-  
dos benedictionem ei im-  
pertiat, dicendo: Dóminus  
noster, etc., ut supra.

Et si mors proxime urgeat,  
dicat :

Indulgéntiam plenáriam et  
remissionem ómnium pec-  
catorum tibi concédo, in  
nómine Patris †, et Filii, et  
Spiritus sancti. Amen.

## BENEDICTIO MENSÆ

### ANTE PRANDIUM

Sacerdos benedicturus  
mensam, incipit Benedicite,  
et alii repetunt Benedicite.

Deinde dicit : ʒ. Oculi  
ómnium, et alii prosequun-  
tur : In te sperant Dómine,  
et tu das escam illórum in  
témptore opportúno. Aperis  
tu manum tuam, et imples  
omne ánimál benedictióne.

Glória Patri. Sicut erat.

Kýrie eléison. Christe eléi-  
son. Kýrie eléison.

Pater noster. secreto.

ʒ. Et ne nos indúcas in  
tentatióne. ℞. Sed libera  
nos a malo.

Postea Sacerdos dicit :

Orémus.

**B**ÉNIC Dómine nos, et  
hæc tua dona, quæ de  
tua largitáte sumus sumptú-  
ri. Per Christum Dóminum  
nostrum.

℞. Amen.

Deinde Lector : Jube do-  
mne benedicere.

Bened. Mensæ cæléstis par-

ticipes fáciat nos Rex ætérnæ  
glóriæ. ℞. Amen.

### POST PRANDIUM

Aguntur gratiæ hoc mo-  
do : dicto a Lectore Tu áu-  
tem Dómine miserére nobis.  
℞. Deo grátias, omnes sur-  
gunt.

Sacerdos incipit : ʒ. Con-  
fiteántur tibi Dómine ómnia  
ópera tua. ℞. Et sancti tui  
benedicant tibi.

Glória Patri. Sicut erat.

Postea Sacerdos absolute  
dicat :

**A**GIMUS tibi grátias omni-  
potens Deus, pro univér-  
sis beneficiis tuis : Qui vivis  
et regnas in sæcula sæculó-  
rum. ℞. Amen.

Deinde alternatim dicitur  
Psalmus Miserére mei Deus.  
60.

Vel Psalmus 116.

**L**AUDÁTE Dóminum omnes  
gentes : \* laudáte eum  
omnes pópuli :

Quóniam confirmáta est  
super nos misericórdia ejus,\*

et vëritas Dómini manet in ætérnum.

Glória Patri. Sicut erat.

Kýrie eléison. Christe eléison. Kýrie eléison.

**Sacerdos dicit** Pater noster. **secreto.**

Ÿ. Et ne nos indúcas in tentatiónem. R. Sed libera nos a malo.

Ÿ. Dispërsit, dedit paupéribus. R. Justítia ejus manet in sæculum sæculi.

Ÿ. Benedicam Dóminum in omni témpore. R. Semper laus ejus in ore meo.

Ÿ. In Dómino laudábitur ánima mea. R. Audiant mansuëti, et læténtur.

Ÿ. Magnificáte Dóminum mecum. R. Et exaltémus nomen ejus in idípsum.

Ÿ. Sit nomen Dómini benedíctum. R. Ex hoc nunc et usque in sæculum.

**Deinde sine** Orémus.

**R**ETRIBÜERE dignáre Dómine ómnibus nobis bona faciéntibus propter nomen tuum vitam ætérnam.

R. Amen.

Ÿ. Benedicámus Dómino.

R. Deo grátias.

Ÿ. Fidélium ánimæ per misericórdiam Dei requiéscant in pace. R. Amen.

Pater noster. **secreto.**

**Quo finito, dicit Sacerdos:**

Ÿ. Deus det nobis suam pacem. R. Amen.

ANTE CŒNAM

**Sacerdos benedicturus mensam incipit Benedícite, et alii repetunt Benedícite.**

**Deinde Sacerdos incipit Ÿ., et alii prosequuntur :**

**E**DENT páuperes, et saturabúntur, et laudábunt Dóminum, qui requirunt eum : vivent corda eórum in sæculum sæculi.

Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

Ÿ. Et ne nos indúcas.

Orémus. **Benedic Dómine, ut supra in prandio.**

Ÿ. Jube domne benedícere.

**Bened.** Ad cœnam vitæ ætérnæ perdúcat nos Rex ætérnæ glóriæ. R. Amen.

IN FINE CŒNÆ

**Dicitur Ÿ.** Memóriam fecit mirabiliū suórum miséricors et miserátor Dóminus. R. Escam dedit timéntibus se.

Glória Patri. Sicut erat.

**Sacerdos dicat :**

**B**ENEDÍCTUS Deus in donis suis, et sanctus in ómnibus opéribus suis : Qui vivit et regnat in sæcula sæculórum.

R. Amen.

**Deinde alternatim dicitur Ps.** Laudáte... omnes gentes. et reliqua, ut supra. 215\*.

**Quando semel comeditur, omnia dicuntur ut in cœna.**

**Prædictus modus benedícendimensam, et agendi grátias, servatur omni tempore hujus Partis Vernæ, præter-**



quam diebus infrascriptis,  
quibus ꝖꝖ. et Pss. tantum  
variantur.

FERIA V. IN CŒNA DOMINI

Dicitur absolute, et sine  
nota

Ꝗ. Christus factus est pro  
nobis obédiens usque ad  
mortem.

Deinde Pater noster. to-  
tum secreto.

Quo dicto, sine pronuntia-  
tione aliqua Sacerdos signo  
Crucis benedicit mensam :  
nec dicitur Jube domne. nec  
Tu áutem.

In fine repetitur Ꝗ. Chri-  
stus factus est. ut supra.

Postea Ps. Miserére. 60.

Quo finito, sine Ꝗ. Glória  
Patri. secreto dicitur Pater  
noster.

Deinde Sacerdos dicit ab-  
solute Orationem.

Oratio.

**R**ÉSPICE, quásumus Dó-  
mine, super hanc fami-  
liam tuam, pro qua Dóminus  
noster Jesus Christus non  
dubitávit mánibus tradi no-  
céntium, et crucis subíre  
torméntum.

Et non pronuntiatur Qui  
tecum. nec Fidélium ánimæ.  
sed secreto dicitur Pater no-  
ster. nec additur Deus dei  
nobis suam pacem.

IN PARASCEVE

Eodem modo fit sicut in  
Cœna Domini, sed additur  
ad Ꝗ. Christus factus est...  
Mortem áutem crucis.

SABBATO SANCTO

Ad benedicendum men-  
sam dicitur

Benedícite. Ꝗ. Benedícite.

Ꝗ. Véspere áutem sábbati,  
quæ lucéscit in prima sáb-  
bati, allelúia. Ꝗ. Venit Maria  
Magdaléne, et áltera Maria  
vidére sepúlcrum, allelúia.

Glória Patri. Sicut erat.

In fine repetitur Ꝗ. Véspere  
áutem. ut supra, cum Glória  
Patri. Sicut erat.

Psalm. Laudáte Dóminum  
omnes gentes. cum Glória  
Patri. 215\*.

Kýrie eléison. Christe eléi-  
son. Kýrie eléison. et alia ut  
supra in prima Benedictione.  
216\*.

IN DIE PASCHÆ

Et deinceps usque ad cœ-  
nam sequentis Sabbati, ad  
benedicendum mensam di-  
citur

Ꝗ. Hæc dies quam fecit  
Dóminus, allelúia. Ꝗ. Exsul-  
témus et lætémur in ea, al-  
lelúia.

Glória Patri. Sicut erat.

In fine repetitur Hæc dies.  
cum Glória Patri.

Ps. 117. Confitémini Dó-  
mino. 24.

IN ASCENSIONE DOMINI

Usque ad Vigiliam Pente-  
costes exclusive.

Ꝗ. Ascéndit Deus in jubi-  
latióne, allelúia. Ꝗ. Et Dó-  
minus in voce tubæ, allelúia.

Glória Patri. Sicut erat.

In fine dicitur

Ꝗ. Ascéndens Christus in

altum, allelúia. *R.* Captivam duxit captivitátem, allelúia.

Glória Patri. Sicut erat.

*Ps.* Omnes gentes pláudite. 70, *vel Ps.* Laudáte Dóminum. 215\*.

#### IN PENTECOSTE

*A Vigilia ejusdem inclusive, usque ad coenam sequentis Sabbati exclusive.*

*V.* Spíritus Dómini replé-

vit orbem terrárum, allelúia. *R.* Et hoc quod cótinnet ómnia, sciéntiam habet vocis, allelúia.

Glória Patri. Sicut erat.

*In fine dicitur*

*V.* Repléti sunt omnes Spíritu sancto, allelúia. *R.* Et cœpérunt loqui, allelúia.

*Ps.* Magnus Dóminus. 70, *vel Ps.* Laudáte Dóminum. 215\*.

## ITINERARIUM

*Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.*

*Ant.* In viam pacis.

*Canticum* Benedictus Dóminus Deus Israël. 22.

*In fine* Glória Patri.

*Ant.* In viam pacis et prosperitátis dirigat nos omnipotens et miséricors Dóminus : et Angelus Ráp̄haél comitétur nobiscum in via, ut cum pace, salúte, et gáudio revertámur ad próp̄ria.

Kýrie eléison. Christe eléison. Kýrie eléison.

Pater noster. *secreto.*

*V.* Et ne nos indúcas in tentatióem. *R.* Sed libera nos a malo.

*V.* Salvos fac servos tuos.

*R.* Deus meus sperántes in te.

*V.* Mitte nobis Dómine auxílium de sancto. *R.* Et de Sion tuére nos.

*V.* Esto nobis Dómine turris fortitudínis. *R.* A fácie inimíci.

*V.* Nihil proficiat inimícus in nobis. *R.* Et filius iniquitátis non appónat nocére nobis.

*V.* Benedictus Dóminus die quotidie. *R.* Prósperum iter fáciat nobis Deus salutárium nostrórum.

*V.* Vias tuas Dómine demónstra nobis. *R.* Et sémitas tuas édoce nos.

*V.* Utinam dirigántur viæ nostræ. *R.* Ad custodiéndas justificatióes tuas.

*V.* Erunt pravá in dirécta. *R.* Et áspera in vias planas.

*V.* Angelis suis Deus mandávit de te. *R.* Ut custódiant te in ómnibus viis tuis.

*V.* Dómine exáudi oratióem meam. *R.* Et clamor meus ad te véniat.

*V.* Dóminus vobíscum. *R.* Et cum spíritu tuo.



Orémus. *Oratio.*

**D**EUS, qui filios Israël per maris médium sicco vestigio ire fecisti, quique tribus Magis iter ad te stella duce pandisti: tribue nobis quæsumus iter prósperum tempúsque tranquillum: ut, Angelo tuo sancto cómite, ad eum quo pèrgimus locum, ac demum ad æternæ salutis portum pervenire feliciter valeámus.

**D**EUS, qui Abraham puerum tuum de Ur Chaldæorum eductum per omnes suæ peregrinationis vias illæsum custodisti: quæsumus, ut nos famulos tuos custodire digneris: esto nobis Dómine in procinctu suffrágium, in via solátium, in æstu umbráculum, in pluvia et frigore teguméntum, in lassitúdine vehículum, in adversitate præsidium, in lúbrico báculus, in naufrá-

gio portus; ut, te duce, quo téndimus, prospere perveniámus, et demum incólumes ad própria redeámus.

**A**DÉSTO, quæsumus Dómine, supplicatióibus nostris: et viam famulorum tuorum in salutis tuæ prosperitate dispóne; ut inter omnes viæ et vitæ hujus varietates tuo semper protegámur auxilio.

**P**RÆSTA, quæsumus omnipotens Deus: ut familia tua per viam salutis incédât; et beáti Joánnis Præcursóris hortaménta sectando, ad eum quem prædixit, secúra perveniat, Dóminum nostrum Jesum Christum Filium tuum: Qui tecum vivit et regnat in unitate Spíritus sancti Deus, per ómnia sæcula sæculórum.

*R.* Amen.

*Y.* Procedámus in pace. *R.*  
In nómine Dómini. Amen.

## PRÆPARATIO AD MISSAM

### PRO OPPORTUNITATE SACERDOTIS FACIENDA

#### ANTIPHONA

**N**E reminiscáris Dómine delicta nostra, vel paréntum nostrórum; neque vindictam sumas de peccátis nostris.

Quæ Ant. in Festis duplicibus tantum duplicatur.

Temp. Pasch. additur in fine Allelúia.

#### Deinde dicuntur sequentes

*Pss.* Quam dilécta. 101. Benedixisti Dómine. *ibid.* Inclina Dómine. 102. Crédidi propter. 130. De profúndis. 135.

*Postea repetitur Ant.* Ne reminiscáris.

#### Deinde Sacerdos dicit:

Kýrie eléison. Christe eléison. Kýrie eléison.

Pater noster.

Ÿ. Et ne nos indúcas in tentatióem. R. Sed libera nos a malo.

Ÿ. Ego dixi : Dómine miserére mei. R. Sana ánimam meam, quia peccávi tibi.

Ÿ. Convértere Dómine ali-quántulum. R. Et deprecáre super servos tuos.

Ÿ. Fiat misericórdia tua Dómine super nos. R. Quem-ádmódum sperávimus in te.

Ÿ. Sacerdótes tui induán-tur justitiam. R. Et sancti tui exsúltent.

Ÿ. Ab occúltis meis munda me Dómine. R. Et ab aliénis parce servo tuo.

Ÿ. Dómine exáudi oratió-nem meam. R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

**A**URES tuæ pietátis, mitis-sime Deus, inclina pré-cibus nostris, et grátia sancti Spíritus illúmina cor no-strum : ut tuis mystériis digne ministráre, teque ætérna car-ritáte diligere mereámur.

**D**EUS, cui omne cor patet, et omnis volúntas lóqui-tur, et quem nullum latet secrétum : purifica per infu-siónem sancti Spíritus cogi-tatióes cordis nostri ; ut te perfécte diligere, et digne laudáre mereámur.

**U**RE igne sancti Spíritus renes nostros et cor no-strum Dómine : ut tibi casto

córpore serviámus, et mundo corde placeámus.

**M**ENTES nostras, quæsu-mus Dómine, Paráclitus qui a te procedit, illúminet : et indúcat in omnem, sicut tuus promísit Filius, veri-tátem.

**A**DSIT nobis, quæsumus Dómine, virtus Spíritus sancti ; quæ et corda nostra cleménter expúrget, et ab ómnibus tueátur advérsis.

**D**EUS, qui corda fidélium sancti Spíritus illustratióne docuísti : da nobis in eódem Spíritu recta sápere, et de ejus semper consola-tióne gaudére.

**C**ONSCIÉNTIAS nostras, quæ-sumus Dómine, visitádo purifica : ut véniens Dómi-nus noster Jesus Christus Filius tuus parátam sibi in nobis invéniat mansiónem : Qui tecum vivit et regnat in unitáte Spíritus sancti Deus, per ómnia sæcula sæculó-rum. Amen.

#### ORATIONES

**Pro opportunitate Sacerdo-tis ante Celebrationem et Communionem dicendæ.  
Oratio S. Ambrosii Episcopi.**

#### DIE DOMINICA

**S**UMME Sacerdos, et vere Póntifex Jesu Christe, qui te obtulisti Deo Patri, hóstiam puram et immaculátam, in ara crucis, pro nobis miseris et peccató-ribus, et qui dedisti nobis Carnem tuam ad manducán-



dum, et Sanguinem tuum ad bibendum, et posuisti mysterium istud in virtute Spiritus sancti tui, dicens : Hæc quotiescúmque feceritis, in mei memoriam facietis : rogo per eúndem Sanguinem tuum, magnum salutis nostræ prætium : rogo per hanc miram et ineffabilem caritatem, qua nos miseros et indignos sic amare dignatus es, ut lavares nos a peccatis nostris in sanguine tuo : doce me servum tuum indignum, quem inter cætera dona tua étiam ad officium sacerdotale vocare dignatus es, nullis meis méritis, sed sola dignatione misericordiæ tuæ : doce me, quæso, per Spiritum sanctum tuum, tantum tractare mysterium ea reveréntia et honóre, ea devotiône et timóre, quibus opórtet et decet. Fac me per grátiam tuam semper illud de tanto mystério credere et intelligere, sentire et firmiter tenere, dicere et cogitare quod tibi placet, et expedit animæ meæ. Intret spiritus tuus bonus in cor meum, qui sonet ibi sine sono, et sine strépitu verbórum loquátur omnem veritatem. Profúnda quippe sunt nimis, et sacro tecta velamine. Propter magnam clementiam tuam concède mihi Missarum solémnia mundo corde et pura mente celebrare. Libera cor meum ab immúndis et nefándis, vanis

et nóxiis cogitatió nibus. Muni me beatórum Angelórum pia et fida custódia, ac tutéla fortíssima, ut hostes ómnium bonórum confúsi discédant. Per virtutem tanti mystérii, et per manum sancti Angeli tui, repélle a me, et a cunctis servis tuis, duríssimum spíritum supérbiæ et coenodóxiæ, invidiæ et blasphemíæ, fornicatiónis et immunditiæ, dubietátis et diffidéntiæ. Confundántur qui nos persequúntur : péreant illi qui nos pérdere festínant.

## FERIA SECUNDA

**R**EX virginum, et amátor castitátis et integritátis, cælésti rore benedictiόνis tuæ exstingue in corpore meo fómitem ardéntis libidinis : ut máneat in me tenor castitátis córporis et animæ. Mortifica in membris meis carnis stímulos, omnesque libidinósas commotiόνes; et da mihi veram et perpétuam castitatem cum cæteris donis tuis, quæ tibi placent in veritate : ut sacrificium láudis casto corpore et mundo corde váleam tibi offérre. Quanta enim cordis contritióne, et lacrymárum fonte, quanta reveréntia, et tremóre, quanta córporis castitate et animæ puritate istud divinum et cæléste sacrificium est celebrándum, ubi Caro tua in veritate súmitur, ubi Sanguis tuus in veritate bibitur, ubi ima summis, terréna divinis jun-

guntur, ubi adest sanctorum Angelorum præsentia, ubi tu es sacrificium et Sacerdos mirabiliter et ineffabiliter constitutus!

## FERIA TERTIA

**Q**UIS digne hoc celebrare poterit, nisi tu Deus omnipotens offerentem feceris dignum? Scio Domine, et vere scio, et idipsum pietati tuæ confiteor, quia non sum dignus accedere ad tantum mysterium, propter nimia peccata mea et infinitas negligèntias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo Deus meus, ut concedas mihi peccatori hoc Sacrificium celebrare cum timore et tremore, cum cordis puritate et lacrymarum fonte, cum lætitia spiritali et cælesti gaudio. Sentiat mens mea dulcedinem beatissimæ præsentiae tuæ, et excubias sanctorum Angelorum tuorum in circuitu meo.

## FERIA QUARTA

**E**GO enim, Domine, memor venerandæ Passionis tuæ accedo ad altare tuum, licet peccator, ut offeram tibi sacrificium quod tu instituisti, et offerri præcepisti

in commemoratiònem tui, pro salute nostra. Suscipe illud, quæso summe Deus, pro Ecclesia sancta tua, et pro populo, quem acquisivisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses: nec per me indignum eorum salutis pereat pretium, pro quibus victima salutaris dignatus es esse, et redemptio. Profero etiam Domine (si digneris propitius intueri) tribulationes plebium, pericula populorum, captivorum gemitus, misérias orphanorum, necessitates peregrinorum, inopiam debiliùm, desperationes languentium, defectus senum, suspiria juvenum, vota virginum, lamenta viduarum.

## FERIA QUINTA

**T**U enim misereris omnium Domine, et nihil odisti eorum quæ fecisti. Memorare quæ sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras, et ignem sancti Spiritus in nobis cle-



mènter accènde. Aufer cor lapideum de carne nostra; et da nobis cor càrneum, quod te amet, te diligat, te delectètur, te sequàtur, te perfruàtur. Oràmus Dómine cleméntiam tuam, ut seréno vultu familiam tuam, sacri tui nóminis officia præstolántem, adspícere dignéris: et ut nullius sit irritum votum, nullius vácuá postulátio, tu nobis preces súggere, quas ipse propítius audíre et exaudire delectéris.

## FERIA SEXTA

**R**OGÁMUS étiam te Dómine sancte Pater, et pro spirítibus fidélium defunctórum: ut sit illis salus, sánitas, gáudium et refrigeríum, hoc magnum pietátis sacraméntum. Dómine Deus meus, sit illis hódie magnum et plenum convívium de te pane vivo, qui de cælo descendisti, et das vitam mundo, de tua carne sancta et benedicta, Agni videlicet immaculáti, qui tollit peccáta mundi, quæ de sancto et glorióso beátæ Virginis Mariæ útero est assúpta, et de Spirítu sancto concépta: ac de illo pietátis fonte, qui per lanceam militis ex tuo sacratíssimo látere emanávit, ut exínde refécti et satiáti, refrigeráti et consoláti, exsúltent in láude et glória tua. Peto cleméntiam tuam Dómine, ut descendat super panem tibi sacrificándum plenitúdo tuæ benedi-

ctiónis, et sanctificátio tuæ divinitátis. Descéndat étiam Dómine illa sancti Spíritus tui invisibilis incomprehensibilisque majéstas, sicut quondam in Patrum hóstias descendébat, qui et oblatiónes nostras Corpus et Sanguinem tuum efficiat, et me indignum sacerdotem doceat tantum tractáre mystérium cum cordis puritáte et lacrymárum devotióne, cum reveréntia et tremóre, ita ut plácide ac benigne suscipias sacrificium de mánibus meis ad salútem ómnium, tam vivórum quam defunctórum.

## SABBATO

**R**ogo étiam te Dómine per ipsum sacrosáctum mystérium Córporis et Sanguinis tui, quo quotidie in Ecclésia tua páscimur et potámur, ablúimur et sanctificámur, atque uníus summæ Divinitátis participes effici-mur: da mihi virtútes tuas sanctas, quibus replétus, bona consciéntia ad altáre tuum accédam, ita ut hæc cæléstia sacraménta efficiántur mihi salus et vita. Tu enim dixisti ore tuo sancto et benedicto: Panis quem ego dabo, caro mea est pro mundi vita. Ego sum panis vivus, qui de cælo descénde. Si quis manducáverit ex hoc pane, vivet in ætérnum. Panis dulcíssime, sana palátum cordis mei, ut séntiam suavitátem amóris tui. Sana

illud ab omni languóre, ut nullam præter te séntiam dulcédinem. Panis candídisime, habens omne delectaméntum et omnem sapórem, qui nos semper réficis, et numquam in te défícis: cómedat te cor meum, et dulcédine sapóris tui repleántur víscera ánimæ meæ. Mandúcat te Angelus ore pleno; mandúcet te peregrínus homo pro módulo suo, ne defícere possit in via, tali recreátus viático. Panis sancte, panis vive, panis munde, qui descendisti de cælo, et das vitam mundo, veni in cor meum, et munda me ab omni inquinaménto carnis et spíritus. Intra in ánimam meam, sana et munda me intérius et extérius. Esto tutámen et continúa salus ánimæ et córporis mei. Repélle a me insidiántes mihi hostes: recédant procul a præséntia poténtiæ tuæ, ut foris et intus per te munitus, recto trámite ad tuum regnum pervéniam: ubi non in mystériis, sicut in hoc témpore ágitur, sed fácie ad fáciem te vidébimus, cum tradíderis regnum Deo et Patri, et eris Deus ómnia in ómnibus. Tunc enim me de te satiábis satietáte mirífica, ita ut nec esúriam, nec sitiam in ætérnum: Qui cum eódem Deo Patre et Spíritu sancto vivis et regnas per ómnia sæcula sæculórum. Amen.

### Alia Oratio S. Ambrosii ante Missam.

Indulg. 100 dierum. Leo PP. XIII.  
20 Dec. 1884.

**A**d mensam dulcíssimi convivii tui, pie Dómine Jesu Christe, ego peccátor de própriis meis méritis nihil præsumens, sed de tua confidens misericórdia et bonitate, accédere véreor, et contremisco. Nam cor et corpus hábeo multis criminibus maculátum, mentem et linguam non cáute custoditam. Ergo, o pia Déitas, o treménda Majéstas, ego miser inter angústias deprehénsus, ad te fontem misericórdiæ recúrro, ad te festíno sanándus, sub tuam protectiónem fúgio: et quem Júdicem sustinére néqueo, Salvatórem habére suspiro. Tibi Dómine plagas meas osténdo: tibi verecúndiam meam détego. Scio peccáta mea multa et magna, pro quibus timeo. Spero in misericórdias tuas, quarum non est número. Réspice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifíxus propter hóminem. Exáudi me sperántem in te: miserére mei pleni misériis et peccátis, tu qui fontem miseratiónis numquam manáre cessábis. Salve salutáris victima, pro me et omni humano génere in patíbulo crucis obláta. Salve nóbilis et pretióse Sanguis, de vul-



néribus crucifixi Dómini mei Jesu Christi prófluens, et peccáta totíus mundi ábluens. Recordáre, Dómine, creatúræ tuæ, quam tuo Sáanguine redemísti. Pœnitet me peccásse, cúpio emendáre quod feci. Aufer ergo a me, clementissime Pater, omnes iniquitátes et peccáta mea : ut purificátus mente et córpore digne degustáre mérear Sancta Sanctórum : et concéde, ut hæc sancta prælibátio Córporis et Sáanguinis tui, quam ego indignus súmerem in-téndendo, sit peccatórum meórum remissio, sit delictórum perfécta purgátio, sit túrpius cogitatiónum effugátio, ac bonórum sénsuum regenerátio, operúmque tibi placéntium salúbris effíciencia, ánimæ quoque et córporis contra inimicórum meórum insídias firmissima tuitio. Amen.

### Oratio S. Thomæ de Aquino.

Indulg. 100 dierum.

Leo PP. XIII. 20 Dec. 1884.

**O**MNÍPOTENS sempitérne Deus, ecce accédo ad sacraméntum unigéniti Filii tui Dómini nostri Jesu Christi : accédo tamquam infirmus ad médicum vitæ, immúndus ad fontem misericórdiæ, cæcus ad lumen claritátis æternæ, páuper et egénus ad Dóminum cæli et terræ. Rogo ergo imménsæ largitátis tuæ abundántiam, quátenus meam curáre di-

gnéris infirmitátem, laváre fœditátem, illumináre cæcítátem, ditáre paupertátem, vestíre nuditátem : ut panem Angelórum, Regem regum, et Dóminum dominántium, tanta suscipiam reveréntia et humilitáte, tanta contritiónem et devotiónem, tanta puritáte et fide, tali propósito et intentiónem, sicut expedit salúti ánimæ meæ. Da mihi, quæso, Domínici Córporis et Sáanguinis non solum suscipere sacraméntum, sed étiam rem et virtútem sacraménti. O mitíssime Deus, da mihi Corpus unigéniti Filii tui Dómini nostri Jesu Christi, quod traxit de Virgine María, sic suscipere, ut córpori suo mýstico mérear incorporári, et inter ejus membra connumerári. O amantíssime Pater, concéde mihi diléctum Filium tuum, quem nunc velátum in via suscipere propóno, reveláta tandem fácie perpétuo contemplári : Qui tecum vivit et regnat in unitáte Spiritus sancti Deus, per ómnia sæcula sæculórum. Amen.

### Oratio.

Gregorius XIII., Pontifex Maximus, concessit cuilibet dicenti quæ sequuntur, 50 dierum Indulgentiam.

**E**GO volo celebráre Missam, et conficere Corpus et Sáanguinem Dómini nostri Jesu Christi, juxta ritum sanctæ Románæ Ecclésiæ, ad láudem omnipoténtis Dei,

totiúsque cúriæ triumphántis, ad utilitátem meam, totiúsque cúriæ militántis, et patiéntis, pro ómnibus, qui se commendavérunt oratió-nibus meis in génere et in spécie, et pro felici statu sanctæ Románæ Ecclesiæ. Amen.

**G**ÁUDIUM cum pace, emendatió-nem vitæ, spátium veræ pœniténtiæ, grátiam et consolatió-nem sancti Spíritus, perseverántiam in bonis opéribus, tríbuat nobis omnipotens et miséricors Dóminus. Amen.

Quia Sacerdos, aut tacita mentis cogitatione, aut submissa vocis expressione debet recitare singillatim nomina pro quibus in illa celebratione vult singulariter orare (ut insinuat per illas litteras N. N. in Canone contentas), et ne hujusmodi determinatarum personarum nominatio, ob multitudinem, aut incertum ordinem, ingerat Sacerdoti celebranti confusionem, non inutile erit sequentem servare ordinem ex 20. quæst. Quó-d-libet, Doctoris Subtil. et ex aliorum gravissimorum Doctorum scriptis excerptum.

Meménto Dómine, si tibi placet,

#### VIVORUM

1 **M**EI, paréntum, cognatorum, fratrum, sororum, et amicorum meorum ómnium.

2 Cœtus Cardinálium, atque

Prælatorum, et Sacerdotum, ac sanctæ Ecclesiæ ministrorum.

3 Omnium meæ curæ subjectorum, tamquam spiritalium filiorum, et ómnium fundatorum, patronorum, et benefactorum spiritalium et temporalium.

4 Omnium Principum christianorum, Dominationum, et Rerumpublicarum temporalium.

5 Omnium peccantium, inimicorumque meorum, atque conversiōnis ómnium hæreticorum et infidelium.

6 Et ómnium pro quibus scis et vis me debere orare.

#### MORTUORUM

1 **A**NIMARUM paréntum, fratrum, sororum, cognatorum, atque amicorum ómnium.

2 Animarum ómnium benefactorum, tam spiritalium quam corporalium.

3 Animarum ómnium mihi in génere et in spécie commissarum.

4 Animarum Prælatorum, Sacerdotum, et ómnium ministrorum sanctæ Románæ Ecclesiæ Dei et Apostolicæ.

5 Animarum morte improvisa corpóribus exutarum, atque earum quarum non est speciális memória.

6 Animarum quæ mei occasione in purgatorio purgantur : earum quoque



miserrime in purgatorio existentium.

7 Et earum omnium pro quibus scis et vis me debere orare.

**Oratio ad B. V. M.  
ante Missam.**

Indulg. 100 dierum. Leo PP. XIII.  
17 Febr. 1883.

**O** MATER pietatis et misericordiae, beatissima Virgo Maria, ego miser et indignus peccator ad te confugio toto corde et affectu, et precor pietatem tuam : ut sicut dulcissimo Filio tuo in cruce pendenti adstitisti, ita et mihi misero peccatori, et sacerdotibus omnibus hic et in tota sancta Ecclesia hodie offerentibus, clementer assistere digneris, ut tua gratia adjuti, dignam et acceptabilem hostiam in conspectu summæ et individuae Trinitatis offerre valeamus. Amen.

**Oratio ad S. Josephum.**

Indulg. 100 dierum. Pius IX.  
4 Febr. 1877.

**O** FELICEM virum beatum Joseph, cui datum est, Deum, quem multi reges voluerunt videre, et non viderunt, audire, et non audierunt, non solum videre et audire, sed portare, deosculari, vestire et custodire.

✠. Ora pro nobis beate Joseph. ☩. Ut digni efficiamur promissionibus Christi.  
Orémus.

**D**EUS, qui dedisti nobis regale sacerdotium, præ-

sta quæsumus, ut sicut beatus Joseph unigenitum Filium tuum natum ex Maria Virgine, suis manibus reverenter tractare meruit et portare, ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui Corpus et Sanguinem hodie digne sumamus, et in futuro sæculo præmium habere mereamur æternum. Per Christum Dominum nostrum. Amen.

**Oratio ad omnes Angelos  
et Sanctos.**

Indulg. 100 dierum. Leo PP. XIII.  
20 Dec. 1884.

**A**NGELI, Archangeli, Throni, Dominationes, Principatus, Potestates, Virtutes cælorum, Chérubim, atque Séraphim, omnes Sancti et Sanctæ Dei, præsertim Patróni mei, intercédere dignemini pro me, ut hoc Sacrificium Deo omnipotenti digne valeam offerre ad laudem et glóriam nominis sui, et ad utilitatem meam, totiusque Ecclesiæ suæ sanctæ. Amen.

**Oratio tantummodo dicenda  
quando Sacerdos in honorem Sancti, vel Beati  
Missam celebrat.**

Indulg. 100 dierum. Leo PP. XIII.  
20 Dec. 1884.

**O** SANCTE N., ecce ego miser peccator, de tuis meritis confisus, offero nunc sacratissimum Sacramentum Corporis et Sanguinis Domini

ni nostri Jesu Christi pro tuo honóre et glória. Precor te humiliter et devóte, ut pro me intercédere dignéris, ut tantum Sacrificium digne et acceptabiliter offerre vá-

leam, ut eum tecum, et cum ómnibus eléctis ejus æternáliter laudáre, atque cum eo regnáre váleam : Qui vivit et regnat in sǎcula sǎculórum. Amen.

## GRATIARUM ACTIO POST MISSAM

### ANTIPHONA

**T**RIUM puerórum cantémus hymnum, quem cantábant sancti in camíno ignis, benedicéntes Dóminum.

**Quæ Ant. in Festis duplicibus tantum duplicatur.**

**Temp. Pasch. additur** Al-lelúia.

**Cant.** Benedicite ómnia ópera Dómini Dómino. 19. **In fine non dicitur** Glória Patri.

**Ps.** Laudáte Dóminum in sanctis ejus. 21. **Et in fine** Glória Patri.

**Deinde repetitur Ant.** Trium puerórum.

**Postea Sacerdos dicit :**

Kýrie eléison. Christe eléison. Kýrie eléison.

Pater noster.

Ÿ. Et ne nos indúcas in tentatiónem. R. Sed libera nos a malo.

Ÿ. Confiteántur tibi Dómine ómnia ópera tua. R. Et sancti tui benedicant tibi.

Ÿ. Exsultábunt sancti in glória. R. Lætábuntur in cubilibus suis.

Ÿ. Non nobis Dómine, non nobis. R. Sed nómini tuo da glóriam.

Ÿ. Dómine exáudi oratió-

nem meam. R. Et clamor meus ad te véniat.

Ÿ. Dóminus vobiscum. R. Et cum spiritu tuo.

Orémus.

**D**EUS, qui tribus púeris mitigásti flammas ignium : concéde propítius ; ut nos fámulos tuos non exúrat flamma vitiórum.

**A**CTIÓNES nostras, quæsumus Dómine, adspirándo præveni, et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

**D**A nobis, quæsumus Dómine, vitiórum nostrórum flammas exstinguere, qui beáto Lauréntio tribuísti tormentórum suórum incéndia superáre. Per Christum Dóminum nostrum. Amen.

**Orationes post Celebratió-nem et Communionem dicendæ.**

**Oratio S. Thomæ de Aquino.**

Indulg. unius anni.

Leo PP. XIII. 20 Dec. 1884.

**G**RÁTIAS tibi ago Dómine sancte, Pater omnipotens, ætérne Deus, qui me peccatórem indignum fámu-



lum tuum, nullis meis méritis, sed sola dignatióne misericórdiæ tuæ, satiáre dignátus es pretiósó Córpore et Sáanguine Filii tui Dómini nostri Jesu Christi : et precor ut hæc sancta Commúnio non sit mihi reátus ad pœnam, sed intercéssio salutáris ad véniam. Sit mihi armatúra fidei, et scutum bonæ voluntátis : sit vitiórum meórum evacuátio, concupiscéntiæ et libidinis exterminátio, caritátis et paciéntiæ, humilitátis et obediéntiæ, omniúmque virtútum augmentátio, contra insídias inimicórum ómnium tam visibílium quam invisibílium firma defénsio, mótuum meórum tam carnálium quam spirituálium perfécta quietátio, in te uno ac vero Deo firma adhæsió, atque finis mei felix consummátio. Et precor te ut ad illud ineffábile convivium me peccatórem perdúcere dignéris, ubi tu cum Filio tuo et Spíritu sancto sanctis tuis es lux vera, satietas plena, gáudium sempitérnum, jucúnditas consummáta, et felicitas perfécta. Per eúmdem Christum.

### Oratio S. Bonaventuræ.

Indulg. unius anni.

Leo PP. XIII. 20 Dec. 1884.

**T**RANSFÍGE, dulcíssime Dómine Jesu, medúllas et viscera ánimæ meæ suavíssimo ac salubérrimo amóris tui vúlnerē, vera serenáque

et apostólica sanctíssima caritáte, ut lángueat et liquefiat ánima mea solo semper amóre et desidério tui, te concupíscat, et deficiat in átria tua, cúpiat dissólvi, et esse tecum. Da ut ánima mea te esúriat, panem Angelórum, refectionem animárum sanctárum, panem nostrum quotidíanum supersubstantialē, habéntem omnem dulcédinem et sapórem, et omne delectaméntum suavitátis : te, in quem desiderant Angeli prospicere, semper esúriat, et cómedat cor meum, et dulcédine sapóris tui repleántur viscera ánimæ meæ : te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátē domus Dei : te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in láudem et glóriam nóminis tui, cum humilitáte et discretiόne, cum dilectiόne et delectatiόne, cum facilitáte et afféctu, cum perseverántia usque in finem : et tu sis solus semper spes mea, tota fidúcia mea, divitiæ meæ, delectatiό mea, jucúnditas mea, gáudium meum, quies et tranquillitas mea, pax mea, suávitās mea, odor meus, dulcédo mea, cibus meus, reféctio mea, refúgium meum, auxílium meum, sapiéntia mea, pór-

tio mea, posséssio mea, thesáurus meus, in quo fixa, et firma, et immobiliter semper sit radicáta mens mea, et cor meum. Amen.

**Oratio ad beatissimam Virginem Mariam.**

**O** SACRATÍSSIMA, o serenísima et inclyta gloriósa Virgo María, quæ Creatórem ómnium creaturárum in tuo sacratissimo útero fuisti digna portáre, sólaque virgineo úbere lactáre : cujus veracíssimum sacrúmque Corpus, et Sánguinem ego indignus peccátor modo súmere præsumpsi : tuam humíliter déprecor misericórdiam, ut apud ipsum pro me peccatóre intercédere dignéris ; ut quidquid in hoc tam ineffábili ac digníssimo Sacrificio, per me indignum ignoránte, vel negligénte, aut accidénte, seu irreverénte, scilicet in tractádo, et suméndo, ac ministrádo actum est, commissum, vel omíssum, tuis sacratíssimis précibus indulgére dignétur idem Dóminus noster Jesus Christus Filius tuus, qui cum Patre et Spiritu sancto vivit et regnat in sácula sæculórum. Amen.

**Rhythmus S. Thomæ ad sacram Eucharistiam.**

Indulg. 100 dierum. Leo PP. XIII.  
20 Dec. 1884.

**A** DÓRO te devóte, latens Déitas,  
Quæ sub his figúris vere látitas :

Tibi se cor meum totum súbjicit,

Quia te contéplans, totum déficit.

Visus, tactus, gustus in te fállitur,

Sed auditu solo tuto créditur.

Credo quidquid dixit Dei Filius,

Nil hoc verbo veritátis vérius.

In cruce latébat sola Déitas,

At hic latet simul et humánitas :

Ambo tamen credens atque cónfitens,

Peto quod petívit latro pœnitens.

Plagas, sicut Thomas, non intúeor :

Deum tamen meum te cónfiteor :

Fac me tibi semper magis crédere,

In te spem habére, te diligere.

O memoriále mortis Dómini,

Panis vivus vitam præstans hómini,

Præsta meæ menti de te vivere,

Et te illi semper dulce sápere.

Pie pellicáne, Jesu Dómine,

Me immúndum munda tuo sáanguine :

Cujus una stilla salvum fácere

Totum mundum quit ab omni scélere.



Jesu, quem velátum nunc  
adspicio,  
Oro fiat illud, quod tam sí-  
tio:

Ut te reveláta cernens fácie,  
Visu sim beátus tuæ glóriæ.

Amen.

**Alia Oratio.**

**Decreto Urbis et Orbis  
11 Decembris 1846, Pius IX.  
Pontifex Maximus Sacerdo-  
tibus qui sequentem Oratio-  
nem inter alias preces pro  
gratiarum actione post Mis-  
sam recitaverint, Indulgen-  
tiam trium annorum con-  
cessit.**

**O**BSECO te, dulcissime Dó-  
mine Jesu Christe, ut  
Pássio tua sit mihi virtus  
qua múnar, prótegar, atque  
deféndar. Vúlnera tua sint  
mihi cibus potúsque, quibus  
pascar, inébrier, atque de-  
lécter. Aspérsio Sánguini tui  
sit mihi ablútio ómnium de-  
lictórum meórum. Mors tua  
sit mihi glória sempitérna. In  
his sit mihi reféctio, exsul-  
tatio, sánitas et dulcédo cor-  
dis mei: Qui vivis et regnas  
in sæcula sæculórum. Amen.

**Oratio  
coram imagine Crucifixi.**

*Indulg. plenar.*

*Pius IX. 31 Julii 1858.*

**E**N ego, o bone et dulcis-  
sime Jesu, ante conspé-  
ctum tuum génibus me pro-  
vólvo ac máximo ánimí  
ardóre te oro atque obtéstor,  
ut meum in cor vívidos fidei,  
spei et caritátis sensus, atque  
veram peccatórum meórum

pœniténtiam, éaque emen-  
dándi firmissimam voluntá-  
tem velis imprimere: dum  
magno ánimí afféctu et do-  
lóre tua quinque vúlnera  
mecum ipse considero, ac  
mente contéplor, illud præ  
óculis habens, quod jam in  
ore ponébat suo David Pro-  
phéta de te, o bone Jesu:  
Fodérunt manus meas et  
pedes meos: Dinumeravé-  
runt ómnia ossa mea. **Ps. 21.**

**Adspirationes sancti Ignatii  
ad SS. Redemptorem.**

*Post Missam Indulg. 7 annorum  
semel in die; aliter 300 dierum toties  
quoties. Indulg. plenar. semel in mense,  
si hæc Oratio quotidie recitatur. Plus  
IX. 9 Jan. 1854.*

**A**NIMA Christi sanctífica  
me. Corpus Christi sal-  
va me. Sanguis Christi iné-  
bria me. Aqua láteris Christi  
lava me. Pássio Christi con-  
fórta me. O bone Jesu exáudi  
me. Intra tua vúlnera abs-  
cónde me. Ne permittas me  
separári a te. Ab hoste mali-  
gno defénde me. In hora  
mortis meæ voca me. Et  
jube me veníre ad te, ut cum  
sanctis tuis láudem te in  
sæcula sæculórum.

Amen.

**Oblatio sui.**

*Indulg. 300 dierum. Leo PP. XIII.*

*26 Mali 1883.*

**S**ÚSCIPE Dómine univérsam  
meam libertátem. Accipe  
memóriam, intelléctum, at-  
que voluntátem omnem.  
Quidquid hábeo, vel possi-  
deo, mihi largitus es: id

tibi totum restituo, ac tuæ prorsus voluntati trado gubernandum. Amorem tui solum cum gratia tua mihi dones, et dives sum satis, nec aliud quidquam ultra posco.

### Oratio ad B. M. V.

Indulg. 100 dierum. Leo PP. XIII.

20 Dec. 1884.

**O** MARÍA, Virgo et Mater sanctissima, ecce suscepisti dilectissimum Filium tuum, quem immaculato útero tuo concepisti, genuisti, lactasti, atque suavissimis amplexibus strinxisti. Ecce, cujus adspéctu lætabáris, et ómnibus deliciis replebáris, illum ipsum tibi humiliter et amánter repræsénto, et offero tuis bráchiis constringendum, tuo corde amándum sanctissimæque Trinitati in supremum latriæ cultum pro tui ipsius honóre et glória, et pro meis, totiúsque mundi

necessitatibus offerendum. Rogo ergo te, piíssima Mater, impetra mihi véniam ómnium peccatórum meórum, uberémque grátiam ipsi deinceps fidélius serviendi, ac dénique grátiam finálem, ut eum tecum laudare possim per ómnia sæcula sæculórum. Amen.

### Oratio ad S. Joseph.


Indulg. 100 dierum. Pius IX.

4 Febr. 1877.

**V**IRGINUM Custos, et Pater sancte Joseph, cujus fidéli custodiæ ipsa Innocéntia Christus Jesus et Virgo virginum María commissa fuit: Te, per hoc utrúmque carissimum pignus Jesum et Mariam óbsecro et obtéstor, ut me ab omni immunditia præservátum, mente incontamináta, puro corde, et casto corpore Jesu et Mariæ semper fácias castissime famulári. Amen.







## OFFICIA VOTIVA PER ANNUM

Officia hæc Votiva per annum ritu Semiduplici pro singulis hebdomadæ Feriis, a Summo Pontifice Leone XIII. per Decretum Urbis et Orbis Sacrorum Rituum Congregationis die 5 Julii 1883 generali Indulto concessa, persolvi possunt, juxta idem Indultum, loco Officiorum Ferialium occurrentium, quocumque anni tempore; exceptis Feria IV. Cinerum, Feriis totius temporis Passionis, ac Sacri Adventus a die 17 ad 24 Decembris inclusive. Habent juxta Rubricas, prout alia Festa Semiduplicia novem Lectionum, tum Commemorationes Feriæ et Festi Simplicis occurrentis, tum nonam Lectionem de Homilia super Evangelium ejusdem Feriæ, aut de Sancto. Adduntur Commemorationes communes, seu Suffragia Sanctorum, ut in Psalterio, si facienda sint, omissa Commemoratione ejus, de quo fit Officium votivum. Si die præcedenti aut sequenti occurrat Officium aliud quodcumque novem Lect., Vesp. Officii votivi currentis ordinandæ erunt juxta Rubricam de Concurrentia Officii.

PRO FERIA II  
OFFICIUM VOTIVUM  
DE SANCTIS ANGELIS  
Semiduplex.

IN I. VESPERIS

Ant. et Capit. cum reliq.  
de Laud. Pss. ut in I. Vesp.  
de Comm. Apost. 1\*.

Hymnus.

**T**he splendor, et virtus Patris,  
Te vita, Jesu, córdium,

Ab ore qui pendent tuo,  
Laudámus inter Angelos.

Tibi mille densa míllium  
Ducum coróna militat :  
Sed éxplicat victor crucem  
Michaël salútis signifer.

Dracónis hic dirum caput  
In ima pellit tártara,  
Ducémque cum rebéllibus  
Cælésti ab arce fúlminat.

Contra ducem supérbiæ  
Sequámur hunc nos príncipem,

Ut detur ex Agni throno  
Nobis coróna glóriæ.

Patri, simúlque Filio,  
Tibique sancte Spíritus,  
Sicut fuit, sit júgiter  
Sæclum per omne glória.

Amen.

Ÿ. In conspéctu Angelórum psallam tibi Deus meus.  
R. Adorábo ad templum san-

ctum tuum, et confitēbor  
nómini tuo.

**Ad Magnif. Ant.** Omnes  
sunt \* administratórii spíri-  
tus, in ministérium missi  
propter eos, qui hereditátem  
cápiunt salútis.

**Orat. ut infra ad Laudes.**  
243\*.

#### AD MATUTINUM

**Invit.** Regem Angelórum  
Dóminum, \* Veníte, adoré-  
mus.

**Ps.** Veníte, exsultémus. 2.

**Hymnus.** Te splendor. **ut**  
**supra.**

#### IN I. NOCTURNO

**Ant.** Multa magnália.

#### Psalmus 8.

**D**ÓMINE Dóminus noster, \*  
quam admirábile est no-  
men tuum in univérſa terra!

Quóniam eleváta est ma-  
gnificéntia tua, \* super cælos.

Ex ore infántium et lactén-  
tium perfecísti láudem pro-  
pter inimicos tuos, \* ut dé-  
struas inimicum et ultórem.

Quóniam vidébo cælos  
tuos, ópera digitórum tuó-  
rum : \* lunam et stellas, quæ  
tu fundásti.

Quid est homo, quod me-  
mores ejus? \* aut filius hómi-  
nis, quóniam vísitas eum?

Minuísti eum páulo minus  
ab Angelis, glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pé-  
dibus ejus, \* oves et boves  
univérſas : insuper et pécora  
campi.

Vólucres cæli, et pisces  
maris, \* qui perámbulant  
sémitas maris.

Dómine Dóminus noster, \*  
quam admirábile est nomen  
tuum in univérſa terra!

**Ant.** Multa magnália de  
Michaéle Archángelo, qui  
fortis in prælio fecit victó-  
riam.

**Ant.** Gábriel Archángelus.

#### Psalmus 10.

**I**N Dómino confido : quó-  
modo dicitis ánimæ meæ : \*  
Trásmigra in montem sicut  
passer?

Quóniam ecce peccatóres  
intendérunt arcum, paravé-  
runt sagittas suas in pháre-  
tra, \* ut sagittent in obscúro  
rectos corde.

Quóniam quæ perfecísti,  
destruxérunt : \* justus áutem  
quid fecit?

Dóminus in templo sancto  
suo : \* Dóminus in cælo  
sedes ejus :

Oculi ejus in páuperem  
respiciunt : \* pálpebræ ejus  
intérrogant filios hóminum.

Dóminus intérogat ju-  
stum et ímpium : \* qui áutem  
diligít iniquitátem, odít áni-  
mam suam.

Pluet super peccatóres lá-  
queos : \* ignis, et sulphur,  
et spíritus procellárum pars  
cálicis eórum.

Quóniam justus Dóminus,  
et justitias diléxit : \* æquitá-  
tem vidit vultus ejus.

**Ant.** Gábriel Archángelus  
locútus est Mariæ dicens :  
Ecce concípies in útero et



páries Filium, et vocábis nomen ejus Jesum.

*Ant.* Benedicite Deum cæli.

*Psalmus 14.*

**D**ÓMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justitiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad nihilum dedúctus est in conspéctu ejus malignus : \* timéntes áutem Dóminum gloriícat :

Qui jurat próximo suo, et non decipit, \* qui pecúniam suam non dedit ad usúram, et múnera super innocentem non accépit :

Qui facit hæc, \* non movébitur in ætérnum.

*Ant.* Benedicite Deum cæli, dixit Angelus Ráphaël, et coram ómnibus vivéntibus confitémini ei, quia fecit vobiscum misericórdiam suam.

✠. Stetit Angelus juxta aram templi. *R.* Habens thuribulum áureum in manu sua.

*Lect. de Script. occur.*

*R. j.* Venit Michaël Archángelus cum multitúdine Angelórum, cui trádedit Deus ánimas sanctórum, \* Ut perducate eas in paradísium exultatiónis. ✠. Emitte Dómine

Spiritum sanctum tuum de cælis, spiritum sapiéntiæ et intelléctus. Ut perducát.

*R. ij.* Respóndit Angelus Dómini, et dixit : Dómine exercítuum, \* Usquequo tu non miseréberis Jerúsalem et úrbium Juda, quibus irátus es? ✠. Iste enim septuagésimus annus est. Usquequo.

*R. iij.* In conspéctu géntium nolite timére : vos enim in córdibus vestris adoráte et timéte Dóminum : \* Angelus enim ejus vobiscum est. ✠. Stetit Angelus juxta aram templi, habens thuribulum áureum in manu sua. Angelus. Glória Patri. Angelus.

*In Quadrag. vero et Fer. II. Rogat. dicuntur sequentes Lect.*

De libro Exodi. \*

*Lectio j. Cap. 23. d*

**E**CCE ego mittam Angelum meum, qui præcedat te, et custódiat in via, et introducat in locum quem parávi. Obsérva eum, et áudi vocem ejus, nec contemnéndum putes : quia non dimittet cum peccáveris, et est nomen meum in illo. Quod si audieris vocem ejus, et féceris ómnia quæ loquor, inimicus ero inimicis tuis, et affligam affligéntes te. Præcedétque te Angelus meus.

*R.* Venit Michaël. *supra.*  
Ex Zacharía Prophéta.

*Lectio ij. Cap. 1. b*

**F**ACTUM est verbum Dómini ad Zachariam, filium Barachíæ, filii Addo, prophé-

tam, dicens : Vidi per noctem, et ecce vir ascēdens super equum rufum, et ipse stabat inter myrtēta quæ erant in profūdo : et post eum equi rufi, vārii, et albi. Et dixi : Quid sunt isti, Dómine mi? Et dixit ad me Angelus, qui loquebātur in me : Ego ostēdam tibi quid sint hæc. Et respōdit vir, qui stabat inter myrtēta, et dixit : Isti sunt quos misit Dóminus ut perāmbulent terram. Et respōdērunt Angelo Dómini, qui stabat inter myrtēta, et dixerunt : Perambulāvimus terram, et ecce omnis terra habitātur, et quiēscit.

**R.** Respōdit Angelus. 235\*.

### Lectio iij. Cap. 2.

**E**t levāvi óculos meos, et vidi : et ecce vir, et in manu ejus funiculus mensórum. Et dixi : Quo tu vadis? Et dixit ad me : Ut métiar Jerúsalem, et vídeam quanta sit latitúdo ejus, et quanta longitúdo ejus. Et ecce Angelus, qui loquebātur in me, egrediebātur, et Angelus álius egrediebātur in occúrsum ejus. Et dixit ad eum : Curre, lóquere ad púerum istum, dicens : Absque muro habitābitur Jerúsalem præ multitúdine hóminum et jumentórum in médio ejus. Et ego ero ei, ait Dóminus, murus ignis in circúitu, et in glória ero in médio ejus.

**R.** In conspéctu. 235\*.

IN II. NOCTURNO

**Ant.** Ascēdit fumus.

**Psalmus 18.**

**C**ÆLI enārrant glóriam Dei, \* et ópera mánuum ejus annúntiat firmaméntum.

Dies diéi erúctat verbum,\* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thá-lamo suo :

Exsultávit ut gigas ad currēdam viam, \* a summo cælo egréssio ejus :

Et occúrsum ejus usque ad summum ejus : \* nec est qui se abscondat a calóre ejus.

Lex Dómini immaculáta, convértens ánimas : \* testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, pérmanens in sáculum sáculi : \* judícia Dómini vera, justificáta in semetipsa.

Desiderabilia super áurum et lápidem pretiósus mullum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.



Delicta quis intélligit? ab occúltis meis munda me : \* et ab aliénis parce servo tuo.

Si mei non fúerint domínati, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

**Ant.** Ascéndit fumus arómatum in conspéctu Dómini de manu Angeli.

**Ant.** Immittet Angelus Dómini.

**Psalmus 23.**

**D**ÓMINI est terra, et plenitúdo ejus : \* orbis terrárum, et unívérsti qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium faciém Dei Jacob.

Attóllite portas principes vestras, et elevámini portæ æternáles : \* et introibit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : \* et introibit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

**Ant.** Immittet Angelus Dómini in circúitu timéntium eum, et erípiet eos.

**Ant.** Laudémus Dóminum.

**Psalmus 33.**

**B**ENEDÍCAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuéti, et læténtur.

Magnificáte Dóminum mecum : \* et exaltémus nomen ejus in idipsum.

Exquisívi Dóminum, et exaudivit me : \* et ex ómnibus tribulatióibus meis eripuit me.

Accédite ad eum, et illuminámini : \* et fácies vestræ non confundéntur.

Iste páuper clamávit, et Dóminus exaudivit eum : \* et de ómnibus tribulatióibus ejus salvávit eum.

Immittet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Divites eguérunt et esuriérunt : \* inquirentes áutem Dóminum non minuéntur omni bono.

Venite filii, audíte me : \* timórem Dómini docébo vos.

Quis est homo qui vult vitam : \* diligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquire pacem, et perséquare eam.

Oculi Dómini super justos : \* et áures ejus in precibus eórum.

Vultus áutem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spiritu salvábit.

Multæ tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui spérant in eo.

*Ant.* Laudémus Dóminum,

quem láudant Angeli, quem Chérubim et Séraphim, Sanctus, Sanctus, Sanctus, proclamant.

✠. Ascéndit fumus arómatum in conspéctu Dómini.

✠. De manu Angeli.

De Sermóne sancti Gregórii Papæ.

*Ex Homil. 34. in Evang.*

*Lectio iv.*

**Q**UIA Angelórum nómina interpretádo perstrinximus, súperest, ut ipsa officiórum vocábula breviter exsequámur. Virtútes etenim vocántur illi nimirum spíritus, per quos signa et miracula frequentius fiunt. Potestátes étiam vocántur hi, qui hoc poténtius cæteris in suo órdine percepérunt, ut eórum ditióni virtútes advérsæ subjéctæ sint, quorum potestáte refrénántur, nec corda hóminum tantum tentáre præváleant, quantum volunt.

✠. Omnes Angeli stabant in circúitu throni, et seniórum, et quátuor animálium : \* Et cecidérunt in conspéctu throni in fácies suas, et adoravérunt Deum. ✠. Adoráte Dóminum omnes Angeli ejus. Et cecidérunt.

*Lectio v.*

**P**RINCIPÁTUS étiam vocántur, qui ipsis quoque bonis Angelórum spíritibus præsunt, qui subjéctis áliis dum quæque sunt agénda dispónunt, eis ad explénda divína ministéria principán-



tur. Dominationes autem vocantur, qui etiam potestates principatuum dissimilitudine alta transcendunt. Nam principari est inter reliquos priorem exsistere : dominari vero est etiam subiectos quosque possidere. Throni quoque illa agmina sunt vocata, quibus ad exercenda iudicia semper Deus omnipotens praesidet. Unde et per Psalmistam dicitur : Sedes super thronum, qui iudicas aequitatem.

**R.** Stetit Angelus juxta aram templi, habens thuribulum aureum in manu sua, et data sunt ei incensa multa : \* Et ascendit fumus aromaticum de manu Angeli in conspectu Domini. **R.** In conspectu Angelorum psallam tibi : adorabo ad templum sanctum tuum, et confitebor nomini tuo Domine. Et ascendit.

### Lectio vj.

**C**HÉRUBIM quoque plenitudo scientiae dicitur; et sublimiora illa agmina idcirco Chérubim vocata sunt, quia tanto perfectiori scientia plena sunt, quanto claritatem Dei vicinius contemplantur. Séraphim etiam vocantur illa spirituum sanctorum agmina, quae ex singulari propinquitate Conditoris sui incomparabili ardent amore. Séraphim namque ardentes vel incendentes vocantur; quorum profecto flamma amor est : quia quo

subtilius claritatem divinitatis ejus adspiciunt, eo validius in ejus amore flammescunt.

**R.** In conspectu Angelorum psallam tibi, et adorabo ad templum sanctum tuum : \* Et confitebor nomini tuo Domine. **V.** Super misericordia tua et veritate tua : quoniam magnificasti super nos nomen sanctum tuum. Et confitebor. Glória Patri. Et confitebor.

### IN III. NOCTURNO

**Ant.** Misit Dominus.

### Psalmus 95.

**C**ANTÁTE Dómino cánticum novum : \* cantáte Dómino omnis terra.

Cantáte Dómino, et benedicite nomini ejus : \* annuntiáte de die in diem salutare ejus.

Annuntiáte inter gentes glóriam ejus, \* in ómnibus pópulis mirabilia ejus.

Quoniam magnus Dominus, et laudabilis nimis : \* terribilis est super omnes deos.

Quoniam omnes dii gentium daemónia : \* Dominus autem caelos fecit.

Confessio, et pulchritudo in conspectu ejus : \* sanctimónia, et magnificéntia in sanctificatione ejus.

Afferte Dómino patriae gentium, afferte Dómino glóriam et honórem : \* afferre Dómino glóriam nomini ejus.

Tóllite hóstias, et introíte

in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dícite in géntibus quia Dóminus regnávít.

Etenim corréxit orbem terræ qui non commovébítur : \* judicábit pópulos in æquitáte.

Læténtur cæli, et exsúltet terra, commoveáur mare, et plenitúdo ejus : \* gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritate sua.

**Ant.** Misit Dóminus Angelum suum, qui percússit omnem virum robústum, et bellatórem, et principem exércitus regis Assyriórum.

**Ant.** Adoráte Dóminum.

**Psalmus 96.**

**D**ÓMINUS regnávít, exsúltet terra : \* læténtur insulæ multæ.

Nubes, et caligo in circúitu ejus : \* justitia, et iudicium corréctio sedis ejus.

Ignis ante ipsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus : \* et vidérunt omnes pópuli glóriam ejus.

Confundántur omnes, qui adorant sculptilia : \* et qui gloriántur in simulácrissuis.

Adoráte eum omnes Angeli ejus : \* audivit, et lætáta est Sion.

Et exsultavérunt filiæ Judæ, \* propter iudicia tua Dómine :

Quóniam tu Dóminus Altissimus super omnem terram : \* nimis exaltátus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino : \* et confitémini memóriæ sanctificatiónis ejus.

**Ant.** Adoráte Dóminum omnes Angeli ejus : audivit, et lætáta est Sion.

**Ant.** Benedicite Dómino.  
**Psalmus 102.**

**B**ÉNEDIC ánima mea Dómino : \* et ómnia, quæ intra me sunt, nómini sancto ejus.

Bénedic ánima mea Dómino : \* et noli oblivisci omnes retributiónes ejus :

Qui propitiátur ómnibus iniquitatibus tuis : \* qui sanat omnes infirmitates tuas.

Qui rédimít de intéritu vitam tuam : \* qui corónat



te in misericórdia et miseratióibus.

Qui replet in bonis desiderium tuum : \* renovábitur ut áquilæ juvéntus tua :

Fáciens misericórdias Dóminus : \* et iudicium ómnibus injúriam patiéntibus.

Notas fecit vias suas Móysi, \* filiis Israël voluntátes suas.

Miserátor, et miséricors Dóminus : \* longánimis, et multum miséricors.

Non in perpétuum irascétur : \* neque in ætérnum comminábitur.

Non secúndum peccáta nostra fecit nobis : \* neque secúndum iniquitátes nostras retribuit nobis.

Quóniam secúndum altitúdinem cæli a terra : \* corroborávit misericórdiam suam super timéntes se.

Quantum distat ortus ab occidente : \* longe fecit a nobis iniquitátes nostras.

Quómodo miserétur pater filiórum, misértus est Dóminus timéntibus se : \* quóniam ipse cognóvit figméntum nostrum.

Recordátus est quóniam pulvis sumus : \* homo, sicut fœnum dies ejus, tamquam flos agri sic efflorébit.

Quóniam spíritus pertransibit in illo, et non subsistet : \* et non cognóscet ámplius locum suum.

Misericórdia áutem Dñi ab ætérno, \* et usque in ætérnum super timéntes eum.

Et justítia illius in filios filiórum, \* his qui servant testaméntum ejus :

Et mémores sunt mandatorum ipsius, \* ad faciéndum ea.

Dóminus in cælo parávit sedem suam : \* et regnum ipsius ómnibus dominábitur.

Benedicite Dómino omnes Angeli ejus : \* poténtes virtúte, faciéntes verbum illius, ad audiéndam vocem sermónum ejus.

Benedicite Dómino omnes virtútes ejus : \* ministri ejus, qui fácit voluntátem ejus.

Benedicite Dómino ómnia ópera ejus : \* in omni loco dominationis ejus, bédedic anima mea Dómino.

**Ant.** Benedicite Dómino omnes Angeli ejus, poténtes virtúte, faciéntes verbum illius, ad audiéndam vocem sermónum ejus.

**V.** In conspéctu Angelórum psallam tibi Deus meus.

**R.** Adorábo ad templum sanctum tuum, et confitébor nómini tuo.

Léctio sancti Evangélii secúndum Joánnem.

**Lectio vij. Cap. 1. g**

**I**n illo témpore : Vidit Jesus Nathánaël veniéntem ad se, et dicit de eo : Ecce vere Israëlita, in quo dolus non est. Et reliqua.

Homilia sancti Bernárdi Abbátis.

**In Ps. Qui hábitat. Serm. 11.**

**Q**UAE vero sunt sanctorum Angelórum viæ? Profé-

cto illæ, quas Unigénitus enarrávit dicens : Vidébítis Angelos ascendéntes et descendéntes super Fílium hóminis. Ascénsio ígitur et descénsio viæ illórum; ascénsio propter se, descénsio vel pótius condescénsio propter nos. Sic beáti illi spíritus ascéndunt per contemplatióem Dei, descéndunt per compassiÓnem tui, ut custódiant te in ómnibus viis tuis. Ascéndunt ad vultum ejus, descéndunt ad nutum ejus : Quóniam Angelis suis mandávit de te. Nec tamen vel descendéndo visiÓne glóriæ fraudántur, quia semper vident fáciem Patris.

℞. Angelus Dómini descendit cum Azaría et sóciis ejus in fornácem, et excússit flammam ignis de fornáce :  
 \* Et non tétigit eos omnino ignis, neque contristávit.  
 V. Benedictus Deus eórum, qui misit Angelum suum, et éruit servos suos, qui credidérunt in eum. Et non.

#### Lectio viij.

CUM ascéndunt ad contemplatiÓnem, inquirunt veritatém, de qua et desiderádo satiántur, et satiádo desiderant. Cum vero descendunt, faciunt nobiscum misericórdiam, ut custódiant nos in ómnibus viis nostris. Administratórii enim spíritus sunt, missi in ministérium propter nos. Plane ministri nostri, non dómini

nostri. Et in hoc Unigéniti formam imitántur, qui non venit ministrári, sed ministráre, qui stetit inter discipulos tamquam qui ministrat. Fructus angelicárum viárum, quod ad ipsos spectat, sua ipsórum beatitúdo, et obediéntia est caritátis : quod áutem ad nos pértinet, inde quidem obténtus divínæ grátiae, hinc vero custódia viæ nostræ : siquidem Angelis suis mandávit de te, ut custódiant te in ómnibus indigéntiis tuis.

℞. Tu Dómine, qui misisti Angelum tuum sub Ezechía rege Juda, et interfecisti de castris Sennácherib centum octogínta quinque míllia :  
 \* Et nunc Dominátor cælórum mitte Angelum tuum bonum ante nos, in timóre et tremóre magnitudinis bráchii tui. V. Ut métuant qui cum blasphemía véniunt advérsus sanctum pópulum tuum. Et. Glória Patri. Et.

#### Lectio ix.

INTERIM ergo mandávit Angelis suis Deus, non quidem ut amóveant te a viis tuis, sed in eis ipsis te custódiant, et quasi per vias suas, vias tuas dirigant in vias ipsíus. Quonam modo, inquis? Nempe ut quod Angelus ex sola caritate púrius agit, ut própria saltem necessitate compúlsus et ad mónitus, descendas, et condescendas; exhibére scilicet próximo misericórdiam : et



rursum cum eodem Angelo levans desideria tua, tota animi cupiditate ascendere studeas ad summam et perpetuam Veritatem. Hinc enim monemur levare corda nostra cum manibus; hinc audimus quotidie: Sursum corda. Hinc quoque negligentes arguimur, et dicitur nobis: Filii hominum, usquequo gravi corde? ut quid diligitis vanitatem et queritis mendacium? Exoneratum enim cor et leve levatur magis, ut quaerat et diligat veritatem.

Te Deum laudamus. 17.

AD LAUDES

ET PER HORAS

**Ant. 1.** Angeli Domini \* Dominum benedicite in aeternum.

**Ps.** Dominus regnavit. **cum reliq.** 18.

**2.** Angelis suis \* Deus mandavit de te, ut custodiant te in omnibus viis tuis.

**3.** Angeli eorum \* semper vident faciem Patris mei, qui est in caelis.

**4.** Laudate Deum \* omnes Angeli ejus, laudate eum omnes virtutes ejus.

**5.** Angeli, Archangeli, \* Throni et Dominationes, Principatus et Potestates, Virtutes caelorum, laudate Dominum de caelis, alleluia.

**Capitulum.** **Exod. 23. d**

**E**CCE ego mittam Angelum meum, qui praecedat te, et custodiat in via, et introducat in locum quem paravi.

Observa eum, et audi vocem ejus.

**Hymnus.**

**C**HRISTE, sanctorum decus Angelorum,  
Gentis humanae sator et redemptor,  
Caelitum nobis tribuas beatas Scandere sedes.

Angelus pacis Michaël in aedes

Caelitus nostras veniat, serenae

Auctor ut pacis lacrymosa in orcum

Bella releget.

Angelus fortis Gabriel, ut hostes

Pellat antiquos, et amica caelo,

Quae triumphator statuit per orbem,

Templa revisat.

Angelus nostrae medicus salutis,

Adsit e caelo Raphaël, ut omnes

Sanet aegrotos, dubiosque vitae

Dirigat actus.

Virgo dux pacis, Genitrix-que lucis,

Et sacer nobis chorus Angelorum

Semper assistat, simul et micantis

Regia caeli.

Præstet hoc nobis Deitas beata

Patris, ac Nati, pariterque sancti

Spiritus, cujus resonat per omnem

Glória mundum. Amen.

**Ÿ.** In conspéctu Angelórum psallam tibi Deus meus.

**R.** Adorábo ad templum sanctum tuum, et confitébor nómini tuo.

**Ad Bened. Ant.** Angelus, qui loquebátur \* in me, suscitávit me, quasi virum qui suscitáture a somno suo.

**Oratio.**

**D**EUS, qui miro órđine Angelórum ministéria, hominúmque dispénsas: concéde propítius; ut a quibus tibi ministrántibus in cælo semper assistitur, ab his in terra vita nostra muniátur. Per.

**AD TERTIAM**

**Ant.** Angelis suis.

**Capit.** Ecce ego. **ut supra.**

**R. br.** Stetit Angelus \* Juxta aram templi. Stetit. **Ÿ.** Habens thuríbulum áureum in manu sua. Juxta. Glória Patri. Stetit.

**Ÿ.** Ascéndit fumus arómatum in conspéctu Dómini.

**R.** De manu Angeli.

**Tempore Paschali.**

**R. br.** Stetit Angelus juxta aram templi, \* Allelúia, allelúia. Stetit Angelus. **Ÿ.** Habens thuríbulum áureum in manu sua. Allelúia, allelúia. Glória Patri. Stetit Angelus.

**Ÿ.** Ascéndit fumus arómatum in conspéctu Dómini, allelúia. **R.** De manu Angeli, allelúia.

**AD SEXTAM**

**Ant.** Angeli eórum.

**Capitulum.** **Apoc. 5. c**

**A**UDÍVI vocem Angelórum multórum in circúitu

throni, et animálium, et seniórum: et erat númerus eórum millia millium, voce magna dicéntium: Salus Deo nostro.

**R. br.** Ascéndit fumus arómatum \* In conspéctu Dómini. Ascéndit. **Ÿ.** De manu Angeli. In. Glória Patri. Ascéndit.

**Ÿ.** In conspéctu Angelórum psallam tibi Deus meus.

**R.** Adorábo ad templum sanctum tuum, et confitébor nómini tuo.

**Tempore Paschali.**

**R. br.** Ascéndit fumus arómatum in conspéctu Dómini, \* Allelúia, allelúia. Ascéndit. **Ÿ.** De manu Angeli. Allelúia. Glória. Ascéndit.

**Ÿ.** In conspéctu Angelórum psallam tibi Deus meus, allelúia. **R.** Adorábo ad templum sanctum tuum, et confitébor nómini tuo, allelúia.

**AD NONAM**

**Ant.** Angeli, Archángeli.

**Capitulum.** **Apoc. 12. b**

**F**ACTUM est prælium magnum in cælo: Michaël et Angeli ejus præliabántur cum dracóne, et draco pugnábat, et ángeli ejus: et non prævaluérunt, neque locus invéntus est eórum ámplius in cælo.

**R. br.** In conspéctu Angelórum \* Psallam tibi Deus meus. In. **Ÿ.** Adorábo ad templum sanctum tuum, et confitébor nómini tuo. Psallam. Glória Patri. In conspéctu.



**ŷ.** Adoráte Deum. **R̃.**  
Omnes Angeli ejus.

**Tempore Paschali.**

**R̃. br.** In conspéctu Angelórum psallam tibi Deus meus, \* Allelúia, allelúia. In conspéctu. **ŷ.** Adorábo ad templum sanctum tuum, et confitébor nómini tuo. Allelúia, allelúia. Glória Patri. In conspéctu.

**ŷ.** Adoráte Deum, allelúia. **R̃.** Omnes Angeli ejus, allelúia.

IN II. VESPERIS

**Ant. de Laud.; Psalmi ut in I. Vesp. de Comm. Apost. 1\*, et loco ult., Ps. 137.** Confitébor... quóniam audisti. 139.

**Capit. et Hymnus ut supra, in I. Vesp.**

**ŷ.** In conspéctu Angelórum psallam tibi Deus meus. **R̃.** Adorábo ad templum sanctum tuum, et confitébor nómini tuo.

**Ad Magnif. Ant.** Sancti Angeli, \* qui Deo in cælis semper assistitis, deféndite nos in prælio, ut non pereamus in treméndo judicio.

PRO FERIA III

OFFICIUM VOTIVUM

DE SANCTIS APOSTOLIS

**Semiduplex.**

**Omnia de Comm. Apostolorum. 1\*, præter seq.**

**Oratio.**

**D**EUS, qui nos per beátos Apóstolos tuos ad agnitióem tui nóminis venire

tribuisti : da nobis eórum glóriam sempitérnam et proficiéndo celebráre, et celebrándo proficere. Per Dóminum.

IN I. NOCTURNO

**Lect. de Script. occur.**

**In Quadrag. vero** Sic nos existimet. **de Comm. Apost. 6\*.**

IN II. NOCTURNO

De Sermóne sancti Augustíni  
Epíscopi.

**Serm. 43. de Sanctis.**

**Lectio iv.**

**I**STI sunt lux mundi : quia per ipsos lumen fidei, et veræ sciéntiæ primum Dóminus huic mundo trádidit, et ab errórum ac peccatórum ténebris gentes et pópulos éruiť. Isti sunt sal terræ : quia per eos terri-genæ condiméntum sapóris vitæ ætérnæ percepérunt, ut restringerent carnis lasciviam, et a putrédine peccatórum et vitiórum vérmibus servaréntur illæsi. Isti sunt lápides pretiósí, quos in fundaménto cæléstis ædificii pósitos Joánnes in Apocalýpsi sua describit : quia prædicátió eórum Ecclésiæ fundaménta locávit. Unde et Páulus ait : Vos estis cives Sanctórum et doméstici Dei, superædificáti super fundaméntum Apostolórum et Prophetárum.

**R̃.** Vidi conjúctos viros, habéntes spléndidas vestes, et Angelus Dómini locútus est ad me, dicens : \* Isti sunt

viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem et dicéntem. Isti.

**Tempore Paschali.**

**R.** Lux perpétua lucébit sanctis tuis Dómine, \* Et ætérnitas témporum, allelúia, allelúia. **V.** Lætítia sempitérna erit super cápita eórum : gáudium et exsultatió-nem obtinébunt. Et ætérnitas.

**Lectio v.**

**H**oc ergo considerántes, fratres caríssimi, quæ tanti duces pópuli nos docuérunt, studeámus factis implére, quæ illi jussérunt. Discámus eórum exémplo mundi divítias contémnere, præsentis sæculi voluptátem non amáre, regnum cæléste desideráre, Christo nihil præpónere, sed ejus mandátis in ómnibus obedire, paupertátem præsentium rerum diligere, virtútum divítias habére, sapiéntiæ thesáurum appétere, spiritáles delicias quærere, nulli invidére, sed omnes hómines diligere, amicos in Deo et inimicos propter Deum; quia hæc est vera et sola diléctio.

**R.** Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : \* Gaudéte et exsultáte, quóniam merces vestra

copiósa est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium • hóminis. Gaudéte.

**Tempore Paschali.**

**R.** Virtúte magna reddébant Apóstoli \* Testimónium resurrectionis Jesu Christi Dómini nostri, allelúia, allelúia. **V.** Repléti quidem Spíritu sancto, loquebántur cum fidúcia verbum Dei. Testimónium.

**Lectio vj.**

**I**sti ergo Príncipes nostri, in amóre Dei perfectíssimi, et in proximórum dilectióne impléti, hinc potuérunt mundi impetum vincere, et cruéntum sæculum domáre, quia nihil amavérunt in omni re, nisi Dei voluntátem. Ita et nos, fratres, diligámus in ómnibus rebus Dei fácere voluntátem, et Creatórem nostrum amémus in semetípso, creatúram vero in conditóre suo, et sic habébitus ordinatíssimam caritátem : quia Deus caritas est, et qui diligit hanc dilectiónem, diligit Deum. Et si ita dilexérimus, diligit nos ipse Deus, diligunt nos et sancti Apóstoli júdices nostri, et exórant pro nobis, ut in universáli iudicio Christi cum ipsis in perpétuum coronémur.

**R.** Isti sunt. 10\*, *vel* Isti sunt agni. 24\*.



## IN III. NOCTURNO

Lectio sancti Evangélíi secúndum Matthæum.

## Lectio vij. Cap. 19. d

**I**N illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Hiláarii  
Episcopi.

## Comment. in Matth. cap. 20.

**A**PÓSTOLI dictis Dómini hæc reddunt, reliquisse se ómnia, et cum ipso esse. Quibus Dóminus, cum séderit in majestátis suæ sede, sessúros super sedes duódecim, ac tótidem tribus Israël judicatúros spopóndit; omnibúsque qui univérsa reliquerint propter nomen ejus, fructum cénupli præmii reservátum : multos áutem ex novíssimis primos, et ex primis futúros novíssimos. Multa sunt quæ non sinunt nos simplici intelléctu dicta Evangélica suscipere.

**R.** Isti sunt qui vivéntes in carne, plantavérunt Ecclésiám sáanguine suo : \* Cálicem Dómini bibérunt, et amíci Dei facti sunt. **V.** In omnem terram exívit sonus eórum, et in fines orbis terræ verba eórum. Cálicem.

## Tempore Paschali.

**R.** Ego sum vitis vera, et vos pálmities : \* Qui manet in me, et ego in eo, hic fert fructum multum, allelúia,

allelúia. **V.** Sicut diléxit me Pater, et ego diléxi vos. Qui manet.

## Lectio viij.

**I**NTERPÓSITIS nonnúlhis rebus, quæ ex nátúra húmáni sensus sibi contráriæ sunt, ratiónem quærere cæléstis intelligéntiæ admonémur. Apóstoli dicunt, et sequi se Christum, et se ómnia reliquisse. Quómodo igitur fiunt tristes, et quómodo métuunt dicéntes, saluum esse néminem posse? Namque et ab áliis fieri póterat, si quid fecissent ipsi. Deínde cum fecissent ipsi; quare metus, vel unde susceptus est? Additur étiam in responsiône Dómini, hæc apud hómines impossibília, possibília apud Deum. Numquid apud hóminem impossibília erant, quæ et Apóstoli fecísse se gloriántur, et fecísse eos Dóminus agnóscit?

**R.** Isti sunt viri sancti, quos elégit Dóminus in caritaté non ficta, et dedit illis glóriam sempitérnam : \* Quorum doctrína fulget Ecclésia, ut sole luna. **V.** Sancti per fidem vicérunt regna : operáti sunt justítiam. Quorum doctrína. Glória Patri. Quorum doctrína.

## Tempore Paschali.

**R.** Cándidi facti sunt Nazaræi ejus, allelúia; splendórem Deo dedérunt, allelúia : \* Et sicut lac coaguláti sunt, allelúia, allelúia. **V.**

Candidiôres nive, nitidiôres lacte, rubicundiôres ébore antiquo, sapphiro pulchriorés. Et sicut lac. Glória Patri. Et sicut lac.

**Lectio ix.**

**O**MNIS itaque hic sermo est spiritalis. Quid áutem Dei virtúti tam possibile est, quam ut per fidem salvet? ut per aquam régéneret? ut per crucem vincat? ut per Evangélia adóptet? ut per resurrectionem ex morte vivíficet? Quibus auditis Apóstoli cito credunt, seséque ómnia reliquisse profiténtur. Sed hanc eórum obediéntiam cito Dóminus remunerátur, omnem difficultátem superiôris quæstiónis absólvens, cum dicit : Vos, qui secúti estis me in regeneratione, judicábitis duódecim tribus Israél. Hæc enim illa regenerátio est, quam Apóstoli sunt secúti, quam lex indulgére non pótuit, quæ eos super duódecim thronos in judicándis duódecim tribubus Israél, in duódecim Patriarchárum glória copulávit.

Te Deum laudámus. 17.

PRO FERIA IV

OFFICIUM VOTIVUM

DE S. JOSEPH SPONSO B. M. V.

CONFESSORE

Semiduplex.

IN I. VESPERIS

Ant. et Capit. de Laud.;  
Pss. ut in I. Vesp. de Comm.  
Apost. 1\*.

**Hymnus.**

**T**E Joseph célebrent ágmina cælitum,  
Te cuncti résonent christiandum chori,  
Qui clarus méritis, junctus es inclytæ  
Casto fœdere Virgini.  
Almo cum túmidam gérmine cónjugem  
Admirans, dúbio tängeris ánxius,  
Afflátu súperi Fláminis Angelus  
Conceptum púerum docet.  
Tu natum Dóminum stringis, ad éxteras  
Ægýpti prófugum tu séqueris plagas;  
Amíssum Sólymis quæris, et invenis,  
Miscens gáudia flétibus.  
Post mortem réliquos mors pia cónsecrat,  
Palmámque eméritos glória súscipit :  
Tu vivens, Súperis par, frúeris Deo,  
Mira sorte beátior.  
Nobis, summa Trias, parce precántibus,  
Da Joseph méritis sídera scándere :  
Ut tandem liceat nos tibi pérpetim  
Gratum prómere cánticum. Amen.  
V. Constituit eum dóminum domus suæ. R. Et príncipem omnis possessiónis suæ.  
Ad Magnif. Ant. Cum esset desponsáta \* Mater Jesu Ma-



ria Joseph, ántequam convenirent, invénta est in útero habens de Spiritu sancto.

**Orat. ut ad Laudes.** 254\*.

AD MATUTINUM

**Invit.** Laudémus Deum nostrum \* In veneratióne beáti Joseph, protectóris nostri.

**Ps.** Veníte, exsultémus. 2.

**Hymn.** Te Joseph. **ut supra.**

IN I. NOCTURNO

**Ant.** Ascéndit Joseph \* a Galilæa de civitaté Náza-reth in Judæam, in civitatem David, quæ vocátur Béthle-hem, ut profiterétur cum María.

**Pss. trium Noct. de Comm. Conf. non Pont.** 89\*.

**Ant.** Venérunt pastóres \* festinántes : et invenérunt Mariám et Joseph, et infán-tem pósitum in præsépio.

**Ant.** Ecce Angelus Dómi-ni \* appáruit in somnis Jo-seph, dicens : Surge, et áccipe púerum, et matrem ejus, et fuge in Ægýptum.

**Ÿ.** Confitébor nómini tuo.

**Ŗ.** Quóniam adjútor et pro-téctor factus es mihi.

**Lect. de Script. occur.**

**Ŗ. j.** Clamávit pópulus ad regem, aliménta petens : \* Quibus ille respóndit : Ite ad Joseph. **Ÿ.** Salus nostra in manu tua est : réspice nos tantum, et læti serviémus regi. Quibus.

**Ŗ. ij.** Fecit me Deus quasi patrem regis, et dóminum univérsæ domus ejus : \* Exal-távit me, ut salvos fáceret

multos pópulos. **Ÿ.** Veníte ad me, et ego dabo vobis ómnia bona Ægýpti, ut comedátis medúllam terræ. Exaltávit me.

**Ŗ. iij.** Jam lætus móriar, quia vidi fáciem tuam, et supérstitem te relinquo. Non sum fraudátus adspéctu tuo : \* Insuper osténdit mihi Dó-minus semen tuum. **Ÿ.** Qui pascit me ab adolescéntia mea, benedicat púeris istis, et invocétur super eos no-men meum. Insuper. Glória Patri. Insuper.

**In Quadrag. vero, Feriis Quatuor Temporum et Vigi-lia Ascensionis dicuntur seq. Lectiones.**

De libro Génesis.

**Lectio j. Cap. 39.**

**I**GITUR Joseph ductus est in Ægýptum, emitque eum Pútiphar, eunúchus Pharaónis, princeps exércitus, vir Ægýptius, de manu Ismaéli-tárum, a quibus perductus erat. Fuitque Dóminus cum eo, et erat vir in cunctis prospere agens : habitávit-que in domo dómini sui, qui óptime nóverat Dómi-num esse cum eo, et ómnia quæ géreret, ab eo dirigi in manu illius. Invenítque Jo-seph grátiam coram dómينو suo, et ministrábat ei : a quo præpósitus ómnibus, gubernábat crédito sibi domum, et univér-sa quæ ei trá-dita fúerant : benedixít-que Dóminus dómui Ægýptii propter Joseph, et multipli-

cávit tam in ædibus quam in agris cunctam ejus substantiam : nec quidquam aliud nóverat, nisi panem quo vescebátur. Erat autem Joseph pulchra fácie, et decórus adspéctu.

℟. Clamávit. 249\*.

*Lectio ij. Cap. 41.*

**P**LÁCUIT Pharaóni consilium, et cunctis ministris ejus, locutúsque est ad eos : Num invenire potérimus talem virum, qui spíritu Dei plenus sit? Dixit ergo ad Joseph : Quia osténdit tibi Deus ómnia quæ locútus es, numquid sapientiorem et consimilem tui invenire pótero? Tu eris super domum meam, et ad tui oris impérium cunctus pópulus obédiet : uno tantum regni sólio te præcédam. Dixitque rursus Phárao ad Joseph : Ecce constitui te super univérsam terram Ægýpti. Tulitque annulum de manu sua, et dedit eum in manu ejus : vestivitque eum stola býssina, et collo torquem áuream circumpósuit. Fecitque eum ascéndere super currum suum secúndum, clamánte præcone, ut omnes coram eo genu flécterent, et præpósitum esse scirent univérsæ terræ Ægýpti.

℟. Fecit me Deus. 249\*.

*Lectio iij.*

**D**IXIT quoque rex ad Joseph : Ego sum Phárao : absque tuo império non móvébit quisquam manum aut

pedem in omni terra Ægýpti. Vertítque nomen ejus, et vocávit eum lingua ægýptiaca Salvatórem mundi. Deditque illi uxórem Ase-neth, filiam Putiphare, sacerdotís Heliopóleos. Egréssus est itaque Joseph ad terram Ægýpti (triginta autem annórum erat, quando stetit in conspéctu regis Pharaónis), et circúvit omnes regiónés Ægýpti. Venítque fertilitas septem annórum : et in manipulos redáctæ ségetes congregátæ sunt in hórrea Ægýpti. Omnis étiam frugum abundántia in singulis úrbibus cóndita est. Tántaque fuit abundántia tritici, ut arénæ maris coæquarétur, et cópia mensúram excéderet.

℟. Jam lætus móriar. 249\*.

IN II. NOCTURNO

*Ant.* Consúrgens Joseph,\* accépit púerum et matrem ejus nocte, et secéssit in Ægýptum : et erat ibi usque ad óbitum Heródis.

*Ant.* Defúnto Heróde,\* Angelus Dómini apparuit in somnis Joseph in Egýpto, dicens : Surge, et áccipe púerum et matrem ejus, et vade in terram Israël : defúnti sunt enim qui quærébant ánimam púeri.

*Ant.* Accépit Joseph\* púerum et matrem ejus, et venit in terram Israël.

℣. Réspice de cælo et vide, et visita vineam istam. ℟. Et pérfice eam.



Sermo sancti Bernárdi  
Abbátis.

Homilia 2. super Missus.

Lectio iv.

**D**ESPONSÁTA est María Joseph, vel pótius (sicut ponit Evangelista) viro, cui nomen erat Joseph : virum nóminat, non quia maritus, sed quod homo virtútis erat : vel pótius quia juxta álium Evangelistam, non vir simpliciter, sed vir ejus dictus est, mérito appellátur, quod necessáριο putátur. Débuit ergo vir ejus appellári, quia necesse fuit et putári : sicut et pater Salvatóris non quidem esse, sed dici mérui, ut putaréetur esse, dicente hoc ipso Evangelista : Et ipse Jesus erat incipiens quasi annórum trigínta, ut putabátur, filius Joseph.

℟. Dedisti mihi protectiōnem salutis tuæ, et dextera tua suscepit me : \* Protéctor meus, et cornu salutis meæ, et suscepitor meus. ℣. Ego protéctor tuus sum, et merces tua magna nimis. Protéctor.

Lectio v.

**N**ON est dúbium, quin bonus et fidélis homo fúerit iste Joseph, cui Mater desponsáta est Salvatóris. Fidélis, inquam, servus et prudens, quem constituit Dóminus suæ Matris solátium, suæ carnis nutritium, solum dénique in terris magni consilii coadjutórem fidelissimum. Huc accédit, quod

dícitur fuisse de domo David. Vere enim de domo David. Vere de régia stirpe descendit vir iste Joseph, nóbilis genere, mente nobilior. Plane filius David, non degénerans a patre suo David ; prorsus, inquam, filius David, non tantum carne, sed fide, sed sanctitáte, sed devotiōne, quem tamquam álium David Dóminus invénit secúndum cor suum, cui tuto committeret sacratissimum atque secretissimum sui cordis arcánum : cui, tamquam áleri David, incérta et occúlta sapiéntiæ suæ manifestávit, et dedit illi non ignárum esse mystérii, quod nemo princípum hujus sáculi agnóvit.

℟. Státuet filios suos sub tégmīne illius, et sub ramis ejus morábitur : protegétur sub tégmīne illius a fervóre : \* Et in glória ejus requiescet.

℣. Speráte in eo omnis congregátio pópuli : effundite coram illo corda vestra. Et.

Lectio vj.

**C**UI dénique datum est, quod multi reges et prophétæ cum vellent vidére, non vidérunt, audire et non audierunt, non solum vidére et audire, sed étiam portáre, dedúcere, amplécti, deosculári, et nutrire et custodire. Non tantum áutem Joseph, sed et María descendisse credénda est de domo David : alióquin non esset desponsáta viro de domo

David, si non esset et ipsa de domo David. Ambo igitur erant de domo David : sed in altera compléta est véritas, quam jurávit Dóminus David, áltero tamen cónsocio et teste adimplétæ promissionis.

**R.** Si consistent advérsus me castra, non timébit cor meum : \* Si exsúrgat advérsus me prælium, in hoc ego sperábo. **V.** In te cantatio mea semper, quóniam tu adjútor fortis. Si. Glória. Si.

IN III. NOCTURNO

**Ant.** Audiens Joseph \* quod Archeláus regnáret in Judæa pro Heróde patre suo, timuit illo ire.

**Ant.** Admónitus in somnis, \* Joseph secéssit in partes Galilææ, et véniens habitávit in civitaté quæ vocátur Náza-reth ; ut adimplerétur quod dictum est per Prophétas : Quóniam Naza-ræus vocábitur.

**Ant.** Erat pater Jesu \* et mater mirántes super his quæ dicebántur de illo ; et benedixit illis Simeon.

**V.** Invocávi Dóminum, Patrem Dómini mei. **R.** Ut non derelinquat me in die tribulationis.

Lectio sancti Evangélíi secúndum Lucam.

**Lectio vij. Cap. 3. c**

**I**n illo témpore : Factum est áutem, cum baptizarétur omnis pópulus et Jesu baptizáto et oránte, apértum est cælum. Et réliqua.

Homília sancti Augustini  
Epíscopi.

**Lib. 23. contra Faust.  
cap. 7. 8.**

**S**ic de cælo dictum est super aquam Jordánis : Hic est Filius meus diléctus, in quo mihi bene complácuí : quemádmódum dictum est et in monte. Neque enim quia et ibi de cælo vox ipsa sónuit, Filius Dei ante non fuit : quandóquidem ex útero Vírginis ille accépit formam servi, qui cum in forma Dei esset, non rapinam arbitrátus est, esse se æquálem Deo. Dénique idem Apóstolus Páulus álío loco apertissime dicit : Cum áutem venit plenitúdo témporis, misit Deus Filium suum factum ex muliere, factum sub lege, ut eos, qui sub lege erant, redimeret, ut filiórum adoptionem reciperémus. Ipse ergo est Filius Dei, qui et Dóminus David secúndum divinitátem, et idem ipse Filius David ex sémine David secúndum carnem.

**R.** Joseph fili David, noli timére accipere Mariám conjugem tuam : quod enim in ea natum est, de Spíritu sancto est : páriet áutem filium, \* Et vocábis nomen ejus Jesum. **V.** Ipse enim salvum faciet pópulum suum a peccátis eórum. Et.

**Lectio viij.**

**Q**UOD si nobis crédere non prodésset, non hoc tam attén-te idem Apóstolus



Timótheo commendáret dicens : Memor esto Christum Jesum resurrexisse a mórtuis, ex sémine David, scúndum Evangélium meum. Quid ergo jam móveat sancti Evangélii sectatórem, quod sine concúbitu Joseph Christus natus ex Vírgine, filius tamen David appellá-  
tur, cum generatiónum sé-  
riem non usque ad Mariám,  
sed usque ad Joseph Mat-  
thæus Evangelista perdú-  
cat? Primo quia mariti ejus  
fúerat propter virilem sexum  
pótius honoránda persóna :  
neque enim quia concúbitu  
non permíxtus, ídeo non  
marítus, cum ipse Matthæus  
narret ab Angelo Mariám  
cónjugem ipsius appellátam,  
qui narrat, quod de Spíritu  
sancto concéperat.

℟. Surge, et áccipe púe-  
rum et matrem ejus, et fuge  
in Ægýptum : \* Et esto ibi,  
usque dum dicam tibi. V. Ut  
adimplerétur quod dictum  
est a Dómino per Prophé-  
tam dicéntem : Ex Ægýpto  
vocávi Filium meum. Et.  
Glória Patri. Et.

In Quadrag. et Vigil. As-  
cens. Lect. ix. de Homil. Fer.

Lectio ix.

CUM vero unus idémque  
narrátor utrúmque dicat,  
utrúmque comméndet, et  
virum Mariæ Joseph, et Chri-  
sti Virginem Matrem, et  
Christum ex sémine David,  
et Joseph in série progene-  
ratorum Christi ex David :

quid restat, nisi et Mariám  
non fuisse extráneam a co-  
gnatióne David, et eam  
Joseph cónjugem non frustra  
appellátam propter ór-  
dinem sexus et animórum confœ-  
deratiónem ; et Joseph pótius  
propter dignitátem virilem  
ab ór-  
dine generatiónum illá-  
rum non fuisse separándum,  
ne hoc ipso viderétur ab illa  
fémina separátus, cui eum  
conjungébat mentis afféctus?

Te Deum laudámus. 17.

AD LAUDES

ET PER HORAS

Ant. 1. Jacob áutem \* gé-  
nuit Joseph, virum Mariæ,  
de qua natus est Jesus, qui  
vocátur Christus.

Ps. Dóminus regnávít.  
cum reliq. 18.

2. Missus est \* Angelus  
Gábriel a Deo in civitátem  
Galilææ, cui nomen Náza-  
reth, ad Virginem despon-  
sátam viro, cui nomen erat  
Joseph.

3. Ascéndit áutem \* Joseph  
a Galilæa de civitáte Náza-  
reth, in Judæam, in civitá-  
tem David, quæ vocátur  
Béthlehem.

4. Et venérunt festinán-  
tes, \* et invenérunt Mariám  
et Joseph, et infántem pósi-  
tum in præsépio.

5. Et ipse Jesus \* erat in-  
cípiens quasi annórum tri-  
gínta, ut putabátur filius  
Joseph.

Capítulum. Gen. 49. d

BENEDICTIONES patris tui  
confortátæ sunt bene-

dictiónibus patrum ejus,  
donec veniret desidérium  
cóllium æternórum : fiant in  
cápite Joseph, et in vértice  
Nazaræi inter fratres suos.

**Hymnus.**

**C**ÆLITUM, Joseph, decus,  
atque nostræ  
Certa spes vitæ, columénque  
mundi,

Quas tibi læti cánimus, be-  
nignus

Súscipe láudes.

Te Sator rerum státuit pu-  
dicæ

Virginis sponsum, voluítque  
Verbi

Te patrem dici, dedit et mi-  
nistrum

Esse salútis.

Tu Redemptórem stábulo  
jacéntem,

Quem chorus Vatum cécinit  
futúrum,

Adspicis gáudens, humilis-  
que natum

Numen adóras.

Rex Deus regum, Domi-  
nátor orbis,

Cujus ad nutum tremit infe-  
rórurum

Turba, cui pronus famuláthur  
æther,

Se tibi subdit.

Laus sit excélsæ Triadi  
perénis,

Quæ tibi præbens súperos  
honóres,

Det tuis nobis méritis beátæ  
Gáudia vitæ. Amen.

Ÿ. Dedisti mihi protecti-  
onem salútis tuæ. R. Et dextera  
tua suscepit me.

Ad Bened. Ant. Joseph fili

David, \* noli timére accipere  
Mariam cójugem tuam :  
quod enim in ea natum est,  
de Spíritu sancto est.

**Oratio.**

**D**EUS, qui ineffábili provi-  
déntia beátum Joseph  
sanctissimæ Genitricis tuæ  
Sponsum eligere dignátus es :  
præsta quæsumus ; ut quem  
protectórem venerámur in  
terris, intercessórem habére  
mereámur in cælis : Qui  
vivis.

**AD TERTIAM**

Ant. Missus est.

Capit. Benedictiónes. ut  
supra.

R. br. Constituit eum \* Dó-  
minum domus suæ. Consti-  
tuit. Ÿ. Et principem omnis  
possessiόνis suæ. Dóminum.  
Glória Patri. Constituit.

Ÿ. Confitébor nómini tuo.

R. Quóniam adjutor et pro-  
tector factus es mihi.

**Tempore Paschali.**

R. br. Constituit eum dó-  
minum domus suæ, \* Alle-  
lúia, allelúia. Constituit. Ÿ.  
Et principem omnis posses-  
siόνis suæ. Allelúia, allelúia.  
Glória Patri. Constituit.

Ÿ. Confitébor nómini tuo,  
allelúia. R. Quóniam adjutor  
et protector factus es mihi,  
allelúia.

**AD SEXTAM**

Ant. Ascéndit áutem.

Capitulum. Gen. 49. c

**D**EUS patris tui erit adjutor  
tuus, et Omnipotens be-  
nedicet tibi benedictiónibus  
cæli désuper.



**R.** br. Confitébor \* Nómini tuo. Confitébor. **V.** Quóniam adjutor et protector factus es mihi. Nómini. Glória Patri. Confitébor.

**V.** Justus germinabit sicut lilium. **R.** Et florébit in ætérnum ante Dóminum.

**Tempore Paschali.**

**R.** br. Confitébor nómini tuo, \* Allelúia, allelúia. Confitébor. **V.** Quóniam adjutor et protector factus es mihi. Allelúia, allelúia. Glória Patri. Confitébor.

**V.** Justus germinabit sicut lilium, allelúia. **R.** Et florébit in ætérnum ante Dóminum, allelúia.

**AD NONAM**

**Ant.** Et ipse Jesus.

**Capitulum.** Gen. 49. c

**F**ILIUS accrésceus Joseph, filius accrésceus, et decórus adspéctu: filiæ discurrérunt super murum.

**R.** br. Justus germinabit \* Sicut lilium. Justus. **V.** Et florébit in ætérnum ante Dóminum. Sicut. Glória Patri. Justus.

**V.** Plantátus in domo Dómini. **R.** In átriis domus Dei nostri.

**Tempore Paschali.**

**R.** br. Justus germinabit sicut lilium, \* Allelúia, allelúia. Justus. **V.** Et florébit in ætérnum ante Dóminum. Allelúia, allelúia. Glória Patri. Justus.

**V.** Plantátus in domo Dómini, allelúia. **R.** In átriis domus Dei nostri, allelúia.

**IN II. VESPERIS**

**Omnia ut in I. Vesperis, præter sequentia.**

**V.** Sub umbra illius quem desideráveram sedi. **R.** Et fructus ejus dulcis gútturi meo.

**Ad Magnif. Ant.** Fili, quid fecisti \* nobis sic? Ecce pater tuus et ego doléntes quærebámus te.

**PRO FERIA V**

**OFFICIUM VOTIVUM**

**DE SS. EUCHARISTIÆ SACRAMENTO**

**Semiduplex.**

**IN I. VESPERIS**

**Ant. 1.** Sacérdos in ætérnum \* Christus Dóminus secúndum órđinem Melchisedech, panem et vinum obtulit.

**Ps. 109.** Dixit Dñus. 126.

**2.** Miserátor \* Dóminus escam dedit timéntibus se in memóriam suórum mirabilium.

**Ps. 110.** Confitébor. 127.

**3.** Cálicem salutáris \* accípíam, et sacrificábo hóstiam láudis.

**Ps. 115.** Crédidi. 130.

**4.** Sicut novéllæ olivárum, \* Ecclesiæ filii sint in circúitu mensæ Dómini.

**Ps. 127.** Beáti omnes. 135.

**5.** Qui pacem \* ponit fines Ecclesiæ, fruménti ádipe sátiat nos Dóminus.

**Ps. 147.** Láuda Jerúsalem. 145.

**Capitulum.** I. Cor. 11. c

**F**RATRES: Ego enim accépi a Dómino quod et trádidi

vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit : Accipite, et manducáte : hoc est corpus meum, quod pro vobis tradétur : hoc fácite in meam commemoratió-nem.

### Hymnus.

**P**ANGE lingua gloriósi  
Córporis mystérium,  
Sanguinisque pretiósi,  
Quem in mundi prétium  
Fructus ventris generósi  
Rex effúdit géntium.

Nobis datus, nobis natus  
Ex intácta Virgine,  
Et in mundo conversátus,  
Sparsó verbi sémine,  
Sui moras incolátus  
Miro cláusit órđine.

In supréma nocte cœnae,  
Recúmbens cum frátribus  
Observáta lege plene  
Cibis in legálibus,  
Cibum turbæ duodénæ  
Se dat suis mánibus.

Verbum caro, panem ve-  
rum  
Verbo carnem éfficit :  
Fitque sanguis Christi me-  
rum,  
Et si sensus déficit,  
Ad firmándum cor sincérum  
Sola fides súfficit.

Tantum ergo Sacraméntum  
Venerémur cernui :  
Et antiquum documéntum  
Novo cedat ritui :  
Præstet fides suppleméntum  
Sénsuum deféctui.

Genitóri, Genitóque  
Laus et jubilátio,

Salus, honor, virtus quoque  
Sit et benedictio :

Procedénti ab utróque  
Compar sit laudátio. Amen.

✠. Panem de cælo præsti-  
tisti eis. ℞. Omne delecta-  
méntum in se habéntem.

**Ad Magnif. Ant.** O quam  
suávis est \* Dómine spíritus  
tuus, qui ut dulcédinem  
tuam in filios demonstráres,  
pane suavíssimo de cælo  
præstíto, esuriéntes reple  
bonis, fastidiósis divites  
dimittens inánes.

**Orat. ut ad Laud.**

**Ad Completorium, et per  
Horas, in fine Hymn. dici-  
tur :**

Jesu tibi sit glória,  
Qui natus es de Virgine.

### AD MATUTINUM

**Invil.** Christum Regem  
adorémus dominántem gén-  
tibus : \* Qui se manducán-  
tibus dat spíritus pingué-  
dinem.

**Ps.** Venite, exsultémus. 2.

### Hymnus.

**S**ACRIS solénniis juncta sint  
gáudia,  
Et ex præcórdiis sonent præ-  
cónia ;  
Recédant vétëra, nova sint  
ómnia,  
Corda, voces, et ópe-  
ra.

Noctis recólitur cœna no-  
víssima,  
Qua Christus créditur agnum  
et ázyma  
Dedisse frátribus, juxta legi-  
tima  
Priscis indúlta pátribus.



Post agnum t́picum, ex-  
plétis épulis,  
Corpus Dominicum datum  
discípulis,  
Sic totum ómnibus, quod  
totum singulis,  
Ejus fatémur mánibus.  
Dedit fragilibus córporis  
férculum,  
Dedit et trístibus sánguini  
póculum,  
Dicens : Accípite quod trade  
vásculum,  
Omnes ex eo bibite.  
Sic sacrificium istud insti-  
tuit,  
Cujus officium commítti vó-  
luit  
Solis presbýteris, quibus sic  
cóngruit,  
Ut sumant, et dent cæte-  
ris.  
Panis angélicus fit panis  
hóminum ;  
Dat panis cælicus figúris tér-  
minum :  
O res mirábilis, mandúcat  
Dóminum  
Páuper, servus, et hú-  
milis.  
Te trina Déitas únaque  
póscimus,  
Sic nos tu visita, sicut te có-  
limus :  
Per tuas sémitas duc nos quo  
téndimus,  
Ad lucem, quam inhábi-  
tas. Amen.

IN I. NOCTURNO

*Ant.* Fructum salutiferum.*Psalmus 1.*

**B**EÁTUS vir, qui non ábiit  
in consilio impiórum, et  
in via peccatórum non ste-

tit, \* et in cáthedra pestilén-  
tiæ non sedit :

Sed in lege Dómini volún-  
tas ejus, \* et in lege ejus  
meditábitur die ac nocte.

Et erit tamquam lignum,  
quod plantátum est secus de-  
cúrsus aquárum, \* quod fru-  
ctum suum dabit in témpore  
suo :

Et fólium ejus non dé-  
fluet : \* et ómnia quæcúmque  
fáciet, prosperabúntur.

Non sic impíi, non sic : \*  
sed tamquam pulvis, quem  
próicit ventus a fácie terræ.

Ideo non resúrgent impíi  
in iudicio : \* neque peccató-  
res in concilio justórum.

Quóniam novit Dóminus  
viam justórum : \* et iter im-  
piórum peribit.

*Ant.* Fructum salutiferum  
gustándum dedit Dóminus  
mortis suæ témpore.

*Ant.* A fructu fruménti.*Psalmus 4.*

**C**UM invocárem exaudivit  
me Deus justítiae meæ : \*  
in tribulatióne dilatásti mihi.

Miserére mei, \* et exáudi  
oratióem meam.

Filii hóminum úsquequo  
gravi corde ? \* ut quid dili-  
gitis vanitátem, et quæritis  
mendácium ?

Et scitóte quóniam miri-  
ficávit Dóminus sanctum  
suum : \* Dóminus exáudiet  
me cum clamávero ad eum.

Irascimini, et nolite pec-  
cáre : \* quæ dicitis in cór-  
dibus vestris, in cubilibus  
vestris compungimini.

Sacrificáte sacrificium iustitiæ, et speráte in Dómino : \* multi dicunt : Quis osténdit nobis bona?

Signátum est super nos lumen vultus tui Dómine : \* dedísti lætítiam in corde meo.

A fructu fruménti, vini, et olei sui \* multiplicáti sunt.

In pace in idípsum \* dormiam, et requiêscam;

Quóniam tu Dómine singulariter in spe \* constituísti me.

**Ant.** A fructu fruménti et vini multiplicáti fidéles in pace Christi requiêscunt.

**Ant.** Communióne cálicis.

**Psalmus 15.**

**C**ONSÉRVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non egés.

Sanctis, qui sunt in terra ejus, \* mirificávit omnes voluntátes meas in eis.

Multiplicátæ sunt infirmitátes eórum : \* póstea accelleravérunt.

Non congregábo conventicula eórum de sanguinibus : \* nec memor ero nóminum eórum per lábia mea.

Dóminus pars hereditátis meæ, et cálicis mei : \* tu es, qui restitués hereditátem meam mihi.

Funes cecidérunt mihi in præcláris : \* étenim heréditas mea præclára est mihi.

Benedicám Dóminum, qui tribuit mihi intelléctum : \*

ínsuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc lætátum est cor meum, et exsultávit lingua mea : \* însuper et caro mea requiêscet in spe.

Quóniam non derelínques ánimam meam in inférno : \* nec dabis Sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo : \* delectatiónes in dextera tua usque in finem.

**Ant.** Communióne cálicis, quo Deus ipse súmitur, non vitulórum ságuine, congregávit nos Dóminus.

**Ÿ.** Panem cæli dedit eis.

**R.** Panem Angelórum manducávit homo.

**Lect. de Script. occur.**

**R. j.** Immolábit hœdum multitúdo filiórum Israël ad vésperam Paschæ : \* Et edent carnes, et ázymos panes. **Ÿ.** Pascha nostrum immolátus est Christus : itaque epulémur in ázymis sinceritátis et veritátis. Et.

**R. ij.** Comedétis carnes, et saturabimini pánibus : \* Iste est panis, quem dedit vobis Dóminus ad vescéndum. **Ÿ.** Non Móyses dedit vobis panem de cælo, sed Pater meus dat vobis panem de cælo verum. Iste.

**R. iij.** Respéxit Elías ad



caput suum subcinericiū panem : qui surgens comēdit et bibit : \* Et ambulāvit in fortitūdine cibi illius usque ad montem Dei. *V.* Si quis manducāverit ex hoc pane, vivet in ætērnū. Et. Glória Patri. Et.

*In Quadragesima vero dicuntur sequentes Lectiones.*  
De Epístola prima beāti Páuli Apóstoli ad Corinthios.

*Lectio j. Cap. 11. d*

**C**ONVENIÉNTIBUS vobis in unum, jam non est Dominicam cœnam manducāre. Unusquisque enim suam cœnam præsūmit ad manducāndum. Et álius quidem ésurit : álius áutem ébrius est. Numquid domos non habétis ad manducāndum et bibéndum? aut Ecclésiā Dei contémnitis, et confúnditis eos, qui non habent? Quid dicam vobis? Láudo vos? In hoc non láudo.

*R.* Immolábit. 258\*.

*Lectio ij.*

**E**GO enim accēpi a Dómino quod et tráddi vobis, quóniam Dóminus Jesus, in qua nocte tradebátur, accēpit panem, et grátias agens fregit, et dixit : Accípите, et manducáte : hoc est corpus meum, quod pro vobis tradétur : hoc fácite in meam commemoratióem. Similiter et cálicem, postquam cœnāvit, dicens : Hic calix novum testamētum est in meo ságuine. Hoc fácite, quotiescúmque bibétis, in

meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat.

*R.* Comedétis. 258\*.

*Lectio iij.*

**I**TAQUE quicúmque manducáverit panem hunc, vel biberit cálicem Dómini indigne : reus erit córporis et ságuinis Dómini. Probet áutem seípsum homo : et sic de pane illo edat, et de cálice bibat. Qui enim manducat et bibit indigne, iudiciū sibi manducat et bibit : non dijudicans corpus Dómini. Ideo inter vos multi infirmi et imbecilles, et dórmiunt multi. Quod si nosmetípsos dijudicáremus, non útique judicáremur. Dum judicámur áutem, a Dómino corripi-mur, ut non cum hoc mundo damnémur.

*R.* Respéxit. 258\*.

IN II. NOCTURNO

*Ant.* Memor sit Dóminus.

*Psalmus 19.*

**E**XÁUDIAT te Dóminus in die tribulatióis : \* próteget te nomen Dei Jacob.

Mittat tibi auxilium de sancto : \* et de Sion tueátur te.

Memor sit omnis sacrificii tui : \* et holocáustum tuum pingue fiat.

Tribuat tibi secúndum cor tuum : \* et omne consilium tuum confirmet.

Lætábimur in salutári

tuo : \* et in nómine Dei nostri magnificábitur.

Impleat Dóminus omnes petitiónes tuas : \* nunc cognóvi quóniam salvum fecit Dóminus Christum suum.

Exáudiet illum de cælo sancto suo : \* in potentátibus salus dexteræ ejus.

Hi in curríbus, et hi in equis : \* nos áutem in nómine Dómini Dei nostri invocábitur.

Ipsi obligátí sunt, et ceciderunt : \* nos áutem surréximus et erécti sumus.

Dómine salvum fac regem : \* et exáudi nos in die, qua invocáverimus te.

*Ant.* Memor sit Dóminus sacrificií nostri, et holocáustum nostrum pingue fiat.

*Ant.* Parátur nobis.

### *Psalms 22.*

**D**ÓMINUS regit me, et nihil mihi déerit : \* in loco páscuæ ibi me collocávit.

Super aquam refectiόνis educávit me : \* ánimam meam convértit.

Dedúxit me super sémitas justitiæ, \* propter nomen suum.

Nam, et si ambulávero in médio umbræ mortis, non timébo mala : \* quóniam tu mecum es.

Virga tua, et báculus tuus : \* ipsa me consoláta sunt.

Parásti in conspéctu meo mensam, \* advérsus eos, qui tribulant me.

Impinguásti in óleo caput meum : \* et calix meus

inébrians quam præclárus est!

Et misericórdia tua subsequétur me \* ómnibus diébus vitæ meæ :

Et ut inhábitem in domo Dómini, \* in longitúdinem diérum.

*Ant.* Parátur nobis mensa Dómini advérsus omnes, qui tribulant nos.

*Ant.* In voce exsultatiónis.

### *Psalms 41.*

**Q**UEMÁDMODUM desiderat cervus ad fontes aquárum : \* ita desiderat ánima mea ad te Deus.

Sitívit ánima mea ad Deum fortem vivum : \* quando véniam, et apparebo ante fáciem Dei?

Fuérent mihi lácrymæ meæ panes die ac nocte : \* dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : \* quóniam transibo in locum tabernáculi admirábilis, usque ad domum Dei.

In voce exsultatiónis, et confessiόνis : \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi : \* salutare vultus mei, et Deus meus.

Ad meípsum ánima mea conturbáta est : \* propterea memor ero tui de terra Jor-



dánis, et Hermóniim a monte mó dico.

Abýssus abýssum invo-  
cat, \* in voce cataractárum  
tuárum.

Omnia excélsa tua, et flu-  
ctus tui \* super me trans-  
iérunt.

In die mandávit Dóminus  
misericórdiam suam : \* et  
nocte cánticum ejus.

Apud me orátio Deo vitæ  
meæ, \* dicam Deo : Suscé-  
ptor meus es.

Quare oblitus es mei? \* et  
quare contristátus incédo,  
dum affligit me inimicus?

Dum confringúntur ossa  
mea, \* exprobravérunt mihi,  
qui tribulant me inimici  
mei.

Dum dicunt mihi per sín-  
gulos dies : Ubi est Deus  
tuus? \* quare tristis es ánima  
mea, et quare contúrbas me?

Spera in Deo, quóniam  
adhuc confitébor illi : \* sa-  
lutáre vultus mei, et Deus  
meus.

**Ant.** In voce exsultatiónis  
résonent epulántes in mensa  
Dómini.

Ÿ. Cibávit illos ex ádipe  
fruménti. R. Et de petra,  
melle saturávit eos.

## MENSE FEBRUARIO

Sermo sancti Joánnis Chry-  
sósti.

**Hom. 61. ad populum  
Antioch.**

### Lectio iv.

**N**ECESÁRIUM est, dilectis-  
simi, mysteriórum dí-

scere miráculum, quodnam  
sit, et quare sit datum, et  
quæ ejus rei utilitas. Unum  
corpus effícimur : Membra,  
inquit, ex carne ejus, et ex  
óssibus ejus : sequámur áu-  
tem initiáti, quæ dicúntur.  
Ut itaque non tantum per  
caritátem hoc fiámus, verum  
étiam ipsa re, in illam mi-  
sceámur carnem : hoc nam-  
que per escam efficitur,  
quam largitus est nobis, vo-  
lens osténdere desidérium  
quod erga nos habet. Pro-  
pterea semetípsum nobis im-  
miscuit, et corpus suum in  
nos contemperávit, ut unum  
quid simus tamquam corpus  
cápiti coaptátum : ardéter  
enim amántium hoc est.

**R.** Cœnántibus illis accé-  
pit Jesus panem, et bene-  
dixit, ac fregit, deditque  
discípulis suis, et ait : \* Ac-  
cipite, et comédite : hoc est  
corpus meum. **Ÿ.** Dixérunt  
viri tabernáculi mei : Quis  
det de cárnibus ejus, ut sa-  
turémur? Accipite.

### Lectio v.

**T**AMQUAM leónes igitur  
ignem spirántes ab illa  
mensa recedámus, facti diáb-  
olo terribiles, et caput no-  
strum mente revolvéntes, et  
caritátem quam erga nos  
osténdit. Nam paréntes qui-  
dem áliis sæpe filios tradunt  
aléndon : ego áutem, inquit,  
non ita, sed cárnibus meis  
alo, et meípsum vobis ap-  
póno, vos omnes generóson  
esse volens, et spem bonam

de futuris vobis præbens : quippe qui vobis hic me ipsum trádidi, multo magis id in futuro fáciam. Vólui frater vester fieri, carni propter vos et sánguini communicávi : vobis vicissim ipsam carnem et sánguinem, per quæ cognátus vester factus sum, trado.

℞. Accépit Jesus cálicem, postquam coenávit, dicens : Hic calix novum testaméntum est in meo sáanguine : \* Hoc fácite in meam commemoratiónem. ℣. Memória memor ero, et tabescet in me ánima mea. Hoc.

Lectio vj.

**A**TTENDÁMUS itaque nobis ipsis, dilectíssimi, tálibus fruéntes bonis : et cum áliquid turpe dicere voluérimus, vel nos ab ira córripi vidérimus, vel álio quópiam hujúsmodi vitio, considerémus quibus facti sumus digni : talisque cogitatio nobis irrationabilium mótuum sit corréctio. Quotquot igitur hujus participes córporis effícimur, quotquot sánguinem degustámus; cogitémus, quod illum sursum sedéntem, qui ab Angelis adorátur, incorruptibili vicinus virtúti, hunc degustámus. Hei mihi, quot ad salutem nobis viæ! Nos corpus suum effécit : nobis suum comunicávit corpus : et horum nos nihil a malis avértit.

℞. Ego sum panis vitæ :

patres vestri manducavérunt manna in desérto, et mórtui sunt : \* Hic est panis de cælo descéndens, ut si quis ex ipso mandúcet, non moriátur. ℣. Ego sum panis vivus, qui de cælo descéendi : si quis manducáverit ex hoc pane, vivet in ætérnum. Hic. Glória Patri. Hic.

MENSIBUS

MARTIO ET APRILI

Sermo sancti Joánnis Chrysóstomi.

Ex Hom. 60. ad populum Antioch.

Lectio iv.

**Q**UÓNIAM Verbum dicit : Hoc est corpus meum : et assentiámur, et credámus, et intellectuálibus ipsum óculis intueámur. Nihil enim sensibile nobis Christus trádidi : sed sensibilibus quidem rebus, at ómnia intelligibilia. Itidem et in baptisinate : per rem nempe sensibilem aquam, donum confértur : intelligibile vero quod perficitur, generatio et renovatio. Si enim incorpóreus esses, nuda et incorpórea tibi dedisset ipse dona : sed quóniam ánima córpori consérta est, in sensibilibus intelligibilia tibi præbet. Quot nunc dicunt : Vellem ipsius formam adspicere, figúram, vestiménta, calceaménta? Ecce eum vides, ipsum tangis, ipsum mandúcas. Et tu quidem vestiménta cupis videre : ipse vero tibi concédit



non tantum vidére, verum et manducáre, et tângere, et intra te súmer.

℞. Cœnántibus illis. 261\*.

Lectio v.

**I**GITUR accédât nemo cum náusea, nemo resolutus, omnes accénsi, omnes fervéntes et excitáti. Nam si Judæi stantes, et calceaménta in pédibus habéntes, et báculos mánibus gestántes, agnum cum festinatióne comedébant : te multo magis opórtet esse solértem. Nam illi quidem in Palæstinam erant profectúri, et propterea viatórum figúram habébant : tu vero debes in cælum migráre. Quaprópter in ómnibus opórtet te vigiláre : nec enim parva pœna propónitur indigne suméntibus. Cógita quantum advérsus proditórem indignáris, et contra eos qui illum crucifixerunt : itaque considera, ne tu quoque sis reus córporis et ságuinis Christi. Illi sanctíssimum corpus occidérunt, tu vero pollúta súscipis ánima, post tot benefícia. Neque enim illi satis fuit, hómínem fieri, cólaphis cædi, et crucifigi : verum et semetipsum nobis commiscet; et non fide tantum, verum et ipsa re nos suum efficit corpus.

℞. Accépit Jesus. 262\*.

Lectio vj.

**Q**uo non opórtet igitur esse puriorem, tali fruéntem sacrificio? quo solári rádio

non splendidiórem manum, carnem hanc dividéntem? os quod igni spiritali replétur, linguam quæ treméndo nimis ságuine rubéscit? Cógita quali sis insignitus honóre, quali mensa fruáris. Quod Angeli vidéntes horréscunt, neque libere áudent intuéri propter emicántem inde splendórem; hoc nos páscimur, huic nos unimur, et facti sumus unum Christi corpus, et una caro. Quis loquétur poténtias Dómini, audítas fáciét omnes láudes ejus? Quis pastor oves próprio páscit cruóre? Et quid dico, pastor? Matres multæ sunt, quæ post partus dolóres, filios áliis tradunt nutricibus. Hoc áutem ipse non est passus : sed ipse nos próprio ságuine páscit, et per ómnia nos sibi coagméntat.

℞. Ego sum panis. 262\*.

MENSIBUS

MAIO ET JUNIO

Sermo sancti Joánnis

Chrysóstomi.

Ex eadem Homil. 60.

Lectio iv.

**U**NICUQUE fidélium Christus semetipsum per mystéria commiscet, et quos génuit, per semetipsum enútrit, nec álteri tradit : per hoc tibi rursum persuádens, quod carnem tuam assumpsit. Ne torpeámus igitur tanta digni caritáte et honóre putáti. Nonne vidétis quanta promptitúdine párvuli papil-

las cápiunt, et quanto impetu lábia ubéribus infigunt? Accedámus cum tanta nos quoque alacritáte ad hanc mensam, et ad úbera póculi spiritalis: quinimo cum longe majóri trahámus, tamquam infántes lacténtes, spiritus grátiam: et unus sit nobis dolor hac esca privári. Non sunt humánæ virtútis ópera, hæc quæ proponúntur: qui tunc ipsa fecit in illa cœna, idem ea nunc quoque facit. Nos ministrórum tenémus locum: qui vero sanctificat ea et immútat, ipse est. Nullus itaque Judas assistat, nullus avárus: nam tales mensa non súscipit. Si quis est discipulus, adsit: ait enim: Cum discipulis meis fácio Pascha. Hæc est illa mensa, et minus nihil habet. Non enim illam quidem Christus, hanc áutem homo perficit: verum et hanc ipse quoque.

℞. Cœnantibus. 261\*.

**Lectio v.**

**I**NHUMÁNUS accédát nemo, nemo crudélis et immiséricors, nemo prorsus immúndus. Hæc ad communicántes dico, et ad vos ministrántes. Nam et ad vos sermónem convértere necesárium est, ut multo cum stúdio hæc dona distribuátis. Non parva vobis imminet últio, si quemquam, illius culpæ cónsocii, hujus mensæ participem esse concedátis: sanguis ejus de mánibus

vestris exquirétur: sive quis dux militiæ sit, sive præfêctus, sive princeps diadémate coronátus, indigne áutem accédát, próhibe: majórem illo potestátem habes. Proptérea vos Deus hoc insignívit honóre, ut tália discernátis. Hoc vestra dignitas est, hoc securitas, hoc omnis coróna; non ut albam et splendéntem túnica circumcumeátis indúti. Verum et tu láice, cum sacerdotem víderis offeréntem, ne ut sacerdotem esse putes hoc faciéntem, sed Christi manum invisibíliter exténsam.

℞. Accépit. 262\*.

**Lectio vj.**

**A**UDIÁMUS igitur et sacerdotes et súbditi, quali esca facti sumus digni: audiámus et horreámus. Sanctis cárnibus suis nos dedit impléri, semetípsum appósuit immolátum. Quænam igitur erit nobis excusátio, cum tálibus pasti tália peccémus, cum lupi fiámus Agnum comedéntes, cum tamquam oves pasti more leónū diripiámus? Hoc enim mystérium non a rapina tantum, verum et ab omni vel ténui inimicitia purum esse pénitus jubet: est enim pacis mystérium. Judæis quidem annuátim propriórum monumenta beneficiórum solemnitétes Deus alligávit: tibi vero singulis diébus per hæc mystéria. Nullus itaque Judas hanc mensam petat, nullus



Simon. Hi namque duo propter avaritiam perierunt: hoc igitur báráthrum fugiámus.

**R.** Ego sum panis. 262\*.

IN III. NOCTURNO

**Ant.** Introibo.

**Psalmus 42.**

**J**ÚDICA me Deus, et discérne cáusam meam de gente non sancta, \* ab hómine iniquo, et dolóso érue me.

Quia tu es Deus fortitúdo mea : \* quare me repulisti? et quare tristis incédo, dum affligit me inimicus?

Emítte lucem tuam et veritátem tuam : \* ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : \* ad Deum, qui lætificat juventútem meam.

Confitébor tibi in cithara Deus Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

**Ant.** Introibo ad altáre Dei : sumam Christum, qui rénovat juventútem meam.

**Ant.** Cibávit nos Dóminus.

**Psalmus 80.**

**E**XSULTÁTE Deo adjutori nostro : \* jubiláte Deo Jacob.

Súmte psalmum, et date týmpanum : \* psaltérium jucúndum cum cithara.

Buccináte in Neoménia tuba, \* in insígni die solemnitatís vestráe :

Quia præcéptum in Israël est : \* et iudícium Deo Jacob.

Testimónium in Joseph pósuit illud, cum exíret de terra Ægýpti : \* linguam, quam non nóverat, audivit.

Divértit ab onéribus dorsum ejus : \* manus ejus in cóphino serviérunt.

In tribulatióne invocásti me, et liberávi te : \* exaudivi te in abscondito tempestátis : probávi te apud aquam contradicţiónis.

Audi pópulus meus, et contestábor te : \* Israël si audieris me, non erit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægýpti : \* diláta os tuum, et implébo illud.

Et non audivit pópulus meus vocem meam : \* et Israël non inténdit mihi.

Et dimísi eos secúndum desidéria cordis eórum, \* ibunt in adinventiόνibus suis.

Si pópulus meus audísset me : \* Israël si in viis meis ambuláset :

Pro nihilo fórsitan inimicos eórum humiliássem : \* et super tribulántes eos misíssem manum meam.

Inimíci Dómini mentíti sunt ei : \* et erit tempus eórum in sácula.

Et cibávit eos ex ádipe fruménti : \* et de petra, melle saturávit eos.

**Ant.** Cibávit nos Dóminus

ex ádipe fruménti : et de petra, melle saturávit nos.

*Ant.* Ex altári tuo.

*Psalmus 83.*

**Q**UAM dilécta tabernácula tua Dómine virtútum : \* concupiscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos,

Altária tua Dómine virtútum : \* Rex meus, et Deus meus.

Beáti, qui hábitant in domo tua Dómine : \* in sæcula sæculórum laudábunt te.

Beátus vir, cujus est auxilium abs te : \* ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtúte in virtútem : \* vidébitur Deus deórum in Sion.

Dómine Deus virtútum exáudi oratióem meam : \* áuribus pércipe Deus Jacob.

Protéctor noster ádspice Deus : \* et réspice in fáciem Christi tui :

Quia mélior est dies una in átriis tuis \* super millia.

Elégi abjéctus esse in domo Dei mei : \* magis quam habitáre in tabernáculis peccatórum.

Quia misericórdiam, et veritátem diligit Deus : \* grá-

tiam, et glóriam dabit Dóminus.

Non privábit bonis eos, qui ámbulant in innocéntia : \* Dómine virtútum, beátus homo, qui sperat in te.

*Ant.* Ex altári tuo Dómine Christum súminus : in quem cor et caro nostra exsúltant.

*Ÿ.* Edúcas panem de terra.

*R.* Et vinum lætíficet cor hóminis.

## MENSE FEBRUARIO

Léctio sancti Evangélii secúndum Joánnem.

*Lectio vij. Cap. 6. f*

**I**N illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et réliqua.

Homilia sancti Augustini Episcopi.

*Tract. 27. in Joannem.*

**V**ERBA Dómini ex Evangélio, quæ sermónem pristinum consequúntur, audivimus. Hinc sermo debétur áuribus et méntibus vestris, et hodiérna die non importúnus est. Est enim de corpore Dómini, quod dicébat se dare ad manducándum propter ætérnam vitam. Expósuit áutem modum attributiónis hujus, et doni sui, quómodo daret carnem suam manducáre, dicens : Qui mandúcat carnem meam, et bibit sánguinem meum, in me manet, et ego in illo. Signum quia manducávit et bibit, hoc est :



si manet, et manétur : si hábitat, et inhabitátur : si hæret, ut non deserátur.

**R.** Qui mandúcat meam carnem, et bibit meum ságuinem, \* In me manet, et ego in eo. **V.** Non est ália nátio tam grandis, quæ hábeat deos appropinquántes sibi, sicut Deus noster adest nobis. In.

### Lectio viij.

**H**oc ergo nos dócuit et ad-mónuit mýsticis verbis, ut simus in ejus córpore sub ipso cápite in membris ejus, edéntes carnem ejus, non relinquéntes unitátem ejus. Sed qui áderant, plures non intelligéndo scandalizáti sunt : non enim cogitábant, hæc audiéndo, nisi carnem, quod ipsi erant. Apóstolus áutem dicit et verum dicit : Sápere secúndum carnem, mors est. Carnem suam dat nobis Dóminus manducáre : et sápere secúndum carnem mors est. Cum de carne sua dicat, quia ibi est vita ætérna : ergo nec carnem debémus sápere secúndum carnem, sicut in his verbis : Multi itaque audiéntes, non ex inimícis, sed ex discíplis ejus, dixerunt : Durus est hic sermo, et quis potest eum audire?

**R.** Misit me vivens Pater, et ego vivo propter Patrem : \* Et qui mandúcat me, vivet propter me. **V.** Cibávit illum Dóminus pane vitæ et intel-lectus. Et. Glória Patri. Et.

### Lectio ix.

**S**i discípuli durum habué-runt istum sermónem, quid inimíci? Et tamen sic oportébat ut dicerétur, quod non ab ómnibus intelligerétur. Secrétum Dei inténtos debet fácere, non advérsos : isti áutem cito defecérunt, tália loquénte Dómino Jesu Christo. Non credidérunt áli-quid magnum dicéntem, et verbis illis áliquam grátiam cooperiéntem : sed prout volué-runt, ita intellexérunt, et more hóminum : quia póte-rat Jesus, aut hoc disponébat Jesus, carnem, qua indútum erat Verbum, véluti concí-sam, distribúere credéntibus in se. Durus est, inquiunt, hic sermo : quis potest eum audire?

Te Deum laudámus. 17.

### MENSIBUS

#### MARTIO ET APRILI

Léctio sancti Evangélíi se-cúndum Joánnem.

#### Lectio vij. Cap. 6. f

**I**n illo témpore : Dixit Jesus turbis Judæórum : Caro mea, vere est cibus : et san-guis meus, vere est potus. Et réliqua.

Homília sancti Augustíni  
Epíscopi.

Tract. 27. in Joannem  
ante medium.

**D**ÍXIMUS, fratres, hoc Dó-minum commendásse in manducatióne carnis suæ, et potatióne ságuinis sui, ut in illo maneámus, et ipse in

nobis. Manémus áutem in illo, cum sumus membra ejus : manet áutem ipse in nobis, cum sumus templum ejus. Ut áutem simus membra ejus, únitás nos compáginat : ut compáginet únitás, quæ facit, nisi cáritas? Et cáritas Dei unde? Apóstolum intérroga. Cáritas, inquit, Dei diffúsa est in córdibus nostris per Spiritum sanctum, qui datus est nobis.

℞. Qui mandúcat. 267\*.

### Lectio viij.

**E**RGÓ spiritus est qui vivíficat : spiritus enim facit viva membra : nec viva membra spíritus facit, nisi quæ in córpore, quod végetat ipse spíritus, invénierit. Nam spíritus, qui est in te, o homo, quo constas ut homo sis, numquid vivíficat membrum quod separátum invénierit a carne tua? Spíritum tuum dico ánimam tuam. Anima tua non vivíficat, nisi membra quæ sunt in carne tua : unum si tollas, jam non vivificátur ex ánimá tua, quia unitátí córporis tui non copulátur.

℞. Misit me. 267\*.

### Lectio ix.

**H**ÆC dicúntur, ut amémus unitátém, et timeámus separatióem. Nihil enim sic debet formidáre Christiánus, quam separári a córpore Christi. Si enim separátur a córpore Christi, non est membrum ejus : si non est membrum ejus, non vegetá-

tur spíritu ejus. Quisquis áutem, inquit Apóstolus, spíritum Christi non habet : hic non est ejus. Spíritus ergo est, qui vivíficat, caro áutem non prodest quidquam. Verba, quæ ego locútus sum vobis, spíritus et vita sunt. Quid est, Spíritus et vita sunt? Spiritáliter intelligénda sunt. Intellexisti spiritáliter? Spíritus et vita sunt. Intellexisti carnáliter? Etiam sic illa spíritus et vita sunt, sed tibi non sunt.

Te Deum laudámus. 17.

### MENSIBUS

#### MAIO ET JUNIO

Léctio sancti Evangélíi secúndum Joánnem.

### Lectio vij. Cap. 6. f

**I**N illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et réliqua.

Homilia sancti Augustíni  
Epíscopi.

### Tract. 26. in Joannem.

**H**IC est panis, qui de cælo descéndit. Hunc panem significávit manna, hunc panem significávit altáre Dei. Sacraménta illa fuérunt : in signis divérsa sunt, sed in re, quæ significátur, pária sunt. Apóstolum áudi : Nolo enim vos, inquit, ignoráre fratres, quia patres nostri omnes sub nube fuérunt, et omnes mare transiérunt, et omnes per Móysen baptizáti sunt in nube, et in mari : et



omnes eamdem escam spiritalem manducaverunt. Spiritalem utique eamdem : nam corporalem alteram : quia illi manna, nos aliud : spiritalem vero, quam nos, sed patres nostri, non patres illorum, quibus nos similes sumus, non quibus illi similes fuerunt. Et adjungit : Et omnes eundem potum spiritalem biberunt. Aliud illi, aliud nos, sed specie visibili quidem, tamen hoc idem significante virtute spiritali. Quomodo enim eundem potum? Bibebant, inquit, de spiritali, sequente petra : petra autem erat Christus. Inde panis, inde potus. Petra Christus in signo, verus Christus in verbo, et in carne. Et quomodo bibebant? Percussa est petra de virga bis. Gemina percussio, duo ligna crucis significat.

℟. Qui manducat. 267\*.

Lectio viij.

**N**ORUNT fideles corpus Christi, si corpus Christi non negligant esse. Fiant corpus Christi, si volunt vivere de Spiritu Christi. De Spiritu Christi non vivit, nisi corpus Christi. Intelligite fratres mei, quid dixerim. Homo es, et spiritum habes, et corpus habes. Spiritum dico, quæ anima vocatur, qua constas quod homo es : constas enim ex anima, et corpore. Habes enim spiritum invisibilem, corpus visibile. Dic mihi, quid ex quo

vivat? Spiritus tuus vivit ex corpore tuo, an corpus tuum ex spiritu tuo? Respondet omnis, qui vivit : qui autem hoc non potest respondere, nescio si vivit. Quid respondet omnis, qui vivit? Corpus utique meum vivit de spiritu meo. Vis ergo et tu vivere de Spiritu Christi? In corpore esto Christi.

℟. Misit me vivens. 267\*.

Lectio ix.

**N**UMQUID enim corpus meum vivit de spiritu tuo? Meum vivit de spiritu meo, et tuum de spiritu tuo. Non potest vivere corpus Christi, nisi de Spiritu Christi. Inde est, quod exponens nobis Apostolus Paulus hunc panem : Unus panis, inquit, unum corpus multi sumus. O sacramentum pietatis, o signum unitatis, o vinculum caritatis! Qui vult vivere, habet ubi vivat, habet unde vivat. Accedat, credat, incorporetur, ut vivificetur. Non abhorreat a compage membrorum, non sit putre membrum quod resecari mereatur, non sit distortum, de quo erubescatur. Sit pulchrum, sit aptum, sit sanum : hæreat corpori, vivat Deo de Deo. Nunc laboret in terra, ut postea regnet in cælo.

Te Deum laudamus. 17.

AD LAUDES

ET PER HORAS

Ant. 1. Sapiëntia \* ædificavit sibi domum, miscuit vinum, et posuit mensam.

Ps. Dóminus regnávít. *cum reliq.* 18.

2. Angelórum esca \* nutritísti pópulum tuum, et panem de cælo præstitísti eis.

3. Pinguis est panis \* Christi, et præbébit delicias ré-gibus.

4. Sacerdótes sancti \* incénsus et panes ófferunt Deo.

5. Vincénti dabo \* manna abscondítum, et nomen novum.

*Capitulum. I. Cor. 11. e*

**F**RATRES: Ego enim accépi a Dómino, quod et tradidí vobis, quóniam Dóminus Jesus in qua nocte tradébátur, accépit panem, et grátias agens fregít, et dixit: Accípíte, et manducáte: hoc est corpus meum, quod pro vobis tradétur: hoc fácite in meam commemoratióem.

*Hymnus.*

**V**ERBUM supérnum pródiens,  
Nec Patris linquens dexte-  
ram,

Ad opus suum éxiens,  
Venit ad vitæ vésperam.

In mortem a discípulo  
Suis tradéndus æmulis,  
Prius in vitæ férculo  
Se tradidit discipulis.

Quibus sub bina spécie  
Carnem dedit et ságuinem;  
Ut dúplicis substántiæ  
Totum cibáret hóminem.

Se nascens dedit sócium,  
Convéscens in edúlium,  
Se móriens in prétium,  
Se regnans dat in præmíum.

O salutáris hóstia,  
Quæ cæli pandis óstium,  
Bella premunt hostília,  
Da robur, fer auxilium.

Uni trinóque Dómino  
Sit sempitérna glória:  
Qui vitam sine término,  
Nobis donet in pátria.

Amen.

Ÿ. Pósuit fines tuos pacem. *R.* Et ádipe fruménti sátiat te.

*Ad Bened. Ant.* Ego sum \* panis vivus, qui de cælo descéendi: si quis manducáverit ex hoc pane, vivet in ætérnum.

*Oratio.*

**D**EUS, qui nobis sub Sacraménto mirábili passióis tuæ memóriam reliquisti: tribue, quæsumus, ita nos córporis et ságuinis tui sacra mystéria venerári; ut redemptiόnis tuæ fructum in nobis júgiter sentiámus: Qui vivis et regnas.

AD PRIMAM

*In R. br. Ÿ.* Qui natus es de María Virgine.

AD TERTIAM

*Ant.* Angelórum esca.

*Capit.* Fratres: Ego enim.

*R. br.* Panem cæli \* Dedit eis. Panem. Ÿ. Panem Angelórum manducávit homo. Dedit eis. Glória. Panem.

Ÿ. Cibávit illos ex ádipe fruménti. *R.* Et de petra, melle saturávit eos.

*Tempore Paschali.*

*R. br.* Panem cæli dedit eis, \* Allelúia, allelúia. Panem. Ÿ. Panem Angelórum



manducávit homo. Allelúia, allelúia. Glória Patri. Panem cæli.

Ÿ. Cibávit illos ex ádipe fruménti, allelúia. R. Et de petra, melle saturávit eos, allelúia.

AD SEXTAM

Ant. Pinguis est panis.

Capitulum. I. Cor. 11. f

**Q**UOTIESCÚMQUE enim manducábitis panem hunc, et cálicem bibétis : mortem Dómini annuntiábitis, donec véniat.

R. br. Cibávit illos \* Ex ádipe fruménti. Cibávit. Ÿ. Et de petra, melle saturávit eos. Ex. Glória Patri. Cibávit.

Ÿ. Edúcas panem de terra. R. Et vinum lætíficet cor hóminis.

Tempore Paschali.

R. br. Cibávit illos ex ádipe fruménti, \* Allelúia, allelúia. Cibávit. Ÿ. Et de petra, melle saturávit eos. Allelúia, allelúia. Glória Patri. Cibávit.

Ÿ. Edúcas panem de terra, allelúia. R. Et vinum lætíficet cor hóminis, allelúia.

AD NONAM

Ant. Vincéti dabo.

Capitulum. I. Cor. 11. f

**Q**UICÚMQUE manducáverit panem hunc, vel biberit cálicem Dómini indigne : reus erit córporis et ságuinis Dómini.

R. br. Edúcas panem \* De terra. Edúcas. Ÿ. Et vinum lætíficet cor hóminis. De. Glória Patri. Edúcas.

Ÿ. Pósuit fines tuos pacem. R. Et ádipe fruménti sátiat te.

Tempore Paschali.

R. br. Edúcas panem de terra, \* Allelúia, allelúia. Edúcas. Ÿ. Et vinum lætíficet cor hóminis. Allelúia, allelúia. Glória Patri. Edúcas.

Ÿ. Pósuit fines tuos pacem, allelúia. R. Et ádipe fruménti sátiat te, allelúia.

IN II. VESPERIS

Omnia ut in I., præter :

Ÿ. Panem de cælo præstísti eis. R. Omne delectaméntum in se habéntem.

Ad Magnif. Ant. O sacrum convivium, \* in quo Christus súmitur : recólitur memória passiónis ejus : mens implétur grátia : et futúre glóriæ nobis pignus datur.

PRO FERIA VI

OFFICIUM VOTIVUM

DE PASSIONE D. N. J. C.

Semiduplex.

IN I. VESPERIS

Ant. 1. Cálicem salutáris \* accípiam, et nomen Dómini invocábo.

Ps. 115. Crédidi. 130.

2. Cum his \* qui odérunt pacem, eram pacíficus : dum loquébar illis, impugnábant me gratis.

Ps. 119. Ad Dóminum. 131.

3. Ab homínibus \* iníquis libera me Dómine.

Ps. 139. Eripe me Dómine. 141.

4. Custódi me \* a láqueo,

quem statuérunt mihi, et a scándalis operántium iniquitátem.

*Ps. 140.* Dómine clamávi ad te. 141.

5. Considerábam\* ad dexteram, et vidébam, et non erat qui cognósceret me.

*Ps. 141.* Voce mea ad Dóminum. 142.

*Capitulum. Philipp. 2.*

**F**RATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetipsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetipsum, factus obédiens usque ad mortem, mortem autem crucis.

*Hymnus.*

**M**ERÉNTES óculi, spárgite lácrymas,  
Et luctu résonent íntima córdium :

Illátas réfero Númini ab ím-piis

Poenas, et fera vúlne-ra.

Accíncta, heu ! gládiis tur-ba satéllitum

Arréptum Dóminum fústi-bus ímpetit,

Nunc cædit cólaphis, nunc quatit hórridis

Divínium caput íctibus.

Haud finis scéleri : trádi-tur improbo

Christus carnífici : nec mo-ra, bárbarus

In Regem súperum non ti-met ímpio

Ausu vérttere dexteram.

Audíte o pópuli Numen amábile,

Manánte ex húmeris úndi-que sáanguine,

Lictóris rábidi sústinet ím-petum,

Et vocem premit innocens.

Quis non illácrymet? Jam nova cóndidit

Torménta indómitæ gentis iniquitas :

Infigit cérebro, proh dolor ! éfferis

Sertum vépribus ásperum.

Heu crimen ! tráhitur fú-nibus ímprobis

Funésti Dóminus supplicii ad locum ;

Illic oppétiit fúnere, spí-ritum

Patri restituens suo.

Passo pro míseris tam fera vúlnera

In terris résonet débíta gló-ria ;

Sacrúmque assidue nomen in æthera

Humánium genus éfferat.

Amen.

Ÿ. Oblátus est quia ipse voluit. R. Et livóre ejus sanáti sumus.

*Ad Magnif. Ant.* O vos omnes \* qui transítis per viam, atténdite, et vidéte si est dolor sicut dolor meus.

*Orat. ut ad Laudes.* 284\*.

*Ad Complet., et per Ho-ras, in fine Hymn. dicitur :*

Sit laus Patri, ac Paráclito, Natóque Patris único,



Nostræ dedit qui pródigus  
Prétium salútis sánguinem.  
Amen.

AD MATUTINUM

**Invitat.** Christum Regem  
crucifixum, \* Venite, adoré-  
mus.

**Ps.** Veníte, exsultémus. 2.

**Hymnus.**

**A**DSPICE, infámi Deus ipse  
ligno  
Pendet, effúso mádidus cruó-  
re :

Adspice, immíti manus alma  
clavo

Fínditur alte.

Hunc, velut pravi scéleris  
ministrum,

Inter indignos médium latró-  
nes

Cerne : crudélis fuit ista  
gentis

Dira volúntas.

Pallet, heu! vultus; caput  
ecce lassum

Fléctitur : cláuisis óculis Red-  
émptor

Spiritum sacro méritis onú-  
stum

Fundit ab ore.

O cor, æs durum súperas,  
geméndo

Ni scelus tergas; tua culpa  
Christum

Stípit affixit, tua culpa morti  
Súbdidit atræ.

Sit Deo ætérnum decus  
omne in ævum,

Qui pius nostri géneris Red-  
émptor,

Criminis labem míseris no-  
céntem

Sáanguine tersit.

Amen.

IN I. NOCTURNO

**Ant.** Adstitérunt reges  
terræ.

**Psalmus 2.**

**Q**UARE fremuérunt gentes,\*  
et pópuli meditáti sunt  
inánia?

Adslitérunt reges terræ, et  
principes convenérunt in  
unum\* advérsus Dóminum,  
et advérsus Christum ejus.

Dirumpámus víncula eó-  
rum : \* et projiciámus a no-  
bis jugum ipsórum.

Qui hábitat in cælis, irri-  
débit eos : \* et Dóminus  
subsannábit eos.

Tunc loquétur ad eos in  
ira sua : \* et in furóre suo  
conturbábit eos.

Ego áutem constitútus sum  
Rex ab eo super Sion mon-  
tem sanctum ejus, \* prædi-  
cans præcéptum ejus.

Dóminus dixit ad me : \*  
Filius meus es tu, ego hódie  
génui te.

Póstula a me, et dabo tibi  
gentes hereditátem tuam, \*  
et possessióem tuam térmi-  
nos terræ.

Reges eos in virga férrea,\*  
et tamquam vas figuli con-  
fringes eos.

Et nunc reges intelligite : \*  
erudimini qui judicátis ter-  
ram.

Servíte Dómino in timó-  
re : \* et exsultáte ei cum  
tremóre.

Apprehéndite disciplinam,  
nequándo irascátur Dómi-  
nus, \* et pereátis de via justa.

Cum exárserit in brevi ira

ejus, \* beāti omnes, qui confidunt in eo.

*Ant.* Adstitērunt reges terræ, et principes convēnērunt in unum advērsus Dóminum, et advērsus Christum ejus.

*Ant.* Multiplicāti sunt.

*Psalmus 3.*

**D**ÓMINE quid multiplicāti sunt qui tribulant me? \* Multi insúrgunt advērsum me.

Multi dicunt ánimæ meæ : \* Non est salus ipsi in Deo ejus.

Tu áutem Dómine suscēptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormivi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : \* dentes peccatórum contrivisti.

Dómini est salus : \* et super pópulum tuum benedictio tua.

*Ant.* Multiplicāti sunt qui tribulant me; multi insúrgunt advērsum me.

*Ant.* Divisérunt.

*Psalmus 21.*

**D**EUS Deus meus respice in me : quare me dereliquisti? \* longe a salute

mea verba delictórum meórum.

Deus meus clamábo per diem, et non exáudies : \* et nocte, et non ad insipiéntiam mihi.

Tu áutem in sancto hábitas, \* laus Israël.

In te speravérunt patres nostri : \* speravérunt, et liberásti eos.

Ad te clamavérunt, et salvifacti sunt : \* in te speravérunt, et non sunt confúsi.

Ego áutem sum vermis, et non homo : \* oppróbrium hóminum, et abjectio plebis.

Omnes vidéntes me, deriserunt me : \* locúti sunt lábiis, et movérunt caput.

Sperávit in Dómino, eripiat eum : \* salvum fáciat eum, quóniam vult eum.

Quóniam tu es, qui extraxisti me de ventre : \* spes mea ab ubéribus matris meæ. In te projéctus sum ex útero :

De ventre matris meæ Deus meus es tu, \* ne discesseris a me :

Quóniam tribulátio próxima est : \* quóniam non est qui ádjuvet.

Circumdedérunt me vítuli multi : \* táuri pingues obsederunt me.

Aperuérunt super me os suum, \* sicut leo rápiens et rúgiens.

Sicut aqua effúsus sum : \* et dispérsa sunt ómnia ossa mea.



Factum est cor meum tamquam cera liquescens \* in medio ventris mei.

Aruit tamquam testa virtus mea, et lingua mea adhæsit faucibus meis : \* et in pulverem mortis deduxisti me.

Quoniam circumdederunt me canes multi : \* concilium malignantium obsedit me.

Foderunt manus meas et pedes meos : \* dinumeraverunt omnia ossa mea.

Ipsi vero consideraverunt et inspexerunt me : \* divisērunt sibi vestimenta mea, et super vestem meam miserunt sortem.

Tu autem Domine ne elongaveris auxilium tuum a me : \* ad defensionem meam conspice.

Erue a frāmea Deus animam meam : \* et de manu canis unicam meam :

Salva me ex ore leonis : \* et a cornibus unicornium humilitatem meam.

Narrabo nomen tuum fratribus meis : \* in medio ecclesiæ laudabo te.

Qui timētis Dominum, laudate eum : \* universum semen Jacob glorificate eum.

Timeat eum omne semen Israël : \* quoniam non sprexit, neque despexit deprecationem pauperis :

Nec avertit faciē suam a me : \* et cum clamarem ad eum, exaudivit me.

Apud te laus mea in ecclesia magna : \* vota mea

reddam in conspectu timēntium eum.

Edent pauperes, et saturabuntur : et laudabunt Dominum qui requirunt eum : \* vivent corda eorum in sæculum sæculi.

Remiscēntur et convertentur ad Dominum \* universi fines terræ :

Et adorabunt in conspectu ejus \* universæ familiæ gentium.

Quoniam Domini est regnum : \* et ipse dominabitur gentium.

Manducaverunt et adoraverunt omnes pingues terræ : \* in conspectu ejus cadent omnes qui descendunt in terram.

Et anima mea illi vivet : \* et semen meum serviet ipsi.

Annuntiabitur Domino generatio ventura : \* et annuntiabunt cæli justitiam ejus populo qui nascetur, quem fecit Dominus.

**Ant.** Diviserunt sibi vestimenta mea, et super vestem meam miserunt sortem.

**Ÿ.** Oblatus est, quia ipse voluit. **℟̄.** Et livore ejus sarnati sumus.

**Lect. de Script. occur.**

**℟̄. j.** Vineā mea electa, ego te plantavi, dicit Dominus : et tu facta es mihi nimis amara : \* Quia parasti crucem Salvatori tuo. **Ÿ.** Popule meus, quid feci tibi, aut in quo contristavi te? responde mihi. Quia.

**℟̄. ij.** Ego eduxi te de

Ægýpto, demerso Pharaóne in mare Rubrum, et ante te præivi in columna nubis :

\* Et tu me tradidisti principibus sacerdotum, et me duxisti ad prætóríum Piláti.

¶ Pópule meus, quid feci tibi, aut in quo contristávi te? respónde mihi. Et.

¶ *ij.* Ego propter te flagellávi Ægýptum cum primogénitis suis : \* Et tu me flagellátum tradidisti, \* Qui tamquam agnus coram tondente se obmútui, et non aperui os meum. ¶ Pópule meus, quid feci tibi, aut in quo contristávi te? respónde mihi. Et. Glória Patri. Qui tamquam.

In Quadragesima vero, et Feriis Quatuor Temporum, dicuntur sequentes *Lectio- nes.*

De Epístola beáti Páuli Apóstoli ad Romános.

*Lectio j. Cap. 5.*

**C**OMMÉNDAT caritátem suam Deus in nobis : quóniam cum adhuc peccatóres essemus, secúndum tempus, Christus pro nobis mórtuus est : multo igitur magis nunc justificáti in ságuine ipsius, salvi érimus ab ira per ipsum. Si enim cum inimici essemus, reconciliáti sumus Deo per mortem Filii ejus : multo magis reconciliáti, salvi érimus in vita ipsius. Non solum áutem : sed et gloriámur in Deo per Dóminum nostrum Jesum Christum, per quem nunc reconcilia-

tióne accépmus. Si enim unius delicto mors regnávit per unum : multo magis abundántiam grátiae, et donatiónis, et justitiæ accipiéntes, in vita regnábunt per unum Jesum Christum.

¶ Vinea mea. 275\*.

*Lectio ij.*

**I**GITUR, sicut per unius delictum in omnes hómines in condemnatióne : sic et per unius justitiam in omnes hómines in justificatióne vitæ. Sicut enim per inobediéntiam unius hóminis, peccatóres constitúti sunt multi : ita et per unius obedi-ti-ónem, justí constituéntur multi. Lex áutem subintrávit ut abundáret delictum. Ubi áutem abundávit delictum, superabundávit grátia. Ut sicut regnávit peccátum in mortem : ita et grátia regnet per justitiam in vitam ætérnam, per Jesum Christum Dóminum nostrum.

¶ Ego edúxi. 275\*.

*Lectio iij. Cap. 6.*

**Q**UID ergo dicémus? permané-bimus in peccáto ut grátia abúndet? Absit. Qui enim mórtui sumus peccáto, quómodo adhuc vivémus in illo? An ignorátis quia quicúmque baptizáti sumus in Christo Jesu, in morte ipsius baptizáti sumus? Consepúlti enim sumus cum illo per baptismum in mortem : ut quómodo Christus surrexit a mórtuis per glóriam Patris, ita et



nos in novitate vitæ ambulæmus. Si enim complantati facti sumus similitudini mortis ejus : simul et resurrectionis erimus. Hoc scientes, quia vetus homo noster simul crucifixus est, ut destruat corpus peccati, et ultra non serviamus peccato. Qui enim mortuus est, justificatus est a peccato. Si autem mortui sumus cum Christo : credimus quia simul etiam vivemus cum Christo.

*R.* Ego propter. 276\*.

IN II. NOCTURNO

*Ant.* Inimici mei.

*Psalmus 40.*

**B**EATUS qui intelligit super egenum, et pauperem : \* in die mala liberabit eum Dominus.

Dominus conservet eum, et vivificet eum, et beatum faciat eum in terra : \* et non tradat eum in animam inimicorum ejus.

Dominus opem ferat illi super lectum doloris ejus : \* universum stratum ejus versasti in infirmitate ejus.

Ego dixi : Domine miserere mei : \* sana animam meam, quia peccavi tibi.

Inimici mei dixerunt mala mihi : \* Quando morietur, et peribit nomen ejus?

Et si ingrediebatur ut videret, vana loquebatur, \* cor ejus congregavit iniquitatem sibi.

Egrediebatur foras, \* et loquebatur in idipsum.

Adversum me susurrabant omnes inimici mei : \* adversum me cogitabant mala mihi.

Verbum iniquum constituerunt adversum me : \* Numquid qui dormit non adjiciet ut resurgat?

Etenim homo pacis meae, in quo speravi : \* qui edebat panes meos, magnificavit super me supplantationem.

Tu autem Domine miserere mei, et resuscita me : \* et retribuam eis.

In hoc cognovi quoniam voluisti me : \* quoniam non gaudet inimicus meus super me.

Me autem propter innocentiam suscepisti : \* et confirmasti me in conspectu tuo in æternum.

Benedictus Dominus Deus Israël a sæculo, et usque in sæculum : \* fiat, fiat.

*Ant.* Inimici mei dixerunt mala mihi : Quando morietur, et peribit nomen ejus?

*Ant.* Alieni insurrexerunt.

*Psalmus 53.*

**D**EUS in nomine tuo salvum me fac : \* et in virtute tua judica me.

Deus exaudi orationem meam : \* auribus percipe verba oris mei.

Quoniam alieni insurrexerunt adversum me, et fortes quasi erunt animam meam : \* et non proposuerunt Deum ante conspectum suum.

Ecce enim Deus ádjuvat me : \* et Dóminus suscēptor est ánimæ meæ.

Avérte mala inimicis meis : \* et in veritatē tua dispérde illos.

Voluntáriesacrificábo tibi,\* et confitébor nómini tuo Dómine : quóniam bonum est :

Quóniam ex omni tribulatióne eripuisti me : \* et super inimicos meos despexit óculus meus.

*Ant.* Aliéni insurrexérunt in me, et fortes quæsiérunt ánimam meam.

*Ant.* Conculcavérunt me.

*Psalmus 55.*

**M**ISERERE mei Deus, quóniam concuclávít me homo : \* tota die impúgnans tribulávit me.

Conculcavérunt me inimici mei tota die : \* quóniam multi bellántes advérsus me.

Ab altitúdine diéi timébo : \* ego vero in te sperábo.

In Deo laudábo sermónes meos, in Deo sperávi : \* non timébo quid fáciat mihi caro.

Tota die verba mea exsecrabántur : \* advérsus me omnes cogitatiónes eórum in malum.

Inhabitábunt et abscóndent : \* ipsi calcáneum meum observábunt.

Sicut sustinuérunt ánimam meam, pro nihilo salvos fácies illos : \* in ira pópulos confrínges.

Deus, vitam meam annuntiávi tibi : \* posuisti lácrymas meas in conspéctu tuo.

Sicut et in promissióne tua : \* tunc converténtur inimici mei retrórsum :

In quacúmque die invocávero te : \* ecce cognóvi quóniam Deus meus es.

In Deo laudábo verbum, in Dño laudábo sermónem : \* in Deo sperávi, non timébo quid fáciat mihi homo.

In me sunt Deus vota tua, \* quæ reddam, laudatiónes tibi.

Quóniam eripuisti ánimam meam de morte, et pedes meos de lapsu : \* ut pláceam coram Deo in lúmine vivéntium.

*Ant.* Conculcavérunt me inimici mei tota die ; advérsus me omnes cogitatiónes eórum in malum.

*V.* Próprio Filio suo non pepércit Deus. *R.* Sed pro nobis ómnibus trádedit illum.

Sermo sancti Bernárdi Abbátis.

*Feria 4. Hebd. S.*

*Serm. de Passione Domini.*

*Lectio iv.*

**I**N passióne domínica, fratres, tria speciáliter cónvenit intuéri : opus, modum, causam. Nam in ópere quidem patiéntia, in modo humilitas, in cáusa caritas commendátur. Patiéntia autem singuláris, quod videlicet : cum supra dorsum ejus fabricárent peccatóres ; cum sic extenderétur in ligno, ut dinumeraréntur ómnia ossa ejus ; cum fortissimum illud propugnácu-



lum, quod custódit Israël; úndique forarétur; cum foderéntur manus ejus et pedes, sicut agnus ad occisió-nem ductus sit, et tamquam ovis coram tondénte non apéruiť os suum. Non advérsus Patrem múrmurans, a quo missus fúerat; non advérsus humánum genus, pro quo, quæ non rápuit, exsolvébat; non dénique vel contra pópulum ipsum peculiárem sibi, a quo pro tantis beneficiis tanta mala recipébat.

**R.** Ego propter te Chanannæórum reges percússi, et dedi tibi sceptrum regále: \* Et tu dedisti cápiti meo spineam corónam, et percussisti arúndine caput meum. **V.** Pópule meus, quid feci tibi, aut in quo contristávi te? respónde mihi. Et tu dedisti.

### Lectio v.

**M**ODUM ipsum, si diligénter atténdas, non modo mitem, sed et húmílem corde cognósces. Nempe in humilitáte judicium ejus sublátum est, cum nec ad tantas blasphemias, nec ad falsissíma, quæ sibi objiciebántur, crimina respondéret. Vidimus, inquit, eum, et non erat ei adspéctus, nec speciósus forma præ filiis hóminum, sed oppróbrium hóminum et tamquam leprósum, novíssimum virórum, plane virum dolórum a Deo percússum et humiliátum;

ita ut nulla esset ei spécies, neque decor. O novíssimum et altíssimum! O húmílem et sublimem! O oppróbrium hóminum et glóriam Angelórum! Nemo illo sublimior, neque humílior. Dénique sputis illitus est, oppróbriis saturátus est, morte turpíssima condemnátus est, cum scelerátis deputátus est. Nihilque merébitur vel ista humilitas, quæ hunc habet modum, imo quæ tam est ultra modum? Sicut est patiéntia singuláris, sic et humilitas admirábilis; útraque sine exémplo.

**R.** Ego duxi te per désertum quadraginta annis, et manna cibávi te: \* Et tu me cecidísti álapis et flagéllis. **V.** Pópule meus, quid feci tibi, aut in quo contristávi te? respónde mihi. Et tu.

### Lectio vj.

**U**TRÁMQUE tamen magnífice cáusa ipsa comméndat, nimirum caritas est. Propter nímiám enim caritátem suam, qua diléxit nos Deus, ut servum redímeret, nec Pater Filio, nec sibi Fílius ipse pepércit. Vere nímiám, quia et hæc mensúram excédit, modum súperat, plane superéminens univérsis. Majórem, inquit, caritátem nemo habet, quam ut ánimam suam ponat quis pro amicis suis. Tu majórem habuísti Dómine, ponens eam étiam pro inimicis. Cum enim adhuc inimíci essé-

mus, per mortem tuam et tibi reconciliáti sumus et Patri. Quænam ergo ália vidébitur esse, vel fuisse, vel fore huic similis caritáti? Vix pro justo quis móritur. Tu pro injústis passus es, móriens propter delicta nostra, qui venisti justificáre gratis peccatóres, servos fácere fratres, captivos coherédes, éxsules reges.

**R.** Ego exaltávi te magna virtúte : \* Et tu me suspendisti in patibulo crucis, \* In qua expándi manus meas ad pópulum non credéntem et contradicéntem. **V.** Pópule meus, quid feci tibi, aut in quo contristávi te? respónde mihi. Et tu. Glória Patri. In qua.

IN III. NOCTURNO

**Ant.** Filii hóminum.

**Psalmus 56.**

**M**ISERÉRE mei Deus, miserere mei : \* quóniam in te confidit ánima mea.

Et in umbra alárum tuárum sperábo, \* donec tráns-eat iníquitas.

Clamábo ad Deum altíssimum : \* Deum qui benefécit mihi.

Misit de cælo, et liberávit me : \* dedit in oppróbrium conculcántes me.

Misit Deus misericórdiam suam, et veritátem suam, \* et eripuit ánimam meam de médio catulórum leónum : dormivi conturbátus.

Filii hóminum dentes eórum arma et sagittæ : \* et

lingua eórum gládus acútus.

Exaltáre super cælos Deus : \* et in omnem terram glória tua.

Láqueum paravérunt pédibus meis : \* et incurvavérunt ánimam meam.

Fodérunt ante fáciem meam fóveam : \* et incidérunt in eam.

Parátum cor meum Deus, parátum cor meum : \* cantábo, et psalmum dicam.

Exsúrge glória mea, exsúrge psaltérium et cithara : \* exsúrgam dilúculo.

Confitébor tibi in pópulis Dómine : \* et psalmum dicam tibi in géntibus :

Quóniam magnificáta est usque ad cælos misericórdia tua, \* et usque ad nubes véritas tua.

Exaltáre super cælos Deus : \* et super omnem terram glória tua.

**Ant.** Filii hóminum dentes eórum arma et sagittæ, et lingua eórum gládus acútus.

**Ant.** Intendérunt arcum.

**Psalmus 63.**

**E**XÁUDI Deus oratióem meam cum deprecor : \* a timóre inimíci éripe ánimam meam.

Protexisti me a convéntu malignántium : \* a multítudine operántium iniquitátem.

Quia exacuérunt ut gládium linguas suas : \* intendérunt arcum rem amáram,



ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut abscónderent láqueos : \* dixerunt : Quis vidébit eos?

Scrutáti sunt iniquitátes : \* defecerunt scrutántes scrutinio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmátæ sunt contra eos linguae eórum.

Conturbáti sunt omnes qui vidébant eos : \* et timuit omnis homo.

Et annuntiavérunt ópera Dei : \* et facta ejus intellexerunt.

Lætábitur justus in Dómino, et sperábit in eo : \* et laudabúntur omnes recti corde.

**Ant.** Intendérunt arcum rem amáram, ut sagittent in occúltis immaculátum.

**Ant.** Factus sum.

**Psalmus 87.**

**D**ÓMINE Deus salutis meæ : \* in die clamávi, et nocte coram te.

Intret in conspéctu tuo orátio mea : \* inclína áurem tuam ad precem meam :

Quia repléta est malis ánima mea : \* et vita mea inférno appropinquávit.

Æstimátus sum cum descendéntibus in lacum : \*

factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : \* et ipsi de manu tua repúlsi sunt.

Posuérunt me in lacu inferióri : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuérunt me abominationem sibi.

Tráditus sum, et non egrediébar : \* óculi mei languerunt præ inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabilia : \* aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, \* et veritátem tuam in perditiónem?

Numquid cognoscéntur in ténebris mirabilia tua : \* et justitia tua in terra obliviónis?

Et ego ad te Dómine clamávi : \* et mane orátio mea præveniet te.

Ut quid Dómine repéllis oratióem meam : \* avértis faciém tuam a me?

Páuper sum ego, et in labóribus a juventúte mea : \* exaltátus áutem, humiliátus sum et conturbátus.

In me transiérunt iræ tuæ : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum, et próximum : \* et notos meos a miséria.

**Ant.** Factus sum sicut homo sine adjutório, inter mórtuos liber.

**Y.** Factus est obédiens usque ad mortem. **R.** Mortem autem crucis.

Léctio sancti Evangélíi secúndum Joánnem.

**Lectio vij. Cap. 19. f**

**I**N illo témpore : Sciens Jesus, quia ómnia consummata sunt, ut consummaretur Scriptúra, dixit : Sitio. Et reliqua.

Homília sancti Cyrilli Episcopi Alexandríni.

**Comment. in Joann. Lib. 12. cap. 35.**

**C**UM truculénter ómnia impietáte Judæórum essent perácta, nec quidquam ad summam crudelitátem deesset, tandem sanctíssima caro Christi naturále quid pátitur. Multis enim, ac váriis dolóribus exsiccáta, siti torquétur. Multum enim possunt dolóres ad commovéndam sitim; innátum enim calórem exagitántes, vel, quod in profunditáte húmidum est, consúmunt et ígneis ardóribus doléntis viscera urunt. Sicut igitur cæteras

passiões, sic hanc étiam sponte Christus perpéssus est. Bibere igitur petit : illi autem ádeo longe ab omni humanitáte áberant, ut pro juvánte potu atque jucúndo nocéntem et acérbum attúlerint, et humanitátem, qua movéri videbántur, in impietátem convérterint. Nam cum peténti dabant, caritátis hábitum suscipere videbántur; sed non est possibile mentíri Scriptúram, in qua ex persóna Christi dicitur : Et dedérunt in escam meam fel, et in siti mea potavérunt me acéto.

**R.** Ego te potávi aqua salútis de petra : \* Et tu me potásti felle et acéto. **V.** Pópule meus, quid feci tibi, aut in quo contristávi te? respónde mihi. Et tu me.

**Lectio viij. Idem cap. 36.**

**C**UM ergo accepisset Jesus acétum, dixit : Consummátum est : et inclináto cápite trádidit spiritum. Consummátum jam esse Salvátor dicit, quia sæviéndi Judæórum potéstas in ipsum per mortem suam términum hábuit. Quid enim non excoGITárum, aut quid suprémæ inhumanitátis relictum sibi est? Quis cædéndi, quis contumeliándi modus non adhibitus? Mérito igitur consummátum esse, ait. Cumque tempus jam esset, ut étiam spirítibus apud inferos prædicáret (venit enim, ut tam vivórum quam mortuórum



dominarétur), mortem pro nobis suscepit : et hanc naturæ nostræ propriam passionem sponte subiit secundum carnem, quamvis, ut Deus vita naturaliter sit, ut spoliatis inferis, primitiæ dormientium, et primogenitus (ut Scripturæ dicunt) mortuorum factus, recurrens ad vitam naturæ nostræ largirétur.

**R.** Ego ante te aperui mare : \* Et tu aperuisti lancea latus Salvatori tuo, \* Qui redemit mundum in sanguine suo. **V.** Pópule meus, quid feci tibi, aut in quo contristavi te? responde mihi. Et. Glória Patri. Qui.

#### Lectio ix.

**I**NCLINÁVIT igitur caput. Accidit enim morientibus, vigóre carnis jam consumpto et ánima, quæ corpus retinet, abeunte, inclinatio capitis. Quamóbrem verbis hoc modo usus Evangelista est. Sic et tradidisse spiritum, a consuetudine nostra sibi dictum est; multi enim sic exstingui, et mori dicuntur. Quamvis mihi videatur ideo non simpliciter mortuum esse, sed tradidisse spiritum Evangelista dixisse; quia in manus Dei Patris animam suam commendavit, ut ipse dixit : Pater! in manus tuas commendo spiritum meum. Quod nobis magnæ spei fundamentum, atque originem præbet.

Te Deum laudamus. 17.

#### AD LAUDES

#### ET PER HORAS

**Ant. 1.** Fui flagellátus \* tota die, et castigatio mea in matutinis.

**Ps.** Dóminus regnávít. cum reliq. 18.

**2.** Veni ad montem myrrhæ \* et ad collem thuris; tamquam agnus ad occisionem ductus, obmutui, et non aperui os meum.

**3.** Foderunt manus meas \* et pedes meos : dinumeraverunt ómnia ossa mea.

**4.** Consolántem me \* quæsivi, et non invéni : dederunt in escam meam fel, et in siti mea potaverunt me aceto.

**5.** Cum accepisset Jesus \* acétum, dixit : Consummátum est; et inclinató cápite, emisit spiritum.

#### Capitulum. Philipp. 2.

**F**RATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetipsum exinanivit, formam servi accipiens, in similitudinem hóminum factus, et hábitu inventus ut homo. Humiliávit semetipsum, factus obédiens usque ad mortem, mortem autem crucis.

#### Hymnus.

**S**ÆVO dolórum túrbine  
Jactátur, atris óbrutus  
Pœnis, acérba sústinens  
Redemptor affixus cruci.

Pedes manúsque horribili  
Clavi cruéntant vúlnerē :  
Cor, vultus, artus, pectora  
Sacro redúndant sáanguine.

Flet, orat, et clamans obit :  
Cor Matris ictum cóncidit :  
Heu Mater ! heu Fili ! do-  
lor

Ingráta frangat pectora.

Montes, sepúlcrā, sáxa-  
que  
Scindúntur : arva, flúmina,  
Rupes, et æquor cóntre-  
munt,

Templique velum scinditur.

Sol, luna, cælum, sidera  
Plangunt, et orbis íngemit :  
O vos viri, vos párvuli,  
Nuptæ, puéllæ, plángite.

Adstáte mœréntes cruci,  
Pedes beátos úngite,  
Laváte fletu, térgite  
Comis, et ore lámbite.

Tu caritátis victima,  
Ut nostra tollas crimina,  
Nobis salúbri pérfcis  
Adoptiόνem sáanguine.

Nostra ergo pax et gáu-  
dium

Sis vita, Jesu, et præmium ;  
Sis ductor et lux in via,  
Merces, coróna in pátria.

Amen.

Ÿ. Ipse vulnerátus est pro-  
pter iniquitátes nostras. R.  
Et attritus est propter scé-  
lera nostra.

Ad Bened. Ant. Ad Jesum  
autem \* cum venissent, ut  
vidérunt eum jam mórtuum,  
non fregérunt ejus crura ;  
sed unus militum lancea la-  
tus ejus apérui, et continuo  
exívit sanguis et aqua.

### Oratio.

**D**ÓMINE Jesu Christe, qui  
de cælis ad terram de  
sinu Patris descendisti, et  
sáanguinem tuum pretiósus  
in remissiόνem peccatórum  
nostrórum fudisti : te humi-  
liter deprecámur ; ut in die  
judicii, ad dexteram tuam  
audire mereámur : Venite  
benedicti : Qui vivis et re-  
gnas.

### AD PRIMAM

In R. br. Ÿ. Qui pro nobis  
pati dignátus es.

### AD TERTIAM

Ant. Veni ad montem myr-  
rhæ.

Capit. Fratres : Hoc enim.  
ut supra.

R. br. Oblátus est, \* Quia  
ipse vóluit. Oblátus est. Ÿ.  
Et livóre ejus sanáti sumus.  
Quia. Glória Patri. Oblátus  
est.

Ÿ. Próprio Filio suo non  
pepércit Deus. R. Sed pro no-  
bis ómnibus trádidit illum.

### Tempore Paschali.

R. br. Oblátus est, quia  
ipse vóluit, \* Allelúia, alle-  
lúia. Oblátus est. Ÿ. Et li-  
vóre ejus sanáti sumus. Al-  
lelúia, allelúia. Glória Patri.  
Oblátus est.

Ÿ. Próprio Filio suo non  
pepércit Deus, allelúia. R.  
Sed pro nobis ómnibus trá-  
didit illum, allelúia.

### AD SEXTAM

Ant. Fodérunt manus meas.

### Capitulum. Zach. 13.

**Q**UID sunt plagæ istæ in  
medio mánuum tuárum ?



Et dicet : His plagátus sum in domo eórum qui diligébant me.

**R. br.** Próprio Filio suo \* Non pepércit Deus. Próprio. **V.** Sed pro nobis ómnibus trádidit illum. Non. Glória Patri. Próprio.

**V.** Factus est obédiens usque ad mortem. **R.** Mortem áutem crucis.

**Tempore Paschali.**

**R. br.** Próprio Filio suo non pepércit Deus, \* Allelúia, allelúia. Próprio Filio. **V.** Sed pro nobis ómnibus trádidit illum. Allelúia, allelúia. Glória Patri. Próprio Filio.

**V.** Factus est obédiens usque ad mortem, allelúia. **R.** Mortem áutem crucis, allelúia.

**AD NONAM**

**Ant.** Cum accepisset Jesus.

**Capitulum. Is. 53.**

**G**ENERATIONEM ejus qui enarrábit? Quia abscisus est de terra vivéntium : propter scelus pópuli mei percússi eum.

**R. br.** Factus est obédiens\* Usque ad mortem. Factus.

**V.** Mortem áutem crucis. Usque. Glória Patri. Factus.

**V.** Ipse vulnerátus est propter iniquitátes nostras. **R.** Et attritus est propter scélera nostra.

**Tempore Paschali.**

**R. br.** Factus est obédiens usque ad mortem, \* Allelúia, allelúia. Factus est. **V.** Mortem áutem crucis. Alle-

lúia, allelúia. Glória Patri. Factus est.

**V.** Ipse vulnerátus est propter iniquitátes nostras, allelúia. **R.** Et attritus est propter scélera nostra, allelúia.

**IN II. VESPERIS**

**Omnia ut in I. Vesperis, præter seq.**

**V.** Ipse vulnerátus est propter iniquitátes nostras. **R.** Et attritus est propter scélera nostra.

**Ad Magnif. Ant.** Depónens Joseph\* corpus Jesu, invólvit síndone, et pósuit eum in monuménto exciso. Fuit planctus magnus in illa die ; mulieres áutem sedéntes contra sepúlcrum dolébant, sicut doléri solet in morte primogéniti.

**PRO SABBATO**

**OFFICIUM VOTIVUM**

**DE IMMAC. CONCEPT. B. M. V.**

**Semiduplex.**

**Ant. et Capit. de Laud.** 291\* ; **Pss. ut in Festis B. M. V. per annum.** 158\*.

**Hymn.** Ave maris stella. 160\*.

**V.** Immaculáta Concéptio tua, Dei Génitrix Virgo. **R.** Gáudium annuntiávit univérso mundo.

**Ad Magnif. Ant.** Beátam me dicent\* omnes generatiónes, quia fecit mihi magna, qui potens est, allelúia.

**Orat. ut ad Laud.** 291\*.

**Ad Complet. et alias Ho-**

ras, in fine omnium Hymnorum dicitur :

Jesu tibi sit glória,  
Qui natus es de Virgine.

AD MATUTINUM

**Invit.** Immaculátam Conceptionem Virginis Mariæ celebrémus : \* Christum ejus Filium adorémus Dóminum.

**Ps.** Veníte, exsultémus. 2.

**Hymnus.**

**P**RÆCLÁRA custos vírginum,  
Intácta mater Núminis,  
Cæléstis áulæ jánuā,  
Spes nostra, cæli gáudium.

Inter rubéta lílium,  
Colúmba formosíssima,  
Virga e radíce gérmínans  
Nostro medélam vúlneri.

Turris draconí impérvia,  
Amica stella náufragis,  
Tuére nos a fráudibus,  
Tuáque luce dirige.

Erróris umbras discute,  
Syrtes dolósas ámove,  
Fluctus tot inter, déviis  
Tutam reclúde sémitam.

Jesu tibi sit glória,  
Qui natus es de Virgine,  
Cum Patre, et almo Spíritu,  
In sempitérna sæcula. Amen.

IN I. NOCTURNO

**Ant.** Admirábile est \* nomen tuum Dómine in universa terra, quia in Virgine María dignum tibi habitáculum præparásti.

**Pss. trium Noct. ut in Fest. B. M. V. per annum.** 161\*.

**Ant.** In sole pósuit \* Deus tabernáculum suum.

**Ant.** In Conceptione sua \* accépit María benedictiónem

a Dómino, et misericórdiam a Deo salutári suo.

**V.** Deus omnípotens præcínxit me virtúte. **R.** Et pósuit immaculátam viam meam.

**Lect. de Script. occur.**

**R. j.** Per unum hóminem peccátum in hunc mundum intrávit, in quo omnes peccavérunt. \* Ne timeas María, invenisti grátiam apud Deum. **V.** Eripuit Dóminus ánimam tuam de morte, et contra inimicum factus est protéctor tuus. Ne timeas.

**R. ij.** Transíte ad me omnes, qui concupiscitis me: \* Et narrábo vobis, quanta fecit Deus ánimæ meæ. **V.** Vivit Dóminus, quóniam adimplévit in me misericórdiam suam. Et.

**R. iij.** Elécta mea cándida sicut nix in Líbano; sicut favus distillans lábia ejus: \* Mel et lac sub lingua illius. **V.** Veni de Líbano sponsa mea, veni, coronáberis corónā gratiárum. Mel. Glória Patri. Mel.

**In Quadragesima vero et Sabbatis Quatuor Temp. dicuntur sequentes Lect.**

De libro Génesis.

**Lectio j. Cap. 3.**

**S**ERPENS erat callídior cunctis animántibus terræ quæ fécerat Dóminus Deus. Qui dixit ad mulierem: Cur præcépít vobis Deus, ut non comederétis de omni ligno paradisi? Cui respóndit mulier: De fructu lignórum,



quæ sunt in paradiso, vescimur : de fructu vero ligni, quod est in medio paradisi, præcepit nobis Deus, ne comederemus, et ne tangeremus illud, ne forte moriamur. Dixit autem serpens ad mulierem : Nequâquam morte moriemini. Scit enim Deus, quod in quocumque die comederitis ex eo, aperientur oculi vestri : et eritis sicut dii, scientes bonum et malum.

℟. Per unum. 286\*.

Lectio ij.

**V**IDIT igitur mulier, quod bonum esset lignum ad vescendum, et pulchrum oculis, ad spectumque delectabile : et tulit de fructu illius, et comedit : deditque viro suo, qui comedit. Et aperti sunt oculi amborum ; cumque cognovissent, se esse nudos, consueverunt folia ficus, et fecerunt sibi perizômata. Et cum audissent vocem Domini Dei deambulantis in paradiso ad auram post meridiem, abscondit se Adam et uxor ejus a facie Domini Dei in medio ligni paradisi.

℟. Transite. 286\*.

Lectio iij.

**V**OCAVITQUE Dominus Deus Adam, et dixit ei : Ubi es? Qui ait : Vocem tuam audivi in paradiso ; et timui, eo quod nudus essem, et abscondi me. Cui dixit : Quis enim indicavit tibi, quod nudus esses, nisi quod ex

ligno de quo præceperam tibi ne comederes, comeditisti? Dixitque Adam : Mulier, quam dedisti mihi sociam, dedit mihi de ligno, et comedi. Et dixit Dominus Deus ad mulierem : Quare hoc fecisti? Quæ respondit : Serpens decipit me, et comedi. Et ait Dominus Deus ad serpentem : Quia fecisti hoc, maledictus es inter omnia animantia, et bestias terræ : super pectus tuum gradieris, et terram comedes cunctis diebus vitæ tuæ. Inimicitias ponam inter te et mulierem, et semen tuum et semen illius : ipsa conteret caput tuum, et tu insidiaberis calcaneo ejus.

℟. Elécta mea. 286\*.

IN II. NOCTURNO

**Ant.** Diffusa est \* grátia in Conceptione ejus, et speciosa apparuit inter filias hominum.

**Ant.** Adjúvit eam \* Deus mane dilúculo ; sanctificávit tabernáculum suum Altissimus.

**Ant.** Gloriósa \* dicta sunt de te civitas Dei : fundávit te Dñs in montibus sanctis.

℣. In hoc cognóvi, quóniam voluisti me. ℟. Quóniam non gaudébit inimicus meus super me.

Ex Bulla dogmática Pii  
Papæ noni.

Lectio iv.

**I**PSÍSSIMA verba, quibus divinæ Scripturæ de increata Sapientia loquuntur,

ejusque sempiternas origines repræsentant, consuevit (Ecclësia) tum in ecclesiasticis officiis, tum in sacrosancta liturgia adhibere et ad illius Virginis primordia transferrere, quæ uno eodemque decreto cum divinæ Sapientiæ incarnatione fuerant præstituta. Quamvis autem hæc omnia penes fideles ubique prope recepta ostendant, quo studio ejusmodi de Immaculata Virginis Conceptione doctrinam ipsa quoque Romæ Ecclësia omnium ecclesiarum mater et magistra fuerit prosecuta, tamen illustria hujus Ecclësiae facta digna plane sunt, quæ nominatim recensentur, cum tanta sit ejusdem Ecclësiae dignitas atque auctoritas, quanta illi omnino debetur, quæ est catholicæ veritatis et unitatis centrum, in qua solum inviolabiliter fuit custodita religio, et ex qua traducem fidei reliquæ omnes ecclésiæ mutuuntur oportet.

*R.* Ego ex ore Altissimi prodivi, primogenita ante omnem creaturam: ego feci in cælis, ut oriretur lumen indeficiens. \* Nondum erant abyssi, et ego jam concepta eram. *V.* Deus enim creavit me in justitia, et apprehendit manum meam, et servavit me. Nondum.

*Lectio v.*

**I**TAQUE eadem Romæ Ecclësia nihil potius habuit,

quam eloquentissimis quibusque modis Immaculatam Virginis Conceptionem, ejusque cultum et doctrinam assere, tueri, promovere et vindicare. Enim vero Prædecessores Nostri vehementer gloriati sunt, Apostolica sua auctoritate festum Conceptionis in Romæ Ecclësia instituire, ac proprio Officio, propriæque Missa, quibus prærogativa immunitatis ab hereditaria labe manifestissime asserebatur, augere, honestare et cultum jam institutum omni ope promovere, amplificare, sive erogatis indulgentiis, sive facultate tributa civitatibus, provinciis regnisque, ut Deiparam sub titulo Immaculatae Conceptionis patronam sibi deligerent, sive comprobatis sodalitatibus, congregationibus, religiosisque familiis ad Immaculatae Conceptionis honorem institutis, sive laudibus eorum pietati delatis, qui monasteria, xenodochia, altaria, templa sub Immaculati Conceptus titulo erexerint, aut sacramenti religione interposita Immaculatam Deiparae Conceptionem strenue propugnare spoponderint.

*R.* Nihil inquinatum in eam incurrit: \* Candor est lucis æternæ et speculum sine macula. *V.* Est enim hæc speciosior sole, et luci comparata invenitur purior. Candor.



Lectio vj.

**I**NSUPER summopere lætati sunt decernere Conceptionis festum ab omni ecclesia esse habendum eodem censu ac numero, quo festum Nativitatis, idemque Conceptionis festum cum octava ab universa Ecclesia celebrandum, et ab omnibus inter ea, quæ præcepta sunt, sancte colendum, ac pontificiam capellam in patriarchali Nostra Liberiána basilica die Virginis Conceptionis sacro quotannis esse peragendam. Atque exoptantes in fidelium animis quotidie magis fovère hanc de Immaculata Deiparæ Conceptione doctrinam, eorumque pietatem excitare ad ipsam Virginem, sine labe originali conceptam colendam et venerandam, gavisi sunt quam libentissime facultatem tribuere, ut in Lauretanis Litanis, et in ipsa Missæ Præfatione Immaculatus ejusdem Virginis proclamaretur Conceptus, atque adeo lex credendi ipsa supplicandi lege statueretur.

℟. Signum magnum apparuit in cælo: Mulier amicta sole, et luna sub pedibus ejus: \* Et in capite ejus corona stellarum duodecim.   
 V. Induit eam Dominus vestimentis salutis, indumento justitiæ, et quasi sponsam ornavit eam monilibus suis. Et. Glória Patri. Et.

IN III. NOCTURNO

**Ant.** Sanctimonia et magnificèntia \* in Conceptione ejus; annuntiáte in ómnibus pópulis glóriam ejus.

**Ant.** Lætámini omnes \* in Dómino, et confitémini memóriæ sanctitátis ejus.

**Ant.** Notum fecit \* Dóminus opus suum: in conspectu gèntium revelávit glóriam Genitricis suæ.

V. Exaltábo te Dómine, quóniam suscepisti me. **R.** Nec delectásti inimicos meos super me.

Lectio sancti Evangélíi secúndum Lucam.

Lectio vij. Cap. 1. c

**I**N illo témpore: Missus est Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginis María. Et reliqua.

Homília sancti Bernárdi Abbátis.

**Ex Homil. 2. super Missus.**

**L**ÆTARE, pater Adam, sed magis tu, o Heva mater, exsulta, qui, sicut ómnium paréntes, ita ómnium fuístis peremptóres; et quod infelicius est, prius peremptóres, quam paréntes. Ambo, inquam, consolámini super filia, et tali filia; sed illa ámplius de qua malum ortum est prius, cujus oppróbrium in omnes pertransivit mulieres. Instat namque tempus, quo jam tollátur oppró-

brium, nec hábeat vir quid causétur advérsus féminam: qui útique, dum se imprudénter excusáre conarétur, crudéliter illam accusáre non cunctátus est, dicens: Múlier quam dedisti mihi, dedit mihi de ligno, et comédi. Proptérea curre Heva ad Mariám; curre mater ad filiam; filia pro matre respóndeat: ipsa matris oppróbrium áuferat: ipsa patri pro matre satisfáciat: quia ecce si vir cécidit per féminam, jam non erigitur nisi per féminam.

**R.** Hortus conclúsus soror mea sponsa, hortus conclúsus, fons signátus: \* Emisiones tuæ paradísus, o María. **V.** Aperi mihi, soror mea, amica mea, colúmba mea, immaculáta mea. Emisiones.

**Bened.** Cujus festum cólimus, ipsa Virgo virginum.

*Lectio viij.*

**Q**UID dicébas, o Adam? Múlier quam dedisti mihi, dedit mihi de ligno, et comédi. Verba malitiæ sunt hæc quibus magis áugeas quam déleas culpam. Verúmtamen Sapiéntia vicit malitiam, cum occasiónem véniæ, quam a te Deus interrogádo elicere tentávit, sed non pótuit, in thesauro indeficiéntis suæ pietátis invénit. Rédditur nempe fémina pro fémina, prudens pro fátua, húmilis pro supérba, quæ pro ligno mortis

gustum tibi pórrigat vitæ, et pro venenóso cibo illo amaritúdinis dulcédinem páriat fructus ætérni. Muta ergo iniquæ excusatiónis verbum in vocem gratiárum actiúnis, et dic: Dómine, múlier quam dedisti mihi, dedit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est Angelus ad Virginem. O admirándam et omni honóre digníssimam Virginem; o féminam singulariter venerándam, super omnes féminas admiráblem, paréntum reparatricem, posterórum vivificatricem.

**R.** Magnificat ánima mea Dóminum, \* Quia fecit mihi magna qui potens est, et sanctum nomen ejus. **V.** Ecce enim ex hoc beátam me dicent omnes generatiónes. Quia. Glória Patri. Quia.

*Lectio ix.*

**Q**UAM tibi áliam prædixisse Deus vidétur, quando ad serpéntem ait: Inimicitias ponam inter te et mulierem? Et si adhuc dúbitas, quod de María dixerit, áudi quod séquitur: Ipsa cónteretur caput tuum. Cui hæc serváta victória est, nisi Mariæ? Ipsa procul dubio caput contrívit venenátum, quæ omnimodam maligni suggestiúnem tam de carnis illécebra, quam de mentis



superbia deduxit ad nihilum. Quam vero aliam Salomon requirebat, cum dicebat : Mulierem fortem quis inveniet? Noverat quippe vir sapiens hujus sexus infirmitatem, fragile corpus, lubricam mentem. Quia tamen et Deum legerat promisisse, et ita videbat congruere, ut qui vicerat per feminam, vinceretur per ipsam, vehementer admirans aiebat : Mulierem fortem quis inveniet? Quod est dicere : si ita de manu feminae pendet et nostra omnium salus, et innocentiae restitutio, et de hoste victoria : fortis omnino necesse est ut provideatur, quae ad tantum opus possit esse idonea.

Te Deum laudamus. 17.

AD LAUDES

ET PER HORAS

**Ant. 1.** Tota pulchra \* es Maria, et macula originalis non est in te.

**Psalm.** Dominus regnavit. 18.

**2.** Vestimentum tuum \* candidum quasi nix, et facies tua sicut sol.

**3.** Tu gloria Jerusalemm, \* tu laetitia Israel, tu honorificentia populi nostri.

**4.** Benedicta es tu, \* Virgo Maria, a Domino Deo excelsio praee omnibus mulieribus super terram.

**5.** Trahe nos \* Virgo immaculata, post te curremus in odorem unguentorum tuorum.

**Capitulum.** Prov. 8.

**D**OMINUS possedit me in initio viarum suarum, antequam quidquam faceret a principio. Ab aeterno ordinata sum, et ex antiquis, antequam terra fieret. Non dum erant abyssi, et ego jam concepta eram.

**Hymnus.**

**O** GLORIOSA virginum, Sublimis inter sidera, Qui te creavit, parvulum Lactente nutris ubere.

Quod Heva tristis abstulit, Tu reddis almo germine : Intrent ut astra flebiles, Caeli recludis cardines.

Tu Regis alti janua, Et aula lucis fulgida : Vitam datam per Virginem Gentes redemptae plaudite.

Jesu tibi sit gloria, Qui natus es de Virgine, Cum Patre, et almo Spiritu Insempiternasacula. Amen.

**V.** Immaculata Conceptio tua, Dei Genitrix Virgo. **R.** Gaudium annuntiavit universo mundo.

**Ad Bened. Ant.** Ait Dominus Deus \* ad serpentem : Inimicitias ponam inter te et mulierem, et semen tuum et semen illius : ipsa conteret caput tuum, alleluia.

**Oratio.**

**D**EUS, qui per Immaculatam Virginis Conceptionem dignum Filio tuo habitaculum preparasti : quaesumus ; ut, qui ex morte ejusdem Filii tui praevisa eam ab omni labe praeser-

292\* **Officium votivum de Immac. Concept. B. M. V.**

vásti, nos quoque mundos  
ejus intercessióne ad te per-  
venire concédas. Per eúm-  
dem Dóminum.

AD PRIMAM

In **R.** brevi dicitur **V.** Qui  
natus es de María Vírgine.

AD TERTIAM

**Ant.** Vestiméntum tuum.

**Capitulum.** Prov. 8.

**D**ÓMINUS possédit me in  
ínitio viárum suárum,  
ántequam quidquam fáceret  
a principio. Ab ætérno ordi-  
náta sum, et ex antiquis,  
ántequam terra fieret. Non-  
dum erant abyssi, et ego jam  
concépta eram.

**R.** br. Deus omnípotens  
\* Præcínxit me virtúte. Deus  
omnípotens. **V.** Et pósuit  
immaculátam viam meam.  
Præcínxit me. Glória. Deus.

**V.** In hoc cognóvi, quó-  
niam voluisti me. **R.** Quó-  
niam non gaudébit inimícus  
meus super me.

**Tempore Paschali.**

**R.** br. Deus omnípotens  
præcínxit me virtúte, \* Alle-  
lúia, allelúia. Deus. **V.** Et  
pósuit immaculátam viam  
meam. Allelúia, allelúia.  
Glória Patri. Deus.

**V.** In hoc cognóvi, quó-  
niam voluisti me, allelúia. **R.**  
Quóniam non gaudébit inimi-  
cus meus super me, allelúia.

AD SEXTAM

**Ant.** Tu glória Jerúsa-  
lem.

**Capitulum.** Ezech. 44.

**P**ORTA hæc cláusa erit, non  
aperiétur, et vir non in-

trábit per eam, quóniam  
Dóminus Deus Israël ingrés-  
sus est per eam : eritque  
cláusa principi. Princeps  
ipse sedébit in ea.

**R.** br. In hoc cognóvi, \*  
Quóniam voluisti me. In hoc  
cognóvi. **V.** Quóniam non  
gaudébit inimícus meus su-  
per me. Quóniam. Glória  
Patri. In.

**V.** Exaltábo te Dómine,  
quóniam suscepisti me. **R.**  
Nec delectásti inimícos meos  
super me.

**Tempore Paschali.**

**R.** br. In hoc cognóvi,  
quóniam voluisti me, \* Al-  
lelúia, allelúia. In hoc. **V.**  
Quóniam non gaudébit ini-  
mícus meus super me. Alle-  
lúia, allelúia. Glória Patri.  
In hoc.

**V.** Exaltábo te Dómine,  
quóniam suscepisti me, al-  
lelúia. **R.** Nec delectásti ini-  
mícos meos super me, alle-  
lúia.

AD NONAM

**Ant.** Trahe nos.

**Capitulum.** Apoc. 12.

**S**IGNUM magnum appáruit  
in cælo : Múlier amicta  
sole, et luna sub pédibus  
ejus, et in cápite ejus coróna  
stellárum duódecim.

**R.** br. Exaltábo te Dómine,  
\* Quóniam suscepisti me.  
Exaltábo. **V.** Nec delectásti  
inimícos meos super me.  
Quóniam. Glória Patri. Exal-  
tábo.

**V.** Immaculáta Concéptio  
tua, Dei Génitrix Virgo. **R.**



Gáudium annuntiávit univérso mundo.

**Tempore Paschali.**

**R. br.** Exaltábo te Dómine, quóniam suscepisti me, \* Allelúia, allelúia. Exaltábo.

**V.** Nec delectásti inimicos meos super me. Allelúia, allelúia. Glória Patri. Exaltábo.

**V.** Immaculáta Concéptio tua Dei Génitrix Virgo, allelúia. **R.** Gáudium annuntiávit univérso mundo, allelúia.

**IN II. VESPERIS**

**Omnia ut in I. Vesp., præter :**

**Ad Magnif. Ant.** Sancta María, \* succurre miseris, juva pusillánimes, réfove flébiles, ora pro pópulo, intérvieni pro clero, intercéde pro devóto femíneo sexu : séntiant omnes tuum juvámén, quicúmque célebrant tuam sanctam Immaculátam Conceptionem.

**PRO FERIA III (ROMÆ)**

**OFFICIUM VOTIVUM**

**DE SS. APOST. PETRO ET PAULO**

**Semiduplex.**

**Omnia de Comm. Apost. 1\*, vel 23\*, pro diversitate temporis, præter seq.**

**IN UTRISQUE VESPERIS**

**V.** Constitues eos príncipes super omnem terram. **R.** Mémoires erunt nóminis tui Dómine.

**Ad Magnif. Ant.** Petrus Apóstolus, \* et Páulus Doctor géntium, ipsi nos docuérunt legem tuam Dómine.

**Oratio.**

**D**EUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Páulum, tértio naufragántem, de profúndo pélagi liberávit : exáudi nos propítius, et concéde ; ut ambórum méritis æternitátis glóriam consequámur : Qui vivis et regnas.

**IN I. NOCTURNO**

**Lect. de Script. occur.**

**In Quadragesima vero dicuntur sequentes Lectiones.**  
**Incipit Epístola prima beáti Petri Apóstoli.**

**Lectio j. Cap. I.**

**P**ETRUS Apóstolus Jesu Christi, eléctis ádvenis dispersiónis Ponti, Galátiae, Cappadóciæ, Asiæ, et Bithýniæ, secúndum præsciéntiam Dei Patris, in sanctificatióne Spíritus, in obediéntiam, et aspersiónem ságuinis Jesu Christi : Grátia vobis, et pax multiplicétur. Benedictus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salútem, parátam revelári in témpore novíssimo.

**R.** Ecce ego mitto vos sicut oves in médio lupórum, dicit Dóminus: \* Estóte ergo prudéntes sicut serpén-tes, et simplices sicut colúmbæ. **V.** Dum lucem habétis, créдите in lucem, ut filii lucis sitis. Estóte ergo.

*Lectio ij.*

**I**N quo exsultábitis, módi- cum nunc si opórtet contristári in váriis tentatiónibus: ut probátio vestræ fidei multo pretiósior áuro (quod per ignem probátur) inveniátur in láudem, et glóriam, et honórem in revelatióne Jesu Christi: quem cum non vidéritis, diligitis: in quem nunc quoque non vidéntes créditis: credéntes áutem exsultábitis lætítia inenarrábili, et glorificáta: reportántes finem fidei vestræ, salútem animárum.

**R.** Tóllite jugum meum super vos, dicit Dóminus, et discite a me, quia mitis sum et húmilis corde: \* Jugum enim meum suáve est, et onus meum leve. **V.** Et inveniétis réquiem animábus vestris. Jugum.

*Lectio iij.*

**D**E qua salúte exquisiérunt, atque scrutáti sunt prophétæ, qui de futúra in vobis grátia prophetavérunt: scrutántes in quod, vel quale tempus significáret in eis Spíritus Christi: prænúntians eas quæ in Christo sunt passiones, et posteriôres glórias: quibus revelátum

est, quia non sibimetípsis, vobis áutem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu sancto misso de cælo, in quem desiderant Angeli prospicere.

**R.** Dum stetéritis ante reges et præsides, nolíte cogitare quómodo aut quid loquámini: \* Dábitur enim vobis in illa hora, quid loquámini. **V.** Non enim vos estis qui loquimini: sed Spíritus Patris vestri, qui loquitur in vobis. Dábitur. Glória Patri. Dábitur.

IN II. NOCTURNO

De Sermóne sancti Leónis Papæ.

*Ex Hom. 82. in Natal. SS. Apost. Petri et Pauli.*

*Lectio iv.*

**N**ERÓNIS furor per ómnium vitiórum inflammátus excéssum, in hunc eum usque torréntem suæ præcipitávit insánia, ut primus nómini christiáno atrocitátem generalis persecutiónis inférret, quasi per sanctórum Apostolórum Petri et Páuli neces grátia Dei posset exstingui; quibus hoc ipsum erat máximum lucrum, ut contéptus vitæ hujus occiduæ, percéptio fieret felicitátis æternæ. Pretiósá est ergo in conspéctu Dómini mors sanctórum ejus: nec ullo crudelitátis génere déstrui potest sacraménto crucis Christi fundáta religio. Non minúi-



tur persecutiōnibus Ecclēsia, sed augētur : et semper Dominicus ager sēgete di-tiōri vestitur, dum grana, quæ singula cadunt, multi-plicāta nascūntur. Unde duo ista præclāra divīni sēminis gérmina in quantam sóbolem germinārint, beatōrum mil-lia Mártyrum protestāntur, qui apostolicōrum æmuli triumphōrum, Urbem no-stram purpurātis, et longe latēque rutilāntibus pópulis ambiērunt, et quasi ex mul-tārūm honóre gemmārūm consérto uno diadēmate co-ronārunt.

℟. Vidi conjūctos. 9\*.

Tempore Paschali.

℟. Lux perpétua lucēbit. 24\*.

Lectio v.

**D**E quorum præsidio, dile-ctissimi, divinitus nobis ad exēplum patiētiæ et confirmatiōnem fidei præ-parāto, universāliter quidem in ómnium Sanctōrum com-memoratiōne lætāndum est : sed in horum excellētia Patrum mérito est excellē-tius gloriāndum, quos grātia Dei in tantum ápicem inter ómnia Ecclēsiæ membra pro-vēxit, ut eos in cōrpore, cui caput est Christus, quasi géminum constitūeret lumen oculōrum. De quorum mé-ritis atque virtútibus, quæ omnem loquēdi súperant facultātem, nihil divēsum, nihil debémus sentire discrētum : quia illos et eléctio

pares, et labor similes, et finis fecit æquāles.

℟. Beāti estis. 10\*.

Tempore Paschali.

℟. Virtúte magna. 24\*.

Lectio vj.

**S**ICUT autem et nos expérti sumus, et nostri proba-vére majóres, crédimus at-que confidimus, inter omnes labóres istius vitæ, ad obti-nēdam misericórdiam Dei semper nos speciālium pa-tronōrum oratiōnibus ad-juvādos : ut quantum pró-priis peccátis deprimimur, tantum apostólicis méritis erigāmur. Per Dóminum nostrum Jesum Christum, cui est cum Patre et sancto Spírиту éadem potéstas, una divinitas, in sǎcula sǎcu-lórum. Amen.

℟. Isti sunt triumphatóres. 10\*.

Tempore Paschali.

℟. Isti sunt agni. 24\*.

IN III. NOCTURNO

Léctio sancti Evangélii se-cúndum Matthæum.

Lectio vij. Cap. 19. d

**I**N illo témpore : Dixit Pe-trus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Ambrósii  
Episcopi.

In Ps. 118. Serm. 8. post init.

**E**CCE nos ómnia dereliqui-mus, et secúti sumus te. Hoc est, non quæsivimus quæ sǎculi sunt, non quæsivimus partem de posses-

siónibus, sed te elégimus porciónem. Reliquísti ergo ómnia, Petre, quæ habébas; unde habes quod habére te dicis? Surgit cláudus, et sono tui sermónis erigitur: sanitátem áliis donas, qui indigébas ipse tuæ salútis auxílio. Reliquísti ergo quæ habébas, et cepísti quæ non habébas. Christus tibi pór-tio, Christus tibi posséssio est: illius nomen tibi muní-ficum, illius nomen tibi est fructuósum, illius nomen tibi tribúta depéndit, et bona tribúta, non pecúniæ, sed grátia.

℟. Isti sunt qui vivéntes. 12\*.

Tempore Paschali

℟. Ego sum vitis. 25\*.

Lectio viij.

**Q**UICÚMQUE reliquerit pa-trem, aut matrem, aut domum, aut fratres, aut soróres, céntuplum accipiet in hoc sáculo, et vitam ætérnam possidébit. Multos quidem in hoc sáculo, qui sua paupéribus donavérunt, uberióre thesáuro locuple-tátos fuisse cognóvimus. Est pulchérrimus locus, ut étiam ad misericórdiam provo-céntur. Sed non debent a Dómino sæculárem hujús-modi exigere mercédem, nec speráre quæ mundi sunt;

sed magis, quia iis, qui ómnia reliquerint, Deus pór-tio est. Ipse est útique merces per-fécta virtútum, qui non cén-tupli enumeratióne, sed per-féctæ plenitúdinis æstima-tióne censétur. Ego, inquit, Deus tuus sum. Non dixit: Ero, sed: Jam sum, jam inhábito, jam possídeo.

℟. Isti sunt viri sancti. 13\*.

Tempore Paschali.

℟. Cándidi facti sunt. 25\*.

Lectio ix.

**H**ABES homo inter multa propósita, étiam hujús-modi porciónem. Propósuit tibi Dóminus in porciónē possessiōes, in porciónē áurum, in porciónē argén-tum, in porciónē honóres, in porciónē nobilitátem; pro-pósuit étiam in porciónē se-ípsū. Habes igitur plúrimas porciónē; élige quam putas; non te númerus pertúrbet, sed éxcitet grátia; non te labor avértat, sed fructus invitet.

Te Deum laudámus. 17.

AD LAUDES

℣. In omnem terram exívit sonus eórum. ℟. Et in fines orbis terræ verba eórum.

Ad Bened. Ant. Gloriósi principes terræ, \* quómodo in vita sua dilexérunt se, ita et in morte non sunt sepa-ráti.







## SUPPLEMENTUM PRO ALIQUIBUS LOCIS

### FESTA FEBRUARII

DIE V

SS. XXVI. MART. JAPONENSIVM

**Duplex.**

**Omnia de Comm. plur.**

**Mart. 51\*, præter seq.**

**Oratio.**

**D**ÓMINE Jesu Chri-  
ste, qui ad tui  
imitationem per  
crucis suppli-  
cium primitias fi-  
dei apud Japoniæ gentes in  
sanctorum Mártyrum Petri  
Baptistæ, Páuli et Sociorum  
sanguine dedicasti: concède  
quæsumus; ut quorum hó-  
die solémnia cólimus, exci-  
témur extrémis: Qui vivis et  
regnas.

**Commem. Feriæ.**

IN I. NOCTURNO

**Lect. Fratres:** Debitóres.  
**de Comm. 53\*.**

IN II. NOCTURNO

**Lectio iv.**

**R**EMOTÍSSIMÆ Japoniæ re-  
gióni extrémis orientá-  
lis Asiæ finibus sitæ, quæ  
diu in ténebris et in umbra

mortis séderat, sextodécimo  
salútis humanæ reparatæ  
sæculo cathólicæ veritátis  
lumen affúlsit. Magnus si-  
quidem illic Indiárum Apó-  
stolus sanctus Franciscus  
Xavérius Christum prædi-  
cans crucifixum, ádeo insi-  
gnem fidélium fundávit ec-  
clésiám, ut hisce in terris  
Apostolorum témpora red-  
iisse videréntur. Non illi  
étiam defuère Mártyres, qui  
fidei primitias ságuine con-  
secrárent. Eódem enim la-  
bén-te sæculo, cum Taico-  
sama Japonénsium imperá-  
tor plúries minitátus fuisset,  
se Philippínas ínsulas in  
suam ditió-nem redactúrum,  
cénsuit cathólicus Hispaniá-  
rum rex áliquos suæ natió-  
nis religiosos viros in Japó-  
niam mittere, régio legató-  
rum múnere ornátos, ad  
pacem Taicosámæ suadén-  
dam. Huic óperi deléctus est  
frater Petrus Baptista, sa-  
cérdos ex órdine Minórum

sancti Francisci strictiōris observantiæ discalceatorū, morum sanctitate et doctrina insignis: cui alii dati sunt socii ex eodem ordine. Qui omnes legationem hanc eo suscepērunt animo, ut inde occasionem arriperent Evangelium illis gentibus prædicandi; quia Apostolica pollebant auctoritate ad fidem catholicam apud Indos et Sinica regna disseminandam. Hi ad littora Japoniæ appulsi, et suo munere feliciter functi, ad religionis incrementum, in partem laboris aliis sociis adscitis, animum suum convertērunt.

¶ Sancti tui. 57\*.

#### Lectio v.

**M**ULTIS proinde xenodochiis, cœnobiis et ecclesiis per diversa loca christiano ritu excitatis, ibique per triennium prædicationi, jejuniis, vigiliis, precibus jûgiter instando, atque egenorum et languentium ærumnis miro caritatis ardore subveniêdo, et fideles plurimos in via salutis confirmârunt, et gentes innúmeras perduxere ad fidem. Quade re graviter commoti inanum deorum sacerdotes, imperatorem convēniunt, eique persuadent impérium diu incolumē non futurum, ni christianam religionem undique gliscētem a suis finibus propulsandam curaret. Vano illo timore percûsus imperator, statim jus-

sit religiosos viros tamquam majestatis reos detineri, dixitque in eos sententiam crucis. Præter Petrum Baptistam et quinque socios comprehēsi fuere Páulus Miki cum duobus sociis Japonensibus ex Societate Jesu, nec non Tertiarii quindecim ex eodem ordine Minorum Japonenses, quorum alii catechismo, alii sacris officiis inserviebant, quibus duo in vinculis ministrantes adducti sunt; proindeque sex et viginti explētus est númerus.

¶ Verbera carnificum. 57\*.

#### Lectio vj.

**P**OST diuturnum carceris squalorem fortissimi Christi athlætæ, extréma sinistræ auris parte in Meacēsi foro publice mulctati, revinctis post tergum manibus, vili in plastro per vias primum hujus metropolis, tum aliarum Japoniæ urbium sexcentorum milliariorum itinere terrestri, quo ignominia et terror lātius spargerentur, summa hieme circumducuntur præeunte lictore, ac sententiam crucis in eos præferente, quod vexitam a tyranno Christi legem prædicassent. Illud memoria dignum in itinere accidit, ut adolescēti Japonēsi António alteri ex Tertiariis parēntes occurrissent, eumque blanditiis et lacrymis conarēntur adducere ut Christo fidem falleret; qui-



bus constantissime obstitit, affirmans se terrénis ómnibus ac transitóriis despéctis únice Christo adhæsúrum, qui sibi ætérna et cæléstia repromisit; dein vestem qua operiebátur eis restituit. Tandem Nangasáquium perducti crúcebus affigúntur, quæ jam in quodam colle quasi in Calvário parátæ erant: póstea in altum eláti, Christi fidem haud prædicáre cessábant. Enituit quidem Páulus Miki, qui e triumpháli illa crucis cáthedra ad circumfúsam multitudinem pro christiána religióne perorávit, illud palam sibi gratulátus quod in cruce ut Christus Dóminus, eadémque atque ille ætáte, suprémum expléret diem. Postremo singuli ab imis latéribus ad húmeros binis lánceis transfixi, victrices ánimas cælo inseréndas emisére. Suórum militum gloriósum certámen váriis Deus condecoráre vóluit signis: quibus rite probátis, sacrórum Rítuum Congregátio ad eórum canonizatiónem quándocúmque deveniri posse decrevit. Interim Urbánus octávus Póntifex Máximus, hábita hujus decreti relatióne, de eisdem Martýribus útpote in beatórum fastis adscriptis Officium et Missam quotánnis recitári et celebrári indúlsit. Tandem divinæ Providéntiæ consilio factum est, ut Pius nonus

Póntifex Máximus hujúsmodi iudiciu ad éxitu perduceret. Quare sacro Pentecóstes die anni millésimi octingentésimi sexagésimi secúndi, magna et illústri purpuratórum patrum et episcopórum, qui ex ómnibus orbis cathólici pártibus ad protuéndá Ecclésiæ et Sedis Apostólicæ jura convéniant, coróna circúmdatus, eósdem Mártýres sanctórum albo recensuit.

**R.** Tamquam áurum. 57\*.

IN III. NOCTURNO

**Lect. de Homil. in Evang.** Descéndens Jesus. **de Comuni 2º loco.** 64\*.

**Lectio ix. de Homil. et Commem. Fer. in Laud.**

DIE VI

SANCTÆ HYACINTHÆ

DE MARISCOTTIS

VIRGINIS

Duplex.

**Omnia de Comm. Virg.** 107\*, **præter seq.**

**Oratio.**

**D**EUS, qui beátam Hyacintham Virginem tuam jugis mortificatiónis et caritátis victimam effecisti: ejus nobis exémplo et intercessiône concéde; ut peccáta nostra deflere, et te semper diligere valeámus. Per Dñm.

**Et fit Commem. Feriæ et S. Dorotheæ Virg. et Mart. Ant. et V. e Laud. Orat. Indulgéntiam.** 109\*.

IN I. NOCTURNO

**Lect. De virginibus.** 112\*.

## IN II. NOCTURNO

## Lectio iv.

**H**YACINTHA nóbilis virgo Romána, Marci Antónii de Mariscóttis Vignanélli cómitis (quo in óppido nata est) et Octáviæ Ursíniæ filia, a prima ætáte divínæ protectiónis arguménta experíri cœpit, cum septénnis jamjam in púteum prolapsúra præsentí Dei beneficio serváta est. Vitérbium missa ad moniáles sancti Bernardini, ut ab iis educarétur, ibi Tértii órdis sancti Francisci institútum adoléscentis suscepit, non ita tamen ut sacra cum veste religiósos mores indúeret; pompis enim ac deliciis aliquándiu indúlsit, donec ex febris decumbens, acciti ad se confessárii opportúna commotióne percúlta, omni vanitáti núntium remisit. Itaque anteáctæ vitæ máculis pœniténtiæ sacraménto expiátis, in commúni triclinio in génua humillime provolúta, lácrymis se próluens, ac flagélló in seipsam animadvértens, véniam a soróribus deprecáta est; tum ánnuam pecúniam, ac spléndidam atque supérfluum supelléctilem, mundi ac sui contémptrix abdicávit: deinceps vero nudis pédibus, vel, cum morbus cógeret, subjécta sólea obtéctis, ac única tantúmmodo túnica conténta, eáque rudi, obsoleta, et in eleemósynam ac-

cépta, ac fune præcincta, quoad vixit, incéssit.

℞. Propter veritátem. 116\*.

## Lectio v.

**P**RÆTER ásperum vestítum, cilicio, vigiliis, labóribus fracta, assiduísque jejúniis extenuáta, corpus étiam crebris verbéribus ac spinárum manipulis lacerábat, adhibito intérdum altérius quoque moniális bráchio ad majórem sui córporis afflictatiónem; quod ut magis magisque attéret, léctulo ex asséribus, solóque vili strágulo instrúcto utebátur, ac pro pulvillo saxum adhibebat, quod in stramen ex obediéntia commutávit, in quo altérutro pede ad crucem in conspéctu pósitam, caténa alligáto, brevissimum somnum capiébat. Ad hæc absýnthium herbásque amaríssimas mándere, moniálium úlcerá, ac pannícula sánie madéntia exoscúlari non rénuít: scalas monastérii, onústa ingénti cruce, génibus ascéndere aliquándó consuevit; nunc quoque urticas, nunc ceras liquátas, modo nivem et gláciem, modo álveos rigéntium aquárum ad maceratiónem adhibuit. Christi Dómini passiónem, quam sumópere venerabátur, apte a se excogitáta atrocissimárum pœnárum série imitári, in majóri hebdómada, singulisque sextis fériis sólita fuit. Patiéntia in perferén-



dis injúriis, christiána humilitas, virginális verecúndia, ac summa sedúlitas in novítiis, quibus præerat, ad perfectiónem provehéndis, in ea mirífice eluxérunt. Animárum quoque zelo incénsa, plures inimicitias sústulit; periclitántes puéllas in tuto collocávit, plúrimis ad meliorem frugem tradúctis; in proximórum salúte procuránda, qua oratiónebus, qua voluntáriis córporis cruciátibus, omni déni- que conátu júgiter incúbuit.

℞. Dilexisti. 116\*.

Lectio vj.

**A**GRÓRUM in nosocomiis, ac páuperum patrocínium, quamquam inops, omni stúdio suscepit, et ut iisdem succurreret, non solum própriis ipsa mánibus laborábat, et quotidiánum sibi victum subtrahébat, frústulis panis conténta; sed moniáles étiam ac matrónas civitátis, virósque divites ad id óperis alliciébat, atque, undequaque póterat, subsidia corrogábat; quinimo, ut quam pro egénis et inválidis sollicitúdinem osténderat, perpétuo firmáret, duas sodalitátes, quæ eorúmdem curam gérent, institui curávit. Erga sanctíssimum Eucharístiæ sacraméntum fuit veheménter affécta: cujus cultum ut in áliis quoque promovéret, ad illud frequénter per annum cum solémni pompa, quam Deo

gratam fuisse nonnúlla prodigia comprobárunť, públicæ veneratióni exponéndum omnem óperam adhibuit. Deiparam Virgínem tam impénse cóluit, ut digna hábita fúerit, quæ ejus apparitióne recrearétur. Prophetiæ, contemplatiónis, lacrymárum dono, aliisque charismátibus flóruit. Anno dénique millésimo sexcentésimo quaquagésimo quinto inchoáto, in cælum evocatá est, cujus corpus in ecclésiá sancti Bernardini Vitérbii cólitur, eámque Benedictus décimus tértius méritis et miráculis claram in beatárum, Pius vero séptimus in sanctárum Virgínium númerum retulérunt. ℞. Afferéntur. 116\*.

IN III. NOCTURNO

Homil. in Evang. Símile erit. de eodem Comm. 1º loco. 118\*.

Lect. ix. de Homil. et Commem. Feriæ in Laud. Deinde Commem. S. Dorotheæ. Ant. et V. e I. Vesp.

DIE XI

APPARITIONIS

B. MARLÆ V. IMMACULATÆ

Duplex majus.

IN I. VESPERIS

Omnia ut in Festis B. M. V. 158\*, præter seq.

Ant. de Laud. 307\*.

Capitulum. Cant. 2.

**S**URGE, amica mea, speciosa mea, et veni: columba mea, in foraminibus

petræ, in cavérna macériæ,  
osténde mihi fáciem tuam,  
sonet vox tua in áuribus  
meis.

**Hymn.** Ave maris stella.  
160\*.

**Ad Magnif. Ant.** Ista est  
colúmba mea, perfécta mea,  
immaculáta mea.

**Orat. ut in Laud.** 308\*.

**In Quadrag. Commem.**  
**Fer.**

#### AD MATUTINUM

**Invit.** Immaculátam Vir-  
ginis Conceptionem celebré-  
mus, \* Christum ejus Fílium  
adorémus Dóminum.

**Ps.** Veníte exsultémus. 2.

#### Hymnus.

**T**E dicimus præcónio,  
Intácta Mater Núminis,  
Nostris benigna láudibus  
Tuam repénde grátiam.

Sontes Adámi pósteri  
Infécta proles gignimur;  
Labis patrénæ néschia  
Tu sola, Virgo, créderis.

Caput draconis invidi  
Tu cónteris vestigio,  
Et sola glóriam refers  
Intaminátæ originis.

O gentis humanæ decus  
Quæ tollis Hevæ oppró-  
brium,

Tu nos tuére súpplikes,  
Tu nos labántes érige.

Serpéntis antiqui potens  
Astus retúnde et impetus,  
Ut cælitum perénnibus  
Per te fruámur gáudiis.

Jesu, tibi sit glória,  
Qui natus es de Virgine,  
Cum Patre et almo Spíritu,  
In sempitérna sæcula. Amen.

#### IN I. NOCTURNO

**Ant.** Ave grátia plena, \*  
Dóminus tecum.

**Pss.** trium Noct. ut in  
**Festis B. M. V. per annum.**  
161\*.

**Ant.** Benedicta tu inter  
mulieres, \* et benedictus  
fructus ventris tui.

**Ant.** Ne timeas María : \*  
invenisti grátiam apud Dó-  
minum.

**V.** Deus omnipotens præ-  
cínxit me virtúte. **R.** Et  
pósuit immaculátam viam  
meam.

De Parábolis Salomónis.

**Lectio j. Cap. 8. b et 9.**

**E**GO sapiéntia hábito in  
consílio, et eruditís in-  
térsum cogitatiónibus. Ti-  
mor Dómini odit malum :  
arrogántiam, et supérbiam,  
et viam pravam, et os bilin-  
gue detéstor. Meum est con-  
sílium et æquitas, mea est  
prudéntia, mea est fortitú-  
do. Per me reges regnant, et  
legum conditóres justa de-  
cérnunt : per me príncipes  
imperant, et poténtes decér-  
nunt justitiam. Ego diligen-  
tes me diligo : et qui mane  
vigilant ad me, invénient  
me.

**R.** Sapiéntia quæ attingit  
a fine usque ad finem fórti-  
ter, et dispónit ómnia suávi-  
ter, ædificávit sibi domum.

\* Ecce tabernáculum Dei  
cum homínibus. **V.** Vidi san-  
ctam civitátem, Jerúsalem  
novam, parátam sicut spon-  
sam, ornátam viro suo. Ecce.



## Lectio ij.

**M**ECUM sunt divitiæ et glória, opes superbæ et iustitia. Mélior est enim fructus meus áuro et lápide pretioso, et genimina mea argento electo. In viis iustitiæ ámbulo, in médio semitarum iudicii, ut ditem diligentes me, et thesauros eorum répleam. Dóminus possedit me in initio viarum suarum, ántequam quidquam fáceret a principio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram: necdum fontes aquarum erúperant; necdum montes gravi mole constiterant: ante colles ego parturiébar.

**R.** Quasi arcus refúlgens inter nébulas, et quasi flos rosarum in diébus vernis, et quasi lilia in tránsitu aquæ, \* Sic fulget Virgo immaculáta. **V.** Arcum meum ponam in núbibus, et erit signum fœderis mei vobíscum. Sic.

## Lectio iij.

**B**EÁTUS homo qui áudit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino: qui áutem in me peccáverit, lædet ánimam suam. Omnes, qui me odérunt, diligunt mortem. Sapientia ædificávit sibi domum, excídit columbas septem. Immolávit víctimas

suas, miscuit vinum, et propósuit mensam suam. Misit ancillas suas, ut vocarent ad arcem, et ad mcenia civitatis: Si quis est párvulus, véniat ad me. Et insipientibus locúta est: Venite, comédite panem meum, et bibite vinum quod miscui vobis.

**R.** Surge, amíca mea, speciosa mea, et veni, columba mea. \* Osténde mihi faciém tuam, sonet vox tua in áuribus meis. **V.** Vox túrturis audita est in terra nostra. Osténde. Glória. Osténde.

## IN II. NOCTURNO

**Ant.** Fecit mihi magna qui potens est, \* et sanctum nomen ejus.

**Ant.** Sanctificávit tabernáculum suum Altíssimus: \* Deus in médio ejus non commovébitur.

**Ant.** Dóminus possedit te in initio viarum suarum: \* et in caritate perpétua diléxit te.

**V.** Adjuvábít eam Deus vultu suo. **R.** Deus in médio ejus non commovébitur.

## Lectio iv.

**A**NNO quarto a dogmática definitiône de immaculáto beátæ Virginis Concéptu, ad Gavi flúminis oram prope óppidum Lourdes diocésis Tarbiénsis in Gállia, ipsa Virgo in rupis sinu super specum Massabiélle puéllæ cuidam, vernácula lingua Bernadétte nuncupátæ, paupérrimæ quidem,

sed ingenuæ ac piæ, plúries se conspiciendam obtulit. Immaculáta Virgo juvenili ac benigno videbátur adspéctu, nivea veste niveoque pállio contécta, ac zona cærúlea succincta : nudos pedes áurea rosa ornábat. Primo apparitiónis die, qui fuit undécimus Februárii anno millésimo octingentésimo quinquagésimo octávo, puéllam signum crucis rite piéque faciéndum edócuit, atque ad sacri rosárii recitatiónem, exémplo suo, corónam, quæ prius ex bráchio demissa pendébat, manu advólvens, excitávit : quod in cæteris étiam apparitió nibus præstitit. Altera áutem apparitiónis die, puélla in simplicitáte cordis sui, diabólicam fráudem timens, lustrálem aquam in Virginem effúdit : sed beáta Virgo, léniter arridens, benigniorem illi vultum osténdit. Cum vero tértio apparuisset, puéllam ad specum per quíndecim dies invitávit. Exinde eam sápius est allocúta, ac pro peccatóribus oráre, terram deosculári, pœnitentiámque ágere est hortáta : deínde imperávit ut sacerdotíbus ediceret, ædificándum ibi esse sacéllum, solemnisque supplicatió nismore illo accedéndum. Mandávit insuper ut e fonte, qui sub aréna adhuc latébat, sed móx erat eruptúrus, aquam biberet eáque se abstérge-

ret. Dénique die festo Annuntiatiónis, percontánti enixe puéllæ illíus nomen, cujus adspéctu tóties dignáta fúerat, Virgo, admótis pectori mánibus elatísque in cælum óculis, respóndit : Immaculáta Concéptio ego sum.

**R.** Quæ est ista, quæ progreditur quasi auróra consurgens, \* Pulchra ut luna, elécta ut sol? **V.** Ipsa est cólumba mea, perfécta mea, immaculáta mea. Pulchra.

#### Lectio v.

**P**ERCREBRESCENTE fama beneficiórum, quæ in sacro specu recepisse fidéles dicebántur, augebátur in dies hóminum concúrsus, quos loci religio ad specum advocábat. Itaque prodigiórum fama puellæque candóre motus Tarbiénsis episcopus, quarto ab enarrátis anno, post jurídicam factórum inquisitió nem, supernaturáles esse apparitiónis notas sua senténtia probávit, cultúmque Virginis Immaculátæ in eódem specu permisit. Mox ædificátum sacéllum : ex illa die pene innúmeræ fidélium turbæ, voti ac supplicatiónis cáusa, ex Gállia, Bélgio, Itália, Hispánia cæterisque Európæ provinciis necnon ex longínquis Americæ regió nibus quovis anno illuc advéniunt, noménque Immaculátæ de Lourdes ubique terrárum inclaréscit. Fontis aqua in cunctas orbis partes



deláta, ægris sanitátem restituit. Orbis vero cathólicus tantórum memor benefactorum, ædes sacras mirábili ópere ibi extrúxit. Vexilla innúmera, acceptórum beneficiórum véluti monuménta, illuc a civitatibus ac géntibus missa, ædem Virginis miro ornátu décorant. In hac sua véluti sede Immaculáta Virgo júgiter cólitur; intérdiu quidem précibus, religiósó cantu solemníbusque áliis cæremóniis; noctu vero sacris illis supplicatióibus, quibus infinitæ propémódum peregrinántium turbæ céreis facíbusque accénsis procedunt et láudes beátæ Virginis cóncinunt.

**R.** Erit in novíssimis diébus mons præparátus Virgini Mariæ in vértice món-tium, et elevábitur super cælos, et ibunt pópuli multi et dicent : \* Veníte et ascen-dámus ad montem. **V.** Sicut lætántium ómnium habitatio est in te. Veníte.

*Lectio vj.*

**P**EREGRINATIÓNES hujúsmodi fidem frigescente sæculo excitásse, ánimus ad christíanam legem profiténdam addidisse, cultúmque Virginis Immaculátae mirum in modum auxísse, ómnibus compértum est. In qua mirábili fidei professióne christíanus pópulus sacerdotés véluti duces habet, qui illuc suas plebes addú-

cunt. Ipsi étiam sacrórum antístites sanctum locum frequénter ádeunt, peregrinatióibus præsumt, solemníoríbusque festis intérsunt. Nec ádeo rarum est ipsos Románæ Ecclesiæ purpurátos Patres húmili peregrinórum more accedéntes conspícere. Ipsi quoque Románi Pontífices, pro sua erga Immaculátam de Lourdes pietáte, sacram ædem donis nobilíssimis cumuláruunt. Pius nonus sacris indulgéntiis, archiconfraternitátis privilégio ac minóris Basilicæ título ipsam insignívit; ac Deíparæ imáginem ibídem cultam, solémni ritu per legátum suum apostólicum in Gállia diadémate distinctam vóluit. Leo vero decímus tértius innúmera étiam cóntulit beneficia, indulgéntias ad modum Jubilæi vigésimo quinto Apparitiónis anno verténte concéssit, peregrinatiónes sua auctoritáte verbóque provéxit, ac solémnem ecclesiæ sub título Rosárii dedicatiónem suo nómine pèragi curávit. Quorum beneficiórum amplitúdinem cumulávit, cum, plúrium episcopórum rogátu, solémne festum sub título Apparitiónis beátæ Mariæ Virginis Immaculátae, próprio Officio et própria Missa celebrándum benigne concéssit.

**R.** Prævenísti eam Dómine in benedictiόνibus dul-

cédinis; posuisti in cápite ejus \* Corónam de lápide pretióso. *v.* Magna est glória ejus in salutári tuo, glóriam et magnum decórem impónes super eam. Corónam. Glória Patri. Corónam.

IN III. NOCTURNO

*Ant.* Manus Dómini confortávit te, \* et ideo eris benedicta in ætérnum.

*Ant.* Noli metúere : \* non enim pro te, sed pro ómnibus hæc lex constitúta est.

*Ant.* Benedixit te Dóminus in virtúte sua, \* quia per te ad nihilum redégit inimicos nostros.

*v.* Diffúsa est grátia in lábiis tuis. *R.* Proptérea benedixit te Deus in ætérnum. Lécio sancti Evangélíi secúndum Lucam.

*Lectio vij. Cap. 1.*

**I**N illo témpore : Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David : et nomen Virginis Maria. Et réliqua.

Homilia sancti Bernárdi Abbátis.

*Ex Homil. 2. super Missus.*

**L**ÆTÁRE, pater Adam, sed magis tu, o Heva mater, exsúlta, qui sicut ómnium paréntes, ita ómnium fuístis peremptóres; et quod infelicius est, prius peremptóres quam paréntes. Ambo, inquam, consolámini super filia, et tali filia; sed

illa ámplius de qua malum ortum est prius, cujus oppróbrium in omnes pertransívit mulieres. Instat namque tempus, quo jam tollátur oppróbrium, nec hábeat vir quod causétur advérsus féminam; qui útique, dum se imprudénter excusáre conarétur, crudéliter illam accusáre non cunctátus est, dicens : Múlier quam dedísti mihi, dedit mihi de ligno, et comédi. Proptérea curre, Heva, ad Mariám, curre mater ad filiam; filia pro matre respóndeat : ipsa matris oppróbrium áuferat : ipsa patri pro matre satisfáciat : quia ecce si vir cécidit per féminam, jam non erigitur nisi per féminam.

*R.* Tu ergo invoca Dóminus, lóquere regi pro nobis, \* Et libera nos de morte. *v.* Omnes sitiéntes, veníte ad aquas, et hauriétis salutem a Dómino. Et libera nos.

*Lectio viij.*

**Q**UID dicébas o Adam? Múlier, quam dedísti mihi, dedit mihi de ligno, et comédi. Verba malítiæ sunt hæc quibus magis áugeas quam déleas culpam. Verúmtamen Sapiéntia vicit malítiam, cum occasiónem véniæ, quam a te Deus interrogádo elicere tentávit, sed non pótuit, in thesauro indeficiéntis suæ pietátis invénit. Rédditur nempe fémina pro fémina, prudens pro



fátua, húmilis pro supérba, quæ pro ligno mortis gustum tibi pórrigat vitæ, et pro venenóso cibo illo amari-túdinis, dulcédinem páriat fructus ætérni. Muta ergo iniquæ excusatiónis verbum in vocem gratiárum actió-nis, et dic : Dómine, mú-lier, quam dedisti mihi, de-dit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est An-gelus ad Virginem. O fémi-nam singuláriter venerán-dam, super omnes féminas admirábilem, paréntum re-paratricem, posterórum vi-vificatricem.

**R.** Plantávit Dóminus De-us paradísium voluptátis, pro-duxítque lignum vitæ in médio ejus. \* Et flúvius egrediebátur de loco volu-ptátis. **V.** Emissiões tuæ paradísus, Virgo María. Et. Glória Patri. Et.

In Quadrag. Lect. ix. Ho-mil. Fer.; alias

### Lectio ix.

**Q**UAM tibi áliam prædixisse Deus vidétur, quando ad serpéntem ait : Inimicitias ponam inter te et mulierem? Et si adhuc dúbitas quod de María dixerit, áudi quod séquitur : Ipsa cónteret ca-put tuum. Cui hæc serváta victória est, nisi Mariæ? Ipsa procul dúbio caput con-trívit venenátum, quæ omni-modam maligni suggestió-

nem tam de carnis illécebra, quam de mentis supérbia dedúxit ad nihilum. Quam vero áliam Sálomon requi-rébat, cum dicébat : Mulie-rem fortem quis invéniet? Nóverat quippe vir sápiens hujus sexus infirmitátem, frágle corpus, lúbricam mentem. Quia tamen et Deum légerat promississe, et ita vidébat congruere, ut qui vícerat per féminam, vince-rétur per ipsam, vehemén-ter admirans aiébat : Mulie-rem fortem quis invéniet? Quod est dicere : Si ita de manu féminæ pendet et no-stra ómnium salus, et inno-céntiæ restitútio, et de hoste victória : fortis omnino ne-cesse est ut provideátur, quæ ad tantum opus possit esse idónea.

Te Deum laudámus. 17.

### AD LAUDES

#### ET PER HORAS

**Ant. 1.** Candor est lucis ætérnæ, \* et spéculum sine mácula.

**Ps.** Dóminus regnávit. 18.

**2.** Múlier amícta sole, et luna sub pédibus ejus, \* et in cápite ejus coróna stellárum duódecim.

**3.** Tu glória Jerúsalem, tu lætítia Israël, \* tu honorifi-céntia pópuli nostri.

**4.** Benedicta es tu, Virgo María, a Dómino Deo excél-so, \* præ ómnibus muliéri-bus super terram.

**5.** Hódie nomen tuum ita magnificávit Dóminus, \* ut

non recédât laus tua de ore  
hóminum.

**Capitulum. Cant. 2.**

**S**URGE, amica mea, spe-  
ciósa mea, et veni : co-  
lúmba mea, in foraminibus  
petræ, in cavérna macériæ,  
osténde mihi faciém tuam,  
sonet vox tua in áuribus  
meis.

**Hymnus.**

**A**URÓRA soli prævia  
Felix salutis núntia,  
In noctis umbra plebs tua  
Te, Virgo, supplex invocat.

Torrens nefástis flúctibus  
Cunctos trahens voráginē,  
Leni residit æquore  
Cum transit Arca fœderis.

Dum torret aréscens hu-  
mus,

Tu rore sola spárgeris :  
Tellúre circum rórida,  
Intácta sola pérmanes.

Fatále virus évomens,  
Attóllit anguis vérticem ;  
At tu draconis túrgidum  
Invicta cónteris caput.

Mater benigna, réspice  
Fletus precésque súpplícum,  
Et dimicántes tártari  
Victrix tuére ab hóstibus.

Jesu tibi sit glória,  
Qui natus es de Virgine,  
Cum Patre et almo Spíritu  
In sempitérna sæcula. Amen.

̎ Diffúsa est grátia in  
lábiis tuis. ̎ Proptérea be-  
nedixit te Deus in ætérnum.

**Ad Bened. Ant.** Præclára  
salutis auróra, ex te, Virgo  
María, exívit sol justitiæ,  
qui visitávit nos óriens ex  
alto.

**Oratio.**

**D**EUS, qui per Immaculá-  
tam Virginis Concepti-  
onem dignum Filio tuo habi-  
táculum præparásti : súppli-  
ces a te quæsumus ; ut  
Virginis Apparitióne cele-  
brántes, salutem mentis et  
córporis consequámur. Per  
eúmdem Dóminum.

In Quadrag. Commem.  
Fer.

**AD TERTIAM**

**Capit.** Surge amica mea.  
ut in Laud.

̎ br. Quæ est ista quæ  
ascéndit de desérto, \* Deli-  
ciis áffluens? Quæ est ista.  
̎ Innixa super diléctum  
suum. Deliciis. Glória Patri.  
Quæ.

̎ Vidérunt eam filiæ Sion.

̎ Et beatissimam prædica-  
vérunt.

**AD SEXTAM**

**Capitulum. Prov. 8.**

**M**ECUM sunt divitiæ et gló-  
ria, opes supérbæ et ju-  
stítia : mélior est enim fru-  
ctus meus áuro et lápide  
pretiósó.

̎ br. Ego Mater \* Pul-  
chræ dilectiόνis. Ego Mater.  
̎ Et timóris et agnitiónis et  
sanctæ spei. Pulchræ dile-  
ctiόνis. Glória Patri. Ego  
Mater.

̎ In me omnis grátia viæ  
et veritátis. ̎ In me omnis  
spes vitæ et virtútis.

**AD NONAM**

**Capitulum. Eccli. 24.**

**I**N me grátia omnis viæ et  
veritátis, in me omnis



spes vitæ et virtútis. Trans-  
ite ad me omnes qui concu-  
piscitis me, et a generatió-  
nibus meis implémini.

*R. br.* Qui me invénerit,  
\* Invéniet vitam. Qui me. *V.*  
Et háuriet salútem a Dómi-  
no. Invéniet vitam. Glória  
Patri. Qui.

*V.* Transíte ad me omnes  
qui concupiscitis me. *R.* Et  
a generatióibus meis implé-  
mini.

## IN II. VESPERIS

*Omnia ut in primis, præ-  
ter seq.*

## Hymnus.

**O**MNIS expértem máculæ  
Mariám  
Edocet summus fidei magi-  
ster;

Virginis gáudens célebrat  
fidélis

Terra triúmphum.

Ipsa se præbens húmili  
puéllæ

Virgo spectándam, récreat  
pavéntem,

Seque concéptam sine labe  
sancto

Prædicat ore.

O specus felix, decoráte  
divæ

Matris adspéctu! veneránda  
rupes,

Unde vitáles scatuére pleno  
Gúrgite lymphæ.

Huc catervátim pia turba  
nostris,

Huc ab extérnis peregrína  
terris

Affluit supplex, et opem po-  
téntis

Virginis orat.

Excipit Mater lácrymas  
precántum,

Donat optátam miseris salú-  
tem;

Compos hinc voti pátrias ad  
oras

Turba revértit.

Súpplicum, Virgo, mise-  
ráta casus,

Semper o nostros réfove la-  
bóres,

Impetrans mœstis bona sem-  
piternæ

Gáudia vitæ.

Sit decus Patri, genitæ-  
que Proli,

Et tibi compar utriúsque  
virtus

Spiritus semper, Deus unus  
omni

Témporis ævo. Amen.

*V.* Dignáre me laudáre te,  
Virgo sacráta. *R.* Da mihi  
virtútem contra hostes tuos.

*Ad Magnif. Ant.* Hódie glo-  
riosa cæli Regina in terris  
appáruit; hódie pópulo suo  
verba salútis et pignora pa-  
cis áttulit; hódie Angelórum  
et fidélium chori Immacu-  
látam Conceptionem cele-  
brántes gáudio exsúltant,  
allelúia.

*In Quadr. Commem. Fer.*

## DIE XIII

SANCTÆ CATHARINÆ DE RICCIIS  
VIRGINIS

## Duplex.

*Omnia de Comm. Virg.*  
107\*, *præter seq.*

## Oratio.

**D**ÓMINE Jesu Christe, qui  
beátam Catharinam Vir-

ginem, tuo amore succensam, passionis contemplatione clarescere voluisti : ejus intercessionem concede ; ut passionis mysteria devote recolentes, ejus fructum percipere mereamur : Qui vivis.

**Commem. Feriæ.**

IN I. NOCTURNO

**Lect.** De virginibus. 112\*.

IN II. NOCTURNO

**Lectio iv.**

**C**ATHARINA, nobili familia de Ricciis Florentiæ nata, vel ab ineunte ætate piam indolem præmatüre ostendit. In suburbano monasterio sancti Petri de Monticellis, ubi morum disciplina imbueretur, collocata, quotidie ad Christi crucifixi imaginem orans, non sine lacrymis, horis etiam animi relaxationi addictis, ejus passionem meditabatur. Ad monasterium postea sancti Vincéntii, ordinis sancti Dominici in civitate Prati translata, paternos lares ad tempus repetere, nisi certa spe redditus habita, constanter recusavit. Tandem anno decimo tertio, sæculi deliciis contemptis, ibidem religiosum institutum professæ est.

**R.** Propter veritatem. 116\*.

**Lectio v.**

**C**ARITATE in Deum fervens, orationi fere assidue vacabat, quidquid temporis necessariis occupationibus et modicæ quieti supererat, in ea insumens; utque cor-

pus in servitutem redigeret, ferrea catena et flagellis illud macerabat. Cibi parcissima, octo supra quadraginta annos carnibus abstinuit, leguminibus plerumque et herbis vescens, interdum vero solo pane et aqua contenta. Proximorum æternam salutem exoptans, ardentissimas ad Deum pro peccatorum conversione preces fundebat. Tanto etiam commiserationis sensu erga purgantem animam commota est, ut acerbissimos dolores sibi divinitus inflictos in penarum illi debitarum expiationem pertulisse visa sit. Eximia prudentia et regularis observantiæ zelo moniales diu rexit, eas non minus exemplo quam adhortationibus ad omnem sanctimoniam informans. Quo in officio humilitatem adeo coluit, ut abjectissima quæque opera sponte obiret, ac infirmis præcipua caritate et summo studio inserviret.

**R.** Dilexisti. 116\*.

**Lectio vj.**

**S**UPERNORUM charismatum copia singularis in ea enituit, annulo desponsationis, sacrisque stigmatibus, quæ non semel spectanda se exhibuerunt, acceptis. Plurimum annorum spatio, quinta et sexta feria in altissimam contemplationem rapta, singulos Redemptoris cruciatus in passione toleratos ex ordine in corpore mirabiliter



sentire consuēvit. Prati de-  
gens, sanctum Philippum  
Nérium Romæ commorān-  
tem vidēre promēruit, ejus-  
que collōquio frui. Extasum,  
rāptum, cælēstium visio-  
num, ac prophēti lūminis  
dono illūstris, futūra præ-  
dixit, ac simul occulta re-  
velāvit. Grāvibus dēnique  
morbis decūmbens, Ecclē-  
siæ sacramētis munita, an-  
no a Christo nato millési-  
mo quingentésimo nonagési-  
mo, ætātis sexagésimo nono,  
quarto Nonas Februárii in  
cælum migrāvit. Eam sub-  
inde Clemens duodécimus  
beatārum Virgīnum número,  
Benedictus vero dēcimus  
quartus Póntifex Máximus  
solémni ritu sanctārum Vir-  
ginum fastis adscripsit, anno  
salútis millésimo septingen-  
tésimo quadragésimo sexto.

℞. Afferéntur. 116\*.

IN III. NOCTURNO

Homil. in Evang. Simile  
erit. de eodem Communi  
1º loco. 118\*.

Lectio ix. de Homil. et  
Commem. Fer. in Laud.

DIE XIX

S. CONRADI PLACENTINI

CONFESSORIS

Semiduplex.

Omnia de Comm. Conf.  
non Pont. 88\*, præter seq.

Orat. Adesto Dómine. 88\*.

Et fit Commem. Fer.

IN I. NOCTURNO

Lect. Beátus vir. de eo-  
dem Comm. 2º loco. 100\*.

IN II. NOCTURNO

Lectio iv

CONRÁDUS Placéntiæ nóbili  
C genere natus, ac vena-  
tióni cumprimis dēditus, jus-  
sit aliquādo vepres, ubi  
feræ latēbant, succēdi; sed  
ultra quam vóluit, vento  
perlátus ignis próxima fœdo  
vastāvit incēdio. Quo viso,  
Conrádus in urbem latēter  
est ingrēssus: sed mox ad  
prætorem deláta re, emis-  
sóque satellitio, homúncu-  
lus infimæ plebis tamquam  
incēdii áuctor comprehén-  
sus est, vique tormentórum  
falsa confessióne exprés-  
sa, damnátus ad supplicium  
rapiebátur. Tum Conrádus  
consciéntia excitátus inno-  
cētem homúnculum e car-  
nificis mánibus erípuit, se-  
que reum conféssus divén-  
ditis bonis illáta damna  
compensávit; humanisque  
rebus una cum uxóre nún-  
tium remisit.

℞. Honéstum fecit. 94\*.

Lectio v.

CUM itaque uxor sacrum  
velum sumptúra Placén-  
tiæ mansisset, ipse ábiit in  
regiónem longínquam, et  
Franciscáni órdis, qui Ter-  
tiariórum dicitur, assúpto  
hábitu, Romam pervénit sa-  
cras ædes visitáturus. Inde  
in Siciliam ad Netínos ábiit,  
ubi aliquámdiu in sancti  
Martíni xenodochio diver-  
sátus, in solitúdinem secés-  
sit, in qua se inédia, et pré-  
cibus afflictans per annos

quadraginta humi cubábat, nunc solo pane, nunc herbis tantum conténtus, et dono prophetiæ, miraculisque clarus. Crebras carnis ac dæmonis tentatiónes, gulæque blanditias cörperis afflictatióne, atque assiduo precándi stúdio tam egrégie vicit, ut vel esculénta munúscula, quæ ab amicis mitteréntur, non prius attingeret, quam pútrida jam et vèrmibus scaténtia sensus ipse refúgeret. Quin étiam túnica pòsita tàm diu nudos artus in vepréto volutábat, quoad effluente sángine edéndi ardor exstinguerétur.

℞. Amávit eum. 94\*.

Lectio vj.

CUM áutem sexta quaque féria in urbem ad imáginem Crucifixi, quæ summa religióne celebrátur apud Netinos, adorándam mira pietáte ventitáret, improbi quidam irrisóres per eam occasiódinem religiosíssimum virum ludos fácere voluerunt. Itaque per simulatió-nem ad prándium piscium invitáto carnem suillam ap-pónunt, nec áliud ipsi mandúcant. Inde hómínis improbitátem exagitáre, vel simplicitátem cavillári. Negat ille se quidquam gustásse præter pisces; statimque spinas, et squamas amóta máppula, qua tegebántur, osténdit, et eórum impudéntiam redárguit. Item ab

antistite Syracusáno fama sanctitátis éxcito visitátus, et ab eódem, ut secum cœnâret, invitátus, prótinus e célula placéntas quátuor cálidas ex témpore divínitus parátas prótulit: qui póstea vicíssim ad antistitem Syracúsas proféctus, juxta episcópium, plúrimis aviculis circumvolitántibus, et ipsíus advéntum quodámodo gratulántibus, mirabiliter excéptus est. His aliisque multis spectatæ sanctimóniæ indiciis, ejúsque précibus cælésti auxílio laborántibus, non solum indígenis, verum étiam alienígenis, eo præsertim anno quo migrávit in cælum, millésimo trecentésimo quinquagésimo primo, sæpíssime impetráto, commóti Leo décimus Póntifex Máximus in Netina urbe primum, deínde Páulus eo nómine tértius álibi étiam beáti Conrádi festívam diem undécimo Kaléndas Mártii quotánnis celebrári permisére. Ejus corpus in argétea cón-ditum arca in ecclésia sancti Nicolái apud Netinos váriis adhuc miráculis enitescit.

℞. Iste homo. 94\*.

IN III. NOCTURNO

Homilia in Evang. Ecce nos reliquimus. de Comm. Abbat. 1º loco. 103\*.

Lect. ix. de Homil. Fer., cujus Commem. in Laudibus.



DIE XXVI

STÆ MARGARITÆ CORTONENSIS

PŒNITENTIS

Semiduplex.

Omnia de Communi nec  
Virg. nec Mart. 125\*, præter  
seq.

Oratio.

**D**EUS, qui famulam tuam  
Margaritam de perditionis  
via ad salutis tramitem  
misericorditer deduxisti :  
eadem nobis miseratione  
concède ; ut quam prius er-  
rantem sectari non erubui-  
mus, mox poenitentem im-  
pigre sequi gloriemur. Per.

Et fit Commem. Feriæ.

IN I. NOCTURNO

Lect. Mulierem fortem.  
126\*.

IN II. NOCTURNO

Lectio iv.

**M**ARGARITA, a loco dormi-  
tionis Cortonensis ap-  
pellata, Laviâni in Tûscia  
ortum habuit. Primis ado-  
lescenciæ suæ annis mundi  
voluptatibus capta, in Mon-  
tis Politiâni civitate vanam  
et lûbricam vitam duxit ; sed  
cum amasium ab hostibus  
fœde transfossum indicio  
canis in fovea sub strue li-  
gnorum tumultum fortuito  
reperisset, illico facta est  
manus Dômini super eam ;  
quæ magno culpârum suâ-  
rum mœrore tacta, exiit for-  
ras, et flevit amare. Itaque  
Laviânium reversa, crine  
detonso, neglêcto capite,  
pullaque veste contacta, er-

rôribus suis mundique illé-  
cebris nuntium misit ; inque  
ædibus Deo sacris, fune ad  
collum alligato, humi pro-  
cumbens, ab omnibus quos  
antea moribus suis palam  
offenderat, veniam exoravit.  
Mox Cortonam profecta, in  
cinere et cilicio a se læsam  
Dei majestatem placare stû-  
duit, donec post triennale  
virtutum experimentum a  
fratribus Minoribus spiri-  
tuâlis vitæ ducibus Tertiî  
ordinis habitum impetravit.  
Uberes exinde lacrymæ ei  
familiâres fuerunt, atque ima  
suspiria tanta animi contri-  
tione ducta, ut diu elinguis  
consisteret. Lëctulus nuda  
humus, cervical lapis aut li-  
gnum porrexit ; atque ita no-  
ctes insomnes in cælestium  
meditatione trahere consuê-  
vit, nullum amplius pravam  
desiderium perpessa, dum  
bonus spiritus promptior in-  
firmam carnem ad subeün-  
dos labôres erigebat.

R. Propter. 127\*.

Lectio v.

**A**DÆMONE insidiis fune-  
stisque conatibus laces-  
sita, mulier fortis hostem ex  
verbis detectum semel atque  
iterum invicta repulit. Ad  
eludendum vanæ gloriæ le-  
nocinium, quo a malo spi-  
ritu petebatur, præteritos  
mores suos per vicos et pla-  
teas alta voce accusare non  
destitit, omni supplicio se  
ream inclamans : nec nisi a  
confessario deterrita, in spe-

ciósam fáciem, olim impúri amóris cáusam, sævire abstínuit, ægre ferens suam formam longa carnis maceratióne non aboléri. Quibus aliisque magnæ pœniténtiæ arguméntis suórum críminum labe expiáta, atque ita de se triumphátrix, ut sensus plane omnes a mundi illécebris custodíret, digna facta est, quæ sæpe Dómini consuetúdine fruerétur. Ejúsdem quoque Christi et Virgínis Matris dolórum, quod ipsa ardénter expetierat, párticeps facta, cunctis sénsibus destitúta, et vere mórtua intérdum visa est. Ad eam proinde, véluti ad perfectiónis magístram, ex dissitis étiam regiónibus plúrimi conveniébant: ipsa vero cælésti, quo erat perfúsa, lúmine córdium secréta, consciéntias hóminum, imo et peccáta in remótis licet pártibus Deum offendéntium cum dolóre et lácrymis détegens, summáque in Deum et próximum caritáte fervens, ingéntem animárum fructum operáta est. Ægris ad se veniéntibus salútem, obséssis a dæmone liberatiónem impetrávit. Púerum defúctum lugénte matre ad vitam redúxit. Imminéntes bellórum tumúltus assíduis oratió nibus sedávit. Dénique summæ pietátis opéribus vivos et mórtuos sibi deméruit.

℞. Dilexisti justitiam. 128\*.

### Lectio vj.

**T**OT sanctis opéribus occidue páta, de rigóre quo assidue corpus suum exercébat, nihil remisit, neque a stúdio cæléstia meditándi se avélli passa est, in utróque vitæ génere plane admiránda, utrámque sorórem Magdalénam et Martham réferens. Tandem pro se Dóminum orans ut ex hac valle lacrymárum sursum in cæléstem pátriam evocarétur, exaudita est orátio ejus, die atque hora dormitiónis ei patefactis. Méritis itaque et labóribus plena, ac cæléstibus donis cumuláta, cœpit córporis viribus destitui, perque dies decem et septem nullo cibo, sed divinis tantum collóquiis refécta est: tum sanctissimis Ecclesiæ sacraméntis rite susceptis, vultu hilari atque óculis in cælum convérsis, octávo Kaléndas Mártias, anno ætátis quinquagésimo, suæ conversiónis vigésimo tértio, humanæ vero salútis millésimo ducentésimo nonagésimo séptimo, felix migrávit ad sponsum. Corpus in hanc usque diem végetum, incorrúptum, illæsum, et suáriter olens summa religióne cólitur in ecclésia fratrum Minórum, quæ jam ab eadém Margaríta appellátur. Miráculis continuo flóruit, quibus permóti Románi Pontífices ad augéndum ejus cultum plúrima liberáliter in-



dulsérunt. Benedictus vero  
décimus tértius in festo Pen-  
tecóstes, die sexta décima  
Maii anni millésimi septin-  
gentésimi vigésimi octávi,  
solémnem ejus canonizatió-  
nem religiosissime celebrá-  
vit. **R.** Fallax grátia. 128\*.

## IN III. NOCTURNO

**Homil. in Evang.** Simile  
est. **de Comm. non Virg.** 128\*.

**Lectio ix. de Homil. et  
Commem. Feriæ in Laud.**

**Ad Bened. Ant.** Ut cognó-  
vit, \* resípuít seráphici órdi-  
nis Magdaléna : dimissa sunt  
ei peccáta multa, quia dilé-  
xit multum.

## IN II. VESPERIS

**Ad Magnif. Ant.** Ego dilé-  
cto meo, \* et ad me convér-  
sio ejus : invéni quem diligit  
ánima mea, ténuí eum, nec  
dimíttam.

**Commem. Feriæ.**

FERIA VI. POST DOMINICAM I.  
QUADRAG.

## SS. LANCEÆ ET CLAVORUM

D. N. J. C.

**Duplex majus.**

## IN I. VESPERIS

**Ant. et Capit. de Laud.**  
320\*; **Pss. ut in I. Vesperis**  
**de Comm. Apost. 1\*.**

**Hymnus.**

**Q**UÆNAM lingua tibi, o lán-  
cea, débitas  
Grates pro mérito est apta  
repéndere?  
Christi vivíficum namque  
áperis latus,  
Unde Ecclésia náscitur.

Hæc est Heva viri de lá-  
tere éxiens,  
Olli membra gravis dum so-  
por óccupát;

Hanc quippe alter Adam,  
corde scaténtibus

Unda et sángine, prócreat.

O clavi! æqua manet vos  
quoque grátia,

Christi quando sacris ártu-  
bus insiti,

Delétum Dómini sángine  
figitis

Mortis chirógraphum cruci.

Te Jesu súperi láudibus  
éfferant,

Qui clavórum áditus, signa-  
que lánceæ

In cælo rétines, vivus ubi  
imperas,

Cum Patre, atque Paráclito.  
Amen.

**V.** Fodérunt manus meas  
et pedes meos. **R.** Dinume-  
ravérunt ómnia ossa mea.

**Ad Magnif. Ant.** Delens  
quod advérsus nos erat chi-  
rógraphum decréti, quod  
erat contrárium nobis, et  
ipsum tulit de médio, affi-  
gens illud cruci.

**Oratio ut ad Laud. 321\*.**

**Et fit Commem. Feriæ.**

**Ad Complet. et per Horas**  
**diei, in fine Hymn. dicitur**

Clavis foráto et láncea,  
Jesu tibi sit glória,  
Cum Patre, et almo Spíritu,  
Nunc, et per omne sáculum.  
Amen.

## AD MATUTINUM

**Invit.** Christum láncea et  
clavis vulnerátum, \* Veníte,  
adorémus.

Ps. Veníte, exsultémus. 2.

**Hymnus.**

**S**ALVÉTE clavi et láncea,  
Squalóre nuper óbsita,  
Quæ mersa Christi córpori  
Almo rubétis sáanguine.

Vos ad scelus Judáica  
Elégerat perfídia;  
Sed in ministra grátiae  
Vos vertit e cælo Deus.

Nam quot sacrátis ártu-  
bus

Sculpsístis olim vúlnera,  
E tot reclúsis fóntibus  
Dona éffluunt cæléstia.

Clavis foráto et láncea,  
Jesu tibi sit glória,  
Cum Patre, et almo Spi-  
ritu,

Nunc, et per omne sáeculum.

Amen.

**Si omissus sit Hymnus ad  
Vesp., dicatur ad Matut., et  
Hymnus Matutini conjunga-  
tur cum Hymno ad Lau-  
des.**

**IN I. NOCTURNO**

**Ant.** Ad Jesum áutem cum  
venissent, non fregérunt ejus  
crura, sed unus militum  
láncea latus ejus apéruiť.

**Pss. de Comm. Conf. non  
Pont. 89\*.**

**Ant.** Exívit sanguis et  
aqua; et qui vidit, testimó-  
nium perhibuít, et verum est  
testimónium ejus.

**Ant.** Alia Scriptúra dicit:  
Vidébunt in quem transfixé-  
runt.

**Ÿ.** Quem tu percussísti,  
persecúti sunt. **R.** Et super  
dolórem vúlnerum meórum  
addidérunt.

De Zacharía Prophéta.

**Lectio j. Cap. 12. c**

**H**ÆC dicit Dóminus: Ef-  
fúndam super domum  
David, et super habitatóres  
Jerúsalem, spiritum grátiae  
et precum: et adspicient ad  
me, quem confixerunt: et  
plangent eum planctu quasi  
super unigénitum, et dolé-  
bunt super eum, ut doléri  
solet in morte primogéniti.  
In die illa magnus erit plan-  
ctus in Jerúsalem, sicut  
planctus Adadrémmon in  
campo Magéddon. Et plan-  
get terra: familiæ et familiæ  
seórsum: familiæ domus Da-  
vid seórsum, et mulieres  
eórum seórsum: familiæ do-  
mus Nathan seórsum, et  
mulieres eórum seórsum:  
familiæ domus Levi seór-  
sum, et mulieres eórum seór-  
sum: familiæ Semei seór-  
sum, et mulieres eórum  
seórsum. Omnes familiæ ré-  
liquæ, familiæ et familiæ  
seórsum, et mulieres eórum  
seórsum.

**R.** Ad Jesum áutem cum  
venissent, ut vidérunt eum  
jam mórtuum, non fregérunt  
ejus crura: \* Sed unus mili-  
tum láncea latus ejus apé-  
ruit. **Ÿ.** Et qui vidit, testi-  
mónium perhibuit: et verum  
est testimónium ejus. Sed  
unus militum.

**Lectio ij. Cap. 13.**

**I**N die illa erit fons patens  
dómui David et habitánti-  
bus Jerúsalem in ablutióne  
peccatóris et menstruátæ.



Et erit in die illa, dicit Dóminus exercítuum : Dispérdam nómina idolórum de terra, et non memorabúntur ultra : et pseudoprophétas, et spiritum immúndum áuferam de terra. Et erit, cum prophetáverit quíspiam ultra, dicent ei pater ejus et mater ejus, qui genuérunt eum : Non vives : quia mendácium locútus es in nómine Dómini : et confígent eum pater ejus et mater ejus, genitóres ejus, cum prophetáverit. Et erit : In die illa confundéntur prophétæ, unusquisque ex visióne sua cum prophetáverit; nec operiéntur pállio sáccino, ut mentiántur; sed dicet : Non sum prophéta, homo agricóla ego sum : quóniam Adam exémplum meum ab adolescéntia mea.

℞ Unus militum láncea latus ejus apéruit, \* Et continuo exívit sanguis et aqua. v. In die illa erit fons patens dómui David, et habitántibus Jerúsalem. Et continuo.

Lectio iij.

**E**T dicétur ei : Quid sunt plagæ istæ in médio mánuum tuárum? Et dicet : His plagátus sum in domo eórum, qui diligébant me. Frámea suscitáre super pastórem meum, et super virum cohæréntem mihi, dicit Dóminus exercítuum : pércute pastórem, et dispergéntur oves : et convértam manum meam ad párvulos. Et erunt

in omni terra, dicit Dóminus : partes duæ in ea dispergéntur, et deficient : et tértia pars relinquétur in ea. Et ducam tértiam partem per ignem, et uram eos sicut úritur argéntum : et probábo eos sicut probátur áurum. Ipse vocábit nomen meum, et ego exáudiam eum. Dicam : Pópulus meus es; et ipse dicet : Dóminus Deus meus.

℞ In die illa erit fons patens dómui David, et habitántibus Jerúsalem : \* In ablutióne peccatóris et menstruatæ. v. Hic est qui venit per aquam et sánguinem, Jesus Christus. In. Glória Patri. In.

IN II. NOCTURNO

Ant. Adspicient ad me, quem confixerunt; et plangent eum planctu quasi super unigénitum.

Psalmi de Communi Confessoris non Pontificis. 91\*.

Ant. Quid sunt plagæ istæ in médio mánuum tuárum?

Ant. His plagátus sum in domo eórum qui diligébant me.

v. Ipse vulnerátus est propter iniquitátes nostras. ℞ Attritus est propter scélera nostra.

Sermo Innocéntii Papæ sexti.

In Decreto de Festo Lanceæ et Clavorum Domini.

Lectio iv.

**I**N Redemptóris nostri Dómini Jesu Christi sacra-

tíssima passióne sic nos gloriári opórtet, ut ipsíus passiónis cuncta mystéria dinumerántes et mérita, singulis étiam ejus salutáribus instruméntis gloriémur. Inter quæ illud celébriter memorándum est, quod ipse Salvátor, emissio in cruce jam spíritu, sustinuit perforári láncea latus suum, ut inde ságuinis et aquæ profluéntibus undis, formarétur única, et immaculáta, ac virgo sancta mater Ecclésia, sponsa sua. O beatíssima ipsíus sacri láteris apertúra, unde nobis tot et tanta divínæ pietátis dona fluxérunt! O felix láncea, quæ tot bona nobis efficere, et ad tanti triúmphí glóriam méruiť superáddi!

℞. Hic est qui venit per aquam et ságuinem, Jesus Christus: \* Non in aqua solum, sed in aqua et ságuine. ℣. Tres sunt qui testimoniúm dant in terra, spíritus, aqua et sanguis: et hi tres unum sunt. Non.

#### Lectio v.

**H**ÆC latus ipsum aperiéndó, sacratíssimas jánuas nobis regni cæléstis apéruiť. Hæc vulnerádo jam mórtuum, vúlnera nostra sanávit, vitámque nobis réddidit et salútem. Hæc innóxiúm transfigéndó, illíus ságuine culpas nostras abstérst: et demum ejúsdem sacratíssimis undis irrigáta, cæcitatís nostræ ténebras sústulit, et nos ipsíus divínæ pietátis

flúviis mundávit. Illi étiam dulces clavi, quibus ipse Salvátor eidem cruci fuit affixus, quique non solum immaculáto respérge ságuine, et molem ferre tanti pónderis meruérunt, sed et nos étiam per ipsórum salutíferas plagas dulcédinem tantam ipsíus divínæ caritátis accépimus, ut manus nostræ a peccáti solútæ néxibus, pedésque nostri a mortis láqueis fúerint liberáti, sunt devotíssime recoleńdi.

℞. Quóniam circumdedérunt me canes multi, concílium malignántium obsédit me. \* Fodérunt manus meas et pedes meos. ℣. Dicétur ei: Quid sunt plagæ istæ in médio mánuum tuárum? Fodérunt.

#### Lectio vj.

**Q**UID enim vúlnerē et plagis hujúsmodi sáncťius? Quid eis salúbrius, ex quibus salus nostra procéssit, et in quibus assidue se possunt curáre ánimæ devotórum? Licet igitur láncea et clavi prædicti, aliaque ipsíus passiónis salutária instruménta sint a cunctis fidélibus Christi ubilibet veneránda, et de ipsa étiam passióne in eádem Ecclésia solémnia annis singulis Officia celebréntur et fiant; dignum tamen et convéniens reputámus, si de ipsíus passiónis speciálibus instruméntis, et præsertim in pártibus, in



quibus instrumenta ipsa dicuntur haberi, solenne ac speciale festum celebretur et fiat, nosque illos fideles Christi, qui aliqua ex instrumentis ipsius habere se gaudent, in eorum devotione divinis Officiis atque muneribus specialiter foveamus.

**R.** Dicetur ei : Quid sunt plagæ istæ in medio manuum tuarum? Et dicet : \* His plagatus sum in domo eorum qui diligebant me. **V.** Nisi videro in manibus ejus fixuram clavorum, non credam. His. Glória. His.

#### IN III. NOCTURNO

**Ant.** Foderunt manus meas et pedes meos : dinumeraverunt omnia ossa mea.

**Pss. de III. Noct. de Comuni Virg. 116\*.**

**Ant.** Nisi videro in manibus ejus fixuram clavorum, et mittam digitum meum in locum clavorum, et mittam manum meam in latus ejus, non credam.

**Ant.** Infer digitum tuum huc, et vide manus meas, et affer manum tuam, et mitte in latus meum.

**V.** Disciplina pacis nostræ super eum. **R.** Et livore ejus sanati sumus.

Lectio sancti Evangelii secundum Joannem.

**Lectio vij. Cap. 19. f**

**I**N illo tempore : Sciens Jesus, quia omnia consummata sunt, ut consummaretur Scriptura, dixit : Sitio. Et reliqua.

Homilia sancti Augustini  
Episcopi.

**Tract. 120. in Joannem.**

**U**NUS militum lancea latus ejus aperuit, et continuo exivit sanguis et aqua. Vigilanti verbo Evangelista usus est, ut non diceret : Latus ejus percussit, aut vulneravit, aut quid aliud, sed aperuit; ut illic quodammodo vitæ ostium panderetur, unde sacramenta Ecclesiæ manaverunt, sine quibus ad vitam, quæ vera vita est, non intratur. Ille sanguis, qui fusus est, in remissionem fusus est peccatorum. Aqua illa salutare temperat poculum : hæc et lavacrum præstat et potum. Hoc prænuntiabat quod Noë in latere arcæ ostium facere jussus est, quo intrarent animalia, quæ non erant diluvio peritura, quibus præfigurabatur Ecclesiæ.

**R.** Facta sunt hæc, ut Scriptura impleretur : Os non comminuetis ex eo. Et iterum alia Scriptura dicit : \* Vidébunt in quem transfixerunt. **V.** Effundam super domum David, et super habitatores Jerúsalem spiritum gratiæ et precum. Vidébunt.

**Bened.** Divinum auxilium.

**Lectio viij.**

**P**ROPTER hoc prima mulier facta est de latere viri dormientis, et appellata est vita, materque vivorum. Magnum quippe significavit

bonum ante magnum prævaricationis malum. Hic secundus Adam, inclinâto capite, in cruce dormivit, ut inde formarétur ei conjux, quæ de latere dormientis efflúxit. O mors, unde mortui reviviscunt! Quid isto sanguine mûndius? Quid vûlnere isto salûbrius? Facta sunt enim hæc, inquit, ut Scriptûra implerétur : Os non comminuétis ex eo. Et iterum ália Scriptûra dicit : Vidébunt in quem transfixérunt.

**R.** Effúndam super domum David, et super habitatóres Jerúsalem spiritum grátiae et precum, \* Et adspicient ad me, quem confixerunt. **V.** Et plangent eum planctu quasi super unigénitum. Et. Glória Patri. Et.

**Lect. ix. de Homil. Feriæ.**

Te Deum laudámus. 17.

AD LAUDES

ET PER HORAS

**Ant. 1.** Unus militum \* lancea latus ejus apérui, et continuo exívit sanguis et aqua.

**Ps.** Dóminus regnávít. **cum reliq.** 18.

**2.** Foderunt \* manus meas et pedes meos; dinumeravérunt ómnia ossa mea.

**3.** Tres sunt \* qui testimoniûm dant in terra, spiritus, aqua, et sanguis : et hi tres unum sunt.

**4.** Quid turbáti estis, \* et cogitationes ascéndunt in corda vestra? Vidéte manus

meas et pedes meos, quia ego ipse sum.

**5.** Infer digitum \* tuum huc, et vide manus meas, et affer manum tuam, et mitte in latus meum.

**Capitulum. I. Joan. 5. b**

**CARÍSSIMI :** Quis est qui vincit mundum, nisi qui credit quóniam Jesus est Filius Dei? Hic est qui venit per aquam et sanguinem, Jesus Christus, non in aqua solum, sed in aqua et sanguine.

**Hymnus.**

**TINCTAM** ergo Christi sanguine

Convérte in me cúspidem, Ferite cor, pedes, manus, Pœnam a nocente súmte.

At, quæso, culpis débittas,

Quas jure plagas figitis,

Cruóre divino illitæ

Fiant medéla spiritus.

Sit gressus ad malum impotens,

Manus nocére désinant, Omnisque corde e saúcio Profánus ardor éxeat.

Clavis foráto et lancea, Jesu tibi sit glória, Cum Patre, et almo Spíritu, Nunc, et per omne sæculum.

Amen.

**V.** Foderunt manus meas et pedes meos. **R.** Dinumeravérunt ómnia ossa mea.

**Ad Bened. Ant.** Inglorius erit inter viros adspéctus ejus, et forma ejus inter filios hóminum. Iste aspérget gentes multas.



## Oratio.

**D**EUS, qui in assumptæ carnis infirmitate clavis affigi, et lancea vulnerari pro mundi salute voluisti : concède propitius; ut qui eorundem clavorum et lanceæ solémnia venerámur in terris, de glorióso victoriæ tuæ triúmpho gratulémur in cælis : Qui vivis et regnas.

*Et fit Commem. Feriæ.*

AD PRIMAM

*In R. br. V.* Qui vulnerátus es pro nobis.

AD TERTIAM

*Ant. Foderunt.*

*Capit. Carissimi :* Quis est. *ut supra*

*R. br.* Foderunt manus meas \* Et pedes meos. Foderunt. *V.* Dinumeraverunt ómnia ossa mea. Et. Glória Patri. Foderunt.

*V.* Quem tu percussisti, persecúti sunt. *R.* Et super dolórem vulnèrum meórum addiderunt.

AD SEXTAM

*Ant. Tres sunt.*

*Capitulum. I. Petr. 2.*

**F**RATRES : Christus passus est pro nobis, vobis relinquens exémplum, ut sequámini vestigia ejus. Qui peccátum non fecit, nec inventus est dolus in ore ejus.

*R. br.* Quem tu percussisti, \* Persecúti sunt. Quem. *V.* Et super dolórem vulnèrum meórum addiderunt. Persecúti sunt. Glória Patri. Quem.

*V.* Ipse vulnerátus est pro-

pter iniquitátes nostras. *R.* Attritus est propter scélera nostra.

AD NONAM

*Ant. Infer digitum.*

*Capitulum. I. Petr. 2. d*

**Q**UI peccáta nostra ipse pertulit in corpore suo super lignum, ut peccátis mórtui justitiæ vivámus : cujus livóre sanáti estis.

*R. br.* Ipse vulnerátus est \* Propter iniquitátes nostras. Ipse. *V.* Attritus est propter scélera nostra. Propter iniquitátes. Glória Patri. Ipse vulnerátus.

*V.* Disciplina pacis nostræ super eum. *R.* Cujus livóre sanáti sumus.

IN II. VESPERIS

*Omnia ut in I., et loco ult., Ps. Crédidi. 15\*.*

*Ad Magnif. Ant.* Vere languóres nostros ipse tulit, et dolóres nostros ipse portávit : et nos putávimus eum quasi leprósum, et percúsum a Deo, et humiliátum.

*Et fit Commem. Feriæ.*

FERIA VI. POST DOMINICAM II.  
QUADRAG.

SS. SINDONIS D. N. J. C.

*Duplex majus.*

IN I. VESPERIS

*Ant. et Capit. de Laud. 326\* ; Pss. ut in I. Vesp. de Comm. Apost. 1\*.*

*Hymnus.*

**G**LÓRIAM sacre celebrémus omnes  
Sindonis : lætis recolámus hymnis,

Et piis votis monuménta  
nostræ

Certa salutis :

Quæ refert semper vene-  
randa sindon

Sanguine impréssis deco-  
rata signis,

Dum cruce ex alta tulit invo-  
lútum

Corpus Jesu.

Reddit hæc sævos ánimo  
dolóres,

Quos tulit, casum miserátus  
Adæ,

Christus humáni géneris  
Redémptor,

Morte perémpta.

Sáucium ferro latus, at-  
que palmas,

Et pedes clavis, laceráta fla-  
gris

Membra, et infixam cápiti  
corónam

Monstrat imágo.

Quis pius siccis óculis, et  
absque

Intimi cordis gémitu notáta  
Vivaque indignæ simulácula  
mortis

Cérnere possit?

Nostra cum solum tibi,  
Christe, culpa

Cáusa tantórum fúerit maló-  
rum,

Nostra debétur tibi vita :  
vitam

Dédimus ipsam.

Sit tibi Fili decus atque  
virtus,

Qui tuo mundum rédimis  
cruóre,

Quique cum summo Geni-  
tóre, et almo

Flámine regnas. Amen.

V. Tuam sindonem vene-  
rámur Dómine. R. Tuam re-  
cólimus passiónem.

Ad Magnif. Ant. Joseph,  
vir bonus et justus, accéssit  
ad Pilátum, et pétiiit corpus  
Jesu; quo accépto, involvit  
illud in sindone munda.

Oratio ut ad Laud. 327\*.

Et fit Commem. Feriæ.

AD MATUTINUM

Invit. Christum Dóminum,  
qui passiónis suæ memó-  
riam in sacra sindone réno-  
vat, \* Veníte, adorémus.

Ps. Venite, exsultémus. 2.

Hymnus.

**M**YSTÉRIUM mirábile  
Hac luce nobis pánditur,  
Verus Dei cum Filius  
Mortem cruéntam sústinet.

Cáusam tuéndo sérvuli,  
Reique formam véstiens,  
Pro servo herus suspénditur,  
Pro sonte justus pléctitur.

Necis manent insígnia  
Impréssa sacra in sindone,  
Quæ post triúmphum nobi-  
lem

Corpus cruéntum invólve-  
rat.

Sunt mortis hæc, et tártari,  
Mundique victi insígnia;  
Trophæa sunt hæc inclyta  
Ductóris invictíssimi.

Debémus ergo hanc grá-  
tiam

Nostræ salutis vindici,  
Ut dæmonis contra dolos  
Hac militémus téssera.

Vitæ vetústæ mórtui,  
Surgámus in vitam novam;  
Christum secúti per crucem,  
Christi fruémur glória.



Præsta Pater piissime,  
Patrique compar Unice,  
Cum Spiritu Paráclito  
Regnans per omne sæculum.  
Amen.

## IN I. NOCTURNO

**Ant.** Rubrum est indumentum tuum, et vestimenta tua sicut calcantium in torculari.

**Ps. 4.** Cum invocarem. 273.

**Ant.** Aspersionis est sanguis super vestimenta mea, omnia indumenta mea inquinavi.

**Ps. 15.** Conserva me. 274.

**Ant.** Diviserunt sibi vestimenta mea, et super vestem meam miserunt sortem.

**Ps. 14.** Domine quis. 274.

**V.** Tuam sindonem veneramur Domine. **R.** Tuam recolimus passionem.

De Isaia Propheta.

**Lectio j. Cap. 53.**

**Q**UIS credidit auditui nostro? et brachium Domini cui revelatum est? Et ascendet sicut virgultum coram eo, et sicut radix de terra sitiienti : non est species ei, neque decor : et vidimus eum, et non erat adspectus, et desideravimus eum : despectum, et novissimum virorum, virum dolorum, et scientem infirmitatem : et quasi absconditus vultus ejus, et despectus, unde nec reputavimus eum. Vere languores nostros ipse tulit, et dolores nostros ipse portavit : et nos putavimus eum quasi leprosum

et percussum a Deo et humiliatum. Ipse autem vulneratus est propter iniquitates nostras, attritus est propter scelera nostra : disciplina pacis nostrae super eum, et livore ejus sanati sumus.

**R.** Ecce vidimus eum non habentem speciem, neque decorem : adspectus ejus in eo non est. Hic peccata nostra portavit, et pro nobis dolet; ipse autem vulneratus est propter iniquitates nostras : \* Cujus livore sanati sumus. **V.** Vere languores nostros ipse tulit, et dolores nostros ipse portavit. Cujus.

**Lectio ij.**

**O**MNES nos quasi oves erravimus, unusquisque in viam suam declinavit : et posuit Dominus in eo iniquitatem omnium nostrum. Oblatus est quia ipse voluit, et non aperuit os suum : sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia et de judicio sublatus est : generationem ejus quis enarrabit? quia abscissus est de terra viventium : propter scelus populi mei percussi eum. Et dabit impios pro sepultura, et divitem pro morte sua : eo quod iniquitatem non fecerit, neque dolus fuerit in ore ejus.

**R.** Quid sunt plagae istae in medio manuum tuarum? \*

Et dicet : His plagatus sum in domo eorum qui diligebant me. *V.* Frámea suscitáre super pastórem meum, et super virum cohæréntem mihi. Et.

*Lectio iij.*

**E**T Dóminus voluit contérrere eum in infirmitáte : si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánima ejus, vidébit, et saturábitur : in sciéntia sua justificábit ipse justus servus meus multos, et iniquitátes eorum ipse portábit. Ideo dispértiam ei plúrimos : et fórtium dividet spólia, pro eo quod trádidit in mortem ánimam suam, et cum scelerátis reputátus est : et ipse peccáta multórum tulit, et pro transgressóribus rogávit.

*R.* Tuam síndonem venerámur Dómine; tuam gloriósam recólimus passiónem :  
\* Miserére nobis, qui passus es pro nobis. *V.* Salva præsentem catérvam in tuis hódie láudibus congregátam. Miserére. Glória. Miserére.

IN II. NOCTURNO

*Ant.* Quasi absconditus vultus ejus, et despectus; unde nec reputávimus eum.

*Ps. 23.* Dñi est terra. 276.

*Ant.* Omnes vidéntes me deriserunt me, locúti sunt lábiis, et movérunt caput.

*Ps. 26.* Dóminus illuminatio. 276.

*Ant.* Trádidit in mortem ánimam suam, et ipse peccáta multórum tulit.

*Ps. 29.* Exaltábo te. 277.

*V.* Adorámus te Christe, et benedicimus tibi. *R.* Quia per crucem tuam redemisti mundum.

Sermo sancti Ambrósii

Episcopi.

*In Luc. cap. 23.*

*Lectio iv.*

**Q**UID sibi vult quod non Apóstoli, sed Joseph et Nicodémus, ut Joánnes dicit, Christum sepéliunt? Unus justus et constans, alter qui erat magister in Israél. Talis enim Christi est sepultúra, quæ justitiam magisteriúmque hábeat. Obstrúitur igitur tergiversándi locus, et doméstico Judæi testimonio revincúntur. Nam si Apóstoli sepelissent, dicerent útique non sepúltum, quem sepúltum raptum esse dixerunt. Justus áutem Christi corpus óperit síndone, innocens ungit unguénto. Namque hæc non otiose distincta reperimus, quia justitia vestit Ecclésiam, innocentia grátiam subministrat.

*R.* O admirábilis Sindon,  
\* In qua involútus est thesáurus noster, redemptio captivórum. *V.* Gáudet totus mundus, qui redemptus est sanguine Dómini sui. In qua.

*Lectio v.*

**V**ESTI ergo et tu Dómini corpus glória sua, ut et ipse sis justus. Et si mórtuum



credis, óperi tamen divinitátis propriæ plenitudine. Unge illud myrrha et álœ, ut bonus odor Christi sis. Bonum linteum misit Joseph ille vir justus, et fortásse illud quod Petrus vidit e cælo ad se esse demissum, in quo erant gênera quadrúpedum, et ferárum, et vólucrum ad similitúdinem gentílium figuráta. Mýstico igitur unguénto illo pistico consepe-litur Ecclésia, quæ diversitátem populórum fidei suæ communióne sociávit.

**R.** Tulérunt túnica-m Joseph fratres ejus, et in sán-guine hoedi, quem occide-rant, tinxérunt, mitténtes qui ferrent ad patrem, et dice-rent: \*Hanc invénimus; vide num túnica filii tui sit, an non? **V.** Quam cum agnovis-set pater, ait : Túnica filii mei est; fera péssima devo-rávit eum. Hanc invénimus.

### Lectio vj.

**H**UNC Joseph justum Lucas dixit, Matthæus divitem. Et mérito dives hoc loco dicitur, ubi corpus sus-cipit Christi : suscipiéndum enim divitem, nescívit fidei paupertátem. Dives est ergo qui justus est. Justus igitur síndone invólvit; Israélita vero et diversos miscet virtútum odóres, et álœs mit-tit quasi libras centum, hoc est, perféctæ fidei quantitátem. Et ligavérunt corpus Jesu juxta consuetúdinem speciálem Judæórum : non

útique nodis perfidiæ, sed fidei ligatúris; et posuérunt in horto, cui frequénter Ec-clésia comparátur, quæ di-versórum habet poma me-ritórum, florésque virtútum.

**R.** Christus passus est pro nobis, vobis relinquens ex-émplum, ut sequámini ve-stigia ejus : \* Qui peccátum non fecit, nec invéntus est dolus in ore ejus. **V.** Qui cum maledicerétur, non maledi-cébat; cum paterétur, non comminabátur. Qui. Glória Patri. Qui.

### IN III. NOCTURNO

**Ant.** Caro mea requiêscet in spe, quia non dabis Sanctum tuum vidére corruptiô-nem.

**Ps. 53.** Deus in nómine tuo. 279.

**Ant.** Convertisti planctum meum in gáudium mihi; con-scidisti saccum meum, et circumdedisti me lætítia.

**Ps. 75.** Notus in Judæa. 280.

**Ant.** Factus sum sicut homo sine adjutório, inter mórtuos liber.

**Ps. 87.** Dómine Deus salú-tis meæ. 280.

**V.** Omnis terra adóret te, et psallat tibi. **R.** Psalmum dicat nómini tuo Dómine.

Léctio sancti Evangélii se-cúndum Marcum.

### Lectio vij. Cap. 15. d

**I**N illo témpore : Cum jam sero esset factum, (quia erat parascéve, quod est ante sábbatum) venit Joseph ab

Arimathæa, nóbilis decúrio, qui et ipse erat exspéctans regnum Dei. Et réliqua.

Homilia venerábilis Bedæ Presbýteri.

In Fer. III. Palmarum.

**P**ARASCÉVE græce, latine præparátio dicitur, quo nómine Judæi, qui inter Græcos morabántur, sextam sábbati appellábant, eo quod in illa ea, quæ requiúi sábbati necessária essent, præparáre solérent; juxta hoc quod de manna quondam præcéptum est: Sexta áutem die colligétis duplum. Quia ergo sexta die factus est homo, et tota est mundi creatúra perfécta; séptima áutem cónditor ab ópere suo requiévít, unde et hanc, sábbatum, hoc est, réquiem vóluit appellári: recte Salvátor eádem sexta die crucifixus humánæ restauratiónis implévit arcánum; ideóque, cum accepisset acétum, dixit: Consummátum est; hoc est, sextæ diéi, quod pro mundi refectione suscepí, jam totum est opus explétum. Sábباتo áutem in sepúlcro requiészens, resurrectionis, quæ octáva die ventúra erat, exspectábat événtum.

**R.** Mercátus est Joseph sindonem mundam, ut invólveret in ea corpus Dómini. \* Venit ergo, et tulit corpus ejus. **V.** Rogávit Pilátum Joseph ab Arimathæa, ut tóleret corpus Jesu. Venit.

Lectio viij.

**V**ENIT, inquit, Joseph ab Arimathæa, nóbilis decúrio, qui et ipse erat exspéctans regnum Dei, et audácter introívit ad Pilátum, et pétíit corpus Jesus. Magnæ quidem Joseph iste dignitátis ad sáculum, sed majóris apud Deum mériti fuisse laudátur. Talem namque exsistere decébat eum, qui corpus Dómini sepeliret, qui et per justitiam meritórum tali ministério dignus esset, et per nobilitátem poténtiæ sæculáris facultátem posset obtinére ministrándi; non enim quilibet ignótus aut mediocris ad præsidem accédere, et crucifixi corpus póterat impetráre.

**R.** Hæc est sindon digníssima, \* In qua salútis áuctor de cruce depósitus invólvi dignátus est. **V.** Ut nos consepúlti cum eo, véteris hóminis exúviis depósitis, innocentíæ sindone tegerémur. In qua. Glória Patri. In qua.

Lect. ix. de Homil. Feriæ.

Te Deum laudámus. 17.

AD LAUDES

ET PER HORAS

**Ant. 1.** Joseph nóbilis decúrio, \* vir bonus et justus, et ipse dives, erat exspéctans regnum Dei.

**Ps.** Dóminus regnávít. **cum reliq.** 18.

**2.** Hic audácter \* introívit ad Pilátum, et pétíit corpus Jesu.



3. Cum cognovisset \* Pilátus a centurióne, quod jam mórtuus esset, donávit corpus Jesu.

4. Joseph áutem \* mercátus sindonem, et depónens eum, invólvit sindone.

5. Pósuit eum \* in monuménto, in quo nondum quisquam pósitus fúerat.

**Capitulum. Is. 63.**

**Q**UIS est iste, qui venit de Edom, tinctis véstibus de Bosra? Iste formósus in stola sua, grádiens in multitúdine fortitúdinis suæ. Ego, qui loquor justítiam, et propugnátor sum ad salvándum.

**Hymnus.**

**J**ESU dulcis amor meus,  
Ac si præsens sis, accédo :

Te compléctor cum afféctu,  
Tuórum memor vúlnerum.

O quam nudum hic te cerno,

Vulnerátum et disténtum,  
Inquinátum, involútum  
In hoc sacráto tégmine !

Salve caput cruentátum  
Spinis, cujus dulcis vultus  
Immutávit suum florem,  
Quem cæli tremit cúria.

Salve latus Salvatóris,  
Salve mitis apertúra,  
Super rosam rubicúnda,  
Medéla salutífera.

Manus sanctæ, vos avéte,  
Diris clavis perforátæ :  
Ne repéllas me Salvátor  
De tuis sanctis pedibus.

Amen.

✠. Dóminus regnávit, de-

córem induit. **℟.** Induit Dóminus fortitúdinem, et præcínxit se virtúte.

**Ad Bened. Ant.** Joseph nóbilis decúrio, exspéctans et ipse regnum Dei, mercátus est sindonem, et depónens corpus Jesu, invólvit illud in sindone.

**Oratio.**

**D**EUS, qui nobis in sancta Sindone, qua corpus tuum sacratíssimum e cruce depósitum, a Joseph involútum fuit, passiónis tuæ vestigia reliquisti : concéde propítius; ut per mortem et sepultúram tuam ad resurrectionis glóriam perducámur : Qui vivis.

**Et fit Commem. Feriæ.**

AD TERTIAM

**Ant.** Hic audácter.

**Capit.** Quis est iste.

**℟. br.** Tuam sindonem  
\* Venerámur Dómine. Tuam.  
✠. Tuam recólimus passió-  
nem. Venerámur. Glória Pa-  
tri. Tuam.

✠. Adorámus te Christe,  
et benedicimus tibi. **℟.** Quia  
per mortem tuam redemísti  
mundum.

AD SEXTAM

**Ant.** Cum cognovisset.

**Capitulum. Is. 63.**

**Q**UARE ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de géntibus non est vir mecum.

**℟. br.** Adorámus te Christe, \* Et benedicimus tibi.

Adorámus. *ŷ.* Quia per mortem tuam redemisti mundum. Et. Glória. Adorámus.

*ŷ.* Omnis terra adóret te, et psallat tibi. *Ŕ.* Psalmum dicat nómini tuo Dómine.

AD NONAM

*Ant.* Pósuit eum.

*Capitulum.* Is. 63.

**C**IRCUMSPÉXI, et non erat auxiliátor : quæsiui, et non fuit qui adjuváret : et salvávit mihi bráchium meum, et indignátio mea ipsa auxiliáta est mihi.

*Ŕ. br.* Omnis terra adóret te, \* Et psallat tibi. Omnis.

*ŷ.* Psalmum dicat nómini tuo Dómine. Et. Glória Patri. Omnis.

*ŷ.* Dóminus regnávit, decórem induit. *Ŕ.* Induit Dóminus fortitúdinem, et præcinxit se virtúte.

IN II. VESPERIS

*Omnia ut in I. Vesp., præter ult. Ps., cujus loco Ps. 141. Voce mea... deprecátus sum. 142.*

*Ad Magnif. Ant.* Homo quidam dives ab Arimathæa, nómine Joseph, accépto corpore Jesu, invólvit illud in síndone munda.

*Et fit Commem. Fer.*

FERIA VI. POST DOM. III.

QUADRAGESIMÆ

SS. QUINQUE VULNERUM

D. N. J. C.

*Duplex majus.*

IN I. VESPERIS

*Ant. et Capit. de Laud. 332\*; Ps. 115. Crédidi. cum*

*reliq. Feriæ V. in Coena Domini. 255.*

*Hymn.* Pange lingua. 217.

*ŷ.* Vidébunt in quem transfixérunt. *Ŕ.* Et dolébunt super eum, ut in morte primogéniti.

*Ad Magnif. Ant.* Dum in cruce pendéret unigénitus Dei Filius, et ab ómnibus subsannarétur, mater ejus Virgo María ipsum verum Deum et hóminem cóndolens venerabátur.

*Orat. ut ad Laud. 332\*.*

*Et fit Commem. Fer.*

AD MATUTINUM

*Invit.* Christum in cruce confixum, quinque plagis vulnerátum, \* Veníte, adorémus.

*Ps.* Veníte, exsultémus. 2.

*Hymnus* Pange lingua. 217.

IN I. NOCTURNO

*Ant.* Quis est qui venit de Edom, tinctis véstibus de Bosra?

*Ps. 10.* In Dómino confido. 8.

*Ant.* Quare rubrum est indumentum tuum, et vestimenta tua sicut calcántium in torculári?

*Ps. 14.* Dómine quis habitábit. 10.

*Ant.* Tórcular calcávi solus, et de géntibus non fuit vir mecum.

*Ps. 23.* Dómini est terra. 31.

*ŷ.* Fodérunt manus meas et pedes meos. *Ŕ.* Dinumeravérunt ómnia ossa mea.



De Isaia Prophéta.

Lectio j. Cap. 53.

**Q**UIS creðidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti : non est spécies ei, neque decor : et vídimus eum, et non erat adspéctus, et desiderávimus eum : despéctum, et novissimum virórum, virum dólorum, et sciéntem infirmitátem : et quasi absconditus vultus ejus et despéctus, unde nec reputávimus eum. Vere languóres nostros ipse tulit, et dolóres nostros ipse portávit : et nos putávimus eum quasi leprósum, et percússum a Deo et humiliátum. Ipse áutem vulnerátus est propter iniquitátes nostras, attritus est propter scélera nostra : disciplina pacis nostræ super eum, et livóre ejus sanáti sumus.

℟. Gratificávit nos Deus in dilécto Filio suo, \* In quo habémus redemptionem per sánguinem ejus, in remissionem peccatórum. V. Ecce venit plenitúdo témporis, in quo misit Deus Fílium suum in terras. In.

Lectio ij.

**O**MNES nos quasi oves errávimus, unusquisque in viam suam declinávit : et pósuit Dóminus in eo iniquitátem ómnium nostrum. Oblátus est quia ipse vóluit, et non apéruit os suum :

sicut ovis ad occisiónem ducétur, et quasi agnus coram tondénte se obmutéscet, et non apériet os suum. De angústia, et de judicio sublátus est : generatióem ejus quis enarrábit? quia abscíssus est de terra vivéntium : propter scelus pópuli mei percússi eum. Et dabit impios pro sepultúra, et divitem pro morte sua : eo quod iniquitátem non fécerit, neque dolus fúerit in ore ejus. Et Dóminus vóluit contérrere eum in infirmitáte.

℟. Nos qui aliquándo erámus longe, facti sumus prope per sánguinem Jesu Christi : \* Ipse est pax nostra, qui fecit útraque unum. V. A Dómino factum est istud, et est mirábile in óculis nostris. Ipse.

Lectio iij. Cap. 63.

**Q**UIS est iste qui venit de Edom, tinctis véstibus de Bosra? iste formósus in stola sua, grádiens in multitudine fortitúdinis suæ. Ego, qui loquor justitiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de géntibus non est vir mecum : calcávi eos in furóre meo, et conculcávi eos in ira mea : et aspérsus est sanguis eórum super vestiménta mea, et ómnia indumentá mea iniqui-

návi. Dies enim ultiónis in corde meo, annus redemptiónis meæ venit. Circumspéxi, et non erat auxiliátor : quæsiui, et non fuit qui adjuvâret.

**R.** In primogénito ex mór-  
tuis complácuit omnem plenitúdinem divinitátis inhábitâre, et per eum reconciliâre ómnia in ipsum, \* Pacíficans per sánguinem crucis ejus, sive quæ in cælis, sive quæ in terris sunt. **V.** Ipse est caput cõrporis Ecclésiæ, in ómnibus primátum tenens. Pacíficans. Glória Patri. Pacíficans.

#### IN II. NOCTURNO

**Ant.** Fodérunt manus meas et pedes meos, dinumeravérunt ómnia ossa mea.

**Ps. 21.** Deus Deus meus respice. 33.

**Ant.** A planta pedis usque ad vérticem non est in eo sánitas.

**Ps. 65.** Jubiláte Deo. 80.

**Ant.** Vulnus, et livor, et plaga tumens non est circumligáta, nec curáta medicámine, neque fota óleo.

**Ps. 75.** Notus in Judæa. 91.

**V.** Vere languóres nostros ipse tulit. **R.** Et dolóres nostros ipse portávit.

De Sermóne sancti Bernárdi Abbátis.

**Lib. de Pass. Domini,**  
cap. 41.

**Lectio iv.**

**C**APTUS ergo Jesus post plúrimas illusiónes tam

Judæórum quam géntium, post ságuinis plures effusiónes, clavis immitibus má-nibus simul et pédibus perforátur, et confígitur ligno crucis Salvátor noster mitissimus Jesus. Intuère, et respice rosam passiónis sanguineæ, quómodo rubet in indícium ardentissimæ caritátis. Conténdunt pássio et caritas : illa, ut plus árdeat; ista, ut plus rúbeat.

**R.** Per mortem destrúxit Jesus eum qui mortis habébat impérium, \* Ut liberáret eos qui timóre mortis obnoxii erant servitúti. **V.** Unde débuit per ómnia frátribus assimilári, ut miséricors fieret. Ut liberáret.

#### Lectio v.

**V**IDE quómodo hoc flore rosæ florúerit óptima vitis nostra, rubicúndus Jesus. Vide totum corpus, sicubi rosæ sanguineæ florem non invénias. Inspice manum unam et álteram, si florem rosæ non invénias in utrâque. Inspice pedem unum et álterum : numquid non rósei? Inspice láteris apertúram, quia nec illa caret rosa, quamvis ipsa subrúbea sit, propter mixtúram aquæ, quia, sicut narrat Evangelista, cum unus militum láncea latus ejus perforásset, exívit sanguis et aqua.

**R.** Per hómínem mors, et per hómínem resurréctio mortuórum : \* Et sicut in



Adam omnes peccavérunt, ita in Christo omnes vivificabúntur. *V.* Novissime áutem inimica destruétur mors. Et sicut.

Ex eódem divo Bernárido.  
*Serm. de Passione Domini.*

*Lectio vj.*

**R**ÉSPICE Dómine sancte Pater de sanctuário tuo, et de excélsio cælórum habitáculo, et intuére hanc sacrosáctam hóstiam, quam tibi offert magnus pón tifex noster, sanctus puer tuus Dóminus Jesus, pro peccátis fratrum suórum; et esto placábilis super multitudíne malítiæ nostræ. Cognósce Pater túnica filii tui Joseph. Heu! fera péssima devorávit eum, et conculcávit in furóre suo vestiméntum ejus: ecce quinque scissúras lamentábiles in eo reliquit.

*R.* Vidémus Jesum propter passiónem mortis glória et honóre coronátum, \* Ut pro ómnibus gustáret mortem. *V.* Decébat eum, qui multos filios in glóriam addúxerat, auctórem salútis eórum per passiónem consummári. Ut. Glória Patri. Ut.

IN III. NOCTURNO

*Ant.* Quid suñt plagæ istæ in médio mánuum tuárum?

*Pss. de III. Noct. Virg.*  
116\*.

*Ant.* His plagátus sum in domo eórum qui me diligébant.

*Ant.* In amaritúdine sermo

meus est, et manus plagæ meæ aggraváta est super gémitum meum.

*V.* Ipse vulnerátus est propter iniquitátes nostras. *R.* Attritus est propter scélera nostra.

Léctio sancti Evangélii secúndum Joánnem.

*Lectio vij. Cap. 19. f*

**I**N illo témpore: Sciens Jesus, quia ómnia consummáta sunt, ut consummarétur Scriptúra, dixit: Sitio. Et réliqua.

Homilia sancti Cyrilli Episcopi Alexandríni.

*Lib. 12. Comment. in Joann.*

**C**UM ab immánibus Judæis omnis in Christum expléta esset impietas, nec quidquam jam ad summam crudelitátem réliquum esset, ad extrémum caro Christi sanctíssima próprium quiddam ac naturále rursus pátitur. Multis enim ac váriis dolóribus exsiccáta, siti torquétur. Graves siquidem dolóres magnam ad sitim commovéndam vim habent, naturáli quodam et inexplicábilí calóre húmidum consuméntes, et igneis ardóribus præcórdia uréntes.

*R.* Manifestáta est grátia Dei per illuminatióem Salvatóris nostri Jesu Christi, \* Qui destrúxit mortem, illuminávit áutem vitam in incorruptiόnem. *V.* Liberávit et vocávit nos vocatiόne sua sancta per grátiam, quæ data est nobis in Christo. Qui.

## Lectio viij.

**C**ONSUMMÁTUM esse ait impietátis Judáicæ modum, et impoténtem sæviéndi ánimum. Quid enim Judæi intentátum reliquérunt, aut quid non extrémæ crudelitátis adhibuérunt? Quod supplicii aut contuméliæ genus prætermisérunt? Quamóbre[m] jure, Consummátum est, ait : sed hora jam eum ad prædicándum spirítibus, qui apud inferos erant, invitánte (advénit enim ut mortuórum ac vivórum dominaré[re]tur), ipsam pro nobis mortem suscepit, commúnem hanc natúræ nostræ passiónem sustinuit in carne sua.

**R.** Dignus es Dómine accipere librum, et aperíre signácula ejus, quóniam occisus es, et redemísti nos Deo \* In ságuine tuo. **V.** Fecisti enim nos Deo nostro regnum et sacerdótes. In. Glória Patri. In.

**Lect. ix. de Homil. Feriæ.**

Te Deum laudámus. 17.

AD LAUDES

ET PER HORAS

**Ant. 1.** Vere languóres \* nostros ipse tulit, et dolóres nostros ipse portávit.

**Ps.** Dóminus regnávit. *cum reliq.* 18.

**2.** Ipse áutem \* vulnerátus est propter iniquitátes nostras, attritus est propter scélera nostra.

**3.** Alligávit Dóminus \* plagam pópuli sui, et percussúram ejus sanávit.

**4.** Omnis qui transibit, \* stupébit super omnes plagas ejus.

**5.** O vos omnes \* qui transitis per viam, atténdite, et vidéte si est dolor sicut dolor meus.

**Capitulum. Is. 53.**

**C**HRISTUS vulnerátus est propter iniquitátes nostras, attritus est propter scélera nostra : cujus livóre sanáti sumus.

**Hymn.** Lustra sex. 222.

**V.** Vidébunt in quem transfixérunt. **R.** Et dolébunt super eum, ut in morte primogéniti.

**Ad Bened. Ant.** Unus militum lancea latus ejus aperuit, et continuo exivit sanguis et aqua.

**Oratio.**

**D**EUS, qui unigéniti Fílii tui passióne, et per quinque Vúlnera ejus ságuinis effusióne, humánam natúram peccáto pérditam reparásti : tribue nobis, quæsumus; ut qui ab eo suscepta Vúlnera venerámur in terris, ejúsdem pretiosissimi ságuinis fructum cónsequi mereámur in cælis. Per eúmdem Dóminum.

**Et sit Commem. Fer.**

AD PRIMAM

**In R. br. V.** Qui vulnerátus es pro nobis.

AD TERTIAM

**Ant.** Ipse áutem.

**Capit.** Christus. *supra.*

**R. br.** Fodérunt manus meas \* Et pedes meos. Fo-



dérunt. *V.* Dinumeravérunt  
omnia ossa mea. Et. Glória  
Patri. Fodérunt.

*V.* O vos omnes, qui trans-  
itis per viam. *R.* Atténdite,  
et vidéte dolórem meum.

AD SEXTAM

*Ant.* Alligávit Dóminus.

*Capitulum.* Is. 50.

**F**ÁCIEM meam non avérti  
ab increpántibus et con-  
spuéntibus in me. Dóminus  
Deus auxiliátor meus, et  
ideo non sum confúsus.

*R.* *br.* Vere languóres no-  
stros \* Ipse tulit. Vere. *V.*  
Et dolóres nostros ipse por-  
távit. Ipse. Glória Patri. Vere.

*V.* Disciplina pacis nostræ  
super eum. *R.* Et livóre ejus  
sanáti sumus.

AD NONAM

*Ant.* O vos omnes.

*Capitulum.* Is. 53.

**T**RÁDIDIT Christus in mor-  
tem ánimam suam, et  
cum scelerátis reputátus est:  
et ipse peccáta multórum tu-  
lit, et pro transgressóribus  
rogávit.

*R.* *br.* Ipse vulnerátus est  
\*Propter iniquitátes nostras.  
Ipse. *V.* Attrítus est propter  
scélera nostra. Propter. Gló-  
ria Patri. Ipse.

*V.* Oblátus est quia ipse  
vóluit. *R.* Et non apéruit os  
suum.

IN II. VESPERIS

*Omnia ut in I., præter*

*Ad Magnif. Ant.* Ego sum  
vestra redéptio : manus  
meæ, quæ vos fecérunt, cla-  
vis confixæ sunt : propter

vos flagéllis cæsus sum, spi-  
nis coronátus sum : aquam  
pétii pendens, et acétum  
porrexérunt : in escam meam  
fel dedérunt, et in latus lân-  
ceam : mórtuus et sepúltus  
resurrexi : vobiscum sum, et  
vivo in ætérnum.

*Et fit Commemoratio Fe-  
riæ.*

FER. VI. POST DOM. IV.

QUADRAGESIMÆ

PRETIOSISSIMI SANGUINIS

D. N. J. C.

*Duplex majus.*

IN I. VESPERIS

*Ant. 1.* Quis est iste qui  
venit de Edom, tinctis vé-  
stibus de Bosra? iste formó-  
sus in stola sua.

*Pss. ut in I. Vesp. de Com-  
muni Apost. 1\*.*

*2.* Ego qui loquor justí-  
tiam, et propugnátor sum ad  
salvándum.

*3.* Vestitus erat veste a-  
spérsa ságuine, et vocátur  
nomen ejus Verbum Dei.

*4.* Quare ergo rubrum est  
indumentum tuum, et vesti-  
ménta tua sicut calcántium  
in torculári?

*5.* Tórcular calcávi solus,  
et de géntibus non est vir  
mecum.

*Capitulum.* Hebr. 9.

**F**RATRES : Christus assístens  
póntifex futurórum bonó-  
rum, per ámplius et perfé-  
ctius tabernáculum non ma-  
núfactum, id est, non hujus  
creatiónis : neque per sán-  
guinem hircórum aut vitu-

lórur, sed per próprium  
sánguinem introívit semel  
in sancta, ætérra redem-  
ptióne invénta.

**Hymnus.**

**F**ESTÍVIS résonent cómpita  
vócibus,  
Cives lætitiám fróntibus éx-  
plicent :

Tædis flammiferis órđine  
pródeant

Instrúcti púeri et senes.

Quem dura móriens Chri-  
stus in árbore

Fudit múltiplici vúlnerē sán-  
guinem,

Nos facti mémores dum có-  
limus, decet

Saltem fúndere lácrymas.

Humáno géneri pernícies  
gravis

Adámi vétēris crimine cón-  
tingit :

Adámi intēgritas et píetas  
novi

Vitam réddidit ómnibus.

Clamórem válidum sum-  
mus ab æthere

Languéntis Géniti si Pater  
áudiit,

Placári pótius ságuine dé-  
buit,

Et nobis véniam dare.

Hoc quicúmque stolam  
ságuine próluit,

Abstérgit máculas; et ró-  
seum decus,

Quo fiat símilis prótinus An-  
gelis,

Et regi pláceat, capit.

A recto instábilis trámite  
póstmodum

Se nullus rétrahat; meta sed  
última

Tangátur; tribuet nóbile  
præmium,

Qui cursum Deus áduvat.

Nobis propítius sis, Géní-  
tor potens,

Ut quos unígenæ ságuine  
Fílli

Emísti, et plácido Flámine  
récreas,

Cæli ad cúlmina tránsferas.  
Amen.

**V.** Redemísti nos Dómine  
in ságuine tuo. **R.** Et fecísti  
nos Deo nostro regnum.

**Ad Magnif. Ant.** Accessí-  
stis ad Sion montem, et ci-  
vitátem Dei vivéntis, Jerú-  
salem cæléstem, et testa-  
ménti novi mediatórem Je-  
sum, et ságuinis asper-  
sionem mélius loquéntem  
quam Abel.

**Oratio ut ad Laudes.** 340\*.

**Et fit Commemoratio Fe-  
riæ.**

**AD MATUTINUM**

**Invit.** Christum Dei Fi-  
lium, qui suo nos redémit  
ságuine, \* Veníte, adoré-  
mus.

**Ps.** Veníte, exsultémus. 2.

**Hymnus.**

**I**RA justa Conditóris,  
Imbre aquárum víndice,  
Criminósum mersit orbem  
Noë in arca sóspite :  
Mira tandem vis amóris  
Lavít orbem ságuine.

Tam salúbri terra felix  
Irrigáta plúvia,  
Ante spinis quæ scatébat,  
Germinávit flósculos :  
Inque néctaris sapórem  
Transiére absýnthia.



Triste prótinus venénium  
Dirus anguis pósuit,  
Et cruénta belluárum  
Désiit ferócia :  
Mitis Agni vulneráti  
Hæc fuit victória.

O sciéntiæ supérnæ  
Altitúdo impérvia!  
O suávitás benigni  
Prædicánda pectoris!  
Servus erat morte dignus,  
Rex luit pœnam óptimus.

Quando culpis provocámus  
Ultiônem júdicis,  
Tunc loquéntis protegámur  
Sánguinis præsentia :  
Ingruéntium malórum  
Tunc recédant ágmina.

Te redémptus láudet orbis  
Grata servans múnera,  
O salútis sempitérnæ  
Dux et áuctor ínclyte,  
Qui tenes beáta regna  
Cum Parénte et Spiritu.

Amen.

IN I. NOCTURNO

**Ant.** Postquam consum-  
máti sunt dies octo, ut cir-  
cumciderétur puer, vocátum  
est nomen ejus Jesus.

**Ps. 2.** Quare fremuérunt. 4.

**Ant.** Factus in agonía, pro-  
lixius orábat, et factus est  
sudor ejus sicut guttæ sán-  
guinis decurréntis in terram.

**Ps. 3.** Dómine quid. 5.

**Ant.** Judas, qui eum trá-  
didit, pœniténtia ductus,  
rétulit trigínta argénteos,  
dicens : Peccávi, tradens  
sánguinem justum.

**Ps. 15.** Consérva me. 11.

**Ÿ.** Redemisti nos Dómine.

**Ź.** In sánguine tuo.

De Epístola beáti Páuli Apó-  
stoli ad Hebræos.

**Lectio j. Cap. 9. c**

**C**HRIStUS assistens pón-  
tífex futurórum bonórum, per  
ámplius et perféctius taber-  
náculum non manufáctum,  
id est, non hujus creatiônis ;  
neque per sánguinem hircó-  
rum, aut vitulórum, sed per  
 próprium sánguinem intro-  
iit semel in Sancta, ætéRNA  
redemptiône invénta. Si enim  
sanguis hircórum, et tauró-  
rum, et cinis vitulæ aspér-  
sus inquinátos sanctificat ad  
emundatióem carnis : quan-  
to magis sanguis Christi, qui  
per Spíritum sanctum semet-  
ipsum óbtulit immaculátum  
Deo, emundábit conscién-  
tiam nostram ab opéribus  
mórtuis, ad serviéndum Deo  
vivénti? Et ideo novi testa-  
ménti mediátor est : ut morte  
intercedénte, in redempti-  
onem eárum prævaricati-  
onum, quæ erant sub prióri  
testaméto, repromissi-  
onem accípiant qui vocáti sunt  
ætéRNæ hereditátis.

**Ź.** Jesus, ut sanctificáret  
per suum sánguinem pópu-  
lum, extra portam passus  
est : \* Exeámus igitur ad eum  
extra castra, impropérium  
ejus portántes. **Ÿ.** Nondum  
enim usque ad sánguinem  
restitistis advérsus peccátum  
repugnántes. Exeámus.

**Lectio ij.**

**U**BI enim testaméto est,  
mors necesse est inter-  
cédât testatóris. Testamén-

tum enim in mórtuis confirmátum est : alióquin nondum valet, dum vivit qui testátus est. Unde nec primum quidem sine ságuine dedicátum est. Lecto enim omni mandáto legis a Móyse univérso pópulo : accipiens ságuinem vitulórum, et hircórum cum aqua et lana coccínea, et hyssópo : ipsum quoque librum, et omnem pópulum aspérsit, dicens : Hic sanguis testaménti, quod mandávit ad vos Deus. Etiam tabernáculum et ómnia vasa ministérii ságuine similiter aspérsit : et ómnia pene in ságuine secúndum legem mundántur : et sine ságuinis effusióne non fit remissio.

¶ Móyses sumptum ságuinem respérsit in pópulum : \* Et ait : Hic est sanguis scéderis, quod pépigit Dóminus vobiscum. ¶ Fide celebrávit Pascha et ságuinis effusióne, ne qui vastábat primitiva, tangeret eos. Et.

*Lectio iij. Cap. 10. d*

**H**ABÉNTES itaque fratres fidúciam in intróitu Sanctorum in ságuine Christi, quam initiávit nobis viam novam, et vivéntem per vélámen, id est, carnem suam, et sacerdotem magnum super domum Dei : accedámus cum vero corde in plenitúdine fidei, aspérsi corda a consciéntia mala, et ablúti corpus aqua munda, teneámus spei nostræ confessió-

nem indeclinábilem, (fidélis enim est qui repromísit) et considerémus invicem in provocatióne caritátis, et bonórum óperum.

¶ Vos, qui aliquándo erátis longe, facti estis prope in ságuine Christi : \* Ipse enim est pax nostra, qui fecit útraque unum. ¶ Complácuit per eum reconciliáre ómnia in ipsum, pacíficans per ságuinem crucis ejus, sive quæ in terris, sive quæ in cælis sunt. Ipse enim. Glória Patri. Ipse enim.

IN II. NOCTURNO

*Ant.* Pilátus volens pópulo satisfácere, trádedit illis Jesum flagéllis cæsum.

*Ps. 22.* Dóminus regit me. 33.

*Ant.* Videns áutem quia nihil proficeret, accépta aqua, lavit manus coram pópulo, dicens : Innocens ego sum a ságuine Justi hujus.

*Ps. 29.* Exaltábo te Dómine. 51.

*Ant.* Et respóndens univérso pópulo, dixit : Sanguis ejus super nos, et super filios nostros.

*Ps. 63.* Exáudi Deus oratióne. 80.

¶ Sanguis Jesu Christi Filii Dei. ¶ Emúndat nos ab omni peccáto.

Sermo sancti Joánnis Chrysóstomi.

*Homilia ad Neophytos.*

*Lectio iv.*

**V**ULTIS ságuinis Christi audíre virtútem? Redeá-



mus ad ejus exéplum, et priórem typum recordémur, et pristinam Scriptúram narremus. In Ægýpto, nocte média, Ægýptiis Deus plagam décimam minabátur, ut eórum primogénita deperirent, quia primogénitum ejus pópulum detinébant. Sed ne amáta plebs Judæórum una cum illis periclitarétur, quia unus locus continébat univérsos, remédium discretiónis invéntum est. Proinde exéplum mirábile, ut discas in veritáte virtutem. Ira divínæ indignatiónis sperabátur, et domos singulas mórtifer circuibat. Quid igitur Móyses? Occidite, inquit, agnum annículum, et sángine ejus linite jánuas. Quid ais, Móyses? Sanguis ovis rationálem hóminem liberáre consuévit? Valde, inquit; non eo quod sanguis est, sed quia Domíni ságuinis per eum demonstrátur exéplum.

**R.** In timóre incolátus vestri conversámini, \* Sciéntes quod non corruptibilibus áuro, vel argénto redépti estis. **V.** Sed pretióso ságuine, quasi agni immaculáti Christi. Sciéntes.

**Lectio v.**

**N**AM sicut regnántium stá-  
tuæ, quæ sine cáusa  
sunt, et sermóne, nonnún-  
quam ad se confugiéntibus  
hominibus ánima, et ratióne  
decorátis, subveníre con-  
suevérent, non quia sunt

ære confectæ, sed quia réti-  
nent imáginem principálem :  
ita et sanguis ille, qui irratio-  
nális fuit, ánimas habéntes  
hómines liberávit : non quia  
sanguis fuit, sed quia hujus  
ságuinis ostendébat advén-  
tum. Et tunc Angelus ille  
vastátor, cum linítos postes,  
atque áditus pervidéret,  
transjécit gressus, et non est  
áusus intráre. Nunc ergo si  
viderit inimicus, non pósti-  
bus impósitum ságuinem  
typi, sed fidélium ore lu-  
céntem ságuinem veritátis  
Christi, templi póstibus de-  
dicátum, multo magis se  
súbtrahet. Si enim Angelus  
cessit exémplo, quanto ma-  
gis terrébitur inimicus, si  
ipsam perspéxerit veritá-  
tem? Vis et áliam hujus sán-  
guinis scrutári virtútem?  
Volo. Unde primum cucúr-  
rit inspicias, et de quo fonte  
manávit. De ipsa primum  
cruce procéssit : latus illud  
Domínicum initium fuit. Mór-  
tuo enim, ait, Jesu, et ad-  
huc in cruce pendénte, ap-  
próximat miles, latus lán-  
cea percússit, et exinde aqua  
fluxit, et sanguis. Unum ba-  
ptísmatis sýmbolum, áliud  
sacraménti. Ideo non ait :  
Exiit sanguis et aqua; sed  
éxiit aqua primum et san-  
guis, quia primum bap-  
tismate diluimur, et póstea  
mystério dedicámur.

**R.** Empti estis pretio ma-  
gno : \* Glorificáte, et por-  
táte Deum in córpore vestro.

**V.** Prétio empti estis : nolite fieri servi hóminum. Glorificáte.

**Lectio vj.**

**L**ATUS miles apérui, et templi sancti parietem patefécit. Et ego thesáurum præclárum invéni, et fulgéntes divítias me grátulor reperire. Sic et de illo agno factum est. Judæi ovem occidérunt, et ego fructum de sacraménto cognóvi. De látere sanguis et aqua. Nolo tam fáciie, audítor, tráns-eas tanti secréta mystérii. Restat enim mihi mýstica, atque secretális orátio. Dixi baptismatis sýmbolum et mysteriórum aquam illam, et sánguinem demonstráre. Ex his enim sancta fundáta est Ecclésia per lavácri regenerationem, et renovatió-nem Spíritus sancti. Per baptisma, inquam, et mystéria, quæ ex látere vidéntur esse proláta. Ex látere igitur suo Christus ædificávit Ecclésiám, sicut de látere Adam ejus conjux Heva proláta est. Nam hac de cáusa Páulus quoque testátur, dicens : De corpore ejus, et de óssibus ejus sumus : latus vidélicet illud significans. Nam sicut de illo látere Deus fecit féminam procreári, sic et de suo látere Christus aquam nobis et sánguinem dedit, unde repararétur Ecclésia.

**R.** Comméndat caritátem suam Deus in nobis : \* Quó-

niam cum adhuc peccatóres essémus, secúndum tempus Christus pro nobis mórtuus est. **V.** Multo igitur magis nunc justificáti in sáanguine ipsius, salvi érimus ab ira per ipsum. Quóniam. Glória Patri. Quóniam.

IN III. NOCTURNO

**Ant.** Exivit ergo Jesus portans corónam spineam, et purpúreum vestiméntum, et dixit eis : Ecce homo.

**Ps. 73.** Ut quid. 89.

**Ant.** Et bájulans sibi crucem, exivit in eum, qui dicitur Calváriæ, locum : ubi crucifixérunt eum.

**Ps. 87.** Dómine Deus. 103.

**Ant.** Ut vidérunt eum jam mórtuum, non fregérunt ejus crura, sed unus militum lancea latus ejus apérui, et continuo exívit sanguis et aqua.

**Ps. 93.** Deus ultiónum. 106.

**V.** Christus diléxit nos. **R.** Et lavit nos a peccátis nostris in sáanguine suo.

Léctio sancti Evangélii secúndum Joánnem.

**Lectio vij. Cap. 19. f**

**I**n illo témpore : Cum accepisset Jesus acétum, dixit : Consummátum est. Et inclináto cápite, trádidit spíritum. Et réliqua.

Homilia sancti Augustíni  
Epíscopi.

**Tractatu 120. in Joannem.**

**V**IGILÁNTI verbo Evangelista usus est, ut non diceret : Latus ejus percússit,



aut vulnerávit, aut quid aliud, sed aperuit; ut illic quodámmodo vitæ óstium panderétur, unde sacraménta Ecclesiæ manavérunt, sine quibus ad vitam, quæ vera vita est, non intrátur. Ille sanguis qui fusus est, in remissionem fusus est peccatórum. Aqua illa salutáre témpérat póculum: hæc et lavácrum præstat, et potum. Hoc prænuntiábat quod Noë in látere arcæ óstium fácere jussus est, quo intrárent animália, quæ non erant dilúvio peritúra, quibus præfigurabátur Ecclesiá. Propter hoc prima múlter facta est de látere viri dormiéntis, et appelláta est vita, matérque vivórum. Magnum quippe significávit bonum, ante magnum prævaricatiónis malum. Hic secúndus Adam, inclináto cápíte, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui reviviscunt! Quid isto ságuine múnus? Quid vúlneris isto salúbrius?

¶ Hic est, qui venit per aquam et ságuinem, Jesus Christus: \* Non in aqua solum, sed in aqua et ságuine. ¶ In die illa erit fons patens dómni David, et habitántibus Jerúsalem, in ablutióne peccatóris. Non in aqua.

**Benedictio.** Divínus auxili-um.

Lectio viij.

**T**ENEbÁNTUR hómines captívi sub diábolo, et dæmónibus serviébant, sed redempti sunt a captivitáte. Véndere enim se potuérunt, sed redímere non potuérunt. Venit Redemptor, et dedit prétium: fudit ságuinem suum: et emit orbem terrárum. Quæritis quid émerit? Vidéte quid déderit, et inveniétis quid émerit. Sanguis Christi prétium est. Tanti quid valet? Quid, nisi totus orbis? Quid, nisi omnes gentes? Valde ingrátí sunt prétio suo, aut multum supérbi sunt, qui dicunt, aut illud tam parum esse, ut solos Afros émerit, aut se tam magnos esse, pro quibus solis illud sit datum. Non ergo exsúltent, non supérbiant. Pro toto dedit, quantum dedit.

¶ Prædestinávit nos Deus in adoptiόnem filiόrum per Jesum Christum, \* In quo habémus redemptiόnem per ságuinem ejus. ¶ Remissiόnem peccatórum secúndum divítias grátiae ejus, quæ superabundávit in nobis. In quo. Glória Patri. In quo.

Lectio ix. de Homil. Fer.

Te Deum laudámus. 17.

AD LAUDES

ET PER HORAS

**Ant. 1.** Hi qui amícti sunt \* stolis albis, qui sunt, et unde venérunt?

**Ps.** Dóminus regnávit. cum reliq. 18.

2. Hi sunt, \* qui venérunt de tribulatióne magna; et lavérunt stolas suas in ságuine Agni.

3. Ideo sunt \* ante thronum Dei, et sérviant ei die, ac nocte.

4. Et ipsi vicérunt \* draconem propter ságuinem Agni, et propter testaméntum Verbi sui.

5. Beáti \* qui lavant stolas suas in ságuine Agni.

**Capitulum. Hebr. 9.**

**F**RATRES : Christus assistens pón tifex futurórum bonórum, per ámplius, et perféctius tabernáculum non manufáctum, id est, non hujus creati ónis, neque per ságuinem hircórum, aut vitulórum, sed per próprium ságuinem introívit semel in Sancta, æténa redempti óne invénta.

**Hymnus.**

**S**ALVÉTE Christi vúlnera,  
Imménsi amóris pigno-  
ra,

Quibus perénnes rívoli  
Manant rubéntis ságuinis.

Nitóre stellas vincitis,  
Rosas odóre et bálsama,  
Prétio lapillos Indicos,  
Mellis favós dulcédine.

Per vos patet gratissimum

Nostris asýlum méntibus;  
Non huc furor minántium  
Umquam penétrat hóstium.

Quot Jesus in prætório  
Flagélla nudus éxcipit!  
Quot scissa pellis úndique  
Stillat cruóris gúttulas!

Frontem venústam, proh  
dolor!

Coróna pungit spínea,  
Clavi retúsa cúspide  
Pedes manúsque pérforant.

Postquam sed ille trádedit  
Amans, volénsque spíritum,  
Pectus ferítur láncea,  
Geminúsque liquor éxsilit.

Ut plena sit redéptio,  
Sub torculári stríngitur,  
Suíque Jesus ímmemor,  
Sibi nil resérvat ságuinis.

Veníte, quotquot crími-  
num

Funésta labes ínficit :  
In hoc salútis bálneo  
Qui se lavat, mundábitur.

Summi ad Paréntis dexte-  
ram

Sedénti habénda est grátia,  
Qui nos redémit ságuine,  
Sanctóque firmat Spíritu.

Amen.

Ÿ. Justificáti in ságuine  
Christi. R. Salvi érimus ab  
ira per ipsum.

**Ad Bened. Ant.** Erit san-  
guis Agni vobis in signum,  
dicit Dóminus : et vidébo  
ságuinem, et transibo vos,  
nec erit in vobis plaga di-  
spérgens.

**Oratio.**

**O**MNÍPOTENS sempitérne  
Deus, qui unigénitum  
Fílium tuum mundi Redem-  
ptórem constituisti, ac ejus  
ságuine placári voluisti :  
concéde, quæsumus, salú-  
tis nostræ prétium solémni  
cultu ita venerári, atque a  
præséntis vitæ malis ejus  
virtúte deféndi in terris; ut



fructu perpétuo lætémur in cælis. Per eúndem Dóminum.

*Et fit Commem. Feriæ.*

AD PRIMAM

In *R. br. V.* Qui tuo nos sanguine redemisti.

AD TERTIAM

*Ant.* Hi sunt qui venérunt.

*Capit.* Fratres : Christus. *ut supra.* 340\*.

*R. br.* Redemisti nos Dómine \* In sanguine tuo. Redemisti. *V.* Ex omni tribu, et lingua, et pópulo, et natióne. In sanguine. Glória Patri. Redemisti.

*V.* Sanguis Jesu Christi Filii Dei. *R.* Emúndat nos ab omni peccáto.

AD SEXTAM

*Ant.* Ideo sunt.

*Capitulum.* Hebr. 9.

**S**I sanguis hircórum, et taurórum, et cinis vitulæ aspérsus inquinátos sanctificat ad emundatiónem carnis : quanto magis sanguis Christi, qui per Spíritum sanctum semetipsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti?

*R. br.* Sanguis Jesu Christi Filii Dei \* Emúndat nos. Sanguis. *V.* Ab omni peccáto. Emúndat nos. Glória Patri. Sanguis.

*V.* Christus diléxit nos. *R.* Et lavit nos in sanguine suo.

AD NONAM

*Ant.* Beáti.

*Capitulum.* Hebr. 9

**A**CCÍPIENS Móyses sanguinem vitulórum, et hircórum cum aqua, et lana coccínea, et hyssópo : ipsum quoque librum, et omnem pópulum aspérsit, dicens : Hic sanguis testaménti, quod mandávit ad vos Deus.

*R. br.* Christus diléxit nos, et lavit nos In sanguine suo. Christus. *V.* Et fecit nos regnum, et sacerdótes Deo, et Patri. In sanguine. Glória Patri. Christus.

*V.* Justificáti in sanguine Christi. *R.* Salvi érimus ab ira per ipsum.

IN II. VESPERIS

*Ant., Pss., Capit. et Hymn.* *ut in I., et loco ultimi dicitur Ps. 147.* Láuda Jerúsalem. 145.

*V.* Te ergo quæsumus, tuis fámulis súbveni. *R.* Quos pretiósó sanguine redemisti.

*Ad Magnif. Ant.* Habébitis áutem hunc diem in monuméntum : et celebrábitis eum solémnem Dómino in generatióibus vestris cultu sempitérno.

*Et fit Commem. Feriæ occur.*

## FESTA MARTII

DIE V

S. JOANNIS JOSEPHI A CRUCE

CONFESSORIS

Duplex.

Omnia de Comm. Conf.  
non Pont. 88\*, præter seq.  
Oratio.

**D**EUS, qui beátum Joánnem Joséphum Confessórem tuum per árduas paupertátis, humilitátis, et patientiæ vias cælésti glória sublimásti : da nobis, quæsumus; ut carne mortificáti, ejus imitémur exémpa, et gáudiis perfruámur ætérnis. Per Dóminum.

Commem. Feriæ.

IN I. NOCTURNO

Lect. Beátus vir. de eodem Comm. 2º loco. 100\*.

IN II. NOCTURNO

Lectio iv.

**I**SCLÆ regni Neápolis in urbe apud Ænariam insulam, paréntibus nobilitate sánguinis, morúmque probitate præstantibus, ortus est Joánnes Joséphus a Cruce. Christiánæ pietátis sémina, quæ in ejus ánimam, supérnis benedictionibus præventam, cum lacte instilláverant, fructus mox ubérrimos attulérunt. Tenérrima adhuc ætáte, nedum a nugis puerilibus abhórruit, sed virtútes excólere cœpit illustrióres, siléntii potíssimum, mortificationis, mundi suique ipsius abnegationis, quas as-

siduo orationis stúdio confovébat. Deiparæ cultum, quem ad óbítum usque in dies áuxit, intérea témporis arripuit, dominicæque passionis, et Eucharistiæ mysteria afféctu peculiári prosequébatur. Sancti Petri de Alcántara institútum, quod Joánnes de sancto Bernárdo ex Hispánis Excalceátis, Cleménte nono approbánte, nupérime in Itáliam invéxerat, divino afflánte Númine, anno vitæ suæ sextodécimo ampléxus est Italórum primus. Seráphico Patriárcha, fidissimóque ejus alúmno Petro de Alcántara in ipso tyrocínio sibi ad imitándum propósitis, mirum quam perfecté pœniténtiam hujus, et contemplationem, humilitatem illius ac paupertátem, jam tum fúerit assecútus.

¶ Honéstum fecit. 94\*.

Lectio v.

**T**ÉRTIO vix decúrso a solémni professione sua anno, Pedemontáni Aliphæ cœnóbii fundatióni destinátur : quod ejus ópera exiguum ádeo evásit, ut altérius, quod olim in Pedróso Extremadúræ sanctus Petrus de Alcántara, cléricus ipse quoque, excitáverat, imáginem simíllimam reférret. Sacerdótio ex obediéntia inaugurátus, disciplínis morálibus, quas numquam perdi-



dicerat, improviso excultus visus est. Superiorem vena, non longe ab eo cœnobio, sacram eremum extruere aggressus subter excelsi montis dejectu, ut absolveretur quam citissime, ligna, lapides, calcem humeris suis, mordaci lorica contectis, exportabat; ita ut per calcanea cruor ubertim in terram deflueret. Fratrum rogatu leges quasdam pro sacro illo recessu peculiâres condidit, dignas, quæ a Sede Apostolica confirmarentur. Novitiarum regimini præpositus, eorum ad vitam regularem componere mores eo profectu enixus est, ut illorum aliqui sanctitatis et miraculorum fama inclaruerint. Verum cum Clemens Papa undecimus sæculi decimi octavi initio, fratres Italos Excalceatos ab Hispanis in regno Neapolis sejunxisset, illique nulla regiminis forma potirentur, ab eodem Pontifice, obsistente licet humani generis hoste, provinciæ Neapolitanæ, sancti Petri de Alcântara nuncupatæ, erectionem obtinuit.

℞. Amavit eum. 94\*.

### Lectio vj.

**P**rimus novæ istius modi provinciæ Minister renuntiatus, regimen, quod abdicaverat, sacræ Congregationis Episcoporum et Regularium jussu assumere coactus, difficile relatu est,

quot qualisque calumnias Dei famulo devorare opus fuerit, ut Italicam Excalceatorum fratrum familiam constabiliret. Rebus compositis, eo sese totum convertit, ut duplex ille Petri de Alcântara contemplationis, et poenitentiae spiritus altas inter suos radices ageret, quos præclarissimis virtutum exemplis anteibat, humilitate imprimis, rigidæque claustralis disciplinæ custodia. Paupertate, et abstinentia enituit admirabili. Unicum ad nudam carnem sexaginta quatuor annis habitum adhibuit, perque viginti quatuor annos, priscorum Eremicolarum ritu, pane tantum ac fructibus victitavit, quod edulii genus ex obedientia in nauseosum commutavit ferculum. Flagellis asperissimis, ciliciis, et cruce ferrea acutis instructa clavicularis, corpus suum dilaniabat. Illud etiam de eo fertur, quod creberrimas inter orandum éxtases passus est, quodque raptibus, prophetia, miraculis, aliisque hujusmodi supernaturalibus donis vivens claruerit. Denique zelo animarum absumptus, octogenarius, apoplético morbo correptus, tertio Nonas Martias in osculo Domini obdormivit in cœnobio sanctæ Lúciæ Montis urbis Neapolis anno septingentesimo trigésimo quarto supra millésimum.

Eúmdem novis miráculis cōruscāntem, anno ab illius decessu quinquagésimo sexto, Pius sextus Póntifex Máximus beatórum albo recensuit: et Gregórius Papa décimus sextus solémni ritu Domínica Sanctíssimæ Trinitátis anno millésimo octingentésimo trigésimo nono Sanctórum fastis adscrípsit.

℟. Iste homo. 94\*.

IN III. NOCTURNO

Homil. in Evang. Nolite timére. de Comm. 2º loco. 102\*.

Lect. ix. et Commem. Fer. in Laud.

DIE VI

S. FRIDOLINI CONF.

Duplex.

Omnia de Comm. Conf. non Pont. 88\*, præter seq.

Oratio.

**A**DÉSTO Dómine supplicatiónibus nostris, quas in beáti Fridolini Confessóris tui solemnitáte deférimus: ut, qui nostræ justitiæ fidúciā non habémus; ejus, qui tibi plácuīt, précibus adjuvémur. Per Dóminum.

In Quadrag. Commem. Fer.

IN I. NOCTURNO

Lect. de Script. occur.

In Quadrag. vero, Lect.

Justus. de eodem Comm. 1º loco. 90\*.

IN II. NOCTURNO

Lectio iv.

**F**RIDOLÍNUS, régio in Hibérnia ságuine procreátus,

ferventíssimo Christi proximórumque amóre flagrans, multórum locórum atque úrbium peregrinátionem suscepit. Quibus in itinéribus cum infidéles pópulos cathólicam fidem docéret, innúmeros Jesu per Evangélium filios génuit. Nec verbo solum prófuit. Itaque regis Gallórum Clodovæi liberalitáte sancti Hilárii monastérium apud Pictávōs admónitus instaurávit, sacrúmque ejus corpus honorificéntius recondidit; tum vária ad Moséllam, Argentoráti, Cúriæ Rhétórum, ali-bique cœnóbia extrúxit.

℟. Honéstum fecit. 94\*.

Lectio v.

**T**ANDEM Sichíngam prope Basiléam venit, ubi sedem figere atque ab itinerum labóribus quiescere ex divíno oráculo institúerat. Sed áccolæ passi non sunt sanctum virum ibi consistere, maléque hábitum cæsúmque verbéribus, finibus suis excédere coegérunt. Itaque coáctus regem adire, a quo facultáte ibídem benigne impetráta, non modo virórum, sed étiam sanctimoniálíum monastérium instituit, optimisque légibus ac institútis temperávit.

℟. Amávit eum. 94\*.

Lectio vj.

**I**NTER cætera áutem mirácula, quæ per illum Dóminus édedit, illud est imprimis insígne, quod civem



Claronénsem, Ursum nómine, e túmulo excitátum manúque prehénsum in iudiciū addúxit, ut de bonis monastério legátis coram landgrávio testimonium diceret. Dénique sénio confectus, virtútum rerúmque gestárum glória illústris, pridie Nonas Mártii circa annum salutis humanæ quingentésimum décimum quartum excéssit e vita. Sacrum corpus Sichingæ primo sepúltum est. Anno deínde milésimo trecentésimo quinquagésimo séptimo, die vigésimo Januárii, a Rudólpho quarto Austriæ duce dono accéptum, in ecclésia sancti Stéphaní, quæ nunc est in Viennénsi urbe Metropolitána, summa veneratióne est recónditum.

¶. Iste homo. 94\*.

IN III. NOCTURNO

**Lect. de Homil. in Evang.**  
Sint lumbi. **de eodem Comuni 1º loco.** 96\*.

**Lect. ix. de Homil. Fer. occur:**

DIE XVIII

S. GABRIELIS ARCHANG.

**Duplex majus.**

IN I. VESPERIS

**Ant. et Capit. de Laud.**  
350\*; **Pss. ut in I. Vesp. de Comm. Apost. 1\*.**

**Hymnus.**

**C**HRISTE, sanctórum decus  
Angelórum,  
Gentis humanæ sator et red-  
émptor,

Cælitum nobis tribuas beá-  
tas

Scándere sedes.

Angelus pacis Michaël in  
ædes

Cælitus nostras véniat, se-  
rénæ

Auctor ut pacis lacrymósa  
in orcum

Bella reléget.

Angelus fortis Gábiel, ut  
hostes

Pellat antiquos, et amica  
cælo,

Quæ triumphátor státuit per  
orbem,

Templa revisat.

Angelus nostræ médicus  
salútis

Adsit e cælo Ráphaël, ut  
omnes

Sanet ægrótos, dubiósque  
vitæ

Dirigat actus.

Virgo dux pacis, Genitrix-  
que lucis,

Et sacer nobis chorus Ange-  
lórum

Semper assistat, simul et  
micántis

Régia cæli.

Præstet hoc nobis Déitas  
beáta

Patris, ac Nati, paritérque  
sancti

Spiritus, cujus résonat per  
omnem

Glória mundum. Amen.

¶. Stetit Angelus juxta  
aram templi. ¶. Habens thu-  
ribulum áureum in manu  
sua.

**Ad Magnif. Ant.** Ingréssus  
Gábiel Angelus ad Mariám

Virginem, dixit : Ave grátia plena, Dóminus tecum : benedicta tu in muliéribus.

**Oratio ut ad Laud. 351\*.**

**In Quadrag. fit Commem. Feriæ.**

AD MATUTINUM

**Invit.** Regem Archangelorum Dóminum, \* Veníte, adorémus.

**Ps.** Veníte, exsultémus. 2.

**Hymn.** Christe. *ut supra.*

IN I. NOCTURNO

**Ant.** Dixit Angelus Gábriel ad Daniélem : Intéllige fili hóminis, quóniam in tēpore finis implébitur visio.

**Pss. trium Noct. ut in Officio votivo de SS. Angelis. 234\*.**

**Ant.** Ecce vir Gábriel, quem videram in visióne, cito volans tétigit me in tēpore sacrificii vespertini, et dócuit me.

**Ant.** Cumque Gábriel loquerétur ad me, collápsus sum pronus in terram, et tétigit me, et státuit me in gradu meo.

**℟.** Stetit Angelus juxta aram templi. **℞.** Habens thuribulum áureum in manu sua.

Ex Daniéle Prophéta.

**Lectio j. Cap. 9. c**

**E**GO Dániel, cum adhuc lóquerer, et orárem, et confitérer peccáta mea, et peccáta pópuli mei Israël, et prostérnerem preces meas in conspéctu Dei mei, pro monte sancto Dei mei : ad-

huc me loquente in oratióne, ecce vir Gábriel, quem videram in visióne a principio, cito volans tétigit me in tēpore sacrificii vespertini. Et dócuit me, et locútus est mihi, dixitque : Dániel, nunc egréssus sum ut docérem te, et intelligeres. Ab exórdio precum tuárum egréssus est sermo : ego áutem veni ut indicárem tibi, quia vir desideriórum es : tu ergo animadvérte sermónem, et intéllige visiónem.

**℞.** Cum oráret Dániel, et confiterétur peccáta sua, et peccáta pópuli sui, \* Ecce Archángelus Gábriel cito volans tétigit eum in tēpore sacrificii vespertini. **℣.** Cumque prostérneret preces suas in conspéctu Dei sui. Ecce Archángelus.

**Lectio ij.**

**S**EPTUAGÍNTA hebdómades abbreviátæ sunt super pópulum tuum, et super urbem sanctam tuam ut consummétur prævaricatio, et finem accípiat peccátum, et deleátur iníquitas, et adducátur justítia sempitérna, et impleátur visio, et prophetía, et ungátur Sanctus sanctórum. Scito ergo, et animadvérte : Ab éxitu sermónis, ut iterum ædificétur Jerúsalem, usque ad Christum ducem, hebdómades septem, et hebdómades sexaginta duæ erunt : et rursus ædificábitur plátea, et muri in angústia tēporum.



**R.** Locútus est Gábriel Daniéli, et dixit : Ab exórdio precum tuárum egréssus est sermo. \* Ego áutem veni ut indicárem tibi, quia vir desideriórum es. **V.** Tu áutem animadvérte sermónem, et intéllige visióem. Ego.

**Lectio iij.**

**E**t post hebdómades sexaginta duas occidétur Christus : et non erit ejus pópulus, qui cum negáturus est. Et civitátem, et sanctuárium dissipábit pópulus cum duce ventúro : et finis ejus vástitas, et post finem belli statúta desolátio. Confirmábit áutem pactum multis hebdómada una : et in dimidio hebdómadis deficiet hóstia et sacrificium : et erit in templo abominátio desolatióis : et usque ad consummatióem et finem perseverábit desolátio.

**R.** Ecce vir Gábriel, quem videram, cito volans tétigit me in témpore sacrificii vespertini, et dócuit me, et dixit : \* Dániel, nunc egréssus sum ut docérem te, et intelligeres. **V.** Gábriel fac me intelligere istam visióem : et venit, et stetit juxta ubi ego stabam, et ait ad me. Dániel. Glória Patri. Dániel.

**IN II. NOCTURNO**

**Ant.** Gábriel Angelus apparuit Zachariæ, dicens : Uxor tua Elisabeth páriet tibi filium, et vocábis nomen ejus Joánnem.

**Ant.** Et dixit Zachariás ad Angelum : Unde hoc sciam? ego enim sum senex, et uxor mea procéssit in diébus suis.

**Ant.** Respóndens áutem Angelus, dixit ei : Ego sum Gábriel, qui adsto ante Deum : et missus sum loqui ad te, et hæc tibi evangelizáre.

**V.** Ascéndit fumus arómatum in conspéctu Dómini.

**R.** De manu Angeli.

Sermo sancti Bernárdi Abbátis.

**Ex Homil. de Laud. Virginis**  
super Missus est.

**Lectio iv.**

**M**issus est Angelus Gábriel a Deo. Non árbitror hunc Angelum de minóribus esse, qui quálibet ex cáusa crebra sóleant ad terras fungi legatióne. Quod ex ejus nómine palam intélligi datur, quod interpretátum, Fortitúdo Dei dicitur : et quia non ab áliquo álio forte excellentióre se (ut ássolet) spiritu, sed ab ipso Deo mitti perhibétur. Propter hoc ergo pósitum est, A Deo. Vel ídeo dictum est, A Deo, ne cui, vel beatórum spirítuum suum Deus ántequam Virgini revelásse putétur consílium, excépto dumtáxat Archángelo Gabriéle. Qui útique tantæ inter suos inveniri potúerit excellentiæ, ut tali et nómine dignus haberétur, et núntio.

**R.** Factum est, cum sacerdotio fungerétur Zachariás

in órdine vicis suæ ante Deum, \* Appáruit ei Angelus Gábriel, stans a dextris altáris incénsi. *℣.* Cumque ingréssus in templum Dómini incénsus póneret secúndum consuetúdinem sacerdotií sui. Appáruit.

### Lectio v.

**N**EC discórdat nomen a núntio : Dei quippe virtutem Christum, quem mélius nuntiáre decébat, quam hunc, quem símile nomen honórat? Numquid est áliud fortitúdo, quam virtus? Non áutem dédecens aut incóngruum videátur, Dóminum et núntium commúni censéri vocábulo : cum similis in utróque appellatiónis, non sit tamen utriúsque similis cáusa. Aliter quippe Christus fortitúdo vel virtus Dei dicitur, áliter Angelus. Angelus enim tantum nuncupative, Christus áutem étiam substantive.

*℞.* Descéndit Gábriel Angelus ad Zachariám, dicens : \* Ne timeas, quóniam exaudita est deprecátio tua, et uxor tua Elisabeth páriet tibi filium, et vocábis nomen ejus Joánnem. *℣.* Et Zacharias turbátus est videns, et timor irruit super eum : ait áutem ad illum Angelus. Ne timeas.

### Lectio vj.

**C**HRISTUS Dei virtus et dicitur, et est : qui fortí armáto, qui suum átrium in pace custodíre solébat, fór-

tior supervéniens, ipsum suo bráchio debellávit : et sic ei vasa captivitátis poténter erípuit. Angelus vero fortitúdo Dei appellátus est, vel quod hujuscémodi merúerit prærogativam officii, quo ejúsdem nuntiáret advéntum virtútis ; vel quia Virginem natúra pávidam, simplicem, verecúndam, ne miráculi novitáte expavésce- ret, confortáre debéret : quod et fecit, Ne timeas, inquiens, María ; invenísti enim grátiam apud Deum. Conveniénter itaque Gábriel ad hoc opus eligitur : imo quia tale illi negótium injúngitur, recte tali nómine designátur.

*℞.* Ego sum Gábriel, qui adsto ante Deum : et missus sum loqui ad te, et hæc evangelizáre. \* Ecce eris tacens, et non póteris loqui usque in diem quo hæc fiant. *℣.* Pro eo quod non credidisti verbis meis, quæ implebúntur témpore suo. Ecce. Glória Patri. Ecce.

### IN III. NOCTURNO

*Ant.* Missus est Gábriel Angelus ad Mariám Virginem desponsátam Joseph.

*Ant.* Gábriel Angelus Mariæ dixit : Ecce Elisabeth cognáta tua, et ipsa concépit filium in senectúte sua.

*Ant.* Súscipe verbum Virgo María, quod tibi a Dómino per Angelum Gabriélem transmissum est.

*℣.* In conspéctu Angelórum



psallam tibi Deus meus. *R.*  
Adorábo ad templum sanctum tuum, et confitébor nómini tuo.

Léctio sancti Evangélíi secúndum Lucam.

**Lectio vij. Cap. 1. c**

**I**N illo témpore : Missus est Angelus Gábriel a Deo in civitátem Galiléæ, cui nomen Názareth, ad Virginem desponsátam viro, cui nomen erat Joseph, de domo David : et nomen Virginis Maria. Et réliqua.

Homilia sancti Juliáni Archiepíscopi Toletáni.

**Lib. 2. contra Judæos, statim post principium.**

**S**ACRAMÉNTUM illud septuaginta hebdomadárum de Christi nativité Dániel per Angelum didicit : similiter et Zacharias, apparénte sibi Angelo, Joánnem filium de se generándum audivit : et Maria, Angelo sibi prædicénti Christum ex se nascéndum, et crédidit, et assénsit. Hæc tria per Angelum dicta, et compléta vidémus. Jam ergo sollicite intuéndum est, utrum Angelus iste, qui Zachariæ et Mariæ apparuit, ipsi quoque Daniéli illa prædixerit.

*R.* Missus est Gábriel Angelus ad Mariam Virginem desponsátam Joseph, núntians ei verbum : et expavéscit Virgo de lúmine.\* Ne timeas Maria, invenísti enim grátiam apud Dóminum : ecce concípies, et páries, et vo-

cábitur Altissimi Filius. *V.* Quæ cum audisset, turbáta est in sermóne ejus, et cogitábat qualis esset ista salutatío, et ait Angelus ei. Ne timeas.

**Lectio viij.**

**E**QUIDEM ipse Dániel in prophetiæ suæ volúmine, quando illa sacraménta hebdomadárum de Christi nativité per Angelum futura cognóvit, sic ipsius Angeli nomen evidénter expréssit. Dicit enim : Ecce vir Gábriel, quem videram in principio, cito volans tétigit me, et dixit : Dániel, animadvérte sermónem, et réliqua quæ ibi commemorántur. Item his tempóribus secúndum Evangélium, Angeli ipsius nomen mirificum sic invenitur expréssum. Dixit enim idem Angelus Zachariæ : Ego sum Gábriel, qui adsto ante Deum, et missus sum loqui ad te, et hæc tibi evangelizáre.

*R.* Gáude Maria Virgo, cunctas hæreses sola interemísti : \* Quæ Gabriélis Archángeli dictis credidísti, dum Virgo Deum et hóminem genuísti, et post partum Virgo invioláta permansísti. *V.* Benedicta tu in muliéribus, et benedictus fructus ventris tui. Quæ. Glória Patri. Quæ.

**Lectio ix. de Feria occur. ; si transferatur post Pascha, legitur sequens**

**Lectio ix.**

**Q**UOD étiam de beátæ Mariæ Virginis partu sic in

eódem Evangélio légitur : Missus est, inquit, Angelus Gábriel a Deo in civitatem Galiléæ, cui nomen Náza-reth, ad Virginem desponsatam viro, cui nomen erat Joseph, de domo David : et nomen Virginis María. Jam ergo manifestum est quod unus idemque Angelus Gábriel fúerit, qui et præfixa illa témpora Daniéli de Christi nativitate apérui, et partum Virginis præsentem esse, monstrávit. Ad tempus itaque præfinitum occúrrit, et olim a se dicta óperis efficiéntia compléta esse convincit : et illic fidélis in prophetia hebdomadarum, et hic fidélis per mystérium revelátum.

Te Deum laudámus. 17.

AD LAUDES

ET PER HORAS

**Ant. 1.** Ingresso Zacharía \* templum Dómini, apparuit ei Gábriel Angelus stans a dextris altáris incénsi.

**Ps.** Dóminus regnávít. cum reliq. 18.

**2.** Ait áutem Angelus : \* Ne timeas Zacharía, quóniam exaudíta est deprecátio tua.

**3.** Ego sum Gábriel \* Angelus, qui adsto ante Deum, et missus sum loqui ad te.

**4.** Gábriel Angelus \* locútus est Mariæ, dicens : Ecce concipies in útero, et páries filium, et vocábis nomen ejus Jesum.

**5.** Dixit áutem María \* ad

Angelum : Quómodo fiet istud, quóniam virum non cognóscó? Et respóndens Gábriel Angelus, dixit ei : Spíritus sanctus supervéniet in te, et virtus Altissimi obumbrábit tibi.

**Capitulum.** Dan. 9. f

**E**CCE vir Gábriel, quem videram in visióne a principio, cito volans tétigit me in témpore sacrificii vespertini. Et dócuit me, et locútus est mihi, dixitque : Dániel nunc egréssus sum ut docérem te, et intelligeres.

**Hymnus.**

**P**LACÁRE Christe sérvulis, Quibus Patris cleméntiam

Tuæ ad tribúnal grátiae Patróna Virgo póstulat.

Et vos, beáta per novem Distincta gyros ágmina, Antiqua cum præsentibus, Futúra damna péllite.

Auférte gentem pérfidam Credéntium de finibus, Ut unus omnes únicum Ovile nos pastor regat.

Deo Patri sit glória, Natóque Patris único, Sancto simul Paráclito, In sempitérna sæcula.

Amen.

**V.** Stetit Angelus juxta aram templi. **R.** Habens thuribulum áureum in manu sua.

**Ad Bened. Ant.** Gábriel Angelus descéndit ad Zachariam, et ait illi : Uxor tua páriet tibi filium, et vocábis nomen ejus Joánnem, et



multi in nativitate ejus gaudebunt : ipse enim præbit ante faciem Domini parare vias ejus.

**Oratio.**

**D**EUS, qui inter cæteros Angelos, ad annuntiandum Incarnationis tuæ mysterium, Gabrielem Archangelum elegisti : concede propitius; ut qui festum ejus celebramus in terris, ipsius patrocinium sentiamus in cælis : Qui vivis.

In Quadrag. fit Commem. Feriæ.

**AD TERTIAM**

**Ant.** Ait autem Angelus.

**Capit.** Ecce vir Gabriel.

**R. br.** Stetit Angelus \* Juxta aram templi. Stetit. **V.** Habens thuribulum aureum in manu sua. Juxta. Glória Patri. Stetit.

**V.** Ascendit fumus aromatum in conspectu Domini. **R.** De manu Angeli.

**AD SEXTAM**

**Ant.** Ego sum Gabriel.

**Capitulum.** Dan. 9.

**E**GO autem veni ut indicarem tibi, quia vir desideriorum es. Septuaginta hebdomades abbreviatæ sunt, ut finem accipiat peccatum, et impleatur visio, et prophetia, et ungatur Sanctus sanctorum.

**R. br.** Ascendit fumus aromatum \* In conspectu Domini. Ascendit. **V.** De manu Angeli. In. Glória. Ascendit.

**V.** In conspectu Angelorum psallam tibi Deus meus.

**R.** Adorabo ad templum sanctum tuum, et confitebor nomini tuo.

**AD NONAM**

**Ant.** Dixit autem Maria.

**Capitulum.** Dan. 9. g

**S**CITO ergo, et animadvertite: Ab exitu sermonis, ut iterum ædificetur Jerusalem, usque ad Christum ducem, hebdomades septem, et hebdomades sexaginta duæ erunt.

**R. br.** In conspectu Angelorum \* Psallam tibi Deus meus. In conspectu. **V.** Adorabo ad templum sanctum tuum, et confitebor nomini tuo. Psallam. Glória Patri. In conspectu.

**V.** Adorate Deum. **R.** Omnes Angeli ejus.

**IN II. VESPERIS**

Quando dicendæ sunt, **Ant. et Capit. de Laud. ut supra.**

**Pss. ut in I. Vesperis de Communi Apost. 1\*, et ult. loco, Ps. 137. Confitebor.. quoniam. 139.**

**Hymnus** Christe. 345\*.

**V.** In conspectu Angelorum psallam tibi Deus meus. **R.** Adorabo ad templum sanctum tuum, et confitebor nomini tuo.

**Ad Magnif. Ant.** Archangelus Gabriel ait ad Mariam : Non erit impossibile apud Deum omne verbum. Dixit autem Maria : Ecce ancilla Domini, fiat mihi secundum verbum tuum. Et discessit ab ea Angelus.

DIE XXII

SANCTÆ CATHARINÆ

FLISCÆ ADURNÆ

VIDUÆ

Duplex.

Omnia de Comm. non  
Virg. 125\*, præter seq.

IN I. VESPERIS

Capit. ut ad Laud. 354\*.

Hymnus.

**S**UMMIS ad astra láudibus  
Tollámus omnes fémi-  
nam,

Quæ sanctitátis glória  
Auget decus Ligúriæ.

Beáta, cujus íntimo  
Latére nésciens sinu,  
Foris inúndat cáritas,  
Totisque membris æstuat.

Menses per anni circulum  
Jejúna plures tránsigit,  
Solo Angelórum pábulo  
Vitam labántem sústinens.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sæculum.  
Amen.

Ÿ. Spécie tua et pulchri-  
túdine tua. R. Inténde, pró-  
spere procéde, et regna.

Ad Magnif. in utrisque  
Vesp. Ant. Pone me ut si-  
gnáculum super cor tuum,  
quia fortis est ut mors dilé-  
ctio: dura sicut inférnus  
æmulátio; lámpades ejus,  
lámpades ignis atque flam-  
marum.

Oratio ut ad Laud. 354\*.

Commem. Fer. in Quadr.

AD MATUTINUM

Invit. de Comm.

Hymnus sequens jungitur  
cum altero Summis ad astra,  
quoties hic in I. Vesperis  
recitatus non fuerit.

Hymnus.

**D**UM mente Christum cón-  
cipit

Membris fluéntem ságuine,  
Ardóre pectus íntimo  
Sentit repénite córripi.

Hinc sancto amóre sáucia,  
Terréna cuncta déspicit,  
Advérsa fert alácritèr,  
Patíque quærit únice.

Mox et flagéllis cónterens  
Artus rebélles júgiter,  
Christi dolórum párticeps  
Crebro merétur éffici.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sæculum.  
Amen.

IN I. NOCTURNO

In Quadrag. Lect. Mulie-  
rem fortem. 126\*.

Post Pasch. de Scriptura  
occurrente.

IN II. NOCTURNO

Lectio iv.

**C**ATHARÍNA Genuénsis, pa-  
réntibus Jacóbo de Flisco  
et Francisca de Nigro, an-  
tiqua nobilitáte conspicuis,  
in lucem édita, téneram età-  
tem inter adúltæ pietátis  
exercitatiónes exégit. Nam  
castigándo córpori inténta,  
vix octénis in straménto,  
lignis cápiti pro pulvinári  
suppósitis, somnum carpé-  
bat. Pueríles nugas aversáta,  
et ab ómnibus mundi deliciis  
abhórrens, in Christi cru-



ciátibus jugi meditatióne recoléndis tota fuit. Eo stúdio incénsa, in monastérium ingredi expetébat; sed immatúra ætas pium puéllæ desiderium interpellávit. Intérea paréntes invitam Juliáno Adúrno nóbili viro despóndent, a quo tam áspere ac dúriter hábita est, ut per quinquénium domi luctu tristiáque tabésceret; donec tædio ac mœróre confécta, a pristina severitaté defléxit. Frigescénte áutem caritaté, ne ad ulteriorem vitæ licéntiam prorúeret, insigni miseréntis Dei beneficio factum est. Cum enim aliquándo ad pii sacerdotis pedes provolúta ejus se précibus commendáret, repentina mutatióne dexteræ Excelsi, ac súbito sancti Spiritus igne corrépta, amoris in se divini cleméntiam potentiámque admirans et exclámans, fatéri ac prædicáre cœpit.

¶. Propter veritatem. 127\*.

#### Lectio v.

**I**NDE domum revérsa, Christum conspícere sibi visa est, sángine toto corpore diffluéntem, qua spécie sibi divinitus obláta, in contemptum atque ódium sui vehementer exársit, membra cilicio domábat, jejúnium ita cóluit, ut per annos tres et viginti férias Advéntus et Quadragésimæ transégerit solo Eucharistiæ pábulo refécta, amarissimo tantum usa

potu ad sitim restinguéndam. Producébat oratióne ad plures horas, tantóque divini amoris incéndio conflagrát, ut in corpus quoque ardor erúmperet. Máxima erga próximum ferebátur caritaté. Infirmis enim in magno nosocomio incredibili sedulitaté ministrábat, sumptibus liberáliter erogátis. Abjectissima quæque officia libénter obíbat, tábida étiam ægrotántium úlcera aliquándó exosculáta. Injúrias, contumélias múlter vere fortis álacri ánimo excépit; assiduisque córporis animique dolóribus pene confécta, cruciátuum Christi párticeps fuit.

¶. Dilexisti. 128\*.

#### Lectio vj.

**T**OT tantisque heróicæ fortitudinis et patiéntiæ probátam experimentis, atque in agóne christiánæ perfectiónis egrégie méritam, úberi beneficiórum cópia Dóminus cumulávit. In diutúrnas et frequéntes éxtases rapta, et cæléstibus illustratióibus superúmque apparitióibus et collóquiis dignáta, arcána Dei intelligere méruit, et fidei mystéria scriptis præclaríssimis confirmáre. Prophetiæ dono cláruit : ábditos animórum sensus perspéxit. Pérditi hóminis conversiónem, et tranquillam cójugis mortem, et ætérnam utriúsque beatitudinem obsecratióibus a Dó-

mino impetrávit. Anno igitur ætátis suæ tértio et sexagésimo, extrémō morbo oppressam, et Christi confixam cruci, atque ad fontem æternæ felicitátis anhelantem, sacra die Exaltatiónis sanctæ Crucis, ex vitæ hujus angóribus Dóminus evocávit. Præclára vero fuérunt de Catharinæ virtútibus Doctorum Sanctorumque præcónia, Summórum quoque Pontificum oráculis comprobáta. Cultum illius immemorábilem asséruit Clemens nonus. Clemens undécimus ejus memóriam Missa et Officio celebrándam concéssit. Clemens vero duodécimus novis fulgéntem miráculis, in sanctárum mulierum número rétulit.

℞. Fallax grátia. 128\*.

IN III. NOCTURNO

Homil. in Evang. Simile est. de eodem Comm. 128\*.  
In Quadrag. Lect. ix. de Homilia Feriæ occur.

AD LAUDES

Capitulum. Cant. 8.

**A**QUÆ multæ non potuérunt exstinguere caritátem, nec flúmina óbruent illam : si déderit homo omnem substantíam domus suæ pro dilectiône, quasi nihil despiciet eam.

Hymnus.

**T**URBAM jacéntem páuperum,  
Quam dirus angor ópprimit,

Ceu membra Christi lánguida,

Matróna clemens cónfovet.

Opes opémque cónferens,  
Vilique fungens múnere,  
Perstérnit illis léctulos,  
Sordésque purgat sédula.

Quo quisque plagis fœdior,  
Huic illa servit prómptior :  
Tabem nec horret úlcerum :  
Horrére nescit caritas.

Deo Patri sit glória,  
Ejúsque soli Filio,  
Cum Spíritu Paráclito,  
Nunc, et per omne sæculum.

Amen.

℥. Diffúsa est grátia in lábiis tuis. ℞. Proptérea benedixit te Deus in ætérnum.

**Ad Bened. Ant.** Pone me ut signáculum super cor tuum, quia fortis est ut mors diléctio, dura sicut inférnus æmulátio. Lámpades ejus, lámpades ignis atque flammárum.

Oratio.

**D**EUS, qui beátam Catharinam, in contemplánda Filii tui Passiône, divini amoris igne flagráre fecisti : quæsumus; ut, ipsa intercedente, tuæ in nobis flammam caritátis accendas, et ejúsdem passiónis participes dignánter efficias. Per eúndem Dóminum.

**Et fit Commem. Feriæ in Quadrag.**

In II. Vesp. omnia ut in primis, ℥. Diffúsa. et Commem. Feriæ in Quadrag.



## FESTA APRILIS

DIE V

BTÆ JULIANÆ CORNELIONENSIS

VIRGINIS

Duplex.

Omnia de Communi Virg.

107\*, præter seq.

Oratio.

**D**EUS humilium celsitudo, qui beatam Virginem Juliānam ad promovendum sanctissimi Sacramenti cultum mirabiliter inflammasti : tribue, quæsumus; ita nos humilitatis ejus vestigia sectari in terris, ut cum ipsa sublimari mereamur in cælis. Per Dōminum.

Et fit Commem. Feriæ in Quadrag.

IN I. NOCTURNO

Extra Quadrag. Lect. de Script. occur. In Quadrag. De virginibus. de Comm. 1<sup>o</sup> loco. 112\*.

IN II. NOCTURNO

Lectio iv.

**V**ERTENTE anno Christi millésimo centésimo nonagésimo tertio, nata est beata Juliāna in Retinna humili pago Leodiēsi parentibus religione conspicuis, quibus orbata quinquēnnis sub disciplina religiosa in Cornélii montis ascetério prope Leódium adolēvit. In eo adjuvante Spiritu sancto ita profecit, ut virtutum omnium culmen attigisse videretur. Sancti Augustini regulam, quæ in eodem mo-

nastério vigēbat, accuraté professā ac sororibus suis præpōsita, omnium in se oculos ex austera sanctaque vivēdi ratiōe convertit. Præclāra sunt, quæ produntur, tum de ipsius in Deum et prōximum amorē, humilitate, obediētia, pietate et abstinētia, tum de orationis studio ac cælestibus charismatibus.

¶ Propter veritatem. 116\*.

Lectio v.

**D**UM ad sacram Synaxim accedēbat, incredibili pietatis sensu et gratiæ donis replebatur : Sponsum suum cælestem sub eucharisticis speciēbus latētem frequenter invisēbat, prona adorābat, et omnibus adorandum prædicābat : unde factum est, ut Deus, qui infirma mundi eligit, humilem virginem ad promovendum sanctissimæ Eucharistiæ cultum mirifice inflammārit. Etenim coram augūsto Sacramento provoluta divinitus intellēxit, instituendam esse in Ecclesia singulārem Corporis Christi solemnitatem. Quod cum viris piis et doctis declarasset, hi, re diligēter examināta, ipsa adhortante Juliāna, Robértum Leodiēnsē episcopum adduxerunt, ut in sua diocēsi hoc festum institueret : quod postea Urbānus quartus, an-

tea Leodiénsis cathedrális archidiáconus, auctoritatē apostólica approbávit, et ad univérsum Ecclésiám exténdit.

**R.** Dilexisti. 116\*.

**Lectio vj.**

**M**ÓRTUO Leodiénsi antístite Robérto, in multas et graves tribulatiónes devénit Juliána : nam impiis factiönibus monastério cum suis soróribus expúlta, in necessitatē extrémā aliquámdiu vixit, donec in Salsiniénse monastérium excépta, inibi a gravissimis malis aliquántulum respirávit. Sed turbáta iterum pace ex ingruéntibus bellis et dispérso ipso Salsiniénsi monastério in óppidum Fossæ dedúcta, aliquánto post letháli morbo corripitur, quo ingravescén-te, sacrosánctum Christi Dómini corpus in óppidi ecclésia collegiáta sumpsit in Viaticum speciáli cordis ardóre. Tum in cèllulam re-dux et sacro óleo inúncta, óculis in sanctíssimum Eucharistiæ Sacraméntum defixis, anno ætátis suæ sexagésimo sexto pie obdormívit in Dómino. Juliánæ corpus in cœnóbium Villariénse monachórum Cister-ciénsium, ut ipsa expetierat, fuit translátum, ubi miráculis cláruit.

**R.** Afferéntur Regi. 116\*.

IN III. NOCTURNO

**Lect. in Evang.** Simile erit regnum. **de eodem Comm.**

1º loco. 118\*. In Quadrag. Lect. ix. de Homil. Feriæ et ejus Commem. in Laud.

DIE IX

ST<sup>AB</sup> MARIE ÆGYPTIACÆ

PŒNITENTIS

Duplex.

Omnia de Comm. nec Virg. nec Mart. 125\*, præter seq.

Oratio.

**D**EUS, qui beátam Mariám de caligine vitiórum eréptam, exhibuisti tibi spon-sam : exáudi nos propítius et concéde ; ut ejus précibus et méritis, a peccatórum nostrórum máculis emundémur. Per Dóminum.

IN I. NOCTURNO

In Quadrag. Lect. de Comuni. Mulierem fortem. 126\*.

Extra Quadrag. de Script. occur.

IN II. NOCTURNO

Lectio iv.

**M**ARÍA Ægyptiaca, quæ pec-cátrix appellátur, quadraginta septem annis arctíssimam vitam duxit, in erémum circa annum Dómini trecentésimum et octogésimum ingrèssa. Nata erat in Ægýpto, et duodécimo ætátis anno Alexandríam venit, ubi septem et decem annis se ómnibus ignominióse prostituit. Cum áutem multi ex ea urbe Hierosólymam pérgerent crucem Dómini veneratúri : étiam ipsa navem conscéndit et Hierosólymam pervénit ; sed ec-



clésiâ ingressûra, iterum ac tertio, ab ipso limite passa est invisibilem repulsam.

℞. Propter. 127\*.

Lectio v.

**Q**uo miraculo ad se revêrsa, cogitavit hæc sibi ob scelerum suorum immanitatem accidere. Quare lacrymans ac pectus manibus tundens, ante beatæ Virginis imaginem oravit Dei Matrem, ut sibi peccatorum veniam et ingressum ad crucis adorationem impetraret, promittens se renuntiaturam sæculo, et caste victuram. Ingressa sine impedimento, audivit vocem sibi dicentem: Si Jordânem transiveris, salva eris. Jordâne superato, vixit in erêmo in summa vitæ austeritate et abstinentia, adeo ut in annos septemdecim tres panes, quos secum tulerat, ei suffecerint, quo eodem temporis spatio magnis tentationibus carnis superatis, tandem Dei grâtiâ liberata fuit ab impugnatione.

℞. Dilexisti justitiam. 128\*.

Lectio vj.

**Q**UIDAM autem abbas Zósymus, cum per erêmum aliquem sanctorum anachoretarum quæreretur, invenit Mariam : qua orante, cum vidisset eam senex uno cubito a terra elevâri, suspicâri cœpit, ne forte dæmon sibi illuderet. Sed mulier sancta, postquam se postulato pallio texisset, abbâtem prior nô-

mine suo compellans et prophético spiritu sacerdotem agnoscens, omnem ei vitæ suæ rationem jussa exposuit, rogavitque, ut in die Cœnæ ad Jordânem redire et Corpus Dominicum sibi adferre velit, quo a die solitudinis suæ numquam fuerat refecta. Constituto die Zósymus adfuit ad Jordânem, et Maria ex opposita ripa facto crucis signo pervenit ad senem, ambulans super aquas, eodemque modo, postquam communicasset, recessit. Sed elapso anno Zósymus, sicut rogatus fuerat, rediens invenit mortuam, et leone e silva terram effodiente eam christiano more sepelivit. Ex iis autem, quæ terræ ipsa inscripserat, cognovit, eam ipso illo die exspirasse, quo ei ante annum Dominicum Corpus porrexerat, eamque iter illud omne, multorum dierum a Jordâne ad speluncam, brevissima hora divina virtute transportatam confecisse.

℞. Fallax grâtiâ. 128\*.

IN III. NOCTURNO

Lectio sancti Evangelii secundum Lucam.

Lectio vij. Cap. 15.

**I**n illo tempore : Erant appropinquantes ad Jesum publicani et peccatores, ut audirent illum. Et reliqua.

Homilia S. Gregorii Papæ.

Homil. 34. in Ev. post init.

**A**UDISTIS in lectione evangelica, fratres mei, quia

peccatóres et publicáni accessérunt ad Redemptórem nostrum; et non solum ad colloquéndum, sed étiam ad convescéndum recépti sunt. Ex qua re colligite, quia vera justitia compassiónem habet, falsa justitia dedignatióne: quamvis justí sóleant recte peccatóribus dedignári. Sed áliud est, quod ágitur typo supérbiæ, áliud quod zelo disciplinæ.

℞. Os suum. 128\*.

Lectio viij.

**D**EDIGNÁNTUR etenim, sed non dedignantes: desperant, sed non desperantes: persecutióne commovent, sed amantes: quia etsi foris increpationem per disciplinam exaggerant, intus tamen dulcedinem per caritatem servant. Præponunt sibi in ánimo ipsos plerumque, quos corripunt; meliores existimant eos quoque, quos júdicant. Quod videlicet agentes, et per disciplinam súbditos, et per humilitatem custódiant semetipsos.

℞. Regnum. 129\*.

Lectio ix.

**A**T contra hi, qui de falsa justitia superbire solent, cæteros quoque despiciunt: nulla infirmantibus misericordia condescendunt: quo se peccatóres non credunt, eo detérius peccatóres fiunt. De quorum profecto número pharisæi exstiterant, qui dijudicantes Dóminum, quod

peccatóres susciperet, arénti corde ipsum fontem misericordiæ reprehendébant. Sed quia ægri erant, ita ut ægros se esse nescirent, quatenus quod erant agnóscerent, cælestis eos médicus blandis foméntis curat, benignum paradigma óbjeit, et in eorum corde vúlneris tumorem premit.

Te Deum laudámus. 17.

Intra Quadrag. Lect. ix.  
Homil. de Fer., junctis Lect. viij. et ix. Festi.

DIE XVI

S. BENEDICTI JOSEPHI LABRE

CONFESSORIS

Duplex.

Omnia de Comm. Conf.  
non Pont. 88\*, præter seq.  
Oratio.

**D**EUS, qui sanctum Benedictum Joséphum Confessorem tuum humilitatis stúdio, et paupertatis amore tibi uni adhærere fecisti: da nobis, ejus suffragantibus méritis, terréna cuncta despícere, et cælestia semper inquirere. Per Dóminum.

IN I. NOCTURNO

Lect. de Script. occur. In  
Quadrag. Justus. 1º loco. 90\*.

IN II. NOCTURNO

Lectio iv.

**I**N óppido Améttes Bolo-niénsis diocesis in Gállia ex honestis piissimisque parentibus ortus est Benedictus Joséphus Labre. Divina grátia præventus, gravem et a nugis aliénam indolem a



puerili ætate ostendit, et suis fratribus pietate, obedientia, solertia in addiscendis christianæ doctrinæ ac litterarum rudimentis perfectum exemplar præfuit. Duodenis ad patrum sacerdotem paræciæ præpositum missus, eruditione pariter ac virtute profecit. Hinc caritate flagrans in proximos, confluentium egenorum nullum a se discedere sivit inanem, eidemque patruo socium individuum se adiunxit in ægrorum solatium, dirae per loca grassante, cujus ille victima occubuit. Nulli labori parcens, nec periculo territus, viliora quæque obivit officia ad eorum levandam calamitatem, qui morbo correpti jacebant, pastorum quoque vices explens in pascendis gregibus ab eis relictis, gramine in arvis a se collecto pro pecorum alimonia; ideoque factum est ut sibi angeli nomen promeruerit. Neque aliter exinde egit apud avunculum, ubi omnino splendidum caritatis et mansuetudinis specimen edidit, mira patientia et benignitate longo tempore perpessus singularem cujusdam contubernalis morositatem, a quo noctu diuque male habebatur.

R. Honestum. 94\*.

#### Lectio v.

**A**D austerissimum vitæ genus jamdiu se appellatum sentiens, rigido jejunio aut

duro tantum pane dies transigere assueverat, brevem fessis membris quietem dare supernudos asseres cum cervicali ex ligneis fragmentis, flagello se cedere, pluresque horas flexis ante augustissimum Eucharistiæ Sacramentum genibus orando impendere. Ratus porro se ad asperius aliquod cœnobiticum institutum a Deo vocari, ad Trappenses primum se contulit, deinde ad Carthusianos, postræmo ad Cistercienses. Sed cū gracilem corporis habitum et contractas ægritudines a singulis abire coactus fuit; ita disponente Deo, ut beatus juvenis arctioris sequelæ crucis Christi in medio populi spectaculum fieret mundo, et Angelis, et hominibus. Nam cum ferventiōri prece divinum lumen implorasset, interna clarissima locutione intellexit, sectanda sibi fore ardua sancti Alæxii vestigia, durissimamque vitam in sacris peregrinationibus traducendam. Probante igitur conscientie suæ moderatore, annos natus viginti duos, pia suscepit longissima itinera; pedes, veste obsoleta, et rudi pilæolo tectus, fune præcinctus ac male calceatus, sine pecunia, rerumque omnium inops, oblata tantum stipe victitans, et saccum deferens onustum saxis, quo peregrinandi labores sibi graviōres redderet. Hac

ratione multas Europæ regiones pluries peragravit, ubique sanctiora loca visitando, numquam vestes immutans, æstum, brumam, imbres perferens, noctu cubans plerumque sub dio, declinansque a trita via et diversoriis, ut vitaret pericula, et animum liberius in Deum intenderet.

℟. Amavit eum. 94\*.

**Lectio vj.**

**U**BICUMQUE consisteret mira virtutum relinquebat exempla, cum sanctitatis fama haud raris prodigiis confirmata. Séptimo ante obitum anno Romam repetiit, ibique constitit, etsi quotannis Lauretānam beatæ Virginis ædem, et alia viciniōra sanctuaria adire non prætermiserit. Cælitē potius quam viatoris vitam in Urbe agere visus est. Tecto ut plurimum carens, lácero eodem indumento perpétuo usus, oléribus herbisque per viam abjectis vel oblatis analéctis sive e sterquilinio promptis inédiam relevabat, sitim aut exstinguēbat aqua, aut aceto vexabat. Sæpe tota nocte orabat in amphitheatro Flávio, tot Mátyrum sanguine consecrato. Máximam vero diēi partem in templis dúcere consuēvit vel ante Deiparæ imāginem vel coram sacrosáncta Eucharistia públicæ adoratiōni propósita, ibique immóbilis, ardens, nitenti vultu, oculis-

que in sacram hóstiam defixis morabatur in contemplatiōe Ejus, quem diligēbat. Inséctiserósus, squallóre óbsitus, quidquid irrisiónum aut injuriarum a plebécula sibi irrogabatur, lætus et constans perferēbat. Anno dénique millésimo septingentésimo octogésimo tertio, die décima sexta Aprilis, cum in templo sanctæ Mariæ ad Montes precatiōni plures dedisset horas, corréptus deliquio, traductusque vicinas in ædes benéfici hómīnis, sanctissime animam Deo reddidit, trigésimo quinto ætatis anno. Quem virtutibus et miraculis clarum Pius nonus Póntifex Máximus beatórum, novisque fulgētem signis Leo décimus tertius sanctórum albo adscripsit.

℟. Iste homo. 94\*.

IN III. NOCTURNO

**Homil. in Evang.** Si quis vult. **de Comm. unius Mart. extra Temp. Pasch. 2º loco. 39\*, cum ℟℟. de Comm. Confessoris non Pontificis. 97\*.**

DIE XXIII

**B. ALEXANDRI SAULI**

**EPISC. ET CONF.**

**Duplex.**

**Omnia de Comuni Conf. Pont. 67\*, præter seq.**

**Oratio.**

**D**EUS, qui in Ecclesia tua per beatum Alexandrum Confessorem atque Pontifi-



cem reguláris disciplínæ ac pastorális sollicitúdinis ex-émpla instauráre dignátus es : fac nos, quæsumus, ita ejus inhærere vestigiis; ut ad ánimæ salútem júgiter inténti, gáudia cum ipso assequámur ætérna. Per Dóminum.

**Et fit Commem. SS. Soteris et Caii Pont. et Martyrum, ut in Brev.**

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**A**LXÁNDER, Dominico Sáuli et Thomásina Spínula, Genuénsibus patríciis, Medióláni natus, ab ineúnte ætáte, orándi stúdio, jejúniis et singulári cultu in Deiparam, cui étiam castitátem devóverat, non obscura præbuit sanctitátis indicia. Adolésens, deláta in forum cruce, circulátore ejécto, de contémpu mundi coram stupénte pópulo gravissime disséruiť. Quo experiménto, in congregatióne Clericórum Regulárium sancti Páuli admissus, brevi virtútum ómnium splendóre emícuit, devotióne præsértim erga Eucharistiam, quam sumens ad delíquium usque accendebátur. Sacerdótio insignitus, theológicis stúdiis præficitur, quorum subsidio ad animárum salútem se totum convértens, pia sodalítia instituit, Sacramentórum frequentiam invéxit, verbíque

divini ministérium ita exércuit, ut exímii Ecclésiæ præsules ab eo pastorále dicéndi genus hausisse palam asserúerint. Univérsæ congregatióni præpósitus, eámdem réxit prudéntia et religióne mirábili : qua commóti plures clarissimi viri, ab ipso ad pietátem informári voluere. Hos inter beátus Cárolus se, illo duce, perfectiόνis sémitam ingrèssum profitebátur, cum ejus consílio et ópera in Ecclésia Mediólanáensi regénda simul uterétur.

**Æ. Invéni David. 73\*.**

**Lectio v.**

**E**PISCOPÁTU Aleriénsi ex obediéntia suscepťo, gregis mores catéchesi, conciónibus, sýnodis, locórum ómnium difficillima visitatióne ac labóre, pene solus emendávit. Vetustissimis relictis ódiis, pacis stúdio se crebro dimicántium armis injécit, sacerdotum licéntiæ réstitit, inscitíæ consúluit, et cléricos ipse pietáte ac litteris imbuit. Cæterum pristini institúti custos religiosissimus, in victu parcus, in ornátu vulgáris, ecclesiasticórum provéntuum fidélis administer, cathedrále ecclésiám et episcópium cum seminário a fundaméntis excitávit. Præcípua tamen ejus cura fuit in páuperes : quæ tum máxime cláruit, cum octingéntos náutas, e mánibus piratárum elápsos, una

die hospítio excépit, et commeátu providit. Neque réditus tantum, sed vitam ipsam pro grege dare parátus, grassánte peste, públicis supplicatió nibus, nudis et cruentátis pédibus inter-esse, ægrótos invísere, eis-que spirituálem et corpó- ralem alimóniam ministráre non est véritus : páuperum inde pater et Córscicæ Apó- stolus passim nuncupátus.

*R.* Pósuí adjutórium. 73\*.

*Lectio vj.*

**D**OCTRÍNA et dicéndi facul- táte ita præstitit, ut, ex temporáli sermóne, plures Hebræos ad Christum con- vértent. Altíssimæ contem- platiónis donum assecútus, radiánte vultu sæpe rapie- bátur in Deum, et Angeló- rum concéntu recreabátur. Tanta fuit ejus fides, ut pre- cum, quibus viginti quátuor intérdum continéntes horas dabat, præsidio tempestá- tes sedáverit, Turcárum classem evérterit, multós- que sanitáti restitúerit. His præcláre gestis magnus, pa- tiéntia major et humilitáte, pública convícia sustinuit, et, lápide ictus in fáciem, apud insulæ præsidem vé- niam percussóri impetrávit. Demum a Gregório décimo quarto, motu próprio, ceu Angelus Ticinénsibus datus, anno, ut prædixerat, ab in- gréssu illius urbis nondum expléto, dum diocésis fines vísaret, vitæ asperitáte ac

labóribus fractus, cælésti visióne confortátus, Calótti pie óbiit : unde corpus suá- viter olens, Papiám translá- tum, in majóri ecclésia ho- norífice cónditum fuit. Illum vero virtútibus ac signis il- lústrem Benedictus décimus quartus in Beatórum núme- rum rétulit.

*R.* Iste est. 73\*.

IN III. NOCTURNO

*Homil. in Evang. Homo péregre. de Comm. 1º loco. 75\*.*

DIE XXIV

SANCTI BONI LATRONIS

CONFESSORIS

*Duplex.*

IN I. VESPERIS

*Ant. et Capit. de Laud. 366\* ; Pss. ut in I. Vesp. de Comm. Apost. 1\*.*

*Hymnus.*

**J**ESU coróna célsior,  
Et véritas sublímiór,  
Qui confiténti sérvulo  
Reddis perénne præmíum.

Da supplicánti cœtui,  
Hujus rogátu, nóxii  
Remissiónem criminis,  
Rumpéndo nexum vínculi.

Anni revérso témpore,  
Dies refúlsit lúmine,  
Quo sanctus hic de córpore  
Migrávit inter sidera.

Ut sis perénne méntibus  
Paschále Jesu gáudium,  
A morte dira criminum  
Vitæ renátos libera.

Deo Patri sit glória,  
Et Filio, qui a mórtuis



Surréxit, ac Paráclito,  
In sempiterna sæcula.

Amen.

Ÿ. Amávit eum Dóminus,  
et ornávit eum, allelúia. **R.**  
Stolam glóriæ induit eum,  
allelúia.

**Ad Magnif. Ant.** Ait latro  
ad latrónem : Nos quidem  
digna factis recipimus : hic  
áutem quid fecit? Meménto  
mei Dómine, dum véneris  
in regnum tuum, allelúia,  
allelúia.

**Oratio ut ad Laud.** 367\*.

AD MATUTINUM

**Invitat.** Christum Regem  
crucifixum, qui latróni in  
cruce paradísium donat, \*  
Veníte, adorémus, allelúia.

**Ps.** Veníte, exsultémus. 2.

**Hymn.** Jesu coróna. *supra.*

IN I. NOCTURNO

**Ant.** Beátus iste sanctus,  
qui confísus est in Dómino,  
et exauditus est de monte  
sancto ejus, allelúia.

**Pss. trium Noct. de Comuni Conf. non Pont.** 89\*.

Ÿ. Amávit eum Dóminus,  
et ornávit eum, allelúia. **R.**  
Stolam glóriæ induit eum,  
allelúia.

**Lect. dicuntur de Script. occur.**

**R. j.** Pósuí adjutórium su-  
per poténtem, \* Manus enim  
mea auxiliábitur ei, et brá-  
chium meum confortábit  
eum, allelúia. **V.** Nihil pro-  
ficiet inimicus in eo, et filius  
iniquitátis non nocébit ei.  
Manus.

**R. ij.** Iste cognóvit justi-

tiam, et vidit mirabilia,  
et exorávit Altíssimum : \*  
Ipse intercédát pro peccátis  
ómnium populórum, alle-  
lúia. **V.** Iste invéntus est in  
número sanctórum. Ipse.

**R. ij.** Amávit eum Dómi-  
nus, et ornávit eum : stolam  
glóriæ induit eum, \* Et ad  
portas paradísi coronávit  
eum, allelúia. **V.** Induit eum  
Dóminus lorícam fidei, et  
ornávit eum. Et ad portas.  
Glória Patri. Et ad portas.

IN II. NOCTURNO

**Ant.** Invocántem exaudi-  
vit Dóminus sanctum suum :  
Dóminus exaudivit eum, et  
constituit eum in pace, al-  
lelúia.

**V.** Induit eum Dóminus  
lorícam fidei, et ornávit eum,  
allelúia. **R.** Et ad portas pa-  
radísi coronávit eum, alle-  
lúia.

Sermo sancti Joánnis  
Chrysóstomi.

**Hom. 2. de Cruce et Latr.**

t. 3.

**Lectio iv.**

**S**CIO et ante me dixisse de  
latróne, sed habet di-  
vérsas intelligéntias Dei ser-  
mo. Iste latro de ligno mer-  
cátur salútem, hic latro fu-  
rátur cæléste impérium. Vim  
facit majestáti, non virtúte  
 própria, sed fide vincens.  
Ipsíus Dómini vox est, Re-  
gnum cælórum vim pátitur,  
et violénti dirípiunt illud.  
In cruce duo latrónes imágo  
Judæórum et gentilium. La-  
tro quem pœnitet, imáginem

óbtinet pópuli ex géntibus congregáti, qui prius in erróre ambuláverat, et post hoc veritátem agnóvit. Imáginem vero latro ille óbtinet Judæórum, qui usque in finem perseverát latro. Et usque ad tempus quidem crucis viam malignitátis ié-runt : crux áutem divisit utrúmque.

℞. Velum templi scissum est, \* Et omnis terra trémuit : Latro clamábat de cruce, dicens : Meménto mei Dómine, dum véneris in regnum tuum, allelúia. V. Petræ scissæ sunt, et monuménta apérta sunt, et multa córpora sanctórum, qui dormierant, surrexérunt. Et.

Lectio v.

VIAM namque cæcitátis et perditionis, qui non crédidit, ingressus est : viam áutem salutis, qui crédidit, ingressus est : viam salutis, qui crédidit, adéptus est. In cruce didicit latro différentiam viárum, quóniam novit Dóminus viam justórum : via áutem impiórum peribit. Et vide Dei justum iudícium, ut dicas et tu cum prophéta : Justus es Dómine, et rectum iudícium tuum. Propter unum peccátum damnátur Adam, et propter unam fidei vocem latro salvátur. Unum peccátum ejécit illum, et una justitia introduxit istum, et latro habitátor factus est paradisi. O admiránda rerum matéries ! Nec

Abrahæ data est per vocem repromissio paradisi. Here-ditátur quidem per fidem : repromissionem áutem paradisi nemo ante latrónem accépit.

℞. Nemo repromissionem paradisi ante latrónem accépit, cui Dóminus in cruce dixit : \* Hódie mecum eris in paradiso, allelúia, allelúia. V. Dómine meménto mei, cum véneris in regnum tuum. Hódie.

Lectio vj.

ISTE ergo vidit Salvatórem non super throno regáli, non adorári in templo, non loquentem de cælis, non per Angelos disponéntem, sed in pœna sociátum latróni; videt in torméntis, et tamquam in glória adórat; videt in cruce, et rogat quasi in cælis sedéntem; videt condemnátum, et Regem invocát, dicens : Dómine meménto mei, cum véneris in regnum tuum. Crucifixum vides, et Regem prædicas ! In ligno pendére cernis, et cælórum regna meditáris : O admiránda latrónis convérsio !

℞. O admiránda latrónis convérsio ! \* Crucifixum videt, et Regem prædicat, allelúia. V. In ligno pendéntem cernit, et cælórum regna meditátur. Crucifixum. Glória Patri. Crucifixum.

IN III. NOCTURNO

Ant. Dómine, iste sanctus habitábit in tabernáculo tuo,



requiescet in monte sancto tuo, allelúia.

Y. Hic accipiet benedictionem a Dómino, allelúia.

R. Et misericórdiam a Deo salutári suo, allelúia.

Lectio sancti Evangelíi secúndum Lucam.

Lectio vij. Cap. 23. f

**I**N illo témpore : Unus de his qui pendébant latrónibus, blasphemábat Jesum, dicens : Si tu es Christus, salvum fac temetípsum et nos. Et réliqua.

Homilia sancti Ambrósii  
Episcopi.

Serm. 49. de S. Latrone.

**Q**UÓNIAM hódie Evangelíi lectio de latróne fecit mentionem, videámus quis ille latro sit, qui in cruce Dómino constitúto non solum peccatórum suórum véniam conséquitur, sed étiam paradisi amœnitáte donátur; ut qui propter scélera damnátus fúerat ad pœnam, propter fidem transferrétur ad glóriam; fuerítque illi crux quam pértulit, non tam supplicii damnátio, quam salutis occásio. In cruce enim pósitus in Christum Dóminum nostrum crédidit crucifixum. Et ideo qui consórtio passiónis útitur, consórtio paradisi condonátur. Beátus enim latro, dum supplicium pátitur, regnum cæléste conséquitur. Ecce reus dicitur, sicut cui damnári illud tempus expetívit. Non enim perveníret ad glóriam,

si non contráditus esset ad pœnam. Videámus, inquam, cur tantórum criminum reus tam cito a Salvatóre paradisum promerétur, cum álii multórum témporum lácrymis frequentibúsque jejúniis vix delictórum suórum véniam consequántur.

R. Iste est beátus latro, qui in cruce pósitus Christum Dóminum nostrum crédidit crucifixum : \* Et dum supplicium pátitur, regnum cæléste conséquitur, allelúia. V. Quem Judas Iscariótes in hórtulo paradisi distráxerat, iste in patíbulo confitétur. Et.

Lectio viij.

**M**AGNA, fratres, et múltiplex cáusa est. Primum, quod iste latro devotióne fidei tam repénte mutátus est, ut præséntem pœnam despíceret, ac de futúra véniam precarétur; et magis créderet útile sibi esse de ætérno iudicio pétère, quam de temporáli supplicio postuláre. Reminiscens enim scélerum suórum, et pœnitúdinem gerens, plus incipit dolére quod sperat, quam sentire quod pátitur. Pótuít enim, nisi de futúris ámplius cogitáset, qui in Christum semel credíderat, de præsénti magis supplicio deprecári. Deínde illud ad grátiam ejus majóris est mériti, quod in Christum in cruce pósitum crédidit, et pássio, quæ áliis scándalum fecit, illi ad fidem

profécit. Crucis enim pássio multis scándalum fuit, sicut dicit Apóstolus : Nos áutem prædicámus Christum crucifixum, Judæis quidem scándalum, géntibus áutem stultitiam. Recte ergo meretur paradísium, qui crucem Christi non putávit esse scándalum, sed virtútem. Dicit enim ídem Apóstolus : Ipsis áutem vocátis Judæis atque Græcis, Christum Dei virtútem, et Dei sapiéntiam.

**R.** Iste est qui crucem Christi non putávit esse scándalum, sed virtútem; ideóque paradísium meretur : \* Ipse intercédât pro peccátis ómnium populórum, allelúia. **V.** Iste est qui honorificat patiéntem, quem Judas pródidit osculántem. Ipse. Glória Patri. Ipse.

#### Lectio ix.

**R**ECTE plane et Dóminus huic donat paradísium, quia quem Judas Iscariótes in hórtulo paradisi distráxerat, hic in crucis patibulo confitétur. Mira res! confitétur latro quem discípulus abnegávit. Mira, inquam, res! Latro honorificat patiéntem, quem Judas pródidit osculántem. Ab hoc pacis blandiménta vendúntur, ab illo crucis vúlnera prædicántur. Ait enim : Meménto mei Dómine, cum véneris in regnum tuum. Hæc est fidei plena devótio, ut, cum de vulnéribus Dómini prófluens sanguis cérnitur,

tunc de potestáte ejus vénia postulétur; cum vidétur ejus humilitas, tunc magis timeátur ejus divinitas; cum morti addictus putátur, tunc Regis illi honorificéntia deferátur. Iste enim fidélis latro non crédidit moritúrum, quem annúntiat regnatúrum; non putat subdéndum inferis, quem dominatúrum confitétur in cælo; non arbitrátur eum apud tártarum detineri, a quo se étiam póstatulat liberári. Cernat licet ejus hiántia vúlnera, spectet ipsius sánguinem profluéntem, Deum tamen credit, quem reum nescit; justum fatétur, quem non meminit peccatórem.

Te Deum laudámus. 17.

#### AD LAUDES

#### ET PER HORAS

**Ant. 1.** Latro Christum \* crucifixum vidébat, et Regem invocábat, dicens : Dómine meménto mei, cum véneris in regnum tuum, allelúia.

**Ps.** Dóminus regnávit. 18.

**2.** Qui me conféssus \* fúerit coram homínibus, confitébor et ego eum coram Patre meo, allelúia.

**3.** Cum conturbáta fúerit \* ánima mea Dómine, misericórdiæ memor eris, allelúia, allelúia.

**4.** Salvum me fecit \* Christus Redemptor, qui dixit : Hódie mecum eris in paradiso, allelúia, allelúia, allelúia.



5. Ille qui talis \* ad crucem venit ex culpa, ecce qualis a cruce recedit ex grátia, allelúia, allelúia, allelúia.

**Capitulum. Is. 59.**

**E**CCE non est abbreviáta manus Dómini, ut salvare néqueat : neque aggraváta est áuris ejus, ut non exáudiat.

**Hymnus.**

**J**ESU Redemptor ómnium,  
Coróna confiténtium,  
In hac die clementius  
Indúlgeas precántibus.

Tui sacri qua nóminis  
Confessor almus cláruit,  
Hujus celebrat ánnua  
Devóta plebs solémnia.

Hujus benígnus ánnue  
Confessióem nos sequi :  
Hujus precátu, sérvulis  
Dimitte noxam criminis.

Ut sis perénne méntibus  
Paschále Jesu gáudium,  
A morte dira criminum  
Vitæ renátos libera.

Deo Patri sit glória,  
Et Filio, qui a mórtuis  
Surréxit, ac Paráclito,  
In sempitérna sácula. Amen.

Ÿ. Vitam pétiit a te, et  
tribuísti ei Dómine, allelúia.

℞. Glóriam et magnum decórem imposuísti super eum, allelúia.

**Ad Bened. Ant.** Ait latro ad latrónem : Nos quidem digna factis recipimus; hic autem quid fecit? Meménto mei Dómine, dum véneris in regnum tuum, allelúia, allelúia.

**Oratio.**

**O**MNÍPOTENS et miséricors Deus, qui justificas impios, te súplices exorámus : ut nos benigno intúitu, quo Unigénitus tuus beá-tum traxit latrónem, ad dignam pœniténtiam próvo-ces; et illam, quam ei pro-mísit, tribuas nobis glóriam sempitérnā. Per eúndem.

**AD TERTIAM**

**Ant.** Qui me confessus.

**Capit.** Ecce non. *ut supra.*

℞. br. Amávit eum Dómi-nus, et ornávit eum, \* Alle-lúia, allelúia. Amávit. Ÿ. Stolam glóriæ induit eum. Allelúia, allelúia. Glória Pa-tri. Amávit.

Ÿ. Induit eum Dóminus lorícam fidei, et ornávit eum, allelúia. ℞. Et ad por-tas paradisi coronávit eum, allelúia.

**AD SEXTAM**

**Ant.** Cum conturbáta fúe-rit.

**Capitulum. Is. 58.**

**T**UNC invocábis, et Dómi-nus exáudiet : clamábis, et dicet : Ecce adsum.

℞. br. Induit eum Dómi-nus lorícam fidei, et ornávit eum, \* Allelúia, allelúia. In-duit. Ÿ. Et ad portas para-disi coronávit eum. Allelúia, allelúia. Glória Patri. Induit.

Ÿ. Hic accípiet benedi-ctiόnem a Dómino, allelúia. ℞. Et misericórdiam a Deo salutári suo, allelúia.

**AD NONAM**

**Ant.** Ille qui talis.

## Capitulum. Is. 38.

**T**u autem Dómine eruisti ánimam meam, ut non periret : projecisti post tergum tuum ómnia peccáta mea.

**R. br.** Hic accipiet benedictionem a Dómino, \* Allelúia, allelúia. Hic. **V.** Et misericórdiam a Deo salutári suo. Allelúia, allelúia. Glória Patri. Hic.

**V.** Vitam pétiit a te, et tribuisti ei Dómine, allelúia.

**R.** Glóriam et magnum decórem imposuisti super eum, allelúia.

## IN II. VESPERIS

## Omnia ut in I. Vesp.

**V.** Amávit eum Dóminus, et ornávit eum, allelúia. **R.** Stulam glóriæ induit eum, allelúia.

**Ad Magnif. Ant.** Impietas impii non nocébit ei : in quacúmque die convérsus fúerit ab impietáte sua, allelúia, allelúia.

## DIE XXVI

## B. M. V. DE BONO CONSILIO

## Duplex majus.

## IN I. VESPERIS

**Ant. et Capit. ut ad Laudes. 373\*. Pss. ut in Festis B. M. V. per annum. 158\*.**

**Hymnus Ave maris. 160\*.**

**V.** Ora pro nobis Mater Boni Consilii, allelúia. **R.** Ut digni efficiámur promissionibus Christi, allelúia.

**Ad Magnif. Ant.** Candor est lucis æternæ, et spéculum sine mácula Dei majestátis

et imágo bonitátis illius : et ideo nihil inquinátum in eam incúrrit, allelúia.

**Oratio ut ad Laudes. 373\*.**

**Ad Completorium et per Horas diei in fine Hymn. dicitur :**

Jesu tibi sit glória,  
Qui natus es de Virgine.

## AD MATUTINUM

**Invitat.** Sancta María Dei Génitrix Virgo, Mater Boni Consilii, \* Intercéde pro nobis, allelúia.

**Ps.** Venite, exsultémus. 2.

## Hymnus.

**P**LÁUDE festívo, pia gens,  
honóre,  
Dum Genestánam veneráris  
ædem,

Qua Dei magnæ Genitrícis  
alma

Splendet imágo.

Hæc ubi miram spéciem  
repéte

Obtulit lætis pópulis vidén-  
dam,

Multa mox secum bona ferre  
nostras

Visa per oras.

Ipsa tunc ægris áderat,  
moléstos

Córporis morbos animíque  
pellens

Longe et ærúmna Látio im-  
minéntes

Ipsa fugábat.

Virgo, quæ magnis deco-  
ráta signis,

Nunc quoque effúlges, mise-  
ris juvámén

Affer, et fuis pátiens clién-  
tum

Annue votis.



Sit salus illi, decus atque  
virtus,  
Qui super cæli sólio corú-  
scans,  
Totius mundi sériem gubér-  
nat  
Trinus et unus. Amen.

## IN I. NOCTURNO

**Ant.** Accipe consílium in-  
telléctus, et ne abjicias con-  
sílíum meum, allelúia.

**Psalmi trium Nocturno-  
rum ut in Festis B. M. V.  
161\*.**

**V.** Venérunt mihi ómnia  
bona páriter cum illa, alle-  
lúia. **R.** Et innumerábilis ho-  
néstas per manus illius, al-  
lelúia.

De libro Proverbiórum.

**Lectio j. Cap. 2. b**

**S**i intráverit sapiéntia cor  
tuum, et sciéntia ánimæ  
tuæ placúerit : consílíum cu-  
stódiet te, et prudéntia ser-  
vábit te, ut eruáris a via  
mala, et ab hómine, qui per-  
vérsa lóquitur : qui relin-  
quunt iter rectum, et ám-  
bulant per vias tenebrósas :  
qui lætántur cum male féce-  
rint, et exsúltant in rebus  
péssimis : quorum viæ per-  
vérsæ sunt, et infámes gres-  
sus eórum.

**R.** Si sapiéntiam invocá-  
veris, et inclináveris cor  
tuum prudéntiæ : \* Tunc in-  
télleges timórem Dómini, et  
sciéntiam Dei invénies, alle-  
lúia. **V.** Quia Dóminus dat  
sapiéntiam, et ex ore ejus  
prudéntia et sciéntia. Tunc  
intélleges.

**Lectio ij. Cap. 3. c**

**F**ili mi, ne éffluant hæc ab  
óculis tuis. Custódi le-  
gem atque consílíum : et erit  
vita ánimæ tuæ, et grátia  
fáucibus tuis. Tunc ambulá-  
bis fiduciáliter in via tua, et  
pes tuus non impínget : si  
dormieris, non timébis :  
quiésces, et suávis erit so-  
mnus tuus. Ne páveas repen-  
tino terróre, et irruéntes  
tibi poténtias impiórum. Dó-  
minus enim in látere tuo,  
et custódiet pedem tuum ne  
capiáris.

**R.** Si intráverit sapiéntia  
cor tuum, et sciéntia ánimæ  
tuæ placúerit : \* Consílíum  
custódiet te, et prudéntia  
servábit te, allelúia. **V.** Ut  
eruáris a via mala, et ab hó-  
mine qui pervérsa lóquitur.  
Consílíum.

**Lectio iij. Cap. 8. b**

**E**go sapiéntia hábito in  
consílio, et eruditís inter-  
sum cogitatióibus. Timor  
Dómini odit malum : arro-  
gántiam, et supérbiam, et  
viam pravam, et os bilingue  
detéstor. Meum est consí-  
lium, et æquitas, mea est  
prudéntia, mea est fortitúdo.  
Per me reges regnant, et le-  
gum conditóres justa decér-  
nunt. Per me príncipes im-  
perant et poténtes decér-  
nunt justitiam. Ego diligen-  
tes me diligo : et qui mane  
vígilant ad me, invénient  
me.

**R.** Beátus homo qui inve-  
nit sapiéntiam et qui áffluit

prudéntia : \* Primi et purissimi fructus ejus, allelúia. *Ÿ.* Pretiósior est cunctis ópibus, et ómnia quæ desiderántur, huic non valent comparári. Primi. Glória. Primi.

IN II. NOCTURNO

*Ant.* Justi sunt omnes sermónes mei, non est in eis pravum quid, neque perversum, allelúia.

*Ÿ.* Viam sapiéntiæ monstrábo tibi, allelúia. *R.* Ducam te per sémitas æquitátis, allelúia.

Sermo sancti Augustini  
Episcopi.

In natali S. Joannis Bapt.

*Lectio iv.*

**H**ÓMINEM concépit Elisabeth, hóminem María : sed Elisabeth solum hóminem, María Deum et hóminem. Mira res est, quómodo potúerit concípere creatúra Creatórem. Quid est ergo intelligéndum, fratres mei, nisi quia ipse sibi fecit carnem de sola matre, qui fecit primum hóminem sine patre et matre? Primus ille noster casus fuit, quando fémina, per quam mórtui sumus, in corde concépit venéna serpéntis. Persuásit enim serpens peccátum, et admissus est male suádens. Si primus noster casus fuit, cum fémina concépit corde venéna serpéntis; non mirándum, quod salus nostra facta est, cum fémina concépit in útero carnem Omnipoténtis. Utérque ceciderat sexus, utérque

fúerat reparándus. Per mulierem in intéritum missi erámus, per mulierem nobis réddita est salus.

*R.* Fili custódi legem atque consílium, \* Et erit vita anime tuæ, et grátia fáucibus tuis, allelúia. *Ÿ.* Tunc ambulábis fiduciáliter in via tua, et pes tuus non impinguet. Et.

Sermo sancti Fulgéntii  
Episcopi.

De laud. Mariæ ex partu Salvy.

*Lectio v.*

**Q**UÓNIAM diábolus per serpéntem Hevæ locútus, per Hevæ áures mundo intulit mortem, Deus per Angelum ad Mariám pértulit verbum, et cunctis sáeculis vitam effúdit. Angelus sermónem ejécit, et Christum Virgo concépit. Hoc splendóre concípitur Dei Filius, hac mundítia generátur. De cælis médicus tránsiens per Virginem, post tránsitum suum illæsam fecit Virginem permanére. Qui enim disrúpta córporum membra in áliis póterat integráre tangéndo, quanto magis in sua Matre, quod invénit integrum, pótuít non violáre nascéndo? Crevit enim ejus partu intégritas córporis pótius, quam decrevit, et virginitas ampliáta est pótius, quam fugáta.

*R.* Audi fili mi, et súscepe verba mea, \* Ut multiplicéntur tibi anni vitæ, allelúia. *Ÿ.* Viam sapiéntiæ mon-



strábo tibi, ducam te per sémitas æquitátis. Ut.

**Lectio vij.**

**M**ARÍA quam præclarissimis tribus bonis sublimetur, ausculta, salutatiónis angélicæ, benedictiόνis divinæ, et plenitudinis grátia. Sic enim eam légitur salutasse : Ave María, grátia plena : benedicta inter mulieres. Et ut nihil non sublime esset in hac sanctíssima Virgine, quam Angelus grátia plenam salutávit, non sine divino consilio factum est, ut ejus étiam imágines summo essent in honóre et prodigiis miraculisque claréscerent. Quas inter ea tribus abhinc sæculis præcipuo honóre cólitur, quæ Páulo secúndo sedente mirabiliter apparuisse in pariete ecclésiæ Patrum órdinis Eremitárum sancti Augustíni in oppido Genestáni Prænestinæ diocésis, ex pontificiis diplomátibus et suppáribus monuméntis comprobátur. Quibus permótus Pius Papasextus præfátisejúsdem oppidi Coenobitis Officium próprium concéssit séptimo Kaléndas Maias, ipso scilicet Apparitiónis die, recitándum, ac deinde illud die, quæ immediáte subséquitur pro ejus recitatióne in pósterum assignáta ad univérsum prædictum órđinem sub ritu dúplicis majóris exténdit. Leo vero decimus tértius ad augéndum cultum

erga beatissimam Virginem sub título Matris Boni Consilii novum hoc officium approbávit.

**R.** Ausculta sermónes meos, et ad elóquia mea inclina áurem tuam : \* Ne recédant ab óculis tuis : custódi ea in médio cordis tui, allelúia. **V.** Vita enim sunt inveniéntibusea, et univérsæ carni sánitas. Ne recédant. Glória Patri. Ne recédant.

IN III. NOCTURNO

**Ant.** Via stulti recta in óculis ejus : qui áutem sapiens est, áudit consília, allelúia.

**V.** Coróna sapiéntiæ timor Dómini, allelúia. **R.** Replens pacem, et salutis fructum, allelúia.

Léctio sancti Evangélíi secúndum Lucam.

**Lectio vij. Cap. 1. c**

**I**N illo témpore : Missus est Angelus Gábriel a Deo in civitátem Galilææ cui nomen Názareth, ad Virginem desponsátam viro, cui nomen erat Joseph de domo David, et nomen Virginis María. Et réliqua.

Homilia sancti Bernárdi Abbátis.

**Ex Homil. 2. super Missus circa finem.**

**E**T nomen, inquit, Virginis María, quod interpretátum maris stella dicitur. Ipsa namque est nóbilis illa stella ex Jacob orta, cujus rádus univérsum orbem illuminat. Ipsa, inquam, est

præclára et exímia stella super hoc mare magnum et spatiósum necessário subleváta, micans méritis, illústrans exémpilis. O quisquis te intélligis in hujus sæculi proflúvio magis inter procéllas et tempestátes fluctuáre, quam per terram ambuláre: ne avértas óculos a fulgóre hujus sideris, si non vis óbrui procéllis. Si insúrgant venti tentatiónum, si incúrras scópulos tribulatiónum, respice stellam, voca Mariam. Si jactáris superbiæ undis, si ambitiónis, si detractiónis, si æmulatiónis, respice stellam, voca Mariam. Si criminum immanitate turbátus, consciéntiæ fœditáte confúsus, judicii horróre pertérritus, báratro incípias absorbéri tristitiæ, desperatiónis abýsso, cógita Mariam. In periculis, in angústiiis, in rebus dúbiis, Mariam cógita, Mariam invoca. Ipsam sequens, non dévias: ipsam rogans, non despéras: ipsam cógitans, non erras: ipsa tenénte, non córruis: ipsa protegénte, non métuis: ipsa duce non fatigáris: ipsa propítia pervenis, et sic in temetípso experiris quam mérito dictum sit: et nomen Virginis María.

℞ Filii audite me: \* Beáti qui custódiunt vias meas, allelúia. ✠ Audite disciplinam, et estóte sapiéntes, et nolite abjícere eam. Beáti.

### Lectio viij.

**I**NTUÉRE o homo consilium Dei, agnósce consilium sapiéntiæ, consilium pietátis. Redemptúrus humánum genus, prétium univérsum cóntulit in Mariam. Altius ergo intuémini quanto devotiónis afféctu a nobis volúerit honorári, qui totius boni plenitúdinem pósuit in Maria: ut proinde, si quid spei in nobis est, si quid grátiae, si quid salútis, ab ea novérimus redundáre, quæ ascéndit deliciis áffluens. Tolle Mariam hanc maris stellam, quid nisi caligo invólvens, umbra mortis, et densissimæ ténebræ relinquúntur? Totis ergo medúllis córdium, totis præcordiórum afféctibus, et votis ómnibus Mariam hanc venerémur, quia sic est volúntas ejus, qui totum nos habére voluit per Mariam. In ómnibus síquidem, et per ómnia próvidens miseris trepidatiónem nostram solátur, fidem éxcitat, spem róborat, diffidéntiam ábigit, érigit pusillanimitátem.

℞. Principium sapiéntiæ timor Dómini: \* Et sciéntia sanctórum prudéntia, allelúia. ✠ Per me enim multiplicabúntur dies tui, et addéntur tibi anni vitæ. Et sciéntia. Glória Patri. Et sciéntia.

### Lectio ix.

**A**D Patrem verebáris accédere, solo auditu térritus ad fólia fugiébas: Jesum tibi



dedit mediatórem. Sed fórsitan et in ipso majestátem vereáre divínam, quod, licet factus sit homo, mánserit tamen Deus. Advocátum habére vis et ad ipsum? Ad Mariam recúrre. Pura síquidem humanitas in Maria. Nec dúbius dixerim, exaudíetur et ipsa pro reveréntia sua. Exáudiet útique Matrem Filius, et exáudiet Filium Pater. Filioli, hæc peccatórum scala, hæc mea máxima fidúcia est, hæc tota rátio spei meæ. Quid enim? Potéstne Filius aut repéllere, aut sustinére repúlsam? Non audire, aut non audiri Filius potest? Néutrum plane. Invenisti, ait Angelus, grátiam apud Deum: feliciter. Semper hæc invéniet grátiam, et sola est grátia qua salvámur. Quid nos ália concupíscimus fratres? Quærámus grátiam, et per Mariam quærámus, quia quod quærit invenit, et frustrári non potest. Quærámus grátiam, sed grátiam apud Deum: nam apud hómines grátia fallax. Quærant álii méritum, nos invenire grátiam studeámus. Quid enim? Non grátiae est quod hic sumus? Profécto misericórdiae Dómini est, quod non sumus consúpti.

Te Deum laudámus. 17.

AD LAUDES

ET PER HORAS

*Ant.* 1. Ego mater \* pulchræ dilectiónis, et timóris,

et agnitiónis, et sanctæ spei, allelúia.

*Ps.* Dóminus regnávít. 18.

2. In me grátia \* omnis viæ et veritátis, in me omnis spes vitæ et virtútis, allelúia.

3. Qui áudit me \* non confundétur, et qui operántur in me non peccábunt, allelúia.

4. Da mihi sédium tuárum \* assístricem sapiéntiam, et noli me reprobáre a filiis tuis, allelúia.

5. Optávi, \* et datus est mihi sensus, et invocávi, et venit in me spíritus sapiéntiæ, allelúia.

*Capitulum.* Prov. 8. d

**B**EÁTUS homo qui áudit me, et qui vigilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salútem a Dómino.

*Hymnus* O gloriósa vírginum. *ut in Festis B. M. V. per annum.* 170\*.

Ÿ. Dignáre me laudáre te Virgo sacráta, allelúia. *R.* Da mihi virtútem contra hostes tuos, allelúia.

*Ad Bened. Ant.* Beáta Mater et intácta Virgo, Regína mundi, nostras deprecatiónes ne despicias in necessitátibus, sed a perículis cunctis libera nos semper, allelúia.

*Oratio.*

**D**EUS, qui Genitricem dilecti Filii tui matrem nobis dedisti, ejúsque spe-

ciósam imáginem mira apparitióne clarificáre dignátus es : concéde quæsumus ; ut ejúsdem mónitis júgiter inhæréntes secúndum cor tuum vívere et ad cæléstem pátriam feliciter pervenire valeámus. Per eúmdem Dóminum.

## AD TERTIAM

**Capit.** Beátus homo.

**R. br.** Venérunt mihi ómnia bona páriter cum illa , \* Allelúia , allelúia. Venérunt. **V.** Et innumerábilis honéstas per manus illíus. Allelúia , allelúia. Glória Patri. Venérunt.

**V.** Viam sapiéntiæ monstrábo tibi , allelúia. **R.** Ducam te per sémitas æquitátis , allelúia.

## AD SEXTAM

**Capitulum.** Prov. 6. c

**C**ONSÉRVA fili mi præcépta patris tui , et ne dimittas legem matris tuæ. Liga ea in corde tuo júgiter , et circúmda gútturi tuo.

**R. br.** Viam sapiéntiæ monstrábo tibi , \* Allelúia , allelúia. Viam. **V.** Ducam te per sémitas æquitátis. Allelúia , allelúia. Glória. Viam.

**V.** Coróna sapiéntiæ timor Dómini , allelúia. **R.** Replens pacem , et salútis fructum , allelúia.

## AD NONAM

**Capitulum.** Prov. 23. d

**P**RÆBE fili mi cor tuum mihi , et óculi tui vias meas custódiant.

**R. br.** Coróna sapiéntiæ

timor Dómini , \* Allelúia , allelúia. Coróna. **V.** Replens pacem , et salútis fructum. Allelúia , allelúia. Glória Patri. Coróna.

**V.** Venite filii , audíte me , allelúia. **R.** Timórem Dómini docébo vos , allelúia.

## IN II. VESPERIS

**Omnia ut in I. , præter**

**Ad Magnif. Ant.** Felix es sacra Virgo María , et omni láude digníssima : quia ex te ortus est sol justitiæ , Christus Deus noster , magni Consilii Angelus , allelúia.

## DIE XXVII

S. THURIBII DE MOGROVEJO

EPISC. ET CONF.

**Duplex.**

**Omnia de Comm. Conf. Pont. 67\* , præter seq. Oratio.**

**E**CCLÉSIAM tuam Dómine beáti Thuribii Confessoris tui atque Pontificis continua protectiône custódi : ut , sicut illum pastorális sollicitúdo gloriósum réddidit ; ita nos ejus intercéssio in tuo semper fáciat amóre fervéntes. Per Dóminum.

## IN I. NOCTURNO

**Lect. de Script. occur.**

## IN II. NOCTURNO

**Lectio iv.**

**T**HURÍBIUS Alphónsus , ex nóbili Mogrovéja gente Majórgæ in regno Legiónis natus , liberálibus disciplinis et juri canónico Vallisoléti primum , deínde Salmánticæ in majóri collégio Oveténsi



sancti Salvatoris ita operam dedit, ut tamen potiorē temporis partem orationi aliisque piis et christianis exercitiis impenderet. Id comprobatum est, cum emissam in ejus cubiculum impudicam mulierem præcipuus virginitatis sectator constanti animo extemplo expulit. Inde jejuniis, vigiliis et proprii corporis castigatione continuo vitam exercuit, et nudis quoque pedibus Compostellam ad sancti Jacobi sepulcrum peregrinatus est.

℞. Inveni David. 73\*.

*Lectio v.*

**A** GREGÓRIO décimo tertio Limanæ ecclesiæ ex quæstore fidei invitatus præficitur. Quo in munere apostolicam sollicitudinem in nova christianitate vel solidanda vel amplianda adhibens perfecti præsulis partes explévit. Quare singulis dominicis diebus vel in ecclesia vel in hospitali domo, in parvis etiam oppidulis et subdiu concionabatur plebémque catechismo instruébat. Synodos etiam diocesanas et provinciália concilia juxta Tridentini statuta habuit, et in eis complúra decreta, postea a Sede apostolica confirmata, condita sunt, quibus modo Ecclesia Americána régitur. Hinc morum emendatio, cleri disciplina, juvenum seminária, virginum ac male nuptarum coenobia, ægrotorum xenodochia, aliæque

ædes et templa, ejus etiam sumptu constructa, emanarunt.

℞. Pó sui adjutórium. 73\*.

*Lectio vj.*

**D** IECÉSIM suam, amplissimam quidem, incredibili labore totam sæpe visitavit, omnesque pene ecclesiæ suæ provéntus in pauperum usus, quos creditores suos vocabat, erogavit, octingentis, ut ferunt, hominum milibus sacro chrismate unctis. Innúmeras contradictiones, sive ab iis, qui foris sunt, propter fidem, sive ab iis, qui intra, propter Ecclesiæ libertatem, summa patientia sustinens, acriter defendit, martyrii cupidissimus. Tandem sacerdotio et miraculis clarus, quæ etiam post mortem ipsius sanctitatem comprobarunt, dum propriæ diocesis visitationi incumberet, anno millésimo sexcentésimo sexto, ætatis suæ sexagésimo octavo, sumpto in ecclesia sacro viático, ad mortis nuntium exclamans: Lætatus sum in his, quæ dicta sunt mihi: in domum Domini ibimus, die vigésima tertia Mártii obdormivit in Domino: quem Innocéntius undécimus in beatorum numerum retulit, assignata ejus festivitati die vigésima séptima Aprilis. Deinde novis quampluribus fulgentem signis Benedictus decimus tertius Póntifex Máximus quarto Idus Decémbris anno salutis

millésimo septingentésimo vigésimo sexto sanctorum fastis adscripsit.

*R.* Iste est. 73\*.

IN III. NOCTURNO

Lectio sancti Evangelii secundum Matthaeum.

*Lectio vij. Cap. 25.*

**I**N illo tempore : Dixit Jesus discipulis suis parabola hanc : Homo peregre proficiscens, vocavit servos suos, et tradidit illis bona sua. Et reliqua.

Homilia sancti Bernardi Abbatis.

*Ex Serm. 23. in Cant.*

**A**CCÍPIUNT in promissione qui bene praesunt, constituti super omnia bona Domini sui : at pauci profecto, qui utiliter, pauciores qui et humiliter praesint. Facile tamen utrumque adimplet, qui matrem virtutum discretionem perfecte adeptus, vino nihilominus caritatis usque ad contemptum propriae gloriae, usque ad sui ipsius oblivionem, et non ad quaerenda, quae sua sunt, debriatur, quod solo ac miro Spiritus sancti magisterio obtinetur.

*R.* Amavit eum. 76\*.

*Lectio viij.*

**V**IRTUS autem discretionis absque caritatis fervore jacet, et fervor vehemens

absque discretione temperamento praecipitat. Ideoque laudabilis, cui neutrum deest, quatenus et fervor discretionem erigat, et discretio fervorem regat. Ergo taliter oportet esse moratum eum qui praest. Optimum autem in moribus dixerim et summam disciplinae hujus perfectae apprehendisse, qui in nullo prorsus aut resistat prioribus, aut invidet paribus, aut subjectis vel desit in cura, vel in superbia praesit, praelatis obediens, sociis congruens, subditis utiliter condescendens.

*R.* Sint lumbi. 76\*.

*Lectio ix.*

**T**IMEANT clerici, timeant ministri Ecclesiae, qui in terris sanctorum, quas possident, tam iniqua gerunt, et stipendiis, quae sufficere debent, minime contenti, superflua, quibus egeni sustentandi forent, impie, sacrilegeque sibi retineant, et in usus suae superbiae, atque luxuriae victum pauperum consumere non vereantur, duplici profecto iniquitate peccantes, quod et aliena diripiunt, et sacris in suis vanitatibus et turpitudinibus abutuntur.

Te Deum laudamus. 17.



## FESTA MAII

DOMINICA I. MAII

B. MARIE VIRGINIS

DIVINI PASTORIS MATRIS

*Duplex majus.*

IN I. VESPERIS

*Ant. de Laud. 381\*, Pss., Capit. et Hymn. ut in Festis B. M. V. per annum. 158\*, præter seq.*

*V.* Dignâre me laudâre te Virgo sacrâta, allelûia. *R.* Da mihi virtutem contra hostes tuos, allelûia.

*Ad Magnif. Ant.* Sicut pastor gregem suum pascet, in brâchio suo congregabit agnos, et in sinu suo levabit, allelûia.

*Oratio ut ad Laudes. 382\*.*

*Ad Complet. et per Horas in fine Hymn. dicitur :*

Jesu tibi sit glória,  
Qui natus es de Virgine.

AD MATUTINUM

*Invitat.* Sancta Maria divini Pastoris Mater, \* Intercede pro nobis, allelûia.

*Hymn. Quem terra. 160\*.*

IN I. NOCTURNO

*Ant.* Mane surgâmus ad vineas, videâmus si flôruit vinea, si flores fructus partûriunt, ibi dabo tibi úbera mea, allelûia.

*Pss. trium Nocturnorum ut in Festis B. M. V. 161\*.*

*V.* Spécie tua, et pulchritudine tua, allelûia. *R.* Inténde, prospere procéde, et regna, allelûia.

De Parábolis Salomónis.

*Lectio j. Cap. 8. et 9.*

**E**GO sapiéntia hábito in consílio, et eruditis intérsus cogitatióibus. Timor Dómini odit malum: arrogántiam, et supérbiam, et viam pravam, et os bilingue detéstor. Meum est consílium, et æquitas, mea est prudéntia, mea est fortitúdo. Per me reges regnant, et legum conditóres justa decérnunt. Per me principes impérant, et poténtes decérnunt justítiam. Ego diligéntes me diligo: et qui mane vigilant ad me, invénient me. Mecum sunt divitiæ, et glória, opes supérbæ, et justítia. Mélior est enim fructus meus áuro, et lápide pretióso, et genimina mea argénto elécto. In viis justítiæ ámbulo, in médio semitárum judicii, ut ditem diligéntes me, et thesáuros eórum répleam.

*R.* Sicut vigilávi super eos, ut evéllerem, et demolirem, et dissipárem, et dispérderem, et afflígerem: \* Sic vigilábo super eos, ut ædificem, et plantem, allelûia. *V.* Erravérunt greges mei in cunctis móntibus, et in univérso colle excélso. Sic vigilábo.

*Lectio ij.*

**D**ÓMINUS possédit me in initio viárum suárum ánte-

quam quidquam fáceret a principio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : necdum fontes aquárum erúperant, necdum montes gravi mole constiterant : ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cælos áderam : quando certa lege, et gyro vallábat abyssos : quando æthera firmábat sursum, et librábat fontes aquárum : quando circúmdabat mari términum suum, et legem ponébat aquis, ne transírent fines suos : quando appendébat fundaménta terræ. Cum eo eram cuncta compónens : et delectábar per singulos dies, ludens coram eo omni témpore ; ludens in orbe terrárum : et deliciæ meæ esse cum filiis hóminum. Nunc ergo filii audite me : Beáti, qui custódiunt vias meas. Audite disciplinam, et estóte sapiéntes, et nolite abjicere eam.

℞. Anima mea desiderávit te in nocte : \* Sed et spíritu meo in præcórdiis meis ; de mane vigilábo ad te, allelúia. V. Ego dórmio, et cor meum vigilat : vox dilécti mei pulsantis. Sed.

Lectio iij.

**B**EÁTUS homo qui áudit me, et qui vigilat ad fores meas quotidie, et obsérvat

ad postes óstii mei. Qui me invénerit, invéniet vitam, et háuriet salútem a Dómino : qui áutem in me peccáverit, lædet ánimam suam. Omnes, qui me odérunt, diligunt mortem. Sapiéntia ædificávit sibi domum, excídit colúmnas septem. Immolávit víctimas suas, miscuit vinum, et propósuit mensam suam. Misit ancillas suas, ut vocárent ad arcem, et ad móenia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bibite vinum quod miscui vobis.

℞. Sicut vísitat pastor gregem suum in die, \* Quando fúerit in médio óvium suárum dissipatárum, allelúia.

V. Sic visitábo oves meas, et liberábo eas de ómnibus locis in die nubis, et caliginis. Quando fúerit. Glória Patri. Quando fúerit.

IN II. NOCTURNO

Ant. Salvábo gregem meum, et non erit ultra in rapinam, allelúia.

V. Adjuvábít eam Deus vultu suo, allelúia. ℞. Deus in médio ejus, non commovébitur, allelúia.

Sermo sancti Bernárdi Abbátis.

Lectio iv.

Ex Serm. in cap. 12. Apoc. ante med.

**A**MPECTÁMUR Mariæ vestigia, fratres mei, et devotissima supplicatióne beá-



tis illius p[er]dib[us] provolvá-  
mur. Teneámus eam, nec  
dimittámus, donec benedi-  
xerit nobis: potens est enim.  
Nempe vellus est médium  
inter rorem et áream, mú-  
lier inter solem et lunam,  
María inter Christum et Ec-  
clésiám constitúta. Sed forte  
miráris non tam vellus opér-  
tum rore, quam amíctam  
sole mulierem. Magna síqui-  
dem familiáritas, sed mira  
omnino vicínitas solis, et  
mulieris. Quómodo enim in  
tam veheménti fervóre tam  
frágilis natúra subsístit? Mé-  
rito quidem admiráris Mói-  
ses sancte, et curiósius de-  
sideras intuéri. Verúmtamen  
solve calceaménta de p[er]-  
dib[us] tuis, et involúcrá pone  
carnálium cogitatiónum, si  
accédere concupiscis.

℞. Super omnem faciém  
terræ disp[er]si sunt greges  
mei, et non erat qui requi-  
reret: \* Ecce ego requíram  
oves meas, et visitábo eas,  
allelúia. ℣. Custodivit illas  
ab inimícis, et a seductóri-  
bus tutávit illas. Ecce.

Lectio v.

Ejusd. in Assumpt. B. M. V.  
in fine.

**J**AM te Mater misericórdiæ,  
per ipsum sinceríssimæ  
tuæ mentis afféctum, tuis  
jacens provolúta p[er]dibus lu-  
na, id est Ecclésia, media-  
tricem sibi apud solem ju-  
stitiæ constitútam, devótis  
supplicatiónibus interpéllat,  
ut in lúmine tuo videat lu-

men, et solis grátiam tuo  
mereátur obténtu, quam ve-  
re amávit præ ómnibus, et  
ornávit, stolam glóriæ ín-  
duens, et coronám pulchri-  
túdinis ponens in capite tuo.  
Plena es gratiárum, plena  
rore cælésti, inníxa super  
diléctum, delíciis áffluens.  
Ciba hódie páuperes tuos  
Dómina, ipsi quoque catélli  
de micis edant, nec púero  
Abrahæ tantum, sed et ca-  
mélis potum tribuas de su-  
perfluénti hýdria tua.

℞. Custodivit nos in omni  
via, per quam ambulávi-  
mus: \* Et in cunctis pópulis  
per quos transivimus, alle-  
lúia. ℣. Posuérunt me custó-  
dem in vineis. Et.

Sermo sancti Augustini  
Episcopi.

Lectio vj.

Serm. 18. de Sanctis  
in med.

**O** BEÁTA María áccipe quas-  
cúmque exíles, quascúm-  
que méritis tuis impáres gra-  
tiárum actiões, et cum sus-  
céperis vota, culpas nostras  
orándo excúsa. Admítte no-  
stras preces intra sacrárium  
exauditiónis, et repórta no-  
bis antidotum reconciliatió-  
nis. Sit per te excusábile,  
quod per te ingérimus fiat  
impetrábile, quod fida men-  
te póscimus. Accipe quod  
offérimus, redóna quod ro-  
gámus, excúsa quod timé-  
mus: quia tu es spes única  
peccatórum. Per te sperá-

mus véniam delictórum, et in te beatíssima nostrórum est exspectátio præmiórum. Accipe insuper obséquium famulórum tuórum, in hac regióne degéntium, qui in multis, magnisque periculis a te adjúti, in grati ánimí argumentum, et in memóriam beneficiórum defensiónis, et protectiόνis, a Pio séptimo Pontifice Máximo in tui honórem festivitátem hanc sub título divini Pastóris Matris consecúti sunt, ut fidéles omnes te custódem vigilántem, ac cæléstia pábula suppeditántem cognóscant, invocent, et revereántur.

**R.** Sub umbra illius, quem desideráveram, sedi : \* Et fructus ejus dulcis gútturi meo, allelúia. **V.** Quid vidébis in Sunamíte, nisi choros castrórum? Et. Glória Patri. Et.

#### IN III. NOCTURNO

**Ant.** Favus distillans lábia tua; mel, et lac sub lingua tua, allelúia.

**V.** Elégit eam Deus, et præelégit eam, allelúia. **R.** In tabernáculo suo habitáre facit eam, allelúia.

Lectio sancti Evangélii secúndum Joánnem.

#### Lectio viij. Cap. 19. c

**I**N illo témpore : Stabat iuxta crucem Jesu mater ejus, et soror matris ejus Maria Cléophæ, et Maria Magdaléne. Et réliqua.

Homilia beáti Petri Damiáni.

Ex Serm. I. in Nat. B. M. V.

in fine.

**V**IRGO Dei Génitrix, cujus pulchritúdinem sol, et luna mirántur, súbveni Dómina clamántibus ad te júgiter : revértere, revértere, Sunamitis, revértere, revértere, ut intueámur te. Tu benedicta, et superbenedicta, revértere primo per natúram. Numquid quia ita deificáta, ideo nostræ humanitátis oblita es? Nequáquam Dómina : scis in quo discrimine nos reliqueris, ubi jáceant, quantum delínquant servi tui : non enim cónvenit tantæ misericórdiæ, tantam misériam oblivisci, quia etsi súbtrahit glória, révocat natúra : non enim ita memoráris justitiæ Dei solius, ut misericórdiam non hábeas, neque ita es impassibilis, ut non sis compassibilis. Natúram nostram habes, non áliam, et justum est, ut de rore tantæ pietátis diffúsius infundámur.

**R.** Diléctus meus mihi, et ego illi, qui páscitur inter lília : \* Donec adspíret dies, et inclinéntur umbræ, allelúia. **V.** Ego dilécto meo, et ad me convérsio ejus. Donec.

#### Lectio viij.

**R**EVÉRTERE secúndo per poténtiam. Fecit in te magna qui potens est, et data est tibi omnis potéstas in cælo, et in terra. Nil tibi impossibile, cui possibile



est desperátos in spem beatitúdinis releváre. Quómodo enim illa potéstas tuæ poténtiæ póterit obviáre, quæ de carne tua carnis suscepit originem? Accédís enim ante illum áureum humanæ reconciliatiónis altáre non solum rogans, sed imperans, Dómina, non ancilla. Móveat te natúra, poténtia móveat; quia quanto poténtior, tanto misericórdior esse debes. Potestáti enim cedit ad glóriam, injúrias ulcisci nolle, cum possit. Revértere tértio per amórem. Scio Dómina, quia benigníssima es, et amas nos amóre invincibili, quos in te, et per te Filius tuus, et Deus tuus summa dilectiône diléxit. Quis scit quóties refrigeres iram júdicis, cum justitiæ virtus a præsentia deitátis egréditur.

**¶** Congregábo oves de terris, et indúcam eas in terram suam: \* Et pascam eas in móntibus Israël: \* In rivis, et in cunctis sédibus terræ, allelúia. **Ÿ** Ego pascam oves meas, et ego eas accubáre fáciám. Et pascam. Glória Patri. In rivis.

**Lectio ix.**

**R**EVÉRTERE quarto per singularitátem. In mánibus tuis sunt thesáuri miseratiónum Dómini, et sola elécta es, cui grátia concéditur. Absit, ut cesset manus tua, cum occasiõem quæras salvándi míseros, et misericórdiam effundéndi; neque

enim tua glória minúitur, sed augétur, cum pœniténtes ad véniam justificáti, ad glóriam assumúntur. Revértere ergo Sunamitis, id est, despecta, cujus ánimam pertransívit gládius, quæ fabri uxor appelláta fuisti. Ad quid? Ut intueámur. Summa glória est post Deum te vidére, adhærere tibi, et in tuæ protectióis munimine demorári. Audi nos, nam et Filius nihil negans honórat te, qui est Deus benedictus in sæcula sæculórum.

Te Deum laudámus. 17.

**AD LAUDES**

**ET PER HORAS**

**Ant. 1.** Sonet vox tua \* in áuribus meis, vox enim tua dulcis, et fácies tua decóra, allelúia.

**Ps.** Dóminus regnávít. 18.

**2.** Diléctus meus \* descéndit in hortum, ut pascátur in hortis, et lilia cólligat, allel.

**3.** Veni dilécte mi, \* egrediámur in agrum, commorémur in villis, allelúia.

**4.** Fons hortórum, \* púteus aquárum vivéntium, quæ fluunt impetu de Líbano, allelúia.

**5.** In portis nostris \* ómnia poma nova, et vétera, dilécte mi, servávi tibi, allelúia.

**Capit.** Ab initio. 170\*.

**Hymn.** O gloriósa. **ibid.**

**Ÿ.** Pulchra es, et decóra filia Jerúsalem, allelúia. **¶** Terribilis ut castrórum ácies ordináta, allelúia.

**Ad Bened. Ant.** Indica mi-

hi, ubi pascas, ubi cubes in meridie, ne vagári incipiam post greges sodálum tuórum, allelúia.

*Oratio.*

**D**EUS, qui univérsum mundum ineffábili providéntia regis, atque gubérnas : præsta nobis fámulis tuis ; ut intercedénte beáta María semper Vírgine, quæ vígili custódia nos pascit, ab hóstibus defénsi, et fructus tui dulcédine satiáti, ad cælestem pátriam secúri perducámur. Per Dóminum.

AD HORAS

*Ant. sumuntur ex Laud. ut supra. Capit. et R. ut in Festis B. M. V. 170\*.*

IN II. VESPERIS

*Omnia ut in I. Vesperis, præter :*

*V. Per te salútem hauriámus Virgo María, allelúia.*

*R. Ex caritáte et passióne Christi Filii tui, allelúia.*

*Ad Magnif. Ant. Cum vidisset ergo Jesus matrem, et discipulum stantem, quem diligébat, dicit matri suæ : Múlier, ecce filius tuus. Deínde dicit discipulo : Ecce mater tua. Et ex illa hora accépit eam discipulus in sua, allelúia.*

DIE XI

S. FRANCISCI DE HIERONYMO

CONFESSORIS

*Duplex.*

*Omnia de Communi Conf. non Pontificis. 88\*, præter seq.*

*Oratio.*

**D**EUS, qui beátum Franciscum ad animárum salútem eximium verbi tui præcónem effecisti : ejus nobis intercessióne concéde ; ut legis tuæ mandáta et júgiter scrutémur in corde, et fidéliter opéribus exsequámur. Per Dóminum.

IN I. NOCTURNO

*Lect. de Script. occur.*

*In Feria II. et IV. Rogat. Justus si morte. de Comm. 1º loco. 90\*.*

IN II. NOCTURNO

*Lectio iv.*

**F**RANCÍSCUS de Hierónymo, in Tarentíni agri óppido, cui Cryptaléæ nomen, honésto loco natus, pia paréntum cura institútus, ac cæli benedictióne prævéntus, puerítiam egit innocentíssimis móribus præstántem, et futúrá sanctitátis indíciis conspícuam. Duodécimo ætátis anno, in quorúmdam evangelicórum operariórum contubérniis admíssus, in catechizándis rúdibus adhuc adoléscens diligéntem óperam pósuit, et apostólico ministério, ad quod Deus illum destináverat, jam tum prolúdere visus est. Theológica stúdia Neápoli aggréssus, et sacerdotío initiátus, ita vitæ suæ ratiónes ad evangélica consília accommodávit, ut sacerdotis sancti nomen adéptus fúerit. Societátem Jesu ingrédessus, jactis in tirocinio religiósæ



perfectiōnis, ardentissimæ in Deum et próximos caritatis, insignis patientiæ, aliarumque virtutum fundamentis, quæ majus in dies singulos incrementum accipiebant, theologiæ curriculum confecit, et solèmniquatuor votorum professione sese obstringens, eximium regulæ observantiæ exemplar evasit. Pro sacra ad Japonés expeditione, quam martyrii cupidus in votis habuit, Neápoli retentus, præfecturam Missionum jussu præsulum accepit : quod non sine Dei numine factum événtus comprobavit.

℟. Honéstum fecit. 94\*.

**Lectio v.**

**E**TSI enim corpore erat gracili, neque satis firma valetudine, ac præterea carnem assiduís jejuniis, vigiliis, verberibusque macerabat, tamen tot ónera in se suscipiens, quot ferendis plures simul vix pares essent, incredibile dictu est, quanta pro glória Dei, quam únice quærebat, égerit, non solum Neápoli, sed in aliis quoque ejusdem regni provinciis : quot labóres et ærúmnas túlerit, quanto cum fructu in agro dominico excolendo plus quam quadraginta annis desudáverit. Frequéntes et sæpius plures eódem die habebat conciones pervicos, cómpita et platéas, ad carcèribus deténtos, ad régiis

trirémibus mancipátos, ad milites, contra circulátóres impudéntes, contra públicos quosvis peccatóres, contra famæ prostitútæ muliérculas. Accedébant mirabilia signa, treménda divini ultiónis advérsus pervicáces documénta, scrutátio córdium, prædictio rerum futurarum, ejus corpóris diversis in locis replicátio, grátia sanitátum, annóna divinitus multiplicáta, vox étiam ex ore meretricis súbita morte corrèptæ extórta, quæ se apud inferos esse palam denuntiávit. Ex quo fiebat vix ut umquam e superiori loco ad pópulum diceret, quin insignem áliquem peccátorem Christo lucrifaceret. Intérdum étiam decem, nonnúnquam quindecim meretriculæ simul, sua crimina desfléntes in concióné, ad pœniténtiam confugerunt.

℟. Amávit eum. 94\*.

**Lectio vj.**

**A**SSÍDUA ejus ópera fuit in ægrótis invisendis, in moribúndis ad mortem rite præparándis, in concórdia animórum dissidéntium conciliándá, in paupéribus ope ac solátio sublevándis. Comunióne, quam dicunt generálem, singulis cujúslibet mensis tértiis diébus Domínicis usque ádeo promovit, ut sæpe quindecim millia fidélium, aliquándó viginti millia, aut eo ámplius, ad Eucharísticam mensam con-

venerint. Exercitiis spirituales ex sancti Ignatii institutoris præscripto, sacerdotum cœtus, virorum religiosorum et virginum Deo devotarum monasteria, puellarum cœnobia, studentium juvenum collégia et seminaria, atque omne hominum genus mirifice excoluit. Gravissimas difficultates et molestias, quas illi dæmon excitabat, invicta patientia superavit: nec semel maxillam percussis submisso animo alteram præbuit: quin et acerbissimos dolores brachio captivi Mahometani, qui eum percusserat, a Deo ultore inflictos signo crucis repente cessare fecit, hominemque ad christianam religionem adduxit. Demum in cælum a Deo evocatus, placide efflavit animam in Neapolitana professorum domo, die undecima Maii, anno millesimo septingentesimo decimo sexto, ætatis vero suæ septuagesimo quarto. Quem meritis ac miraculis clarum Pius septimus Pontifex Maximus in beatorum numerum retulit. Novis autem signis a Deo illustratum, præsertim in patria, iisque rite probatis, Gregorius decimus sextus solèmnî ritu in festo sanctissimæ Trinitatis anno millesimo octingentesimo trigésimo nono in sanctorum album adnumeravit.

℞. Iste homo. 94\*.

## IN III. NOCTURNO

Homil. in Evang. Sint lumbi vestri. de Comm. 1º loco. 96\*.

## DIE XIII

S. PEREGRINI LATIOSI

CONFESSORIS

Duplex.

Omnia de Comm. Conf. non Pont. 88\*, præter seq. (m. t. v.)

Oratio.

**D**EUS, qui beato Peregrino Angelum comitem, magistrum Deiparam, Jesum tetri ulceris medicum mire dedisti: da per merita ipsius, obsecramus; ut sanctum Angelum, Virginem, Salvatorem singulariter amemus in terris, et collaudemus in cælis. Per eundem Dominum.

## IN I. NOCTURNO

Lect. de Script. occur.

## IN II. NOCTURNO

Lectio iv.

**P**EREGRINUS Forolivi ex nobili Latiosorum familia ortus, sanctissimæ Virginis Deiparæ devotus quadam die in ecclesia cathedrali ante illius imaginem diutius orans et petens, ut vias suas dirigeret, eam pretiosis vestibus indutam sibi, ut ad servos suos se conferret, præcipientem audivit. Quare adolescens, Angelo comite Senas profectus, Priori Servorum visionem mandatūque Virginis exposuit, ac recipi humiliter postulavit. In receptione



splendóre quodam cælesti, quo futúra sánctitas ejus præmonstrabátur, caput illius circumfúlsit. Triginta annos natus Forolivium remissus, ubi diu labóribus, vigiliis, jejúniis, oratióibus exércitam vitam duxit. Numquam (mirándum!) per annos triginta sedére visus, at si quando somno aut lassitúdine victus stare non posset, saxo pro sede utebátur. Numquam in lecto neque infirmus decúbuit, noctes fere omnes insómnes in oratióibus et piis meditatióibus dúcere sólitus. Nulla die consciéntiæ exámine et sacramentáli confessiône prætermisiss peccáta lácrymis étiam exterióribus deflébat.

¶ Honéstum fecit. 94\*.

#### Lectio v.

**A**DMIRÁBILI fuit patiéntia. Nam cum crus ex cancri morbo intumuíset, atque putrédine ádeo esset inféctum, ut foétórem ómnibus inférret, sic tamen absque omni querimónia semper fuit, ut cives illum álterum Job appellarent. Cum áutem crus illud medicórum consilio amputándum esset, Peregrinus nocte præcedente solus ex loco, in quo jacébat, surgens et reptans, ut póterat, in capitulum venit, ibique ante crucifixi imáginem (quæ adhuc manet, et magnam habet apud Forolivienses veneratióem) vehementius orans et obdor-

miscens, Christum de cruce descendéntem, et crus tangéntem vidit. Expergefáctus ita crus sanátum sensit, ac si numquam túmidum, ulcerátum, putridúmve fuisset. Médici vero mane, ut crus secarent, adveniéntes, cum illud sanum vidissent, stupóre affécti domum, tanto miraculo per urbem divulgáto, regressi sunt.

¶ Amávit eum. 94\*.

#### Lectio vj.

**P**EREGRÍNUS piis labóribus ac ætáte conféctus (erat enim octogenárius) brevi febre corréptus, Kaléndis Maii anno salútis millésimo trecentésimo quadragésimo quinto migrávit ad Christum. Ejus ánimam beáto Philippo órdinis Servórum beátæ Mariæ Virgínis, qui, ut ipse religióem ingrederetur, dux fúerat, et beáto Fráncisco Senénsi ejúsdem órdinis comitántibus a virgínibus in cælum deférri visum, memóriæ próditum est. Multa post mortem miracula sanctitátem ipsius declarárunť. In quibus cæcus, Peregríno manum ex féretro óculis illius admovénte, lumen recepit. Múlier étiam multis obséssa dæmónibus ad sacrum corpus ipsius perdúcta, liberáta est. Quidam ex árbore procéra in terram delápsus Peregríni nómine invocáto sine ulla læsióne repértus fuit. Ad cujus túmulum Kaléndis Maii non

tantum civitas Foroliviensis, sed finitimi populi quotannis ad illum venerandum conflũere, votaque ei nuncupare solent. Paulus quintus Summus Pontifex anno millésimo sexcentésimo nono concessit, ut Officium divinum in toto Servorum ordine recitari posset. Benedictus vero decimus tertius anno reparatæ salutis millésimo septingentésimo vigésimo sexto eum inter sanctos cœlites ritu solémni recensuit.

¶ Iste homo. 94\*.

IN III. NOCTURNO

Homil. in Evang. Ecce nos reliquimus. de Comm. Abbat. 1º loco. 103\*.

DIE XV

S. ISIDORI AGRICOLÆ

CONFESSORIS

Duplex.

Omnia de Comm. Conf. non Pont. 88\* præter seq. (m. t. v.)

Oratio.

**D**A nobis, quæsumus miserericors Deus: beato Isidoro Agricola Confessore tuo intercedente, superbe non sapere; sed ejus meritis et exemplis placita tibi semper humilitate deservire. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

**I**SIDÓRUS Agricola prope Matritum Hispaniæ ur-

bem, in qua natus fuerat, mercède colendis agris conductus, brevi magnarum sibi virtutum eo in exercitio uberrimam segetem paravit. Admirabilis enim Christi ac sanctorum imitator, numquam ad opus mane se conferēbat, nisi prius Dei regnum studiose quæreretur, ecclesiāsque in ipsius ac Deiparæ honorem dicatas visitaret. Quare cum illius moram agri dominus graviter ferret, atque ex editiore loco quadam die, ut eum liberius increparet, Agricolam operirētur, binos Angelos cándida veste duplici boum iugo arantes, mediūque inter illos Isidorum conspexit. Quo miraculo vulgato, magno deinceps honori tam apud herum quam apud cæteros homines haberi cœpit.

¶ Honestum fecit. 94\*.

Lectio v.

**C**ARITATE in pauperes adeo flagravit, ut mercēdem quam laboribus parabat, egentibus erogaret. Quin etiam cum aliquando ad commune cum reliquis confratribus prandium plurimos pauperes adduxisset, nihilque aliud, prandio scilicet finito, quam pulmenti partem sibi reservatam reperisset, illam vir Dei, fide singulari fretus, ita distribuit, ut admirabiliter aucta iis omnibus alendis saturandisque sufficeret. Illud etiam



inter cætera mirandum, quod per æstivos calóres ad extinguendam in agro sitim, aquæ potum hero flagitante, cum nulloibi scateret, Isidorus stimulo quem gerébat, humo percussa, úberem ex ea et perennem ad hæc usque témpora fontem elicit.

℞. Amávit eum. 94\*.

*Lectio vj.*

**I**GITUR sanctitate clarus, cum ad ultíam senectutem pervenisset, obdormivit in Dómino, et in cœmèterio sancti Andréæ sepultus, tamdiu ibi jácuit, quoad cives de ipsius corpore honestius in ecclésia collocando divinitus móniti, illud in lóculo íntegrum atque ádeo incorruptum invenérunt, ut ex eo suavissimus odor, qui hac étiam tempestáte perdúrat, efflaret. Sacrum corpus in ecclésiám translátum, et in editióre loco situm, máximis Deus miráculis illustrávit. Quorum beneficéntiam non semel tam ipsa Matriti civitas, quam étiam cætera Hispániæ loca, ope ipsius implorata, persensérunt. Quem postremo post annos fere quadríngentos fama sanctitátis ac miráculis illústrem, Gregórius décimus quintus in sanctórum númerum rétulit.

℞. Iste homo. 94\*.

IN III. NOCTURNO

*Homil. in Evang. Ego sum. de Comm. Mart. Temp. Pasch. 1º loco. 45\*, cum*

℞. de Comm. Conf. non Pont. 97\*.

DIE XVI

S. JOANNIS NEPOMUCENI

MARTYRIS

*Duplex.*

*Omnia de Comm. unius Mart. Temp. Pasch. 42\*, præter seq.*

*Oratio.*

**D**EUS, qui ob invictum beáti Joánnis sacramentale siléntium, nova Ecclésiám tuam martýrii coróna decorásti : da nobis ejus intercessióne et exémplo, linguam cáute custodire ; ac ómnia pótius mala, quam animæ detriméntum, in hoc sæculo toleráre. Per Dñum.

IN I. NOCTURNO

*Lect. de Script. occur.*

IN II. NOCTURNO

*Lectio iv.*

**J**OÁNNES Nepomúci Bohémíæ óppido, unde Nepomuceni cognómen duxit, a paréntibus ætáte provectis, non sine futúre sanctitátis præságio, flammis supra nascéntis domum mirabiliter collucéntibus, ortus est. Cum infans in gravem morbum incidisset, beátæ Virginis ope, cui natum paréntes referébant accéptum, e vitæ periculo evásit incólumis. Egrégia índole, piáque institutióne cælestibus indiciis obsequente, inter sanctas religiosasque exercitatiónes pueritiam egít ; nam ecclésiám frequenter

adire, ac sacerdotibus ad aras operantibus ministrare in deliciis habebat. Zatecii politioribus litteris ad humanitatem informatus, Pragæ vero gravioribus disciplinis excultus, philosophiæ, theologiæ, sacrorumque canonum magisterium et lauream emeruit. Sacerdotio initiatus, atque a scientia sanctorum ad lucra animarum rite comparatus, ministerio verbi Dei se penitus addixit. Cum igitur in vitiis exstirpandis, et revocandis in viam salutis errantibus, eloquentia et pietate uberes ederet fructus, inter canonicos metropolitane ecclesiæ Pragensis cooptatus, mox sibi demandatam Evangelii coram rege Wenceslao quarto prædicandi provinciam suscepit, eo successu, ut Joannis suasu multa rex faceret, magnoque in honore ejus virtutes haberet. Conspicuas tamen, quas ille obtulit dignitates, Dei servus, ne a divini verbi præconio avocarétur, constanter recusavit.

℞. Lux perpétua. 44\*.

*Lectio v.*

**R**EGIS illum eleemosynis in pauperes erogandis præfectum, Joanna regina conscientiæ sibi moderatorem adscivit. Cum autem Wenceslaus ab officio institutoque decessisset, atque in vitia præceps abriperetur, piæ autem conjugis obtesta-

tiones et monita gravate ferret, contendere ausus est, ut in sacramentali judicio sacerdoti credita reginæ arcana sibi a Joanne panderentur. At Dei minister blanditiis primum, tormentis deinde et carceris squalore tentatus, nefariæ regis cupiditati fortiter obstitit. Furentem tamen Wenceslai animum cum ab exsecrando proposito nec humana nec divina jura deterrerent, supremum agonem, quem instare sibi athleta Christi noverat, populo in concione de impendentibus etiam regni calamitatibus admónico, non obscure prænuntiavit. Mox Boleslaviam profectus, ad beatæ Virginis imaginem antiquo cultu celebrem, cæleste præsidium ad certandum bonum certamen effusis precibus imploravit. Inde vespere revertentem in pervigilio Dominicæ Ascensionis rex e fenestra conspicatus accessit; cumque vehementius urgeret, et proximam in aquis, si obluctari pergeret, submersionem intentaret, Joannes invicta constantia terrores minasque refutavit. Itaque regis imperio in Moldavam flumen Pragam interfluens noctu dejectus, illustrem martyrii coronam est consecutus.

℞. In servis suis. 45\*.

*Lectio vj.*

**S**ACRILEGUM facinus clam patratum, et Martyris



glóriam insigne prodigium divinitus patefécit. Ubi enim exánime corpus secúndo flúmine vehi cœpit, ardéntes faces aquis supernatántes et discurréntes apparuérunt. Quamóbrem ex aréna postridie mane corpus elátum, canónici deinde, regis iram nihil timéntes, in metropolitánam ecclésiám solémni pompa intulérunt, et sepultúræ mandárunt. Cum autem in dies invicti sacerdotís memória miráculis, et máxima fidélium, eórum præcipue qui fama periclitántur, veneratióne crésce-ret, post annos demum ámplius trecéntos, in jurídica recognitióne córporis, quod sub humo tándiu jacúerat, lingua ejus incorrúpta et vívida repérta est : quæ sexto post anno iudicibus a sede apostólica delegátis exhibita, novo prodigio repén-te intúmuit, et subobscúrum rubórem in purpúreum commutávit. His itaque aliisque signis rite probátis, Benedictus décimus tértius Póntifex Máximus die décima nona mensis Mártii, anno salútis millésimo septingentésimo vigésimo nono, primum hunc sacraméntális sigilli assertórem, arcáni fidem ságuine obsi-gnántem, sanctorum Mátyrum catálogo adscripsit.

℞. Filíæ Jerúsalem. 45\*.

IN III. NOCTURNO

Homil. in Evang. Nihil est

opértum. de eodem Comm. extra Temp. Pasch. 3º loco. 40\*. ℞. ut in III. Noct. de Comm. Mart. Temp. Pasch. 46\*.

ALIUD OFFICIUM

S. JOANNIS NEPOMUCENI

MARTYRIS

Duplex majus.

IN I. VESPERIS

Ant. et Capit. de Laud. 393\*; Pss. ut in I. Vesp. de Comm. Apost. 1\*.

Hymnus.

**I**NVICTUS heros Núminis,  
Mergéndus unda flúminis,  
Stat fortis in siléntio,  
Dum fit sigilli méntio.

Hinc rex minátur fúnera,  
Hinc tortor infert vúlnera,  
Manus ligántur fúnibus,  
Artus cremántur ignibus.

Sed hæc Joánnes déspicit,  
Nec regis iram réspicit,  
Secréta non vult pándere,  
Horret sigillum frángere.

Stat mutus agnus innocens,  
Nil de tegédis próferens :  
Stat; dumque rex nil élicit,  
E ponte justum déjicit.

Præceps ab alto stérnitur,  
Undis profúndis mérgitur :  
Mersum sed applaudéntibus  
Undæ salútant ignibus.

Stellæ natant in flúmine,  
Illi paréntant lúmíne,  
Docétque cæli cláritas  
Quæ sit Joánnis cáritas.

Da sempitérna Trínitas,  
Ut in bono sit firmitas :  
Aut lacrymárum flúmina  
Mergant cadéntum crimina.  
Amen.

Ÿ. Sacraméntum regis abs-  
côndere bonum est, allelúia.

℞. Opera áutem Dei reveláre  
honoríficum, allelúia.

Ad Magnif. Ant. Dedit mihi  
Dóminus linguam mercédem  
meam : et in ipsa laudábo  
eum, allelúia.

Orat. ut ad Laud. 393\*.

#### AD MATUTINUM

Invitat. Exsúltent in Dó-  
mino sancti, \* Allelúia.

Ps. Venite, exsultémus. 2.

#### Hymnus.

**I**N profúnda noctis umbra  
Et gravi caligine  
Lustrat ædem flamma mun-  
da,

Sic jubénte Númine.

Nocte náscitur Joánnes,

Astra cælo dévolant :

Nocte mérgitur Joánnes,

Astra funus ápparant.

Hinc cor ejus igne fla-  
grans

Fortis urit cáritas :

Hinc ab ejus ore manans

Mira prodit suávitás.

Nunc amóre cor bonórum

Ad salútem pértrahit :

Nunc timóre cor malórum

A gehénna rétrahit.

Páuperes solátur ære,

Derelictis súbvenit :

Non sinit justos jacére :

Damna famæ præpedit.

Per Joánnis sanctitátém,

O beáta Trínitas,

Méntibus da puritátém,

Corde regnet cáritas. Amen.

#### IN I. NOCTURNO

Ant. Erit lumen Israël in  
igne, et sanctus ejus in flam-  
ma, allelúia.

Pss. trium Noct. de Com-  
muni unius Mart. 27\*.

Ÿ. Sacraméntum regis abs-  
côndere bonum est, allelúia.

℞. Opera áutem Dei reveláre  
honoríficum, allelúia.

De libro Ecclesiástici.

Lectio j. Cap. 21. c

**S**TULTUS a fenéstra respi-  
ciet in domum : vir áu-  
tem eruditus foris stabit.  
Stultitia hóminis auscultáre  
per óstium : et prudens gra-  
vábatur contumélia. Láb-  
ia imprudentium stulta narrá-  
bunt : verba áutem prudent-  
tium statéra ponderabúntur.  
In ore fatuórum cor illórum :  
et in corde sapiéntium os  
illórum. Dum maledícit im-  
pius diábolum, maledícit  
ipse ánimam suam. Susúrro  
coinquinábit ánimam suam,  
et in ómnibus odiétur : et  
qui cum eo mánserit, odió-  
sus erit : táctus et sensátus  
honorábitur.

℞. Metuébat rex Joánnem,  
\* Sciens eum virum justum  
et sanctum, allelúia. Ÿ. Et  
custodiébat eum, et audito  
eo multa faciébat, et libé-  
nter eum audiébat. Sciens.

Lectio ij. Cap. 28. c

**F**LAGÉLLI plaga livórem fa-  
cit : plaga áutem linguæ  
commínuet ossa. Multi ceci-  
derunt in ore gládii, sed  
non sic quasi qui interié-  
runt per linguam suam. Beá-  
tus qui tectus est a lingua  
nequam, qui in iracúndiam  
illius non transívit, et qui  
non attráxit jugum illius, et



in vñculis ejus non est ligátus : jugum enim illius, jugum férreum est : et vñculum illius, vñculum áreũ est. Mors illius, mors nequíssima : et útilis pótius inférnus quam illa.

**R.** Lex veritátis fuit in ore ejus, et iníquitas non est invénta in lábiis ejus : in pace et in æquitáte ambulávit mecum : \* Et multos avértit ab iniquitáte, allelúia. **V.** Lábia enim sacerdotis custódient sciéntiam, et legem requirént ex ore ejus. Et.

**Lectio iij.**

**P**ERSEVERÁNTIA illius non permanébit, sed obtinébit vias injustórum : et in flamma sua non combúret justos. Qui relinquunt Deum, incident in illam, et exardébit in illis, et non exstinguétur, et immittétur in illos quasi leo, et quasi pardus lædet illos. Sepi áures tuas spinis, linguam nequam noli audire, et ori tuo fácito óstia, et seras. Aurum tuum et argéntum tuum confla, et verbis tuis fácito statéram, et frenos ori tuo rectos : et aténde ne forte labáris in lingua, et cadas in conspéctu inimicórum insidiántium tibi, et sit casus tuus insanábilis in mortem.

**R.** Sepivi áures meas spinis, \* Et ori meo feci óstia et seras, allelúia. **V.** Beátus qui lingua sua non est lapsus, et qui non servivit indígnis

se. Et ori. Glória Patri. Et ori.

IN II. NOCTURNO

**Ant.** Non quæsivit a Dómino ducátum, neque a rege cáthedram honóris, allelúia.

**V.** Pone Dómine custódiam ori meo, allelúia. **R.** Et óstium circumstántiæ lábiis meis, allelúia.

**Lect. ut in præcedenti Officio ejusdem Sancti. 387\*.**

**R. iv.** Instans oratióni et ministério verbi, hortabátur omnes in propósito cordis permanére in Dómino : \* Quia erat vir bonus, et plenus Spíritu sancto, allelúia. **V.** Et apponebátur multa turba Dómino. Quia erat.

**R. v.** Dispérsit, dedit pauperibus : \* Justítia ejus manet in sæculum sæculi, allelúia. **V.** Beátus qui intélligit super egénium et páuperem. Justítia ejus.

**R. vj.** Ego scio quóniam intrábunt post discessiónem meam lupi rapáces in vos, non parcéntes gregi : \* Propter quod vigiláte, allelúia. **V.** Et ex vobis ipsis exsúrgent viriloquéntes perversa, ut abdúcant discipulos post se. Propter. Glória Patri. Propter.

IN III. NOCTURNO

**Ant.** Igne me examinásti, et non est invénta in me iníquitas, allelúia.

**V.** Dixi : Custódiam vias meas, allelúia. **R.** Ut non delínquam in lingua mea, allelúia.

Lectio sancti Evangelii secundum Matthæum.

Lectio vij. Cap. 11.

**I**N illo tempore : Cum audisset Joannes in vinculis opera Christi, mittens duos de discipulis suis, ait illi : Tu es qui venturus es, an alium expectamus? Et reliqua.

Homilia sancti Gregorii Papæ.

In Evang. Homil. 6.

**D**IMISSIS Joannis discipulis, quid de eodem Joanne turbis dicat, audiamus. Quid existis in desertum videre? arundinem vento agitatam? Quod videlicet non asserendo, sed negando intulit. Arundinem quippe mox ut aura contigerit, in partem alteram inflectit. Et quid per arundinem nisi carnalis animus designatur? Qui mox ut favore vel detractioe tangitur, statim in partem quamlibet inclinatur. Si enim ab humano ore aura favoris flaverit, hilarescit et extollitur : sed si inde ventus detractiois eruperit, unde aura laudis veniebat, mox hunc quasi in partem alteram ad vim furoris inclinatur.

**R.** Cum corripere ab illo de omnibus malis quæ fecit rex, adjecit et hoc : \* Et inclusit Joannem in carcere, alleluia. **V.** Laboro usque ad vincula, quasi male operans : sed verbum Dei non est alligatum. Et.

Lectio viij.

**S**ED arundo agitata vento Joannes non erat : quia hunc nec blandum gratia, nec cujuslibet detractiois ira asperum faciebat : nec prospera hunc erigere, nec adversa noverant inclinare. Arundo ergo vento agitata non erat, quam ab status sui rectitudine nulla rerum varietas inflectebat. Discamus ergo, fratres carissimi, arundinem vento agitatam non esse : solidemus animum inter auras linguarum positum : stet inflexibilis status mentis. Nulla nos detractio ad iram provocet, atque ad remissionem inutilis gratiæ nullus favor inclinet. Non nos prospera elevent, non adversa perturbent : ut qui in soliditate fidei figimur, nequaquam rerum transcurrentium mobilitate moveamur.

**R.** Reddidit Deus justo mercedem laborum suorum, et deduxit illum in via mirabili : \* Et fuit illi in velamento diei, et in luce stellarum per noctem, alleluia. **V.** Transvexit illum per aquam nimiam; inimicos autem illius demersit. Et. Gloria Patri. Et.

Lectio ix.

**A**DHUC autem de ejus expressione subjungitur : Sed quid existis videre in deserto? hominem mollihus vestitum? Ecce qui mollihus vestiuntur, in domibus re-



gum sunt. Camelórum enim pilis, ut scitis, vestitus Joáñnes fuisse describitur. Et quid est dicere : Ecce qui móllibus vestiuntur, in dómibus regum sunt : nisi apérta senténtia demonstráre, quia non cælésti sed terréno regi militant ii, qui pro Deo pérpeti áspera fúgiunt, et solis exterióribus déditi, præséntis vitæ mollitiem et delectatiónem quærunt.

Te Deum laudámus. 17.

AD LAUDES

ET PER HORAS

**Ant. 1.** Interrogábat eum\* rex multis sermónibus : at ipse nihil illi respondébat, allelúia.

**Ps.** Dóminus regnávít. 18.

**2.** Rex dixit :\* Ne abscóndas a me verbum, quod te intérrigo. Dixi : Secrétum meum mihi, secrétum meum mihi, allelúia.

**3.** Affirmábat rex\* se divitem et beátum factúrum. Non obédio præcépto regis, sed præcépto legis, quæ data est nobis, allelúia.

**4.** Tunc rex, accénsus ira,\* in hunc super omnes crudélius desæviit, allelúia.

**5.** Beátus\* qui lingua sua non est lapsus, et qui non servívit indignis se, allelúia.

**Capitulum.** Eccli. 21. d

**L**ÁBIA imprudentium stulta narrábunt : verba áutem prudentium statéra ponderabúntur. In ore fatuórum cor illórum : et in corde sapiéntium os illórum.

**Hymnus.**

**V**ix in sepúlcro cónditur,  
Signis Joáñnes próditur,  
Per crátium repágula  
Intérmicant mirácula.

Hic ejus hostes illico  
Pudóre mæsti públíco,  
Ultríce dextra Núminis,  
Pœnas repéndunt criminis.

Hic damna rerum fléntibus,

Famæve conqueréntibus,  
Abdúcta res revértitur,  
Abláta fama rédditur.

Hic corpus ægritúdines,  
Tempus vicissitúdines,  
Perículum secúritas,  
Mortem fugit mortálitas.

Hic viva lingua Mártyris,  
Sed muta voce sánguínis  
Clamans, ut Abel, improbat,  
Regíque crimen éxprobrat.

Unius o da Trínitas,  
Triúmque simplex Unitas,  
Ut qui Joáñni súpplicant,  
Id impetrent, quod flágitant.  
Amen.

**V.** Pósui ori meo custódiam, allelúia. **R.** Cum consisteret peccátor advérsus me, allelúia.

**Ad Bened. Ant.** Quicúmque glorificáverit me, glorificábo eum : qui áutem contémnunt me, erunt ignóbiles, allelúia.

**Oratio.**

**D**EUS, qui ob invictum beáti Joáñnis sacramentále siléntium nova Ecclésiám tuam martýrii coróná decorásti : da, ut ejus exémplo et intercessióne, ori nostro custódiam ponéntes,

beátis, qui lingua non sunt lapsi, annumerémur. Per.

AD TERTIAM

**Ant.** Rex dixit.

**Capit.** Lábia imprudentium. *ut supra.*

**R. br.** Sacraméntum regis abscondere bonum est. \* Allelúia, allelúia. Sacraméntum. **V.** Opera áutem Dei reveláre honoríficum. Allelúia, allelúia. Glória Patri. Sacraméntum.

**V.** Pone Dómine custódiam ori meo, allelúia. **R.** Et óstium circumstántiæ lábiis meis, allelúia.

AD SEXTAM

**Ant.** Affirmábat rex.

**Capitulum.** Eccli. 28. d

**S**EPI áures tuas spinis, linguam nequam noli audire, et ori tuo fácito óstia, et seras.

**R. br.** Pone Dómine custódiam ori meo, \* Allelúia, allelúia. Pone. **V.** Et óstium circumstántiæ lábiis meis. Allelúia, allelúia. Glória Patri. Pone.

**V.** Dixi : Custódiam vias meas, allelúia. **R.** Ut non delinquam in lingua mea, allelúia.

AD NONAM

**Ant.** Beátus.

**Capitulum.** Eccli. 28. d

**A**URUM tuum et argéntum tuum confla, et verbis tuis fácito statéram, et frenos ori tuo rectos : et attén-de ne forte labáris in lingua.

**R. br.** Dixi : Custódiam vias meas. \* Allelúia, alle-

lúia. Dixi. **V.** Ut non delinquam in lingua mea. Allelúia, allelúia. Glória. Dixi.

**V.** Pósui ori meo custódiam, allelúia. **R.** Cum consisteret peccátor advérsus me, allelúia.

IN II. VESPERIS

**Ant. et Capit. de Laud.**

**Pss. ut in I. Vesp., et loco ultimi, Ps. Crédidi. 38\*.**

**Hymnus.**

**J**AM faces lictor ferat, et minántem

Jam ferox ensem, rabidúm-que tortis

Vínculis ferrum, sacra ni

sacérdos

Abdita pandat.

Séntiet vires, animæque magnæ

Pródigum pectus : violéntus ira

Non quatit recti sólida tenácem

Mente satélles.

En ruit præceps tumulátus unda

Martyr, et fluctu plácido siléntem

Náufragus linguam meliórís ævi

Servat in usum.

At superjéctæ fácili natántes

Amne discúrrunt, rutilánt-que circa

Mártirem flammæ : bene gesta pláudens

Ornat Olýmpus.

Ornat et linguam, rósei instar ignis,

Vividam servans, et adhuc rubéntem,



Indicat, quænam fuerit ta-  
cëntis

Grátia linguæ.

Sit decus Patri, genitæque  
Proli,

Spiritum láudent, ab utrô-  
que puris

Qui calet flammis, sine fine  
psallens

Orbis utérque. Amen.

**V.** Pósui ori meo custó-  
diam, allelúia. **R.** Cum con-  
sisteret peccátor advérsus me,  
allelúia.

**Ad Magnif. Ant.** In con-  
spéctu poténtium admirábi-  
lis ero, et fácies principum  
mirabúntur me : tacéntem  
me sustinébunt, et loquén-  
tem me respicient, allelúia.

#### DIE XXI

S. FELICIS A CANTALICIO

CONFESSORIS

Semiduplex.

**Omnia de Comm. Conf.**  
**non Pont. 88\*, præter seq.**  
(m. t. v.)

#### Oratio.

**F**AC nos, Dómine Jesu, in  
simplicitáte et innocén-  
tia cordis nostri ambulare :  
quarum amóre de sinu Ma-  
tris inter beáti Felicis Con-  
fessoris tui bráchia descen-  
disti : Qui vivis.

**Commem. S. Bernardini**  
**Senensis Conf. ut in Brev.**

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**F**ELIX a Cantalicio in Sabi-  
nis, humilibus sed piis

paréntibus natus, a púero  
pascéndis grégibus, mox et  
agro coléndo addictus, mul-  
to impénsius rerum cælé-  
stium meditatióne ánimus  
nutrire, et corpus assiduis  
vigiliis ac jejúniis domáre  
cœpit, eremíticam agens vi-  
tam pótius quam rústicam.  
Ferventióre áutem in Deum  
pietáte incensus, cum non  
posset quotidie, ut optábat,  
sacris mystériis interesse,  
grege ad loca solitária com-  
púlso, ipse ante crucem ár-  
borum corticibus incisam  
diu oráre, seque ácritér fla-  
gelláre consuéverat; sed et  
aliquándo glebas in agro vér-  
tere, simúlque Sacris in tem-  
plo adesse visus est. Alias  
inter arándum furéntibus,  
quos júnxerat, indómitis ju-  
vencis, humi stratus, et ará-  
tro superdúcto plane pro-  
scindendus, laceráta dum-  
taxat veste, surréxit illæsus.  
Quo periculo, ut ad tutiô-  
rem reguláris disciplinæ pa-  
læstram vocánti jampridem  
Deo paréret, admónitus,  
rústica supelléctili paupéri-  
bus distribui jussa, ad fratres  
Minóres, quos Capuccinos  
vocant, própere se cöntulit.

**R.** Honéstum fecit. 94\*.

**Lectio v.**

**A**DHUC tyro, necdum vota  
solémnia professus, re-  
ligiósæ perfectiónis ápicem  
jam attigisse videbátur. Obe-  
diéntiæ sédulus cultor, ad  
præcipientis non modo ver-  
bum, sed étiam nutum præ-

sto erat; seque cœnóbii júmētum dictitans, vilissima quæque ministéria semper arrípuít, ac ludíbria et contumélias hilari vultu excipiebat. Paupertátis quam esset studiósus, illústri documentó Deus ipse declarávit. Ostiátim enim per vicos et platéas aléndis frátribus mendicans (quod ille munus per annos quadraginta nudis fere semper pédibus obívit), cum die quadam inusitáto póndere se óprimi sentiret, mánticam scrutátus, injéctum clam nummum deprehéndit: quo proyécto, nec sine indignatióne proculcáto, álacer et levis inde ábiit. Castitátem, quam usque ad óbitum servávit illibátam (sanctus córpore et spírítu a Páulo quinto proptérea appellátus), vígili oculórum custódia et voluntário córporis cruciátu comunívit, aspérrimo flagélló se quotidie cruéntans, ac férreo cilicio constrictus, septem étiam Urbis basilicas idéntidem invísens. Jejúnia órdis inédia quándóque cumulávit. Lectus ejus dolóris pótius quam quiétis erat: brevem quippe somnum flexis nuda super tábula géribus, ac fasce sarmentórum cápiti suppósito, carpébat.

**R.** Amávit eum. 94\*.

**Lectio vj.**

**V**ITÆ austeritáte sibi asper, áliis carus acceptúsque, sanctis præsértim Cárolo et

Philippo Nério, simplicitáte atque innocéntia semper fuit. In oratióne pernóctans, dulcissimam frequénter éxtasim est passus: et aliquándó in ulnis suis recliná-tum a Virgine Matre púerum Jesum suavíssime complécti méruiť. Prophetiæ grátia et miraculórum clarus, demórtuum étiam filium matri vivum restítuit. Méritistandem in bona senectúte cumulátus, secúnda (ut prædixerat) féria Pentecóstes ad cæléstem pátriam, Deipara invitánte, lætus ábiit. Ejus corpus in ecclésia sui órdis summa Urbis veneratióne cólitur, Dómino crebris miráculis servi sui sanctitátem illustránte, quem proptérea Urbánuš Papa octávus beatórum, Clemens vero undécimus sanctórum fastis adscripsit.

**R.** Iste homo perfécit. 94\*.

IN III. NOCTURNO

Léctio sancti Evangélii secúndum Matthæum.

**Lectio vij. Cap. 11. d**

**I**N illo témpore: Respóndens Jesus, dixit: Confíteor tibi Pater, Dómine cæli et terræ, quia abscondisti hæc a sapiéntibus et prudentibus, et revelásti ea párvulis. Et reliqua.

Homilia sancti Augustini  
Episcopi.

Serm. 9. de Verb. Dom.

n. 70.

**O**MNIA sæva et immánia, prorsus facília et prope



nulla efficit amor. Quanto ergo certius ac facilius ad veram beatitudinem caritas facit, quod ad miseriam, quantum potuit, cupiditas fecit! Quam facile toleratur quaelibet adversitas temporalis, ut æterna poena vitetur, et æterna requies comparatur! Non immerito ille vas electionis cum ingenti lætitia dixit: Non sunt condignæ passionēs hujus temporis ad superventuram gloriam quæ revelabitur in nobis. Ecce unde illud jugum suave est, et sarcina levis; et si angusta est paucis eligentibus, facilis tamen omnibus diligentibus. Dixit Psalmista: Propter verba labiorum tuorum ego custodivi vias duras.

**R.** Iste est qui. 97\*.

### Lectio viij

**S**ED quæ dura sunt laborantibus, eisdem ipsis mitescunt amantibus. Propter quod ita divinæ pietatis dispensatione actum est, ut interior homo, qui renovatur de die in diem, non adhuc sub lege positus, sed jam sub gratia exoneratus sarcinis innumerabilium observationum, quod erat revera grave jugum, sed duræ cervici convenienter impositum, facilitate simplicis fidei, et bonæ spei, et sanctæ caritatis, quidquid molestiarum exteriori homini forinsecus intulisset ille princeps, qui missus est fo-

ras, interiori gaudio fieret leve.

**R.** Sint lumbi. 97\*.

### Lectio ix.

**N**IHIL enim tam facile bonæ voluntati est, quam ipsa sibi, et hæc sufficit Deo. Quantumlibet ergo sæviat iste mundus, verissime Angelis, nato in carne Domino, clamaverunt: Glória in excelsis Deo, et in terra pax hominibus bonæ voluntatis. Quia ejus qui natus erat, suave jugum est, et sarcina levis. Et sicut dicit Apostolus: Fidelis Deus, qui nos non sinit tentari supra id quod possumus ferre, sed facit cum tentatione etiam exitum, ut possimus sustinere. Te Deum laudamus. 17.

DIE XXIII

S. JOANNIS BAPTISTÆ DE ROSSI  
CONFESSORIS

Duplex.

**Omnia de Comm. Conf.**  
**non Pont. 88\*, præter sequentia.**

Oratio.

**D**EUS, qui sanctum Joannem Baptistam Confessorem tuum in evangelizandis pauperibus caritate et patientia decorasti: concede quæsumus; ut cujus pia mèrita veneràmur, virtutum quoque imitemur exempla. Per Dominum nostrum Jesum Christum.

IN I. NOCTURNO

**Lect. de Script. occur.**

## IN II. NOCTURNO

## Lectio iv.

**J**OÁNNES Baptista de Rossi Veitúrii in Ligúria honésto génere ortus, adhuc puer morum suavitáte ac pietátis stúdio in ómnium admiratióne fuit. Trédecim annos natus visus est Dei consílio Romam mitti, ut apóstoli munus in ea expleret. Inter ephébos Collégii Románi Societátis Jesu adléctus, ingénio et virtúte prælúxit. Curábat impénse, ut ii Mariáno sodalitio fréquentes adéssent, in nosocomiis ægris ministrarent, honestáque animórum recreatione retraheréntur a nóxiis; interim cæléstia sermonibus pertráctans segnióres excitábat, ac proinde Apóstoli agnómen adéptus est. Ob ásperam córporis castigatióne gravi morbo corréptus, ab usitáta sibi studiórum severitáte aliquántum remittere coáctus fuit: quod divinitus factum aiébat, ne sciéntia inflátus sua pótius quæreret, quam quæ Jesu Christi. Clericáli militiæ adscriptus sacris disciplinis in sancti Thomæ collégio óperam dedit, ac in virtúte proficiens, dein ingénti ánimi voluptáte sacerdotio est áuctus. Ita Dóminum in hereditátem sibi constituit, ut nullum, ne oblátum quidem, ecclesiásticum beneficium acceptánde, nisi obediéntia adigerétur,

singulári voto se obstrinxerit.

**R.** Honéstum fecit. 94\*.

## Lectio v.

**D**E spirituáli proximórum salúte jam ab adolescéntia sollicitus, sacérdos factus in id totum se devóvit. Ecclesiásticos viros, sacras vírgines, oppidános, cárcere deténtos, imam plebem universam mira suavitáte, verbi ministério ad virtútis amórem inflammábat. Plures quotidie horas rudiórum confessiόνibus excipiéndis impéndens, ægrótiis áderat vel in dómibus vel in valedudináriis, præsertim phthísicis, quos sui véluti juris esse affirmábat. Hac illac per urbem álacer ádvólans, innúmeris opéribus præsto erat: at assíduus in sanctæ Gallæ hospitio versabátur, ut páuperes, quos carissimos hábuit, omni ope juváret. Ob id a décimo quinto ætátis anno adjúctus sacerdotum cœtui, qui eisdem evangelizádo addicti sunt, ibi apostolátus sui ratióne didicit, ipsiúsque societátis ópera instaurávit et áuxit. Eádem misericórdia motus egenórum ómnium necessitatibus sublevándis módicam suam substántiam impéndit. Perénnes áutem infatigábilis sui zeli fructus reliquit, satéllitum, vagórum, rúdiū institutióne, catechéses ad sancte Pascha celebrándum, certam custódiā perditá-



rum, noctúque per Urbem vagántium mulierum hospitium, præcipue vero stúdi-um lucrándi ánimas in clero excitátum.

℟. Amávit eum. 94\*.

Lectio vj.

**C**ARITÁTIS in Deum ardor ex ejus ore emicábat, dum sacris operabátur, nec sine lácrymis de ejus bonitáte loqui póterat. In collégium canonicórum basilicæ sanctæ Mariæ in Cósmedin ex obediéntia cooptátus, inter psalléndum extra sensus rapi videbátur. In sacris cæremóniis diligentissimus, domus Dei decórem promovit, et in id suas opes libén-ter erogábat. Amórem erga Deiparam in álios effundébat, ejúsque cultum in sua ecclésiá fovit, áddito étiam psalmódia quotidiáno láudum præcónio. Philippi Né-rii spíritu imbui studens, et in omnes cælites pius, Apostolorum Principum obséquium augéndum curávit. In oratióne omnique virtútum exercitatióne assíduus, supérnis quoque charismátibus donátus, tandem in hospítio, cui nomen a sanctíssima Trinitáte, quo se redúxerat in sacerdotum convictum, labóribus fractus ad vitæ éxitum addúctus est, atque Ecclésiæ sacraméntis reféctus, caritátis ópera et páuperum curam commén- dans, decéssit in ósculo Dómini, die vigésima tértia

Maii, anno Christi millésimo septingentésimo sexagésimo quarto, ætátis suæ sexagésimo sexto. Insigne ádeo sacerdotális virtútis exemplar miráculis Deus illustráre dignátus est, quibus rite probátis, Summus Póntifex Pius nonus tértio Idus Maii anno millésimo octingentésimo sexagésimo cælitum beatórum honóribus áuxit : novisque fulgéntem signis Leo decimus tértius sexto Idus Decémbris anno millésimo octingentésimo octogésimo primo in sanctórum albo recensuit.

℟. Iste homo. 94\*.

IN III. NOCTURNO

Homil. in Evang. Sint lumbi. de eodem Comm. 1<sup>o</sup> loco. 96\*.

DIE XXIV

B. MARIE VIRGINIS

SUB TITULO

AUXILIUM CHRISTIANORUM

Duplex majus.

Omnia ut in Fest. B. M. V. 158\*, præter seq.

IN I. VESPERIS

Hymnus.

**S**ÆPE dum Christi pópulus  
cruéntis  
Hostis infénsi premerétur  
armis,  
Venit adjútrix pia Virgo cæ-  
lo  
Lapsa seréno.  
Prisca sic patrum monu-  
ménta narrant,  
Templa testántur spóliis opi-  
mis

Clara, votivo repetita cultu  
Festa quotánnis.

En novi grates liceat Ma-  
riæ

Cántici lætis módulis refér-  
re

Pro novis donis, resonánte  
pláusu

Urbis et Orbis.

O dies felix, memoránda  
fastis,

Qua Petri Sedes fidei magi-  
strum

Triste post lustrum réducem  
beáta

Sorte recépit!

Virgines castæ, puerique  
puri,

Géstiens clerus, populúsque  
grato

Corde Reginæ celebráre cæli  
Múnera certent.

Virginum Virgo, benedi-  
cta Jesu

Mater, hæc áuge bona; fac,  
precámur,

Ut gregem Pastor Pius ad  
salútis

Pásqua ducat.

Te per ætérnos veneré-  
mur annos,

Trínitás, summo celebránda  
pláusu :

Te fide mentes, resonóque  
linguæ

Cármine láudent.

Amen.

**V.** Dignáre me laudáre te  
Virgo sacráta, allelúia. **R.** Da  
mibi virtútem contra hostes  
tuos, allelúia.

**Ad Magnif. Ant.** Ecce Ma-  
ria erat spes nostra, ad quam  
confúgimus in auxiliúm, ut

liberáret nos, et venit in ad-  
jutórium nobis, allelúia.

**Oratio ut infra ad Laud.**  
404\*.

#### AD MATUTINUM

**Invit.** Sancta María, Dei  
Génitrix Virgo, \* Intercéde  
pro nobis, allelúia.

**Ps.** Veníte, exsultémus. 2.

**Hymn.** Sæpe dum. **supra.**

#### IN I. NOCTURNO

**Lect.** Ego sapiéntia. 162\*.

#### IN II. NOCTURNO

Sermo sancti Bernárdi  
Abbátis.

**Ex Sermone de 12. Stellis.**

#### Lectio iv.

**V**EHÉMÉNTER quidem no-  
bis, dilectíssimi, vir unus  
et múlter una nocuére : sed  
grátias Deo, per unum ni-  
hilóminus virum et mulie-  
rem unam ómnia restaurán-  
tur, nec sine magno fœnore  
gratiárum. Et quidem suffi-  
cere póterat Christus : si-  
quidem et nunc omnis suf-  
ficiéntia nostra ex eo est :  
sed nobis bonum non erat  
esse hómínem solum. Cón-  
gruum magis ut adésset no-  
stræ reparatióni sexus utér-  
que. Jam itaque nec ipsa  
múlter benedicta in mulié-  
ribus vidébitur otíosa : inve-  
niétur équidem locus ejus in  
hac reconciliatióne. Opus  
est enim mediatóre ad me-  
diatórem Christum : nec  
alter nobis utilior quam Ma-  
ria. Crudélis nímium mediá-  
trix Heva, per quam serpens  
antíquus pestiferum étiam  
ipsi viro virus infúdit : sed



fidélis María, quæ salútis antidotum et viris et mulieribus propinávit. Illa enim ministra seductiónis, hæc propitiatiónis; illa suggessit prævaricatióem, hæc ingessit redemptiόem. Quid ad Mariam accédere trépides humana fragilitas? Nihil austérum in ea, nihil terribile; tota suávis est, ómnibus ófferens lac et lanam. Revólve diligéntius evangélicæ históriæ sériem univérsam : et si quid forte increpatórium, si quid durum, si quod dénique signum vel levis indignatióis occurrerit in María, de cætero suspéctam hábeas, et accédere vereáris.

℞. Sicut cedrus. 166\*.

#### Lectio v.

**Q**UOD si, ut vere sunt, plena magis ómnia pietátis et grátiae, plena mansuetúdinis et misericórdiae, quæ ad eam pértinent, invéneris, age grátias ei, qui talem mediatricem benigníssima miseratione providit, in qua nihil possit esse suspéctum. Dénique ómnibus ómnia facta est; sapiéntibus et insipientibus copiosíssima caritate debitrícem se fecit. Omnibus misericórdiae sinum áperit, ut de plenitudine ejus accípiant univérsi, captívus redemptiόem, æger curatiόem, tristis consolatiόem, peccátor véniam, justus grátiam, Angelus lætitiám. Ipsa præterita non

discutit mérita; sed ómnibus sese exorábilem, ómnibus clementissimam præbet, ómnium dénique necessitates amplissimo quodam miserátur afféctu. Ipsa est quondam a Deo promissa mulier serpéntis antiqui caput virtútis pede contritúra; cujus plane calcáneo in multis versútiis insidiátus est, sed sine cáusa. Sola enim contrivit univérsam hæréticam pravitatem. Contriti sunt insidiántes, conculcati supplantatóres, confutati derogatóres, et beátam eam dicunt omnes generatióes. Jam si Ecclesiá lunæ intelligénda vidétur vocábulo, habes mediatricem evidénter expréssam : Múlier, inquit, amicta sole, et luna sub pédibus ejus. Amplectámur Mariæ vestigia, et devotissima supplicatiόe beátis illius pédibus provolvámur. Teneámus eam, nec dimitámus, donec benedixerit nobis : potens est enim.

℞. Quæ est ista. 166\*.

Ex publicis Monumentis.

#### Lectio vj.

**P**RÆSENTÍSSIMUM Deiparæ auxilium ad religiόnis hostes profligándos sæpe pópulus christiánus mirum in modum expértus est : ex quo factum, ut sanctíssimus Póntifex Pius quintus post insignem victóriam, intercedente beatíssima Virgine, a Christiánis de Turcárum tyranno apud Echinadas insu-

las reportátam, in litanis Lauretánis eámdem Regnam cælórum inter ália præcónia Auxilium Christianórum appellári constitúerit. Sed illud in primis memorábile est, atque exploráti miráculi loco habéndum, quod cum Románus Póntifex Pius séptimus, impiórum consíliis et armis ex Apostólica Petri Sede exturbátus, et arcta custódia, præsertim Savónæ per annos quinque eóque ámplius fuisset deténtus, viis ómnibus pénitus interclúsus, ne Dei Ecclesiám régere posset, nullo similis persecutiónis in priscis annálibus exémplo, inopináto et præter ómnium exspectatiónem cóntigit, ut ingénti pláusu, ac véluti universi orbis mánibus pontificio sólio restituerétur. Quod et secúndo áccidit, dum iterum commóto túrbine, ab Urbe discédens, sacro comitánte Cardinálium collégio, Ligúriam conténdit. Verum præsentíssimo Dei beneficio, cessánte procélla, quæ grave minabátur excidium, Romam, plaudéntibus præ novo gáudio pópulis, revérsus est. Antea tamen, quod in votis habúerat, et captivitáte deténtus exsequi nequiverat, áurea coróna insignem Savónæ imáginem Deiparæ Virginis sub título Matris Misericórdiæ solémni ritu propriisque mánibus decorávit. Quam

miráblem rerum vicissitudinem idem Póntifex Máximus Pius séptimus, totius evéntus íntime cónscius, cum intercessióne sanctissimæ Dei Genitricis, cujus poténtem opem, et ipse impénse imploráverat, et ab ómnibus Christi fidélibus implorári curáverat, accéptam mérito reférret, in ejúsdem Virginis Matris honórem, sub appellatióne Auxilii Christianórum, solémne festum indixit perpétuo celebrándum die mensis Maii vigésimo quarto, faustissimi sui in Urbem réditus anniversário, approbáto étiam Officio próprio, ut tanti beneficii distincta et perénis exstet memória, et gratiárum áctio.

§. Ornátam. 166\*.

IN III. NOCTURNO

Léctio sancti Evangélii secúndum Lucam.

Lectio vij. Cap. 11. d

**I**N illo témpore : Loquente Jesu ad turbas, extóllens vocem quædam múluer de turba, dixit illi : Beátus venter, qui te portávit. Et reliqua.

Homilía sancti Bernárdi Abbátis.

In Nativitate B. M. V.

**I**NTUERE o homo consílium Dei, agnósce consílium sapiéntiæ, consílium pietátis. Cælésti rore áream rigatúrus, totum vellus prius infúdit; redemptúrus humánum génus, prétium univérsum cóntulit in Mariám. Al-



tius ergo intuémini, quanto devoti6nis afféctu a nobis eam volúerit honorári, qui totius boni plenitudinem p6suit in Maria : ut proinde si quid spei in nobis est, si quid grátiae, si quid salutis, ab ea novérimus redundáre, quæ ascéndit deliciis áfluens. Totis ergo medúllis córdium, totis præcordiórum afféctibus, et votis ómnibus Mariam hanc venerémur, quia sic est volúntas ejus qui totum nos habére voluit per Mariam. Hæc, inquam, volúntas ejus est, sed pro nobis.

**R.** Felix namque es, sacra Virgo Maria, et omni láude digníssima : \* Quia ex te ortus est sol justitiæ, Christus Deus noster, allelúia. **V.** Ora pro p6pulo, intèrveni pro clero, intercède pro dev6to femineo sexu : sèntiant omnes tuum juvámen, quicúmque tuum sanctum impl6rant auxilium. Quia.

**Bened.** Cujus festum cólimus, ipsa Virgo vírginum.

#### Lectio viij.

**I**N ómnibus síquidem et per ómnia pr6videns miseris, trepidati6nem nostram solátur, fidem éxcitat, spem róborat, diffidéntiam ábigit, érigit pusillanimitátem. Ad Patrem verebáris accédere ; solo auditu térritus, ad fólia fugiebas : Jesum tibi dedit mediatórem. Quid non apud talem Patrem Filius talis obtíneat ? Exaudiétur útique

pro reveréntia sua ; Pater enim diligit Filium. Sed fór- sitan et in ipso majestátem vereáre divínam, quod licet factus sit homo, mánserit tamen Deus. Advocátum habére vis et ad ipsum ? Ad Mariam recúrre. Pura síquidem humanitas in Maria, non modo pura ab omni contaminati6ne, sed et pura singularitáte natúræ. Nec dúbius dixerim, exaudiétur et ipsa pro reveréntia sua. Exáudiet útique Matrem Filius, et exáudiet Filium Pater.

**R.** Beátam me. 169\*.

#### Lectio ix.

**F**ILÍOLI, hæc peccatórum scala, hæc mea máxima fidúcia est, hæc tota rátió spei meæ. Quid enim ? Potéstne Filius aut repéllere, aut sustinére repúlsam ? Non audíre, aut non audiri Filius potest ? Néutrum plane. Invenísti, ait Angelus, grátiam apud Deum : feliciter. Semper hæc invéniet grátiam, et sola est grátia qua egémus : nimirum sola est grátia qua salvámur. Quid nos ália concupiscimus, fratres ? Quærámus grátiam, et per Mariam quærámus, quia quod quærit invenit, et frustrári non potest. Quærámus grátiam, sed grátiam apud Deum : nam apud hómines grátia fallax. Quærant álii méritum ; nos invenire grátiam studeámus. Quid enim ? Non grátiae est quod hic su-

mus? Profecto misericórdiæ  
Dómini est, quod non su-  
mus consúpti nos.

Te Deum laudámus. 17.

AD LAUDES

**Hymnus.**

**T**E Redemptóris Domini-  
que nostri  
Dicimus Matrem, speciósa  
Virgo,  
Christianórum decus, et le-  
vámén  
Rebus in arctis.

Sæviant portæ licet infe-  
rórurum,  
Hostis antiquus fremat, et  
mináces,  
Ut Deo sacrum populétur  
agmen,  
Súscitet iras.

Nil truces possunt fúriæ  
nocére  
Méntibus castis, prece quas  
vocáta  
Annuens Virgo fovet, et su-  
pérno  
Róbore firmat.

Tanta si nobis fáveat Pa-  
tróna,  
Béllici cessat scéleris tumúl-  
tus,  
Mille sternúntur, fugiúntve  
turmæ,  
Mille cohórtes.

Tollit ut sancta caput in  
Sióne  
Turris, arx firmo fabricáta  
muro,  
Cívitas David, clýpeis et acri  
Milite tuta.

Virgo sic fortis Dómini  
poténti  
Délixtera, cæli cumuláta do-  
nis,

A piis longe fámulis re-  
péllit  
Dæmonis ictus.

Te per ætérnos venerémur  
annos,  
Trinitas, summo celebránda  
pláusu :

Te fide mentes resonóque  
linguæ  
Cármine láudent.  
Amen.

**V.** Diffúsa est grátia in  
lábiiis tuis, allelúia. **R.** Pro-  
ptérea benedixit te Deus in  
ætérnum, allelúia.

**Ad Bened. Ant.** Ad te, o  
sancta Dei Génitrix, clamá-  
vimus, et per te venit Dó-  
mini auxilium nobis, alle-  
lúia.

**Oratio.**

**O**MNÍPOTENS et miséricors  
Deus, qui ad defensió-  
nem pópuli christiáni in  
beatíssima Virgine Mariá per-  
pétuum auxilium mirabiliter  
constituísti : concéde propi-  
tius; ut tali præsidio muniti,  
certántes in vita, victóriam  
de hoste maligno cónsequi  
valeámus in morte. Per Dó-  
minum.

IN II. VESPERIS

**Omnia ut in I. Vesperis.**  
399\*.

**Ad Magnif. Ant.** Sancta  
María succúrre míseris, juva  
pusillánimes, réfove flébiles,  
ora pro pópulo, intérvieni  
pro clero, intercède pro de-  
vóto femíneo sexu : séntiant  
omnes tuum juvámén, qui-  
cúmque tuum sanctum im-  
plórant auxilium, allelúia.



DIE XXX

S. FERDINANDI III.

CASTELLÆ ET LEGIONIS REG.

CONFESSORIS

Semiduplex.

**Omnia de Communi Conf.**  
**non Pont. 88\*, præter seq.**  
**Oratio.**

**D**EUS, qui beáto Confessóri tuo Ferdinándó præliári prælia tua, et fidei inimicos superáre dedisti : concéde; ut ejus nos intercessióne muniti, ab hóstibus mentis et córporis liberémur. Per Dóminum.

**Commem. sancti Felicis Papæ et Mart. Ant. Lux. V. Sancti. 43\*. Oratio.** Infirmi-tátem. 27\*.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**F**ERDINÁNDUS tértius, Ca-stellæ et Legiónis rex, cui Sancti cognoméntum jam inde a quátuor sæculis ec-clesiasticórum et sæculá-rium consénsus dedére, tan-tum prudéntiæ adoléscens adhuc spécimen præbuit, ut Berengária mater, Castellæ regína, a qua persáncte edu-cátus fúerat, abdicátum a se regnum in filium transtúle-rit. In eo, adjúntis regni curis, régiæ virtútes emi-cuére, magnánimitas, cle-méntia, justitia, et præ cæ-teris cathólicæ fidei ze-lus, ejúsque religiósi cultus tuéndi ac propagándi ar-

dens stúdiúm. Id præstitit in primis hæréticos inse-ctándo, quos núllibi regnó-rum suórum consistere pas-sus, própriis ipse mánibus ligna comburéndis damnátis ad rogum advehébat. Præ-stitit insuper in erigéndis, dotándis et consecrándis christiáno ritu Cordubénsi, Giennénsi, Hispalénsi, et aliárum úrbium ecclésiis, Máurico ereptárum jugo, si-múlque in instaurándis pri-máriis templis Toletáno, Burgénsi, et áliis, pia et régia munificéntia.

**R. Honéstum fecit. 94\*.****Lectio v.**

**I**NTER hæc per Castellæ et Legiónis regnum, in quo patri Alphonso succésserat, colléctis magnis exercitibus, ánnuas expeditiões contra Saracénos, christiáni nómi-nis hostes, suscepit. In qui-bus, ut semper vinceret, præcipui exércitus fuére preces piissimi regis ad Deum fusæ, et quod ante pugnam, ut sibi Deum propitiáret, flagris in se sæ-viébat, atque áspero cilicio muniébat corpus : sicque in-signes contra ingéntes Mau-rórum ácies victórias repor-távit, et plures urbes chri-stiáno cúltoi imperiódque restituit; et conquisitis Gién-nii, Córdubæ et Múrciæ re-gnis, ac Granaténsi vectigáli facto, ad expugnándam Hi-spalim, primáriam Bóeticæ urbem, hortánte in visiõe

(ut tráditum est) beáto Isidóro, olim illius urbis episcopo, victricia signa tráns tulit. In ea obsidióne, ut fertur, præséntem divínam opem hábuit : nam férream caténam, quæ super Boetim transvérsim exténsa Mahometánis pro repágulo erat, coórto validióri vento, una ex návibus régiis, regis jussu eo deláta, tanto impetu fregit, ut lóngius prætervécta pontem quoque ligneum et simul spes Maurórum obrúperit, et ad deditiónem coégerit.

℞. Amávit eum. 94\*.

Lectio vj.

**T**OT victórias beátæ Virginis Mariæ patrocínio ferébat accéptas, cujus imáginem secum in castris habens, peculiári cultu prosequébatur. Capta Híspali, prima religiónis cura fuit; nam templum Maurórum expiátum, et Christianórum dedicátum sacris, insígni archiepiscopátu, et honestíssimo canonicórum et digni-

tátum collégio, régia et religiósá liberalitáte exornávit. Alia deinde in urbe templa et cœnóbia eréxit : inter quæ pietátis officia, dum trájicere in Africam parat, Mahometánum in ea impérium eversúrus, ad cæléstem régiam vocátur. In extrémó vitæ agóne sacram Eucharistiam pro viático allátam, fune ad collum alligáto, et humi stratus, cum lácrymis ubértim fuis adórans, eáque dignis reveréntiæ, humilitátis et cathólicæ fidei obtestatióibus accépta, obdormívit in Dómino. Jacet ejus corpus incorrúptum adhuc post quátuor sæcula, in templo máximo Híspalénsi, honorificentíssimo inclúsum sepúlcro.

℞. Iste homo. 94\*.

IN III. NOCTURNO

Lect. de Homil. in Evang.  
Nolíte. de Comm. 2º loco.  
102\*.

Lect. ix. S. Felicis Papæ  
et Mart. cum Commem. in  
Laud. ut in Brev.

## FESTA JUNII

DIE II

B. Mariæ Annæ a Jesu  
de Paredes Virg.

Duplex.

Omnia de Communi Virg.  
107\*, præter seq.

Oratio.

**D**EUS, qui inter sæculi  
étiam illécebras beátam

Mariám Annam, ut lílium  
inter spinas, virgináli casti-  
táte, et jugi pœniténtia flo-  
réscece voluisti : præsta  
quæsumus ; ut ejus méritis  
et intercessióne retrahámur  
a vítiis et perfectióra se-  
ctémur. Per Dóminum no-  
strum.



IN I. NOCTURNO

*Lect. de Script. occur.*

IN II. NOCTURNO

*Lectio iv.*

**M**ARIÁ Anna a Jesu de Paredes, Quiti in America meridionali claro genere nata, ab ipsa pene infántia perfectam vivendi ratiónem iniit. Mirábilis in ea morum intégritas et candor, árdens in Deum pietas, constans erga immaculatam Dei Genitricem cultus et observántia, assiduum precándi stúdiu. Vix décimú ætátis annu ingressa se totam Deo arctissime obstrinxit, tribus emissis perpétuæ castitátis, paupertátis et obediéntiæ votis, quæ ad óbítu usque sancte servávit. Cum láudes audiret trium e Societáte Jesu Mátyrum, qui in Japoniæ regno pro christiána fide sánguinem profudissent, inusitato quodam divínæ glóriæ propagandæ ardóre succénssa, clam se ad iter accinxit, ut apud bárbaras gentes lumen veritátis inférret. Verum cum initu exsequi consiliu minime potuisset, divínæ acquiescens voluntati própria in domo sibi recéssu paráre constituit, ubi procul ab humánis curis uni Deo conjunctissime viveret.

*R. Propter veritatem. 116\*.**Lectio v.*

**I**TAQUE in partem suárum ædiu interiorem se recépit, nec inde umquam

prodibat in públicu, nisi vel caritas erga próximos, vel pietátis officia explénda urgèrent. In eo autem secéssu, tamquam in erémo, antiquis severiórum patrum exémplic innovátis, innocentissimu corpus miru in modu continenter vexávit. Caput coróna spinea, pectus et látera rigénti cilicio, pedes lappillis, omnesque artus flagellis, et férreis caténis ac inauditis quibúsdam ártibus, quas Christi Dómini amor suggerébat, semel atque iteru diu noctúque cruentábat. Ad majórem sui afflictatióne lectulo ex asséribus, vel cruce acutissimis spinis intertéta utebátur, cibo ádeo ténu, ut octávo, quandoque étiam décimo quoque die vix única áridi panis única vescerétur. Erga omnes tamen comis et affábilis, ánimos étiam perditórum hóminu sibi demerebátur, quos ex omni órde a vitiórum fœditáte ad vitæ honestátem, suis consiliis et précibus tradúxit.

*R. Dilexisti justitiam, et odisti. 116\*.**Lectio vj.*

**H**IS aliisque áuctam virtutibus Deus fámulam suam multis præclarisque munéribus illustrávit. Assiduæ reru divínarum contemplatióne dedita, dies noctesque pene intégras in Dei amore quiescébat; nec defuerunt qui eam sublimem

a terra, ánimo a sénsibus avocáto, et vultu cælésti luce radiánte ab se visam confir- márent. Prophetiæ et scr- uatiónis córdium dono insi- gnis, non solum futúra et abséntia prænuntiávit, sed ánimos hóminum, cogitatió- nes et máculas introspéxit. Nec minor in morbis de- pelléndis vis éxstitit. Multis enim extrémó morbo labo- rántibus, aut crucis signo, aut aquæ sacræ aspersióne desperátam córporis sanitá- tem restituit; et mórtuam féminam suis précibus in vi- tam revocávit. Ita erga omnes caritáte affécta, vitam déni- que ipsam, dum atra lues grassaréetur, pro cívium in- columitáte Deo óbtulit, et morbo corrépta placidíssimo éxitu migrávit ad Sponsum, anno millésimo sexcentési- mo quadragésimo quinto, ætátis suæ sexto et vigésimo. Statim post óbitum ex ejus sáanguine concrétó candidís- simum lílium pródiit, ex quo ipsa Quiténsis lílii nomen obtínuit. Fama áutem san- ctitátis longe latéque diffúsa, et a Deo plúribus signis con- firmáta, Pius nonus Póntifex Máximus puríssimam virgi- nem solémni cæremónia sa- cris beatórum fastis adscrip- sit.

℞. Afferéntur Regi. 116\*.

IN III. NOCTURNO

Homil. in Evang. Simile erit. de eodem Communi. 118\*.

DIE IX

B. M. V. MATRIS GRATIARUM  
Duplex majus.

Omnia ut in Festis B. M. V. per annum. 158\*, præter seq. In utrisque Vesperis.

℣. Ave María, grátia plena, allelúia. ℞. Dóminus tecum, allelúia.

Ad Magnif. Ant. O beáta Virgo María : tu véniæ ve- na, tu grátiae Mater, tu spes mundi, exáudi filios tuos clamántes ad te, allelúia.

Oratio.

**D**EUS, qui humáno géneri beátæ Mariæ virginitáte foecúnda reparatiónis grá- tiam contulisti : concéde; ut quam grátiae Matrem ap- pellámus in terris, ejus felíci consórtio perénriter per- fruámur in cælis. Per Dñ.

Deinde fit Commem. SS. Mart. Primi et Feliciani.

Ad Vesp. Ant. Lux perpé- tua lucébit sanctis tuis Dó- mine, et ætérnitas témpo- rum, allelúia.

℣. Sancti et justi in Dó- mino gaudéte, allelúia. ℞. Vos elégit Deus in hereditátem sibi, allelúia.

Oratio.

**F**AC nos, quæsumus Dómi- ne, sanctórum Mártyrum tuórum Primi et Feliciáni semper festa sectári : quo- rum suffrágiis protectiόnis tuæ dona sentiámus. Per Dóminum.

IN I. NOCTURNO

Lect. Ego sapiéntia. 162\*.



IN II. NOCTURNO  
Sermo sancti Thomæ  
Episcopi.

Conc. 1. de Annunt.

Lectio iv.

**A**DMIRÁNDAM omnique virtute præstantem Genitricem Dei Mariam pro mei ingenii exiguitate toto animi desiderio laudare desiderans, nullum fere in Sacris Litteris potui reperire præconium, quod ad litteram ejus nobis gloriám excellentiámque demonstret. Nam etsi de illa per prophétas plúrima mystice dicta, factaque passim legántur, unde possit virtutis ejus magnitúdo constare, in evangélicis tamen, aut apostólicis scriptis rarus de illa sermo, et multo rárior laus invenitur; quamvis, ut verum fatear, non ita silentio tradita sit, ut in eórum dictis virtutum ejus claritas tenuissimo rádio, véluti per quasdam verbórum rimulas, non eniteat. Sed unde magis ejus gloriám, virtutes, dotésque animi poterimus auspicári, quam ex illo mirifico ejus et Angeli collóquio? In quo præter hoc, quod angélico elóquio grátia plenissima et ómnium feminárum prima mérito prædicátur, ex gestis ejus et dictis multa nimis præconiórum ejus sylvá emicuit.

¶. Sicut cedrus. 166\*.

Lectio v.

**I**NGRÉSSUS Angelus ovánter, salutávit reverénter: Ave,

inquit, grátia plena: Dóminus tecum: plena grátia, impléndá Deitáte, obumbrándá virtúte; grátia plena, de cujus plenitúdine accipiunt univérsi, de cujus abundántia totus repléndus est orbis. Et vere plena, in cujus ánimo nullus peccáto relictus est locus, nullus iniquitáti páuit accéssus. Dóminus tecum. Et quómodo tecum? non útique sicut mecum, sed sicut núllybi: tecum in corpore, tecum in mente, tecum in ánimo, tecum in consílio, tecum in útero, tecum in auxilio, tecum in ortu, tecum in éxitu, tecum in fine, tecum sine fine.

¶. Quæ est ista. 166\*.

Lectio vj.

Conc. 2. de Annunt.

**C**ÆLÉSTI ergo legatióne aucta, sic fatur ad Angelum: Ecce ancilla Dómini: fiat mihi secúndum verbum tuum. Grandi ergo mystério, altissimóque Deitátis instinctu conceptúra Deum, sui méminit ancillátus, ut oriéntem a se filium mundi obséquio mancipáret. Fiat mihi, ait, secúndum verbum tuum: et ad verbum ejus, statim in útero incarnátum est Verbum. O fiat potens, o fiat éfficax, o fiat super omne fiat, perpétuo honóre venerándum! Hoc verbo fiat factus est mundus. Hoc verbo cæléstia terrestriaque Altissimus cóndidit: sed tale fiat non sónuit in orbe, quale tu

nunc beáta dixisti. Quid enim factum est? quis dicere potest quid factum est? Natúra stupet, iudicium hæret, hebescit sensus, lingua mutescit, ratio déficit, intellectus non capit quod factum est in María cum hoc protulit verbum : Fiat mihi secundum verbum tuum.

**R.** Ornátam. 166\*.

IN III. NOCTURNO

Lectio sancti Evangelii secundum Lucam.

**Lectio vij. Cap. 1. c**

**I**N illo tempore : Missus est Gábriel Angelus a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph de domo David : et nomen Virginis María. Et reliqua.

Homilia sancti Augustini  
Episcopi.

**Serm. 291. in Nat. S. Joannis Baptistæ.**

**A**NGELUS vero idem ipse ad Mariam Virginem : Ave, inquit, grátia plena : Dominus tecum ; jam tecum est, qui erit in te. Dic mihi ergo, nuntie Dei, quomodo fiet istud ? Vide Angelum scientem, illam quærentem, non diffidentem. Quia ergo vidit eam quærentem, non diffidentem, non se negavit instruentem. Audi quomodo : erit virginitas tua, tu tantum crede veritatem, serva virginitatem, accipe integritatem. Quoniam integra

est fides tua, intacta erit et integritas tua. Denique audi, quomodo fiet istud : Spiritus sanctus superveniet in te, et virtus Altissimi obumbrabit tibi, quia fide concipis, quia credendo in útero, non concumbendo habebis : propterea quod nascetur de te Sanctum vocabitur Filius Dei. Quid es, quæ postea paritura es? unde meruisti? unde hoc accepisti? unde fiet in te, qui fecit te? unde, inquam, tibi hoc tantum bonum? Virgo es, sancta es, votum vovisti; sed multum, quod meruisti, imo vero multum, quod accepisti.

**R.** Sub tuum præsidium confugimus clementissima Virgo, suscipe nos, única spes nostra, et nostris delectare laudibus, \* Quibus indigni omni te laude dignissimam collaudamus, allelúia. **V.** Aufer a nobis iniquitates nostras, ut digni canamus tibi glóriæ melos. Quibus.

**Lectio viij.**

**N**AM unde hoc meruisti? Fit in te, qui fecit te; fit in te, per quem facta es; imo vero per quem factum est cælum et terra, per quem facta sunt omnia, fit in te Verbum Dei caro, accipiendo carnem, non amittendo divinitatem. Et Verbum jungitur carni, et Verbum copulatur carni, et hujus tanti conjugii thalamus úterus tuus, et hujus, inquam, tanti



conjúgii, id est Verbi et carnis thálamus úterus tuus : unde ipse Sponsus procédit de thálamo suo. Invénit te Virginem concéptus, dimittit Virginem natus. Dat fœcunditatem, non tollit integritatem. Unde tibi hoc? Protérve Virginem videor interrogáre, et quasi importúne áures verecúndas ista mea voce pulsáre. Sed video Virginem verecundántem, et tamen respondéntem, meque admonéntem. Quæris a me, unde mihi hoc? Verecúndor tibi respondére bonum meum : Angeli áudi ipsius salutatiónem, et in me agnósce tuam salutem. Crede cui crédidi. Unde mihi hoc quæris? Angelus respóndeat. Dic mihi Angele, unde Mariæ hoc? Jam dixi, cum salutávi : Ave grátia plena.

℞. Porta cæli et stella maris es Virgo Maria, Regis ætérni Mater, gratos nos redde Filio tuo, \* Quia omnis virtus, et decor, et glória ex te respléndet, allelúia. ✠. Tu vénia vena, tu grátia Mater, tu spes mundi, exáudi nos clamántes ad te. Quia. Glória Patri. Quia.

Pro SS. Primo et Feliciano Mart.

### Lectio ix.

**P**RIMUS et Feliciánus fratres, in persecutióne Diocletiáni et Maximiani accusáti christiánæ religiónis, in víncula conjiciúntur : quibus solúti, inde eripiúntur

ab Angelo. Mox ad prætórem addúcti, cum christiánam fidem acérrime tueréntur, alter ab áltero distrácti sunt : ac primum várie tentáta est constántia Feliciáni. Sed cum suasóres impietátis se posse quidquam verbis proficere desperárent, affixis stípití manibus ejus et pédibus, ipsum sine cibo et potu inde trídium pendéntem reliqué-runt. Postridie ejus diéi prætor vocátum ad se Primus sic affátur : Vides, quanto sit prudéntior, quam tu, frater tuus, qui obsecútus imperatóribus, apud ipsos est honorátus? Quem si tu quoque imitári volúeris, párticeps eris ejus honóris et grátia. Cui Primus : Quid factum sit fratri meo, cognóvi ex Angelo. Utinam quemádmódum sum cum eo voluntáte conjunctíssimus, sic ab eódem ne martýrio disjúngar. Quo dicto excándit prætor, et ad cæteros cruciátus, quibus Primus affécit, præsente jam Feliciáno, liquátum igne plumbum in os ejus jussit infúndi. Mox utrúmque perdúci imperat in theátrum, in eósque immitti duos leónes : qui prostráti ad eórum génu, cápite et cáuda ipsis blandiebántur. Ad id spectáculum cum ámplius duódecim millia hóminum convenissent, quingénti cum suis familiis christiánam religiónem suscepérunt. Qui-

bus rebus permótus prætor  
eos secúri pércuti jussit.

*Si hoc Officium transferri  
contingat, Lect. ix. erit seq.*

*Lectio ix.*

*Serm. 290. de Sanctis.*

**M**ARÍA vero quando e con-  
tra ait, Quómodo fiet  
istud, quóniam virum non  
cognóscó, inquirendo dixit,  
non desperádo. Dum inter-  
rogávit, non de promissióne  
dubitávit. O vere grátia ple-  
na! Sic est enim ab Angelo  
salutáta. Ave grátia plena.  
Quis hanc éxplicet grátiam?  
quis huic grátiae grátias agén-  
do sufficiat? Fit homo, et  
per liberum arbitrium perit  
homo, et invenitur homo  
factus, qui fecit, ne periret  
quem fecit. In principio  
Verbum Deus apud Deum,  
per quod ómnia facta sunt,  
fit caro: Verbum caro fa-  
ctum est, et habitávit in  
nobis. Caro fit Verbum, sed  
caro accédit ad Verbum,  
non périit in carne Verbum.  
O grátia! ut hoc haberémus,  
quid digni erámus?

Te Deum laudámus. 17.

*In Laud. fit Commem. SS.  
Mart. Primi et Feliciani.*

*Ant. Filiæ Jerúsalem. V.  
Pretiósá. 47\*.*

DIE XV

STÆ GERMANÆ COUSIN  
VIRGINIS

*Duplex, sed ad modum Sim-  
plicis recolendum.*

*In I. Vesp. Ant. Veni spon-  
sa Christi, áccipe corónam,*

quam tibi Dóminus præpa-  
rávit in ætérnum, allelúia.

*V. Spécie tua et pulchri-  
túdine tua, allelúia. R. In-  
ténde, prósperé procéde, et  
regna, allelúia.*

*Oratio.*

**D**EUS, humilium celsitúdo,  
qui beátam Germánam  
Virginem tuam caritátis et  
patiéntiæ decóre excéllere  
disposuisti: ejus méritis et  
intercessióne concéde; ut  
crucem júgiter feréntes, te  
semper diligere valeámus.  
Per Dóminum.

*Ad Laud. Ant. Simile est  
regnum cælórum hómini  
negotiatóri quærénti bonas  
margaritas: invénta una pre-  
tíósá, dedit ómnia sua, et  
comparávit eam, allelúia.*

*V. Diffúsa est grátia in  
lábiis tuis, allelúia. R. Pro-  
ptérea benedixit te Deus in  
ætérnum, allelúia.*

*In II. Vesp. Ant. Veni spon-  
sa Christi, áccipe corónam,  
quam tibi Dóminus præpa-  
rávit in ætérnum, allelúia.*

*V. Diffúsa. ut supra.*

DIE XVI

S. JOANNIS FRANCISCI REGIS

CONFESSORIS

*Duplex, sed ad modum Sim-  
plicis recolendum.*

*In I. Vesp. Ant. Similábo  
eum viro sapiénti, qui ædi-  
ficávit domum suam supra  
petram, allelúia.*

*V. Amávit eum Dóminus,  
et ornávit eum, allelúia. R.*



Stolam glóriæ induit eum, allelúia.

**Oratio.**

**D**EUS, qui ad plúrimos pro salúte animárum perfe-réndos labóres beátum Joán-nem Franciscum Confessó-rem tuum mirábili caritáte et invícta patiéntia decorá-sti : concéde propítius; ut ejus exémplic instrúcti, et in-tercessiόνibus adjúti, ætér-næ vitæ præmia consequá-mur. Per Dóminum.

**Ad Laudes Ant.** Euge ser-

ve bone et fidélis, quia in páuca fuisti fidélis, supra multa te constituam, intra in gáudium Dómini tui, al-lelúia.

**V.** Justum dedúxit Dómi-nus per vias rectas, allelúia.

**R.** Et osténdit illi regnum Dei, allelúia.

**In II. Vesp. Ant.** Hic vir despiciens mundum et ter-réna, triúmphans, divítias cælo cóndidit ore, manu, allelúia.

**V.** Justum. *ut supra.*





## OFFICIA PROPRIA

### SS. SUMMORUM PONTIFICUM

SANCTÆ ROMANÆ ECCLESIAE, ALIORUMQUE SANCTORUM VEL BEATORUM  
OMNIBUS VEL PLURIBUS DIOECESIBUS CONCESSA, QUÆ KALENDARIUM  
CLERO ROMANO PROPRIUM SEQUUNTUR

#### FESTA FEBRUARII

DIE IX  
SANCTI ZOSIMI

PAPÆ ET CONFESSORIS

Duplex.

Omnia de Comm. Conf.  
Pont. 67\*, præter seq. (m.  
t. v.)

Oratio.

**D**A, quæsumus omnipotens Deus : ut beati Zósimi Confessoris tui atque Pontificis veneranda sollemnitas, et devotiõnem nobis augeat et salutem. Per Dóminum.

Et sit Commem. Feriæ, deinde sanctæ Apolloniæ Virg. et Mart., ut in Breviar.

IN I. NOCTURNO

Lect. Fidéls sermo. de Communi. 69\*.

IN II. NOCTURNO

Lectio iv.

**Z**ÓSIMUS Græcus Abrahámi filius post sanctum Innocéntium Románæ Ecclésiæ episcopátum suscepit. Is Africanórum conciliórum

decrétis advérsus pelagiánam hæresim sententiæ suæ robur adnéxuit, et ad impiórum excídium gládio Petri dexteris ómnium armávit antístitum; iis namque ab ipso probátis, per totum mundum hæresis pelagiána damnáta est. Damnávit et Pelágium ipsum una cum Cælestio, datis hac de re litteris ad univérsam Ecclésiám.

§. Invéni David. 73\*.

Lectio v.

**E**CCLESIASTICÆ disciplinæ tenacíssimus fuit, complúribus ad eam ubique sive servándam, sive restituéndam, destinátis grávis epístolis. Definiit, juxta probátum Ecclésiæ morem, ut si quis ab infántia ecclesiásticis ministériis nomen dedisset, inter lectóres usque ad vigésimum ætátis annum, continuáta observatiõe duráret. Si vero major jam et grandævus post baptismum,



sive inter lectóres, sive inter exorcistas, quinquénio tenerétur, et inde acólythus, vel subdiáconus, quátuor annis, et sic ad diaconátum (si mererétur) accéderet, in quo órdine quinque annis hærere debéret, et inde, suffragántibus votis, sacerdotium promereri posset.

*R.* Pósui adjutórium. 73\*.

*Lectio vj.*

**S**ANCÍVIT ut diáconi lævas linóstimis pallis tégerent, potestatémque fecit ut per paróchias paschális céreus benedicerétur. Cavít prætérea ne cléríco póculum propinarétur in público, prætéquam in fidélium cellis, et máxime clericórum. Qui cum sanctíssime rexisset Ecclésiám annum unum, menses quátuor, dies septem, quiévit in pace, sepultúsque est juxta corpus sancti Lauréntii Mátyris via Tiburtína, séptimo Kaléndas Januárii, Honório et Theodósio junióre imperántibus. Una ordinatióne, mense Decémbri, creávit presbýteros decem, diáconos tres, episcopos per divérsa loca octo.

*R.* Iste est qui. 73\*.

IN III. NOCTURNO

*Homil. in Evang. Homo peregred. de Communi 1º loco. 75\*.*

*Lect. ix. de Homil. Fer., cujus Commemoratio in Laud., deinde sanctæ Apolloniæ.*

DIE XI

SANCTI ANTHERI

PAPÆ ET MARTYRIS

Duplex.

*Omnia de Comm. unius Mart. 26\*, præter seq.*

*Orat. Infirmitatem. 27\*.*

*Commém. sanctæ Scholasticæ Virg., deinde Feriæ.*

IN I. NOCTURNO

*Lect. A Miléto. de Comuni. 29\*.*

IN II. NOCTURNO

*Lectio iv.*

**A**NTHÉRUS, natióne Græcus, patre Rómulo, post sanctum Pontíanum Romæ ordinátus est episcopus. Is gesta Mátyrum diligénter a notáriis conquisívit, ac in Ecclésiá recóndidit. Propter eam cáusam a Máximo præfécito mátyrio coronátus est, tértio Nonas Januárii, sepultúsque in cœmetério Callisti, via Appia, Máximo príncipe. Unica ordinatióne mense Decémbri, ordinávit episcopum Fundánæ civitátis in Campánia. Sedit in pontificátu mensem unum, dies duódecim.

*R.* Honéstum fecit. 32\*.

Sermo sancti Augustini Episcopi.

*Serm. 138. de Verbis Domini.*

*Lectio v.*

**P**ASTOR bonus Christus. Quid Petrus? Nonne bonus pastor? Nonne et ipse ánimam suam pro óvibus pósuit? Quid Páulus? Quid cæteri Apóstoli? Quid eó-

rum témpora consequén-  
tes beáti Episcopi Mártýres?  
Quid étiam iste sanctus (An-  
thérus)? Nonne omnes pa-  
stóres boni, non mercená-  
rii, de quibus dicitur : Amen  
dico vobis, percepérunt mer-  
cédem suam? Omnes ergo  
illi pastóres boni, non so-  
lum quia sánguinem fudé-  
runt, sed quia pro óvibus  
fuderunt. Non enim fudé-  
runt elatióne, sed caritáte.

**R.** Desidérium. 33\*.

**Lectio vj.**

**N**AM et apud hæréticos,  
qui propter iniquitátes  
et erróres suos áliquíd mo-  
lestiárum perpéssi fuérunt,  
nómine martýrii se jactant :  
ut hoc pállio dealbáti faci-  
lius furéntur, quia lupi sunt.  
Si áutem vultis scire in quo  
número habéndi sunt, pa-  
stórem bonum Páulum Apó-  
stolum audite : quóniam non  
omnes, qui córpora sua in  
passiόne étiam ignibus tra-  
dunt, æstimándi sunt sán-  
guinem fudisse pro óvibus,  
sed pótius contra oves. Si  
distribúero, inquit, ómnia  
mea paupéribus, et tradi-  
dero corpus meum, ut ár-  
deam : Jam ipsi sunt : sed  
vide quid séquitur : Caritá-  
tem áutem non hábeam, ni-  
hil mihi prodest. Ecce ve-  
nítur ad passiόnem, ecce  
venitur et ad sánguinis effu-  
siόnem, venitur et ad córpo-  
rum incensiόnem; et tamen  
nihil prodest, quia cáritas  
deest. Adde caritátem, pro-

sunt ómnia : détrahe cari-  
tátem, nihil prosunt cæ-  
tera.

**R.** Stola jucunditátis. 33\*.

IN III. NOCTURNO

**Homil. in Evang.** Si quis  
venit. **de Communi 1º loco.**  
35\*.

**Lect. ix. de Homil., et**  
**Commem. Fer. in Laud.**

**Vesp. a Capit. de seq.**

DIE XII

SANCTI TELESOPHORI

PAPÆ ET MARTYRIS

Duplex.

**Omnia de Comm. unius**  
**Mart. 26\*, præter seq.**

**Orat. Deus, qui nos. 27\*.**

**Et fit Commem. S. Anthé-  
ri, deinde Feriæ.**

IN I. NOCTURNO

**Lect. A Miléto. de Com-  
muni. 29\*.**

IN II. NOCTURNO

**Lectio iv.**

**T**ELÉSPHORUS, natiόne  
Græcus, pátria Thurién-  
sis in magna Græcia, ex  
presbýtero Románæ Ecclé-  
siæ (cujus dignum mini-  
strum égerat) Póntifex Má-  
ximus créatus est. Hoc su-  
prémum munus ita óbiit, ut  
exímíus Petri succéssor le-  
ctus esse viderétur. In ejus  
cáthedra sedit sub impera-  
tóre Antoníno Pio, fervénte  
persecutiόnis æstu. Qui ta-  
men non óbstitit, ne sédu-  
lam óperam regéndæ Chri-  
sti Ecclésiæ sollicitus na-  
várit.

**R.** Honéstum fecit. 32\*.



## Lectio v.

**H**INC novis decretis multa illum egrégie sancivisse légimus, quæ ad fidélium mores, Ecclesiasticórum libertátem, et sacros ritus áttinent : scilicet quadragesimále jejúnium, jam olim ab Apóstolis tráditum, novo edicto restaurásse; ac mandásse ut in Natáli Dómini sanctum Missæ sacrificium ter celebrarétur, média nocte, illucescén-te auróra, hora demum tértia post solis ortum; et constituísse ut sacræ Liturgiæ hymnus angélicus, Glória in excélsis Deo, adderétur.

**R.** Desidérium. 33\*.

## Lectio vj.

**E**DIXÍSSE quoque ne sacerdotes a pópulo argueréntur, ut sublimis órdis dignitatí consúleret. Ordinatione quadrúplici, mense Decémbri, creávit presbýteros duódecim, diáconos octo, episcopos trédecim per diversa loca. Cum áutem in propagánda fide ardentissimus esset, ac proinde idolórum sacerdotibus invísus, captus tandem cápitis abscissióne martyrium consummávit Nonis Januárii, et ejus corpus in Vaticáno sepúltum est.

**R.** Stola jucunditátis. 33\*.

## IN III. NOCTURNO

**Homil. in Evang.** Si quis vult. **de Comuni 2º loco.** 39\*.

**Lect. ix. de Homil., et**

**Commem. Feriæ in Laudibus.**

**Vesp. a Capit. de seq.**

## DIE XIII

**SANCTI GREGORII II.  
PAPÆ ET CONFESSORIS  
Duplex.**

**Omnia de Comm. Conf. Pont. 67\*, præter seq.**

**Oratio.** Da, quæsumus omnipotens Deus. 67\*.

**Et fit Commem. S. Telephori, deinde Fer.**

## IN I. NOCTURNO

**Lect. Fidélis sermo. de Comm. 69\*.**

## IN II. NOCTURNO

## Lectio iv.

**G**REGÓRIUS hujus nóminis secúndus, natione Romanus, patre Marcélló, anno Christi septingentésimo décimo quarto, mirábili totius cleri et pópuli concórdia, ad supréum Ecclésiæ cathólicæ pontificátum evéctus est. Hic a pueritia divino cúltoi addictus in Lateranénsi patriarchio, sub beáti Sérgii óculis et disciplina vixerat, subdiáconi primum, tum sacellárii múnere functus. Mox bibliothécæ cura illi crédita, ad diaconátus tandem órdis promotus, in régiam urbem, una cum sanctíssimo Papa Constantíno, proféctus est. Ibi ab imperátore de nonnúlhis capítibus interrogátus, cum sacrárum litterárum peritíssimus esset, et constantíssimus re-

rum ecclesiasticarum defensor, optima et catholica responsione principi satisfecit.

℞. Inveni David. 73\*.

Lectio v.

**U**RBIS mœnia contra Longobardorum excursiones aliqua ex parte reparavit. Aliquot basilicas temporum injuria collapsas restituit. Urbana monasteria fere deserta, et monachos in pristinam formam et disciplinam redégit. Imo post mortem Honestæ matris, paternam domum in ecclesiam et monasterium commutavit, quod multis prædiis instructum reliquit. Corbiniæ et Bonifacium, viros apostolico spiritu plenos, in Germaniam misit, ad prædicandum gentilibus Christi Evangelium, eosque sacris episcopatus infulis decoravit, postquam innúmeram paganorum multitudinem ab iis ad Christi fidem conversam fuisse accepisset. Ut omnes optimi pastores impleret, optimis legibus ecclesiasticam disciplinam et christianorum mores instruxit. Geminam synodum Romæ habuit, alteram adversus illicita conjugia, alteram adversus iconoclastas.

℞. Pósvi adjutórium. 73\*.

Lectio vj.

**I**EONEM Isaurum, sacrarum imaginum destructorem, variis epistolis ab illa hæresi removere, omnique illum officiorum genere

sibi demereri studebat; cum tamen hic ad sceleris cumulum, optimum Pontificem neci tradere ferro sexies, semel auro et muneribus corrumpere, quamvis frustra, tentasset. Luitprando, cum exarcho ad excidium Urbis properanti, sanctissimus Pontifex, Dei fretus præsidio, ad prata Nerónis occurrat, et piis monitis regis animum ita molliuit, ut non jam hostis, sed pius adorator ensem et coronam Principi Apostolorum obtulerit. Cum autem imperator destructionem machinaretur, eundem diro anathemate percussit, et inito cum Francis fœdere, ab impio molimine deterruit. Rebus demum præclare gestis, quibus maximis quibusque prædecessorum suorum æquiparatur, pie obiit in Domino, sexto pontificatus anno, et in basilica Vaticana conditus est.

℞. Iste est qui. 73\*.

IN III. NOCTURNO

Homil. in Evang. Homo peregre. de Comm. 1º loco. 75\*.

Lectio ix. de Homilia, et Commem. Feriæ in Laudibus.

DIE XIV

SANCTI AGATHONIS I.

PAPE ET CONFESSORIS

Duplex.

Omnia de Comm. Conf. Pont. 67\*, præter seq. (m. t. v.)



Orat. Da, quæsumus. 67\*.

Et fit Commem. S. Gregorii, Orat. Exaudi. 67\*; deinde Feriæ, postea S. Valentini, ut in Breviar.

IN I. NOCTURNO

Lect. Fidélis sermo. de Comm. 69\*.

IN II. NOCTURNO

Lectio iv.

**A**GATHO, natione Siculus, ex doctissimo ac sanctissimo monacho Romanus Pontifex creatus est, anno Christi sexcentesimo septuagesimo octavo. Vir summa humanitate, eximio animi candore, singulari morum suavitate et comitate præditus, cunctorum amans, cunctis amabilissimus; ita demum a natura et gratia comparatus, ut ad supremam illam dignitatem gerendam natus seu factus esse videretur.

℟. Inveni David. 73\*.

Lectio v.

**A**CCÉPTIS a Constantino Pogonato litteris ad Donum prædecessorem scriptis, pro convocando concilio œcumenico, ad diuturnum schisma tollendum, quo laborabat Ecclesia, et definiendas fidei controversias, quæ toto fere Oriente máximas tempestates atque ruinas excitarent, provinciâles synodos in Occidente haberi curavit, in quibus monothelitarum causa discuteretur, et damnarerentur errores.

℟. Pôsui adiutorium. 73\*.

Lectio vj.

**H**IS præmissis, Legatos suos, et concilii Romani, misit Constantinopolim cum binis litteris ad imperatorem, in quibus prædicta hæresi docte, fuse ac solide refutata, damnatisque primariis illius sectatoribus, Sérgio scilicet, Cyro, Paulo, Pyrrho, Petro et aliis, antecessores suos ab omni erroris labe immunes hucusque fuisse expressis verbis declaravit. Agathonis igitur auctoritate sexta synodus universalis congregata est, in qua iidem errores iidemque errantes damnati fuerunt. Demum cum tres annos et quinque circiter menses sedisset, pie obiit in Domino, et in basilica principis Apostolorum sepulturæ mandatus est.

℟. Iste est qui. 73\*.

IN III. NOCTURNO

Homil. in Ev. Homo peregre. de Communi 1<sup>o</sup> loco. 75\*.

Lect. ix. de Homil. Fer., ejus Commem. in Laud.; deinde S. Valentini, ut in Breviar.

DIE XVI

BEATI GREGORII X.

PAPÆ ET CONFESSORIS

Duplex.

Omnia de Comm. Conf. Pont. 67\*, præter seq Oratio.

**D**EUS, qui Ecclesiam tuam, beati Gregorii Confes-

sóris atque Pontificis reli-  
giónis zelo et apostólicis cu-  
ris amplificásti : ejus méritis  
et intercessióne concéde;  
ut fidei et sanctitátis nova  
semper incrementa susci-  
piat. Per Dóminum no-  
strum.

**Commem. sanctæ Marti-  
næ, deinde Fer.**

IN I. NOCTURNO

**Lect.** Laudémus viros glo-  
riosos. **de Comm. 2º loco.**  
79\*.

IN II. NOCTURNO

**Lectio iv.**

**G**REGÓRIUS décimus, Theál-  
dus seu Theobáldus án-  
tea nuncupátus, Placentiæ  
ad Æmiliæ fines nóbili vice-  
cómitum génere natus est.  
Adoléscens ecclesiásticæ mi-  
litiæ adscriptus, singulári  
nítuit honestáte morum vi-  
tæque munditia, nulla um-  
quam, ut créditur, criminis  
contagióne pollúta. In Gál-  
liam cum Jacóbo cardináli  
Pecorário Gregórii noni le-  
gáto proféctus, archidiácon-  
us Leodiénsis renunciátus  
est. Eo in Italiám redeúnte,  
theologiæ Parisiis óperam  
dedit, ac magistri munus  
adéptus, verbo et exémplo  
fidéles ac principes ad terræ  
sanctæ recuperatióem ve-  
heménter accéndit. In Sý-  
riam deinde peregrinátus,  
dum ibi sacram expediti-  
onem urgéret, a cardinálibus,  
Vitérbi Pontificis electi-  
onem in annum fere tértium  
protrahéntibus, in Petri se-

dem evéctus est, anno mil-  
lésimo ducentésimo septua-  
gésimo primo.

**R.** Invéni David. 73\*.

**Lectio v.**

**A**CCÉPTO Ptolemáide ele-  
ctiόνis decréto, in Itá-  
liam navigávit, ac Vitérbium  
se cóntulit, deínde Romam,  
ubi anno insequénte solé-  
mniter inaugurátus est. Ab  
ipso pontificátus exórdio ad  
generális concilii celebra-  
tióem curas et cogitatiónes  
omnes adjécit. Eo Lugdú-  
num Galliárum indicto, Mi-  
chaélem Palæólogum, Græ-  
córum imperatórem, tum  
álios christiános príncipes,  
et græcæ latinæque Ecclé-  
siæ præsules litteris aman-  
tíssimis invitávit, accersitis  
étiam eximiis doctrína et  
sanctitáte viris, uti sancto  
Thoma Aquináte in ipso iti-  
nere vita functo, sancto Bo-  
naventúra, sancto Philippo  
Benítio, beáto Albérto Ma-  
gno, Petro de Tarantásia,  
órdinis Prædicatórum, qui  
eidem in pontificátu suc-  
cæssit. Igitur œcuménicam  
sýnodum Patrum número  
ómniū frequentíssimam,  
cui præfuit Póntifex ipse,  
Græcis, ejurató schismate,  
ad Ecclésiæ unitátem recé-  
ptis, decrétis pro sacra ex-  
peditiõe subsidiis, editis-  
que plúribus sanctíssimis  
légibus, triméstri spátio fe-  
liciter celebrávit.

**R.** Pósuí adjutórium su-  
per. 73\*.



## Lectio vj.

**D**E pace in Ecclesiâ firmânda cum primis sollicitus, prælatorum dissidia, regum inimicitias, provinciarum odia, populorum factiones composuit, dirimit, exstinxit. Ecclesiæ iura, etiam adversus reges et principes, severe ac fortiter vindicavit, nullam esse prædicans solidiorem regnorum basim, quam tutelam ecclesiasticæ libertatis. Puperum amantissimus, primus omnium in apostolico palatio piarum in illos largitionum præsidem constituit, iisque propriis manibus pedes quotidie abluébat. In Italiâ a concilio redux, dum profectiõnem in Palæstinam meditatur, pluraque alia christianæ reipublicæ bono molirétur, Arétii in Etruria morte interceptus est, quarto ab electiõne sua anno, mense quarto, die décima. Fuit vir animi plane invicti et apostolici, terrenorum contemptu, cultus divini studio, fidei zelo, disciplinæ et morum restauratiõne, rerum gerendarum prudentia, fortitudine, magnanimitate, aliisque virtutibus prorsus eximius. Miraculis post mortem claruisse Ecclesiæ Arétinæ monuménta testantur.

℞. Iste est. 73\*.

## IN III. NOCTURNO

Homil. in Evang. Homo pègre. de Comm. 1<sup>o</sup> loco. 75\*.

Lectio ix. de Homil. et Commem. Feriæ in Laud. Vesp. a Capit. de seq.

## DIE XVII

## SANCTI HYGINI

PAPÆ ET MART.

## Duplex.

Omnia de Communi unius Mart. 26\*, præter seq.

Orat. Infirmiãtem. 27\*.

Et sit Commem. B. Gregorii, deinde Feriæ.

## IN I. NOCTURNO

Lect. A Miléto. de Communi. 29\*.

## IN II. NOCTURNO

## Lectio iv.

**H**YGINUS Atheniënsis, philosopho patre, cum jam Românæ Ecclesiæ præbyter esset, cleri suffragiis, Téléphoro suffectus est. Sedit in sancta Petri sede, imperatore Antonino Pio Augusto, annos tres, menses undecim, dies viginti octo. Ubi primum Põntifex renuntiatus est, clericorum ordines in suos gradus distinxit, ac fecit ut, in iis ecclesiis quas Titulos vocant, tum primarii ministri, tum alii eisdem subiecti adessent, qui fidelibus, cum res postulâret, sacra ministrarent.

℞. Honestum. 32\*.

## Lectio v.

**I**NSTITUIT etiam ne absque celebratiõne Missæ templa vel oratoria sacro ritu consecrarentur : ne inconsulto episcopo vel nova construerentur, vel jam construi-

cta destrueréntur, et ne matèries ad sacrum illum usum congèsta et destináta, in profános usus converterétur. Edixit prætèrea, ut patrini baptismo adèssent, qui de sacro fonte infántes levarent : ne quis episcopus reus criminis damnarétur, nisi a comprovinciálibus episcopis ejus cáusa probe discússa fuisset. Cuncta hæc ejus titulo ac nómine sancita exstant. Tres ordinationés hábuit mense Decémbri, in quibus creávit episcopos sex, presbýteros quindecim, diáconos quinque.

R. Desidérium. 33\*.

Lectio vj

**C**UM áutem páulo ante Justinus clarissimus philosophus et Christi Martyr scripsisset apologiam pro religióne christiána ad imperatórem Antonínium Pium Augústum, obtinuit ut persecútio desæviret. Hinc a Christianórum cæde, non quidem omnino, plúrimum tamen, público principis edicto, temperátum est. Sanctíssimo tamen Pastóri, cujus cura dominico gregi consúltum fúerat, párcitum non fuit; nempe hic glorióso martýrio, ne antecessóribus dissímilis esset, innocentissimam vitam terminávit, die undécima Januárii, et sepúltus est in Vaticáno.

R. Stola jucunditátis. 33\*.

IN III. NOCTURNO

Homil. in Evang. Si quis

venit. de Communi 1<sup>o</sup> loco. 35\*.

Lectio ix. de Homil., et Commem. Fer. in Laud.

DIE XX

S. CYRILLI ALEXANDRINI

EPISC. CONF. ET ECCL. DOCT.

Duplex. (m. t. v.)

In Breviar., die ix. Febr.

DIE XXV

(Vel XXVI. in anno bissextili.)

SANCTI FELICIS III.

PAPÆ ET CONF.

Duplex.

Omnia de Comm. Conf. Pont. 67\*, præter seq.

Orat. Da, quæsumus. 67\*.

Commem. Fer.

IN I. NOCTURNO

Lect. Fidélis sermo. de Comm. 69\*.

IN II. NOCTURNO

Lectio iv.

**F**ELIX tértius, pátria Romanus, natus ex nobilíssima domo Anícia, et divi Gregórii Magni átavus, post Simplicium Papam ad summi pontificátus ápicem est evéctus. Hic mira ánimi constantia, tamétsi Roma sub Hérulis ariánis propémódum captiva viderétur, aliique Patriarchæ conciliatió-nem Zenónis imperatóris approbássent, solus illi non communicávit. Ejúsdem de fide edictum promulgántis, audáciam fórtiter représsit, Petrum Fullónem patriarchátu Antiochéno dejécit. Acácium Constantinopolitá-



num episcopum Romam venire coëgit, ut contra eum objectis in apostolicæ Sedis iudicio responderet, ac in eundem sententia excommunicationis animadvertit.

**R.** Inveni David. 73\*.

**Lectio v.**

**C**ONSTITUITUR ecclesiæ non nisi ab episcopis consecrarentur; semel baptizatos iterum rebaptizari sub gravibus poenis prohibuit. Basilicam sancti Agapiti construxit. Anno ejus pontificatus tertio, sanctus Barnabas Apostolus, cum sancti Matthæi Evangelio, in Cypro Anthémio episcopo Salaminæ apparuit; sicque prævia trina revelatione, corpus sancti Barnabæ cum Evangelio supradicto est inventum. Duas fecit ordinationes mense Decembri, quibus creavit Romæ presbyteros viginti novem, diaconos quinque, episcopos per diversa loca triginta. Quinto Kalendas Martii e terris excedens, ad superiores evolavit.

**R.** Pôsui adjutórium. 73\*.

Sermo sancti Gregorii  
Papæ.

**Ex Homil. 38. in Evang.**

**Lectio vj.**

**Q**UIA nonnumquam mentes audientium plus exempla fidelium quam docentium verba convertunt, volo vobis aliquid de proximo dicere, quod corda vestra

tanto formidolosius audiant, quanto eis hoc de propinquo sonat. Neque enim res longe ante gestas dicimus; sed eas de quibus testes existunt, eisque interfuisse se referunt, memoramus. Tres pater meus sorores habuit, quæ cunctæ tres sacræ virgines fuerunt; quarum una Tarsilla, alia Gordiana, alia Æmiliانا dicebatur. Quadam vero nocte huic Tarsillæ (quæ inter sorores suas, virtute continuæ orationis, afflictionis studio, abstinentiæ singularis, gravitate vitæ venerabilis, in honore et culmine sanctitatis excreverat), sicut ipsa narravit, per visionem atavus meus Felix, hujus Romanæ Ecclesiæ antistes, apparuit, eique mansionem perpetuæ claritatis ostendit, dicens: Veni, quia in hac te lucis mansionem suscipio. Quæ subsequenti mox febre correpta, ad diem pervenit extremum: et sicut nobilibus feminis virisque morientibus multi conveniunt, qui eorum proximos consolentur, eadem hora ejus exitus multi viri ac feminae ejus lectulum circumsteterunt, inter quas mater mea quoque adfuit: cum sursum illa respiciens Jesum venientem vidit, et cum magna animadversione cepit circumstantibus clamare, dicens: Recedite, recedite, Jesus venit. Cumque in eum in-

ténderet quem vidébat, sancta illa ánima a carne solúta est: tántaque súbito fragrántia miri odóris aspérsa est, ut ipsa quoque suávitás cunctis osténderet illuc auctórem suavitátis venisse.

**R.** Iste est qui. 73\*.

IN III. NOCTURNO

**Homil.** in Evang. Homo pègre. de Comm. 1<sup>o</sup> loco. 75\*.

**Lect.** ix. de Homil., et Commem. Feriæ in Laudibus.

In II. Vesperis Commem. sanctæ Margaritæ Cortonensis, deinde Feriæ

DIE XXVI

(In bissextili XXVII.)

STÆ MARGARITÆ CORTONENSIS

PENITENTIS

Semiduplex.

Omnia ut in Supplem. 313\*.

FER. VI. POST DOM. I.

QUADRAG.

SS. LANCEÆ ET CLAVORUM

D. N. J. C.

**Duplex majus.**

Omnia ut in Suppl. 315\*.

FER. VI. POST DOM. II.

QUADRAG.

SS. SINDONIS D. N. J. C.

**Duplex majus.**

Omnia ut in Suppl. 321\*.

FER. VI. POST DOM. III.

QUADRAG.

SS. QUINQUE VULNERUM

D. N. J. C.

**Duplex majus.**

Omnia ut in Suppl. 328\*.

FER. VI. POST DOM. IV.

QUADRAG.

PRETIOSISSIMI SANGUINIS

D. N. J. C.

**Duplex majus.**

Omnia ut in Suppl. 333\*.

## FESTA MARTII

DIE II

SANCTI SIMPLICII

PAPE ET CONFESSORIS

**Duplex.**

Omnia de Comm. Conf. Pont. 67\*, præter seq.

**Orat.** Da, quæsumus. 67\*.

**Et fit Commemoratio Feriæ.**

IN I. NOCTURNO

**Lect.** Fidélis sermo. de Comm. 69\*.

IN II. NOCTURNO

**Lectio iv.**

**S**IMPLÍCIUS, Tiburtinus, patre Castório, próxime post sanctum Hilarum Románæ Ecclesiæ principátum suscepit, ac difficillimis temporibus (cum magna ex parte christiáni orbis cathólica fides, ob cunctos fere principes háresi inféctos, nutáret) summa vigilántia gubernávit. Leóni impera-



tóri peténti, ut rata haberéntur concessa ab episcopis sýnodi Chalcedonénsis ecclésiæ Constantinopolitánæ privilégia, veheméntius réstitit, misso étiam eam ob cáusam Constantinópolis suo legáto. Eádem pastoráli sollicitúdine plúrimum laborávit, ut Timótheus Ælúrus, Alexandrinæ ecclésiæ invásor, qui Constantinópolis libere degens, adnitebátur quam máxime propagáre háeresim, novúmque Zenónis imperatóris ópera cogi concilium, pellerétur in exsílium, sicque integritáti suæ Alexandrina redderétur ecclésia. Reliquórum item perduéllium pro nova sýnodo indicénda conátibus fórtiter óbstitit, ásserens nova concilia non fáciie convocánda, nisi cum áliquíd in pravis sénsibus novum, aut in assertióne dógmatum emersisset ambíguum.

R. Invéni David. 73\*.

Lectio v.

**D**AMNÁVIT íterum Petrum Moggum, álterum Alexandrinæ sedis invasórem, curávitque, ut ex urbe pellerétur, ne áliquos módicæ fidei inficeret, et ad perversitátis suæ factiónem pertráheret. Timótheo Solofaciolo, legítimo ejúsdem ecclésiæ antistiti, juxta prístinum institútum, per suos legátos erróris sui condonaciónem expeténti, idcirco quod timóre pertérritis

Dióscorum ad altáre nominásset, véniam impértiit. Antiochéni episcopi electiónem ad seditiónes vitándas Constantinópolis in concilii Nicæni præjudícium peráctam, ea lege ratam hábuit, ut deinceps, secúndum Patrum definitiónes, Orientali comprovinciálium episcopórum sýnodo creatio Antiochéni pontíficis reservarétur. Oblatiónes ecclésiæ ita partiéndas esse præcépit, ut una dumtáxat pórtio episcopo, una itidem clero, duæ vero in ecclésiæ fábricam et peregrínos ac páuperes erogaréntur. Zenónem episcopum Hispalénsem vicária Sedis apostólicæ auctoritáte fulcívít, ne apostólicæ institutiónis decréta et sanctórum términos Patrum in Hispániis transcéndi permitteret.

R. Pósuí. 73\*.

Lectio vj.

**S**TÁTUIT in Urbe hebdomadas, ut propter baptismum, et pœniténtiam peténtes, presbýteri quidem de regiône prima apud sanctum Páulum, de tértia apud sanctum Lauréntium, et de séptima apud sanctum Petrum manérant. Dedicávit basilicas sancti Stéphaní in Cœliomonte, sancti Andréæ Apóstoli juxta sanctam Mariám, item ália sancti Stéphaní juxta sanctum Lauréntium, ac postrémo sanctæ Bibiánæ Mártýris áliam

intra Urbem juxta palátium Liciniánum; itémque vasa complúra tum argétea, tum áurea Románæ cóntulit Ecclésiæ. Demum Zenóne imperatóre, et Odoácre Itáliæ rege, migrávit ad Dóminum. Hábit ordinatiónes tres mense Decémbri, quibus creávit presbýteros quinquaginta octo, diáconos úndecim, episcopos per divérsa loca triginta sex. Sacerdótium administrávit annos quíndecim, menses quinque, et dies decem.

**R.** Iste est qui. 73\*.

IN III. NOCTURNO

**Homil. in Evang.** Homo pègre. **de Comm. 1º loco.** 75\*.

**Lect. ix. de Homil., et Commem. Fer.**

DIE IV

SANCTI LUCII I.

PAPE ET MARTYRIS

Duplex.

**Omnia de Comm. unius Mart. 26\*, præter seq.**

**Orat.** Deus, qui nos. 27\*.

**Et fit Commem. Fer.**

IN I. NOCTURNO

**Lect. A Miléto. de Comuni.** 29\*.

IN II. NOCTURNO

**Lectio iv.**

**L**ÚCIUS Románus patre Porphýrio, post sancti Cornélii consummationem, Románæ Ecclésiæ episcopátum ténuit. Sanxit, ut duo presbýteri ac tres diáconi, ecclesiástici cáusa testimónii,

quovis loco episcopum non desérerent. Pacem lapsis dandam, et pœniténtia acta, communicatiónis fructum negándum non esse, Spíritu Dei plenus (ut sanctus Cypriánus scripsit), litteris suis significávit. Ob Christi fidem exsilio relegátus, et póstmodum ad Ecclésiám suam incólumis redire permíssus, tandem omni Ecclésiæ facultáte archidiácono suo Stéphano prius trádita, cápite truncátus est quarto Nonas Mártii, Gallo et Volusiáno principibus. Duas hábit ordinatiónes mense Decémbri, quibus presbýteros quátuor, episcopos per divérsa loca septem creávit. Ejus corpus primo via Appia sanctum Xystum, in cœmèterio Callisti sepúltum, inde a Pascháli Papa in sanctæ Cæciliæ titulum, una cum ejúsdem vírginis et sociórum corpóribus translátum, ibi sub sancto altári collocátum fuit.

**R.** Honéstum. 32\*.

De Epístola sancti Cypriáni Episcopi et Mátyris, et Collegárum ejus, ad sanctum Lúcium Papam et Mátyrem.

**Lectio v.**

**N**UPER quidem tibi, Frater caríssime, gratuláti sumus, cum te honóre gemínato in Ecclésiæ suæ administratióne Confessórem páriter et Sacerdótem constituit divína dignatio. Sed et



nunc non minus tibi et comitibus tuis, atque universæ fraternitati gratulamur, quod cum eadem glória, et laudibus vestris, reduces vos denuo ad suos fecerit benigna Dómini et larga protectio; ut pascendo gregi pastor, et gubernandæ navi gubernátor, et plebi regendæ rector redderetur: et appareret relegationem vestram sic divinitus esse dispositam, non ut episcopus relegatus et pulsus ecclésiæ deesset, sed ut ad ecclésiám major rediret. Neque enim in tribus pueris minor fuit martyrii dignitas, quia, morte frustrata, de camino ignis incólumes exierunt; aut non consummátus Dániel exstitit in suis laudibus, quia, qui leónibus missus fuerat ad prædam, protectus a Dómino vixit ad glóriam. In Confessoribus Christi dilata martyria non mérita confessionis minuunt, sed magnalia divínæ protectionis osténdunt.

*R. Desidérium. 33\*.*

*Lectio vj.*

**R**EPRÆSENTÁTUM vidémus in vobis, quod apud regem fortes atque illústres pueri prædicaverunt, ipsos quidem parátos esse ardere flammis, ne diis ejus servirent, aut imáginem quam fecerat adorarent; Deum tamen, quem colébant, quemque et nos colimus, poténtem esse, ut eos de camino

ignis eximeret, et de regis manibus ac de pœnis præsentibus liberaret; quod invenimus in confessionis vestræ fide, et in Dómini circa vos protectione nunc gestum; ut cum vos parati fuéritis et prompti omne subire supplicium, Dóminus tamen vos pœnæ subtraheret, et Ecclésiæ reserváret. Regrediéntibus vobis, breviata non est in episcopo confessionis suæ dignitas, sed magis crevit sacerdotális auctoritas, ut altári Dei assistat antistes, qui ad confessionis arma sumenda, et faciéndam martyria, non verbis plebem, sed factis cohortetur, et, imminente antichristo, paret ad prælium milites, non solum sermonis et vocis incitamento, sed fidei et virtutis exemplo.

*R. Stola jucunditátis. 33\*.*

IN III. NOCTURNO

*Homil. in Evang. Si quis vult post me venire. de Comm. 2º loco. 39\*.*

*Lectio ix. de Homil., et Commem. Feriæ in Laudibus.*

*In II. Vesp. Commem. seq. deinde Fer.*

DIE XV

SANCTI ZACHARIÆ

PAPÆ ET CONF.

Duplex.

*Omnia de Comm. Conf. Pont. 67\*, præter seq.*

*Oratio. Da, quæsumus omnipotens Deus. 67\*.*

In Quadrag. fit Commem.  
Fer. occur.

IN I. NOCTURNO

In Quadrag. Lect. Fidélis  
sermo. 69\*.

IN II. NOCTURNO

Lectio iv.

**Z**ACHARIÁS, natióne Græcus, patre Polychrónio, Gregório tertio ex hac luce subtrácto, ad beáti Petri Cáthedram est evéctus. Vir fuit mitissimi ingénii, miræ suavitátis et grátiae, cleri ac pópuli Románi amátor, ad iram tardus, ad misericórdiam et cleméntiam promptissimus, nulli malum pro malo reddens, sed vincens in bono malum; ádeo ut quos habúerat æmulos et inimicos, eósdem initio pontificátus honoribus et præmiis affécerit. Póntifex creátus, ut Itáliam armis Longobardórum vexátam suæ tranquillitati restitúeret, ad Luitprándum regem, Interámnæ degéntem, et legátos misit, et ipse proféctus est, ubi et oratiónis elegántia, et vitæ sanctitáte sic regem demúlsit, ut quas civitátes, óppida et patrimónia ab Ecclesiá abstúlerat, eidem restitúerit.

℞. Invéni David. 73\*.

Lectio v.

**S**ED et Ticinum usque proféctus eúmdem inflexit, ut a Ravennátum oppressiône cessáret. Rachimádiit, Perúsiam acri obsidióne preméntem, quem tanta ora-

tiónis majestáte permóvit, ut et ab omni oppugnatione desisteret, et religiónis amóre succénsus, régiam dignitátem et paludaméntum monacháli institúto et hábitu permutáret. Consúltus a Francis, regnum illud a Chinderico, viro stúpido et ignávo, ad Pipinum, pietáte et fortitúidine præstántem, auctoritáte apostólica tráns tulit. Multas sýnodos et concilia celebrávit, pro ecclesiásticæ disciplínæ restauratióne.

℞. Pósui adjutórium. 73\*.

Lectio vj.

**R**OMÆ ómnia loca sacra, aut reparávit, aut ditióra effécit. Sanctórum imágines vetustáte exolétas renovávit, et Lateranénse Patriarchium, quod magna in penúria invénerat, pene a novo restaurávit, ac multas reliquias ibi invéntas diversis ecclésiis distribuit. Paupéribus aléndis réditus assignávit. Bibliothecam sancti Petri constrúxit, basilicam sancti Geórgii in Velábro cón didit; ædificávit et oratórium divæ Cæcilie via Tiburtina. Clerum valde diléxit, et donatívum singulis presbýteris et diáconis erogávit. Sancti Gregórii Dialogórum libros in græcum tráns tulit, rebúsque váriis pro Ecclesiæ utilitáte non minus pie quam prospere gestis, sanctitátis láurea est coronátus. ℞. Iste est. 73\*.



## IN III. NOCTURNO

Homil. in Evang. Homo  
péregre. de Comm. 1º loco.  
75\*.

In Quadrag. Lect. ix. de  
Homil., et Commem. Feriæ.

## DIE XVIII

## SANCTI GABRIELIS

ARCHANGELI

Duplex majus.

Omnia ut in Suppl. 345\*.

## DIE XX

## S. CYRILLI HIEROSOLYMITANI

EPISCOPI, CONFESSORIS

ET ECCLESIAE DOCTORIS

Duplex. (m. t. v.)

In Brev., xvij. Mart. 469.

## DIE XXVIII

## SANCTI XYSTI III.

PAPÆ ET CONF.

Duplex.

Omnia de Comm. Conf.  
Pont. 67\*, præter seq.

Orat. Da, quæsumus. 67\*.

Et fit Commem. Feriæ in  
Quadrag.

## IN I. NOCTURNO

In Quadrag. Lect. Fidélis  
sermo. 69\*.

Post Pasch. de Script. oc-  
currente.

## IN II. NOCTURNO

## Lectio iv.

**X**YSTUS hujus nómis tér-  
tius, pátria RománuS,  
filius Xysti, defúncto sancto  
Cælestino, Románæ Ecclé-  
siæ episcopus præficitur, to-  
tius Urbis pace et consen-  
sione mirábili. Eum adhuc  
presbyterum sanctus Augu-

stinus exímie commendávit,  
tum quod prior anathéma  
Pelagiánis in pópulo fre-  
quentissimo pronuntiárit,  
tum quod suis quoque scri-  
ptis advérsus eórum erró-  
rem veheménter pugnárit.  
Ut áutem Románi sacerdoti-  
i gubernácula suscepit, decre-  
tum Ephesinæ sýnodi advér-  
sus Nestórium hábitum, volú-  
mine describens, ad Orién-  
tis et Occidéntis dedit Ec-  
clésiás, confirmans, duábus  
in Christo manéntibus per-  
fekte natúris, unam Filii Dei  
credéndam esse persónam.  
Qua de re, et ad Nestórium  
ipsum, et ad Oriéntis epi-  
scopos, ad ejus errórem  
succidéndum senténtias di-  
rèxit, hæc inter cætera scri-  
bens Antiochéno episcopo :  
Nihil ultra liceat novitati,  
quia nihil addi cónvenit ve-  
tustati : perspicua majórum  
fides, et credúlitas, nulla  
cœni permixtione turbétur.

¶ Invéni David. 73\*.

## Lectio v.

**I**S a beáto Petro Apóstolo  
sibi per visum apparénte,  
una cum sancto Apollináre  
ejus discipulo, primo Ecclé-  
siæ Ravennátis episcopo,  
quem ejúsdem Ecclésiæ Pon-  
tificem ordináre debéret, ad-  
mónitus, Petrum ecclésiæ  
Forocorneliénsis diáconum,  
præter Ravennátum sentén-  
tiam, illis præfécit anti-  
stitem, quem cognomento  
Chrysológum admirándamo-  
rum sanctitúdo et doctrína

insignis mirificè commendârunt. Cum áutem Xystus Ecclésiæ prædium abnúerit alienári, studerétque sublevâre gravátos, ódium in se convértit Anícii Bassi excónsulis, et Mariniáni patricii, a quibus turpi calúmnia exagitátus, sponte vóluit suam in sýnodo cáusam judicári. Itaque in basilica Heleniána, quæ dicitur Sessorianum Atrium, quinquaginta sex episcopórum concilio coácto, præsenté Valentiniáno imperatóre, cum univérso clero atque senátu, Xystus declarátus est innocens, Bassus vero et Mariniánus calumniatóres damnáti atque proscripti, bonis præterea Bassi Ecclésiæ adjudicátis : quem intra tres menses divína ultióne defúntctum, Xystus reddens bona pro malis, cum lintheamínibus et aromátibus mánibus ipse contréctans, recóndidit, sepelivítque apud beátum Petrum Apóstolum, in sepúlcro majórum suórum.

Ŕ. Pósui adjutórium. 73\*.

Lectio vj.

**V**ENERÁNDUS hic Póntifex complúra in Urbe magnífica præstitit; nam argentea et áurea vasa possessionésque complúres ecclésiis cóntulit. Refécit basilicam

sanctæ Mariæ Majóris ad Præsépe, quam et metállis áureis sacrisque imaginibus decorávit. Fecit et in Constantiniána basilica ornaméntum supra fontem, quod ántea non erat; nam marmórea epistýlia et porphyréticas columñas, quas Constantinus Augústus congregátas dimiserat, érigi curávit ac vèrsibus exornávit. Ejus item rogátu, Valentiniánus Augústus argénteum fastigium a bárbaris sublátum, in eádem Constantiniána basilica restituit : cujus imperatóris et Theodósii principátu Xystus viam univèrsæ carnis ingrèssus quiévit in Dómino, sepultúsque est via Tiburtína, in crypta juxta corpus sancti Lauréntii Mártiris. Una ordinationémense Decémbri creávit presbýteros vigínti octo, diáconos duódecim, episcopos per diversa loca quinquaginta duos, et rexit Ecclésiám annos septem, menses úndecim.

Ŕ. Iste est qui. 73\*.

IN III. NOCTURNO

Homil. in Evang. Homo péregre. de Comm. 1º loco. 75\*.

In Quadrag., Lect. ix. de Homil., et Commem. Feriæ.



## FESTA APRILIS

DIE VI

SANCTI XYSTI I.

PAPÆ ET MART.

Duplex.

Omnia de Comm. unius Mart. 26\*, vel 42\*, pro temporum varietate, præter sequentia.

Orat. Infirmi-tatem. 27\*.

Commem. Feriæ in Quadrag.

IN I. NOCTURNO

In Quadrag. Lect. A Miléto. 29\*.

Post Pascha, de Script. occurrente.

IN II. NOCTURNO

Lectio iv.

**X**YSTUS hujus nóminis primus, Romá-nus ná-tió-ne, de región-e Urbis séptima, quæ Via lata dicta est, patre Pastóre génitus, in locum Alexándri primi, Románi Pontíficis, nobilíssimo mar-týrio coronáti, totius cleri suffrágiis sufféctus, suprém-o illo múnere egrégie et summa cum láude perfúntus est annis novem, ménsibus decem, diébus octo, sub imperatóribus Adriáno et Antoníno Pio Augústis.

℞. Honéstum. 32\*, vel Lux perpétua. 44\*.

Lectio v.

**N**ONNÚLLA ad disciplinam ecclesiásticam pertinéntia prudentissime státuit, scilicet, ne sacra vasa et mi-

nistéria ab áliis qui sacri ministri non essent, con-trectaréntur; ne sacrum cor-porále, ut vocant, ex ália quam línea matéria fieret; ut sacrum triságium in Missa pópulus decantáret; et ne ullus epíscopus Romam evo-cátus, ad suam deinde diœ-césim rédiens susciperétur, nisi litteris apostólicis, quas formátas et canónicas an-tíqui vocábant, munitus es-set.

℞. Desidérium. 33\*, vel In servis suis. 45\*.

Lectio vj.

**T**RES ordinationes mense Decém-bri pro more fecit, in quibus creávit epíscopos quátuor pro diversis locis, presbýteros úndecim, diá-conos tres. Vir revéra sin-gulári vitæ sanctimónia, in-credibili morum facilitáte, exímia in páuperes libera-litáte, frequéntibus étiam insígnis miráculis, illústri tandem martýrio coronátus, octávo Idus Aprilis, et se-púltus in Vaticanó.

℞. Stola jucunditátis. 33\*, vel Filiæ Jerúsalem. 45\*.

IN III. NOCTURNO

Homil. in Evang. Si quis venit. de Communi 1º loco. 35\*, vel Ego sum vitis vera. 45\*.

In Quadrag. Lect. ix. de Homil. et Commem. Fer. in Laud.

## DIE VII

## SANCTI CÆLESTINI I.

PAPÆ ET CONF.

Duplex.

Omnia de Comm. Conf.

Pont. 67\*, præter seq.

Orat Da, quæsumus omnipotens. 67\*.

Et fit Commem. præced.,  
deinde Feriæ in Quadrag.

## IN I. NOCTURNO

In Quadrag. Lect. Fidélis  
sermo. 69\*.Post Pascha, de Script.  
occur.

## IN II. NOCTURNO

## Lectio iv.

CÆLESTINUS Romānus Pri-  
sci filius, sancto Boni-  
fácio sine ulla plebis discis-  
siōne subrogātus, Romānæ  
Ecclésiæ præsedī episco-  
pus. Hic venerābilis Pōntifex  
(cui ad Ecclésiæ catholice  
præsidium multa Dōminus  
gratiæ suæ dona largitus est),  
sciens damnātis non exāmen  
iudicii, sed solum pœnitén-  
tiæ remēdium esse præstān-  
dum, Cælestium, primā-  
rium Pelágii discipulum,  
suam, quasi non discusso  
negótio, audiētiā postu-  
lāntem, totius Italiæ finibus  
jussit extrūdi. Nec segniōre  
cura ab hoc eōdem morbo  
Britānnias liberāvit, quando  
quosdam inimicos gratiæ,  
solum suæ originis occu-  
pāntes, etiā ab illo secrēto  
exclūsit Océani. Quamóbrem  
sancto Germāno Antissiodo-

rēnsi episcopo illuc vice sua  
misso, ordinatōque Scotis  
episcopo Palládio, qui Ro-  
mānæ Ecclésiæ diāconus  
erat, dum Romānam insu-  
lam stūduit servāre cathóli-  
cam, fecit etiā bárbaram  
christiānam.

Inveni David. 73\*.

## Lectio v.

CUM autem Nestórius Con-  
stantinopolitānus episco-  
pus, novum Ecclésiæ mo-  
lirétur errórem indúcere,  
prædicans Christum ex Ma-  
ría hómīnem tantum, non  
etiā Deum natum, eique  
divinitātem collātam esse  
pro méritis; ejus impietāti  
sua Cælestinus auctoritāte  
ácrius repugnāvit. Quare  
sancto Cyrillo episcopo Ale-  
xandrino suas vices delegā-  
vit, ut, nisi decem diērum  
intervállo Nestórius resipi-  
sceret, in illum sentēntiam  
ferret. Verum cum Nestó-  
rius id pertinācius recusās-  
set, magisque crevissent dis-  
sensióes ac tumúltus, apud  
Ephesum tértia œcuménica  
sýnodus est congregāta, in  
qua Cælestinus per suos le-  
gātos præsedī: quibus suo  
commonitório eos límites  
præscripsit, ut de episco-  
pórum sentēntiis judicārent,  
certāmen non subīrent. Ita-  
que in ea sýnodo Nestórius  
cum hæresi nóminis sui, et  
cum multis Pelagiānis, qui  
cognātum erróri suo dogma  
juvābant, damnātus est.

Pósui adiutorium. 73\*.



## Lectio vj.

**P**ER suas litteras eórum sacerdotum superstitionem Cælestinus redárguit, qui vèteri dimisso hábitu, amicti pállio, lumbósque præcincti, in ecclésia ministrabant. Cavit prætérea, ne ulli in morte última negarétur pœniténtia; neve ex láicis vel criminósus ad episcopátum áliqui promoveréntur: itémque ne metropolitánus in aliéna província áliquid præsumeret, et ne in creándis episcopis, extránei eméritis in sua ecclésia cléricis præponeréntur. Instituit, ut ex ómnibus centum quinquaginta Psalmis, ante sacrificium antiphonátim psallerétur. Dedicávit basilicam Júliam, propriúmque suum cœmetérium pictúris decorávit, variaque ad ecclésiæ ornátum dona óbtulit. Qui cum tribus ordinationibus mense Decémbri creáset presbýteros trigínta duos, diáconos duódecim, episcopos per divérsa loca quadraginta sex, obdormívit in Dómino, octávo Idus Aprílis, sepultúsque est in cœmetério Priscíllæ via Salária, Theodósio et Valentiniáno imperántibus. Sedit annos octo, menses quinque et dies tres.

℞. Iste est qui. 73\*.

## IN III. NOCTURNO

Homil. in Evang. Homo pègre. de Communi 1<sup>o</sup> loco. 75\*.

In Quadrag. Lect. ix. de Homilia et Commem. Feriæ in Laud.

## DIE XII

## SANCTI JULII I.

## PAPÆ ET CONF.

## Duplex.

Omnia de Comm. Conf. Pont. 67\*, præter seq.

Orat. Da, quæsumus. 67\*.

Commem. Feriæ in Quadrag.

## IN I. NOCTURNO

In Quadrag. Lect. Fidélis sermo. 69\*.

Post Pascha, de Script. occur.

## IN II. NOCTURNO

## Lectio iv.

**J**ÚLIUS RománuS Rústici filius, post beátum Marcum ad summum pontificátum evéctus, vitæ sanctitaté et stúdio asseréndæ fidei christiánæ insigniter elúxit. Grassabátur per Oriéntem ariánæ hæresis impietas, multique sanctissimi episcopi e suis sédibus exsuláre cogebántur, quos ille, præsertim sanctum AthanásiuS, humanissime excépit, et constantissime contra adversários deféndit. Týriam et Antiochénam sýnodum, ut Nicænam abolérent fidem, ab Ariánis coáctam condemnávit, et Romæ duo concilia convocávit, in quibus éxsulum episcopórum querélas excépit, et innocéntiam declarávit.

℞. Invéni David. 73\*.

## Lectio v.

**C**ONSTÁNTI Augústo religio-  
síssimo principi, per  
Occidéntem imperánti, au-  
ctor fuit ut Constántium fra-  
trem, Arianórum fautórem,  
in Oriénte regnántem, pré-  
cibus et minis ad revocán-  
dum ab exsilio Athanásium  
permovéret. Dolósam fidei  
fórmulam ab Eusebiánis,  
Arii sectatóribus, in secúnda  
sýnodo Antiochéna concé-  
ptam rejécit, et magnum  
Sardicénse concílium ex Oc-  
cidéntis et Oriéntis episco-  
pis indixit, missisque legá-  
tis, multa ibídem pro fide  
cathólica et disciplína eccle-  
siástica restituénda utiliter  
constituit.

**R.** Pósui adjutórium. 73\*.

## Lectio vj.

**P**RÆTER hæc, basilícas  
duas in Urbe exstrúxit,  
sacrisque pictúris exorná-  
vit, unam juxta Forum Ro-  
mánum, álteram in via Fla-  
minia. Tria ædificávit cœ-  
metéria, unum in eádem  
via Flaminia, álterum in via  
Aurélia, tértium in Por-  
tuénsi. Constituit ne sacér-  
dos álibi quam apud júdicem  
ecclesiásticum cáusam dice-  
ret, jussítque ut ómnia ad  
rem ecclesiásticam spectán-  
tia per protonotárium con-  
ficeréntur instruménta. Tri-  
bus ordinatiónibus mense  
Decémbri creávit diáconos  
tres, presbýteros decem et  
octo, episcopos novem.  
Postquam Dei Ecclesiám

sanctíssime rexisset annis  
quíndecim, ménsibus quin-  
que, diébus septémdecim,  
pridie Idus Aprilis feliciter  
migrávit ad Dóminum, se-  
púltus in cœmetério Calepó-  
dii. Inde translátæ reliquiæ  
ad ecclesiám sanctæ Mariæ  
trans Tiberim ab ipso ampli-  
ficátam, sub altári majóri  
honorífice recónditæ sunt.

**R.** Iste est qui. 73\*.

## IN III. NOCTURNO

**Homil. in Evang.** Homo  
pégre. **de Communi 1º lo-  
co.** 75\*.

**In Quadrag. Lect. ix. de  
Homil., et Commem. Feriæ.**

## DIE XVI

S. BENEDICTI JOSEPHI LABRE

CONFESSORIS

**Duplex.**

**Omnia ut in Suppl. 358\*.**

## DIE XVII

S. ANICETI PAPÆ ET MART.

**Duplex.**

**Omnia de Communi Mart.**  
26\*, vel 42\*, pro temp. va-  
rietate, præter seq.

**Orat.** Deus, qui nos. 27\*.

## IN I. NOCTURNO

**In Quadrag. A Miléto. de  
Comm. 29\*. Temp. Pasch.  
de Script. occur.**

## IN II. NOCTURNO

**Lectio iv.**

**A**NICÉTUS Syrus, impera-  
tóre Marco Aurélio An-  
tonino, præfuit Ecclesiæ.  
Decrévit ne clérici comam  
nutrissent. Quínuies mense  
Decémbri ordinávit presbý-



teros decem et septem, diáconos quátuor, episcopos per diversa loca novem. Vixit in pontificátu annos octo, menses octo, dies viginti quátuor. Propter Christi fidem martyrio coronátus, sepúltus est via Appia in cœmetério quod póstea Callisti appellátum est, décimo quinto Kaléndas Maias.

**R.** Lux perpétua. 44\*, **vel** Honéstum. 32\*.

**Lect. v.** Pastor bonus. (**mutato nomine**), **Lect. vj.** Nam et apud hæreticos. **ut die xj. Februarii.** 415\*.

IN III. NOCTURNO  
Léctio sancti Evangélii secúndum Joánnem.

**Lectio vij. Cap. 16.**

**I**N illo témpore : Dixit Jesus discipulis suis : Amen, amen dico vobis, quia plorábitis et flébitis vos, mundus áutem gaudébit. Et reliqua.

Homília sancti Joánnis  
Chrysóstomi.

**Homil. 78. in Joann.**

**U**T osténderet post tristitiam gáudium secutúrum, naturále addúcit exéplum. Múlier, cum parit, tristitiam habet; qua parábola in calamitátibus prophétæ usi sunt; quasi dicat : Dolóres capiétis, sed quales partus, qui lætitiæ cáusa sunt. Simul et resurrectiónem confirmat, indicans óbítum suum perinde esse, ac si ex útero matris in lucem pródeat, quasi dicat : Nolite admirári, si per hanc tristi-

tiam ad óptima vos ducam, nam et mater in pariéndo sic per tristitiam transit.

**R.** Ego sum vitis vera. 46\*, **vel** Coróna aúrea. 35\*.

**Lectio viij**

**S**IGNÍFICAT áutem hic et mystérium quoddam, quod mortis dolóres sólverit, et novum hóminem regenerári fécerit. Neque dixit tantum tristitiam transitúram, sed magnitúdine lætitiæ succedénte, nihil ejus pénitus remansúrum. Ita erit sanctis. Atqui non própterea gáudet múlier, quia venit homo in mundum, sed quod filium péperit. Nam si id esset, nihil prohibéret, quin, quæ non páriunt, áliis pariéntibus gaudérent.

**R.** Cándidi. 46\*, **vel** Hic est. 36\*.

**Lectio ix.**

**Q**UA ergo grátia sic inquit? quia ad hoc solum addúxit exéplum, ut post brevem tristitiam perpétuum gáudium secutúrum, et se ad vitam transférri, et magnum malórum lucrum osténderet. Et non dixit, péperit filium : sed quia venit homo in mundum, ubi suam significat resurrectiónem, et non morti illi, sed regno parturiéndum. Ideo non dixit, quia natus est filius, sed homo. Et vos nunc quidem tristitiam habétis : íterum áutem vidébo vos, et gaudébit cor vestrum : inde quod non ámplius moriétur,

inquit, et gáudium vestrum nemo tollet a vobis.

**Extra Temp. Pasch., Homil.** Si quis. **de Comuni** 2<sup>o</sup> loco. 39\*.

DIE XIX

SANCTI LEONIS IX.

PAPÆ ET CONF.

**Duplex.**

**Omnia de Comm. Conf. Pont.** 67\*, **præter seq.**

**Orat.** Da, quæsumus. 67\*.

IN I. NOCTURNO

**Lect. de Script. occur.**

IN II. NOCTURNO

**Lectio iv.**

**L**EO hujus nóminis nonus, Lex nobili Francórum própápia oriúndus, Dagsburgénsis comes, ac Tullénsis episcopus, Bruno ántea dictus, ómnium cardinálíum suffrágiis, ac commúni fidélium gratulatióne, ad sanctissimam Petri sedem évectus est, et in ea sedit annis quinque, duóbus ménsibus, diébus octo. Vir omni virtútum gènere et sacra doctrina exímíus, ut Apostólicum hoc munus impléret, nullis labóribus, nullis sumptribus, nullis incómodis pepércit.

**R.** Invéni David. 73\*.

**Lectio v.**

**G**ERMÁNIAM et Itáliam sáepius, Gállíam semel visitávit. Hábuít novem concíliá, Rhemis, Mogúntiæ, Vercéllis, Papiæ, Romæ, ad restaurándos Christianórum mores. Multas litteras ad

imperatóres, reges, patriárchas, episcopos, zelo ac pietáte flagrántes scripsit. Legátos ad imperatórem Constantinopolitánum, pro reductiÓne Græcórum, semel atque iterum misit; Berengárium hæréticum semel iterúmque damnávit, et Michaélem Cerulárium patriárcham, insígnem schismáticum, anathémate pérculit.

**R.** Pósuí adjutórium. 73\*.

**Lectio vj.**

**D**UM Romæ ágeret, ter in hebdómada a sacrosáncta ecclésia Lateranénsi ad Vaticanam, nudis pédibus, noctu, orans et psallens pergébat. Principi Apostolórum décimam oblatiÓnum partem sibi de more competéntem, pontificio diplómate cessit. Patrimónium suum próprium in erectiÓnem monastérii impéndit : unde étiam quotánnis pecúnia submitterétur in sumptus rosæ áureæ, quam Románi Pontífices antiquo et solémni ritu benedicunt. In páuperes et peregrínos effúsam liberalitátem exércuit. Sub leprosi forma et hábitu Christum aliquándo próprio lecto excépit. Dénique multis pro Ecclésia labóribus exantláti, óbiit die décima nona Aprilis, anno millésimo quinquagésimo quarto, ante et post mortem multis miráculis clarus, ac sepúltus est in Vaticanó.

**R.** Iste est. 73\*.



IN III. NOCTURNO

**Homil. in Evang.** Homo pègre. **de Comm. 1<sup>o</sup> loco.** 75\*.

DIE XXVII

SANCTI ANASTASII I.

PAPÆ ET CONF.

Duplex.

**Omnia de Communi Conf.****Pont. 67\*, præter seq.****Orat.** Da, quæsumus. 67\*.

IN I. NOCTURNO

**Lect. de Script. occur.****In Fer. II. et IV. Rogat..****Lect.** Fidélis sermo. 69\*.

IN II. NOCTURNO

**Lectio iv**

**A**NASTÁSIUS Románuſ filius Máximi, Sirício vita functo, Románæ Ecclésiæ est ordinátus episcopus; quo eam præcláre regénte, de Oriéntis pártibus hæreticórum Origenistárum sæva tempéstas simplicitátem fidei, quæ Apóstoli voce laudáta est, pollúere et labefactáre conáta est. Sed vir ditissimæ paupertátis et apostólicæ sollicitúdinis Anastásius statim nóxium perculit caput, et sibilántia hydræ ora compéscuit, latitantésque in fóveis suis hæreticos persecútus, suis in Occidénſe litteris damnávit, quod erat in Oriénſe damnátum. Nec illi umquam cura defuit Evangélii fidem circa suos custodire pópulos, partésque pópuli sui, per quæque spátia divérſa terrárum

diffúſas, quantum póterat, litteris convenire, ne qua profánæ interpretatiónis origo subréperet, quæ devótas ánimas immissa sui caligine labefactáret.

**R.** Invéni. 73\*.**Lectio v.**

**A**D eum, atque Venérium, Mediolanénsis ecclésiæ sacerdotem, Africána sýnodus episcopum legátum destinávit, ut eidem Africánæ ecclésiæ sacris ministris máxime indigénti, subvenirétur, ne in divérsis pene emórtuis plébibus (in quibus nec unus quidem diáconus, vel litterátus reperiebátur) innumerábiles ánimæ perirent. Ad eóſdem Africános episcopos epístolam misit Anastásius, patrénæ et fraténæ caritátis sollicitúdine et sinceritáte eos adhórtans, ut hæreticórum et schismaticórum Donatistárum insidiis et improbitátibus (quibus Africánam ecclésiám cathólicam vexábant) nullo modo dissimulárent. Hujus item sancti Pontíficis auctoritáte factum est, ut Donatistæ episcopi, seu quilibet clérici, quantum ad ecclesiástica officia pertinéret, sic in cathólicam susciperéntur unitátem, quemámodum expedire viderétur iis, quorum salúti per eórum consulebátur officium vel exercéndum, vel omiténdum.

**R.** Pósui adjutórium. 73\*.

## Lectio vj.

**C**ONSTITUIT nullatenus transmarinum hominem in clericatus honorem sine quinque episcoporum chirographo suscipiendum. Itemque sancivit, ut quotiescunque sancta recitarentur Evangelia, sacerdotes non sederent, sed curvi starent. Fecit in Urbe basilicam Crescentianam in regione secunda, via Mamertina. Duabus ordinationibus, mense Decembri, creatis presbyteris octo, diaconis quinque, episcopis per diversa loca decem, quievit in pace, sepultusque est in coemeterio suo ad Ursum Pileatum, sub

Arcadio et Honorio : quem (ut sanctus Hieronymus scribit) diu Roma habere non meruit, ne orbis caput sub tali episcopo truncaretur : imo idcirco raptus est atque translatus, ne semel latam sententiam precibus suis flectere conaretur ; nam haud multo post ejus obitum, Roma a Gothis capta atque diruta fuit.

¶. Iste est qui. 73\*.

IN III. NOCTURNO

Homil. in Evang. Homo peregre. de Comm. 1<sup>o</sup> loco. 75\*.

In Feria II. et IV. Rogat., Lect. ix. de Homil., et Commem. Fer. in Laud.

## FESTA MAII

DIE III

INVENTIONIS SANCTÆ CRUCIS

Duplex 2. classis.

Omitt. ix. Lect., et dividit. viij. in duas ad ¶ Intendat.

In Oratione pro Commem. SS. Martyrum, omittitur nomen Alexandri.

DIE VII

SANCTI BENEDICTI II.

PAPÆ ET CONF.

Duplex.

Omnia de Communi Conf. Pont. 67\*, præter seq.

Orat. Da, quæsumus. 67\*.

IN I. NOCTURNO

Lect. de Script. occur.

In Feria II. et IV. Rogat.,

Lect. Fidelis sermo. 69\*.

IN II. NOCTURNO

Lectio iv.

**B**ENEDICTUS hujus nominis secundus, Romanus genere, patre Joanne ortus, post Leonis secundi obitum ad munus Apostolicum assumptus est, anno Christi sexcentesimo octogésimo quarto, et supremum christianæ reipublicæ clavum novem circiter menses tenuit, dignissimus certe, qui diutius teneret, cum a primis pueritiæ annis se totum ecclesiasticis ministeriis addixisset, ac sedulam divinis litteris et sacræ psalmodiæ operam navasset.

¶. Inveni David. 73\*.



## Lectio v.

**H**IC non uno dumtaxat nomine, verum etiam cælestis benedictionis grátia et sanctæ conversatiónis exemplo Benedictus, mansuétus, mitis et húmilis, insignis etiam patientiæ, et páuperum amantissimus, in quos larga manu réditus Ecclésiæ profúdit. Ad restaurándam quoque ac exornándam Principis Apostolorum basilicam, aliásque Urbis ecclésiass, ánimum et manum applicuit, in quo multa aureórum millia pie consúmpsit.

**R.** Pósui. 73\*.

## Lectio vj.

**M**IRÍFICO etiam conservándæ et propagándæ religiónis zelo flagrávit. Macárium patriárcham Antiochénum, a sexta sýnodo propter hæresim depósitum, ad saniórem mentem redúcere summo stúdio laborávit. Scriptis etiam ad episcopos Hispaniæ litteris, eósdem mónuit ut declarárent apértius et sánius, quæ de voluntáte Dei et tribus Christi substántiis ante scripserant. Constantinus vero imperátor tanto illum amóre et honóre prosecútus est, ut et capillos suórum filiórum, in signum observántiæ, illi obtúlerit. Sancto tandem fine quiévit, et sepúltus est in Vaticanó. **R.** Iste est. 73\*.

## IN III. NOCTURNO

**Homil. in Ev.** Homo pégre. **de Comm. 1<sup>o</sup> loco.** 75\*.

## DIE XI

## SANCTI ALEXANDRI I.

PAPÆ ET MARTYRIS

## Duplex.

**Omnia de Comm. unius Mart. Temp. Pasch. 42\*, præter seq.**

**Orat.** Infirmitátem nostram respice. 27\*.

## IN I. NOCTURNO

**Lect. de Script. occur.**

**In Fer. II. et IV. Rogati.**

**Lect. A Miléto.** 29\*.

## IN II. NOCTURNO

## Lectio iv.

**A**LEXÁNDER RománuS ex patre Alexándro, de vico Caput Táuri, júvenis quidem ætáte, sed sanctitáte incomparábilis et fide clarissimus, post Evaristum sedem Apostólicam obtinuit. In memóriam passiónis Christi, primus in sacrificio Missæ áddidit : Qui pridie quam paterétur ; usque ad ea verba : Hoc est Corpus meum. Instituit ut tantúmmodo panis et vinum in mystério offerretur, atque in consecratióne córporis et ságuinis Dómini vinum aqua miscerétur, propter ságuinem et aquam, quæ ex Jesu Christi látere profluxérunt. Idem decrevit, ut aqua benedicta sale admíxta, sacris précibus interpósitis, tam in templis quam in cubiculis, ad fugándos dæmónes perpétuo asservaretur. Cum autem esset christiánæ religiónis ferventissimus prædi-

cátor, dum vixit, mirum in modum in hoc diligens fuit, ut doctrina vitæque exemplo, quoscúmque posset, ad veram Christi religiõnem perdúceret.

**R.** Lux perpétua. 44\*.

**Lectio v.**

**C**UM igitur multis Romæ, ut, abjuráta falsa religiõne, veram fidem susciiperent, persuasisset, senatóres áliquot, et Hermétem Urbis præfèctum, cum uxóre, filiis, soróre, ac tota domo, Jesu Christo péperit. Quam ob rem accusátus, quod Christiánus esset, ex princípis edicto captus, et in cárcerem conjéctus, ibídem diu, quod a cristiánæ fidei professiõne recédere nollet, deténtus est. Cum áutem vinctus tenerétur, púeri ministério, qui facem ardéntem præferébat, prodigiõse intempéstæ noctis siléntio, e cárcere ad domum Quirini tribúni, ubi beátus Hermes Urbis præfèctus, páulo ante captus, in custódia servabátur, edúctus, primum filiam ejus Balbinam ægram sanávit, deinde patrem Quirinum miráculo attónitum, et ad Christum tradúctum, cum filia baptismi lavácro ábluit. Hinc vero factum est, ut Quirinus iis ómnibus, quotquot pro fide Christi vinctos habébat, libertátem abeúndi concésserit. Erant inter illos Evéntius et Theodúlus, qui sancto Alexándro

adjúnci, exire de cárcere noluérunt, sed Deo láudes persolvéntes martýrii palmam constánter exspectáruni.

**R.** In servis suis. 45\*.

**Lectio vj.**

**E**x his sanctus Alexánder primum ab Aureliáno júdice interrogátus de cristiánæ religiõnis mystériis, ea reveláre nóluit, ásserens sanctum esse quod Aureliánus manifestári cupiébat, et non permitti a Christo sanctum dari cánibus. Ob quæ verba beátus Póntifex in equúleum impósitus est, úngulis dilaniátus, atque lampádibus admóti gravíssime ustus; cumque nullam ámplius vocem emitteret, interrogátus ab Aureliáno cur tacéret, hoc dignum Martyr respónsum dedit: Quia témpore oratiõnis homo cristiánus cum Deo lóquitur. Depósito Alexándro, exhibiti sunt Evéntius et Theodúlus, quos cum Aureliánus in fide constántes invenisset, jussit Alexándrum et Evéntium dorsum ad dorsum ligátos in ignem præcipitári, Theodúlum vero ibídem adstáre, ut quasi eórum pertérritis passiõne, ad sacrificándum idólis consentiret. Cum áutem Theodúlus sponte in flammam prosiliisset, et cum ipsis hymnos decantáret, ac Deo grátias ágeret, fecit impius judex Alexándrum punctis crebérrimis per ómnia



membra perforári, quo fine vir sanctus martyrium suum glorióse complévit. Hujus corpus beáta Sevéra religiósa fémína sústulit, et cum corpore beáti Evéntii gládio consummáti in uno eodémque sepúlcro pósuit, via Nomentána, in prædio suo, unde póstea ad Urbem translátum, in ecclésia sanctæ Sabinae recónditum fuit.

*R.* Filiæ Jerúsalem. 45\*.

IN III. NOCTURNO

*Homil. in Evang.* Ego sum vitis. *de Communi 1<sup>o</sup> loco.* 45\*.

DIE XIV

SANCTI PASCHALIS I.

PAPE ET CONFESSORIS

Duplex.

*Omnia de Comm. Conf.*  
*Pont. 67\*, præter seq.*

*Orat.* Da, quæsumus. 67\*.

IN I. NOCTURNO

*Lect. de Script. occur.*

*In Fer. II. et IV. Rogat.,*

*Lect.* Fidélis sermo. 69\*.

IN II. NOCTURNO

*Lectio iv.*

**P**ASCHÁLIS hujus nóminis primus, bíduo post Stéphaní quinti óbitum vix exácto, comúnibus cleri suffrágiis, ad supréum Sedis Apostólicæ ápicem, invítus licet et valde relúctans, anno Dómini nostri Jesu Christi octingentésimo décimo séptimo promótus est. Vir sane omnígena doctrína, sacra præsertim instructissimus, vitæ sanctimónia insígnis,

dicéndi facultáte claríssimus, singulári dénique pietáte in Deum et caritáte in próximum, ut exterióra bona hilari semper ánimo pauperibus erogábat, ita interiórís ánimo opes, vigiliis, oratióibus et jejúniis vacans, accumulábat.

*R.* Invéni. 73\*.

*Lectio v.*

**A**PUERÍTIA in Lateranénsis ecclésiæ patriarchio, sub óculis Pontíficum, educátus, ita in omni virtútum génere, litteris et disciplína ecclesiástica profécit, ut primum sacris ordinibus initiátus, mox ejus virtúte perspécta, a Leóne tértio monastério sancti Stéphaní præféctus fúerit; in quo et súbditis sibi mónachis exémplo fuit, et peregrínos ad límina Apostolórum turmátim accedéntes ita excépit, ut ómnibus necessariá suppeditáret, iisque, Christum imitátus, abjécta étiam exhibéret ministéria; quibus pietátis et caritátis officiis digníssimus ómnium hábitus est, qui Dóminico gregi et toti Ecclésiæ præéset.

*R.* Pósui adjutórium. 73\*.

*Lectio vj.*

**N**IHIL porro in eo desiderátum est, quod ad perféctam regíminis Apostólici sollicitúdinem pertinéret. Ecclésiæ Occidentális disciplínam, quæ sub eo máxime flóruit, intáctam servávit; Orientálem vero, ab

imperatōre et patriárcha iconómachis agitatam, litteris et legatiōne recreávit, et Græcis Romam confugiéntibus, monastérium sanctæ Praxédís, amplissimis reditibus a se instrúctum, benigne concéssit. Multa étiam cōrpora sanctōrum ex cœmetériis, Páuli primi exémplo, ac præsertim sanctæ Cæciliæ, ipsa monstránte et revelánte, in Urbem intulit. Nova templa excitávit, restaurávit, et mirífice ornávit antíqua. Xenodochia, et sacrarum virginum cœnobia, novo censu recreávit. Extincti demum incéndii miraculo claríssimus, migrávit ad Dóminum octávo sui pontificátus anno, et in Vaticána basilica cōditus est.

℟. Iste est qui. 73\*.

IN III. NOCTURNO

Homil. in Evang. Homo pèregre. de Comm. 1<sup>o</sup> loco. 75\*.

Lectio ix. ex duabus, et Commem. S. Bonifacii in Laud.

DIE XV

S. ISIDORI AGRICOLÆ

CONFESSORIS

Duplex.

Offic. ut in Supplem. 386\*.

DIE XVII

S. JOANNIS NEPOMUCENI

MARTYRIS

Duplex.

Offic. ut in Supplem. 1<sup>o</sup> loco. 387\*.

DIE XXI

S. FELICIS A CANTALICIO

CONFESSORIS

Semiduplex.

Omnia ut in Suppl. 395\*.

DIE XXII

S. PASCHALIS BAYLON

CONFESSORIS

Duplex.

Omnia ut in Breviar. xvij. hujus. (m. t. v.)

DIE XXIII

S. JOANNIS BAPTISTÆ DE ROSSI

CONFESSORIS

Duplex.

Omnia ut in Supplem. 397\*.

DIE XXIV

B. MARIE VIRGINIS

SUB TITULO

AUXILIUM CHRISTIANORUM

Duplex majus.

Omnia ut in Supplem. 399\*.

DIE XXVII

SANCTI JOANNIS I.

PAPÆ ET MART.

Duplex.

Omnia de Comm. Mart. Temp. Pasch. 42\*, præter seq.

Orat. Deus, qui nos. 27\*.

IN I. NOCTURNO

Lect. de Script. occur.

In Fer. II. et IV. Rogat.

Lect. A Miléto. 29\*.

IN II. NOCTURNO

Lectio iv.

JOÁNNES Etrúscus Constantino patre génitus, totius cleri consénsu, in locum Hormisdæ vita functi, ex



presbýtero tituli Pammáchii subrogátus fuit. Justino senióre imperatóre, rexit Ecclésiám, ad quem proféctus est Constantinópolis, auxilii cáusa, quod Theodoricus rex hæréticus divexábat Italiám. Cujus étiam iter Deus miráculis illustrávit. Nam cum ei nóbilis vir ad Corinthum equum, quo ejus uxor mansuétó utebátur, itineris cáusa commodásset, factum est ut dómíno póstea remissus equus ita ferox eváderet, ut frémitu et totíus córporis agitatióne semper deinceps dómínam expúlerit, tamquam indignarétur mulierem recipere, ex quo sedisset in eo Jesu Christi vicárius. Quamóbrem illi equum Pontifici donavérunt.

**R.** Lux perpétua. 44\*.

**Lectio v.**

**S**ED illud majus miráculum, quod Constantinópolis, in áditu portæ Aureæ inspectánte frequentíssimo pópulo, qui una cum imperatóre Pontifici honóris cáusa occurrerat, cæco lumen restituit. Ad cujus pedes prostrátus étiam imperátor eum venerátus est. Rebus cum imperatóre compósitis, in Italiám rédiit, statimque epístolam scripsit ad omnes Italiæ episcopos, jubens eos Arianórum ecclésiás ad cathólicum ritum consecráre, illud subjúgens : Quia et nos, quando fúimus Constantinópolis, tam pro religió-

ne cathólica, quam pro regis Theodorici cáusa, quas-cúmque illis in pártibus eórum ecclésiás reperire potúimus, cathólicas eas consecrávimus.

**R.** In servis suis. 45\*.

**Lectio vj**

**Q**UOD iniquíssimo ánimo ferens Theodoricus, dolo accersitum Pontificem Ravénnam in cárcerem conjéctit, ubi squalóre inediáque afflíctus, páucis diébus cessit e vita, cum sedisset annos duos, menses novem, dies quatuórdecim, ordinátis eo témpore episcopis quindecim. Páulo post móritur Theodoricus; quem quidam Eremita, ut scribit sanctus Gregórius, vidit inter Joánnem Pontificem et Sýmmachum patrícium, quem idem occiderat, demérgi in ignem Liparitánum; ut vidélicet illi quibus mortem attúlerat, tamquam júdices essent ejus intéritus. Joánnis corpus Ravénna Romam delátum est, et in basilica sancti Petri sepúltum.

**R.** Fíliæ Jerúsalem. 45\*.

IN III. NOCTURNO

**Homil. in Evang.** Ego sum vitis. **de Comm. 1<sup>o</sup> loco.** 45\*.

DIE XXVIII

S. URBANI I.

PAPÆ ET MARTYRIS

**Duplex.**

**Omnia de Communi unius Mart. Temp. Pasch. 42\*, præter seq.**

## Oratio.

**D**A, quæsumus omnipotens Deus : ut qui beáti Urbáni Mártyris tui atque Pontificis solémnia cólimus, ejus apud te intercessiónibus adjuvémur. Per Dóminum nostrum.

## IN I. NOCTURNO

*Lect. de Script. occur.*

*In Fer. II. et IV. Rogat.,*

*Lect. A Miléto. 29\*.*

## IN II. NOCTURNO

## Lectio iv.

**U**RBÁNUS Románus, Alexándro Sevéro imperatóre, doctrína et vitæ sanctitáte multos ad Christi fidem convértit : in illis Valeriánum, beatæ Cæcilíæ sponsum, et Tibúrtium Valeriáni fratrem, qui póstea martýrium forti ánimo subiérunt. Hic de bonis Ecclesiæ attribútis scripsit his verbis : Ipsæ res fidélium, quæ Dómino offerúntur, non debent in álios usus quam ecclesiásticos et christianórum fratrum vel indigéntium convértil : quia vota sunt fidélium, et prætia peccatórum, ac patrimonía páuperum. Sedit annos sex, menses septem, dies quátuor : ac martýrio coronátus, sepúltus est in cœmetério Prætextáti, octávo Kaléndas Júnii. Ordinatióne quinque hábitis mense Decémbri, creávit presbýteros novem, diáconos quinque, episcopos per diversa loca octo.

*℟. Lux perpétua. 44\*.*

Sermo sancti Augustini  
Episcopi.

*De S. Cypriano, serm. 12.*

## Lectio v.

**S**ERMÓNEM éxigit tam grata et religiósá solémnitas, qua passiónem beáti Mártyris Urbáni celebrámus. Tristis procul dúbio tunc Ecclesiá fuit, non damno cadéntis, sed desidério recedéntis, semper cúpiens vidére præsentem tam bonum rectórem atque doctórem. Sed quos affligerat sollicitúdo certáminis, consoláta est coróná victóris. Et nunc non solum sine ulla tristitia, verum étiam cum ingénti lætitia, cuncta quæ tunc gesta sunt, legéndo recólimus : diéque isto gaudére nobis concéssum est, non timére. Neque enim formidámus terribíliter veniéntem, sed exspectámus hiláriter redeúntem.

*℟. In servis suis. 45\*.*

## Lectio vj.

**V**ICÍNA córporis morte, non moriebátur in ánimo pastóris vigilántia pastorális : et cura tuéndo Domínici gregis usque ad extrémum vitæ hujus diem mente sóbria tenebátur. Nec excutiébat ab ánimo diligéntiam fidelíssimi dispensatóris manus jam próxíma cruénti carnificis. Ita se Mártyrem cogitábat futúrum, ut esse non obliviscerétur episcopum ; magis curans, quam ratióne pastórum Príncipi de



commissis sibi óvibus réderet, quam quid infidéli prócónsuli de fide própria respondéret. Amábat quippe eum qui Petro díxerat: Amas me? pasce oves meas. Et pascébat oves ejus pro quibus ságuinem fúndere, illum ímitans, se præparábat.

℞. Filíæ Jerúsalem. 45\*.

IN III. NOCTURNO

Homil. in Evang. Ego sum vitis. de Communi 1º loco. 45\*.

DIE XXIX

SANCTI BONIFACII IV.

PAPÆ ET CONFESSORIS

Duplex.

Omnia de Comm. Conf. Pont. 67\*, præter seq. (m. t. v.)

Orat. Da, quæsumus. 67\*.

IN I. NOCTURNO

Lect. de Script. occur.

In Fer. II. et IV. Rogat.,

Lect. Fidélis sermo. 69\*.

IN II. NOCTURNO

Lectio iv.

**B**ONIFÁCIUS hujus nóminis quartus, Joánnis filius, Valériæ Marsórum natus, ex mónacho sancti Sebastíani extra Urbem, et presbýtero cardináli sub imperatóre Phoca, ad pontificátum asúsumptus est, et consecrátus die Dominico, quinto Kaléndas Septémbris, anno Dómini sexcentésimo séptimo, seditque annos sex, menses octo, dies trédecim, duábus ordinatióibus peráctis mense Decémbri,

in quibus episcopos viginti quinque, diáconos octo creávit.

℞. Invéni David. 73\*.

Lectio v.

**S**TATIM patérnam domum in monastérium eréxit, et fundos suos in monachórum usum eidem monastério adscripsit; sed ut longe majóri beneficio hujus institúti hómines sibi obstringeret, convocátis ad sýnodum Itáliæ episcopis, sanctis légibus labéntem monachórum disciplinam restituit. Mellitus Londinénsis episcopus, qui Romam vénerat, de rebus Anglicis Christi Vicárium consultúrus, sýnodo interfuit, illiúsque decreta cum litteris Bonifácii in Británniam tulit.

℞. Pósui adjutórium. 73\*.

Lectio vj.

**A**B imperatóre Phoca sanctissimus Póntifex nóbile Romæ delúbrum, Pántheon scilicet, obtinuit: christiáno ritu consecrátum in ecclésiám Deíparæ Virgini et sanctis Martýribus dicátam mutávit. Ad majórem sanctitátem conciliándam, incredibilem sacrárum reliquiárum vim, ex diversis arenáriis edúctam, inférri, et juxta príncipem aram condi curávit. Dénique sub Heraclío, virtúte ac méritis clarus, obdormívit in Dómino, octávo Kaléndas Júnii, sepultúsque est in Vaticáno.

℞. Iste est qui. 73\*.

## IN III. NOCTURNO

**Homil. in Evang.** Homo peregere. **de Comm. 1<sup>o</sup> loco. 75\*.**

## DIE XXX

## SANCTI FELICIS I.

**PAPÆ ET MART.**

**Duplex.**

**Omnia de Comm. unius Mart. Temp. Pasch. 42\*, præter seq.**

**Orat. Infirmi-tatem. 27\*.**

## IN I. NOCTURNO

**Lect. de Script. occur.**

**In Fer. II. et IV. Rogat.,**

**Lect. A Miléto. 29\*.**

## IN II. NOCTURNO

**Lectio iv.**

**FELIX** Románus, patre Constantio, Aureliáno imperatóre præfuit Ecclésiæ. Constituit ut Missa su-

pra memórias et sepúlcrâ Mártýrum celebrarétur. Qui cum mense Decémbri habuisset ordinationés duas, et creasset presbýteros novem, diáconos quinque, episcopos per diversa loca quinque, martýrio coronátus, via Aurélia sepelitur in basilica, quam a se ædificá-tam dedicarat. Vixit in pontificátu annos duos, menses quátuor, dies viginti novem.

**R. Lux perpétua. 44\*.**

**Lect. v. et vj.** Pastor bonus. ut in Festo S. Antheri (mutato nomine), die 11 Febr. 415\*. **RR. de Comm. pro Temp. Pasch. 45\*.**

## IN III. NOCTURNO

**Homil. in Evang.** Ego sum vitis. **de Communi 1<sup>o</sup> loco. 45\*.**

## FESTA JUNII

## DIE I

## SANCTI ELEUTHERII

**PAPÆ ET MART.**

**Duplex.**

**Omnia de Comm. Mart. Temp. Pasch. 42\*, præter seq.**

**Orat. Infirmi-tatem. 27\*.**

## IN I. NOCTURNO

**Lect. de Script. occur.**

**In Fer. II. et IV. Rogat.,**

**Lect. A Miléto. 1<sup>o</sup> loco. 29\*.**

## IN II. NOCTURNO

**Lectio iv.**

**ELEUTHÉRIUS**, natióne Græcus, Abúndio patre natus Nicópoli Epiri óppido, ex

presbýtero sanctæ Románæ Ecclésiæ, post Sotéris mortem, totius cleri suffrágiis, Románus Póntifex renunciátus est, Marco Aurélio imperatóre Augústo, anno Dómini centésimo septuagésimo nono. Quo múnere egrégie et summa cum láude functus est annos quíndecim, dies viginti tres : tribus ordinationibús mense Decémbri factis, creatisque presbýteris duódecim, diáconis octo, episcopis per diversa loca quíndecim.

**R. Lux perpétua. 44\*.**



## Lectio v.

**A**B Ecclēsia Lugdunēsi per litteras de nonnūllis quæstionibus consūltus, Irēnæum virum doctissimum litterarū latōrem humaniter excēpit, eīque Apostolicas traditiōnes, quas Romāna Ecclēsia illibātas servāverat, apēruit. Superstitiōsas Montanistarū xerophāgias damnāvit; optimas leges pro recta judiciōrum ecclesiasticōrum forma præscripsit; Marcionem et Valentinum sēpius relāpsos, ab Ecclēsia pēnitus ejēcit.

*R.* In servis suis. 45\*.

## Lectio vj.

**C**UM summa pace Ecclēsia frueretur, multos etiā ex optimatibus ad Christi fidem Romæ convētit. A Lúcio Britannōrum rege litteras per legātos accēpit, divini verbi minīstros postulāte, ad quem Fugātium et Damiānum Romānæ Ecclēsiæ presbýteros misit, a quibus rex ipse cum tota familia, et sūbditi fere omnes, sacro lavācro regenerāti fuēre. His demum aliisque pro divino cultu perāctis, sancto fine quievit, sub imperatōre Cōmodo, quinto Kalēndas Júnii, sepūltus in Vati-cāno.

*R.* Filiæ Jerúsalem venite et vidēte. 45\*.

## IN III. NOCTURNO

*Homil. in Evang.* Ego sum vitis. *de Communi 1<sup>o</sup> loco.* 45\*.

## DIE II

## SANCTI EUGENII I.

## PAPÆ ET CONF.

## Duplex.

*Omnia de Comm. Conf.*  
*Pont. 67\*, præter seq. (m. t. v.)*

*Orat.* Da, quæsumus. 67\*

## IN I. NOCTURNO

*Lect. de Script. occur.*

*In Fer. II. et IV. Rogal.*

*Lect. Fidēlis sermo. 69\*.*

## IN II. NOCTURNO

## Lectio iv.

**B**EATO Martino hujus nominis primo, tyrānnica hærētica imperatōris sentētia Chersōnam relegāto, Theodōro exárcho instāte, Eugēnius pátria Romānus, qui fere a cunābulis sacro clericōrum ordini se ad-dixerat, absēntis Pontificis vices gessit, ne Romānæ Ecclēsiæ administratio cessāsse omnino videretur; sed hac revēra potestāte modēste uti visus est, cum probe sciret, Martino vivēte se legitimum Pontificem non esse, sed illius dumtaxat quasi vices gerentem.

*R.* Invēni David. 73\*.

## Lectio v.

**U**BI vero prædictus Christi Martyr, ærūmnis et in-édia confectus, ad beatam vitam migravisset, in cathedra Petri, clero consentiente, ut legitimus Petri successor sedit, et in illo Apostolici ministērii cūlmine talem se

gessit, qualem suprémi muneris ei créditi dignitas, et ómnium Christi fidélium ejus curæ commissórum salus et utilitas postulábant; mitis enim fuit, benignus et mansuétus, et, quod caput est, vitæ sanctimónia illústris.

℞. Pósui adjutórium. 73\*.

Lectio vj.

**S**INGULÁREM cleri curam hábuit, quem patérno semper amóre et multis beneficiis prosecútus est. In egénos tamen mirábilis ejus beneficéntia enítuit, quibus réditus Ecclésiæ vivens et móriens liberáli manu erogávit, appríme ratus, Ecclésiæ opus ad nobilióres usus applicári non posse, et ex mánibus indigéntium ad æternitátis ærarium, cum incredibili spirituális usúráe lucro, recta tradúci. Transáctis demum duóbus annis, et novem fere ménsibus, sancto fine quiévit, anno Christi sexcentésimo quinquagésimo quinto, et ejus corpus in basilica sancti Petri recónditum fuit.

℞. Iste est. 73\*.

IN III. NOCTURNO

Homil. in Evang. Homo péregre. de Communi 1<sup>o</sup> loco. 75\*.

DIE III

ST<sup>Æ</sup> MARLÆ MAGDALENÆ

DE PAZZIS VIRG.

Duplex.

In Breviar. die xxvij. Maii.

DIE VII

S. AUGUSTINI CANTUARIENSIS

EPISCOPI ET CONFESSORIS

Duplex. (m. t. v.)

In Brev. die xxvij. Maii.

DIE IX

SANCTI FERDINANDI III.

REGIS CONFESSORIS

Semiduplex. (m. t. v.)

Omnia ut in Suppl. 405\*.

DIE XII

SANCTI LEONIS III.

PAPÆ ET CONF.

Duplex.

Omnia de Comm. Conf. Pont. 67\*, præter seq.

Orat. Da, quæsumus. 67\*.

Commem. SS. Basilidis etc. Mart.

IN I. NOCTURNO

Lect. de Script. occur.

IN II. NOCTURNO

Lectio iv.

**L**EO hujus nóminis tértius, RománuS, ex patre Asúp-pio, a pueritia in vestiário patriarchii Lateranénsis in omnem ecclesiásticam ac divínam disciplinam educátus, ex mónacho sancti Benedicti, présbyter cardínalis, ac demum Póntifex Máximus, incredibili ómnium consensióne, ipso die óbitus Adriáni creátus est, anno septingentésimo nonagésimo quinto, sedítque in sancta Petri sede annos viginti, menses quinque, dies decem et septem.

℞. Invéni David. 73\*.



## Lectio v.

**T**ALEM se in pontificatu exhibuit, qualem se ante assumptionem præbuerat : piissimum scilicet, mitissimum, singulâri in Deum religiône, erga primum caritate, prudentia in rebus gerendis, pauperum ægrorumque paréntem, Ecclesiæ defensorem, divini cultus promotorem, utpote qui máxima quæque pro Christo et Ecclesiæ sêdulo præstitit, et patienter toleravit.

**R.** Pôsui adjutórium. 73\*.

## Lectio vj.

**C**UM ab impiis, érutis oculis, et confóssus vulneribus, semivivus relictus fuisset, postridie per insigne miraculum sanus inventus est, iisdémque parricidis vitam suis precibus obtinuit. Cárolo Magno Francórum

regi Románum impérium détulit; peregrinis amplissimum xenodochium exstruxit : patrimonium aliósque fundos pauperibus adscripsit. Basilicas Urbis, præsertim Lateranensem (in cujus patriarchio triclinium magnum super omnia triclinia fundavit), et sacras ædes tot ac tantis divitiis cumulavit, ut fidem omnem superâre videâtur. Vitam demum religiosissimam pio fine coronavit, pridie Idus Júnii, anno Dómini octingentésimo décimo sexto, et sepúltus est in Vaticanó.

**R.** Iste est qui. 73\*.

## IN III. NOCTURNO

**Homil. in Evang.** Homo pèregre. **de eodem Comm.** 1<sup>o</sup> loco. 75\*.

**Lect. ix. et Commem. SS.** Basilidis, etc. **Mart. in Laud.**



# INDEX PSALMORUM

Primus numerus marginalis indicat Psalmum; alter paginam  
in qua Psalmus idem adnotatur in Breviario.

119 Ad Dominum. . . . .	131	93 Deus ultionum . . . . .	106
27 Ad te Domine clamabo. . .	50	78 Deus venerunt gentes. . .	95
24 Ad te Domine levavi . . .	32	114 Dilexi, quoniam . . . . .	130
122 Ad te levavi oculos meos. .	133	17 Diligam te Domine . . . .	12
28 Afferte Domino. . . . .	51	38 Dixi : Custodiam. . . . .	62
77 Attendite popule meus. . .	92	109 Dixit Dominus . . . . .	176
48 Audite hæc. . . . .	71	35 Dixit injustus. . . . .	54
118 Beati immaculati. . . . .	25	52 Dixit insipiens... Deus. .	75
127 Beati omnes . . . . .	135	13 Dixit insipiens... Dominus.	9
31 Beati quorum. . . . .	53	140 Domine clamavi. . . . .	141
40 Beatus qui intelligit. . . .	66	7 Domine Deus meus. . . . .	5
1 Beatus vir, qui non abiit. .	4	87 Domine Deus salutis. . . .	103
111 Beatus vir qui timet. . . .	127	8 Domine Dominus noster. .	6
33 Benedicam Dominum . . . .	55	142 Domine exaudi... auribus.	108
102 Benedic... et omnia. . . .	113	101 Domine exaudi... et cla-	
103 Benedic... Domine . . . .	114	mor. . . . .	112
143 Benedictus Dominus. . . . .	142	20 Domine in virtute tua. . .	16
84 Benedixisti Domine. . . .	101	6 Domine ne in furore... .	
91 Bonum est confiteri. . . . .	111	Miserere. . . . .	5
18 Cæli enarrant . . . . .	15	37 Domine ne in furore... .	
95 Cantate Domino... cantate. .	106	Quoniam. . . . .	59
149 Cantate Domino... laus . .	21	130 Domine non est exalta-	
97 Cantate Domino... quia . .	110	tum . . . . .	136
74 Confitebimur tibi. . . . .	90	138 Domine probasti me . . . .	140
110 Confitebor... in consilio. .	127	3 Domine quid multiplicati. .	5
9 Confitebor... narrabo . . .	7	14 Domine quis habitabit. . .	10
137 Confitebor... quoniam. . .	139	89 Domine refugium. . . . .	97
106 Confitemini... Dicant . . .	119	23 Domini est terra. . . . .	31
117 Confitemini... Dicat. . . .	24	26 Domini illuminatio . . . .	50
104 Confitemini... et invocate. .	116	22 Dominus regit me. . . . .	33
105 Confitemini... Quis . . . .	117	92 Dominus regnavit, deco-	
135 Confitemini... quoniam . .	138	rem. . . . .	18
15 Conserva me Domine. . . .	11	96 Dominus regnavit, exsul-	
115 Credidi. . . . .	130	tet. . . . .	107
4 Cum invocarem. . . . .	148	98 Dominus regnavit, ira-	
129 De profundis. . . . .	63	scantur. . . . .	111
43 Deus auribus nostris . . . .	67	133 Ecce nunc benedicite . . .	149
49 Deus deorum Dominus . . .	72	132 Ecce quam bonum. . . . .	137
62 Deus Deus meus ad te. . . .	18	58 Eripe me de inimicis	
21 Deus Deus meus respice. . .	33	meis. . . . .	78
69 Deus in adjutorium. . . . .	86	139 Eripe me Domine. . . . .	141
53 Deus in nomine tuo. . . . .	23	44 Eructavit cor meum. . . .	68
71 Deus iudicium tuum. . . . .	88	144 Exaltabo te Deus . . . . .	143
108 Deus laudem meam. . . . .	121	29 Exaltabo te Domine. . . .	51
66 Deus misereatur nostri. . .	19	63 Exaudi... cum deprecor.	80
45 Deus noster refugium. . . .	69	60 Exaudi Deus deprecatio-	
82 Deus quis similis erit tibi. .	100	nem meam. . . . .	79
59 Deus repulisti nos. . . . .	78	54 Exaudi Deus orationem	
81 Deus stetit. . . . .	100	meam . . . . .	75



16 Exaudi Domine. . . . .	11	56 Miserere... miserere. . . . .	77
19 Exaudiat te Dominus . . . .	15	55 Miserere... quoniam. . . . .	76
39 Expectans expectavi. . . . .	65	50 Miserere... secundum. . . . .	60
80 Exsultate Deo. . . . .	99	100 Misericordiam et judi-	
32 Exsultate justi . . . . .	54	cium. . . . .	112
67 Exsurgat Deus . . . . .	81	88 Misericordias Domini. . . . .	104
86 Fundamenta ejus. . . . .	103	126 Nisi Dominus. . . . .	134
85 Inclina Domine. . . . .	102	123 Nisi quia Dominus . . . . .	133
125 In convertendo. . . . .	134	36 Noli æmulari. . . . .	57
10 In Domino confido . . . . .	8	61 Nonne Deo. . . . .	79
113 In exitu Israël . . . . .	128	75 Notus in Judæa Deus . . . .	91
30 In te Domine speravi...		46 Omnes gentes plaudite. . . .	70
accelera . . . . .	52	107 Paratum cor meum. . . . .	121
70 In te Domine speravi...		72 Quam bonus Israël Deus. . . .	88
et salva me. . . . .	86	83 Quam dilecta. . . . .	101
65 Jubilate Deo... psalmum. . .	80	2 Quare fremuerunt . . . . .	4
99 Jubilate Deo... servite. . . .	18	41 Quemadmodum. . . . .	67
34 Judica Domine. . . . .	55	124 Qui confidunt. . . . .	134
42 Judica me Deus. . . . .	73	51 Quid gloriaris. . . . .	72
25 Judica me Domine . . . . .	33	90 Qui habitat. . . . .	149
121 Lætatus sum. . . . .	133	79 Qui regis Israël. . . . .	96
145 Lauda anima mea. . . . .	144	128 Sæpe expugnaverunt me. . . . .	135
147 Lauda Jerusalem . . . . .	145	68 Salvum me fac Deus. . . . .	85
148 Laudate... de cælis . . . . .	20	11 Salvum me fac Domine. . . . .	9
150 Laudate... in sanctis. . . . .	21	57 Si vere utique. . . . .	77
116 Laudate... omnes gentes. . .	131	136 Super flumina . . . . .	139
146 Laudate Dominum, quo-		64 Te decet hymnus . . . . .	83
niam bonus. . . . .	144	12 Usquequo Domine . . . . .	9
134 Laudate nomen. . . . .	137	73 Ut quid Deus. . . . .	89
112 Laudate pueri. . . . .	127	94 Venite, exsultemus . . . . .	2
120 Levavi oculos meos . . . . .	131	5 Verba mea auribus percipe. . .	61
47 Magnus Dominus. . . . .	70	76 Voce mea... ad Deum. . . . .	91
131 Memento Domine David. . . .	136	141 Voce mea... ad Dominum. . .	142

## INDEX CANTICORUM

Audite cæli. . . . .	124	Ego dixi. . . . .	74
Benedicite omnia opera . . . . .	19	Exsultavit cor meum . . . . .	84
Benedictus Dominus. . . . .	22	Magnificat anima mea. . . . .	130
Cantemus Domino . . . . .	98	Nunc dimittis. . . . .	151
Confitebor tibi Domine . . . . .	62	Quicumque vult salvus esse. . .	26
Domine audivi . . . . .	109	Te Deum laudamus. . . . .	17

## INDEX HYMNORUM

Ad regias Agni dapes. . . . .	129	Ave maris stella. . . . .	160*
Adspice, infami Deus. . . . .	273*	Beata nobis gaudia. . . . .	404
Æterna Christi munera . . . . .	4*	Beate Pastor Petre. . . . .	422
Æterne Rex altissime . . . . .	356	Bella dum late. . . . .	442
Alto ex Olympi vertice. . . . .	143*	Cælestis urbs Jerusalem . . . .	133*
Athleta Christi nobilis . . . . .	586	Cælitum Joseph decus. . . . .	474
Audi benigne Conditor. . . . .	129	Christe, sanctorum decus. . . .	574
Aurora cælum purpurat. . . . .	22	Christo profusum . . . . .	43*
Aurora soli. . . . .	308*	Deus tuorum militum . . . . .	26*

Dum mente Christum. . . . .	352*	Plaude festivo . . . . .	368*
Dum nocte pulsa lucifer . . . .	588	Præclara custos virginum. . .	286*
Egregie Doctor. . . . .	423	Quænam lingua . . . . .	315*
Ex more docti. . . . .	3	Quem terra. . . . .	160*
Exsultet orbis gaudiis . . . . .	3*	Quodcumque in orbe. . . . .	418
Festivis resonent. . . . .	334*	Rector potens . . . . .	44
Fortem virili pectore. . . . .	125*	Regali solio fortis. . . . .	517
Gloriam sacræ. . . . .	321*	Rerum Deus tenax. . . . .	47
Hujus oratu Deus . . . . .	126*	Rex gloriose Martyrum. . . .	42*
Invicte Martyr. . . . .	36*	Rex sempiternæ cælitum . . .	3
Invictus heros Numinis. . . . .	389*	Sacris solemniis. . . . .	256*
In profunda noctis. . . . .	390*	Sævo dolorum. . . . .	283*
Ira justa Conditoris. . . . .	334*	Sæpe dum Christi. . . . .	399*
Iste Confessor Domini. . . . .	67*	Salutis humanæ Sator . . . .	356*
Iste, quem læti. . . . .	478	Salvete Christi vulnera. . . .	340*
Jam Christus astra. . . . .	398	Salvete clavi et lancea. . . .	316*
Jam faces lictor ferat. . . . .	394*	Sancta Mater. . . . .	495
Jam lucis orto sidere. . . . .	23	Sanctorum meritis. . . . .	51*
Jesu corona celsior. . . . .	98*	Sic patres vitam . . . . .	443
Jesu corona Virginum. . . . .	109*	Stabat Mater dolorosa. . . . .	494
Jesu dulcis amor. . . . .	327*	Summis ad astra. . . . .	352*
Jesu Redemptor omnium. . . . .	77*	Te dicimus . . . . .	302*
Lustra sex. . . . .	222	Te Joseph celebrent . . . . .	473
Martyr Dei Venantius. . . . .	586	Te lucis ante terminum. . . .	150
Matris sub almæ. . . . .	445	Te Redemptoris . . . . .	404*
Memento rerum Conditor. . . .	175*	Te splendor et virtus Pa-	
Mœrentes oculi . . . . .	272*	tris. . . . .	569
Mysterium mirabile . . . . .	322*	Tinctam ergo. . . . .	320*
Nullis te genitor. . . . .	517	Tristes erant Apostoli. . . . .	23*
Nunc sancte nobis Spiritus . . .	41	Turbam jacentem. . . . .	354*
O gloriosa virginum. . . . .	171*	Veni Creator Spiritus. . . . .	398*
O sol salutis. . . . .	21	Verbum supernum. . . . .	270*
Omnis expertem. . . . .	309*	Vexilla Regis prodeunt. . . .	216
Pange lingua... Corporis. . . .	256*	Virginis proles... Hæc . . . .	109*
Pange lingua... Lauream. . . .	217	Virginis proles... Hujus . . .	110*
Paschale mundo gaudium. . . .	25*	Virgo virginum. . . . .	505
Placare Christe servulis. . . .	350*	Vix in sepulcro . . . . .	393*



# INDEX ALPHABETICUS

## OMNIUM FESTORUM ET NOMINUM SANCTORUM

### HUJUS PARTIS VERNÆ BREVIARIÏ

Signum \* denotat Festum pro aliquibus locis, vel pro Clero Romano

* Agathonis Papæ et Conf. (14 Febr.). . . . .	418*
Alexandri, Eventii, Theoduli Mm., et Juvenalis Episcopi Conf. Commem. (3 Maii.). . . . .	558
* Alexandri I. Papæ et Mart. (11 Maii.). . . . .	439*
* Alexandri Sauli Episc. Conf. (23 Apr.). . . . .	360*
* Anastasii I. Papæ et Conf. (27 Apr.). . . . .	437*
Angelæ Mericiæ Virg. (31 Maii.). . . . .	604
Angelorum SS. Offic. votiv. per annum . . . . .	233*
Aniceti Papæ et Mart. (17 Apr.). . . . .	525
Annuntiationis B. M. V. (25 Mart.). . . . .	482
Anselmi Episc. Conf. et Doct. (21 Apr.). . . . .	526
* Antheri Papæ et Mart. (11 Febr.). . . . .	415*
Antonii de Padua Conf. Commem. (13 Junii.). . . . .	622
Antonini Episc. et Conf. (10 Maii.). . . . .	577
Apolloniæ Virg. et Mart. Commem. (9 Febr.). . . . .	438
Apost. SS. Offic. votiv. per annum. . . . .	245*
* Apparitionis B. M. V. Immac. (11 Febr.). . . . .	301*
Apparitionis S. Michaëlis Archang. (8 Maii.). . . . .	569
Ascensio Domini. . . . .	356
Athanasii Episc. Conf. Doct. (2 Maii.). . . . .	551
Augustini Episc. Conf. (28 Maii.). . . . .	602
* Auxilium Christianorum. B. M. V. (24 Maii.). . . . .	399*
Barnabæ Apost. (11 Junii.). . . . .	616
Basilidis, Cyrini, Naboris et Nazarii Mm. Commem. (12 Jun.). . . . .	620
Benedicti Abbatis (21 Mart.). . . . .	480
* Benedicti II. Papæ et Conf. (7 Maii.). . . . .	438*
* Benedicti Josephi Labre Conf. (16 Apr.). . . . .	358*
Bernardini Senensis Conf. (20 Maii.). . . . .	592
Bonifacii Episc. et Mart. (5 Junii.). . . . .	609
Bonifacii Martyris (14 Maii.). . . . .	581
* Bonifacii IV. Papæ et Conf. (29 Maii.). . . . .	445*
Cælestini I. Papæ et Conf. (7 Apr.). . . . .	432*
Casimiri Conf. (4 Mart.). . . . .	453
* Catharinæ de Ricciis Virg. (13 Febr.). . . . .	309*
* Catharinæ Fliscæ Adurnæ Viduæ. (22 Mart.). . . . .	352*
Catharinæ Senensis Virg. (30 Apr.). . . . .	538
Cathedræ S. Petri Antiochiæ (22 Febr.). . . . .	447
Cathedræ S. Petri Romæ (18 Jan.). . . . .	418
Cleti et Marcellini Pont. et Mart. (26 Apr.). . . . .	533
Conceptio Immacul. B. M. V. Offic. votiv. . . . .	285*
* Conradi Placentini Conf. (19 Febr.). . . . .	311*
Conversionis S. Pauli Apost. (25 Jan.). . . . .	423
Cyrelli Alexandrini Episc. Conf. et Doct. (9 Febr.). . . . .	437

Cyrilli Hierosolym. Episc. Conf. et Doct. (18 Mart.)	469
Dorotheæ Virg. et Mart. Commem. (6 Febr.)	432
Eleutherii Papæ et Mart. (26 Maii.)	597-446*
* Eugenii I. Papæ et Conf. (2 Junii.)	447*
Faustini et Jovitæ Mm. Commem. (15 Febr.)	446
* Felicis a Cantalicio Conf. (21 Maii.)	395*
Felicis I. Papæ et Mart. (30 Maii.)	603-446*
* Felicis III. Papæ et Conf. (25 Febr.)	422*
* Ferdinandi III. Regis Conf. (30 Maii.)	405*
Fidelis a Sigmaringa Mart. (24 Apr.)	529
Franciscæ Viduæ Romanæ (9 Mart.)	460
Francisci Caracciolo Conf. (4 Junii.)	607
* Francisci de Hieronymo Conf. (11 Maii.)	382*
Francisci de Paula Conf. (2 Apr.)	506
Francisci Salesii Episc. Conf. et Doct. (29 Jan.)	430
* Fridolini Conf. (6 Mart.)	344*
* Gabrielis Archangeli (18 Apr.)	345*
Georgii Mart. (23 Apr.)	529
* Germanæ Cousin Virg. Commem. (15 Junii.)	412*
Gervasii et Protasii Mm. Commem. (19 Junii.)	623
Gordiani et Epimachi Mm. Commem. (10 Maii.)	577
Gregorii I. Papæ Conf. et Doct. (12 Mart.)	464
* Gregorii II. Papæ et Conf. (13 Febr.)	417*
Gregorii VII. Papæ et Conf. (25 Maii.)	594
* Gregorii X. Papæ et Conf. (16 Febr.)	419*
Gregorii Nazianzeni Episc. Conf. et Doct. (9 Maii.)	575
Hermenegildi Mart. (13 Apr.)	516
Hilarii Episc. Conf. et Doct. (14 Jan.)	415
* Hyacinthæ de Mariscottis Virg. (6 Febr.)	299*
* Hygini Papæ et Mart. (17 Febr.)	421*
Inventio S. Crucis (3 Maii.)	553
Isidori Episc. Conf. et Doct. (4 Apr.)	507
* Isidori Agricolæ Conf. (15 Maii.)	386*
Joannis Apostoli ante portam Latinam (6 Maii.)	565
Joannis I. Papæ et Mart. (27 Maii.)	499-442*
Joannis a Capistrano Conf. (28 Mart.)	491
Joannis a S. Facundo Conf. (12 Junii.)	620
* Joannis Baptistæ de Rossi Conf. (23 Maii.)	397*
Joannis Chrysostomi Episc. Conf. et Doct. (27 Jan.)	428
Joannis Damasceni Conf. (27 Mart.)	487*
Joannis de Deo Conf. (8 Mart.)	457
Joannis de Matha Conf. (8 Febr.)	435
* Joannis Francisci Regis Conf. Commem. (16 Junii.)	442
* Joannis Josephi a Cruce Conf. (5 Mart.)	342*
* Joannis Nepomuceni Mart. (16 Maii.)	387*
— — Aliud Officium.	389*
Joseph Sponsi B. M. V. Conf. (19 Mart.)	473
— Patrocinium. (Dom. III. post Pascha.)	540
— Offic. votiv. per annum.	248*
* Julianæ Cornelionensis Virg. (5 Apr.)	355*
Julianæ de Falconeriis Virg. Commem. (19 Junii.)	623
* Julii I. Papæ et Conf. (12 Apr.)	433*
Justini Mart. (14 Apr.)	519



* Lanceæ et Clavorum D. N. J. C. ( <i>Fer. VI. post Dom. I. Quadrag.</i> ) . . . . .	315*
* Latronis boni. (24 Apr.) . . . . .	362*
Leonis I. Papæ Conf. et Doct. (11 Apr.) . . . . .	512
* Leonis III. Papæ et Conf. (12 Junii.) . . . . .	448*
* Leonis IX. Papæ et Conf. (19 Apr.) . . . . .	436*
Lucii I. Papæ et Mart. (4 Mart.) . . . . .	453-426*
Marcellini, Petri atque Erasmi Mm. (2 Junii.) . . . . .	606
Marci Evang. (25 Apr.) . . . . .	531
Marci et Marcelliani Mm. Commem. (18 Junii.) . . . . .	623
Margaritæ Reginæ Scotiæ Viduæ. (10 Junii.) . . . . .	615
* Margaritæ Cortonensis Pœnit. (26 Febr.) . . . . .	313*
* Mariæ B. M. V. Immac. Apparitio (11 Febr.) . . . . .	301*
* Mariæ B. V. de Bono Consilio. (26 Aprilis.) . . . . .	368*
* Mariæ B. V. Auxilium Christianorum. (24 Maii.) . . . . .	399*
* Mariæ B. V. Divini Pastoris Matris. ( <i>Dom. I. Maii.</i> ) . . . . .	377*
* Mariæ B. M. Matris gratiarum. (9 Junii.) . . . . .	408*
* Mariæ Annæ a Jesu de Paredes Virg. (2 Junii.) . . . . .	406*
* Mariæ Ægyptiacæ Pœnit. (9 Apr.) . . . . .	356*
Mariæ Magdalenæ de Pazzis Virg. (27 Maii.) . . . . .	599
* Martyrum Japon. XXVI. (5 Febr.) . . . . .	297*
Mathiæ Apostoli. (24 vel 25 Febr.) . . . . .	451
Michaëlis Archangeli Apparit. (8 Maii.) . . . . .	569
Monicæ Viduæ. (4 Maii.) . . . . .	560
Nerei, Achillei, Domitillæ Virg., atque Pancratii Mm. (12 Maii.) . . . . .	579
Norberti Episc. et Conf. (6 Junii.) . . . . .	612
Paschalis Baylon Conf. (17 Maii.) . . . . .	583
* Paschalis I. Papæ et Conf. (14 Maii.) . . . . .	441*
Passionis D. N. J. C. Offic. votiv. per annum. . . . .	271*
Patrii Episc. et Conf. (17 Mart.) . . . . .	467
Patrocinii S. Joseph Conf. Sponsi B. M. V. ( <i>Dom. III. post Pasch.</i> ) . . . . .	540
Pauli a Cruce Conf. (28 Apr.) . . . . .	534
Pentecostes . . . . .	398
* Peregrini Latiosi Conf. (13 Maii.) . . . . .	384*
Perpetuæ et Felicitatis Mm. Commem. (7 Mart.) . . . . .	455
Petri et Pauli Offic. votiv. per annum. . . . .	293*
Petri Mart. (29 Apr.) . . . . .	537
Petri Cælestini Papæ et Conf. (19 Maii.) . . . . .	588
Petri Damiani Episc. Conf. et Doct. (23 Febr.) . . . . .	449
Petronillæ Virg. Commem. (31 Maii.) . . . . .	604
Philippi et Jacobi Apost. (1 Maii.) . . . . .	547
Philippi Nerii Conf. (26 Maii.) . . . . .	597
Pii V. Papæ et Conf. (5 Maii.) . . . . .	563
Primi et Feliciani Mm. (9 Junii.) . . . . .	614
Pudentianæ Virg. Commem. (19 Maii.) . . . . .	589
Quadragesima Martyrum (19 Mart.) . . . . .	462
* Quinque Vulnerum D. N. J. C. ( <i>Fer. VI. post Dom. III. Quadrag.</i> ) . . . . .	328*
Resurrectio Domini . . . . .	286
Romualdi Abbatis. (7 Febr.) . . . . .	434
Sacramenti SS. Offic. votiv. per annum. . . . .	255*
Sanguinis Pretios. D. N. J. C. ( <i>Fer. VI. post Dom. IV. Quadrag.</i> ) . . . . .	333*

Scholasticæ Virg. (10 Febr.).	440
Septem Dolorum B. M. V. ( <i>Fer. VI. post Dom. Passion.</i> ).	494
Septem Fundatorum Ordinis Servorum B. M. V. (11 Febr.).	442
Simeonis Episc. et Mart. Commem. (18 Febr.).	446
* Simplicii Papæ et Conf. (2 Mart.).	424*
* Sindonis D. N. J. C. ( <i>Feria VI. post Dom. II. Quadrag.</i> ).	321*
Soteris et Caii Pont. et Mart. (22 Apr.).	527
Stanislai Episc. et Mart. (7 Maii.).	567
* Telesphori Papæ et Mart. (12 Febr.).	416*
Thomæ de Aquino Conf. et Eccl. Doct. (7 Mart.).	455
* Thuribii de Mogrovejo Episc. et Conf. (27 Apr.).	374*
Tiburtii, Valeriani et Maximi Mm. (14 Apr.).	520
Titi Episc. et Conf. (6 Febr.).	432
Ubaldi Episc. et Conf. (16 Maii.).	582
Urbani I. Papæ et Mart. Commem. (25 Maii.).	594-443*
Valentini Presb. et Mart. Commem. (14 Febr.).	446
Venantii Mart. (18 Maii.).	585
Vincentii Ferrerii Conf. (5 Apr.).	511
Vitalis Mart. Commem. (28 Apr.).	535
Viti, Modesti et Crescentiæ Mm. Commem. (15 Junii.).	623
* Xysti I. Papæ et Mart. (6 Apr.).	431*
* Xysti III. Papæ et Conf. (28 Mart.).	429*
* Zachariæ Papæ et Conf. (15 Mart.).	427*
* Zozimi Papæ et Conf. (9 Febr.).	414*





OFFICIA PROPRIA  
**DIOECESIS MIMATENSIS**

JUBENTE ET CURANTE

**Ill. ac Rev. DD. JOANNE ANTONIO MARIA FOULQUIER**

EPISCOPO MIMATENSI

AD FORMAM LITURGIE ROMANE ACCOMMODATE ORDINATA

et

SANCTA SEDE APPROBANTE

CUM BREVIARIO ROMANO RECITANDA.

**PARS VERN.**



PARISIIS

ADRIANUS LE CLERE ET SOC.,

SS. D. N. PAPÆ ET ARCHIEPISCOPATUS TYPOGRAPHI,

VIA DICTA CASSETTE, 29.

—  
1859





# OFFICIA PROPRIA

## DIOECESIS MIMATENSIS

### PARS VERNA.

---

¶ In Feriis Quadragesimæ, quando fit officium Sanctorum, Lectiones I Nocturni, de I Nocturno Communis, primo loco, nisi aliter notetur.

### FESTA FEBRUARII.

DIE IV.

B. JOANNÆ VALESIAE,  
VIDUÆ.

*Duplex.*

*In Suppl. Brev.*

DIE VI.

SANCTI TITI, *p. 432*

EPISCOPI ET CONFESSORIS.

*Duplex. p. 67*

(Dies fixa ex 4 Januarii.)

*Omnia de Com. Conf. Pont.,  
p. lxxiv, præter sequentia.*

*In Hymno Iste Confessor  
mutatur tertius versus.*

ORATIO.

**D**EUS, qui beatum Titum,  
Confessorem tuum atque

Pontificem, Apostolicis virtutibus decorasti : ejus meritis et intercessione concede ; ut juste et pie viventes in hoc sæculo, ad cœlestem patriam pervenire mereamur. Per.

*Comm. S. Dorotheæ, Virg.  
et Mart. (hac die).*

*Lect. I Noct. Fidélis sermo. p. 69*

### IN II NOCTURNO.

LECTIO IV.

**T**ITUM, Cretensium Episcopum, vix Pauli Apostoli verbo, christianæ fidei sacramentis mysterisque excultum, ea sanctitatis luce Ecclesiæ tunc vagienti effulxisse compertum est, ut inter ejusdem Doctôris Gentium

discípulos merúerit cooptári. Adscítus in partem óneris prædicatiónis, ádeo evangeli-zándi ardóre et fidelitáte Paulo éxstitit charus, ut ipse cum venisset Tróadem propter Evangélium Christi, testátus sit non habuisse réquiem spirítui suo, eo quod Titum, fratrem suum, ibi non invénerit. Et paulo post Macedóniam petens, rursus suam in eum charitátem ita éxpri-mit: Sed qui consolátur húmiles, consolátus est nos Deus in advéntu Titi.

## LECTIO V.

**Q**UAMOBREM Corínthum ab Apóstolo missus, ea sapiéntia et lenitáte legatiónis hujus múnere functus est, quæ præsertim de fidélium pietáte eleemósynas colligén-das ad sublevándam Ecclesiæ Hebræorum inópiam spectábat, ut Corínthios non solum in Christi fide continúerit, sed étiam desidérium, fletum, æmulatiónem inter eos pro Paulo, qui illos primus instituit, excitáverit. Ad effundéndum interim inter Gentes linguis locisque distinctas divíni verbi semen, plúribus terra marique itinéribus reléctis, magnáque ánimi firmitáte pro Crucis trophæo curis laboribúsque exantlátis, una cum duce Paulo Cretæ ínsulam áppulit. Cum porro huic Ecclesiæ Epíscopus ab ipso Apóstolo deléctus

esset, dubitándum non est, quin in eo múnere ita versátus sit, ut juxta ipsius Pauli præceptóris mónita, se ipsum præbúerit exéplum bonórum óperum in doctrína, in integritáte, in gravitáte.

## LECTIO VI.

**I**TAQUE tamquam lucérna inter eos qui in idololátriæ et mendaciórum ténebris, véluti in umbra mortis sedébant, religiónis jubar diffúdit. Tráditur eum inter Dálmatas, ut crucis vexillum explicáret, strénue consudásse. Tandem meritórum et diérum plenus, quarto supra nonagésimum anno, pridie Nonas Januárii, pretiósá justórum morte obdormívit in Dómino, et sepúltus est in Ecclesiá, ubi ab Apóstolo Mí-níster fuerat constitútus. Hujus nomen a sancto Joánne Chrysóstomo, et a sancto Hierónymo præcipue commen-dátum, Martyrológio Románo eádem die inscriptum légitur; verum pro ejus die festo cum Offício et Missa in Cathólico orbe recoléndo ab utróque Clero, primam insequéntem diem liberam Summus Póntifex, Pius Nonus, assignávit.

*In III Noct., Homilia Dóminus et Salvátor, de Comm. Evang. p. 21*

*Comm. et Lect. ix S. Dorotheæ, Virg. et Mart., in Propr. Sanct. (hac die). p. 433*



## DIE IX.

SANCTI POLYCARPI,  
EPISCOPI ET MARTYRIS.

*Duplex.*

(*Fixa ex 26 Januarii.*)

*Oratio* Deus, qui nos.

*Pro Comm. S. Apolloniae,*  
*Virg. et Mart. Oratio* Deus,  
qui inter cætera.

*Lect. I Noct.* A Miléto.

## IN II NOCTURNO.

Ex libro sancti Hierónymi,  
Presbyteri, de scriptóribus  
ecclesiásticis.

## LECTIO IV.

**P**OLYCARPUS, Joánnis Apóstoli discipulus, et ab eo Smyrnæ Episcopus ordinátus, tótius Asiæ princeps fuit, quippe qui nonnúllos apostolorum et eórum qui víderant Dóminum, magistros habuerit et víderit. Hic propter quasdam super die Paschæ quæstiões, sub imperatóre Antoníno Pio, Ecclésiám in urbe regénte Anicéto, Romam venit: ubi plúrimos credéntium, Marciónis et Valentíni persuasiõe decéptos, redúxit ad fidem. Cumque ei fortúito óbviám fuisset Márcion et diceret: Cognóscis nos? Respóndit: Cognóscó primogénitum diaboli. Póstea vero, regnánte Marco Antoníno et Lúcio Aurélio Cóm-

modo, quarta post Nerónem persecutiõe, Smyrnæ sedente Procónsule, et univérso pópulo in amphithéatro advérsus eum personánte, igni tráditus est. Scripsit ad Philippéenses valde útilém epistolam, quæ usque hódie in Asiæ convéntu légitur.

*Lect. v et vi* Príncipes persecúti sunt, *de Comm., secundo loco.*

*In III Noct. Homilia* Dóminus diem judicii, *de eodem Comm., tertio loco.*

*Lect. ix de S. Apollonia, in Propr. Sanct. (hac die).*

## DIE XI.

SANCTI ANDREÆ CORSINI,  
EPISCOPI ET CONFESSORIS.

*Duplex.*

*In Propr. Sanct.*

(*Fixa ex 4 hujus.*)

## DIE XII.

SS. JULIANI,

MARTYRIS,

ET BASILISSÆ,

VIRGINIS.

*Semiduplex.*

(*Fixa ex 7 Januarii.*)

*Omnia de Comm. plurim. Mart., præter sequentia.* §1<sup>r</sup>

*Oratio* Deus, qui nos... solemnitate. §2<sup>r</sup>

*Lect. I Noct.* Fratres, debitorum sumus. 83+

## IN II NOCTURNO.

### LECTIO IV.

**J**ULIANUS, quem alii patria Ægyptium, alii Antiochenum existimant, cum virginitatis votum iunior emisisset, traditur fuisse a parentibus compulsus Basilissam uxorem ducere. Is vero, ipsa nuptiarum die, hanc induxit, ut sese Christo per virginitatem devoveret; quam fidem uterque illibatam servavit. Ab invicem separati, id unum cogitarunt ut essent sancti corpore et spiritu. Basilissa, etsi martyrii desiderio accensa, operibus tantum justitiæ et charitatis explendam in pace vitam finivit.

### LECTIO V.

**T**UNC temporis maxime in Christianos Diocletianus saeviebat. Julianus, ad fidei vocatus certamina, generose Christum confessus est. Igne et vario tormentorum genere tentatus, non extimuit eos qui occidunt corpus, animam autem non possunt occidere. Promissis inaccessus et minis, crudelem tyrannum irridet. Jesum enim videt oculis fidei sedentem a dextris virtutis Dei, qui ad palmam deducit eum victorem in psalmis canentem. Sicque quos monitis et consiliis, Dei

gratia intus operante, ad fidei mysteria fervens adduxit, vel in via virtutis firmavit, iis gloria passionis exemplum forte reliquit, et ex eis plures mortis socios habere meruit.

### LECTIO VI.

**S**ANCTORUM conjugum cultus, non in Ægypto tantum, sed et in toto Oriente, nec non in pluribus Occidentis regionibus obtinuit. Quos Deus tam sancte conjunxerat, hos Ecclesia simul honorare instituit, eisdemque titulo virginum et martyrum insignivit, quamvis Basilissa solummodo necem pro Christo patiendi ardore flagraverit.

*In III Noct. Homilia Advérte omnia, de Comm., secundo loco.* 64+

## DIE XIII.

### SANCTI MARCELLI,

PAPÆ ET MARTYRIS.

*Semiduplex.* 26+

*(Fixa ex 16 Januarii.)*

### ORATIO.

**P**RECES populi tui, quaesumus, Domine, clementer exaudi, ut beati Marcelli, Martyris tui atque Pontificis, meritis adjuvemur, cujus passione lætatur. Per Dominum.

*Lect. I Noct. A Miléto.* 29+



## IN II NOCTURNO.

## LECTIO IV.

**M**ARCELLUS Románus a Constantio et Galério usque ad Maxéntium Pontificátum gessit. Cujus hortátu, Lucína, matróna Romána, bonórum suórum Dei Ecclesiám fecit hærédem. Viginti quinque títulos in Urbe instituit, quasi diocèses quasdam, et ad baptísmum pœnitentiámque eórum, qui ex infidélibus Christiánam religiònem suscéperent, et ad mártýrum sepultúram. Quibus rebus ira incensus Maxéntius, Marcéllo grávia supplicia minátur, nisi, depósito Pontificátu, idólis immoláret.

## LECTIO V.

**Q**UI cum insánas hóminis voces negligeret, misit eum in catábulum, ut bestiárum, quæ públice alebántur, curam sustinéret. Ubi Marcéllus assíduis jejúniis et precibus novem menses vitam duxit, paróchias, quas præsens non póterat, visitans per epístolas. Inde eréptus a cléricis, hospítio recípitur a beáta Lucína : in cujus ædibus Ecclesiám dedicávit, quæ hódie título sancti Marcélli nominátur. In qua et Christiáni orábant, et ipse beátus Marcéllus prædicábat.

## LECTIO VI.

**Q**UIBUS cógnitis, Maxéntius in eam Ecclesiám catá-

buli béstias transférri, et a Marcéllo custodíri jubet: ubi loci fœditáte, multísque ærúmnis afflíctus, obdormívit in Dómino. Cujus corpus in cœmetério Priscillæ via Salária a beáta Lucína sepúltum est décimo séptimo Kaléndas Februárii. Sedit annos quinque, mensem unum, dies viginti quinque. Scripsit epístolam ad Episcopos Antiochénae provínciæ de primátu Románae Ecclesiæ, quam caput Ecclesiárum appellándam démonstrat. Ubi étiam illud scriptum est, nullum Concílium jure celebrári, nisi ex auctoritáte Románi Pontíficis. Ordinávit mense Decémbri Romæ Presbyteros viginti quinque, Diáconos duos, Episcopos per diversa loca viginti unum.

*In III Noct., Homilia*  
Quia Dóminus ac Redemptor,  
*de Comm., secundo loco.* 39+

R. VIII. Dómine prævenisti. 36+

## DIE XIV.

## SANCTI CANUTI,

REGIS, MARTYRIS. 26+

*Semiduplex.*

*(Fixa ex 19 Januarii.)*

## ORATIO.

**D**EUS, qui ad illustrándam Ecclesiám tuam beátum Canútum regem martyrii palma et gloriósis miráculis decoráre dignátus es: concéde

propítius, ut sicut ipse Domínicæ passiõnis imitátor fuit, ita nos per ejus vestigia gradiétes, ad gáudia sempitérna perveníre mereámur. Per eúmdem Dóminum.

*Comm. S. Valentini, Presb. et Mart., in Propr. Sanct. (hac die).* 446

*Lect. I Noct., Fratres, debitorés, ut in Comm. plurim. Mart.* 53+

## IN II NOCTURNO.

### LECTIO IV.

**C**ANUTUS, quartus Suenónis Esthritii, Danórum regis, filius, fide, pietáte et morum honestáte conspicuus, exímiæ sanctitátis a téneris annis spécimen dedit. Patérnum sceptrum summa ómnium acclamatióne adéptus, Religióni promovéndæ sédulo incúmbere, Ecclesiás reditibus augére, et pretiósá supellétili ornáre cœpit. Tum zelo propagándæ fidei succensus, bárbara regna justo certámine aggréssus, devictas subditásque nátiões Christiánæ legi subjugávit. Victóriis autem plúrimis gloriósus, et divítiis auctus, regále diadéma ad Christi crucifixi pedes abjécit, se et regnum illi subjiciens, qui Rex regum est, et Dóminus dominántium. Corpus suum jejúniis, cilíciis et flagéllis castigávit. In oratióne et contemplatióne assíduus, erga

páuperes profúsus, erga omnes benéficus semper fuit, nec umquam a justitiæ divínæque legis sémita defléxit.

### LECTIO V.

**H**is aliisque virtútibus imbutus, ad suprénum perfectiõnis ápicem sanctus rex properábat. Accidit autem ut Angliæ regnum a Wilhélmo, Normannórum duce, formidábili exércitu invaderétur. Anglis vero Danórum opem implorántibus cum succurrere rex decrevisset, belli expeditiõnem Olao fratri commisit. Qui regnándi cupiditate illéctus, arma vertit in regis perniciem, militibus et pópulo contra illum concitátis. Nec defuerunt rebelliõni foménta: cum enim rex éditis légibus decimas Ecclesiis solvi, Dei et Ecclesiæ præcépta servári, transgressóres puniri sanxisset, plerique perversi ac sceleráti hómínes exacerbáti, primum quidem tumultuári, tum plebem commovére, ac tandem sanctíssimo regi necem molíri cœperunt.

### LECTIO VI.

**S**CIENS igitur rex, futurórum præsciús, mortem sibi propter justítiam imminére, ea prænuntiáta, ad Ecclesiám sancti Albáni Mártiris Othóniæ, tamquam ad locum certaminis, proféctus est, et Sacraméntis munítus agónem



suum Dómino commendábat. Mox ibi advéniens conjuratórum multitúdo, Ecclesiæ ignem admovére, fores confringere, et in eam irrumpere tentárunť. Quod cum perficere non possent, ad fenestras accedéntes, saxa et sagittas in sanctum regem, flexis génibus pro inimicis orántem, magno impetu jaculári non cessárunť, donec lápidum et telórum ictibus, ac tandem láncea confóssus, glorióso martyrio, ante altáre exténsis bráchiis procúm-bens, coronátus est, sedénte in Apostólico throno Gregório Séptimo. Multis póstea miráculis Mártirem suum illustrávit Deus: nam gravi penúria et divérsis calamitátibus oppréssa Dánia, patrátí sacrilégii póenas luit. Plures étiam váriis languóribus afflícti, ad ejus tumulum remédium et incolumitátem consecúti sunt. Cumque regína sacrum ejus corpus noctu clam surrípere, et álio transférre conaréťur, emissó cœlitus ingénti splendóre pertérrita, a propósito cessávit.

*In III Nocturno, Homilia*  
Quia Dóminus ac Redémptor,  
de Comm., secundo loco. 59

*Pro S. Valentino. 446*

*Lectio IX Triumphális be-*  
átí, de Comm., primo loco, in  
II Noct. 52<sup>r</sup>

MIMAT. Verna.

## DIE XV.

S. RAYMUNDI DE PEGNAFORT

CONFESSORIS. p. 88<sup>r</sup>*Semiduplex. (m. t. v.)**(Fixa ex 23 Januarii.)*

## ORATIO.

**D**EUS, qui beátum Raymúndum pœniténtiæ Sacraménti insignem minístrum elegísti, et per maris undas mirábiliter traduxísti: concéde, ut ejus intercessióne dignos pœniténtiæ fructus fácere, et ad æternæ salútis portum pervenire valeámus. Per Dóminum.

*Pro Comm. SS. Faustini et Jovitæ, Mart. Oratio Deus, qui nos ánnua. p. 82<sup>r</sup>*

*Lect. I Noct., Justus si*  
morte. p. 90<sup>r</sup>

## IN II NOCTURNO.

## LECTIO IV.

**B**EATUS Raymúndus 'Barci-nonénsis ex nóbili famí-lia de Pegnafort, Christiánæ religiónis rudiméntis imbú-tus, adhuc párvulus exímia ánimí et córporis índole magnum áliquíd porténdere visus est. Nam adoléscent humaniôres líttéras in pátria proféssus, Bonóniam se cón-tulit, ubi pietátis offíciis, ac pontificio civilíque juri sé-dulo incúm-bens, et doctóris láurea insignítus, ibídem sacros Cánones magna cum hómínú admíratíone est in-

terpretátus. Ejus virtútum fama percrebrescente, Berengarius, Barcinonensis Episcopus, cum Romam suam ad Ecclesiam rediret, eum conveniendi causa Bononiam iter instituit, et tandem summis precibus, ut secum in patriam reverteretur, obtinuit. Mox ejusdem Ecclesiae canonicatu et praepositura ornatus, universo Clero et populo, integritate, modestia, doctrina et morum suavitate praefulsit, ac Deiparae Virginis, quam singulari pietatis affectu venerabatur, honorem et cultum semper pro viribus auxit.

## LECTIO V.

**A**NNUM circiter quintum supra quadragésimum agens, in Ordine Fratrum Praedicatorum solenni emissa professione, ut novus miles, in omni virtutum genere, sed praecipue in charitate erga egenos, et maxime captivos ab infidelibus detentos, se exercuit. Unde cum ejus hortatu sanctus Petrus Nolascus (cujus ipse confessiones audiebat) suas opes piissimo huic operi conferret, tum eidem, tum beato Raymundo, et Jacobo Primo, Aragoniae regi, apparens beatissima Virgo, gratissimum sibi et Unigenito Filio suo fore dixit, si in suum honorem institueretur Ordo Religiosorum, quibus captivos ex in-

fidelium tyrannide liberandi cura incumbere. Quare collatis inter se consiliis, Ordinem beatae Mariae de Mercéde redemptionis Captivorum fundaverunt; cui beatus Raymundus certas vivendi leges praescripsit ad ejusdem Ordinis vocationem accomodatissimas: quarum approbationem aliquot post annos a Gregorio Nono impetravit, et dictum sanctum Petrum primum Generalem Ordinis magistrum suis ipse manibus habitu eodem indutum creavit.

## LECTIO VI.

**A**B eodem Gregorio Romam accersitus, et Capellani, ac Pœnitentiarii, et Confessarii sui munere decoratus, ejusdem jussu Romanorum Pontificum decreta, in diversis Conciliis et Epistolis sparsa, in unum Decretalium volumen redexit. Archiepiscopatum Tarraconensem ab ipso Pontifice sibi oblatum constantissime recusavit, et totius Ordinis Praedicatorum generale Magisterium, quod per biennium sanctissime administraverat, sponte dimisit. Jacobo, Aragoniae regi, sacrae Inquisitionis officii suis in regnis instituendi auctor fuit. Multa patravit miracula, inter quae illud clarissimum, quod ex insula Baleari majori Barcinonem reversurus, strato super aquas pallio, centum



sexaginta milliária sex horis confecerit, et suum cœnóbium jánuis clausis fúerit ingressus. Tandem prope centenárius, virtútibus et méritis cumulátus obdormívit in Dómino, anno salutis millésimo ducentésimo septuagésimo quinto. Quem Clemens Octávus in Sanctorum númerum rétulit.

*In III Noct., Homilia Sancti Evangelii, fratres, de Comm., primo loco.* *p. 96<sup>r</sup>*

*Pro SS. Martyribus, Lect. IX in Propr. Sanct. (hac die).*

*p. 446*  
FERIA VI POST DOM. I QUADRAG.

COMMEMORATIONIS

SS. PASSIONIS D. N. J. C.

*Duplex majus.*

IN I VESPERIS.

*Ant.* Cálicem salutáris accípíam, et nomen Dómini invocábo.

*Psalmus* Crédidi, *p. 130*

*Ant.* Cum his qui odérunt pacem, eram pacíficus; dum loquébar illis, impugnábant me gratis.

*Psalm.* Ad Dóminum, *p. 128. 131*

*Ant.* Ab homínibus iníquis libera me, Dómine.

*Psalm.* Eripe me, Dómine, *p. 130. 141*

*Ant.* Custódi me a láqueo, quem statuérunt mihi, et a scándalis operántium iniquitátem.

*Psalm.* Dómine, clamávi, *p. 141*

*Ant.* Considerábam ad dexteram, et vidébam, et non erat qui cognósceret me.

*Psalm.* Voce mea... deprecátus, *p. 142*

*Capit. de Laudibus.*

HYMNUS.

**M**ERENTES óculi, spárgite lácrymas,  
Et luctu résonent íntima córdium,

Illátas réfero Númini ab impiis

Pœnas et fera vúlnera.

Accínta heu! gládiis, turba satéllitum

Arréptum Dóminum fústibus ímpetit,

Nunc cædit cólaphis, nunc quatit hórridis

Divínum caput íctibus.

Haud finis scéleri: tráditur ímprobo

Christus carnífici: nec mora, bárbarus

In Regem Súperum non tímet, ímpio

Ausu, vértere dextéram.

Audíte, o pópuli, Numen amábile,

Manánte ex húmeris úndique sáanguine,

Lictóris rábidi sústinet ímpetum,

Et vocem premit ínno-cens.

Quis non illácrymet! Jam nova cóndidit

Torménta indómitæ gentis iníquitas:

Ínfigit cérebro, proh dolor! éfferis

Sertum vépribus ásperum.

Heu crimen! tráhitur fúni-  
bus improbis

Funésti Dóminus supplicii ad  
locum :

Illic oppétiit fúnere spíritum  
Patri restítuens suo.

Passo pro míseris tam fera  
vúlnera.

In terris résonet débíta glória,  
Sacrumque assidue nomen in  
æthera

Humánum genus éffe-  
rat.

Amen.

ÿ. Oblátus est, quia ipse vó-  
luit. R. Et livóre ejus sanáti  
sumus.

*Ad Magnif. Ant.* O vos  
omnes, qui transitis per viam,  
atténdite et vidéte si est dolor  
sicut dolor meus.

*Oratio ut in Laudibus.*

*Et fit Comm. Feriæ.*

*Ad Complet. et per Horas  
diei, in fine Hymn. dicitur :*

Sit laus Patri, ac Paráclito,  
Natóque Patris único,  
Nostræ dedit qui pródigus  
Prétium salútis sánguinem.

Amen.

AD MATUTINUM.

*Invit.* Christum, Regem cru-  
cifíxum, \* Veníte, adorémus.

HYMNUS.

**A**SPICE, infámi Deus ipse  
ligno  
Pendet, effúso mádidus cruó-  
re :

Aspice, immíti manus alma  
clavo

Fínditur alte.

Hunc, velut pravi scéleris  
minístrum,

Inter indignos médium la-  
trónes

Cerne: Crudélis fuit ista gen-  
tis

Dira volúntas.

Pallet heu! vultus : caput  
ecce lassum

Fléctitur : clausis óculis Re-  
démptor

Spíritum sacro méritis onú-  
stum

Fundit ab ore.

O cor, æs durum súperas,  
geméndo

Ni scelus tergas; tua culpa  
Christum

Stípití affíxit : tua culpa  
morti

Súbdidit atræ.

Sit Deo ætérnum decus  
omne in ævum,

Qui pius nostri géneris Re-  
démptor,

Críminis labem míseris no-  
céntem

Sáanguine tersit.

Amen.

IN I NOCTURNO.

*Ant.* Astitérunt reges ter-  
ræ, et príncipes convenérunt  
in unum advérsus Dóminum  
et advérsus Christum ejus.

*Psalm.* Quare fremuérunt  
Gentes, p. 4.

*Ant.* Multiplicáti sunt, qui  
tribulant me : multi insúr-  
gunt advérsus me.

*Psalm.* Dómine, quid mul-  
tiplicáti sunt, p. 4.

*Ant.* Divisérunť sibi vesti-



ménta mea, et super vestem meam misérunt sortem.

*Psalm.* Deus, Deus meus, p. 33.

ŷ. Oblátus est quia ipse vóluit. R̃. Et livóre ejus sanáti sumus.

De Epístola beáti Pauli, Apóstoli, ad Romános.

LECTIO I. *Cap. 5 et 6.*

**C**OMMENDAT charitátem suam Deus in nobis, quóniam cum adhuc peccatóres essémus, secúndum tempus Christus pro nobis mórtuus est : multo igitur magis nunc justificáti in ságuine ipsíus, salvi érimus ab ira per ipsum. Si enim, cum inimíci essémus, reconciliáti sumus Deo per mortem Filii ejus, multo magis reconciliáti salvi érimus in vita ipsíus. Non solum autem, sed et gloriámur in Deo, per Dóminum nostrum Jesum Christum, per quem nunc reconciliatióne accépimus. Si enim uníus delicto mors regnávit per unum, multo magis abundántiam grátiae, et donatiónis, et justítiae accipiéntes, in vita regnábunt per Jesum Christum.

R̃. Vinea mea elécta, ego te plantávi, dicit Dóminus, et tu facta es mihi nimis amára, \*Quia parásti crucem Salvatóri tuo. ŷ. Pópule meus, quid feci tibi, aut in quo contristávi te? Respónde mihi. \* Quia.

LECTIO II.

**I**GITUR, sicut per uníus delictum in omnes hómines in condemnatióne, sic et per uníus justítiam, in omnes hómines in justificatióne vitæ. Sicut enim per inobediéntiam uníus hóminis peccatóres constitúti sunt multi, ita et per uníus obeditiόnem justí constituéntur multi. Lex autem subintrávit, ut abundáret delictum : ubi autem abundávit delictum, superabundávit grátia, ut sicut regnávit peccátum in mortem, ita et grátia regnet per justítiam in vitam ætérnam, per Jesum Christum Dóminum nostrum.

R̃. Ego edúxi te de Ægypto, demérso Pharaóne in mare Rubrum, et ante te præívi in colúmna nubis; \* Et tu me tradidísti princípibus Sacerdótum, et me duxísti ad prætóríum Piláti. ŷ. Pópule meus, quid feci tibi, aut in quo contristávi te? Respónde mihi. \* Et.

LECTIO III.

**Q**UId ergo dicémus? Permanébimus in peccáto, ut grátia abúndet? Absit : qui enim mórtui sumus peccáto, quómodo adhuc vivémus in illo? An ignorátis quia quicumque baptizáti sumus in Christo Jesu, in morte ipsius baptizáti sumus? Consepúlti enim sumus cum illo per Baptísmum in mortem, ut quómodo Christus surréxit a

mórtuis per glóriam Patris; ita et nos in novitáte vitæ ambulémus. Si enim complantati facti sumus similitúdini mortis ejus, simul et resurrectionis érimus. Hoc sciéntes, quia vetus homo noster simul crucifixus est, ut destruatúr corpus peccáti, et ultra non serviámus peccáto. Qui enim mórtuus est, justificátus est a peccáto. Si autem mórtui sumus cum Christo, crédimus quia simul étiam vivémus cum Christo.

ñ. Ego propter te flagellávi Ægyptum cum primogénitis suis; \* Et tu me flagellátum tradidisti, \* Qui, tamquam agnus coram tondénte se, obmútui et non apérui os meum. ý. Pópule meus, quid feci tibi, aut in quo contristávi te? Respónde mihi. \* Et. Glória Patri. \* Qui.

## IN II NOCTURNO.

*Ant.* Inimíci mei dixerunt mala mihi : Quando moriétur, et peribit nomen ejus?

*Psalm.* Beátus qui intélligit, p. 66.

*Ant.* Aliéni insurrexérunt in me, et fortes quæsiérunt ánimam meam.

*Psalm.* Deus, in nómine tuo salvum me fac, p. 23.

*Ant.* Conculcavérunt me inimíci mei tota die : adversum me omnes cogitatiónes eórum in malum.

*Psalm.* Miserére mei, Deus, quóniam conculcávit, p. 76.

ý. Próprio Filio suo non pepércit Deus. ñ. Sed pro nobis ómnibus trádidit illum.

Sermo sancti Augustíni,  
Epíscopi.

*Sermo 41 de Pass. Domini.*

## LECTIO IV.

ADMONET NOS, Fratres charíssimi, ad solemnitátem Domínicæ Passiós die ipse, in quo eam nec muta elementa tacuérunt. Célebret eam lux fidei linguis hóminum, quam conclamavérunt étiam siléntia tenebrárum. Hódie Dóminus noster in statéra crucis prétium nostræ salutis appéndit, et una morte univérsum mundum, sicut ómnium Cónditor, ita ómnium Reparátor absólvit. Indubítanter enim credámus, quod totum mundum redémit, qui plus dedit quam totus mundus valéret. Méritum enim redéptæ mercédis dignitas insígnis prétii supergréssa est. Inter redéptum et Rediméntem dispensatio fuit, compensatio non fuit. Qui ergo non habébat peccáta própria, digne delévit aliéna. Solus hic pia víctima pro ómnibus cécidit, ut omnes leváret; et quia débitum solus non hábuit, recte fœnus misericórdiæ pro debitóribus erogávit.

ñ. Ego propter te Chanæórum reges percússi, et dedi tibi sceptrum regále;



\*Et tu dedisti cápiti meo spí-  
neam corónam, et percus-  
sisti arúndine caput meum.  
ŷ. Pópule meus, quid feci  
tibi, aut in quo contristávi  
te? Respónde mihi. \* Et tu de-  
disti.

LECTIO V.

**P**ERPENDE, inter hæc, qui  
talem pro nobis dedit pe-  
cúniam, qualem a nobis sit  
exacturus usúram. In hac  
ítaque die fides prophéticæ  
annuntiatiónis impléta est, ita  
dicéntis : Corpus meum dedi  
percutiéntibus, et genas meas  
velléntibus : fáciem meam  
non avérti a fœditáte sputó-  
rum. Suscépit mala nostra,  
ut tribúeret bona sua. Hinc  
intelligámus quantum hó-  
minem diligere dignátus sit  
ante culpam, quem sic dili-  
git post ruínam. Agnósce,  
homo, quantum váleas, et  
quantum débeas; et dum  
tantam redemptionis tuæ pér-  
spicis dignitátem, ipse tibi  
indícito peccándi pudórem.  
Ecce pro ímpio píetas flagel-  
látur, pro stulto sapiéntia il-  
lúditur, pro mendáce véritas  
necátur, damnátur justítia  
pro iníquo, misericórdia affi-  
citur pro crudéli, pro mísero  
replétur sincéritas acéto, ine-  
briátur felle dulcédo, addici-  
tur innocéntia pro reo, mó-  
ritur vita pro mórtuo.

Ŕ. Ego duxi te per desér-  
tum quadragínta annis, et  
manna cibávi te; \* Et tu me

cæcidísti álapis et flagéllis.  
ŷ. Pópule meus, quid feci  
tibi, aut in quo contristávi  
te? Respónde mihi. \* Et tu.

LECTIO VI.

**E**XPAVIT scelus hóminum  
natúra rerum; et quem  
creatúra rebéllis non agnó-  
scit, eum mundi Dóminum  
tremens terra testátur, et  
cœli Regem sol fúgiens con-  
fitétur. Chlámýde coccínea  
indúitur, quia sáanguine Már-  
tyrum suórum Ecclesiæ cor-  
pus ornátur. Coróna spí-  
nea cápiti ejus impónitur,  
quia púnctio peccatórum no-  
strórum, quorum remissiône  
Redemptóris glória strúitur,  
áridis tríbulis comparátur.  
Studeámus nunc e dívérso, ut  
membrórum vita Cápitis sit  
coróna. Quod vero sitíre se in  
cruce pósitus dicit, fidem in-  
crédulæ gentis concupiscit;  
sed e contra acétum malítiæ  
pórrigunt, quia vinum sa-  
piéntiæ, quod a Deo accépe-  
rant, peccádo corrúperant.  
Velum templi scínditur, quia  
Synagóga honóre nudátur,  
observátio antíqua dissólvi-  
tur, Ecclesiæ únitás præ-  
monstrátur. Monuménta ape-  
riúntur, quia mortis jura  
jure superántur.

Ŕ. Ego exaltávi te magna  
virtúte; \* Et tu me suspen-  
disti in patíbulo crucis, \* In  
qua expándi manus meas ad  
pópulum non credéntem et  
contradicéntem. ŷ. Pópule

meus, quid feci tibi, aut in quo contristávi te? Respónde mihi. \* Et. Glória Patri. \* In.

### IN III NOCTURNO.

*Ant.* Fílii hóminum, dentes eórum arma et sagíttæ, et lingua eórum gládus acútus.

*Psalm.* Miserére mei, Deus, miserére mei, *p. 77. 77*

*Ant.* Intendérunt arcum rem amáram, ut sagíttent in occúltis immaculátum.

*Psalm.* Exáudi, Deus, oratió nem meam, *p. 77.*

*Ant.* Factus sum sicut homo sine adjutório, inter mórtuos liber.

*Psalm.* Dómine, Deus salutis meæ, *p. 108.*

ŷ. Factus est obédiens usque ad mortem. R̃. Mortem autem crucis.

Lectio sancti Evangélíi secúndum Joánnem.

LECTIO VII. *Cap. 19.*

**I**N illo témpore : Sciens Jesus, quia ómnia consummáta sunt, ut consummarétur Scriptúra, dixit : Sítio. Et réliqua.

Homília sancti Joánnis Chrysóstomi.

*Ex Hom. 84 in cap. 19 Joannis, ante medium.*

**S**CIENS Jesus ómnia consummáta, ait : Sítio, étiam hoc verbo prophétiam implens. Tu autem adstántium

pravitátem intéllige : nam licet innúmeros habeámus inimícos, qui nos gravíssime persecúti sint, cum tamen intéri mi eos vidémus, fléctimur misericórdia. Hi vero nil moti, magis efferúntur et irrident, acetúmque in spóngia pórrigunt, ut bibat tamquam reus : nam propter hoc hyssópum ádditur, quo gustáto, mórtuus est. Vides quam non perturbáte, et quam poténter ómnia transigéntem? Quod et prósequens osténdit; cum enim ómnia consummáta essent, inclináto cápite, quod affíxum non erat, trádedit spíritum, hoc est, expirávit.

R̃. Ego te potávi aqua salutis de petra; \* Et tu me potásti felle et acéto. ŷ. Pópule meus, quid feci tibi, aut in quo contristávi te? Respónde mihi. \* Et tu.

LECTIO VIII.

**A**TQUI non post inclinátum caput expirátur; sed post expiratió nem caput inclinátur. Hic autem contra áccidit, per quod osténdit eum Evangelista esse ómnium Dóminum. Judæi autem camélum devorántes, et cúlicem excolántes, tantum nefas ausi, de die consúltant : Quóniam Parascéve erat, ut non remanér ent in cruce córpora Sábato, rogavérunt Pilátum, ut frangeréntur eórum crura. Vides quanti sit vér itas? Per



ea, quæ illi faciunt, prophétia implétur; ália enim ex hoc manifestáta est. Venérunt ergo milites, et aliórum frégérunt crura, non Christi; sed ad Judæórum grátiam conciliándam latus ejus lancea aperuérunt, et mórtuo adhuc insúltant. O péssimam voluntátem ac scelestíssimam!

R. Ego ante te apéruí mare;  
\* Et tu aperuísti lancea latus Salvatóri tuo, \* Qui redémit mundum in ságuine suo.  
Ÿ. Pópule meus, quid feci tibi, aut in quo contristávi te? Respónde mihi. \* Et. Glória Patri. \* Qui.

*Lectio IX de Homilia Feriæ.*

# AD LAUDES

ET PER HORAS.

*Ant.* Fui flagellátus \* tota die, et castigátio mea in matutínis.

*Ant.* Veni ad montem myrrhæ \* et ad collem thuris: tamquam agnus ad occisió-nem ductus, obmútui, et non apéruí os meum.

*Ant.* Fodérunt manus meas \* et pedes meos: dinumeravérunt ómnia ossa mea.

*Ant.* Consolántem me quæ-sívi, et non invéni: dedérunt in escam meam fel, et in siti mea potavérunt me acéto.

*Ant.* Cum accépisset Jesus \* acétum, dixit: Consum-

mátum est; et, inclináto cá-pite, emísit spiritum.

## CAPITULUM. *Philip. 2.*

**F**RATRES, hoc enim sentíte in vobis quod et in Christo Jesu, qui, cum in forma Dei esset, non rapínam arbitrátus est esse se æquálem Deo; sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis.

## HYMNUS.

**S**ÆVO dolórum túrbine Jactátur, atris óbrutus Pœnis, acérba sústinens Redemptor affixus cruci.

Pedes manúsque horribili Clavi cruéntant vúlnere: Cor, vultus, artus, péctora Sacro redúndant ságuine.

Flet, orat, et clamans obit: Cor Matris ictum cóncidit: Heu Mater! Heu Fili! dolor Ingráta frangat péctora.

Montes, sepúlchra sáxaque Scindúntur: arva, flúmina, Rupes et æquor cóntremunt, Templíque vélum scínditur.

Sol, luna, cœlum, sídera Plangunt, et orbis íngemit: O vos, viri, vos, párvuli, Nuptæ, puéllæ, plángite.

Adstáte mœréntes cruci: Pedes beátos úngite: Laváte fletu: térgite Comis, et ore lámbite,

Tu, charitátis víctima,  
Ut nostra tollas crímina,  
Nobis salúbri pérficis  
Adoptiónem sáanguine.

Nostra ergo pax et gáudium  
Sis, vita, Jesu, et præmium :  
Sis ductor et lux in via,  
Merces, coróna in Pátria.

Amen.

ŷ. Ipse vulnerátus est pro-  
pter iniquitátes nostras. R. Et  
attrítus est propter scélera  
nostra.

*Ad Bened. Ant.* Ad Je-  
sum autem cum venissent,  
ut vidérunt eum jam mór-  
tuum, non fregérunt ejus  
crura; sed unus militum lán-  
cea latus ejus apérui, et con-  
tínuo exívit sanguis et aqua.

#### ORATIO.

**O**MNIPOTENS, sempitérne  
Deus, qui humano gé-  
neri, ad imitándum humili-  
tátis exémpulum, Salvatórem  
nostrum carnem súmer, et  
crucem subíre fecisti : con-  
céde propítius; ut sicut so-  
lémnem Commemoriatióne  
Passiónis ejus celebrámus, ita  
et paciéntiæ ipsíus habére do-  
cumentá, et resurrectiós  
consórtia mereámur. Per  
eúmdem Dóminum.

*Et fit Comm. Feriæ.*

*Ad Primam, in R. br. ŷ.* Qui  
pro nobis pati dignátus es.

#### AD TERTIAM.

R. br. Oblátus est \* Quia  
ipse voluit. Oblátus. ŷ. Et li-  
vóre ejus sanáti sumus. \* Quia

ipse. Glória Patri. Oblátus.  
ŷ. Próprio Fílio suo non  
pepércit Deus. R. Sed pro no-  
bis ómnibus trádedit illum.

#### AD SEXTAM.

CAPITULUM. *Zach.* 13. 6.

**Q**UID sunt plagæ istæ in mé-  
dio mánuum tuárum? Et  
dicet : His plagátus sum in  
domo eórum qui diligébant  
me.

R. br. Próprio Fílio suo  
\* Non pepércit Deus. Próprio.  
ŷ. Sed pro nobis ómnibus  
trádedit illum. Non. \* Glória  
Patri. Próprio.

ŷ. Factus est obédiens usque  
ad mortem. R. Mortem autem  
crucis.

#### AD NONAM.

CAPITULUM. *Isaie* 53.

**G**ENERATIONEM ejus quis  
enarrábit? Quia abscíssus  
est de terra vivéntium : pro-  
pter scelus pópuli mei per-  
cússi eum.

R. br. Factus est obédiens  
\* Usque ad mortem. Factus  
est. ŷ. Mortem autem crucis.  
\* Usque. Glória Patri. Factus.

ŷ. Ipse vulnerátus est pro-  
pter iniquitátes nostras. R. Et  
attrítus est propter scélera  
nostra.

#### IN II VESPERIS.

*Omnia ut in primis, præter :*

ŷ. Ipse vulnerátus est pro-  
pter iniquitátes nostras. R. Et  
attrítus est propter scélera  
nostra.



*Ad Magnif. Ant.* Depónens Joseph corpus Jesu, involvit síndone, et pósuit eum in monuménto exciso. Fuit planctus magnus in illa die : mulieres autem sedéntes contra sepúlchrum dolébant, sicut doléri solet in morte primogéniti.  
*Et fit Comm. Ferie.*

FERIA VI POST DOM. II QUADRAG.

SS. LANCEÆ ET CLAVORUM D. N. J. C.

*Duplex majus.**In Suppl. Brev. (Feria sexta post Dom. I Quadrag.)**p. 348<sup>+</sup>***FESTA MARTII.**

DIE XVIII.

SANCTI GABRIELIS, ARCHANGELI.

*Duplex majus.**In Suppl. Brev. p. 348<sup>+</sup>**Pro Comm. S. Alexandri, Episc. et Mart. Oratio Infirmitatem.**p. 27<sup>+</sup>*

FERIA VI POST DOM. III QUADRAGESIMÆ.

SS. SINDONIS D. N. J. C.

*Duplex majus. p. 321<sup>+</sup>**In Suppl. Brev. (Feria sexta post Dom. II Quadrag.)*

FERIA VI POST DOM. IV QUADRAG.

SS. QUINQUE VULNERUM D. N. J. C.

*Duplex majus. p. 328<sup>+</sup>**In Suppl. Brev. (Feria sexta post Dom. III Quadrag.)***FESTA APRILIS.**

DIE XVIII.

SANCTI ROBERTI,

ABBATIS.

*Duplex.**Oratio Intercéssio. p. 88<sup>+</sup>*  
*Lect. I Noct. de Script. occ.*

IN II NOCTURNO.

LECTIO IV.

**R**OBERTUS, ex illústri sancti Geráldi, cómitis Aureliacénsis, prosápia ortus, adhuc infántulus, non dúbia futúráe sanctitátis dedit indí-

cia. Briváte, primis fidei et scientiarum rudimentis imbutus, dignum se præbuit qui sacræ militiæ adscriberetur. Mox inter Canónicos cooptatus et sacerdotáli charactere insignitus, singulári erga páuperes et ægros misericórdia motus, iis opem pia sollicitúdine præbébat, propriis mánibus plagas curans et abstergens úlcera.

## LECTIO V.

**V**ERUM solitudinis desidério flagrans, aliquándiu in cœnobio Cluniacénsi commoratus, ad limina apostolorum se contulit: Unde revêrsus, post visitatam in civitaté Aniciénsi beátæ Mariæ célebrem ecclésiám, cum duóbus militibus quos ad Christum adduxerat, in erémum secéssit. Ibi, labóre assíduo victum quæréntes, vicinæ regiónis paupéribus in adiutorium veniebant.

## LECTIO VI.

**B**REVI, sibi facta piórum virorum familia, monastérium, quod *Casa Dei* dictum est, Robértus edificávit; et ipse, quamvis relúctans, primus abbas institútus, collecto gregi, per annos quíndecim, sanctíssimè præfuit. Die óbitus sibi reveláta, fratres, qui jam trecénti numerabántur, convocávit: quos de váriis ad pietatém documéntis allocútus, ad ætérnam felicitatém

evolávit, anno salutis millésimo sexagésimo séptimo.

*In III Noct. Homilia Grandis fidúcia, de Comm. Apost., primo loco. p. 12\**

## DIE XXX.

PRO COMMÉMORATIONE

SANCTI EUTROPII,

EPISCOPI ET MARTYRIS.

*Oratio Infirmítatem. p. 27\**

## LECTIO IX.

**E**UTROPIUS, Episcopus, a sancto Cleménte Papa in Gállias ad prædicándam fidem missus, post adimplétum rite munus, apud Santónas, illiso ab incrédulis capite, martyr occúbuit, et ob instántem persecutiónem loco minus digno sepúltus est. Cumque, témporum lapsu, nulla, nisi nóminis ejus et sanctitátis, superésset memória, a fídelibus ut sanctus, non ut martyr habebátur; donec eum pro Christo sánguinem fudisse sic fuit revelátum. Paladíus, Santónum Episcopus, qui Concílio Parisiénsi quarto et Matisconénsi secúndo interfuit, in ejus honórem, circa annum Dómini sexcentésimum, basilícam extrúxit; ad quam convocátis abbátibus, dum e túmulo sacras Eutrópii reliquias honoríficentius collocandas transféret, duo ex illis abbátibus, amóto opertório, conspexerunt ictu sécuris illisum caput. Quibus étiam, nocte se-



quénti, idem Sanctus appáruit, dicens : Scitóte me per eam cicatricem quam vidístis in cápite, mártýrium consummásse.

DOMINICA IV POST PASCHA.

INVENTIONIS ET TRANSLAT.  
RELIQUIARUM S. PRIVATI,

EPISCOPI ET MARTYRIS.

*Duplex majus.*

*Omnia de Com. unius Mart.,  
Temp. Pasch., præter seq. p. 42\**

IN I. VESPERIS.

*Capit. ut infra ad Laudes.*

HYMNUS.

**Q**UANTIS nostra fides empta  
labóribus,

Quam tot purpúrei ságuine  
Mártýres

Signátam cáleant ut sacra  
péctora,

Transmisére nepóti-  
bus.

Hac spirámus adhuc, vívi-  
mus hac fide;

Hinc spes certa venit, násci-  
tur hinc salus.

Si non degéneres nos séqui-  
mur Patrem,

Natis laus erit ut Patri.

Ex hoc fonte sacro plénius  
háusimus :

Christi relligio, móribus ín-  
tegra,

Ad nos usque venit : digna  
Deo fluit

His doctrína canálibus.

Quid non cogit amor? Gen-  
tis Apóstolus

Cœlum suspiciens, fúnera  
déspicit;

Palman, dum mórítur, con-

séquitur sibi,

Nos firmat, docet et  
mori.

Adsis, Pastor; oves ságuine  
quas tuo

Fecísti próprias, pasce bonus,  
rege;

Et nos, namque tui te sé-  
quimur ducem,

Duc in pínguia pásqua.

Patri máxima laus, máxi-  
ma Filio,

Amborúmque sacro máxima  
Flámini,

Qui dat mártýribus mille ne-  
ces pati

Et per fúnera víncere.  
Amen.

*Ad Magnif. Ant.* Ossa ejus  
pullulavérunt de loco suo :  
mórtuum prophetávit corpus  
ejus ; et mirabília operátus  
est Sanctus Dei. Alleluía.

ORATIO.

**D**EUS, qui nos sancti Priváti,  
Mártýris tui atque Pontí-  
ficis, prótegis præsidio ; éxcita  
in nobis quam adhuc spirant  
sacri ejus cínerez pietátem,  
ipsiúsque précibus ab omni  
nos adversitáte custódi. Per  
Dóminum.

*Commem. Dominicæ occurr.*

AD MATUTINUM.

*Invit.* Deum laudémus qui  
facit mirabília. \* Alleluía.

*In I Noct. Lect.* A Miléto,  
de *Comm.*, primo loco. *p. 29\**

IN II NOCTURNO.

LECTIO IV.

**D**IVINA intérdum contíngit  
Providéntia suis in se-

púlchris, quasi in terra obli-  
viónis, córpora sanctórum  
ad tempus jacére, ut, cum  
inde educúntur et quodám-  
modo revivíscent, magnificétur  
Dóminus, qui mirábilis  
est in sanctis suórum reli-  
quiis. Beáti Priváti reliquiæ,  
cum diu quievísset in se-  
púlchro, cui primum eas  
commiserat avórum píetas,  
in cryptam sanctæ Theclæ,  
tunc apud Gábalos celebérri-  
mam, translátæ fúerant. Sed,  
cum lapsu et injúria témpo-  
rum hæc ecclésiá corruís-  
set, crypta quoque óbruta  
est, et paulátim sive ob Chri-  
stianórum incúriam, sive ob  
mala úndique sæviéntia, de-  
ficiéntibus chartis, thesáuri  
quem condébat obsolévít  
memória.

## LECTIO V.

**J**AM a plúribus sæculis do-  
lébant Gábali, quod nullæ  
sacrum pignus indicántes ex-  
tárent tábulæ. Tandem, anno  
millésimo centésimo septua-  
gésimo, voti compos facta est  
plebs fidélis. Ab Urbe absens  
erat Aldebértus, Mimaténsis  
Epíscopus, sanctórum præ-  
sulum imitátor, cum, for-  
túito, hómines quidam, ip-  
sum cryptæ locum fodiéntes,  
beáti Priváti corpus agnós-  
cere credunt. Aldebérto nun-  
tiátur : prudens et pius Pón-  
tifex primo opus interrúmpi  
jubet, ut suis óculis rem di-  
júdicet. Mox Mimatúm redit  
et, ómnibus perpénsis, de

sancti Mártiris reliquiis certo  
repértis Deo agit grátias, ín-  
dicít preces et jejúnium, con-  
vocátque omnem clerum et  
cunctos fidéles in diem pró-  
ximum Exaltatiónis sanctæ  
Crucis.

## LECTIO VI.

**D**IE autem præfixo, cónfluit  
omnis ætas et utérque  
sexus. Non in ecclésiá, non  
in urbe continéntur; quiní-  
mo per valles vicínas quidam  
sub dio, quidam in taberná-  
culis accénsis céreis, vigi-  
lándo et orándo, pias coram  
beáti Mártiris imágine obsér-  
vant excúbias. Facto mane,  
Aldebértus, cum clero et pó-  
pulo civitátis, ad præfátam  
cryptam procédens, sublevá-  
tas inde sacrosántas beáti  
Priváti reliquias, inter ulnas  
suas, in majórem Ecclésiám  
tránstulit; habitóque sermó-  
ne ad pópulum, osténdit eis  
caput beáti Mártiris et deos-  
culándum porréxit. Sequénti  
vero die, sanctum corpus re-  
pósuit in crypta, in qua  
prius habúerat sepultúram,  
caput ejus solúmmodo resér-  
vans, quátenus in die solem-  
nitátis ejus posset fidéli pó-  
pulo ad vidéndum et deos-  
culándum exhibéri.

## IN III NOCTURNO.

Léctio sancti Evangélíi secún-  
dum Lucam.

## LECTIO VII. Cap. 10.

**I**N illo témpore : Dixit Jesus  
discípulis suis : Qui vos



audit, me audit, et qui vos spernit, me spernit. Et reliqua.

Homília sancti Máximi,  
Epíscopi.

*De SS. Oct., Adv. et Sol.*

**C**UM ómnium sanctórum Mártýrum devotíssime natálem celebráre debeámus, tum præcípuè eórum solémnitas tota nobis veneratióne curánda est, qui in nostris domicíliis próprium ságuinem profudérunt. Nam, licet univérsti sancti ómnibus prosint, speciáliter tamen illi pro nobis intervéniant, qui et supplícia pertulére pro nobis. ¶ Martyr enim, cum pátitur, non sibi tantum pátitur, sed et civibus. Sibi enim pátitur ad præmium, civibus ad exéplum. Sibi pátitur ad réquiem, civibus ad salútem. Exémplo eórum didícimus Christo crédere, didícimus contuméliis vitam ætérnam quærere, mórtem didícimus non timére.

#### LECTIO VIII.

**I**DEO Dóminus per totum mundum, diversis in locis, pati mártýres vóluit, ut tamquam idónei testes nos præsentí quodam fidei exémplo suæ confessiόνis urgérent: ut humána fragilitas, quæ domínicæ prædicatióni audítu longióre vix credit, vel præsentí oculórum testimonió, martyrio créderet.

¶ Cuncti igitur mártýres devotíssime recoléndi sunt; sed speciáliter ii venerándi sunt a nobis, quorum reliquias possidémus. Illi enim nos oratióibus ádjuvant, isti étiam ádjuvant passióne. Cum his enim nobis familiáritas est; semper enim nobiscum sunt, nobiscum morántur, hoc est, et in corpore nos vivéntes custódiunt; et de corpore recedéntes excípiunt; hic, ne peccatórum nos labes ássumat; ibi, ne inférni horror invádat.

*Lectio IX de Dom. IV post Pascha.* p. 340

#### AD LAUDES.

CAPITULUM. *Eccli.* 39.

**N**ON recédet memória ejus, et nomen ejus requirétur a generatióne in generatióne: sapiéntiam ejus enarrábunt gentes et laudem ejus enuntiábit Ecclésia.

#### HYMNUS.

**S**ACRATOS rábies quos modo tórserat,  
Gemas qui súperent, sédula cólligit

Hos artus píetas, servat et últimis

Munus nóbile sæculis.

Hoc nos ergo caput, nos venerábile

Os illud méritis figimus ósculis,

Nobis unde fides, unde fidélibus

Fluxit grátia córdibus.

Sacro spirat adhuc vértice

sánctitas;  
 Hæc nos grandiloquo lingua  
 siléntio,  
 Quamvis muta, docet. Vox  
 ubi déficit,  
 Sanguis próvidus ín-  
 sonat.

Hic nos assidue præco lo-  
 quens monet,  
 Quam sudóre sibi, quam sibi  
 sánguine  
 Palmam quæsierit; cœlica  
 pëctora  
 Ne torpor gravis óc-  
 cupet.

Ferro posse mori si modo  
 non datur,  
 Castis posse datur vívere mó-  
 ribus.  
 Audax hostis adest; sed sú-  
 peris venit  
 Victrix grátia sédibus.

Patri máxima laus, máxi-  
 ma Fílio;  
 Amborúmque sacro máxima  
 Flámini,  
 Qui dat martyribus mille ne-  
 ces pati  
 Et per fúnera víncere.  
 Amen.

*Ad Bened. Ant.* Corpus ejus  
 in pace sepúltum est, et vi-  
 vet nomen ejus in ætérnum.  
 Allelúia.

*Oratio ut supra.*

*Commem. Dominicæ.*

## IN II VESPERIS.

*Hymn. ut supra ad Laudes.*  
*Ad Magnif. Ant.* Dicit Dó-  
 minus óssibus his : Ecce ego  
 intromittam in vos spíritum,  
 et vivétis. Allelúia.

*Comm. Dominicæ.* p. 541

## FESTA MAIL.

### DIE I.

PRO COMMEMORATIONE  
 SANCTI ANDEOLI,  
 MARTYRIS.

*Oratio* Præsta, ut... inter-  
 eedénte. p. 26\*

LECTIO IX.

**A**NDEOLUS, subdiáconus, a  
 sancto Polycárpo ab Orién-  
 te missus est in Gálliam ad  
 verbum Dei prædicándum.  
 Jam per loca inferióri Rho-  
 dáno vicína evangélíi lúmine  
 diffúso, proscrípto passim  
 dæmonum cultu, multisque  
 ad Christi disciplinam addú-  
 ctis, apud Hélvios semen fidei  
 spárgere cœperat, cum impe-  
 rátor Sevérus spinósis fústi-

bus crudelíssime flagellátum  
 in cárcerem trudi præcépit;  
 et, ália die, cum ejus con-  
 stántiam víncere non posset,  
 jussit ad similitúdinem gládii  
 ensem de ligno duríssimo  
 fieri et in crucis modum caput  
 ejus dissecári: sicque invíctus  
 Christi miles, effúso in ter-  
 ram cérebro, gloriósa morte  
 occúbuit, immortális triúm-  
 phi láuream consecútus.

### DIE XI.

SANCTI MAMERTI,  
 EPISCOPI ET CONFESSORIS.

*Semiduplex.* p. 67\*

ORATIO.

**C**LAMANTES ad te, Dómine,  
 dignánter exáudi: et si-



cut ad preces beáti Mamér-  
ti, Confessóris tui atque Pontí-  
ficis, pópulo in afflictiónē pó-  
sito peperceisti, ita et nobis,  
ejus intercessiónē, in omni  
tribulatióne succurras. Per  
Dóminum.

*Lect. I Noct. de Script. occ.*

## IN II NOCTURNO.

### LECTIO IV.

**M**AMERTUS, Hilárii Papæ  
tempóribus, circa annum  
quadríngentésimum sexagé-  
simum secúndum, Viennén-  
sis Epíscopus, ipsa Resurre-  
ctiónis Domínicæ vigília, de-  
flagránte regális palátii arce,  
cum cives, facultátibus suis  
domibúsque metuéntes, ex  
Ecclésia discessissent, ipse  
solus in ea remánsit, et lá-  
crymis et oratióibus incén-  
dium restínguere méruit.  
Sed jam ántea, fere per anni  
spátium, frequéntes terræ  
motus, plures ejúsdem civi-  
tátis domos et basilícas con-  
cússerant. Insóliti quoque  
sónitus noctúrni, et lupi et  
ursi per urbem oberrántes  
exitiale quiddam ac ferále  
minitabántur.

### LECTIO V.

**Q**UÆ flagélla ut avérteret,  
eádem nocte, civibus,  
post extíctum incéndium,  
ad ecclésiám revérsis, Ma-  
mértus ánimo concépit insti-  
túere Litánias usitátis san-  
ctiões. Has póstea indíxit  
tríduo ante Ascensiónem ce-

MIMAT. Verna.

lebrándas in jejúniis, com-  
punctiõe cordis et eleemó-  
synis; ad quas univérsis fi-  
délibus pie concurréntibus,  
coórta cessávit calámitas. Eas  
supplicatiões brevi per to-  
tam Gálliam observári mos  
inváluit, et Roma ipsa, Leónis  
Tértii auctoritáte ampléxa est,  
et sic, per legem a Summo  
Pontífice prolátam, in tota  
Ecclésia religiõe fieri con-  
suevérunt.

### LECTIO VI.

**E**RAT Mamértus plenus spí-  
ritu sancto et fide: ita-  
que, férvidæ pietátis sancti-  
táte ac divínæ doctrínæ rá-  
diis, non modo sibi commís-  
sam decorávit Ecclésiám, sed  
Gálliam quoque univérsam  
illuminávit; imo miraculó-  
rum fama et singulárisapién-  
tia totum per orbem cláruit.  
Nec immérito ut sui ævi Epi-  
scopórum pater et exémp-  
lar hábitus est. Cum in omni  
virtútum et labórum génere  
egrégii pontificátus cursum  
explevisset, ad cœlos commí-  
grans, ætérnæ beatitúdinis  
corónam assecútus est.

*In III Noct. Homilia Ut  
ignorántiam, de Comm., se-  
cundo loco. p. 81<sup>r</sup>*

## DIE XVI.

S. JOANNIS NEPOMUCENI,

MARTYRIS.

*Duplex.*

*In Suppl. Brev. p. 387<sup>r</sup>*

## DIE XX.

PRO COMMEMORATIONE

SANCTI BAUDELII,

MARTYRIS.

*Oratio* Præsta ut... qui natalitia. *p. 26<sup>+</sup>*

LECTIO IX.

**B**AUDELIIUS Aurelianénsi civitate créditur oriúndus. Is, quasi divíno spírítu afflatus, martyrii desidério flagrabat. Audiens itaque longe latéque grassári persecutorum rábiem, Nemáusum ádiit, floréntem Gálliae Narbonénsis urbem; cumque deórum falsórum cultóres idólis immolántes intrépidus redargúeret, diris suppliciis afficitur, fústibus cæditur, in

equúleo suspénsus diutíssime torquétur. Quibus ómnibus pro Christo fórtiter tolerátis, secúri percússus, mártýrii corónam adéptus est. Cujus e córpore sanguis émanans lacti similis multos ægros pristinae valeitudini restítuit.

## DIE XXI.

SANCTI UBALDI,

EPISCOPI ET CONFESSORIS.

*Semiduplex.*

(*Fixa ex 16 hujus.*) *p. 382*  
*In Propr. Sanct.*

## DIE XXIV.

BEATÆ MARIE VIRGINIS

SUB TITULO

AUXILIUM CHRISTIANORUM.

*Duplex majus.*

*In Suppl. Brev.* *p. 399*

## FESTA JUNII.

## DIE I.

SANCTI CLARI,

EPISCOPI ALBIENSIS ET MART.

*Semiduplex.**Oratio* Infirmitátem. *p. 26<sup>+</sup>*

*Pro Commem. S. Flori,*  
*Episc. et Conf. p. 67<sup>+</sup>*

*Oratio* Exáudi, quæsumus.*Lect. I Noct. de Script. occ.*

## IN II NOCTURNO.

LECTIO IV.

**C**LARUS, in Africa natus, vir apostólici spírítus, Romam venit, ubi a summo Pontífice consecrátus Epíscopus, in Gálliam missus est, ut evangélica prædicatióne

gentes quæ non sectabántur justítiam Christiánæ fidei lucrifáceret. Dum susceptum opus diligénter et strénue præstáret, vários pópulos et plúrimas civitátes in Narbonénsi provincia ab idolórum cultu avértit et ad lumen veritátis addúxit. Tum ad Albiénsensem urbem perréxit, ibique per tres annos commorátus, crebris miráculis et sanctis sermónibus totam in circúitu regiónem per Baptísmi grátiam innovávit.

LECTIO V.

**I**NDE in Aquitániam profectus, Petrocorénsensem ur-



bem ingressus est jam doctrina Christi eruditam, sed susceptæ salutis pene oblitam, eamque ut ad viam veritatis reduceret, plurimum allaboravit. Sæviēbat ibi gravissima pestis, quam divinæ virtutis beneficio a corpóribus depellens, ánimas étiam exitiális superstitionis lue infectas, supérno juvante auxilio, curavit. Exinde, divinæ glóriæ zelo succensus, falsórum núminum delúbra evértit, lucos excidit, contrivit simulacra, ritúsque abolévit profanos et impios; nec modo urbem, sed passim vicína loca, tum prædicatione, tum miraculis et odóre virtútum ad verum sanctæ religiõnis cultum suáriter attráxit.

## LECTIO VI.

**I**NDE ad Lectorénses progréssus, dum eódem apostólicæ virtutis zelo in idolórum cultum fervens invéhitur, a satellítibus Sátanæ intercēptus, v́nculis constrictus ad Jovis simulácrum rápitur. Cum ibi ad nefánda dæmonum sacrificia urgerétur éaque respúeret, soli Deo immortáli supréum cultum debéri prædicans, váriis excruciatús torméntis, demum cápite truncátus, martyrium consummávit, et, ságuine effúso, Christianórum semen copiósum terræ commísit. Itaque inter pópulos quos Christo genuit, memória ejus in benedictiõne permánsit.

*In III Noct., Homilia Si considerémus, de Comm., primo loco. ps. 38 +*

*Pro S. Floro.*

## LECTIO IX.

**S**ANCTUS Florus, verbi divini præco indefessus, in Gália Narbonénsi multórum in Christo filiórum pater, ut primus Lodovénsis habétur Episcopus. Unus fuisse videtur ex illis natiónum Episcopis, qui, nulli adhærētes civitati, fidei semen per gentes sparsérunt, afflánte Dei spíritu. Hoc zelo succensus, Cebénnicos montes ádiit, Gábalis evangélium annúntians, et ad Arvégnos pervénit. Ibi, expléto cursu apostólico, plenus méritis, obdormívit in Dómino. Ad cujus túmulum prope montem Indiciá-cum, primo constructum est monastérium, et póstea ædificáta civitas, nunc episcopális, ejus nómine insigníta.

## DIE III.

## SANCTÆ CLOTILDIS,

REGINÆ, VIDUÆ.

*Duplex.*

*Omnia de Com., præter seq. ps. 128 +*

## IN I VESPERIS.

*Ad Magnif. Ant.* Sanctificátus est vir infidélis per mulierem fidélem.

## ORATIO.

**R**ESPICE, quæsumus, Dómine, ad Francórum benígnus impérium; et quibus,

per devótam sanctæ Clotildis instántiam , donum fídei contulisti, iisdem, per ejus intercessiónem, tribue sincerum Christiánæ pietátis af-féctum. Per Dóminum.

*Lect. I Noct. de Script. occ.*

## IN II NOCTURNO.

### LECTIO IV.

**C**LOTILDIS, Chilpérici regis fília, paréntibus a pátruo, Burgundiónum rege, necá-tis, ab eódem Francórum regi Clodovéo adhuc éthnico in cónjugem trádita est. Quæ, cum primogénitum peperís-set, eum, toleránte magis quam approbánte Clodovéo, baptizári jussit. Cum infán-tis, cui nomen impósitum fúerat Ingoméres, in albis de-fúnci mortem ægre ferret Clodovéus ac baptísimo impu-táret, gráviter Clotíldem ob-jurgávit, ásserens Deos pá-trios, in contéptum sui nú-minis irátos, sibi illum eri-puisse. At illa : Deo, inquit, omnipoténti , Creatóri óm-nium, grátias ago, qui me non judicávit indignam, ut de útero meo génitum regno suo dignarétur adscíre.

### LECTIO V.

**A**LTERUM filium Regína cum peperísset, baptizári quo-que vóluit et appellátus est Clodómeres. Qui cum ægro-táre cœpísset, furénte rege et affirmánte hunc párter

brevi e vivis excessúrum , matris précibus, Deo jubén-te, conváluit. At Regína vi-rum hortári non cessábat, ut abjécta idololátria, Deum ve-rum cóleret. Sed ille super-stitióni Francórum adhæsit, donec in bello Alamánnico inclinátam cernens suórum áciem, monitórum cónjugis memor, suspéxit in cœlum et exclamávit : Summe Deus, quem Clotíldis adórat, si, auxiliánte dextera tua, de hóstibus triumpháre váleam, tibi soli honórem númini om-nipoténti débitum , spretis ómnibus, firma fide tribuam. Vix ea díxerat, cum Franci , accénsis ánimis, in pugnam præcípiter, leónum more , rédeunt; et, prostráta Ala-mannórum ácie, plenam re-pórtant victóriam.

### LECTIO VI.

**R**EDEUNTI Clodovéo apud Re-mos læta uxor occúrrens, ubi órđinem rei gestæ co-gnóvit , advocávit sanctum Remígium, a quo Clodovéus, fidem edóctus, baptizátus est et sacro chrísmate inúctus. Post mortem Clodovéi, tu-multuántes mundánæ con-versatiónis fluctus fúgiens, abdicáta regális magnificén-tiæ vanitáte, Turónos ádiit Clotíldis , ibíque ad sepúl-chrum sancti Martíni, summa pietáte réliquum vitæ exégit, pernox in vigiliis et oratió-nibus, eleemósynis aliisque



justitiæ opéribus inténta, munífica erga ecclésiās et monastéria. Tandem plena diérum Turónis migrávit ad Dóminum, et Parísios inter psalléntium choros transláta, præsentibus filiis Childebérto et Clotário, ad latus Clodovéi sepúlta est, in sacrário sancti Petri, ubi corpus sanctæ Genovéfæ quiescit.

*In III Noct. Homilia Cælorum regnum, de Comm., primo loco. p. 128<sup>+</sup>*

*Ad Bened. Ant.* Cum invocásset ómnium rectórem et salvatórem Deum, convértit Deus spíritum regis.

*In II Vesp. a Cap. de seq., in Propr. Sanct.*

*Pro Comm. præced.*

*Ant.* Tu honorificéntia pó-puli nostri; quia fecisti virí-liter, et confortátum est cor tuum.

## DIE VIII.

### SANCTI MEDARDI,

EPISCOPI ET CONFESSORIS.

*Semiduplex. p. 67<sup>+</sup>*

*Oratio Exáudi.*

*Lect. I Noct. de Script. occ.*

## IN II NOCTURNO.

### LECTIO IV.

**M**EDARDUS, patre Nectárdo, viro illústri, in Saléncio óppido, non procul a Noviodúno natus, singulári vitæ innocéntia et férvida pietáte

a primis annis enstuit: abstinentia se ipsum domans, multa sibi ex aliméntis súbtrahens, paupéribus erogábat, ipsaque vestiménta egénis aliquándo largiebátur. Itaque a piis paréntibus Viro-mandénsi Episcopo in disciplinam tráditus, crescéntibus cum ætáte virtútibus, altárium ministério se devóvit; ac presbyter consecrátus, morum sanctimónia, doctrinæ cœléstis grátia et puritáte ac signórum glória excélluit.

### LECTIO V.

**Q**UAPROPTER, Episcopo Viro-mandénsi defúncto, ómnium votis expetítus, in ejus locum, licet rénitens, sufféctus est. Nec de asperióris vitæ disciplina, nec de assíduis férvidæ pietátis exercítiis quidquam remisit, licet múltiplici pastorális sollicitúdinis ónere implicátus. Videns autem civitátem a bárbaris evérsam, cáthedram pontificálem Noviodúnum tráns-tulit. Póstea, defúncto Tornacénsi Antístite, agénte sancto Remígio ac comprovincialibus Episcopis, compúlsus est viduátæ illius Ecclésiæ curam suscipere. Quo in múnere Flandros tunc idololátriæ ténebris máxima ex parte adhuc immérsos, non sine labóre, arúmnnis et periculis, docéndo, instándo, orándo, ad Christi fidem per-dúxit.

## LECTIO VI.

**H**os inter labóres pro Christo susceptos ad senectutem usque permansit, evangélicæ veritatis indefessus propagator. Tandem, jejuniis et vigiliis exhaustus, in morbum incidit. Quæ, dum valeret, præclara præbuerat patientiæ, charitatis omniumque virtutum exempla, præclarius exhibuit, ingravescente corporis dolore; corde nempe puro in cælis conversans et pro suo grege usque ad mortem sollicitus. Plenus ergo meritis, ipsa in oratione, spiritum Deo reddidit. Defuncti corpus Clotarius rex Suessionem transvexit, ac propriis humeris sublatum monumento condidit honorifico, atque ibidem celebre sub ejus nomine cœnobium extruxit.

*In III Noct. Homilia Ut ignorantiam, de Comm., secundo loco. p. 89<sup>+</sup>*

## DIE XVI.

**S. JOANNIS FRANCISCI REGIS,**  
CONFESSORIS.

*Duplex.*

*In Suppl. Brev. p. 492*

## DIE XVII.

**SANCTI ILPIDII,**

MARTYRIS.

*Semiduplex.*

*Oratio Præsta, ut... intercedente. p. 26<sup>+</sup>*

*Lect. I Noct. de Script. occ.*

## IN II NOCTURNO.

## LECTIO IV.

**I**LPIDIUS, Christi fidem amplectus, se usque in finem servum fidèlem probavit. Tunc temporis in Christianos sæviabant Valerianus et Gallienus. Ipse condendis sanctorum martyrum corporibus operam dabat. Sic per multos perégit annos, piis operibus totus incumbens. Senex vero factus et mortem sibi imminere sentiens, etsi pristinum adolescentiæ robur divinitus ipsi redditum videretur, sua omnia pauperibus erogavit, et in specum juxta Elaveris ripam, in vigiliis, jejuniis et precibus, Dominum suum expectaturus, se recepit.

## LECTIO V.

**I**BI vitam in Deo absconditam agendi summo desiderio flagrans, non quæ super terram, sed quæ sursum sunt sapiēbat et cum corde suomeditabatur. At, cum, inter alia Dei dona, gratiam haberet curationum, undique e vicinis regionibus ad eum confluēbant qui vario morborum et infirmitatum genere vexabāntur. Nec frustra; nam, ipso Christum invocante, recedēbant ab eis languores. Ille vero divini muneris gratia utebatur, tam ad lucificiēdas Evangélio animas, quam ad sanāda cor-



pora, ejúsque consíliis augebátur in dies númerus Christo credéntium. Quod ut compértum habúere tyránni, biénno post recéssum ejus, e specuedúctum et per ómnia supplícia frustra tentátum, ut Christum negáret, morti tandem addixerunt.

## LECTIO VI.

*Serm. S. Petri Chrysologi, 129.*

**Q**UONIAM hódie in natáli sancti Mártyris convenímus, in quo miro certámine de diábolo triumphávit, et quia nobis virtútum suárum gloriósum reliquit exém-

plum, ideo exultáre nos cónvenit et lætári. Natálem ergo sanctórum cum audímus, charíssimi, nolíte putáre illum dici, in quo nascúntur in terram de carne, sed de terra in cœlum, de labóre ad réquiem, de tentatióibus ad quiétém, de cruciátibus ad delicias, non fluxas sed fortes et stábiles et ætérnas, de mundánis rísibus ad córonam, ad glóriam. Tales natáles digne mártýrum celebrántur.

*In III Noct. Homilia Quia Dóminus ac Redémptor, de Comm., secundo loco. p. 39<sup>+</sup>*

## OFFICIA PER ANNUM

## DE APOSTOLICA BENIGNITATE INDULTA.

*Extra Feras Adventus, Quadragesimæ, Quatuor Temporum, Vigiliarum, sive cum jejunió, sive absque jejunió, Feriamque illam in qua, secundum Rubricas, reponendum est Officiúm Dominicæ:*

*Qualibet Feria quinta intra annum non præpedita Officio novem Lectionum, etiam translato, Officiúm votivum SS. Sacramenti, semiduplex; p. 288<sup>+</sup>*

*Qualibet autem Sabbato, sub iisdem limitationibus et ritu, Officiúm votivum Immaculatæ Conceptionis beatæ Mariæ Virginis, in Suppl. Brev. p. 288<sup>+</sup>*

# KALENDARARIUM.

## FEBRUARIUS.

4 B. Joannæ Valesiæ, Viduæ, <i>dupl.</i>	1
6 S. Titi, Episc. et Conf., <i>dupl.</i>	1
9 S. Polycarpi, Episc. et Mart., <i>dupl.</i>	3
11 S. Andreae Corsini, Episc. et Conf., <i>dupl.</i>	3
12 SS. Juliani, Mart., et Basilissæ, Virg., <i>semid.</i>	3
13 S. Marcelli, Papæ et Mart., <i>semid.</i>	4
14 S. Canuti, regis, Mart., <i>semid.</i>	5
15 S. Raymundi de Pegnafort, Conf., <i>semid.</i>	7
<i>Feria VI post Dom. I Quadrag., COMMEMORATIONIS PASSIO-</i>	
<i>NIS D. N. J. C., dupl. maj.</i>	9
<i>Feria VI post Dom. II Quadrag., SS. LANCEÆ ET CLAVORUM</i>	
<i>D. N. J. C., dupl. maj.</i>	17

## MARTIUS.

18 S. Gabrielis, Archangeli, <i>dupl. maj.</i>	17
<i>Comm. S. Alexandri, Episc. et Mart.</i>	17
<i>Feria VI post Dom. III Quadrag., SS. SINDONIS D. N. J. C.,</i>	
<i>dupl. maj.</i>	17
<i>Feria VI post Dom. IV Quadrag., SS. QUINQUE VULNERUM</i>	
<i>D. N. J. C., dupl. maj.</i>	17

## APRILIS.

18 S. Roberti, Abbatis, <i>dupl.</i>	17
30 <i>Comm. S. Eutropii, Episc. et Mart.</i>	18
<i>Dom. IV post Pascha, INVENTIONIS ET TRANSLATIONIS RELI-</i>	
<i>QUIARUM S. PRIVATI, EPISC. ET MART., dupl. maj.</i>	19

## MAIUS.

1 <i>Comm. S. Andeoli, Mart.</i>	22
11 S. Mamerti, Episc. et Conf., <i>semid.</i>	22
16 S. Joannis Nepomuceni, Mart., <i>dupl.</i>	23
20 <i>Comm. S. Baudelii, Mart.</i>	24
21 S. Ubaldi, Episc. et Conf., <i>semid.</i>	24
24 B. M. V. sub titulo AUXILIUM CHRISTIANORUM, <i>dupl. maj.</i>	24

## JUNIUS.

1 S. Clari, Episc. et Mart., <i>semid.</i>	24
<i>Comm. S. Flori, Episc. et Conf.</i>	25
3 S. Clotildis, reginæ, Viduæ, <i>dupl.</i>	25
8 S. Medardi, Episc. et Conf., <i>semid.</i>	27
16 S. Joannis Francisci Regis, Conf., <i>dupl.</i>	28
17 S. Ilpidii, Mart., <i>semid.</i>	28
























BRIGHAM YOUNG UNIVERSITY



3 1197 21061 5297



